

1562

50900



E P I T O M E
S E R M O N V M R E V E -
R E N D I D . I O A N . F E R I D O M I N I -
C A L I V M V T R I V S Q V E C V M H I E M A -
L I S T V M A E S T I V A L I S P A R T I S
C O N S C R I P T A , E T D I V E R S I S
T E M P O R I B V S A N N O
M . D . L V I .

I N C A T H E D R A L I V V O R M A T I E N S I
Ecclesia maxima ex parte pro concione habita:
per Ioannem à Via Doctorem Theol.
eiusdem Concionatorem Ca-
tholicum: Nunc pri-
mum in lucem
edita.

*Huic adiectæ sunt eruditissimæ eiusdem D. Ioannis Feri in Threnos
Hieremie Prophete Conciones, nostris temporibus, quibus miserrime
religio Christiana afficitur, accommodatissimæ: Nunquam
item antehac editæ.*

Omnia iudicio Ecclesiæ submissa sunt.

S. Manig



De Sala



L V G D V N I ,
A p u d h æ r e d e s I a c o b i I u n t æ .
M . D . L X I I .

Cum priuilegio ad decennium.

REVERENDIS AC
NOBILIBVS VIRIS D. GEORGIO
AC GVLIELMO FRATRIBVS GERMA-

nis, à Schonenburg, Ecclesiarum Unormat. Cath.

preposito ac Decano, atque Mogunt.

Metrop. Can. respectiue, &c.

dominis suis reueren-
ter colendis.



Um duo potissimum sint fines, in quos
concionatoris maxime respicit intentio:
alter vt colligat dispersos, alter vt colle-
ctos custodiat vsq; in aduentum filij Dei,
ego quoque ad Ecclesiæ munus vestra
authoritate legitime vocatus, omnes
meas cogitationes in eam maxime par-
tem primo præsertim officij mei anno
referebam, vt quacunque ratione possem eos, quos in Catho-
lica religione in hac vrbe inuenissem, in eadem ipsa fidè que
custodirem. Neque enim de iis sanè qui semetiplos iam tum
segregauerant propriamque damnationem portarent, ma-
gnam (dolor) resipiscentiæ spem habere potui. Quis enim ad
resipiscentiæ illic inclinaret animum, vbi, ne quid durius
dicam, malum est esse Catholicis. Cupio quidem post pœni-
tentie labores totos esse omnes in visceribus Iesu Christi, sed
quæ eius spes esse posset, in tanta tamq; voluntaria cæcitate
iustæ illius, æque Deo haud dubiè aliquando insigenda cæci-
tatis & nuncia & causa? Quare vt præmissis, quod solum po-
tui, admonitionibus aliquot, eos qui semetiplos segregau-
rant Pauli voce admonitus deuitare. inq; reprobam sensum
datos in perditis ac desperatis quodammodo lo habere coge-
bar: ita magis excitabar in vnitate custodire, quos sanguis
Christi ita collegit, vt Satan eos abinuicem segregare h: æte-
nus non potuerit. Cum autem huc veniens intelligeren pa-
roeciarum vestrarum in hac vrbe concionatores plerumq; ad
popul

populum vei sermonibus quondam Domini Ioānis Feri, nolui quicquam ab eo diuersum facere, ne quid meæ cōciones discreparent: sed vt seruaretur ynitas vt in mysteriis, ita & in sermonibus: maximè primo officij mei anno. Collegi itaque isto anno ex singulis concionibus Feri certas materias, tentauisque primum si in variarum, quamuis multa diuersitate, posset ex decem sæpè sermonibus vnum aliquod corpus conflare. Cecidit hæc res initio non admodum infelicitè, vt me suscepti pœnitere potuerit. Et videbam me aliis quoq; hoc studio non nihil commodaturum: Postea accessit eo Typographorum, qui id considerantes suam pollicebantur operam, petitiō, vt qui tantum operæ in eo impendissem, pergerem, & velut Epitomen sermonum Feri cōscriberem. Verum cum horum voluntati acquiescere, positūmq; studeo perficere, tandem incipio intelligere, quàm non liceat ingeniosum esse alieno in opere. Vt enim varias sæpè materias Ferus, accommodas tamen tractat, ita non vnum genus dicendi iis tractandis sequitur. Et nunc summam Euangelij paucis complectitur, nunc eam explanat, nunc etiam Euangelio Epistolam iungit, aliquando thesū ex Vet. Testamenti loco aliquo sumptam proponit, cui Euangelium applicat, sæpè etiam sermones integros in Ecclesię ritibus explicandis consumit. In quo certè sanctum pij viri studium meritò veneramur. Nihil ille quidem præmittere, omnia tentare, vt quoquo modo posset docendo, hortando, verum falsūmq; discernendo, populum Christianum Christianè erudiret, confirmaretq;. Hic quidem velut in amplissimo pulcherrimoque campo flores cerpere latissimos, admodum iucundum fuit: verum hos ipsos flores tam multiformiter variegatos pro cuiusq; dignitate ac maiestate in vnā veluti coronam suāq; loco singulos connectere, quàm fuerit difficile, rerum sacrarum periti intelligunt: Quantū verò præstiterim, apud alios esto iudicium. Mihi quidem ipsi satis nō potui facere: & fieri potest, vt alij alicubi summam desiderent diligentiam. Id quod non negligentia meæ, sed numerositate fuit materia. Fit enim plerunque, vt in optione rerum pretiosarum non vnus sit omnium delectus, pretium rei aliis atq; aliis ex aliis atque aliis circumstantiis metientibus. Ego id maximè operam dedi, vt quid vetus Ecclesia ordine Euangeliorum certo quid

Quid additis ritibus spectauerit, homines intelligerent: & si quæ occasio data fuit de præsentî rerum controuersia, quæ Catholica est, sententiam breuibus absolui, vt Paróchi, quibus ad populum sermo habendus est, vel sano intellectu eos tractarent controuersias, vel iis prætermisiss, satis multa haberent, quæ dicerent. Hoc igitur opus, siue illud Epitomen sermonum Feri, siue mearum concionum in hac vestra Cathedrali primitias vocare licet placet, cum sub prælo iam ac maxima ex parte absolutum esse intelligerem: sub vestro duorû nomine in lucem prodire volui. Idq; non eam ob causam solum, quod mihi initio vt huc accederê hortatores fuistis, meq; hospitio benignè suscepistis, ac cû aliis Reuerendis dominis meis huius Cathedralis, tempus ad hos aliósq; labores subeundos benignè concessistis (quo nomine me plurimû vobis debere nunquam negabo) verum etiam ac maximè quod vestra pietas in Ecclesia filij Dei manifestè lucet, dum cõsiliis opibûsq; pari mutuóq; studio eò contenditis, vt decus domus Dei in dies ornetur, magis magisq; sua maiestate fulgeat: omnia honestè fiant. Et iustum est, vt publicum aliquo huius vestræ pietatis testimonium extet, quod & alij ad similia pietatis studia exemplo vestro excitentur. Vt ergo opusculum hoc bipartitum à mbó vnâ eò affectu suscipiatis, quod à me profectum est, vtq; Christus Iesus verus Ecclesiæ suæ protector, vestros conatus pios gubernet, oro atque rogo. Valete. Vuormatiz, ex vestris ædibus:

Vigilia D. Petri Patroni nostri
ac Pauli Apostolorum
Christi. Antio

*Ioannes à Via Doctor Theol. Concionatur
Cath. Vuormat. Catholicus.*

IN DOCTISSIMAS SVAE
VISSMA'SQVE R. D. IOAN-
nis Feri Euangeliorum Epistolarumque
explicationes seu conciones ab eru-
ditissimo Sacrae Theologiae
Doctore Ioanne à Via in
epitomen contractas;
Elegia Lamberti
Venradij.

Cum pater omnipotens calum terrasque crearet,
Hanc rerum machinam conderet atque la-
Maxima Diuina bonitatis symbola sciri
Omnibus optauit : quae tibi pauca dabo.
Omnia perpetuo motu, ratione, cieri
Iussit, & humanis vsibus esse dedit.
Aeterna iussit pulchrum Solem rutilare
Lampade, quò nobis luceat orta dies.
Et dubio iussit splendentem lumine Phœben
Nocturnae luci curru agitare modum.
Ac breuiter totum varijs ornauerat astris
Calum, distinctis condideratque, locis:
Regna gubernarent telluris, quò reuoluta
Curarent gyris fata cuique suis.
Naturisque suas sedes distinxit, ut inde
Nascantur vicibus qualibet assiduus:
Has elementa vocant, concordi pace ligata
Quatuor, at multum dissociata locis.
At cur ornatu tanto fabricauerit orbem?
Musa mihi causam consiliūque refer.
Num genus humanum certò cognosceret inde,

Auto

Autorem rerum, quæ bonitasque Dei
 Certè testantur vatum monimenta piorum,
 Testantur facies, ora, decusque sum.
 Indidit ergo homini mentem, atque animalibus ipsum
 Dissimilem fecit, constituitque ducem.
 Constituitque ducem, dominari in cætera possit,
 Affectusque sequi qui ratione queat.
 Inseruitque animis nostris pietatis amorem,
 Ceu stimulo urgeret, quò veneremur eum.
 At, dolor, huc statim extinxit malè sana Cupido,
 Nec dominum passa est, imperitare sibi.
 Ergo Patris summi præceptis dum minus audit,
 Iratum sese sensit habere Deum.
 Exilio primum duro castigat Adamum,
 Hunc Paradisiacis eicit atque choris.
 Ne tamen ut durus totum liquisse putemus,
 Solato rursus consiliumque dedit.
 Demonstrat, methodo quàm repararier ipsa
 Gratia commissis perdita Adame queat.
 Gnatum promittit fore, qui tua crimina purget,
 Insidiatricis conterat atque caput.
 Venit, Morte sua mundi quoque crimina soluit,
 Atque optata tibi gaudia rite dedit.
 Nos miseri interea terrenis vincimur omnes
 Rebus, sollicitè circum hostis acer.
 Circuit, ut perdat, nisi nos sua gratia Verbi,
 Filius & seruet Patris amore sui.
 Propterea ut sacri maiestas sit pia Verbi,
 Addit Doctores, dulcilquosque Patres.
 Hi rursus fidei normam, pia dogmata firment,
 Hi monstrent vera Religionis iter.
 Dogmate ne falso mortaleis auocet unà,

Qui studet ablatum his esse salutis opus.
Agnoscis dudum summam Patris bonitatem
Arbitror ut curam, qua tneatur ues.
At dubites forsan, talis num. Ecclesia Christi
Doctoreis veros nunc habet atque pios.
Expeditam paucis. Ferus est, de nomine toti
Et scriptis orbi cognitus ille suis.
Hunc habet, & multos, sinceram Religionis
Qui methodum doceant, haresin aufugiant.
Explicuit Christi sanam sermonibus apus
Mentem, quam Patribus hauserat ille puer.
Somnia non tradit, oratio viuida valde
Illam Nestorio diceres ore flui.
Ne tamen hic quisquam censeatur, copia siue
Prolixè nimium materiesue ruat:
Tollis Ioannes cuncta hac incommoda prorsus,
Quò placeat breuitas, copia sufficiat.
Ergò tuum semper nomen Doctissime uiuet,
Unà cùmque Fero te manet omnis honos.
Iamque elegis rudibus cecini Patris bonitatem
Qua nos complexus condito ab orbe fuit:
Quid quoque de nobis speret: doctrinæque vera
Monstravi paucis, unde petenda uenit.
Hoc superest, Lector, cognoscas sedulus huius
Doctor sermones: Vire ualèque diu.

EIVS D

EIVSDEM IN LA- MENTATIONVM HIE-

REMIÆ PROPHETÆ

*conciones, carmen, quod pul-
cherrimè earundem ar-
gumenti vicem obti-
nere potest.*

Q Vis verus vates, sacri quæ munera vatis,
Si quæras, paucis noscere ritè potes:
Falsus quid doceat, mortaleis qua ratione
In Phlegetontæos ducat & ipse lacus;
Hebræum lubeat doctrina discere sancta,
Christicolis verè quæ meditanda piis.
Exemplo noscas Phasfuris & Hieremiæ:
Ille malè doctor, sed pius alter erat.
Ille quidem templi præfectus, culmen honoris
Dum gerit, insanus dogmata falsa serit.
Auocat à vera mortaleis Lege, Deique,
Quæ dederat Moses, irrita iussa iacent.
Instituit ritus Plutonis, factus honosque
Est aris alius, quàm placuere Deo.
Ast legem methodo Patris docet Hieremias,
Hanc homines normam consiliúmque petant.
Criminibus pœnam denuntiat, hoc agit vnum,
Exuat vt mentes plebs malè docta feras.
Exigua est vitæ propriæ sibi cura, Tonantis
Dum cultum renouet restituâtque pium.
At blandus vulgò Phasfur, minasque Prophetæ

Ridet

Ridet, & vt falso coniuriatur ei,
 Includit vinclis, tanta estque potentia Falsi,
 Vt dubites, pius hic verus an esse queat.
 Non tamen abilitit, diuinam prædicet iram.
 Quo minus, ac vrbs nuntiet excidium:
 Excidium tantæ Solymorum gentis, & ipsum
 Pòst fore, ni purgent pessima facta piis.
 Agnoscis verum (credo) falsumque prophetam.
 O vtinam Christi vates & esse velis.
 Non dubium, videas, nostræ quàm Relligioni
 Mens semper discors pernitiola fuit.
 Eruit hanc urbem seu lamentabile regnum
 Audax Chaldaus, concidit ipse honos.
 Et procul abduxit patria, Diuósque penates
 Sustulit, & secum detinuit miserè.
 Dixerat hæc vates fore: Tun' nobis meliora
 Distractis nimium dicere quæso potes?
 Prò pudor, it pessum multos stabilita per annos
 Relligio, Christi dicta neglecta vides.
 Non ergò quibus: conspirent omnia quamuis,
 Quæ tibi felices exitus esse putes.
 Hoc est, quod plorant omnes doctique piique:
 Omnino ablatum restituique rogent.
 Hoc est, quod doctis FERVS his sermonib⁹ amplè
 Ostendit, vatis munere quippe boni.
 Exemplar tibi sit moneo, quicumque docere
 Officio vatis (ceu bonus) esse studes.
 Execrate malum vatem, quò prosperiora
 Vel tandem (ò vtinam) sæcla redire queant,
 Túque imitare pium, ne pòst lacrymarier vltro
 Cogare: huc factis nitere quæso tuis.

DOMINICA AD- VENTVS PRIMA EVAN-

GELIVM MATT. XXI.



ET cū appropinquassent Ierosolymis, & venissent Bethphage ad montem Oliueti, tunc Iesus misit duos discipulos, dicens eis: Ite in castellum quod cōtra vos est, & statim inuenietis asinam alligatam, & pullum cum ea, soluite & adducite mihi. Et si quis vobis aliquid dixerit, dicite, quia Dominus his opus habet, & confestim dimittet eos. Hoc autem totum factum est, vt adimpleretur quod dictū est per Prophetam, dicentem: Dicite filiæ Sion: Ecce rex tuus venit tibi Zach. 9. mansuetus, sedens super asinam & pullum subiugalis. Euntēs autem discipuli, fecerunt sicut præcepit illis Iesus. Et adduxerunt asinam & pullum, & imposuerunt super eos vestimēta sua, & eum desuper sedere fecerunt. Plurima autem turba strauerunt vestimenta sua in via. Alij autem cædebant ramos de arboribus, & sternebant in via. Turbæ autem quæ præcedebant, & quæ sequebantur, clamabant, dicentes: Osanna filio Dauid: benedictus qui venit in nomine domini, Osanna in altissimis.

EADEM DOMINICA

EPISTOLA ROMAN. XXI.

ET hoc, fratres, scientes tempus, quia hora est iam nos de somno surgere. Nunc enim propior est nostra salus, quā cū credidimus. Nox præcessit, dies autem appropinquauit. Abijciamus ergo opera tenebrarum, & induamur arma lucis: sic, vt in die honestè ambulemus.

*Non in comessationibus, & ebrietatibus, nō in cubilibus
& impudicijs, non in contentione & emulatione, sed
induimini dominum Iesum Christum, & carnis curam
ne feceritis in desiderijs.*

S E R M O.

Aduentus Domini & seruaporis nostri Iesu Christi, secundum carnem, prima hac est dominica, recteque cum aduentu notio ipsius & fidei nostrae religionisque summa capita sumunt exordium. Enimvero cum ipse solus sit, in quem tutum omnium fidei oculus dirigitur, ut qui omnibus desideratus, omnibus salutaris adueit, omniumque mentes vera perfectaque ex se solo petita felicitate implere sufficiat: pulchre & ex communi utilitate credentibus hodie proponitur, quomodo praedicatus, quomodo creditus fuerit, & prius, & post, quam in nostram, sed impecabilem, ac ideo suam carnem, natus est. Erit enim hoc ut quis sit, qui nostra causa huc, & cur, & quomodo descenderit, quidque effecerit, sciamus: nosque securius ipsi credamus atque committamus. Res ardua est, scire cui te credas, nec id velle, minus arduum. Salus enim in hoc, si noueris atque volueris: sin vero, perditio tua consistit omnis. Atque ideo Maiorum nostrorum in eo amplius laborauit industria, ut quod totius aedificij Christianae doctrinae fundamentum esse debuit, firmum in omnibus poneretur & stabile. Et quia ad omnes isthaec res pertinet, non modo verbis quod agitur, declarandum, verumetiam externis quibusdam caeremoniis representandum duxit antiquitas, ut omnes scirent & intelligerent, nemo ignorantiam suam excusaret. Erunt forte quibus vel propter aetatem retumque usum, vel ob scientiam externis iis rebus opus non erit, & propterea puerilibus iis rebus suspendi nolint: sed hos, iuuentutem respiciant, moneo, & infirmiorum rationem habeant, hortor. Debent enim firmiores imbecillitates infirmorum sustinere, & non sibi ipsis placere. Quae admodum qui iter aliquod ingressi, unam viam metae sibi constituentes, alij alios expectant, & qui alacres praecedunt, saepe sequentes operiuntur: ita & nobis, qui salutis iter aggressi sumus, vsu venit. Quotidie noui homines iter hoc agrediuntur: hos negligere, quanta erit impietas? Huius enim rei veritas ipsa nos admonet. Quicumque (ait) humiliauerit se sicut paruulus iste, hic est maior in regno celorum. Et mox: Videre

ne con

ne contēnatis vnū ex his pusillis. Dico enim vobis, quia angeli eorum in cælis semper vident faciem patris mei, qui est in cælis. Quod si vllō vnquā tēpore iuuentutis habenda fuit ratio, nunc habenda est maxime. Omnes enim videmus & intelligimus, quò illa vergat, quòue inciteretur. Atq; hīc iā Paulo monitore, instādum erat opportune, importune, arguendū atq; obsecrandū. Nulliq; tædio esse debuit, audire in Ecclesia quæ antè nouerit. Neq; enim nouitatū (vt vocant) causa huc cōuenimus, sed vt Dei voluntatē addiscamus: in huius gratia huc; agnitio, ne quotidie incrementū sumēdū erit. Et Ioānes clamat, vt qui sanctus est, sanctificetur adhuc. Nemo in fide aut Dei agnitione est tā perfectus, quin perfectior possit fieri. Nemo tam sanctus, quin sanctior possit effici. Proinde iterū atq; iterū moneo, nulli tædio sit antea cognita rursus audire: forte enim quæ antea minus attēto tibi præterierūt, nūc placebūt magis. Nam & gutta cāuat lapidē, nō vi, sed sæpe cadēdo. Sed nec prædicatorē pudeat quēquā, ea sæpius inculcare, quæ vel ad agnitionis Dei augmentū, vel ad pietatē faciūt. Pauli imitētur exēplum. Hic se sapientibus pariter & insipientibus debitorē profitetur. Et, infirmis, inquit, factus sum infirmus, vt infirmos lucrificarē. Non enim iudicaui me scire aliquid præter Christum Iesum, & hunc crucifixū. Cur ergo vel vos tæderet, vel me puderet, de cognitis rebus, iuuentutis rectē instituendæ studio, habere sermonē? Omnia enim huc faciunt, vt verē agnoscatur Christus, & vita nostra piē instituat. Hic finis est, siue cæremonias, siue ecclesiasticas respiciamus cātiones. Silet pulcherrima illa duorū diuinæ laudis acclamatio: T E Deū laudamus. Silet & illa cælitus allata cātio: G L O R I A in excelsis Deo. Mutatus est habitus: Pullati incedimus omnes. Que horū ratio? Nimirum tristitia prioris seculi, antequam Christus in carnem nasceretur, nobis in iis repræsentatur. Illic nihil ferē in Mundo apparebat præter iram indignationēque diuinā: quū peccatum, mors, maledictio atque dānatio in omnes dominarentur. Quis autem nescit, quid illius temporis consideratio ad Christi agnitionem faciat? Etenim quā necessariū sit nobis Christi Iesu aduentus, tum demum verē intelligimus, quando quā tristis rerum facies sine ipso fuerit, diligenter consideramus. Quid sit libertate frui, nemo melius nouit illo, qui aliquando seruitute pressus fuit. Quemadmodum Medici artem nemo verē diligit, nisi qui hac aliquando à

2. Tim. 4.

1. Petr. 2.

Apo. 22.

Roma. 12.

1. Cor. 9.

1. Cor. 2.

febris absolutus est. Captiui tenebantur omnes, & domina-
bantur peccatum, mors, gehenna. Infirmi omnes erant: totam
enim naturā humanam lāguor & debilitas pererrabant. Chri-
stus ideo spectabatur, ut & captiuos liberaret, & infirmos sana-
ret. Quomodo igitur sine noticia seruitutis atque infirmitatis
nostræ, Christi redimētis saluantisq; beneficium intelligi pos-
set? Iam verò non inficior miseriam conditionēque humanæ
naturæ rectē in sacris libris depingi, atq; inde quoque eius co-
gnitiōe petendam esse: Imò qui hoc legūt atq; intelligūt, ali-
undē illius consideratiōe petere, necesse non habent: Sed pro-
pterea abiicienda esse, quæ iuuentutis atq; infirmiorū causa an-
tiquitus instituta, hucusque obseruata, omniū admonere, & in-
quirēdi meditandiq; occasiōe subministrare possunt, quis vn-
quam sanus dixit, nisi qui aut nullam rationē habendā esse in-
firmiorū, aut nihil ad iuuentutē res omnibus necessarias perti-
nere existimabit? Videtis ergo ad quid mutatę ceremonię ho-
die valeant: Videtis, inquā, quāto studio sancta vetustas omni-

Dent. 19. bus inuigillauerit. Atque vtrā terminos antiquos quos posue-
Prov. 12. runt Patres nostri, non trātulissemus, aut nō fuisset trans-
gressi. Profectò rectius valeret Ecclesia. Nūc verò eò negligen-
tiæ deuenimus, ut querelæ non sit finis futurus, si quis diligen-
tius secū cogitauerit, quo ingenio studiōq; olim in Ecclesia om-
niū saluti consultū fuerit, & quā nihil horū nunc vsquā appa-
reat. Quā lamētabili voce olim Hieremias Propheta vrbis
Hierosolymę calamitatē defluit, & quòd pristinę glorię mini-
Thren. 1. mē responderet, cōquestus est? Vię Sion lugēt, eò quòd non sint,
Ibid. 4. qui veniant ad solennitatē. Quomodo obscuratū est aurū, mu-
tatus est color optimus, dispersi sunt lapides sanctuarij in capi-
te platearū? Filij Sion incliti, & amicti auro primo, quomodo
reputati sunt in vasa testea, opus manūū figuli. Quāto rectius
hac querela de Ecclesię horū temporū statu quæ per omnia sui
dissimilis est, cuius purū aurū, quo olim fulsit, nunc vix luto si-
mile factum est? Quāquā inuenias qui suis cōclonibus, scri-
ptis, ordinationib; formationib;que annuis nouis, adeò sibi
placeant, ut iurare etiā audent per omnia sacra nunquā inde ab
Apostolorū tēporibus Ecclesiā rectius floruisse, quā nunc apud
se. Adeò affectu seducuntur atq; illuduntur proprio, ut quidquid
ab Ecclesia, quantūuis rectē institutū viderint, humanas veluti
traditiones rideant, contemnant, proterant: quod verò ab ipsa
prodit, inque horam muratur, sanctū planē & diuinū prædicat.
Horum

Horum opinione omnes alij, etiam in præcipuis fidei arculis aberrant: ipsi verò (si Diis placet) ne in minimo quidē deuiare possunt. Sed exitus acta probabit, quæadmodū ex fructu cognoscitur arbor. Vtinā autē tot fructus bonos in quibusdā temerariis legeremus, quot verbis suas nouas cōstitutiones prædicant. Sed quia plus paganismi, quā Christianismi posteritati relicturi vidētur, parū gratiæ apud bonos inibūt. Non talibus auspiciis succereuit Ecclesia. Neq; enim staret modò, nisi melioribus Prædicatoribus cæremoniisq; olim fuisset exorsa. Ideòq; iterū moneo atq; hortor; non sic temerariè, quæ rectè ad nos in Ecclesia deriuata sunt; contēnamus. Cum enim Paulus omnia velit in Ecclesia honestè & secundū ordinem fieri, & quæ nostri tēporis Montes pariunt, quantūuis magno nisu, nullo modo prioris Ecclesiæ cæremoniis, siue præstantiā, siue pietatē, siue spiritū respiciamus, sint cōferēda: Cur non potius ipsa etiā antiquitate cōmendata retinemus. leuitatē ista scurrilitatēq; referentia suis autoribus solis relinquimus? Aut qua ratione vetus Ecclesiæ ordinatio tātopere reiiciēda? An quia Paulus Galatis scribens ait: Dies obseruatis, & menses, & tēpora, & annos? Timeo vos ne fortē in vanū laborauerim in vobis? Et: Nemo vos iudicet in parte diei festi, aut Neomeniæ, aut sabbatorum? Sed hæc Pauli verba nullo modo quod hodie agimus, reprehēdunt: Neque enim ideo huic tēpori Aduētus nomē datū est, quod tēpus alio aliud sanctius arbitremur: Sed vt præcipua reiū capita, suo quòdq; ordine in Ecclesia proponerētur. An verò impiū est cogitare, quæ hominū ante Christū natū cōditio fuerit? An nō digna cogitatio est, quæ meritò verbis atq; signis iuuetur? Propterea Ecclesiæ cæremonias hodie immutari dixim⁹, vt quā vitā illi homines vixerint, intelligeremus, & quantū Christus suo aduētū miseris mortalibus præstiterit, cogitarēmus. Et cur ridemus, & naso suspēdimus, quibus meliora tradere & subrogare nō possumus? Miserrimā ergo humanæ naturæ, ante Domini nostri Iesu Christi omniū Seruatoris aduētū, seruitutē atque captiuitatē, externis etiā Ecclesiæ cæremoniis discimus, vt eò gratior nobis fiat aduētus eius, qui nos in die liberauit atq; saluauit. Cū autē in tanta omniū tristitia, in tāto luctu hominū, Deus ipse atq; Prophetæ subinde humiles deiecti⁹q; mētes promissis erigere studuerūt, ne planè sine solatio desperarēt, in que aduenturū Saluatorem respicere in ipso præsentē calamitatē mitigare, dolorē lenire atque salutē sperare docuerūt:

Matt. 7.

1. Cor. 14.

Galat. 4.

Colos. 2.

etiam hac parte nobis ipsi deesse nolumus. Scripturis attestantibus, quomodo Christus illi populo prædicatus, quomodo à populo creditus, exceptus atque salutat^{us} sit, doceamus. Vtrūque autē Euangelica huius diei lectio ostendit. In ea enim quæ *Mat. 22.* *Zacha. 9.* prædicatus sit Christus, Zachariās Prophetā loquitur: & qualis à populo creditus sit, turbæ ostendit confessio. Et Zachariās quidem sic ait: Dicite filiæ Sion, Ecce rex tuus venit tibi mansuetus, sedens super asinam & pullum subiugalis. At turbæ acclamatio sic habet: Osanna filio David, benedictus qui venit in nomine Domini. Osanna in altissimis. Hos igitur Euangelij locos diligenter inspiciamus, ut qui Christum suis coloribus propriè depingūt, & sunt veluti summa omnium promissionū & Prophetiarum de Christo, ac ideo in hac diem depositi, ut cōmonefaciant homines de Christo, ac sua vocatione. Ad nos enim isthæc Prophetæ vox pertinet, qui sumus spiri-
Quare Iu *dei Sion.* *Rom. 9.* *Act. 13.* *Ioan. 15.* *Ioan. 2.* *Osai.* *Rom. 11.* *1. Pet. 2.*
 tuale Sion. Erant quidē olim Iudæi filia Sion, non quia montē Sion habitaret Rex Iudæus, atq; ipsi ciuitatē primariam incolerent: verū etiam, ac multò magis, quòd ipsorū fuerint adoptio filiorū, & gloria, & testamentū, & legislatio, & obsequiū, & promissa: denique Patres haberēt, ex quibus Christus secundum carnem erat nasciturus: & ipsis primū oportuit annuciari verbum salutis. Sed quia repulerunt oblatā salutem. Christum etiā reprobauerunt, corā Pilato negantes regē, & crucifigentes: iam non sunt peculiū Domini, nec semen Abraham, nec filia Sion: Imò ex patre diabolo sunt, quia desideria patris sui volunt facere. Id quòd longè ante vaticinio Osai prædictum erat. Huic enim cū filiā primū, deinde & filiū ex vxore susciperet, præcepto diuino mandatur, ut filiam **לֵאָהָה** & filium **לְאֶעֱזֵר** vocaret, Quia, inquit, Dominus, non addam, ut amplius miserear domui Israël. Et: Quia vos nō estis populus meus, nec ego ero vobis in Deum. Verū excisis Iudæis tanquā naturalibus ramis, nos ex Oleastro incerti sumus: & percipientes pinguedinē radicis, Deo, qui ex lapidibus potest semen Abraham facere, operante, facti sumus & Sion, & populus electus Domino, & semen Abraham, atq; ut Petrus testatur, genus electum, regale sacerdotiū, gens sancta, populus acquisitionis, qui aliquādo non populus Dei, nunc autē populus Dei: qui nō consequuti misericordiā, nunc autē consequuti misericordiā. Nobis ergo Dominus in Prophetā loquitur, quos
 ab al

ab aliis omnibus selectos, in eam, quam loquitur (vti magni momēti) rem attētos vult esse. Dicite, inquit, filię Sion. Et quid Domine dici vis filię Sion? Loquere, & audiā seruus tuus. Ecce rex tuus. Ergo regē habeo. Vtiq; & tuū Regem, nō idolon, sed scientem: non Ciconiā aut Tyrannū, qualē in Aesopo Iupiter p̄fecit ranis, sed Gubernatorē: non qui per alios regat, & ad tempus, sed qui ipse suos regat in secula: cuius imperiū æternū sine fine māsūrū est: cui omnis potestas in cælo & in terra data est. Talis rex nobis promittitur, & veluti cū demōstratiōe exhibetur. Ecce, inquit, Rex tuus. Tuus est, & venit tibi. Nō cuiuslibet est, sed tuus est: aliis enim Petra offensionis est, aliis iudex est, aliis testis velox est, aliis leo & vrsus est: sed tuus rex est. Hinc in Isaia loquitur Dominus: Ecce seruus meus, suscipiam eum. Et in Ezechiele: Erūt mihi populus, & ego ero eis Deus, & seruus meus Dauid Rex super eos, & pastor vnus erit omniū eorū. Noster ergo est, quia nobis natus, nobis datus, nobis mortuus est, nobis resurrexit, nobis ad cælos ascendit, sedētq; à Dei patris dextris, interpellās pro nobis. Et hoc est, quod Prochera dicit: Rex tuus venit tibi. Alij Reges sēpe non populo, sed sibi-ipsis veniūt: non propria elargiri, sed aliena rapere: nō seruire, sed imperare. Venit autē filius hominis querere & saluū facere, quod perierat: hoc est, vt peccatū tolleret, vulnera nostra sanaret. Nō venit ad iudicandū: nō ministrari, sed ministrare, & dare animā suam redemptionē pro multis. Veniet quidē aliquando iudex, sed iis qui hīc gratiā, quam obrulit, contēptu superbo neglexerūt. Apis enim est, & mel p̄bet placidis: at hostibus quantūlibet immanibus, pūgentem aculeū infligit. Hinc Propheta addit: Māsuetus & iustus. Māsuetudinē in bonos atq; impios exercet, cū illis gratiā p̄stat: hos propter pœnitentiā benign⁹ expectat. Iusticiā quoq; administrat: quādo impiis sua dona coronat, impiis verò demeritas pœnas infligit. Diligit enim omnia, & nihil odit eorū, quę fecit: arūdinē con-
 quassat nō cōterit, nec linū caligās extinguit: in veritate profert iudiciū. Neminē eorū qui ad se veniūt, eicit foras: imò oēs oneratos & laborātes ad se vocat, requiē promittit & liberationem. Admodū verò dissimilis Gentiū regibus atque principibus est & hoc ipso, q̄ cū omnes historiarū, iptūq; Prophetarū, maxime Isaia. 1. 52. 59. c. de illorū crudelitate atq; tyrānide cōquerūtur: ipse tamen p̄ter māsuetudinē, qua omnibus pius est, nullius personam respiciēs, etiā iudiciū facit pro sua iusticia

Danic. 9.

Luca 1.

Mat. 28.

Mat. 21.

Ioan. 8.

malach. 4.

Osea 13.

Ezec. 37.

Esa. 9.

Hebr. 9.

Luca 19.

Ioan. 3.

Zach. 9.

Sap. 11.

Esa. 41.

Ioan. 6.

- Psal.* 144. omnibus iniuriâ patientibus, ita planè, vt meritò sibi vindictâ,
Deut. 32. quâ retribuat vëdicet. Etsi aut p*i*j cuiusque est, orare hūc iustū
Psal. 142. Regē, ne in iudiciū descēdat cum seruo suo, q*uod* nemo omnī iu-
 stificetur in cōspectu eius: impij verò timere habeant, ne in fu-
 rore regis huius iusti arguātur: magna tamen piorū hāc con-
 solatio est, scire & nosse, tub tali se rege viuere, qui velit ac pos-
 sit, pro sua iustitia, suo tēpore abūdè reddere, pios propter iusti-
 tiæ hāc confessionē affligentibus. Atque hoc modo Zacharias
 Propheta Christū aduenientē prēdicauit. Regē vocat; & nostrū
 propriè. tum cum nobis venire, & quidē mansuetū atq*ue* iustū
 esse eum, confirmat: quorū omnīū hāc intentio est, vt homines
 agnoscant, quis sit Christus, & cur, quibūve in carnē venerit.
 Addamus autē Zachariæ vnicū eiusdē sentētiae Regij Prophe-
 tæ oraculū, vt res, de qua loquimur, magis fiat perspicuā. Deus
 deorū Dominus loquit*ur* est (*Psal* mista inquit, siue ille Dauid,
Psal. 49. siue Asaph est, cui inscribitur) & vocauit terrā. A solis ortu vsq*ue*
 ad occasum, ex Siō species decoris eius. Deus manifestē veniet,
 Deus noster, & non ūlebit. Ignis in cōspectu eius exardescet, &
 in circuitu eius tēpestas valida. Aduocauit cælum desursum, &
 terrā discernere populū suum. Cōgregate illi sanctos eius, qui
 ordināt testamētū eius super sacrificia: & annūciabūt cēli iusti-
 tiam eius, quoniā Deus iudex est. His Prophete verbis Christus
 adueniēs pulchrè describitur, quis sit, vnde, quò, propter quid,
 quāve via venerit. Nam q*uod* dixit: Deus Deorū Dominus, perso-
 næ eius descriptio est. Ipse enim Deus Deorū, siue, vt Ioannes
Apoc. 19. in Apocalyp*si* ait: Rex est regum, & Dominus dominantium;
Hebr. 12. cælestem ciuitatē: secundum carnem, ipsam Iudæorū gētem
 designat. Nā ex cælo Deus, ex Iudæis homo egressus est. Quòd
 verò addit: Loquutus est, & vocauit terrā: causam cur venerit,
 indicat. Nempe, vt qui multis modis olim loquutus fuerat Pa-
 tribus in Prophetis, nouissimè ipse nobis corā loqueretur, &
 dispersos erroribus, in vnitatem conuocaret fidei. Nullus an-
Psal. 79. gelus, nullus Propheta loq*ue*batur illo tempore: tunc dixit:
Esa. 51. Ecce ipse venio. In capite libri scriptum est de me, vt facerem
 voluntatem tuam Deus meus: volui. Et propter hoc sciet po-
 pulus nomen meum in die illa, quia ego ipse qui loq*ue*bar,
 ecce assum. Denique quòd ait: Manifestē veniet: Et, Species
 decoris eius: ostendit in humanā carne venturum fuisse. Et sic
 consequenter. Nam omnia verba singularim indagare, lon-
 gum esset. Quid enim de Prophetis. Nam loquor? Ipse Deus

Christum

Christum in carne nasciturum prædixit & promissit, & quidem inde à condito homine. Ad serpentem enim loquens, cuius suasu homo perierat, ait: Inimicitias ponam inter te & mulierem, & semen tuum, & semen illius. Ipsum, siue ipsa per ipsum conterer caput tuum: & tu insidiaberis calcaneo eius. Eandem postea promissionem non semel iterauit. Vt ad Abraham: postea
Genes. 22.
 fidebit, inquit, semen tuum portas inimicorum suorum: & benedicentur in semine tuo omnes gētes terræ. Et hanc promissionem de Christo nascituro intelligendam esse, ipse Dominus in Ioanne docuit, cum ait: Abraham pater vester exultauit, ut
Ioan. 8.
 videret diem meum: vidit, & gauisus est. Tum ad Dauid ait: De fructu ventris tui ponā super sedem tuam. Et licet post ea tempora Israël i lex data fuit: ipsa tamē promissiones Dei euacuare minimē potuit. Id quod Paulus in ea quam ad Galatas scripsit
Galat. 3.
 Epistola, disertē simul & acurē docet. Lex, inquit, quæ post quadringentos & triginta annos lata est, testamentū à Deo confirmatum non facit irritū, ad euacuandā promissionē: sed propter transgressores posita, & vt esset Pædagogus in Christū: & figuratio eius non repugnat promissioni diuinæ. Sed nec Aaronis sacerdotiū eam promissionē tollere potuit: quod & ipsum figura Christi erat. Paulo teste. Heb. 6. cap. Sēper isthæc promissio
Hebr. 6.
 valuit, vnāq; fuit cum Dei promittentis, tū Prophetarū, sacerdotij, atq; legis de Christo intētio. Nēpē, vt promissis diuinis consolaretur homines, & vatū oraculis figurisq; doceretur, hoc est, certā aliquam salutis spem haberent, in quā intenderent, & modū scirent, quo sibi eam cōseruarent. Nec defuit intentioni euentus. Omnes enim de promissionibus iis edocti erant: licet quæ promissū nouerant, non omnes eo modo quo debebant, susceperunt, siue illud inuidia siue errore factū est. Sanē sciuisse homines de promisso Christo, acclamatio turbæ, quā superiore dominica audiuiſti, innuit: Hic est verē Propheta, qui vēturus est in mundū. Et quæ Euangeliū hodiernum turbis tribuit applausus idem testatur: Osanna filio Dauid. Benedictus qui venit in nomine domini. Osanna in excelsis. Quomodo enim in hæc laudis verba erupisset vulgus, si de Christo nihil sciisset? Quomodo tātā pietatē exhibuisset obsequens populus, ramis atq; vestibus in terrā stratis, nisi Messiā esse credidisset? Viderāt excitari & à mortuis reuocari Lazarū. Hoc ad sequendum facto mouebantur. Non impedit eos Pharizæorum mandatū,
Ioan. 9.
 de non confitendo Iesu nomine, de prodendo ipso, vbicumq; sit.

Nec

- Ioan. 12.** Nec extra Synagogam abiecti nati cæci exemplo, mouentur. Obfirmatis animis lætum & gratum Deo carmen concinunt: Osanna filio David. Benedictus qui venit in nomine Domini, Osanna in altissimis. Nempe victori mortis, inferni, ipsiusque adeo diaboli triumphū canunt: & veterem hominē cum actibus suis exuētes, superbos carnaliū desideriorū affectus triumphatori potenti ac mansueto subiectant. Primi parentes adhuc
- Genes. 3.** in Paradiso positi, cum cognouissent se esse nudos, & aduenientis Dei vocem audirent, consuerunt folia ficus, & fecerunt sibi perizomata. Hi verò cōuerso ordine ramos atq; vestimenta in terram abiiciūt, & aduenienti Dei hominīsq; mediatori Christo substernunt. vel hoc ipso testificantes, hunc esse, qui suo sanguine omnium maculas mundaret: vt nulla erubescencia nulum vestimenti vsum requireret: qui & hoc præstaret, vt aperta facie in ipsum Deum liceret aliquando prospicere. Hęc omnia iste populus tunc significauit. Sed & ingens consolatio est piis. Ostendit enim Deus hoc ipso populi facto, velle se semper in mundo sui nominis confessionem conseruare, etiam in omniū
- 3. Reg. 19.** maxima impietate: nec fore, tāta sit regni huius ac Mundi sœuitia, vt nullus Dei glorię relinquatur locus. Etenim Prophete conquerenti, quod ex omni Credentiū populo relictus sit ipse
- Rom. 11.** solus, diuina vox respondit: Reliqui mihi septem milia virorū, qui non curuauerunt genua sua ante Baal. Et licet per exigua futura sit fides tēporibus nouissimis: tamē ne penitus intereat, ipsi dies tribulationis abbreviabūtur. Hoc ergo in isto populo consideremus, & in his turbis cōtra pusillanimitatem nosmet ad fidei & confessionis nostrę constatiā confirmemus. Sciamus hanc ipsam processione nostrę nos vocationis admonere.
- Luce 21.** Nam quemadmodum non tunc primū cœpit, quando Christus saluator urbem Ierosolymorum intrauit, sed longē ante, ante & sub lege homines pii huic populo annumerantur, fide nimirum & confessione idem sentientes: sic nec finem habet. Omnes quotquot Christū confitemur Dei filium & mundi seruatorem, Christum sequimur: & ad istum cōsentientium cœtum
- Ioan. 19.** pertinemus. Nec moueamur populi huius inconstantia & defectione, qui quinta & sexta pōst die magnis contumeliis atque blasphemis eundem Christū, quem hīc Messiam confitentur, affecerunt. In nobis constantia & perseuerantia requiritur: vt quibus præter maiora fidei argumenta, ipsa etiam deficientiū exempla sunt documentum. Et vę nobis, nisi in ea quam semel
- fuisse

suscepimus cōfessione, perstiterimus. Nulla enim causa est, cur deficere debeamus: vt cōstanter perseueremus, plurimā. Nā vt ille populus Prophetas solū habuerūt, quos imitarētur: ita nos Prophetis cōiunctos Apostolos habemus, Apostolicōsq; viros, quos certō imitari & sine periculo licebit. De patris enī voce cœlitūs super eū delapsa, hic nihil dico: quia de illis nūc loquor qui Christū fide, licet necdū aliqui eorū corpore nati essent, sequuti sunt. Sequutus est eū Petrus: & similē huius populi acclamatione vocē addidit, quādo multa de Christo loquutus, huic, inquit, omnes prophetę testimoniū perhibēt: remissionē peccatorum accipere omnes quotquot credūt in eū. Et: Omnes prophetę à Samuel & deinceps, qui locuti sunt, annuntiauerūt dies istos. Sequutus est & Apostolus ille Gētiū Paulus. Ideō, inquit, abiiciamus opera tenebrarū, & induamur arma lucis, sic, vt in die honestē ambulemus, nō in comessationibus, &c. sed induimini Dominū Iesum Christū, quia nox præcessit, dies autē appropinquauit: & hora est nos de somno surgere: & propior est nostra salus, quā cū credidimus. Et hi inter Apostolos. Inter Apostolicos verō præter innumeros, sequutus est Prudentius, cuius classicū carmen adeō hic addere libuit, quia proximē ad Pauli adhortationē accedit. Sic ergo habet: Stat cōuolutis artibus: sensum profunda obliuio pressit, grauauit, obruit, vanis vagantē somniis: sunt nēpē falsa & friuola. Quę mundiali gloria, ceu dormiētes agimus: Vigilemus, hic est veritas, aurum, voluptas, gaudiū, opes, honores, prospera: Quęcūq; nos instant mala, Fit mane, nil sunt omnia. Tu Christe somnum discice, tu rūpe noctis vincula, Tu solue peccatū vetus, nouāq; lucēingere. Hi omnes inter alios sequuti sunt Christū, & nos vt sequamur iisdē vestigiis hortati. Atq; ideō eorū vox etiam nūc in Ecclesia sonat, vt intelligamus, quomodo Regē nostrū nō nūc in terrenā Ierusalē, sed cœlestē & sanctā Ciuitatē ingredientē, sequi oporteat, nihilq; reliqui faciunt ad religionis nostrę summam. Petrus enim maximē, si quis alius fidē in Christū, & quę fidei debetur remissionē peccatorū docet. Paulus verō quomodo Rex noster Deus salutandus atq; excipiendus sit, indicat, qualēq; imitatores ille postulet, describit. Hinc à tēpore, à salutis præsentis præstantia, à vitiis dehortatur: ad virtutis iter capefendum incitat. Idem Prudentius diuinus Poëta facit. Atq; hæc omnia, fratres, audimus. Vtinam & obaudiremus. Cogitemus ergo, quæ ante & post Christum natū fuerit miseria & luctus

Act. 10.

Act. 3.

Rom. 13.

homin

hominum, qui sine Deo erant. Tum quis prædicatus ac creditus sit Christus, semper consideremus, & oblatum redemptionem vitæ ipsi digna suscipiamus & sequamur.

DOMINICA ADVENTVS

SECUNDA EVANG.

LVC. XXI.

Mat. 24.

Marc. 13.

Isaia. 3.

ET erunt signa in sole, & luna, & stellis, & in terris pressura gentiū, præ confusione sonitus maris & fluctuum, arescentibus hominibus præ timore & expectatione quæ superuenient vniuerso orbi. Nam virtutes cælorū mouebuntur. Et tunc videbunt filiū hominis venientē in nube, cum potestate magna & maiestate. His autē fieri incipientibus respicite, & leuate capita vestra: quoniam appropinquauit redemptio vestra. Et dixit illis similitudinem: Videte ficulneam & omnes arbores, cum producunt iam ex se fructum: scitis, quoniam propè est æstas. Ita & vos cū videritis hæc fieri, scitote, quoniam propè est regnū Dei. Amen dico vobis, quia non præteribit generatio hæc, donec omnia fiant. Cælum & terra transibunt, verba autem mea non transibunt,

EADEM DOMINICA

EPISTOLA ROM. XV.

QUæcunque enim scripta sunt, ad nostram doctrinam scripta sunt: ut per patientiam & consolationem scripturarum spem habeamus. Deus autem patientiæ & consolatiōis, det vobis id ipsum sapere in alterutrum, secundum Iesum Christum: ut unanimēs, uno ore honorificetis Deum & patrem Domini Iesu Christi. Propter quod suscipite inuicem, sicut & Christus suscepit vos, in honorem Dei. Dico enim Christum Iesum, ministrum fuisse

fuisse circumcisionis, propter veritatē Dei, ad confirmandas promissiones patrum: gentes autem super misericordia honorare Deum, sicut scriptum est: Propterea confitebor tibi in gentibus Domine, & nomini tuo cantabo. Et iterum: Latamini gentes cum plebe eius. Et iterum: Laudate Dominum omnes gentes, & magnificate eum omnes populi. Et rursus Isaias ait: Erit radix Iesse: & qui exurget regere gentes, in eum gentes sperabunt. Deus autem spei repleat vos omni gaudio & pace in credendo: ut abundetis in spe & virtute spiritus sancti.

S E R M O.

Non vana nec inutilis illa in Christiana doctrina antiquitus observata consuetudo est, ut ubicunq; qualis erga nos sit Deus prædicatur, misericordiæ & gratiæ encomia, etiam iustitiæ & severitatis sequantur testimonia. Neq; vel gratia sine iustitia, vel contra alterum sine altero rectè ex quæ communi utilitate populo proponi potuit vnquam. Verum coniuncta simul, tum veram Christi naturam in nostram notionem inducunt, tum verò veros atq; genuinos efficiunt credentes. Nam cum hæc duo, præsumptio & desperatio, potissimum & importunissimè Rempub. Christianam oppugnant, pertinacissimèque in suo ad eversionem accommodo proposito perstant: nulla profectò vel in consuetudinis longæ, vel in sacrarum literarum armamentario ad retundendum machina valentior expeditiorque inueniri potuit, quàm est vtriusq; horum gratiæ atq; iustitiæ prædicatio, quarum illa desperationem abigir, hæc præsumptionem eneruat. Gratiā prædicabat Satan Eux *Genes. 3.* matri, cum interdictæ arboris vsum callidus suaderet improvidæ. Persuasa de seipsa præsumebat, atq; peccavit audentius. Ipse Deus ob peccatum, iustitiā prædicauit Cain. Desperat *Genes. 4.* ille, & necessariò misericordiæ consolatur encomio. Nisi iustitiæ misericordiam coniunxisset, planè de eo actum fuisset. Nostri verò Theologi, Prædicantes, Scribentèsq; autocleti, qui non ad emendationē, sed ad malum pusillanimitati, quæ nulla est, medētur, vel ab ipso Deo, Christòq; vel ab Ecclesiā rectius *avonantur* didic

didicisse debebāt, priusquam sese in ea officia ingessissent. Illa enim magistra rectè docendi normam modumq; præscribere potuisset. Verum quia hoc neglexerūt & contempserunt, sit, vt modò Dei timorem omnem ex eorū qui ipsi applaudunt mentibus, dilabi atq; perire, dolore ingenti cernamus. Non hoc est veros formare Christianos, non hoc est integrum Christū prædicare. Alio enim modo multumq; diuerso, scriptura præmonstrante, Ecclesia docuit semper, docetq; etiā hodie. Quid enim superiore dominica, quando Christum aſina inſidentem, iuxta Zachariæ vaticinia. Ierosolymam ingressum fuisse testatur, nisi primi aduentus Domini gratiam prædicauit? Quid verò hodie, quando eiusdem, iuxta duorum angelorū cæterorūq; varum dicta, secundum aduentum proponit, nisi Iustitiam venturi Iudicis, declarat? Et licet iam mille quingenti atq; plures anni à primo aduentu præterierē, & nondum finis adpareat: tamen paruo intervallo vtrunq; aduentum suis filiis proponit. Nimirum saluti suorum consulit, qui gratia Domini nostri Iesu Christi rectè vtī, sine iustitiæ memoria ignorant. Idq; in nouo Testamento ab ipso Christo, qui vulnerato illi hominī ac semiuuo non modò cum oleo vinum infudit, verum etiam stabulario Ecclesiæ ministro ad eiusdē hominis medellā duos denarios, Legem & Euangelium dedit. Non Euangelium solum, & oleum: nec lex sola, & vinum: sed vtrunq; inuicem temperatum semiuui vulneribus adhibendum est. Sed & in veteri Testamento hæc ipsa prædicandi Christi consuetudo fuit.

Psal. 49. Id quod in David Psalmo 49. & hoc nostro, quod nunc tractaturi aggredimur Euangelio, atque vtriusq; collatione videre est. Et de primo aduentu David sic canit: Deus deorum loquutus est, & vocauit terram: Ex Sion species decoris eius: hoc est, quanquam Deus noster omnibus quos terra pro Diis colit, maior est, omnesq; vincit: tamen ex Iudæorū populo formosus nascetur homo. Sed mox de secundo subdens aduentu, ait: Deus manifestè veniet, Deus noster, & non flebit. Ignis in conspectu eius exardescet, & in circuitu eius tempeſtas valida. Ad-uocauit cælum desursum, & terram discernere populum suū.

Mat. 24. His verbis ea omnia Propheta prædicat, quæ Christus longo
Mar. 13. sermone hic commemorat. Atq; ita cum Euangelij dictis consonant, vt verè dixerint, qui vetus Testamentum noui ymbra-culum, & hoc illius manifestationem pronunciarunt. Obscu-
Luce 21. rius quidem David, sed apertius eadem Christus prædixit.

David

Dauid enim ait: Deus veniet, Christus verò, videbunt filium hominis venientem. Dauid rursus: Manifestè veniet, Christus verò: in nube, inquit, cū potestate & maiestate magna. Dauid iterū: Non silebit. Christus verò, Erunt signa in sole, inquit, & luna, & stellis. Et sic consequenter. Clarè enim Christus exponit quæ Propheta obscuriùs dixerat. Ex quibus manifestè colligitur, non modò quā conueniant Psalmus & Euangelium, verū etiam quod eadem prædicandi Christi forma fuerit & Prophetis, quæ hodie est, semperq; fuit Ecclesiæ. Quin Zacharias quoq; & quidē duabus vocibus vtrunque aduentū, coniūctis misericordia atq; iustitia, prædicauit. Christum enim dicēs, Saluatorē & Iustū venturū prænunciat. Saluatorē quidē duplici ratione: cū qui primo aduentu animas, tum qui secūdo etiā corpora saluet. Iustū verò, non tantū qui sua nos iustitia ipse iustus iustificet in primo aduentu, verū etiam qui omnibus secundū vniuscuiusq; opera iustè vel bonis præmia, vel malis decernat pœnas in secundo. Breuissimè ergo vtrūq; aduentū, rectissimèq; & totū Christū, misericordem in primo, ac iustū in secundo aduentu, describit. Ecclesiæ igitur cōsuetudo, qua in prædicādo Christo, Christū atq; Prophetas sequitur, nō repræhēdenda, sed imitanda est. Nō ignoro esse, quibus de iustitia Christi, dēq; futuro atq; horrendo eius iudicio sermo, pro sua olim pœnitenda licētia minùs placeat: sed cur non sequeremur Christi vestigia, qui hæc tā multis verbis tātāq; diligentia, vt quorū cognitio omnibus necessaria esset, docuit? Sanè dignū est, vt eius rei assidua apud nos memoria sit, de qua Apostoli tam diligenter loquentes, tā curiose atq; sollicitè percōtati sunt. Neq; enim vnius populi res, aut nationis, neq; omniū hominū, qui simul in toto mūdo viuunt tantū: neq; vel præterita vel præsentia: sed totius mūdi finē, omnium hominum qui sunt, fuerūt, aut aliquando post nos erunt, vel ad sempiternā gloriā, vel ad perpetuam ignominiam, immutationē prædicat, omnium temporum, ipsiusque adeò cæli, post mūdi huius interitū, conditionē prænunciat. Rectè quidem scriptura curiositatem & absconditorum misteriorum sollicitam superflūamq; indagationem nobis interdicit. Solomon enim ait: Altiora te ne quæsieris. Scrutator enim maiestatis opprimetur à gloria. Et Christus ad Apostolos loquens: Non est vestrum, inquit, nosse tempora vel momenta quæ pater posuit in sua potestate. Et Paulus mo-

Zach. 13.

Ecc. 3.

Act. 1.

Rom. 11.

- net Romanos, ne sint alta sapientes, néue in semetipsis prudentes. Et Danieli præcipit Angelus, vt clauderet sermones quosdam, & librum signaret ad statutum vsque tempus: sed hæ scripturæ non eos reprehendunt, qui venturam consumptionem cogitant, sed eos qui quo tempore ventura sit, in questionem vocant. Quales fuerunt cum Iudæi, tùm Christiani, quorum alij certis annis mundi ætatem contraxerunt, nempe quia scriptum est, mille annos esse in conspectu Dei tanquam vnum diem: idè sex milia omne mundi tempus dixerunt, postea requiem & sabbatum. Atque huc referre voluerunt illud, quod Eliæ tribuunt: Duo milia inane, duo milia Lex, duo milia Messias. Alij, vt Apostoli temporibus, iam tum esse in foribus nouissimam diem dixerunt, quos refutat Apostolus, dicens: Rogamus vos fratres per Aduentum Domini nostri Iesu Christi, vt non citò moueamini à vestro sensu, neque terreamini, neque per spiritum, neque per sermonem, neque per epistolam, tanquam per nos missam, quasi instet dies domini. Ne quis vos seducat vllò modo. Quoniam nisi venerit discessio primū, & reuelatus fuerit homo peccati: & quæ sequuntur. Sed & nostris temporibus fuerunt, qui tempus illud adesse dixerunt, quorum nomina confusione nunc plena sunt. Fuerunt & Chiliastræ, qui ex his Euangelij verbis, appropinquat redemptio vestra, Christum postquam secundò reuersus fuerit, mille annos cum electis suis in mundo conuersaturum esse, concluderunt. Hos omnes aliòsque id genus temerarios homines scriptura arguit, atque ea propter ab Ecclesia reiectos, communis consensus patrum damnavit. Stulta enim & impia est inquisitio earum rerum, quæ ipsi etiam angeli ignorant. Verum ea meditari, quæ ipse Deus per Christum futura prædixit, tam non est vitio coniunctum, vt etiā laudetur. Atque vtinam in ijs rebus meditandis tam effcimus diligētes, quam Nabuchodonosor olim in vnus somnij interpretatione fuit curiosus. Conuocat ille hariolos, magos, maleficos, Chaldæosq; nec somnus illi, nec requies, donec quid somnium illud futuri prænunciat, addisceret. Profectò non video quomodò possibile sit sine magna vtilitate illud iudicium cogitare: maximè cum Salomon dicat: Filij, memora-
- Dan. 11.** re nouissima, & in æternum non peccabis. Et Iob cum de iudicis iustitia cogitaret: Quid, inquit, faciam cū surrexerit ad iudicandum Deus? Et cum quæsierit, quid respondebeor
- Psalm. 89.**
- 2. Thes. 2.**
- Math. 24.**
- Ecc. 7.**
- Iob 31.**
- Ibid.**
- Semper

Semper enim quasi tumentes super me fluctus timui Deum,
 & pondus eius ferre nō potui. Et Petrus cū multa de illa die 2. Petr. 1.
 prænunciasset, tandem subdit: Cū ergo hæc omnia dissolu-
 uenda sint, quales oportet vos esse in sanctis cōuersationibus
 & pietatibus, expectantes & properantes in aduentum diei
 Domini? Atq; hoc est quod Paulus in hodierna epistola mo-
 nens scribit. Quæcunque, inquit, scripta sunt, ad nostram do- Rom. 15.
 ctrinā scripta sunt, vt per patientiam & consolationē scriptu-
 rarum spem habeamus. Proinde diligenter, quæ Christus ad
 nostrā doctrinā loquutus est, quæq; de iudicii illius die nobis
 scripta sunt, cōsideremus. Neq; enī cōuenit, vt in nostra pro-
 pria causa alijs simus diligētia inferiores. Ac principio nō in-
 iuste aliquis hīc quæserit, quæ fuerit Christo hæc de secūdo
 suo aduētū, de iudicio, de cōsummatione atq; præcedētibus
 signis dicendi occasio. Nā & hoc nostri nos admonet officij.
 Factū est aliquādo, vt egrediēti dño, discipuli magnificas tem-
 pli structuras ostēderent, & admirātes ipsi, dicerēt: Magister,
 aspice quales lapides & quales structuræ. Quibus rñdens, so Mar. 13.
 re ait, vt nō relinquatur lapis super lapidē. Postea etiā signa
 tempūsque sui aduētus sciscitātibus, hoc sermone, de quo hæc
 lectio desumpta est, respondit. Primūque templi vrbisque,
 veluti Iudaici fundi calamitatem, deinde etiam totius orbis
 desolationem describit. Tam paruis inijs totī mūdo abscon-
 dita mysteria Christus patefacere incipit. Iam certū est, Deū
 in isto populo ostēdisse, qualis erga reliquas nationes esse ve-
 lit, in bonos pius, in impios iustus. Nam quod Iudæos ex Ae-
 gypto liberauit, nostræ ab diaboli tyrannide redemptionis fi-
 gura fuit. Tum quod per mare rubrum eduxit, quod in des-
 erto pane atq; aqua mirabili modo cōseruauit, postea etiam
 sacerdotibus, legibus, regibūque gubernauit: omnia nostri
 figuram habent. Paulus enim, cū eiusmodi mirabilia Dei 1. Cor. 10.
 enumerasset: hæc, inquit, in figura facta sunt nostri. Cū
 ergo idem ille populus vrbe templōque conflagratis periit,
 quid obstat, quominus & hac sua perditione totius figura in-
 telligatur orbis? Enimvero quemadmodū vrbis illius si-
 gna prodigiāque præcesserunt excidium, quæ illud (Iosepho
 teste) nō obscure significabant: ita & orbis desolationē (Chri-
 sto teste) præcurrunt mirabilia. Tum verò vbi similis causa
 interitus est, quomodo non similis expectabitur effectus?
 Ioannes quoque mundi interitum prædicans. Transit mun 1. Ioan. 3.

- dus, ait, & omnis concupiscentia eius. Cur enim concupiscentiam nominat, nisi quod hæc mundi interitus causa sit? Ete-
Ioan. 3. nim de mundi excidij causa loquens Dominus: hoc est, inquit iudicium, quia lux venit in mundum, & dilexerunt homines magis tenebras, quam lucem. De Iudæorum verò calamitate dicturus fletus ait: Quia si cognouisses & tu, & quidem in hac die tua, nunc autem abscondita sunt ab oculis tuis.
Matth. 23. Et alibi: Ierusalem, Ierusalem, quæ occidis Prophetas, & lapidas eos, qui ad te missi sunt: Quoties volui congregare filios tuos, quemadmodum gallina congregat pullos suos sub alas, & noluisti? Ecce relinquetur vobis domus vestra deserta. Prædixit hæc Christus Iudæis, nos impleta iam cernimus. Nec licet nobis blandiri, quibus similis causa, simile minatur perditionem, nec de alieno damno gloriari: Imò oculatis hîc opus est ad nostra delicta, ac meminisse decet eorû, qui cum aliquando de Pilati tyrannide ad Christû referrent, audiunt:
Luc. 13. Putatis quod hi Galilæi præ omnibus Galilæis peccatores fuerint, quia talia passi sunt? Non: dico vobis, sed si non penitentiam habueritis, omnes similiter peribitis, sicut decem illi & octo, suprâ quos cecidit turris in Siloë, & occidit eos: putatis quod & ipsi debitores fuerint præter omnes homines habitantes in Ierusalem? Non: dico vobis, sed si non penitentiam habueritis, omnes similiter peribitis. Satis apertè indicat, priuatam illâ animaduersionem, habere reliquorum omnium & figuram & admonitionem. Cum igitur Iudæorum ruinas legimus, ad fugam vniuersalem nosmet præparemus. Nec solum in postremam illam euersionem (cuius ante hoc Evangelium Dominus meminit) verum etiam ad priora illis secula respiciamus. Inueniemus enim nunc totum mundum diluio periisse, propter concupiscentiam ac vitæ impietatem: nunc eandem ob causam Sodomam Gomorrâque conflagrauisse: Sed & Pharaonem pro tyrannide sua in Dei populum signis & portentis vexatum, nouissimèque in rubro mari submersum: Et Dathan cum Abyron terra deficiente suffocatos: Et Absolonem miserè in ipso parricidij furore occubuisse. Hæc, inquam, omnia, idque genus alia, quæ hic enumerare non est necesse, cogitemus, & Dei irati signa esse meditemur: tum nos quoque simili culpa teneri confiteamur. Sic penitentiam agentes, demeritas pœnas iramque
1. Cor. 11. Dei euitabimus. Quoniam si nosmetipsos diiudicaremus,

non vti-

non utique à Domino diiudicemur. Quòd si nimiam ver-
tustatem signa illa sapiant, & remotiora à nobis esse, nihilq;
ad nos pertinere, arbitramur: Italix aliarumque nationum
alluvia, inundationesque, maximè Mauritio Cæsare, qua-
rum etiam Gregorius meminit, cogitemus. Cogitemus ter-
ræ motus magnos atque frequentes. Et licet nostra ætate ter-
ræ motus sint rariores, alia tamen passim tanta horrèda tam-
que multa signa & monstra audimus atque videmus, ut fi-
nem mundi in propinquo esse, nemo dubitare possit. Et si ma-
ximè venturi iudicis signa non sunt, sunt tamen plagæ Dei, &
iræ ipsius testimonia, futurisq; temporis figuræ, quibus meri-
tò nostræ salutis admonemur. Nam si qui domum aliquam rui-
nosam inhabitas, nunc hac, nunc illa parte fragores audis: nec
aliud quàm proximam & certam ruinam totius domus inde col-
ligis, ac propterea, si sapias, aliò te confers, imminensq; rui-
nam fugis: quantomagis mundi labentis fragoribus admo-
nitus, ne te opprimat, ruinam fugis? Petrus Apostolus diem
Domini, veluti furem appropinquare dicit, & tamen hac ip-
sa die cælos magno impetu transituros esse. Cur non igitur
quæ nunc in conspectu omnium sunt, quasi impetus illius fu-
turi antecambulones consideremus? Clamat alius Apostolus
futurorū præcius: Cecidit, cecidit Babylon magna. Babylon
mundum interpretati sunt sancti Patres. Cur ergo domum
domui, agrum agro coniungimus: quasi perpetuò in mūdo
mansuri simus? An nō legimus Dñm in Propheta loquentem:
Si exaltatus fueris, ut aquila, & si inter sydera posueris nidū
tuum, inde detraham te? Et: Fuge, O Sion, quæ habitas apud
Babylonem O ô ô fugite de terra Aquilonis. Et per Aposto-
lum: Nolite diligere mundum, neq; ea quæ sunt in mundo.
Cur cū Dei voluntate pugnamus, cur rectè monentē non au-
dimus? Atq; hæc quidē idcò dicta sint, ut nō solū qua occasio-
ne Christus hæc Euāgelij verba dixerit, videamus, aut ipsum
sequentes, eundē modū in prædicanda consummatione tenea-
mus, quæ ipse: sed etiā, ac multò magis, ut ad eiuscemodī præ-
dicationē attentiores reddamur: diligētius auscultemus, per-
tinaciq; memoria conseruemus, quæ audiuerimus. Post eas
igitur quas de vrbis illius magnæ desolatione habuit prædi-
cationes, de orbis transitu, sermone conuerso ait: Erunt si-
ga in sole, & luna, & stellis: & in terris pressura gentium, præ-
confusione sonitus maris, & fluctuum: arescentibus homini-

2. Pe. 3.

Apocal. 18.
Isai. 5.

Abd. 1.

Zac. 1.

1. Ioan. 3.

bus præ timore & expectatione, quæ superuenient vniuerso orbi. Nam virtutes cælorum mouebuntur. Qualiacunq; hæc sunt, quæ dicit: signa sunt iudicis Christi aduentû præcedentia. Ostendit autem, quòd commotis quatuor elementis, cælo, aqua, terra, atque igni, homo eorum dein ministerijs minime sit vsurus: tam, quòd incredibilis quidam metum pauor homines non vnum aliquem sed vniuersum orbem habitantes, sit peruasurus & consumpturus. Quâquàm autem hic præuor in genere omnes peruadet: quia omnium illa vox est:

Psal. 142.

Psal. 6.

Psal. 16.

Matth. 24.

Malach. 4.

Matth. 5.


2. Tim. 3.

Ne intres in iudicium cû seruo tuo, ne in furore tuo arguas me, neque in ira tua corripas me, sed sub vmbra alarum tuarum protege me: impios tamen præcipuè affliget. Erit enim pijs cadauer, quo congregentur, Christi corpus immolatum & assatum in crucis veru, potens ab omni malo suos seruare. Non autem spiritualiter tantum (vt quidam falsò autumât) hæc signa apparebunt: sed & corporaliter. Nam quòd ad spîritualem sensum eorum: iam olim impleta & visa sunt. Christus enim iustitiæ sol apud multos obscuratus est: & luna mutabilis ecclesia splendorem illum bonorum exemplorum non habet: imò pro intestinis moribus in sanguinem versa est. Aut: Sol Ecclesiastica potestas, quam & Christus lucẽ dicit, obscurata est: & luna, secularis magistratus, in sanguinem, tyrannidem, inquam, versus est. Tû stellæ, homines plebei, quorum erat lucere in mundo, sicut stellæ in firmamento, in omni generis peccata atque errores recidunt. Id quod Paulus signanter scripsit. In nouissimis diebus, inquit, instabunt tempora periculosa: & erunt homines seipso amantes, cupidi, elati, superbi, blasphemæ, parentibus non obediens, ingrati, seculi, sine affectione, sine pacẽ, criminales, incontinẽtes, immites, sine benignitate, proditores, proterui, tumidi, cæci, & voluptatum amatores magis quàm Dei: habentes speciẽ quidẽ pietatis, virtutem autem eius abnegãtes. Hæc, inquam, spiritualiter iãdudũ peruulgata sunt, sũntque (dolor) quàm expedit, sæpius. Verum externè etiam, & circa visibilia illa & assignata à Christo Iesu elementa, visibili modo implebuntur, suisque nouitate & admiranda crudelitate in stuporẽ angoremque multos agent. Nimirum, vt immẽsum iudicij horrorem prædicent: vt & hîc per creaturas, quibus iniquè vsi sunt, impij puniãtur: vt ipse suum ministerium, quod nõ vo-

Rom. 3.

lentes omibus in genere præstiterunt hætenus, deponere & renun-

renunciare palàm testificentur: vt deniquè senectam mundi denuncient. Has ob causas etiam externè implebuntur & apparebunt: vt dum præter rationem sunt humanam, homines omnes earum rerum admoneantur, quæ futura prædixit is, qui falli nequit. Neque enim visitatum quid, sed omnia præter morem, præter naturam, præter rationem humanam apparebunt. Id quod alijs scripturæ locis manifestè faciã. Nudè enim & simpliciter proponã, quid alij cùm noui tum veteris Testamenti scriptores viderint, atque ea de re conscripserint. Erit enim hoc, vt collatis omnium vocibus horror illius tremendæ dici appareat, & consideretur euidentiùs. Nam cùm *Matth. 24.* Christus in Matthæo tãtam hanc tribulationem fore dicit, vt æquè magna ab initio non fuerit, neque futura sit: necessario & rectè in eam rem intentis oculis respicimus. Duplex autem genus tribulationum erit. Quædam enim corpus, quædam etiam animam affliget. In ijs quæ corpus: sunt bella, opinationes bellorum, gentiù regnorumque cõtentiones; tum pestilentia & fames, deniquè occisiones. Sed & temporis inconuenientia mala hæc fortè exaggerabit. De nutrientibus aut prægnantibus taceo: earum enim votis, peculiaris quædã infidiabitur calamitas. In ijs verò quæ animã affligentiura: sunt pseuodoprophetarum licetia, seductorum numerositas, iniquitatis abundantia, charitatis remissio, & qui hæc omnia facit & superat, homo peccati. Quædã portò corpus simul & animam inuasura sunt: illa nimirũ, quæ in cælo apparebũt. De quibus omnibus Propheta atque Apostoli scripserũt. Isaias enim ait. *Isaia 23.* Ululate: quia propè est dies Domini: quia vastitas à Domino veniet. Propter hoc omnes manus dissoluentur: & omne cor hominis tabescet, & conteretur. Torsiones & dolores terre bunt: quasi parturientes dolebunt. Vnusquisq; ad proximum suũ stupebit: facies cõbustæ vultus eorũ. Ecce dies Dñi venit crudelis, & indignationis plenus, & iræ furorisq; ad ponendã terrã in solitudinem, & peccatores eius conterendo de ea: qm stellæ cæli & splendor carũ nõ expãdet lumẽ suũ. Obtenebratus est sol in ortu suo; & luna nõ splendet in lumine suo. Et mox: Et erit quasi damula fugiẽs, & quasi ovis: & nõ erit, q congreget. Et Sophonias: Iuxta est dies Dñi magnus: iuxta *Sopho. 1.* est, & velox nimis. Vox Dei Dñi amara: tribulabit ibi fortis. Dies iræ, dies illa: dies tribulatiõis & angustię, dies calamitatis & miseriæ, dies tenebrarum & caliginis, dies nebulę & turbu-



nis: dies tubæ, & clangoris. Et tribulabo homines, & ambulabunt vt cæci: quia Domino peccauerunt. Et effundetur sanguis eorum sicut humus: & corpora eorum sicut stercora.

Amos 2. Et Amos: Peribit fuga à veloce: & fortis non obtinebit virtutem suam: & robustus non saluabit animam suā: & tenens arcum non stabit: & velox pedibus suis non saluabitur: & ascensor equi non saluabit animam suā: & robustus corde inter for-

Amos 9. tes nudus effugiet in die illa, dicit Dominus. Et iterū: Nō erit fuga eis. Fugient: & non saluabitur ex eis, qui fugerint. Si descēderint vsque ad infernū, inde manus mea educet eos. Et si ascenderint vsque ad cœlos, inde detrahā eos. Et si absconditi fuerint in virtice Carmeli, inde scrutans auferam eos: & si celauerint se ab oculis meis in profundum maris, ibi mandabo serpenti, & mordebit eos. Et si abierint in captiuitatē coram inimicis suis, ibi mādabo gladio, & occidet eos: & ponam oculos meos super eos in malum, & non in bonum. Et Dominus Deus exercitium, qui tangit terram, & tabescit, & lugebunt omnes habitātes in ea. Hæc atque alia similia Prophetæ de illa die prodiderunt memoriæ. Quibus in nouo Testamento Christus non absimilia, deinde etiā Apostoli tradiderunt. Et quid Christus ea de re dixerit, longū esset hic narrare. Nam ipsa Euangelica lectio, veluti epitome quædam est omnium.

Apocal. 6. Ioānes verò in Apocalypsi quoq; huius diei meminit: Sol, inquit, factus est niger, sicut saccus Cilicinus: & Luna tota facta est sicut sanguis: & stellæ de cœlo ceciderūt super terrā. Et cœlū recessit sicut liber inuolutus: & omnis mōs & insulæ de locis suis motæ sunt. Et Reges terræ, & principes, & tribuni, & diuites, & fortes, & seruus cunctis atq; liber absconderunt se in speluncis, & in petris montium: & dicunt montibus & petris: cadite super nos, & abscondite nos à facie sedentis super thronum, & ab ira agni: quoniā venit dies magnus ire ipsius.

Malach. 4. Et quis poterit stare? Hūc pertinet, quæ Malachias de Elia,

Apocal. 11. & Ioannes in Apocalypsi de Enos prædicauerunt: quæq; de

1. Theff. 4. angelis tuba sonantibus, deq; voce filij Dei Christus & Pau-

Ioan. 5. lus docuerunt. Et hætenū de signis tantūm venientem iud-

Luc. 21. dicem prænunciantibus, hæc dicta sint. Post signa filius hominis videndum se cunctis in nube exhibebit. De quo Lucas & Paulus in nouo, Daniel inter omnes clarissimè in veteri Te-

1. Theff. 4. stamento locuti sunt, & scripserūt. Huius autem visio pijs ad

Dan. 7. gloriā, impijs crit ad ignominia. Id quod Dominus in Euangelio in-

gelio innuit, cum se venturum ait, non modò cum maiestate, verùm etiam cum potestate magna. Idem enim iudex bonis lætitiā, malis adferet mœrorem. Quemadmodum eadem signa aduentus ipsius vnique pro merito suo, vel gaudium adferent, vel terrorem. Duos enim effectus innuit Christus signorum: cum & pressuram gentium arescentibus hominibus præ timore, prædicat: & vt pij, hæc fieri incipientibus leuent capita, respiciantque, præcipit. Quòd si exactè naturam signorum perscrutari voluerimus: tria, quæ malos terrent, tria etiā quæ bonos lætificent, inueniemus in eis. Malis enim finem mundi, iudicium futurum, damnationemque prædicat æternam: Bonis contrà, certam securitatem, plenam redemptionem, & Dei regnum prænunciat. Quomodò autem finis mundi, iudicium futurum, atque adeò ipsa æterna damnatio, non erunt formidabilia ijs, qui hîc suam felicitatem sibi imaginantur, quod respondeant non habent, & sine fine cruciatum perpassuri sunt? Contrà, quomodò non erunt exoptata, certa securitas, plena redemptio, vitæque æterna, ijs, qui hîc vndique molestantur, captiui tenentur, & miseram seruitutem sustinent? Nemo Philosophorum vnquam tã certa vel sciuit ipse, vel tradidit alijs de mundi transitu, quàm hîc Christus prædixit. Cælum & terra transibunt, *Luc. 21.* verba autem meâ non transibunt. *Iſaia 3.* Quid ergo voluptatem vestram quæritis, vbi certam perditionem expectari intelligitis? Cogitate hæc diuites, qui domum domui iungitis: intelligite superbi, qui exaltatis nidos vestros: intelligite & fugite, fugite, & nolite respicere. Saluate animas vestras: melius est enim vnum oculum habentem in vitam intrare, quàm duos oculos habentem mitti in gehennam ignis. Quòd si mundi transitus nihil vos mouet: futurum omnibus iudicium cogitate: in quo dictorum factorumque, imò & cogitationum reddenda ratio: & accipienda, vel pro benefactis bona, vel pro male penetratis mala, expectandaque sunt. Cogitate, inquã, iudicem iustum, iudicem sapientem, iudicem omnipotentem. *Iob 9.* *Psal. 32. 148. 103.* *Roma. 9.* *Luc. 11.* *Phil. 2.* *Psal. 138.* *Ierem. 17.* *Heb. 4.* *Ecc. 1.* *Psal. 7.* *Psal. 61.* Cogitate, inquã, eundem iudicem esse & accusatorem. *Matth. 25.* Sitiipi & nō dedistis. *1. Cor. 4.* *Matth. 10.* *Dan. 7.* *Apocal. 14.* Cogitate, inquã, quòd iudex omne iudicium à patre datum habeat. *Ioan. 5.* qui claudit, & nemo aperit. *Apoc. 3.* Cogitate nullam excusationem tunc ho-

- rum habere, nihilque prodesse. Ezech. 7. Apocal. 13. Galat. 6. Ezech. 18. Matth. 12. 18. Luc. 3. Sed si nec hæc aliquid permouent: vel hac ipsa ratione miseri saltem & aliquando tandem sempiternam gehennam inspicite: quã iudex ferat sententiã
- Matth. 25.** audite. Maledicti, inquit, ite in ignem æternum. Ecce, quæ & quã multa pericula malis parata sint: mundi transitus, iudicium, atque æterna damnatio. Atque ô miseros, ô infelices nos, qui tantis malis meliorum non admonemur, aut mouemur. Sed mihi cum impijs negotium nullum est. Primas boni nostro in sermone tenent. Et cur non, quum & ipse Christus piorum meminerit, quando ista tanta tamque multa mala de impijs prædixit? Impiis dictum est: erit in terris pressura gentiũ, præconfusione, &c. Sed quid pijs? Leuate, inquit, Dominus, capita vestra, & respicite, quoniam appropinquat redemptio vestra: Imò regnum Dei in foribus est. Quid autem expectatum obtingere poterit, præter certam securitatẽ: maximẽ, quando illa tam vehemens tamque formidabilis anxietas omnes peruasura est impios? Sed hanc præstant, cũ fides firma, tũ pacata cõscientia. Sed & quid expectatiũs obtinget bonis omnibus, præter redemptionem perfectã? Et hanc qui dem iam pridem Christus pro nobis impetrauit, & adeptus est. Sed necdum ea perfectẽ frui licet: quandoquidem in hoc mortali corpore tenemur captiui. Cũ autem Christus apparuerit, vita nostra: tunc demũ & nos apparebimus in illo. Deniquẽ hæc summa atque omnium perfectissima piorum omnium expectatio est: vita æterna, seu regnum Dei, summa inquam, perfectissima, atque abundantissima omnium bonorum copia. Scitote, inquit Dominus: quia appropinquat regnum Dei. Idq; aduenientis ætatis similitudine comprobatur.
- Rom. 15.** Agite ergo, verbo Christi fidẽ habeamus: quod expectat Dominus, patientiæ diuinę argumentũ sciamus. Cogitemus priores ruinas: tot eius rei argumẽta similitudinẽsque consideremus. Nobis hæc scripta esse, & ad nostrã doctrinã pertinere, intelligamus. Respiciamus ad Noẽ diluuij; tempora. Pauci verbo Christi fidẽ habuerũt: veniet tñ tẽpus, quod certò prædixerat Deus. Eãque ob causam non sumus negligentes: non solum nosmet operemur salutem, Sobrii simus: vigilemus. nec tantũ ab omni malo, verũ ab omni mali specie abstinemus: & quod restat tẽpus, in pietatis sanctitatisque studium impendamus. Veniet, veniet Dominus, & non tardabit. Veniet Iu-

niet Iudex, Veniet iustissimus. Huic ergo occurrere studeamus: ipsique nos per omnia, pro viribus, proque modulo acceptos reddere studeamus. Huic laus per omne seculum, qui venturus est iudicare viuos & mortuos in secula. Amen.

DOMINICA ADVENTVS III. EVANG. MATTH. XI.

Ioannes, cum audisset in vinculis opera Christi, mittens duos de discipulis suis, ait illi: Tu es qui venturus es, an alium expectamus? Et respondens Iesus, ait illis: Euntes renunciate Ioāni, quæ audistis & vidistis. Cæci vident, claudi ambulant, leprosi mundantur, surdi audiunt, mortui resurgunt, pauperes Euangelizantur: & beatus est, qui non fuerit scandalizatus in me. Illis autem abeuntibus, coepit Iesus dicere ad turbas de Ioanne: Quid existis in desertū videre? Arundinē vento agitatam? Sed quid existis videre? Hominem mollibus vestitū? Ecce, qui mollibus vestiūtur, in domibus regum sunt. Sed quid existis videre? Prophetam. Etiam dico vobis, & plus quàm Prophetam. Hic est enim de quo scriptum est: Ecce ego mitto angelum meum ante faciem tuam, qui præparabit viam tuam ante te. Non surrexit inter natos mulierum maior Ioanne Baptista.

E A D E M D O M I N I C A EPISTOLA, I. COR. IIIL.

Sic nos existimet homo, ut ministros Christi, & dispensatores mysteriorum Dei. Hic iam quaritur inter dispensatores, ut fidelis qui inueniatur. Mihi autem pro minimo est, ut à vobis iudicer, aut ab humana die. Sed neque me ipsum iudico. Nihil enim mihi conscius sum: sed non in hoc iustificatus sum. Qui autem iudicai me, Dominus est. Itaque nolite ante tempus iudicare, quo-

adusque veniat Dominus: qui & illuminabit abscondita tenebrarum, & manifestabit consilia cordium: & tunc erit laus vnicuique à Deo.

SERMO.



VOS non minimos Christiane Religionis articulos superioribus duobus sermonibus proposuimus: alterum aduentus Christi in carne, alterum aduentus eiusdem in iudiciu. Ille misericordie erat, hic erit iusticie. Illic mortuas in semetipsis animas

viuificauit ad vitam: hic corpora mortalia & mortua viuificabit ad gloriam: vnus ille idemque Iesus Christus, mortis victor; habes imperium. Nihil in his humane intelligentie valet ratio: ipsam enim naturam transcendit. Fidei hic requiritur oculus, requiritur necessarium: & ita omnino, vt si crediderimus, vitam, sin minus, mortem habeamus propositam. Commodum ergo hoc summa industria agitur, vt tantae rei tam necessaria fides in nobis exuscitetur sopita: exuscitata alatur, & sacrarum scripturarum fomentum conseruetur. Hodie igitur magnae fidei vir Ioannes Baptista, Christi praecursor, inter natos mulierum maximus, plus quam propheta, angelus, cum suo constanti illo & indubitato testimonio in medium producit. Ad hanc ipse Christus cum operibus suis supernaturalibus, diuinitatis maiestate plenis, considerandus offertur: omniaque ita instituta sunt, vt de maximis religionis nostrae rebus, nemo, nisi suis ipsius hostis, illo modo dubitare possit. Cum enim lege ita se constitutum, vt in ore duorum aut trium testimonium stet omne verbum: dubitatio omnis iniqua est, vbi tam firma extant testimonia Ioannis & Christi operum. Et quamquam Christus maius testimonium habeat, quam est Ioannis, (opera enim, inquit Christus, quae ego facio, testificantur de me, quod pater miserit me: Si mihi non vultis credere, operibus credite) tamen Ioannis quoque amplectendum est testimonium. Venit enim propterea in testimonium, vt perhiberet testimonium de lumine: vt omnes crederent per illum. Sed antequam producamus testimonium Ioannis, personam ipsius consideremus. Et principio quidem de eo dicitur, quod in carcere audierit opera Christi. Quae captiuitatis causa fuerit, Mattheus non commemorat: sed Marcus, propter Herodiadem uxorem Philippi fratris Herodis victum fuisse in carcere ait. Arguebat enim Herodem Ioannes: nec licere sibi habere fratris sui,

Propositio.

Mat. 17.

Ioan. 5.

Ioan. 10.

Ioan. 2.

Marc. 6.

dixerat,

dixerat, vxorem. Videbat optimus vir nomē Dei per hoc blasphemari: honestatem turpitudine obscurari: pietatem extinguere: tum hominibus pessimi rē exempli proponi: partimque zelo Dei, partim hominis Regis amore, illicitum quod erat, *Luc. 1. 1. Reg. 18.* corripiebatur: aperte indicans, se, iuxta Angeli vaticinium, in spiritu & virtute Eliæ præire Dominum. Elias enim nil veritus pericula, regem Achab sæpè arguere solebat. Ingenui homines nō possunt aliter, vbicunque de Dei honore atque virtutis honestate res agitur: nec verò debent aliter: maximè si, vt contrà pugnent, officium postulat: vt Ezechias scissis vestibus detestabatur Rabfaces blasphemias in Deum Israel. Et il lustre exemplū est boni verbi Dei ministri Ieremiæ actio. Cōprehensus licet à sacerdotibus & morte reus iudicatus: tamē ab officio non destitit. Ecce, inquit, in manibus vestris ego *Ierem. 26.* sum: facite mihi quod bonum & rectum est in oculis vestris. Veruntamen scitote & cognoscite, quòd si occideritis me, sanguinem innocentem tradetis contra vosmetipsos. Sed nec pro impatientia contra Deum in carcere Ioannes obmurmurat. Alius fortè, sciens quàm Deus peccatores odiat, & bonus sit in se sperantibus, atque eiusmodi casum suum, considerasset: animo desperasset, & Deum impio magis Regi, quàm captiuo fauere dixisset. Sed credētium, maximè eorum, qui pro nomine Dei ac virtutis defensione affliguntur, imaginem representauit: ostenditque in eo Deus, quid subsequētibz temporibus in mēbris suis esset passurus. Sicut alibi in sua atque fidelium persona conqueritur: Posuerunt aduersum me mala pro bonis, & odium pro dilectione mea. In Hero. *Psal. 108.* de autem Mundi huius ac pictatis hostium imago expressa est: qui et si vident & probant, quæ recta sunt, ne tamen de sua authoritate aut commodis aliquid perdent, malunt veritatem oppugnare. Et hæc prima Ioannis consideratio est, quæ simili fortuna pressos consolatur fortissimè. Et si enim Ioannes à Deo abiectus videretur: magna tamen ipsum laude dignatur Christus: vt palàm ostenderet captiuitatem hanc infanti prodesse, & commodare ad gloriam, nec quicquam illum sine Dei dispositione pati. Alia quoque ratione considerandus est, qua legis Mosaicæ portauit figuram. Vt enim Ioannes Christum, ita lex præcessit Euangeliū. Ioanni atque legi idem fuit officium: hoc tantum excepto, quòd Ioannes in Christum digito monstrauit. Legis autem officium erat,

perterrefacere homines, peccata ostendere, viam Christo fa-
Galat. 3. cerè: vt eò ardentius amplecterentur Euangelij sermonem.
Galat. 4. Vt Paulus de lege ait: Pædagogus noster fuit ad Christum.
 Deinde lex durauit vsq; ad promissum semen Abraham. Hoc
 verò cum Euangelij luce radiante, cessauit legis vmbra: exple-
 to definito tempore, hæres tutoribus & auctoribus se abdica-
Ioan. 3. uit. Ita & Ioannes, quemadmodū ipse de se atque Christo dī-
 xit: oportet crescere, me autem minui. Cessauit quod ex par-
 te erat, quia venit, quod perfectum erat. Atq; hic Dei nobis
 prouidētia prædicanda erat, qui omnia disponit suauiter. Si
 enim vellex cum Euangelio, vel Ioānes corporaliter cū Chri-
 sto simul mansissent: nunquā pacata fuisset Ecclesia. Nam &
 sublata lege quidam circumcisionem cum Euangelio prædi-
 candam esse censebant: sed ab Apostolis Euangelij Prædica-
 toribus refutati sunt. Quid fecissent manente lege? Id quod
 non sic accipi volo, quasi in Euāgelij prædicatione nihil eo-
 rum quæ in lege scripta sunt, in medium proferendum sit:
 multa enim illic sunt, quæ Euāgelij doctrinam confirmāt &
 elucidant: tum Ioannis prædicatio de pœnitentia, de fide,
 deque hominum moribus planè necessaria est. Neque enim
 verum est, quod quidam falsò putant, pœnitentiæ prædica-
 tionem obscurare merita Christi: quia pœnitentia vsum meri-
 torum Christi docet, cū se sine Christi meritis nihil valere
 ad salutem agnoscit, & in ijs confirmatur & valet. Imò cum
 pœnitentia nobis verè applicantur Christi merita per fidem:
 præstantia meritorū elucidatur: vt quæ sine illa applicari no-
 bis nec debeant, nec quidem possint. Legis ergo typū Ioan-
 nes gessit carcere & morte, sicut & piorum omnium. Nunc
 porrò, quatenus testis fuerit Christi, cōsideremus personam
 ipsius. Et hīc multa in eo considerata sunt: non genus aut
 patriam dico, nec ipsam etiā admirandā natiuitatē quæque
 in ipsa & antea dicta, factaue sunt: Sed quæ ad officium eius
 propriè pertinent. Ac principio, quòd missus est in mini-
 sterium Dei, videamus. Sicut alius Ioannes scribit à Deo
Ioan. 1. fuisse missum in testimonium. Et Lucas, Verbum Domini,
Lue. 3. inquit, factum est super Ioannem Zachariæ filium in deser-
 to. Sed & CHRISTVS ipse idem de eo testatur. Hic est,
Matth. 11. inquit, de quo scriptum est: Ecce ego mitto angelum meum
Malach. 3. ante faciem tuam, qui præparabit viam tuam ante te. Ne-
 que verò parum est, missum esse, & à Deo missum esse.

Paulus

Paulus vult vocatus esse Apostolus, non ab homine, neque per hominē, sed à Deo immediatè. Non per quoslibet Deus opera sua exequitur. Ego noui, inquit, quos elegerim: & in Matthæo officia sua deferentem, non suscepit. Vocat autem Deus siue mittit alios immediatè per seipsum: vt Eliam, Mo- sen, Ioannem, Paulum: alios mediatè per homines: vt Matthiam, & per Apostolos Apostolicósque viros ordinatos. Mittuntur alij ab hominibus, qui suffragijs populi eò prouehuntur. Et in his maior prærogatiua eorū est, qui immediatè à Deo ipso vocātur. Sunt præter hos alij, qui à populo auribus pruriēte intruduntur: alij, qui semetipsos ingerunt. De quibus in Ieremia Dominus conqueritur. Nō mittebā eos, inquit, & ipsi currebant: nō loquebar ad eos, & ipsi propheta bant. Displicet horū audacia Deo: nec impunitā inquit. Exē- plo sunt, qui sese vltro Dei populo suppetias laturi ingesserāt, ducti ambitione & gloria: qui omnes magna calamitate suc- cubuerunt: propterea tantummodò, quòd non essent de illo semine, in quo Dominus populum suum liberare proposue- rat. Quis autem miretur expectatum minimè consequi effe- ctum, vbi legitima spernitur vocatio, sine ordi ne tumultuan- tes irrumpunt, sine delectu assumuntur, nulla vel vitæ vel do- ctrinæ habita inquisitione? Imò quis non miretur Dei Opt. Max. longanimitatem hac in re, cū certum sit, Magistratus plus domos proprias curare, quā Ecclesiam Christi? Nemo seruum nisi prius exploratum & probatum familiæ suæ aut labori præficeret: at in Ecclesiam admittuntur noti, incogni- ti: probi, impij, pij, sacrilegi. Neque tamen ignorare possumus, quantum ex hac Magistratus negligentia, turpique somnolentia, Ecclesia Christi damni incommodique acceperit hætenus, atque acceptura fiet imposteriorum. Corrupti id satis declarant mores: loquitur barbaries: gemebunda con- queritur pietas: vim sibi inferri clamant Sacramenta, Fides, Religio. Euigilate aliquando Proceres: laboranti succurrite Ecclesiæ: non nisi à Deo missos, hoc est, pios, sanctos, erudi- tos, vestroque examine exploratos probatosque admitte. Idque illius sancti viri exemplo, de quo nunc verba facio. Hic enim antequàm nascitur, sanctificatur: & missus à Deo, ita officio suo incubuit, vt doli suspitione omni careat, & cui fides habeatur, dignus sit. Deinde etiam vox clamans dicitur Ioannes: ac talem seipsum dixit & probauit ex Isaia assum.

Galat. 1.

Ioan. 13.

Matth. 8.

Jerem. 14.

C. 27.

Macha. 5.

Ioan. 1.

I. 40.

pto vaticinio. Quo certè nomine officij sui propriū insinua-
re voluit: nec tamē sui tantū, sed omnium quoque, quot-
quot Christum prædicant. Officium sanè per se arduum:
quodd indefessos labores, magnam cum vigilantia curam so-
licitudinēque, ingentē Dei zelum postulat. Non vult frigi-
dè tractari verbū Dei: totum hominem cūque industriam
requirit. Aptissimè verò significatur hoc studium Ioannis
aliorūque, per has dictiones: vox clamans. Vt enim is qui
voce clamat, hoc intendit, & in hoc totus incumbit, vt audia-
tur, & aliquid efficiat: ita & Ioannes audiri voluit, hoc est,
aliquid efficere. Nolebat canis mutus esse, non valens latra-
re, sed vox viua & personans: nolebat aliquid in seipso habe-
re, quod non totum pœnitentiam atque fidem sonaret. Ita-
que nihil se præter vocem clamantē dixit. Idipsum quoque

Isaia 18. Dominus in Isaia vult. Clama, inquit, ne cesses: exalta vt tu-
bam vocem tuam: annuncia populo meo scelera eorum. Et
Paulus hoc expressius loquēs, cū Timotheū Ecclesiasten
institueret, Insta opportunè (inquit) importunè, argue, incre-
pa, exortare, cum omni lenitate & doctrina. Nec aliud vo-

1. Cor. 4. lunt vculæ illæ, quæ hodie ex Paulo sunt recitatæ. Mini-
stros Dei, dicit, dispensatores mysteriorum Dei, fideles. Hic
iam quasi in speculo quodam perfectionis, suam imperfe-
ctionem agnoscant ij, quibus pascendarum ouium cura de-
mandata & commissa est: somnolentiam maiori vigilantia
corrigan: emendent studium: comminationes promissio-
nēsque Dei ea de re in Prophetis atque Apostolicis scriptis
factas, cogitent: & veluti appēsū quid ante oculos statuunt.

III Iam teritiō, pœnitentiam Ioannes prædicauit, verbo, baptis-
mo, vita. Est autem pœnitentiam prædicare, peccata demon-
strare & arguere: ad emendationē prouocare: impœnitētes
corripere, Deique iram & iudicium denunciare. Hæc om-
nia Ioannes vehementissimè non vno in loco vrsit. Venit, in-

Luc. 3. quit Lucas, in omnem regionem Iordanis, prædicans baptis-
mum pœnitentiæ in remissionem peccatorum. Ecce securis

Matth. 3. ad radicem arboris posita est. Omnis igitur arbor, quæ
non facit fructum bonum, excidetur, & in ignem mittetur.

Matth. 14. Et ad Herodem postea: Non licet tibi habere vxorē fratris
tui. Quis autem non videt, quā in hac quoque parte Ec-
clesiarum nostrarū ministri dissimiles sint Ioanni, adeoque
ipse Ioannes pœnitentiæ Præco carceri inclusus sit: vt nus-
quā se-

quàm ferè vox eius audiatur? Olim propheticus sermo repre- *Ezech. 13.*
hendebat eos, qui puluillos sub omni cubito manus consue-
rent, facerentque ceruicalia sub capite vniuersæ ætatis: qui
interficerent animas quæ non moriuntur: viuificarent mori-
turas: quantò rectiùs idem faceret nunc, quando sine disci-
mine bonum malum, malum dicitur bonum? Alius excusat *Isai. 5.*
principum tyrannidem, alius subditorum inobedientiâ: alius
superbiam, alius auaritiâ defensat: nec quicquam inueni-
tur tam iniquum, quod non habeat defensionis patronum.
Hinc omnium ordinum peruersitas, & quiduis audendi li-
centia: quam si tollendam censebimus, vt tollenda omninò
est: pœnitentiæ prædicatio instauranda est, vrgendâque non
sermone tantùm, sed excommunicatione etiam, & animad-
uersione. Quartò, Ioannes viam domini præparauit. Et hic *IIII.*
finis illi fuit laborum omnium, vt Domino ad homines iter
pateret. Non subsistit in applausu populi, nec sibi aliquid tri-
buit: nihil præter Domini gloriam, & salutem hominum
quæsiuit. Nam cùm putaretur esse Christus, intantù se Chri-
sto inferiorem profiteretur, vt indignum se iudicet, qui Chri-
sti calciamentorum soluat corrigiam. Quo sanè sibi nihil *Luc. 3.*
tribuere voluit, Christo verò omnia. Id quod per illud quo-
que confirmatur, quòd discipulos suos zelo magistri accen-
sos, & Christo inuidentes, ad Christum ablegat: vt verbis fa-
ctisque eius in recta fide magis confirmarentur, ac Christum
Messiam confiterentur. Certum est enim Ioannem nihil de
Christo dubitasse. Neque enim à Christo tot verbis lauda-
tus fuisset, si in fide hæsisset: neque testimonium Christo de-
disset. Sed zelum discipulorum suorum & inuidiâ retunde-
re, Christòq; gloriam dare voluit. Indignum illi arbitra-
tur, fabri filiù, qualè Christum esse putabant, haberi & esse *Mar. 6.*
Messiam. Rabbi, inquiunt, qui erat recù trans Iordanem, cui *Ioan. 1.*
tu testimoniù dedisti, ecce hic baptizat, & omnes veniunt ad
eù. Sed quid ad hæc Ioannes? Ipsi vos mihi testimoniù perhi-
betis, & dixerim: Nō sum ego Christus, sed quia missus sum
ante illum. Gaudiù meù impletù est: illù oportet crescere, me
autem minui. Vt ergo Christus agnoscaturs messias, mittit:
& mittit eo ipso tempore, quo multos Christus à lāgoribus,
à plagis, à spiritibus malis curabat: vt operù argumēto agno-
scerent. Atque hic videmus faciliè & intelligimus, quàm ni-
hil sæpè doctoris quantumuis industrij sermo in hominibus

- Ioan. 6.* efficiat, nisi pater cœlestis internè traxerit. Sicut nec Christus
Ioan. 14. multum in Apostolis perfecit, donec virtute imbuerentur ex
 alto: quo inspirante & docente, recordarentur eorum, quæ
 antea audierant. Neque enim dubium est, Ioannem sæpè
 hoc egisse, ut discipuli sui rectam in Christum fidem concepi-
 rent: sed quia nihil ipse peregit, ad Christum hinc misit. Vide-
 mus etiam, quàm periculosa sit res, nimium hominibus tri-
 buere. Vt Corinthiorum alij volebant esse Cephæ, alij Apo-
 lo, alij Pauli. Quo quisque doctore fidem conceperat, hunc
 prædicabat. Sed quid Apostolus? Nunquid Paulus pro vobis
 crucifixus est? Hinc hæreses ortæ sunt. Propterea Apostolico
 præcepto omnia probanda sunt: quod bonum est tenendum
 est. Probandi sunt spiritus, nùm ex Deo sint. Docemur autem
1. Ioan. 5. nihil nobis tribuere eorum, quæ Dei sunt. Quid habes ô ho-
1. Cor. 4. mo, quod non accepisti? Si autem accepisti, quid gloriaris? Et
1. Cor. 15. alibi Apostolus, cum facta enumeraret sua, addidit: Non au-
Psal. 113. tem ego, sed gratia Dei mecum. Et David: Non nobis, inquit,
Rom. 11. domine, non nobis, sed nomini tuo da gloriam. Et iterum Pau-
1. Cor. 4. lus de Deo: Per ipsum, & in ipso, & cum ipso sunt omnia. Et
Gala. 12. Mihi pro minimo est, ut à vobis iudicer, aut ab humano die.
 Si hominibus placere, Christi seruus non essem. Augusti-
 nus eximius Ecclesiæ doctor, adeò nihil altum de seipso sape-
 re voluit, ut à puero etià rectè monente, doceri voluerit. Nec
 Petro Apostolo Christi dedecus fuit à Paulo sententia vinci.
 Docemur etiam curam gerere nostrorum maximè domesti-
 corum. Vt Ioannes, licet carceri inclusus, pro se tamen secu-
 rus, discipulorum salutem operatur: licet inquã, morti quam
 non merebatur vicinus, hoc tamen solum curat, ut hæredita-
 tem immarcescibilem domesticis suis post se relinquat. Sic
 Moses, Deuteron. 11. Iob, Iob. 1. Abraham, Genes. 27. Isaac,
 48. Iacob, Gene. 49. David, Paralipom. 28. Tobias, Tob. 4.
 alijque pij patres filiorum suorum curam gesserunt. Sic Pau-
Ephe. 6. lus, & vos patres, inquit, nolite ad iracundiam prouocare fi-
 lios vestros: sed educate eos in disciplina & correptione Do-
 mini. Hos ergo imitentur patres familiars, concionatores Ma-
 gistratus. Et hæc iam de Ioanne dicta sint: quod sibi nihil tri-
 buerit: omnia ad Dei gloriam, & hominum salutem retule-
 rit: Domino viam ad homines præparauerit: superbos depo-
 suit ab affectu elato: humiles deiecit consolatione leuauit.
 quod vult, cum ait: Omnis vallis implebitur, & omnis mons
 humilia-

humiliabitur. Iam quintò Ioannes ab authoritate & reputatione sua apud omnes laudatur. Non vana hæc ipsius æstimatione, aut arte qualibet capta fuit: sed pro doctrinæ veritate, pro constantia animi, pro denique vitæ ipsius asperitate meritò attributa est. His ipsis enim de rebus ab ipso Christo, vt hæc Euangelica habet historia, ne dicam ab Angelis, à Prophetis aut Euangelistis, celebratus est. Enimuerò, cū plus quā Prophetā affirmatur, veritas doctrinæ: cū arundo vento agitata negatur, constantia: cū mollibus vestitus negatur, asperitas vitæ insinuat. Hæc ipsi tantæ causæ fuere authoritatis. Omnes habebant eum vt Prophetam. Consona enim ipsius doctrina erat veritati scripturarum. Siue Christum prædicaret, siue vitia carperet, siue virtutis studium laudaret, vbique sui similis erat. Non deficiebat à confessa veritate, nec nutabat. Non est arundo, quæ leuissimā aurā agitur, & in omnes partes vacillat, nihil in ipso vacuū, sed solida omnia, per eum, qui confortat. Quicquid ex Deo confortante non est, quicquid supra firmam petram ædificatum non est, inane est: fragile, inconstans, infirmum, arundo est. Aegyptus, inquit, Dominus Isai. 11. minus, homo, & non Deus: & equi eorum caro, & non spiritus. Ibid. 36. Baculus arundineus confractus est Aegyptus: cui si innixus fuerit homo, intrabit in manum eius, & perforabit eam. Nolite confidere in principibus, in filiis hominum, in quibus non est salus. Paruuli sunt fluctuantes, & circumferuntur quouis vento doctrinæ, in nequitia hominum, in astutia, ad circumuentionem erroris. Si quid alij dicunt, dicunt & ipsi: si quid negant, negant. Si secundis fruuntur, melior est viuus, quam leo mortuus. Sin contrā, magis laudant mortuos quā viuos. Verū Ioannes noster secus multò. Non discipulorum vulgiquē mouetur applausu: non carceris inclementia terretur: sed veluti annosā valido cum robore quercum Alpini Boreæ, nunc hinc, nunc statibus illinc, eruere inter se certant: it stridor, & altè consternunt terras concusso stipite frondes: ipsa hæret scopulis, & quantum vertice ad aures Aethereas, tantum radice ad tartara tendit. Haud secus assiduus hinc atque hinc vocibus heros tunditur. Mens immota manet: & adeò non deficit ab eo quem semel Christum confessus est, vt discipulos quoque suos iam moriturus illi mittat. Et eam vitæ rationem inijt, vt nec vulgi applausus multum commodare ipsi, nec principum tyran-

nis valdè incòmodare potuissent. Aulas Regum dum licuit, fugit: mollibus vestimentis vsus nò est: leui & pro vilitate obuiò cibo contentus, sine vxore, sine liberis, sine familia vixit. Neque ad hanc vitæ rationem magnopere expetebantur, si ne quibus homines se mali arbitrantur non posse viuere: nec si adfuissent, vllus eorum vsus fuisset. Nulla igitur ipsi inconstantiæ causa fuit. Et hoc exemplo doceri oportebat in simili vocatione positos: non solum, quomodò leuitas incòstantiæ, que euitanda esset: sed etiam qua ratione auctoritas, quæ in Ecclesiaste summa requiritur, concilianda. Diximus autem suprà, idè Ioannem misisse discipulos suos ad Christum, vt ex huius dictis factisque fidem, quam ipse docere quidem, infundere non posset, conciperent. Sed non ignoro, varias causas huius legationis à veteribus poni: Voluisse legem & vetus testamentum repræsentare, quæ Christum Messiam describunt, & ad illum vnum omnia referunt: voluisse etiam boni pastoris exemplum posteris relinquare: voluisse expresso mandato scire, iam morti vicinum, an Christus, vt super terram in mûdo conuersatus per semetipsum liberare vellet: ita etiam per semetipsum ex inferis liberatos esset educturus: & vt super terram, ita ipsum oporteret præcursores esse sub terra. Verùm qualiscunque sit causa legationis huius, certum est, Ioânem de Christo nihil dubitasse. Alioqui Christus minimè tanta de ipso pronúciasset. Quantum est autem ab vni-genito Dei filio laudari, totique orbi tantis de rebus còmendari? Quantum est, à Deo adhuc in materno aluo sanctificari? Quantum thesaurus est, veram de Deo habere doctrinam, in eaque ita confirmatum esse, vt alios doceamus, nulliusque erroris vllam occasionem præbeamus? Quantum beneficium est, à puræ doctrinæ norma, à rectitudine nusquàm deflectere? Hæc omnia cum sint, & quidem excellentissimo modo, in Ioanne, quis non beatum eum dicat? Quis non dignum iudicet, cuius testimonio fides habeatur. Cuiusmodi autem de die testimonium? Ego vidi, inquit, & testamentum perhibui: quia hîc est filius Dei. Ecce agnus Dei. Veniet fortior me, post me, qui ante me factus est: cuius corrigiam calciamentorum procumbens soluere dignus non sum. Ipse baptizabit in aqua & spiritu. Ventilabrum in manu eius, & purgabit, &c. An non pulchrè his verbis Christum descripsit? An non omnia vni Christo conueniunt? Cur ergo huius testimonium

non am.

Ioan. i.

Luc. 1.

Matth. 3.

Matth. 9. Ioan. 11. mortuos suscitauit, vbiq; pauperibus prædicauit.

Luc. 7. Euangelium: vt cum ait: Confide fili, remittuntur tibi pecca-

Idem 23. ta tua. Et remittuntur tibi peccata: vade in pace, fides tua te

Idem 12. saluum fecit. Et, hodie mecum eris in paradiso. Et, Nolite timere pusillus grex, quoniam placuit patri vestro, dare vobis regnum sempiternum. His signis Christus agnosci vult, quæ admodum ex fructibus arbor. Et sanè non in sua persona solum, sed & in membris suis ex pietatis virtutisque actionibus vult agnosci. Neque enim licet miracula facere non omnibus præceperit, idè nullæ actiones piæ necessariò requiruntur: sed valere debet hæc regula: Ex fructibus eorum cognoscetis eos. Quæquàm vt non illo tantum tempore miracula ipse fecit, sed etiànum operatur: ita quæ in nobis modò operatur,

Ioan. 3.

Acto. 9.

nostra dici possunt. Cæci erant Nicodemus & Saulus: per Christum sunt illuminati. Matthæus & Zachæus claudi per Christum cõfirmati. Peccatrix illa & latro in cruce, mortui, per Christum viuificati. Pharisei leprosi multi eorū p Christum sunt mundati. Sunt etiànum cæci, claudi, muti, surdi, leprosi, mortui, sanat Christus per quos vult. Et hoc maiorem Christi facta auctoritatem increntur, quòd non solum in seipso, aut per seipsum supra naturam multa fecit, verumetiam alijs hanc suam potentiam pro sua voluntate communicauerit. Quis enim dubitat à Christo fieri, quæ per ecclesiæ ministros ad salutem multorum fiunt? Merentur ergo fidem cum Ioannis testimonium, tū Christi admiranda opera. Sit enim non credamus in Christum, quòd Ioannes de ipso testimonium perhibuit, talèmq; prædicauit: tamen quia ipse se talè exhibuit, credendū est. Quis dubitabit fore: vt idè corpora nostra corpori suæ claritatis cõuiuificet, cum secūdò venerit, qui emortuis atque in inferno positis animabus vitam restituit? Qui quod maius est fecit, faciet quod minus est. Minus est enim corporibus reddere vitam, quàm animabus Dei spiritum. Huic & corpori, cum vita æterna fuerit donata, tunc

1. Cor. 13. omnia illa perfectiori modo in nobis efficiet. Tunc verò oculi nostri aperientur: vt coram liceat contueri, quod modò per

Ioan. 17. speciem & imaginè videmus. Videbimus illic Deum sicuti est.

2. Cor. 12. Videbimus claritatem vnigeniti Dei, quam habuit ab initio.

Apocal. 21. Audiemus nullis linguis enarrabilia: quæ non licet homini loqui. Tunc qui in terræ puluere sunt, euigilabunt, &, vt semel dicam, tunc omnè Deus lachrymam ab oculis se diligentium ab-

tium absterget: nec erit vllus vel dolor vel luctus. Hæc ergo præsens lecto de Christo loquitur. Et quis non exultaret, tanta de Christo audiens testimonia? Siue enim quæ iam in nobis fecit, siue ea quæ facturum est aliquando, inspiciamus, gaudendum & lætandum est in Domino. Id quod ipse introitus officij hodierni monet. Gaudeamus ergo, sed in Domino, & semper modestia nostra nota sit omnibus hominibus: quia Dominus propè. Meditemur Ioannem, vita, doctrina, fide, & quod Christo dedit firmum illud & irrefutabile testimonium, suscipiamus, factisque Christi confirmemus quæ concepimus fidem. Tum licebit in Domino gaudentibus atque fidelibus seruis Christum expectare venturum. Cui cum patre & sancto spiritu æternus honor. Amen.

DOMINICA ADVENTVS IIIII. EVANG. IOAN. I.

ET hoc est testimonium Ioannis, quando miserunt Iudæi ab Ierosolymis sacerdotes & Leuitas ad eum, vt interrogarent eum: Tu quis es? *1. Ioan. 4.*
 Et confessus est, & non negauit. Et confessus est: *1. Tim. 6.*
 quia ego nõ sum Christus. Et interrogauerunt eum: Quid ergo? Elias es tu? & dixit: Non sum. Propheeta es tu? Et respondit: Non. Dixerunt ergo ei: Qui es, vt responsum demus ijs, qui miserunt nos? Quid dicis te teipso? Ait: Ego vox clamantis in deserto: dirigite viam Domini, sicut dixit Isaias Propheta. *Isaia 4.*
 Et qui missi fuerant, erant ex Phariseis. *Matth. 3.*
 Et interrogauerunt eum, & dixerunt ei: Quid ergo baptizas, si tu non es Christus, neque Elias, neque Propheeta? Respondit eis Ioannes, dicens. *Marc. 1.*
 Ego baptizo in aqua: medius autem vestrum stetit, quem vos nescitis. Ipse est, qui post me venturus est: qui ante me factus est, cuius ego nõ sum dignus: vt sol uam corrigiã calciamenti. Hæc in Bethabara facta sunt, trans Iordanem: vbi erat Ioãnes baptizans. *Luc. 3.*
Act. 1. & 19.

38 POST. F. IOAN. FERI EPIT.
E ADEM DOMINICA
EPISTOLA PHIL. IIIL.

Gaudete in Domino semper. Iterum dico gaudete. Modestia vestra nota sit omnibus hominibus. Dominus enim propè est. Nihil solliciti sitis: sed in omni oratione, & obsecratione, cum gratiarum actione, petitiones vestra innotescant apud Deum. Et pax Dei qua exuperat omnem sensum, custodiat corda vestra & intelligentias vestras in Christo Iesu.

S E R M O.



PRIMUM omnium hoc dicendum est maxime, cur Ioannem in his quatuor de aduëtu Domini sermonibus, duæ Euangelicæ lectiones tan toperè prædicent. Quasi enim Christo conferri debeat, totidem cum illo sermonibus celebratur. Sed iustissimæ facti huius sunt rationes. omniâque hûc referenda sunt: vt Christus verè agnosceatur. Cùm enim Ioannes egregiè Christû prædicauit, pulchrèque suis proprijs coloribus deinxit: maxima verò salutis nostræ pars hoc in negotio consistit: vt veram in Christum fidem habeamus: necessum erat, prius personam Ioannis considerare, vt quod Christo dedit testimonium, fidem faceret omnibus. Non enim, ne in ciuilibus quidem negotijs, omnium sine delectu testimonium suscipimus: sed examinantur prius, si sint boni viri, & à dolo malo alieni. Itaque quæ superiore sermone de Ioâne diximus, plerâque de ipsius persona intelligenda, & ad commendationem ipsius referenda sunt. Quâquàm autem, quòd à Deo immediatè vocatus est, quòd mirabiliter conceptus, mirabilius in vtero matris sanctificatus, maxima omnium ad miratione vixerit: quòd solida constantia officium suum fecerit, quòd nec carcerem timuerit, nec discipulorum, vulgi, Phariseorumque opinione illectus fuerit, plurimùm ad commendationem eius faciunt, confirmantque testimonium exhibitum: maiorem tamen vim habet Christi de eo sermo. Neque verò hîc locum habet, quod Prouerbio dicitur, Muli mutuum scabunt, si Ioannes Christo, Christus Ioanni testimonium defert. Neuter enim vlli vnquam blanditus est. Nam si Ioannes blandiri voluisset vnquam, in aula Regis id se-

gis id fecisset maximè, vbi huius causa dimitti ex carceribus, multàmque sibi auctoritatem conciliare potuisset. Sed mortem pro veritate subire, quàm contra æquitatem blâdiri maluit. Et Christus quoque ab hostibus verax, veritatèmque docere, dicitur. Nulla ergo inter ipsos doli suspicio esse potest, præsertim, cùm in re omnium maxima, & ex qua nihil illis huius temporis emolumenti venit, laborant. Multa autem & alij Prophetæ de Christo dederunt testimonia, quæ admodum primis dominicis de aduentu Domini dictum est. Sed Ioannes omnium nouissimus inducitur. Primum: vt intelligeremus vetera transisse omnia, nouaque facta, pronissam nos adeptos esse hæreditatem, nec iam seruos, sed filios esse, habereque spiritum adoptionis filiorum Dei, gratiam quoque & veritatem per Iesum CHRISTVM, qui nos lauit à peccatis nostris in sanguine suo, eos simul qui propè erant, & qui lógè: vt rectè Paulus dixerit, in ipso promissiões omnes esse, amè & ita, & ipse in cruce cõsummata esse affirmauerit, mortem deuictam esse per victoriam eius, nihilque nunc damnationis esse ijs qui sunt in ipso. Omnes enim Prophetæ & lex vsque ad Ioannem prophetauerunt. Deinde etiam Ioannes nouissimus inducitur, quòd aliorum vaticinio de ipso proditum sit, fore, vt ipse præcederet faciem Domini, parare viam eius. Tertio quoque eo, quòdque de Christo sparsim prodiderunt ceteri Prophetæ, Ioannes quasi fasciculo complexus est. Vt cùm ait: Qui de cœlo est, super omnes est, diuinitatem Christi, medius vestrum stetit, humanitatem, ecce agnus Dei, passionem, ipsum oportet crescere, ascensionem, baptizabit vos in spiritu sancto, regnum eius in hoc mundo, ventilabrum in manu eius, permundabit aream suam, congregabit triticum in horreum suum, paleas autem comburet igni, futurum iudicium prænunciat. Commodissimè ergo inter reliquos Prophetas, & Christum inducitur, & in hoc sanè egregiè nobis sese commendat Dei prouidentia, omnia disponens suauiter. Nam tanta erat illo tempore cùm sacerdotum negligentia, tùm populi inscitia: vt nisi præcedente aliquo egregio antambulone, qui omnium reliquorum Prophetarum voces quasi in vnum concentum colligeret, atque digito ipsum demonstrasset, incognitus Christus cunctis ignorantibus delituisset. Et hoc altum illud silentium erat, mediũque noctis iter, de quo

2. Corin. 4.

Galath. 4.

Rom. 8.

Ioan. 1.

Apoc. 1.

Ephes. 2.

2. Corinth. 2.

Ioan. 19.

2. Corint. 15.

Rom. 8.

Matth. 11.

Malach. 3.

Luc. 2.

Matth. 3.

Sap. 18. in Sapia scriptum est. Ipse quidem Natiuitatis sacratissi-

Luc. 2. mæ locus nihil de nato infante omnipotente, nisi angelis de
 cælo denunciantibus, rescinisset: nemo istam puellulam virgi-
 nem, matrem Dei putasset. Vt ergo innotesceret Christus,
 maximè cum prædicaret regnum Dei, præcessit Ioannes, an-
 gelus & tuba gratiæ. Et ita quidem intendit vocem suâ tuba
 Dei, vt sonitu suo ac clangore vehementi vniuersos concute-
 ret vrbs sanctæ angelos, omnes commoueret homines. Nun-
 quid enim commoti videntur, quòd non solum ex plebe om-
 nium ordinum homines ad clamantem vocem in deserto cõ-
 glomerantur: verum etiam ex vrbe primatia, à summis sacer-
 dotibus, magni nominis viri pro legatione mittuntur? Lon-
 gè ab hominibus Ioannes in deserto erat: tamen magnorum
Genes. 49. hominum in vrbe animos percellibat. Non auferendum esse
 sceptrum à domo Iuda, neque ducem de femore eius, donec
 veniret, qui mittendus esset, Iacob quondam prædixerat:
 Iamque in Herodis manu cuncta erant posita. Numerauerat
 Daniel certas hebdomadas, quibus expletis, Messias vêturus
 esset. Præterierant hæc omnia. Neque tamen Messias agni-
 tus fuisset, nisi Ioannes vox clamans præcessisset: imò nemo
 quicquã de Christo cogitasset, nisi hic adesse cecinisset. Tan-
 tum erat omnium silentium, siue illa ex Magistratus somno-
 lentia, siue ex populi ignorantia. At hac tuba insonante, adesse
 promissam Dei sobolem, conuersari in medio hominum,
 qui continetur à nemine, ipse omnia continens, quem pater
 promississet, lex atque Prophetæ venturum annunciasse,
 figuræ adumbrassent, qui expectatus cunctis gentibus, salu-
 tem ferret omnibus, repudiaret neminem, aures arriguntur
 omnium: ipseq; sit, qui hæc, an verò de alio, diceret, quod eius
 officiũ, instituitur quæstio. Nemo, fratres, miretur, si alioqui
 gens stolidæ, populus insipiens ad tantæ clangorem tubæ ex-
 terretur, & ad quærendum, de Messie mouetur aduentu. In
 hoc enim negotio, salus depēdet omniũ. Quicquid scribitur,
 quicquid dicitur, quicquid sobria mente cogitatur, id omne
 hũc tēdit: vt Christus agnoscatur, apprehēdatur, cõseruetur.
 Sine hoc nihil sunt, quæcunque sunt. Cũ ipso etiam quæ non
 vidētur esse, sunt. Hoc magis miremur, quòd in inquisitione
 hac imprudentes manserint, quòd demonstranti Ioanni non
 crediderint, quòd euidentibus testimonijs factisque manife-
 stum non susceperint, quòd salutem neglexerint. Audiunt
 adesse Chri-

adesse Christum, nec tamen credunt. Non, ne quid inconsulto agerent: aut honorẽ Christo debitũ nulli alteri deferrent, ideo hanc legationem instituunt: sed ne quid immutando de suo deperderent, auctoritatem sibi ac bona conseruarent. Hinc Christus legationis huius intentionem coram Iudæis expressit, dicens: Vos misistis ad Ioannem, & testimonium perhibuit veritati. Ego autem ad hominem non accipio testimonium, sed hæc dico, ut vos salui sitis. Ille erat lucerna ardens, & lucens. Et vos voluistis ad horum exultare in lumine eius. Facile est ex his verbis colligere, quod hac legatione Iudæi non veritatem, sed sese quæsierint. Iam tum enim intelligebant, Christum pharisaicæ superstitioni repugnare, corruptosque mores arguere: atque apud semetipsos constituerat, nolle hunc super se regnare. Quo certè nulli rei consulunt, & sine causa Deo repugnant. Pater enim Deus hunc Christum consignauerat Messiam, pauperem, humilem, cui non esset aspectus neque decus, nouissimũ virorum. At ipsi diuitem, fastu superbum volebant. Hinc Ioãni honorem deferunt. Non quia Ioannes talis esset, sed quod multa haberet, quæ hũc plurimum facere videbantur: solum natale, parentes, diuitias, & alia. His abusurum Ioannem credebant, auræque populi captum in suam sperabant sententiam transensurum: denique nihil formidandum esse ab eo, qui simili crimine teneretur captiuus. Et quia eiusmodi nihil de Christo sibi polliceri poterant, hoc spreto, ad Ioannem conuertuntur. Hæc ipsorum mens erat, firmæque sententia. Quis autem enarrare sufficit peruersitatis indignitatem tantæ, in maximo diuini honoris omniumque mortalium salutis negotio propriũ captare lucrum? Utinam nihil simile in Ecclesia nunc quoque deplorare necessum haberemus. Quid autem est, tot nunc annos, quæ fidei quæque pacis patriæ sunt, per Concilia, per Synodos, perque comitia quærere, eisdem tamen & rebus & medijs pro cuiusque affectu repugnare? Quisque sibi eligit CHRISTVM, hoc est, fidem, religionem, reformationem: quilibet subijci confingit, non quæ CHRISTVS & Apostoli volunt, sed quæ odium & amor suadent. Alij volunt CHRISTVM nimis blandum, ad omnia impietatis genera conuiuentem. Alij alium, qui sacrilegia vimque sacrarumque profanis illatam defenset, quæritant. In his tam diuersis studijs, Euangelium, fides, pax, patriæ vclamen sunt.

Ioan. 5.

Sap. 2.

Luc. 19.

Iai. 3.

Maledictus est (inquit propheta) qui opus Domini facit negligenter. Quid diceret nunc de ijs, qui opus Domini faciunt fraudulenter? Paulus certè, si viveret, plenos omni dolo, & omni fallacia, filios diaboli, inimicos omnis iustitiæ diceret. Et hæc, quæ vel dicimus, vel scribimus, dum legunt multi, sese studiâ quæ sua argui tacito quodam consensu intelligunt: sed emendat nemo, nemo corrigit. Omnes quærun quæ sua sunt, non quæ Iesu CHRISTI. Quid est hoc aliud, nisi vel cum summis Iudæorum sacerdotibus de alio, non verò Christo eligendo, legationem instituere, vel cum legatis præter

Acto. 9. CHRISTVM aliam salutis viam quærere? Non sunt necessaria quæstiones hæc: Helas es tu? Propheta es tu? CHRISTVS es tu? Nec item: Quid ergo baptizas, si tu non es Elias, neque Propheta, neque Christus? Sed hæc potius: Quid faciemus, vt saluemur? Quid vis me facere? Quid retribuam Domino pro omnibus quæ retribuit mihi? Quid dignum offeram Domino? His ipse Christus respondet: Qui vult me sequi, abneget semetipsum, & tollat crucem suam. Si quis venit ad me, & non odit patrem suum, & matrem suam, & uxorem, & filios, & fratres, & sorores, adhuc autem & animam suam, non potest esse discipulus meus. Operamini cibum, non qui perit, sed qui permanet in vitam æternam: quem filius hominis dabit vobis. Agite, fratres, in proximo natalis Christi dies est: primi aduentus memoria celebranda nobis est. Si nihil putamus, quæ de Christo prædixerunt Propheta, Ioannem intueamur: nec solum veritatem, sed & qualitatem & ordinem testimonij ipsius consideremus. Multa quidem nec vanè de Christo dicere quis posset: sed plurimum refert, vt religionis doctrina sacræ procedat ordine: non solum, ne quid primum dicatur, quod postremò dictum oportuit, vel contrà: sed etiam, ac multò magis, vt sit integra, tota, & sibi consentiens. Quid enim prodest, si quis concionator ad exemplum Ioannis vera de Christo prædicet, si constanter dictis inhæreat, si nihil in mundo appetat: interim tamen iustum doctrinæ ordinem non seruet? Duo hæc maxima mala sunt in Ecclesia: quòd alij dissidentia desperent: alij de sua fide sibi promittant nimium: quorum alterum est Dei misericordiam & peccatorum in Ecclesia remissionem ignorantium: alterum iustitiam Dei cludentium est. Præstat igitur in testimonio Ioannis tutò versari, eodè inque, quo ipse mo-

ipse modo, viam Domino præparare. Nouit ille desperantes erigere, nouit elusores Dei iustitiæ deicere: qui nihil eorum, quæ ad CHRISTVM vel agnoscendum, vel suscipiendum, vel denique conseruandum in nobis faciunt, prætermittit. Nihil hic de persona ipsius repetam: superior enim sermo hæc tractauit, ac cum esse nouimus, cui testificanti fides habeatur meritò. Hoc vnum requiritur, vt qui pro vocatione sua in Ioannis testimonio versari volunt, qui aliquid prædicando efficere, ad ipsius exemplum inconfusibiles & fideles sese ostendant operarios. Verissimum enim illud Gregorij dictum est: Cuius vita despicitur, restat, vt & prædicatio contemnatur. Quòd ergo ad doctrinam Ioannis attinet, primum pœnitentiam suadet: deinde veram de CHRISTO fidem tradit: tertio vitæ normam præscribit. In his tribus consistit principium, medium, & finis totius Religionis nostræ. Et cum hodie etiam hæc nobis Ioannes prædicat: non simus sicut Iudæi, de quibus dicitur, quòd in propria venientem Christum non receperint. Fuerunt quidem illi populus electus ex omnibus tribubus & nationibus, habentes promissiones patrum suorum de filio Dei: sed indignos se gratiæ diuinæ fecerunt. Nec finis, sicut mundus: qui per Christum licet factus sit, ipsum tamen non cognouit. Venit enim lux in mundum, & dilexerunt homines magis tenebras quàm lucem. vnusquisque in viam suam abiit, bibentes aquam de cisternis suis. Deum aquæ viæ fontem dereliquerunt. Gentes in idolis, quæ formauerunt manibus suis, sperabant. Iudæi in lege iusticiam quaeritabant. Propterea Christus illis obiecit, dicens: Cui similem æstimabo generationem istam? Similis est pueris sedentibus in foro, qui acclamantes æqualibus suis, dicunt: Cecinimus vobis, & non saltastis: lamentauimus, & non planxistis. Venit Ioannes, neque manducans, neque bibens, & dicunt: dæmonium habet. Venit filius hominis manducans, & dicunt: Ecce homo vorax, & potator vini: publicanorum & peccatorum amicus. Ideoque Dei ignorantes iusticiam, propriam verò iusticiam volentes constituere, iustitiæ Dei non sunt subiecti. Simus ergo molles sicut cera: habeamus non lapideas, sed carnea corda, quæ à lucerna hæc ardente & lucente accendantur, & liquefiant. Principio omnium ille mentes pœnitentiæ prædicatione exuscitat. Pœnitentiam agite, inquit, appro-

Ioan. 1.

Exod. 19.

Roman. 9.

Ioan. 1.

Ibidem. 3.

Isa. 53.

Matth. 11.

Matth. 3.

pinquat regnum cœlorum. Optimè pœnitentiam dixit. Non enim perfectè mutabitur vita in melius, nisi doleat antè vixisse non bene. Oportet enim omninò prius delictorum enormitatem considerare, iræque Dei seueritatem: vt pigrû & dormitans cor ad implorandam diuinam opem excitetur. Dauid huius rei pulcherrimum ædidi exemplum, quando non partem aliquam sui, sed omnia sua ossa atque animam valdè exterritam confitetur. Et alibi ait: Sagittæ tuæ infixæ sunt mihi. Non est sanitas in carne mea à facie iræ tuæ, non est pax ossibus meis à facie peccatorum meorum. Quoniam iniquitates meæ supergressæ sunt caput meum, & sicut onus graue grauata sunt super me. Et mox: Rugiebam à gemitu cordis mei. Nimia confidentia est, arbitrari Deum mox auferre peccatum, quomodò obiter dico: Credo Christum meum pro me satisfecisse, meamque nunc impietatem coram patre excusare. Quin & Dauid fidem CHRISTI habuit, & fortassè aliquanto firmiorem. Sed videte, quàm turbetur, quàm sollicitus est, idque non ab iræ Dei solum, sed à peccatorum suorum quoque consideratione. Nec aliter facere potest, qui verè & ex animo pœnitet. Exemplo sunt Petrus & Magdalena. Propterea Ioannes ad se venientes pharisæos, in quibus illam compunctionem nondum animaduertebat, acriter excipit. Progenies viperarum, inquit, quis vobis submonstrauit, vt fugeretis à ventura ira? Facite ergo fructus dignos pœnitentiæ: & ne dicatis intra vos: Patrem habemus Abraham: dico enim vobis, quia potens est Deus ex lapidibus excitare filios Abraham. Iam enim securis ad radicem arboris posita est. Omnis ergo arbor quæ non facit fructum bonum, excidetur, & in ignem mittetur. Scio quàm insuauis hæc multis videatur concio de pœnitentiâ. Sed nec hoc ignoro, vnde illud sit. Pœnitentia secunda est tabula, qua peccatoribus è regno diaboli tutò in regnum Christi licet tranare. Propterea Satan, qui regnum suum hac labefactari & diminui videt, infensè eam odit, hocque vnum agit, vt eius memoriâ radicatus ex Ecclesia euellat. Còminiscitur noua dogmata, quæ huic videntur contraria: nunc facilem Deum ad relaxanda peccata docet, nunc pœnitentiæ difficultatem prætendit. Et hoc nunc maximè agit, quando tempus suum breue esse didicit, & homines hac sententia insolentior.

1. Pet. 5. res inuenit. Hic ergo diaboli cogitationes còsiderandæ sunt, quòd cir-

Psal. 6.

Ibid. 38.

Matth. 3.

Luc. 3.

2. Tim. 2.

quod circumbeat, querens quem deuoret. Et quia Christus non venit, nisi Elias præcesserit: gratia non datur, ubi penitentia locum non præparauit. Ioannes uero qui est Elias, & *Jerem. 3. & 5. Deuter. 28. Roman. 1.* Christus, omnem nostram iustitiam consummant. Idèd nemo de peccatorum remissione cõfidat, qui penitẽtia sese nõ præparat. In penitentibus non gratiam, sed iram sacra scriptura denũciat. Reuelatur ira Dei de cælo super omne impietatem & iniustitiam hominũ eorũ, qui ueritatẽ Dei in iniustitia decinent. Et iterum: Ira, & indignatio, & tribulatio, & angustia, in omnem animam hominis operantis malum. Hinc Christus: Nisi penitentiam egeritis, omnes simul peribitis. *Roman. 2. Luc. 13.* Penitentiam agite, & credite Euangelio: appropinquat enim regnum cõlorum. Propterea necessarius est in Ecclesia penitentia sermo, uidendũque uerbi Dei præconi, ne quid intermitat, quod ad solidam penitentiam pertinet. Nemo citò cuiquã manus imponat, ne soluat, quem Deus ligat. Exeplis simul atque dictis ex sacra scriptura desumptis, ita Dei, peccatũque scõditas hominibus ante oculos ponantur, donec relapscentia uerum affectum exprimant, & ira indoluerint, ut commissã non repetant. Hoc facere, est Domino uiam præparare, & Ioannem referre. Deinde hoc fundamento posito, eadem diligentia fides in agnum Dei peccata tollentem docenda est: & turbida corda ad uitæ fontem abluenda, mittenda sunt. Fides enim in nobis dictat, idèd uenisse Christum, ut peccata auferret: infectam naturam nostram emendaret, erigeret, reficeret: Dei patris iram, iudiciũque auerteret. Hũc enim pertinet, quæ postea Ioãnes addit. Ille qui post me uenturus est, inquit, qui ante me factus est, cuius ego non sum dignus procumbens soluete corrigiam calciamentorum eius. Ipse uos baptizabit spiritu sancto & igni. Cuius uentilabrum in manu eius: & repurgabit aream suam, & congregabit triticum suum in horreum, paleam autem exuret igni inextinguibili. Et: Ecce agnus Dei, Ecce qui tollit peccata mundi. Vidi spiritum descendentem specie columbæ de Cælo, & mansit super eum: & qui misit me, dixit mihi: Hic est, qui baptizat spiritu sancto. Et ego uidi, & testificatus sum hunc esse filium Dei. Et alibi: Qui credit in filium, habet uitam æternam: qui autem incredulus est filio, non uidebit uitam, sed ira Dei manet super eum. Quò certè testimonio Ioannes Christum Dei filium esse testatur, & *Ioan. 3.*

quòd hæc fides omninò necessaria sit in iustificatione hominis. Superiùs autem horum verborum diuisionem posuimus, & ostendimus, quæ prophetæ passim de Christo loquuntur, omnia breui hîc fasciculo comprehensa esse. Hîc illud dicamus, quòd duplici ratione Christum Deum esse affirmat. Prima ratio est, quòd ipsi omne tēpus attribuit, præteritum, præsens & futurum. Præteritum, cū ait: qui ante me factus est. Præsens: Ecce agnus Dei. Futurum: qui post me venturus est. Sunt autē hæ notæ æternitatis Dei. Secunda verò ratio est: quòd omnibus maiorem dicit, cū se indignum ait, qui procumbens ipsi soluat calciamentorum corrigiam. Si enim hominē tantū dicere voluisset, utique homo homini eiusmodi obsequium præstare potuisset. Quamquam per calciamenta humanitatē eius intelligimus: ut idem sit calciamentū Christi soluere, & incarnationem vnigeniti Dei patefacere. Sed aliquid esse Christum supra hominem, Ioannes insinuare voluit: non tamen angelū, aut spiritum, sed Deum ipsum carnē factum. Hanc autem fidem necessariam esse imprimis, per hoc docet, quòd iudicatum dicit non credentem. Christus simile dicit, cū Iudæos in incredulitate morituros prænuntiat. Paulus quoque ait: Accedentem ad Deum oportet credere. & impossibile est, sine fide placere

Ioan. 2.

Hebr. 11.

Deo. Nemo enim Deo placet, nisi delictis absolutus. Verū absoluere à delictis, Dei propriè munus est, ut in Propheta loquitur: Ego sum, qui deleo iniquitates tuas. Incredulis nō dimittit peccata: quia hoc posse, ipsi non credunt. Propterea beneficia Dei sibi applicare non possunt: & humana mens non potest de remissis peccatis persuaderi, nisi hoc velle ac posse Christum credat. Ideò ergo Ioannes eadem diligentia fidem prædicauit, qua & pœnitentiam docuit. Iam verò & tertio, quemadmodum pœnitentia sine fide nihil est, ita nec fides sine vitæ emendationis proposito quicquam est. Necessum est ad cōsummatam iustificationem, ut piē, sobriē & iustē viuamus in hoc seculo, expectantes beatam spem &

Ioan. 1.

aduentum magni Dei. Hoc ergo Ioannes vult, cū ait: In medio vestri stetit. Quemadmodum lignum scientiæ boni & mali in medio Paradisi primos homines admonere debuit,

Luc. 3.

ut iuxta præceptum Dei viuerent: ita nos præsentia Dei ad vitæ sanctimoniam hortatur. Hinc Ioannes pœnitentibus pro cuiusque conditione viuendi normā præscribit. Quid faciemus? Ac

mus? At ille: Qui habet duas tunicas, impertiat non habenti: & qui habet escas, similiter faciat. Et ad publicanos: Ne quid amplius, quàm quod constitutum est vobis, exigatis. Et militibus: Ne quem concutiat, ne quem calumniemini: sed contenti estote stipendijs vestris. Sed & multa alia exhortas evangelizavit populo. Hæc eò referatur, vt cogitemus Christum in medio nostri esse, eò q; decere, vt dignè Deo ambulemus. Et Paulus certè, vt rectius hoc intelligamus discernit tempora, multoque aliam rationem esse huius, hoc est, Gratia temporis esse, quàm legis. Peccatum (inquit) vobis non dominetur: non enim estis sub lege, sed sub gratia. Idemque Ioannes vult, dicens: Lex per Moysen data est: gratia & veritas per Iesum Christum. Illi qui in lege erant, à longè in Christum venturum aspiciebant: longè absunt, sed qui propè facti sunt in sanguine eius, in lumine vt filij lucis ambulare debent, ne comprehendantur à tenebris, necue offendant. Est quidem ille multis modis in medio nostri, vt quum formam serui accepit, & frater noster factus est, secundum diuinitatem omnibus ex æquo proximus adest, quum ipse verbum in ore nostro est. Sed vult, vt vita nostra emendatior ostendat, se in nobis esse. Non vult occultari & obscurus latere: sed vult manifestari præsentia suæ dona. Et hic modus optimus Christum annunciandi. Paulus eandem docendi methodum sequitur, adeoque in hodierna Epistola: quo quidem in loco non meminit poenitentia. Neq; verò eam opus erat denuò inculcare apud eos, qui iam se Domino præparauerant: sed reliquas duas partes maximè vrget. Primùm fidem docet, cū ait Dominus propè est: nihil solliciti sitis. At pietatē, siue emendatam vitam suadens, primū, quid erga homines, deinde, quid erga Deum præstandum sit, monet. Modestia vestra nota sit omnibus hominibus. Sic coram hominibus viuendum est. At coram Deo: In omni, inquit, oratione & obsecratione, cum gratiarū actione, petitiones vestrae innotescant apud Deum. Videte hic, quàm conueniant duæ ille tubæ Euangelicæ, Ioannes & Paulus. Quanto studio ac diligentia officium vtrique suum facit: quorum ille Christum præcedit, hic sequitur. Ille quidē quibus rationibus Christus suscipiendus sit, docet: per poenitentia ac fidem: Hic, quomodò retinendus sit apud nos, admonet: per internum atque spirituale gaudiū per modestam vitam, per orationis & gratiarum actionis perseveran-

Rom. 6.

Ioan. 1.

Philip. 2.

Hebr. 4.

1. Thim. 2.

Rom. 10.

Philip. 4.

tiam. Et quid aliud fecerunt, nisi quodd iuxta Davidicum preceptum Domino congregauerunt sanctos suos, eos (inquam) qui ordinant testamentum eius super sacrificia. Non vult Deus congregari eos sibi, qui sacrificia ordinant super testamentum: qui suis factis plus quam promissionibus tribuunt (semper enim magis fidem quam sacrificia exegit, imò nunquam sacrificia ipsi sine fide placuerunt, vt in Cain videre est) sed qui ordinant testamentum super sacrificia, hoc est, qui promissionibus Dei de Christo plus tribuunt, quam vel legi vel factis hominum: qui iustificationem suam magis fidei in Christum, quam pœnitentiæ actis vendicant. Non, vt nihil sint sacrificia cordis contritu pœrque pœnitentiam afflicti (Sacrificium enim Deo est spiritus contribulatus, nec despicit cor contritum & humiliatum) sed quodd testamentum Dei, promissio fides, maiora sint sacrificia. Hoc etiam Paulus vult, cum ait: Si ex lege esset hæreditas, iam non ex promissione. Si gratia, iam non ex operibus. Et quidem cum adhuc inimici eius essemus, reconciliati sumus Deo, & gratia saluati: non ex operibus, quæ fecimus nos. Gratia enim præstat, vt verè pœniteamus, vt emendemus vitam. Propterea eos vult Deus congregari, qui ordinant testamentum super sacrificia, non contra. Et hanc formam sequamur prædicando atque respiscendo. Audiamus tubas has, & quem præsentem annunciant, eo modo quo dictum est, & decet, suscipiamus: susceptum apud nos conseruemus. Non negligamus oblatam gratiam, nec vel incredulitate vel impietate pugnemus contra eam. Cogitemus necessariam esse pœnitentiam, quæ firmatur in fide Iesu Christi, & hanc habere promissionem remissionis peccatorum innumeris exemplis confirmatam, ac remissis peccatis, Deum per fidem in cordibus nostris habitare, eaque regere, vt vltra non demus locum peccato, ita, vt regnet in nobis, ac dominetur nostri. Tum hanc agnoscamus gratiam Dei nobis exhibitam, quodd secundum fœdus, quod pepigit in filio suo Domino nostro, velit nobiscum esse. Contra etiam cogitemus horribiles animorum tenebras, vbi hæc lux mentes hominum non illustrat, nec diuini spiritus societate viuatur. Et hæc idè diligentius cogitemus, vt teneamus quod habemus, ne alius accipiat coronam nostram. Amen.

IN FESTO NATALIS

DOMINI. EVANG. LVC. II.

FActum est autem in diebus illis, Exijt edictum à Cæsare Augusto, vt describeretur vniuersus orbis. Hæc descriptio prima facta est à Præsidente Syriæ Cyrino. Et ibant omnes, vt profiterentur singuli in ciuitatem suam. Ascendit autem & Ioseph à Galilea, de ciuitate Nazareth, in Iudæam ciuitatē Dauid, quæ vocatur Bethleem, eò quòd esset de domo & familia Dauid, vt profiteretur cum Maria desponsata sibi vxore prægnante. Factū autē est, cū essent ibi, impleti sunt dies, vt pareret: & peperit filiū suū primogenitū: & pānis cum inuoluit, & reclinauit in præsepio: quia non erat ei locus in diuersorio. Et pastores erāt in regione eadē vigilātes & custodiētes vigilias noctis super gregē suū. Et, ecce, Angelus Dñi stetit iuxta illos: & claritas Dei circumfulsit eos: & timuerūt timore magno. Et dixit illis Angelus: Nolite timere: Ecce enim Euāgelizo vobis gaudiū magnū, quod erit omni populo: quia natus est vobis hodie Saluator, qui est Dñs in ciuitate Dauid. Et hoc vobis signū: Inuenietis infantē pānis inuolutū, & positū in præsepio. Et subitò facta est cū Angelo multitudo cœlestis, laudantiū Deū & dicentiū: Gloria in altissimis Deo, & in terra hoībus pax bonæ volūtatis.

EODEM FESTO EPI-
STOLA, TIT. II.

Apparuit gratia Dei & Saluatoris nostrī omnibus hominibus, erudiens nos: vt abnegantes impietatem & secularia desideria, sobriè, & iustè, & piè viuamus in hoc seculo expectantes beatam spem, & aduentum gloria magni Dei & Saluatoris nostrī Iesu Christi, qui dedit semetipsum pro nobis, vt nos redimeret

ab omni iniquitate, & mundaret sibi populum acceptabilem, scilicet bonorum operum. Hac loquere, & exortare, & arguere cum omni impio. Nemo te contemnat.

S E R M O.



ACTIVITAS Saluatoris nostri Iesu Christi totum mundum hodie illuminat: & tempus est, ut in nouæ lucis ortu mentium cunctarum diffusis nubibus, per gratiam fides gratam Deo nobisque utilem germinet letitiam. Res enim mali ominis in Christiano esset, hac tanta in sollemnitate, nouo non accendi gaudio, nec ullum de se gratianimi præbere indicium. Iudæis, quicumque ille esset, & stultis gentibus iudicaretur iniquior, ferisq; immanior.

- Ierem. 8.* Nam & gentes istæ festos dies suos magna cum letitia celebrant: & ciconia, turtur, hirundo, & grus, cundo redeundoque, naturæ instinctu, non rationis imperio, tempus cognoscunt obseruantes: bos quoq; cognoscit Dominum suum, & asinus præsepe dominorum suorum. Ideoque fratres, vos ac memet vobiscum tantam ut natiuitatem, digna, hoc est, omni mentis diligentia cogitemus: ad moneo atque exuscito.
- Rom. 13.* Ecce enim propior nunc nostra est salus: surgamus à somno. Appropinquauit redemptio nostra: leuemus capita nostra.
- Luc. 21.* Vetera transierunt: noua facta sunt omnia. Mortem fugauit.
- 2. Cor. 5.* vita, mundi principem Christus nostra deuicit iustitia: & quid multa, rex noster Deus decorem indutus est: fortitudine præ-
- Dan. 9.* cinxit se. Exulta ergo, & lauda habitatio Sion: quia magnus
- Ioan. 12.* in medio tui sanctus Israël. Consurge, consurge: induere fortitudinem tuam, induere vestimentis gloriæ tuæ Ierusalem. Sol-
- Psal. 92.* ue vincula colli tui captiua filia, quia hæc dicit dominus: Gra-
- Isai. 51.* tis venundati estis, & sine argenteo redimemini. Gaudeat Adâ
- Gen. 3.* pater, quia hodie ex semine eius processit, qui serpentis caput
- Gene. 21.* contrerat. Gaudeat multarum parens Abraham gentium, quia semen eius hodie cum fecunda omnium gentium benedictione pro-
- Psal. 131.* dijt. Exultet vir secundum cor Dei David, quia hodie fructum ventris eius Deus super sedem maiestatis ipsius posuit. Exultet Propheta, quorum hodie vaticinia & desideria impleta sunt.
- 1. Ioan. 2.* Latentur peccatores: ecce propiciatio eorum aduenit. Letentur debiles: ecce venit medicus. Gaudete pueri, gaudete virgines, gaudete matres, quia Deus hodie infans ex virgine matre natus est. Nullus sit sexus, nullum genus hominum, quod hodie no-

uo non exulter gaudio. Omnibus enim datus est, qui omniū
 causa homo puer natus est. Sed quid vos, fratres, ex Dei mi-
 rabili infantia ad lætitiā exhortor, quos id ipsum in sese ex-
 periri omninō persuasum habeo, quod in me sentio? Equidē
 sic in hanc omniū credētium solennitatē afficior, sic incredi-
 bili suauitate huius puerperij trahor, vt nec quod sentio, dicē-
 do satis exprimere possim: & minū videatur, quidquid de
 tanta lætitiā sentio. Sed est, qui me, vt hanc meā dicēdi infan-
 tiam æquo animo ferā, suo exēplo monet, Isaias tantus Pro-
 pheta, vt Hieronymi testimonio merito Euāgelista dicēdus
 sit: qui cū multa de hoc puero dixerat, plura dicturus, his
 sermonē abrupit: Quis generationē eius enarrabit? Sed &
 Ioānes Baptista Domini, plus quā Prophetā, quo inter na-
 tos mulierū maior nō surrexit, hoc Christi natiuitatis calcia-
 mentū soluere indignum se iudicauit. Deniq; ipse etiā Ange-
 lus sanctarū nuptiarū Paranympus ab virgine rogatus, quo
 modo istud fieret, quasi rem humanas cogitationes transcen-
 dentem dicturus, Spiritus sanctus (inquit) superueniet in te,
 & virtus altissimi obumbrabit tibi, Quod ergo Prophetā
 non potuit, nec plus quā Prophetā, nec Angelus, quid est,
 quod ego de tam admiranda natiuitate conor exprimere? Di-
 cendum tamen aliquid est, neque tantæ solennitatis præter-
 eundum est gaudium, si non pro rei maiestate, certē pro no-
 strarum virium tenuitate. Exultandum est, inquis: Audio.
 Quæ causā lætitiæ tanta. Nasci infantem nocte obscura, bru-
 mali sydere, reclinari in præsepio, non habere præ inopia lo-
 cum in diuersorio, vt noua non sunt, (communissima enim
 nobis sunt generatio & corruptio) ita nec quicquam lætitiæ
 adferunt. Verum cū hæc dicuntur, nostri nos potiū ortus
 admonent, quā huius festiuitatis causam exprimūt. In hac
 enim natiuitate omnia noua, etiam eximia; omnia plena læti-
 tiæ: omnibus causā salutis æternæ. Nihil cum ea nostri ortus
 habēt commune. Nam qui hīc nascitur, Deus est: qui genuit,
 æternus & incomprehensibilis est: de qua nascitur, mater qui-
 dem est, sed & virgo est, ante partū in partu, & post partum:
 virgo est, inquam, & virgo permanet. Sine peccato cōceptus
 est, idēque sine vel dolore vel immunditia genitus est. Na-
 scitur autem non suis tantū sed omnibus: imō hoc ipso, q̃
 omnibus nascitur, omnes suos facit. Denique ipsa etiam pau-
 pertas infantuli nostrā egestatem mitigat, & facit, vt rectius

Isai. 53.

Luce 1.

- toleremus creaturæ, quā videmus in creatore. Hæc causa sunt hodiernæ letitiæ & solēnitatis, quæ omnia angelus paucissimis quidem verbis, sed verè tamen complexus est. Ecce, inquit, annuncio vobis gaudium magnum, quod erit omni populo: quia natus est vobis hodie saluator. Verè magnum gaudium, cuius prædicatores primi sunt Angeli: verè magnum, quia omni populo erit: imò nec omni populo tantum, sed & Angelis ipsis. Neque enim per hanc natiuitatem homines solum ad spem viuam renati, sed Angelorum quoque sedes vacuæ impletæ sunt. Verè inquam, magnum, hodie enim natus saluator est. Saluator est, & natus est, & hodie natus est. Hodie ergo exultandum est, & omnibus exultandum est: quia saluator omnibus necessarius est, & omnibus natus est. Volumus & aliorum Angelorum testimonijs hūc esse saluatorem omnium addiscere? Gloriam illi in altissimis Deo canunt: & suæ pacem hominibus bonam volūtatem annunciant. Nèpè cælum ille & terras, & qui inter vtrumque medius est, hominem saluauit. In cælo, quæ Deo debebatur gloria, languescebat, ea parte, qua exciderant Angeli, & ne ex hominibus ea pars suppleta gloriam aliquādo sonaret, ita mundum Sathan multiplici errore repleuerat, ut nemo, aut certè admodum pauci Deum scirent, & si qui nossent, haud tamè multa ab eo sibi pollicerentur. Ad hæc in illud peccatorum barathrum præcipit deiecerat, ubi nō modò nulla pax esset, sed præter horrorem, fugam à Deo, terroremque nihil superesset. Verum hodie veniens is, qui saluat, cum patris nomen manifestauit hominibus fratribus suis, fili (inquiens) remittuntur tibi peccata tua, in me pacem habetis, confidite, ego vici mundum, fecit, ut pace inuenta certatim homines pro sancta & bona volūtate cælesti Deo patri gloriā deferret, voto, voce, & opere. Hanc gloriam ipsi cum patre Deo cōmunem viderunt. Apostoli, cum aiunt. Vidimus gloriam eius, gloriam quasi vnigeniti à patre, plenum gratiæ & veritatis. Non omnium est tantā vnigeniti Dei videre gloriā. Non viderunt ciues Bethlehē, etsi inter ipsos iaceret vagiens puer, quibus ne totus quidem hic mundus miserabilis quicquam continet. Ecce enim thesaurum omnia in se continēt ante oculos positum non susceperunt. Orta est illis primū lux, & non viderunt solem. Data illis fuit vita, & ecce manent in morte: quia nō credunt in vnigenitum Dei. Viderunt eū pastores, sed magna in paupertate &

pertate & humilitate. Inuenerunt (inquit Euágelista) infan-
 tem pannis inuolutum, & positum in præsepio. Et quâquam
 plenè ac perfectè eū non viderunt pastores, nec tamen sic qui-
 dem videtur ab omnibus. Non videt eum in paupertate diui-
 tijs superbus, non hospitio carentem, domum cōiungens do-
 mu, non plorantem, delitijs affluentibus exultans. Aut si vi-
 derunt, non tamen Christi cognoscunt gloriam, sed suam au-
 gent condemnationem & ignominiam. De quibus ipse Do-
 minus: Nunc autē viderunt, & oderunt, & me & patrē meū. *Ioan. 15.*
 Longè & rectius & melius viderūt Apostoli. Viderunt enim
 nō paupertatem eius tantū, sed & diuitias, & gloriam: glo-
 riam quasi vnigeniti à patre, plenū gratiæ & veritatis. Vidi-
 mus, inquit Ioannes, gloriam eius, nō mundi, quæ sicut dies *Ioan. 1.*
 præterit, sed stabilē firmāmq; Quæ illa? Quòd sit filius Dei,
 non adoptiuus sed naturalis, nec filius tantū, sed & vnigeni-
 tus, qui solus caperet amplissimam hæreditatem. Hunc vidi-
 mus plenum gratiæ paternæ, nimirū & suæ, qui superemi-
 nentes illas gloriæ suæ diuitias venit primogenitus in multos
 fratres diuidere, non ex debito, sed pio miserationis affectu.
 Vidimus & veritatis plenū, qui ea, quæ se facturū daturūmq;
 prædixit, cū adhuc nobiscum esset, incepit atque perfecit.
 Et hanc gloriam non nos soli, sed & nubes Patriarcharū Pro-
 phetaūque ante nos vidit. Vidit (inquā) & voce & signis
 prænunciauit. Vidit eum Iacob, & Schilo, id est, fortunatum
 vocauit. Vidit Moyses, & magni Prophetæ nomen illi dedit. *Genes. 49.*
 Deuter. 18. Vidit Dauid, & vnctū Domini, imò filium appel-
 lauit. Vidit Isaias, & multis nominibus decorauit: Esse cum *Psal. 2.*
 Emanuele, nobiscum Deum, sortem, spoliatores, & velo-
 cem, prædatorem, admirabilem, consiliariū, Deum, fortē, pa-
 trem futuri sæculi, principem pacis. Vidit eum Ieremias in- *Hier. 22.*
 stitum Dominum & saluatorem: Daniel, sanctum sanctorum: *Dan. 9.*
 Michas, dominatorem in Israel, Joel, Doctorem iustitiæ: *Mich. 5.*
 Malachias, Solē iustitiæ, Aggeus, desiderium gentiū. Agg. 2. *Joel. 2.*
 Hi omnes cum Dauide dixerunt: Domine, non discedimus à *Malach. 4.*
 te, viuificabis nos, & nomen tuum inuocabimus. Et cum Pe-
 tro, Domine ad quē ibimus? verba vitæ æternæ habes, apud *Psal. 79.*
 te est fons vitæ, & in lumine tuo videbimus lumen. Trabe *Ioan. 6.*
 nos post te, curremus in odore vnguentorum tuorum, qui *Psal. 39.*
 factus es nobis à Deo sapiētia, & iustitia, & sanctificatio, & re- *Cant. 1.*
 demptio. In horum cœtu inueniri nos necesse habemus: tali-
 d 4

bus oculis opus est ad videndam huius infantuli gloriam. Nisi enim talem cum viderimus, qualis ab alijs visus est, & videri à nobis vult: solidum gaudium nostrum non est, fundamento carēs corruct, nihil est. Solidum Abraham fuit gaudiū, de quo Christus: Abraham (inquit) exultauit, vt videret diē meum: vidit, & gauisus est. Solida & Apostolorum fuit pro beatitudine lætitia, de quibus Dominus in Euangelio loquitur. Beati, inquit, oculi qui vident quæ vos videtis. Dico enim vobis; Multi Prophetæ & Reges voluerunt videre, quæ vos videtis, & non viderunt, & audire, quæ vos auditis, & non audierunt. Tantò ergo maiori desiderio in hanc saluatoris nostri natiuitatem attendamus, omnia dicta factaque, quantum eius pro tempore, proque nostra fieri potest imperfectione, in ipsa diligenter examinemus. Non deterreat animos à diligenti consideratione puerperij huius paupertas. Sed magis quoque ipsa vilitas, vitæ nostræ comprimatur fastum. Sunt alia in ea: vt naturam rationemque nostram transcendētia: ita vehementer admiranda. Recens nati infantes nouas in mūdo speculantur & admirantur imagines, nos contrā in mūdum dudum nati, nouam huius supernaturalis natiuitatis admiremur imaginem. Tam enim noua nobis isthac est natiuitas, quā infantibus sunt mundi forinse. Diuus ille ac verè ex hac ipsa speculatione Beatus Cyprianus, non terræ molem, non firmamentum volubile, non lunę vicissitudinem, aut solis cursum, nō vices temporum, aut eiusmodi quid, admiratur: Sed miror (inquit) Deum in vtero virginis, omnipotentem in cunabilis, miror, quomodo Dei verbo adherere potuit caro, quomodo incorporeus Deus corporis tegumentum induerit, miror in hac dignatione tanti dispendia tēporis, cum breui potuisset patrarī negotium hoc, tantūque labor abbreviari, ad solū Christi verbum, quemadmodum & solo verbo omnia creauit. In his meritò nos complectitur stupor, meritò cum Propheta dicimus, Consideraui opera tua Domine, & expaui, Talibus affectibus in hanc natiuitatem intendamus. Et ne nosmet multis remoremur ambagibus, ipsam Euangelij lectionem ad manus sumamus. In ea enim pulchrè ferè omnia describuntur, quæ ad iustā tantij negotij considerationem sunt necessaria. Est in ea ipsius Christi personæ descriptio: in nuuntur tempus, & locus, & causæ omnes, ita omninò: vt si quis diligentiam in eā contulerit, omnia quæ sunt vel ad confirman-

firmendam fidem, vel ad vitam instruendam commodam, pulcherrimamque; varū legis antiquæ, & facti nouæ gratiæ consolantiam inueniat. Ac principio quidem omnis gaudij nostri ratio adeoque beatitudo, in vera personæ Christi agnitione consistit: ut sine qua impossibile sit, Deo gratificari. Ea ergo *Persona Christi.* prima sit cura: ut certi aliquid de persona Christi constituamus. Multa de Messia narrant Iudæi, sed demonstrare personam, ac dicere, Hic est, non possunt. Iam inde à prima Messie promissione, in re vnicè necessaria, tam grauiter hallucinantes, maximo suo incommodo, se risui exponunt omnibus. Eua mox ubi primogenitū peperisset, ipsum esse promissum illum rata, possedi (inquit) hominem per Deum. Sed sefellit *Genes. 4.* eam opinio præceps. Sic prædicante Ioanne, ipsum Messiam esse Primores arbitrabatur. Sed & horum opinionem ut falsam, Ioannes refellit. Postea etiam exoriebantur, qui se Messiam profiterentur; ut Theodas & Iudas quidam Galilæus. *Ioan. 1. Acto. 5.* Tandem iam templo urbēque euerfis, sub Adriano Impera. Cochab quidam exoritur, tanto cum populi applausu: ut huius freti tanquàm veri Messie præsentia, ipsis se rursus Romanis opponerent: vna internitione postea omnes delendi. Nempè Christus saluator noster hunc suum honorem alteri non dabat. Tanti refert, certum aliquid de Messia constitutur. At in Euangelio hoc, ipsi de cælo Angeli nato saluatori testimonium perhibent. Stetisse enim iusta pastores, circumfulsisse claritate Dei timorēque magno timentes, eosque allocutum dixisse Angelum: Nolite timere: ecce enim Euāgelizo vobis gaudium magnum, quod erit omni populo: quia natus est vobis hodie saluator, qui est Christus Dominus, in ciuitate David: Et hoc vobis signum: inuenietis infantem panis inuolutum, & positum in præsepio. Et subito factam esse cum Angelo multitudinem militiæ cælestis, laudantē Deum & dicentem: Gloria in altissimis Deo, & in terra pax hominibus, bonæ voluntatis. hæc, inquam, de Angelo militiæque cælesti, nato Christo testimonium perhibente, Euangelista Lucas disertis verbis testatur. Postea stella duce à Magis cognitus, & adoratus fuit. Et ipse demum pater voce atque miraculis testimonium ipsi dedit, filium illum esse suum dilectum, &c. Imò nec vllum extat veteris instrumenti de futuro Messia vaticinium, quod tempore carnis implendum, ipse non impleuerit. Tria autē præcipuè de eo vaticinia præ-

dicat, futurum illum Deum & hominem: daturum esse tam æterna & spiritualia quàm terrena, deniquè regnum ipsius nullo ævo terminandum. Hęc quidem in inuolucris & fasciis, præter hominem, humanis obtutibus non aspicimus: sed explicandi sunt pāniculi, qui sunt sacra scriptura. In Genesi Dominus, post acceptam statim damnationis cladem, promittit semen quoddam mulieris, quod aliquando serpentis caput contereret. Serpentis caput rectè intelligimus peccatum & mortem. In his enim diabolus serpens quasi principatum sui iuris posuerat. Hoc caput contere, hoc est, peccatum auferre, & mortem comminuere, iustitiam & vitam largiri, solius Dei sunt opera, nullius vel hominis vel Angeli in potestate constituta. En vobis Christi Messia deitatem ab effectu insinuatam. Vocatur autem semen, & semen quidem mulieris. Per semen, veritatem carnis humanæ indicans, & per hoc, quod dicit, semen mulieris, virginis matris integritatem astruens, patrem hominem ab hac generatione excludit. Simile quid, imò idem habet promissio Abrahamæ. In semine tuo, ait Dominus ad eum, Benedicentur omnes gentes terræ. Semen est Christus, hic secundum, quod Deus est, solus omnes gentes benedicit. Idem planè habet Dauid promissio, cui per Nathan in persona Dei dicitur, Cum completi fuerint dies tui, & dormieris cum patribus tuis, suscitabo semen tuum post te, & firmabo regnum eius. Ipse ædificabit domum nomini meo, & stabiliam thronum regni eius vsque in sempiternum. Ego ero ei in patrem, & ipse erit mihi in filium. Deo cælum sedes est, & terra scabellum pedum eius. Quis ei domum ædificabit? Is certè, qui & cælo & terra maior est. Non ergo Salomon, sed Christus. Et hoc semen Dauid, filius Dei, habens regnum perpetuò duraturum. Dies me deficiet prius, quàm tales panniculi. In Dauide ad dexteram Dei sedere iubetur sacerdos secundum ordinem Melchisedech. In Isaia puer nobis natus est, & filius nobis datus est. In Daniele tanquam filius in conspectu Dei offertur, & dantur ei à Deo omnia, potestas, honor, & regnum, potestas æterna. Apud eundem omnium pulcherrima scripta est Gabrielis concio de Messia, quam non piget hîc ascribere: Septuaginta hebdomades abbreviatæ sunt super populum tuum, & super urbem sanctam tuam: ut consummetur prauaricatio; & finem accipiat peccatum: &

catum: & deleatur iniquitas: & adducatur iustitia sempiterna: & impleatur visio & prophetia: & vngatur sanctus sanctorum. Tempus septuaginta hebdomadarum prædicatur: quarum vnaquæque non septem dierum, sed septem annorum spacium habet: finis etiam Sacrificiorum Iudaicorum, & peccati, initium autem iustitiæ & sacrificij: cuius primus sacerdos esset sanctus sanctorum. Succedat angelicæ concioni Regis Nabuchodonosoris per Daniele[m] ex spiritu Dei interpretata visio. Nam & ipsa testimonium nato saluatori perhibet. Vidit ille in somnis magnam & terribilem imaginem, ex aduerso contra se stantem: cuius caput aureum erat, pectus & brachia argentea, venter & fœmora ænea, crura ferrea: pedes partim ferrei, partim fictiles erant. Rursus vidit lapidem de monte sine manibus decidere: qui cum pedem imaginis fictilem tetigisset, tota imago corruit, omnibus, ex quibus conflata erat, in nihilum reductis. Explicata imagine in quatuor mundi monarchias, Babyloniorum, Persarum, Græcorum & Romanorum, Daniel subiicit: In diebus regnorum illorum suscitabit Deus cæli regnum, quod in æternum non dissipabitur: ipsum verò comminuet & consumet vniuersa regna hæc: & ipsum stabit in æternum, secundum quod vidisti, quod de monte abscissus est lapis, sine manibus, & comminuit testam, & ferrum, & æs, & argentum, & aurum. Hæc libuit aliquanto fufius commemorare: partim, vt intelligeremus, quàm varijs modis olim hanc Christi personam & alia insinuauerit Spiritus sanctus, & quàm homines in his rebus meditandis diligentes fuerint & industrij, quod sic & nostra exuscitetur fœcordia: partim, vt collatis inuicem, quod mox facturi sumus, & nos facturos esse antè promissimus, vatum sententijs, & nouæ gratiæ factis, fidem vestram confirmemus. Principiò ad Adam, ad Pater. Abraham, ad David loquens, inducitur pater hunc filium in orbem nasciturum promittens. Quemadmodum & in Isaia *Isaia. 49.* & alloquitur filium. Dedi te (inquit) in lucem gentium, vt sis *45.* salus mea vsque ad extremum terræ. Et: Ego suscitaui eum ad iusticiam: & omnes vias eius dirigam. Hic non hominum meritis, sed omnium miserijs commotus, audijt pauperum gemitum: qui perpetuò irasci pro iustitia sua, & damnationi obnoxios perdere poterat, recordatus est misericordiz suæ, & veritatis suæ domui Israel. Vnde & Ioannes huc patris *Psal. 97.*

Dani. 2.

Causa.

Ioan. 3. affectum prædicans, Sic Deus dilexit mundum (inquit) ut filium suum daret vnigenitum: ut omnis qui credit in eum, non pereat, sed habeat vitam æternam. Dilexit, & dedit: quia ut daret dilexit: & prior dilexit: & inimicos dilexit: ut hoc totum, quod humanæ salutis impensum est, Dei acceptum feratur dilectioni: cui & subsequens respondet donatio. Et hoc ipsum angeli volunt hodie, quorum vnus ait: Natus est vobis hodie Saluator. Vtique quibus saluator opus erat, de meriti firmitate quod glorientur, non habent. Tum quod alij gloriam Deo in altissimis canunt, vtiue Dei in hac natiuitate prædicandam docuerunt dignationem, non hominum gloriam. Huic ergo Patri primum salutem nostram acceptam referamus: ut cui quoque ipse Christus sæpè gratias egit, tam de temporalibus quàm de spiritualibus bonis: nobis ut exemplum poneret. Considerata autem æterni Patris persona, in nostræ redemptionis munere, rectè & filij nascentis, & pro nobis homo facti persona, consideratur: In quo duas easque diuersas res consideramus, diuinam naturam atque humanam. Vtranque duplici ratione: diuinam ideò, quod non solum ipse Deus est per se existens, sed etiam, quod de hac sua diuinitate hominibus communicat, & dat eos fieri filios Dei: humanam quoque, quod ipse quidem verus homo, ratione assumptæ carnis, ipsam carnem hominis diuinitati suæ mirabiliter & inæffabili modo coniunxerit: sed & nobis in eadem carne rectum viuendi modum exemplo atque doctrina tradiderit. Diuina ergo in Christo natura antiquis variè innouit. Ipse Deus in Genesi personæ Christi attribuit opera diuinitati propria: Ipse conteret caput serpentis. Rursus ad Abraham: Benedicentur gentes in ipso. Et ad Dauid: Stabiliam thronum regni eius vsque in sempiternum: Ero ei in patrem, & ipse erit mihi in filium. Data est illi omnis potestas: potestas æterna. In ipso implebitur visio & Prophetia: vngetur Sanctus Sanctorum. Confringet regibus terribilem imaginem, & collabi faciet. Similia dicta innumera sunt in Prophetis, quæ & ipsi deitatem & nobis ipsius deitatis communicationem tribuunt. Quibus respondent dicta huius Euangelij: Natus est vobis hodie Saluator, qui est Christus Dominus in ciuitate Dauid. Saluator, Christus, Dominus, & alia dicta, declarant eum vnam esse in Deitate personam. Communicationem verò, quod nobis na-

nobis natus sit hodie in ciuitate Dauid, ostendit. Sic ab Angelo, antequam conciperetur in utero, vocatus fuit Iesus, magnus, & filius altissimi. Sanctum, filius Dei. Addantur I. uc. 1.
& aliorum ex Spiritu sancto testimonia. Elizabeth Mariam Luc. 2.
propter conceptum in utero, Domini matrem vocat. Simæon quoque & Anna vaticinantur & confitentur de illo: Esse salutare Dei, lumen ad reuelationem gentium, paratum ante faciem omnium populorum. Et Ioannes post multa, quæ de verbo dixerat, tandem addit: Et verbum caro factum est, & habitauit in nobis: & vidimus gloriam eius, gloriam quasi vnigeniti à patre: plenum gratiæ & veritatis. Et: De plenitudine eius omnes accepimus. Dedit eis potestatem filios Dei fieri. Hæc nulli hominum competunt, quantumvis potenti atque sapienti. Nihil in huius comparatione sunt, Dauid Rex sanctus: Salomon sapiens: potens Nabuchodonosor: victoriosus Cyrus: gloriosus Assuerus: Magnus Alexander: diues Darius: inuictus Iulus: sælix denique Augustus. Omnes simul inutiles facti sunt, omnes egent miseratione & gloria Dei: verèque illud Dauidis dictum est: Nolite confidere in principibus, in filiis hominum, in quibus non est salus. Non saluatur Rex per multam virtutem: & Gygas non saluatur in multitudine virtutis suæ. Alij Reges ab hominibus constituuntur. Sed Christus à Deo constitutus est Rex super Syon montem sanctum eius. Dabit illi Dominus, sedem Dauid patris eius. Alijs non committitur regnum, nisi ad ultis. Christus etiam regis infans officia exercuit. Imperium eius super humerum eius. Antequam sciat vocare patrem & matrem, auferentur spolia Damasci. Mira res profectò. Infans est, & rex est: non loquitur, & per eum regnum æternum administratur. Ab initio Satan hoc regnum mendacio impetijt: ab initio Christus hoc regnum veritate defendit, non in sua tantum persona, sed & in membris corporis sui. Omnibus æquè propinquus est: omnibus causa est salutis æternæ. Quotquot ante eum saluati sunt, in fidem venturi saluati sunt. Quotquot post eum venerunt, eandem per fidem, eiusdem salutis participes effecti sunt. Vt filios faceret Dei, natus & mortuus est, resurrexit, ascendit. Sed vt ex filiis iræ, filij fiant gratiæ, tria sunt necessaria: remissio peccatorum, donatio gratiæ, & saluatio. In natiuitate remissio peccatorum, originem sumit: consummatur in mor-

te. Etenim mortuus est propter peccata nostra: & nisi natus fuisset, mortuus non esset. In resurrectione iustificatur homo, ut gratia fiat capax. In ascensione fundatur saluatio. Nam cum ascendit, ostendit cur natus atque mortuus fuerit: & quod ideo peccata remitteret, ideo gratiam donaret, ideo denique iustificaret, ut filios Dei faceret, docuit. Id Da-

- Psal.* 102. uid vult, cum ait. Qui propitiatur omnibus iniquitatibus tuis: qui sanat omnes contritiones tuas: qui denique replet in bonis desiderium tuum. Id quoque *Soph.* 3. vult. *Ab-*
Psal. 84. stulit (inquit) Dominus iudicium tuum, auertit inimicos tuos: & ipse in medio tui. Rursus David: Benedixisti Domine terram tuam, auertisti captiuitatem Iacob, remisisti iniquitatem plebis tue, operuisti omnia peccata eorum: mitigasti omnem iram tuam, auertisti ab ira indignationis tue. Iusto Dei iudicio maledicta fuerat terra: & diabolus in cathena delictorum captiuam trahebat non Iacob tantum progeniem, sed & omnem Adæ posteritatem: detrudebaturque omnes in barathrum, ad inimicos homini diabolos. Erat miserrima rerum ubique facies. Ubique ira, ubique Dei indignatio apparebat. Hinc contritiones & dolor super dolorem parturientes. In multa enim positus miseria homo, qui adiuuaret, habebat neminem. Vna enim omnium erat conditio: inutiles erant omnes: Miserans ergo misericors Dominus, non erat contentus se Deum esse patri æterno æqualem: sed pro bonitate sua voluit de suo communicare homini. Verum iustitia obstabat: cui propter iniquitatem satisfaciendum erat. In carne luenda erat poena per carnem commissæ. Quid ergo? Vt (quod homini atque legi impossibile erat) homo de diuinitate communicaret, sit Deus homo: & in homine per ea quæ hominis sunt, passionem & mortem, transcendendi ad ea quæ diuina sunt, docuit viam: simulque obedientia sua iustitiæ satisfaciens, iram & indignationem auertit. Ablatum est itaque iudicium per eum, qui propitiatur omnibus iniquitatibus nostris: sanatae sunt contritiones nostræ ab eo, qui replet in bonis desiderium nostrum. Vt ergo Vates priorum temporum Patris personam, ut diuinitatem filij essentialem, & gratiam eius multiformem, qua nobis de suo communicat, verbis atque signis insinuarunt: ita quoque hominem venturum esse Deum prædixerunt, tam consonanter atque constanter, ut nemo dubitare possit, fuisse eos, qui hæc

ita vaticinarunt & intellexerūt futura, afflatos imbutosque spiritu diuino. Itaque a multis Dei dicta de semine mulieris caput serpentis conterituro, non de alio, quàm de filio Dei & virginis matris Mariæ, sunt intellecta. Vbi non modò hoc promittitur, fore Christum verum hominem, verum etiam à communi nobis gignendi ratione illius natiuitatem futuram esse alienissimam. nempe nullius hominis patris, sed solius matris secundum carnem fore filium. Qua in re diuina meritò præiudicatur dispositio, qua filius in triade illa sancta, factus est filius in humana natura: vt qui patrem Deum sine matre haberet in cœlis, haberet & matrem hominem sine patre in terris. Imò etiam supernaturalis Iesu Christi probatur natiuitas, vt quæ sine viri amplexu est: & sanctæ matris laudatur integritas. Rectè ecclesia canit: Talis partus decet Deum, &c. Voluptas hîc mihi esset, aliquantisper in huius Sacramenti ordinatione immorari. Sed & tempore intercludor, & rei magnitudo dicēdi meam excedit infantiam. Quis autem generationem eius enarrabit? Tam enim hoc Sacramentum humanam excedit intelligētiam, vt ipse Deus, quotiescunque illud priscis illis temporibus vellet innuere, non tam verbis prædiceret, quàm figuris ac signis ostenderet. Hinc est illa præter naturam, & idē admiranda Isaaci natiuitas: quæ & priorum parentum compensauit sterilitatem, & virginitatis Mariæ præfigurauit fecunditatem. Hinc in Exo do rubus fumigans quidem, sed non comburens cernitur: & absque concupiscentiæ ardore concipiendus partuque virgineo edēdus intelligitur. Sola virga Aaron germinat florem: & virgo innuitur paritura Christum. Erhic ipse lapis ille est sine manibus de monte abscisus. Hic Helizeus ille, sese supra mortuum puerum contrahens, vt ipsi vitam redderet. Nempe, qui ipse incomprehensibilis est in sua natura, in exigui corpusculi sese contraxit materiam. De quo & Isaias loquens, iam futurum prædicit, vt virgo concipiat, & pariat filium: iam quasi factum asserens. Puer, inquit, natus est nobis, & filius datus est nobis. Et Euangelista in hoc Euangelio, Perit, inquit, filium suum primogenitum, & pannis eum inuoluit, & reclinauit in præsepio. Et Paulus factum eum ex muliere asserit. Post nati Christi, Dei atque hominis considerationem, ipsum quoque tempus & locum huius Sacre infantie (ne quid prætermittamus) videamus. Et de tempore

Gene. 3.

Exod. 3.

Num. 17.

Dani. 2.

4. Reg. 4.

Isaia. 7.

Isaia. 9.

Luca. 2.

Galat. 4.

- Tempus.** quidem multa in Prophetis scripta sunt. Dauid quidem tempus illud oportunū vocat, Psal. 9. propterea fortè, quòd nisi venisset lux & sermo, mundus mutus periisset in tenebris: de quo in Sap. 18. scriptū legimus. Dum medium silentium teneret omnia, & nox in suo cursu medium iter haberet, omnipotens sermo tuus venit à regalibus sedibus. Aut ideò oportunum tempus: quia vt tunc homo pro suo desiderio adiuuaretur, non tantum ipsius hominis tribulatio postulabat: verum etiam Dei Opt. Max. beneplacitum ordinarat:
- 2. Reg. 7.** ne videretur Deo repugnare, qui nō Dauid temporibus, sed post eum liberationē instituerat. Sic per Nathan ad illum loquitur: Vbi impleti fuerint dies tui, suscitabo tibi semen:
- Dan. 9.** Hic edificabit nomini meo domū. In Daniele certum tempus septuaginta hebdomadam abbreviatur. In Genesi, post sceptrum de Iuda ablatum, & definatibus ducibus in Iacob, vanturum eum, qui mittendus erat, & ipse expectatio gentium, prædicitur. Quibus tempus natiuitatis Christi censentit: vt ex Scripturarum, Historiarū atque Olympiadum supputatione intelligimus. Natus enim Dominus Iesus, sexta, aut, vt nonnulli habēt, septima & sexagesima septimana. Qui fuit Augusto annus 42. Olympiade 193. Et hoc vult Euangelista, cum Augusti Cæsaris, & descriptionis, quam
- Locus.** primā Cyrenus præses Syriæ fecit, tam diligenter meminit. Simili ratione etiam locus conuenit. Nam nascenti Christo
- Mich. 4.** ortus locū Michæas designarat. Et tu Bethlehem terra Iuda, inquit, nequaquā minima es in principibus Iuda: ex te enim exiet Dux, qui regat populū meū Israel. Qui locus, & si aliter ab alijs ex Hebræo vertitur: locum tamen natiuitatis Christi apertè innuit. Et huic respōdet Euāgelista, cum ait: Ascendit autē & Ioseph à Galilæa, de ciuitate Nazareth, in
- Luc. 2.** Iudæam ciuitatē Dauid, quæ vocatur Bethlehem: eò quòd esset de domo & familia Dauid. Quo Euangelistæ testimonio, non tantū ortus Christophori, sed & genus asseritur: vt etiam hoc ipso firmiorē faceret fidem: vt ad Dauid factas re-promissiones intelligētes, ipsum promissum Christū, non solum in ciuitate Dauid, sed & in sanguine ipsius quæramus & suscipiamus. Hac ratione collatis inuicē Prophetarum dictis, & alijs veteris testamenti figuris, cū historia natiuitatis comprehensa in Euāgelio, ipsa dicta Prophetarum clariora redduntur: & natiuitas sit ex tot vatū testimonijs illustrior.

Et voluit Spiritus sanctus in his testimonijs fidem nostram confirmare & illustrare: vt planè intelligeremus, hunc natum Messiam verè esse Christum Dominum: & vetè credentes saluari per hunc solùm: nec esse alium Deum præter eum. Quod Spiritus sancti institutum imitata mater ecclesia, primùm veteris testamenti Prophetiam de natiuitate in Ecclesia recenseret: mox ex Apostolis lectionem de eadem adiungit: vt quod futurum erat illis, nobis completum esse intelligamus. Ipsa quoque Euangelistæ verba diebus à multis Cypriano, Augustino, Bernardo, & alij explicantur: omnia in eum finem, ne quid ad confirmandam fidem desit: & fides natiuitatis firmata, tantæ diuinæ dignationis generet admirationem, nostrasque mentes nouo quodam ac spirituali gaudio perfusas, deuota pietate ac pia deuotione in ipsum Deum accenderet atque transferret. Hoc igitur agamus, quod Spiritus sanctus monet, hortantur Angeli, & ipsa salutis nostræ ratio postulat. Exulet infidelitas, succedat officiosa credulitas: transcant vetera, fiant omnia noua, mens, lingua, & opera. Noua hæc enim natiuitas, nouos querit affectus. Gaudemus, quia nobis puer natus est, & filius datus est, sed ita, vt nos quoque rationabile lac sine dolo quasi modò geniti infantes concupiscamus: semper in animo volentes, omnibus hunc puerum fuisse, esse etiamnum expositum: sed à paucis agnitum, à paucioribus rectè ac verè honoratum. Sic fiet, vt quod in alijs reprehendimus, in nobis corrigamus: & quod factò optis est, diligentius perficiamus, hoc est, gaudium nostrum plenum reddamus. Id nos ex animo facere concedat ipse natus Christus Dei virginisque filius. Amen.

DOMINICA PRIMA

POST NATALEM CHRISTI

EVANG. LVC. II.

ET erat pater & mater eius mirantes super his quæ dicebātur de illo: & benedixit illis Simeō, & dixit ad Mariam matrem eius: Ecce positus est hic in ruinā & resurrectionē multorum in Israel: & in signū cui contradicetur. Et tuam ipsius animam pertransibit gladius, vt reuelentur ex multis

cordibus cogitationes. Et erat Anna Prophetissa, filia Phanuel, de tribu Aser: hæc processerat in diebus multis: & vixerat cū viro suo annis septē à viginitate sua. Et hæc vidua vsq; ad annos octoginta quatuor, quæ nō discedebat de tēplo: ieiunijs & obsecratiōibus seruiēs nocte ac die. Et hæc ipsa hora superueniēs, cōfitebatur Domino, & loquebatur de illo omnibus qui expectabāt redēptionem Israel. Et vt perfecerunt omnia secundū legē Domini reuersi sunt in Galileam, in ciuitatē suā Nazaret. Puer autem crescebat, & cōfortabatur, plenus sapientia: & Gratia Dei erat in illo.

EPISTOLA GALA. IIII.

Dico autem quanto tempore hæres paruulus est, nihil differt à seruo, cū sit Dominus omnium: sed sub tutoribus & auctoribus est, vsq; ad præsinitū tempus à patre. Ita & nos cū essemus paruuli, sub elementis mūdi huiuseramus seruientes. At vbi venit plenitudo temporis, misit Deus filiū suū factū ex muliere, factū sub lege: vt eos qui sub lege erāt, redimeret: vt adoptionē filiorū reciperemus. Quoniā autē estis filij Dei, misit Deus spiritū filij sui in corda nostra, clamantē, Abba pater. Itaque iam non est seruus, sed filius: quod si filius, & hæres per Deum.

S E R M O.



Rincipio igitur diligenter considerandum est, quæ cui tempori attributa sit Euangelij lectio. Et si enim initio non statim appareat causa, cur hoc ordine non alio, sint singulis dominicis diebus singula Euangelia deputata: consideratio tamen diligentior causam aperit, & instituti prioris Ecclesiæ propositum. Sicut in hoc quoque Euāgelio fit. Est in eo pulcherrima historia præsentati in templū Christi: & hinc seuerā quoque est adiuncta iusti Simeonis concio. Sed quia ipsa historia post natiuitatem pueri quadagesima tādē die facta est, nec concio vatis illius pueritiam tātū, sed reliquum etiam carnis Christi tempus totum concernit: Ideo fit, vt mirari homines recipiant, cur, quæ quadagesimo tandem die circa puerum hunc facta sunt, tam citò, & quidem in ipsa octaua, pu-

sa octaua, publicè in Ecclesia legendo anticipentur. His ergo respondendum est: & ne corpus ipsum Christianæ nostræ doctrinæ cōfusus, in arbitrentur, ita ordinem ipsius doctrinæ, perstulasse, demonstrandum est. Id quod non solū de Euangelij, sed & de Epistolæ lectione intelligendum est. Nam & ipsa eisdem rei, cui Euangelium seruit, & illud explicat. Ecce enim, dum totus Angelicæ vobis iubilo exultat orbis, dum omnes in infantuli speciosa illa præ filiis hominū forma oculos animosque patiscimus: dum in tantī sacramēti ineffabilitate, in quæ tā ineffabili diuinæ bonitatis dignatione admirantes obstupescimus: sui semper nō dissimilis incredulitas, hominū mētes à iusta deuotione, ergaque puerulum istum nostrū, euge quā pulchra pietate, quibus potest inodis, conatur (atque utinam frustra conaretur) auertere. Quæ (inquit) tanta circa infantem deuotio? Si Christus est, cur Iudæi, quibus olim peculiariter promissus est, ipsum non recipiunt? Si Dei filius in humana natura est, cur, quæ Deus pater olim lege sancita voluit, hic infringit? Cur ad quæ reliquos homines alligauit, ipse homo factus non custodit?

Hæc tam nefanda incredulitatis impedimenta, ne cuiusquam pietatem deuotionemque erga infantem Iesum remorentur: statim ab exordio Christianæ doctrinæ Ecclesia conatur expedire: atque ideo talem Euangelij lectionē publicè hodie legendam instituit, quæ utrique quæstioni satisfaciatur. Si quæris (inquit) cur Christus in humana forma sine honore externo iaceat, cur à suis non recipiatur: ecce tibi & Dei præscientiam, & Simeonis vaticinium. Sic positus est Christus, ut multis sit in resurrectionem, qui iacuerunt in tumulis: item in ruinam, qui sibi bellè videbantur stare. Deinde si quæris, cur legem soluat, à legis authore genitus? Ecce in templum præsentatus est puer, inquit Lucas. Quæ legis sunt legis sunt, efficit. Verum quā diu paruulus est, sub hoc tutore erit: vbi autem sensuerit, vbi vir factus, (Paulus addit) hunc legis pedagogum aliquando non audierit, si in speciem contraierit: scito iam eum ampliùs non esse paruulum, sed virum: & impleto tempore à patre constitutum ipsum, iam à tutorum actorumque lege liberatum esse. Est & alia anticipationis huius ratio. Nempè cum quæ hactenus de Christo per Angelos, Pastores atque alios dicta, omnia læta auditūque iucunda sint: solcantque homines

letis, id est gratia Christi abuti, facile, inquam, suam ipsorum, perniciem pervertere: idè addenda fuit seuerior Simeonis concio, quæ & gratiæ abusum in multis argueret, & eam, quæ in Christo ipso est, iustitiæ seueritatem, ostenderet. Si (inquit Simeon) exultas fidelis anima, quia tibi positus sit hic Christus in tuam multorumque resurrectionem: si in tua isthac lætariæ felicitate, age, pereuntium quoque contemplare miseriam. Idem qui tibi futurus est resurrectionis lapis, erit alijs multis, & ijs quidè in Israel, offensionis. Ecce his anticipationis huius Euangelij rationibus cõmemorãdis, ipsam quoque summã ipsius insinuauius. Ostenditur in eo, Christi natiuitatè nõ omnibus æquè profuisse mortalibus: sed quibusdã illã salutis causam, multis verò interitus occasionẽ fuisse. Quia in re illud quoque considerandum venit: quomodò salutis causa alijs, quomodò etiam ruinæ alijs fuerit occasio: id quæ ad nostram eruditionem, ne & nos impingamus. Sunt præterea in eo multa parænetica: vt, quod in quaque persona, Simeonis & Annæ, Christi deinde, postremò Mariæ & Ioseph nostrum quenquam sui commonefacit officij. De quibus omnibus, quantum Deus gratiæ dederit, ordine dicturi sumus. Interea, quod vestri officij est, primùm, quæ dicentur, cum diligentia accipite: deinde cum timore vestram salutem operamini: ne & nobis idem lapis resurrectionis, fiat: petra scandali. Nihil enim proderit scire, quod & quomodò fuerit Israël lapidis offensionis: nisi & cauerimus, ne in eundem eodem impingamus modo.

Ecce (inquit Simeon) positus est hic in ruinam & in resurrectionem multorum in Israel, & in signum, cui cõtradicetur. Breuibz verbis horrenda malis, sed iucunda pijs vatidico spiritu Simeon prænunciat. Principio itaque nouum non est, illo tempore infantie suæ, à Simeone dici CHRISTVM esse positum veluti lapidem ruinæ & resurrectionis. Lapidem enim cum, cum Prophete prædixerunt, tum etiam Apostoli postea prædicauerunt. Dulcis est Dominus (inquit Petrus) ad quem accedentes lapidem viuum, ab hominibus quidem reprobatur, à DEO autem electum & honorificatum, & ipsi tanquam lapides viui superædificamini: domus spiritualis, sacerdotium sanctum: offerentes spirituales hostias, acceptabiles DEO per IESVM Christum. Propter quod continet

I. Pe. 2. Scriptura: Ecce pono in Siõ lapidẽ summũ, angularem, probatum, ele-

Isai. 21.

Psal. 117.

batum, electum, pretiosum: & qui crediderit in eum, nō confundetur. Vobis igitur honor credentibus: non credentibus *Matth. 21.*
autem lapis, quem reprobauerunt ædificantes. Hic factus est *Act. 4.*
in caput anguli: & lapis offensionis, & petra scandali, his, qui *Rom. 1.*
offendunt verbo, nec credunt, in quo & positi sunt. Hæc Petri prædicationem de CHRISTO lapide placuit hic apponere: quia addita, multum lucis cōcioni illi Simeonis adfert, & testimonia Davidis & Isaia citat. Quin & retrò nos mittit ad Christi verba, ipsa eadem Psalmi verba citantis, *Matth. 21.* & denique ad Pauli verba allegat, ex Isaia loquentis, *Roma. 9.* Et si enim Simeon CHRISTVM hoc loco non nominet lapidem: certissimum tamen est, eum ad prædictos Psalmi 117. & Isaia vigesimi octavi respexisse locos: quo & Petrus & Paulus quoque postea verba sua direxerunt. Lapis est ille in semetipso, hoc est, solidus, integer, firmus: in quo cōminuendo frustra potentes atque sapientes suas vires exerere contendunt. Nil valent in illum procellæ fluminum, *Ioan. 14.* inundatio, vëtorum turbines. Sed & inferorum portæ cedunt illi. Venit ad me princeps huius mundi (ipse ait) & in me non *Ioan. 16.* habet quicquā. Et ad discipulos: Confidite, ego vici mūdum. Steterunt reges terræ, & principes conuenerunt in vnū aduersus Domium. Sed quid tandem? Qui habitat in cœlis, iridebit eos: imò reges eos in virga ferrea: tanquā vas figuli confringet eos. Iudæi recusabant illum regem suum etiam dici. Sed in magno ipsorū fremitu Pilati manet inscriptio: nec *Ioan. 19.* quod à Deo ordinatè factum fuerat, scelestæ manus immutare poterat: nimirum, vt Isaia habet, lapis erat in hoc electus *Isai. 28.* atque probatus.

Est præterea lapis seu basis, asilum, refugium, petra, non erinacijs, sed omnibus ad ipsum confugientibus, molēque sui in ipsum constituentibus. Venite ad me (ait) omnes, qui laboratis & onerati estis, ego reficiam vos. In mundo pressuram habetis, in me verò pacem. Qui sitit, veniat ad me, & bibat. Huic omnes prophete testimonium perhibent: remissionem peccatorum accipere, quotquot credunt in eum. Hic constitutus est Iudex viuorum atque mortuorū. Fundamentum aliud nemo potest ponere, præter id quod positum est, quod est CHRISTVS Iesus. Omnis qui crediderit in illum, non confundetur. Est enim in eo ædificata domus Domini, ciuitas sancta, porta cœli, Ecclesia Dei: & ex ipso quoque funda-

- mentum & columna veritatis facta est aduersus flumina at-
Matth. 7. que turbines. Hactenus solida perstitit, & ne nunc quidem
 (quæ nostra in ipsius fundamentorum fundamenti promissio-
Matth. 16. nem fixa spes est) portæ inferorum aduersus eam præuale-
 bunt. Est & angularis lapis Christus, duos in semetipso con-
 iungens populos, soluens medium materiæ, quod est lex, iustifi-
 cans Iudæos ex fide, & gentes per fidem, annuncians pacem
Ephes. 2. cum qui propè erant Iudæis, tum qui ab ipso longè recesser-
Rom. 13. rant, gentibus. Neque verò angularis tantum, sed & caput an-
 guli est, qui & supremum digniorémque locum in spiritali
 ædificio tenet. Nomen sortitus est super omne nomen, & no-
Apocal. 2. stræ salutis in spiritali ædificio causa & origo, principium at-
 que finis est: ut in Apocalypsi, Ego, inquit, sum Alpha & Omega,
 principium & finis. Et hanc lapidis huius soliditatem, alijs su-
 per ædificatis lapidibus viuis communicatam, Simeon resur-
 rectionem, Petrus honorem, dicunt. Nempe sine illo omnes
 sub dira pressi seruitute iacebamur in gloriâ. In ipso verò exur-
 gimus hic à spiritali morte, & post peractam huius vitæ fa-
Ioan. 3. bulam surrecturi sumus in immortalitatis gloriâ. Deus enim
 misit filium suum in mundum, non: ut iudicet mundum, sed
Ioan. 10. ut mundus saluetur per ipsum. Ego, inquit, veni, ut vitam ha-
 beant, & abundantius habeant. Id quod effectus postea do-
 cuit, & miserimi peccatores, Matthæus, Zachæus, Magdale-
 na, latro in cruce, Petrus, & alij in sua cōuersiōe experti sunt.
 Addita sunt huic lapidi plura epitheta: ut, quod sit proba-
 rus, electus, pretiosus. Sed de his fusius dicendi nūc locus non
 est. Pertinent illa ad significandam personæ CHRISTI
 excellentiam & præstantiam. Illud ad propositū facit, à quo
 positus sit, & quomodo, & illud iam ipse qui posuit, indicat.
Ysa. 28. Ecce (inquit) pono in Syon lapidē, &c. Et ipse lapis: Ego cō-
Psal. 2. stitutus sum à Deo Rex super montem sanctum eius. Dominus
Ephes. 2. dixit ad me: Filius meus es tu: ego hodie genui te. Et Paulus:
 Deus illum constituit ad dexteram suam in cœlestibus, supra
Dan. 2. omnem principatum. Daniel quoque in explicatione somnii
 Nabuchodonosoris de hoc lapide loquens, ipsum de monte
 sine manibus auulsum esse, testatur. Nimirum per hoc insi-
 nuans, Christum, cum à patre in mundum mitteretur, sine
 viri semine veram humani generis carnem assumptisse. Id
 quod & Dauid in persona Dei patris innuit, cum suum fi-
 lium dicit, & hodie à se genitum assueverat. Et hæc ipsa som-
 nij il-

nij illius explicatio mirificè illustratur Simeonis Prophetia. Obscura enim sunt Danielis verba, quòd dicit, solum iri de monte lapidem absque manuum labore, qui decidens, totam & vastam imaginem secularis potentie prostraturus esset, comminaturus, & in nihilum denique redacturus: Ipsum lapidem, humilem quidem multorum opinione, veruntamen surrecturum in magnitudinem montis, & vniuersam terram impleturum. Hæc, inquam, obscura valde sunt: sed addita Simeonis concione, elucet vera & germana sententia: Christum ex solius Mariæ purissimo sanguine, spiritu sancto superueniente, carnem assumpsisse, eundem, quidquid sublime & egregium est in mundo, sua collisione humiliasse. Coloss. 2. Luc. 2. postea subactis omnibus in montem excelsum succreuisse, & totam terram impleuisse, dominumque omnium constitutum esse. De qua re scriptum legimus: Ascendo ad patrem meum. Ioan. 20. Vado parare vobis locum. Ioan. 14. Pater, quos dedisti mihi, volo, vt vbi ego sum, & illi sint mecum: vt videant claritatem meam, quam dedisti mihi. Ioan. 17. Postquam purificationem peccatorum propria virtute fecit, sedet ad dexteram maiestatis in excelsis. Hebr. 1. Thronus tuus Deus in seculum seculi. Psalm. 44. Sede à dexteris meis. Psalm. 109. Postula à me, & dabo tibi gentes, hæreditatem tuam, & possessionem tuam terminos terræ. Psalm. 2. Illi data est omnis potestas à patre. Matth. 28. Imò & reliqua omnia tradidit illi Deus. Ioan. 17. & omne iudicium eius est. Ioan. 5. Id ipsum concio Simeonis vult, quæ positum esse hunc lapidē, scilicet in ruinā & resurrectionē multorum in Israel cōemorat. Et ita collatis his locis alter ab altero lumē accipit. Et Simeon quidē positus est, inquit: Daniel verò, sine manibus abscissus est. Rursus Simeō, in ruinā, inquit, multorū: Daniel, cōminuet & cōfringet statuā. Simeon tertio, & in resurrectionē multorū: Daniel, creuit in mōtē magnū, & repleuit terrā, hoc est omnes ad se traxit, vndiq; ipse in medio omniū supremus.

Suprà autē licet breuissimè, innuimus, quomodò lapis hic in resurrectionem multorum fuerit positus, & periucundum esset, omnium illum resurrectioni positum fuisse: vt nihil opus fuisset Simeonem durius aliquid vaticinari: liceretq; nūc nobis in resurgētū per eū felicitate exultare tātum. Sed sit nobis hic idē, quod Ezechiel olim cōiugit. Expectabat is librum Ezech. 2.

sibi dari, in quo merum carmē descriptum esset. Verū dum tale expectat, porrigitur liber, in quo non Carmē, sed lamentatio & v̄ scriptum erat. Haud dubiē Deus nō cupit nos suæ iustitiæ denunciatione animis deijcere, mœrorēque afficere: imō magis desiderat, tales inuenire nos, in quibus seuerior animaduersio locum non habeat, qui Euangelij sermone, lætitia (quæ Euangelij natura est) perfundantur, non contrā exhorrescāt. Sed quemadmodū Ezechiel incumbibat, Iudæis multa de populi captiuitate: vrbis vastatione excidj, & templi Dei, multa alia de multis calamitatibus prædicere atque minitari: Ita etiā hominum perversitas postulat, & quodammodō sacræ scripturæ dictatorem Dei spiritum cogit: vt necessariō præter carmen & suauem Euangelij vocem etiam lamentationes & v̄ inferat. Habet scriptura beneficentię diuinæ annunciationem, id est carmen, sed pro ea multi ingrati inueniuntur. Hi deplorandi atque lugendi sunt, id est lamentatio. Sunt præterea alij, qui oblatam beneficentiā aspernantur. In hos tanquā impios, sempiternę damnationis formidabilis denunciatur sententia, & hoc est v̄. Si ab omnibus gratiis animis susciperetur Christus: vt certē debet, & nobis necessarium esset: non vtiq̃ lætis illa permixta essent tristitia, nunc verō & illorum arguenda fuit ingratitudo, & horum prædicanda damnatio: vt omnis præcidatur excusatio. Nec tantū Simeon, Dauid, Isaias, Petrus aut Paulus, sed ipse etiā Christus de malis, & eorū qui in ipso scandalizarentur ruina, multa prædixit: tum etiam beatos pronunciat, qui non fuerint scandalizati in ipso. Matth. 11. Atque in hoc tanto omnium periculo diligenti consideratione opus est: vt discamus iudicia Dei, si non intelligere: tamen admirari & suspicere, & in propriæ salutis negotio sollicitē agere: quæ eō commodant, promouere: quæ repugnant depellere. Nascitur in mundum vniuersitatis Dominus: & ecce, quā paucis acceptus est?

Ioan. 1. In propria venit, & sui etiam eū non receperunt. In omnem

Psal. 8. terram exiit sonus Apostolorū: & tamen clamant Apostoli: Domine, quis credidit auditui nostro? Iudæis promissus erat, Iudæis venit, & tamen quæ de ruina vaticinatur Simeon, de Iudæorum casu intelligimus. Deus intentator malorum est: neminē ad mala sollicitat: multō minus impellit. Clamat ille: Popule meus, quid feci tibi, aut in quo contristavi te: vt nega

Ioan. 3. res saluatorem tuum? Dedit hunc filiū suū: quod est, posuit hunc

suit hunc lapidem: ut mundus saluaretur per ipsum: ut multi qui lapsi sunt, in illo resurgerent, multi qui infirmi stant, in ipso niterentur. Ipse enim propitiatio est pro peccatis totius mundi. Sed multa tamen de offendentium in eum Iudæorum ruina loquitur scriptura. Moses omnium primus ipsos alloquitur, de eo dicens: Deum, qui te genuit, dereliquisti, & oblitus es Domini creatoris tui. Hæcine reddis Domino popule stulte & insipiens? Nunquid non ipse pater tuus, qui possedit te, & fecit, & creauit te? Et Dauid in persona Dei: Populus quã nō cognoui, seruiuit mihi, in auditu auris obediuit mihi. Filij autem alieni mētiri sunt mihi, filij alieni inueterati sunt, & claudicarunt à semitis suis. Quæsierunt me, inquit Isaias, qui antè non interrogabant, inuenerunt, qui quæsierunt me. Expandi manus meas ad populum incredulum, qui ad iracundiam prouocat me semper. Et alibi apud eundem. Vade, & dices populo huic: Audite audientes, & nolite intelligere, & videte visionem, & nolite agnoscere. Excæca cor populi huius, & aures eius aggraua, & oculos eius clauda, ne fortè videat oculis suis, & auribus suis audiat, & corde suo intelligat, & conuertatur, & satiem eum. Et erit vobis in sanctificationem, in lapidem autem offensionis, & in petram scādali duabus domibus Israel, & in laqueum & in ruinam, habitantibus Hierusalem. Et offendent ex eis plurimi, & cadent, & conterentur, & irretientur, & capiētur. Hæc atque alia multa eiusmodi Prophetæ de Iudæorum ruina locuti sunt.

Et mirari quis hic nō immeritò potest. Deus posuit hunc lapidem, vtiq; ad salutem omnium, & nemo est, qui non vehementer beatitudinem expetat. Quomodò igitur fit, quòd tam multi tā horrendè impingant & corruāt? Hic iam quærendæ sunt causæ tanti negotij. Prima, eaque omniū grauissima, est infœlix illa Deoq; cœloq; inuisa incredulitas. Id quod diuus Petrus expressè affirmat. Vobis, inquit, honor creditibus, non credētib; autem lapis, quem reprobauerunt ædificantes. Hic factus est in caput anguli, & lapis offensionis, & petra scādali his qui offendunt verbo, nec credūt, in quo & positi sunt. Incredulitas fecit Iudæos in Christum impingere, atque fortiter ab illo auersos egit. Nam si credulitas vnicum cū Deo agēdi paci scēdisque est mediū, vtiq; per antithe sin, qui incredulus est, in salutis offendit authorē, iuxta illud: Qui incredulus est filio, nō videbit vitā, sed ira Dei ma-

net super eum. Hæc præcipuè Iudeos, in æternum damnavit. Id quod Paulus quoque asserens: Propter incredulitatem, inquit, fracti sunt rami. Roma. 11. Ex ea enim reliquæ secundariæ causæ noscuntur omnes. Noluisti, inquit Christus, idèò relinquitur vobis domus vestra deserta, auferetur à vobis regnum Dei, & dabitur genti facienti iustitias eius. Ex ipsa incredulitate natum est, nolle eorum. Quid enim vellent, quod non intelligunt? Sed scriptum est, Nisi credideritis, non intelligetis. Et quia ipsum Christum non crediderunt: multa in eo finxerunt, cur aduersus eum pugnandum iudicaret. Opinantur Christum solenni pompa, regum sæculi huius more imperaturum esse. Sed quia nihil magnificum in ipso considerabant: quia paupertatem, humilitatēque tantummodo respiciebāt: idèò contēnebant. Nunquid, inquirunt, hic est filius fabri? Luc. 4. Christus Messias cū venerit, nemo sciet unde sit: Atqui hūc scimus unde sit. Ioā. 7. Et ipsi Apostoli, Nos, inquirunt, sperabamus: quia ipse esset redēpturus Israël. Luc. 24.

Matth. 2. Ex incredulitate nascebatur & inuidia discipulorū Ioannis, qui conqueruntur de hoc, quòd Ioanne Christus videretur præstantior. Verū non volebat Christus metiri tantū ex humana forma. Beatus, inquit, qui nō fuerit scādalizatus in me. Sed oculos fidei requirit, his videri atque agnosci vult, & pōt, caro hīc nihil pdest. Externa Christi forma scandalizati sunt multi, & retrō abierunt, inq; incredulitate sua occubuerunt. Ex incredulitate Herodis nascitur occidēdi Christū animus. Ex incredulitate erat, q̄ Pharisei in arguentē corripientēq; scelera sua, mortis ignominia animaduertendum iudicarent.

Sap. 2. Venite occidamus iustū: quia contrarius est operibus nostris: & gressuū nostrorū viā viā dissipat. Ex incredulitate cæcitas, quæ ne præstātia eius facta intelligerēt, impediuit, imò ne quæ in Prophetis legebant, cor animi viderent, cohibuit. Ex cæcitate blasphemia, qua diuina in Christo facta dæmoniorum asseriebant principi. Ex blaphemia odium: sicut Christus ait: Si non venissem, & locutus eis fuissetem, peccatum non haberēt. Si opera nō fecissem in eis, quæ nemo fecit alius, peccatū non haberent. Nunc autē vident, & oderunt, & me & patrem meum. Ex quo odio tādē clamor & crucifigendi eū ardor, & impœnitentia, quæ est peccatum ad mortē, ad perditionem æternā & interitum. Porro vbi eò demētię ventū est: vt trucidato salutis auctore, euangelizantibus eam quæ in ipso est pacem, cruen-

cem, cruentas manus inferre, sacrificium Deo arbitratur: nec adhuc quiescit natura salutis cupida: sit, vt quam in Christo aspernantur salutem, alibi quærant. Hinc in lege iustificari volunt, contra legislatoris mentem: qui idcò legem dederat, vt per eam quasi per pædagogum quendam ad Christum perducerentur: non, vt perpetuò in ea inhæreret: sed vt veniente legislatore Christo, ab ipsa, ad legislatorem progressum facerent.

Cum quibus Paulo in hodierna epistola negotiū est: dehortans eos ab opinione illa, qua sibi salutem in legis operibus permittebant: demonstrans postea, ipsis quidem opus fuisse lege, quamdiu sub lege fluctuantes, paruuli fuissent: verum nunc viros factos, lege dimissa, in Christo salutem oportere quærere: deinde ostendens, ideo Christum factum fuisse sub lege: vt eos qui sub lege erant, redimeret: verèque liberos esse à lege, quos filius ita liberarit: vt iam non serui legis, sed filij patris effecti essent cœlestis. Sed, inquit Paulus: promissio benedictionis data est ante legem. Hanc legem irritam & inanem factam esse, nusquam probabunt Iudæi. Vt ergo homines promissam benedictionem ante legem consecuti sunt sine lege: ita & post legem sine lege eam consequentur alij per fidem eandem Iesu Christi. Galat. 3. Quibus sanè verbis, egregiè ac graphicè Paulus causam describit ruinæ istius populi. Id quod & alibi facit: Quicūquē in lege iustificamini, à gratia excidistis: Christus vobis nihil perderit, &c. Vobis, inquit, oportebat primū loqui verbū Dei: sed qm̄ repellitis illud, & indignos vos iudicastis æternæ vitæ: ecce cōuertimur ad gētes: sic enim nobis præcepit Dominus. Hæc, fratres, hodie de Iudæis audimus: & audientes quidē nō immeritò admiramur, & exhorrescimus istorū hominū insaniam, qui oblatā sibi in Christo salutē nō sint, vt æquū erat, & salus ipsorum postulabat: amplexi: qui corā quem viderunt saluatorem, occiderunt, nec postea à tanto scelere tam graui oratione Pauli ad penitentiam conuerti potuerunt. Res est hæc digna miraculo, & quā omnes meritò exhorrescimus. Et omnes (vt quidē iudico) ad nosmet cogitamus: Quod si ego illo tēpore vixissem, atque hanc Simeonis concionem de ipso audiuissem: utiq; omni studio effecissem, vt mihi non in ruinam, sed in resurrectionem fuisset positus: aut rectè tam graui sermone Pauli ad resipiscētiā & animū redijssem. Sed vereor, ne vana sit hæc cogitationum humanarū præsumptio. Quomodò tūc fidem

habuissent adhuc humili forma in terris ambulanti, qui ne nunc quidem ipsi credūt à dexteris Dei in cœlis sedenti? Sed verum est quod loquimini: ostendite pietate in ipsum: ostendite in misera & afflicta eius membra comitate, mansuetudine, liberalitate. Quandiu hæc in vobis non apparent, quis vobis affirmantibus credet? Non Iudæis tantum hæc prædixit Simeon, sed & nobis. Nam vt Iudæi lege sua, ita gentes philosophia, imò etiam ipsa lege in Christum impegerūt: atque ad eò diuerso modo. Confidebant in operibus legis sine fide salutem se consecuturos esse Iudæi. Contrà inuenias, qui in nuda fide, sine vllis operibus, iustitiam sibi promittunt: hoc ipso Pauli sermone abutentes: quasi ab omni lege, ab omni etiam opere planè sint liberi: nec vlla esset cura Deo, quomodo cunq; viuant: quantis quantis peccatis enormiter innotati sint. Imò persuadent sibi, Deum non posse ipsis negare vitam: si modò Saluatoris sibi nomen tueri vindicareque velit. Quid est impudentia, si hæc non est? Impudentissima, inquam, theomachia est: cogere Deum, vt sceleratis det, quod promissit iustis. Sed prædixit Simeon, futurum esse CHRISTVM quibusdam in resurrectionem, & multus quoque in ruinam. Clamat Christus, eos beatos esse, qui nō fuerint scandalizati in ipso. Vtique non præmonuisset, nisi futuros esse præsciuiisset: qui licet contrario modo, tamen aliquo in ipsum impingerent. In vltima cœna Christus vnus tantum Apostoli casum & ruinam prædixit: sed videte, quanta omnium sollicitudo? Singuli quærun: nūquid ego sum Domine? nimirū, sciebant se humines esse. Rectè Sapiens monet: Ne dixeris, peccaui, & quid accidit mihi triste? Cui non incongruè Paulus respondet. Ignoras o homo, quantum benignitas Dei ad pœnitentiā te adducit? Secundū autē duritiā tuā, & cor impœnitens, thesaurizas tibi irā Dei. Noli altū sapere, sed time. Vide ne cadas. Beatus homo qui semper est pauidus, Non ita intelligēdus, aut potius corrūpendus est Paulus. neque enim 1. Cor. 10. loquitur de lege naturæ, neq; de politicis, quas Christus confirmauit. Matth. 12. Roman. 13. Denique neq; à decalogi præceptis nos Christus absoluit: valent enim etiamnum Christi iussa: Si vis ad vitam ingredi, serua mādata. Hoc fac, & viues. Luc. 10. Hæc consideremus: & coniunctum saluti nostræ periculū, rectius diligentiusque ad animum reuocātes cum timore & tremore salutem nostram operemur. Et quia non omnes ad suam salu-

suam salutem Christum omnibus positum suscipiunt: piorum in hoc Evangelio sequamur exempla. Hæc docere possunt nos, ne qua via in Christum offendamus. Ecce vobis Mariam & Iosephum, admirantes ea, quæ de puero dicuntur. Merentur id omnia dicta, quæ sunt de Christo atque nobis: tam ubi prospera, quam ubi aduersa denunciantur. Nouerat David admirari Dei sermonem: quo sibi per Nathan promitti semen benedictum intelligebat. Quis ego sum Domine, inquit, & quæ domus patris mei: quia hucusque me adduxisti? Nouerat & cum admirari, & suspicere: quo homicidij atque adulterij reus conuincebatur, Sed & reliqua Dei mirabatur omnia. Domine Deus noster, inquit, quàm admirabile est nomen tuum in vniuersa terra? Quàm bonus Israel Deus his, qui recto sunt corde? Idem Paulus nouerat: O altitudo diuitiarum sapientiae & scientiae Dei. Quàm incomprehensibilia sunt iudicia eius, & inuestigabiles viæ eius. Et Ioannes alios quoque ad admiranda Dei facta cõtemplanda adducit. Videte, inquit, qualem charitatẽ dedit nobis pater: vt filij Dei nominemur, & simus. Et denique Christus ipse cū admiratione patri Deo gratias agit: quod multa alijs ostenderit, ab alijs abscondiderit. Sed & aliud in Maria exemplum est: nempe, etsi pia, etsi mater sit, tamen crux ei prædicitur. Idque afflictos solatur: ne quis in afflictione desperet, & se à Deo abiectum existimet. Post parentes, ipsum quoque filium cõsideremus. Crescit ille & confortatur: vt finis habet Euangelij. Crescamus & nos. Cùm essem paruulus, loquebar vt paruulus, inquit Paulus, 1. Corint. 14: Petrus hortatur, vt assidue crescamus in gratia & agnitione Christi. Paulus flexis genibus orat Deum, vt per ipsius spiritum fideles confirmetur corroborenturq; Eph. 3. Sed & Simeon & Anna cõsiderari voluit. Simeon personam gerit ministri ecclesiae: Anna plebis. De illo dicitur, quod à spiritu sancto acceperit responsum: non visurum se mortem, nisi prius videret Christum Domini. quæ res ostendit, tum quoque multos Christi aduentum expectasse secundum promissiones Dei. Hic ergo benedicit. Et hoc officium sacerdotale requirit. Sed vide quibus benedicat. Non diuitibus, sed pauperibus. Hos nouerat saluandos esse à Domino. Psalm. 71. tanquam ipsi Deo derelictos: Psalm. 9. & quorum causa de cælo aspexerat, & in hanc terram venerat Christus, Psalm. 11. & 101. imò dignos hos benedictione Domini nouerat. Neque noua est be-

Matth. 15.

2. Cor. 3.

2. Pet. 3.

nedictio: diuites enim facit. Non suscipit personam hominis: nec margaritas ante porcos proiicit: nec sanctum canibus: sed benedictionem impertit egentibus. Et rectè contra morem sæculi Christum apud pauperes quærit atque inuenit, qui diuites plerumquè dimittit inanes. Deinde ostendit Christum non solum misericordem esse, & in resurrectionem venisse: sed & iustum esse, & in multorum ruinam positum esse. Non blanditur diuitibus, non loquitur placentia, non dimidiatum Christum prædicat. sed quod res est, totum declarat. Postea etiam in hac vita afflictiones, & gladios prænūciat: vt Paulus Acto. 14. 2. Timoth. 3. & Christus ipse, Ioan. 15.

Restat Anna pietate ac sanctimonia illustris femina. Hæc dum plebis personam gerit, inuenitur in templo: accurrit, astat: audit Simeonem, confirmat illius sermonem: gratias agit Deo: loquitur postea alijs quoque redemptionem Israel expectantibus de Christo. Voluit & alia in ipsa laudare Lucas: nimirum, quod tanto tempore vixerat vidua: quod totum illud tempus tam pijs exercitijs consecrarit, quod non discesserit à templo: quod die ac nocte seruierit Deo, ieiunijs atque obsecrationibus. Habent viduitas & virginitas suam eamque eximiam laudem, cum in Euangelio, tum etiam in Pauli epistolis, Matt. 19. Lucæ 2. 1. Cor. 7. 1. Tim. 5. quantumuis repugnent huius sæculi mores: non modò contra virginitatem viduitatemque, sed & contra ieiunia & orationes. Anna non in templo solum, quod is locus requirit, fecit: sed & domi forisque erga omnes. Atque hæc sunt planè eiusmodi, quibus promeretur Deus, & certior fit cuiusque vocatio. Imò his medijs fit, ne in Christum verbo offendamus, aut in ipsum ad nostram damnationem impingamus. Video adhuc multa superesse dicenda. Sed quis omnia simul & tam exiguo tempore? Gratia Dei nobiscum. Amen.

DIE CIRCUNCISIONIS DOMINI IESV EVANGELIUM, LVCAE. II.

Postquam consummati essent dies octo, vt circuncideretur puer: vocatum est nomē eius Iesus: quod vocatum est ab Angelo, priusquam in utero conciperetur.

DOMINI. I. POST. NAT. CHR. 77
EPISTOLA AD TIT. II.

Apparuit gratia Dei saluatoris nostri omnibus: erudiens nos
ut abnegantes impietatem, & secularia desideria, sobriè, &
iuste, & piè, viuamus in hoc saculo: expectantes beatam spem, &
aduentum gloriae magni Dei, & Saluatoris. nostri Iesu Christi:
qui dedit semetipsum pro nobis: ut nos redimeret ab omni iniqui-
tate & mundaret sibi populum acceptabilem, sectatorem bonorum
operum. Hac loquere, & exhortare, & argue, cum omni imperio.
Nemo te contemnat.

S E R M O.

LN rursus se nobis in sua pulchritudine specio-
sus ille forma præfilijs hominum conspicien-
dum exhibet: & quem pauculos ante dies vir-
go mater è cælo susceptum, carnisque indutum
armatura, in hunc mundum pepererat, hodie
obediens legi subditur, circumciditur: à lege liberaturus, Iesu
nomen accipit. Res hæc noua est: quod qui non tenetur lege,
istam legem sustinet: & benè in tantæ facti nouitate, noua, fiunt
omnia, tempus, homo, mens, lingua, & opera. Primum hæc
die Sancti illius ros sanguinis sterilem virtutibus mundum
fecundat, renouat, plaudite. Olim Iano redeunti inani va-
nòque ludos edebant annuos. Precari illi inuicem solebant
læta, fausta, prospera. Prospera lux oritur, inquit vnus ex eo-
rum Prophetis, linguis, animisque fauete. Nunc dicenda bo-
na sunt bona verba dic. Lite vacèt aures, insanæque protinus
absint Iurgia: differ opus luida turba tuum. Salue festa dies,
meliorque reuertere semper, A populo rerum digna poten-
te coli. Sed nunc bifrons ille euerfus est: nihil est, superstitio-
nis errore discusso. Adest CHRIS TV S Iesus, magnus, hu-
milis: lux veritatis exorta est. Sinceris ergo pectoribus, Chri-
sto lucèque tanta dignos triumphos agite. Agemus autem, si
cor anteaçtæ vitæ non reprehendit nos. Nemo sit, fratres,
qui non ipse sibi sanum præstet: Respiciamus altero oculo in
anteaçtæ vitæ mores: altero in futuro prospiciamus. Illic si
quid indignum commissum est, si quid per torporè neglectum
est: hinc emendemus: corrigamus sedulo: siccis moribusque no-
uis omnia studeamus rependere. Equidem, ne quid vos de-
fraudem, pro recepto more, proque nostra omnium & neces-
sitate & vtilitate, omnia vobis mihi que læta atque fausta

precabor: vt Iesu Christi pietas, quidquid hactenſ per omnem vitam commiſſum eſt, nobis clementer ignoſcat: vt que totum reliquum vitæ noſtræ in vera ſui agnitione pijs moribus tranſigamus, de ſua plenitudine donec.

Nec video, quib⁹ verbis id melius effecero, pro loci huius atque rei dignitate: quàm eorū, quibus & populi ſalus corda fuit, & qui Spiritu ſancto locuti ſunt.

Num. 6. Sic Moſes Iſraeli benedixit: Benedicat tibi Dominus, & cuſtodiat te: oſtēdat Dominus faciem ſuā tibi, & miſereatur tui. Cōuertat Dominus vultū ſuum ad te, & det tibi pacem.

Sic Booz meſſoribus ſuis: Dominus vobiſcum. Et illi: Benedicat tibi Dominus. Ruth. 2.

Dauid: Dominus exaudiat te in die tribulationis: protegat te nomē Dei Iacob, Pſal. 19. Et: Deus miſereatur noſtri, & benedicat nobis. Illuminet vultū ſuper nos: & miſereatur noſtri. Pſal. 66. Et: Non faciat nobis Dominus ſecundum peccata noſtra: neque ſecūdum iniquitates noſtras retribuat nobis. Pſal. 102. Auxiliū vobis ſit à Domino, qui fecit cœlum & terram: & pēt totum Pſal. 120.

Iudæi Hieroſolymis ad fratres in Aegypto: Benefaciat vobis Deus: & meminerit teſtamēti ſui, quod locutus eſt ad Patres noſtros: & det vobis cor omnibus, vt colatis eum, & faciatis eius voluntatē corde magno & volentj. Adaperiat cor veſtrum in lege ſua, & in præceptis ſuis: & faciat pacem. Exaudiat orationes veſtras, & reconcilietur vobis: nec vos deferat in tempore malo. 2. Mach. 2.

Paulus Romanis gratiā & pacem precatur: Rom. I. & alibi precatur, dicēs. Deus patientiæ & ſolatiij det vobis idipſum ſapere in alterutrum: ſecundū Ieſum Chriſtum: vt vnanimis vno ore honorificetis Deum, & patrem Domini noſtri Ieſu Chriſti, Rom. 15. Deus pacis conterat Satanam ſub pedibus veſtris velociter: Rom. 16.

Idē Corinthijs ſcribit: Gratia Domini noſtri Ieſu Chriſti, & charitas Dei, & communicatio Spiritus ſancti, ſit cū omnibus vobis. Amen. 2. Corint. 13.

Idem Ephēſijs ſcribit: Pater Domini noſtri Ieſu Chriſti det vobis ſecundū diuitias gloriæ ſuæ, virtutem corroborari per Spiritū eius in interiore homine, Chriſtum habitare per fidem in cordibus veſtris, in charitate radicati & fundati: vt poſſitis cōprehēdere cum omnibus ſanctis, quæ ſit latitudo, & longi-

& longitudo, & sublimitas, & profundum: scire etiam super-
 eminentem scientiæ charitatē Christi: vt impleamini in om-
 nem plenitudinem Dei. Ephē. 3. Pax sit fratribus, & charitas
 cum fide, à Deo patre nostro & Domino Iesu Christo. Gra-
 tia cum omnibus, qui diligunt dominum nostrum Iesum
 Christum in incorruptione. Amen. Ephē. 6.

Idem ad Thes. scribit: Ipse Deus pacis sanctificet vos per
 omnia: vt integer spiritus noster, & anima, & corpus, sine
 querela in aduentu Domini nostri Iesu Christi conseruetur.
 1. Thes. 5. Idem Timotheo scribens gratiam illi & misericor-
 diam & pacem, à Deo & Domino Iesu Christo precatur. 1.
 Timoth. 2.

Alij Apostoli, vt Petrus & Ioānes, non ita frequentes sunt
 benè precando: sed tamè graphicè & breuissimè id alibi com-
 pensant. 1. Pet. 5. Apoc. 1. & 22. cap.

Has formulas benè precandi ex Prophetis & Apostoli-
 cis scriptis collegi: & quicquid in ijs omnibus boni contine-
 tur, totum vobis ardenti voto precor: & officium meum hoc
 loco dignum impensurus, vt sit diuturnum opto, quod pre-
 cor. Non deferat vos Dominus, aut leuiter benedictionem
 suam in vobis incipiat: sed cumulatè eandem ad vitam æter-
 nam consequendam in vobis perficiat: vt per annum placabi-
 lem Domino, Isaiz 61. ad verum Iubilæum perueniamus.

Leui. 25.

Planè mihi polliceor, id quod non Ethnico exemplo, non
 praua consuetudine, non iniquo animo opto, sed ex Christi
 instituto, & Apostolorum hortatu cupio: vobis pariter atque
 mihi profuturum esse. Ipse enim Christus mandat, vt Apo-
 stoli quancunque domum ingrederentur, eam primùm salu-
 tarent, dicentes: pax huic domui. Et si quidem fuerit domus
 digna, inquit, veniat pax vestra super eam: Si autem non fue-
 rit digna, pax vestra reuertatur ad vos. Cui Petrus sua horta-
 tione responderet: Non reddentes, inquit, maledictum maledi-
 cto: sed contrariò benedicentes: qui in hoc vocati estis, vt be-
 nedictionē hæreditate possideatis. Quibus verbis cum Chri-
 stus tum Apostolus, efficaces esse huiusmodi preces & salu-
 taria vota in ijs, qui sunt digni, confirmant de quo postea.

Matt. 10.

1. Petr. 3.

Et quidem placuit multas benedictionum formas huius-
 modi proponere: partim, quòd certò sciam ita omnium no-
 strum necessitates postulare: vt secundum multitudinem do-
 lorum nostrorum, Dei benedictiones multæ & magnæ lati-

ficarent animas nostras: partim etiam, quòd arbitraretur, hoc noui anni perquàm salutare initium fore: imò nò minimam totius anni fœlicis partem nasci, non ex opum affluëtia, non ex amicorum turba, aut huiusmodi aliqua re: sed ex Dei benedictione cuncta bona procedere. Vulgus enim hominum vilibus rebus confisum, vbi nidum suum in altum posuerit: Abac. 2. cum diuite illo sæpè cogitat: Anima mea, habes multa bona posita in annos plures: requiesce, ede, bibe, epulare.

Iacob. 1. Sed aliter Iacobus concionatur. Omne datum optimum, & omne donum perfectum, desursum est (inquit) descendens à patre luminum: apud quem non est trāsmutatio. Fallax gratia, & vana pulchritudo: at quicumque timet Deum, ipse æternum laudabitur. Qui confidit in Domino, non commouebitur in æternum, qui habitat in Hierusalem. Montes in circuitu eius, & Dominus in circuitu populi sui. Si consistant aduersum me castra, non timebit cor meum. Si exurgat aduersum me prælium in hoc ego sperabo. Qui sperant in Domino, inquit Propheta, mutabunt fortitudinem: currūt, & non laborabunt: ambulabunt, & nò deficient. Et Nahum: Bonus dominus, & confortans in die tribulationis, & sciens sperantes in se. Decem tribus Israel valdè humiliati sunt, eò quòd

Psal. 120. in obuijs & momentaneis sperantes, dominum deseruerint: quia autem Iuda sperauit in domino, adiutor & protector eius fuit. Domini ergo sola benedictio veris bonis ditat: & fit, dum non cogitant homines: vnde, & quæ diuitiæ veniant, & diuites faciant: vt nescientes etiam extremè sint pauperes, dum se diuites putant. Propterea vera illa bona tot benedictionibus à domino vobis precatus sum: idque eò libentiùs,

Psal. 26. quòd timeam, maximam vulgi partem non considerare, quàm veris bonis sint inopes: & quantam extremi mali causam in se habeant ea, quæ multi vera bona existimant. Horrendæ & iniquæ constellationes istæ in cœlo, signa tristia in mundo, infausa nobis minitantur: eoque meritò territant omnes. Non nunc de planetis, Marte, Saturno, verba facio:

Isai. 40. ab his nihil est periculi: nec metuendi nobis teste Propheta. Video autem omniū rerū humanarū diuinarūq; neglectum atque interitū. Nusquam grata fides pietasque conspicitur, in cœlo aut in terra. Obscuratum est aurum. Non magni, non parui in suo loco subsistunt. Mutarunt habitum: confusa sunt omnia. Nemo suum satis facit officium: non princeps non po-

2. Paralip. 13. *Terem. 10.* non po-

non populus, plurima desolationis imago nefandæ. Omnes *psal. 13.*
declinauerunt: non est qui faciat bonum. Maledictû, & mendacium, & homicidium, & furtum, & adulterium, inundaue-
runt: & sanguis sanguinem tetigit. Propter hoc lugebit om-
nis terra. Ius est in armis. quò quis potentior, eò plura sacra
legit; prophana rapit. Non hospes ab hospite tutus. Omnes
hûc conspirasse videntur, vt pietatem cum fide exterminent.
Hæc coniunctio, illa conspiratio multa mihi mala atque inau-
spicata præfagit. Perijt quicquid in tota religione pulchrum
fuit, dominatur iniquitas. Omnium discordia totius mina-
tur interitum. Hæc tria nunquã hoc tempore potentiùs vbi-
que sæuerunt. Et quid in his omnibus speradum, nisi quam
Christus prædicit, desolatio? Domus super domum corruet.
Ad hanc communem desolationem, aut certè irrecuperabi-
lem calamitatem, siue euitandam siue declinandã, quid (oro)
diuitiæ, potentia, amici, & si quid eius præterea est, valebunt?
Nûm in tibijs viri beneplacitum erit Domino? Nûm Rex
aut Gygas per multam virtutem suam saluus erit? Nûm fra-
ter redimet? Imò diuitiæ, potentia, amici, causa sunt cuique
sui exitij. Contra diuitijs potentia, amicisque imbellem, bel-
ligeratur nemo, facilè? Nil inuidia, multum verò commi-
seratione dignum talis habet. Dementia ergo est, illinc pa-
cem sperare, vbi nulla certa securitas. Ad agnoscendum er-
go in solius Dei benedictione, veram & certam esse felici-
tatem positam, non in his ruinis, & vilibus pomorum: de-
inde ad euitandam certam calamitatem, & iustum dolo-
rem ob miserandam confusionem conceptum leniendum:
tot formas benedictionis collegi atque proposui. In ijs
omnes inuenimus, quo quisque suum; queat lenire dolo-
rem.

Et si enim omnium bonorum largitor sit Deus, in cuius
manu sunt diuitiæ & honor: nobis tamen in primis & maxi-
mè necessaria sunt tria quedam: nempe, gratia, misericordia,
& pax. Nam ad Dei nostri que agnitionem, gratia prælucen-
te nobis opus est: quæ etiam corda nostra ad veram pœnitentiam
conuertit. Vt verò nobis peccata nostra remittantur:
hoc nobis præstat misericordia. Deniq; vt remissis peccatis
nostris, Deo cum bona conscientia seruiamus, idque omni-
bus diebus vitæ nostræ: vt nihil hostile exteriùs timeamus: pax
Christi interna, quæ exuperat omnem sensum, quã mundus

3. Reg. 22.

dare non potest efficit. Iam mihi videte, nūm his tribus, gratia, misericordia, & pace, vehementer opus habeamus? Recensuimus quæ nos præmunt mala: & quàm nulla in tot malis pacis spes usque affulgeat, nouimus: atque heu nimis verè intelligimus, ea ex gratiæ, misericordiæ, atque pacis contemptu nata esse. In ijs qui auersis oculis confessam fidem semel abnegant, iustus DEVS cæcitatem voluntariam alijs horrendis tenebris vindicat. Nota est historia Achab. Decipies Achab cum suis falsis Prophetis, inquit Dominus ad Satanam: præualebis, egredere, & fac ita. Vtique, quia Achab, à Deo recesserat, veros Prophetas repudiabat, merebatur maioribus tenebris inuolui: quas recedendo repudiandoque videbatur eligere. Deinde peccantes de anno in annum, pœnitentiam speruimus: oblatam sæpè à benigna Dei manu misericordiam contempsimus. & quis meretur peccatum aggravari, dum elongatur miseratio. Sic denique turbis nunc sunt plena omnia, fatemur, & ingemiscetes conquerimur. Quæ causa? Pacem conscientiæ per curiositatem cupiditatēque amisimus: & interioris hominis distractionem, sequitur externarum rerum omnium confusio. Videtis ergo quòd omnium malorum præsentium sit causa, trium quæ dixi necessariorum amissio? Nunc ergo & illud consideremus: quomodo ea ipsa tria in suprà politis benedictionibus nobis precantur. Et prophetæ quidem in genere precantur nobis: vt Deus benedicat nobis: vt custodiat, vt ostendat faciem suam: vt conuertat & illuminet vultum suum, vt det pacem: vt exaudiat, protegat nos: vt misereatur nostri: vt det auxilium: benè faciat: aperiat cor nostrum, & exaudiat oratiōes nostras: vt misereatur & reconcilietur nobis: vt sit ipse nobiscum, non faciat nobis secundum peccata nostra: non det in cōmotionem pedem nostrum, nec derelinquat in tempore malo. Verum Apostoli, maximè Paulus grauibis verbis, hæc ipsa tria, gratiam, misericordiam & pacem, expressè diuersis precatur. 1. Tim. 1. cap. Paulus hūc reliquas omnes benedictiones refert. Ad gratiā refert illud Rom. 1. 2. Cor. 13. Ephes. 6. Ad misericordiam verò, Rom. 16. 1. Thes. 5. Denique ad pacem, Ro. 15. Ephes. 3. & 6. Optimè verò 2. Cor. 13. hæc tria singula singulis in S. S. Triade personis attribuuntur. Gratia, inquit, Domini nostri Iesu Christi, & Charitas Dei, & communicatio sancti Spiritus, sit cum omnibus vobis. Christo gratiam:

In ipso

In ipso enim agnoscitur Diuinitas, quia splendor gloriæ & imago Dei est. Hæb. i. Charitas datur, quia res creatas, quas condidit, perpetuò consensus connexu atque pace conseruet. Cômunicatio S. Spiritus additur: & ipse resipiscētibus de suo emendationis propositum atque virtutē misericorditer largitur & præstat, vt qui peccatis à Deo lōgè recesseramus, pœnitentia ad ipsum redeamus, vnūmq; fiamus cū Deo: & sit suauis quædam inter vtrunque participatio: imò vt sit ipse Deus nobiscū. Hic ergo tribus precibus seu votis, omnia nobis, quæcunque vel ad hanc vitam, vel ad futuram gloriam sunt necessaria, vtilia, & salutaria, impertiuntur: imò ipse Deus Emanuel nobis mittitur, donaturque. Quod si ergo Deus nobiscū, vtiq; nemo contra nos. Nām qui proprium filium donauit: quomodò non omnia bona simul cū illo dedit? Sed neque mihi vobis ea precari, neque vobis ex meo voto sperare satis est. Curandum est sollicitè: ne vel donanti benedictionem, vel ipsimet ad nos venienti ponamus obicem. Pulsat nonnunquā diuina miseratio osium nostrum, vt quæ adfert bona donaque, inferat: sed multi non aperiunt: multi etiam repellunt: plurima pars indignos se reddunt. Horum conditio omnium miserrima est. Non, quod nihil agant benedictiones: sed quod indignis dimissis, ad benedicentes redeant. Id quod Christus clarè testatur, cū ait: Si fuerit digna, veniat pax super eam: Si autem non fuerit digna, reuertatur pax vestra ad vos. Et: Noluit benedictionē, & elongabitur ab eo. Certissimum est, nos nostra culpa sæpè salutem oblatam impedire. Non vult pius Dominus nostrā mortem: tantū nos velimus vitam nostram. Vt in Isaia dicitur: Si volueritis, & audieritis me, bona terræ comedetis: quod si nolueritis, gladius deuorabit vos. Christus paratus fuit vrbi Ierosolymorum benefacere: sed noluit illa vllō beneficio deuinciri. Vnde non obscurum est, cui imputandum sit, quod dies annosq; minū lætos agimus: non certè Deo, non fortunæ casibus, sed nobis ipsis. Imò verò tristissima omnia expectanda nobis adhuc sunt, nisi vitam morēsque emendauerimus. Peccata vestra, inquit Ieremias, prohibuerunt bonum à vobis. Et Isaia: Iniquitates vestræ, inquit, diuiserunt inter vos & Deum vestrum. Adhuc ergo breuiter & illud confideremus: qua via & ratione agendum sit, vt Deus hunc nobis annū bene fortunet. Id quod Paulus omniū apertissimè do-

Rom. 8.

Math. 10.

Isa. 11.

Matth. 23.

Jerem. 5.

Isai. 59.

cet. Gaudete fratres, inquit, perfecti estote, exhortamini, idipsum sapite: habete pacē, Deus pacis & dilectionis erit vobiscū. Ac si dicat: Precor vobis, vt Deus pacis & dilectionis sit vobiscum. Quod si vota mea nolueritis irrita facere, si opatā vultis salutem, gaudete, perfecti estote, exhortamini, idipsum sapite, pacem habete. Videte, quot Paulus fruendi Dei demōn stret media. Vult primū: vt gaudeamus, idq; propter acceptam gratiam. Verū non sufficit, nisi animi istud gaudium noua vita suscipiat. Subijcit ergo, perfecti estote. His duobus comparatis, animi gaudio, & vitæ sanctimonia: aliorū deinde salus iuuanda est. Id vult, cū addit: Exhortamini. Cæterū omnino providēdum est, ne fidei vnitatem dissensio laceret. Ideo subdit: Idipsum sapite. Deniquē mutuis charitatis operibus inuicem deseruire debemus. Id admonēs, Pacem, inquit, habete. Quod si fecerimus, Deus pacis & dilectionis erit nobiscum. Adhuc desiderati noui anni scilicet constituere vultis initium? Ostendam viam, hac incedite. Trium tantummodō dictorum perpetuō mementote, & velut appēsū quid ante oculos habetote. Primū Iosue est, qui statim initio suscepti sui muneris ad omnes in vniuersum clamans, præcipiebat, parate vobis cibaria, quoniam post diem tertium transibitis Iordanem. Sit hoc omnibus nobis dictum. Iordanis, qui mortis figuram habet, transmittendus nobis est, velimus, volumus. Et quidem breui, post triduum. Hæc memoremus, & in æternum non peccabimus. Non dicamus: Edamus & bibamus, cras, enim moriemur, sed preparemus nobis cibos, audiamus verbū Dei, hauriamus fidē, cōcipiamus spē, crescāmus charitate, locupletes siamus in bonis operibus, thesaurizemus nobis thesauros in cælis, faciam⁹ nobis amicos de māmōna iniquitatis. Hoc est futurę necessitati providere, parare cibaria. Deinde similitudinē considerate sterilis arboris fici, quam ob sterilitatē paterfamiliās succidi volebat. Verū colonus: vt vno tantū adhuc anno mitteretur, impetrabat, ea lege, vt si post illud tempus transactum, & cultum diligentiorē, non ferret fructum, tum succideretur, & in ignem mitteretur. Nos sumus arbor illa infrugifera, dudum excidium meriti. Si acucro, inquit paterfamiliās, vt fulgur gladium meum, & arripuerit iudicium manus mea, reddam ultionē hostibus meis: & his, qui oderunt me, retribuā. Sed Christus agricola pro nobis intercessit apud patrem: factus aduocatus noster, vnus adhuc

Ios. 1.

Eccle. 7.

Isai. 22.

1. Tim. 6.

Matth. 6.

Luc. 16.

Luc. 13.

Deuter. 32.

Ioan. 2.

vnus adhuc anni tempus impetrauit pœnitentiæ nostrę. Minatur adhuc pater. Tacui (inquit) sed nō silebo. Ignoras, inquit Paulus, quoniam benignitas Dei ad pœnitentiam te adducit? Secundū autem duritiā tuā, & impœnitens cor, thesaurizas tibi iram in die irę, & reuelationis iustī iudicij Dei.

Postremò illud Zacharię dictum diligenter & sedulò cogitemus. Veritatem, inquit ille, & pacē diligite. Veritate nil meliùs, nil pace præstantius. Vraque laborat miserè, Quæramus ergo vtrinque veritatem in doctrina, & pacem in vitā, in consciētiā. Haud dubiè is qui veritatis pacisque Deus est, sese ad nos inclinabit, & petita desiderata largietur desideratibus.

Zach. 8.

3. Esd. 4.

2. Cor. 13.

Hęc volui auditores, primam concionis huius partem esse: vt & ego vobis officioq; meo pro loci huius dignitate ac consuetudine, non deessem, & vos quę vestrę salutis sunt, consideraretis. Obtuli vobis multas & magnas benedictiones, ostēdi virtutem earum, & nostram omnium necessitatem, nec dubito Deū velle largiri. Tantū videamus, ne obicē ponamus, & oblata dona à nobis pulsemus, spiritūmq; Dei adhuc magis contristemus. Quòd si quę dicta sunt, ad commouēdum vos atq; melioris vitę cōmone faciendū minora sunt, adhuc cum Isaia clamo: Si quis in vobis est timens Deum, & audiēs vocem serui sui, qui amputauit in tenebris, & nō est lumē ei? speret in nomine Domini, & innitatur super D E V M suum.

Isai. 50.

Ecce vos omnes accedentes ignem, accincti flammis, ambulate in lumine ignis vestri, & in flammis quas succendistis. Cū Dauide ad vnumquemque vestrum: Declina à malo, & fac bonū: quia Dominus amat iudiciū, & non derelinquet sanctos suos: in æternum conseruabuntur. Iniusti punientur: & semen impiorū peribit. Illuminet Deus oculos nostros, ne obdormiamus in morte, ne quando dicat hostis noster se aduersus nos præualuisse. Auferat Dominus à nobis cor carneū, & det nobis pacē. Nox præcessit, dies autē appropinquauit.

Psal. 36.

Psal. 12.

Ezech. 36.

Abijciamus ergo opera tenebrarū, & induamur arma lucis. Roma. 13. Qui furabatur, iā non furetur. Ephes. 4. Eratis aliquādo tenebrę, nunc autē lux in Domino. vt filij lucis ambulate. Ephe. 5. Vetera trāserunt: ecce facta oīa sunt noua. 2. Corin. 5. Deponite veterē, qui corrūpitur, secundū desideria erroris, reuocamini autē spiritu mētis vestrę, induite nouū hominē, deponētes men daciū, loqmini veritatē. Ephe. 4. Deponite

omnem iram, indignationē, malitiam, blasphemiam, turpem sermonem, &c. Coloss. 3. Adhuc, inquā, cum Mose atque Iosue morituris testificor & clamo, testes inuoco hodie cælum & terrā, quodd proposuerint vobis vitam & bonum, benedictionem & maledictionem. Elige ergo vitam: vt tu viuas, & semen tuum, & diligas dominum Deum tuū, atque obedias voci eius, & illi adhæreas. Ipse enim est vita & longitudo dierum. Atque hæc de nouo anno dicta sint. Porro si cui hac parua videntur, & magis xeniolis donisque saluari vult, quā verbis, ne hunc quidem inanē & suo desiderio spoliātū dimittā.

Accipiat ille in manus Euangelium hodiernum, parū illud quidē, ac vobis perbreue, ac perinde hoc ipso nomine à Philosphorum voluminibus valdē diuersum, sed amplū virtute, magnum sanē mysterijs. Est in eo modus vnicus, quo duæ res longi temporis magnique momenti copulantur, nimirū lex atque Euāgelium. Legis enim finis, principium est Euāgelij. Christus Iesus & legem in sua circūcisione cōpleuit, & Euāgelij salutē in suo nomine IESV exorsus est. Et hunc ipsum Iesum omnibus gentium familijs, non homo, non Angelus, non creatura vlla, sed ipse diuum pater offert in donum, nullis meritis mūdi, sed propria miseratione atque dilectione ad tantam munificentia suæ largitatem motus. O donum, diuina & tanti patris munificentia dignum, nobis miseris hominibus pernecessarium. O Deus o pater, quid est homo, cuius tanta liberalitate memor es? quem tanta gloria tantōque honore ab vnigenito tuo participato coronasti? Quid tibi vis amplius homo? aut quid vltra requiris sancta cupiditas? Nil cælū maius habuit, nil omnipotēs pater chariūs in immenso illo diuinitatis sinu habuit. Nil hominibus gratiūs omniū diuitiarum cœlestis thesaurus desuper effundere potuit. Imò in ipso omnes thesauri atque diuitiæ paternæ effusæ sunt.

Psal. 101. Et hic quidē ad circūcidendum datur octo dierum infantulus, qui in principio terrā fundauit, cuius opera manū, cœli
Hebr. 1. sunt. Et hæc ipsa peribūt, inquit ex Dauide Paulus, tu autem permanes. Omnes vt vestimentū, & velut amictum mutabis eos, & mutabuntur, tu autē idem ipse es, & anni tui non deficient. Multa & magna mysteria in hac persona consideranda sunt, quis & quomodò salutē operatus sit. In hunc miserē Iudæi hallucinati impigerūt, Nouerāt secundū vaticinia illū redempturum & cōgregaturum esse populū, sed se solos istum
Ezech. 3. popu-

populum interpretabantur, & armorum copijs liberandum. Sed nec solis illis hoc beneficium promissum erat, aut cōpetebat: nec tale genus redēptionis Deus proposuerat. Passione redēpturus erat, non populi regionūque vastatione. Et eam quidem hodie exorditur, quando circūciditur. Vulnus in se accipit, nō alijs infligit, sanguinem proprium mittit, non alium fundit. Lex quidem circūcisionis data fuit. *Gene. 17.* sed Christus nō tenebatur lege. Duas nāmque ob causas lata erat, altera: ut populus Dei à gentibus discerneret, altera: ut esset remedium cōtra culpam genitalem. Quodd ergo ad primam causam attinet, utique Christo non erat opus discerni à gentibus. Quomodo enim Deus pater obliuisceretur Christi filij sui vnigeniti? Quomodo illum etiam non circūcisum non agnosceret? Deinde, neque per sese Christus peccatū admisit, neque ab alijs vllum contraxit. Illud enim sancta docet infantia: hoc verò & Dei patris diuinitas, & virginis matris euincit integritas. Et licet omnes hominum masculos præceptū hoc ligauerit. *Deut. 10.* minimè tamen ligauit eum, qui Deus fuit & homo, ipsiusque adeò lator legis. Tulit ergo legē, qui non tenebatur lege. Cur ita? Audiamus Paulum. Vbi venit plenitudo temporis, inquit, misit Deus filium suum factum ex muliere, factum sub lege: ut eos qui sub lege erant, redimeret: ut adoptionem filiorum reciperemus. Hæc causa circūcisionis Christi est: ut nos à lege liberaret. Si ergo filius nos liberauit, utique liberi sumus. Nec obstat, quod qui octo dierum pueri circūciduntur inuiti, per alios patiuntur. Est ea quidem communis ratio omnium reliquorum infantium. In hoc Iesu non verò sic. Nam ipse Deus cum ipso adhuc in utero matris abscondito fuit. Nihil illi vel inuito vel inscio accidit. Oblatus est, inquit Propheta: quia voluit. Nobis ergo, non tibi inseruit hac passione. A lege liberauit, filiorum in numerū & consortium nos recepit. Voluit autem & alia quædā hac ipsa circūcisione docere: Quodd esset Abrahæ verū semen, & ille Propheta, quem Moses prædixerat ex fratribus eorum oriundū. *Deut. 18.* secundum hominem. Huius enim posteritatem lex illa ligabar. Voluit & veritatem carnis suæ demonstrare: voluit & Iudæorum declinare offensam & scandalum, ne causam illis præberet perditionis. Sed & nobis exēplum præbuit humilitatis & obedientiæ. Neque verò ab hac vna tantū lege nos liberauit. Plura erant, quæ nos grauabant: ut Isaias liberato-

*Gene. 17.**Galat. 4.**Hier. 31.**Isai. 53.**Gene. 22.**Phil. 2.**A quibus.*

rem alloquēs, ait: Iugum oneris eius, & virgam humeri eius, & sceptrum exactoris eius superasti, sicut in die Madian.

Isai. 9. Tria sunt illa, quorum primum peccati, secundum mortis, tertium verò legis significationem habet. Amplius ergo neque peccato in nos dominium, neque morti tyrannis, neque legi pœna est. Ac de posteriori testantur scripta. *Actor. 15. Roma. 10.* Vbi quidem, qui circûcisionem adhuc quasi necessariam ad salutem credentibus imponere volebant, erroris conuincuntur, & pij à circuncisione liberantur. Verùm vt circûcisio externorum membrorum in Christo finem habuit, ita spiritualis quædam circuncisio in eodē incepit, qui & lumbos succingi, & inanes cogitationes factâque iniqua præcidi, amputari, atque reijci voluit.

Isai. 7. & 8. Hoc modo liberauit nos Christus. Et quia multa sunt veri saluatoris officia: Esse Deum nobiscum, cum hoste cōfigere, consilio prodesse, robur addere, pacē reddere, idq; nullo non tempore, regnū propagare, eâque Christus quia omnia perfectē complcuit, meritò illi nomē impositum fuit Iesu, quod est saluator. Verè enim saluum fecit populum suum à peccatis eorum, morte atque lege. Fuerunt quidem & alij Iesus in veteri testamento: vt Moysi proximus successor, qui magna virtute fortitudinēque præditus, fugatis hostibus terra Chanaan

1. Esd. 3. positus est. Post Babylonicam captiuitatem, alter quidam Iesus summus sacerdos fuit, qui multum ad instaurandum templum contulit, opibus atque consilio. Vterque licet magna in populo effecerit: tamen postea defunctus est, & hunc quidem filium Iosedech Zacharias postea indutum sordidis vestibus, id est, meticulosa veste vidit, & Satanam stantē à dextris eius. At Christus æternum viuit, nec vlla defectione vilescit. Tu es sacerdos in æternum. Illi figura tantum vêturi fuerunt & veri Iesu. Illorū alter dux, alter sacerdos. At noster Iesus utrūq; officium & perfectē exercuit. Dux ille in terrâ Chanaan perduxit, noster Iesus in cœlū. Sacerdos ille externū templū extruxit, Christus cœleste & spirituale. Meritò ergo Iesus dici-

Genes. 41. tur, quod est saluator. Sed & alij saluatoris nomē in lege acceperūt. Ioseph Aegypti saluator fuit, tātum: quia prudēter de frumēto in annis sterilibus, pvidebat singulis. Verū minimè gratis. Cogebātur homines magno emere frumentū: qua re etiā oēs in Pharaonis potestātē redacti sunt. Fuit & Othoniel saluator, & Aioth, & Barach, & Gedeō, & Iepre, & Samson, ideo, quod

ideò, quòd his ducibus populus ab hoste vel tueretur rectius, vel omnino liberaretur. Qua ratione & Lotthi Abraham, & Saul labenitarum dici possent saluatores. Qui omnes etsi figura fuerunt Iesu venturi: multò tamen rectius modus saluandi per Christum, in Zorobabele & Gedeone exprimitur. Zachar. 4. Iud. 7. Illic enim ferè sine armis, & pauci multos in fugam egerunt. Solent alij milites sese armare ad bellum: Christus exinanivit seipsum, & formam serui accepit. Alij arma & scutum accipiunt: Christus obedientia vsus est. Alij cædunt: Christus cæsus est. Eius liuore sanati sumus. Et ideò Isaias, vbi Christi redèptionem describit, fore ait, sicut fuit in die Madian, quādo nō armis, sed diuina potentia hostes fugati sunt: Quò etiam Abacuc alludere videtur, vbi in Christi manibus cornua esse, describit: fortè crucis lignum transuersum significans. Atque hinc suspicienda nobis sunt Dei iusticia, qui cūm posset potentia sua vno momento hostem vincere, maluit tamen humilitate & protractu. Inditum est illi hoc nomen à patre: vocatum verò ab angelo tum primum, paulò antequàm conciperetur, Luca teste. Alia quidem eius nomina nota fuerunt Patribus, vt multa sunt in Isa. 7. 8. & 9. capitibus. David de magno nomine in Israele canit: sed cuiusmodi sit illud, nō exprimit. Sed & in canticis fidelis anima de hoc nomine sponsum alloquens: oleum inquit, effusum nomen tuum. Rectè naturam & virtutem olei huius exprimit: at nouissimis tandem temporibus effundendum, hoc est, disertè manifestandum, indicat. Oleum lucernæ, cibo ac medicamini adhibetur. Iesu nomen dum prædicatur, lucet: dum cogitatione expenditur, nutrit: quando inuocatur, medetur. Prædicante illud Paulus, & quasi facem lucidissimam portante, nos ipsi lux facti sumus in Domino. Ephe. 3. Ipsum sua scrutatione & meditatione apud se cōcoquens Paulus, cætera omnia fastidit & nauseat. Phil. 3. Gal. 5. Quā verò ægris animis atque cōscientijs medelam adferat masticatū, rectius opinor experiendo disci, quā dicendo potest intelligi. Et hanc quidē virtutem insinuat anima illa fidelis. Sed cuiusmodi sit, nō exprimit. Interrogat de eo Moses, sed vox illi diuina respondet: Ego sum qui sum. Instillatum erat tantum angelis: sed ab hominibus absconditum. Qua in re nostram consideremus fœlicitatem & periculum: fœlicitatem quidem, quòd priscis sæculis incognita nobis sint reuelata: periculum verò, si eo abusi fuerimus. Virtu-

Gene. 14.

1. Reg. 11.

Luc. 2.

Canti. 3.

Acto. 9.

tem etiam Ioannes describit, cum ait: verbum caro factum est, &c. Nominat verbum, per quod omnia sunt condita. Et quis melior saluabit illo, qui condidit. Nominat unigenitum Dei. Et quid unigenito tanti patris de erit. Quid non dabit tanta gloria præditus? Plenus est gratia & veritate: quid in illo desiderabimus? De plenitudine eius omnes accepimus in via: quid non dabit in vita? Hoc modo etiam Ioannes personam Christi describit, & optime ei nomen IESU conuenire ostendit. Atque hæc ideo breuissimè libuit addere, quò maior in illud nomen nostra fiat fides & consolatio.

Hoc superest, non ut nudè dicimus: Credo Iesum circumcissum esse, Credo Iesum nomine vocatum esse: sed erigenda est fides, quòd cuique nostrum Saluator futurus sit. tantum, si quemadmodum ille spontè legi se submisit: ita nos quoque erga mandata ipsius Iesu promptam obedientiam præstiterimus. Frustra ille Iesus vocabitur, ni talem ipse credideris: frustra circumcissus est, sanguinemque innocentem fudit, nisi exemplum quòd reliquit, obedientia in alia præcepta secutus fueris. Videte ergo salutem nostram, considerate periculum. Mutetur cum nouo anno vitæ vetustas: mutetur in melius. Sic fiet, ut quæ Christus in nobis incepit, aliquando confirmet consummetque. Gratia eius nobiscum. Amen.

IN DIE EPIPHANIAE

DOMINI EVANGELIUM,

MATTH. II.

CUm natus esset Iesus in Bethlehem Iudæ, in diebus Herodis regis, ecce Magi ab Oriente venerunt Hierosolymam, dicentes: Vbi est, qui natus est rex Iudæorum? Vidimus enim stellam eius in Oriente, & venimus adorare eum. Audiens autem Herodes rex, turbatus est, & omnis Hierosolyma cum illo. Et congregans Principes Sacerdotum & Scribas populi, sciscitabatur ab eis, vbi Christus nasceretur. At illi dixerunt: In Bethlehem Iudæ. Sic enim scriptum est per Prophetam: Et tu Bethlehem terra Iuda, nequaquam minima es in

Princi-

Principibus Iuda. Ex te enim exiet dux, qui reget
populum meū Israel. Tūc Herodes clam vocatis
Magis, diligēter didicit ab eis tēpus stellæ, quæ ap-
paruit eis: & mittēs illos in Bethleēm, dixit: Ite &
interrogate diligenter de puero: Et cū inueneritis,
renunciate mihi, vt & ego veniens adorē eū. Qui
cū audissēt regem, abierūt. Et ecce, stella quā vi-
derant in Oriente, antecedebat eos, vsque dū ve-
niens staret suprā, vbi erat puer. Videntes autem
stellā, gaudiū sunt gaudio valdē magno: & intrātes
domū inuenerūt puerum cū Maria matre eius: &
procidentes adorauerunt eū: & apertis thesauris
suis, obtulerūt ei munera, aurum, thus, & myrrhā.
Et responso accepto in somnis, ne redirent ad He-
rodē, per aliā viam reuersi sunt in regionē suam.

EODEM FESTO LECTIO,
ISAIAE LX. CAP.

S Vrgē, illuminare Hierusalem, quia venit lumen tuum, & glo-
ria Domini super te orta est. Quia ecce tenebra operient terrā,
& caligo populos: super te autē orietur Dominus, & gloria eius in
te videbitur. Et ambulabūt gētes in lumine tuo, & reges in splēdo-
re ortus tui. Leua in circuitu oculos tuos, & vide, omnes isti cōgre-
gati sunt, venerūt tibi. Filij tui de longē veniēt, & filia tua de la-
tere surgent: tūc videbū, & afflues, & mirabitur, & dilatabitur
cor tuum, quando conuersa fuerit ad te multitudo maris, & forti-
tudo gentium venerit tibi. Inundatio Camelorum operiet te. Dro-
medarj Madian & Ephā. Omnes de Saba venient, aurū & thus
deferentes, & laudem Domino annunciantes.

SERMO.



M VLT A, fratres, diebus elapsis, & quidem huic
tantæ rei dicatis consecratisque audiuius de
puero omnipotēte Iesu: Eū cum Saluatorem
mundi, vnicū, expectatum, in lege atque Pro-
phetis promissum: eū natum virgine Deoque,
humilem & omnipotentem, pastoribus annunciatū, sub lege

factum, secundum legem circumcisum, vocatum verò nomine Iesum. Etsi autem hæc ut magna, ita admiranda sunt & suspicenda: tamen nusquam apparuit, gentibus eum venisse. Nam cum & in Iudæa natus, ex genere Abraham, David genitus, Iudæis annuntiatus, secundum Iudæorum morem circumcisus sit: ad solos Iudæos pertinere visus est. Et licet illa gens non ut Saluatorem ipsum venerata sit, (quin ipse inter eos incognitus latuit) non tamen statim iude sequitur, ad gentes deriuandam à Iudæis repudiatam gratiam. Ideoque nec in natiuitate, nec in circumcisione eius ulli gentium ullum collatum est ex eo gaudium. Sed verè factum est, quod Daniel cecinit: Esse in Iudæa notum Deum, & eius nomen magnificari in Israel. Verum hodie primum sese exerit: & qui in medio Iudææ Iudæis aliquot diebus latuerat incognitus, spretus atque neglectus, nunc semet gentibus manifestum exhibet. Habet enim Euangelium, quod Magi ab Oriente Hierosolymam venerint, stellæ ductu: inde Bethlehem peruenerint, de Michei vaticinio certi: inuenisse cum matre puerum, adorasse: apertisque thesauris suis eum & Deum adorando, & eundem regem: sacerdotem atque hominem, tribus & agnouisse & declarasse muneribus. Hæc sunt initia nostræ salutis, qui ex gentibus oriundi sumus. Non fuerunt hæc tanta mysteria planè cognita patribus. Nam etsi vocatio gentium, & hæc tanta misericordia ipsis præstanda, prophetis scriptis atque signis prædicta adumbrataque fuerunt: ea ipsa tamè scripta gentibus incognita apud solos Iudæos seruabatur: & qui ea seruabant, non intelligebant. Prophetæ verò, quorum erant vaticinia, tantam fidem apud incredulum populum non consequebantur, ut eorum dictis de gentium salute fuisset creditum. Qua re factum est, ut tanta hæc gentibus præstita misericordia, & præter gentium expectationem, & sine Iudæorum opinione cælitus acciderit. Vnde neque gentes aliquam à Iudæa expectabant misericordiam: neque Iudæi illas de gentibus promissiones, quas legebant, valde morabantur. Qua in re gentes quidem excusabiles sunt: verum Iudæi accusantur negligentia: qui cum legerent Deum ob repulsam Iudæorum gentibus exhibiturum esse misericordiam, oblatam veritatem pietate maiori apud se non retinuerunt. Debebant enim perpendere, Deum suis donis ad ipsos tantum alligatum non esse, nec euacuandam esse fidem Dei, propter incredulitatem suam. Et

suam. Et nos, fratres, legimus Biblia, in quibus ea quā hodie
solemni ritu prædicamus misericordiam, in gentium voca-
tione exhibitam, exarata quidem est: & tamen reliquias quo-
que Israel tādē saluandas esse: possēq; fieri, vt is qui pro sua iu-
stitia naturales ramos excidit, insitor etiā pro nostra impieta-
te extirpet. Eō igitur maior sit hodie deuotio nostra, eō sit acce-
pti doni diligētiōr custodia: & q̄ se Christus gētibus Patri-
bus nostris hodie manifestauerit, ei immēsas gratias agam⁹:
& vt seipsum aliquādo sicuti est, ostēdat, p̄cemur ardētissimē.

Verū nunc ad rem. Est huic (quam festam colimus)
diei nomen ab Epiphanijs inditum, hoc est, apparitioni-
bus, non cuiuslibet, sed Domini, nec quibuslibet: apparuit
enim etiam Adamo postquam peccasset: verum tanto cum
terrore, vt etiam appropinquante hoc fugeret. Gen. 3. Ap-
paruit & Moysi atque Israeli, sed quo omnium horrore, no-
tum est. Exod. 20. Numer. 14. & 16. Apparebit etiam Chri-
stus, sed in iudicio extremo, cum impiorum omnium for-
midine: quando ignis in cōspectu eius exardescet, & in cir-
cuitu eius tempestas valida. Psalm. 49. Est autem hæc dies
apparitionibus cōsecrata tribus præcipuē: nempe, quod se de
cem & trium dierū infantem, in matris sinu Magis his con-
tuendū agnoscendūque exhibuit. Deinde, quod patris Dei
voce, post trigessimū annū in baptismo, filius Dei corā omni-
bus audientibus declaratus sit, & quidē talis, in quo ipsi Deo
patri cōplaceat. Postremò, quod se primo miraculo in Cha-
na, omnipotentem creaturarū Dominū exhibuerit. Et meri-
tò vna die has apparitiones Domini solenni ritu recolimus,
quas vna die, licet diuersis inter se annis, factas esse credimus.
Sed de ea quæ in Chana, & quæ in baptismo, aliàs dicitur co-
prosius: quod ijs se non gentibus, sed Iudæis manifestauerit.
Nunc de prima dicamus, quæ & prima ordine est & præci-
pua: quia gentibus, cū ipsius etiā cœli admiratione, facta est.
Qua de re in Euangelio: cuius summā vno verbo cōtraham.
Sunt in eo imagines duæ: altera fidei pietatisque hominum
Ethnicorum altera impietatis Herodis & Iudæorū. Quarū
illa ad imitationem, hæc verò ad detestationem nostram
pertinet. Et hunc in finem omnia exempla referenda sunt:
vt euitando & imitando perfectus homo constitutur Deo.
Sunt qui hīc magna voce varias quæstiones moueant:
Qui fuerint hi Magi: Quæ stellæ substantia: Quis morus:

Matth. 2.

Matth. 3.

Ioan. 2.

Vnde venerit: Quàm diu durauerit: Quò dinde peruenerit: Nùm alijs quoque hominibus apparuerit: Nùm his solis: Quem locum tenuerit, & id genus alia.

Nos hæc omnia otiosis ingenijs relinquimus, & ijs duobus quæ diximus, insistere volumus. Haud dubiè qui hæc iusta diligentia secum perpenderit, plurimùm is fructus reportaturus est. Principiò Euāgelista statim exordio huius Euangelij ipsam natiuitatem Christi repetit. Cùm natus esset Iesus in Bethleém Iudæ, inquit. Cur ita; Vt suo non desit officio: vt si quis fortè superioribus diebus istis, natiuitati Iesu recolendæ consecratis, minus attētus fuerit, hac repetitione excitetur tandem adhuc. Nil maius in cœlo est: nil nobis magis necessariū isthac natiuitate ex diuina benignitate collatū est. Nemo ante natum Christū, tantum Dei amorem, erga humanum genus sperauisset. Verū, inquit Ioannes, in hoc apparuit charitas Dei in nobis: quoniam filiū suum vnigenitū misit Deus in mundum, vt viuamus per eum. Prædicabatur ante hanc natiuitatem pax, & non erat pax: atque idè pacis angeli sæpè fundebant lachrymas, ac si dicerent: Domine, tot sæcula prædicamus pacem, nec vsquam illa apparet. Nemo credet deinceps Euangelizantibus nobis. Hanc ergo humanitatem atque benignitatem nati Saluatoris Euangelista in memoriam repetitione illa reuocat. Nimirum factam natiuitatē suo malo negligeret, quæ promissa tot suspirijs, fuit à pijs veteris testamenti expetita.

Et certè Magi hi nostri quanquam Lucæ vocem non audirent, aliundè moniti, hanc natiuitatē suo bono minimè neglexerunt. Magi dicuntur ab Euāgelista, haud dubiè sapientes ingenio: opibus diuites: viri certè graues & clarissimi: multum alieni à pastoribus Iudaicis, neglectæ nimirum conditionis hominibus. Verū neque hic sapientia, neque opes valent quicquā. Paulus eos Describēs, homines appellat, sine Deo, sine Christo, in mūdo, alienatos à cōuersatione Israel, & hostes testamantorū, promissionis spē non habentes. Ephe. 2. Et hi nō tres tantū idè: quia tria munera obtulerunt, sed si tot solū fuerūt. Aut idè dicūtur, vt tres gētes per tres Noe filios natos significarēt cōuersos ad Dominū. Viderūt hi stellam Christi in Oriente, & stellæ illius ductū secuti, venerunt Hierosolymā. Ibi nec regis tyranni crudelitatem timēt, nec sacerdotū verentur malitiā: sed magis animis, quē lōgis itinēribus quæ-

ribus quæsierant, inuestigant. Postea accedente Michæ testi-
monio de loco ortus Christi, ac regis voce accepta, pergunt:
coniunctisque stella præeunte, & Prophetæ dicto confirman-
te, tandem eò ubi puer erat, perueniunt, eumque adorant, mu-
neribus honorantes. Primum paratam huius gentis volun-
tatē Euangelista insinuat. Siue enim Chaldæi fuerunt, & stel-
la nuncupatorio ipforum Deo monstrante, siue nepotes Ba-
laan, stella quam ille orituram ex Jacob prædixerat, monen-
te profecti sunt: certè cupidos Saluatoris eos fuisse, longo iti-
nere testantur: multis sanè in hoc præferendi fidelibus. Et si
enim eos à Deo tractos internè nemo dubitare queat: tamen
quòd tam paratis tantisque animis, tam citò stellæ ductû se-
quuntur magnæ pietatis exemplum est. Neque enim ullis ho-
minibus verè petentibus salutem pater suam trahendæ ope-
ram negat. Et stella his regis qualitatem neutiquam satis po-
terat exprimere. Nam si ne locû quidè certò demonstrauit:
quomodò cætera & maiora docuit? Sed guttulâ hi tantû mo-
do diuinæ gratiæ atque illuminationis habuère. Qua nos fa-
cilitate vehementer arguant, quibus tot flumina gratiæ sup-
petunt. Haurietis aquas in gaudio Saluatoris, inquit Isaias.
Nimirû aquam remissionis peccatorû. De quo Zach. Aquâ
veritatis, torrentē fortitudinis: ex quo gratia auxilij & prote-
ctionis scaturit, torrentē amoris: vnde liquor deuotionis &
desiderij, denique fontē vitæ. De quo Psal. 37. Profectò quan-
to plus donorû accipimus: tantò plus eniti ad omnē pietatem
debeamus. Non vna nobis stella, sed innumeræ lucent: & in
his præcipuè lux illa mundi, quæ illuminat omnē hominem
venientem in hunc mundum. Hæc super nos orta est, ut eam
sequentes, non ambulemus in tenebris, sed habeamus lumen
vitæ, imò qui non vident, videant. Denique, ut illuminet eos
qui in tenebris & in vmbra mortis sedēt, ad dirigēdos pedes
eorû in viâ pacis. Hæc causa luminis, quod sequentes, rectè fa-
cimus, & Magorû horû imitatione dignum. De quo postea.

Non illos sumptus magnitudo, non itineris lōgitudine de-
terret: non periculû ab Herode, cuius faciem viderunt inuta-
tam hoc nouo nuncio, eos deiecit. Sed quē inspirante Deo lu-
centēque stella didicerant, intrepidè regem Iudæorum con-
fidentur. Corde credentes ad iustitiâ ore confessi sunt ad salu-
tem non ignorantes illud Christi, etsi nondû scriptum esset:

Omnis qui confitebitur me coram hominibus, confitebor &

Ioan. 8.

Ioan. 1.

Ioan. 9.

Isai. 9.

Luc. 1.

Rom. 10.

ego cum corā patre meo qui in cœlis est: qui autem negauerit me corā hominibus, negabo & ego cum corā patre meo qui in cœlis est. Denique Hierosolymam venientes in urbem primariam, nusquam Christum inueniūt: sed nec quenquam vident vel audiunt, qui de nato rege aliquid sciat aut loquatur. Vbiq; hīc de Christo, & altū silentium. Quis hīc cœpro non desisteret? At pergunt illi magnis animis, tantū vnico Micheꝝ loco, quē summi Magistratus frigidē effuderāt, non-nihil confirmati. Quos postea tamen urbem exeuntes, stella, quā viderant in Oriente, magno ipsorum gaudio pꝛecedens ad Christum adducit. Quale hīc gaudium sancta cōsecuta est perseverantia? Magna illa tentatio fuit in urbe: sed vide, qua consolatione, quo gaudio, constantes eorum mētes Deus ex alto confirmet? Postremō intrantes domum, inquit Euangelista inuenerunt puerū cū Maria matre eius. Mira res. Cui stellæ obsequuntur & ministrant, ex ignoto tuguriolo puer matris paupercule filius apparuit. Sed ne sic quidē sancta constancia deiicitur. Quid enim? procidentes, inquit Euāgelista, adorauerunt eum, & apertis thesauris suis obtulerunt ei munera, aurum, thus, & myrrham. Quis hīc eloqui posset virorum istorum ingens gaudium? Quanta cum animorum exultatione primos in infantem fixerunt intuitus? Quanta cum diligentia omnia scrutati sunt ex virgine matre? quod tēpus conceptus Dei, quis ordo, partus, & alia. Quanta cum verecūdia, imō qua exultatione hoc virgo intuita est, & audiuit? Quām suaves, quām blandos risus infantulus edidit? Quām ægrē viri postea ex hoc casto puerperio auulsi sunt? Et hæc tam multa tamq; ingētia Matthæus paucis tantū verbis insinuat. Nos verō adhuc diligentius istorum fidem atque pietatem intueamur. Fidem & confitendo apud Herodē, & adorando in tugurio ostendunt: pietatē verō in omni hac actione demonstrarunt. Vbi est, inquiunt, qui natus est rex Iudæorum? Regem natum appellant, & quidem Iudæorū. Paucis verbis valdē multa complexi sunt. Multū diuersus est rex Christus à regibus terræ. Hi nascuntur quidem ex regibus, sed non ipsi reges: regnū hīc in mundo, postquā diu nati, fuerunt, ab hominibus accipiunt. Aeq; miseri ac ceteri mortales nascūtur. Deinde quēadmodū regna sua hīc accipiūt: ita hīc decedētes, mūdo relinquūt atq; resignant. Christus verō imperiū totius secū attulit in mundū, & regni eius nō erit finis.

Isai. 9.

Luc. 2.

Postre-

Postemò alios reges omnes Apostolus ministros Dei ap² pellat. Populus enim cui illi præsunt, non ipsorum, sed Dei est. Et ipsi imperiù, nò vt Domini, sed vt serui administrant. Non dominabor vestri, inquit Gedeò, nec dominabitur in vos filius meus: sed dominabitur Dñs. Iu. 8. Sed Christus propriù populù habet. Sicut lutù in manu figuli, sic vos in manu mea, inquit Dñs in Hiere. Vocatis me magister & Dñe, & benè dicitis. Sum etenim. Et pater ad filium: Postula à me, & dabo tibi gentes, hereditatem tuam: & possessionem tuam, terminos terræ. Et filius: Data est mihi omnis potestas in cælo & in terra. Tui erant, & tu mihi eos dedisti. Hinc Ioânes: In propria venit, & sui eum non receperunt. Dedit semetipsum, inquit Paulus, pro nobis, vt mundaret sibi populum acceptabilem. Rectè ergo hi fecerunt, quòd natum regem cõfessi sunt. Rectè etiam David hortatur: Venite adoremus, & procidamus ante Deum, quia ipse est Dominus Deus noster: nos autem populus eius, & oves pascuæ eius. De quo populo Prudentius canit: Gaudete quidquid gentium est, Iudæa, Roma & Græcia, Aegypte, Thrax, Persa, & Schytha: Rex vnus omnes possidet. Laudate vestrum principè omnes beati & perdit, viui, imbecilli, & mortui: iam nemo posthac mortuus. Cõfessi sunt regem, vt Dominum procidentes adorauerunt. Hæc fides certa, firma, illuminata, viuæ atque efficax fuit. Certe quidè & ex illuminatione Dei interiori, & ex stellæ ductu exteriori. Firma, quia licet sæpè tentata fuerit, constans tamen perseverauit. Illuminata, quia quæ oculus carnis non vidit, si dei intuitus perspexit. Viua denique, tot tantisque laboribus exerta. Iter arduum fecere, diligenter humiliterque procurbuere, deuotè adorauere, & pròpti fuerunt in adoratù, munifici, offerentes illi aurum tanquã regi, thus tanquã vero Deo, & myrrham tanquã pro nobis morituro. Quæ omnia cum non fuerunt in eo oculis carnis huius exposita: fide certè, hoc est, substantia rerum sperandarum, & argumento non apparentiù, ab ipsis sunt cõprehensa. Magna fides Petri dicentis: Tu es Christus filius Dei viui. Magna fides Chananæ clamantis: Et catelli edut de mensa dominorù suorù. Magna fides Cæturionis, cū diceret: Domine, non sum dignus vt intres sub tectum: sed tantùm dic verbum & sanabitur puer meus. Magna deniq; & latronis fides cū orat: Domine memento mei, dum veneris in regnum tuum. Verùm Magorù fides illos om-

Roma. 11.

Sap. 6.

Ierem. 18.

Ioan. 13.

Psalm. 2.

Matth. 28.

Ioan. 16.

Ioan. 1.

Tit. 2.

Psalm. 94.

Hab. 11.

Matth. 16.

Matth. 15.

Matth. 8.

Luc. 23.

nes vincit: qui præter stellam viderunt nihil: præter Michez dictum de eodem nihil audierunt. Illi verò & docentem cum authoritate audiuerunt, & miracula operantē viderunt, idq; longo tempore. Quia verò Christus illorum fidem diuersis præmijs remunerauit, quid his Magis præstitisse credendus est? Laudat inprimis Centurionis fidem, quādo miratus eam dixit: Amen dico vobis, non inueni tantam fidē in Israël. Sed quid addit? Dico autem vobis, quod multi ab Oriente & Occidente venient, & secumbent cū Abrahā, Isaac & Iacob, in regno cælorum: filij autem regni eijcientur in tenebras exteriores: ibi erit fletus & stridor dentium. Vbi disertē declarat, & quā gratā habeat hominū Ethnicorum fidem, vt potē ex paruis initijs eximiā: & quā indignē ferat filiorū regni, hoc est Iudæorum incredulitatē: dubio procul in hæc ipsa huius Euangelij facta respiciens. Quis non miretur Iudæorū æternis fletibus stridorib;que vlciscendam perfidiam? In medio ipsorum nascitur Christus, ex ipsorum sanguine. Audiunt namque esse regem, quē tot annos expectarent. Nihil tamen mouentur. Comota est quidē vniuersa ciuitas, sed non in Deum suum: sed cum Herode ad malū, & si posset, ad pueri regisq; proprij internitionem. Non sunt excusabiles de impietate in suum regē, quibus regis aduentus, & locus, & tempus, & modus, & denique nihil non, prædicta fuerunt. Ipse quoque in mundum veniens, dixit, se non venisse, nisi vt quæreret saluaretque oues, quę ex domo Israël periissent. Sed & suis interdixit, ne in viam gentium abirent: & gentibus veluti canibus, Iudæorum, quali filiorum, panem dare non esse licitum, aliquando affirmauit: & tamen alia dixit atque fecit, vt omnem huic populo excusationem præcideret. Manent etiam nū sententię Christi: Lapidas eos qui ad te missi sunt, occidisti, noluiisti. Quid ergo fratres? Nunquid genti perfidæ improprium improperebimus (vt cum Psalmista dicam) eius? Facillimum quidem id nobis fuerit: sed nullo nostro commodo id fecerimus. Paulus cū in hoc ipso argumento versaretur, super altitudinem sapientię & scientię Dei exclamat. Quis cognouit sensum Domini, inquit, aut quis cōsiliarius eius fuit? Verē dictum est: Iudicia domini abyssus multa. Præciduntur tamē naturales, vt inferantur peregrini. Eijciuntur filij: accumbunt alieni. Hoc illud nimirū iudicium Dei est, de quo legimus Esai. 6. Psalm. 68. Roman. 11. nempe, quod illis dedit

Deus spi-

Deus spiritum compunctionis: oculos, ut non videant, & auribus, ut non audiant, usque in hodiernum diem. Fuit hæc Iudæorum auersio multis retrò seculis præfigurata in geminis illis Esau & Iacob, quorum ille ab isto primogenituræ benedictione debiti fraudabatur: in duobus Iudæ filiis, quorum alter manum ex utero matris extendens, mox alteri locum dans, eandem retrahebat: in vellere Gedeonis: postulas enim hic signum, per quod cognosceret, num Deus secum esset, ponebat vellus sub dio. Consurgens diluculo, videt cecidisse rorem, sed in solum vellus, terra circum quaquaque sicca persistente. Altero mane planè contrario modo reperiebat: terram rore madentem, vellus siccum. Nimirum, ut vellus rorem altero mane non habuit, habuit terra: ita Iudæi gratia cœlesti exciccati sunt: at easdem gentes beatè eadem irrigauit. In qua tamen figura non modò Iudæorum auersio, verum etiam gentiù adumbrata fuit vocatio. Cuius & illud figura fuit altare, quod Dauid in hominis Ethnicici Iebusæi Areuna area mandante Deo construxit. Res admiranda sanctè. Nunquid enim nõ habuit Dominus Hierosolymis sumptuosa palatia? Quanta cù deuotione suam quisque ciuiù vrbis illius magnificæ domum illi vsui consecrasset, dedicassetque? Quantus honos vel ipsius regis arcis fuisset, si in ea Dominus arcæ suam requiescere paululum voluisset? Sed hunc honorem ad hominis Iebusæi non domum, sed arcam transfert. Ut nulla de bobus, ita nec vlla de isto altari Deo fuit cura: sed significanter ostendit, diuinæ gratiæ inter gentes locum esse præparandum. Eiusdè figura fuit Naamani Syrii curatio. Is quod homo Ethnicus fuit, plenus lepra: consilio tamen puellæ cuiusdam captiue obsequens, ad Helizæum proficiscitur mundandus. Mundatur ille à longinquo veniens, in Iordanem, qui flumen erat Iudææ. Iudæi proximè Iordanem commorantes leprosi ipso flumine mundati non sunt. Sic quam Iudæi in medio sui habebant, CHRISTI gratia, non ad salutem vsi, sed ad perditionem sunt abusi. Sed videamus, quomodò illud ipsum factum mundati Naamani, etiam hodierni festi figura fuerit, & non tantum vocationis gentium in genere. Puella Naamano prædicat esse virum DEI in Iudæa Helizæum ad quem si se reciperet, certò curaturus esset. Magis nostris stella in Oriente de Christo verò Propheta in eadem Iudæa annunciat. Sed ut ille, ita hi quoque ad obsequendum

Gene. 27.

Gene. 38.

Psalm. 17.

Iud. 7.

2. Reg. 24.

1. Reg. 15.

1. Reg. 15.

1. Reg. 15.

1. Reg. 15.

1. Reg. 15.

1. Reg. 15.

1. Reg. 15.

1. Reg. 15.

1. Reg. 15.

diuino instinctu commoti sunt. nempe, sine quo nec puella nec stella persuasisset. De utroque ad salutem necessario scriptura loquitur. Roma. 10. Fides ex auditu est, auditus per viam eius. Puella & stella quodam modo verbi Dei personam retulerunt.

Ioan. 5. Nemo potest venire ad me, nisi pater meus traxerit eum, verba sunt filii. Cuius & illa: Omnis qui didicit à patre, venit ad

Hier. 31. me. De quo Deus ipse. Hier. 27. promisit, missurum se de spiritu suo, legemque suam in visceribus hominum esse scripturum.

Sequitur ergo Naaman suadentem puellam, sequitur magi lucentem stellam. Vtrobique ad actionem illam prompta inuenitur facilitas. Nullus vel sumptus, vel laboris, vel itineris longinqui metus. Verum in vno magi nostri Naamanum superant: quod hic tam facile verbis Prophetæ lotionem iubentis irascitur. Quasi, inquit, non essent meliores aque Damasci, Iordano. Verum magis (vide) quot impedimenta repugnant? Veniunt hi tandem in Palæstinam, sed stellæ priuatur ductus: mox urbem ingressi, altum vbique in Iudæa regiæque vrbe de rege Christo silentiū. Tandem quam nulla in Christo regia maiestas? Nihil tamen mouentur. Vt Naamā, ita magi in Iudæa sanantur: et hi non de lepra, sed de animorum morbis. Vt Naaman, ita magi cum laude Dei, ad propria redeunt. Hæc collatio ostendit, cum præsentis Euangelij historiam, tum etiam gentium vocationem præfiguratam fuisse. Et certe Iudæi vtriusque facti figuras legebant. Addamus figurarum ymbres expressa Prophetarum dicta, sed breuiter, ac primum de Iudæorum. Hæc graphice Paulus ex Prophetis recitat. Isaias clamat pro Israel. Si fuerit numerus filiorum Israel sicut arena maris, reliquæ saluæ fient. Et Nisi dominus Sabaoth reliquisset nobis semen, sicut Sodoma facti essemus, & Gomorrhæ similes. Similes loci sunt Hierem. 2. Et ezechiel. 16. Thren. 4. & 3. Mich. 7. quibus locis aperte eorum auersio insinuat & cæcitas.

Eadem diligentia etiam gentium. vocatio prædicta est. Psal. 85. Omnes gentes quascunque fecisti, venient, & adorabunt coram te Domine, & glorificabitur nomen tuum. Psal. 71. Coram illo procident Aethiopes, & inimici eius terram lugent, & quæ sequuntur. Lege Psal. 2. 28. 44. 46. 65. 71. 85. 97. 132. Num. 14. Implebitur gloria mea vniuersa terra. Isai. 49. Dedit te in lucem gentium: ut sis salus mea usque ad extremum terræ. Isa. 40. Omnis caro videbit salutare Dei. Isa. 55. Omnes sitiē-

tes ve-

tes venire ad aquas. Ioel. 1. Omnis, qui inuocauerit nomē Domini, saluus erit. Ex his scripturæ testimonijs confirmatur, quoddam præcipuè promissiones de futuro Messia Iudæos videantur respicere, salus tamen Iesu Christi ad gentes quoque pertineat. Vnde Iudæos alloquens, Vobis oportebat primum loqui verbum Dei, inquit, sed quoniam repellitis illud, ecce cōuertimur ad gentes. Sed & quæadmodum in veteri testamentō Dominus, ita etiā in nouo similitudinibus & expressis verbis, Iudæorum ruinā, & gentium salutē prædixit. Aufertur à vobis regnum Dei, & dabitur genti facienti iustitiam eius. Idē parabola vult eorum, qui in vineā diuersis temporibus missi, æqualē mercedem acceperunt, & alijs locis multa similia. Matth. 9. Ioan. 6. & 7. Luc. 2. Roma. 9. & 10. & phes. 2. Idem ostendunt exempla Eunuchi, Aethiopis & Cornelij. Cōfirmatis verò hisce scripturis, nihil Iudæorum inuidia obest. Nos scimus Christum angularem esse lapidē: & in se vult utrūque populum superædificari. Id certē sine nostrā inuidia eis licebit: tantum, ne inuidendo nobis, sibi ipsi officiant.

Relictis autem Iudæis, nostra nobis salus curæ sit. Id quod ipsum quoque hodiernum festum atque magorum exemplum vult. In hoc enim hæc dies festa solenni ritu peragitur: ut non simus oscitantes. Ided cū hoc tum alia exempla proponuntur: ut ad similia facta excitemur. Et hodie Propheta elamatur Surge, illuminare Ierusalem: quia venit lumen tuū, & gloria Domini super te orietur. Tā multos hæc Propheta vox atque magorum exemplum excitauit ad vite pietatem. Illi vni stelle crediderunt: nos omnibus dictis diffidimus. Illi surrexerunt, & profecti sunt, nos dormitamus. Illi reliquerunt propria, alijs nos immergimur. Illi perseveranter, quod inceperunt, perfecērūt: nos in omni opere bono languemus & deficimus. Illi intrepidē Christum confessi sunt, & adorauerunt: nos contra Deum pugnamus. Illi suis thesauris Christi inopiam subleuarunt, nos nostra in delicijs dilapidamus. Illi Deo monente per aliam viā reuersi sunt ad patriam, nos veterem nequitie collocamus semitā. Et quid multis? Nusquam apparet vel scintilla auitæ fidei virtutisque. Quis credat nos illorum sanguine genitos. Quis putat eandem nos, quam ipsi, colere fidē? Multi multa de fide deque iustificatione hominis disputant? Quomodo aggratur, cuius hoc sit muneris, Deine an nostris? Quomodo cōseruetur, solāne fide, an verò etiā operib? Quo-

modò amittatur, aut rursus recuperetur. Sed meminisse oportebat, non disputando, sed in Christi fide benè viuendo, *2. Corinth. 6.* perueniri ad patriam. Restat ergo: vt cum Paulo dicā: Exhortamur vos in Domino dilecti fratres, ne in vacuum gratiam *Isai. 49.* Dei recipiatis. Ait enim: Tempore accepto exaudiui te, & in die salutis adiuui te. Ecce nunc tempus acceptabile, nunc dies salutis. Operandum currendūque est sedulo. Venit nox, inquit Christus, in qua nemo operari potest. Et: Ambulate, dum lucem habetis: vt non vos tenebræ comprehendant. *Ioan. 9.* *Ioan. 12.*

DOMINICA PRIMA

POST EPIPH. EVANG. LVC. II.

ET cum factus esset (Iesus) annorum duodecim, ascendentibus illis in Ierosolyma, secundum consuetudinem diei festi, consummatisque diebus, cum redirent, remansit puer IESVS in Ierusalem; & non cognouerūt parētes eius. Existimātes autē illū esse in comitatu, venerūt iter diei, & requirebāt eū inter cognatos & notos. Et nō inuenientes eū, regressi sunt in Ierusalē, requirentes eū. Et factum est post triduiū, inuenerūt eū in tēplo sedentē in medio Doctorū, audientē illos, & interrogantē eos. (Stupebāt autē omnes qui cum audiebāt, super prudentia & responsis eius.) Et videntes admirati sunt. Et dixit mater eius ad illū: Fili, quid fecisti nobis sic? Ecce pater tuus & ego dolētes quærebamus te. Et ait ad illos: Quid est, quòd me quærebatis? Nesciebatis: quia in ijs quæ patris mei sunt, oportet me esse? Et ipsi nō intellexerunt verbum, quod locutus est ad eos. Et descendit cum eis, & venit Nazareth, & erat subditus illis. Et mater conservabat omnia verba hæc in corde suo. Et Iesus proficiebat sapientia, & ætate, & gratia, apud Deum & homines.

DOMINIC. I. POST EPIPH. 103
E AD E M DOMINICA EPI-
STOLA ROM. XII.

O Bsecro itaque vos fratres per misericordiam Dei: ut exhibeatis corpora vestra hostiam uiuentem, sanctam, Deo placentem, rationabile Dei obsequium vestrum: Et nolite conformari huic saeculo, sed reformamini in nouitate sensus uestris: ut probetis, quae sit uoluntas Dei bona, & beneplacens, & perfecta. Dico enim per gratiam quae data est mihi, omnibus, quae sunt inter uos, non plus sapere quam oportet sapere: sed sapere ad sobrietatem, & unicuique sicut Deus diuisit mensuram fidei. Sicut enim in uno corpore multa membra habemus, omnia autem membra non eundem actum habent: ita multi unum corpus sumus in Christo, singuli autem alter alterius membra in Christo Iesu Domino nostro.

S E R M O.

MULTA nobis hactenus de Christo sermo patefecit diuinus. Posito enim fundamento iuxta Dei Opt. Max. promissa atque Prophetarum oracula, necessario & esse & credi unum aliquem omnium Messiam atque seruatore[m] de monstrauimus. Consequenter ostensum est, hunc seruatore[m] non esse alium praeter Christum Iesum, Dei patris atque virginis matris filium. Cuius quidem redemptio, non tam ad corporum (quaquam & illa ut creauit semel, ita perpetuo seruat) quam ad animarum salutem: nec Iudaeorum modò, sed & gentium quoque salutem pertineat. Quorum primum in ipsa natiuitate, alterum in circumcisione, tertium uero in Epiphanijs audiui[m]us. Verum nunc de postremo adhuc nonnihil dicendum, priusquam ad praesentis diei lectionem transeamus. Neque enim in Epiphanijs licuit de tribus illis maximis apparitionibus Domini pro rei dignitate & nostra necessitate dicere: sed in ea tantum versabatur sermo, quae facta est magis, decimo & tertio die post ipsam infantuli natiuitatem. Reliquae manebant dux, altera, qua patris uoce, ac spiritus sancti praesentia filius Dei dilectus declaratur: altera, qua ipse in Cana, Galileae oppido, aquam in uino, solo uinum conuertendo, se suamque manifestauit gloriam. De hac postrema uero dicetur ordine, Dominica sequenti. De media hic, & quidem breuissimè. Eam certe ut re[m] magni momenti, omnes quatuor Euangelistae conscripserunt. Matth. i. Marc. i. Luc. 3. & Ioan. i. c. Tunc uen-

nit Iesus à Galilea in Iordanem ad Ioannem: vt baptizaretur ab eo, & quæ sequuntur. Et mox: Baptizatus autem Iesus confestim ascendit de aqua. Et, ecce, aperti sunt ei cæli, & vidit spiritum Dei descendentem sicut colubam, & venientem super se. Et, ecce, vox de cælis dicens: Hic est filius meus dilectus, in quo mihi complacui. In eandem sententiam Marcus atque Lucas scribunt. Ioânes verò fusiùs eadē omnia recitat. Vnde nemo miretur eandem ipsam manifestationem in ipsa octava (vt vocant) Epiphaniæ publicè in ecclesia pro concione recitari. Vult enim ecclesia: vt hæc historia nota fiat, vt res maxima, & diligenti consideratione digna. Submittit se ergo Iesus Ioannis manibus, interiùs mundans ac corda purificans, exteriùs abluitur. Hoc ingens quoddam humilitatis exemplum est, arguens humanos factus. Non vehemèter pudeat, qui videt atque intelligit, Christum Iesum humili specie inter reliquam turbam promiscuā ad baptismum, Ioannis accedere, inter peccatores procubere, lauacrum flagitare? Deinde cælum baptizato aperitur. Quid hoc est? Nimirum primi hominis superbia cælum clauserat, sed Iesu humilitas, idē referat, aperit, atque nobis fratribus suis patefecit aditū. Quare ostendit id, quod postea dixit, se esse ostium vitæ cælestis, ianuam Paradisi, viam patriæ, Dei & hominum mediator. Vox insuper patris testificantis auditur: vt tutò illi nosmet concedere mus, qui Deo patri ipsius testimonio, tā charus atq; dilectus. Adhæc spiritus sanctus super ipsum visibili specie cōspicitur, ad declarandam Christi præcellentiam: quod ipse caput nostrum, gratiæ donum non ad mensurā accipiens, sed plenus gratiæ & veritatis, de plenitudine sua omnibus accipientibus cōmunicet. Imò verò hæc omnia in baptismo Christi acciderent: vt certificaremur, quod Deus nobis quoq; simul atq; regenerationis lauacro tingimur, cælū aperiat, filiorum suorum loco nos habeat, spiritum sanctum, salutis pignus, hæreditatis æternæ arrabonē, qui in nobis clamet: Abba pater, & nostro spiritui testimonium reddat, quod sumus filij Dei, donet.

Ephes. 1. Ideò ipse aqua abluitur: vt demonstraret se nostra peccata in se trātulisse, & aquis, sui sanctissimi corporis contractu sanctificando, vim regenerandi homines contulisse. Tanta nobis secūda illa Christi apparitio cōsiderāda pponit & mirabor, si cui vestrū frustrā hæc pposuisse videbor, quæ tā fidē nostrā cōfirmare, & mores instruere possint, nō minori credentiū utilitate, quàm

rate, quam ea quæ in Epiphanijs de prima, & sequenti proxima Dominica, de tertia Christi manifestatione audiūmus, atque audituri sumus. His ita præmissis, vñ ordo doctrinæ nō confundatur, ad Evangelium huius diei transeamus.

Est in eo pulcherrima historia Christi atque parentum eius. Prima in eo describūtur Christi dicta atque facta. Omnes nouas res inuestigamus. et si em̃ in alijs multis torpemus & negligēter agimus: tamē si quid noui afferat, accurrimus; cupidissimē illūc omnes sensus visum auditūmq; intēdimus; pro nostra animi leuitate, etiā si res sint valdē prophānæ atq; inutiles. Cur non in rebus magni momēti, nōsque in primis concernentibus, pro fide pietatēque nostra eandem diligentiam cū fructu plurimo præstamus? Admirata est hæc omnia, & cōseruauit ea in corde suo virgo mater. hanc sequamur. Sed dices: Affectus maternus in filium attentus fuit. Rectē. Sit nobis fratrum affectus in fratre: quando etiā sudzorū principes atq; doctissimi hæc ipsius facta dictaq; cū summa admiratione perpēderūt: et si nullus orationis splēdor atque apparatus appareat vsquam. Aliorum regū verbā atque facta Parasyti Gnathonēsque coloribus ornāt, & sæpē videtur esse, quodd non est. Contrā, Christi facta atque dicta, quæ in fronte non promittūt, in recessu cumulatē præstant. Quodd si eum in humilitate sua & corona, quā eum mater eius coronauit, hætenus contēplati sumus (neque enim sine fructu nostro infantiam eius vidisse nos arbitror) nunc porrō pueritiam eius consideremus. Idque eo diligentius, quodd de infantia eius non ipse quidem; sed Angeli, Prophetæ, Stēlla, Magi, Simeon, Anna, atque nonnulli alijs, multa recensuere, hodie verdē ipsemet verbis atque factis declaret. Infantem hætenus & vagientem, & plorantē vidimus & audiūmus (nā & à pastoribus, & a Magis puer, in Aegyptum auctus; indeque reductus est) nunc puerum & eum quidem admirabilem admiremur, hoc est, credendo amplectamur, sequendo imitemur.

Audiūmus autē cū statuto tēpore cū parentibus Hierosolymam ad diem festum venisse: ibi in medio doctorū, in templo, & audiūisse multa, & interrogasse, summa omnium admiratione: amissum à patribus, quæsitum & inuentū fuisse: facti sui rationē reddidisse, ex patris & volūtate & auctoritate: verū descēdisse cū parentibus, morem eis gessisse in omni-

bus: in multis denique profecisse. Hæc, inquam, Euangelistæ lectione hodierna de Christo, eiusque parëtib; conscripsit. Principiò de facti huius occasione quæramus, deinde de ipso facto, postea quid nobis in ea doctrinæ repositum sit, videamus.

- Exod. 23.** Et de occasione quidem legimus ter Iudæos quotannis cõuenisse Ierosolymis, iuxta præceptũ Mosis, qui ait: Ter in anno appatebit omne masculum tuum coram Domino Deo tuo. Idque non vbilibet, sed in Hierosolymis: vbi arca, & altare, & sacrificia, & exremonix. Erant autem tria festa: primũ azymorũ, quod nos Pascha dicimus: alterũ solennitas mœsis primitiuorũ, quod nos Pentecosten: & solennitas electionis, quæ est in exitu anni. Hoc præcepto omne masculinum tenebatur. Et licet graue illud esset, præsertim longius ad Hierusalem commorantibus, vtilitate tamen sua istam faciliẽ compensabat difficultatem. Conseruabatur istis annuis comitijs doctrinæ atque cultus cõsensu: vt nec recepta obliterarentur, nec noua importarentur. Et si enim Sacerdotes atque Leuitæ dispersi in omnem Iudæam legem docere & cultus cõseruare debeant, vt in Malachia est, cap. 2. alius tamen alio rectius legem & intelligere & docere potuit. Vnde sæpè abusus & dissensio. Vt ergo docti pariter atque indocti formã carũ rerum, quæ sunt inter Deũ & homines, ab vnius adeoq; supremi loci cõsensu sumerent imitarenturque, vnde quaque
- Galat. 2.** illuc confluunt. Quem morem Paulus quoque imitatus, eundem ad locũ, at in dispari religione, se confluisse testatur, vt Euangelium suũ cũ alijs Apostolis cõferret: ne fortè in vacuũ curreret, aut cucurisset. Non minus nobis necessaria sunt eiusmodi comitia. Primũ enim, et si Christus clauso cubiculi cuiusque ostio orandũ esse doceat: hoc dicto tamẽ Spiritus sancti dictum non eleuat, qui in Dauide in Ecclesiã magna cõsistendum esse Domino cõmonstrat. Iuvat enim videre multos, qui idem nobiscum erga Deum faciant. Sæpè etiam aliorũ exemplis excitamur, vt quod facimus, diligentius exequamur. Tum ipsa Dominicæ orationis series ostendit, non vnum, nec pro vno aliquo orare, sed in commune. Et quid vetat, quò minus fiat coram multis, quod institutũ est fieri pro omnibus? Et certè facilius flectetur omnium Dominus, quãdò si non omnes, saltem multos simul orantes cœlitus aspicit. Deinde non valent quorundã excusationes, quas prætende-

re solent homines lucē Ifugientes, & in angulis latitantes. Ipse mihi lego, domi oro, meditor, inquit, non mihi necessaria concio est: ipse afflatu spiritus cœlestis doceor, erudior, cōfirmor. Sed, fratres, vereor eiuscemodi homines valdē dolere capite, nec esse apud sese, dum de se dicant, quę planē cum ipsorum vita pugnant. Non est illa, quam falsō prætendunt, latitandi causa. Nam & Diua genitrix Spiritu sancto plena fuit: quo imbuta, haud dubiē, sancta, docta, erudita, cōfirmatāque fuit. Verū nunquid idē Ierosolymam ad diem festum nō ascendit? Afflatus numinis Angelorūque colloquia, Iosepho rara non fuerunt, vt secundum quæ longo tempore, sua, Mariæ, ipsiusque pueri res instituebat: sed nuquid idē latbras quærit? Nūquid angelorum responsa prædicat? Profectō, si tantopere vt nūc, cū tanto stomacho à multis sit, nemo vel deierātū fidē habuisset. Et quæ infamia est, hæc sperare creditū iri? Quod quisque prout somnium meminit suum, Dei veritatem nouo spiritu allatam iactitat. quando apertissimū est, ab eo vsque tempore quo publicæ atque frequentes conciones esse desierunt, quō festa cōmunia cū contemptu Dei nostræque religionis spreta sunt, in innumerās penē scētas fidem dilaniatam esse. Vbique error, vbique hæresis, vbique schisma. Nec adhuc vsquā finis apparet. Optimē ergo Deus isti populo illa trium festorum lege consultum voluit: quæ etsi quibusdam satis fuit grauis, paucorum tamē difficultatē omnij v su atque cōmodo cōpensauit. Optimē à parentibus Iesūque filio factū est, quī præcepto Dei tam vtili tantāq; cū alacritate, tam prompta obedientia paruerunt. Sunt & nobis eiuscemodi leges de obseruatione festorum dierū præscriptæ. Sed heu miserrimam Christianismi cōditionem, in quo nullus ferē legis quātumuis saluberrimæ respectus habet: in quo pulcherrimarū rerum neglectus immanem secum trahit vastitatem. Atque hæc de occasione Christi facti dicta sint.

Huius ergo legis auctoritate Christus cum parentibus atque mille alijs Ierosolymam proficiscitur: illis in templo, in medio doctorum, quos cum omnium admiratione & audiebat & interrogabat, inuenitur: asserens, illa quæ illic faciat, esse patris sui, & oportere, vt sit in illis. Postea surgit, & cum parentibus domum reuertitur, ipsisque obedit. Nempe puer omnipotens atque omnium sapientissimus, ad duodecimum vsque annum diuinitatē suam celauit, quā pāulu-

lum exertā, mox solita humilitate tegit. Voluerunt haud dubiè Euangelistæ hæc prima facta atque dicta describere, vt intelligeremus ex ijs, quid cuique Christiano in primis facta sit necessariū. Nam si ne sic quidem homines sibi temperant, quin omnia bona opera & negligant, & vt inutilia derideāt: quid facerent, si in Christo nullorum bonorū exempla extarent? Nō, quòd ante duodecimum annum nō etiā, benè & fecerit & dixerit multa (quid enim Dei sapientia tanto tēpore à dicēdo operandoque abstineret?) sed quòd hæc opéra vt publicè facta, ita omnibus extent imitanda: imò quòd ipse Christus eadem in quolibet homine pio principio omnium operetur. Certissimum autem est & toties veteribus cantatum, omnem Christi vitam & actionem, nostram esse instructionē: & idèò necessariò in eam respicimus. Quid ergo Christus his factis atque verbis voluit? Hoc ipsum, vt modum iustificationis nos doceret, hoc, inquam, quomodò ex Adami, iræque Dei filijs, Dei fiāt filij. Necessaria doctrina, in primis verò hæc tēpestate, in qua ad vacuū vsque ea de re discēptat: cum alij iustificationē fidei nudæ, alij è diuerso eandē tribuāt operibus vim: hi sæpè, vt quando nimium operibus tribuunt, Christi meritis iniuriam inferant, De qua re etiā præcedenti sermone de Magis loquentes, nō nihil locuti sumus. Illi licèt Christum iam inuenissent, non tamen putabant, nihil quod agerent, superesse. Sed iudicabant, tantæ gratiæ Dei, qua in ipsius agnitionem peruenissent, referendas esse gratias: eoque se suaque omnia ipsius ministerio nuncupant. Et Christus infans nihil legitur fecisse dixisse: verùm puer factus incipit facere & dicere grandia. De Magorum quoq; vita ante Christi agnitionem nihil scribitur. Quid ita? In Christo nihil valent præcedentia baptismū facta, nec obsunt. Accedentes enim baptismā, non interrogantur de præteritis: Nū præcepta Dei seruarint, num hæc atque illa præstiterint: sed, num credant. Cuius fidei respectu baptismā confertur, peccata remittuntur, & homo iustificatur, non præcedentibus meritis. Quòd si tum subito emigrandum esset, illa eadem fides ad beatam vitam consequendam sufficeret, etiam sine consequentibus bonis operibus. Sed alia ratio eorum est, qui suscepto lauacro superstites manent. Illic enim omninò requiritur, vt in omni bonorū operū genere sese homines exerceant. Nuda fides non sufficit: sed ea quæ præterea charitatem operatur, va-

ratur, valet. Hanc doctrinam Christi exemplum confirmat. Mox enim ubi puer ille factus esset, apertis verbis, quid factio
 opus esset, declarat. Nesciebatis, inquit, quod in his quæ pa
 tris mei sunt, oportet me esse? Et postea: Meus cibus est, ut fa-
 ciam voluntatem patris mei. Me oportet operari opera eius,
 qui misit me, donec dies est. Non descendi de celo ut faciam
 voluntatem meam, sed patris. Calicem quem dedit mihi pa-
 ter, non vis, ut bibam illum? Si hæc de seipso Christus dicit,
 quid putamus à nobis quoque post conceptam fidem exigi?
 Ideò enim talem se mundo exhibuit primò, ut ostenderet, se
 eundè planè in nobis exhiberi velle. Exhibuit se occupatù in
 ministerio patris, & testatur ita oportere: vult ut & ipsi tales
 nosmet exhibeamus, ut portem⁹, & glorificemus Deù in cor-
 pore nostro: quia non ut nobis, sed ut Deo vivamus, mundo
 mortui sumus. Id quod Paulus etiam in hodierna Epistola
 monet. Obsecro, inquit, fratres, per misericordiam Dei, ut
 exhibeatis corpora vestra hostiam viventem, sanctam, Deo
 placentem, rationabile obsequium vestrum. Ob Dei ministe-
 rium reliquit parentes, ut quod postea fecit, alijs persuadeat.
 Qui patrem aut matrem amat plus quàm me, non est me di-
 gnus: & qui amat filium aut filiam super me, non est me di-
 gnus. Item: Si quis venit ad me, & non odit patrem suum, &
 matrem, & uxorem, & filios, & fratres, & sorores, adhuc
 autem & animam suam, nò potest meus esse discipulus. Hac
 de causà Abrahamum ad ministerium obedientiæ vocans;
 terra eius, & de cognatione, & de domo patris sui exire iu-
 bet. Quem & David secutus, ait: Audi filia, & vide, & inclina
 aurem tuam, & obliuiscere populum & domum patris tui, &
 concupiscet rex decorem: quoniam ipse est Dominus Deus
 tuus. Et Christum secutus Apostolus. Oportet, inquit, Deo
 magis obedire quàm hominibus. Id quod antea etiam præ-
 stiterant omnes, quando dicunt: Ecce nos reliquimus omnia;
 & secuti sumus te. Hæc omnia sacræ literæ testantur de eo;
 quod Christus fecit: non in alium finem, quàm ut intelliga-
 mus, quid Christiano homini in primis sit necessariù. Qua-
 propter & postea tanta cum gravitate suasit docuitque quod
 antea fecit. Posset etiam summa eius in hoc factò atque dictò
 sapientia deprehendi. Sed sufficiat de ipsius facti natura & ra-
 uone dixisse hæc.

Declarata verò rei substantia, nunc ad alia progrediamur. Et

Ioan. 4.

Ioan. 9.

Ioan. 6.

Ioan. 8.

I. Corint. 6.

Corint. 5.

Rdma. 12.

Matth. 10.

Lucæ. 14.

Gene. 12.

Psalm. 44.

Acto. 3. 4.

primò doceamus, cur isto tempore suam diuinitatem manifestare inceperit. Volebat homo diaboli secutus consiliū à summis telam salutis texere, sed infelicissimè. Cum enim in Dei sublimitatem inhiaret stultus affectator, similis factus est iumentis insipientibus. Nèpè, homini Satan inuidebat locum, vnde ipse pulsus erat. De quo Christus: Videbam, inquit, Satanam, sicut fulgur de cælo cadentem. Christus ergo, qui hominem veram semitam docturus esset, & sciret hominè prioris vulneris meminisse, ne nullā apud seductum antea fidē mereretur, contrario modo cū ipso agere incipit, pulsāq; superbia sublimium affectatrice, humilitatem subrogat. Ideoq; ad annum duodecimum silet atq; latet. Et postea docet, & qui se humiliauerit, exaltandus foret. Et: Nisi conuersi fueritis, & efficiamini sicut paruuli, non intrabitis in regnum cælorum. Annum verò agens duodecimum, multas ob causas ostendere voluit sibi earum rerum, quæ ad Deum patrem suum pertinerent, curam gerendam: Dei negotia transigenda: honorēque eius in terris prouehendum esse. Primò, vt illi in fide confirmarētur: qui ex eo, quòd ex Pastoribus, Magis, Simeone, Anna, & alijs audierant, spem aliquam hunc puerū Messiam esse, conceperant. Si enim ad tricesimum vsque ætatis annum planè latuisset, præcedentis rumoris opinio dissoluta fuisset. Deinde & illud ostendit, quanto desiderio teneatur perficiendi ea, quæ ad hominum salutem & Dei pertinerent gloriam. Vnde postea ait: Baptisma habeo baptizari, & quomodo coarctor, donec perficiatur? Desiderio desideravi hoc Pascha manducare vobiscum. Et ita sanguinem quoque, antequàm sicariorum cruentæ manus vulnera infligerent, mittit. Tertiò, idèò quoque in ea quæ patris sunt, erumpit, vt doceat non esse differendum, quicquid vel ad Dei gloriam, vel ad hominum salutem conducatur. In quo procrastinatores maxime arguuntur. Vt enim placet Deo promptus hominum in eiusmodi res animus (id quod præmio etiam dignū ducit) ita procrastinatio vehementer displicet. Veluti exemplo illud de instaurando Dei templo docet, Agg. i. cap. Et Christus monet: Primùm quærite regnum Dei & iustitiam eius. Hilarem datorem diligit Deus. Quartò idèò etiam tam citò in ijs quæ patris sunt, occupatur, vt Pontificum negligētiam argueret. Illi enim debebant pro officio, & poterant per ætatem istis rebus operam dare. Sed semet pascebant, non oues, vt in Pro-

vt in prophetis, maximè Ezechiele videre est. Et Christus po
 stea dicit: Si hi tacuerint loquètur lapides. Qualis lapis Pau- *Ezech. 34.*
 lus fuit, qui dicit: Væ mihi, si nō euāgelizauero. Et tales etiā *Math. 23.*
 num esse, vehementer conduceret. Nunc Iudæorum pontifi- *1. Cor. 6.*
 ces negligentia magis, quàm Paulum euangelizandi cura re-
 ferunt. Ergo & se hoc Christi facto coargui intelligant, &
 negligentiam studio refarciant. Quintò & maximè Christus
 puer in ijs quæ patris sui sunt, occupatur, vt suo exemplo iu-
 uentutem instruat: quæ adeò sæpè à rebus diuinis abhorret,
 vt sibi vitio verti existimet, si sese ijs exerceat: in alijs interim
 studiosissima. Sed quid Christus? Vnum (inquit) est necessa- *Luc. 2.*
 rium. Bonum est homini, vt iugum Domini ab adolescentia *Thren. 3.*
 portet. Si Aethyops mutauerit pellē suā, & vos poteritis be- *Ierem. 13.*
 ne facere, cū didiceritis malū, dicit Dominus. Hæ sunt causæ,
 cur Christus puer 12. anno. diuinās res admirabiliter tractet.

Hic noua quæstio oritur ab illa diuersa: Cur tam citò ab
 incepto desistat. Et nec hoc suo caret mysterio. Sunt duo ho-
 minum genera in Ecclesia: alterum eorum, qui laborem sus-
 figiunt demandatū, vt Ionas: alterū eorum, qui sese ad non
 commissā ingerunt: qui rumpi volunt, nisi loqui concedatur, *Iona 1.*
 vt Helu. Vtrumque autem genus Christus isto suo facto ar- *Iob. 32.*
 guit. Citò inceptit, vt laborem fugientes corripert: mox sese
 abscondit ad tricesimum vsque annum, vt vocationem expe-
 ctandam esse doceat, nec falcem mittendam in messem alie
 nam. Aut ideò surgit, & abit cum parentibus, quibus & obe-
 dientiam præstat, vt doceat, post diuinarum rerum occupa-
 tiones, à Dei dilectione ad homines, dilectionis & humanita-
 tis officia, esse transcendendum. Atque in his omnibus Chri-
 stus omnes nōs alloqui videtur, commonefacere, & dicere:
 Exemplū dedi vobis, vt quemadmodū ego feci, ita & vos fa- *Ioh. 12.*
 ciatis. Restat, vt breuissimè reliqua etiam absoluamus. Non
 videtur Christus imitandus in eo, quòd matrem deseruit, &
 contristauit. Sed nec illud obiter transcendendum est, cur ita sit
 factum. Certum enim est, diuina dispensatione ita factum es-
 se. Sed causæ latent. Non volens contristauit, nec tristem du-
 ritiis æquò affatur. Res plena misterio est. Nam vt in Christo
 eximium studium erga res diuinās docemur, quòd magnam
 ceterarum curā non admittit: ita in Maria quoque quædam
 proponuntur cōsideranda. Haud dubiè magnus dolor men-
 tem piā inuasit, ob amissum filium & Saluatorem: celi non

ipſius culpa abeſſet. Subduxit autem ſeſe ab ea clam, vt magis in illa ſanctum deſiderium ſui accēderet: vt nobis exemplum in ea relinqueret, quo doceremur, exhibitæ gratiæ munera magni æſtimare, eaque conſeruare: vt quo maiora dona accipimus, tantò etiam maiori cura inuigilemus. Cura enim &

1. Cor. 10. humilitate in rebus concredititijs opus eſt. Qui ſtat, inquit

Rom. 11. Paulus, videat ne cadat. Tu fide ſtas: noli altum ſapere, ſed ti-

Pro. 88. me. Beatus homo qui ſemper eſt pauidus. Si enim Maria fi-

lium, quo nec cœlum nec terra maius quicquam habet, amiſit: vtique, quicquid gratiæ à Deo ſemel cōfertur homini, ab homine amitti poteſt. Et amittitur nō in Bethlehem, aut Nazaret, vbi eorum domicilium, ſed in vrbe primaria, vbi opes, diuitiæ, honores, luxus, & gaudia carnis habitant, vt Moſes

Deuter. 32. ait: Incraſſatus eſt dilectus, & recalcitrauit: incraſſatus, impinguatus, dilatatus, reliquit Deum factorem ſuum. Et con-

Oſea 6. trā: In tribulatione ſua manē conſurgent ad me: Venite, & reuertamur ad Dominum.

Sed diuerſa ratione Chriſtus ab impijs recedit. A pijs ſeſe ſubtrahit ad breue tempus, & cū fructu piorum, vt de Maria dictum eſt, & in Iob, Tobia, Dauid, & alijs, videre eſt. Auer-

Pſalm. 29. tiſti faciē tuā à me, ait Dauid, & factus ſum conturbatus. Sed quid addit? Ad te clamaui, inquit, & exaudiſti me. Id quod

2. Paralip. 13. etiamnum pij omnes experiuntur. Verū ab impijs manife-

Deute. 32. ſtē & cū ſonitu recedit. Vos, inquit, reliquiſti me, & ego reliqui vos. Abſcondā faciem meam ab eis, & conſiderabo nouiſſima corū.

Pſalm. 80. Non audiuit populus meus vocē meā, & dimiſi eos ſecundū deſideria cordis corū. Notū eſt, quanto cū hor-

rore legamus Iudæorū excidiū. Et quid illud erat, niſi ſignū deſcendentis ab eis Ieſu? Et hæc quidē de præſentia Ieſu, non qualibet, ſed amica & conſolatoria intelligi volumus. Alio-

qui etiā apud impios ſæpè eſt, ſed nullo cū fructu corū, & vt minimè ipſi volunt. Ego ſum, ego vidi, inquit in Propheta.

Pſal. 49. Hæc feciſti, & tacui. Exiſtimavi iniquè, q̄ ero tui ſimilis: arguam te, & ſtatuum contra faciem tuā. Amiſimus ergo Chri-

ſtum? abſcondit ſe Ieſus à nobis? Sequamur Mariā & Iosephū per tridui illud iter. Quæramus illū mēte, lingua, manu: om-

nes neruos extendamus, quouſque inueniamus. Sed quæris, vbi illū quærà? vbi inueniam? Audi Euangelistā: Quærentes eum inter cognatos & notos, non inuenerunt. Nihil hīc co-

gnatio valet, nihil ſanguis de Chriſto reuelat. Eſt Chriſtus

vbique, &

vbique, & vbiq; inueniri potest. Qui abscondit, ipse est, & qui *Ephes. 4.*
 ascendit super omnes cœlos: vt adimpleret omnia. Ego cœlum *Math. 2.*
 & terram, inquit, impleo. Pastores cum inuenerunt in stabu- *Luc. 1.*
 lo. Ibidem & Magi. Elizabeth in domo sua propria, in vtero *Act. 9.*
 virginis: Saulus in via Damasci: peccatrix in mensa Pharisæi: *Luc. 7. & 23.*
 latro in cruce. Vbiq; ergo præsens, sed quærentibus cū in tem- *Ioan. 8.*
 pore opportuno cū fide. Nam ad Iudæos loquens seuerissi-
 mē ait: Quæritis me, & non inuenietis: & quō ego vado, vos
 non potestis venire, & in peccato vestro moriemini. Cōpen-
 dio inuenitur in Ierusalē, in ecclesia. Hæc enim promissionē
 eius præsentiæ habet: Ego vobiscū sum omnibus diebus vsq;
 ad cōsummationē seculi. Illic Maria quæsiuit, quē anima eius
 dilexit, & inuenit. Quæramus & nos, sed simili cōtentione, pa-
 rique dolore. Beati enim qui lugēt, quoniā ipsi cōsolabūtur. *Math. 3.*
 Quamuis cū fide & spe. Nō dicamus cū Cain: Maior est ini- *Gen. 4.*
 quitas mea, quā vt veniā merear: sed dicamus cū fidei anima:
 Vbi requiescis, vbi pascis in meridie? Quæramus diligētē cū *Canti. 1.*
 sollicitudine non pigra. Nō dicamus: Peceavi, & quid acidi- *Ecc. 5.*
 mihi triste? Altissimus em̄ patiens est redditor. Petamus, vt de- *Luc. 12.*
 tur nobis: pulsemus, vt aperiatur nobis: quæramus, vt inue-
 niamus. Surget em̄ Christus: domū nos comitabit, nobiscū
 deget, & inorē geret. Volūtātē em̄ timentū se faciet, inquit
 David, & deprecationē eorum exaudiet, & saluos faciet eos. *Psal. 146.*
 Nec satis sit quæsiuisse eum inuenisseq;, sed insuper cauēdū
 est, vt inuēto fruamur: idq; Marię exēplo. De qua Euāgelista
 Maria inquit, cōseruabat omnia verba hæc, cōferens in cor-
 de suo. Et nos cōseruemus verba, & quæ alij de illo dicūt, &
 quæ ipse de seipso. Nec dicta solūm, sed & facta.

Hæc de factis dictisq; Iesu 12. ann. pueri, proponere visum
 fuit operæpretiū. In quibus nō ipsius tantū personæ facta vi-
 demus, vt, q̄ Ierosolymā ascendit, illic relictis parētibus in tem-
 plo rebus se patris sui occupat, & quod facit, patris authōri-
 tate defendit: postea descendit cū parētibus, & eis morē geren-
 do crescit: Sed Mariæ etiā exēplum & Iosephi considerāturi:
 qui & ipsi Ierosolymam ascendunt, post redeunt, cūntq;, do-
 nec amissum filium inueniant: inuenti verō facta atque ver-
 ba considerant. Omnia hæc vt imitemur, Paulus in hodie-
 na Epistola monet. Primò parētes atque Iesus Ierosolymam
 ascendunt. Ibi, quæ Dei sunt, maximē exequitur: totus diui-
 uinis rebus occupatur. Idem Paulus suadet. Obsecro vos *Rom. 12.*

fratres, inquit, per misericordiā Dei. Magno hic studio Paulus rem agit. Sciebat alios tractare ut cerā, alios ut duriusculos malleo sermonis concutere. Sed eos qui non saxea, sed planē adamantina corda gerebant, nō nisi hircino sanguine, qui est Christi Iesu, poterat frangere. Cū eiusmodi hominibus nunc agit: atq; idē eis misericordiam proponit. Ut exhibeatis, inquit, corpora vestra hostiā viuētem, sanctā, & Deo placentem, rationabile obsequium vestrū, & quæ sequuntur. Ergo quod Christus suo exemplo, hoc Paulus sermone hortatur Deo seruire, nosmet totos Deo consecrare mēbra nostra, quæ sunt super terram mortificare. Post hęc Christus descendit cum eis: parentes quæerunt eum, & inuentū secū deducūt: Christus obedit: illi obseruāt. Et quid hæc omnia utrobique, nisi quod Paulus de officijs membrorū disputat? Nimirum Maria & Ioseph parentū officia, Christus verò liberorū exerceuerunt. Quid in omni Rep. laudabilius, quā quēq; suum facere officiū? Quid Christo parentibūsq; eius decētius? Quid præsētibz rebus cōuenientiū & magis necessariū? Utinam hæc Christi parentūq; eius exempla sequeremur? maximē iuuentus, quæ nimīū (dolor) ab eius generis exemplorū heroica imagine recessit. Ob iuētutis enim vitia Baptismus apud Anabaptistas malē audit: ob peruersitatem morū omnis ætatis, ipsa religio Christiana passim lapidatur. Nec illa baptismi, nec verò Religionis culpa est. Culpa est aduocationis: & ipsa peruersitas istā sibi contumeliā conciliat. Vbiq; hoc Scriptura annūciat: Stultitia colligata est in corde pueri: virga disciplinæ fugabit eam. Qui parit virgæ, odit filium. Filiz tibi sunt? serua corpus illarū, & non ostendas hilarem faciē tuam ad illas. Vos patres educate vestros in disciplina & correptione Domini. Hoc Tobias facit. Fili, inquit, omnibus diebus vitæ tuæ in mēte habeto Deū: & caue, ne aliquādo peccato consentias. & prætermittas præcepta Dñi nostri. Idē & nos oēs faciamus: & breui videbimus Ecclesię redeūtē fœliciter. Amē

Prou. 22.

Prou. 13.

Ezech. 7.

Ephe. 6.

Thob. 4.

DOMINICA SECVNDA POST EPIPHANIAM EVANGELIVM IOAN. II.

ET tertia die nuptiæ factæ sunt in Chana Galileæ: & erat mater Iesu ibi, Vocatus est autem & Ie.

& Iesus & discipuli eius ad nuptias. Et deficiente vino, dicit mater Iesu ad eum: Vinum nō habent. Et dicite ei Iesus: Quid mihi & tibi est mulier? Nōdum venit hora mea. Dicit mater eius ministris: Quodcunque dixerit vobis, facite. Erant autem ibi lapideæ hydriæ sex positæ, secundum purificationem Iudæorum, capientes singulæ metretas binas vel ternas. Dicit eis Iesus: Implete hydrias aqua. Et impleverunt eas vsque ad summum. Et dicit eis Iesus: Haurite nunc, & ferte Architriclino: & tulerunt. Vt autem gustavit Architriclinus aquam vinū factam, & non sciebat vnde esset, (ministri autem sciebant, qui hauserant aquam) vocat sponsum Architriclinus, & dicit ei: Omnis homo primū bonum vinum ponit, & cū inebriari fuerint, tunc id quod deterius est. Tu autem seruasti bonum vinum vsque adhuc. Hoc fecit initium signorum Iesus in Chana Galileæ, & manifestauit gloriam suam, & crediderunt in eum discipuli eius.

E ADEM DOMINICA EPISTOLA, ROMAN. XII.

Fratres, habentes donationes secundū gratiam qua data est nobis differētes: siue prophetiam, secundū rationem fidei: siue ministerium, in ministrando: siue qui docet, in doctrina: qui exhortatur, in exhortādo: qui tribuit, in simplicitate: qui præst, in sollicitudine: qui misereatur in hilaritate. Dilectio sine simulatione. Odientes malum, adherentes bono: Charitatem fraternitatis inuicem diligentes, honore inuicem praueniētes. Sollicitudine non pigri, spiritu seruentes, Domino seruientes, spe gaudentes, in tribulatione patientes, orationi instantes, necessitatibus sanctorum communicantes, hospitalitatem sectantes. Benedicite persequentibus vos: benedicite, & nolite maledicere. Gaudete cum gaudentibus, & flete cum flentibus: id ipsum inuicem sentientes: non alta sapientes, sed humilibus consentientes.

S E R M O.



VPERIORIBVS duobus proximis sermonibus, quomodo primò atque secundò filium suum pater in mundo manifestauerit, dictum est. Nam & stella admirabilis illius ortus nùcia, in Oriente visa, cum insolita luce motuque, & infantem natum esse Deum, & locum tanti partus obsequenti bus contestata est atque demonstraui sapientibus. Et tricesimo post anno super baptizatum Iesum conspicientibus iuxta Iordanem multis, vox patris de filio dilecto testificantis mandansque audita, & visibili in specie inuisibilis spiritus celestis, super eundem filium humanis aspectibus visus est. Hodie verò ad tertiam manifestationem diuina procedit maiestas, & quem antea stella Deusque in cælo patefecit, hic se nunc propria virtute manifestat in terris per miraculum. Hoc fecit initium signorum suorum IESVS, inquit Euangelista, & manifestauit gloriam suam. Quæ illa gloria? Quod sit filius DEI viuui, ipse Deus, qui à pauperum partibus stat, qui in omni necessitate auxiliari potest & vult, qui nostram quoque tribulationis aquam in iucunditatis sempiternæ vinum transmutat, omnia aduersa facit leuia, siue illa animum, siue corpus, seu cæteras res nostras infestent, ac denique totum hominem, quantus quantus est, soluat. Hæc, inquam, gloria CHRISTI est, quàm miraculo hoc ipso manifestauit. Sed quia ideò manifestauit: vt in eum credamus (frustrà enim ipse manifestat se, nisi in eum nos credamus) ideò quotquot hic conuenimus, nobis hanc gloriæ manifestationem seruire cogitemus: & vt finem suum in nobis consequatur diuina potestæa, sollicitè studeamus. Nam & fidem hæc manifestatio nostram confirmat, consolationemque inspirat, & imitationem postulat: vt quod in Christo capite videmus, in nobis quoque membra eius exhibeamus. Oportet enim: vt triplici testimonio quisque nostrum commendetur: primò stellæ, hoc est fidei: secundò, per vocem patris, hoc est, conscientie coram Deo spectatæ: tertio, operum priorum coram mundo. Ita enim Christus primùm stella, deinde patris voce, postea ac tertio, proprio facto innotuit, & filius Dei comprobatus est. Et nos si miraculo fidem magis confirmauerimus, & proprijs operibus pietatem declarauerimus; sic Christum imitauerimus, & perfectam Epiphaniam absolueri-

Ioan. 2.

soluerimus. Hac ratione hoc Euangelium superioribus respondet: hæc Christianæ doctrinæ harmonia est: hæc nunquam satis laudata rerum ecclesiasticarum dispositio.

Primò igitur nos quæ ad miraculi naturam pertinent, videamus: vnde fidei robur accedit: postea pietatis exēpla quæramus in Christo atque matre, postremò etiam de allegoria nonnihil dicemus, si per tempus licuerit.

Optimè ergo atque ordinatissimè Christus cùm se toti orbi insinuaturus esset, negotium instituit, dum in scenam proditurus, non statim maiestate sua fulgens, sed in humilitate latens, alijs de sua gloria testificandi munus permittit. Præter enim, quodd semel tantum duodecim annorum puer in templo sui splendoris scintillulam quandam ostendit, quam & statim cōsuetudo humilitatis cinere operit: nihil in seipso præter hominem ostentat. Sed testificantur de latente potentia alij: Lux cœlestis in nocte, Angeli, deinde stella in cælo, Magi ab Oriente in Iudæam vsque, & in templo, Simeon, Anna, Ioseph, Maria, & alij quoque, priusquàm natus: vt Zacharias, Elisabeth, Ioannes adhuc in vtero, postea in baptismo, idem præcursor, & patris vox, atque spiritus sancti visio. Horum testimonia præmittit, antequàm aliquid ipse magni faciat. Vt scilicet Salomonis dictum eluceat, laudet te alienus, & non ostium, & ne postea offenderentur Iudæi, audituri dicentem: Ego sum lux mundi, qui sequitur me, non ambulat in tenebris: Ego sum resurrectio & vita: Ego & pater vnum sumus: Si quis sitit, veniat ad me, & bibat. Vnde manifestum est, quàm iniquè Iudæi Christo obiecerint: Tu de teipso testimonium perhibes: testimoniū tuum nō est verum: Abraham mortuus est, & Prophete, & tu dicis: Si quis sermonē meum seruauerit, mortē non videbit in æternum: Nunquid tu maior es patre nostro Abraham, qui mortuus est? Quem teipsum facis? Et: Non de bono opere lapidamus te, sed de blasphemia, & quia tu homo cū sis, facis teipsum Deum. Et si enim Christus multos testes præmisset, tamen veluti falsum de se testificantē, dictis impetunt. Quibus rectè ipse respondet: Et si testimonium perhibeo de meipso, verum est testimonium meum: quia solus nō sum, sed ego, & qui misit me, pater. Et: Si ego glorifico meipsum, gloria mea nihil est: est pater meus, qui glorificat me, quē vos dicitis: quia Deus noster est, & non cogouistis eum. Et: Vos misistis ad

Ioan. 1.

Matth. 3.

Prouer. 27.

Ioan. 6.

Ioan. 11.

Ioan. 10. 4.

Ioan. 8.

Ioan. 10.

Ibidem.

Ioan. 8.

Ibidem.

Ioan. 5. Ioannem, & testimonium perhibuit veritati. Ego autē habeo testimonium maius Ioanne. Opera quæ dedit mihi pater, vt perficiam, testimonium perhibent de me. Debebāt certē hæc Christi verba improbam aduersariorum maledicentiam cōprimere, quemadmodum præmissa de ipsius diuinitate, multorum testimonia credentibus omnibus fidem facere. Et quidem has duas ob causas tam multa testimonia Christus præmisit, antequam ipse prodeat. Quem etiā, vt pulcherrimum rei grauissimæ ordinem, in proponendis doctrinæ Christianæ capitibus ecclesia actenū sequuta est. Id quod manifestū fiet, si voluerimus ea, quæ ab aduentu vsque hūc vbique in credentium cœru lecta decantataque sunt, memoria repetere. Prophetarum enim oracula de Christo venturo audiuius, deinde Angeli ad Mariam & Ioseph diuinitus allata respōsa, postea, quæ in ipsa natiuitate dicta factaque sunt. Deniquē in templo ipsum & audiuius & vidimus. Postremò etiam tria illa patris spiritus sancti & Ioannis testimonia accesserunt, Quibus omnibus hoc, quod modo tractaturi sumus miraculum, additur. Omnia verò in eum finem: vt pijs fides fiat de Christi diuinitate, & obtureretur aduersariorum fidei os impium. Nunc ergo, quòd de miraculorum natura institueramus, exequamur.

Certum est: miracula facere (quæ verè eiusmodi sunt) soli Deo rectissimè convenire. Tu es Deus qui facis mirabilia. inquit Psalmista. Et: Dens Israel, qui facit mirabilia solus. Et: *Psal. 71.* Mirabilia opera tua. Sunt quidē omnia opera Dei in vniuersum mirabilia, si rectè in ea intendēimus, quæ vel creando olim fecit, vel creata seruando facit etiam nunc. Vt quod in vitibus conceptum ex imbris succum solis operatione vertit in vinum, miraculi sanè naturam habet. Quēadmodum & illud, quòd quotānis ex vno aliquo grano graues producit aristas, & quòd tanto tēpore aquis omnibus posuit terminū, ne transgrediātur fines suos, omniāq; alia, quæ nunc enumerare opus non est. Et merebātur ista, vt & suspiceremus & reuereremur, laudaremūsq; eū, qui facit ea solus. Sed quia non animaduertit ea mens humana pro dignitate, & ex perpetuitate iudicat esse naturalia, nec posse aliter fieri: idēd pius patēs, cū quos semel creauit, subtractis alimētis nō vult perdere, & tñ homines in considerationē & admirationē sui studet erigere, minùs vilitata profert: vt tandē vel specialitas rerū ad considerationē

rationem conditoris excitaret, quos non poterat generalitas. Nā quia, quod semper operatur in vitibus, assiduitate viluit: Ecce Christus sine vitibus aquam conuertit in vinum: quia nemo mouetur ex frumenti omnis generis prouentu, ex paucis panibus idem Dominus multos simul saturat: quia deniq; nemo perennem maris stationem miratur, ideo ipse qui condidit mare rubrum, diuisit in diuisiones, & suo populo siccum transitum præbuit. Nemo olim solis mirabatur cursum: sistere ergo gradum iubet Deus, tempore Iosue: vt cuius volubilitatem intendebat nemo, eius moram considerarent omnes, mirarentur singuli. Qua in re & Dei commendatur benignitas, & humana accusatur iniquitas. Et si enim Christus eadē qua pater potentia iam mortuis vitam, iam ægrotis sanitatē, iam sanis mirabiliter pastum præberet, iam etiā cæcis visum redderet: vt omnes se ab ipso, vitam, sanitatem, sui conseruationem, & quæ ad sensus pertinent, habere intelligerent, per pauci tamen ista considerant, nec multum ergo Christo tribuit, dum (vt nostro xuo fit) à Dei dextra auellitur, & quasi eandem cum patre in seipso potentiam non haberet, nouus mediator libellis supplicibus, patrem vt oret, conuenitur. Quemadmodum autem in veteri, ita & in nouo Testamēto diuina maiestas miracula sua (quæ hoc nomine communiter censemus) in ijs rebus ostendit, quæ quodammodò naturæ creaturarum repugnant. Fame laborantes, sine victu ferè conseruauit. 3. Reg. 17. alios siccos seruaui in aquis. Exo. 14. alios saluos in igne. Dan. 3. alios inter feras gaudētes. Dan. 6. alios in hostium medio sine periculo. 4. Reg. 6. Triduo perseverantes paucis panibus exsaturauit Christus, in aqua salutē expectantem, sine aqua sanauit. Dæmoniacum se in ignem precipitantem, verbo restituit, liberauit, luto cæci nati oculos aperuit, mandato solo mortuos in vitam reuocauit. Ideoque in multis incredulis aliqui tamen pii eandem in Christo quam & in Deo patre nouerant potentiam, confessi sunt. Vt Nicodemus ait: Scimus, quia à Deo venisti magister, & nemo potest hæc signa facere, quæ tu facis, nisi Deus fuerit cum eo. Ioan. 3. Et cæcus: Nisi esset hic à Deo, non poterat facere quicquam. Ioan. 9. Sicut etiam in hoc ipso Euangelio de Discipulis scriptum est: Crediderunt in eum Discipuli. In hoc tamen nouæ legis miracula à veteris populi mirabilibus differunt, quòd multa illic plerumquē iram DEI significabant: vt cùm cœlitus dela-

Genes. 19. pſo igni quinque vrbes conſumptæ ſunt, in mari Aegyptij de
Exod. 14. leti, terre hiatu Dathan & Abyron abſorpti, & ſimilia. Non-
Numer. 6. dum erat ira patris nati placata ſupplicio. At in nouo teſta-
 mento Chriſti miracula patris amorem & miſericordiam de-
 clarant. Ideoque hæc miracula commodant hominibus, non
 obſunt, adeò, vt cùm diſcipuli igne de cœlo poſtularuri erāt,
 qui ingratos conſumeret, ipſe Chriſtus corripiēs eos, diceret:
Luc. 9. Nefciſtis, cuius ſpiritus ſitis. Filius hominis non venit animas
 perdere, ſed ſaluare. Atque hæc de miraculis veteris atque no-
 ui Teſtamenti per collationem dicta ſint.

Nunc ad hypotheſin. A Chriſto huius Euangelij mi-
 raculum factum eſt. Id verò quale ſit, nunc videamus. Et
 primò quidem vbi factum ſit: qua occasione, apud quos.
 In Galileæ vico initium ſignorum ſuorum Ieſus fecit.
Matth. 4. Cuius cauſam Matthæus exprimens: Vt adimpleretur, in-
Iſai. 9. quit, quod dictum eſt per Prophetam dicentem: Terra
 Zabulon, & terra Nephtalim, terra maris trans Iorda-
 nem Galileæ gentium: populus qui ambulabat in tenebris
 vidit lucem magnam: habitantibus in regione vmbre mor-
 tis lux orta eſt eis. Fecit autem ſtatim poſtquàm fuiſſet ba-
 ptizatus, & paterna voce filius Dei declaratus: vt oſtende-
 ret, non ſine cauſa tot tantæque potentie ſue teſtimonia
Matth. 5. præmiſſa fuiſſe: nec quàm Deus pater mundo lucernam ac-
 cenderat, diu celari poſſe ſub modio: ſed efficacem & ope-
 roſum eſſe ſpiritum ſanctum, vbicunquẽ ſit. Fecit in nuptijs,
 ad quas fortè propter affinitatem inuitatus cum matre &
 Diſcipulis venerat: vel propter fidem deuotionemque ſponſi
 atque ſponſæ, qui ſibi ob Chriſti præſentiam multò lætio-
2. Reg. 6. res hymenæos perſuasere. Vt Dauid domus ſue auctio-
Luc. 19. nem ex arcæ Domini præſentia promittebat, & vt Zacheus,
 cùm Chriſtum hoſpitio ſuſciperet, ſpiritualibus bonis locu-
 pletatus fuit. Fecit non clam, aut coram ſolis diſcipulis, ſed
 palam, non in vasis, quæ ad vini uſum pertinet, ſed in hydrijs,
 quæ ſoli aquæ deſtinatæ fuerant. Non parum, ſed mul-
 tum aquæ vertit in vinum, ne quis ſuſpicaretur ſubeſſe
 fallaciam. Nec Diſcipulis implendarum hydriarum dat
 negotium, ſed miniſtris nuptiarum. Ipſe ne quidem attingit
 hydrias. Fecit optimũ vinum. Id quod non ipſe, non Di-
 ſcipuli, ſed Architrictinus affirmat, etiã cum indignatione, &
 ita, vt ceſſum ſit, melius vinum iſtas non habuiſſe nuptias. Ni-
 mirum: vt

mirum: vt perfecta esse opera Dei intelligeremus, Sed cur initium miraculorū fecit eiusmodi? Cur ab aqua in vinū trās mutanda incipit? Maximè hoc miraculum inferuiebat proposito eius, qui in Apocalypsi loquitur: Ecce noua facio omnia. *Apocal. 21.*

Omnia lætiora factururus venerat: & totius orbis Christiani omnem tristitiam in gaudium cōmutare proposuerat. quasi diceret: Adeste mortales, considerate homines: Hactenus conscientias vestras aqua amarissima turbat: vertam aquam illā in vinum: & amaritudo illa vini induet dulcedinem. In me inuenietis requiem animabus vestris: in me pacem habebitis. *Ioan. 16.*

Venite ergo omnes ad me, ego reficiam vos. Clamastis cum *Matth. 11.*

David: Saluos fac nos Deus, quoniam intrauerunt aquæ vsq; *Psal. 68.*

ad animas nostras. Ecce, per me tristitia vestra vertet in gaudium: & quod in præsenti est momētaneum & leue tribulationis vestræ, supra modum in sublimitate æternum gloriæ pondus operabitur. Sæpè aliàs aquā mutatam legimus. Sub *Exod. 15.*

Mose amara aqua in dulcem: sub Helizeo degener & sterilis in limpidam & fertilem commutata est. Sed & in Aegypto versa est in sanguinem. Christus in Euangelio varia loquitur *Ioan. 7.*

de aquis: Dare se nobis dalcem gratiæ suæ aquam. Si quis, inquit, sitit, veniat ad me, & bibat. Et: Qui venit ad me, nō esuriat: & qui credit in me, nō sitiet in æternum. deinde & fertilem præbere vndam, de qua ad Samaritanā loquēs, Qui bi- *Ioan. 6.*

berit, inquit, ex aqua, quam ego dabo ei, non sitiet in æternū; sed aqua quā ego dabo ei, fiet in eo fons aquæ salientis in vitam æternā. Hæc duplici aqua si rectè vti fuerimus, tandem & tribulationis nostræ, & afflictionum aquā, vertit in æternæ felicitatis vinum. Qualem gustauerunt Paulus & Ioannes, *Rom. 8. 2. Cor. 4. Coloss. 3. 1. Ioan. 3.*

Verū si suavi & fertili abusi fuerimus, ipsa quoque in sanguinē nobis iræ & æterni vertitur supplicij. In hūc ergo finē Christus aquā vertit in vinū, vt testaretur se nobis benè velle, & affuturum semper plena manu. Quæ consideratio vehementer nō solum fidem cōfirmat, sed & cōsolationē erigit, & spē fulcit. Et quidē hæc ipsa potissimū ratione verorum miraculorum natura, à falsis & nothis miraculis secernitur. Commodant vera miracula: obsunt, aut certè nihil profunt falsa. Hæc ostentationi seruiunt inani: illa Dei gloriam, hoc est filio Dei vnigenito propriam, *Ioan. 1.* diuinitatem, bonitatem, misericordiam, veritatem, iustitiam, sapiētiam manifestant, cū verbū eius cō-

firmant, fidem, spem, charitatem in hominum pectoribus accendunt. Et nos igitur cōsiderato hoc ipso miraculo, in Christo & virtutem & voluntatē benefaciendi fide intelligamus: quòd pro diuinitate sua, velut figulus lutū, omnia in sua manu habeat, Hier. 18. qui dixit, & facta sunt: qui mādāt, & creata sunt, Psal. 148. pro bonitate & misericordia sua pauperum afficiatur cura: pro veritate sua prætēt quæ promisit, vt in Ezechiele 34. cap. loquitur. Ego ipse requiram oues meas, & visitabo eas. Et in Isaia 51. ca. Ego ipse cōsolabor vos. Et iterū: Ego ipse qui loquebar, adsum. Isa. 52. pro iustitia remuneret pios: vt hīc in nuptijs facit. Et in Matthæo p̄mittit: Amē dico vobis, quicūque potū dederit vni ex minimis istis, calicē aquæ frigidæ, tantū in nomine discipuli, non perdet mercedem suam: pro sapientia denique sua omnia in tēpore oportuno faciat, vbi humana præsidia nulla amplius sunt, & periclitari sine ipso necesse. Vt in nuptijs, non statim à principio cōuiuij vinum propinat, sed vbi de vini inopia mater conqueritur. Ecce hoc modo cōsiderato miraculo, sit, vt Christus per se quidē speciosus forma præ filijs hominum, Psal. 44. adhuc amabilius fiat in operibus, & sui desiderio plures accendat, qui semper cum ipso esse velint. Matth. 17. Luc. 5. 10. Marc. 7. Hæc cogitemus, & sciamus ipsum esse auxiliatorem in tempore opportuno: & si nobis fuerit visus moram facere: tamen nostra ipsi committamus, qui opportunum tēpus nouit, quod humanæ rationi plerunquē est ignotum. Et ita præsentes ærum nas rectiūs toleremus.

Sed de dictis eius etiam in hoc cōuiuio aliquid videamus, priusquā ad pietatis exempla perueniamus. Vnus idēque Christus est, qui hīc & loquitur, & operatur: ac quidquid ab ipso proficiscitur, gratum atque charum est: imò quia propter verborum eius confirmationem ipsam narrantur, non verba propter facta, idē magis quā facta nos afficiunt verba. Sunt hīc quædam dicta, quæ ad euersionem fidei sanctæ, ab Iudæis, Ethnicis atque hæreticis, iniquē & facilē in prauum sensum solent torqueri: & quibus simplicioris ingenij nullo labore possunt à fidei norma seduci. Quid mihi & tibi est mulier. Christus matri loquitur. Simile quid superiori dominica audiuius. Pater tuus, ait Maria, & ego, dolentes quærebamus te. Ecce, inquiunt fidei aduersarij, Christus matrem mulierem dicit: & ipsa mater Iosephum facetur filij pa-

Matth. 10.

Ioan. 2.

Luc. 2.

filij patrem. Cur ergo virginem dicitis? His ergo respondendum est. Nec est, cur hic nos torqueamus. Paulus Apostolus nodum facile soluet in hodierna Epistola, ubi monet habentes donationes prophetiæ, eas secundum fidei rationem impendere. Vbi hoc certè vult, ut prædicationes & scripturæ sanctæ interpretationes ad fidei normam fiant, & ita factas, demum valituras. Principio igitur omnium, de indubitato fidei fundamento queramus: hoc inuento, secundum hoc omnem scripturam interpretemur. Est autem fidei nostræ fundamentum: Christus natus est ex Maria virgine. Quemadmodum ab æterno à Deo patre sine matre est genitus: sic in tempore, ex virgine matre, sine homine patre est natus. Id declarant aliæ Scripturæ tam veteris quam novi Testamenti. Illic Isaias te-

Isai. 7.

Luc. 1.

statum virginem concepturam & parituram nobis filium. Hic ipsi virgini roganti: Quomodo fiet istud, quoniam virum non cognosco? Angelus respondet: Spiritus sanctus superueniet in te, & virtus altissimi obumbrabit tibi. Et ad Iosephum cogitantem dimittere virginem prænantem: Ioseph filij David, inquit Angelus, noli timere accipere Mariam coniugem tuam: quod enim in ea natum est, de Spiritu sancto est. Huic Scripturæ fundamentum fidei nostræ confirmanti, reliqua Scriptura est coaptanda: et si quid illi aduersari videbitur, illic captiuemus intellectum nostrum, & cogitemus, alium eius sensum esse, quem non ratio dicat, sed Spiritus sanctus inspirat. Aut enim ijs verbis, Pater tuus & ego quærebamus te, alia significatio, quam quæ prima fronte apparet, inest: aut si id non est, & in reliquis Scripturæ locis rectè intellecta illa verba pugnant.

Matth. 1.

Aut ergo fidei fundamentum infirmum est, & hæc verba: Ego & pater tuus dolentes quærebamus te, nativa, ut hæretici volunt, significatione accipienda sunt: aut certè alius verborum istorum sensus est, & manet fidei fundamentum firmum. Sed Paulus non vult esse infirmum, sed immotum fidei fundamentum, ne, si in vno aliquo vacillaremus, de reliquis omnibus mox dubitaremus. Stante ergo fidei fundamento, alius necesse est hic verborum sensus sit. Et ita profectò est. Neque enim patris nomen cum tantum significat, qui genuit filium secundum naturam ex suo corpore: sed eum quoque, qui docet, erudit, & instruit. Hac significatione Heliam patrem suum appellat Helizeus: & Naamanum quoque scrui suum patrem dixere. sed & Magistratus patres

4. Regum. 2.

4. Regum. 5.

dicimus, & eos, qui nostri curam gerunt, educando, regēdo. Et hac ratione Ioseph Domini Iesu pater rectē dicitur, à quo & ipse magna cura & sollicitudine educat⁹ est. Vide, hoc pacto si illud: Pater tuus & ego dolentes quærebamus te: acceperimus, nihil fidei fundamento aduersabitur.

Quamquam hæc sentētia alijs quoque modis defendi possit. Nam quibus alioquin sanctissima mater verbis uti debuisset? Omnes sciebant Iosepho ipsam esse desponsatā: ab omnibus putabatur Ioseph istius pueri pater. Quod si dixisset non esse patrem, tanquā adulteram lapidassent: idque ex legis decreto: aut certē contra vulgi opinionem affirmanti credidisset nemo. Aut cur non debebat hoc illud virginittis sue celare Sacramentum mater, cum suam deitatem, quam cū patre habebat communem, ad tempus celauerit filius? Propria laus sordiuisset: & relinquenda erat suo tempore mundo opinio sua. Sic, quod hic Christus dicit mulierem, in veritate non pugnat cum fidei fundamento, etsi ita videatur. Manet fidei fundamentum, & cum eo congruens vocabuli Mulieris significatio quærenda est. Cur ergo nō virginem vocat Christus, quæ virgo erat? cur non matrem, quæ erat mater? Facilis est responsio. Si virginem dixisset, ambitionis de se suisque præbuisset suspicionem. Etiam tunc destinati fuerant Apostoli atque Euangelistæ, qui suo tempore matris virginittatem eū iusta grauitate ab hominū opinione essent vindicaturi. Nec
Exod. 20. puduit eum matris suæ, qui & seuerissimē præcepit in honore
Deuter. 27. parentes haberi, & immorigeris poenas iustissimas, decreuit. Sed mulierem non hīc matrē dicit, ut orituris hæreticis viam occluderet. Iam tum enim præsciebat, quosdam falsò docturos, ex matre principium sui sumpsisse, & nihil habuisse, aut fuisse, prius, quàm ex matre natus esset homo. Hos ergo hic corripit, Quid mihi & tibi est mulier: asserens se aliquid habere, quod ex matre nō sumpserit. Deinde etiam hoc docuit, nullam habere partē naturales, parentes in nobis, sicubi cœlestis patris negotium agendum fuerit. Quid tibi & mihi mulier? quali dicat: Gessi morē hactenus, ut filius matri: verum quod nūc instat, patris declarāda voluntas est: nec quod mones, possum ex te, sed ex patre. Quo & nos docemur, parētes
Exod. 20. honore afficere, iuxta præceptum legis, & Rechabitarū exem
Hierem. 35. pla, quos Hieremias celebrat: sed & Dei causa eodem postpo
Luc. 14. nere atque relinquere. Si quis venit ad me, inquit Christus,
 & non

& non odit patrē, & matrē, &c. Et Moſes: Qui patri ſuo & matri ſuæ dixit: Nefcio vos: & fratribus ſuis, ignoro illos, &c. Regia igitur hic incedamus via: nec cum Manichæo Mariam Chriſti matrem negemus: nec ſub horum Chriſti verborum non intellectorum prætextu, parentibus debita honorē atq; officia ſubtrahamus. Atque hæc de diſciis Chriſti in his nuptijs videre & interpretari viſum eſt operæ pretium, ne quis vel à fidei tramite deuiet, vel impietatis ſuæ prætextum fructuà quærat.

Reliquum eſt, vt & pietatis intueamur exempla. Neque enim fide tantū cōfirmamur: verum etiā pietate informamur hoc miraculo. Non eſt genuinum Chriſti capitis membrū, quod dum caput ipſum in labore videt, ipſum, quaſi acta, trāſ acta ſint omnia, in vtranque aurem dormire velit. Nō ſic Paulus, qui licet gratiam Dei cōſequutus eſſet, electus eſſet, & fidem multis laboribus ab Hieroſolymis Illyricū vſque annunciaſſet: adhuc tamen non arbitratur ſe cōprehēdiſſe aut perfectum eſſe: ſed ſequor, inquit, ſi quo modo comprehendā, in quo & comprehenſus ſum à Chriſto Ieſu: quæ retrō ſunt, obliuiſcens, ad ea verò quæ ſunt priora, extendēs me ipſum, ad deſtinatū perſequor, ad brauium ſupernæ vocationis Dei in Chriſto Ieſu. Nō ſic Petrus, qui cūm docuiſſet omnia nobis donata eſſe diuina virtute quæ ad vitam & pietatem pertinent, ac monuiſſet, propter pretioſa, quibus conſortium diuinæ naturæ accepturi ſumus, iugere eius, quæ in mūdo, eſt, concupiſcētiæ corruptionē, Vos, inquit, omnē curam ſubinſerentes, miniſtrate in fide veſtra virtutem, in virtute autem ſcientiam, in ſcientia autem abſtinentiam, in abſtinentia patientiā, in patientia pietatem, in pietate autem amorem fraternitatis, in amore autem fraternitatis charitatem. Et mox. Quapropter fratres ſatagite, vt per bona opera certā veſtrā vocationem & electionem faciatis. Hæc enim facientes non peccabitis aliquando. Sic enim abundanter miniſtrabitur vobis introitus in æternum regnum Domini noſtri & Saluatoris Ieſu Chriſti. Fundamentum haud dubiè hi quoque Apoſtoli poſuerunt, quod eſt Chriſtus Ieſus, lapis pretioſus, electus & probatus, quem ipſe Deus poſuit in fundamentis ſpiritualis Syon. Sed vide, obſecro, quanta diligentia ſuperædificent? Poſita fide, eaque in Chriſtum Ieſum confirmata, charitatē ſuperſtruūt, charitatē inquā, Dei & proximi, Nuni-

Denter. 33.

Roman. 1.
Philip. 3.

2. Pet. 1.

Iſai. 1.

rum edocti ab ipso Christo Ioan. 13. 15. Id quod ipsum quoque Ioannes apostolus facit 1. Ioan. 6. & rursum Paulus in Epistola hodierna, Rom. 12. ubi docet nos multa dona accepisse à Deo: ut ea distribuamus in proximo. Optimè: Ita enim ædificantes, pulcherrimam in sublime extruxerunt Ecclesiæ domum, usque ad cælum pertingentem. Ibi quoque nemo miretur hodie omnes fieri deteriores, & ad pietatem frigidiores, domumque ab Apostolis rectè ædificatam, non modò non surgere amplius, sed dirui potius atque collabi. In causa enim est, quòd multi nunc in locando fundamento tantum occupatiores sunt, docentes scribendo dicendoque, quæ nobis pater in Christo bona exhibeat: verum vsum bonorum eiusmodi non docent. Qua re fit, ut præter nudam fidem, id quoque inanem, nemo sit, qui animi cogitata extendat. Verum si cui pietas salusque cordi est, neglectis cum sua inani fide architectis istis, huc adsit, & Christum ipsum superstruentem consideret atque imitetur: sumatque pietatis exempla quædam ab ipso Christo, quædam à matre, quædam à sponso atque sponsa. Inuitatus & vocatus ad nuptias Christus cum discipulis venit, ipsasque nuptias sua præsentia & honestas fecit, & diuite miraculo ornauit atque ditauit. Primum docemur hoc ipso, matrimonium aliquam dignitatem consequi: quod genus vitæ alioquin sine hoc atque similium exemplis non nihil vilitatis & molestiæ habet. Sed Christi præsentia & munificencia ostendit, Deum non aspernari coniugatos, sed optulari legitimè coniunctos, contra Tacianos, qui connubia Christianis dicebant esse inhonestæ. Sed & hoc considerari oportet, Christum, quamuis nuptias has rogatus inuiserit, virginem mansisse: sicut & mater ipsa talis perseverauit. Et si

1. Cor. 7. euim ipse Deus matrimonium author sit, tamen excellentioris gratiæ est virginitas. Id quod in Paulo videre est. Ne quis ex eo quòd Christus interfuit nuptijs, existimet matrimonium magis virginitate, seu etiam viduitate Deo placere. Quod verò inopiam vini Christus releuat, ostendit, ipsum esse, cui

Psal. 9. dicitur: Tibi Domine derelictus est pauper: orphano tu eris adiutor. Et de quo alibi: Desiderium pauperum exaudivit Dominus: præparationem cordis eorum audiuit auris tua.

Psal. 17. Humilia respicit. Consolatur ergo Christus coniuges, maxime in paupertate degentes: & sua munificencia ad similia excitat diuites. Deinde mater Iesu depingitur in nuptijs, non à

leuitate, sed

leuitate, sed à sollicitudine, qua afficitur erga pauperes. Et licet dare ipsa quod deerat, non posset: ostendit tamen affectu commiserationis, & cupit prodesse. Nō dicit sicut Cain, *Gen. 6.* nunquid custos sum fratris mei? Sed scit Deum unicuique de proximo suo mandasse. Eccl. 16. Ideo ait: Vinum non habet. Deinde ad ministros: Quodcūque dixerit vobis, facite. Nec solum à commiseratione laudanda est, sed & à prudentia: cū ministris de obedientia praecepit, ne immorigeri munificentiam Christi impediunt. Tertiò, in sponso atque sponsa etiā & horum amicis exēpla sunt pietatis. Nempe, quod praesentem Christum in suis nuptiis cupiunt, cum fide & gratitate illud vitæ genus auspicantes. Quo arguitur nostri æui leuitas, vbi nulla fides, nullus timor Dei in nuptiis fete vllis considerari potest. Arguitur & ambitio & auaritia corū, qui magnos, & diuites tantū inuitāt: & cōsideratur Dei iustitia in eo, qd pauper Christus nūitatus, letū nuptiarū prestat exitū. Cōtrā, cū nūc nuptiæ sine Christo veròq; Dei timore, cū crayula & leuissimo gaudio celebrātur; permittit Deus vt omne teliquū coniūgi, tēpus cū inedia & mœrore toleretur. Hæc sunt ergo exēpla pietatis, quæ cōsiderata faciunt vt qd fide apprehēdimus miraculū, quatū licet pietate imitemur. Promiserā & allegoriā enarrare. Habent certē hæ nuptiæ significationē eius qd inter Christū & Ecclesiā est matrimonij, imò inter diuinā Xpo & humanā in naturas. Iit duorū in matrimonio vnū corpus: Idē in Christo. Et hæ cōiunctio facta est nō primo aut secūdo legis naturæ, sed tertio, hoc est, gratiæ. Facta est aut in Chana, hoc est, zelo, nē, & filij Dei amore. In ea sex hydriz impletæ aqua mutantur in vinum: Omnium patrum per sex mundi ætates tristitia in Christo vertitur in gaudium: Et hoc vinū ministri Architectolyno gustandū offerunt, quando Apostoli Deo, quicquid boni operatū per ipsos fuerit, ascribunt. Celebrantur autem hæ nuptiæ vsque ad illud tempus, dū replemur ab vbertate domus Christi in secula benedicti. Gratia Dei nobiscum. Amen.

DOMINICA TERTIA

POST EPIPH. EVAN. MAT. VIII.

Cum autē descēdisset de mōre, secutæ sunt eum turbae multæ: & ecce leprosus veniens, adora-

bat eū dicēs, Domine, si vis, potes me mundare. Et extendens Iesus manum, tetigit eum, dicēs: Volo mundare. Et cōfestim mūdāta est lepra eius. Et ait illi Iesus: Vide nemini dixeris: Sed vade, ostēde te sacerdoti, & offer munus tuū, quod pręcepit Moyses in testimoniū illis. Cū autē introisset Capharnaū, accessit ad eū Cēturio, rogās eū, & dicēs: Domine puer meus iacet in domo paralyticus, & malē torquetur. Er ait illi Iesus: Ego veniā & curabo eum. Et respōdens Centurio, ait: Domine nō sum dignus, vt intres sub tectū meū: sed tantū dic verbū, & sanabitur puer meus. Nā & ego homo sum, sub potestate cōstitutus, habēs sub me milites: & dico huic vade, & vadit: & alij veni, & venit: & seruo meo, fac hoc, & facit. Audiēs hæc Iesus, miratus est, & sequētibus se dixit: Amē dico vobis, non inueni tantā fidē in Israel. Dico aut vobis, q̃ multi ab Oriēte & Occidēte veniēt, & recūbent cum Abrahā, & Isaac, & Iacob, in regno cœlorū: filij autem regni eiicientur in tenebras exteriores: ibi erit fletus & stridor dentium. Et dixit Iesus Centurioni, Vade, & sicut credidisti, fiat tibi. Et sanatus est puer ex illa hora.

E ADEM DOMINICA EPISTOLA, ROMAN. XII.

Nolite esse prudentes apud vosmetipsos: nulli malum pro malo reddentes: prouidentes bona, non tantū coram Deo, sed et iam corā omnibus hominibus: Si fieri potest, quod in vobis est, cum omnibus hominibus pacem habentes. Non vosmetipsos deſudētes, charissimi: sed date locū ira. Scriptum est enim: Mihi vindictā, & ego retribuam dicit Dominus. Sed si esurierit inimicus tuus, ciba illum: si sitit, potum da illi. Hoc enim faciens, carbones ignis congeres super caput eius. Noli vinci à malo, sed vince in bono malum.

SER-

S E R M O.



DV O nobis præstantia miracula hæc Euangelica proponit lectio. Et iucundum est eadem legere: iucundius verò si licuisset, vidisset: sed omnium iucundissimum, etiamnum intelligere, quid ipsædem Christus voluerit. Sæpe aliàs miraculorum Christi sit mētio: de quibus certa aliqua doctrina tenenda est, vt sciamus vsum atq; finē eorū. His enim cognitis, intelligemus necessitatem eorum illo tempore. Sunt autem quasi sigilla, quæ Christus verbis suis appendit, vt omnibus fides fiat, Christi verba, Dei verba esse. Quemadmodum & seculi huius principes suas literas proprijs sigillis consignant: non quia incertæ illæ sint, sed vt homines sigilla aspicientes, inesse scriptis literis principis voluntatem certò intelligant. Etsi enim nomē illuc legatur principis, imò licet principis appareat manus: subesse tamen potest suspicio, vel ab alio quopiam sub principis nomine esse dictatas literas, vel imitatione literarum esse exaratas imaginem. Appensis verò sigillis, nulli relinquitur locus dubitandi.

Appendit autem Christus certa & propria sigilla, hoc est, diuinitatis opera, quæ nullus hominum potest facere. Quis enim aliàs in rebus omniū grauissimis illi habuisset fidem, præsertim cum ipse summa cum humilitate appareret? Rectè igitur ait opera sua de se testificari. Possunt quidē homines Ioan. 10. nouas doctrinas confingere, filij Dei nomen vsurpare, à Deo missos se dicere, imitantes patrem suum diabolum, qui ab initio Dei æqualitatem affectauit: possunt & ipsi multa in nouas formas mutare. vt Magi in Aegypto, auxilio Satanæ: sed Ezech. 28. nihil possunt eo quo Christus modo. Omnia virtute verborum efficere atq; posse, solius Dei sigillum est, quod præter eum nemo sibi vsurpare potest. Hoc sigillum Nicodemus vidit Christi verbis appensum. Propterea palàm confitetur, & ait: Scimus, quia à Deo venisti magister scimus, quia verax Exod. 7. es. Simile quid etiam cæcus natus confessus est. Ioan. 9. Ioan. 3.

Iam si quæratur: Si sunt sigilla, cur desierunt? Respondeo: Fuisse necessaria initio nascentis Ecclesiæ, quousq; Euangelium in possessionē veritatis assurgeret, & de eius certitudine in mundo constaret. Nunc verò, quia ubiq; creditū est Euangelio, esse illud verbum Dei indubitatum: sufficiunt meritò olim per Christū atque Apostolos ipsi adhibita miracula,

Christi vestigia imitantes, ascendant atque descendant, se debitorum agnoscant doctis simul & indoctis, ita de Sapientia Dei inter perfectos loquantur, ut tamē interim lactis imperfectis exhibendi non obliuiscantur. Hoc enim est ascendere, quod est, sapientibus fidei scripturarumque mysteria sublimia altius repetenda commendare. Hoc est descendere, quod est, infirmis condonare, & imperfectos sufferre. Sic Paulus hortatur. Debemus (inquit) nos firmiores, imbecillitates infirmiorum sustinere, & non nobis placere. Et: Si quis precupatur in aliquo delicto, vos, qui spirituales estis, instruite huiusmodi in spiritu lenitatis. Docturus ergo Christus sublimia Apostolos, ascenderat in montem. Hic verò inertis pigraque ad ascendendum turbæ recordatur, beneficia quoque ac miraculis meliorum admonet, & ad cælestium bonorum desiderium attrahit. Vnde rectè subiungit Euangelista: Sequuntur eum turbæ multæ. Fit enim ut trahatur beneficentia, qui sermonibus seditur nullis. Docemur autem descensu Christi etiam in genere omnes, non satis esse per orationem & meditationē assurgere in Deum, nisi & beneficentiā opē laturi proximo descenderimus. Mandauit enim Deus cuiuslibet homini de proximo suo. Et Ioannes tale nos mandatum habere testatur, ut qui diligit Deum, diligat & proximum. Et Paulus vult quidem loqui nos lingua, magis autem vult ut prophetemus: propterea, quod qui loquitur lingua, non hominibus, sed Deo loquatur: verum qui prophetat, hominibus loquitur ad ædificationē. Et hæc prima est consideratio descensus Christi.

Quod si adhuc libet considerare, inueniemus etiam alia. Quid enim est descendisse Iesum de monte, nisi de cælo ad nos venisse: & Paulo teste, cū in forma Dei esset, humiliasse semet ipsum, & patri usque ad crucis mortē obediuisse? Enumerat autem Apostolus eo in locō quinq; gradus huius descensus. Primus est, quod ait: Non rapinā arbitratus est, ut Lucifer, Isai. 14. esse se æqualē Deo. Secundus: Exinaniuit semetipsum. Tertius: formam serui accepit. Quartus: factus obediens usque ad mortē. Quintus: obediens usque ad crucis mortē. Admirabilis iste descensus est, in quo Dominus omnium: minor fit angelis, & qui cælū continebat, pro nobis pauper factus est. Pro nobis inquit. Nam hanc causam ipse in Isaiā aperit: Spiritus Domini super me, eodē quod vnxit me. Ad euangelizandū pauperi-

Rom. 1.

1. Cor. 13.

Roma. 5.

Gala. 6.

Eccl. 17.

1. Ioan. 4.

1. Cor. 14.

Philip. 2.

Psalm. 8.

2. Cor. 8.

Isa. 61.

bus misit me, &c. Omnes peccaueramus, eoque ipso pauperes eramus. Si iniquitates obseruaueris Domine, inquit Dauid, Domine quis sustinebit? Et non intres in iudicium cum seruo: quia non iustificabitur in conspectu tuo omnis uiuens. Tales in hoc Euangelio depinguntur Leprosus & Centurio. Ille extra ciuitatem pauper erat, hic in ciuitate in propria domo malum cernebat. Et de nobis testatur Isaias: A planta pedis usque ad verticem capitis non est sanitas in nobis. Magni atque parui peruerterunt vias tuas. Non ideo vel dignitas generis, vel rerum opulentia, vel scientia, communes calamitates a nobis impediunt. Perfrunt illæ mœnia arcisque fortes, nidosque in sublimi positos. Cum nullum virum in plateis inuenirem, inquit Ieremias, qui faceret iudicium, & quæreret fidem, & diligeret disciplinam, tunc dixi: Forsitan pauperes sunt, & stulti, ignorantes viam Domini. Ibo igitur ad optimates, & loquar eis: & ecce, magis hi simul confregerunt iugum, ruperunt vincula. Ea fuit omnium cōditio, estque etiamnum hodie, sine Christo, adeoque hanc secum meditatus, non possit non dolere & ingemiscere super multa & magna calamitate filiorum Adæ. Sed Christus in Propheta testatur, se missum esse ad Euangelizandum pauperibus, & ut medeatur cōcinnis corde. Et hæc natura est Euangelij: ut cum misérias humanas ostēdit, exhibeat nobis etiam Christum, qui leuat misérias. Et hæc secunda atque allegorica descensus Christi mediatio est: quæ cum causam descensus Christi recenset, consolatur nos in nostris miserijs, siue ex Iudæis, siue ex Gentibus credentes. Occurrit enim illi primū leprosus, postea Centurio. Esti autem hanc prerogatiuam habeat Iudæus leprosus: ut qui prior accessit, prius sanetur: non tamen serui Gentilis impedit salutem. In eo autem leprosus Iudæorum personam gerit, quod quæ admodum, leprosi ex lege de lepra conuincebantur, iudicabantur, & excludebantur: ita & Iudæi per legem de peccato. Maledictus enim omnis, qui non manserit in omnibus verbis legis huius. Sed ostendere lex lepram atque peccatum potuit; sanare & tollere non potuit. Descendit Christus, & per Ioannem. I. n. iudicium: Ecce agnus Dei, ecce qui tollit peccata mundi, Ioan. 6. innotescit: & occurrunt illi multi, testantes eum habere verba vitæ æternæ, eoque se ab eo non recessuros.

Sed quomodo leprosus accedit? Adorauit & petijt: per illud ostendens se propriam agnoscere infirmitatē: per hoc verò, fidem suam

fidem suam in omnipotentia ac bonitatem Christi, declaras. Ex propriæ infirmitatis agnitione venit humilitas, omninò necessaria ijs, qui cum Deo vtiliter agere constituunt. Humilibus enim dat gratiam. Luc. 18. In ijs requiescit spiritus Domini. Isai. 66. Horum contrita corda Deus minimè despicit. Psal. 50. Nec minùs necessaria fides. Accedentē enim ad Deū oportet credere. Heb. 11. & impossibile est sine fide quicquam apud Deū obtinere. Vranquē leprosus ostendit: humilitatem in adorando, fidem in inuocando. Nō desperat propter infirmitatem desperatā, sed cogitat Christum omnipotentē esse, & posse saluare, si velit, & expedire nouerit. Vranquē laude sua non caret: eum qui non habet merita, de salute non desperare, & qui habet, nihil præsumere. Contrarium in vitio est, Id quod exempla demonstrant Caini & Pharisæi. Genes. 4. quorum ille propter desperationē arguitur: hic propter presumptionem reijcitur. Neuter de ea se recipit, quæ velut certissima cum Deo agendi media hic leprosus ostendit. Oslēdit autem non gestu tantum, sed voce etiā, vt intelligatur seriò id cupere, quod corporis gestus præ se fert. Domine (inquit) si vis, potes me mundare. Breuis oratio, sed rotunda, & ea in se cōplectens, quæ in absolutissima ad Deum oratione requiri possunt. Primū enim requiritur: vt Christus credatur posse. Vana enim est oratio, vbi de adorati dubitatur potētia. In manu tua cuncta sunt posita, nec est qui resistat voluntati tuæ, Mardochæus olim dicebat. Deus solus est, & nemo auertere potest cogitationes eius. Oīa quæcunque voluit Dñs, fecit, in cælo & terra. Voluntati eius quis resistet? Deindē potētiae additur volūtas. Si vis, inquit, quasi diceret: Per te stat, si voles, facies, voles autē, si expedire mihi iudicaueris. Vult autē Christus voluntatē suā notā esse hoībus. Propterea se daturū pro mittit desiderata petētibus. Luc. 11. Mat. 6. & Deus se patrem nostrū vocat. Sed licet possit atq; velit dare, cogi tñ non vult. Vult vt nostrā petitionē & voluntatem in ipsius beneplacito concludamus. Et hoc rectiùs faciamus, suo exemplo monet. Pater, inquit, si possibile est, transeat à me calix iste. Nō mea voluntas, sed tua fiat. Non est illi tempus aut modus præscribendus. Qui estis vos, inquit Iudith, qui tentatis Dominum? Iudith. 8. Nō est iste sermo, qui misericordiā prouocet, sed potiùs, q̄ irā furorēmq; excitet atq; accendat. Tenēda est ergo cū leproso firma sentētia: nihil velle, quod non ad nostrā faciat salutem,

Luc. 18.

Heb. 13.

Iob. 23.

Psal. 134.

Rom. 9.

Matth. 26.

Iudith. 8.

etiam si expectando flagellandūve contrarium velle humanę

Amos 3. rationi videatur. Non est malū in ciuitate, quod Dominus

Prouer. 3. non fecerit. Flagellat omnem filium, quem recipit. Tertium, quod in oratione absoluta requiritur, est ordo petitionis: vt

Matth. 6. potiora prius petamus. Primū quærite regnum Dei, & iu-

Ibidem. stitiam eius. Et hoc vult forma precationis à Christo præscri-

ptę. Prius illic dicimus, Adueniat regnum tuum. postea verò,

Panem nostrum quotidianum da nobis hodie. Et hinc necesse

est cogitare, quòd Christus non solū corporalia, sed & spiri-

tualia largiri possit, nec venisse eum tātū: vt corporibus me-

deretur, sed etiā, ac multò magis: vt sanaret vulnera conscien-

tiarum. Cogitandum est & illud, quòd spiritualia bona sint

Luc. 7. nobis magis necessaria, quàm corporalia. Qua ratione Ma-

gdalena ante omnia curatiue internè curetur. Quartò ad ora-

tionem pertinet: vt ex affectu procedat ardenti. Nec tantū

tribuendum clamori, quantum deuotioni. Nouit enim Do-

Psal. 9. minus etiam corda orantium iuxta illud: Preparationem cor-

dis exaudiuit auris tua. Et: Prope est Dominus omnibus in-

uocantibus eum in veritate. Quintò: vt orātio sint manus pu-

Isai. 1. re, sine sanguine. Cū multiplicaueritis orationem, non exau-

diam, inquit Dominus: manus enim vestre pleæ sunt san-

guine. Hec omnia in leprosi illa quantumuis breui oratio-

ne comprehēsa intelligimus. Est igitur in hoc ipso imago de-

picta, quomodò, & à quo, cū animæ salutem, tū corporis

necessaria petenda sint: nemē à Christo, per fidem, per agni-

tionem & confessionem peccati, per orationem veram. Nam

quòd hæc ipsa sint certa consequendę gratiæ diuinæ media,

ipse Christus factò respōdit atque verbo. Factò quidem, cū

manum extendit, & tetigit procumbentem leprosum: verbo,

quod ait: Volo, mundare. Id quod Euangelista testatur: Con-

festim mundata est lepra eius.

Quo in factò & Christi bonitatem summæ potentie con-

iunctam, & fidei genuinæ ac viuæ meritum intelligimus.

Rom. 11. Paulus alibi vult: vt reformemur in nouitate sensus nostri: vt

Ezech. 18. probemus quæ sit voluntas Dei bona. In Ezechiele Domi-

nus de sua voluntate testatur: Nolo mortem peccatoris, sed

Jerem. 2. vt conuertatur, vt viuat. Et in Ieremia: Cogito cogitatio-

Ioan. 6. nes pacis, & non afflictionis. Christus in Euangelio: Hęc est

voluntas patris mei: vt enim qui venit ad me, non eiciā foras.

1. Tim. 2. Et Paulus testatur: Deus vult omnes homines saluos fieri,

Hæc est.

Hæc ergo non esse promissiones inanes, aut verba nuda; hoc Christi factum testatur: Hanc igitur voluntatem Dei probemus Paulo monitore. Probemus autem reformati in nouitate sensus: hoc est, aliter quàm antea, de Christo iudicemus. Primum in aduersis cogitemus, dum flagellat nos, etsi nobis videatur repugnare: tamen vitam esse in voluntate eius: & bonum esse nobis: quia humiliavit nos. *Psal. 118. b. & que nō dei-* *Psal. 29.*
 ciamur animis. Deinde in secundis consideremus, quicquid nobis læti accidit, id nō nostris meritis, sed diuina procedere dignatione. Illic discamus, non elatē, sed humiliter de nobis sentire, fidem confirmemus in eum, qui ait: Inuoca me in die *Psal. 49.*
 tribulationis, & eruam te: Clamabit ad me, & ego exaudiam *Psal. 90.*
 eum: cum ipso sum in tribulatione, eripiam eum, & glorificabo eum. Et quemadmodum scriptum est, Quicumque honorificauerit me, glorificabo eum: ita in hoc etiā leproso: vt exaudiat & saluetur, fidei præstat meritū. Sicut alibi Christus, *1. Reg. 2.*
 Nihil inquit haberi fidē, impossibile. Respondent etiā factis ac *Matt. 17.*
 verbis leprosi, facta atque dicta Christi: Ille procedit: hic attingit. Ille ait: Si vis, hic respondet: volo. Ac si dicat: Insigne in me ostendis fiduciam, insigne aliquid tibi ex me continget. Integre me confessus es: integrū te sanabo. Nihil hæsitasti in fide tua, nec ego salutem tuam integram differam. Hæc ergo via modūque cum Deo agendi, hoc est, & consequendæ & conseruandæ gratiæ est. Adorauit leprosus: tetigit Christus. Rogauit æger, & cū voluit medicus, sanatus est leprosus.

Iam verò quē sanauerat, præceptis diuinis instruit, ne quis per mediatoris sanguinē purificatis, nihil cū salutaribus mandatis esse negotij iudicet. Vide, inquit, nemini dixeris: sed vade, ostende te sacerdoti, & offer munus tuum, quod præcepit *Matt. 8.*
 Moses in testimonium illis. Sunt autem triplicia mandata. Primò nos instruit Christus, id ē; suo exemplo, ne quā benefactis nostris laudē humanā aucupemur. Quia enim Dei est, quod facimus boni atq; æqui, qui in nobis operatur bonam voluntatem, gratiāque suppeditat: vt eam in opus conferamus, meritū ipsi etiam omnis laus deferatur. Vide, inquit, nemini dixeris: Sint omnibus ignota beneficia nostra, si fieri potest, præterquā illi, cui præstatur beneficium. Ablegat eum deinde ad sacerdotē. Primū, vt legi satisfaceret, quæ sacerdotibus authoritatē iudicandi de lepra dederat: & ne videretur legē transgredi, & sibi eā vëdicare authoritatē. Deinde fit hoc: vt *I. eui. 13. 14.*

etiam inclaresceret miraculum, & sacerdotum approbatione à præstigiorum suspitione vindicaretur. Tertiò deniquè, vt nos admoneret, non semper vtendum esse cõcessa libertate, sed & infirmiorum habendam esse rationem. Vt Paulus:

2. Cor. 10. Omnia mihi licent, sed nõ omnia expediunt Omnia quidem munda mundis, sed malum est homini, qui per offendiculum

Rom. 14. manducat. Si esca scandalizat fratrem meũ, non manducabo carnem in æternum. Postremò etiam ideò ad sacerdotẽ ablegat mundatum: vt ostēderet, maiorem lege & superiorem venisse, qui quos lex exclusisset, sua virtute in conrubernia pristina assereret, simulque demonstraret, esse sacerdotium Christi multò differentius & excellentius sacerdotio Iudaico. Tertiò ac postremò ait: Offer munus tuum, &c. Idq; ad gratitudinem spectat: quasi dicat: Credidisti in me, sanatus es ex me. Conditionis tuæ pristinæ memor esto. Authori sanitatis tuæ perpetuò gratias refer. Habemus ergo, quod initio etiam dixi, in hoc Euangelij miraculo primo, quod nobis Christum depingat, quòd bonus atque omnipotēs sit, quòd verba eius, verba vitæ æternæ sint. Habemus etiã, quod nos in mutuam charitatem accendat.

Sequitur secũdum miraculum, quod & ipsum eiusdem est generis. Primũ enim declarat, non genus, nõ honores, non diuitias quicquã posse, quò minus communes miseriæ & calamitates etiam potentissimas aulas pererrent: deinde verè dictum esse ab Ioanne, fidem in Iesum Christum, esse victoriã, quæ vincit mundum, hoc est, concupiscentias, persecutiones atque misérias. Id quod Centurionis exemplo docetur. Tertiò, eũdem nobis Iesum describit aquè ad omnes benignum atque potentem. Sed hæc omnia ordo historiæ pulchrè docebit. Nunc illud vidẽdum, quomodò cõciliari possit ea quæ in

1. Ioan. 5. speciem erronea videtur dissonantia, quòd Matthæus scribit,

Matth. 8. ipsummet Centurionem venisse ad Iesum: Lucas verò, seniores Iudeorum ab eo missos fuisse ad Dominum. Certè infirmior hæc est ratio: vrideo quisquã hominũ titubet, nedum rectè ob eã Iulianus & Porphyrius à fide defecerint, Euãgeliũ reiecerint, & euãgelistas cõuiciis p̃seciderint: vt quinò per oĩa consentiant, sed singuli de suo aliquid peregrini immisceant. Primũ enim, nõ illud erat Euangelistarũ propositũ, historias curiosius narrare, sed solũmodò Euãgeliũ Iesu Christi cõscribere. Etenim vbi res Euangelij veras attigere: vt sunt diuinitas, nati-

tas, natiuitas, vita, passio, mors, resurrectio, ascensio Christi, & futurum iudicium: pulchrè sibi constant, nec in minimo dissentiunt. Sed quæ iniquè accusatur veritas, Euangelio nihil officit. Pugnancia nulla est vsquam: sed & ipsa varietas Euangelium confirmat, non enervat. Si enim vlla esset contrarietatis pugnancia, conciliari non posset. Et si ipsis etiam verbis & ordine vbique idem referrent, collusio quædam Euangelistarum non iniquè iudicaretur subesse, & non veritatis oratio. Nunc verò, cum eandem rem alijs, atque alijs verbis & ordine recensent, omnis collusionis exploditur suspicio. Hæc firmiter tenenda est regula. Dum in grauissimis fidei articulis cōsentiunt Euangelistæ, circumstantiarum varietas ipsis rebus nihil officit. Id quod in hoc ipso etiam miraculo videre est. Vterque Euangelista testatur, Christum absentem in sanando seruo Centurionis suam potetiam atque bonitatem declarasse. Quid hic oberit, Centurionem, aut per semetipsum, aut per alios Christi auxiliū petiisse, credere? Quāquā fieri potest, ut primum per alios Christum sollicitauerit, postea verò quā vidit serui periculum ingrauescere, ipsemet ad ipsum venerit. In quo certe nihil est, quod fidei, aut etiam rationi repugnet. Hæc eò prolixius recensui, ne quem moueat circumstantiarum huius miraculi varietas. Nunc ad rem. In Centurionis persona duo considerata sunt: Primum genus, deinde factum. Genere quidem fuit Ethnicus, à fide Israel secundum sanguinem alienigena. Id quod inde colligi potest, quod Iudæi ab ipso missi dicebant: Diligit gentem nostram: & quod Christus se tantam fidem in Israel non inuenisse asseruit. Ergo quæadmodum in Lepræoso Iudæos, ita in Centurione Gentes saluandos intelligimus. Sed Iudæi primum, postea Gentes. Id quod Dominus in Propheta promiserat. Parum est mihi, ut sis mihi in seruum, ad suscitandas tribus Iacob, & feces Israel conuertendas. Dedi te in lucem gentium, ut sis salus mea, usque ad extremum terræ. Sic Iudæi hic petunt, ut Christus homini Ethnico beneficiū præstet. Et Paulus concionatur: Vobis Iudæis oportebat primum loqui verbum Dei: sed quoniam repellitis illud & indignos vos iudicatis æternæ vitæ, ecce conuertimur ad Gentes. In factis verò Centurionis duo præcipue consideranda: quorum alterum est fides, alterum charitas. Fides in eo primum, quod accessit. Nisi enim credidisset, nunquam accessisset. Accessit autem totus, corpore & animo: ut quod generis propinquitate

Luc. 7.

Isai. 45.

Acto. 13.

non habebat, integra accessione compēfaret. Tum etiam maior in illo fides elucet, quod non, vt alij, seruum suum in lectulo ad Christum deportarit. Tertiò & maxima fides in eo splendet, quod nihil petit: tantum necessitatem suam Christo aperit. Domine, inquit, puer meus iacet in domo paralyticus, & malè torquetur. Sed omnium præstātissima est illa fides, ex qua isti labiorum fructus prodierunt. Domine, inquit, non sum dignus, vt intres sub tectum meum: sed tantum dic verbum, & sanabitur puer meus. Perfecta enim fides primò hominem deijcit in sui contemplatione: at eadē mox rursus erigit in gratiæ diuinæ consideratione, Exemplo sunt & alij, vt David. Psalm. 6. 85. & 129. vt Iob. 9. & Paulus, Rom. 8. Hæc fides omnium in Israël facile vincebat fidem, vel ipsius Christi testimonio. Nā & Iairus pro filia orat: sed præsentem petit filiæ mederi. Matth. 9. Et Nicodemi fides minor est: qui singulis penè verbis Christo fidem derogat. Quomodo, inquit, possunt hæc fieri? Ioā. 3. Magna fides Marthæ: sed hac quoq; Centurio nis minor. Si fuisses hic, inquit, frater meo non fuisset mortuus. Ioā. 11. Sed nec Apostoli tantā fidē ostēderunt, eū sollicitos de paupibus obiurgat Christus, Matt. 16. timidos in mari corripit, Matt. 6. ipsum etiā Petrū reprehēdit, dicēs: Modicæ fidei quare dubitasti? Mat. 14. Et postea vix potuit eis persuadere, expedire illis si abierit. Ioan. 16. Ad eū nihil absente posse arbitrabatur. Quartò, insigne charitatis exemplū in hoc Centurione nobis expressum est, quod serui sui calamitate motus fuerit: quod eū non multorum Dominorum more cōtēpserit aut abiecerit, vt pleriq; oēs alios se inferiores æstimāt, sed in pretio habuerit. Id quod Lucas testatur, Seruus, inquit, erat illi pretiosus. Multū Pharisæo illi dissimilis. Cogitabat se quidē serui illius esse Dominum, sed tamē se quoque habere Dominum: & frustra se tant. Domini expetiturum esse clementiā, qui in seruum hominem sibi natura similem esset immitis.

Luc. 7.

Luc. 18.

Hunc igitur affectum suo desiderio frustrari Dominus non vult. Et mirum, quā sit paratus ac facilis erga hominem, quantumuis Ethnicum, nisi in omnes homines clarissima esset ipsius benignitas. Non petierat Centurio vt præsens sanaret: tamen Christus, Veniam, inquit, & curabo eum: Nimirum ostendit se nullius personam, dummodò ipse sibi non desit, respuere: & plus daturum, quā speremus, aut petamus: & citius exauditorium, quā clamemus, vt in Isaia dicit: An-

Acto. 10.

Isai. 63.

cit: Antequam clament, ego exaudiam. & Christus: Scit pater vester, quia his omnibus indigeatis. Erigimur autem hoc dicto in spem misericordie Christi, quod cum videmus eum tam paratum esse: ego hominem Ethnicum, confidamus etiam nobis illum ad futurum. Deinde etiam nostri officij admonemur, & corripitur nostra inclementia atque *μαλακία*, qui quorumlibet ægrotorum præsentium teneriter abhorrescimus, nec visitamus infirmos. Postremo etiam fidem Centurionis hoc dicto voluit elicere: ut quam ipse cotidie scrutator in eo latere nouerat, omnibus palam proponeret. Sicut & Abrahamæ & Chananæ fidem iubendo & differendo elicit: quæ nobis incognita latuisset, nisi per Christum eruta fuisset.

Gene. 22.

Matth. 15.

Eph. 2.

Matth. 8.

Roman. 9.

Exod. 4.

Psalm. 5.

Jerem. 23.

Ioan. 3.

Isai. 6.

Nam quod eam ob causam sese venturum ad Centurionem promiserit, quod Centurionis fides erueretur, & sibi quâtope-
ræ talis fides placeat, quàm contra incredulitas displiceat, de-
claret: id certe sequentia verba demonstrant. Non, inquit, in-
ueni tantam fidem in Israel. Dico autem vobis, quod multi
ab Oriente & Occidente venient, & recubent cum Abrahamâ,
Isaac, & Iacob, in regno celorum: filij autem regni eijcien-
tur foras, in tenebras exteriores: ibi erit fletus & stridor den-
tium. Gravissima hæc est filij Dei de Iudæis querela: post tot
miracula & promissiones ipsis factas, vinci tamen credulita-
te ab Ethnicis, qui sine Deo, sine Christo & promissionibus
fuerant, ac propterea ab ipsis Iudæis præputium dicebantur.
Et coniuncta est querelæ huic severissima interminatio. Filij
regni, inquit, eijcientur foras, in tenebras exteriores. Etant
ipti filij regni: quod ipsorum esset lex, & promissio, & testa-
mentum, & adoptio filiorum. vnde & primogenitum filium
eos vocat. Sed eiciendi erant e regno in tenebras exte-
riores. Secundum multitudinem impietatum eorum expelle
eos, inquit David, quoniam irritauerunt te Domine. Et ipse
Dominus: Vos estis mihi onus: idè proijciam vos à me, Me-
rito in tenebras eijciuntur, qui lucem oderunt, & auersati
sunt, ut Christus ait: Venit lux in mundum, & dilexerunt ho-
mines magis tenebras quàm lucem. Per tenebras autem ex-
teriores has Christus intelligit æternam condemnationem.
Hanc præcedit internæ tenebræ, & excæcatio, de qua Isaias
dixit: Excæca cor populi huius, & aures eius aggraua, & oculus
eius claudet: ne forte videant oculis suis, & auribus suis au-
diant, & corde suo intelligant. Has tenebras sequitur fletus

& stridor dentium. Quemadmodum enim Dei agnitio gaudium & securitatem adfert: ita contrà, ignorantiam Dei mœror & metus comitantur. Horrendæ enim tenebræ sunt, mentis excæcatio & incredulitas. Hæc prædixit Christus: nos iam in Iudæis completa videmus. Sed gratissima est laus fidei in Centurione, & addita promissio, quæ propriè pertinet ad Gentium vocationem. Sicut & illa: Et alias oves habeo, quæ

Ioan. 10. non sunt ex hoc ouili, & illas oportet me adducere. Et quod

Ioan. 12. Ioannes habet, Christum non tantum pro gente moriturum,

1/ai. 2. sed ut filios Dei, qui erant dispersi, (puta in omnibus terris &

1/ai. 43. populis) congregaret in vnum. Et in Isaia: Fluent ad eum omnes gentes, & ibunt populi multi. Et iterum: Ab Oriente ad-

1/ai. 60. ducam semen tuum, & ab Occidente congregabo te. Et, filij tui de longè venient, & filiarum de latere surgent. Ad illas

promissiones Christus hinc respicit, & vult innuere, iam ad-

esse tempus, ut fiat tandem, quod tot retrò seculis fuerat pro-

missum. Qualis autè recubitus ille sit, indicat Paulus, ubi ait,

Ephe. 6. Sanctis Apostolis reuelatum esse, gentes esse cohæredes, & cõ-

corporales, & participes promissionis in Christo Iesu.

Hoc est recumbere cum Abraham, consortem esse promissionis

Abrahæ alijsque Patribus factæ, cumque Abraham &

cæteris membrum esse spiritualis corporis Christi. Quo quid

præstantius & beatius esse potest? Expresse additum est, recu-

bitum hunc in regno cælorum esse futurum. Olim enim pa-

tres per fidem Abrahæ quiescebant in sinu Abrahæ, ut de La-

zaro legimus. Nondum enim regnum cælorum apertum erat.

At Christus reserauit illud, sicut in prima concione sua dicit:

Pœnitentiam agite: appropinquat enim regnum cælorum.

Fidem ergo atque charitatem cum leprosi tum Centurionis

imitemur: ut quem prædixit recubitum in regno cælorum,

consequamur per Iesum Christum, cui laus in sæcula. Amen.

DOMINICA QUARTA

POST EPIPHANIAM EVANGE-

LIVM. MATTH. VIII.

ET ascendente Iesu in naiculā, secuti sunt eū discipuli eius: & ecce motus magnus factus est in mari, ita ut naicula operiretur fluctibus. Ipse verò dormiebat. Et accesserunt ad eū discipuli eius, & su-

& suscitauerunt eum, dicētes: Domine, salua nos. perimus. Et dicit eis Iesus: Quid timidi estis modi cæ fidei? Tunc surgens imperauit ventis & mari: & facta est tranquillitas magna. Porro homines mirati sunt, dicentes: Qualis est hic, quia venti & mare obediunt ei?

EADĒM DOMINICA EPI-
STOLA, ROMAN. XIII.

Nemini quicquā dībeatī, nisi vt inuicē diligatī. Qui enim diligit proxīmū, legē impleuit. Nam, Non adulterabīs, Non occīdes, Non furaberis, Non falsū tēstimonium dices, Non cōcupisces, & si quod est aliud mandatum, in hoc verbo instauratur: Diliges proximum tuum sicut teipsum. Dilectio proximi malū non operatur. Plenitudo ergo legi est dilectio.

SERMO.



BREVIS illa quidem, quam nunc pertractandam suscepimus, Euangelij est lectio, sed quæ vbiq; ferè Euāgelij natura est, multis ac magnis rebus grauida. Cōplectitur enim historiam suauissimā simul & scitu vtilissimā. Et hæc ipsa historia imaginem Catholicæ Ecclesiæ nobis ob oculos ponit. Ostendit enim quis status Ecclesiæ fuerit inde ab initio, quis etiam nūc sit, & vsque ad cōsummationem futurus expectetur. Qui ergo Christiano nomine censetur, rectè facimus, summa diligētia in Christi capitis nostri facta dictaque attendentes. Et qui Ecclesiæ ciues sumus, necessariò totius Reip. cursum intuemur, vt ex præteritis & præsentia moderemur, & futura prouidē expectemus.

Quodd ergo ad historiam, triplex genus eruditionis proposuit Christus in hac nauigatione. Primū enim ipsius proponitur philanthropia, qui nō in vno loco tantūm morbis medetur, sed passim: non expectat, donec rogetur, sed ipse offert sese, atque salutē. Multos enim in Capharnaū sanauerat, nūc mare transmittens Gerazēnorum regionem petit, hominē Matth. 8. illic multis dæmoniorum legionibus liberaturus. Non laborem, non pericula fugit, nō sordes ægrotorum horret. Nimi 1. Corint. 13. rum hæc illa charitas, quæ non querit quæ sua sunt, sed quæ proximorum rationem habet, & horum salutē querit. Quo

certè necessariz vigilantiz exemplo imp. imis eos reprehensibiles ostendit, qui ipsius Christi Apostolorumque vices in terris gerentes, in Cathedris, igna. ii fuci in morem, supini dormitant: qui suum tantummodò fastum, genium, voluptatem & avaritiam curant: immeriti penitus mundi honoribus oves Christi planè negligunt: suæ ipsorum salutis obliuiscuntur: qui non sunt solliciti, qua ratione collapsam Ecclesiam inlaurare, irruentes lupos arcere, oves Christi ipsis cōcreditas seruare velint, & vt vno verbo dicam, qui nihil communi totius Christianæ Reip. periculo mouentur. Et his nō minus reprehensibiles sunt in promiscua multitudine, quos nulla suæ ipsorum salutis cura tangit: quos pudet pigetque, vel semel tantum in anno pedem mouere, religionis fideique causa. Quando enim quæ aliorum salutis sunt quærent, qui propriam negligunt? aut quomodo proximum diligunt, qui seipsos odio habent & perdunt? Vtrunque igitur genus hominum, & ij qui præsunt, & hi qui subsunt, in Christi Seruatoris hūc illūc eūtis & regnum cælorum prædicantis exemplum respiciant. Illi quidē, vt cogitent, se quoque alijs debere, quod in Christo factum intelligunt: hi verò, vt sciant turpe esse propriam salutē desidia negligere, cuius causa Christus tantum laboris atque periculi exantlauit. Quod si cui hoc Christi exemplum vel partum est, vt eo non moueatur: aut excellentius est, vt se illud assequuturum subdubitet, aut ad se nihil pertinere asseueret: is Christi exemplo concionantem Paulum in hodierna Epistola audiat. Nemini (inquit ille) quicquam debeatis, nisi vt inuicem diligatis. Qui enim diligit proximum, legem impleuit. Vult Paulus, vt sine intermissione proximo cōmodemus: qui præsunt, & qui subsunt, suæ salutis curam habeant. Ordinata enim charitas à seipsa incipit. Et exprimit naturā charitatis, quæ semper debetur proximo, quantumuis sæpè & semper proximo sit exhibita.

Psalm. 1. Sicut David in descriptione hominis iusti. Et erit tanquam lignum, inquit, quod plantatum est secus decursus aquarum: quod fructum suum dabit in tempore suo: & folium eius nō defluet. Arbor productis semel atque iterum fructibus non quiescit, nec se putat officium suum fecisse sed vascētibz hominibus ex iam antè edictis fructibus, ipsa parat se, vt denuò det fructus suo tēpore. Talis arbor Christus fuit, qui cū in vrbibus multos fructus edidisset, & hoīes iā editis videret fœliciter vti,

liciter vei, pergit, & in mari ad edendos denuò fructus se parat. Tales ergo erimus & nos, magni atque humilis. Si Pauli ad charitatis continuum studium adhortantis vocem audierimus, & CHRISTI exemplū sequuti fuerimus. Et hoc primum eruditionis genus hæc Christi nauigatio complectitur.

Iam secundo ad alia quoque nos hortatur hoc nauigatus exemplum. Sæpe sese subduxit à turbis. Et maxime triplicia habuit suffugia. Iam enim in desertum cū discipulis suis secedit: iam montem conscendit: iam etiam, vt in hoc Euāgelio, nauim ingressus legitur. Quibus omnibus ad similia erudimur: vt si forte in mundo pacem cōscientiæ cōsequi nequimus, secedamus in desertum seu solitudinem pœnitentiæ, tollamus iugum Christi super nos, & inueniamus requiem animabus nostris. Si verò mundus nos oderit, montem conscendamus precationis, rerūque diuinarum contemplationis. Nam et alia omnia nos fallāt, hoc residui habemus, vt oculos nostros ad cœlum attollere audeamus, & Deum deprecari. Hoc est montem conscendere: Tertiò, si noluerimus cum mudo pefsum ire, cū Christo in nauim nos subducamus, hoc est, in Ecclesiam sanctam Catholicam, Extra hanc enim certa vbique perditio est. Id quod arca diluuij lōgè ante prefigurauit. Nauim igitur ingressus, orta que tempestate, dominum de maris atque turbinum declarat.

Quo quidem facto nostram fidē excitat atque confirmat, quod sit non terræ cœlique solum, sed & maris dominus: vt ex vera fide illi dicere possimus: Tu dominaris potestati maris: motum autem fluctuum eius tu mitigas: ideoque saluos nos fac Deus, quoniam intrauerunt aque vique ad animam nostram. Et quod sequitur: Eripe me de luto, vt non infigar: libera me ab ijs qui oderunt me, & de profundis aquarum. Non me demergat tempestas aquarū, ne absorbeat me profundum: neque yrgat puteus super me os suum. Et hoc iam tertium eruditionis genus in hac CHRISTI, vt dictum est, nauigatione propositum. Quorum primum ad proximī charitatem, alterum ad nostram disciplinam, tertium ad fidem in CHRISTVM pertinet.

Dicamus iam de totius historię mysterio. Est illa certe figura sanctę atque Catholicę Ecclesię, quę multis & grauib. tentationum, persequutionumque tempestatibus quatitur, nunquā tamen mergitur, idque non ex suis ipsius viri-

Mar. 6.

Math. 5. 8.

1. Cor. 13. 14.

Math. 11.

1. Paralip. 20.

1. Cor. 13. 14.

Psal. 88.

Psal. 68.

1. Cor. 13. 14.

1. Cor. 13. 14.

1. Cor. 13. 14.

bus. sed illius presidio qui in ea habitat. Et quod Christus
 verbis postea edixit: In mundo pressuram habebitis, in me ve
 ro pacem, id nunc hoc ipso facto demonstrare voluit. Conso
 latur itaque nos hæc imago ecclesiæ, & facit, ut eò libentius
 maneamus in Ecclesia, confidentiusque perseueremus, quan
 tumvis sæpe tristis vi deatur illius imago. Sed res collatione
 fiet illustrior. Recte enim Ecclesia Catholica comparatur na
 uicula. Nam si incredulorum numerositatem respiciamus,
 exiguus sane piorum cœrus est. Nolite timere pusillus grex:
 Pauci sunt electi: Filius hominis veniēs, putas inueniet fidem?
 Satis ampla hæc in medio fuit nauicula, cum ad omnes or
 bis plagas sese porrexerit: sed principium eius angustū fuit, si
 cur nunc finis eiusdem deficientibus Asia, Aphrica, magnā
 que Europæ parte contractior est, & contractissima sub fi
 nem mundi futura expectatur, C H R I S T O dicente: Tunc
 duo erunt in agro vno, in vna domo, vnoque adco in lecto:
 vnus tantum assumetur, & alter relinquetur. Verum licet par
 ua sit, nec magna adco in ea securitas ingruente præsertim
 tempestate sperari potest. tutiorem tamen locum Adæ fami
 lia vniuerso hoc in mundo non habet. Primum, quia guber
 nator in ea est, & peritus & sollicitus, ipse nimirum Deus. Ec
 ce non dormitabit, neque dormiet, qui custodit Israel. Secun
 dō, ministri & remiges sunt in ea impigri, quia depurati ad
 ministerium eorum, qui æternæ beatitudinis consortium
 sunt assecuturi. Terriō, certum est, in hac sola quantūvis exi
 gua cymba, omnes electos ad cœlestem patriam peruenisse,
 quotquot ante nos illuc peruenisse credimus: nec vllum pe
 riisse, qui in ea manserit. Quartiō, habet robustissimum ma
 lum nimirum domini Iesu crucem: quam etiam inimica no
 bis æria potestas refugit, quod in ea princeps tenebrarū cla
 dem accepit. Quintō, velum in ea est larum iuxta atque ma
 gnum, ipsa fides Christianorum: qua & totus mundus supe
 rat, & aura spiritus sancti mitissima suscipitur, & per om
 nium errorum periculorumque transuersos spiritus rectā ad
 æternam in veritate tendimus patriam.

Ut autem nauis Ecclesiæ, ita etiam tentationum ac aduersi
 tatū similitudinem habet aqua. Saluum me fac Deus, quo
 niam aquæ (inquit Dauid) intrauerunt vsq; ad animā meam.
 Et rursus: Dominus assumpsit me de aquis multis, hoc est, tri
 bulationibus. Et Isaias: Dominus adducet super vos aquas
 flumi-

fluminis fortes & multas, Regem Assyriorum. Nec sine causa tentationes assimilantur vndis. Quicquid enim homines in aquæ periculo aut iamiam submersuri expetuntur, cogitant, loquuntur, faciunt, sperant, ac metuunt: hoc ipsum experimur, cogitamus, loquimur, facimus, speramus denique atque timemus. Id quod pulchrè nos docet Apostolorum periculum. Principis nemò nescit præsentius esse periculum hominibus in aquis, quàm in terris: quòd terra, non aqua, hominis proprium est elementum. Nec vllum animal sine periculo in alieno elemento degit. Quòd ergo Apostoli in aquis erant, seu in alieno, per se satis habebat periculi. Accedit ventorum vis atque turbo, cui nec resistere, quam nec fugere poterat. Ad hæc qui opem ferret, nemo aderat: & super hæc omnia Christus dormit. Multa hinc expertos esse Apostolos, plurima cogitasse, dixisse: omnia tēasse quis dubitat? Aderant iam desperationis prænuncij, metus ac fidē imbecillitas, idēq; in corporis tantum accōmuni periculo, CHRISTO præsentē. Et quid futurum erat CHRISTO absente, & in priuato animæ periculo? Si illud in Apostolis, quid in nobis? Si in extremo periculo tantum timoris & anxietatis, quid in scelerum conscientia? in doloribus mortis? in districti iudicij terrore, Inferniq; horrore? Hic certè fateamur necesse est, omnia fieri, quæ de Apostolis ante diximus. Prima cogitatio est de alieno elemento, quod stabile fundamentum non habet. Quis dabit mihi pennas, sicut columbæ, inquit quidam multo periculo sepius, & volabo, & requiescam? Deinde & alia cogitatio succedit: quòd ubiq; certa sint interitus indicia: vt cum Ieremia dicere possit: Aspexi terram, & ecce vacua erat & nihil: & cœlos, & non erat lux in eis. Vidi montes, & ecce mouebantur, & omnes colles conturbati sunt. Inruitus sum, & non erat homo: & omne volatile recessit. Tales sunt cogitationes eius qui in graui tentatione versatur. Tertiò quoque nullum effugium sperari potest. Sētentiam meam, inquit Iob, circūsepsit. Et denique quòd omnium grauissimæ tentationes onerat, ipse Deus dormire videtur. Et hic demum dicere primum est: Timor & tremor vengerunt super me: & cōtexerunt mē tenebræ. & cum Iob: Destruxit me vndique, & pereō. Ecce clamabo vini patiens, & nemo audiet, vt hostē me suū habet Deus: Simul venerunt la trones eius, & fecerunt sibi viā per me. Tales sunt cogitatio-

Psal. 54.

Ierem. 4.

Iob 19.

Psal. 54.

Iob 19.

nes dictaque eorum, qui in graui tentatione sunt constituti. Et sine Christo mergi atq; perire proximum est, vt Cain & Iudas Sed consolatio querenda est in Christo: vt Adam audiens promissionem seminis futuri, erigitur. Ideo autem hec longius enarrare libuit, vt dum aquas ad tentationes, nauim ad Ecclesiam conferimus: Apostolorum in nauis, & omnium in Ecclesia pericula atque tentationes consideremus. Et habet hæc consideratio suam quoq; vtilitatem, quantumvis insuauis & aspera. Parit enim sollicitudinem & prudentiam: vt in rebus secundis, cogitemus de aduersis, & perpetuo cogitemus de Deo. Deinde ad orationem impellit ardentiorē & fre-

Math. 6. quentiorē, vt dicamus: O Domine, non inducas me in tentationem. Terribid etiam falsam securitatem pellit eorum, qui sibi videntur sædus percussisse cum morte, & cū inferno pactum fecisse, nec cogitant, omnem huiusmodi securitatem si milimam esse statum, quam Nabuchodonosor vidit, quæ facile corruit, quod testeo pede innitatur. Atque vtinam omnium mētes huiusmodi cogitatio subeat. Videmus quotidie ferè nonnullos grauissimè tentari, & tantum nō in extremā desperationem deijci. Et vnde hoc? cur Deus permittit?

Cur. Sanè, iudicare quenquam temerè nolo, multò minùs præsumptuosè occulta Dei scrutari. Sed tamē scio diabolo nunquàm concedi viros etiā sanctissimos tentandi, vt in Iob
Iob. 1. videre est, & Paulus de seipso testatur. Cōtrā verò nō me fugit, ex Dei permissiōe homines ob peccata in eiusmodi inextricabiles tentationes incidere, vt in Saule videre est, qui propter animi sui impietatem, non modò spiritus sancti iacturam faciebat, verum etiam diabolo affligendus tradebatur. Sanè non parua tam multorum malorū causa est vitæ nostræ impietas. Ob hanc Deo permittēte prolabimur. Vos dereliquistis me, inquit, & ego dereliqui vos. Quot inueniuntur homines, qui pecudum instar prorsus impiè viuunt, non Deum cogitāt, animas negligunt, verbū Dei nūquā audiūt, nunquā orant, nullis Sacramentis vtuntur? Verum vbi conseruendi conseruandiq; spiritus sancti, abigendi verò maligni media respuuntur, quomodò Satan non omnem ibi potestatem suam exercebit? Non frustrā toties ad fidem, ad Sacramentorum participationem exhortamur: nō sine causa Christi mortis iam vicinus suos & orare & vigilare iussit.

Math. 26. Vnde. Videmus totum Christianum orbem horrendis infestari moti-

motibus eſſeque; alijs exercitio, alijs exitio. Sed quemadmodū
 tē, eſtas illa & turbo huius Euangelij nō ex ſeipſo, aut ex cau-
 ſa naturali aliqua obortus erat, ſed ex voluntate & imperio
 eius, qui producit ventos de theſauris ſuis, qui cōturbat pro- *Pſal. 134.*
 fundum maris, ſonum fluctuum eius, quōd diſcipulis metum *Pſal. 64.*
 incureret, metus eos ad orādum adduceret, oratio autē cum
 moueret ad operandum miraculum, miraculum homines ad
 fidem adduceret, adductos confirmaret: ita ſanē quos nūc vi-
 demus atque ipſi adeō experimur motus, fortuito euenire ne-
 mo ſanus dixerit. Ipſe Deus vel immitit tentationum flagel-
 la, vel per mittit mala, vt faciat inde bona: non vt exterminet,
 ſed vt ſanet & viuificet.

Et certē, quod diligenter animaduerti oportet, tum ma-
 ximē tentationes ingruunt, vbi maximam nobis pollicemur
 ſecuritatem: & contrā, vbi vehementior tentatio, ibi propin-
 quior liberatio. Id quod omnium piorū exempla demōſtrant.
 Securi nauim Apoſtoli intrant, & ecce ſubita tempeſtas. De-
 iecti animis ob tempeſtatem, & ecce repentina & tranquillitas
 magna. Adam ſecurus in Paradiso delicijs fruitur obla-
 tis, & ecce diabolus mulieri loquitur. Contrā, eiectus ex para-
 diſo promiſſionis conſolatione erigitur. Iſrael in Aegypto in
 maxima tranquillitate vivebat, & ecce mortuo Iosepho ſur-
 git alius Pharaō, qui non nouit Ioseph. Contrā, de perpetua
 ſeruitute triſtibus, adest liberator Moſes. Dauid in regem vn-
 ctus fortunā ſibi putabat benigniſſimam, ſed ecce ſtatim ag-
 minibus malorum inuoluitur: ex quibus omnibus præter ex-
 pectationem liberat eum Dominus. Talis natura maris eſt,
 cum placidiſſimum videtur, maximas tempeſtates minatur.
 Talis eſt & mundi huius curſus: qui cū maximē videtur tran-
 quillus, ſubitis & inopinatis concitatur motibus. Adeō non
 eſt integrū, vel Catholicæ Eccleſiæ in vniuerſum, vel cuiquā
 pio priuatā aliquā diuturnā in hac vita ſperare tranquillitatē.
 Quod ſciētes, ſapiētes erimus, ſi ſic vixerimus, vt nulla quan-
 tuinuis nobis in hoc mundo videatur inopinata aut inexpectata
 aduerſitas. Iacula enim præuiſa minus feriunt: & pul-
 chrū eſt prudentia mitigare, quod omnino nō licet eſſugere.

Duo autē ſunt, quæ huiusmodi motus nobis faciūt horribi-
 les: quorū alterū falſa quēdā ſecuritas, alterū incredulitas eſt.
 Et illi quidē mūdi huius cultores: huic etiā pij ſæpē obnoxii
 ſunt. Vtrunq; autē hoc Euāgelio refutatur. Nam cū videamus

incautos Apostolos tantis præter expectationem & spem inuolui tempestatibus, nos cōtinuè sollicitudinis admonemur, sicut scriptū est: Beatus homo qui semper est pauidus. Tum & fidei credulitatisque commonemur, quòd Christum tam citò sine difficultate ventis atque mari imperare cernimus. Ac de altero quidem aliquanto copiosius dicendum est, eò quòd dū in huius mūdi mari viuimus, tēpestatibus sumus expositi, & licet præuideamus: tamen non semper liceat declinare.

Imò verò quicunq; Christū cōfiteudo sequimur, hoc imprimis cogitare habemus, quod res est, nēpē nos esse in mari cū Christo, & multis aduersitatibus esse expositos. Mundus gaudebit, vos autem plorabitis & flebitis. In mūdo pressurā, in me verò pacem habebitis. Prædixit hoc veritas: testatur &

Acto. 14. Paulus: Per multas, inquit, tribulationes oportet nos intrare in regnū cōlorū. Errāt ergo qui cū res secūdū sunt, libēter se Christianos & Euāgeliū profitentur, quasi ob exigui tēporis

Matth. 16. quietē CHRISTI scholā subintrassent. Vult enim ut se sequantur, abneget semetipsos, & tollant crucem suā, & ita sequantur. Et duobus discipulis principatus terrenos appetentibus, respōdit de calice bibēdo, non de tēporaliter imperādo.

Matth. 20. Positō hoc fundamēto, quòd oporteat nos hic in mūdo per multas tribulationes ire, nec possimus effugere, cogitandum est, qua ratiōe mitigari possint aduersa. Ac principiò omniū cogitādum est, ne Christus in nobis dormiat. Dormit autem in nobis, quādo fides in nobis fluctuat, charitas frigescit, deuotio deficit, dormit, inquā, cū nos ipsos in periculis nostris videt dormire, stertere, ignauos esse ac supinos ad nostram ipsorum salutem, & præcipuè primores ecclesie. Huiusmodi ergo veternum excutere ante omnia necesse est. Sæpē enim causa est motuum somnus Christi in nobis. Nam etsi ipse qui non dormitat neque dormit, aliquando nobis videatur dormire, iste tamen somnus nihil nobis obedit: quando non ut amittat, sed ut conseruet & probet, sæpē quasi nō aspiciat nos, nec sciat, tacet, aut se subtrahit. Deindē in naui positi, in ipsa manendum est, vti fluctuet, manendum est, inquā, cum quietē & pacē, sine turbis. Meminerimus, non classem esse, sed nauiculā, in qua si multum rixari ac tumultuari voluerimus, facile nauicula euertetur, etiam si nullus ventus aut procella eam impetat, quātō magis id futurū est in tā valido vēto atque vndis? Quòd si qui rixātur, suo maiori periculo id faciunt. Ne-

siunt. Nemo propterea exiliat, nemo ex ecclesia deficiat. Si qui enim exilierint, in certam sese perditionem immergunt. Laboremus potius, oblectemur pro viribus, pro sua quisque vocatione. Cogitemus Christum, qui omnium rerum imperium in manu sua habet, nobiscum esse in ea. Certissimum enim est, quod primus ipse eam ingressus est ante discipulos: hi ipsi secuti sunt. Quod ingressus sit legimus, quod nobiscum cum ea manere velit, & legimus, & credimus, quod in ea nobiscum sit, toties experti sumus. Quod autem inde decesserit, quod nos sua praesentia illic destituerit, nusquam legimus: & propterea credere non possumus, nec debemus. In ea qui manet, is certe in adiutorio altissimi habitat, in protectione Dei commoratur. Ad has proprie promissiones pertinent: Cum ipsa sum in tribulatione, eripiam eam & glorificabo eam. *Psal. 90.* Ego vobiscum sum omnibus diebus, usque ad consummationem seculi. Non turbetur cor vestrum, neque formidet. *Matth. 28.* Cre- *Ioan. 14. 16.* ditis in Deum, & in me credite. In me pacem habebitis. Noli *Psal. 47.* timere Israel: quia meus es tu, & ego tecum ero. Quae sunt ergo istae naues aliae, quae mihi dicunt: Ecce hic est Christus, ecce hic est? Quomodo enim credam quia illic est? Ostendant, quando illuc venit, quid ibi fecerit. Quomodo, inquam, credam, cum ipse praemonuerit ne credamus? Nolite, inquit, credere, nolite exire. Quod verò in hac nauicula sit, dictis atque factis ostendit. Cur exirem? à quo trepidabo? Si consistant ad *Psal. 26.*uersum me castra, non timebit cor meum. Si exurgat aduersum me praellium, in hoc ego sperabo. Si ambulauero in medio umbræ mortis, inquit Dauid, non timebo mala, quoniam tu *Psal. 11.* mecum es. Magna profecto consolatio pijs est, scire, quod Deus sit nobiscum. Et quod toties animum in tentationibus despondemus, hæc causa est, quod de Christi praesentia dubitamus. Vnde fit ut impleatur in nobis, quod in Iob legimus: *Psal. 35.* Propter multitudinem calumniatorum, clamabunt, & ciulabunt propter vim brachij Tyrannorum, & non dixit, ubi est Deus, qui fecit me? Quasi dicat: Tentati clamant, sed non illico exaudiuntur. Contemnunt enim Deum, & nullam nostri curam habere putant: cum tamen tot tamque euidentia signa exhibeat suae praesentiae, in omni tribulatione & pressura nostra. Rogas, quae illa signa & argumenta sint?

Primum est, quod condidit nos. Nō dixit (inquit) ubi est *Iob 35.* Deus qui fecit me? Si nos Deus creauit, quomodo nos in ten-

ratione derelinquet? Alterum diuinæ præsentia est argumen-
 10b.35. tum, quod dat carmina in nocte (intellige) quarundam auium.

Cum enim nox formidabilis sit, cum propter tenebras, tum propter alium illud silentium, auium cantus formidinem hac quodammodo pellit. Vnde & in nocte, hoc est, tēratione Deus hominem non deserit. Tertium argumentum est diuinæ præ-

10b.35. sentia, ratio homini indita. Docet nos, inquit Iob, super iumenta terra, & super volucres cæli erudit nos. Ratio enim scernit inter hominem & bruta, secundum quam homo creatus est ad Dei similitudinem. Et quomodo non erit, ubi tam viuam sui imaginem impressit: ut sese homo contēplans nunquam non recordetur Dei creatoris sui, & apud ipsum stet.

Cum ergo tot signis Deus se nobiscum in nauicula esse testetur: cur non in ea apud ipsum perseueramus, etiam si mundus ideo nos odio habeat, quod ipse bona voluntate à mundo se creti sumus? sicut ipse ait: Verba mea seruauerunt, & crediderunt in me, propterea odit eos mundus. Et: Si de mundo suis seris, mundus quod suum erat, diligeret: nunc quia de mundo non estis, sed ego elegi vos de mundo, propterea odit vos mundus.

Sed inquis, quomodo manebo apud ipsum? Respondeo: Fides præstat, ut toti feramur in ipsum, nec siniti os ab ipso auelli. Quamobrem Christus arguit discipulos, qui ad alia præsidia cogitationibus ferebantur, aut certe etiam dormitiorem seruaturum esse eos à periculo minus recte credebant. Quid timidi estis modicæ fidei? quod si dicat: Verè credentibus tanta non adest timiditas. Timidi estis, sed cur id, nisi quod fidei vestrae id suadet imbecillitas? Habet enim fides, nihil incommo-
 72.1617 daturum ijs qui cum Christo sunt quodlibet periculum. Et hanc ipsam fidem haurire licet, cum ex verbo tum ex miraculis ipsius. Et cum exigua discipulorum fides reprehenditur hoc dicto: quid timidi estis modicæ fidei? necesse est nos in nobis corrigere, quod in illis tanta cum seueritate videmus corripi.

Verum fides radicata in homine quacunque ex causa, dummodò vera & genuina est, pulcherrimos ramos profert: securitatem mentis, & veram inuocationem. Et his ramis genuina fides secernitur à notha, seu (ut verius dicam) à presumptione. Genuina enim fides in tentatione persistit: & eos in quibus est, mirabiliter fulcit & sustentat: qualem Christus hic in Apostolis desiderat. Verum minus genuina labascit in persecutione. ut in Petri asseueratione, & sequenti statim negatione cla-

Nonne clarum est. Et si enim Petrus antea pronūciasset. Tu es *Matth. 16.*
 Christus filius Dei viui. tamen hanc fidem non fuisse radica-
 tā vero ac solido fundamento postea euentus docuit. Si enim
 radicata fuisset, iam repidē vt antea, Christum confessus fuis-
 set, securus mente Christum inuocasset: nec dubitasset se ser-
 uatum iri, etiam si in hac confessione occumberet. Sed timet,
 & ad precandū non accenditur. Sic in hac nauigatione etiam
 inquietas suas mentes produunt, nec vere orant, horrore præ-
 sentis periculi concutiuntur, non credunt, quod possit etiam
 dormiens corporaliter saluare. Ideo excitant eum, quasi po-
 tentiam diuinam impediāt à sua virtute sōpnus humanus.
 Talis erat & Marthæ fides, quæ putabat, si adfuisset Chri-
 stus, non potuisse mori fratrem, sed absentiam Christi cau-
 sam fuisse mortis in fratre. Qualis & illius fides erat, qui pro
 absentis filiae salute supplex factus, Veni, inquit, impone illi
 manum. Et Descende priusquam moriatur. Quasi absens non
 potuisset sanare. Hæc fidei imbecillitas in his arguitur: vt nos
 discamus recte in ipsum credere: & quantumuis nulla appa-
 reant humana præsidia, securis mentibus impavidos esse, se-
 posuāq; timiditate, verē inuocare, nec desistere ab oratione,
 etiam si non statim exaudiat. Nec nostrā multum refert, qui-
 bus animis hæc orandi formula ab ipsis Apostolis prodierit:
 sed quia fidei congruit recte intellecta, ea vt in similibus peri-
 culis possumus, credentes ipsum absentem: vt præsentē, posse
 suppetias supplicantibus ferre.

Hæc sunt, quæ in hoc Euangelio considerata & meditan-
 da nobis proponuntur, philanthropia Christi, qua omnibus
 benè facere desiderauit, quod aliquando secedendum sit ex
 mundi turbis, quod ipse sit, qui potestatem maris habeat &
 venti; deinde, quod tota ecclesia subiecta sit cruci & ærōnis,
 idq; sic ordinante Deo; & quod cuiusque sua tentatio & aduer-
 sitas maneat, quam Deus vel im mittit, vel per mittit, nunc ob
 probationem, nunc etiam ob peccata: vt vel diuis moniti respi-
 piscamus. Denique cum natura sit contraria & repugnans
 quasi malo: vt in Apostolis videre licet, nos si nō licet pruden-
 tia declinare aut penitus effugere aduersitates, quomodo de-
 beamus ea mitigare, quid in ipsa temptatione cogitandum fa-
 ciendumque sit, quæ summa est consolatio, hic docemur. at-
 que hæc omnia ideo: vt assuescamus, dū in hoc mari viuimus,
 multa patienter & cum spe perferre, quousque tandem illæ

perueniamus, quo nulla aduersitas appropinquat. Quo nos
 ducat is, qui in hoc Euangelio in nauim discipulos precessit,
 Iesus Christus in secula benedictus. Amen.

DOMINICA QUINTA

POST EPIPH. EVAN. MAT. XIII.

CUm autem turba plurima conueniret, & de ciui-
 tatibus properarent ad eum, dixit per similitu-
 dinem: Exiit qui seminat, seminare semē suum: &
 dum seminat, aliud cecidit secus viam, & concul-
 catum est, & volucres cœli comederunt illud. Et
 aliud cecidit suprà petram, & natū aruit: quia non
 habebat humorem: Et aliud cecidit inter spinas, &
 simul exortæ spinæ suffocauerūt illud. Et aliud ce-
 cidit in terram bonā, & ortum fecit fructum cen-
 tuplū. Hæc dicens clamabat: Qui habet aures au-
 diendi, audiat. Interrogabant autem eum discipu-
 li eius, quæ esset hæc parabola. Quibus ipse dixit:
 Vobis datum est nosse mysteria regni Dei: cæteris
 autem in parabolis: vt videntes nō videant, & an-
 dientes non intelligant. Est autem hæc parabola:
 Semē est verbū Dei. Qui autē secus viam, hi sunt
 qui audiunt: deinde venit diabolus, & tollit verbū
 de corde eorū, ne credētes salui fiant. Nā qui suprà
 petrà, qui cū audierint, cū gaudio suscipiunt ver-
 bū, & hi radices nō habent: quia ad tempus cre-
 dunt, & in tēpore tentationis recedunt. Quod au-
 tem in spinas cecidit, hi sunt, qui audierūt, & à sol-
 licitudinibus, & diuitijs, & voluptatibus vitæ eun-
 tes suffocantur, & nō referunt fructum. Quod au-
 tem in bonam terram, hi sunt, qui in corde bono
 & optimo audientes verbum, retinent, & fructum
 afferunt in patientia.

DOMINI V. POST EPIPH. 153
EADEM DOMINICA EPI-
STOLA, COLOSS. III.

Induite vos ergo sicut electi Dei, sancti, & dilecti, viscera miseri-
cordia, benignitatem, humilitatem, modestiam, patientiā: sup-
portantes inuicem, & donantes vobismetipsis, si quis aduersus ali-
quem habet querelam. Sicut & Dominus donauit vobis, ita &
vos. Super omnia autem hac charitatem habete, quod est vinculum
perfectionis: & pax Christi exulet in cordibus vestris, in qua &
vocati estis in vno corpore: & grati estote. Verbum Christi habi-
tet in vobis abundanter, in omni sapientia, docentes & commonē-
tes vosmetipsos, in psalmis, hymnis & canticis spiritualibus, in gra-
tia cantantes in cordibus vestris Deo. Omne quodcunque facitis
in verbo aut in opere, omnia in nomine Domini nostri IESU
Christi, gratias agentes Deo, & patri per ipsum.

SERMO.



QUOD sit optimi doctoris in Ecclesia officium,
scire permultum refert: vt & ipsi quid sibi in-
cumbat, & auditores quid ab ipsis expectare
debeant, sciant. Ignorato autem officio, aut illi
minus quā debeat, præstarent: aut hi plus
quā oportet exigerent. Sed Christus in hoc Euangelio
duo præcipua doctoris officia præstat: & suo, exemplo suc-
cessiores, vt idem faciant, hortatur & admonet. Nempe,
non solum admonendi sunt homines, vt quæ pia, iusta ac
sancta sunt faciant: verumetiam præmonendi, vt quæ mala
futura sunt, sedulo ac diligenter caueant. Idem Paulus fe-
cit, cū se testatur nihil prætermisisse eorum quæ ad salu-
tem auditorum pertineāt. Sed omnium absolutissimè Chri-
stus id præstitit in hoc Euangelio: cuius in docēdo fidem se-
quutum est Apostolorum in inquirendo studium. Et quis
miretur, recto omnia processisse ordine, tanto studio ac fide
auditoribus atque doctore consentientibus? Præstemus idem
nos: qui docent, docendo & præmonendo: qui audiunt, inqui-
rendo & obtemperando; & quidem in hoc ipso Euangelio.
Tale equidem est illud, vt summam & doctoris & audito-
ris requirat diligentiam: quod in primis hæc nostra tam tur-
bata respiciat tēpora. Proponit enim nobis in parabola eius,
non modò quod nos hoc tempore infestat, verū etiam egre-

Act. 20

giè adumbratur in ea vniversus status totius Catholicæ Ecclesiæ omnium temporum, hoc est, initium, progressus atque finis: ita planè, vt ex hac sola parabola liceat cognoscere, qualis fuerit, qualis nunc sit, & denique qualis tandè ad extremum vsq; futura sit. Nempe bonitas Dei declaratur & Satanz malitia. Et illius quidem bonitas in hoc, quod bonum semen seminando prodesse cupiat huius verò malitia, quod zizanium seminando obesse laboret. Et ideo in vna parabola hæc duo tam diuersa proponuntur, vt & Deus propter bonitatem suam glorificetur, & diaboli insidiæ machinæque euitentur.

Totum igitur Reip. Christianæ regnum contemplantes, multa in eo & horrenda mala cōsideramus, in verbi Dei pariter cursu atque omnium penè factis. Miratur summus ille philosophus, cu bonus sua natura sit Deus, nec possit ab eo quidem præter bonum aliquid procedere: vnde tāta mala in hominum vita? quæ causa sit tot malorum? Et nos non immerito miraremur de tantorum malorum causa, nisi ipse Christus eam hoc Euangelio referasset. Et si enim maxima pars hominum in Deum stomachantur, rebus sinistrè cadentibus, aut ipsis delinquentibus, acerbissime aliquid experientibus, & quasi ipse causa sit malorum, illud (vt quidam interpretantur) illi occinant: Peccavi, quid faciam tibi o custos hominum? quare me posuisti contrarium tibi, & factus sum mihi metipsi grauis? cur nō tollis peccatū meum? & quare non aufers iniquitatem meam? et si, inquā, malū zizaniamque alij Satanz, quasi nos omnino & planè extrā culpam essemus, inpingat: ad cor tamen redeunt, & Deum, qui non creauit malum, ab hac opinione vindicare, & nosmet hac in parte, quod nihil nisi nobis dormitantibus Satanas possit, accusare æquum est. Quia in re & Deo suus honos vindicatur, malitia Satanz præuidetur, & nos cautiore reddimur.

Nam quod ad Deum, in hoc Euangelio pulchrè assimilatue homini, qui seminauit bonum semen in agro suo. Bonum semen quod sit, ipse Christus explicat, vbi ait: Bonum semen, hi sunt filij regni. Et quomodo illos seminauit, & bonum semen ex illis fecit, nisi per bonum verbum suum? Voluntariè, inquit Iacob, genuit nos verbo veritatis. Ex adam sumus mali natura, & zizaniam: & si speciè habemus eritici ex creationis ratione. Et quæ admodum ager nisi colatur, meiā zizaniam germinat: ita filij Adæ, nisi à Christo renati fuerimus, inuti-

les her-

Iob. 7.

Iacob. 1.

les herbarum sumus. Multa de virtutibus, tanquam boni agri optimis fructibus scripserunt Ethnici. Sed quia ex Christo semine ortum non habuerunt, inanes palam iudicantur. Sed Deus seminavit bonum semen, ut scriptum est: Vidit Deus cuncta quae fecerat, & erant valde bona. Quod si omnia secundum creationis vigorem fuissent bona, mala unde essent? Deus neque mortem neque peccatum fecit, multo minus mendacium & errorem. Lux est, & tenebrae in eo sunt nullae. Aliunde ergo mors, peccatum, mendacium, error, tenebrae. Imò adeo Deus eiusdemodi Ioli nihil seminavit, ut morte, mendacio, erroribus, per peccatum in bono semine permixtis, ac tenebris obscuritatis omnibus, rursus demitteret iustitiam: quae morte & reliquis zizanij sublati, lux esset omni homini in hunc mundum venienti, bonumque ut semel seminaverat semen, suae integritati restitueret, & illud fructus produceret, & huius vitae, & vitae aeternae, quemadmodum Christus ipse ait: Aquam quam ego dabo bibituro, fiet in eo fons aquae salientis in vitam aeternam. Non ergo Deus inimicus homo, ille est: quia bonum ipse semen seminavit, & bonos fructus expectat: idcircoque impii illi tribuitur mali causa: ad quam impietatem merito mens Christiana exhorrescit.

Alius ergo querendus est homo inimicus, qui sit autor Ioli: tam perniciosi. Et quis ille? Audi veritatem ipsam. Inimicus (inquit) qui seminavit zizania, est diabolus. Et Salomon testatur, quod invidia diaboli mors introierit in omne genus humanum. Rursus Christus cum dicit homicidam esse ab initio, & mendacem, imò patrem mendacium. Zizania repugnat bono semini, mors vitae, mendacium veritati. Quoties ergo diabolus piorum actus vel impedit, vel falsis opinionibus depravat: quoties, inquam, Evangelicam veritatem vel omnino rapit, vel adulteratione corrumpit: toties zizanio suo bono semini officit. Ac de depravatione actuum pii clamant: Persecutus est inimicus animam meam. Humiliavit in terra vitam meam. Collocavit me in obscuris sicut mortuos seculi. Et: Usquequò obliuisceris me in finem? Usquequò auertis faciem tuam a me? Quandiu ponam consilia in anima mea? Usquequò exaltabitur inimicus meus super me? Et Paulus: Infelix ego homo, quis me liberabit de corpore mortis huius? Hos gemitus ediderunt pii, dum viderunt nunc se ab actibus pijs impediri: nunc etiam, quae pie fecerant, falsa opinione deprav-

Gen. 1.

Sapi. 2.
2. Ioan. 1.

Ioan. 1.

Ioan. 4.

Matth. 13.

Sapient. 1.

Ioan. 8.

Psalm. 142.

Psalm. 12.

Rom. 7.

1. Cor. 13.

uariis idque inimici hominis studio atque importunis sollicitationibus. De verbi verò zizania loquitur parabola illa Lucæ 8. Ipsi enim spiritus mali sunt volucres illæ cœli, quæ bonum semen iactum aut totum comedunt, aut seminantis laborem quacunque possunt ratione, impediunt. Nunc turbos ventorum concitat, hoc est, bella, persecutiones, calamitatesque infert, quibus impeditur fructus Euangelij: nunc etiam varias inanēsque cogitationes causat: ut verbi semen incogitantibus pereat: nunc curas seculi ingerit: nunc (quod omnium periculosissimum est) ipsum semen callida & fucata interpretatione adulterat, & ad varias cupiditates desideriaque detorquet. Ad eod laborat Satan, ut bonum semen seminantis Dei paternam ac bonam voluntatem impediat, expectationemque de nobis fallat. Scit enim nō nisi bono verbo Dei bonos filios regni fieri: & horū bonitatē ex recte factis tanquā fructibus meriti. Proinde vtrumque vitiat, & semen, & fructus seminis.

Neque hoc nunc solum nostris temporibus cœpit studiū (quanquam non sine causa videri possit totum hoc æuo infœlicissimo repullulare, tanquam in nequitie messe, quidquid vnquam lolij seminauit) sed iam inde ab initio, quā primum Deus bonum semen in hunc vniuersitatis agrum ad imaginem suam hominē condendo seminasset, eodem studio atque audacia pestiferum illud lolium (nostri fundi, calamitatem) in alienum agrum immisit. Dederat homini condito verbum suum Deus. quod fructificare potuisset boni, & quod iam acceperat conseruationem, & æterni apprehensionem. Sed venit inimicus homo: zizania insperlit: suggerit aliud verbum verò cōtrarium: per quod cœpit homo dubitare, essetne Deo potius habenda fides, an verò Satanz. Dubitationem sequitur inobedientia: inobedientiam variz erumnæ, miseriz, mors. Hoc primum puro tritico Satan admiscuit lolium. Rursus exhibita promissio de venturo semine Christo, in qua paucis fides veturi Christi permāsit. Et hoc ipsum lolium erat. Et Moysi tempore, quoties, quā bonum semen seminauit Deus? Sed quibus artibus lolium illud suum insperfit inimicus? Iam suo ipsius digito in tabulas lapideas legis suæ semen exarabat Deus. Intelligebat hoc inimicus homo: Exod. 31. & cū videret se nō posse deformare quod digitus Dei sculpserrat, vituli aurei adoratione Moſen, ut tabulas atque scripta projiceret, cominouebat. Faciebāt bonū seminem Samuel,

David, Elias, Ezechias, Iosias, & alij, sed quod contra studiū
in Pseudoprophetais corrumpendi seminis boni, deprauandæ
doctrinæ? Ipse filius Dei, veritas vera, optimū in propria per-
sona sementem faciebat. sed nec hic cunctatur inimicus ho-
mo: quoties illi obijcit, Scriptum est? Et licet hic semen quod
cupiebat, deprauare non poterat: alibi tantē errorē & mēda-
ciā spargit: mox scētas atque schismata deinde superbiam, avari-
tiam & alia scelera subinfert: denique & bella, seditiones, ex-
dei multiplicat. Videte ergo, quā non sit nouum, quod no-
stro deploramus seculo. Ab initio mendax est diabolus, ab
ipso initio lolium: & nunquam tantam tritici seminauit
Deus, quin semper lolium vel superaret, vel æquare multitu-
dine tritici. Nec aliud dum hic mundus stat, sperare possu-
mus. Impietatē maior pars semper minorem superabit, usque
ad diēni exustionis. In diluuiō octo tantū animæ iuuenie-
bantur, quas sua misericordia deus dignas iudicabat. In Sodō-
ma atque Gomorra ne decem quidem iusti inuenti sunt. *Gen. 7.*
Abrahæ temporibus duabus tantū familijs vera fides cōtine-
batur. De quo tot gemitus priorū prodierunt: Saluū me fac,
quoniam defecit sanctus: quoniam diminutæ sunt veritates *Psal. 11.*
a filijs hominum. Prophetas tuos occiderunt gladiis, inquit *Ierem. 9.*
Elias, & ego derelictus sum solus: & querunt animam meā,
vt auferant eam. Et Ieremias, Quis, inquit, dabit capiti meo
aquam, & oculis meis fontem lachrymarum: & plorabo in-
terfectos populi mei. Quis dabit me in solitudine diuerso-
rum viatorum: & derelinquam populum meum, & recedam
ab eis: quia omnes adulteri sunt, & ceterus prauitatorum. *Ibidem.*
Michæas queritur sibi accidere, quod isy qui in autumnō
colligunt racemos, & vix bonum inueniunt. Perne sanctas
de terra, inquit, & rectus in hominibus non est. Et denique *Mich. 7.*
Isaias, Si fuerit populus tuus Israel sicut arena maris, inquit,
reliquæ conuertentur ex eo. Hæc quærelæ ostendunt infor-
lix Satanæ lolium plurimam domini ægri partem semper
occupasse: quas recensere volui, ne quis nostrum Zizaniū
quasi nouam rem admiretur, vel ideo Ecclesiam non esse cu-
ræ Deo arbitretur.

Sed licet Zizaniā qualis sit, & eius autorem intelligamus
quis sit, nunquid ideo stomachandū est, & diabolo succen-
sendū? Vt hoc faciamus, nec mandatum nec exemplum le-
gimus. Hæc enim natura, hoc ingenium est Satanæ nec potest

ille sit similis non esse. Quid ergo? Nunquid satis est scire
Satanam lolium seminasse, & tantorum malorum causam esse?
Nunquid, si omnem nostræ perditionis culpam in ipsum re-
iecerimus, satis nosmet apud Deum excusauimus? Nō putō.
Enimvero prædictum est Satanæ ingenium quale sit, ita pla-
nè, ut Apostolus clarè edicat: Non ignoramus cogitationes

2. Cor. 2. eius. Transfigurat se in angelum lucis, inquit, & aded. rectè
se se insinuat sub aliena specie, ut diceret ipsum esse Deū, ipsi-

2. Cor. 11. usq; ductum esse sequendum. Ita fascinauerat oculos mēesq;

1048. 10. eū iudeorum tūm Etnicorum, ut miseri arbitrentur se
obsequium præstare Deo, si quos pios trucidarent & occide-
rent. Sic etiamnum sese apud imperitos insinuat callidè. Sua-
det auaritiā, vsurā, sed sub prudentiæ pallio; pellicit ad su-
perbiā, sed sub tituli dignitatisq; pretextu: ducit ad luxum
& crapulam, sed sub Christianæ libertatis velo. Et hęc ipsius

7. 11. 10

1. 11. 10

11. 11. 10

1. 11. 10

natura insinuat, eū Christus dicit, venisse hominem ini-
micum eū sua zizania dormientibus hoībus. Homines enim
noctē dormiunt. Et Satan noctu venit, ne agnoscat: eōq;
obscuritatem induit. Et Iob dicit eum in secreto calami esse,
ne manifestetur. quia si ut per se est, veniret, tantus esset eius
horror, ut nemo ipsum admitteret. Idē in obscuro laet, &
alieno velo sese hominibus insinuat.

Apptissimè ergo Christus in parabola addit tempus illius.
Dormientibus hominibus, inquit, venit inimicus homo, &
superseminauit zizania in medio tritici. Et quid vult Chri-

Matth. 13. stus his verbis, nisi quoddā nostra plerumq; culpa tantum po-
testatis Satan in agro Dominico exerceat? Gravis certè celi
tacita comminatio hęc est socordię somnolentięq; eorum
maximè, quibus tanquam speculatoribus domus Israel cura

Ezech. 33. cōmissa est. Speculatorē te dedi domus Israel. Si quis tua ne-
gligentia perierit eius sanguinem de manu tua requirā. Hoc
illud est, quod nos omnes tangit. non modò quos Ecclesijs
Pastores pręposuit Dominus, sed & quibus singulę domus
atq; familię cōmissę sunt. Idēq; hic mihi diutius aliquātō
insistendum est, si forte excipri officium fecerint suum pasto-
res atq; patres familias. Et ipsis quidem Apostolorum tem-
poribus fuit quibusdam & reprehensa est isthęc socordia seu

Apo. 2. negligentia. Sic enim spiritus Dei quendam alloquitur: Scio
opē tuā, & laborē, & patientiam tuā, &c. Sed habeo ad-
uersum te pauca, quoddā charitatem tuā primam reliquisti.

Memor esto

Memor esto itaque vnde excideris, & age pœnitentiã, & prima opera fac. Et ad alium: Scio opera tua, quia nomen habes quod viuas, & mortuus es. Esto vigilans, & confirma cœtera quæ moritura sunt. Et mox: Si ergo non vigilaueris, veniã ad te tanquã fur: & nescies qua hora veniã ad te. Et ad tertium: Scio opera tua, quia neq; frigidus neq; calidus es. Et mox: Incipiã te euomere ex ore meo. Sed post Apostolorũ temporã grauior hic somnus atq; negligẽtia fuit: factũq; est, quod de Israele scriptũ legimus: Seruiuit populus Dño cũctis diebus Iosue & seniorum, qui longo post eum vixerunt tẽpore, & nouerant omnia opera Dñi, quæ fecerat cum Israel. Illis autẽ mortuis surrexerunt alij, qui non nouerunt Dominum, & opera quæ fecerat cum Israel: fecerũtq; filij Israel malum in conspectu Domini. Talis etiã post Apostolos cõditio erat Ecclesiæ languescẽte spiritu: somnus & ignauia robur sumptuãt. Id quod omnes historiæ testantur. Eò plus & occasio- nis & loci inimicus homo suus inuenit zizaniz. Quid enim si naus subuertatur dormiente nauclero? Nemo miratur, si stertente pastore lupus ouem surripiat, gregẽmq; dissipet. Somnus & inertia etiã in rebus externis suum incõmodum habent. Per agrũ hominis pigri transiit: & ecce totũ operæ rant spinæ. Egestatem operata est manus remissa. Vsq; quod dormies piger? Paululũ dormies, paululũ conferes manus tuas, vt dormias? & veniet tibi quasi viator egestas: & pauperes, quasi vir armatus. Et quidẽ in rebus externis negligẽtia paucorum paucis officit, & refarciri potest negligẽtiæ damnũ: in spiritualibus rebus non itẽ. Nõ enim per negligẽtiã perditẽ animæ vlla diligẽtia reuocari possunt ad salutẽ. Et vt vnus hominis diligẽtia plurimis cõmodat: ita vnus etiã negligẽtia percunt multi. Propterea Christus atque Apostoli diligẽter ad vigilantĩã hortati sunt. Vigilate, inquit, Christus, & orate, vt non intretis in tentationẽ. Beatos etiã seruos illos pronunciat, quos cũ venerit Dominus, inuenerit vigilantes. Et Petrus, Sobrii estote, inquit, & vigilate in orationibus vestris. Idquẽ idẽ, quod aduersarius noster tanquã leorupiẽs circuit, quærẽs quem deuoret. Et Paulus: Hora est iam nos de somno surgere. Nunc enim propior est nostra salus, quã cũ credidimus. Et: Exurge qui dormis, & exurge à mortuis: & illuminabit te Christus. Et: Nõ dormiamus sicut ceteri, sed vigilemus, & sobrii

Apoc. 3.

Ibid.

Iud. 2.

Prov. 24.

Prov. 10.

Prouer. 6.

Matth. 26.

Luc. 12.

1. Pe. 5.

Rom. 13.

Eph. 5.

1. The. 5.

Psal. 4. sumus. Et in veteri testamento Dauid: Filij hominū vsquequō graui corde? Talibus ubiq; dictis ad vigilantia cohortamur. Et quid ita? Vt scilicet vigilianti semper in nostras animas tanquam prædam inhianti diabolo resistamus vigilantes.

Et quomodo? Deū mali causam affirmare audeamus, qui, dum necesse est vt veniant scandala & mala, normam cauendis malis præscripsit? quomodo, inquā, nosmet excusabimus de zizania, quæ vix certè immitti potest sinē nostra culpa: aut certè si immittitur, si vigilaremus, radices tamen nullas agere potest? Omnis nobis adēpta est excusatio. Nam quod nobis dormiētibus inimicus homo superseminauerit zizania, audi-

2. Petr. 3. mus. Ad hæc prædicta sunt zizania copiosissimè his nouissimis temporibus exoritura. Hoc scientes, inquit Petrus, quod venient in nouissimis diebus in deceptione illusores, iuxta proprias conscientias ambulantes, dicentes: Vbi est promissio aut aduentus eius: Ex quo enim patres dormierunt, omnia sic perseverant ab initio creaturæ. Latet enim eos hoc volentes. Et: Erunt in vobis magistri mēdaces, qui introducent sectas perditionis: & cum qui enit eos Deum, negant, superducentes sibi celerem perditionem. Per eos via veritatis blasphemabitur, & in avaritia fictis verbis de vobis negociabuntur. Et Paulus, Ego scio (inquit) quoniam intrabunt post discessionem meam lupi rapaces in vos, non parcentes gregi. Propter quod vigilate, attendite vobis & vniuerso gregi, in quo vos Spiritus sanctus posuit Episcopos, regere Ecclesiam Dei, quam acquisiuit sanguine suo. Et ad Timotheum scribens. Hoc, inquit, scito, quod in nouissimis diebus instabunt tempora periculosa: & erunt homines seipso amantes, cupidī, elati, superbi, blasphemī, parentibus non obediētes. Hōs deuota. Tu verò permāne in ijs quæ didicisti, & credita sunt tibi, sciens à quo didiceris. Videte, hoc modo Apostoli nobis zizania hominis inimici depinxerūt, prædixerūt, & vt cauēmus monuerūt. Ad hæc Paul. adhuc monet, vt induamur armaturā Dei, vt possimus stare aduersus insidias diaboli. Quo-

Act. 20. niā nō est, inquit, nobis colluctatio aduersus carnē & sanguinē: sed aduersus principes, & potestates: aduersus mūdī rectores tenebrarū harū, contra spiritalia nequitie in celestibus. Quum itaque tam multifariam admoniti sumus, & tam clare nobis res futuræ sunt prænunciatæ: non est vt diabolo indignemur. Nos ipsi incusandi sumus, quod nocentissimo

Ephes. 6. spiritui lo-

Spiritus locum damus ad perturbandum omnia. Christus in nullum alium quàm in nos & inertiam nostram trāsferet culpam. An non res est plena horroris, præsertim pastoribus, primatibus, & patribus familiis, quòd in extremo iudicio accusandi sunt tanquàm ij, quorum culpa omne istud zizanium inspersum est & natum, quod nunc in ecclesia tam dēsum apparet, siue doctrinam, siue cultum, siue vitam respicias? Si ipsa zizania in extremo die per angelos colligenda, & in igne mittenda est, quæ suæ naturæ dissimilis esse non possit: qui tandem sententia ferientur, qui ut imitteretur illa, causa sunt, imò ipsi zizania? Sed timeo me nihil querelis effecturum.

Agite ergo, plenus est ager Domini zizanijs adulteratum est verbum Domini: & qui generantur ex eo, non filij sunt regni, sed exitij æterni: quotidie ipsorum vita ex impietate robar accipit, & latè ramos expandit. Non est huius temporis ire & colligere zizaniam, in fasciculos, & in ignem mittere. Ne fortè, inquit Christus, colligentes zizaniam, eradiceis simul &riticum. Scimus, quid dictum sit animabus sub altari vindictam sanguinis sui postulantijs: Modicum tēpus expectandum est: nondum completi sunt cōsueti & fratres eorū. Si nite vtrāq; crescere, inquit Christus, ut manifestus ex suis fructibus cognoscatur zizania. Non quidem sic intelligi vult, ne Magistratus gladio in scelera animaduertat: sed q̄ nō sit cuiusq; professionis id facere. Et vult tolerari ad tēpus eos qui zizaniā fide vitāq; referūt. Qua in re summa Dei prædicatur patientia, q̄ tardus procedit ad supplicij. Ignoras o homo, quoniā benignitas Dei ad pœnitentiā te adducit? Nihil tamen est, quare tibi blandiantur impij, veluti securis ipsis liceat in impietate viuere, in tempore messis (inquit Christus) dicam messoribus: Colligite primum zizania, & alligate ea in fasciculos ad comburendū: Impius ad diem malū differtur. Ille dies in lucem proferet quæ nunc abdita putantur. Tota

Math. 13.
Apoc. 6.

Rom. 2.

Pro. 16.

1. Cor. 4.

Ierem. 12.

2. Mach. 6.

Ecl. 5.

pore vindictæ disperdet eos:quãdo filius hominis mittet angelos suos, & colligent de regno eius omnia scandala, & eos qui faciunt iniquitatem, & mittent eos in caminum ignis. Ibi

Matt. 13. erit fletus & stridor dentium.

Ibid. Interim nos seruos sequamur huius Euãgelij. Primò queramus: Domine, nonne bonũ semẽ seminasti in agro tuo? Vnde ergo habet zizania? hoc est, admiremur vndẽ nã tanta maiorũ lues in Ecclesiã fluxerit. Deprehẽdemus nimirũ eius rei Deũ non esse authorẽ, vt à quo iam inde ab initio omne bonũ profectũ sit: imò deprehendemus diabolũ quidẽ illius zizaniĩ satorẽ esse, sed tamẽ per nostrã negligentĩã. Hinc occasione nacti, cũ nobis ipsis expostulabimus, & corã Deo nos accusabimus: imò nosmet iudicabimus, vt non iudicemur à Domino. Secundò, vehementer nobis displiceat, quicquid in Ecclesia prauũ atq; iniquũ est: idq; recta intentione, nõ propter dispendiũ aliquod corporale, quod nonnulli solũ timet: sed qd nomẽ Dei prophanatur, Ecclesia labefactatur, & multa hominũ milia corpore atq; anima miserẽ pereũt. Hunc in modũ Paulo displicebat zizaniũ, quod in medio Corinthiorũ reperiebatur, idq; vehemẽter augebatur. Timeo, inquit, ne fortẽ cũ venero, nõ qualis volo inueniã vos: ne fortẽ contentiones, & emulationes, elationes dissensiones, detractiones, inurmurationes, & alia id genus zizaniarũ inter vos sint: ne itetũ humiliet me Deus apud vos, & lugeã multos ex ijs, qui ante peccauerunt, & non egerũt poenitentiam super iniquitãtia quam fecerũt. Et ad Philippenses scribẽs de eadem zizania queritur. Nulti, inquit, ambulant, quos sæpẽ dicebã vobis, & adhuc sēs dico, inimicos crucis Christi. Talis erga triticum bonum affectus sit omnium oportet.

Tertiò hãc displicentiã sequatur querela ad Christũ, qui
Psal. 73. verus est pater familiars: vt Dauid, Vt quid Deus, inquit, reperiisti in finẽ? iratus est furor tuus super oues pascuẽ tuã? Vsq; quò Deus improperebit inimicus? irritat aduersarius nomẽ tuũ in finẽ? Quãta malignatus est inimicus in sancto? &c. Memor esto congregationis tuẽ quã possedisti ab initio. Venerũt gẽtes in hereditatẽ tuã, polluerũt templũ sanctũ tuũ. Vsq; quò Dñe irasceris in finẽ, accedet velut ignis zelus tuus? Ne memineris iniquitatũ nostrarũ antiquarũ: citò anticipet nos mĩx tuẽ, qui pauperes facti sumus nimis. Vide, hoc patet Dauid Deo de zizania inter populum Dei orto cõquereretur. *Id.*

batur. Interim tamē ingenuē cōfitebatur eā pēssē ipsis ob ipsorū peccata obuenire. Idē nos quoq; faciamus. Nā qui communibus Ecclesiæ calamitatibus non tãgitur, verus & ingenuus Christianus nō est. quales, heu, plurimos nūc inuenies, quos nihil mouet, quid in Ecclesia rectē vel secus geratur, modò illorū quæstui nihil decedat. Sed hi serui in Euāgelio statim vt zizaniā animaduertunt, ad Dñm accurrunt, & de vitio seminis querūtur. Quartò, etiā Deū Opt. Ma. rogemus, vt ipse Ecclesiā suā purgare dignetur ab omni zizania, errore, mendacio, peccato: deinde fideles operarios in ipsius messem mittere. Postremò cū intelligimus quanta Ecclesiæ calamitas sit propter illud lolium, & quanti laboris bonū seminā zizaniarū consuetudine contag. q; illæsum ac genuinū teruare: in posterū vigilantiores simus. Quod si aduersarius noster nunquā nō peruigil in nostrū exitū excubat, certē neque nos odio addictos esse oportebit. Et quod ille volētius & crudelius sœuit, hoc magis bonarū rerū studio intēti esse debemus. Nō imitemur ignauū vulgus, nō remittamus manus pedēque, vt multi inertes, qui nihil operis adhibere cogitant, donec ipso progressu temporis in melius omnia mutetur. Id quod iniquē factū est. Pro nostris verò quisque partibus adlaboremus necesse est. Si neq; uimus zizaniā sine tritici detrimento penitus tollere, saltē hoc agamus nostra sedulitate & cura, ne diabolus zizaniā zizaniæ superaddat & cumulet. Satis iam plus satis fratres, satū est malorum. Quod si nihil nos mouent cōmunia mala, quæ nūc ante oculos cernimus, eò qd nidū nostrū putamus in alto positū, vt nō possit nos malū attingere: saltē futura cogitemus. Duo Christus Euangelio addit nouissimē tandē vētura: quorū alterū bonorū, alterū malorū est. Tūc fulgebūt iusti sicut sol. Primò, nihil in eis nigro ris residet. Secūdò, splendebunt, ac nitore quodam admirabili clari erūt. Habēt enim & in hac vita suā lucē: sed quia sub cruce sunt, nōnulla in eis nigredo manet, cū lachrymis olim ab oculis eorū abstergēda. Et licet hīc filij Dei sint, nondū tamen apparet quid futuri sint. Tertiò splendebūt, nō sicut luna, sed sicut sol. Illa enim vicissitudinē habet, hic verò perpetuitatē. Hec nobis etiā promittūtur, & nobis futura produntur, si pij fuerimus, & nō modò in nobis zizaniæ locum non dederimus, verum etiā alijs, vt benē faciāt, occasio fuerimus. Sicut in hodierna Epistola Paulus monet. Induite vos, in-

Apocal. 22.

2. Ioan. 3.

Colo. 3.

quit, sicut electi Dei, sancti & dilecti, viscera misericordiz, benignitatem, pietatem, &c. super omnia autē hęc charitatem habere, quod est vinculū perfectionis, & pax Christi exultet in cordibus vestris. Et: Verbum Christi habitet in vobis abundanter. Et certē oportebat nos id sedulō diligētēque facere, tantę promissionis adducti magnitudine. Quod si nec sic quidem, quod nostri est officij facere delectat, si minor est incomprehensibilis promissio, quā ut bonū esse semen velimus studeamusque, agite, quæ mala malos maneant, cogitate. Tunc (inquit Christus) mittet filius hominis Angelos suos, & colligent de regno eius omnia scādala, & eos qui faciunt iniquitatem, & mittēt eos in caminū ignis. Ibi erit fletus & stridor dētium. Prædictū est, quodd in omnes impios certō futurū sit: & is qui prædixit verax & omnipotens est, & faciet: ut nec pij proposita promissione fraudentur, nec impij denunciata pœnam euadant. A qua nos clemens conseruet, tucatur & custodiat, qui nos bonum semen sui agri, hoc est, filios regni, & non zizaniā inextinguibili flamma combutendam esse voluit, Iesus Christus in secula benedictus. Amen.

Dominica sexta post Epiphaniam Euangelium. Math. II. Confitebor tibi pater Domine celi & terra. Sermo vñstantium in Homiliario. Ex quo n̄ sumō potest, & in Epitomen inseri.

DOMINICA SEPTVAGESIMAE EVANG. MATT. XX.

Simile est regnum cœlorum homini patrifamilias, qui exijt primo mane conducere operarios in vineam suam. Conuēctione autem facta cū operarijs ex denario diurno, misit eos in vineam suā. Et egressus circa horam tertiam, vidit alios stantes in foro ociosos, & dixit illis: Ite & vos in vineam meam, & quod iustum fuerit dabo vobis. Illi autem abierunt. Iterum autem exijt circa sextam & nonam horā, & fecit similiter. Circa vñdecimam verō exijt, & inuenit alios stantes, & dicit illis: Quid hic statis toto die ociosi? Dicunt ei: Quia

nemo nos

nemo nos conduxit. Dixit illis: Ite & vos in vinea meam. Cum sero autem factum esset, dicit Dominus vineæ procuratori suo: Voca operarios, & redde illis mercedem, incipiens à nouissimis vsque ad primos. Cum venissent ergo qui circa vndecimam horam venerant, acceperunt singuli denarios. Venientes autem & primi, arbitrati sunt, quodd plus essent accepturi. Acceperunt autem & ipsi singulos denarios. Et accipientes murmurabant aduersus patrēfamilias, dicentes: Hi nouissimi vna hora fecerunt, & pares illos nobis fecisti, qui portauimus pondus diei & æstus? At ille respondens vni eorū, dixit: Amice, nō facio tibi in iriam. Nōne ex denario conuenisti mecum? Tolle quod tuum est, & vade. Volo autem & huic nouissimo dare sicut & tibi. Aut non licet mihi, quod volo facere? An oculus tuus nequam est: quia ego bonus sum? Sic erunt nouissimi primi, & primi nouissimi. Multi enim sunt vocati, pauci verò electi.

E A D E M D O M I N I C A E P I S T O L A, I. COR. IX. ET X.

Nescitis, quod ij qui in stadio currunt, omnes quidem currunt, sed vnus accipit brauiū? Sic currite: vt corāprehendati. Omnis autem qui in agone contendit, ab omnibus se abstinēt, & illi quidem vt corruptibilem coronam accipiant, nos autē incorruptam. Ego igitur sic curro, non quasi in incertum: sic pugno, non quasi aerem verherans. Sed castigo corpus meum, & in seruitutem redigo, ne fortē cum alijs predicauerim, ipse reprobus efficiar. cap. 10. Nolo enim vos ignorare, fratres, quoniam patres nōstri omnes sub nube fuerunt, & omnes mare transierunt, & omnes in Mōse baptizati sunt in nube, & in mari. Et omnes eandem escam spiritalem manducauerunt, & omnes eundem potum spiritalem biberunt. Bibebant autem de spiritali, consequente eos Petra. Petra autem erat Christus.

S E R M O.



AEPE aliàs dixi atque etiam nunc dico: Optime meritos esse de ecclesia maiores nostros, qui pro sua in Deum pietate, & salutis multorum sollicitudine, tanta industria diligentiaque, tam accurate omnia disposuerunt, ut & nulla circa

1. Cor. 14.

fidem obreperet erroris confusio, & in religione Christiana ad pietatem nulla deesset occasio. Neque enim Apostolico præcepto, quo omnia decenti ordine in ecclesia fieri iubentur, tantum obediuerunt, sed multis etiam ad pietatem occasionem dederunt. Nec dubito, quin si nostri seculi homines illorum meritos rectius considerassent, & quæ nunc ordinis bene in ecclesia constituti rutione sequatur omnium ferè confusio intelligerent, non sint sese aliorum exposituri risui, imò rectius de aliis bene merentibus iudicarent, & pios non conturbarent,

Galat. 5.

& iudicium effugerent. Quanta enim industria maiores nostri omnia disposuerunt? Ecce vel ea solum quæ hodie in ecclesia agimus, Præter enim consuetum nomen Dominicæ dici, hodie etiam Septuagesimæ nomē recurrit. Reddeunt nuper sepositæ v. s. pullæ, intermittitur visitata ecclesijs nostris læta

Matth. 20.

cantio Halleluih. Omnia tristitiæ speciem habet. Ad hæc sic

1. Cor. 5.

Euangelica lectio cum Epistola conueniunt hic ad certamen & cursum, illic ad hortemur ad laborē. Et licet hoc solum aliquid gaudij præ se fert, quod post certamen & cursum brauium, post laborē datur denarius: tamen quia illud tristitiæ multum habet, quod æqualis merces datur & his qui vna hora tantum laborauerunt, & qui totius diei pondus portauerunt & æstus, quam grauis Euangelij epilogus, primos fore nouissimos, & nouissimos primos? Ad designandā tristitiā, Euangelium, Epistola, vestes, cantus, & omnia hodie consentiunt. An fortè hæc fortuito ita conuenire dicemus? An obiter consuetudinē hanc in ecclesiam irrepsisse iudicabimus? An uti abusus ē medio tollenda erunt? Nemo sanæ mentis hoc vnquam dixerit. Agitur ergo, quid hæc sibi velint omnia explicemus: quid designent, quidue à nobis exigāt, perquiramus. Principiò igitur, quæ ratione huic diei nomen Septuagesimæ inditum sit, videamus.

Totius anni tempus in quinque partes diuisum est in ecclesia: idē, quod sicut in legitimo matrimonio quinque accidunt: ita etiam in ea quæ inter Deum atque hominem est coniunctione, quinque conigerūt. In matrimonio primum est pro-

est procuratio. Secundum, stipulatio. Tertium, nuptiarum dispositio. Quartum, ipsæ nuptiæ. Quintum, fructus coniunctionis. Omnia hæc in Dei atque hominis coniunctione sunt. Neq; enim ipse Deus dubitat hac similitudine uti: ut in Oseâ scriptum est. Sponsabo te mihi (inquit) in sempiternum, & sponsabo te mihi in iustitiâ, & iudicio, & in misericordia, & miserationibus, & sponsabo te mihi in fide. Atque iuxta hanc promissionem Christus Iesus saluator primùm sibi associavit nostram naturam: deinde etiâ de suo spiritu nobis impertivit. Et omnia illa quæ in matrimonio accidunt, seu fieri cõsueverunt, in hac cõiunctione sunt. Nam ab Adam primo ad Christum usque, tempus procurationis erat: quo multa de futura Christi atque ecclesiæ coniunctione trãfacta sunt. In conceptione facta est vtriusque naturæ stipulatio. A baptismo ad resurrectionem usque nuptiarum facta est dispositio. At resurgens celebravit nuptias. Missio verò & cõcepto spiritu sancto, cœpit ecclesia Deo novos parere homines. Ecce his quinque partibus totum illud nostræ redemptionis mysteriũ concluditur. An non autem quælibet pars digna est, quæ sæpè & multum cogitetur? Hanc ergo ob causam totius anni tempus in quinque partes diuisum est: ut quælibet pars suo tempore in ecclesia & doceatur, & consideretur. Primam ergo partem aduentus Christi refert, in quo & promissiones diuinæ, & sua spiria, vota, petitionesque piorum hominũ recensentur, quæ omnia vtrinque collata sunt quasi procuratio quædam. A natali Domini usque ad hanc diem stipulatio celebratur, hoc est, nostræ carnis in Deum assumptio, & ipsius bonorum participatio. At hodie nuptiarum dispositio initium sumit, quando non solum quomodo spõsus Christus sese ad nuptiarum illa crucis solennia præparauit: verũetiã hoc docetur, quæ nostra requiratur honestas vitæ ac mundities fidei, qui non modo ad eas nuptias vocamur, verũetiã ipsi membra sponsæ efficimur. Et quia de procuratione & stipulatione hactenus à prima aduentus Dominica audiuius: tũm de nuptijs atque admirandæ huius coniunctionis fructibus, Resurrectionis, Ascensionis atque Pentecostes solemnij post hanc quam modo auspiciamur, Septuagesimam, futuris, tractaturi sumus: hic tantũ de nuptiarum dispositione seu præparatione placuit sermonem habere: ut & quæ sponsi sit ad istud negotiũ, quæq; nostra ad idem debeat esse diligentia curaque, consi-

deremus & discamus. Vtrunque autem Euangelium & Epistola, & vestes & cationes, abundè satis docent. Proinde quod ad sponsum, tria considerata sunt precipue. Principiò, cuius modi bona sponsæ suæ largiatur, deinde quales cõuiuatores, & vnde, quo etiam tempore, per quos vocet & inuitet: postremò, vbi has nuptias celebret. Et hæc quidem omnia Euangelium cum annexa Epistola habent. Euangelium enim denarium diurnum testatur à patrefamiliâs per procuratorem dari. Epistola verò (siue mercedem siue donationem dixeritis) brauium appellat. Et in denario isto nõ modò vniuersalis corporum resurrectio eorũque cum animis glorificatio, verũ etiam qualitas quodammodò æternæ vitæ presentatur. Nam omnibus operarijs in hac vinea idem denarius datur: & omnibus qui in hanc vineam vocati laborauerunt, eadẽ vitæ æternæ retributio dabitur, quantum ad essentiam fœlicitatis, non quantum ad diuersitatem mansionum. Sed hoc peculiare habet denarius, quod imaginem Regis repræsentet: & qui hunc habet, Regis imaginem habet. Homines quoque ad imaginem & similitudinem Regis Regum conditi sumus: sed peccato deformes facti, ipsam imaginem amiseramus. Reddita verò imagine Dei Regis, quam simillimi Regi efficiamur, hoc est, iustitiam originalem recuperamus amissam. Iam verò, quemadmodum denarius iste non secundum qualitatem & pondus operis datur: sic etiam brauium, non luctantium ob vires, aut currentium propter velocitatem proponitur, sed pro Domini liberalitate promittitur. Atque hic nobis inuitur, vt intelligamus, cui vitæ æternæ donum acceptum ferre debeamus. Nihil enim est aliud vita æterna, quàm gratuita corporis animæq; plena sine admittendi timore ex ipso Deo tanquàm summo bono profecta fœlicitas. Hanc ipse Deus promisit per filium, pij omnes tot suspensijs appetierunt, credimus atque expectamus omnes. Propter hanc **C H R I S T V S** omnia fecit, seseque in mortem ignominiosam pro nobis tradidit. Ideoque si præstantiam eius non capimus, quo pretio filius ipse Dei eam præparauerit atq; cõemerit nobis, cogitemus. Vnde Paulus hortatur dicens: Empti estis pretio magno, glorificate & portate Deum in corpore vestro. Et hoc primum in Christo considerandum est. Nunc secundum peruestigemus: nempe cuiusmodi cõuiuatores, & vnde, quo etiam tempore, per quos vocet. Et si au-

ect: Et si autem æqualis merces detur inæquali modo & tempore operantibus, & pro sua voluntate Deus misereatur cui *Exod. 32.*
vult, nec ideo Iudæi, qui sudarunt in lege tota die, aliquid cõ-
tra Gentes, qui vñdecima venientes vna hora laborarunt, ha-
beant quod cum suo fructu obmurmurent: tamen aperte hic
indicatur non nisi operantes ad remunerationem vocari. Pa-
ter enim familiâs procuratori ait: Voca, non otiosos, non de- *Matth. 20.*
fides, sed operarios. Ideoque nemo ad percipiendam opera-
riorum mercedem vocatur, nisi qui operatus fuerit. Duplex
enim vocatio est: altera ad laborem, altera ad mercedem.
Nemo quidem negauerit, nos sine præcedentibus meritis
ad gloriâ regni vocatos esse. Nam cum Christus ad vocan-
dum, misit Apostolos, nullius meriti meminit, sed ait: *Marc. 16.*
Qui crediderit & baptizatus fuerit, saluus erit: verum si hinc
quis velit corrigere, nihil referre, qualem post vocationem
vitam viuamus, sicut nihil obsuit prior vita, nec profuit ad
salutem: nihil aliud egerit, quàm si cum ratione insaniat.
Nam vt omitam quòd iuxta parabolam hanc operarij tan-
tùm ad mercedem vocantur, & quòd in stadio currendum, *1. Cor. 9.*
in arena luctandum est: ipsa iudicis futuri sententia satis per
se intellecta hoc aperte demonstrat, & benè agentibus post *Matth. 5.*
vocationem manere regnum paratum, & malis, non ijs mo-
dò qui malè egerunt, sed & illis qui benè agere recusarunt,
manere ignem perpetuum. Quemadmodum etiam alibi se
venturum esse dicit reddere vnicuique secundum opera sua.
Atque hæc duo diligenter consideranda sunt. Primum nos *Matth. 16.*
pro nullo nostro opere bono vocari, nec referre quam vi-
tam antea viximus, abludente nos baptismo ab omni im-
munditia, & sanctificante nos sanguine immaculati agni
Christi: deinde, non modò occludi illam patriam malè agen-
tibus; sicut quondam ex omni numero populi Iudaici duo
tantum Iosue & Caleph in promissam terram introducti
sunt: sed vnicuique etiam pro qualitate operis manere remu-
nerationis gloriâ, vt Christus in Ioanne testatur, in pa-
tris sui domo mansiones multas esse. Sicut & Romani olim
pro cuiusque factis diuersa honorum insignia conferre so-
lebant, vt sunt coronæ Triumphales, Ciuicæ, Obsidiona-
les, Murales, & id genus alia. Ideoque non cum impijs di-
cendum esse: quòd transitus vmbræ sit tempus nostrum; eoque
fruendum esse bonis quæ sunt, & creaturis tanquam in iu-

Sapient. 2.
Ioan. 12.

- uentute vtendum esse, celeriter edendum hibendumque esse: cras enim moriendum esse: sed magis cum Paulo dicentibus: **1. Cor. 7.** dum esse: Tempus breue est, & eoque qui vxores habent, sint **Galat. 6.** tanquam non habentes. Et, Dum tempus habemus operemur bonum, nec deficiamus, quousque dicatur nobis, vt requiescamus à laboribus nostris: Opera enim sequi nos. **Tales enim pater familiars habere vult.** Nam si otium in ijs etiam arguit, qui necdum conducti à quoquam, aut ad laborem in vineam vocati fuerant: quàm graue piaculum erit in ipsa vinea laboris tempore otio torpere? Sed & vnde vocauerit operarios, videamus. Inuenit stantes in foro otiosos, & à foro **1. Corin. 7.** vocauit in vineam suam. Quanquam autem Paulus monet, vt qui emunt, sint tanquam non possidentes: & qui vtuntur **Forum.** hoc mundo, tanquam non vtantur: tamen hic per forum non intelligimus cum locum vbi huiusmodi rerum commercia fiunt, quæ sunt ad vitam hanc tuendam necessaria: sed forum ipsum Mundum dicit. In hoc iniquitas, iniustitia, circumuentio, mendacium, plurimæ peccandi occasiones sunt: hic pietatis semper sunt feræ, semper à iustitia ociatur, **1. Ioan. 2.** & Ioannis Apostoli testimonio: Quidquid hic est, aut concupiscentia carnis, aut concupiscentia oculorum, aut superbia vitæ est: adeoque totus mundus in maligno positus est. **1. Ioan. 5.** Quia ergo princeps in eo Diabolus est, nec ipse mundus no-
Ioan. 14. uit CHRISTVM, nec illius gaudio, nisi Dei inimicus efficitur: (Nam non est charitas Dei in illo qui mundum diligit: & nemo potest duobus dominis seruire:) ideo Deus ele-
1. Ioan. 2. git suos de hoc mundo, vt non sint de hoc mundo, sicut **Matth. 6.** nec ipse est de mundo. Hinc ergo Paulus ait: **CHRISTVS**
Ioan. 15. tradidit semetipsum pro nobis, vt eriperet nos de nequam
Ioan. 17. hoc seculo. Et: Apparuit gratia Saluatoris nostri, erudiens
Galat. 2. nos, vt abnegantes impietatem & secularia desideria, &c. Et
Tit. 2. Petrus testatur, quod vocati simus à DEO prospicius virtute & gloria, vt fugiamus eius quæ in mundo est concupiscentiæ corruptionem. Et quid multa? quando vbiq; Scriptura clamat, non solum quod mundus forum illud sit de quo Dominus vocauit suos: verumetiam quod omnes quotq; uocati cum hoc mundo interierint, damnationi æternæ sint obnoxij. Denique cum constat operarios vocari è mundo in vineam, breuiter videamus quæ sit isthæc vinea: vt postea quo tempore, & per quos vocet, liceat colligere. Equidè vt vinea sole per-

sole perpetuòque labore conseruatur, fructum verò vberri-
 mum profert: ita inuenio quodammodò Ecclesiam non nisi
 assiduo Dei patris familiàs sole, & vocatorum ad ea officia la-
 boribus curaque colliculiam verò & operarijs fructum im-
 marcescibile, & trāsēuntibus odorē asferre suauissimū. Hinc
 semper cœtus ille credentium, qui sole gratiæ ad fruēficā-
 dum simul & rore humectatus incendiitur, vinea domini di-
 cta fuit. Vt in Isaiā, domus Israel vinea domini Sabaoth dici-
 tur: & Ieremia vinea plantata & electa vocatur. Et dauid orat
 Dominum, vt respiciat & visitet vineam, quam plantauit de-
 xtera sua. Atque hinc Christus sese veram vitem, Apostolos
 verò palmites dicit. Quo & ipso rursus monemur operari &
 benefacere. Nam omnē palmitem in se non ferentē fructū
 bonum, excidi vult, atque in ignem mitti. Hæc ipsa alibi alijs
 atque alijs nominibus significatur, vt in Ioanne ouile dici-
 tur. Paulus domum Dei, Ioannes ciuitatem sanctam de cœlo
 descendētē dicit. Christus ipse, cū fluctuantibus alibi Apo-
 stolis, vento atque aquis sedatis tranquilla facit omnia, naui
 comparat. Omnia eiusmodi, quæ sine labore non constant,
 ouile, domus, ciuitas, nauicula. Et Paulus ait, vnicuique no-
 strā datam esse gratiam, secundū mensurā donationis Chri-
 sti, coōperari ad ædificationē domus sanctæ. In hanc ergo vi-
 neā vocamur. Non autē vno aliquo tempore, sed ab Adā pri-
 mo vsque ad consummationē istæc perdurat vocatio. Voca-
 mur autem per ipsum patrem familiàs, qui secundū huius pa-
 rabolæ verba quinquies exiuit cōducere operarios in vineā
 suam. Dicitur autem exire: non vt hominum more locali mo-
 tione hâc atque illâc obambulet, cui coelum sedes est, & terra
 scabellum pedum eius, quique cœlum & terrā adimplet: sed
 quòd alibi atque alibi se præsentem minus magisque exhibet
 per verbum suum atque opera. Vnde Dauid, cū ait: Deus
 cū egredereris in conspectu populi tui, cū pertransires in
 deserto: non hoc dixit, quòd ipse Deus egressus sit, aut in de-
 serto transierit: sed quòd in deserto præsentem sese gratia sua
 esse per externa & inuitata opera ostēderit. Hinc Isaias cū
 Christi in impios animaduersionem describeret, Dominus
 (inquit) sicut fortis egrediet, sicut vir præliator suscitabit ze-
 lum. Et si autem sæpe se Deus in creaturis suis patefecit: quin-
 quies tamen præcipuè exiuit, hoc est, se exhibuit præsentē &
 patefecit, vt doceret nos, se esse eū qui nostrā vbique ac sem-

Isai. 5.

Ierem. 2.

Psalm. 79.

Matth. 20.

Ierem. 23.

Isai. 66.

Psalm. 67.

- per operetur salutem. Primo mane igitur exiuit, quando formatis omnibus ad creandum hominem terram disponebat,
- Gen. 1.** dicens: Faciamus hominem ad imaginem & similitudinem nostram. An non autem hominem, cum omniū creaturarum illi potestatem dedit, quasi in vineam emissū videtur? An nō
- Gen. 2.** etiam de denario diurno cum ipso conuenit, qui obedienti vitam, inobedienti verò mortem pollicetur & prædicat? Secundo, multiplicatis per orbem hominibus, & prævalente omnium ferè iniquitate, vidit Deus malitiam eorum, statuitque delere eos. Id quod per Noë prædicaui futurum. Et hic secundo exiuit: cum iustitiā suam in præuicacitatem, misericordiā verò erga Noë eiusque familiam exercuit. Et quid hic aliud fecit, nisi quod operarios in vineam suam conduxit, iustitiā & misericordiam ostendit? ut Noe cum posteritate memori propter ostensam iustitiam timerent, propter misericordiam verò ipsum diligerent. Tertiò quoque exiuit, hoc est, quando rursus malitia hominum abundaret, non omni quidem populo, sed Abraham sese manifestauit, cum eoque pactiscitur, fœdusque iniit. Scio (inquit) quod præcepturus sit filiis suis & domui suæ post se, ut custodiant viam Domini, & faciant iudicium & iustitiam, & adducat Dominus propter Abraham omnia quæ locutus est ad eum. Quartò, cum iam Abraham filij in Aegypto inter Idolatras habitarent, penèque ad impietatem deuoluti, originis sui obliti essent, iterū
- Exod. 7.** exiuit Deus: partimque suam seueritatem per imauditas & horrendas plagas mundo ostendens, partim benignitatem suam per varia beneficiorum genera exhibens, suos operarios in vineam suam misit. Id quod Moses aperte testatur: Et nunc Israel, quid est quod Dominus Deus requirit abs te, nisi ut in iustitijs eius ambules, ipsumque diligas? Quintò denique, cum iam circa vndecimam esset, & mundi appropinquaret vespera, multi adhuc à Gentium populis starent ociosi: iterum & postremum exiuit, patefaciens se per vnigenitum filium suum, qui & splendor virtutis suæ, & figura substantiæ paternæ est: exiuit (inquam) conducere operarios in vineam suam. Hæc est (inquit) voluntas patris mei, ut omnis
- Ioan. 6.** qui videt filium, & credidit in eum, non pereat, sed habeat vitam æternam. Sic Deus dilexit mundum, ut filium suum vnigenitum daret in mundum. Et: Venit filius hominis quæ
- Luc. 19.** re & saluum facere, quod perierat. Ecce toties & his modis Deus exi-

Deus exiuit, hoc est, mundo se patefecit. Iam verò quod in
 vniuersum egit erga omnes, idem agit in parte ad singulos.
 Quid enim sunt in homine diuersæ ætates, Infantia, Adoles-
 centia, perfecta seu virilis ætas, Senectus prima, & (quæ est de
 crepitorum) secunda, præter quinque horas, quibus Deus
 Opt. Max. exiens nos in vineam suam vocat? Quanquam ali-
 qua atque alia in distribuenda hominis ætate vtantur di-
 uisione. An non Prophetæ aliqui ex ipsa etiam materna alio
 vocatos sese à Domino & extractos fatentur? Et hic diuina
 pietas cõsiderari potest, quæ se in omnes omnium ætates ex-
 tendit, omnes ad se vocat, nec quicquam ad sumnam diligen-
 tiã reliqui facit, cum hos ad se blandis inuitat verbis: Ite (in-
 quies) & vos in vineam meam: alios, hoc est, tergiuersantes
 duriusculè increpat: Quid (inquiēs) hic statis tota die ociosi?
 An ignoratis tempus acceptum hoc esse exauditionis? Ingruere
 noctem in qua nemo operari potest, non intelligitis? Non
 ociantur neque dormitant hostes vestri: sed in his omnium
 crudelissimus circuit sicut leo rugiens querit quem deuoret,
 quid dormitis pigri? Clamito ego tot iam annos: Venite ad
 me qui laboratis, & onerati estis, vt inueniatis requiem ani-
 mabus vestris: sed non vultis venire, vt vitam habeatis. Quo-
 ties volui congregare filios tuos sub alis, sicut gallina congre-
 gat pullos suos, & noluit. His (inquam) verbis singulis ho-
 ris paternam familiam nos ad vineam suam vocat, ad laborem mu-
 rat: & quod malum, semper post tot clamores in foro tamen
 ociosos ostendi aliquos? Exiuit ab infuso creationis, & vo-
 uit vsq; in hæc horã, & quomodo tã est exiguus operatio-
 rum numerus? cur tã turba in foro peregrinatur? Veniq; quã multi
 inter operarios ipsos desides? quã multi alienæ felicitatis in-
 uid? Agite ergo, cū Christus p suã liberalitate currētib; cer-
 tatiōib; q; tantū brauiū oībus pposuit: cū denario æternæ bea-
 titatis nostrã hãc inopiã pulsare paratus est, tantū vt p inerti-
 orio in vinea aliquē & quidē exigui t̃pis laborē subeamus: cū
 tanto tēpore oēs à foro ad se vocat, nec quales antē fuerimus
 adeo ad nostrã iniuriã curat: quæ nostra nunc dispositio seu
 preparatio esse debeat, perquiramus, & porro cogitemus.
 Huius enim nos admonent cū Euangelium & Epistola; tam
 ipsum nōmē Septuagesimæ. Et Euangelium quidē indicia Dei
 imperfecturabilia semper ob oculos veluti appensum quid hã-
 bere monet, cū in eo Christus qui nescit mēiri, ipsa veritas,

Isai. 48. 94.

Psal. 21. 70.

2. Corin. 6.

Isai. 49:

Ioan. 9.

1. Pet. 5.

Psal. 4.

Prou. 6.

Matth. 11.

Ioan. 5.

Matth. 23.

Matth. 10.

apertis verbis prædicat, nouissimos fore primos, & contrà, primos nouissimos. multos denique esse vocatos, paucos vero electos. Et quid vult hæc sententia, nisi vt cogitemus qui
Præn. 28. olim fuerimus, quique nunc & vbi sumus? Eoque cum magnò timore & sollicitudine nostrâ salutē operemur. Beatus enim qui semper est pauidus. Quòd si ignoramus qui olim fuerimus, ecce tibi ipsum Septuagesimæ nomē Idedem huius diei Septuagesimæ nomē antiquitus inditū fuit, vt totum Mūdi huius tēpus in septē ætates diuisum perscrutemur, an sit in vlla ætate, in vlla gente, qui non ipse miser & miserabilis aliorum possit succurrere miseris. Hunc (inquā) in vsum septem Dominici dies ad ipsam vsque Passionis Dominicam singuli suū tempus habent: vl per omnes ætates mundi rerū omnium casus ortūsque examinantes, omniūque miseriam considerantes, nosmet humiliemus, & salutem nostram vni Christo Iesu Seruatori nostro, pro nobis diram mortem passio acceptā feramus. Hodie ergo hoc est, prima die Dominica totum illud tempus quod est ab Adā vsque ad Noē considerandum proponitur. Secunda dies Dominica à Noē ad Moysen numerat. Tertia à Moysen ad Dauid. Quarta à Dauid ad captiuitatē Babilonicam. Quinta à captiuitate Babilonica vsque ad Christum. Sexta à Christo ad consummationē seculi. Et hinc tādē per mediatoris sanguinem hostis nostri potestas confRACTA est, nobisque data libertas. Septima autem requiei est, vbi Lætare nostrū personabimus perpetuò. Hic ergo considerandum, quòd in prima ætate non modò nemo fuit omnium qui succurrere posset, verumetiam quòd in ea initium omnis mali factū est, causaque cum mortis necessitate orta est. Hic omnium vox fuit: Circudederunt me gemitus mortis, dolores inferni circudederunt me. Et, Tibi, **Psalm. 9.** dole, derelictus est pauper: Orphano tu eris adiutor. Et hæc cogitatio optima meditandæ passionis Christi præparatio est. Quia non intelligetur bonum illud, nisi priusquā nos illo eguerimus. omninò intellexerimus. Quanquam & ided Septuagesima dici potest, quod cum adhuc in mundo sumus, secundum decem præcepta, vitam nostrā dirigere necessum habemus, & septem impedimentis remora nobis inicitur, vt cum maiore difficultate id præstemus. Quemadmodum disertè simul & piè D. Bernardus disserit, vbi miseræ huius vix ærúnas deflet, quæ numero & mēsurā opus habeat, eamque bea-

que beatam vitæ consuetudinem expetit, vbi sine numero sine mensura largiantur abundanti & supereffluenti, imò sine omni modo. Quando inquit captiuitas nostra finietur, quæ tot annos ab initio mundi protèditur? Quando liberabimur à seruitute ista? Quando restaurabitur Ierusalem sancta? Vtique completa hac Septuagesima, quæ ex denario & septenario constat, propter decem præcepta quæ accepimus, & septem impedimenta, quibus ab obedientia mādatorum retardamur. Sunt autem impedimenta: corpus, vitia, fortuna aduersa & secunda, ignorantia: Satan, falsi fratres. Ecce quibus verbis pius vir Septuagesimam hanc, hoc est, humanam miseriam defleuit. Haud dubiè Dauid id ipsum respexit, quando ait: *Psal. 136.* Quomodo cantabimus canticum Domini in terra aliena. Et Paulus: Non habemus hic manentem locū. Quamdiu enim in hoc corpore sumus, peregrinamur à Domino. Cùm ergo humilitatis & sollicitudinis hæc nos admoneant, nèpè lapsus Adæ, ac nostræ miserix: certè quæ Christus in euangelio de admiranda illa vicissitudine loquitur, plus augent humilitatem & sollicitudinē. Nam etsi ab illa miseria liberati simus, nec quicquam noceat lapsus Adæ: tamen quia tot exempla sunt eorum qui liberati quidem sunt, sed libertate rectè vsi non sunt, eoque à gratia exciderunt, brauium cuius causa libertatem acceperunt, non apprehenderunt: multa humilitate hinc opus est. Huius etiam pullæ vestes nos admonent, & intermissum Halleluiam. Imò Paulus in epistola hodierna sic curramus hortatur, vt apprehendamus, cuius causa in arenā hanc descendimus: tum alibi, vt bonum facientes nō deficiamus, neque efferamur, aut murmuremus. Hęc ad nostrā præparationem pertinent, quæ si præstiterimus, rectè nunc Septuagesimam celebrabimus, & passionem futuro tempore rectius & maiori cum fructu meditabimur. *Hebr. 13. 2. Cor. 5.*

DOMINICA SEXAGESIMAE EVANGELIUM, LUCÆ VIII.

DIxit (Iesus) per similitudinem. Exijt qui seminat seminare semen suum. Et dum seminat, aliud cecidit secus viam, & conculcatum est, & volucres cœli comederunt illud. Et aliud cecidit

supra petram, & natum aruit, quia non habebat humorem. Et aliud cecidit inter spinas, & simul exortæ spinæ suffocauerunt illud. Et aliud cecidit in terram bonam, & ortum fecit fructum centuplum. Hæc dicens, clamabat: Qui habet aures audiendi audiat. Interrogabant autem eum discipuli eius, quæ esset hæc parabola. Quibus ipse dixit: Vobis datum est nosse mysterium regni Dei: cæteris autem in parabolis, ut videntes non videant, & audientes non intelligant. Est autem hæc parabola: Semen est verbum Dei. Qui autem secus viam, hi sunt qui audiunt: deinde venit diabolus & tollit verbum de corde eorum, ne credentes salui fiant. Nam qui supra petram, hi sunt qui cum audierint, cum gaudio suscipiunt verbum: & hi radices non habent, quia ad tempus credunt, & in tempore tentationis recedunt. Quod autem in spinas cecidit, hi sunt qui audierunt, & à sollicitudinibus, & diuitijs, & voluptatibus vitæ euntes suffocantur, & non referunt fructum. Quod autem in terram bonam, hi sunt qui in corde bono & optimo audientes verbum retinent, & fructum afferunt in patientia.

E A D E M D O M I N I C A E P I - S T O L A , I I . C O R I N . I I .

Libenter suffertis insipientes, cum ipsi sitis sapientes. Sustinet enim si quis vos in seruitutem redigit, si quis deuorat, si quis accipit: si quis extollitur, si quis in faciem vos cadit. Secundum ignorantiam dico, quasi nos infirmi fuerimus in hac parte. In quo quis audeat (in insipientia dico) audeo & ego. Habraei sunt, & ego. Israelita sunt, & ego. Semen Abraha sunt, & ego. Ministri Christi sunt, & ego: ut minus sapiens dico, plus ego: in laboribus plurimus, in carceribus abundantius, in plagis supra modum, in morti-

mortibus frequenter. A Iudæis quinquies quadragenas plagas vnâ
minùs accepi. Ter virgibus casus sum: semel lapidatus sum: ter naufragi-
um feci: nocte & die in profundum mari sum: in itineribus saepe, in pe-
riculis fluminum, periculis latronum, periculis ex genere, periculis ex
gētibus, periculis in ciuitate, periculis in solitudine, periculis in ma-
ri, periculis in falsis fratribus: in labore & ardua, in vigilijs mul-
tis, infame & siti, in ieiunijs multis, in frigore & nuditate: præter
illa quæ extrinsecus sunt iustitiæ meæ, quotidiana sollicitudo om-
nium Ecclesiarum. Qui infimatur, & ego non infirmior qui scidali
zatur, & ego non vror? Si gloriari oportet, quæ infirmitatis
meæ sum gloriabor. Deus & pater domini nostri Iesu Christi, qui
est benedictus in secula, scit quod non mentier. Damasci præpositus
gentis Areta Regis custodiebat ciuitatem Damascenorum, ut me
comprehenderet, & per fenestram in sporta dimissus sum per mu-
rum, & sic egressus manu eius. cap. xij. Si gloriari oportet, non expe-
dit quidem. Veniam autem ad visiones & reuelationes Domini.
Scio hominem in Christo ante annos quatuordecim (siue in corpo-
re, siue extra corpus, nescio, Deus scit) raptum huiusmodi, usque ad
tertium celum. Et scio huiusmodi hominem (siue in corpore, siue
extra corpus nescio, Deus scit) quoniam raptus est in paradysum, &
audiuit arcana verba, quæ non licet homini loqui. Pro huiusmo-
di gloriabor, pro me autem nihil, nisi in infirmitatibus meis. Nam
eisi voluero gloriari, non ero insipiens. Veritatem enim dicam. Par-
co autem, ne quis me exstimet supra id quod videt in me, aut ali-
quid audit ex me. Et ne magnitudo reuelationum extollat me, da-
tus est mihi stimulus carnis meæ, angelus satana, qui me colaphi-
zet: propter quod ter Dominum rogaui, ut discederet à me, & di-
xit mihi. Sufficit tibi gratia mea: nam virtus in infirmitate perfici-
tur. Libenter igitur gloriabor in infirmitatibus meis, ut inhabi-
tet in me virtus Christi.

S E R M O.



SUPERIOR sermo non solû Dei Opt. Max. vel
in vocâdis hominibus indefessum studiû, vel in
remunerando liberalitatē, (quod Euāgeliû &
Epistola) verûctiā nostri à egestatē, & sine Chri-
sti Seruatoris nostri passione miserâ, (quod Se-
ptuagimæ nomē ac reliquæ illius dici ceremoniæ voluerunt)
docuit. Quinquies enim exiit, quinquies, hoc est, in omni æta-

te mundi atque hominis vocauit, laborem brauij coronæ quæ præstantia proposita mitigauit, laborantes suo exilio iuuat, atque remunerauit: imò quicquid ad nuptiarum spiritualium solennitatem petinet, præparauit, nosque in diuinitatis suæ societatem nostræ carnis suscepta imbecillitate adgregauit. Nos verò iræ filij extra paradysum expulsi, ipsi miserabiles & miseri, & in Deum eramus contumeliosi, & in homines inuidi: nullaque melioris conditionis usquâ apparebat spes, nulla expectatio, nisi Dei vocatis, assumentis & remuneratis interuenisset benignitas. Id quod prima ætas mundi, quæ est ab Adam ad Noe usque tempora, satis perspicue docuit. Adam cum sua coniuge & peccati dederunt causam, & peccati portauerunt penam. Noe cum domo sua tota, alijque id genus homines, etsi Deum haberent propitium: tamen tam non potuerunt vel se vel alios ex maledicto liberare, ut opus non habuerint in promissum Seruatorem prospicere, eumque expectare omnes. Idem negotium præsens hic sermo tractabit, ut omnes intelligant quàm sine Christo nihil simus, & quàm ille nihil quæ ad bene beatæque viuendum nobis necessaria iudicantur, prætermiserit. Principio igitur quoad nomen Sexagesimæ, deinde quod ad Euangelium discutiamus. Et Sexagesimæ quidē nomē ideò huic Diei est inditum, ut nos illius temporis quod est ab Noe usque ad Moysen admoneat. Est enim hoc tempus, si à futuræ beatitudinis sabbato numerauerimus, veluti sexta ætas totius zui, quo cum hominibus Deus egit atque acturus est. Quanquam autem in hac ætate abundantiori quodam modo semen verbi sui is qui seminat seminauerit, & iam homines ex ephebis excesserint: nemo tamen omnium inuentus est, qui lapsum genus mortaliū erigere, & suæ dignitati restituere posset. Nam Noe, Abraham, Isaac, Iacob, Ioseph, & alij pietatis certè illustria testimonia habent. Ad Noe ipse Deus loquens, Te inquit, inueni iustum coram me in generatione hac. Ad Abraham verò etiam Gen. 23. res dicunt: Princeps Dei es apud nos. Ad Isaac etiam Abimelech ait: Vidimus tecum esse Dominum. Iacob ab Aegypti Gen. 26. Pharaone benedicitur. Ioseph saluator mundi pro sua prudentia dicebatur. Omnes testimonio pietatis celebrati sunt, omnes DEO victimas obtulerunt, sed nemo verè saluare potuit: factumque est, quemadmodum Propheta quidam in Ezech. 14. Dei persona postea dixit de Ierusalem. Si (inquit) Noe, Daniel &

niel & Iob fuerint in ea, Viuo ego, dicit Dominus Deus, quia *Gene. 6.*
 filium & filiam non liberabunt. Imò vox Dei omnes terre-
 bat, qua spiritum suum Deus non permansurum esse in ho-
 mine in æternum, ac se quòd hominem fecisset pœnitere,
 aperte demonstrat. Etenim in hac hominum miseria cū nul-
 lus præsens Saluator in omnibus nationibus & populis appa-
 reret, in venturū olim Mesiā prospicere iubebantur, quem-
 admodum promissiones Abtahæ factæ clarè demonstrant:
 In semine tuo benedicentur omnes gentes. Id quod Patres *Gene. 22.*
 & Prophetæ illius temporis non ignorantes, variis appella-
 tionibus semen illud promissum, id est, Mesiā designa-
 runt: quæ tamen omnia in futurum respiciunt. Omnium au-
 tem apertissimè Iacob, Non auferetur, inquit, sceptrum de *Genes. 49.*
 Iuda, & dux de femore eius, donec veniat qui mittendus est:
 & ipse erit expectatio gentium. Quibus verbis hominum
 non fuit tantum ætatis, sed omnium seculorum desiderium
 de futuro tunc, sed nunc exhibito mediatore & seruatore,
 expressit. Atq; hac ratione huic diei Sexagesimæ nomen in-
 ditum esse nemo ambigat. Facit autem eo, vt Christi Domi-
 ni & Seruatoris nostri passio & mors diligentius rectiusque
 considerentur, vt quibus sine æternum miseris esse oportuis-
 set: & vt tanti beneficij præstantia agnita, mentes nostræ ad
 gratias redemptori persoluendas accenderentur.

Nunc porro de Euangelio sermonem habeamus, in quo,
 vt suprà etiam monui, & Christi in nostræ salutis negotio
 studiū, & nostra miseria atque peruersitas proponitur. Quo-
 rum quàm sit necessaria cognitio, ex eo licet colligere, q̃ sin-
 gulari quadā acclamatione Christus omnes auribus audien-
 di præditos, vt audiant cohortatur. Equidem & mihi hanc
 acclamationem necessariam esse iudico: eòque vt digito Dei
 referatas & ad audiendum & ad obediendum aures animòs-
 que habeatis faciles, & hortor, & opto. Voluit autem Domi-
 nus parabola, hoc est, dissimilium rerum collatione hinc vti, *Rationes cu*
 multis rationibus. Cū enim Prophetis mos fuerit, non mo- *Christus pa*
 dō eo genere orationis, verū etiam alijs quibusdam exter- *rabolis sit*
 nis rebus vti, ad ea rectius inculcanda, quæ vellent omnibus *suu.*
 persuasa (vt Ieremias cum laguncula sua testea fracta, idē- *Ierem. 15.*
 que cū catena lignea, Ezechiel capillorum suorum in tres *Idem 5.*
 partes diuisione, aliq̃ue alijs atque alijs rebus fecerunt, vt in *Ezech. 5.*
 Osea videre est:) Christus, vt ostenderet eodem se quo Pro- *Ose. 1.*

phetæ spiritu sancto loqui, parabolis uti voluit, maxime cum
Psalm. 77. ita futurum esse olim per Psalmistam in persona Dei vatici-
 natum fuerat. Deinde ut hominum ruditati ac simplicitati in-
 seruiret, ut quæadmodum ad omnes etiam plebeios hæc perti-
 nent, ita ab omnibus etiam intelligerentur. Ut Paulus testa-
1. Cor. 1. tur Deo non displicuisse per stultitiam prædicationis creden-
1. Cor. 3. tes saluos facere. & ipse Corinthijs non solidum cibum, sed
 lac potum dedit, contra eos, qui tum demum egregios se
 Euangelij præcones autumant, quædo nil nisi quadrupedantia,
 & ne ab ipsis quidem intellecta verba sonant. Sed & ided
 parabolis usus est: ut auditoribus inquirendi & interrogandi
 occasionem daret. Quemadmodum huius Euangelij propo-
Luc. 8. sita parabola discipuli faciunt. Denique etiam, ut certa quæ-
3 dam mysteria ab indignis & impijs absconderet. Id quod hic
Ibid. quoque vult, cum ait: Vobis datum est nosse mysteria regni
Matth. 7. Dei, cæteris verò in parabolis. Non enim convenit sanctum
 dare canibus, aut porcis margaritas. Postremò etiam hac ra-
 tione parabolis usus est, ut externis rebus homines admone-
 ret, in ipso etiam externo labore salutem & cogitare & ope-
 rari. Voluit enim omnibus tergiuerfandi excusandique om-
 nem præcludere viam. His (inquã) rationibus Christus cum
 hic tum alibi parabolis ad populum locutus est, adeoque ipsi
 hoc genus orationis vulgare fuit: ut Evangelista testetur sine
Mar. 4. parabolis nihil ferè eum locutum fuisse. Suum ergo studium
 in nostræ salutis negotio, nostramque in eo peruersitatem po-
 pulo propositurus, seminantis seminisque similitudinem in-
Luc. 8. fert. Exijt (inquit) qui seminat seminare, semen suum.
 Seipsum homini sementem facienti confert: Semen verò ver-
 bo Dei assimilatur. Magna sanè utrobique similirudo: & pulchrè
 in multis conveniunt verbum Dei cum semine, & sementem
 faciens cum Deo. Quæ de re postea dicemus. Tria autem hic
 Christus sibi tribuit. Primò, quod exijt: deinde, quod semina-
 vit: tertio, quod non alterius sed suum semen seminauit.
 Quæ tria perspicuè eius pro nostra salutis studium indicant.
 Nam cum exire & seminare laboris sunt, tum seminis no-
 tatio pretiosæ rei impensam significat. Exijt ergo qui semi-
 nat. Mirabilis sanè hic est Dei exitus. Nouo enim modo
Ioan. 16. & admirando exiuit. Exiit (inquit) à patre, & veni in mun-
 dum. Volumus scire quomodo exierit à patre, in cuius sinu
 ab æterno est? Paulum de hoc exitu loquentem audiamus: Qui
 (Chri-

(Christus) cū in forma Dei esset, non rapinam arbitratus est esse se æqualem Deo, sed semetipsum exinaniuit, formam serui accipiens, in similitudinem hominum factus, & habitu inuentus vt homo, humiliavit semetipsum. Quemadmodum enim agricola rus abiens, manet quidē agri domusque Dominus, sed viliori habitu indutus ad laborem sese accommodat: ita Christus integra diuinitatis natura manente, ipse Dominus omnium cū in huius mundi agrum sementem facturus descenderet, specie non qualis in se erat, sed qualis nostri causa factus fuerat, apparuit. Et quomodō agricola sæpē quidem exit, sed non semper vt seminet, (aliquando enim vt aret, vt tribulos excidat, zizaniā euellat:) ita Christus sæpē ab initio mundi exiuit. Exijt enim, cum nefanda impiorum hominum scelera diluuiū excidit. Exijt, quādo Sodomā & Gomorrhā pro merito euulsit ē medio, aut potius vt stipulas incendio conflagrauit. Verūm carnis nostræ sacco indutus venit, non vt iudicet mundum, sed vt saluetur mundus p̄r ipsum: venit (inquam) querere & saluum facere, quod perierat. Si quando in veteri lege exiuit, valdē peregrino habitu apparuit semper, quōd Deum nemo videre posset. Verūm in noua lege apparuit nobis in filio, qui est imago substantiæ eius, & splendor gloriæ: in quo tanta abundantia sese infudit & exhibuit diuinæ claritas: vt non liceat alienum patrem fingere, quā est filius. Id quod ipse testatur ad Philippum loquens. Qui videt me (inquit) videt & patrem meum. Et: Ego & pater vnū sumus. Quamquā igitur exire Deum, de apparitionibus illis diuinæ præsentia in veteri lege intelligi possit: propriè tamen CHRISTO nihil aliud est exiuisse, quā carnē assumpsisse. Verūm Dei filium humanam carnem assumpsisse, cuiusmodi diuinæ voluntatis & affectus erga nos indicium sit, & alibi dictum esse sæpē, & intelligimus omnes: aut si non consideramus, nec cogitamus, pro deploranda incuria sumus reprehensibiles. Quōd si fortē cui parum videtur isto modo exiisse eum qui seminat, quōd inutilis non fuerit hic exitus cogitet. Idē enim exiuit, vt seminaret, & quidem pretiosum & proprium semen. Vt autem intelligamus quid sit seminare, veritate interpretē semen verbum Dei esse accepimus. Neque miremur verbum Dei tam exiguæ rei conferri. Nam nec exigua res est semen, quantumuis tale videatur: &

Phil. 2.

1. 1

1. 1

1. 11

Genes. 6.

Genes. 19.

Ioan. 3.

Luc. 19.

Exod. 33.

Heb. 1.

Ioan. 14.

Ioan. 10. 17.

1. 1

multa sunt in quibus semen & verbum Dei conueniunt. Quemadmodum enim semen nostræ sustentationis & alimoniae initium est, ita & verbum spiritualis vitæ nostræ conseruatio est, & vt misso vel non misso in terram semine, fructus magna vel nulla spes est, ita etiam vbi vox verbi Dei sonat, magna fructus spes est & expectatio contrà, vbi non sonat. Id quod Dominus in veteri atque nouo testamentis ostendit.

- Isai. 55.* In veteri quidem, Verbum (inquit) meum, quod egredietur
Matth. 21. de ore meo, non reuertetur ad me vacuum. In nouo autem
Luc. 13. vt quod ficui folia quidem, sed nullum fructum habenti maledixit. Tum, quod in parabola arborem non ferentem fructum excidi mandat, & omnem arborē eiusmodi excidentem & in ignem mittendam, ab ipso etiam patre prædicat.
Ioan. 19. Sunt & alia multa, in quibus verbum & semen conueniunt, quæ hic breuitatis studio prætereo. Nec semini tantum, sed multis etiam alijs rebus confertur verbum Dei. Ducuntur autem
Matth. 13. eiusmodi collationes plerumque ab effectibus. In Matthæo confertur grano sinapis, quod quæadmodum illud minimum est omnium seminum, & missum in eam successit firmitatē:
Rom. 1. vt volucres cæli nidificent in eo: ita verbū Dei vile quidē aspectu. primo videtur, sed credentibus virtus est ad salutem. Fermento autem, quod vt fermentum totam massam peruadit, ita verbum totum hominem à quo susceptum est, in se rapit. Thesauo, quod veras possidenti diuitias confert. Vnde CHRISTVS beatos pronunciat, qui audiunt & custodiunt illud. Eadem ratione & margaritæ comparatur. Sagenæ verò, quod isto ex peccati profunditate in lucem veram attrahamur, & in littus immortalitatis ducamur.
Ioan. 4. In Ioanne dicitur fons aquæ viuæ in vitam æternam salientis. Nempè, quod viuificantem habeat virtutem, voluit innuere. Id quod in eodem quoque testatur. Venit (inquit) hora, in qua omnes qui in monumentis sunt, audient vocem filij Dei,
Idem 5. & qui audierint, viuent. Idem Petrus ad Christum loquens
Idem 6. ait: Verba vitæ æternæ habes. Nimirum, quod ipse est
Ioan. 1. verbum, qui verbum ipse substantiale patris est, quod Ioannis testimonio, nostræque omnium fide lux atque vita est hominum.
Psal. 77. Daud id ipsi vim liquefaciendi attribuit, idque fide
Cant. 3. his in Canticis anima professæ est. Anima (inquit) mea liquefacta est: vt dilectus locutus est mihi. Christus & Paulus
Ephes. 5. ipsi purificandi vim tribuunt. Rursus Daud lumen & lucernam pe-

cernam pedes atq; oculos illuminātem dicit. Christus ignem in terram missum dicit. Et duo in Emaus hoc ipso se suāque corda accensa fuisse falsi sunt. Moses panis dicit habere virtutem, quo ex ore Dei prodeunte homines viuant. Christus cibum non pereuntem, sed in vitam æternam manentē esse ait. Isaias in persona Dei aquam sitim extinguentem, & bona terræ appellat. Rursum Paulus gladium spiritus vocat. David virtutem sanandi ipsi tribuit, cū de Deo loquens ait: Misit verbum suum, & sanauit eos. Id quod & Centurio professus est. Domine (inquit) dic verbo, & sanabitur puer meus. In hoc verbo Simeon obdormire voluit: hoc deniquē inter bonos & malos diuidet, cū sua immutabili sententia bonos in vitam, malos adiudicabit in gehennā. Dies me deficiet, si singula enumerare voluero, quę huius seminis, hoc est, verbi Dei præstantiam indicant, de quo Isaias breuissimē, sed verissimē ait: Nisi Dominus reliquisset nobis semen, sicut Sodoma & Gomorrha fuissēmus. Quāquā in alium finem isthæc dicat Propheta Euangelicus. Hoc modo natura atque virtute seminis verbi Dei considerata, facili est, non modò quid sit, sed & quale sit, & cuiusmodi beneficium, quòd Christus exijt hoc suum semen seminare, cognoscere. David certè & Moses, & Baruch, & Paulus, alijq; egregiè hoc diuinę dignationis beneficium prædicarunt. David quidem sic canit: Lauda Ierusalē Dominum, qui annūciat verbū suum Iacobi, iustitias & iudicia sua Israel. Non fecit taliter omni nationi, & iudicia sua nō manifestauit eis. Moses verò, Hæc est (inquit) sapiētia vestra, & intellectus corā populis, vt audiētes vniuersi præcepta hæc, dicant: En populus sapiens & intelligens, gens magna. Et iterum: Audi Israel, Dominus Deus noster pepigit nobiscum sœdus in Oreb: Facie ad faciem loquutus est nobis de monte, in medio ignis. Baruch etiam, Beati (inquit) Israel sumus, quoniā quæ Deo placēt, manifesta sunt, nobis. Deniquē Paulus omnium magnificè, Multifariè (inquit) multisque modis olim Deus loquēs in patribus, nouissimē diebus istis locutus est nobis in filio. Videtur autem Paulus sic argumentari: Si seminaſſe semen suum, hoc est, verbum suum per Prophetas multis modis prædicasse Deum, summa laude dignum est beneficium: quale est, quòd his nostris temporibus nobis loquutus est in proprio filio? Certè tantū est Christum prædicauisse: vt Abrahā, qui cū Deus familiariter loqui con-

Luc. 10. suevit, vehementer desiderauerit vnum diem Christi videre: quemadmodum & alij Reges & Prophetæ voluerūt audire, sed non audierunt. Cū autem eximia hæc sunt diuinæ bonitatis indicia, quòd exijt & seminauit Christus: tum verò auget bonitatem illam, & illustriorem reddit, quòd suū semen

Ioan. 12. seminauit. Vt enim Christus substantiale verbum est Patris, ita quæ ipse ad nos loquitur, sua propriè sunt respectu nostri.

Ioan. 7. Quāquā enim. Christus alibi sæpè dicat, verba quæ loquitur, non sua esse, sed patris, à quo sit missus: tamen non hoc di-

Ioan. 10. xit, quod non sunt sua, sed quòd habeat ea propriè sua cū patre, cum quo vnū est: hoc est, quòd sua sunt, quatenus Deus cum patre vnus est, non sua, quatenus homo tantū est. Et per hoc duo innuit, primū præstantiam verbi Dei, sicut enim à magno nō nisi magnum proficiscitur: ita etiam à Deo nil nisi diuinum expectandum est, hoc est, summa illa diuina maiestate dignum. Et hoc dicit, vt verbum Dei veluti magnū aliquod

& à Deo profectum bonum admiremur & in pretio habeamus, nec leuiter aut iocose illud vsurpemus. Deinde etiā ideò suum dicit, vt adimat humanam arrogantiam, ne quasi nostro merito debeat prædicari verbi beneficentia, supercilium ducamus, aut efferamur. Et hæc quidem de Christi in nostræ salutis mysterio studio atque affectu dicta sint: quòd exijt & seminauit suum semen gratuita benignitate, hoc est, quòd voluntatem patris notam fecit, vñ salutis verbo atque exemplo monstrauit. Prius autē quā ad alterā Euāgelij huius partem

veniamus, quæ nostram locordiam & perversitatē negligentiamque declarat, dicendum est aliquid de eo, quod Christus

Luc. 8. ad Apostolos ait: Vobis datum est nosse mysteriū regni Dei, cæteris autem in parabolis, vt videntes non videāt, & audientes non intelligant. Sunt enim qui hæc audientes, miras blasphemie voces effutiāt. Si (inquiunt) fides & diuinarū vera cognitio donum Dei est, nec eam omnibus ex æquo participat, quid de nobis conqueritur? quis eius voluntati resistere potest? quis hæc nisi dāte illo habere potest? cur vt credamus:

Rom. 11. vt agnoscamus & saluemur non largitur? Sunt hæc certè Dei scientiæ & sapientiæ abscondita altitudo, quam ipse etiam Paulus vt incomprehensibilia vehementer admiratur. Sed voces illæ Apostolica authoritate comprimendæ sunt. O homo (exclamans Paulus ait) quis es qui respōdeas Deo? Nunquid dicit figmentum ei qui se finxit, quid me fecisti sic?

An non

An non habet potestatem figulus luti ex eadem massa facere aliud quidem vas in honorē, aliud verò in contumeliā? Quod ergo Christus hic ait: vobis datum est, ostendit ea quæ ad regnum Dei pertinent, humanæ rationi manere abscondita, quatenus cœlitus non manifestantur. Regnum enim Dei spiritale est, ratio verò humana externa tantum & cum difficultate quadam cognoscit. ut ad Petrum Christus: Caro & sanguis nō reuelavit tibi, sed pater meus qui est in cœlis. Et Paulus testatur sapientiam Dei absconditam esse, & neminē principum huius sæculi eam cognovisse: sed nobis reuelatam esse eam à Deo per spiritum. Ideoque orans petit, ut hominum mentes impleantur agnitione Dei: quod ratio nostra minus sufficiens sit, & superna ad eam rein illustratione indigeat: quod nemo nisi illuminatus diuinitus oculos habeat, mysteria regni Dei verè intelligat. Id quod Christus consequenter vult, cū cæteros in parabolis quæ Dei sunt audire, demonstrat. Cui simile est illud in Mose, Vidisse quidē Israelem oculis suis signa illa portenta quæ ingentia quæ fecit Dominus. Sed (inquit) non dedit vobis Dominus cor intelligēs & oculos videntes, & aures quæ possint audire, vsque in præsentem diem: & quod Paulus de Deo loquēs ait: Cuius vult miseretur, & quæ vult indurat. Verū ne quis hic offendar, suamque iniquitatē Deo impingat, aut iniustitiæ eum, qui solus iustus est, & cuius vix veritas sunt, arguat: ecce duas, imò plures causas Christus in Matthæo refert, cur Deus huic det, alteri non det. Qui (inquit) habet, ei dabitur, & abundabit: qui autem non habet, & quod habet auferetur ab eo. Ac si dicat: Omnibus veræ ac celestis doctrinæ rudimenta pro mea beneficentia obtuli: Iudæis per legem loquutus sum: Gentibus sapientiam & intellectum, ut per creaturas creatorem possent agnoscere; dedi. Qui his donis meis rectè, non ad malitiam vtuntur, ut maiora præstem me commouent: abutentibus ipsa etiā quæ dedi rudimenta subtrahō. Ecce tibi causam cur alijs det, alijs non det. Fides fidem, & incredulitas incredulitatem suscitatur: & Deus quidem ut opus aliud alio remunerat, ita peccatum peccato compensat. Exemplo est Abraham, qui primæ voci Dei credens, tantam fidē postea consequutus est, ut Scriptura teste, contra spem in spem, crederet. Cōtrā, gentes quia iis quæ Deus manifestauit, abusi sunt, quia contumaciauerunt veritatē Dei in mendaciū: traditi sunt in desideria cor-

Matth. 15.

1. Cor. 1.

Ephes. 1.

Deuter. 29

Roman. 9.

Matth. 13.

Gene. 12.

Roma. 4.

Roma. 1.

dis sui, in immundiciam: traditi sunt, inquā, in passionē ignominie, mercedem, quam oportuit, erroris sui in semet ipsis recipientes. Deinde & alias causas cæcitatē huius Christus ex

Isai. 6. Isaiā enumerat. Verba autē Prophetæ hæc sunt: Audite-audiētes, & nolite intelligere: & videte visionē, & nolite cognoscere: Excaeca cor populi huius, & aures eius aggraua, & oculos eius claude: ne fortē videat oculis, & auribus suis audiat, & corde suo intelligat, & conuertatur, & sanem eum. Voluit autem Prophetæ tres differentes causas cæcitatē siue ignorantiæ illius enumerare. Nam prophetam non imprecari ut fiat quod futurum erat, sed futura certo Dei iudicio annunciare, notum est ex similibus locis. Quēadmodū Dauid etiā multa quæ multo post tēpore futura erāt, quasi iam tum facta fuissent, ex infallibili futurorū cognitione prædixit. Primam igitur cæcitatē causam, hoc est, cur Deus aliquibus hominibus regni Dei mysteria non det, enumerans, Obstina (inquit) cor populi huius. Obstationē verò hanc non Dei induratione,

Zach. 7. sed hominum peruiacacia fieri. & Zacharias, & Dauid, & Iob testes sunt locupletissimi: Cor suū posuerūt ut adamantem, ne audirēt legem. Prodiit quasi ex adipe, id est, nō ex ignorantia aut imbecillitate, sed ex pertinaci malitia iniquitas eorū.

Psal. 71. tertia aut imbecillitate, sed ex pertinaci malitia iniquitas eorū.

Iob. 15. Cucurrit aduersus Deum erecto collo, & pingui ceruice armatus est. Secunda causa est, quod ait: Aures eius aggraua.

Psal. 57. Hoc Dauid sic refert: Furor illis secundū similitudinē serpentis, sicut aspidis surdæ, & obturantis aures suas, quæ nō exaudiet vocē incantantium, & veneficij incantantis sapienter. Ut

Matth. 26. Caiphas scisis vestimentis Christum esse filium Dei audire noluit: ut ceteri etiam Iudæi, cū Stephanus de Iesu & aperto cælo diceret, aures suas continuerunt, & dētibz in eū stridentes, vnanimiter impetum fecerūt in eū. Tertia causa est,

Iob 24. quod ait: Oculos eius claude. Id Iob hīc refert: Rebelles fuerūt lumini. Et Christus, Dilixerūt (inquit) tenebras magis

Ioan. 3. quā lucem. Hæ sunt rationes cur Deus nō det nosse mysteria regni Dei. Obtulit prima cœlestis doctrinæ rudimēta: dedit in ratione intellectu, voluntatē, memoriā, in corpore sensus. His si abutimur, quā mēte nostrā peruersitatē in Deum reijcere cōtēdimus? Popule meus (inquit Dominus) quid nā

Mich. 6. feci tibi, aut in quo molestinus fui tibi? Imò (inquam) quid non

Ose. 13. fecit, quod debuit? Perditio tua ex te Israel. Et hanc nostram peruersitatem CHRISTVS amplius in hoc Euangelio demonstra-

monstrauit, Suum DEVS officium fecit, exijt, semen suum
 seminauit. Vbi impedimenta, quæ fructus expectatos remo-
 rantur? Non in semine. Viuis est enim sermo Dei & efficax, *Hebr. 4.*
 & penetrabilior omni gladio ancipiti, & pertingens ad diui-
 sionem animæ & spiritus, compagum quoque ac medulla-
 rum, & discretor cogitationum, & intentionum cordis. Nun *Ierem. 2. 3.*
 quid non verba mea (inquit Dominus) sunt quasi ignis, & *Exech. 18.*
 quasi malleus conterens petram? Sed nec in Deo. Non enim *1. Timo. 2.*
 vult mortem peccatoris, sed vult omnes saluos fieri. Neque
 etiam in Christo. Venit enim vt vitam habeamus, & abundā *Ioan. 10.*
 tius habeamus: venit (inquam) ignem mittere in terram: &
 quid vult nisi vt ardeat? Neque semper in Diabolo. quanquā *Luc. 12.*
 alibi inter bonum semen zizaniam suam semināt: & hīc dicitur *Lucā. 8.*
 tollere verbum de cordibus hominum, ne credentes salui
 fiant. Igitur in terra, hoc est, in nobis ipsis sunt impedimenta
 fertilitatis. Quemadmodum enim semen per se fructum non
 fert, nisi seminatum fuerit in terram: ita nec terra ex sese nisi
 suscepto semine fert fructum, & plerumque secundum terræ
 qualitatem iudicatur fructus. Simul autem coniunctis terra
 & semine, fructus redditur: ex bonis bonus, ex malis malus.
 Tria autem enumerat Christus impedimenta, negligentia,
 inconstantiam, & rerum mundi huius inordinatam cupidi-
 tatem. Negligentia fit, vt verbū Dei nec attentē (vti cōuenie-
 bat & æquum erat) audiamus, nec in memoria fida retinea-
 mus: fiāntque mētes nostræ veluti via quædam per quā mul-
 ti vagantur, ambulant, nemo cōsistit. Id quod fit cū nihil cer-
 ti cōstituitur, quid sequendū, quidue fugiendū sit: cū nunc
 spiritum in nobis, nunc carnē dominari permittimus. Qua sa-
 nē negligentia fit, vt diabolo liber ad nos pateat accessus, qui
 verbū tollat: quō sublato fides deficit, & salutis qui speratur
 fructus deperit. Significantissimē autē posuit cōculcari semē
 hoc in via. Nimirum, vt negligatur verbū Dei, diabolus quos-
 dam nequam homines suscitāt, qui in quā volunt partem fle-
 tentes verbum, quasi pedibus terunt & concuſcant, vt inuti-
 le ad ferendum fructus, esca fiat diaboli. Id quod perfiguratū
 est cum, quando sementem facientibus Israel populis, Ma- *Iud. 6.*
 dianitæ deuastarunt omnia: Porro inconstantia facit, vt velu-
 ti semen quod supra petram cadens exarescit, verbum Dei
 suscipiamus quidem cum gaudio, sed ad tēpus credentes tem-
 porales, in tēpore tentationis recedamus. Sicut Petrus & alij *Ioan. 6.*

Apostoli Christo facienti miracula adhærebant, verba vitæ
Idem 13. æternæ ipsum habere profitentes, in mortem cum ipso ire pa-
1. att. 26. rati erant: at cum tempus adesset, relicto Christo omnes fu-
Matth. 13. gerunt. Quos in Matthæo temporales dici legimus, eò quòd
ad temporis hominũque qualitatem sese trãsformât. De-
nique inordinata rerum mudi huius cupiditas facit, vt quo-
modo semen inter spinas satum simul succrescẽntibus spinis
suffocatur: ita nos verbum quod suscepimus, simul cũ curis;
solicitudinibus, & voluptatibus seculi huius crescere quidem
permittamus, sed ipsimet postea voluptatibus quàm verbo
maiores in locum in nobis concedentes, suffocemus ortũ. Non
enim licet duobus dominis seruire: nec conueniunt Christus
Ioan. 5. & Belial, nec in vna sede morantur. Non possunt credere,
Phil. 3. qui gloriam ab inuicem recipiunt. Sicut etiã Apostoli tempo-
ribus crucẽ Christi fugitabant quidam, eò quòd ventrẽ suũ
haberent Deum. Mira comparatio diuitiarum & spinarũ: cũ
illæ delectent hominum iudicio, hæ pungat. Sed reuerã pun-
gũt etiã diuitiæ, quũ multa aspectu promittant, parum in re-
cessu tribuant. Vnde in Matthæo Christus falaciam dixit di-
Matth. 13. uitiarum, Paulus incertum diuitiarum vocauit, Salomon vẽ-
1. Tim. 6. to & vmbre cõparat. Hæc sunt in nobis demolienda impedi-
Eccle. 14. menta, quorũ causa verbũ Dei deperit in multis. Simili inten-
Tuc. 14. tione Christus corne magnæ, & nuptiarũ similitudines pro-
Matth. 22. posuit: quibus & Christi in nostræ salutis negotio studiũ de-
claratur, & nostra negligentia incuriãq; arguitur. Et sanẽ si
omnes effemus, quales sunt plurimi, si nemo fructum ferret,
frustrã semen suũ seminaret is qui seminat. Verũ sicut mul-
torũ incredulitas fidẽ Dei nõ euacuat: ita nec quorundã siue
negligentia, siue incõstãtia, siue etiam rerũ mudi huius cupi-
ditas Dei agricolæ impedit studium. Seminãt ille perpetuũ:
& licet plurima pars seminis pereat, aliquot tamẽ granũ in ter-
ram bonã cadunt, & fructificant in patientia. Vult enim Deus
semper aliquos esse qui verẽ amplectantur verbum Euange-
lii, & dignos hac tanta vocatione fructus ferant, sicut in Isaia
Isai. 55. futurum prædixit. Neque enim finis hic est sementem facien-
tis, vt vel prædicetur, vel audiatur tantũ, vt multi putant,
Matth. 13. neque vt de eo glariemur, vt ferẽ omnes: sed vt fructus fera-
tur gratus, fructus (inquam) centesimus, sexagesimus, trice-
simus, vt in Matthæo est. quorum postremũ vel cõiugatorũ,
vel incipientium, vel bona cogitãtium, vel bona externa pro
fide re-

fide relinquentium est: medium viduorū, proficientiū, bona cogitantium, corpus pro Christo tradentium: primum verò, virginum, perfectorum, bona facientium, animam pro Deo deponentium. Hos gradus hic positos esse veterum sententia est. Non enim omnia possumus omnes, nec Deus ad impossibilia obligat. contra eos, qui nullam huiusmodi rerum diuersitatem, omnia verò æqualia esse malè iudicant. Et hic fructus in patientia afferendus est. Quæadmodū semen in terram proiectum priusquā in fruges assurgit, hyemis imuriis, glaciem, niuem, æstatis inundationes, tonitru, grandinem sustinet: ita in homine pio multa perfert diuinum semen, antequam ad messem expectatā perueniat. Id quod Paulus vult *Acto. 14.* cum ait: Per multas tribulationes oportet nos intrare in regnum Dei. Et: Omnes qui p^re volunt viuere in Christo Iesu, *1. Timo. 3.* persecutionem patiētur. Imò suo ipsemet exemplo in hodierna Epistola recenset, quantū suscepto semine illo sudaucrit, quantum sustinuerit. Et ideo huic Euangelio Epistola eiusmodi adiuncta est, vt cum seminantis studium in nostræ salutis negotio intelligimus, bona terra esse Pauli exemplo studeamus.

DOMINICA QVIN- QVAGESIMAE EVANGE- LIVM, LVCAE XVIII.

A Ssumpsit autem Iesus duodecim, & ait illis: Ecce ascēdimus Ierosolymam, & consummabuntur omnia quæ scripta sunt per Prophetas de filio hominis. Tradetur enim gentibus, & iludetur, & flagellabitur, & conspuetur: & postquam flagellauerint, occident eum, & tertia die resurget. Et ipsi nihil horum intellexerunt. Et erat verbum istud absconditum ab eis, & non intelligebant, quæ dicebantur. Factum est autem cum appropinquaret Iericho, cæcus quidam sedebat secus viam mendicans. Et cum audiret turbā prætereuntē, interrogabat quid esset. Dixerūt autē ei quòd Iesus Nazarenus transiret. Et clamauit di-

cens: Iesu filij Dauid miserere mei. Et qui præibat, increpabāt eū vt taceret. Ipse verò multò magis clamabat, fili Dauid miserere mei. Stans autē Iesus iussit illū adduci ad se. Et cū aprouinqua-
set, interrogauit illum dicens: Quid tibi vis faciam? At ille dixit: Domine, vt videam. Et Iesus dixit ei: Respice: Fides tua te saluum fecit. Et cōfestim vidit, & sequebatur illum magnificās Deū. Et omnis plebs vt vidit, dedit laudem Deo.

E ADEM DOMINICA EPISTOLA, I. CORINT. XIII.

SI linguis hominum loquar, & angelorū, charitatem autem non habeam, factus sum velut æsonans, aut cymbalum tinniens. Et si habuero prophetiā & nouerim mysteria omnia, & omnē sciētiam, & si habuero fidem, ita vt mōtes transferam, charitatem autē nō habuero, nihil sum. Et si distribuero in cibos pauperum omnes facultates meas, & si tradidero corpus meum, ita vt ardeam, charitatem autem non habuero, nihil mihi prodest. Charitas patiens est, benigna est: Charitas non amulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate, congaudet autem veritati, omnia suffert, omnia credit, omnia sperat, omnia sustinet. Charitas nunquam excidit, siue Prophetia euacuabuntur, siue lingua cessabunt, siue scientia destruetur. Ex parte enim cognoscimus, & ex parte prophetamus. Cū autē venerit, quod perfectum est, euacuabitur quod ex parte est. Cū essem paruulus, loquebar vt paruulus, sapiebam vt paruulus, cogitabā vt paruulus. Quando autem factus sum vir, euacuauī quæ erant paruuli. Videamus nūc per speculum in enigmate, tūc autē facie ad faciē. Nūc cognosco ex parte, tunc autē cognoscām, sicut & cognitus sum. Nūc autē manet fides, spes, charitas, tria hæc: maior autē horū charitas.

S E R M O.



N tanta mundi huius tūque immani, crudelique impudentia, & impudētī immanitate hominū, ecce Christus Iesus Ierosolymā passurus ascēdit, suisq; quos è mūdo elegit, à mūdo secretos assumpsit: de passione cōcionatur: cæcus secus viam

secus viam sedens mendicat, & ut videat, inabrupto Dominum sermone precatur: & ne quid quod ad tantæ vrsaniæ detestationem, aut ad nostræ multis lachrymis deplorandæ conditionis admonitionem facere possit, prætermittatur: quintæ mundi ætatis, quæ est à Mose ad David, omnibus proponitur miseria. Et ut mundus directè cum Christo, cum pietate, omni virtute, æquitate, honestatèq; pugnat, sui nimirum ubiq; similis: quis non miretur Christianos sanctæ religionis Sacramentis inauguratos, neglecta pietate abicctâque honestate, mundum potiùs ad exitium, quàm Christum sequi ad vitam? Cùm tanto studio extirpandæ zizaniæ, seminandique boni seminis, Christus, Apostoli, Martyres, Pastoresq; in Ecclesia laborarint, quis non cum seruis illis in Matthæo ad patrem familiâs hæc videns accurreret, ac quæreretur: Domine, nonne bonum semen seminasti? unde ergo zizania? Cū cuncta, quibus nunc præmimur mala, tantæ sint haud dubiè stipēdia vrsaniæ ac leuitatis, quis nō cū Baruch miraretur & diceret: Quid est Israel, q̃ in terra inimicorū es? Inueterasti in terra aliena: coinquinatus es cū mortuis: deputatus es cū descēdētib; in infernū: dereliquisti fontē sapiētīæ. Nā si in via Dei ambulassēs, habitassēs utiq; in pace super terrā. quis nō cū Paulo exclamaret: O insensatæ hominū mentes, quis vos fascinauit non obedire veritati: ante quorū oculos Christus proscriptus est, & in vobis crucifixus? Currebatis bene: *Math. 13.*
 Quis vos impediuit veritati non obedire? An ignoratis quia non vocauit nos deus ad immunditiam, sed in sanctificationem? An non idē gens sancta, genus electum, regale sacerdotium, populus acquisitionis facti estis, ut virtutes annuncietis eius qui de tenebris vos vocauit in admirabile lumē suum? *Baruch. 3.*
 An non semel lauastis pedes vestros in sanguinē agni? & cur inquinatis eos? An fortè non legistis, quoniā qui mala agūt, morte sunt digni, nec solū qui faciunt ea, sed etiā qui consentiunt faciētibus: An nō est malè agere, pedes animāq; inquinare, lumen refugere, in tenebris ambulare, fascinari, insensatum esse: quod plerique faciunt nunc. An non est consentire faciētibus, videre & conuiuere, risu & quodam tacitæ mentis applausu fauere? Quid alieniùs ab homine non dico regenerato, sed purè naturali, quàm facie humana, vel velata, vel fūco depicta, media luce laruarum more circumcursare, omnium se ludibrio exponere, nihil insolentīæ, leuitatis, scurri-

*Math. 13.**Baruch. 3.**Galat. 3.**1bid. 5.**1. Thes. 4.**1. Pet. 2.**Canti. 5.**Roma. 1.*

- litatisque intermittere, tantum ne homini videatur similis? quid, inquam, indecētius, quam pro cōcitatori libidinis incētiuo viros muliebribus, & cōtra, vestimentis vti? Et quid de his Scriptura? Abominabilis apud Deū est, qui facit hoc.
- Deute. 22.** Iam quid de ijs dicam, qui prætēr furias illas, comestationibus, crapula, luxuria, ita certant cernui, vt & substantiæ, vxorū, liberis calamitatem inuehant, & suimetipsum homicidæ fiant? quos nec pietas retrahit, nec metus coërcet. Sed, in-
- 1. Cor. 7.** quiunt, tempori inseruiendum est. Audiant ergo Apostolos respondentes: Tempus breue est, filioli, nouissima hora est;
- 1. Ioan. 2.** videte quomodo cautè ambuletis: non quasi insipientes, sed vt sapientes, redimentes tempus, quoniā dies mali sunt: Eratis enim aliquando tenebræ, nunc autem lux in Domino.
- Ephē. 5.** Nolite inebriari vino, in quo est luxuria: nolite conformari huic seculo, sed reformamini in nouitate sensus vestri, vt probetis quæ sit voluntas Dei bona, & beneplacens, & perfecta. His itaque si quid habent ganniendo opponant, hoc est; veritati non obediētes, pietatē oppugnent: aut quod nobis expectatius, ipsis salutaris est, furias excutiant, ad cor redeant, & nobiscum Euangelij sensum perquirant, proq; ista crudeli vāsanā his diebus hunc sedulo cogitent. Inuenient certē, quibus ad meliora chariūmata æmulanda incitentur, si modò præsētibz animis adesse voluerint, seseque à mundo tantisper seceuerint. Nam si hæc Sacramenta à mundo & in mūdo potuissent intelligi, frustra Christus suos secretò à turba assumpsisset. Sed non omnes capiunt hoc verbum crucis;
- 1. Cor. 1.** cū sit Iudæis scandalū, Gentibus autem stultitia. Mundus gaudia sectatur, & hæc quasi fœlicitatem prædicat magnificentē in his quiescit, non agnoscit crucem præbere iter ad cœlestem gloriā. Et quid Christus à mundo secretis Apostolis loquitur? Ecce nos ascendimus Ierosolymā: Mundus cū sua sibi placeat infania, Bacchi annales celebret lepidissimè, sit ebrius, & surgat ludere: nobis aliud propositum sedet mentis: Clausum hactenū cœlū crucis viatoribus pater, hūc tendimus magno nisu, quotquot nō huic nos mūdo genitos agnosimus: Quid nobis cœli ciuibz cū mundo? Quæ pars fidelū cum infidelī? Cur Dei serui, amici, fratres, cū infidelibus iugū vultis ducere? En vos præcedo, me sequimini: Oportet Christum pati, & ita intrare in gloriā suā: Non est seruus maior.
- Luc. 24.** Domino suo, neque discipulus suprā magistrum: Oportet ergo qui

ergo qui eos piè hîc volunt viuere, per multas tribulationes *Act. 14.*
 intrare in regnum Dei. Hoc modo CHRISTVS omnes *Tit. 3.*
 nos alloquitur, vt abnegantes secularia desideria, susceptû pa-
 triæ cœlestis iter perficiamus, armatique contra crucis scan-
 dala; sobriè, iustè, & piè viuamus in hoc seculo. Et omninò
 necesse est, nisi à via cœlestis patriæ deulare voluerimus. Chri-
 stum hoc modo loquentem audire, præeuntémq; sequi. Ne-
 mò enim venit ad patrem, nisi per filium: & nisi vnum cum *Ioan. 14.*
 filio factis non licebit cœlum ascendere. Nemo ascēdit in cœ- *Idem 3.*
 lum, nisi qui descendit de cœlo, filius hominis qui est in cœlo.
 Hic enim solus crucis scala in cœlum à terra erecta docuit *Gene. 23.*
 ascendere, imò ipse scala factus, per quem ascenditur, cum ea *Colo. 2.*
 quæ in cœlo quæque in terra sunt reconciliauit, impedimen-
 tâque quæ nos ab ingressu patriæ remorabantur, disiecit.
 De quo cum ipse aliquando concionaretur, dixit: Sicut Mo- *Ioan. 3.*
 ses exaltauit serpentem in deserto, ita exaltari oportet filium
 hominis: vt omnis qui credit in illum, non pereat, sed habeat
 vitam æternam. Quòd autè passionis eiusmodi & crucis præ-
 dicatio plurimùm valere debeat, cum ad abneganda secula-
 ria desideria, tum ad sequendum præeuntem Christum: ex
 eo colligimus, quòd non vnus Enangelista tantùm, sed tres,
 Lucas 18. Matth. 20. Marc. 10. cap. hæc Christi verba com-
 morant, ipsèque Christus non semel aut vno in loco, sed vt
 rem magni momenti, sæpè pro hominum diuersitate propo-
 suit. Nam cum primus omnium Petrus Christum filium
 Dei viui confessus esset, Exinde (inquit Matthæus) cœpit Ie- *Matth. 16.*
 sus bñdēdere discipulis suis, quia oportet se ire Ierosolymam,
 & multa pati à senioribus, & scribis, & principibus sacerdo-
 tum, & occidi, & tertia die resurgere. Quanquàm & alię mul-
 tæ rationes sunt, cur prædixerit: nempe, vt Apostoli non nu-
 dam passionem, sed patientis desiderium & affectum consi-
 derarent: passi enim sunt alij multi multa, sed nec eo animo,
 nec in eum finem: deinde vt intelligerent, qua in re omnium
 sita esset salus & iustificatio. Sed præcipuè hoc agit, vt contra
 crucis scandala armatos, spernere mundum, se verò sequi ad-
 hortaretur: Hæc loquutus sum vobis, vt non scandalizemini, *Ioan. 16.*
 & vt cum venerit hora, eorum reminiscamini, quia ego dixi
 vobis: Et ideò dixi vobis, priusquàm fiat, vt cum factû fuerit,
 credatis. Propterea quàm indignum sit, Christo de passione *Ioan. 14.*
 sua loquente, seq; suóq; ad mundi pericula crucémq; prouo-

cante, in mūdo voluptates sequi seruos: & hoc tempore, quo maximè in salutis negotio nos, inque passionis meditatione occupari oportebat, delitijs diffluere, & nō iam hominibus, sed bestijs ferisque fieri similes, diligentissimè consideremus: consideremus, inquam, vt tantam indignitatem à nobis pellamus. Meminerimus quāto studio Satan imaginem, quæ secundum Deum creati sumus, in nobis delere per istiusmodi illecebras laboret, inque sui similes transformatos, suū erigere idolum. Huius cōtra conatum nosmet opponamus, nullūque locū veteratori demus: eūq; potiùs, qui sese pro nobis exinanivit, non suam sed patris voluntatem fecit, sequamur. Nulli nostrū hic frustrā sit passus, imò nullius surdis auribus hæc tanta de passione sua prædixerit. Atq; hæc idè hætenus dicta sint, vt non simus conformes mundo, sed pro Christi mortem subeūtis amore deuitemus tantā insaniam. Et si nō quā iam ista Christianos dedecet intelligimus, saltem pro consequentibus, & huius & alterius vitæ malis declinemus. Vellem equidem, vt his verbis ad vos loqui mihi necesse non fuisset: sed quia omninò sic quorundā vāsaniam exegit, officio meo deesse nolui. Nec pigebit reliquū sermonis eiusdē generis verbis consumere. Quòd si nec Christi cōcio, nec nostra nos ab isto furore retrahit vocatio: cæcum secus viam sedentem & mendicantem respiciamus, in eoque miseriæ nostræ conditiones discamus. Exquisitissimam enim ille nostræ infirmitatis gerit imaginē, quā omnes in nobis considerare possumus: tum etiam in ipsa infirmitate, vbi & à quo, quòque modo querenda sit sanitas, verbo atq; facto docet: denique vsum etiam beneficiorum Dei tradit. Cū autē tales simus, omnes, quibus Dei beneficia sint necessaria, quis non videt multò satius esse cū Deo nostrā nos curare salutem, quā cum mundi insaniam cutē? Videamus ergo cū cæci simus, vt deinde lucē queramus studiosius. Nihil refert quis iste cæcus fuerit, scire: quòd tamen nostram gesserit imaginem, magni refert vt sciamus. In Isaiā vbi Christus illuminator promittitur, cæcus dicitur Israel. Quis, inquit Dominus, cæcus, nisi seruus meus: & surdus, nisi ad quem nūcios meos misi? Quis cæcus, nisi qui venundatus est? & quis cæcus nisi seruus Domini? Qui vides multa, nōne custodies? Et in Apocalypsi cui-dā dicitur: Dicis quòd diues sum & locupletatus, & nullus egeo: & nescis, quia tu es miser, & miserabilis, & pauper, & cæcus, &

Isa. 42.

Apocal. 3.

cæcus, & nudus. Tum in Euangelio suo Ioannes de Christo *Ioan. 1.*
loquens, Erat, inquit, lux vera, quæ illuminat omnem homi-
nem venientem in hunc mundum. Apertissimè indicat om-
nes cæcos fuisse, quia omnes luce fuerunt egentes. Et quid
multa? Omnes cæci huius conditiones idē conuincunt. In Je-
richo secus viam sedebat. Decebat nos Ierusalē esse in Eccle- *Gala. 4.*
sia Christi, in patria cælesti, animo, dū necdū corpore licet, *Ioan. 17.*
in quam ē mundo electi & conscripti ciues sumus, ad viden-
dam pacem quæ in illa est. Et ecce, in Iericho, in Lunæ volu- *Ephes. 2.*
bilitate, quā Iosue expugnauit, & anathemate instaurandam *Ioan. 6.*
interdixit, in qua concupiscentia oculorū, & concupiscentia *1. Ioan. 2.*
carnis, & superbia vitæ inest, hæremus: magisque huius aquis *4. Reg. 2.*
amarissimis, quā illius nectare delectamur, quotquot cæle-
stia non cogitamus, nec sapimus, terrenis occupamur: De
qua peruerlitate hominum Ieremias conqueritur. Quo *Thren. 1.*
modò, inquit, sedet sola ciuitas plena populo? quomodò *Ibid. 4.*
obscuratum est aurum, mutatus est color optimus, dispersi
sunt lapides sanctuarij, in capite omnium platearum? Deinde *Ioan. 14.*
cū Christus via sit in qua currendū erat, nōne secus viam *1. Cor. 9.*
otiosi videntur sedere, qui nec minis, nec promissionibus, nec
verò exemplis Christi, vel à malo retrahuntur, vel ad bonum
solicitantur? nonne cum impijs videntur dicere? Recede à no- *Iob 21.*
bis, scientiam viarum tuarum nolumus. Horum certè anima
nimū renaciter pauimento adhæret, & necesse habent cum *Psal. 118.*
Psalmista dicere: Erraui sicut ouis quæ periit. require seruum
tuum Domine. Sed fortè in hoc aliqui cæco hoc superiores
esse velint, quòd medicauerit ille. Et certè Deus nos copiosè
benedixit in omni spiritali benedictione, quando Christus, *Ephes. 1.*
cū diues esset, vt nos ditaret pauper factus est, & regenera- *2. Cor. 8.*
uit nos in spem viuam, in hæreditatem incorruptibilē, & in- *1. Pe. 1.*
contaminatam, & immarcescibilem, conseruatā in cælis: ne
omninò quid ad summā deēsser. Verū quis non videt, quan-
to perè laborent homines pro cōsequēdis diuitijs honoribús-
que mundi huius? Quid autem sunt dolus, simulatio, adula-
tio, idq; genus aliæ acquirendarū diuitiarū artes: quid sunt,
inquam, nisi emendicatio quædā? Hæ sunt viæ difficiles, viæ *Sapi. 5.*
iniquitatis: quæ sua asperitate etiā fortes lassant. Sed pro æter-
nis ac spiritalibus nemo supplicat. Pudor est hæc à Deo pe-
tere. Et quid scriptura dicit? Duo mala fecit populus meus: *Ierem. 20*
Me dereliquerunt fontē aquæ viuæ, & foderūt sibi cisternas

diffipatas, quæ continere aquas nō voluerunt. Atque hoc ipso miserabiliore pauperioresq; sumus, q̄ pro spiritualibus Deo supplicādum esse, nolumus intelligere. Videtis ergo, quod cæcus iste omnium in se habeat imaginē. Id cū ita sit, nōsque cæci simus omnes, nemo dicat, sicut quondā Iudæi dixerūt:

- Ioan. 9.* Nūquid & nos cæci sumus? Oportebat enim plurimos ē nobis esse duces cæcorū, lumen eorū qui in tenebris sunt, cruditores insipientium, magistros infantiū, sine reprehensione in medio nationis prauæ & peruersæ, lucere sicut luminaria in mundo: vt ab obrectatoribus etiā dicerentur populus sapiēs & intelligens, gens magna, sed ecce filij seculi huius prudētio res sunt filijs lucis, quod malum bonū, & bonū malū dicunt, ponentes tenebras lucem, & lucem tenebras, amarū in dulce, & dulce in amarum, schismaticum & hæreticum, Euangeliū, & contrā. In his erroribus nemo se cæcū falsò neget, nemo se videntem iactitet, ne & ipsi dicatur, q̄ olim Iudæorum Phariseis dictum est: Si cæci essetis, non haberetis peccatum: nūc verò dicitis: quia videmus, peccatum: igitur vestrū manet. Quin verò agnoscamus nos tales, quales esse scriptura pronūciat, agnoscentes remedium quæramus, idq; huius ipsius cæci exemplo. Nam vt antea infirmitatis nostræ in illo conspeximus imaginem: ita in eodem reualescentiæ sumamus licbit exēplum. Ergo licet cæcus fuerit & mendicus propè Iericho, secus viam sederit, inuenit tamen viam, qua omnibus his subuenit, inuenit medicum, quo dante omnia aduersa sustulit.
- Luc. 18.* Audiuit turbā prætereūtem, quæsiuit quid hoc esset? clamauit orans: IESV fili David miserere mei. Hoc illi sanitatis initium. Neque tamen turbā audiuiſſet, nec quid esset quæsiuiſſet, nec orans clamauiſſet, nisi IESVS filius David trāſiſſet. Vt ergo audiret cæcus, vt quæreret, vt clamaret, vt saluari posset: IESVS tranſiuit. Initium salutis humanæ à Deo est, quæ tamen sine cooperatione non consummatur nostra. Id quod superioribus quoq; sermonibus duobus ostensum est. Gratia vocauit nos Deus in vineā suā. Hoc salutis initium est. Non tamen sine nostra cooperatione consuminatur salus.
- 11th. 20.* Propterea vt laboremus, in vineā vocati sumus. Sic etiā nūc
- Luc. 8.* semen suum seminat Deus. Hoc initium. Sed ideo seminat: vt semen fructificet. Hæc consummatio. Sic cæcus nisi Christus tranſiſſet, saluari non potuiſſet. At quēadmodum nihil cæcus egidiſſet, nisi CHRISTVS tranſiſſet: ita sine auditu, sine interrogatō-

terrogatione, sine clamore Christus cæcum non saluauit. Hinc illud: Qui creauit te sine te, non saluabit te sine te. Hoc ideò, ne vel minus vel æquo maius nobis tribuamus, nèue Deo derogemus quicquã. Cõmodum autem Christum pro sanitate precatur. De ipso enim hoc Prophetica scripta traderunt, & ipse lux mundi potuit. Isaias enim de eo loquens, inter cætera ait: Deus ipse veniet, & saluabit nos: Tunc *Isai. 35.* aperientur oculi cæcorum, & aures surdorum patebunt. Lux autem mundi cum à Ioanne dicitur, tum ipse etiam *Ioan. 2.* se lucem dixit mundi, sibi que hoc nomen longè alia *ibid. 8.* ratione quam sol iste vendicat. Hic enim neminem illuminat, nullique prodest, præterquam videntibus, solos oculis sanos lætificat & afficit, obest potius alijs. At CHRISTVS contrario modo cæcis prodest, videntibus non item: imò cæcos illuminat, videntes exæceat, ipso testificante, cum ait: *Ioan. 9.* In iudiciũ ego in hunc mundum veni: ut qui non vident, videant, & qui vident, cæci fiant. Non sunt viæ meæ viæ hominum. Publicanis peccatoribusque oculos aperuit, qui cecitatem exosi lumen desiderauerunt. Phariseos de acumine visus sui iactabundos exæceauit. Ipsum ergo lumen fore hominum Prophetæ prædixerunt, & ipse esse sese id declarauit. Quod si hanc fidem de Christo cæcus non habuisset, nunquam visum recepisset. Id quod duorum in Matthæo cæcorum exemplo cõmonstrari potest. Hos enim Christus rogat, *Matth. 9.* dicens: Creditis quia hoc possum? illisque ita se credere respondentibus, ait: Secundum fidem vestram fiat vobis. Ipsi autem huius cæci nostri oratio atque desiderium idem confirmant. Iesu fili Dauid, inquit, miserere mei. Sunt enim hæc plena fidei verba. Iesum dicit, non eum, nec similem, qualis erat ille qui Hebræam gentem per Iordanem in Palæstinam introduxit: sed qui nos in cœlestem patriam duceret præuius, ab hostium armis defenderet. Filium deinde Dauid vocat. Plures autem cum habuerit Dauid filios, mirum cuiquam videri posset, quid hæc appellatio ad Christum. Habuit enim *2. Reg. 13.* Dauid filium Amon primogenitum, sed hic sororem viciavit *2. Reg. 16.* virginem. Habuit Absalonem, sed paternæ præminentie insidiatorem. Habuit Adoniam, sed regni paterni ante tempus inuasorem. Omnes hi miserè interiøre, idcõq; nihil egregium, nihil in hac appellatione videtur inesse diuinum. Sed late hic mysterium carnalibus oculis absconditum. Jam enim

- confirmato regno Dauid filijs filiabusque, beato Regi peculiaris cuiusdam filij defertur promissio: Quando completi fuerint dies tui, & dormieris cum patribus tuis, suscitabo semen tuum post te, quod egredietur de utero tuo: & firmabo regnum eius. Ipse ædificabit domum nomini meo, & stabiliam thronum regni eius usque in sempiternum. Ego ero ei in patrem, & ipse erit mihi in filium. Hæc promissio postea sæpissimè repetitur: vt Dauid ipse: Dixit Dominus Domino meo, sedes à dextris meis: donec ponam inimicos tuos scabellum pedum tuorum. Et: Iurauit Dominus Dauid veritatem, & non frustrabitur eum. Et: De fructu venteris tui ponam super sedem tuam. Et: Inueni Dauid seruum meum, oleo sancto meo unxi eum. Manus enim mea auxiliabitur ei, & brachium meum confortabit eum: Hæc autem minimè de Salomone possunt intelligi: vt Iudæorum confingit prauitas. Nusquàm enim Salomonem Dauid appellauit Dominum. Tum præter hominem nihil adeo magnū in eo fuit: eoque à dextris Dei sedere non potuit. Imò ipse peccator fuit, & senex à Deo præuaricatione descendiit. Christo omnia conueniunt. Nam hic & Dominus à Dauide dicitur, & sacerdos, & filius Dauid secundum carnem fuit, & sedet à dextris Dei, inque medio inimicorum suorum regnat. Eum cæcus Christum agnouit & confessus est, & fidei intuitu oculorum recompensauit lippitudinē. Petit autem misericordiam, & in misericordia visum. Vtrūque veterum exemplo.
- Psal. 56.* Dauid enim orans clamat: Miserere mei Domine, miserere mei, quoniam in te confidit anima mea. Et: Illumina oculos meos, ne vnquā obdormiam in morte, & dominetur mei inimici: Illumina lucernam meam Domine, Domine Deus meus illumina tenebras meas. Non petit respectu iustitiæ, aut operum, sed pro misericordia, quemadmodum Daniel olim fecit, qui se non in iustificationibus, quas fecisset, sed pro magna Dei misericordia supplicem factum fuisse dicit. Petit autem cæcus cum ingenti desiderio, quod & ipsum à Deo exuscitatum fuit. Sicut olim Iudæorum mentes in Aegypto ad orandum Deum pro liberatione excitabatur: vt & in Iacob Patriarcha apparet, qui se non dimissurum esse angelum affirmat, donec ab ipso benedicatur, & in Psalmista, qui nolebat, nisi viuificatus, à Deo recedere. Quæsiuit Dominum, inquit Dauid, & exaudiuit me. Sic Chanana quoque instabat, supplex facta pro filia. Cæcū increpabant prætereuntes turbæ: vt taceret. At ipse multo magis clamabat: Fili Dauid misere-

miserere mei. Nō audiēdus est impius mundus, si quādo à re
 di proposito auocauerit. Quærendus est Dominus, dum in-
 ueniri potest, dū propè est. Magnis olim Ezechias Rex expo-
 situs erat periculis, bellū inferente Sēnacherib. Cōsolabatur
 eum Isaias, vt forti animo perstarēt. Sed Rabfices contra in
 desperationē deicere conabatur. At quia fortis perstitit, con-
 solationis dulcedinē percēpit, & periculū, quod nullo huma-
 no præsidio aut ingenio declinari posse putabatur, euasit. Et
 cur nō postulata obtineret perseuerans oratio? Vult Deus in-
 uocari: vt occasione præslet, quod nobis expedit, & ipse vult.
 Ergo supplicē solatur Christus. Stat primū, ac digito quasi
 cōmonstrans in cæcum ait: Clamavit ad me, exaudiam eum.
 Deinde iubet adduci: Venite ad me omnes qui laboratis &
 onerati estis, ego reficiam vos, non eijciam foras. Tertiò quid
 velit, interrogat. Nimirū voluntatem timentium se faciet.
 Postremò sanat, & quod ipse sit qui potestatē habeat omnis
 carnis, facto declarat. Eadem nobis præsare vult rogatus:
 Agitè ergo accedamus cum fiducia ad thronū gratiæ, vt mi-
 sericordiam consequamur, & gratiam inueniamus in auxilio
 oportuno. Quòd si adhuc ista mundi retrahit insania, si nec
 Christi concione, nec propriæ miseræ recordatione mundo
 abdicamur: quinta mūdi ætas in mētem veniat, quā nulla sine
 Christo salus sperari potuerit, licet magnis ducibus Israel
 Aegyptum exierit, cogitemus. Nō permittamus frustra eum
 nobis concionari de salutis mysterio: sed meditemur eius ser-
 monem atque facta, & fide nobis ipsius vitam applicantes,
 grati sumus, iuueniūque proximum nos petentem.

4. Reg. 18.

Psal. 90.

Matth. 11.

Ioan. 6.

Psal. 146.

Heb. 4.

DOMINICA PRIMA

IN QVADRAGESIMA EVANG.

MATTH. II II.

TVnc Iesus ductus est in desertum à spiritu: vt
 tentaretur à diabolo. Et cū ieiunasset quadra-
 ginta diebus, & quadraginta noctibus, postea esu-
 rixit. Et accedens tētator, dixit ei: Si filius Dei es, dic
 vt lapides isti panes fiāt. Qui respōdens, dixit: Scri-
 ptum est: Nō in solo pane viuit homo, sed in omni

verbo, quod procedit de ore Dei. Tunc assumpsit eum diabolus in sanctam ciuitatē, & statuit eum supra pinnaculū templi, & dixit ei: Si filius Dei es, mitte te deorsum. Scriptum est enim, *Quia angelis suis mandauit de te, & in manibus tollēt te, ne fortē offendas ad lapideū pedem tuum.* Ait illi Iesus: Rursum scriptum est: Nō tentabis Dominum Deū tuum. Iterum assumpsit eū diabolus in montem excelsum valdē, & ostendit ei omnia regna mūdi, & gloriā eorū, & dicit ei: Hæc omnia tibi dabo, si cadens adoraueris me. Tūc dicit ei Iesus: Vade retro Sathana. Scriptū est enim: Dñm Deū tuū adorabis, & illi soli seruiēs. Tūc reliquit eum diabolus. Et ecce angeli accesserūt, & ministrabāt ei.

E A D E M D O M I N I C A E P I S T O L A, I I. C O R I N T H. V I.

Isai. 49. A Diuātes autē exhortamur, ne in vacuū gratiā Dei recipiāt. Ait enim: Tpe accepto exaudinite, & in die salutis adiuui te.

I. Cor. 4. Ecce nūc tps acceptabile, ecce nūc dies salutis. Nemini dātes vllā offensionē: vt nō vituperetur ministeriū nostrū: sed in omnibus exhibeamus nosmetipsos sicut dei ministros, i multa patiētia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in ieiuniis, in castitate, in sciētia, in lōganimitate, in suauitate, in spiritu sancto, in charitate nō ficta, in vērbo veritatis, in virtute dei, per arma iustitiæ à dextris & sinistris, per gloriā & ignobilitatē, per insamiam & bonam famā, vt seductores, & veraces, sicut qui ignoti, & cogniti, quasi morientes, & ecce viuimus: vt castigati, & non mortificati, quasi tristes, semper autem gaudentes, sicut egentes, multos autem locupletantes, tanquam nihil habentes, & omnia possidentes.

S E R M O.

Quod Christi hac actio nos & consoletur & hortetur.



VOD nec prima, nec secūda, nec tertia ab ipso exordio mundi xtas aliam vllam salutē, quā quæ est in mediatoris & Domini nostri IESU Christi sanguine, sperare potuerit, superiores tres Dñici dies docuerunt. Hæc verò præterquā quod in

quòd in Septuagesima quarta est, & quartam ætatem, quæ à David ad Babylonicam vsque captiuitatem protenditur, sine eiusdem Domini IESV morte salutis inopem ostendit: etiam quadragesimæ prima est, & nos qua ratione non nunc promissi tantum, verum etiam exhibiti Christi passionem apprehendere, eaque uti debeamus, docet. Plus igitur aliquanto hæc habet, quam præcedentes illæ dominicæ dies. Quorum secundo ut longius immorari liceat: nempe, qua ratione Christi passio intucunda nobis atque apprehendenda sit, breuiter quod ad primum attinet, absoluam. Et quidem scripturæ testimonio infallibili, omnium optimè res Iudæorum illa quarta stetit ætate. Præter enim legem, sacerdotium, templum, & in eo cultum, etiam Reges atque Prophetas habebant, quorum industria atque potentia ab hostium quorumlibet incursumbus tuti seruabantur. Reges quidem Dauid, Iosaphat, Ezechias, & Iosias, gladio contra visibiles hostiū acies pugnabāt: Prophetæ verò Samuel, Elias, Elizæus, Isaias, & alij, spiritus gladio (quod est verbū Dei) inuisibiles hostiū nequitias propulsabant: Omnes hoc strenuè agebant, ut securè & in quiete populus habitaret. Verū ut multa atque ingentia patrarent cum Reges tum Prophetæ: nemo tamen vel seipsum, vel populū suum, à Diaboli, peccati, mortisque seruitute liberare potuit. Id quod vni ac soli Christo reseruabāt. Atque hic verè potuit. Omnes ergo hūc expectare atque sperare oportebat. Id quod ipsi etiam strenuè hortati sunt & monuerunt. Quemadmodum tot preces, Psalmi atque oracula, clarè demonstrant: quæ ideo hūc recitātur, ut eò nobis gravior sit Christi passio, quæ omnibus semper fuerit necessariò expectata atque sperata. Et tum demū hanc dominicā diem quadraginta dierum ieiunij primā rectè celebrabimus, quando eadem passione dextrè vsi fuerimus. Quo in negotio iam non modò mēs & lingua, sed totius etiā corporis requiritur operatio. Id eò enim tam præstans hodie exemplū, filius ipse Dei in deserto ac fame, mundi Saluator cū principe sæculi huius proponitur in duello, nō ut frigida freti excusatione nihil nos agamus: sed ut ipsius exemplo moniti, sequi caput nostrū membra discamus. Vult enim Dominus quos ipse præsciuit & prædestinauit conformes fieri imaginis filij sui, ut specij facti passionum eius, fiant & consolationis, quemadmodum diuina iusticia æquum est: ut si mortui sumus, cōuiuificet: si su-

Summa.

Roman. 8.

1. Corin. 11.

- stinuimus, conregnare faciat. Sicut autem conformes imaginis illius non fieri diuina voluntas est, ita ne grauius viribus nostris videatur in ipsum aspicere, Apostolica monet auctoritas. **Heb. 12.** Apertè siquidē Paulus ad Hebræos scribens ait: Aspicientes in autorem fidei, & consummatore IESVM, qui proposito sibi gaudio sustinuit crucem, confusione cōtemp̃ta, atque in dextra sedis Dei sedet. Recogitate enim eū, qui talem sustinuit à peccatoribus aduersum semetipsum contradictionem: vt ne defatigemini animis vestris deficientes. Nondum enim vsque ad sanguinem restitistis aduersus peccatum repugnantes. Vnde etiam D. Augustinus, Cur, inquit, seipsum quoque tentandum præbuit? Vt ad superandas tentationes mediator esset, nō solum per adiutorium, verum etiam per exemplum.
- Lib. 4. de Trin.** **Summa.** Adiutorium eius consolatur nos, exemplum ad imitationem hortatur: Dublex ergo huius Christi actionis vsus est. Primò, vt consolemur, deinde vt imitemur. Sanè ingens pijs mentibus illa consolatio est, quòd Christus caput nostrum in semetipso Diabolum hostem communem deuicit, eamque victoriam nobis membris suis communicauit. Quæ enim maior consolatio nobis posset obtingere? Mox enī renatis nobis idem hostis aduersatur, vndique sollicitat atque impugnat. haud aliter ac Dauid quondam, mox vbi in Regem vinctus esset, Saul & hostem & insidiatorem habere & sustinere
- Iob. 7.** cogeatur perpetuum: vt rectè Iob dixerit, vitam hominis super terram militiam esse. Tum verò ipsa etiam caro nostra vrget nos, & improba ad peccandum sollicitat. Id quod ipse
- Roma. 7.** etiam Paulus de se testatur, dicens: Video aliam legem in membris meis, repugnantem legi mentis meæ, & captiuantem me in lege peccati, quæ est in membris meis. Infelix ego homo, quis me liberabit de corpore mortis huius? Et alibi idem,
- Galat. 3.** Caro, inquit, concupiscit aduersus spiritum, Spiritus autem aduersus carnem. Hæc enim sibi inuicem aduersantur. Vnde
- 1. Corin. 9.** illæ voces sunt: Omnis qui in agone contendit: ab omnibus se abstinet: & illi quidem vt corruptibilem coronam accipiat, nos autem incorruptam. Ego igitur sic curro, non quasi in incertum: sic pugno, non quasi aërem verberans: sed castigo
- 1. Tim. 1.** corpus meum, & in seruitutem redigo. Et: Qui in agone certat, non coronabitur, nisi legitimè certauerit. Horum ergo tantis viribus quis nostrum resistere valeret, qui ne quidem sufficiens sumus aliquid à nobis, tanquam ex nobis cogitare? Vche-

gitate? Vchementer ergo consolatur nos, quod Christus caput nostrum hic fecit, qui suam noais dedit victoriam, vt per se sufficeret nobis ex Deo communicaret: qui idoneos nos fecit, & qui semper triumphat nos in Christo Iesu: qui operatur omnia in omnibus. Quomodo autem suam daret nobis victoriam, aut vt vincere hostem possimus, in nobis sua virtute operaretur, nisi nostram, hoc est, humanam infirmitatem sciret? nisi etiam aduersarij nostri dolum nouisset? Et quomodo sciret aut nouisset, nisi in semetipso expertus fuisset? Habentes ergo Pontificem magnum, qui penetrauit celos, IESVM filium Dei, teneamus spei nostrae confessionem. Non enim habemus Pontificem, qui non possit compati infirmitatibus nostris, tentatum autem per omnia pro similitudine, absque peccato. Adeamus ergo cum fiducia ad thronum gratiae eius, vt misericordiam consequamur, & gratiam inueniamus in auxilio oportuno. Et. Quia pueri communicauerunt carni & sanguini, & ipse similiter participauit eisdem, vt per mortem destrueret eum, qui mortis habebat impetum, id est, diabolum, & liberaret eos, qui timore mortis per totam vitam obnoxij erant seruituti. Vnde per omnia debuit fratribus assimilari, vt misericors fieret, & fidelis pontifex apud Deum: vt repropitiaret delicta populi. In eo enim, in quo passus ipse & tentatus est, potens est & eis qui tentantur auxiliari: Ecce quam nobis consolationem haec Christi tentatio adferat. Atque haec non nuda aut inania esse verba, tot milia hominum testantur, qui hac ipsa fiducia freti, ad gratiae thronum gratiam & auxilium in tempore oportuno petiitum adierunt. Nec adeo eos fefellit spes, vt mira fortitudine vtriusque sexus homines insultarent diabolo, ludibrijs ipsum in praelium atque arenam prouocarint, haec atque alia facere coegerint, planeque nihil timuerint. Et quis non admiratione dignum arbitrat, hominem imbellem creaturam, saepe etiam pueros ac teneras puellulas, tam immanem hostem tam nihil horruisse? Nempe ex vnica adeoque sola Christi victoria hanc virtutem conceperunt. Quorum victoria quod per omnem Ecclesiam celebrior est, eo maior nostra ignominia est, qui certamen hoc aspiciamus quidem, sed nostram esse victoriam nescire volumus: aut si qui norunt, ita tamen dissimulant, vt sibi quoque arma capienda esse quasi non intelligant. Nempe ideo dimittendum esse negant, ne quemadmodum Christus, ieiunan-

1. Corin. 3.

1. Corint. 2.

1. Corint. 12.

Hebr. 4.

Hebr. 1.

do, exeundo in solitudinem, præparare se necesse habeant. Quinetiam eiusmodi præparationem, maximè ieiunium, *Ieiunium.* quo se Christus veluti armatura munivit, planè & apertis verbis vt inutile, qui reiiciant, inuenias. Atque hi quidè ex hoc ipso Euangelio, quo incitari rectius debebant, tergiversandi occasionem venantur. Christus, inquiunt, pro nobis ieiunauit: Christus ieiunare non præcepit: Christus, inquiunt, pro nobis ieiunauit: Christus ieiunare non præcepit: Christus filios sponsi liberos esse dixit. *biectiones.* Matth. 17. Quod in os intrat non coinquinat hominem, Matth. 15. Filij sponsi non possunt lugere quandiu sponsus cum ipsis est. Matth. 9. & quis potest quemadmodum Christus ieiunare? denique nec cælum ieiunio penetrare possumus. Hæc ferè sunt quibus illi ieiunium, vt certaminis præparationem ac Christiani militis armaturam abijciunt. *ratio ea-* Quis autem nescit, ieiunium, & sobrietatem, *1. Pet. 5.* & vigilantiam, necessariò præcedere certam? Sobrius estote, inquit Petrus, & vigilate in orationibus, quia aduersarius vester diabolus tanquam leo rugiens circuit, quærens quæ deuoret, cui resistite fortes in fide. Et Paulus, Sobrie, inquit, & *Tit. 2.* pie, & iuste viuamus in hoc seculo, expectantes beatam spem, *hæc illi* aduentum gloriæ magni Dei. Et alibi: Induite vos armaturam Dei, vt possitis stare aduersus insidias Diaboli: quoniam nobis non est colluctatio aduersus carnem & sanguinem, sed aduersus principes & potestates tenebrarum harum; aduersus mundi rectores, contra spiritualia nequitie, in cælestibus: Propterea accipite armaturam Dei, vt possitis resistere in die malo, & in omnibus perfecti stare. Et quæ Paule illa armatura? State ergo succincti lumbos vestros in veritate, & induti lorica iustitiæ, & calciati pedes in præparationem Euangelij pacis: in omnibus sumentes scutum fidei, in quo possitis omnia tela nequissimi ignea extinguere: & galeam salutis assumere, & gladium spiritus, quod est verbum Dei. Ecce quibus verbis, qua diligentia, Apostoli armaturam hanc necessariam descripserunt. An non ferè omnia commemorant quæ hic in Christo videmus? Sic ipse Christus hanc ipsam armaturam descripsit, quando cum multa de vrbis excidio prædixisset, *Luc. 21.* subdidit: Attendite vobis, ne fortè grauentur corda vestra crapula & ebrietate. Qui ergo armaturam necessariam ieiunium, idque genus alia, abijcit quando cum hoste congredietur, & Christum caput suum pugnando sequetur? Vtique certa-

certare cū tanto hoste maius est, quā hanc armaturam induere. Qui autem quod leuius est, abiurat, nūquā quod grauius est, efficiet. Sed vt intelligant, quam sibi suæque salutis ma-
 le consulant, ipsorū obiectiones perquiramus: quā sibi constent & quā doctos viros deceant, videamus. Primò, Christus pro nobis ieiunauit: Ided nobis ieiunandū nō est. Ridiculum facit. An non hoc est scripturis abuti, quemadmodum in hoc ipso Euangelio Satan ijs abusus est? Quis negat pro nobis ieiunasse Christum? sicut omnes credimus, ipsum pro nobis omnia huius vitæ incommoda ipsāque adeo mortem pertulisse, pro nobis orasse. Annon autem risum faceret omnibus, si quis ita argumentari velit? Christus pro me orauit, ergo mihi orandū nō est: Pro me passus est, ergo mihi nihil perferendum est. Nam & orandum & ferendum esse, cū scriptura monet, tum etiam exempla & experientia docent. Quin sic argumentari licet: Christus pro me ieiunauit: Ergo mihi etiā ieiunandū est. Nā ipse hanc formulā monstrauit: *Ioan. 13.*
 Exemplum dedi vobis, vt quemadmodū ego feci vobis, ita & vos faciatis. Et Ioannes ipsum sequutus ait: Qui dicit se in Christo manere, debet sicut ille ambulauit, & ipse ambulare. *1. Ioan. 1.*
 Christus licet peccatū nō fecerit, nec inuentus sit dolus in ore eius, ieiunauit tamen, & grauissimæ pœnitentiæ exemplum dedit, non pro se, sed pro nobis. Quæ nō rapui, tunc exolue- *Psal. 68.*
 bā, ait. Quidquid Adā Euāque deliquerūt, Christus cōpēsa- *Gen. 3.*
 uit. Dñs posuit in eo iniquitatē omniū nostrū: peccata mul- *Isai. 53.*
 torū ipse tulit, & pro trāsgressoribus rogauit. Et quæ socordia est, nolle pro nobis ipsis facere, quod alius pro nobis, non pro se fecit? Secundò, Christus nō præcepit ieiunare. Quid tū postea? Ergone ieiunandum nō est? Præcepit vigilantia, quæ ieiunij effectus est: præcepit orationē, quæ sine ieiunio & elemosina bona non est. Sed nunquid durū Legislatorē vis esse *Tob. 12.*
 Christū? An non facis est seruo opus aggredi quod Dominū suū videt facere? Milites vbi ducem suum in hostiū acies sese inmittentem vident, suam rem agi, ac idem sibi faciendum intelligūt. Et ægrotus potionem quam prælibauit Medicus acerbiorē, sibi sumendā nouit. Christus dux noster & Medicus est, cuius Gedeon figurā gerēs, omnes ad suū exemplum *Iudic. 1.*
 hortatur. Quod me, inquit, facere videritis, hoc facite.

Tertiò, Sed liberi sunt filij Dei. Rectè id quidem, libertate qua donauit filius, non carnis, sed spiritus. Paulus liber *1. Cor. 9.*

erat, sed seruū se fecit omnium. Liberi sunt qui quod bonū est, suapte sponte faciunt: & his lex non imperat. Ergo liberi
Matth. 17. sunt filij, inquit Christus. Vt autē nō scādalizemus eos, vade, & da eis pro me & te. Vera libertas est peccati atque diaboli imperiū non timere, tamque cōscientiæ seruare constanciā, vt nolimus, etiam inuito diadolo, in peccati nos tyrannidem inuoluere. Et huic sanē libertati ieiunium & sobrietas ad eō non repugnant, vt plurimū etiam cōmodent, imō quodammodo ipsa sint libertas. Quartō, Sed Christus dixit, quod in
Matth. 15. os intrat, nō coinquinat hominē. Sit ita. quid ergo? Ergone ieiunandū nō est? Apostoli sciuerunt hoc, & quia nihilominus ieiunauerunt, peccauerunt? Imō non ipsi solū ieiunauerunt, verū etiam ieiuniū verbis scriptisque alios docuerūt, vt clarē in hodierna Epistola Paulus facit. Veras Ieiunij causas discite in Ecclesiā, quæ nunquam ideo ieiunium & abstinentiā suā sit, quod immundos cibos iudicet, aut nos inquinare putet: quæque semper docuit omnia munda esse mundis, & nihil sordidū, quod cū gratiarū actione percipitur. Quintō, Christus ait, quod filij sponsi non possint lugere quandiu spōsus cū ipsis est. Scio: hoc dicto discipulos suos excusauit: & permitto, quod lugere & ieiunare non sint idem. Nunquid autē hic locus ieiunium reiicit? Imō approbat. Sequitur eī
Matth. 9. continuo sermone: Venient autem dies cū auferetur ab eis
Act. 13. 14. spōsus & tunc ieiunabūt. Ecce prædixit Christus se ablato ieiuniū. Ablatus nūc est sponsus: & filiorum Dei est epithetō ieiunare. Quicumque ergo filij spōsi sunt, ieiunāt: notū verō
6 ieiuniū temnunt. Sic ieiunauerunt filij spōsi Apostoli. Sextō, Impossibile est ieiunare quomodo Christus ieiunauit. Sed nec hinc sequitur, non esse ieiunandū. Quemadmodū nemo charitatis perfectionem illā summā attingit, nihilominus tamē charitatis præceptū nos ligat omnes: sic licet nemo cōtinuis quadraginta diebus & totidē noctibus ieiunare possit: tamē hoc ipso à ieiunio nō absolvitur. Nunquid quēadmodū
1. Pet. 5. dū Christus, ita nostrū aliquis mori potest? Nemo. Petrus tamē hoc ipso quod mortuus sit Christus, nobis relictū esse exemplū vt sequamur vestigia eius, asserit: cū nec Christus se sequi moriendo iusserit in genere, nec eo modo mori sit possibile cuiquam mortalium. Sic nemo quēadmodū Christus, animam suam pro fratribus suis potest ponere, vt iustus moriatur pro iniustis: sed tamē ponere animas pro fratribus

Aposto-

Apostolica nos hortatur autoritas. Si ergo nec Petrus nec 1. Ioan. 3.
 Ioannes peccarunt, & quodam modo impossibilia præcepe-
 rint: quomodo reprehensionem meretur, quod Ecclesia ieiunium,
 & quidem non impossibile suadet? Idque Paulo moni- 2. Cor. 6.
 tore, qui ait: In omnibus exhibeamus nosmetipsos sicut Dei
 ministros, in multa patientia, in vigilijs, in ieiunijs, in castita-
 te, &c. Multo ergo rectius docerentur homines anniti pro vi-
 ribus ad illam, quæ humana natura altior est, perfectionem.
 Quemadmodum D. Augustinus testatur fuisse suis tempori-
 bus homines pios, qui cum non possent quadraginta diebus
 totidemque noctibus continuis ieiunare, sex tamen continuis
 diebus sine omni alimento vixerint, & sabbato recreato cor-
 pore, iterum ieiunauerint, donec paucissimis diebus ieiunium
 diuidentibus, ad Christi ieiunij tempus accederent. Septimo 7
 ac postremo, Non possumus, inquit, cælum ieiunio pene-
 trare. Bene. Quis vnquam solo ieiunio cælum penetrari do-
 cuit? Verum adiumento haud dubie erit cælum petenti ieiunium.
 Nec fides nec spes cælum ingreditur: Charitas ingre-
 ditur & manet. Nunquid ideo reiicienda vel spes vel fides est,
 quia charitas maior est? Habet charitas quod diligat semper,
 habet fides quod credat, habet spes quod speret ad tempus.
 Vbi verò charitas consummata fuerit, cessant simul fides ac
 spes. Sic etiam ieiunium suas causas habet & effectus, quibus
 consecutis cessat ieiunium. Hinc est quod & Ecclesia tres præ
 cipuas ieiunij causas semper docuit. Prima, ut eò grauius in
 nobis commissa puniantur peccata. Secunda, ut eò rectius mens
 sursum assurgat in Deum, cum oramus. Tertia, ut facilijs
 inordinati illi veteris hominis affectus coercerentur. Et quæ
 harum non vehementer facit ad consequendam cæli sœllici-
 tatem? Ideo, inquit Augustinus, nec mihi ipsi parco, ut par-
 cat mihi Deus: ideo me ipsum iudico, ne me Deus iudicet:
 ideo ieiuno, ut hoc freno equum meum coarctem, ne me seseo-
 rem deiiciat. Si ergo ieiunio tuo cælum deberi hæsitās: noli
 contemnere: sed malum quod commissum est per te, vindica
 in te, ad orationem promptum & expeditum fac te, ieiunio ve-
 terem hominem crucifige in te. Sic discēs frustraneum non es-
 se, quod tantis rebus commodat, licet per se cælum non pe-
 netret. Vides ergo, quàm non consulant tibi, qui tam nequi-
 ter hoc Christi factio abutuntur. Quod si quid de ieiunio car-
 pendum est omnino, abusus, non ipsum ieiunium, tollendus

Tres ieiunij
causæ.

Abusus ieiunij.

est. Neq; enim negamus, vt in alia serè omnia, sic in ieiunium irrepsisse abusus quosdam. Inutile ieiunium sine abstinentia

Isa. 58. vitiorum est. Id quod aperte Dominus in *Isaia* quaeritur. Ecce, inquit, in die ieiunij vestri inuenitur volútas vestra, & omnes debitores repetitis: Ecce ad lites & contentiones ieiunatis, & percutitis pugno impiè: Nolite ieiunare vsque ad hanc

Bernard. diem, vt audiatur in excelfo clamor vester. Hinc diuus Bernardus, Si inquit in solo cibo & potu peccauisti, os tuum solum ieiunet. Si autem alia quoque membra tua peccauerút, cur non & ipsa ieiunabunt? Ieiunet ergo lingua tua à verbis scurrilibus, à blasphemia, ab obstinatione, quibus hucusque deliquit. Ieiunet oculus tuus ab aspectu lasciuí. Ieiunet manus à malis operibus. Sed hoc quis facit? Ieiunamus quidem, sed nihilominus peccamus. Sic inutile est ieiunium, sine bonorum operum comitatu. Id quod dominus apud eundem

Isai. 59. Prophetam ait: Nónne hoc est magis ieiunium quod elegi? Dissolue colligationes impietatis tuæ, solue fasciculos deprimentes: dimitte eos qui confracti sunt liberos, & omne opus dirumpe: Frange esurienti panem tuum, & egenos vagosque induc in domum tuam. Cum videris nudum, operi eum: & carnem tuam ne despexeris. Vnde Augustinus monet, vt csumens Christus accipiat, quod ieiunanti Christiano superest. Et Bernardus, ieiunium oratione atque eleémofina sursum quasi duabus alis eleuari, vt coram Deo perueniat, scripsit.

Tob. 12. Quæ tria Tobias quoque coniunxit. Sed quis nostrum hoc etiam modo ieiunat? Sic quosdam ieiunasse legimus, vt Manichæos & Tacianos, qui cibos immundos dicerent. Sic alij, vt viderentur ab hominibus, ieiunarunt, de quibus Christus dicit, quòd receperunt mercedem suam. Hos ergo id quæ genus alios abusus à vero ieiunio auferre satius esset, quàm ipsum ieiunium tollere ieiunium, inquam, quod Deus ipse sancit & sanctificauit. Conuertimini, inquit, in *Ioèl*, ad me in toto corde vestro, in ieiunio & fletu, & in planctu: & scindite corda vestra, & non vestimenta vestra: Sanctificate ieiunium, vò

3. Reg. 19. cate cœtum, congregate populum. Ieiunium, inquam, quod
3. Reg. 21. Moses atq; Elias protulerunt primitiis, quo Niniuitæ propitiationem meruerút peccatorum, Achab pœnæ prorogationem,
Dan. 1. pitiationem meruerút peccatorum, Achab pœnæ prorogationem,
Iud. 9. Dauid propheticum spiritum, Iudith de hoste victoriâ, Tobias illuminationem consequuti sunt: cui ipse Christus mercedem
Tob. 22. à patre promisit, quod Christianos decet, soli impij abhorrent, co-

rent, tota ecclesia deniq; suscipit & amplectitur. Sed difficultatē incusant, q̃ affligere carnē homini sit cōtrariū: q̃ à suble-
ctis cibis abstinere, augeat desideriū. At hāc difficultatē nō natura, nō ieiunij ratio, sed appetitus nequā facit. Eliās subci-
nericio pane, Daniel oleribus. Discipuli spicis, Baptista locustis cōtēti vixerūt. Agē ergo, ad principiū recurrat oratio. Dicā breuiter. Aut planē trucidatus est Satā, & nobis cū ipso manus cōserere, cōq; per ieiuniū nosmet armare necesse nō est: aut nondū penitus cōfossus est, & nobis per ieiuniū armatis decertandū est. Sed nondū penitus succubuit. Ergo decertandū est. Probemus illud. Scriptura testis est locuples, q̃ tranquā hostis obsidēs muros clausos explorat, an sit reliqua pars murorū minūs stabilis, cuius aditu ad interiora penetret. Offert oculis formas illicitas, ac faciles voluptates, & leuia esse peccata ait, vt visu destruat castitatē, & omnē virtutē: Aures per canora tentat, vt molliat Christianū rigorē. Linguā cōuicio prouocat, manū iniurijs laceffentibus ad cōdē instigat. Honores terrenos promittit, vt coelestes adimat. Et cū latēret nō pōt fallere, apertos addit terrores: in pace subdolan, in persecutione violētus. Recteq; de eo Iob dixit, nō esse super terrā potestātē, quē cōparetur ei, qui factus est, vt nullū timeret. Sed nec hoc solū, q̃ nobis insidias struere ac vim facere cōnetur, qui q̃ caput suū cōtritū est, irā habet magnā: verū etiam quibus machinis ac modis nos impetat, & q̃ minimē nobis illi consentiendū sit, Scriptura monemur. Christus caput nostrū est, & eo modo quo Christū adoramus est, nos quoq; impetit mēbra eius. Et quis nō videt ipsū nobis cōtra cū vidē esse armis, quibus Christus caput nostrū vsus est? Cū ieiunasset 40. diebus & 40. noctibus, esuriit Christus: & esuriē ē accedit tentator. Nō hoc obiter Euāgelistæ excidit, sed quē admodū reliqua omnia, summo studio perscripsit. Laudāda sane ceterorū Historiographorum diligentia est, quid genus certamina diligētissimē literis cōmendauerūt. Sed maior enim hic noster Euāgelistā meretur laudē, qui omnia pro dignitate personarum & rei propriē depinxit. Potētissimus Xps est, qui oīa verbo virtutis suæ cōtinet. Potēs est & mūdi princeps Diabolus, Et quid horū cōparatione sunt, quos mūdus vti piētates suspicit, Achilles cū Hectorē, Aeneas cū Turno, tres Horatij cū tribus Cūriatij, Mālius cum Gallo, David cū Philisteo? Et hi quidem pro vili & temporanea laurea at-

Isai. 22.

Sapi. 2.

3. Reg. 19.

Dan. 1.

Math. 12. 3.

1. Pe. 5.

Iob 1.

Iob 41.

Eodem modo

Satan. Chri-

stus & nos

impetit. Mat.

Matth. 4.

Hebr. 1.

1. Reg. 17.

que corona decertantur: nostri verò Christus & Diabolus multo præstantiorē propositā habent cotonā. Nos & spectatores sumus certaminis, & à quo auferatur brabeū, videmus. Eòque diligentius nobis intendendum est, qualē tentauerit Christum Diabolus. Nimirum qui post ieiuniū esuriit à Satana tentatur. Sacra res est Ieiunium, atramen ieiunans tentatur Christus. Quo sanè ostenditur, quòd pij in ipsa boni actione tentationibus liberi non sint: ne quis cum bene operatur, & tamen tentatur, à Deo sperni se & derelictū esse existimet. Fit enim sæpè, vt in templo, in ipsa etiam orationis vehementia, irritamenta in animis assurgant, cum maximè pietati studemus. Vt videre est in Abel, Ioseph, Moysè, Iob, Tobia, Elia, Apostolis, Martyribus. Nam & Christus ipse testatur Satanam expetiuisse Apostolos, vt cribraret eos sicuti triticum. Sed eiusmodi tentationes nō iræ Dei sunt iudicia, sed vult nos Deus probare, an perstare velimus in boni proposito, sicut auri præstantia examinatur per ignem: deinde, vt admoneamur imbecillitatis nostræ, quā nihil sit nostrū quod operamur: ne efframur, & nobis ascribamus quod propriè Dei est. deniquè vt cō fortiores reddamur. vexatio enim dat intellectum. Postremò vt agnoscamus dona Dei. Neq; enim tētare nos Satā, nisi ad quos honores prædestinati essemus, sciret. Proinde nemo cū tentatur etiā in ipso bono opere, moueatur, quasi à Deo derelictus sit. Christus enim postquā ieiunasset quadraginta diebus & quadraginta noctibus, tentatus est. Ceterū idē quadraginta dierum numerum tenuit, q̃ hic pœnitentiæ deputatus esset. Totidē enim diebus pluit ira Dei tempore Noë: totidem annis Israel in deserto pœnitentiam egit: totidem Niniuitarū pœnitentiæ dies dati erāt: totidem etiam Ezechiel diebus peccata Israel portauit. Dein de Moyses & Elias totidem diebus, totidē noctibus ieiunarūt. Ne ergo vel maior vel minor vello homine crederetur Christus, eundem dierum numerum obtinuit. Tētatus est autem tribus: gula, auaritia, & superbia. Dic, inquit tentator, vt lapides isti panes fiant: Mitte te deorsum: Hæc omnia tibi dabo. Iisdem nos impeti Ioannes testatur, cum ait: Omne quod in mundo est, concupiscentia carnis est, & concupiscentia oculorum, & superbia vitæ. Et Paulus, Radix inquit, omniū malorum est cupiditas. Et Salomon initiū omnis peccati esse superbiam dixit. Hinc est quod Iacobus nos à propria concupiscentia

Luc. 22.
Cur tētemur.
Eccl. 2. 27.

Petrus.

Matth. 26.

Cur 40. dieb.
& noct. ieiunavit.

Gen. 7.

Num. 11.

Ioan. 3.

Ezech. 4.

Matth. 4.

I. Ioan. 2.

1. Thim. 6.

Eccles. 10.

Iacob. 1.

piscencia tentari aſſerit. Verùm non eſt neceſſe multis docere
 quibus tentemur. Ipſa experientia nos docet, idem nos pati
 quod Chriſtus à Satana ſuſtinuit. Quid ergo reſtat, niſi vt iſſe
 dem machinis quibus Chriſtus, aduerſus eũ pugnemus? Er-
 go hanc tam celebrem pugnam adornans Chriſtus, in deſer-
 tum à ſpiritu ductus ſiue expulſus eſt. Quo monemur, mo-
 uenti & operanti in nobis Spiritui ſancto non reluctari, ſed
 ad ipſius & aſpirationem & inſpirationem omnia noſtra di-
 rigi obſequenter debere. Tum deſertus locus pietati aptiſſi-
 mus eſt. Adam in medium para-diſi poſitus, concupiſcẽtia ſe
 poſteritatẽmq; omnem perdidit: Chriſtus, in quo pater om-
 nium peccata poſuit, inſtauraturus omnia, in deſerto inueni-
 tur eſuriens. Et ipſum quidem turba nihil à propoſito ſemo-
 uere potuiſſet: ſed nobis tyrannibus exemplum dedit è me-
 dio Babylonis ſecedere, ſi quando cœleſtium rerũ contẽpla-
 tioni & pietati animũ Chriſtianum voluerimus tradere. Sic
 Chriſtus Pharifæos arguit, quòd omnia facerent, vt viderent
 ab hominibus. Et noſtra ieiunia & orationes in abſcondito
 fieri voluit, redditurũque eſſe patrem promiſit. Hinc ad
 Ezechielẽ Dominus ait: Fili hominis, in medio ſcorpionum
 tu habitas. Et David: Filij hominum, dentes eorum arma &
 ſagittæ, & lingua eorum gladius acutus. Hinc etiam Domi-
 nus Iſraelem cum exteris connubio iungi noluit. Quia in-
 quit, ſeducent filium tuum, ne ſequatur me. Et Paulus: Cor-
 rumpunt bonos mores colloquia praua. Et: Modicum fer-
 menti totam maſſam corrumpit. Deinde in nullo conſentit
 hoſti. Suadebat ille gulam, ſuadebat auaritiã, atque ſuper-
 biam: ſed ſemper reſpondet: Secus ſcriptum eſt. Et hoc ipſum
 noſtrum exemplum eſt. Hominibus cedendum eſt fortẽ, ſed
 diabolo minimẽ. Quancunque ergo ille tentationem ſubdo-
 lus ingerit, aliter ſcriptum eſſe reſponde: diuinã voluntatem
 malignis oppone ſuggeſtiõibus. Sic fiet quod Iacobus præ-
 cipit: Reſiſtite diabolo, & fugiet à vobis. Nã ſi in vno aliquo
 conceſſerimus, importunus ſollicitator non quieſcet, donec
 totos in ſuum ius pertraxerit. Poſtremò, verbo Dei, quod eſt
 gladius ſpiritus reſpercutit. Idem nobis ſequendum eſt. Vo-
 luntas enim Dei certiſſima & tuta viuendi norma eſt: hæc au-
 tem ſacris ſcripturis manifeſtatur. Sed hoc laborandum eſt,
 vt rectẽ vtamur. Vterque Chriſtus & Diabolus hoc gladio
 uſus eſt, ſed lõgẽ diuerſiſſimẽ. Et ſanẽ plurimam trage-
 diam

Iſai. 53.

Math. 6.

Ezech. 2.

Pſal. 56.

Deute. 7.

1. Cor. 15.

1. Cor. 5.

Rom. 12.

Iacob. 4.

Eph. 6.

excitauit eius abusus, cùm alius inscitia, alius nequitia, rapit
 atque detorquet. Non hoc Christianũ est, sed Diabolicum.
 Christianus Christi exẽplum sequitur, & rectè secatur atq; tra-
 ctat. Et huius rei non à nobis ipsis, sed à sanctis qui ante nos
 vixerunt patribus, petendum est iudicium. Ecce, hoc modo
 hisq; armis Satanã Christus deuicit. Nouimus cogitationes
 Diaboli, & cur non pugnamus? Christi sanguine libertati re-
 stitutus in hostis tyrannidem relaberetur? aut vtrique Domino
 2. Cor. 6. pars in nobis erit? At scriptura hoc prohibet: Nolite iugum
 ducere, cum infidelibus: Quæ enim participatio iustitiæ cum
 iniquitate? aut quæ societas luci ad tenebras? Quæ autem con-
 uentio Christi & Belial? Quis cõsensus templo Dei cū idolis?
 Matth. 6. Non potestis Deo seruire & Mammonæ: Quid paleis ad tri-
 Luc. 6. ticum? Quousque in duas claudicatis partes? Transierunt iam
 Jerem. 23. bacchanalia. Dixistis tunc: Omnia tẽpus suum habet. Eccle. 3.
 3. Reg. 18. At nunc dies absoluti redeunt, tempus adest sobriũ. Tota hæc
 Hebr. 3. vita tempus sobrium esse debuit, & dies, in qua operandũ est
 Psal. 94. bonum. Ioan. 9. & 12. 1. Cor. 6. Hodie si vocem Domini, imò
 verò exẽplum eius audieritis & videritis, nolite obdurare cor
 da vestra. Conuertimini ad Dominum in planctu & ieiunior
 sequimini exẽplum eius, qui peccatum non fecit, peccatores.
 Psal. 72. Consolamini in eo, & dicit: Bonum est mihi adhærere tibi &
 Matth. 8. Christe, & ponere in te spem meã: Nam quò ibimus? Sequar
 Psal. 22. te quocũquẽ ieris, & si ambulauero in medio umbræ mortis,
 Rom. 8. non timebo mala, quoniã tu mecũ es: Vt ut scũat is qui ten-
 tat, tua tamen fretus victoria, in te ventilabo eum: Quis me so-
 parabit à charitate tui? Hoc igitur modo si Christi capitis no-
 stri factò hoc vñ fuerimus, plus commodi inde referemus.
 Consoletur igitur nos atque hortetur: vt quia velimus, noli-
 mus, pugnãdũ est, in ipso omnes inimicos nostros vincamus,
 qui cū patre & spiritu sancto victor triũphat & regnat. Amẽ.

DOMINICA SECVN- DA QVADRAGESIMAE EVANG.

MATTH. XV.

ET egressus inde Iesus, secessit in partes Tiri
 & Sidonis. Et ecce mulier Chananæa à finibus
 illis egressa, clamauit, dicens ei: Misere mei Do-
 mine, fili

mine, fili Dauid, filia mea malè à dæmonio vexatur. Qui non respondit ei verbum. Et accedentes discipuli eius, rogabant eum, dicentes: Dimitte eā: quia clamat post nos. Ipse autem respondens, ait: Non sum missus nisi ad oues quæ perierūt domus Israel. At illa venit, & adorauit eum, dicēs: Domine, adiuua me. Qui respondens, ait: Non est bonū sumere panē filiorum, & mittere canibus. At illa dixit: Etiam Domine, nā & catelli edunt de micis quæ cadūt de mēsa dominorū suorū. Tūc respōdēs Iesūs, ait illi: O mulier, magna est fides tua, fiat tibi sicut vis. Et sanata est filia eius ex illa hora.

E ADEM DOMINICA EPISTOLA, I. THESS. IIII.

DE caterò ergo fratres, regamus vos, & obsecramus in Domino Iesu, vt quæadmodum accepistis à nobis, quomodo oporteat vos ambulare & placere Deo, sic & ambuletis: vt abundetis magis. Scitis enim quæ præcepta dederim vobis per dominū Iesum. Hæc est autem volūtas Dei, sanctificatio vestrā: vt abstineatis vos à fornicatione: vt sciat vnusquisque vestrū vas suum possidere in sanctificatione & honore, non in passione desiderij, sicut & gentes quæ ignorant Deum, & ne quis supergrediatur, neque circumueniat in negotio fratrem suum, quoniam vindex est Dominus de hū omnibus, sicut prædiximus vobis, & testificati sumus. Non enim vocauit nos Deus in immunditiam, sed in sanctificationem.

S E R M O.

Quis erga nos Diabolus sit, quæ nostrā infirmitas, vbi, & quomodo querendum auxilium.



SUPERIORE dñica præter ea quæ ad quartā mūdi ætatem attinēt, hoc demonstratum est, qd Christi capitis nostri tētatio & duellū hostile, nō solū cōsoletur nos, qd ea victoria libertatē nobis contulerit: verū etiā, qd hortetur, vt ad ipsius exēplū, iisdēmq; machinis, cōtra cōmunē hostē pugnemus: vt datam recuperatāmq; per caput & ducem nostrum libertatem tueamur & conseruemus. Verūm ad arma conclamatum

Summa. est; nondum tamē perfectē, quam cladem hostis intulerit, ubi & quomodō arma petenda sint, demonstratum est. Hæc igitur planē & expressē præsens cūm Dominica, tum Euangelium docent. Necessaria omninō doctrina, ut & nostram calamitatem agnoscamus, & quæ sæuissimi hostis sit tyrannis, discamus. Facit enim ut certius & maiori ardore ad arma curra-

Quinta etas. mus, constantiusque nitamur cōtrā. Si nescis igitur quas turbas concitauerit, quam tibi cladem intulerit Satā, huc ad sis, & quintam mundi ætatē quæ est à Babylonica ad Christum usque captiuitate, respice: tū etiam clamores & preces huius Chananæ attende, & mox didicisse te fatebere. Quod si arma auxiliūque petis, piorum in quinta ætate, & huius mulierculæ exempla cape. Nam utrique ad asylū & propugnaculum, ad fontem omnis præsidij auxiliij; diuitem te sine errore ducent. Et quidem, quod ad illius ætatis quintæ statum attinet, nullus illo ipso deploratior. Ipsi enim Iudæi per ma-

4. Reg. 25. num Nabuchodonosor in Babylonem, è terra, quam ex mera liberalitate donauerat Deus, captiui abducti, grauissima seruitute premebantur. Quicquid usquam gloriæ & gaudij erat, totum suppressum iacebat. Id quod apertē Psalmista testatur, dicens: Super flumina Babylonis illic sedimus & fleuimus, dum recordaremur tui Sion: Quomodō cātābimus can-

Dan. 3. ricum Domini in terra aliena? Suspendimus organa nostra. Tum etiam tēplum, sacrificia, festa, adeoque cultus diuinus

Ose. 3. totus, nihil erāt. Sed & Dei sui veri blasphemias audire, & ad idolatriam cogebantur; planēque illud tempus erat, de quo

Dan. 3. Osee scripserat: Quia dies multos sedebūt filij Israel sine Rege, & sine principe, & sine sacrificio, & sine altari, & sine Ephod, & sine Theraphim. Id quod Azarias cōqueritur, cūm ait: Oīa ergo quæ induxisti sup nos, & vniuersa quæ fecisti nobis, in vero iudicio fecisti, & tradidisti nos in manibus inimicorū nostrorū iniquorū, & pessimorū, & præuaricatorū, & Regi iniusto & pessimo, vltra omnē terrā. Non est in tpe hoc Princeps, & dux, & Propheta, neq; holocaustū, neq; sacrificiū, neq; oblatio, neq; incēsum, neq; locus primitiarū corā te, ut possimus inuenire misericordiā tuam, sed in anima cōtrita & spiritu humilitatis suscipiamur. Sed & post illam captiuitatem, cū iam Deo prouidēte & disponente per Cyri clemētiam patrios lares reuiscere concessum esset, ipsōque templo instaurato, cultus & ceremoniæ exsuscitarentur, nunquā cer-

ra pace &

ra pace & quiete fruebantur, sed vndiq; à Persiæ, Syriæ, atq;
 Aegypti Regibus sollicitati, nouissimè malè à Romanis vexa-
 bantur. Tum visio Danielis de quatuor bestiis implebatur, *Dan. 7.*
 cū potentissimi totius orbis Monarchæ quatuor, Babylonix,
 Persiæ, Græciæ, atq; Romanorum, alter in alterius euerfionē
 coniurassent, omnes in hoc tamen consentirent: vt Dei popu-
 lum funditus extirparēt. Et quid hoc statu miserabili us? quid
 calamitosus? Oēs diruere, nemo poterat ædificare. Esdras,
 Zorobabel, Nehemias, alijq; quid extruerēt? Machabæi quid
 efficerēt? Omnia hostes obsidebāt, omnia timore armisq; im-
 pleuerant. Et hæc quintæ ætatis miseria atq; calamitas fuit.
 Eadem hæc mater in se ostendit & filia, quæ miserandā, atta-
 men veram humanæ inopix conditionem exprimunt, & ve-
 luti in speculo exponūt. Iacet domi filia impos animi, agitata
 furijs: vociferatur mater, & alienæ iniuriæ, (si tñ alienæ & nō
 magis propriæ) impatiēs, cœlū implet clamoribus, domum
 exit, vbi mera desperatio, & medici implorat misericordiam,
 vbi certū auxiliū. Haud dubiè si quis intus filiam à dæmonio
 miserabiliter vexatā & exagitātā vidit, foris matrem pro filia
 angustijs vndiq; septā, lamentabili voce eiulantē audiuit, satis
 magnā calamitatē & indignā cognouit. Si enim nos qui hæc
 legimus, ad cōmiserationē mouemur, quomodò mori sunt,
 qui oculis suis corā omnia audiuerunt & viderunt? An nō mi-
 seranda res est, Diabolum, qui iusta vindicta è cœlo præcipita-
 tus, ad Inferna detrusus est, & æternis gehennæ cruciatibus
 mancipatus est, hominē, nobilem & ad ipsius Dei imaginem
 formatā creaturā, filij Dei sanguine purgatā sanctificatāq;
 tā indignis modis tractare? O Deum immortalē, ad quātam
 gloriam hominē reformati? ad quā sese præcipitauit ignomi-
 niam? Neq; enim si noller homo, quicquam in eo Satan iuris
 haberet. Nunc autē cōsentientem malè torquet & vexat, nūc
 blandas voluptates suggerit, nunc peccati terrorē immittit,
 nunc mortem minatur & gehennā. Quæ omnia Dauid aper-
 tissimè expressit, cū ait: Misere mei Domine, quoniā in-
 firmus sum, sana me Domine, quoniam conturbata sunt om-
 nia ossa mea, & anima mea exterrita est valde. Et: Nō est sani-
 tas in carne mea, nō est pax assibus meis à facie peccatorū
 meorum. Quoniam iniquitates meæ supergressæ sunt caput
 meum, & sicut onus graue grauata sunt super me. Putruerūt
 & corruptæ sunt cicatrices meæ, à facie insipientiæ meæ, mi-

*Mulier Cha-
nanaa.*

Psal. 6.

Psal. 37.

fer factus & curuatus sum vsq; in finem, tota die contristatus ingrediebar. Quoniam lumbi mei impleti sunt illusionibus, & non est sanitas in carne mea. Afflictus sum & humiliatus

Pfal. 114. 2. sum nimis, rugiebā à gemitu cordis mei. Et: Persequutus est inimicus animam meam, humiliavit in terra vitam meam. Collocavit me in obscuris sicut mortuos seculi, & anxius est super me spiritus meus, in me turbatum est cor meum.

Pfal. 114. Et: Circumdederunt me dolores mortis, & pericula inferni inuenerūt me: Tribulationem & dolorem inueni, & nomen

Pfal. 119. Domini inuocabo. Et: Hec mihi: quia incolatus meus prolongatus est: habitavi cū habitātib; Cedar, multum incola fuit

Rom. 7. anima mea. Eodem modò Paulus Apostolus lamentatur, cū ait: Video aliam legem in membris meis, repugnantem legi mentis meæ, & captiuantem me in lege peccati, quæ est in membris meis: Infelix ego homo, quis me liberabit de corpore mortis huius? Ecce duo magna luminaria de hac Diaboli tyrannide, humanāque miseria conquerētia: quorum illud in veteri, hoc in nouo Testamento lucet; quorum exēplis facile erit admodū, quantum sibi hostis ille animum in alijs hominibus vendicet, videre, & quā nulla in nobis tāquam ex nobis resistendi virtus sit, cognoscere. Quid autem miramur? Non quid sui dissimilis erit, qui idem afflucuit ab initio? Quī præceptam sibi salutem, nobis promissam esse inuidet, hanc ut eripiat, inq; suam meritam cōdemnationem nos pertrahat, non inuigilabit? Hæc illi propria natura est, nec quicquam præter eiusmodi multa ab ipso expectare aut sperare possumus, quantumlibet blandum & amicum se simulet.

*Nomina spiri- Id quod ex nominibus eius intelligi potest, quibus in scriptu-
tus maligni- ris sacris describitur. Christus de eo in Ioanne loquens ad Iu-
naturam eius- dæos, Ille, inquit, homicida erat ab initio, & in veritate non
declariant.* stetit: quia non est veritas in eo: Cū loquitur mendacium,

Ioan. 8. ex proprijs loquitur: quia mendax est, & pater eius. Inuidia

Sap. 2. Diaboli mors introiuit in orbem terrarum. Imitatur autem

Genes. 3. illum qui sunt ex parte illius. Vnde in Genesi serpens dicitur, qui callida persuasione primos parētes nostros per peccatum

Isai. 27. morti fecit obnoxios. In Isaia, Leuiathan, serpens, vectis, & tortuosus, & cetera maris dicitur. Verū ubique obuiū est Diaboli nomen. *Sap. 2. Matth. 4. 13. 25. Luc. 4. Ioan. 13. capitibus. Paulus multis in locis. Iaco. 4. 1. Pet. 5. 1. Ioā. 3. & Apoc. 12. Ali-
bi Satan dicitur. ut Iob 1. Matt. 4. In Apoc. draco nominatur.*

Quibus; no-

Quibus nominibus natura ipsius & proprietates exprimitur.
 Nam serpens dicitur, quod natura sit callidus, vaser & astu- *Hieron.*
 tus, sicut & serpentes sunt, qui caput toto corpore protegit,
 ut aliud in quo vitam habet, protegant. Vnde in Mattheo Chri- *Matth. 10.*
 stus ait: Estote prudentes sicut serpentes: nempe, quia serpens
 sua calliditate usus est ad decipiendum, vos contra serpentes pru-
 dentes sitis ad liberandum. Et huic quidem serpentinae callidi-
 tati opponitur draconis atque leonis saevitia: quod hos vi op-
 primere, illos conatur dolo fraudare: & quos non valet forti-
 tudine expugnare, hos tentat callida suggestionem deicere. Et
 de hac utraq; tam diuersa natura Paulus loquitur, dicens: Non *2. Cor. 1.*
 ignoramus cogitationes eius, nepe Satanæ: non circūuenia-
 mur ab eo. Dicitur autem diabolus, hoc est, calumniator, quod *Gen. 3.*
 ab ipso statim initio calumnijs Deum impetebat, quasi inuidia
 Deus arborē parentibus nostris interdixisset: Nequaquam mo-
 riemini: Scit enim Deus quod in quacūq; die comederitis ex eo,
 aperiētur oculi vestri, & eritis sicut Dij, sciētes bonū & ma-
 lū. Sed & Satan, hoc est, aduersarius dicitur, quod semper re-
 pugnet aduersus Deum & suos populos, ut in Isaiā, Iob, & alijs *Isai. 14.*
 videre est. Hæc illi infusta nomina pro merito Scriptura im- *Iob. 4.*
 posuit: quæ considerātes, de ipsius natura, proposito ac cogi-
 tationibus ignari esse non possumus. Corpus ille nostrum mul-
 tis grauat aduersitatibus, ut in Iob videre est. Spiritus est mil-
 le artifex, ideo ipsas quoq; animas sollicitat. Vnde proprie hæc
 Chanaanæ non aliqua corporis aut animæ parte vexari filiā suā
 dixit, sed filiā hominē totū malè vexari à dæmonio cōqueri-
 tur. Quēadmodū in quinta ætate non modò ad corpora popu-
 li Dei affligenda cōcitauit exteros reges, verū ipse etiā ipsorū
 miserè torquebat animas, peccato & mortis formidine. Et hu-
 iusmodi mala Deus tolerat atq; permittit, non quod suos
 abiecerit de cura sua, qui omni omnes capillos capitis nostri
 numerauit, cui etiā cura est de nobis: sed ut nobis membris
 suis certandi offerat occasionē, ut ipse postea pro conatu no-
 stro coronandi habeat materiā. Quod si nos, quēadmodum in
 quinta ætate Iudæi, & hæc mater in Euangelio, aut eius filia
 in domo, ipsē passionibus subiecti, nec ad resistendū sufficien-
 tes sumus ipsi: quid restat, nisi ut quod utriq; fecerunt, quo sa-
 lutem meruerunt, nos quoq; imitemur? Hic sanè fortiter pu-
 gnandum est, aut inhonestè cadendum erit. Si pugnauerimus,
 victoria certa est: si ceciderimus, si in ipsius nallam pertracti

*Cur Deus
permittat
nos sentari.*

fuerimus, ignominia sempiterna. *st.* Quid, oro, matris huius, quid piorum in quinta ætate, quid etiã in hodierna Epistola exẽpla & acclamationes volũt, nisi vt pugnemus? Vtinã pondus, quo multo iã tẽpore in peccatis premimur, importabile intelligeremus. Vtinã imminentẽ Dei vindictã & irã quã meriti sumus, consideraremus: cõsiderãdo, timeremus: timẽdo, effugere studeremus. Profectò & pigeret tãti operis, & hucusque sub eo quieuisse puderet. Neque enim peccati iugum quicquã p̃æter Dei iram meretur: ira verò Dei sempiternũ sequitur exitiũ. Sed iam nũc ira Dei exarsit, gladius vindictæ euaginatus est, quẽadmodũ olim Deus Israeli minitabatur,

Deuter. 32.

dicens: Ignis succẽsus est in furore meo, & ardebit vsq; ad inferni nouissimã, deuorabitque terrã cũ germine suo, & montiũ fundamẽta comburet. Et Ioel, Ah, ah, ah dici: quia prope est dies Domini, & quasi vastitas à potẽte veniet: Ignis comedit speciosa deserti, & flamma succẽdit omnia ligna regionis.

Ioel. 1.

Ezech. 21.

Et Dominus in Ezechiele: Gladius, gladius exacutus est & limatus: vt cãdat victimas, exacutus est: vt splendeat, limatus est: Iste exacutus est gladius, & iste limatus est, vt sit in manu interficiẽtis: Clama & vlula fili hominis, quia hic factus est in populo meo, hic in cunctis ducibus Israel qui fugerãt: gladio traditi sunt cum populo meo. Et Ioannes: iam securis ad radicẽ arboris posita est. Omnis ergo arbor quæ nõ facit fructũ bonũ, excidetur, & in ignẽ mittetur. Et iterũ Dominus:

Matth. 3.

Deut. 12.

Iuxta est dies perditionis, & adesse festinãt tẽpora. Si acvero vt fulgur gladiũ meũ, & arripuerit iudiciũ manus mea, reddam vltionẽ hostibus meis, & ijs qui oderũt me, retribuam. Hæc clamat Scriptura, & pars expleta sunt in nobis, pars expectantur à nobis. Quod si oculos sustollere voluerimus, quæ immineant ex p̃æcedentibus colligemus. Intumescẽte mari grandique orta tempestate, timuerunt nautæ, & clamaue-

Matth. 14.

Matth. 8.

Psal. 68.

runt viri ad Deum suũ. Petrus cũ periclitaretur in mari, ceterique Apostoli cũ nauiculam operiti viderent fluctibus, ad Dñm pro salute corporali clamauerũt. Nos verò licet aquæ ad interiora animarũ nostrarũ intrent, tamẽ non clamamus?

Deus vult inuocari.

Psal. 49.

Vult Deus se ducem & rectorem inuocemus p̃ælij, & quia vult, iubet atque promissiones addit, vt in Psalmis: Immola me in die tribulationis, eruam te, & honorificabis me. Et in

Matth. 11.

Euãgelio: Venite ad me oēs qui laboratis, & onerati estis, ego

reli-

reficiam vos. Et: Si quis sitit, veniat ad me, & bibat. Et alibi cō *Ioan. 7.*
queritur, dicēs: Nō vultis venire ad me, vt vitā habeatis. Et: Ie *Ioan. 5.*
rusalē, Ierusalē, quoties volui cōgregare filios tuos quēadmo *Matth. 23.*
dū gallina congregat pullos suos sub alis, & noluit. Sic alibi *Luc. 19.*
super Ierusalē nolentem per pœnitentiā cōverti, fleuisse de- *Isai. 42.*
scribitur. Et hoc erat, quod Iſaias quondā de ipſo prœdixerat
futurū: Calamū quaſſatū nō conterer, & linū fumigans non
extinguet. Agitē ergo, ſequamur prudentiam mulieris, relin-
quamus priſtinæ conuerſationis domum, excamus, quæra-
mus medicū qui nos ſaluet de interitu, & liberet à perditione
animam noſtram. Et quomodo, inquis, quæram? Viden mu-
lierem? Hæc tibi forma ſit & exēplum. Nouerat illa promiſ-
ſionem: Clamabit ad me, & ego exaudiam eum, cū ipſo ſum *Pſalm. 90.*
in tribulatione, eripiam eum, & glorificabo eum. Et: Quicū *Ioc. 2.*
que inuocauerit nomen Domini, ſaluus erit. Eaſdē & plures
promiſſiones tu habes: Amen dico vobis, quidquid orantes *Ioan. 16.*
petieritis patrem in nomine meo, dabit vobis. Sed quid illa?
Reuelat Domino viam ſuā: aperit malū quod intus latebat,
magna fide & ardenti oratione inſtat, & ſic ſibi atque filix ſa-
lutem impetrat. O mulier, ait Dominus, magna eſt fides tua:
fiat tibi ſicut vis. Et quidem hæc illa, quorū hoc ieiunij tem-
pore admonemur. Neque enim alia via eſt, qua vel dæmonis
iugum excutiamus, vel à Domino Deo noſtro ſalutem cōſe-
quamur, præter humilem pœnitentiam atque cōfeſſionem. *Pœnitentia*
Scio inſuaue multis eſſe huius rei mentionē: ſed nūquid ideo *& cōfeſſio.*
à neceſſaria cōfeſſionis doctrina abſtinendū eſt, quia nō om-
nibus grata eſt? Petrus & Apoſtoli ſcandalizabantur, cū *Matth. 6.*
Chriſtus mortis ſux faceret mentionem. nunquid propterea *Ioan. 6.*
ipſe de ea tacuit? Iudæi, cū de corporis & ſanguinis ſui cibo
ſermonem haberet, dicebant: Diuus eſt hic ſermo. Nunquid
autem ideo deſtinet? Correptio Pauli malè habebat *Corin. 2. Cor. 7.*
thios, an fortè ideo ſilet? Nūquid ceſſauit prædicare Paulus, *Acto. 26.*
quod à Feſto putaretur inſanus? Aut ideōne Micheas peccata *3. Reg. 22.*
arguere prætermiſit, quod eiſmodi Prophetæ correptio
Achab diſpliceret? Nunquid ad Iſaiam Prophetam ſermo *Iſai. 58.*
Domini factus eſt? dicens: Clama, ne ceſſes: quali tuba exalta
vocem tuam, & annuncia populo meo ſcclera, eorum, & do-
mui Iacob peccata eorum. Nunquid & ad Ieremiam Domi-
nus loquutus eſt: Ecce, conſtitui te hodie ſuper Gentes, & ſu- *Ierem. 1.*
per regna, vt euellas, & deſtruas, & diſperdas, & diſſipes, &

Ezec. 3. ædifices, & plantes? Et ad Ezechielem, Si, inquit Dominus, dicente me ad impiū: Morte morieris, non annunciaueris, ei neq; loquutus fueris ei, vt auertatur à via sua impia, & viuāt: ipse impius in iniquitate sua morietur: sanguinem autē eius de manu tua requirā. Quod si omnes quæadmodū hæc Chanaanæa malum nostrū agnosceremus, & medicum quæreremus: confessionis & pœnitentiæ prædicatio necessaria non esset. Sed quia eiusmodi esse definimus, atque illa prædicatio omnibus ferē inuisa est: hoc faciendum mihi est, quod solet,

Similitudo.

Lamp. pœnitent.

1146

cui fortē pretiosus lapis ē manibus in terrā lapsus tractus est. Hic mortuus diu multūmq; quid faciendum sit, anxio corde voluit, & cū integrum habere & saluū ledare non potest, tandem fragmēta colligit particulatim, reponēsq; illa frustillatim, satius partes habere, quā totū perire iudicat.

Eadem pœnitentiæ ratio est. Per se pretiosa margarita illa est, cuius multi inde ab exordio rerū fructus sunt. Hac enim desperantes multi consolati sunt, errantes in viam reducti, lapsi conseruati, deficientes in fide confortati damnationi obnoxij in gratiam recepti sunt. Hac etiam homines externē in officio, in disciplina, obedientia seruati sunt, vt veluti monile pretiosum semper in Ecclesia magni æstimata sit, & quasi optimum commodissimūque cum Deo agendi medium, prædicata sit non modò in nouo, sed & in veteri Testamento.

Quamquam differenter. In veteri enim Testamēto soli Deo confitebātur homines, quod illic nulli clauū esset tradita potestas. Vnde Dauid, Dixi, inquit, cōfitebor aduersum me iniustitiā meā Domino. Sic Manasses, sic filij Israel, sic Achān, Iosue 7. confessi sunt. Sic in quinta ætate Azarias: Peccaui, inquit, Domine, & iniquē egimus recedentes à te, & deliquimus in omnibus, & quæ sequuntur. Lege. Isaiā 54. Dan. 9. Esd. 9. Iudith 7. Baruch. 1. Psal. 50. 1. Reg. 12. & videbis pios non modò sua ipsorum, verū etiā aliorū cōfessos esse peccata.

Marc. 1.

Acto. 19.

L. 11. 23.

In Euangelio cū baptizaret Ioannes, confitebātur peccata sua. In actis Apostolorum credentes confessi sunt delicta: sicut latro in cruce impietatem suam cōfitebatur. Adde quod ad confessionem scriptura nos sacra hortatur, vt: Qui abscondit scelera sua, non dirigetur: qui autem cōfessus fuerit, & reliquerit ea, misericordiā consequetur. Et: Non confundaris

Eccle. 4. confiteri peccata tua. Et: Ante mortem confitere: confiteberis viuens: viuus & sanus confiteberis. Et hoc est quod Ieremias Pro-

mias Pro-

mias Propheta monet: Effunde sicut aquam cor tuum ante
 conspectum Domini. Et Ioannes: Si confiteamur peccata no-
 stra, fidelis est & iustus, vt remittat nobis peccata nostra, &
 emundet nos ab omni iniquitate. Et Iacob. Confitemini al-
 terutrum peccata vestra, & orate pro inuicem, vt saluamini.
 Ecce quod semper confessio apud omnes in honore fuerit.
 Inuò impij etiam vtilitatem eius & fructus nouerunt, cū pœ-
 na correpti, vel inuiti ad confessionē cucurrerūt. Id quod in
 Pharaone, Saule, Iuda, alijsque videre est. Quod si quæras,
 cur Deus pœnitentiā & confessionem velit, breuis est respō-
 sio: Quia peccans superbē contra Deum egit: idcō nisi humi-
 lem tactum nō vult recipere: & quia nec Deum, nec angelos,
 nec etiā homines erubuit, vult vt sese confundat, si modò gra-
 tiam quærit. Et hanc vilitatē nouit Satan, ideoque cū ipse
 perire æternum, quā confiteri delictū suum mauult, omnes
 sui similes esse, & confessionis odium omnibus ingerere stu-
 det. Hinc est quod inaximē o mniū aduersus Sacramenta-
 lem confessionem, quæ Ecclesiæ ministris fit, pugnat: quod
 ibi non modò certa peccatorum remissio sit, verum etiā con-
 fitentis conscientia per absolutionem verbūmq; Dei de ipsa
 remissione certior redditur & confirmatur. Idcō cū iam
 multos ante annos multam in eam zizaniā seminasset, par-
 tim in confessores, partim in confitentes, cāmque in multo-
 rum suspicionem induxisset: tandem nostra memoria totam
 ferē conculcauit, extremāmq; calamitatem immisit. Nemo
 enim fere est, qui non habeat aliquid quod conculcatæ expo-
 bret. Alius non esse præceptam à Christo, ideoque nec neces-
 sariam iactitat. Sed nunquid Christum durum legislatorem
 efficere voluit? An non est satis quod omnes ad se vocet?
 quod Apostolis absoluendi ligandique potestatem dedit? Vo-
 lebat Moses accedere ad Dominum. Sed quid audit? Solue
 calciamentum tuum: locus enim in quo stas, terrā sancta est.
 Dominus ignis consumens est, nos stipula fœni. Quod si nos
 quoque ad Dominum accedere, vt sine quo bene nobis non
 est, necesse habemus: itiq; Moli exēplo edoctis timendū est,
 ne idē nobis dicatur. Vocat ille ad se omnes, sed vult vt dere-
 linquat vnusquisq; viā suā malam, & sic cōuertatur. Vocauit,
 sed pœnitentes: nō ad otium, sed vt iugum suum tollant. Ab-
 soluit peccatores, sed ne amplius postea peccārēt, adiūxit. Re-
 missionem in suo nomine prædicari iussit, sed præcedēte pœ-

Thren. 1.

1. Ioan. 1.

Iacob. 5

Num. 5.

Cur Satan
Sacramenta-
lem confessio-
nem confessio-
nem impet-
tat.

Obiectio. 1.

Constitutio.

Matth. 11.

Ioan. 20.

Exod. 3.

Deuter. 4.

Eze. 18.

Matth. 11.

Luc. 7. 5.

Ioan. 3.

Ioan. 17.

- Luc. 14.** nitentia. Qui ergo ipsius voluntatem, quomodo nos accedere velit, audis, qua ratione si aliter appropinquas, excusaberis?
- Obiectio. 2.** Alius dicit: Grauior est confessio, quam ut Christianis imponi debeat. Quisquis hoc dicis, te ipsum prodis: & quod peccati tui onus nunquam intellexeris, ostendis. Quod si intelligeres, quos terrores conscientia sibi male conscia in morte sustinet, quatus iudicii extremi horror futurus est: profecto etiam coram toto mundo peccata confiteri, quid uis. hic eorum nomine sustinere graue non esset. Respice hanc matrem, quæ cælum atq; homines clamore implet sollicitatq; . Alius dicit:
- 3** Confessio abusu non vacat. Rectè. Id eorum quorum inter-
- Refutatio.** erat factum est iniuria. Quod si omnia reiicienda sunt, quæ abusibus non vacant quid retinebimus? Tu illa rectè vrere, & aliorum abusus nihil tibi incommodabunt. Alius dicit: Ne
- 4** audientem confessionem meam peccatis, meis scandalizem
- Refutatio.** confiteri nolo. E hoc, quid hoc est? Erubescis confiteri peccata, ne enumerando scandalizes, & hoc ipsum non times cum peccas? Sed non hoc queris, scio. Illud potius, ut quid uis impune audiendi sit potestas. Hæc nepe ipsa sunt tempora, de
- 2. Tim. 3.** quibus ad Timotheum scripsit Paulus. Ecce quomodo confessio, penitentia pretiosa margarita, cõciderit & confRACTA sit, imò penè conculcata iaceat. Et quid hinc faciendum est? Integram habere non possumus: partes ergo colligamus. Cogitemus quam nostram penitentiam totus ille Angelorum chorus expectet. Nobiscum ergo perpèdamus, quod peccauerimus faciendo, omittendo, mente, ore, opere, in Deum, aduersus proximum, contra nosmetipsos. deinde quid peccando
- Exod. 32.** meriti sumus, quæ amiserimus. Hinc contritio mentē subeat: quod tam citò declinaueris à via, quod innocentiam amissam tam longo tēpore non quaesieris, tantum diuinæ iræ accruum
- Rom. 2.** accumulaueris. Post hæc clauso hostio, flexisq; genibus, tūde pectus, profer lachrymas, confitere Domino, dic cum publicano: Propitius esto mihi peccatori, peccavi in te pater, iā
- Matth. 5.** non sum dignus vocari filius tuus: conuerte me, & cōuertar.
- Luc. 18.** non sum dignus vocari filius tuus: conuerte me, & cōuertar.
- Luc. 15.** Post hæc sacerdotem quære. huic aperi vulnus in vero corde
- Ierem. 31.** non pharisaico modo. Absolutione confirmata mentem tuam emendationis propositum auge, pietatis studium in mente habe, & contraria rependere operam da contrariis. Et horum omnium mater hæc Cananæa te admonere potest. Angusta tur illa, ad Christum currit, dolet quod in domo habebat malum: quod

lum: q̄ cū meritis nō posset expellere, mīa implorat auxiliū: Misere mei Dñe fili David, filia mea malè à dæmonio vexa *Matth. 15.* tur. Quod postremū posuit, orōnis causa est, & cōfessio: Filia mea malè à dæmonio vexatur, idè Dñe fili David, mīam quā nō mereor exopto. Vide aut̄ prudentiā mulieris. Nō iuit *Gregorius in Homil.* ad hoīes seductores, nō quæsiuit inanes ligaturās: sed oēs relinquens diaboli cultus, venit ad Dñm. Nō petiuit Iacobū, nō rogauit Ioannē, nō accessit ad Petrū: sed suscepit in se pœnitentiæ patrociniū, & sola currit ad Dñm. Magna sanè eius fides est, quæ credebat sanari posse filiā suā: magna, quæ toties repulsam passa, precari tñ nō desinit. Primò nō respondet ei verbū. Magna tētatio hæc fuit, q̄ quæ paratū ad auxiliū aliorū nouerat, ne quidē verbū rñdet: maior tētatio, q̄ etiā ad Apostolorū suffragia negat supplicāti opē: maxima verò, q̄ ter tiò ingeminātē voces ad lachrymas, q̄ adorantē cōparāt canibus. Magna ergo eius fides est, magna humilitas, q̄ cōparata canibus, catelli morē sequitur: magna solertia, quæ argumētū contrariū retorquet in salutis Dñm. Scio me, inquit, filiorū panē nō mereri, nec integros capere posse cibos, nec sedere posse ad mēsam cū patre: sed cōtenta sum reliquijs catulorū, vt per humilitatē micarū, ad panis integri veniā magnitudinē. Canē medicis, quin ipsa me catellā nō negauerim. Si ergo canis sum, vt canem nutri me: quomodò mēsam Dñi mei possum relinquere? Et hic modus est cū Deo agēdi. Prætermittitur fides, comitatur nos ex propriæ inopiæ cōsideratiōe humilitas: & salutē quā non merentur merita, impetrat orationis perseuerātia. Sic quotidie mater Ecclesia, animarū peccatū in alienū ius seductarū salutē, orationū suarū impetrat instantia. Sic pij, si quādo filias suas, hoc est animas à diabolo obsessas intelligūt, ad medicū currunt. Hos sequamur. Agnoscamus imbecillitatē nostrā, cōsideremus meritas pœnas, peccatūq; magnitudinē: & aperto vulnere, medici exoptemus misericordiā, qui est benedictus in secula Deus. Amen.

DOMINICA TERTIA

QVADRAGESIMAE EVANGELIUM

LIVM LVCAE. XI.

ET erat (Iesus) eijciens dæmonium, & illud erat mutum. Et cū eiecisset dæmonium, locu

tus est mutus, & admiratæ sunt turbæ. Quidam autem ex eis dixerunt: in Beelzebub principe dæmoniorū eiicit dæmonia. Et alij tentātes, signum de cœlo quærebant ab eo. Ipse autem vt vidit cogitationes eorum, dixit eis: Omne regnum in se diuisum desolabitur, & domus suprà domum cadet. Si autem & Satanas in seipsum diuisus est, quomodò stabit regnum eius: quia dicitis in Beelzebub me eiicere dæmonia. Si autem ego in Beelzebub eiicio dæmonia, filij vestri in quo eiiciūt? Ided ipsi iudices vestri erunt. Porro si in digito Dei eiicio dæmonia, profectò peruenit in vos regnum Dei. Cū fortis armatus custodit atrium suum, in pace sunt ea quæ possidet. Si autem fortior eo superueniens vicerit eum, vniuersa arma eius auferet, in quibus confidebat, & spolia eius distribuet. Qui non est mecum, contra me est: & qui non colligit mecum, dispergit. Cū immundus spiritus exierit de homine, ambulat per loca inaquosa, quærens requiē: & nō inueniens, dicit: Reuertar in domū meā, vnde exiui. Et cū venerit, inuenit eā scopis mundaā. Tunc vadit, & assumit alios septē spiritus nequiores se, & ingressi habitant ibi. Et fiunt nouissima hominis illius peiora prioribus. Factum est autem cū hæc diceret, extollens vocem quædā mulier de turba dixit illi: Beatus vëter qui te portauit, & vbera quæ suxisti. At ille dixit: Quinimò beati qui audiunt verbū Dei, & custodiunt illud.

E A D E M D O M I N I C A E P I -
S T O L A E P H E S . V .

Estote ergo imitatores Dei, sicut filij charissimi, & ambulate in dilectione, sicut & Christus dilexit nos, & tradidit semetipsum pro

ipsum pro nobis oblationem, & hostiam Deo, in odorem suavitatis. Fornicatio autem & omnis immunditia, aut avaritia, nec nominetur in vobis, sicut decet sanctos: aut turpitudine, aut stultiloquium, aut scurrilitas, quæ ad rem non pertinent, sed magis gratiarum actio. Hoc enim scitote intelligentes, quod omni fornicator, aut immundus, aut avarus (quod est idolorum servitus) non habet hereditatem in regno Christi & Dei. Nemo vos seducat in a nibus verbis. Propter hæc enim venit ira Dei in filios diffidentia. Nolite ergo effici participes eorum. Eratis enim aliquando tenebra: nunc autem lux in Domino, ut filij lucis ambulate.

S E R M O.

Quod & qua potestate Christus dæmonium eiecerit, quod nostrum periculum, quomodo domus custodienda sit.



D sextam ætatem, hoc est, gratiæ & Euangelij tempus tandem ventum est. Quemadmodum ergo superioribus dominicis diebus atque sermonibus status præcedentium à mundi origine ætatum contemplati sumus: ita hæc quoque totum hoc gratiæ tempus consideremus: idque eò diligentius, quò magis nostra res agitur. Et hæc cõsideratio duo nos docebit, felicitatem nimirum nostram atque periculum: quorum illud ad gratias agendas Deo pios animos excitabit, hoc verò ut prudentius tanquam filij lucis ambulemus, commonefaciet. Atque ad hanc considerationem Euangelium hoc vehementer commodabit. In eo enim omnia liquidè apertis verbis traduntur. Nam non solum quòd Christus dæmonium eiecerit, verum etiam quòd doceat, qua potestate eiecerit, ostendit. Tum ita eiectionis dominij naturam & studiū descripsit Christus, ut faciliè sit colligere, quod nobis imminet ab ipso periculū. Denique mulierculæ respondens, breuiter quidem, sed verè, qua ratione declinari hoc possit periculum docens, ait: Beati qui audiunt verbum Dei, & custodiunt illud. Quæ omnia cum propriè in hanc sextam ætatem incidunt, rectè ac necessariò nos, quibus illa ætas propria est, consideramus diligentius. Quòd ergo ad primum attinet, Euangelista hic notat dæmoniū hoc fuisse mutū scribit. Matthæus verò dæmoniacū hunc & cæcū fuisse & mutū tradit. Vnde rectè patres tria in vno homine facta fuisse miracula notarunt, cū Christi beniguitate cæcus videt, mutus loquitur, & possessus à dæmone

Luc. 11.
Matth. 12.

liberatur. Quin Theophylactus huc ipsum surdum fuisse testatur. Et tales omnino Christus homines in mundo inuenit,

1. IOAN. 3. vt rectè Ioannes dixerit: Diabolum ab initio per omnes ætates peccare, ideoque filium Dei apperuisse, vt opera diaboli

*Cur Deus tan-
tū iuris Dia-
bolo in homi-
nes permittat* dissoluat. Verum queritur hic, cur Deus permittat tantum iuris Diabolo, quomodo Diabolus homines possideat, & cur exteriores sensus occupet. Ad quæ vt breuiter respondeam, multæ causæ, cur diabolo tantum potestatis Deus in homines permittat, adferri possunt: quæ omnes conditionis nos nostræ

1 admonent. Aliquando enim Deus permittit hoc ad poenam & damnationem impiorum. Quemadmodum David de Aegyp-
Psal. 77. tijs loquens ait: Misi in eos iram indignationis suæ, indignationem, & iram, & tribulationem, immisionem per angelos

IOAN. 13. malos. Et duplici modo. Primo, vt mali internè excæcati & obdurati maneant, vt in Iudæ Satan as intrasse scribitur: dein

1. Reg. 18. de etiam, vt puniantur corporaliter, sicut in Saul & alijs tyrannis videre est. Aliquando etiam hanc potestatem permittit Deus diabolo, vt correpti mali homines emendentur. Sic

2 L. Cor. 5. Paulus incæstuosum Corinthium Satanæ tradidit, in inter-

3 L. Thim. 1. tum carnis, vt spiritus saluaretur: & Hymenæum, & Alexandrum, vt discerent aliquando non blasphemare. Aliquando

etiam hoc fit ad probationem electorum, vt sic probati, manifesti fiant. Exemplo Iob est. Aliquando etiam vt gloria Dei ma-

4 IOAN. 9. nifestetur per hæc. Quemadmodum de cæco nato Christus testatur, quod nec ipse, nec parentes ipsius peccarint. sed ideò

cæcus natus sit, vt manifestaretur opera Dei in illo. Et de La-

IOAN. 11. zari infirmitate loquens, Infirmitas, inquit, hæc non est ad mortem, sed pro gloria Dei, vt glorificetur filius Dei per eam.

5 Aliquando etiam permittitur potestas in aliquos, vt alij veluti

Matth. 9. exemplis aliorum moneantur miserationum humanarum, iudiciorumque Dei. Id quod Matthæus voluit, cum duos dæ-

moniacos tam sæuos iuxta viam sepulchrorum describit, vt nemo illac transire auderet. His causis Deus & hac intentione

aliquid iuris diabolo in homines permittit. Verum ipsi dia-

bolo longè alia mens atque ratio est. Non potest quidem ip-

sam hominis animam substantiali modo peruadere spiritus

malus, propterea quod angelici humanique spiritus creatione eiusdem subtilitatis sint, vt alter alterum nec penetrare,

nec intra se possit recipere. Hoc enim solius deitatis est, quæ

penetrat omnia. Nec præter hanc quicquam est, quod vel an-

gelicos, vel

*Quomodo
malus spiri-
tus homines
possideat.*

gelicos, vel etiam humanos spiritus peruat. Hinc Christus *Iohn. 14.*
 de Spiritu sancto loquens, ad discipulos ait: Apud vos mane-
 bit, & in vobis erit. Et Apostoli orantes dicunt: Tu Domine *Act. 1.*
 qui corda nosti omnium, &c. Propterea vbiunque homines
 spiritum nequa obsidere legitur, de corporis inhabitatione in-
 telligendum est. Non quidem obsidet ut solum corpus vexet, ve-
 rum etiam ut per corpus animam torqueat, & precipitet. Cu-
 ius evidens exemplum Iob est, quem Satan affligere petijt,
 non ut bonis tantummodo exueret, aut corpore languidum re-
 lineret, sed ut per corporis languorem blasphemum contra
 Deum statueret. Mitte manum tuam, inquit, & tange os eius, *Iob 2.*
 & carnem, & tunc videbis, quod in faciem benedicat tibi. Un-
 de postea etiam vlcere percussus, per mulierem, antiquum
 perdendi instrumentum, alloquitur: Adhuc tu permanes in
 simplicitate tua: Benedic Deo, & morere. Sed cur aliunde ex-
 pla peto, cum hic noster demoniacus hanc satis doceat. Cur
 enim huc diabolus obsedit, & exteriora sensuum organa occu-
 pavit, nisi ut his medijs salutem eius impediret? Surdum, mutum,
 & caecum effecerat. Nouit ille quia fides ex auditu est. Quomo-
 do enim in eum hic credidisset, de quo nihil vnquam audierat?
 Nouit quia sine fide impossibile est placere Deo. Ut ergo per
 auditum a fide impediretur, ne Deo placeret, surdum effecit: nec
 hunc solum, verum etiam omnes quotquot ab observatione prae-
 ceptorum Dei auertit. Auertit autem, qui licet legantur audiantque
 verbum Dei, tamen a veritate eius sensus suos auertunt. de qui-
 bus Apostolus dicit: Timeo ne sicut serpens Euam seduxit astu-
 tia sua, ita corrumpantur sensus vestri a simplicitate, quae est in
 Christo Iesu. Auertit, inquam, qui aliquando audiunt, sed cum
 tædio & nausea. De quibus idem Apostolus ait: Iam saturati
 estis, iam diuites facti estis, sine nobis regnatis: & vnum regna-
 retis. Inquit Dauid: Omne escam abominata est anima eorum,
 & appropinquauerunt usque ad portas mortis. Et iterum: Fu-
 ror illis secundum similitudinem serpentis, sicut aspidis surdæ,
 & obturentis aures suas, quæ non exaudiet vocem incan-
 tantium, & veneficij incantantis sapienter. Sic etiam mutos ef-
 ficat, quotquot vel a proprii delicti, vel a laudis diuinæ cōfes-
 sione ligat. Ut enim fides cordis, ita etiam cōfessio oris ad salu-
 tem necessaria est. Nam qui me erubuerit, inquit Christus, *Roma. 10.*
 & meos sermones, hunc filius hominis erubescet, cum venerit
 in maiestate sua. Verum confessio nominis Christi in ore pec- *Luc. 9.*

*Cur Satā ex-
 teriores sensus
 hominis occu-
 pet.*

Roma. 10.

Habr. 11.

2. Cor. 11.

Psalm. 106.

Psalm. 137.

*De omnino
 nolentibus au-
 dire ipse porri-*

Roma. 10.

Luc. 9.

catoris speciosa non est. Prius ergo propria delicta per confessionem deponat, qui Christum coram hominibus confiteri presumit. Alterutrum enim si negligis, à dæmone lingua ligatus es. Denique & cæcos reddit, quotquot viam mandatorum Dei non videt. Non videt, qui vel malè agunt, vel veritatè Dei intelligere

Psal. 113. nolunt. Lucerna enim pedibus nostris verbum Domini est. In hoc

Ioan. 11. qui non ambulant, facile offendunt. De quibus dicitur: Omnis qui malè agit, odit lucem, & non venit ad lucem: ut non arguatur opera eius. Tales igitur Satan homines in mundo peruerterat, qui & surdi, & muti, & cæci essent. Et hæc omnium in

Ibid. mundo communis ferè cõditio erat, quum Christus in hunc mundum veniret. Vnde ipse in Ioanne dicit: Hoc est iudicium: quia lux venit in mundum, & dilexerunt homines magis tenebras quam lucem, erant enim eorum mala opera. Nunquam surdi audiuissent, nunquam muti loquuti fuissent, nunquam cæci visum recepissent, nisi fortior Christus in mundum venisset. Solus enim hic Diaboli opera destruere potuit, destruxit, imò ipsum Diabolum eiecit, & quod non humana, nec Diabolica, sed mera diuina potestate eiecerit, sequentibus argumentis comprobauit.

Quales fuerint quos Christus sanauit. Sed hoc necessario considerandum est, quales fuerint quos Christus sanauit, & à quibus dæmonia eiecerit. Neque enim vel hic, vel alij tantum, quos Euangelistæ recitant, dæmonio obsessi & laucij fuerunt. Omnes inutiles facti erant, & egebant gloria Dei.

Ioan. 10. Et Christus apertè ait: Ego veni ut vitam habeant, & abundantius

Luc. 19. habeant. Et iterum: Venit filius hominis querere & saluum facere, quod perierat. Id verò vitam dare, querere & saluum facere, diuinæ sunt effectus misericordiæ, quæ nihil aliud est, quam alienæ miseræ condolentia, cum voluntate adiuuandi. Ut ergo misericordia nulla est, sine subiecta miseria: ita Christus nemini vitam dedit nisi mortuo, neminem quæsiuit, nisi perditum, neminem saluauit, nisi damnatum & miserum. Vnde hi soli viuificati, quæ siti atque saluati sunt, qui mortem, perditionem, miseriamque suam coram Christo confessi sunt. Hinc Christus seuerus erga fastuosos Phariseos miseras suas non agnoscentes, placidus & mitis in miseros fuit. Id quod scriptura vult, cum ait: Esurientes impleuit bonis, & diuites dimisit inanes. Quamquam & hoc ipsum diuinæ misericordiæ est, posse inopiam nostram agnoscere. Nolentes tamen agnoscere, Christi saluans gratia transit. Nempe his tanquam sanis medicus opus non est. Quorum tamen insanabilius vulnus est, non

quasi Chri-

quasi Christo in sit impotentia: sed quod ipse sese hi subdu-
cant potentia. Ideo enim in paucis virtutem suam declaravit:
ut quid possit in omnes, ostenderet. Propterea hunc cum sa-
nasset dæmoniacum, qua virtute sanauerit, ostendit. Alibi ve-
rò lunaticum curans, ipsa verborum forma qua potestate id
faceret, ostendit: Surde & mute spiritus, ego præcipio tibi,
exi ab eo, & amplius ne introcas in eum. Cæterum, quod hunc
verè eiecerit, cum Euangelista, tum ipse effectus declaravit.
Cum enim adhuc intra se hostem illum haberet homo, mu-
tus erat, illo verò eiecto, loquutus est. Sed & eiectum fuisse
circunstans turba omnis & vidit, & testificata est. Admiratæ
sunt turbæ, inquit Lucas. Nam quod quidam eorum ca-
lumniabantur in Beelzebub principe dæmoniorum eicere
Dominum dæmonia, alij etiam signum de cælo quærebant
ab eo: non ita intelligendum est, quasi eiectum fuisse dæmo-
nium dubitarint, sed quod Deo hanc virtutem in Christo de-
putare noluerint. Horrenda sanè mentis iniquitas illa erat,
nec adeo à nobis etiam aliena, quin eandem sæpè ostendamus
ipsi. Quidquid diuina maiestas siue loquitur, siue efficit, sem-
per videas, qui aut pro pietate admirentur, aut pro iniquitate
vel reprehendant, vel contendant, quorum illud Christianorum
tantum, hoc verò impiorum est. De illis quidè Matthæus ex-
pressius loquitur, dicens: Et stupebāt oēs turbæ, & dicebant:
Nūquid hic est filius David? Hos ergo imitari decet. Sequuti
sunt Dñm, verbis factisque eius intenti, tum qualis erga alios
esset, considerabant, deniq; omnia & singula admirabantur,
postremò ipsum David verū filiū confessi sunt. Et nos ipsum
sequētes, quid cuique nostrum in interiore homine loquatur
per arcanos afflatus, attēdamus, quēadmodū David, Audiā,
inquit, quid loquatur in me Dominus: quoniā loquatur pa-
cem in plebem suā. Deinde quid alijs loquatur, cōsideremus,
scientes quæcunq; scripta sunt, ad nostram doctrinam scripta
esse, & omnē scripturam diuinitus inspiratam, vtilem esse ad
docendum, ad arguendum, ad corripiendum, ad erudiendum
in iustitia: ut perfectus sit homo Dei, ad omne opus bonum
instructus. Post hæc omnia verba atque singula admiremur,
nec vllum eorum Deo sine graui causa excidisse putemus,
ita, ut planè hac ipsa admiratione Christum David deique
vivi verum agnoscamus filium. Hic enim admirationis illius
vnicus finis est. Admirati quidem sunt Iudæi dicentis ab ore. Ioan. 7.

*Cur Christus
demonstret,
qua potestate
eiecerit dæmo-
nium.*

Marc. 9.

*Turba diversi-
sat.*

Luc. II.

Matth. 12.

Psal. 84.

Rom. 15.

2. Tim. 3.

Ioan. 7.

- Ioan. 7.** Quomodo, inquiunt, hic scit literas, cum non didicerit? Et:
- Matth. 7.** Nunquā sic locutus est homo, sicut hic homo. Vñ Matthæus quoque testatur, dicens: Admirabantur turbæ super doctrinā eius, erat enim docens eos, sicut potestatem habens. Sed nullo fructu. Secus Dauid & alij pij verba Christi admirantur. Vnde etiam tanta constantia beatos pronunciat, qui scrutantur testimonia Dei, quique ex toto corde exquirunt eū. Verū
- Rom. 8.** non verba solū, sed & opera Christi admirari debemus. Omnia enim cū verba tum facta Christi cooperantur in bonū, his qui secūdum propositū vocati sunt sancti. Sic Dauid cū diu in operum Dei cōsideratione occupatus fuisset, per Apostrophen exclamat: Quā magnificata sunt opera tua Domine, omnia in sapiētia fecisti, impleta est terra possessione tua. Quod si sic omnes admirati fuissent verba factaque Christi, qui sanatum hominem hunc videbant, qui paulò ante dæmonio obsessus erat, non fuisset opus Christo, diuinam in hoc facto virtutem præsentem adfuisse, declarare. Sed diuersum ab
- Luc. 11.** hac admiratione sentiebant multi. Quidam enim dicebāt: in Beelzebub principe dæmoniorum eiecit dæmonia. Hęc Phariseorum iniquissimorum detestanda peruersitas erat atque malitia. Non enim ex ignorantia hæc blasphemia procedit, sed ex iniquitate. Fortasē enim peccauerit quis peruerso de rebus diuinis iudicio. Nam & Paulus de seipso loquens, ait:
- 1. Tim. 1.** Qui prius blasphemus fui, & persecutor, & contumeliosus: sed misericordiam Dei consecutus sum: quia ignorans feci in incredulitate. Et de cognatis Christi legimus, quod conati sint tenere eū, eò quod in furorem versum esse arbitrarētur.
- Acto. 26.** Sic postea Paulum Festus vt insanæ mentis hominem arguebat. Sic cū primū Paulus crucis trophæa caneret inter gentes, stulticia crucis existimabatur prædicatio. Sic olim in iudicijs die impij de credētibz dicturi sunt: Hi sunt, quos aliquando in derisum habuimus: Ecce quomodo inter filios Dei cōputati sunt? Sic Paulus de seipso usq; similibz loquitur: Spectaculum facti sumus mundo, & Angelis, & hominibz: Nos stulti propter Christum blasphemamur, tāquam purgamenta mundi huius facti sumus. Sed hæc iudiciorū peruersitas ex ignorātia processit. At Phariseos ipse Christus malitiosē hęc conuicia disseminasse testatur. Nā sic ipsum respondisse Matthæus tradit: Omne peccatum & blasphemia remittetur hominibz, spiritus autem blasphemiz non remittetur. Et quicunque di-

cunque dixerit verbum cōtra filium hominis remittetur ei; qui autem dixerit contra spiritum sanctum, nō remittetur ei: neque in hoc seculo, neq; in futuro. Quibus sanè verbis non hoc solū, quod propria malitia conuictiati sint, verū etiam; quod irremissibile eiusemodi conuictum sit, denunciauit. Sæpè quidem antea peccauerant patri, sæpè etiam filio, sed nusquam irremissibile peccatum dicitur: quod illic humanam infirmitatem, Deique excellentiam, hīc verò corporis Christi vilitatem suamque ignorātiā prætere possent. Sed nec Gentium quantūuis enormia facinora, irremissibilia vsquam legimus, quod in errorum tenebris reptantes, lumen veritatis necdū agnouissent. Verū hęc blasphemia irremissibilis dicitur: quia spiritus blasphemia est: quia spiritui sancto, cuius indicia præsentiamque satis apertè in Christo didicissent, repugnabant. Manifestè enim Dei præsentiam in Christi verbis factisque cognoscebant: & hęc non solū non suscipiebant, verū etiam blasphemabant atque Diabolo deputabāt, Christū etiam atq; omnes, quotquot hoc Dei spiritu imbuti loquebātur, impugnabant. Neque enim nescire poterāt, quod se scire affirmabant, tantisq; & tā multis argumentis cōfirmabatur. Scimus, inquit vnus ex illis: quia à Deo venisti magister: Ne- *Ioan. 3.* mo enim potest hęc signa facere quę tu facis, nisi fuerit Deus cum eo. Tum cæcus natus apertè & in faciē eis dixit: In hoc *Ioan. 9.* mirabile est: quia vos nescitis vnde scit, & aperuit meos oculos: Scimus autē quia peccatores Deus non audit, sed si quis Dei cultor est, & voluntatem eius facit, hunc exaudit: A seculo non est auditū: quia quis aperuit oculos cæci nati: Nisi esset hic à Deo, non poterat facere quicquam. Sed scientes volentesq; peccarunt, hęc firma sedebat sententia mēti: Nolumus hunc regnare super nos. Hoc ergo ipsorum irremissibile peccatum erat. Vnde Christus alibi ad eos loquens, ait: Implete *Luc. 19.* mensurā patrum vestrorum. Et: Veniet super vos omnis sanguis iustus, qui effusus est super terrā, à sanguine Abel iusti, *Matth. 23.* vsq; ad sanguinē Zacharię, &c. Et alibi: Si nō venissem & lo- *Ioan. 15.* cutus eis fuisset, peccatū non haberent: nunc autē excusationem non habēt de peccato suo. Si opera non fecissem in eis, quę nemo alius fecit, peccatū non haberent: nunc autē & viderunt, & oderunt, & me, & patrem meum. Verū non ideo tamen excusationē non habēt de peccato suo: quia blasphemii fuerunt: nec ideo irremissibile eorū peccatum est, quod vi-

- derunt, & audierunt in Christo, quæ in nullo alio conspicien-
da audiendæ erant, si postea pœnitentia ducti, ad Christum
Ezech. 18. conuersi fuissent. Pœnitentia enim promissionem habet re-
1. Ioan. 1. missionis: vt in Ezechiele & Ioannis Canonica videre est.
Sed ideò irremissibilis spiritus blasphemia creditur, aut si ma-
uis, spiritus blasphemiz non remittitur, quòd eiusmodi pecca-
tum excæcationem & gratiz priuationem meretur, seu (vt
nostri loquuntur) causat. Vbi verò excæcatio & nulla gratia
est, illic remissio non est: propterea, quòd eiusmodi homines
nunquã ad cor redeunt, peccatum suum non agnoscunt, imò de
Psal. 78. peccato in peccatum recidunt. Id quod Dauid 78. Psalmo de-
scribit, vbi Prophetico spiritu sub imprecationis forma eius-
modi maledictionem prænunciat. Quin hodie etiam in hære-
ticorum antesignanis idem videre est, quorum aut nulli, aut
Tit. 3. perpauci ad cor reuertuntur. Quare Paulus noster eiusmodi
post vnã & alteram correptionem deuitandos esse monet, nimi-
rum, quòd subuersi sint, proprioque iudicio condemnati.
1. Ioan. 5. Hoc sensu Ioãnes alibi scribit: Est peccatũ ad mortẽ, non pro
illo dico vt roget quis. Sic etiã pro Iuda Christus nõ orauit.
Isai. 6. Et Israel ob hoc peccatum excæcatus est, Isaiã dicente: Audite
audientes, & nolite intelligere: videte visionem, & nolite co-
gnoscere. Excæca cor populi huius, & aures eius aggraua, &
Ierem. 7. oculos eius claudet. Vnde & Ieremię dicitur: Tu ergo noli ora-
re pro populo hoc, nec assumes pro eis laudem & orationem,
Ierem. 15. & non obstitas mihi: quia non exaudia te. Et iterum: Si stete-
rint Moyses & Samuel coram me, non est anima mea ad popu-
lum istum. Non, quòd nolit aut non possit Deus remittere:
sed quòd remissionis gratia in his locum non inueniat.
Ostendit, quòd Propterea ergo CHRISTVS vbi dæmonium eiecisset,
demonẽ in di- suamq; virtutẽ ostendisset, qua potentia fecisset, demonstrat.
giti Dei pote- Neq; enim decebat hanc Phariseorum tantã caluniam silen-
state eiecerit, tio eum præterite, ne alij scandalizarentur. Cognitis ergo co-
non verò Beel- gitationibus eorũ, respondit: Omne regnũ in se diuisum deso-
labitur, & domus supra domum cadet. Dicitis quia in Beelze-
bub. 1. bub eiicio dæmonia. Si ergo dæmon dæmonem eiicit, vtique
ab inuicem diuisi sunt, sibi que cõtrariantur. Si diuisi sunt, &
inuicem pugnant, nõ stabit regnum ipsorum. Sed nec sibi in-
2. uicẽ repugnant, nec desolabitur nisi Deo authore regnũ ipso
Matth. 10. rũ: Ergo nõ in Beelzebub ego eiicio dæmonia. Deinde Vide-
tis: quia ex me potestate accepta, filij vestri dæmonia eiiciant.
Sed ne-

Sed nemo vestrum hoc filijs vestris imputauerit: ergo nec *Luc. 10.*
 ego in Beelzebub eicio dæmonia: ipsorum facta vos menda- *Marc. 9.*
 cij arguunt. Præterea: simul regnum Dei & Satanæ vno in 3
 loco non persistunt: sed regnum Dei iam nunc in vos perue-
 nit: (Absurdum est autē dicere, idē eicere Beelzebub alios
 inferiores dæmones, vt se expulso Dei regnum vobis obtin-
 gat.) Ergo in digito, hoc est, virtute Dei eicio dæmonia. Ad 4
 hæc: Videtis, q̄ inuitus, & non nisi maioribus viribus victus
 discedat. Non solum ergo non in Beelzebub ego dæmonia
 eicio, verum etiam potentiore vi atque virtute ipsum eicio
 fortem, arma, spem, fiduciāque eius aufero, ac spolia diui-
 do. Sed (scio) non idē me in Beelzebub dæmonia eicere di- *Reiectio ca-
 nis aduersa-
 riorum.*
 citis, q̄ eius in potestate eiecerim, sed quia inuidia turgidi, au-
 thoritatis vestræ & cōmodi causa mecū nō sentiatis, obq̄ hoc
 ipsum mihi aduersumini: quodque mecum non colligentes,
 propriam iustitiam cōstituatis, iustitiā salutēque ex me di-
 spergatis. Ecce, his argumentis Christus, qua in potestate cie-
 cerit, demonstrat. Et ita quidem suæ bonitati, conuenientissi-
 mū erat, nostræque infirmitati per necessariū, vt cū magna fa-
 ceret, tū qua virtute faceret, ostenderet. Hinc Paulus gratias *Colos.*
 agit Deo, qui eripuit nos de potestate tenebrarum, & trāstu-
 lit in regnū filij dilectionis suæ, in quo habemus redemptionē
 & remissionē peccatorū. Et alibi charitati Dei hāc redēptio- *Ephē. 2.*
 nē ascribit, dicit: Deus qui diues est in misericordia, ppter ni-
 miā charitatē suā qua dilexit nos, cū essemus mortui pecca-
 tis, cōuiuificauit nos Christo. Et in eadē epistola: Eratis enim *Ephē. 5.*
 aliquādo tenebræ, nūc autē lux in Dño. Et hæc dicta sint de
 eo quod Christus nō solū eiecerit dæmoniū, verū etiā quod
 qua in potestate eiecerit, ostendit. Nunc porro diaboli natu-
 ra nostrūque periculū describitur: quē duo necessariō sciun-
 tur. Non enim sine causa Paulus ait, nosse se cogitationes Sa- *2. Cor. 2.*
 tanæ. Sed breuiter & nudis scripturæ locis hæc significemus. *Diabolus eie-
 ctus nō quie-
 scit.*
 Christus hic ait, immundum spiritum, cū exierit de homi-
 ne, perambulare loca inaquosa, requiem quærere: qua nō in-
 uenta, reuerti proponere in domū suā: hanc vbi scopis mun-
 datā inuenerit, assumere septem alios spiritus nequiores se,
 ingressosque ibi habitare. In Ioanne Christus Diabolū non *Ioan. 12.*
 dicit ociosum, sed eiectū esse. Quibus locis in Canonica Pe- *1. Pet. 5.*
 trus subscribit, cū ait: Aduersarius vester diabolus tanquā leo
 rugiēs circuit, quærēs quem deuoret. Et alibi Paulus, Nō, in

Iob 40. 41.

Apoc. 12.

quit, est nobis colluctatio aduersus carnem & sanguinem, sed aduersus principes & potestates, aduersus Mundi rectores, contra spiritalia nequitiae in caelestibus. Iob quoque duobus continuis capitibus eius vim malitiamque describens, tandem concludit, dicens: Non est super terram potestas quae comparetur ei, qui factus est ut nullum timeret. Caeterum Ioannes quoque in Apocalypsi multa de eius in nos malitia perscripsit, quorum praecipua libet annotare. Et proiectus est, inquit, draco ille magnus, serpens antiquus, qui vocatur Diabolus & Satan, qui seducit vniuersum orbem: & proiectus est in terram, & angeli eius cum illo missi sunt. Et audiui vocem magnam in caelo dicentem: Nunc facta est salus, & virtus, & regnum Dei nostri, & potestas Christi eius, quia proiectus est accusator fratrum nostrorum, qui accusabat illos ante conspectum Dei nostri die & nocte: & ipsi vicerunt eum propter sanguinem agni, & propter verbum testimonij sui, & non dilexerunt animas suas usque ad mortem. Propterea laetamini caeli, & qui habitatis in eis. Vae terrae & mari, quia descendit diabolus ad vos, habens iram magnam, scies quod modicum tempus habet. Et persecutus est draco mulierem, quae peperit masculum. Et mox: Et iratus est draco in mulierem, & abiit facere praedium cum reliquis de semine eius, qui custodiunt mandata Dei, & habet, testimonium IESU CHRISTI. Quibus verbis conuenientissime aduersarij nostri malitia exprimitur. Dicitur serpens antiquus, draco, diabolus, Satan, accusator fratrum nostrorum: quorum nihil est, quod non singulare quid contineat. Hic mulieri, Mariae, atque Ecclesiae iratus est, hanc impugnat: hic contra Michaelis eiusque angelos, Christum, inquam, atque Apostolos luctatur. Sed puer Christus in caelos assumitur, mulier duabus adiuta alis in desertum auolat, ibique aquam quam veluti flumen draco in eam misit, terra, hoc est, Constantinus & alij seculares principes terrae, absorbent, hoc est, persecutionem quam diabolus in Ecclesiam immittit, sua potestate recipiunt, & sedant. Atque ex his facile est intelligere quod nostrum sit periculum, quando propter tanti hostis iram saeuissimam vae nobis atque mari praedicatur. Eiectus est virtute Christi: sed si domus nostra tantum purgata emundataque scopis fuerit, non etiam pietate sanctitateque, fructibus sane dignis poenitentiae ornata, quacunque tandem potest ratione ingredi conatur. Et

tur. Et quam hæc res nostro fundo importet calamitatē, ob-
 scurum non est. Ipse Dominus prædixit horrenda & immu- Luc. 11.
 tabili dictans sententia, illius hominis nouissima peiora fieri
 prioribus. Et hoc est quod Petrus ait: A quo quis superatus 2. Pet. 2.
 est, huius & seruus est. Si enim refugientes coinquinationes
 mundi in cognitione domini nostri IESU Christi, his rur-
 sus implicati superantur: facta sunt eis posteriora deteriora
 prioribus. Melius enim erat illis non cognouisse viam iusti-
 tiæ, quàm post agnitionem retrorsum conuerti ab eo, quod
 illis traditum est sancto mandato. Contingit enim eis il-
 lud veri prouerbij: Canis reuersus ad vomitum, &: Sus
 lota in volutabro luti. Et hinc est quod Christus ad sanatum Ioan. 5.
 dicit: Ecce sanus factus es, vade, noli amplius peccare, ne am- Ioan. 8.
 plius quid tibi & deterius contingat. Sed qua ratione custo-
 dienda domus, hoc est, anima nostra sit, quæris? Breuis respō-
 sio. Principiò ipsum Christum in nos suscipiamus, nōsque to- Quomodo cu-
stodienda sit
domus.
 tos illius cum clementiæ tum potentiæ committamus. Solus
 enim hic aduersus illum scelerarum hostem præualeat. Ille, in-
 quit hic, in me non habet quicquam. Verùm qua via hic in Ioan. 14.
 nostrum domicilium induci queat, cum alia in hoc Euange-
 lio, tum vltima ipsius verba demonstrant. Beati (inquit Chri-
 stus) qui audiūt verbum Dei, & custodiūt illud. Ecce tibi viā, Luc. 11.
 qua ille ad nos penetret, Audire & credere. Ecce mediū quo Ioan. 14.
 in nobis cōseruetur, Sequi & custodire. Et hoc ipsum Chri-
 stus voluit, cum ait: Si quis diligit me, sermonem meū serua-
 bit, & pater meus diliget eū, & ad eū veniemus, & mansionē
 apud eū faciemus. Huc facit quod Paulus in hodierna Epi-
 stola hortatur. Primò, Imitatores estote Dei, sicut filij charis-
 simi. Secundo, Ambulate in dilectione. Tertiò, Fornicatio &
 omnis immunditia, aut auaritia, nec nomine in vobis. Quar-
 tò, Eratis aliquādo tenebræ, nunc autem lux in Domino: vt
 filij lucis ambulate. Denique hīc etiam oratio locū habebit, Luc. 84.
 non modò vt cum Psalmista præcemur: Veni Domine, verū
 etiam ac multò magis, vt duos illos discipulos sequamur, ac
 dicamus: Mane nobiscum Domine. Hæc ergo cum nostra hic
 res maximè agatur, sedula mente cogitemus. Agnoscamus
 Christi liberantis nos beneficia, cogitemus horribilem Sata-
 næ immanitatem, subiectōrūque illi misérias: tum quacun-
 que licet ratione, Christianæ fidei pietatisque lucem retinere
 studeamus. Amen.

DOMINICA QVARTATA

QVADRAGESIMAE EVANGELIVM. IOAN. VI.

Post hæc abiit Iesus trans mare Galilææ, quod est Tyberiadis. Et sequebatur eum multitudo magna, quia videbāt signa quæ faciebat super ijs qui infirmabantur. Subiit ergo in montē Iesus, & ibi sedebat cū discipulis suis. Erat autē proximum Pascha, dies festus Iudæorū. Cū subleuassēt ergo oculos Iesus, & vidisset quia multitudo maxima venit ad eū, dicit ad Philippū: Vnde ememus panes, vt māducent hi? Hoc autē dicebat tentās eū. Ipse enim sciebat, quid esset factururus. Respōdit ei Philippus: Ducētorū denariorū panes nō sufficiūt eis, vt vnusquisque modicū quid accipiat. Dicit ei vnus ex discipulis eius, Andreas, frater Simonis Petri: Est puer vnus hīc, qui habet quinque panes hordeaceos, & duos pisces: sed quid hæc sunt inter tātos? Dicit ergo Iesus: Facite homines discūbere. Erat autē fœnū multū in loco. Discubuerūt ergo viri numero quasi quinque milia. Accepit ergo Iesus panes, & cū gratias egisset, distribuit discumbentibus. Similiter & ex piscibus quantum volebat. Vt autem impleti sunt, dixit discipulis suis: Colligite quæ superauerunt fragmenta, ne pereant. Collegerunt ergo, & impleuerunt duodecim cophinos fragmentorum, ex quinque panibus hordeaceis, & duobus piscibus, quæ superauerunt his qui manducauerant. Illi ergo homines cū vidissent quod Iesus fecerat signum, dicebant: Quia hic est verē Propheta, qui venturus est in mundum.

DOMI. IIII. QVADRAGESIMAE. 237
EADDEM DOMINICA EPISTO-
LA, GALAT. IIII.

Dicite mihi qui sub lege vultis esse, legem non ligistis? Scriptum est enim, quoniam Abraham duos filios habuit: unum de ancilla, & unum de libera. Sed n qui de ancilla, secundum carnem natus est: qui autem de libera, per promissionem. Quae sunt per allegoriam dicta. Haec enim sunt duo testamenta. Unum quidem in monte Sina in servitutem generas, quae est Agar: (Sina enim mons est, in Arabia, qui consuevit esse eis, quae nunc vocatur Ierusalem) & servit cum filiis suis. Illa autem quae sursum est Ierusalem, libera est, quae est mater nostra. Scriptum est enim: Latere sterilis, quae non parit: erumpe & clama, quae non pariturus: quia multi filii deserta, magis quam eius quae habet virum.

Noi autem, fratres, secundum Isaac promissionis filii sumus. Sed quomodo tunc ii qui secundum carnem nati fuerat, persequerentur eum qui secundum spiritum: ita & nunc. Sed quid dicit Scriptura? Ecce ancilla & filium eius: non enim heres erit filius ancilla cum filio libera. Itaque fratres, non sumus ancilla filii, sed libera.

S E R M O.

EN vobis Ecclesiam hodie quam superioribus sex dominicis diebus longè vberiore verbis signisque proferentem laetitiam. Et id quidem omnes audimus atque videmus. Sed an omnibus ex æquo tanta sit cognita atque perspecta laetitiae causa, vehementer dubito. Nullam verò aliam subesse causam reor, cur multi (ut nunc hominum sunt mores) Ecclesiam tantam felicitate rideant, nisi quòd ceremoniarum, quibus illa assuevit, origines rationesque ignoret. Verum utram in parte ignorantiae huius culpam deolvamus: num in ecclesiasticos? At nec tantam invidia ut docere nolint alios, nec tantam inscitiam, ut ipsi haec tam necessaria nesciant, de illis sperare possum. An igitur auditores in culpa sunt? Sed meliora mihi de his polliceor, quam ut existimem sponte eos suas aures à veræ Religionis disciplina auertere velle. Vtunque autem verum sit inscitia multorum Ecclesiam Christianam proscindi, maximo & manifesto omnium damno id fieri certum est. Quòd ergo ad hodiernam Ecclesiae laetitiam, accipe. A Septuagesima (ut vocant) sex dominici dies, sex mundi ætates retulerunt nobis: ita, ut primus illorum dies tempus ab Adam ad Noë, secundus ab Noë ad Moysen, tertius à Moysen ad David, quartus à David ad Babylo-

nicam captiuitatem, quintus ab illo exilio ad Christum, sextus à Christo ad finem mundi (quod tēpus gratiæ est) significationē habuerit. Hæc verò dominica dies vitæ immortalis figurā habet. Quēadmodū ergo quælibet mundi ætas aliquid letitiæ, nō nihil etiā tristiæ habuit, (quod fidē quidē ac spem per Christum acquirēdæ fœlicitatis haberēt multi, ipsam verò quæ fidē debebatur vitam, non obtinerent: ita sex illi dominici dies aliquam præ se tulerunt hilaritatem, sed tristiæ nubibus obscuratam. Verūm quia beata immortalitas merum ac plenum habet gaudium: meritò hæc dies quæ illius gaudij figura est, yberiozem habet lætitiā. Id quod cum alia multa signa atque verba, tum maximè ac propriè hæc Euangelica ostendit hystoria, vbi quietè sedetur, vbi Christi dispensatione sine vllō periculi alicuius timore viuatur, Apostolorum manibus ministratur, cœlum terrāque implent laus & gratiarū actio. Hic hodiernæ letitiæ finis est, summæque Euāgelij. Et hæc oīa cur hoc ordine, cur in hanc instituta diē? Principio, vt promptioribus animis atque feruentius passionem Christi, vt quæ illius beatæ vitæ causa est & principium, meditemur. Deinde & maximè, vt qui iam dimidium quadagesimę ieiunij, oratione & eleēmosynis, pœnitentia nimirum dignis operibus peregrimus: qui molestiā aliquā sustinuiamus, accepto fruitionis visionisque illius diei gustu aliquo ex hoc miraculo: quanta futura sit eorum exultatio, qui ad finem vsque salutaribus suis pœnitentiæ fructibus Deo sacrificaturi sunt, cognoscamus: atque ideò pro hac tanta exultatione cōsequenda, vel tantum nō amittēda, alacrius quę alioqui necessariò perferenda faciēdæque sunt, exequamur. Sæua est Satanæ in nos malitia, grauisque Dei in peccatores vindicta: sed ingenui Christiani nō formidine pœnæ trahi, sed obuia Christi liberalitate, vitæque amore beatæ duci volūt. Hunc igitur in finē nostra tēdat oratio, vt qui formidine iræ pœnitentiæ viam fortè ingressi sumus, eandē iam porrò immortalitatis beatæ desiderio perficiamus.

Ac principio quidē, vt inā immortalis illius vitæ perfectā haberemus cognitionē. Quem enim illa non exhilararet, cui etiā nō persuaderet, cū aliqua etiā animi alacritate subire atque in se recipere, quicquid pœnitentiæ noiē ferendū imponitur? Si quis capitis sustinet periculū, quid non pollicetur, quid nō facit, tantū vt vitā redimat? Res dura est seruitus, & ipsa qui-

fa quidē diuturnitate sit intolerabilior. Ne tamen hanc vitæ
 curam relinquerent multi, perpetuæ seruituti sese addixerē.
 Et hoc quidē pro vita innumeris alioqui malis obnoxia, ip-
 sōq; temporū decursu aliquando relinquenda. Quāto verō
 præstātor illa est vita, quæ nullis malis subest, omnibus bo-
 nis abūdat, & semel adepta nunquā amittitur: Omnino ne-
 cesse est perfectū, ingēs, indicibile, & admirandū sit, quod ab
 infinito, perfectissimo, ter maximo & incomprehensibili, opti-
 mōq; cōfertur & largitur. Tū vile & aspernadū esse nequit,
 quod pro pietate, prōq; iustitia redditur. Et quomodō Deus
 nō daret præstātissima homini, cui seipsum lōgē maiore om-
 nibus iam ante dedit? Aut quomodō nō erit perfectissima a-
 bundantissimāq; vita, cuius figura ac gustus tantā suauitatis
 præbuit copiā? Neq; enim sine causa impletos fuisse discum-
 bentes hos Euangelista cōmemorat. Cogitemus quicquid in
 vniverſo hoc mūdo præstans & egregiū est, quicquid hīc ad-
 miramur & suspicimus, nū fortē aliquid in omni hac supelle-
 ctili hominē implere possit, ita, vt prætereā nihil appetat, ti-
 meat nunquā. Satiabor, inquit Dauid. Sed vbi? Cū apparue- *Psal. 16.*
 rit gloria tua. Immortalis vita sola hanc habet satietatē. Quæ
 quāta futura sit, hinc colligimus, quod gustus illius impleuit *Desertum.*
 quosdam, quod nihil in hoc mundi theatro potest. Et hi qui
 dē in deserto, super fœno, quod modo est, & cras in clibanū
 mittitur, impleti sunt: nos in cœlo, in immortalitatis gloria,
 vbi nulla corruptio est, quod nulla trāsmutatio, aut vicissitudi-
 nis obūbratio appropinquat. Quāquā & solitudo laude suā *Ose. 2.*
 non caret, vt quod sponsam suā, cui ad cor loqui vult Deus, du- *Exod. 15. 16.*
 cere solet, & in quo Israel angelico pane nutritus est. Imō
 quia non antequā in desertū venisset, Deū Moyses vidit, & po- *Exod. 3.*
 pulo Dei præcipitur recedere à tabernaculis impiorū, ne con- *Num. 16.*
 sumantur in peccato eorū? nobis quoq; dictū putemus, quod
 in Psalmis fideli animæ præcipitur: Audi filia, & vide, & incli- *Psal. 44.*
 na aurē tuā, & obliuiscere populū tuū, & domū patris tui, &
 cōcupiscet Rex decorē tuū. Vt em̄ propē est Dñs omnibus in *Psal. 144.*
 uocātibus eū in veritate: ita lōgē est à peccatoribus mūdū di-
 ligētibus salus: imō, si quādo quæsierint eū, nō inuenient: nec *Ioan. 8.*
 in desertū vbi ipse est, turbarū amatores appropinquare pos-
 sunt. Ipse em̄ Dominus sepi viā eorū spinis & maceria, vt se- *Ose. 2.*
 mitas Dei inuenire nequeant. Christū verō sequētes ea in de-
 sertō inueniūt, quæ totus mundus nō suppeditat. Et quis po-

- test recensere, quanta sit futura satietas in cælo, cū tanta copia inueniatur in deserto? Id quod Christi etiā verba volunt,
- Ioan. 14.** quibus sæpè regni cælestis meminit. In domo patris mei, inquit, mansiones multe sunt. Si quo minus dixissem vobis, quia vado parare vobis locum. Et si abiero & præparauero vobis locum, iterū venio, & accipiam vos ad me ipsum, vt vbi ego sum
- Ioan. 17.** & vos sitis. Et in eodem sermone, Pater, inquit, quos dedisti mihi, volo vt vbi ego sum, & illi sint mecum, vt videant claritatem meam. Et alibi: Ego dispono vobis sicut disposui mihi pater meus regnū, vt edatis & bibatis super mēsam meam
- Luc. 22.** in regno meo. Et alibi iterū ad suos: Venite benedicti patris mei, possidete paratū vobis regnū à cōstitutione mundi. Cuius quidem regni maiestatem admiratus Psalmista, exclamāt
- Psal. 83.** dicens. Beati o Domine, qui in domo tua habitant: in secula seculorū laudabunt te. Deinde quanquā hic idē Christus qui & nos in immortalitate satiabit, aliquando panē suæ benedictione multiplicat, populūque suis donis reficit: tamen longè perfectiūs olim in cælo suos reficiet. Solus ille potest, quod impossibile est alioqui omnibus. Lex hac parte infirmabatur
- Ioan. 6.** populus nihil haber. Apostoli dicunt: ducentorum denariorum panes non sufficiunt eis, vt vnusquisq; modicū quid accipiat. Et: Quid hæc sunt inter tantos? Christi verò dicere est: Colligite fragmenta quæ superauerunt. Rectè ergo omnes ad se inuitat, cū ait: Venite ad me omnes qui laboratis & onerati estis, ego reficiam vos. Et: Si quis sitit, veniat ad me & bibat. Et quidni omnes ad se vocaret, quem pater Deus in hoc signauit, vt det cibum hominibus in vitam æternā permanentem: quem vnxit oleo letitiæ, quod est Spiritus sanctus, præ cunctis consortibus suis, vt sit splendor gloriæ, & figura substantiæ suæ, in quo omnes thesauros sapientiæ & scientiæ absconditos posuit, vt omnibus abundanter communicare possit? O immensam diuinæ dignationis pietatem: Homo ad Deum sursum assurgere non potuit, & Deus ex patris sinu ad hæc infima descendit. Hic implet cum sua præsentia, qui cælestium capax non erat. O ingentem felicitatem, hic coram videre & audire in habitu mortali immortalitatis largitorem ipsum. Beati oculi, qui vident quæ vos videtis, Ad Apostolos ipse ait: Dico enim vobis, q̃ multi Prophetæ & Reges voluerunt videre quæ vos videtis, & non viderunt: & audire quæ vos auditis, & nō audiuerunt. Quod si verū est, vt
- certè est,

certe est, si multi serui formam videre atq; audire desiderauerunt: quâto desiderio filij gloria in immortalitate exoptâda erit? Si beati sunt, qui credentes humanis Christû obtutibus cõspexerunt: quæ erit lætitia in immortali gloria ipsam videntium? Consideremus hanc turbam. Primû, nihil curant quid domi agatur: deinde nec Phariseorû inimicitias verentur: tertio, nec sui curam habent, sine viatico, sinèq; omni alimento, vastæ se solitudini committunt. Et vnde hæc facienda pertinacia? Nimirû ex Christi adhuc mortalis præsentia: quæ speciosum præ filiis hominû viderent, diffusam in ipsius labijs gratiâ audirent: quæ virtutè de eo exeuntè & omnes sanantè intelligebant. Quæ populi concursus atq; cõstantiâ Prophetæ magno olim consensu, & veluti corâ sibi viderent, testati sunt. Et fluent ad eum omnes gentes, inquit Isaias, & ibunt populi multi, & dicent: Venite, ascendamus ad montem Dñi, & ad domum Dei Iacob, & docebit nos vias suas. & ambulabimus in semitis eius: quia de Siõ exhibit lex, & verbû Domini de Ierusalè, & iudicabit gentes, & arguet populos multos. Et in Psalmis Asaph sub persona populi ad Christû: nõ discimus à te, viuificabis nos, & nomen tuum inuocabimus. Et hoc est quod duodecim nomine isrdc penè verbis Petrus ait: Domine ad quem ibimus? verba vitæ æternæ habes. Et hæc Christi præsentia eosdè duodecim ad se traxit primû. Nec mirû. Nâ & fides & expectatio Christi antiquis ingens gaudiû, magnâq; fiduciâ attulit. Vt de Abrahâ Christus loquitur ad Iudæos dicens: Abrahâ pater vester exultauit vt videret diem meû: vidit, & gauisus est. Et Baruch: Venit mihi gaudiû à sancto super misericordia, quæ venit vobis velociter ab æterno salutare nostro. Nempe, cû proprietate quicq; sua multa sustinere cogentur, hoc solo cõsolabantur, quod indubitatò crederent, manifestè, hoc est, visibilè carnem indutûm venturû esse Deum. Quam in re ad eò nihil hæsitant, vt ipsius etiam incarnandi Dei præsentiam sibi pollicerentur, imò pro ea quam eximiâ habebant fide, imaginariâ visione corâ videret. Hæc fides seu visio Abrahamo atq; ceteris Prophetis diuturnas peregrinationes leues fecit: hæc Moysi officij sui in Israëlè cædiû mitigauit: hæc Ieremiæ, aliisque prædicadi in ingrato populo munus alioqui intolerabile suaue reddidit: hæc inquam, vt in diluuiio Noë, sic in principum mundi huius malitia perstiterunt illi xpi Apostoli. Et vt summa-

Psal. 44.

Luc. 5.

Isai. 2.

Psal. 79.

Ioan. 6.

Ioan. 8.

Baruch. 4.

tim dicam, quia Christi præsentia sibi polliciti sunt p. j, alij coram viderunt & audierunt, alij etiam spiritus visione intuiti sunt: nullo modo territi, at multis bonis, ingentiq; gaudio affecti sunt. Id quod hæc ipsa, Euangelij lectio clarè ostendit. Quæ licet ingètia sint, videmus tamen nunc per speculum in ænigmate, tunc autem facie ad faciem. Nunc ex parte cognoscimus, sed cum facie ad faciem videbimus, non imaginaria visione, vt Moses & Iacob, alijq; facie ad faciem vidisse leguntur: sed diuinæ essentia contemplatione videbimus: quæ contemplatio vita est æterna, Christo testante, cum ait: Hæc est vita æterna, vt cognoscant te solū verū Deū, & quæ misisti

1. Cor. 13. IESVM CHRISTVM. Tūc, quia immortale mortalibus oculis videri nequit, nec corruptio incorruptibili iungi: mortale hoc immortalitatem, & corruptibile incorruptionē induet. Et hinc est quod Ioannes ait: Charissimi, nunc filij Dei

Ioan. 17. sumus, & nondum apparuit, quid erimus: Scimus quoniam cum apparuerit, similes ei erimus: quoniam videbimus eum sicuti est. Beata ergo turba hæc, cui Christum licet mortalitatis carne vestitum, coram videre & audire contigit. At be-

1. Cor. 71. tiores nos, qui aliquando visuri eum sicuti est, similes ei erimus. Iam tertio hæc turba cibo perituro impleta est: nos cibo in æternum permansuro satiabimur. Quod si tantum potuit panis Christi benedictione multiplicatus quantum benedictis gloria in immortalitate membris communicata vale-

1. Ioan. 3. bit? Duplici autem hic ratione nos Deus reficit: quarum altera corpus, altera sustentat animam. Vtraque tamen refectio & Deo digna, & nobis pernecessaria: vtraque futuræ satietatis argumentum est. Et quidem corporis sustentationē naturaliter appetimus, vt sit: petimus autem ab eo, cui eius curam Scriptura defert, nempe Deo. Salomū enim testatur benedictionē Dei nō modò pro necessitate corpus sustentare, sed &

locupletare. Tum Psalmista ipsum Deum his verbis alloquitur: Dante te Domine illis, colligūt: aperiente te manū tuam, omnia implebūtur vbertate. Et: Oculi omnium in te sperāt: Domine, & tu das escā illis in tempore oportuno. Alibi cum multa de Deo præfatus esset, hoc quoq; addit: Qui dat escam omni carni. Et hanc potentiam suam Deus varijs modis manifestauit. Eliam primū per coruum, deinde per pauper-

lam viduam, postremò per ipsos angelos cibauit. Moysen long-

3. Reg. 17. 19. go tempore sine vlllo cibo seruauit. Israelcm Manna celesti

4. Reg. 4. pane su-

pane sustentauit: hic paucis panibus, paucioribus piscibus, *Exod. 26.* multos impleuit. Et cur tot modis tamq; variè? Primum, vt nullum medium videatur aspernari: deinde vt omnem creaturam sibi subiectam esse doceret: postremò vt sine medijs creaturas cum omnia possit. Atque hæc rursus eò, vt queramus regnum Dei primum, hoc est, præcipuè & ante omnia: quod reliquum est, omnem fiduciam conijciamus in patrem, quoniam ipsi cura est de nobis. Verum quòd ad animæ cibū, ad ipe frumenti satiat nos, pane nimirum omnium suauissimo. Et quis ille? Audi Christum. Ego inquit, sum panis viuus, qui de cælo descendi. Et: Qui manducat hūc panem, viuat in æternum. Ille hospes noster, & cibus est. Nullo autem modo *Ioan. 6.* mem nostram, hoc est peccatum, mortem, damnationemq; potest pelleret, nisi quando seipsum, hoc est, iustitiā, innocentiam, merita, gratiamq; suam nobis cōmunicauerit. Quæ omnia tum demū ac solū commodant, cū ea nobis incorporamus. Quemadmodū cibus corporis nō nisi sumptus nutrit: sic & iste panis nullis nisi participantibus vitā confert. Hinc ab initio nobis propositus est: & quotquot eū per fidē suscepērūt, haud dubiè fame liberati, vitā atq; salutē sunt cōsequuti. Sic Adamo proponitur, cū Deus ad serpentē ait: Inimicitias ponā inter te & mulierē: & semē tuū, & semen illius. Ipsa contret caput tuū. Sic Abrahamo quoq;: In semine tuo benedicetur omnes gentes terræ. Sic Mosi atq; alijs: Prophetā suscitabo eis de medio fratrum suorum, similem tui. Sic Dauid: De fructu ventris tui ponā super sedē tuā. Et in nouo testamento seipsum Apostolis obtulit. Hi deinde per Euangelij verbū atque sacramenta populis cæteris atq; nationibus suscipiendū attulerūt. Quotquot ergo per fidē eū suscipiūt, sanè vitā in se manentē suscipiūt. quemadmodū Ioannes ait: Qui credit in filiū, habet vitā æternā: qui cōtra incredulus est filio; nō videbit vitam, sed ira Dei manet super eū. Et ipse Christus: Qui mādu *Ioan. 3.* cat carnē meā, & bibit meū sanguinē, in me manet, & ego in illo. Contrā verò, Nisi māducaueritis carnē filij hominis, & biberitis eius sanguinē, nō habebitis vitā in vobis. Solus enim Christus gratiā & vitā dare potest. Nō aliud nomen est sub cælo datū hominibus: in quo oporteat nos saluos fieri. Corpus suis donis reficit, animæ seipsum offert, nunc per atcanas *Act. 4.* inspirationes; nunc per scripturas sanctas, quas Iudæi, qui rectè pueri huius nomine intelligūtur, vt potē sensu imperiti, ve

lint, nolint, nobis circūferunt. Quod si corpus mortale tāta liberalitate, si animā adhuc peccatis scdā purgās seipso implei: quibus dapibus, quo neſtare, utrūq; rursus ad immortalitātē, & (vt ita dicā) impeccabilitatē coniunctū satiabit? Si ita in via, quomodō in patria? quomodō in mēsa Christi, in regnō

Ioan. 10. Dei, quod disposuit nobis Dñs? Ego veni, inquit ipse, vt vitā
ibid. habeāt, & abundantius habeāt. Et: Ego sum oslium, per me si quis introierit, saluabitur, & ingredietur, & egredietur, & pascua inueniet. Nēpē, cū intus benedictā & gloriosam dictatē,

Ioan. 16. foris clarificatā, humanitatē Christi contēplabimur. Et: Iterum videbo vos, & gaudebit cor vestrū, & gaudium vestrum

Isai. 65. nemo tollet à vobis. Hinc Dñs in Isaiā de pijs loquitur: Ecce serui mei comedent, & vos esurietis, ecce serui mei bibent, & vos sitietis, ecce serui mei lætabūtur, & vos cōfundemini: Serui

Isai. 64. mei laudabunt præ exultatione cordis. Et ad ipsos cōuerso sermone: Gaudebitis & exultabitis vsq; in scmpiternū, & quæ sequūtur. Et qd multa? Oculus nō vidit, nec auris audiuit, nec in cor hominis ascēdit, quæ pręparauit Deus ijs qui diligunt

1. Cor. 2. atq; expctāt illū. Ecce, tantā sunt, quæ in immortalitate nobis reposita manēt, quorū hodierni Euangelij refectio miraculo plena gustū prębuit. Et qs pro ijs cōsequendis nō oīa faceret? Quir malumus tristitiā quæ ad modicum tēporis durat, scmpternam verò lætitiā generat, fugerē, quā æternū exultari? Aspera via pœnitentiæ est, quis negat? sed ad perpetuum Lætare ducit. Et hæc cū Dei voluntas, tum scripturæ consuetudo est, non nisi afflictos consolari, prius humiliare, deinde exaltare, mortificare, postea viuificare: ad in-

1. Reg. 2. ferna deducere, & reducere. Sic Elias, sic Isaias, cæterique omnes Prophetæ grauiā primū proposuerunt, iram Dei, damnationem, grauēque pœnitentiæ sermonem prēmiserunt, quō postea ad Deum conuersis gratior esset requies. Sic Ioannes Baptista primū pœnitentiam, deinde remissionem prædicauit. Sic Christus ascendens, remissionem

Tob. 3. peccatorum, sed pœnitentia præeunte, prædicari iussit. Nimirū Saræ testimonio, post tempestatem tranquillum facit, & post lachrymationem & fletum, exultationem infundit. Sic Ionam non nisi in profundo maris, imò in cete ven-

Ion. 2. & 3. tre positum atque clamantem eripuit. Sic Lazarum prius miseriarum vndis humiliavit, postea in Abraham sinum exaltauit. Non, quod lætetur in perditione hominum Deus, sed quia ita

quia ita nostra exigit iniquitas: vt præter voluntatem suam
 necessariò durum nobis se exhibeat: vt postea sicut pater filio
 rum suorum, nostri misereatur. Nunquàm impleuit Ierosoly *Ioan. 6.*
 mis diuites, sed his dimissis, obsequentes, & vsque in asperam
 solitudinem pergentes, famèque pressos, impleuit bonis.
 Hinc est, quòd in Prophetis ad se couerti nos iubet, nempe, *Ierem. 3.*
 vt & ipse ad nos conuertatur, suàmque miserans faciem no-
 bis ostendat. Nam vt bonus est his qui recto est corde, ita *Psal. 72.*
 auertit faciem suam ab impœnitentibus, nec licet multiplica- *Psal. 147.*
 uerint orationes suas, exaudit, imò nubibus mādāt, ne pluāt *Isai. 1.*
 super eos. Christus ipse cùm peccatum non fecit, tamen pro *Isai. 5.*
 nobis peccatum factus, carnem indutus, nō nisi per asperam
 viam peruenit ad cœlestem gloriam: sed quia patri obediens
 humiliavit semetipsum, idè exaltauit eum Deus, & dedit *Phil. 2.*
 illi nomen, quod est super omne nomen. Et nos per pœni-
 tētiā ad Deum conuerti, ad propositam in cœlis beatitu-
 dinem consequendam aspirare detrectabimus? Sed inquis,
 grauis nimium est confessio, quiduis potius faciā, tantum
 ne confitear. Ah, pœnitenti grauis non est confessio, pecca-
 tis pressio, quod premit deponere iucundissimum est. Et ipsa *Laus cōfessio-*
 quidem per se bona non modò est, si rectè vtaris, verūetiā *nis sacramen-*
 contenti utilis atque fructifera, tutissimāque & compen- *talū.*
 diaria ad Deum accedendi via est. Per se bonam esse dixi. Si
 enim laus Dei bona est, utiq; & cōfessio bona est. Illius enim
 hæc pars est. Perfecit nemo laudat Deum, qui non se peccato
 rem confitetur. Tum verò qui confitetur delicta sua, miseri-
 cordem & ad ignoscendū peccatum Deum paratum esse cre-
 dit. Credere autem talem esse, vera ipsius laus est. Præterea
 etiam confitenti utilis est. Primò enim omnis peccati caput, 1
 ipsam dico superbiā, deprimat. Deindè pacificat conscientias, 2
 propter absolutionem. Tertiò, viam aperit ad deprecandum 3
 Deum. Humiliantis enim se oratio nubes penetrat, & propè *Eccle. 2. 35.*
 est Dominus contritis corde, & humilia respicit. Quartò de- *Psal. 33.*
 nique in fide instruit, errorem corrigit, infirmitatēque fir- 4
 mat. Ecce, quanta utilitas, quique fructus confessionis sint. *Psal. 137.*
 Postremò: quia tutissimā ad Deum viam dixi, quis nescit 5
 nullam intelligi remissionem peccatorum sine confessione?
 Hac Manasses, Dauid, filius prodigus, publicanus atque la- *Ab exemplū.*
 tro delicta sua diluerunt. Fidelis est Deus, qui si confessi fueri *1. Ioan. 1.*
 mus peccata nostra, emundabit nos ab omni iniquitate nostra.

- Psal.* 50. Et sacrificium est Deo gratissimum, spiritus contribulatus, cor contritum & humiliatum. Impij verò & impœnitētes ad perditionem & mortem properant. Sic Adā, sic Cain, sic Iudæi in peccatis suis mortui sunt. Cū enim ipsi nolunt spōtē sua confiteri, Deus in iudicio contendit aduersus eos, statuit.
- Iob* 9. que peccata eorum contra eos, atque cū eis disceptat. Et quis illi ad mille respōdere potest? Impius cū in profundum peruenit, contēnit. Sed pij orāt: vt se Deus ex ea tēpestate liberet & eruat. Et quid grauitatē eius excusamus? Duo tantū ad eā requirūtur, quorū alter paratus sit & intelligat suo fungi officio, nec quicquā præter contentis salutē quærat, infirmis cōdolere sciat: duos verò arguere, nec obiter parietē deliniat, sed ex intimis, quod latet malū, cauterio extrahāt: remissionem deniq; peccatorum obedienti in Christi nomine denūnciet, alter verò humili corde ac iustitiæ sitibūdus accedat, peccatorum enormitatē ac Dei irā cogitet, peccatū peccatq; differentias ex decalogi tabula addiscat, irā Dei ex historijs superiorum tēporum intelligat: hic iniustitiā suam aduersum se cōfiteri nude ac planē incipiat, Deū precetur, misericordiāq; Dei confusus, verē se absolui Christi verbis per ecclesiæ ministrum credat, post minimē fiat sicut equus & mulus, sed totus studeat consequutam conseruare misericordiam integram. Et quid in his omnibus pœnitenti, ac verē de peccato suo dolenti, graue est? Agite ergo, deponamus pœnæ timorē, & pro libertate conscientiarum, pro ingenti illa cœlestium gaudiorū lætitia, Christus & hospes, & sarietas nostra erit, pœnitentiæ nō fastidiamus disciplinam, sed magis cum quadā etiam animorum iocunditate consummemus. Amen.
- Psal.* 21.

DOMINICA IN PAS- SIONE EVANG. IOAN. VIII.

Dixit Iesus turbis Iudæorum: Quis ex vobis arguet me de peccato? Si veritatem dico, quare nō creditis mihi? Qui ex Deo est: verba Dei audit. Propterea vōs non auditis: quia ex Deo non estis. Responderunt ergo Iudæi, & dixerunt ei: Nōne benē dicimus nos: quia Samaritanus es tu, & dæmo-

& dæmonium habes? Respondit Iesus: Ego dæmonium non habeo, sed honorifico patrem meū, & vos inhonorastis me. Ego autem nō quero gloriam meā: est qui querat, & iudicet. Amen dico vobis, si quis sermonē meum seruauerit, non videbit mortē in æternum. Dixerunt ergo ei Iudæi: Nunc cognouimus: quia dæmoniū habes. Abrahā mortuus est, & Prophetæ, & tu dicis: Si quis sermonem meū seruauerit, nō gustabit mortem in æternum. Nunquid tu maior es patre nostro Abraham, qui mortuus est? Et Prophetæ mortui sunt. Quem te ipsum facis? Respondit Iesus: Si ego glorifico me ipsum, gloria mea nihil est. Est pater meus qui glorificat me, quem vos dicitis: quia Deus noster est, & non cognouistis eum. Ego autem noui eum. Et si dixero: quia non scio eum, ero similis vobis, mēdax. Sed scio eū, & sermonem eius seruo. Abraham pater vester exultauit vt videret diē meum: vidit, & gauisus est. Dixerunt ergo Iudæi ad eum: Quinquaginta annos nondū habes, & Abraham vidisti? Dixit eis Iesus: Amen amen dico vobis, an requām Abraham fieret, ego sum. Tulerunt ergo lapides: vt iacerent in eum. Iesus autem abscondit se, & exijt de templo.

E A D E M D O M I N I C A E P I - S T O L A , H E B R . I X .

CHristus autem accedens princeps sacerdotum futurorum bonorum, per amplius & perfectius tabernaculum, non manu factum, id est, nō huius creationis, neque per sanguinem hircorum aut vitulorum, sed per proprium sanguinem introiuit semel in sancta, æterna redemptione inuēta. Si enim sanguis hircorum, & taurorum, & cinis vitule aspersus, iniquitates sanctificat ad emundationem carnū, quāto magis sanguis Christi, qui per spiritum san-

Etum semetipsum obtulit immaculatum Deo, emundabit conscientiam nostram ab operibus mortuis, ad seruendum Deo viuenti. Et ideo noui testamenti mediator est: ut morte intercedente, in remissionem earum prauaricationum, quæ erant sub priori testamento, repromissionem accipiant, qui vocati sunt, æterna hereditatis.

S E R M O.



ACTENVS multa de pœnitentia diximus. Verùm necdū absolutis, quæ adhuc de eâ rectè dici possunt, ecce vexilla Regis prodeunt, fulget crucis mysterium, quo carne carnis conditor suspensus est patibulo. Neque tamen idcò de pœnitentia salutaris abruptus est sermo: quia Christi seruatoris omnium recolenda nunc est passio: sed hoc magis requiritur: ut pœnitentia & passione cõiunctis, in hac cõfirmetur, quæ in illa proposita & suscepta fuit emendatio. Neq; enim pœnitentia nostra, nisi in passionē Christi respexerit, quicquā proderit, nec passio Domini nisi à verè pœnitente cõsiderata, rectè poterit vel intelligi, vel in iustū vsum cõverti. Hac ratione per aliquot præcedentes à Septuagesimâ dominicos dies, perlustratis & examinatis à primo Adâ mundi ætatibus, ubique demonstratum est, quàm omnes sub peccatū fuerint venūdati, & eguerint huius immaculatī agni sanguine mūdari. Fuerunt quidē in singulis mūdi ætatibus homines pij atque præstantes, ad quorū vota & sacrificia multa & varia Deus respexit, sed in omni numero nemo inuentus est, qui vel sese, vel alios potuisset iustificare, omnes quotquot longo ordine præcesserunt Christū, in eius morte iustificationē & sperauerūt, & quæsiuerunt. Atq; horum exemplis moniti, pœnitentiam non nisi in hac ipsa passione fundatam, vel Deo gratam, vel nobis esse vtilem cogitemus, & emédationem susceptam quidem pœnæ metu, nunc pro Dei patris eximio amore in ipsa filij morte patefacto, alacres ac parati cõfirmemus. Nam ut id præstemus tot rationibus moti, etiā nostra exigit utilitas. Certè ecclesia hac in parte minimè nobis deesse voluit. Enimverò quid sibi volunt vestimétorum sacrorum color rubeus? quid crux hodie denuò oculis exposita omnium? quid tam multæ cantiones, piæ illæ & scripturis sacris cõsentientes, nisi sanguinis Iesu Christi pro nobis effusi, passionisque memoriam refricate, & omnium mētes in eiusmodi mysteria benè

atten-

attentas reddere? Rideant hæc qui volūt, dum possunt, ut humana & puerilia: nos ipsa rerum experientia quotidie discimus, eiusmodi res, & quantumvis alijs contemptas ceremonias, Ecclesiæ meliores & magis pios Christianos formare; quàm illa in qua palpitamus, omnium ferè rerum facit confusio. Cerimoniarum (inquiunt) supersticiosos quosdā fecerunt. Sed quis negat superstitionem in multis reprehendi posse? At superstitionem ex natura cærimoniarum esse quis dicit sanus? Est ex ignorantia ipsarum atque abusu. Verùm ex hac confusione, quæ superstitioni male successit, omnis generis impietatem nascentem video & deploro. Et vtræ Ecclesiæ nocentior? Superstitio, an verò impietas? Hæc omnibus scandalum est, illa sibi tantummodò officit. Crux & Sacrorum vestimentorum color rubeus, dum nos passionis & mortis Christi commones faciunt, profunt, non officiunt. Quemadmodum ipsum etiam nomen diei huius passionem præ se fert, ut ad passionem cogitandam statim ipsa appellatione admoneremur. Etenim si quis peccator conscientia vindice torquetur, si quis à peccatis & pristinae vitæ cōversatione liber factus, si quis denique iustus est: in sola passione & morte Servatoris nostri omnia quæcūque desiderari possunt, inueniet. Tantū illa valet, si rectè in eā intenderimus. Pœnitētes solatur, reusq; dat veniā, resipiscētes docet atq; cōfirmat, iustis pietatē auget. Nemo est, qui nō semper ex vera eius cōsideratione seipso melior efficiatur. In hanc rem veterū omnis tantoperè incubuit vigilans industria. Hinc etiā tam citò repetitur eius memoria, & tot dies docetur in ecclesia, non solum quòd Evangelistis testantibus hoc circa tempus Lazaro miraculosè suscitato, Iudæorum maximè efferbuit insania, Christi que initium sumpsit passio, (quanquā tota etiam vita ipsius passio dici potest): verum etiā ut populo Christiano ad tantam rem ritè cogitandam & meditandam, nulla temporis deesset occasio. Et certè qui tot occasionibus neglectis, hoc tēpore ad augendam pietatem sibi deest, & se ipso melior nō fit, qua via ad salutem pertrahi possit, non video. Et ut concedamus hæc omnia quæ recensuimus, nempe, tempus ipsi passionis memorie deputatum, nomen diei huius à passione dictum, rubicundum colorem, crucem, & alia, nihil esse, nec quicquam facere ad commouendos hominum animos, (ut sunt ad tergiuersandum edocta quorundā ingenia:) an fortè Euāgelij hodierni

& Epistolæ lectiones nihil apud nos valebunt? an fortè hæc quoque aspernandæ sunt. quòd veterum atque Ecclesiæ instituto in hac peculiariter diem dispositæ sunt? Scio hoc nunc mihi nunt Scripturæ autoritatē, quòd Ecclesia vniuersalis ea utatur. Agite ergo, ex ipso Euangelio tantum & Epistola emendationis propositum confirmemus, passionisque memoriam pie auspicemur & reficemus. Et Euangelium pulchrè nobis personam eius qui passus est, describit: tū pontificū, & eorum qui causa necis innocentissimi fuerunt, malitiosum odium & calumniā deliniant. Sed & fructus, quantum ad nos, & in cōmoda, quantum ad homicidas illos, enarrat. Simili quoque ratione Epistola hæc Christi personā describit: tū etiā fructus passionis enumerat. An nō hæc omnia & pœnitentiam egregiè suadent, & emendationis propositum confirmant? Principiò autem omnium consideranda est persona eius qui passus est. Et hac duplici ratione considerari oportet. Primò, quantum ad excellentiā eius, deinde quantum ad innocentiam. Quamquam autem si Euāgelij huius seriem voluerimus sequi, primò dicendum erit de Innocētia: tamē quia quæ ad excellentiam eius hinc pertinet, ad diuinitatē propriè referenda sunt, idèò de his primū videamus. Tria autem quæ hinc dicit, illuc referatur. Primò, Amen amen dico vobis, si quis sermonem meum seruauerit, mortem non gustabit in æternū. Secūdò, Abrahā pater vester exultauit vt videret diē meū: vidit, & gauisus est. Terriò, Antequā Abrahā fieret, ego sum. His Christus suam excellentiam coram Iudæis patefecit. At Iudæi sermonē eius fastidientes, omnia interpretabantur sinistrè. Hominem dicebant ambitiosum & mentis impotem, furijque actum. Tum verba ipsius criminabātur, vt impossibilia, & in ipsum Deum blasphema. Sed margaritæ porcorū non sunt, nec licet sanctum dare canibus. Nobis verò verba vitæ æternæ sunt. Neque enim eo minus valebūt, quòd ipse de se prædicet, sicut Iudæi obijcere consueuerint ei, non esse verum testimonium eius, quòd ipse de se diceret. Quidquid enim magni vspiam de seipso testatus est, id omne factis quibusdam humanas vires excedētibz cōprobauit. In Matthæo dimittit peccata: & vt dimissa esse peccata hoīes agnoscerēt, dixit paralytico, vt surgeret, & sublato grabbato domū sanus reuerteret. Sic vbi se mūdi lucē diceret, statim cæco nato visum restituit. Sic resurrectionē se & vitā affirmavit, & mox Lazarū resuscita-

Summa.

Ioan. 8.

Ioan. 8.

Matth. 9

Ioan.

suscitatum vita donauit. Sic semet panem viuum affirmans, *Ioan. 6*
 statim miraculosè homines in deserto numero 5000. paucis
 satiauit panibus. Sic cū se patrēque vnū esse diceret, æqua-
 litatis huius argumentum ex factis sumendum esse docuit. *Ioan. 10*
 Sed ipsi quoq; Prophetæ eiusmodi de ipso longè antè præ-
 dixerunt. Promittit sermonē suum seruātibus vitā, nec mor-
 tem eos visuros esse. Id olim in Osea prædixit. De manu (in-
 quit) mortis liberabo populum meum, de morte redimam
 eum. Sic quòd Abraham dicit desiderasse diem suum, vbiquè
 Scripturæ clamāt, maximè Genescos liber. Sic quòd se ante-
 quam Abraham fuisset, esse testatur, *Isaias*, *David*, & alij te-
 stimonio sunt. Quòd ergo dicit: Si quis sermonem meum
 seruauerit, mortem non videbit: veram eius & infallibi-
 lem diuinitatem demonstrat. Ipse enim mortis victor &
 triumphator, etiam ijs à quibus apprehensus, fuerat, hanc
 mortis victoriā cōmunicat. Sed vt apprehendamus eum, tria
 requirūt: auditus, fides, & obseruatio. Et hæc tria hoc ipso
 Euāgelio cōplexus est. Primò, Qui est ex Deo, verba mea au-
 dit. Secundò, Si veritatem dico vobis, quare non creditis mi-
 hi? Tertiò, Si quis sermonem meum seruauerit, mortē non
 videbit. Alibi dixit, mortem nō gustabit. Moriūtur pij pari-
 ter atq; impij: sed impij vidēt, degustāt, atque horrēt mortē.
 Pij quidē moriūtur, sed mortis acerbitatē nō sentiūt. Est em̃
 ipsis mors ad vitā transitus. Iam quod secundò ait: Abraham
 exultauit vt videret diem meū, vidit, & gauisus est: hoc vult
 intelligi, quòd Patriarcha probatæ fidei vir in promissiones
 Dei de semine respexerit, & consequutus semē, in ipso semen
 illud Christum agnouerit, atque pro benedictione, quam in
 futuro certò cōsequuturū se esse videbat, exultauerit. Tertiò,
 quod ait: Antequā Abrahā fieret ego sum: æternitatē sibi cū
 patrē vnā atque communem esse ostēdit, quæ & ipsa diui-
 nitatis propriè est. Atque hæc omnia Christus de diuinitate
 sua affirmauit, miraculis confirmauit, & Prophetarum ora-
 culis approbauit. Primum, vt obtureretur os incredulorū ho-
 minū: deinde, vt pij in ipsum respiciāt tanquā in promissum
 Messiah, qui suo sanguine deletō mortis Chirographo, nos
 patri recōsilauerit, & in seipso certā delictorū remissionē, p-
 miserit. Secūdā porrò ipsius descriptio Innocētiæ est, & ipsa
 plena cōsolationis. Nā si nullū extaret de ipsius Innocētia te-
 stimoniū, dubitare possent homines, an moriens nostra pec-

Gen. 22. 5

Galat. 3
Ioan. 8Gen. 22. 5
Gal. 3. 16Gen. 22. 5
Gal. 3. 16

- cata super lignū tulerit, an propriū aliquod ob facinus ista omnia pertulisset. Et hanc innocentiam suam duobus verbis asserit & vindicat. Quis ex vobis (inquit) arguet me de peccato? Et: Ego dæmonium non habeo. Quod si hic considerare licet, quis & quibus ista dicat, omnem dubitationem nobis auferri intelligemus. Nemo enim qui ducit mentiri potest, Tum non amicos aut propinquos, sed hostes capitales alloquitur. Quis ex vobis (inquit) arguet me de peccato? Et si autem quotidie quærent, quomodo ipsum perderent & occiderent: nemo tamen de vlllo ipsum peccato potuit arguere. Neque hæc res parui momenti est, neque obiter transeunda, dum passionis memoriā celebramus. Quæ enim in passione Christi spes nobis esse posset, si hostes sui ipsius eā culpā passum fuisse possent conuincere? Puderet nos potius eum profiteri Christum, quæ sciremus pro malefactis suis esse passum. Verum quod Innocens sine suo ipsius peccato passus est, maximam eamque veram pijs mentibus consolationem adferre.
- 1. Pet. 2.** Primò enim ostendit, quod ipse omnium nostrum peccata pertulerit in corpore suo super lignum, qui proprium delictum nō habuit. Deinde, vt nos in cruce gloriemur, præstat. Tertio, fidem nostram cōfirmat, & facit, vt imprudentiam hominum ora obturemus. Si enim aduersus eū quid habuerunt, cur hic nō proferunt? Quod si ne hoc quidem contenti quiescere volunt, audiant alios huius Innocentiæ testes. Ipse quo proditore vti sunt Iudas, peccasse se hoc ipso, qd sanguinem innocentem tradiderit, fatetur: & quod verè ita sentiat, mortē suā se digna cōfirmat. Tum ipse quem clamoribus minisque dementastis, quem multitudine superastis, Iudex, se nullam in eo mortis causam inuenire, nec etiam Herodē, testatur. Et ita se sentire cōfirmans, manus lauit, & innocentē se à sanguine huius iusti fore arbitratus est: in vos Iudæi, & proditoris, & ignominie, & homicidij penam reijcit. Et latro in cruce hanc innocentiam testatus est, & ipsi qui cruci affixerunt milites. Innocēs ergo est, cum tot testes testimonium eius scrāt, nec vos quod cōtra adducere possitis, habeatis. Sed nouimus quid vos inouerit: doctrinæ veritas, & ipse, quem Messiam & saluatorem debuistis agnoscere & profiteri, odiū.
- Ioan. 3.** Hæc dux causæ vos ad tantam impulserūt insaniam. Malè agēbatis, in tenebris ambulastis, lucem eius odistis. Quam vestrā impietatem Salomon quondam Rex vester vaticinio prōdicit. Cir-

dit. Circumueniamus (in vestra persona loquitur) insulū, quia contrarius est operibus nostris. Horrenda profecto cæcitas Iudæorum hæc est. Christus innocentiam suam atque præstā-
 tionem validissimè astruit: contrā, Iudæi eò vehementius sæviūt & exandescūt. Non Pilatus, non Herodes aut Tiberius, aut *Ioan. 8.*
 denique alius quispiam ex Gentium populo, sed Iudæi, qui se patrem habere Abraham, ac nosse Deum, scientiamque le-
 gis sibi usurparunt & gloriabantur, prius sceleratas manus Innocētis sanguine polluerūt. Nā quod alij p̄stera manus in
 eum iniecerunt, horū instinctu & authoritate factū est. Gens
 tua (Pilatus ad Christum loquens ait) & Pontifices tui tradi-
 derunt te mihi. Cives (alibi in parabola loquens Christus ait) *Ioan. 18.*
 eius oderūt eū. In propria venit, & sui eunt non receperunt. *Muc. 9.*
 Et hanc ipsorū impietate cum alibi, eū hic Christus & Eua-
 gelista depingunt. Ut autē reliqua omittamus, hic præsentis
 Euangelij verba inspicimus. Christus aperte ipsos ex Deo
 non esse convincit, eo q̄ verba Dei nō audirēt. Tūc ipsi sese
 produnt. Nōne (inquiunt) bene dicimus nos, quia Samaritanus es tu, & dæmonium habes? Certè si naturā & rationē
 creationis respicere voluerimus, omnia ex Deo sunt; ab ipso
 enim originē ducunt, ut Paulus testatur, cum ait: Ex ipso, & *Ioan. 3.*
 per ipsum, & in ipso sunt oīa. Verū si renascētiā respexerim⁹,
 illi tantū ex Deo sunt, qui per Christū ex aqua & Spiritu san-
 cto in filiorū Dei cōsortiū alicti sunt. Tūc quā ab æterno in
 hanc filiotū adoptionē præsciti & prædestinati sunt, & qui-
 cunque deuij; ex prima Dei benedictione descenderunt. Hi
 verba Dei audiunt faciuntq; imò in ijs versantur & delectan-
 tur, die ac nocte. Id quod Scriptura p̄didit, ut: Amicus sp̄s
 dat, & gaudet propter vocem sp̄n̄si. Et: Quāni dulcia fau-
 bus meis eloquia tua, super mel ori meo: Custodiuit anīma
 mea testimonia tua, & dilexit ea vehementer. Et: Sonet vox
 tua in auribus meis, vox enim tua dulcis: Nimirū sciunt non
 auditores, sed factores legis iustificari: audientes verò tan-
 tū, sese seducere ac fallere, ac percutiendos plagis multis.
 Verū qui non sunt ex Deo, verba Dei abominantur & re-
 spuunt: aut si quando audiunt auribus, ad interiora tamen
 non transmittunt. Et quid miramur eorū mentes tene-
 bris ignorantie obscuratas esse, ita, ut nec qui ipsi aut, unde
 sint, norint, nec sanum de alijs iudicium habeant? Quomodo
 regiam iustitiae semitam ambulabunt, qui lūmen pedum

non habet? Hic ergo considerate mecum, quid non audeat Iudei, dum verba Dei non audiunt. Quam exco hoc est ipsorum iudiciu: Nonne bene dicimus nos, Samaritanus es tu, & demonium habes? Christus verus Dei filius Samaritanus erit? à quo Spiritus sanctus procedit, demoniu habebit? Veritate dictorum refutare non possunt, & contumeliosi, in execrandas blasphemias erumpunt. Sed hæc natura est omniu qui verbo

- Heb. 19.** Dei non reguntur, vt non modò in homines sint còtumeliosi, 4 verum in ipsum etià Deum ponat os suum. Et de hac quam
- Matth. 10.** hic Dñs sustinuit còtradictiõe à suis, Paulus 12 cap. ad Heb. loquitur. Estq; nobis exemplũ vt si veritatem professi, simile contradictione ab imprudentibus sustinere necesse fuerit. magnis animis perferamus. Si enim patrẽ familiã vocauerunt Beelzebub, quanto magis domesticos eius? Sed nec hoc contenti sunt, quod in hanc blasphemiam eruperint. Seipso etiam iactitant, quasi Abrahã patrẽ geniti sint. Et licet secundum carnẽ utiq; filij essent Abrahæ: tamen quia hoc ipsum ignominiam ipsorũ & dedecus auget, hinc sanẽ nullam laudẽ querere debuerunt. Est aliquid à Regibus clarũ deducere genus, si pios pij sequatur imitatiõe. Nec Iudæos Christus ea laudẽ priuasset, si patris Abrahæ fidẽ egregiam cum lógaminitate constanti in ipsis inuenisset: nũc verò quia apertẽ fidei Abrahæ repugnabãt, abuti eos generis prærogatiuã clarẽ demonstrat. Nolite (inquit) dicere, qd patrẽ habetis Abrahã. Potens est enim i Deus ex lapidibus suscitare filios Abrahæ genuinos. Tertiò deniq; superioribus etiam hoc adducit, quod quem disceptando vincere nõ poterãt, lapidibus obruere contẽdũt. Tantũ humana impietas sine verbo Dei potest. Hæc ipsa mẽ dacij contra veritatẽ natura est. Non vult cedere etiã victa, imò opponit se contra veritatẽ: & vt aliquo modo sese tueat, & defenset, blasphemiarũ tonitru crepat: tandẽ ad illicita arma labitur. Est autẽ nõ hoc Iudæorũ tantũ, sed omniu, qui
- Isai. 1.** quoquo modo à veritate se victos sentiũt. Et de Iudæis quidẽ
- Ierem. 9.** Deus in prophetis conquerit. Filios (inquit) enutriui, & exaltaui, ipsi autẽ spreuerũt me. Extenderunt linguã suam quasi arcum mendacij, & non veritatis. Popule meus, quid feci tibi, aut quid molestus fui tibi? Responde mihi. Quod si inter Christianos fortẽ eiusmodi sunt, qui agnitã veritatẽ quilibet de causã oppugnãt, his ipsis diuinẽ iusticiẽ vocibus se peti intelligant: intelligãt (inquã) veritatis oppugnationẽ, nec
- diutur.

diuturnam, nec Christiano homine dignam esse. Videri potuissent victores Iudæi, sed exitus ostendit diuersum. Oblatam salutem cōtumacibus animis spreuerunt, veritatis assertorem ē templo abegerunt. Propterea, vel experientia teste, tot nunc annis, & salute, & veritatis cognitione caruerunt. Quæ de re postea. Et hæc hæstenuſ de Christi Saluatoris personarum de Iudæorū impietate dicta sūt. Nunē portō cū certum est Christum innocentem crucifixum esse, & Iudæorum cū mendacij susceptum patrociniū, tum verō inuidiam huic neci causam dedisse, quantum ad effectum; superest, vt hac ipsa Euangelij lectione demonstrante, qui fructus ex tam dira innocentis passione nati sūt, videamus. Certē quodd ad Iudæos, nullo suo commodō Christū sūt persequuti. Ecce enim Euangelio hoc ipso testante, lapidibus eum obruerē conantur, & sua impietate ē templo pulſant, quem obuiis brachiis suscipere debebant. Et quid Euangelista dicit? Iesus (inquit) abscondit se, & exiit de templo: hoc est, corpore simul & gratia sua ab eis discedens, reliquit. Hoc ipsorum insaniam sequuntur est commodum, vt sūt homines sine templo, & sine Deo. Gloriat̃ Moses coram populo, quodd nulla tam grandis sit natio, quæ habeat Deos appropinquantes sibi eo modo, quo Dominus Deus adsit cunctis obsecrationibus suorū. Si ergo Dei præsentia beatos efficit, vtique infelices sūt, qui sine hac viuunt. Christus vita est, vbi ergo Christus non est, ibi profectō mors certa est, vt in Ioanne Iudæos alloquitur, dicens: Ego vado, & queritis me, & in peccato vestro moriemini. Et Paulus cum Barnaba ad eosdē, Vobis (inquit) oportebat primū loqui verbum salutis: sed quoniam repellitis illud, & indignos vos indicatis vitæ æternæ, ecce conuertimur ad gentes. Scip̃ quidē pro sua impietate Deum à se abiecerunt, vt ipse in prophetis conqueritur, sed nūquam eos tam longo tempore deseruit atque modō. Nam ab illo tempore quo euersa est vrbis primaria, non Prophetam, non Patriarcham, non spiritum reuelationis habuerunt. Sed ne nunc quidem vllum inter eos diuinæ præsentia apparet indicium, vt verē Christus prædixerit, Queritis me, & nō inuenietis, & in peccato vestro moriemini. Potens quidem Deus est saluare eos, sed ex patre Diabolo filij patris sui desideria sectantur: peccatum quod ingēs, & quod verē dici potest, grauissimum, perpetrarunt, agno-

Ioan. 8.

Act. 13.

scere & confiteri nolunt. Id quod nos cogitare plurimum re-
tulerit. Nam aspernantibus Iudæis, qui ex passione Christi
nati sunt fructus, ad nos delati sunt, ad eorū emulationem.
Et maxima hic diligentia opus est, ut apud nos retineamus
quem cum omnibus bonis à Iudæis profligatū suscepimus.
Quod si quis quaesierit, quæ bona veniens secum aduexerit,
etsi ex eo quod Christus Iudæis loquens, morituros esse eos,
eo q̄ quaesuri essent, non autem inuenturi ipsum, dixerit: ta-
men Paulus clarius omnia expressit in ea quam hodie audi-
stis Epistola. Et quidem mortem Christi ait omnis boni cau-
sam ac fontem fuisse: sed tamen quatuor enumerat, quæ verè
beatum faciunt. ut fide intelligamus, sufficientem fuisse illā,
quæ verè beatos efficiat. Primum ergo in his est, q̄ sua morte
Christus æternam redemptionem inuenerit. Secundum, quod
ip̄sus immaculati agni sanguis conscientiam nostrā enun-
det ab operibus mortuis. Tertiū, q̄ mors eius remissio sit ea-
rum præuicationum, quæ fuerunt sub priori Testamento.
Quartum, q̄ hi qui vocati sunt, repromissionē per mortem
accipiant æternæ hereditatis. Hos fructus passionis Christi
Paulus enumerat, omnibus obuios, qui vera fide in mortem
mediatoris huius respiciunt. Agite ergo, fidei oculos in cru-
cem Domini nostri Iesu Christi subleuemus, & uti cœpimus,
per poenitentiam susceptū emendationis propositum confir-
memus, veram delictorū remissionem in cruce queramus:
neq; ut alij dicamus, Christus pro me passus est, q̄ poeniten-
tiam agam, nihil est: sed hoc magis dicamus: Christus diram
mortem pro meis peccatis sustinuit, igitur & mihi, & nunc
quidem maximè sustinendum est. Videmus enim in ipsa uni-
gesiti filij Dei morte, quā infensē pater detestetur pecca-
tum, & puniat. Et quomodo non laboramus per poenitentiam
in Christi morte remissionē querere? Omnes quicunq; ali-
quando Christū prædicarunt, eiusmodi mediis certā remis-
sionem peccatorū promiserunt. Ioannes Baptista, priusquam
Christum diceret agnū esse eum, qui peccata mundi tolleret,
omnes ad poenitentiam adhortabatur. Ipse Christus, cum ere-
dendum esse Euangelio doceret, ad poenitentiam agendam
adhortatus erat. Petrus cum in nomine Iesu baptizans remis-
sionem peccatorum dari pronunciat, præmisit poenitentię ad-
hortationem. Magdalena non nisi præunte poenitentia à pec-
catis absoluitur. Latro nō nisi cōfessus Paradisi proclamatur
incola

Hebr. 9.

Joan. 1.

Matt. 3.

Marc. 1.

Acto. 2.

Luc. 7.

Luc. 23.

incola. Nec vlla scripturæ autoritas impœnitentibus remissionem peccatorum tribuit. Etenim si cum Christo delectat resurgere, cur cum ipso mori atq; sepeliri reluctamur? Nam & Oseas Propheta cum Dei erga pœnitentes pietatem describeret, non ait: Prima die viuificabit nos, aut secunda: sed, post duos dies, & tertia die suscitabit nos. Nêpe, vt sit prima mortis, secunda sepulturæ, tertia resurrectionis. Cur ergo prima die querimus quod tandē tertia dandū est: hoc est, cur Iustificationem nobis sine præeunte pœnitētia promittimus? Nam & Paulus Apostolus prius moriendum esse docuit peccatis, deinde cū Christo in nouitate vitæ resurgendū. Sed cum tria omnino hominū genera sint, vnum eorum qui verè pœnitēt, & iusto adminiculō à peccatis resurgere volunt, alterū eorum, qui liberari quidē à peccatis volunt, sed remedio vt nolunt: tertium verò eorū qui planè impœnitentes sunt: hæc mediis tantū dicta sunt, his verò qui verè pœnitēt, nunc ipse Dominus nostri Iesu Christi passionem respiciendū erit, non modò vt in ea pœnitentiā suam concludant, certamq; remissionem inde expectent: verū vt quantū fieri potest, Christi, qui pro omnium delictis volens passus est, innocentiam referāt, & malè de nobis loquentibus ora obmutescere faciant, quemadmodū hic Christus hostes alloquitur. Verū eos, qui impœnitētes hactenus, & Ecclesiæ exēplum, & scripturæ mōnita impiè securēq; aspernati sunt, moneo, si qua pietas, si qua propriæ salutis cura mouet, ipsos saltē impœnitētes iudicos respiciant: quā sciant, & contra Christū pugnent, quousq; impietatis progrediantur, videāt. Hos impœnitentia contra verbum Dei ac contra Christum imitari indignum planè esse Christiano homini cogitent. Nec solum pœniteāt de commissis, verū etiam peccata confiteantur secundum cuiusq; qualitatem. Si publicè peccarunt, publicè confiteantur. Pium est enim, vt qui manifesto crimine multos ad peccandū prouocarunt, publica confessione omnes ad pœnitentiā hortentur. Si priuatim aliquid commissum est, priuatim apud Ecclesiæ ministrū deponant. Quod si nullo modo pioſi exēplis ad confitendū permoueri volunt, vt sunt Abraham, Gen. 18. Iacob, Gen. 32. Dauid, Psal. 32. Ezechias, Isai. 38. Daniel, Dan. 9. Paulus, 1. Tim. 1. & alij, vnus tantū Achā imitentur exēplum: & eo libentius quod ille quidem corporis mortem per hanc confessionem declinare nō potuit, nos verò certam de-

1of. 7.

licitorum remissionem consequamur. Hic, inquam, licet saluari non poteris, tamen diuino iudicio accusatus, statim ubi Iosue delicti confessionem postulare intelligeret, verè peccasse se Domino cōfiteretur. Nimirum vt per hoc gloriam Deo daret, & vt mitius secū ageretur obtineret. Huius ergo exemplo moniti, qui hactenus neglexerunt, poenitentiam agere incipiant. Omnes verdē mendationis susceptum propositum in Domini & Saluatoris nostri IESU CHRISTI passione confirmant. Sic fiet, vt qui totius Mundi delictis expiandis passus & mortuus est, post resurrectionem æternam vitam largiatur & tribuat. Amen.

DOMINICA IN RAMIS PALMARVM EVANGELIUM,

MATTHÆI

XXI.

Zach. 9.

CUm appropinquassent Ierosolymis, & venissent Bethphage, ad mōtem oliueti, tunc Iesus misit duos discipulos, dicens eis: Ite in castellum, quod contra vos est: & itatim inuenietis asinam alligatam, & pullum cum ea: soluite, & adducite mihi. Et si quis vobis aliquid dixerit, dicite, quia Dominus his opus habet: & confestim dimittet eos. Hoc autem totum factum est, vt adimpleretur quod dictum est per Prophetam, dicentem: Dicite filia Sion, Ecce Rex tuus venit tibi mansuetus, sedens super asinam & pullum subiugalis. Euntes autem discipuli, fecerunt sicut præcepit illis Iesus. Et adduxerunt asinam & pullum, & imposuerunt super eos vestimenta sua, & cum desuper sedere fecerunt. Pluri-

ma

ma autem turba strauerunt vestimenta sua in via. Alij autem credebant ramos de arboribus, & sternebant in via. Turba autem quæ præcedebant & quæ sequebantur, clamabant, dicentes: Osanna filio David: Benedictus qui venit in nomine Domini: Osanna in altissimis.

EADDEM DOMINICA

EPISTOLA.

PHILIP. II.

Hoc sentite in vobis, quod & in Christo Iesu, qui cum in forma Dei esset, non rapinam arbitratus est esse se equalem Deo: sed semetipsum exinaniuit, formam serui accipiens, in similitudinem hominum factus: & habitu inuentus ut homo, humiliavit semetipsum, factus obediens usque ad mortem, mortem autem crucis. Propter quod & Deus exaltavit illum, & donauit illi nomen, quod est super omne nomen, ut in nomine IESU omne genu flectatur, caelestium, terrestrium, & infernorum, & omnis lingua confiteatur, quia Dominus Iesus Christus in gloria est Dei patris.

r. 3. SER

S E R M O.

Sapient. 18

Quoniam omnia Deus in mensura, numero & pōdere disposuit, nihil sine causa, omnia verò pro sua omnipotenti sapientia iusto ordine instituit, peregirque: ea tamen quæ hoc in mundo carnem indutus, locutus, fecit, aut passus est, ita ordinavit, ut & iota, quodlibet eorum minutissimū, sua obteget & referat mysteria. Neque verò fortuito contigerunt. Aut enim exempla pietatis, aut vaticiniotum impletio, aut veteris alicuius representationis figuræ, aut denique futurorum sunt significatio. Cum autem hoc de toto illo carnis assumptæ tempore & sentire & dicere æquum est, eò tamen magis id præstitit Christus, quo propius ad configurandæ mortis suæ horam accessit. Minorem enim diuinitatis vim ea quæ paulò antequam passus est, dixit, fecitve, referunt, & antea facta omnia quodammodo sua maiestate transcendunt & obscurant. Eius ergo generis cum hæc præsens sit lectio, quis non intelligit, quàm hic præsentibus, & in rem maximam intentissimis anuntis opus sit. Consideravit hoc & intellexit quondam veneranda illa antiquitas, & quæ hanc hebdomadâ Magnam dixerunt, ut nempe ipsa temporis appellatione, in magna Christi dictorum factis, & quæque mysteria, quorum his diebus maximè celebratur memoria piorum, mentes extollerent. Nec hoc contenti, ut maximè res, omnis ætatis, omnium hominum cognitione dignissimæ cognoscerentur & meditarentur diligentius, etiam externis quibusdam, scripturisque consentientibus ceremoniis, repræsentarunt omnium oculis, quæ pro sua sanctorum testimonia non satis posse se sermōe eloqui arbitrabantur. Hinc est quod sacerdoti, Christi auno insidentis personam referenti, puerorum alij vestimenta, alij arborum ramusculos subiciunt. Hinc etiam ipsi presbyteri, Christi Hierosolymorum urbem intrantis dicta & actiones quasdam repræsentant: non inani spectaculo hominum oculos pascetes, sed viva imagine, quod semel in Christo factum est, ipsis pectoribus insistentes. Et horum sanè exemplis decebat nos non abuti: decebat ad æquam & necessariam diligentiam accendi. Sit tamen & hoc exiguum, & multorum scilicet intelligentiæ, fideique, quam tantopere, vel potius sine opere iactant, indignum: an non ignauiam nostram arguere

arguere; studium diligentiamque poscere videntur Euangelistæ, qui omnes, ne vno quidem excepto, (quod infrequens est) & veluti certatim, hanc historiam diligentissime conscribere? Matthæus enim 27. Marcus 11. Lucas 19. Ioannēs 11. hæc omnia scrupulosissime fidelissimèque, vt omnia, tradunt. Non hic quod detestemur, restat. Licebit fortè minoris piaculo in aliis quibusdam rebus, non tanto studio tam proprie possitis, minus esse studiosis: at quæ omnium ore tantis studio ingeminantur, quomodo negligentur? Vniuersa ciuitas commota est cum hæc olim fierent. Nec immerito, sed maiestate incognita, reique insolentia conturbetur incredulus. Et cuius causa hæc facta sunt, his ipsis non afficietur fidelis? O mentes hominum duras, & cautiùs immobiliiores. Frustra Christus in nostræ salutis negotio tantopere sudat? frustra Euangelistæ in scribendo laborant? Nichil etiam prophætica nos mouebit acclamatio: Hodie si vocem Domini audierimus, ne obturemus corda nostra, ne fortè & ipsi à re quæ excludamur exlesti. Nullum Pauli clamor in nobis locum indueret? vt quod in Christo Iesu videmus & intelligimus, in nobis ipsis etiam sentiamus? Non enim hic de infauito perfidissimorum Iudeorum in Dominum Iesum odio dicendum est. Quamquam tanta perfidia, tantæ cruentæ exitus insidia, vt ab Euangelistis non vno in loco patefacta est, ita nullo modo à nobis taceri & abscondi debet: vt eorum exemplis cautiùs facti, discamus cum multo timore nostram salutem operantes; nec diuinis actionibus reluctari; nec contra immutabilem Dei veritatem arina sumere. Iam omnium in populo Præmorum animi communi sententia firmata, in hoc vnum conspirauerant, hoc vnum etiam informes volebant, vt Iesum dolo tenerent; & occiderent. Percelluerat enim ipsorum animos suscitati Ezaræ rumor: & gratulabundæ plebis, quæ sedentem super assium in urbem introduxerat, laudibus, filium David in nomine Domini aduenisse acclamantis; confessione & veneratione solenni, magis inflammabantur inuidia, ita, vt perturbatis aotea animis, vehementiori insania exacerbarentur; & conspirationis malignæ consilia ultra occultari non possent. Quæ de re nunc loqui tempus prohibet: & cum alias sæpe eius mentionem abundè satis fecerimus, hic repetere superfluum est. Neque enim superioris dominicæ diei proximus

. p. 15

. 1. 1. 1.

. 1. 1. 1.

Mat. 27.

. 1. 1. 1.

. 1. 1. 1.

. 1. 1. 1.

Psal. 49.

Hebr. 3.

Philip. 2.

Mat. 25.

Ioan. 11.

. 1. 1. 1.

sermo nihil de ea loquitur, pro ipso, quæ tunc commodum offerebatur, materiæ qualitate. Hic verò propius ad nostræ salutis opus accedentes, Dei Opt. Max. immutabile in certa voluntate veritatē, & eius, qui pro nobis passus est, pro delictis nostris mortuus, pro iustificatione nostra resurrexit à mortuis, personā considerabimus, intuebimurque altius. Ecce agnus Dei, ecce qui tollit peccata mūdi, Ioānes Bapēista olim clamauit. Et Paulus: Respiciamus in auctorē fidei, & consummatorem Iesum, qui proposito sibi gaudio sustinuit crucem, confusione contēpta, atque in dextera Dei sedet. Et in Evangelio turbæ: Osanna filio Dauid, Benedictus qui venit in nomine Domini: Hic est Iesus Propheta à Nazareth Galileæ: Benedictus qui venit Rex in nomine Domini, pax in cælis, & gloria in excelsis: Benedictus qui venit in nomine Domini, Rex Israël, Osanna in excelsis. Huc, inquam, & in has voces animi nostri conuertendi sunt, vt verē sciamus quis sit ille, quem passum nostri causa proſitemur Deum. Principiū enim confirmabit hæc consideratio fidem nostram, ne fluctuemus, & certō statuamus, quod ipso morte à damnatione, quam timebamus, vindicari simus. Deinde intelligemus, quantus sit ille Dei amor in nos, qui nos per eam mortem, cum adhuc inistiei eius essemus, in filiorum assumpsit adoptionem. Sed & indignitatem & magnitudinem peccati rectius æstimabimus, pro quo diluendo filium Dei in carne mori oportuit. Tertio denique confirmabit, cōsolidabitque animos nostros contra crucis scandalum, ne, vbi Iudæorum faciem Christo exprobrātem audiuerimus: Si Rex Israël est, descendat nunc de cruce: seipsum non potest saluum facere: Seducor hic dixit, & alia id genus, à fide deficiamus. Ad hæc omnia valet vera Christi notitia, quæ si vsquam alibi, in hodiernæ profectō historię. Evangelio traditur maximē. Ordine igitur Evangelij seruato hoc primum omnium cōsiderandum est, quod sēuientibus licet vbique Iudæis, quorum rabies & prædicta & depicta diuino spiritu in prophetis legitur, (ne quis in ea fortunam aut contingentia esse suspiceretur) insueta sēssione aselli, Christus Hierosolymorum urbem ingreditur, magna gratulantis populi salutatione excipitur, legalibus festis, solenni omnium admiratione, ingentique, sed iusta seueritate, ab euentium vendentiūque conimuratione iniqua, flagello facto, templum vendicat. Videbatur antea quasi proſi-

garur

gatus solitudinis frequentare silentia, subinde etiam ad suos recurrere. Sed hoc non poenam erat formidauerat: potius insaniam desperatissimorum hominum declinantiserat passioni constitutam à Deo patre horam expectantis. Nam quod passionem non timuerit, voce & facto palam testatus est. Voce quidem, ut cum ait: Desiderio desiderauit hoc pascha manducare vobiscum. Et: Baptismo habeo baptizari, & quomodo coartor vsque dum perficiatur? Et: Ecce ascendimus Hierosolymam, & filius hominis tradetur in manus peccatorum. Facto etiam, ut quod locum passioni destina- u tempore idoneo uisitat, quod hostium armatis copiis sese offert, suosque ab ipsis vindicat. Quæ omnia aperte cõuincunt, quod nec homicidas ille, nec verò ipsam mortem, vel timuerit, vel subterfugere voluerit. Alibi proficitur, quod in mundum uenerit, non suam, sed patris voluntatem facturum. Et pati ipsum patris certè voluntas erat: voluntas, inquam, manifestata lege, præfigurata signis, prophetis patefacta vaticiniis. Neque enim ipsam passionem tantum, sed ea quoque quæ passionem antecesserunt in diuinarum scripturarum legimus oraculis. Nam quod Moyses agnum de grege secerni iubet quinto die ante Phasem domini, quid est, nisi quod Christus totidem diebus ante passionem, peculiaribus quibusdã actionibus se ex omnibus hominibus egregium esse declarauit? ut quod solus Lazarum suscitauit, solus super asinum sedit, solus super ciuitatem staret, solus orat, solus capitur, & cruci postea affigitur. Nec aliud uale Zachariæ vaticinium, quod filius Sion rex dicitur venire mansuetus, sedens super asinum. Idem quoque psalmi illa acclamatio uult: O domine saluum me fac, o domine bene sperare, benedictus qui uenit in nomine Domini. Taceo hic, quod in Esaia pater in Christo se omnium iniquitates nostras posuisse, proque scelere hominum percussisse eum testatur. Ea enim tantum referre uolui, quæ huius Euangelij historiam propriè respiciunt: ut sunt, agni figura, Zachariæ vaticinium, & David Prophetæ acclamatio. Et hæc cum patris Dei fuit voluntas, non potuit Christus prætergredi, ut ueritas constaret sibi, quæ se Dei uoluntatem facere edicit. Et hic iam considerare mecum, quod Christus non solum mortem homicidalem suos non timuerit, uerumetiam hodierni Euangelij actionibus admirandis, multa quæ in ueteri lege oracula leguntur, compleuerit. Nisi enim vaticinia cum Euangelij historia

Luc. 22.

Luc. 12.

Mat. 16.

Ioan. 6. 5.

Et 4.

Exod. 12.

Zach. 9.

Psal. 117.

Esa. 53.

comparauerimus, & altero oculo in Prophetas, altero in Euangelium intenderimus: quis, oro, non admirabitur vehementer? & Christum hoc modo vehi se voluisse, non existimabit insaniam? maxime, cum nunquam ipse antea (quod quidem in Euangelio legitur) ullum animal infederit. Neque enim unam asinam, sed cum asina pullum adduci voluit: tum etiam Apostoli non asinam solam, sed & pullum, ut Matthæus habet, vestimentis suis constrauerunt. Si autem spiritus iudicio uti voluerimus, videbimus & dictatæ quondam veritati satisfactum esse, & sequentiū temporum in ipsis eiusmodi actionibus expressam fuisse imaginē. Nam si asinam uti assuetam iugos

1. Cor. 11. Iudæorum gentis: pullum verò gentium (quorum illi sub legis oneribus gemebant, hi sine lege post simulacra muta uti dicebantur, carrebant) figurā gessisse intellexerimus: profectō, quod Christus, & asina & pullo in regni sui constitutione necessum habeat uti, & quod super utrumque nunc sedeat, hoc est, utrumque populum regat, ab utroque portetur in ipsam vltimā sanctam Hierosolimam, concedemus. Id quod variis prophetarum responsis olim prædictum fuit. Nos duos tantum locos proferemus, ut ex his reliqui intelligantur. Isaías cum Deum ad Christum loquentē induceret, dixit: Parum est, ut sis mihi seruus ad suscitandas tribus Iacob, & facies Israël conuertendas: Ecce dedi te in lucem gentium, ut sis salus mea usque ad extremum terræ. Iacob verò Patriarcha Iudam benedicens, in hanc sententiā loquutus est, Non auferetur sceptrum de Iuda, & Dux de femore eius, donec veniat qui mittendus est: & ipse erit expectatio gentium: Ligans ad vineam pullum suum, & ad vicem asinam suam. Hæc ibi. Vitis Christus est: cui alligati sunt duo populi, Iudæi atque gentes. Quamquam ne nunc quidem asina illa Christo dosum velit satis submittere, superba lege. Id quod pullo edocta, tandem aliquando factura creditur, quando vnus pastor, vnumque ouile videbitur. Sed quod in utroque populo, idem videre est in quolibet

Ioa. 10. homine. Habet enim homo internum externumque hominem. Et externus quidem ut minus à malo deterretur, ita ad bonū promissionibus attollitur. Internū verò, hominis nimirum voluntatē, nemo præter Christum mansuafacere potest. Sine Christo enim in vitium nititur. At ubi Christus semel

Rom. 7. infederit, hoc est, gratia sua cor hominis accesserit, liberatur,

Psal. 118. & ad omne bonum expeditur, viamque mandatorū Dei currit.

Hoc ergo, id est, interno homine currente, propter sessorum, externus licet vacuus, sine onere sequitur: vacuus, inquam, quia insuetus æqui bonique, legi mentis repugnat sæpe. Vt Paulus ait: Caro concupiscit aduersus spiritum. *Rom. 7.*
 Cum ergo Christus Apostolos duos ad adducendos duos illos assuos, pullum cum subiugali, ablegat, quid post resurrectionem facturus erat, significat. Misit enim eos iam iam ad cælos euolaturus in mundum vniuersum, ut sua prædicatione à pristina conuersatione homines soluerent, & sub iugum Euangelij submitterent: fuitque vna eademque actio præteritarum, veritas figurarum, & figuræ sequentium temporum. Matthæus enim addit hoc totum factum fuisse, ut adimpleretur quod dictum est per Prophetam, dicentem: *Galat. 3.*
 Dicite filiæ Sion: Ecce rex tuus venit tibi mansuetus, sedens super asinam & pullum. Esse autem in his verbis Christi regni huius æui descriptionem, nemo dubitat. Quantum autem referat id quale sit cognoscere, volui Prophetam innuere, cum, ut filiæ Sion dicatur, præcipit. Est enim hæc scripturæ consuetudo, ad maximas res intelligendas eiusmodi verbis homines excitare: ut in hoc ipso Prophetâ 2. cap. & in Esaiâ: *Zach. 9.*
 Confurge, confurge Ierusalem, induere fortitudinem. Et: Consolamini, consolamini popule meus: Porro cuiusmodi sit regnum Christi his Prophetarum verbis descriptum, audiamus ex ipso cõtextu. Principio regis nomine appellatur, ut quid post deusitæ mortem in credentium mentibus facturus esset, insinuat: & quia iam tum haberet potestatem omnis carnis & constitutus esset Rex super Sion montem sanctum eius. *Esa. 52.*
 Deinde triumphat & ouat ante, non dico victoriam, sed certamen. Res sanè plena miraculi. Quis enim non miretur id fieri in Christo quod omnes derideremus in homine? Nam cum victo, victor interit: quis non derideret hominis triumphantis aut victoriam stultitiam, aut non execraretur ouatis sine certamine inanis gloriæ præsumptionem? Neque enim bellicosissimi viri vquam id attentare ausi fuerunt, quales fuerunt Camilli, Fabij, Scipiones, Cæsares. Solus Christus id ausus fuit, non Némroth, non Alexander, non Iulius, non Hannibal. *40.*
 Et quæ ratio? Christus de victoria certus fuit: hi non fuerunt, ut in Matthæo, cum Passionis, flagellationis, mortisque fux meminisset, addidit: Tertia die resurget. Et cū coram Pilato *Matt. 16.*
 regna

regnum suum non esse de hoc mundo assereret: Veruntamen (inquit) amodo videbitis filium hominis sedentem à dextris virtutis Dei, & venientem in nubi bus cæli. Et antea ad discipulos suos de morte sua loquens. Iterum videbo vos (inquit) & gaudebit cor vestrum. Quæ omnia mortem quidem non abnuunt, sed resurrectionem certam promittunt.

Ioan. 12. Ex hac pertinent palmarum victoriciæ signa, & salutatio populi, & querela sacerdotum summorum, qua se victos nihil proficere contra dominum fatentur. Mundus, dicunt, totus abiit post eum. Pertinet item, quod hostium in utilitatem omnes suas commoditates concedit: ut quod inermis, die festo, in ipsam urbem populo plenam venit. Quamquam & ideo hoc ipso tempore Phasæ venit, ut significaret se verum agnum esse, cuius ille habuisset imaginem: & quod se veritate veniente, finem haberent legis umbræ. Sed ita considerandus est hic triumphus, ut intelligamus omnipotentem esse eum, qui semel propter peccatum mortuus, postea resurrexit: & propterea, quia hanc victoriam nostram esse voluit, sequæ nobis in quocunque certamine affuturam esse promittit.

III. Et, certam nobis in ipso polliceamur victoriam. Tertio verdò sit, certam nobis in ipso polliceamur victoriam. Tertio verdò quod sedens super asinum mansuerus venit, significavit & tradidit pugnandi modum. Adam non stetit, quia per superbientem saltu mulierem ad peccuationem inductus est. Christus ut hoc vulnus sarciret, in humilitate cum hoste

Esa. 42. congregatur, contraria contrariis removens. Non clamabit, inquit Esaias, neque accipiet personam, nec exaudietur in plateis vox eius. Id quod in Epistola sua Paulus graphicè describit, cum de Christo scriberet. Qui cum in forma Dei esset (inquit) non rapinam arbitratus est esse se æqua-

Philip. 2. ma Dei esset (inquit) non rapinam arbitratus est esse se æqualem Deo, sed exinanivit semetipsum, formam servi accipiens, in similitudinem hominum factus: & habitu inuentus ut homo, humiliavit semetipsum, factus obediens usque ad mortem. Verùm Lucas adhuc magis admirandam humilitatem Christi describit, cum in hoc ingressu urbis super urbem fleuisse commemorat. Et hic se suaque officia & vocationem cogitent cum omnes, tum maxime Christi discipuli, quàm sit ipsis ante omnia humilitas necessaria, quàm dedecet domino in humilitate & fletu nostram salutem operante, servum fastu elatum superbire, risus iocòsque sectantia: cogitent, inquam, quàm non conveniat domino per-

perstatem egestatē nq; sustinente, diuitiis abundare & abuti;
 cogitent, adhuc dico, quid sit, Domino regnum se in hoc
 mundo habere negare, regna, dominia, delitijsq; cum qui-
 bus ingenuē Christianis esse non licet, hic querere. Humilis
 ergo & sēns Christus venit. Et in hoc ipso admirabilis, quōd
 licet humilis & sēns veniret, & aduentantis mortis horam
 sciret, acclamantis tamen populi salutationes sustinuit & co-
 ram indignantibus Magistratibus excusauit. Sed duo hoc
 ipso voluit significare. Primum, instabilem huius mundi
 splendorem; deinde, semper aliquos fore, qui in magno hoc
 mundo diuinas laudes sint & fidem professuri. Quā enim
 repugnant inter se: Benedictus qui venit in nomine Domini,
 & Tolle, tolle, crucifige eum. Rex Israël, & Regem non ha-
 bemus nisi Cæsarem? Quā non conueniunt virentes ra-
 musculi, & crucis lignum? suauē olentes flores, & corona spi-
 nea? Quantum differunt, hinc inde super stratas aliorum ve-
 stes incedere, postea propriis spoliari & exui? Et omnia hæc
 tamen, licet diuersissima, Christo contingere, in vna vrbe, vno-
 que aded tempore. Hæc seculi huius inconstans vicissitudo
 est. Extrema plerunque gaudi; iustus occupat, Ritus error
 est. Deinde quōd Deus velit semper aliquos esse laudis pro
 mulgatores diuinæ Christus concionatur. Dico, inquit, vobis,
 quia si hi tacuerint, lapides clamabunt: Non legistis,
 Quia ex ore infantium & lactantium perfecisti laudem? Quō
 sanē docemur laudem Dei neutiquam ad certos homines al-
 ligari, sed vbiq; aliquot excitari ad hoc ministerium, quem-
 admodum Iudæorum exemplum clarē docet. Idque eo accu-
 ratius considerandum est, quōd Iudæi, cū putarent verita-
 tem Dei in suam tantummodo gentem alligatam, nec posse
 Deum in aliis nationibus promissiones suas implere, à Dei
 veritate & misericordia fuerunt alienati & abiecti, nobisque
 idem euenire possit tunc, quando maximē nobis de Dei præ-
 sentia beneficijsque, pro instaurata Euangelij prædicatione
 placemus, omniaque nobis pollicemur. Eaq; propter plu-
 rimum apud bonos homines hæc sententia valere debet: quōd
 potens sit Deus ex lapidibus suscitare filios Abraham. Atq; hæc
 omnia illuc referantur, quōd Christus, licet ipse humilis sa-
 per asinum veheretur & fletet: tamen diuinæ laudis prædica-
 tores passus sit, & defenderit. Quāto, quod ipsum etiā ad
 Christi personæ descriptionem pertinet, est, quod ipse medius
 & seq

Prov. 14.

Eccl. 2.

Luca 19.

Matt. 21.

Psalm. 8.

III.

& sequentes & præcedentes salutatores habuit: quorum alij ramos vti naturæ dona, alij vestimenta, vti artificialia sub-
 strauerunt, ipsi omnes voce consona acclamarunt gratula-
 bundi. Quo significatum est, ipse redemptionem, & ad eos
 qui antè vixerunt, & simul cum eo, & qui sequuntur, perti-
 nere, efficacemque esse in omnes. Id quod Paulus quoque vult,
 quando Christum semel in sancta sanctorum introiuisse com-
 memorat, æterna redemptione inuenta. Et alibi, sicut per
 vnius hominis delictum mors in omnes peruenerit, ita etiã
 per vnius hominis obedientiam iustificationem transire in
 omnes, refert. In ipsum enim prospexerunt fidei intuitu,
 quotquot ante incarnatum verbum salutem consequuti sunt:
 in ipsam respicimus nos quoque quotquot saluamur. Illud
 Christus approbat, quando Abrahamum dicis diem suum
 vidisse: hoc Apostolus testatur, quando in Iesu nomine poeni-
 tentiam prædicari oportere & remissionem, concionatur.
 Atque hæc quatuor nunc breuiter de Christi persona dicta
 sint: quòd certus de victoria, antè triumphet quàm omnino
 vicerit: quòd non vi, sed humilitate in pugna utatur: quòd
 victoriam suam omnibus omnium seculorum hominibus
 voluit esse communem. Et in his omnibus ut futurorum tem-
 porum significauit mysteria, ita præcedentium vatum im-
 plevit oracula: quibus & sese verum illum Messiam decla-
 ravit, & nobis certè redemptionis fidem confirmavit, atque
 crucis scandalo muniuit. Restat ergo, vt tantum habentes
 Pontificem, turbæ exemplo cum omni pietate venientem
 suscipiamus, & Paulo monente, quantum licet, omnino nos
 ipsi conformes reddamus. Et turbæ quidem primò obuiam
 ei procedunt, quo desiderium suum declararunt in ipsum:
 deinde gratulabundi Deo, debitis laudibus saluant: tertio,
 vestimenta substernunt: quarto, ramos quoque arborum sub-
 iiciunt: quinto, in his omnibus Pontificum insidantium ni-
 hil mouetur minis. Omnia plena mysteriis. Nam domini
 ipsum profiteantur vniuersorum, quæ vel à ratione, vel arte,
 vel ipsa etiam natura procedunt: etique debere omnia, non so-
 lum quæ sunt hominis, sed ipsum magis hominem: nec ti-
 mendos esse Christi aduersarios, qui honoribus priuare qui-
 dem & corpus tollere possunt, animam autem non possunt:
 & posse Deum suos ministros à cuiuslibet tyranni vindicare
 iniuriis. Paulus quoque nos non ad turbæ iam exemplum, in
 quo

quo imperfectio adhuc locum habet, sed ad ipsum Christum respicere docet: morieturque, ut quæ in ipso consideramus, diligentissimè sequamur, in quæ nobis sentiamus. Quod si quis iam quærat, quid in Christo considerandum sit, brevis est responsio. Ipsa solummodo obedientia & considerata accurate, & imitanda est diligentissimè. Ut autem huius imitationem nobis persuadeat, primùm Christi maiestatem describit: quod diuinitatem, non quasi ex rapina, sed natura cum Deo habuerit æqualem. Ac si dicat: Si Deus ipse filius Deo patri obediens fuit ad humilitatem usque crucis: utique hominem decet tantæ obedientiæ esse imitorem. Deinde, si Christus Deus cui cælum sedes, & terra scabellum pedum eius, non nisi per mortis ignominiam peruenit ad patriæ gloriæ: frustra creatura quærit gloriæ sine ignominia tribulationum. Si deniq; Christus per mortem ad tam sublimem gloriæ euectus est, ut sedeat à dextris Dei, ut in ipso nomine omne genu flectatur, cælestium, terrestrium, & infernorum: non est quod conquerantur membra Christi modicum quid pati pro indicibili consequenda gloria. Hoc modo in Christi personam respicere monemur. Quod si pudet levis turbæ exemplum sequi, Christo obuiâ procedere, Dominum regemq; confiteri: ipsum Christum sequamur, & mirè ipsum humilem esse voce moribûsque exprimamus. Salutem ipsi nostram ne negligamus. Si quid transacto ieiunij tēpore neglectum est, sarciaur adhuc. Idē enim tanto studio Christi Iesu his diebus frequentatur passionis memoria, tot Prophetarum Apostolorumq; Scripturis excitamur, ut nosmet examinemus, in gratiam cum Deo redeamus, per penitentiam Christi passione cū ad fidei confirmationem, tum ad vitæ rectæ utamur nouitatem.

Amen.

Finis partis Hyemalis.





DOMINICA

P A S C H A E

EVANGELIUM

M A R C I

X V I.



ET cū transisset sabbatum, Maria Magdalene, & Maria Iacobi, & Salome, emerunt aromata, vt venientes vngerent Iesum. Et valde manē vna sabbatorum veniunt ad monumentum orto iam sole. Et dicebant ad inuicem. Quis reuoluet nobis lapidem ab ostio monumenti? Et respicientes viderunt reuolutum lapidem. Erat quippe magnus valde. Et introeūtes in monumentum, viderunt iuuenem sedentem in dextris, coopertum stola candida, & obstupuerunt. Qui dicit illis: Nolite expauescere, Iesum quæritis Nazarenum crucifixum: surrexit, non est hic, Ecce locus vbi posuerunt eum. Sed ite, dicite discipuliseius, & Petro, quia præcedet vos in Galilæam, Ibi eum videbitis, sicut dixit vobis.

A EADEM

Fratres, Expurgate vetus fermentum, ut sitis
noua conspersio, sicut estis azymi. Etenim pasca
nostrum immolatus est Christus. Itaque epulemur,
non in fermento veteri, neque in fermento malitia &
nequitia, sed in azymis sinceritatis & veritatis.

MYSERMO.



MAGNA profecto tristitia piorum mentes
omnium occupauit, vehemens dolor possedit
nos, dum Christus, caput nostrum, certamen
illud cum hoste nostro, dignum se duellum,
nobis pernecessarium, nomine subiret om-
nium. Vidimus enim in ipso sudorem sanguineum. Vidi-
mus flagellatum, illusum, cruci denique affixum, lancea per-
fossus: adiunxit eum cum clamore valido & lacrymis.

Hebr. 5. Deo, qui ipsum possit à morte saluum facere, preces suppli-
Ioan. 12. cationesque offerentem, ut si fieri possit, transiret à se hora
Matt. 26 & calix: quod canibus multis circumseptus, quod doloribus
Psal. 11. & gemitibus mortis circumdatus, quod à patre Deo sit homo
Luca 23. derelictus, querentem aspeximus: & cum nullam in eo in-
uenirent mortis causam, (vel impis etiam hostibus attestan-
tibus) nostri causa pati, omniumque nostrum infirmitates
in ipso postas agnouimus. Tum demum in quod peccato-
rum pelagus deiectionis, quæque fundi nostri calamitas fuerit,
pro qua sarcienda tam diram pater ab unico vnice sibi dile-
cto filio mortem expeteret, cogitare cœpimus. Et quomodo
piæ mentes possent his visis & cognitis non tristiari? Nam &
omnes turbæ, quæ in illo spectaculo tunc aderant, peccora
Luca 23. sua percutiebant, tanta indignitate rei moti: & Christus
Chrys. in super nos, qui tantæ passioni & morti causam dedimus,
Matthæi flere nos iubet. Sed gratia tibi, ô Christe Domine atque
hom. 89. redemptor noster, qui pro tua potentia paruo intervallo,
Roma. 5. hunc

hunc tantum tuorum luctum vertisti in gaudium, qui pro cinere coronam, pro spiritu mœroris pallium gaudij dedisti. Mortuus es pro peccatis nostris, resurrexisti propter iustificationem nostram. Neque verò tanta fuit piorum tristitia illa, quin maior hodie omnium resulgeat læticia. Cum enim aliàs multæ sonent per Ecclesias occasiones lætitiæ, nullatamen unquam in ea maior auditur, quàm hodie, exultatio. Hodie vno modo semel offertur lætitiæ quicquid partim per annum proponi meminimus, hodie fons pleni ac sempiterni gaudij ebullit. Idcirco non Euangelij nos historia tantum festiue magnitudo hortantur ad læticiam, sed ipsæ etiam angeli, omnis Ecclesia, omnia elementa, ipsæque sol in resurgentis Christi gratiam inaudita prioribus seculis depromunt gaudia. Ecce enim cæli splendidior facies lætatur, terræque parturientis exultat fecunditas, & omnis Christi sanguine redemptus triumphantem vel sequitur, vel præit, in victorie tripudians. Quicquid quantumuis egregium & splendidum de suis ducibus Romanæ tradunt historiæ, si ad hunc triumphum compares, nihil est. Quid enim mihi vel Camilli Gallos vrbe prostrigantis virtutem narrant? quid Scipionis Carthaginensium urbem deuastantis magnanimitatem tantopere prædicant? Quid etiam duorum Deciorum patris atque filij pieratem canunt, quorum alter de Samnitibus triumphauit, alter pro patria pugnans patris exemplum imitatus; bello, quod contra Gallos, Samnites, Umbros, Tuscosque gerebat, occubuit? Gloriosior isthac victoria est, splendidior hic triumphus est. Aut (vt & de nostris loquamur alijs) quid David miramur de Goliath triumphum? quid eiusdem de Absolone filio victoriam, quidue Iudith viraginis de Holoferne truncidato animositatem suspicimus? Ille enim contra vnum hominem in arenam descendit, contrâque filium sui defensionem suscepit pater: hæc dormientem vinoque sepulchrum detrucauit: nemo, qui non aliena virtute quod fecit, perpetravit. Verum Christus dominus noster solus triumphat, non de vno, sed de multis. Ego, inquit, torcular calcaui solus, & non est vir mecum. Dixi vobis (hominibus alloquitur) quia ego sum: si ergo me queritis, si-

Cecilius.

1. Reg. 18.

2. Reg. 19.

Iudith 13.

Isai. 69.

Ioan. 18.

Apo. 45.

nite hos abire. Nemo dignus inuentus est, qui hunc diuinæ iustitiæ librum aperiret, præter vnum agnum occisum. Hic septem signacula libri illius soluit: incarnatione, passione, resurrectione, ascensione, spiritus sancti missione, gentium vocatione, futurique iudicii prædicatione. Hæc septem signacula legebant omnes, contrestabant atque intuebantur: sed qui aperiret, inueniebatur nemo. Clamabant omnes: Vtinam disrumperes cælos, & descenderes: Ostende nobis misericordiam tuam, & salui erimus. Soluit quod in ipso libro scriptum legebatur verbum. Vicit Leo de tribu Iuda, ne fleueris: vicit Diabolum, caput contriuit antiqui colubri, accusatorem fratrum nostrorum deiecit, pacem & salutem reddidit, principem huius mundi iudicauit, mundum & aduersantia omnia superauit, fregit, dissipauit. Bene ergo qui nos à maledicto liberauit, qui peccata nostra vnumquemque deleuit, verus animarum nostrarum Episcopus dicitur, veneratur, colitur. Hic solus verè dicere potest: Ego sum Alpha & ω, principium & finis: ego pastor bonus, qui animam meam posui pro ouibus meis: ego lapis angularis: ego resurrectio & vita: ego via, veritas, & vita: ego mediator Dei & hominum: ego sapientia Dei vestros dolores portauit, cum dormiui, & somnum cepi, & exurrexi, & de torrente in via bibens, post caput exaltaui: sic ego lux mundi factus sum, illuminans omnem hominem venientem in hunc mundum. Quod si veteres nostri ab vno aliquo malo liberantem se ducem tantopere prædicarunt, inque eius, tanquam omnium liberatoris triumpho, tanti gaudij signa crexerunt, quid nos Redemptori nostro Deo debemus laudis? quæ nostra erit exultatio, qui per ipsum ab omni lerna malorum, siue clade, erepti sumus? Agnus redemit oues. CHRISTVS innocens patri reconciliauit peccatores: Pascha nostrum immolatus est CHRISTVS. Agite ergo, lætetur Israël in eo qui fecit eam, & filiæ Sion exultent in rege suo. Laudent nomen eius in choro, in tympano & psalterio psallant ei.

Huic occurramus, omnesque vna voce dicamus: Ecce PRVS saluabis nos: Speciosus forma præ filiis hominum: Dilexisti iustitiam, & odisti iniquitatem, propterea bene

benedixit te Deus in æternum : Accingere gladio tuo super
 femur tuum potentissime : Aduenisti desiderabilis, quem
 expectauimus in tenebris : Te nostra vocabant suspiria, te
 larga requirebant lamenta : Tu factus es spes desperatis,
 magna consolatio in tormentis . Hæc illa rectis expeti-
 bilis laus est . Hæc illa dies, quam præclaram fecit Do-
 minus, exultemus & lætemur in ea . Sed videamus quo-
 modo sit exultandum . Neque enim vlla exultatio vel
 grata est Deo, vel nobis digna, præter eam quæ est in
 Domino . Nam cum ad læticiam hortatur Psalmista, &
 in Domino exultari monet, hanc tanquam solam iustis
 expetibilem esse laudem asserit . Nempe rationabile
 erit obsequium nostrum, vt ille qui in nobis est, aspe-
 ctus, secundum Deum sit directus, diuinorumque scien-
 tiam sapiat . Exultabimus autem tum demum verè, &
 in Domino, si quod verè resurrexerit Dominus, firma-
 ta fide crediderimus, quique fructus atque vsus resurre-
 ctionis sit, cognouerimus : imò his fide cognitioneque
 perceptis, diuinæ maiestatis potentiam admirabimur,
 Deoque & redemptori nostro gratias persoluemus . Et
 quidem quod ad resurrectionis veritatem attinet, vna vo-
 ce. Euangelistæ nostri verè resurrexisse eundem Iesum
 Christum, qui antè pro nobis erat crucifixus, mortuus,
 & sepultus, asserunt : id quod Prophetæ prædixerunt, fi-
 guræ adumbrarunt, Apostoli prædicauerunt, totusque hic
 Christianus orbis credidit . Et hæc omnia Euangelistæ
 tam manifestè, tam euidenter, vt nemo nisi incredulus
 negare possit, tradunt . Mortuo Christo, & corpore per
 manus Ioseph & Nicodemi sepulto, subsequuntur quæ
 cum eo ex Galilæa venerunt mulieres, Maria Magda-
 lenæ, Maria Iacobi, & Salome, & Ioanna, alique
 cum eis, videntes sepulcrum, quod erat nouum in la-
 pidem excisum, & quemadmodum possum erat cor-
 pus eius reuertentes, parauerunt aromata & vnguen-
 ta . Et sabbato quidem siluerunt, secundum manda-
 tum, vespere autem Sabbati, quæ lutescit in prima sab-
 bati, venerunt vngere Corpus IESU . Et ecce ter-
 ramotus factus est magnus, & angelus Domini descen-
 dit de cælo, & lapidem reuoluens ab ostio monumenti,

Psal. 31.

Psal. 117.

Veritas 10

surrectio-

ni.

Narratio.

Matt. 18.

Mar. 10.

Luc. 24.

Ioan. 20.

sedebat super eum. Erat autem sicut fulgur, & vestimenta eius sicut nix alba. Præ timore autem eius exterriti sunt custodes; & facti sunt velut mortui. Mulieres autem dixerunt ad inuicem: Quis reuoluet nobis lapidem ab ostio monumenti? Erat quippe magnus valde. Et respicientes viderunt reuolutum lapidem, & introierunt in monumentum & non inuenerunt corpus Iesu. Et dixerunt angeli duo ad eas: Quid quaeritis viuentem cum mortuis? non est hic, surrexit. Recordamini qualiter loquutus est vobis, cum adhuc in Galilæa esset: Quia oportet filium hominis tradi in manus hominum peccatorum, & crucifigi, & tertia die resurgere. Et recordatae sunt verborum eius, & regressæ sunt à monumento, & nunciauerunt hæc omnia vndecim illis, & cæteris omnibus. Maria autem Magdalena cucurrit, & venit ad Simonem Petrum, & ad alium discipulum quem amabat Iesus, & dixit illis: Tulerunt dominum de monumento, & nescimus vbi posuerunt eum. Exiit ergo Petrus, & ille alius discipulus, & venerunt ad monumentum. Currebant autem duo simul, & ille alius discipulus præcurrebat Petro citius, & venit primus ad monumentum. Et cum se inclinasset, vidit posita linteamina: non tamen introiuit. Venit ergo Simon Petrus sequens eum, & introiuit in monumentum, & vidit linteamina posita, & sudarium quod fuerat super caput eius non cum linteaminibus positum, sed separatim inuolutum in vnum locum. Tunc ergo introiuit & ille discipulus qui venerat primus ad monumentum, & vidit, & credidit. Nondum enim sciebat scripturas, quia oportuit eum à mortuis resurgere. Abierunt iterum discipuli ad semetipsos. Maria autem stabat ad monumentum foris, plorans. Dum autem fletet, inclinavit se, & prospexit in monumentum. Et vidit duos angelos in albis sedentes, vnum ad caput, & vnum ad pedes, vbi positum erat corpus Iesu. Dicunt ei illi: Mulier quid ploras? Dicit eis: Quia tulerunt dominum meum, & nescio vbi posuerunt eum. Hæc cum dixisset, conuersa est terrorum, & vidit Iesum stantem, & non sciebat quia Iesus est. Dicit ei Iesus: Maria. Conuersa illa dicit ei: Rabboni, quod dicitur, Magister. Dicit ei Iesus: noli me tangere. Nondum enim ascendi ad patrem meum. Vade autem ad fratres meos, & dic eis: Ascendo ad patrem meum.

meum, & patrem vestrum: Deum meum, & Deum vestrum. Venit Maria Magdalena annuncians discipulis, quia vidi dominum, & hæc dixit mihi. Hæc vera & indubitata quatuor Evangelistarum historica narratio est, cui licebit addere eiusdem diei duas notissimas illas apparitiones, quarum altera in Emaus, altera vespere in Hierusalem facta est: tum quod octavo die post hæc rursus in Hierusalem, sed & iuxta mare Galilee, & in monte, sese manifestavit, non omni quidem populo, sed testibus præordinatis. Unde Paulus Apostolus resurrectionis Christi veritatem astruens, Christus, inquit, resurgens, iam non moritur, mors illi ultra non dominabitur. Quod enim mortuus est peccato, mortuus est semel: quod autem vivit, vivit Deo. Sed non solum quia verè surrexit, consideremus surrexisse sed propria virtute, non aliena, ut Lazarus: verè, non spectri in morem, ut Samuel, excitatus. Et sic quidem à sanctis Dei prophetis vaticinatum erat. Ipse per psalmistam loquitur: Ego dormivi, & somnum cepi, & exurrexi, quia dominus suscepit me. Et iterum: Non derelinques animam meam in inferno, nec dabis sanctum tuum videre corruptionem. Et iterum Ipse Psalmista: De torrente in via bibit, propterea exaltabit caput. Sic ipse in Evangelio futurum prædixerat, cum ait: Solvite templum hoc, & in tribus diebus excitabo illud. Id quod Evangelista exponens, de corporis sui templo dixisse testatur. Sic denique veteris testamenti figuris adumbratum erat. Sicut enim Ionas in corde cete fuit tribus diebus, & tribus noctibus, ita & filius hominis fuit in corde terre tribus noctibus & tribus diebus. Nam ut Ionas Ninivitis, ita & filius hominis generationi isti signum fuit: & quemadmodum Ioseph à fratribus venditus, dominus totius Aegypti constitutus est, & ut Samson leonem discerpit in via, cum iret sibi accipere uxorem: ita Christus diabolum fugientem, cum sponsus ecclesie de thalamo suo procederet, confregit. Et quemadmodum idem fortis ad medium usque noctis dormiit, indeque consurgens, ambas portæ fores cum postibus suis & sera apprehendit, imposuitque humeris suis, ad verticem montis, qui respicit Hebron, portavit: ita Christus primo diluculo resurrecturus, media nocte inferni regnum dissipavit. Hic ergo est, qui Inimicorum nostrorum do-

minator, possessiones ipsorum in filios hæreditario iure di-
Iosue 12. stribuit Iosue: hic David cum leone, quasi cum micif-
Eccle. 27. simo agno, lussit. Cessent igitur ab his sacris vt profana, fa-
Mat. 23. bulæ. Verè enim Christus resurgens, veras obtulit causas
Psal. 2. lætitiæ. Valeat etiam custodum, pretio in hoc depravato-
Ast. 4. rum, mendacium, spiritu præuulsum piorum, vbi, ne quic-
 quàm impios populos inania medituros esse prædicitur.
 Adfuerunt armati. Si dormierunt, quomodo viderunt? Di-
 xerunt enim quia nobis dormientibus discipuli eius vene-
 runt, & furati sunt eum. Si non dormierunt (exterriti enim
 sunt vigilantes) nec discipulorum manibus auferri vide-
 runt. Imò propria virtute Christum surrexisse sciuerunt.
 Tremor apprehendit eos, & conceperunt auaritiâ, pepe-
 terunt iniquitatem mendacij. Quomodo enim sustule-
 runt, qui intus in Hierusalem clausis foribus propter me-
 rum Iudæorum trepidabant? Quomodo linteamina & su-
 darium disceuerunt, seorsimque inuoluta seposuerunt?
 Scilicet inertes & pauci præualuerunt milites plures &
 armatos. Ast nullum contra dominum concilium. Surrexit
 Dominus verè, & apparuit suis. Non custodes, non saxum
 monumento aduolutum virtutem Dei potuerunt impedire.
 Dextera Domini fecit virtutem. Ergo duellum confectum
 est, victoria parata est. Sed nec vana isthæc victoria est
 nec vacua ad nos manu ex bello redemptor noster reuer-
 tit. Quid enim profuisset resurgere à mortuis, si sibi so-
 li resurrexisset: si non quod accepit ab hostili manu caput,
 in reliquis partes mystici sui corporis diuississet? Quæris
Quid Chri quid sibi, quid nobis meruerit? Audi Apostolum canen-
stus sibi tem: Humiliauit semetipsum, factus obediens vsque ad
meruit. mortem, mortem autem crucis: propter quod & Deus ex-
Philip. 2. altauit illum, & dedit illi nomen, quod est super omne
 nomen, vt in nomine Iesu omne genu flectatur, cælestium,
 terrestrium, & infernorum, & omnis lingua confiteatur,
 quia Dominus Iesus Christus in gloria est Dei patris. Et in
Ephes. 1. alio loco idem in orationibus optat Ephesis spiritum sa-
 pientiæ & reuelationis, & illuminatos oculos cordis, vt
 possint cognoscere virtutis Dei supereminentem magni-
 tudinem, quam pater operatus est in Christo, suscitans il-
 lum à mortuis, & constituens ad dexteram suam in cæ-
 lestibus

lestibus supra omnem principatum, & potestatem, & virtutem, & dominationem, & omne nomen, quod nominatur non solum in hoc seculo, sed etiam in futuro, & omnia subiecit sub pedibus eius. Et ipsum dedit caput supra omnem Ecclesiam, quæ est corpus ipse, & plenitudo eius, qui omnia in omnibus adimplet. Id quod ipse dominus alibi testatur, cum pater ei omnia in manus dederit. *Ioan. 13.* Et hoc est quod Prophetæ spiritu prævidit, cum ait: Dixit Dominus Domino meo, sede à dextris meis, donec ponam inimicos tuos scabellum pedum tuorum: Virgam virtutis tuæ, emitet Dominus ex Sion, dominare in medio inimicorum tuorum: Tecum principium in die virtutis tuæ, in splendoribus sanctorum, ex utero ante luciferum genui te: Iuravit dominus, & non pœnitebit eum: tu es sacerdos in æternum, secundum ordinem Melchisedech. *Psal. 109.* Quam Christi gloriæ eminentiam Paulus cum alibi, cum in ea, quam ad Hebræos scripsit Epistola, magno studio prædicat: nimirum collatione facta inter Christum & angelos, hoc habere eximium dicit Christum, quod nulli aliquando angelorum pater dixerit, Filius meus es tu: & adorant eum omnes angeli Dei. Et hanc ex passionis humilitate habere gloriam insinuat Apostolus, quum ait: Propter quod Deus exaltavit illum. Quod breviter quidem, sed graphice Ioannes vult, cum ait: Verbum caro factum est, & habitavit in nobis. Et subdit mercedem humilitatis assumptæ: Vidimus gloriam eius, quasi gloriam unigeniti à patre. Adeptus autem hanc gloriam, non sibi eam invidus & cenax servat, sed veluti caput nostrum, in nos membra sua porro transfudit, ut sit ipse primogenitus in multis fratribus: unde, Vado (inquit) ad patrem meum, & patrem vestrum: Deum meum, & Deum vestrum. Duplicia enim post afflictionem recepit, quemadmodum figuratum fuit in Iob, filios quoque & filias. Nempe cum & Dei unigenitus sit, hoc est, filiationem divinitatis, & primogenituram humanitatis adiunctam sibi copulaverit. Unde nos de fraternitate eius gloriamur, qui nos in seipso unum facit cum Deo, sicut & ipse cum eo unus est. Sed queris quæ via ad hanc unitatem perveniamus? Non hoc immediate fit, sed prius per mortem suam frater noster factus, quod

inter patrem & nos diuifit peccatum, remouet: deinde quæ
 utrunque patrem & nos coniungit, iustitiam, largitur:
 tertio vnitatis huius fructum, nempe glorificationem
 corporum, & beatitatem animarum donat. Hi enim sunt
 Christi resurrectionis fructus, remissio peccatorum, iu-
 stificatio, glorificatio, quos omnes scriptura plenè atque
 multis in locis refert. Nam quodd ad remissionem pecca-
 torum? Ioannes ait: Ipse est propitiatio pro peccatis no-
 stris: non pro nostris autem tantum, sed pro totius etiam
 mundi. Et iterum: Ecce agnus Dei, ecce qui tollit pec-
 cata mundi. Et Petrus: Peccata nostra pertulit in cor-
 pore suo super lignum, ut peccatis mortui, iustitiæ viu-
 amus, cuius liuore sanati estis. Et Paulus: Eratis aliquan-
 do longè (per peccatum diuidens, puta:) nunc autem fa-
 cti estis propè in sanguine Christi. Et expressius idem
 Rom. 4. Romanis scribens, ait: Mortuus est propter delicta no-
 stra, resurrexit propter iustificationem nostram. De se-
 cundo & tertio idem Apostolus loquitur: Sicut per vnus
 delictum in omnes homines in condemnationem, sic &
 per vnus iustitiam in omnes homines in iustificationem
 vitæ. Sicut enim per vnus inobedientiam peccatores con-
 stituti sunt multi, ita per vnus obeditionem iusti consti-
 tuentur multi. Quodd si adhuc dubitas, Christi re obedi-
 entia iustum esse apud Deum constitutum, quidd alibi idem
 Ephes. 2. Apostolus dicat, vide. Deus, inquit, qui diues est in mise-
 ricordia, propter nimiam charitatem suam, qua dilexit
 nos, & cum essemus mortui peccatis, conuiuificauit nos
 Christo (cuius gratia sanati estis) & conuersificauit, & con-
 federe fecit in celestibus, in Christo Iesu, ut ostenderet in
 seculis superuenientibus abundantes diuitias gratiæ suæ,
 in bonitate super nos, in Christo Iesu. Hinc se resurrectio-
 nem & vitam dixit, ut per quem resurgimus atque viu-
 amus. Neque enim est aliud sub celo nomen in quo o-
 porteat nos saluari, præter Christum Iesum. Huic enim soli,
 non alteri, vnquam testimonium dant Prophetæ, aiunt re-
 missionem peccatorum accipere quicunque credunt in eum.
 1. Petr. 1. Hæc verò credulitas minime vana est: Veritas verbis inest.
 In spem enim viuam regenerauit nos Deus per resurre-
 ctionem Iesu Christi ex mortuis, in hereditatem incor-
 ruptib

ruptibilem, & incontaminatam, & immarcescibilem, con-
 servatam in celis, in vobis, qui in virtute Dei custodimi-
 ni, per silem in salutem, paratam reuelari in tempore no-
 uissimo: Agite ergo, immutabilis ea quæ in nobis est fu-
 turæ resurrectionis fides perseveret, vt constans sit glo-
 riatio nostra, qua gloriamur in spe futuræ hæreditatis:
 Si enim in hoc seculo tantum sperantes sumus, misera-
 biliores sumus omnibus hominibus. Perseuerabit autem,
 si spiritum Dei in nobis inhabitantem habuerimus. Hic
 enim illa sperare atque credere docet. Quare Paulus ait: *Rom. 8.*
 Si spiritum eius qui suscitauit Iesum à mortuis, habitat
 in vobis, qui suscitauit Iesum Christum à mortuis, viui-
 ficabit & mortalia corpora vestra propter inhabitantem
 spiritum eius in vobis. Fidei nanque debetur creditum;
 vt idem ipse Paulus ait: Si credimus quòd Iesus mortuus
 est & resurrexit, ita & Deus eos qui dormierunt per Ie-
 sum adducet cum eo. Id quod Iob suo exemplo ostendit, *1. Thef. 4.*
 eum ait: Scio quòd redemptor meus viuit, & in nouissi-
 mo die de terra surrecturus sum, & in carne mea videbo
 Deum saluatorem meum. Et Apostolus triumphans: Vbi
 est mors victoria tua? ubi stimulus tuus? Stimulus autem
 mortis est peccatum, virtus verò peccati lex. Deo autem gra-
 tia, qui dedit nobis victoriam per Dñm Iesum Chris-
 tum. Et Oseas Propheta de Christo loquens: Post tres dies,
 inquit, viuificabit nos. Vt sit prima dies in hac via pœniten-
 tiæ: secunda requiei corporis post exalaram animam: tertia,
 corporis animæque glorificationis post iudicium. Et hi veri
 resurrectionis Christi fructus sunt, hæc causa præsentis læti-
 tiæ est. Sed quomodo quidam huius nostræ lætiæ erunt con-
 sortes, qui in fide resurrectionis non sunt stabiles? Vereor
 enim fratres, & valde timeo, ne multi sint, qui resurrexisse
 quidem dominum non negent, verum resurrectionis virtu-
 tem minime sentiant. Et quæadmodum in Hierusalem, dum
 hæc fierent multi loquebatur de his omnibus, sed per-
 pauci vel utilitatem in sanguine Christi perciperunt, vel glo-
 riam resurgētis intellexerunt. Ita multi necdum resurrexit
 Christus, quorū fides vana est, quorū gloriatio inanis est, quo-
 rum denique vita omnis in peccato est. Rehæto sepulcro, custo-
 des Hierosolymā terrefacti cælo pede repetunt, & quæ vidi-
 sunt, hoc est, Christum resurrexisse, nuntiāt sacerdotum prin-
 cipibus *1. Cor. 13.*

cipibus. Idem nec aliud mulieres annuntiant Apostolis.
 Idem principium cum custodum tum mulierum. Sed nec
 summi sacerdotes, nec custodes ad sepulcrum reuertunt.
 Reuertunt mulieres, exierunt Apostoli: in vrbe, in pecca-
 tis permanserunt Iudæi: resurrectionis virtutem agnoue-
 runt Apostoli. Sic in nobis etiamnum multi audiant licet
 intelligantque verè resurrexisse Dominum, idque pleno ore
 in Ecclesiis concinnant pro more, non tamen resurgentis
 gloriam, vt Apostoli, vt mulieres, admirantur & prædi-
 cant. Hinc fit, vt nec consepulti in mortem Christi, cum
 ipso resurgant, nec idè verè & ex animo Christo trium-
 phum canant, hoc est, verum vsum resurrectionis non ha-
 beant. Nam cum multos scriptura resurrectionis fructus
 refert, etiam nobis in exemplum Christum passum esse do-
 cet. Christus, inquit Petrus, mortuus est, nobis relinquens
 exemplum, vt sequamur vestigia eius. Et quomodo cum
 modicum quid patimur, tantam impatientiam exhibemus?
 Idè Christus mortuus prædicatur, vt nos quoque peccatis
 immoriamur: & cur in contrarium abimus, iustitiæ mor-
 tui, peccato viuimus? Idè Christus à mortuis resurrexisse
 annuntiatur, vt nos mortui quidem peccato, iustitiæ viu-
 amus: & quid est, quòd paucissimi in desiderata vitæ nouita-
 te ambulamus? Pascha nostrum immolatus est Christus:
 quid cum infilis Iudæis in veteris nequitie atque malitiæ
 comessamur fermento? Cur non potius (quod Apostolus
 monet) epulamur in azymis synceritatis & veritatis? Ascen-
 dit in cælum caput nostrum: cur non quæ sursum sunt quæ-
 rimus membra, & sapimus, vbi Christus est in gloria Dei
 patris? Audiamus quid dicat Apostolus. Consepulti, inquit,
 sumus cum Christo per baptismum in mortem: vt quomo-
 do Christus surrexit à mortuis per gloriam patris, ita & nos
 in nouitate ambulemus. Nam quòd mortuus est peccato,
 mortuus est semel: quòd autem viuit, viuit Deo. Non ergo
 regnet peccatum in vestro mortali corpore, vt obediatis con-
 cupiscentiis eius: Sed neq; exhibeatis membra vestra iniqui-
 tatis arma peccato: sed exhibete vos Deo, tanquam ex mor-
 tuis viuentes, & arma vestra arma iustitiæ Deo. Ecce quem
 apostolica autoritas Domini resurrectionis vsum requirat.
 si præstiterimus, profectò in Domino verè exultabimus: &
 laus

laus quæ iustis experibilis est, speciosa erit in ore nostro. Sic
 rectè canticum illud: Christus resurrexit, cantabimus. Pla-
 cebit enim Domino aperire os nostrum ad annunciandum *Psal. 50.*
 suam laudem, & cum admiratione dicemus: Exaltabimus
 te Deus, nomen tuum collaudabimus, quoniam suscepisti *Psal. 29.*
 nos, nec delectasti inimicos super nos: Exaltabimus te,
 quoniam Deus noster es, & saluas nos: confitebimur nomi-
 ni tuo, quoniam fecisti mirabilia, cogitationes tuas anti-
 quas fideles. Amen. Benedictum nomen tuum ô Deus, &
 pater Domini nostri Iesu Christi, qui benedixit nos in omni *Esaie 25.*
 benedictione spiritali, in caelestibus, in Christo Iesu. Bene- *Tob. 3.*
 dictus tu, qui secundum misericordiam tuam magnam re- *Ephes. 1.*
 generasti nos in spem viam, per resurrectionem Iesu Chri-
 sti ex mortuis. Hæc illa piis experibilis laus est, hæc sancta *1. Petr. 1.*
 & plena gaudij spiritalis exultatio. Proinde nemo, ut tunc
 in illo populo, negligens nec quisquam pretio peccati coëm-
 ptus, Christi resurgentis taceat gloriam: multoque minus,
 qui, ut summi sacerdotes, Domini cohibeat reprimatue ma-
 iestatem, his nostris inter sit paschalibus solenniis. Aposto-
 lica in omnibus consideretur, non desideretur fides: pia sit
 omnium deuotio: & comitantibus tribus mulierculis, men-
 te, lingua, & manu: Petri & Ioannes, hoc est, constantes &
 amantes celebremus viuentem, quem mortuum non licet
 vngere. Cogitemus quòd simus non auro vel argento, vel *1. Petr. 1.*
 corruptibilibus huius mundi thesauris à vana conuersatio- *1. Corin. 6.*
 ne empti, sed pretio magno coëmpti: eoque portemus &
 glorificemus Deum in corpore nostro. Hoc præster qui pro
 peccatis nostris traditus, pro iustificatione nostra re-
 surrexit à mortuis, Iesus Christus, sem-
 per & in omne æuum vi-
 uus. Amen.

FER

E Tecce duo ex illis ibant ipsa die in castellum, quod erat in spatio stadiorum sexaginta ab Ierusalē, nomine Emaus: & ipsi loquebantur ad inuicē de iis omnibus quae acciderant. Et factū est, dum fabularētur, & secū quærerent, & ipse Iesus appropinquas ibat cum illis. Oculi autem eorū tenebatur, ne eum cognoscerent. Et ait ad illos: Qui sunt hi sermones quos confertis ad inuicem ambulantes, & estis tristes? Et respondens vnus cui nomen Cleophas, dixit ei: Tu solus peregrinus es in Ierusalē, & non cognouisti quae facta sunt in illa his diebus? Quibus ille ait: Quae? Et dixerunt de Iesu Nazareno, qui fuit vir propheta, potens in omni opere & sermone coram Deo & omni populo: & quomodo eum tradiderunt summi sacerdotes & principes nostri in damnationem mortis, & crucifixerunt eum. Nos autem sperabamus quia ipse esset redempturus Israēl. Et nunc super haec omnia tertia dies est hodie, quod haec facta sunt. Sed & mulieres quaedam ex nostris terruerunt nos quae ante lucem fuerunt ad monumentum,

& non

& non inuento corpore eius, venerūt dicentes, se etiam visionem angelorū vidisse, qui dicunt eum viuere. Et abierunt quidam ex nostris ad monumentum, & ita inuenerunt sicut mulieres dixerunt: ipsum verò non inuenerunt. Et ipse dixit ad eos: O stulti & tardi corde ad credendū in omnibus quę locuti sunt prophetę. Nōne hęc oportuit pati Christū, & ita intrare in gloriā suam? Et incipiēs à Mose & omnibus prophetis, interpretabatur illis in omnibus scripturis quę de ipso erant. Et appropinquauerūt castello, quò ibant, & ipse finxit se lōgius ire. Et cōe-gerunt illum, dicentes: Mane nobiscū Domine, quoniā ad uesperascit, & inclinata est iam dies. Et intrauit cū illis. Et factū est dum recumberet cū eis, accepit panem, ac benedixit, & fregit, & porrigebat illis. Et aperti sunt oculi eorū. Et dixerūt ad inuicē: Nōne cor nostrū ardens erat in nobis, dū loqueretur nobis in via, & aperiret scripturas? Et surgentes eadem hora regressi sunt in Ierusalem, & inuenerūt congregatos vndecim, & eos qui cum illis erant, dicentes, quòd surrexit Dominus verè, & apparuit Simoni. Et ipsi narrabant quę gesta erant in via, & quomodo cognouerunt eum in fractione panis.

EAD

Aperiens Petrus os suum, dixit: In veritate comperi, quia non est personarum acceptor Deus, sed in omni gente, qui timet Deum, & operatur iustitiam, acceptus est illi. Verbum misit Deus filii Israël, annuncians pacem per Iesum Christum, hic est omnium Dominus. Vos scitis quod factum est verbum per uniuersam Iudeam. Incipiens enim à Galilea post baptismum, quod predicauit Ioannes: Iesum à Nazareth, quomodo unxit eum Deus spiritu sancto & virtute: qui pertransiit benefaciendo & sanando omnes oppressos à Diabolo, quoniam Deus erat cum illo. Et nos testes sumus omnium quæ fecit in regione Iudeorum & Ierusalem, quem occiderunt suspendentes in ligno. Hunc Deus suscitauit tertia die, & dedit eum manifestum fieri in omni populo, sed testibus præordinatis à Deo, nobis qui manducauimus & bibimus cum illo, postquam resurrexit à mortuis. Et præcepit nolis predicare populo, & testificari, quia ipse est qui constitutus est à Deo iudex viuorum & mortuorum. Hinc omnes Propheta testimonium perhibent remissionem peccatorum accipere per nomen eius omnes qui credunt in eum.

S E R M O.

ET pio maiorum nostrorum instituto, & multis urgentibusque rationibus etiam hodie simul congregati de resurgentis Christi gloria lætamur, inuicemque Dauidico illo dicto adhortantes, dicim

dicimus: Hæc est dies quam fecit Dominus, exultemus & lætemur in ea. Atque utinam omnes ex æquo huius instituti rationes haberemus in numerato: profectò & maior feruentiorque omnium esset deuotio, & pauciores Ecclesia, pia instituta necessariò sequens, pateretur insultus. Non inficiamur quidem, imò cum ingenti animorum nostrorum molestia atque dolore conquerimur, eam nunc esse hominum quiduis audentium insolentiam, ut aut festorum dierum diminutione opus sit, aut certè diligentiori in plurimorum perversitatem animaduersione. Hoc ipsum enim tempus, quod longè aliis accommodandum fuerat vñbus, passim crapula, scortatione, fraudibus, idque genus vitiis innumeris miserè deperditur. Nò hæc maioribus nostris festorum dierum instituendorum causa fuit: nec ut peruersè ageremus, externorum munerum indictæ sunt feriæ. Habet sui instituti quolibet festà dies causam suam. Hoc ergo primum prædicatores verbi decuit, quid quæquæ velit, ut docerent populum. Sic enim futurum creditur, nec vanè id, ut si minus omnes verum vñm secuti fuerint, dexterius tamen de rectè vtentibus sint iudicaturi. Heri igitur multò ad exultationem mentis hortabamur. Et si autem vtrique diei Christi resurgentis gloria occasio sit lætitiæ, alia tamen ratione heri, alia hic resurgentis maiestatem consideramus. Illiè quod verè resurrexerit à morte tertia die, propria diuinitatis virtute, ad immortalitatis auram, dictum est. Neque nunc magni momenti est, Stentorea voce in tèplis clamare Christum resurrexisse à mortuis. dolores euasisse omnes, hoc est, emortuum ipsius corpus vitæ immortalitatem plenè atque integrè recuperauisse. Hoc enim cum euidenter eorum qui resurrexisse eum viderunt, autoritate confirmatur, tum nec solus nec primus Christus fecit: licet non ad eam vitam, ad quam Christus resurrexit, alij peruenerint. Nam & Elias emortuum puerum suscitauit, idemque & Helizæus fecit. Et huius quidem sepulturæ datum corpus, alteri cuidam mortuo corpori solo attractatu vitam restituit amissam. Quin in nouo Testamento quosdam excitatos testantibus Euāgelistis accepimus. filiam, Iayri, vnicum viduæ in Naim filium, & Lazarum Christi suscitantis amicum. Tum etiam Matthæus testatur, mox vbi spiritum suum patri Deo tradidisset Dominus, terram, quæ creatoris sui morientis imbiberat sanguinem, apertis monumentis postea quæ dormierant multorum corpora in lucem

3. Reg. 17.

4. Reg. 4.

4. Reg. 13.

Matt. 8.

Luca 7.

Ioan. 11.

Matt. 28

Acto 9

B

recti

Ibidē 10.

restituisse. Denique à Paulo & Petro Apostolis Domini mortuos suscitatos esse legimus. Non hic quod ex infidelibus priscæ gentis quosdam reuixisse gentiles historiæ tradant, recensere cogito. Enimuero omnes hi & aliena virtute, & ad mortalem rursus vitam, & suo tantum vel commodo vel incommodo resuscitati prodierunt. Verum Christus præterquam quod vnus omnium ad immortalem gloriam propria diuinitate potestatiuè carnem suam viuificauit, hoc inenarrabile & cunctis seculis inauditum facinus peregit, quod sua resurrectione nobis etiam membris suis vitam animæ communicauit, spem futuræ resurrectionis, & infallibilem sempiternæ hæreditatis arcam donauit. Hinc est, quod cum nostri etiam causa à mortuis rediisse cogitamus, peccatis mori, Deo iustitiæque porro viuere, caduca & terrena negligere, & quæ supra nos sunt, ubi

Coloss. 3. Christus est in dextra Dei sedens, quærere incipimus. Quare heri aut nihil, aut certè admodum parum audiuius. Quis igitur sanæ mentis grauissimis rationibus factum esse neget, quod Maiores nostri huic tanto negotio præsentem diem solennem sanxerint? Et nos eorum instituto monitos propterea huc conuenisse tædebit? Profectò sine causa Christus resurrexit, imò nondum resurrexit nobis, nisi nostra causa resurrexisset, & sua resurrectione iustitiæ vitam docuisse intellexerimus. Proinde si resurrectionis prædicatores, Christi, qui resurrexit, exemplum sequuti fuerint docendo, ceteri verò duorum in Emaus euntium mentem, verba atque facta imitentur: non erit cur vel nos huc conuenisse poeniteat, vel fidei pietatisque hostis hunc diem solennem meritò rideat. Nam quid est quod de resurrectione sua intactum Christus reliquit? aut in quo perfectum reconciliationis humanæ præconem se non exhibuit? Quid verò in duobus hæc discipulis est, quod tutò & magno nostro bono imitari non liceat? Christus cum hos in via stultæ incredulitatis arguit, nonne naturæ in fidei rebus tarditatem accusat rectè? an non aptè docendi quærere occasionem, cum de ipsorum sermonibus interrogat? Nunquid graphicè, quod oportuerit Christum pati, validissima demonstratione conuincit? Iustum igitur persuadendi ordinem sequitur, pulcherrimumque boni prædicatoris officium suo exemplo omnibus imitandum proposuit. Ille nouit tenebris ereptos transferre in lucem, nouit ab errore reuocare ad veritatem, ex incredulis aut hæsitantibus facere fideles, & ita

& ita Dei facere filios. Qui sunt isti sermones, inquit, quos *Luca 24*
 confertis ad inuicem ambulantes, & estis tristes? Quid de
 sermone quærit, tristitiæque causas scrutatur? Vtique do-
 cendi exhilarandique occasiones ambit. Non antè increduli-
 tatis arguit, quàm ipsi mentium suarum dubitationem pro-
 fiteantur. Plenum ancipiti cogitatione eorum responsum
 est: apertum dubiæ mentis indicium ea tota narratio est. Prin-
 cipio, nihil præter hominem Christo tribuunt: virum pro-
 phetam fuisse aiunt, potentem quidem illum in omni ope-
 re & sermone coram Deo & hominibus, traditum verò in
 damnationem mortis, quem crucifixum vidissent. Quod
 reliquum erat, de resurrectione crucifixi dubitant, ne di-
 cam, non credebant. Nam quòd addunt: Nos autem spera-
 bamus: omnis spei atque fiduciæ vacuos declarat. Tum nec
 illæ verè credentium voces sunt, quas de Israël's redemptione
 somniant, eoque non immeritò audiunt: Ostulti & tardi
 corde ad credendum in omnibus quæ locuti sunt propheta.
 Quæ etsi acerba satis obiurgatio est, vehementemque ob-
 iurgantis animum indicat, quòd tamen iusta sit, subdita ra-
 tione demonstrat. Non enim locum haberet in fratrem sine
 ratione, quam fatuitas & tarditas credendi extorserunt. Cùm
 autem increpare officium Ecclesiastæ sit, Paulo teste, cur *2. Tim. 4*
 eam Christus prætermisisset, maximè quando cum eius fa- *Tit. 1.*
 rinæ hominibus negotium hoc peragit, qui de resurrectione,
 tanquam fidei summa, ex ipso prius multa audierant, atque
 ideo tardi ac stulti ad credendum esse non debebant? Caute-
 rio igitur incredulitatis inurit vulnus, ut postea oleum funderet
 & sanet: increpationem præmisit, inquam, ut agnita imperfe-
 ctione sua, eruditioni se verbi accommodent. Hinc est quod
 sequitur: Nōne hæc oportuit pati Christum, & ita intrare in
 gloriam suam? Hoc doctrinæ fundamentum est, quòd opor-
 tuerit pati Christum. Quia passione itur ad astra: nullum tu-
 tius compendium capeßendæ cælestis patriæ. Hanc Christus
 viam ad gloriam suam aspirans ire debuit. Deinde lex atque
 prophetæ passurum esse Christum prænunciarunt. Finis ita-
 que legis atque prophetarum consummatio Christus: nihil
 eorum quæ spiritu sancto inspirante prædicta fuerant, præter-
 mittere debuit. Et hæc quidem cum ita sint, mereturque di-
 centis veritas fidem: vide tamen quomodo non sibi, sed scri-
 pturarum auctoritati fidem haberi exigit. Ideo incipiens à Mo-

se & omnibus prophetis, interpretatus est illis in omnibus scripturis quæ de ipso erant. A Mose exorditur, qui populo Dei Aegyptum exeunti dux fuerat itineris: qui lege data, *Exod. 14.* usque ad Iordanem perduxit, in eoque futuri ducis Messiae nostri figuram sustinuit. Vnde sine dubio Christus huius prophetæ dicta factaque maioris sacramenti in se completi præludia fuisse interpretatus est. Non ille filius, sed seruus Dei *Heb. 3.* erat, nec perfectè, quemadmodum Christus, populum liber-
Num. 20. tate donare poterat. Quin nec Palæstinā ipsam intrare potuit, *Deut. 34.* ipse peccator in deserto mortuus. Quid verò egregium confecerit, etiā si introisset, aliòsque secum introduxisset? Erant enim & in ea vbique Idololatraz. Proinde nec ipse sibi magni illius prophetæ nomen vendicat, quum alium quendam post
Deut. 18. se venturum prædicat, dicens: Prophetam de gente tua & de fratribus tuis sicut me, suscitabit tibi Dominus Deus tuus: Ipsum audies. Et hunc quidem prophetam ita depingit Christus consequenter, vt nulli præter ipsum conueniant, quæ de ipso scripta legimus. A Mose itaque ad Iosue descendit, qui per Moysen incepta prosequutus est, vt si non alio indicio, certè nominis communicatione Christum præsentauerit. Hinc ad Dauid trasit, qui minimus fratrum suorum, post susceptas hostium plurimorum molestias graues, tandem ad regni fastigium euectus est: & quemadmodum ipse erat de genere Abraham, ita suo de semine nasciturum esse Messiam, *Psal. 131.* iteratò promissionem accepit. Huic filium sapientissimum Solomonem subiunxit, qui primus Deo templum illud magnificum ædificauit, prophetas deinde enumerauit. Isaiam *Isa. 2.* primùm, qui verbum ac legem domini de Ierusalem exor-
Idem 7. suram prophetico dictauerat spiritu, & pleraque alia, vt virginem concepturam, parituramque filium, & quòd super florem radices Iesse spiritus Domini esset requieturus, & quòd in Messia omnium nostrum delicta positurus esset Deus. *Ier. 23.* Huic Ieremiam apposuit, qui noui fœderis inter Deum hominèsq; pangendi meminit. Post hos atque alios, ex Daniele hebdomadas enumerauit, tempusque Messiae indicauit: Michæam quarto, & Ionam secundo, & Zachariam nono atque vndecimo, Malachiam 3. capitibus exposuit. Ad hæc Psalmos 2. 21. 37. 40. 109. aliòsque de seipso interpretatus est. Denique non ineptè figuras exposuit, vt Noë arcam, Isaac victimæ deputatum, agnum phasæ, aquam de petra

de petra manantem, & manhu. & sacerdotium Aaron, & ante illud Meschisedech, & Iosue victoriam, & David regnum, & Salomonis templum, & id genus infinita alia. Non enim difficile est ex iis quæ scripta sunt, quomodo veteris Testamenti scripturas interpretari consueverit colligere. Vt in Ioanne, cum Nicodemo loquens, æneum à Mose serpente in deserto exaltatum, suæ figuram habuisse mortis asserit. Et Iudæis de Mose loquens, ait: Si Moysi crederetis, utique & mihi crederetis: de me enim ipse scripsit. Quo verbo procul dubio illum locum, cuius supra meminimus, interpretatus est. Sic historiam Manhu de se exposuit. Sic Abraham eiusque filium respexit, cum illum diem suam vidisse ait. Sic illum Psalmi 40. locum exponit: Qui manducat panem meum, leuabit contra me calicem suum. Sic lapidem sese esse ostendit illum, qui reprobatus ab ædificantibus, factus sit in caput anguli. Sic illum psalmi locum: Dixit dominus domino meo, sede à dextris meis: in suæ diuinitatis argumentum assumpsit, illoque 21. psalmi hemistichio in cruce loquitur: Deus meus, Deus meus, ut quid dereliquisti me? Sic ex Esaia loquitur: Spiritus Domini super me, eò quòd vnixerit me: ad annunciandum mansuetis misit me. Et in Luca: Dico vobis, quoniam adhuc hoc quod scriptum est, oportet impleri in me: Et cum iniquis deputatus est. Etenim ea quæ sunt de me, finem habent. Quæ sacrarum literarum interpretatio cum multum ad fidei pietatisque augmentum facit, tum sanè cæcutientium oculos aperit similia pernerstigandi. Cum ergo hoc veluti pondus scripturarum vno illo dicto concludit: Quia oportuit Christum pati, & ita intrare in gloriam suam: primò hoc voluit demonstrare, quòd non fatali aliqua necessitate mortem tot numero locis prædictam passus, sed prudentissimo diuinæ sapientiæ consilio, ad redimendum humanum genus hoc modo prædestinatus sit. Deinde etiam per illud: Oportuit Christum pati, hoc significauit, quia nemo hominum præter se solum, nostram naturam liberare potuerit. Postremò quòd ait: Ita intrare in gloriam suam, hoc insinuat, ne quis nostrum, qui filij quidem Dei, sed gratia, non lege naturæ, sumus, id facere patiue derectet, quod in capite nostro Christo viuo viui Dei filio pro nobis factum esse pri-



mum intelligimus : inde verò omnes peccatis mori , iu-
 stitiæque deinde viuere studeamus . Et hic quidem modus
 verus est , quo Christus ipse huius festiuitatis solennia ce-
 lebrari voluit . Quòd si possibile nobis vna aliqua die
 omnia ea meditari satis atque facere , quæ tam longo ser-
 mone docuit Christus , rectè resurrectionis meditationem
 hesterno die conclusimus , & frustra hic denuo conuenimus .
 Sed nec vnus ille diei labor est , nec sine ratione maio-
 rum nostrorum instituto inhæremus : eoque quæ huius con-
 sequenter diei conueniens sit consideratio atque operatio ,
 duorum exemplo discamus omnes . Tales enim sumus om-
 nes ante resurrectionis fidem , quales hi duo fuerunt . Amis-
 sa prima iustitia , peccatis , maxime incredulitati , nosmet
 subiecimus , omni virtute vacui , desideriis prauis tumi-
 di . Christus morte sua abstulit peccatum , iustitiæ carèti-
 am resurrectione sarcinuit . Si igitur celestis gloriæ cupidus , spem ,
 quam ex Christi resurrectione hausimus , firmam facere vo-
 luerimus , cum Christo moriamur , atque cum eodem re-
 surgentes , in nouitate vitæ ambulemus : patienter quæ ea
 propter nos flagellant mala sustineamus . Ecce hic verus re-
 surrectionis Christi vsus est . Vetus homo noster prius-
 quam perfectè resurgat , tristitiam ex peccato habet , tæ-
 diumque virtutis ex iustitiæ originalis carentia concipit .
 Nouus verò homo , qui cum Christo in nouitate vitæ re-
 surtexit , in omni pietate ac virtute officiosus est . De priori
 hi duo audiunt : O stulti & tardi corde : de altero , ipsi de se
 testantur : Nonne cor nostrum ardens erat in nobis , dum lo-
 queretur nobis in via ? Si ergo tantum ex Christi sermone ,
 quantum hi duo , profecerimus , magno cum fructu hanc
 diem nobis peractam non dubitabimus . Certè maior no-
 bis , quàm illis , ad eam rem datur occasio . Illis quidem
 fœminæ , quæ & ipsæ hæsitabant , resurrectionem annun-
 ciarunt : & licet viuum sese Christus illis offerret , tamen
 peregrina id fecit forma : nos autem firmiorem habemus
 Euangelij sermonem , quibus sese Christus non iam in ter-
 ris , sed in cælis & à dextris patris Dei sedens , viuum ex-
 hibet , & cum Catholica omnium nationum , omniumque
 temporum Ecclesia , non iam fœminas hæsitantes , sed
 Apostolos , viros omni pietate ac fide plenos , assertores ha-
 bemus : qui omnes nō solum veritatem resurrectionis , verum
 etiam



etiam fructum atque vsum ipsius palam & conformi voce sonant. Sic Petrus cum multa de Christi virtute, ac passione coram Iudæis disputasset, tandem his verbis concludit: Huic omnes prophetæ testimonium perhibent, remissionem peccatorum accipere per nomen eius omnes qui credunt in eum, Sic Paulus Romanis scribens, An nescitis, inquit, quod quicumque in Christum Iesum baptizati sumus, in mortem ipsius baptizati sumus? Consepulti enim sumus cum illo per baptismum in mortem: ut quomodo Christus resurrexit à mortuis per gloriam patris, ita & nos in nouitate vitæ ambulemus. Si enim complantati sumus similitudini mortis eius, simu. & resurrectionis erimus, hoc scientes, quia verus homo noster simul crucifixus est, ut destrueretur corpus peccati, ut ultra non seruimus peccato. & alia multa eodem loco quæ omnia huc pertinent, ut à peccatis deterreant, & iustitiæ studium suadeant. Id quod idem ad Colossenses scribens, inculcat: Mortificate membra vestra, quæ sunt super terram, fornicationem, Immunditiam, libidinem, concupiscentiam malam, & auaritiā. Vbiq; hic audimus peccati detestationem, & iustitiæ studij adhortationes. Et quidem sufficere possent ad excitandos nos, tantum si mens pia, & in negotio salutis intenta adesset. Sed adhuc qui negligunt socordes, duorum exemplum moueat, quos admonitio Apostolica non excitat. Hi priusquam Christum agnoscerent, mœrorem quodammodo mente dubia conceperant, oculis, ore, verbis, totoque corporis gestu significabant: verum agnito ipso, abiecto incrudelitatē peccato, replentur gaudio: nec sua salute contenti, officiosè cæteris verbum salutis annuntiant. Tum demum licuit præsentem audire coramque videre, & pacis annunciationem ex immortalī ore suscipere. Fœlices planè atque beati domini discipuli, quibus tantum bonum contingit: tam subita mutatione ex infidelibus fideles, ex impiis iusti fierent. O gaudij spiritualis abundantiam, qua replentur Apostoli, inuicem de resurrectionis gloria conferentes. Et nos ergo, quod propheticum monet canticum, exultemus hodie, & lætemur in Domino. Quæ enim mœroris causa superesse poterit, ubi tam certa adest causa lætitiæ? Nam & Abraham hanc diem vidit: vidit, inquam, certò venturam, & gaudius est. Piorum est exultare & lætari hac die: impiorum verò, mœrore affici, inuidia pallefcere, terrore concuti. Quemadmodum olim in

Act. 10.

Rom. 6.

Coloss. 3.

Psal. 113. exitu Israël de Aegypto, domus Iacob de populo barbaro tunc quoque mare vidit, sed fugit: Iordanis cognouit, sed conuersus est retrorsum. Mare amaritudinis peccati significationem habet, in quo plurima hominum pars submergitur: tam latum, ut sine crucis ligno transiri non possit: tam profundum, ut pedibus non nisi Euangelio calceatis transiri queat. Hoc mare, ipsum nempe peccatum, atque omnes qui in hoc tanquam luto hærent, vident quidem Israëlẽ duce Christo transire & exultare, sed fugiunt: eoque exultare simul non possunt. Sic etiam Iordanis conuertitur retrorsum. Quemadmodum Iordanis ultimum erat, quo veluti impedimento Israël prohibitus fuit à terra promissionis: ita mors ultimum est quasi repagulum, qua nisi transducta, patriam cælestem introire, ipsam immortalitatem possidere non possumus. Hæc quoque cognouit, sed non latatur nobiscum, quin obstupescita conuertitur retrorsum. Sed nos neque in mari, neque in Iordane sumus: propterea nec fugere, nec retrorsum cõuerti debemus: imò de peccato deq; morte triumphantes, in eo, qui equum & ascensorem proiecit in mare, exultabimus: nobiscum enim vbique pax, vbique gaudium, vbique læticia. Exultent licet montes collèsq; sicut agnoui: sæuiant omnis generis perturbationes, quæ homini in hac vita aduersari possunt, securi pariter atque tuti transibimus. Christus caput nostrum ante nos Iordanem transiit, ac de torrente in via bibit: iamque in mortalitatis littore, ut fortibus animis se sequamur, monet, hortatur, incitat. Nil restat, nisi ut acclamantem nobis, & ad pugnam hortantem audiamus, nobisque victoriam mortis, diaboli, inferni, atque huius mundi denique polliceamur in ipso, qui pugnantibus fortis astat. & victoria palmam cælesti gloria remunerat. Cui laus in secula. Amen.

FERIA TERTIA,

EVANG. LVC. XXIII.

DUm autem hæc loquuntur, stetit Iesus in medio eorum, & dixit eis: Pax vobis, ego sum. nolite timere. Concurbati verò & conterriti, existima-

b

mabant se spiritum videre. Et dixit eis. Quid turbati estis, & cogitationes ascendunt in corda vestra? Videte manus meas, & pedes meos, quia ego ipse sum: palpate & videre, quia spiritus carnem & ossa nō habet, sicut me videtis habere. Et cū hoc dixisset, ostendit eis manus & pedes. Adhuc autem illis non credentibus & mirantibus præ gaudio, dixit: Habetis aliquid quod manducetur? At illi obtulerūt ei partem piscis apsi, & fauum mellis. Et cū manducasset corā eis, sumens reliquias dedit eis, & dixit ad eos: Hęc sunt verba quę locutus sum ad vos, cū adhuc essem vobiscum, quoniā necesse est impleri omnia quę scripta sunt in lege Moyse, & prophetis, & psalmis de me. Tunc aperuit illis scripturas, & dixit eis: Quoniam sic scriptum est, & sic oportebat Christum pati, & resurgere à mortuis tercia die, & prædicari in nomine eius pœnitentiam & remissionem peccatorum in omnes gentes, incipientibus ab Ierosolyma.

EPISTOLA ACT. XIII.

Viri fratres, filij generis Abraham, & qui in vobis timent Deum, vobis verbum salutis huius missum est. Qui enim habitabant Ierusalem, & principes eius hunc ignorantes, & voces prophetarum, quę per omne sabbatum legūtur, indicantes impleuerunt. Et nullam causam mortis inuenientes in eo, petierunt à Pilato, ut interficerent eum. Cumq; consummassent omnia, quę de eo scripta erant, disponentes eum de ligno, posuerunt eum in monumento. Deus autē suscitauit eum à mortuis tercia die, qui visus est per dies multos iis, qui simul ascenderant cum eo de Galilea in Ierusalem, qui usque

nunc sunt testes eius ad plebem. Et nos vobis annunciamus eam quæ ad patres nostros repromissio facta est: quoniam hanc Deus adimpleuit filiis vestris, resuscitans Iesum, sicut & in psalmo secundo scriptum est.

S E R M O.



ERI cum rationem redderemus, cur magnæ illi diei dominicæ resurrectioni celebri, alij quidam dies essent annumerati, nempe vt tempus & Ecclesiastes credentium iuuarent intelletum: de resurrectione Domini & saluatoris nostri Iesu Christi quatuor præcipua necessariò cogitari diximus. Primò quòd verè resurrexerit Christus à mortuis. Secundo, quòd per resurrectionem ad dextram vsq; patris euectus sit. Terriò, quòd etiam nos membra sua à peccato, inferno atque ira Dei ereptos, iam nunc secundum animam vnà secum subuexerit, & tandem aliquândo corpora nostra morte soluta, è monumentis, aut vndecunque, sit subducturus. Quartò, quòd morte, resurrectioneque sua mortificationis internorum membrorum, ac vitæ nouitatis exemplum omnibus post se reliquerit. Quæ omnia eiusmodi sunt, vt nisi diu multumque à nobis ruminata fuerint, frustra nobis resurrectionis transierit solennitas. Equidem timeo, ne post sperata piæ meditationis initia ab inceptis deficiamus, talisque efficiamur omnino, quales erant dum hæc Ierosolymis fierent. Maxima enim pars ciuium vrbs illius magnæ nihil curabant, viueretne Christus Nazarenus ille, an mortuus esset, vel sepultus. Suas quisque res curabat. Nemo ea propter, vel gaudio affliciebatur vel mœrore. Bonum erat custodum auspiciū, qui cum resurrexisse vidissent dominum, ciuitatem festinantes intrant, quæ vidissent audiuisentque exponunt. Sed pretio deprauati deficiunt, citòque veritati agnitæ contraria mendacia confingunt. Primates summiq; sacerdotes obturatis auribus innotescentem resurgentis domini gloriam, quibus possunt viis impediunt. Quo sanè factum est, vt apud solos paucissimosque numero viginti & centum homines, discipulos, inquam, resurrectionis contracta sederet lætitia: haud secus atque olim cum Israël populus ille Dei omnis quidem per mare rubrum eductus, diem festum agebant.

bant lætæque voce Deo, cuius excelso brachio à tyrannide liberarentur, canebant: Cantemus Domino, gloriøs enim magnificatus est, equum & ascensorem proiecit in mare. Sed progressus in desertum, cùm hinc illi diuersæ tentationes obstarent, lætitia, quam pro libertate conceperant, quotidie magis magisque deficiebant: ita vt pereunte pietate, tandem non modò pergere recusarēt, verum etiā à tergo relictas carniū ollas repeterent. Quo factū est, vt qui numero 600000 Aegypto exierant, duo solum, Iosue & Caleb, in promissam terram intrarent, de quibus Paulus Corinthiis loquens, ait: Nolo vos ignorare fratres, quoniam patres nostri omnes sub nube fuerūt, & oēs mare transierunt, & omnes in Mose baptizati sunt in nube, & in mari. & omnes eandem escā spiritalem biberunt. Bibeant autem de spiritali consequente eos petra: petra autem erat Christus. Sed non in pluribus eorum beneplacitum est Deo. Nam prostrati sunt in deserto. Et quid addit? Hæc autem in figura nostri facta sunt. Nos non Moses aliquis, nec à corporali seruitute, sed Christus filius Dei à spiritalis nequitie tyrannide liberauit: non per mare rubrum, sed per spiritus & aquæ redemptoris sanguine sanctificatum lauacrum, pro terrena possessione, in celestis patriæ spem perduxit. Vnde & ipsi in magna festiuitatis die gestu atq; voce lætæ mentis signa ereximus: cõcordi mēte redēptori triūphanti laudes acclamauius. Sed timeo defectionem: timeo, inquam, ne in nos conueniat, quod olim in Isaia de populo isto scriptum legimus: Multiplicasti Domine populum, sed non magnificasti lætitiā. Pauci enim in vocatis sunt selecti. In deserto mūdi huius versamur, & facillè (quæ nostræ naturæ imbecillitas est) à proposito defletemus, nisi assiduis consolationibus attollamur. Plurimæ enim & violentes sunt tentationes, quibus vndique in hoc deserto impetimur, & à regia celestis patriæ via sollicitamur. Quid autem est, quo rectius consolari, ac studiosius ad pietatis cursum incitari possumus, quàm ipsa resurrectionis Christi prædicatione? An non ingens piarum mentium consolatio est, quòd Christus ait: Pax vobis, ego sum, nolite timere? An non mutæ pietatis incitamentum est, quòd tam amico animo suos in vnum collectos visitat? Hæc causa est, quòd resurrectionis huius annuam memoriā non vna aliqua die concludimus, sed in plures produci mus: nēpè vt eo ardētior in nobis ardeat cōsolatio, eo maiori

desid

Exod. 14

1. Cor. 10.

Isa. 9. 3
Mat. 20.

Luc. 24.

desiderio pergamus, quo diutius de resurgenti gloria triumphamus. Tristatus es, quia per mortem Christus discessit à te? ecce, per resurrectionē suam rursus reuertit ad te, illo frui. Qui hoc possis interrogas? Ecclesiæ amplectere consilium, quæ ideo hos dies festos esse voluit, vt eo diutius in Christi præsencia exultares: eoque tibi Apostolorum offert exempla, vt quomodo id discas, ad manum habeas. Iam quarta dies agitur, quarum nulla sine resurrectionis memoria labitur, ita vt quæque dies singulare quid habeat, quod non docuere cæteri. Quem etiam in finem quæque dies propriam Euangelij lectionem tenet, & sabbati quidem diei lectio, quod monumenti custodes de resurrectione Christi sint certiores facti, retulit.

- Mat. 28** Sed nullum ibi gaudium consideramus. Ecce, inquit Euangelista, terræ motus factus est magnus. Angelus enim Domini descendit de cælo, & accedens reuoluit lapidem ab ostio monumenti, ac sedebat super eum. Erat autem aspectus eius sicut fulgur, vestimenta eius candida sicut nix. Præ timore autem eius exterriti sunt custodes, & facti sunt velut mortui. Et hæc quidem prima nocte, aut priusquam illuxisset, facta sunt. Ipsa verò Dominicæ resurrectionis die ipsum angelum mulierculis prædicasse resurrectionem Euangelista Marcus testatur.
- Mar. 16** Et hoc valde mane, ipsoque diluculo factum est: quādo etiam, si tanta se videndi Christi cepisset desiderium, Galilæam iubentur petere. porro heri ipsum triumphatorē Christum duobus in Emaus euntibus colloquēte vidimus. Et hoc quidem media luce factum est. Hodie verò, quæ quarta dies est, ipsum apertè coram loquentem & manducantem se exhibet. Id quod
- Ioan. 10** Luca atque Ioanne testibus, vespere factum est. Ecquid hic rerum ordo vult sibi? quod Euangelistarum propositum, quæ Ecclesiæ hunc ordinem sequentis intentio? Nempè hoc significare voluerunt, quod Christus se piis ter offert tempore diei gratiæ: impiis verò semel tantum, idque nocte horrida. Piis ergo cum Christo mortuis primò manifestatur surgente die, hoc est, prima hominis ætate, & in baptismo. vbi mysticum
- Colos. 3** corpus eius facti, filij Dei efficiuntur. Hic nobis dicitur: peccatis mortui sumus, viuamus porro iustitiæ. Si cum Christo resurreximus, que sursum sunt queramus, vbi Christus est in dextra Dei sedens: & de virtute in virtutem profecturi, veterem hominem exuentes, nouum autem, qui secundum Deum creatus est, in iustitia & sanctitate veritatis induamus. At
- vbi**

vbi fugiatis tenebris sol illuxerit, diésque in mentibus nostris facta est, iamque perfectionis iter aggressi sumus, rursus se conspicuum offert, manétque nobiscum vsque ad consummationem seculi. Interea vitam nostram scrutatur actúsque perquirat. Qui sunt, inquit, hi sermones, quos confertis ad inuicem ambulantes, & estis tristes? Hic nos hortatur, vt ambulemus dum lucem habemus, ne tenebræ comprehendant nos: dum lucem habemus, credamus in lucem, vt filij lucis simus. Hanc diem Apostolus salutarem, & acceptabile tempus dicit, monens vt semper dum hodie dicitur, sine vlla offensione nos in omnibus exhibeamus vti Dei ministros. At diei huius vespere facto, perfectè se tandem & totum offert: tum verè faciet, cuius hic gustum dedit: pacem precabitur, dabitque sempiternam. Ego sum, dicit, nolite iam timere. In illo vespere absterget omnem lacrymam ab oculis suorum, ac dicit: Vos estis qui mecum permanistis in tentationibus meis, & ego disposui vobis, sicut disposuit mihi pater meus regnum, vt edatis & bibatis super mensam meam in regno meo. Hoc ordine Ecclesia Christi apparitiones, quibus discipulis suis visus est, hodie considerandas proponit: vt hinc, in aduersis positi nosmet consolemur, inque omne pietatis studium incitemus. Non hoc modo impiis, non toties, sed semel tantum & noctu ingenti, imò æterno horrore videbitur, cum signum filij hominis apparuerit in nubibus cæli, cum magna potestate ac maiestate: quando videntes turbabuntur terrore horribili, omnesque tribus terræ lugebunt videntes. De qua manifestatione (liceat sic loqui) Christus in Caiphæ domo loquens, Ammodo, inquit, videbitis filium hominis sedentem à dextris Dei, & venientem in nubibus cæli, quando videbit eum omnis caro, etiam ij, qui transpuxerunt eum crucifigentes. Sed mox auferentur impij in tenebras exteriores, ne maiestatem Christi videant. Quantus autem impiis ex domini iudicantis aspectu terror imminet, tanta erit & piorum ex facie Domini exultatio. Sed laborandum est, ne frustra, & sine fructu nostris commodis inseruiat Ecclesia. Ideo enim Apostolorum exempla tot ex ordine diebus proponit, vt si impiorum pœnas evitare, ac Christi viuificati gloriam contueri velimus, ipsorum sequamur exempla, qui cum magna animorum suorum exultatione viderunt, & cum gaudio in eadem visione ipsum sequeuti sunt. Quanquā enim Euangelia iam quatuor diebus recitata

Luc. 24

Ioan. 18

2. Cor. 6

Apoc. 21

Luc. 22

Mat. 26

Zach. 12

Isa. 26.

citata, vnumquodque peculiare aliquid habeat. in hoc tamen conueniunt, quòd simul resurrectionem Christi attestentur. Ita etiam Apostoli posita resurrectionis veritate, ex qualibet apparitione sumplerunt quod ad fidei pietatisque incrementum facit plurimum. Nam cum angeli resurrexisse dominum annuntiarent, vti quidem, sed non sine terrore monumentum visitant: at vbi semetipsum, licet peregrina & ignota facie videndum offerebat, planè ipsorum cor la ardebant. Denique quòdo se apertius sine inuolucris in medio omnium palpandum præbet, pacem precaretur, scripturâsque interpretaretur, omnis ecce penitus cordibus eorum euolat tristitia, verèque fit quod antè Christus prædixerat: Iterum videbo vos, & gaudebit cor vestrum, & gaudium vestrum nemo tollet à vobis. Nec id mirum. Quæ enim ibi tristitia sedere potest, vbi Christus piarum mentium vnicum desiderium rediimus adest, tot tantâque sclicitatis dona precatur & largitur? Non hæc angeli primi resurrectionis illius nuntij potuerunt prædicare: nec peregrinæ formæ sunt verba, quibus in

Luc. 24

hoc Euangelio affatur suos. Sic scriptum est, inquit, & sic oportebat Christum pati, & resurgere à mortuis tertia die, & prædicari in nomine eius poenitentiam & remissionem peccatorum in omnes gentes. Cerrè magnum quid est ex ipsis angelis resurrectionis prædicationem audire: maius verò, ipsum qui mortuus fuerat & resurrexit, coram videre. Dauid

Psal. 33

enim maximo bono Deum videri affirmat. Iuxta est, inquit, dominus iis qui tribulato sunt corde, & humiles spiritu saluabit. Custodit Dominus omnia ossa eorum, vnum ex his non conteretur. Hinc sibi gratulatur, quòd dominum sibi proximum haberet. Dominus regit me, inquit, & nihil mihi deerit.

Psal. 22

Et si ambulauero in medio vmbrae mortis, non timebo mala, quoniam tu mecum es. Iam verò non solum coram videre, verum etiam palpare ipsum, & contrectare manibus: pacem Euangelizantem, dubitationem timorèmq; propulsantem, poenitentia ac remissionis peccatorum prædicationem demandantem audire, tantum profectò bonum est, vt ne dignè cogitari quidem, nedum eloqui possit. An non eximia res est, pacis annunciatio? Tranquillat enim ex remissione delictorum conscientias nostras, quo iustificati per fidem, pacem

Rom. 5

Colos. 1

habeamus ad Deum: ac præstat, vt pacificati simus cum angelis, quo iam non domini nostri, sed conserui dicantur: imò cum

cum omnibus reliquis creaturis concordia fœdus confirmat. *Apoc. 12*
 Id quod olim per Oseam prophetā promissum erat. Hanc pa- *Osee. 2*
 cem impij homines nesciunt. Scivit enim vt mare mēs eorum.
 Propterea nec secum concordēs sunt, nec cum aliis in gra- *Isa. 57*
 riam redeunt. nec cum vlla creatura illis cōuenit, quas omnes
 Deus in ipsorum perditionem ordinauit. Odit enim Deus pec- *Sap. 5*
 catores, & sequuntur factorem suum creaturæ. Deinde quanta *Eccl. 12*
 beatitudinis pars est, habere mentem ab omni hæsitatione libe-
 ram, qualem dominus hoc ipso, quod dixit: Ego sum, forma-
 re voluit? Sic olim patriarcham Abraham hoc verbo contra
 omnia incredulitatis dominæ tela confirmauit. Ego prote-
 ctor tuus sum, & merces tua magna nimis: Ego dominus o- *Gen. 15.*
 mnipotens. Sic Moſen in rubo alloquitur: Ego sum qui sum. *Ex. 17. 18.*
 Quo verbo ita confirmatus est Moſes, vt non solum crederet *Exod. 3.*
 ipse, verum etiam alios iisdem verbis doceret fidem. Non ti- *Deu. 6. 7.*
 mebis, inquit: Israël dominus Deus noster, Deus vnus est, &
 in medio tui est, Deus magnus & terribilis. Eadem intentio-
 ne & alibi in nouo testamento hoc verbo vtitur: Ego sum pa- *Ioan. 6.*
 nis viuus: Ego sum lux mundi: Ego sum via, veritas & vita; *9. 11*
 Ego sum resurrectio & vita: Ego sum, nolite timere: Ego
 sum pastor bonus. Quæ omnia cōtendunt, vt qui Christum *Matt. 14*
 habent, omne summumque bonum habere se sciant. Impiis *Ioan. 20*
 contrā horribilius nihil est, nihil est hac voce terribilius. Vt
 in veteri testamento: Ego sum fortis Zelotes, visitans iniqui-
 tatem patrum in filios, in tertiam & quartam generationem.
 Et: Ego sum, ego vidi, ego sum iudex & testis. Et in nouo: *Exod. 10*
 Ego sum: Et videbitis filium hominis sedentem à dextris Dei: *Iere. 7. 29*
 Si non credideritis quia ego sum, in peccato vestro moriemi- *Matt. 26*
 ni. Ecce quòd eadem vox impios terret, pios exhilarat. Vis ſci *Ioan. 8*
 re quia hac voce, Ego sum, impij terreantur? Quid in Ioan- *Ioan. 18*
 ne scriptum sit, accipe. Vt ergo, inquit Euangelista, dixit eis:
 Ego sum: abierunt retrorsum, & ceciderunt in terram. Agno-
 ſcis Christi verbis vim inesse diuinam? Contrā verò, cūm di-
 ſcipulis dixisset, Ego sum: addidit: Nolite timere. ac si dice-
 ret: Si certò vobis perſuaſum est, quia ego sum Deus pater- *Deut. 7*
 que vester, abiicite timorem, pellite formidinem: Ego sum *Ios. 10*
 qui veni liberare vos, non iudicare: Omnipotens ego sum, & *Isa. 42*
 in medio vestri sum, & nemo vos rapiet de manu mea. Sint *43. et 44*
 licet feroces & immani homines vestri, vósque grex puſillus: *Luca 18*
 quod tamen timeatis verè non est, nec quur animum despon-
 deatis

deatis, quia ego liberabo vos, & placuit patri meo vobis dare regnum. Porro, si hoc audiens, molestat te, quia dominum coram videre & audire non possis, quomodo Apostoli audiuerunt loquentem sibi, videruntque presentem: si contristaris adhuc, quasi ad te non pertineat, quod postquam à morte resurrexit, viuum se suis exhibuit, pacem annuntiavit, timorem pulsauit, consequentia legas, & quod illa omnia ad te quoque pertineant, inuenies. Quæ sint quæris illa? Quia oportebat Christum resurgere à mortuis tertia die, & prædicari in nomine eius poenitentiam & remissionem peccatorum

Luce 24 in omnes gentes. Hæc sunt quæ nos tangunt: hæc nobis dicta arque scripta sunt, ut & nos per consolationem scripturarum spem habeamus. Non minus tibi commodat Christi resurrectio, quam ipsis Apostolis. Quorum tamen hoc ipso beatiores nobis sunt oculi, quod coram viderunt nobis aliisque innumeris desiderata. Sed eandem pacis annunciationem audis tu: eundem Christum habes quem illi. Quemadmodum enim ipsi iustificati sunt, pacemque habuerunt non aliunde, quam ex poenitentia & remissionis delictorum Euangelio: ita & tu. Ex eodem fonte vtriusque gaudium scaturit: eadem nempe resurrectione, qua illi gauisi sunt, nos iustificamur, pacem consequimur, & consequentur porro omnes, quotquot resurgentis gloriam nobiscum credentes prædicant. Voluit enim Deus hanc prædicationem in omnes gentes, cuiuscunque temporis aut loci sint, in posterum permanere. Hinc Paulus Romanis scribens, ait, Mortuus est propter peccata nostra, resurrexit propter iustificationem nostram. Et Petrus in hesternâ epistola, Præcepit, inquit, nobis prædicare, & testificari populo, quia ipse est qui constitutus est à Deo iudex viuorum & mortuorum. Huic omnes Prophetæ testimonium perhibent, remissionem peccatorum accipere per nomen eius

Rom. 4 omnes, qui credunt in eum. Rursum Paulus in ea quam hodie legimus prædicatione: Viri fratres, inquit, filij generis Abraham, & qui in vobis timent Deum, vobis verbum salutis huius missum est, & nos annunciamus eam, quæ ad patres nostros repromissio facta est, quoniam hanc Deus adimpleuit filiis vestris, resuscitans Iesum. Notum igitur sit vobis, quia per hunc vobis remissio peccatorum nunciatur in omnibus, quibus non potuistis in lege iustificari. In hoc omnis qui credit, iustificatur. Ecce quomodo par illud Apostolorum Christi præcep

præcepto morem gerentes, appendicem Euangelij huius, penitentiam ac remissionem peccatorum, virtute resurrectionis Christi vbique prædicarūt. Ad nos igitur ipsa quoque peccatorum remissio pertinet & iustificatio. Iustificati verò appropinquamus Deo, cui coniuncti, ac veluti vnum facti cum illo, liberè omnem metum secludimus, ipso propitio, pacem tenemus, pacem conscientiarum, pacem ad Deum, ad angelos, ad omnes denique creaturas. Quorum omnium fons atque origo Christi resurrectio est. Nam magno Christus illa omnia nobis acquisiuit, cum iustitiarum obicem sanguinis sui effusione deleuit, iustificationis pacem sua resurrectione inuenit. maior igitur diligentia adhibenda est, vt ea conseruemus bona, quæ tam magno comparata sunt. Quæ enim mihi quantum libet copiosissimi thesauri utilitas, si conseruare & vti nesciam? Vnde Apostolus Ephesiis scribens, cum multis resurrectionis meminisset, virtutem quoque eius agnoscant, optat. Et planè necesse est eam virtutem agnoscamus, vt non modò Christo, verum etiam nobis gratulemur: nec in hoc quiescamus, scire quia ipse resurrexit, sed & quia ipsius resurrectio nostra sit etiam consolatio. Hoc ipsum Ecclesia quærît, eoque tot festos dies instituit, tot Euangelia Christi resurrectionem testificantia proponit, vt quod vna die, vnòque sermone non possumus, multiplicata occasione sectemur, tenacius mentibus nostris reponamus, atque in memoria perpetua seruemus. Hæc summa est, vt quod Ecclesia, Apostoli, ipsæque resurgens Christus optimo, nobis pernecessario affectu proponit, nullo modo cõtemnamus. Id quod præstet qui à morte triumphat Christus Iesus in secula benedictus. Amen.

Eph. i.

DOMINICA PRIMA PASCHAE, QVASI MODO, EVANG. IOAN. XX.

CVM ergo sero esset die illo vna sabbatorum, & fores essent clausæ, vbi erant discipuli congregati propter metum Iudæorum: venit Iesus, & stetit in medio, & dixit eis: Pax vobis, & cum hæc dixisset, ostendit eis manus & latus. Gaudium sunt ergo discipu-

C li, vi

li, viso domino. Dixit ergo eis iterum: Pax vobis. Si-
cut misit me viuens pater, & ego mitto vos. Hæc
cùm dixisset, insufflauit, & dicit eis: Accipite spiritum
sanctum. Quorū remiseritis peccata, remittun-
tur eis, & quorum retinueritis, retenta sunt. Tho-
mas autem vnus ex duodecim, qui dicitur Didymus
non erat cum eis quando venit Iesus. Dixerunt ergo
ei alij discipuli: Vidimus Dominum. Ille autem dixit
eis: Nisi videro in manibus eius fixuram clauorum,
& mittam digitum meum in locum clauorū, & mit-
tam manum meam in latus eius, nō credam. Et post
dies octo iterum erāt discipuli eius intus, & Thomas
cum eis. Venit Iesus ianuis clausis, & stetit in medio,
& dixit eis: Pax vobis. Deinde dicit Thomæ: Infer di-
gitum tuum huc, & vide manus meas, & offert ma-
num tuam, & mitte in latus meum, & noli esse incre-
dulus, sed fidelis. Respondit Thomas, & dixit ei: Do-
minus meus & Deus meus. Dixit ei Iesus: Quia vidi-
sti me Thoma, credidisti: beati qui non viderunt, &
crediderunt. Multa quidem & alia signa fecit Iesus
in conspectu discipulorum suorum, quæ non sunt
scripta in hoc libro. Hæc autē scripta sunt, vt cre-
datis quia Iesus est filius Dei, vt credentes vitam ha-
beatis in nomine eius.

E A D E M D O M I N I C A E P I.

STOLA I. IOAN. V.

O Mne quod natum est ex Deo, vincit mundum: &
hæc est victoria quæ vincit mundum, fides nostra.
Quis est autem qui vincit mundum, nisi qui credit, quo-
niam Iesus est filius Dei? Hic est qui venit per aquam &
sanguinem, Iesus Christus. Non in aqua solum, sed in
aqua

aqua & sanguine. Et spiritus est qui testificatur, quoniam Christus est veritas. Quoniam tres sunt qui testimonium dant in cælo: pater, verbum, & spiritus sanctus: & hi tres unum sunt. Et tres sunt qui testimonium dant in terra: spiritus, aqua, & sanguis: & hi tres unum sunt. Si testimonium hominum accipimus, testimonium Dei maius est. Quoniam hoc est testimonium Dei quod maius est, quoniam testificatus est de filio suo. Qui credit in filium Dei, habet testimonium Dei in se.

S E R M O.

Quanquam hæc Euangelij lectio superioribus diebus recitata ac partim explicata sit, tamen urgentes rationes sunt cur iam secundo recitetur. Principio ea est omnium dictorum factorumque horum Christi maiestas, ut merito piis omnibus versentur ob oculos. Deinde una eademque hæc quidem historia est, quam & Lucas conscripsit: in multis enim ita consentiunt, ut iisdem quoque verbis utantur: tamen multa Ioannes addidit, quæ Lucas non posuit. Denique hoc Ioannis Euangelium rectissime ea omnia, quæ hætenus de Resurrectione Christi audiimus, cõcludit. Finem enim ipse ponit, ad quem veluti metam quãdam omnis sermo omnisque cogitatio hæc de retendere debeat. Et quis est finis ille? Hæc, inquit, scripta sunt, ut credatis quia Iesus est filius Dei, ut credentes vitam habeatis in nomine eius. An non egregium quid & plenum consolatione est, quod, licet per resurrectionem suam intrauisset iam in gloriam suam, licet iam tum potestatem omnium quæ in cælo, quæque in terra sunt, accepisset, discipulorum tamen suorum tam pio affectu recordetur? Quid autem hinc colligimus, nisi quod etiamnum nostri curam gerat, ac nobiscum esse velit usque ad consummationem seculi, quemadmodum in Isaia se facturum esse promiserat? Sic quod eadem die & vespere venit, & fidem confirmat, & spem auget. Prædixerat hoc sæpe Christus: Soluite templum hoc, & in triduo excitabo illud. Et sicut Ionas in ventre ceti tribus diebus & tribus noctibus fuit, sic erit filius hominis in corde terræ tribus diebus & tribus noctibus. Et: Tertia die resurget. Quanquam & tridui illius mysterij hic admonemur, ut sit prima dies laboris,

Luc. 24.

Ioan. 10.

Luc 24.

Matt. 28

Ibidem

Psal. 119.

Ioan. 2.5

Matt. 12.

Matt. 20

secunda dies requietionis, tertia verò glorificationis. Venit autem vespere. Et hoc spem auget. Sinebat tota die discipulos fluctuare, interque spem & metum hærere: venit tandem, & metu liberat. Fluctuamus & nos, spe tamen ipsum ad vesperam expectamus. Sicut & Abacuc docet, Si moram fecerit, expecta illum, quia veniens veniet, & non tardabit. Sic tertio se in medium offert, quò consolemur, quòd vnique nostrum æquè proximus adsit, minori vt maiori: & quòd non in angulo, sed in pleno cœtu credentium sit, ne vociferantes, hic est Christus, hic est, sequamur seductores. Sic quarto pacem precatur, quò sanè fructus mortis resurrectionisque suæ indicauit. Sic quinto manus atque pedes suos palandos offert, quo primò docuit, latus manúsque suas apertas fore omnibus credentibus, vt illos suscipiat, hos iuuet. Quemadmodum & antea omnes ad se vocauit ac requiem promisit. Deinde vt idem corpus suum esse illud quod videret, & quod triduo antè vulneratum fuerat, demonstraret. Denique vt ipsa vulnera sint quasi triumphatoris signa atque monilia. Hæc ergo plena maiestatis, plenæque consolationis sunt, & ob id sedula cõsideratione digna. Equidem huius causa etiam ab utroque Euangelista, Luca & Ioanne, conscripta non dubitauerim. Verùm Ioannes adhuc quædam peculiaria addidit, quæ nō legimus in Luca. Primò, quòd ianuis clausis Christus ad discipulos venit. Deinde, quòd non modò semel (vt Lucas commemorat) sed ter pacem precatur. Tertio, quòd ait: Sicut misit me pater, & ego mitto vos. Quarto, quòd insufflans spiritum sanctum dat. Quintò, quòd remittendorum peccatorum potestatem ipsis confert. Sextò, quòd vnus Thomæ causa rursus venit. Septimò, quòd adhuc multa alia fecit. Ac postremò, quòd in quem finem hæc omnia & scripta & facta sint, ostendit. Et horum quidem Lucas nihil habet: omniæque eiusmodi sunt, quæ non sine piaculo grandique incommodo inconsiderata transgrediantur. De postremo ergo aliquanto fusius dicturus, cætera paucis percurram. Ianuis clausis venit ad discipulos suos. Non ergo iuxta se pulcrum, vt mulieribus: non in via, vt Cleopæ & socio eius: non iuxta mare, vt quibusdam discipulis, sed in domo apparuisse hoc modo significare voluit. Deinde hic diuinam Christi potentiam videmus, quæ nullis impedimentis prohibetur, vt confundatur Manichæus, qui hinc phantasticum Christi fuisse corpus somnare voluit, non considerans, quòd alia mortalis

talis, alia immortalis corporis ratio sit. Tertiò cōsolatur nos,
 quòd dominus Iesus semper adesse potest suis, vbicunque &
 quocunque illi tandem in discrimine sint. Ego, inquit, cogno-
 sco meas. Vbicunque duo vel tres congregati sunt in nomine *Ioan. 10.*
 meo, ibi sum in medio eorum. Sic Petrū in imis carceribus, *Matt. 18.*
 in custodum medio inuenire nouerat. Sic Paulum in maris *Act. 12.*
 medio, sic Ionam in vêtre cete, sic tres Danielis socios, in me- *Act. 27.*
 dio fornacis ardentis agnouit & visitauit. Deinde pacem non *Ioan. 2.*
 semel, vt Lucas solum habet, nec bis tantum, sed ter precatur. *Dani. 3.*
 Et quid hoc sibi voluit? Suprà dixi, quia fructus resurrectionis
 hic significare voluerit. Sunt autem & aliæ rationes. Precatur
 pacem, quòd ipsa sit summum in hoc exilio bonum: quòd hac
 opus haberent Apostoli, vndique aduersis pressi: quòd hanc
 etiam ipsis discedens reliquisset: quòd sic Apostolos precari
 quamcunque domū intrantes, suòque quod præcepisset exem- *Ioan. 14.*
 plo, cōfirmare voluit. Sed ter precatur. Primò cōscientiarum, *Matt. 10*
 deinde reconciliationis cum Deo, tertiò ab externis aduersita-
 tibus. Quin primum Apostolis, deinde vniuersæ Ecclesiæ, ter-
 tiò priuato cuilibet credeti: quo significaret neminem se à sua
 pace secludere. Tertiò ait: Sicut misit me pater, & ego mitto
 vos. Quo sanè Apostolis potestatem dedit euangelizandi. Quo-
 modo enim prædicassent, nisi missi fuissent? Currebant olim, *Rom. 10.*
 sed non missi. Id quod in Ieremia Dominus conqueritur. Par- *Ierem. 23.*
 ta erant bona, hic dispensatores eorum quæruntur. Sic in Mar- *2. Cor. 4.*
 co mandat: Euntes prædicate, &c. Sed & pulchrè officium de- *Marc. 16*
 pinxit dispensatorum mysteriorum Dei, cùm ait, Sicut misit *Ioan. 3.*
 me pater: Non pater misit filium, vt iudicet mundum, & ani- *Luc. 19.*
 mas perdat. Sic ergo & Christus Apostolos misit, peccatores *Ioan. 6.*
 ad poenitentiam conuerrere. Deinde pater misit filium, non vt
 suam hic voluntatem faciat, sed eius à quo missus erat patris:
 non vt dominaretur, nō ministrari, sed ministrare, & dare ani-
 mæ suæ redēptionē pro multis: nō vt in deliciis floreret, sed vt
 crucifigeret. Propterea ait: Sicut me misit pater, & ego mitto *Mat. 20*
 vos: Non est seruus maior dño suo. Quarto insufflauit in eos.
 Nusquā tale qd fecisse Christus legitur. Singulari aut carimo- *Matt. 15.*
 nia misit, vt legationis ac muneris maior esset apud oēs autori-
 tas. Sic hodie mittuntur, nō sine certis cērimoniis: sic olim in ve-
 teri etiā lege missi sunt. Insufflauit autē tāquā Dens, vt quomodo *Exod. 28.*
 formans hominem, spiritū vitæ ipsi inspirasset, sic reformans
 eundem, afflaret spiritu sancto. Illic vt viueret, hic vt bene vi- *Gen. 4.*

ueret. Idq; externo signo & expresso verbo facit. Accipite Spi-

Io. 14. ritū sanctum, inquit. Dedit autē eum, quia daturū se esse pro-

Ibidem. miserat, & quod sine eo nihil possent facere, ne quidem dice-

re Dominū Iesum, nisi in Spiritu sancto. Propterea antequam

ascenderet ab Ierosolymis, iussit, quousq; induerētur virtute

1. Cor. 12. ex alto. Propterea nec Saul prophetare potuit, nisi concepto

Act. 1. spiritu Domini, & mutatus in alium virum. Et Paulus cum

1. Reg. 10. multa de laboribus suis dixisset, ait: Non autem ego, sed gra-

1. Cor. 5. tia Dei mecū. Vnde in Isaia Dominus loquitur: Qui sperat in

Isaia 40. Domino, mutabunt fortitudinē: assumēt penas sicut aquila:

current, & non laborabunt: ambulabunt, & non deficiēt. Sed

& ideo hic Spiritum sanctū dedit vt doceret, daturum se esse

eum propediem omnibus. Nam quod cōstituit pręstare om-

nibus, pręstat aliquando prius priuatis quibusdam. Vt cūm

promitteret mortuorum resurrectionem omnium, prius pau-

Io. 5. 11. corū corpora in vitam à mortuo reuocabat. Quinto ait: Quo-

Io. 20. rum remisistis peccata, remittuntur eis: & quorū retinueri-

tis, retenta sunt. Hoc dicens, ostendit in quem vsum maximē

tunc Spiritum sanctum dedisset Apostolis, nepe ad remittēda

peccata: nec solū Apostolis, verumetiā credentibus omni-

bus, quos illi per verbum Euāgelij, & huic annexa sacramē-

ta, hoc ipso Spiritu sancto donare debeant. Absolutio ergo, &

per consequens, confessio, hic fundatur. Confessio, inquam,

quia, vt alibi luculentissimē sacrarum scripturarum autori-

tate demonstrauius, nulla intelligitur Absolutio, vbi pecca-

toris non pręcessit Confessio. Absolutio autē non pro volūta-

te ministri, sed pro instinctu & mādato Spiritu sancti fieri de-

bet. ne quē Spiritu sanctus ligat, sacerdotis manus absoluat,

& contrā. Deniq; & hoc docemur, non externam Apostolis po-

testatem, sed pro spiritus proprietate, animarū demandatam

esse curam, cūm Christus verē, non fictē, ipsis retinendi remit-

tendiq; peccati contulit potestātē. Id quod Ecclesiasticos sui

admonet officij, & peccatores pœnitentes de remisissis pecca-

ris per absolutionem certiores atq; quietos facit. Sexto, quod

Thomæ vnus causa iterum comparēt, manus, latus, & pedes

suos videndos palpandōsq; exhibet, euident argumentum est

paterni affectus, qui neminem suorum perire, sed omnes ad

agnitionem veritatis vult venire. Quēadmodum de ouibus

suis loquens, ait: Ego vitam æternam do eis, & non peribunt

in æternum, & nemo rapiet eas de manu meā. Septimo, quod

dicir

dicit multa alia quoque signa fecisse Iesum in cōspectu disci-
 pulorum suorum, quæ non sunt scripta in hoc libro, ad cæte-
 ros Euangelistas remittit lectorē, vt illinc plura resurrectionis
 signa hæsītans petat. Quemadmodum & Lucas testatur,
 dominum seipsum viuum post passionē suam in multis argu-
 mentis per dies quadraginta præbuisse. Apparuit, Euangeli-
 stis testantibus, Mariæ Magdalene, vt Marcus habet: secūdō,
 aliis mulieribus, de quibus Matthæus loquitur. Tertiō & Pe-
 tro, vt Lucas vigesimoquarto, & Paulus 1. Corinth. 15. narrāt.
 Quartō duobus euntibus Emaus. Quintō, decem illis in Ieru-
 salem, de quo initium huius Euangelij & Lucas habent. Sex-
 tō, vñdecim illis, vt posterior pars Euāgelij huius indicat. Se-
 ptimō, plus quā quingentis fratribus simul, ex quibus mul-
 ti etiam Pauli postea tempore vixerūt, vt ipse testatur 1. Cor.
 15. Octauō, Iacobo, qui sese non comessurum esse, nisi viso re-
 diuino Domino, deuouerāt. Nondū iuxta mare Tyberiadis
 piscantibus Apostolis. Decimō, discumbentibus exprobrans
 incredulitatem ipsorum, quod his qui viderant eum resurre-
 xisse à mortuis, non crediderunt. Vñdecimō, in Galilæa in
 monte, vbi & assumptus est. Duodecimō, etiā Paulo tanquā (vt
 ipse ait) abortiuo. Sed vbi huic visus sit non lego, nisi fortē
 quando in tertium vsq; cælum raptus est. Nolo hic recensere
 quod & Ioseph ab Arimathia in carcere apparuerit, in quem
 ille propter sepulchrū iniectus fuerat, vt Nicodemi scriptum
 habet. Matri verō suæ omnium primō apparuisse Ecclesiā piē
 credit, & sedulius canit. Ad hos scripturæ locos Ioannes nos
 remittit, cū Dominum multa alia signa fecisse in conspectu
 discipulorum suorum testatur. Vide ergo an non eiusmodi
 hæc omnia sint, quæ meritō ab omnibus memoriæ cōmenda-
 rentur, ac propterea magna cū vtilitate hodie legātur. Nunc
 autem ad illud accingamur quod postremō posuimus, nempe
 in quem finem hæc facta atq; scripta sint. Vt credatis, quia Ie-
 sus est filius Dei, vt credentes vitam habeatis in nomine eius.
 Scripta sunt ergo propter fidem nostram. Et quæ fides? quod
 Iesus est filius Dei. Et ad quid isthæc credimus? Vt vitam ha-
 beamus in nomine eius. Huc igitur epistola hodierna facit,
 qua Ioannes multa de fide loquens, hoc præcipuē agit, vt vi-
 deamus quid sit credendum, & quā firma hæc fides habeat
 testimonia: denique quā pręstans & potens sit: omnia tamen
 eō spectāt, vt intelligamus dona Dei, qui nos per fidem in do-
 minum

minum Iesum Christum, in filiorum consortium assumere & adoptare sit dignatus. Fides igitur nostra, fundamentum omnium bonorum est, ut credamus quia Iesus est filius Dei. Sed, inquiet aliquis, unde certitudo fidei constat? In memoriam redeant, quæ Euangelium docuit, quod Christus verè resurrexit à mortuis. Sed hoc solius promissi Messie est, qui se propria virtute tertia die à morte resurrecturum esse prædixerat secundum Prophetarum vaticinia. Nec aliud inuentus est, aut inuenietur aliquando, qui propria potentia excitatus à

Rom. 3. morte resurrexerit. Id si parum adhuc videtur, quanquam est maximum, audi quæ testimonia Ioannes adferat. Si, inquit, testimonium hominum accipiamus, testimonium Dei maius est. Vis argumenti in hoc latet, quia Deus verax est, omnis autem homo mendax. Deus nec falli potest, nec fallere, homo potest. Quod Deus loquitur, præstare potest, homo sæpè non

Deut. 19. potest. Sed hominum testimonium accipimus, ut in lege Mo-

Psal. 109. ses loquitur: In ore duorum vel trium stet omne verbum. Ma-

Matt. 3. gnum est hominis David testimonium de me, magnum est, & Ioannis testimonium. Neque tamen mendacij arguitis illorum testimonia. Multò magis ergo testimonium Dei acci-

Num. 23. plendum est: Dei inquam, qui non est sicut homo, ut mentia-

Jo. 3. 8. tur. Et quale est testimonium Dei de Christo? primum ipse

1. Jo. 5. Christus verus Deus atque homo testificatur de seipso, cuius testimonium verum est. Hic est, inquit Ioannes, qui venit per aquam & sanguinem Iesus Christus. Non in aqua solum, sed in aqua & sanguine. In aqua venit, qui Baptismum in ablu- tionem criminum instituit: in sanguine, qui seipsum obrulit patri pro nobis in cruce. Baptizatus innocentiam amissam restituit, mortuus viam cælestis patriæ aperuit. Alij verò sic

Apoc. 17. interpretantur: Hic est qui venit per aquam, quasi dicat, tur- bas populorum ad se vocauit atque congregauit: nempe per aquam populi intelliguntur, ut alibi. Sed non modò per aquam venit, non solum populum ad se allexit: sed & per san- guinem venit: id est, populos quos ad se vocauit & congrega- uit, etiam à morte liberauit. Plus ergo præstitit, quam vel Moses, vel alius quispiam, qui licet per aquam, non tamen per sanguinem venerunt. Ille enim, Moysen dico, ne quidem à

Exod. 12. corporali Aegyptiorum seruitute, nisi per alienum, agni ni- mirum sanguinem, liberare potuit. Alij verò, quotquot vn- quam per aquam venerunt, ne à corporum quidem morte villo

pacto

pacto liberare aut custodire potuerunt. Alij per aquam & sanguinem, duo illa præcipua sacramenta, Baptismum & Eucharistiam intelligunt, quæ sanè Christum Iesum esse manifestè declarant: quorum altero nos à peccatorum sordibus abluit, altero verò seipsum nobis in cibum, & potum obtulit. Alij denique per aquam diuinam illam, ac cælestem doctrinam intelligunt, quam Christus è cælo ad nos attulit. Nec id ineptè. Nam & per se munda, & alios mundat atq; reficit. Tum etiam desuper pluit ad nos. Denique quemadmodum omnia ferè quæ viuunt, ex aqua nascuntur, confirmantur, conseruanturque, ita & nos per spiritus rorem, verbum, inquam, Dei, renascimur atque conseruamur, Iacob teste, qui Deum voluntariè nos genuisse verbo veritatis scribit. Et Christus eodem nos conseruari ex lege docet. Non, inquit, in solo pane viuit homo, sed in omni verbo quod procedit de ore dei. Venit ergo Christus per aquam. Venit autem & per sanguinem, cum semetipsum tradidit pro nobis oblationem, & hostiam Deo in odorem suauitatis. Et hoc modo præstantior est omnibus, qui aliquando per aquam venerunt. Hoc genere argumentationis ipse Christus se probat esse Iesum siue Messiam. Nempe cum se pastorem illum bonū esse dicit, propter eà quod posuerit animā suam pro ouibus suis. Vt quod Ioannes dicit in sanguine venisse Christum, illuc referatur, quod Christus dicit, se animam suam pro ouibus suis posuisse. Sed dicet quis: Christus de seipso testimonium perhibet, de veritate testimoniorū dubito. Ad hoc igitur Ioannes respondet: Et spiritus est, qui testificatur, quoniā Christus est veritas. Christus de seipso testimonium perhibuit, & verum est testimonium Christi, quia spiritus testificatur, quod ipse sit veritas. Spiritum autem hic intelligimus, Spiritum sanctū. Hic enim in specie colūbæ supra Christum in Iordane visus est. Et hoc signo Baptista certior de Christi diuinitate factus est. Vnde ait: Quia vidit spiritū descendentem quasi columbam de cælo, & mansit super eum. Et ego nesciebam eum: sed qui misit me baptizare in aqua, ille mihi dixit: Super quem videris spiritum descendentem & manentem super eum, hic est qui baptizat in Spiritu sancto. Et ego vidi, & testimonium perhibui, quia hic est filius Dei. Potest autem & spiritus ille sanctificationis intelligi, qui suscitauit Iesum à mortuis, secundum quē, vt Paulus loquitur, prædestinatus est filius Dei. Propriè tamen

Iac. 1.

Matt. 4.

Deut. 8.

Ephes. 9.

Ioan. 10.

1. Io. 5.

Mat. 3.

Luca 3.

Ioan. 1.

Rom. 8.

& conuenientissimè per spiritum hunc intelligimus diuinam illam atque arcanam virtutem in Christo, quam ostendit in verbis atque factis omnibus, ita planè, vt à nemine possit impediri, quo minus, quod vellet, efficeret.

- Luce 21.* Quemadmodum & Apostolis dedit os & sapientiam, cui non poterant resistere omnes aduersarij ipsorū. Et Gamaliel testatur, quod ex Deo est, non posse dissolui. Cæterum si adhuc parua hæc est autoritas, plures testes Christus habet in cælo atque in terra.
- 1. Ioan. 5.* Tres sunt, inquit Ioannes, qui testimoniū dant in cælo, pater, verbum, & Spiritus sanctus: Et hi tres vnum sunt. Et tres sunt qui testimoniū dāt in terra: spiritus, aqua, & sanguis, & hi tres vnum sunt. Hoc dicens, ad legem Deuteronomij respicit: In ore duorū aut trium stet omne verbum. Christus non modò duos, aut tres, sed sex habet qui testificētur ipsum esse Iesum: nec in terra solū, sed & in cælo. In cælo testificantur: Pater, verbum, spiritus. Pater, cū ait: Hic est filius meus dilectus, in quo mihi benè complacui, ipsum audite. Et in Ioanne voce cælo elapsa, ait: Et clarificaui, & iterū clarificabo. Verbum, quando seipsum Christus clarificatum ostendit cum Mose & Elia, quādo tot tantāq; miracula fecit. Vnde aduersarios suos
- Ioan. 10.* ad ipsa opera diuinitatē testificantia relegat sæpe. Opera quæ ego facio, inquit, in nomine patris mei, hæc testimoniū perhibent de me. Et si nō facio opera, quæ nemo alius fecit, quæ patris mei sunt, nolite credere mihi. Si autē facio, & si mihi non vultis credere, operibus credite, vt agnoscatis & credatis quia
- Matt. 3.* pater in me est, & ego in patre. Spiritus sanctus verò de Christo
- Matt. 17.* testificatur in Iordane, vt suprā dictum est: deinde in specie nobis lucidissimæ, cū clarificaretur in monte: tertio cū in igneis liguis super Apostolos apparuit, eosque ita inflāmauit, vt palām profiteri non dubitarēt, quia Christus est Iesus, & quod nullum præterea nomen sit sub cælo in quo oporteat nos saluari. Ecce an nō hæc ingentia sint testimonia? Et hi tres vnum sunt, non modò diuinitatis natura, sed etiam in testificationis de Christo cōsonantia. Nam & hoc queritur in testibus, vt testimoniū ipsorum sit consonum. Sed vt in cælo, ita etiam in terra tres habet testes, spiritum, aquā, & sanguinem. Suprà hos eisdem testes deposuerat, hic reperit, vt fides sit firmitior. Et quia hi quoq; tres vnū sunt, non nisi de Christo intelligimus, vt sit spiritus, quē Deo patri in manus suas cōmendauit, aqua & sanguis, quæ simul de corpore eius profufluxerūt,
- Quan

Quamquam & ille sanguis, qui à circumciso & flagellato re-
 celsit: & aqua quæ in cunabulis, & cum videret ciuitatē, & cum *Ioan. 19.*
 suscitaret Lazarū ex fletu lacrymarū promanarunt. Et hi quoque *Ioan. 11.*
 tres vnum sunt, non modò secum, sed & cum superioribus tri-
 bus in cælo. Pater, verbum, spiritus, testificantur quod Chri-
 stus sit Iesus, hoc est, quòd non tantum homo, sed & Deus sit:
 Spiritus verò, aqua & sanguis testificantur, quòd Iesus sit Chri-
 stus, hoc est, quòd non tantum Deus, sed & homo sit. Quibus
 testibus collatis, Christum Iesum verum Deum, verumque
 hominem esse asseritur. Videte ergo firmitatem atque præstan-
 tiam fidei nostræ, quoniam nulla alia fides tot tantisque testi-
 moniis vndequaque roborata est, præter nostram. Nunc audia-
 mus quàm potens hæc fides sit. Id ipsum autem Ioannes quo-
 que docebit. Omne, inquit, quòd natū est ex Deo, vincit mun-
 dum: & hæc est victoria quæ vincit mundum, fides nostra. Ec-
 ce fidei nostræ virtutem. Vincit mundū, inquit Apostolus. Fi-
 des eorum est, qui ex Deo nati sunt, & præstant vt credant se
 esse filios Dei, & possint omnia. Quomodo hoc? inquis. Audi
 quid dicat: Qui credit in filium Dei, habet testimonium Dei
 in se, hoc est, qui credit quòd Christus sit Iesus, iisdem testi-
 moniis quibus Christus declaratus est filius Dei, ipse quo-
 que filium Dei se esse adducitur credere. Pater testificatur de
 eo, cum ait: Eritis mihi in populū, & ego ero vobis in Deum.
 Verbum quoque Christus testificatur. Scit, inquit, pater *Exech. 38*
 vester, quòd his omnibus indigeris. Et placuit patri vestro *Matt. 6.*
 dare vobis regnum. Denique & spiritus testificatur, & quem- *Luca 12.*
 admodum Paulus ait, reddit testimonium spiritui nostro, *Rom. 8.*
 quòd filij Dei sumus, & docet clamare, Abba pater noster *Matt. 6.*
 qui es in cælis. Hoc ipsum quoque tres in terra testificantur:
 Spiritus, quem præsentem, & ad pietatem impellentem sen-
 timus: Aqua, Baptismus, in quo in nomine S. S. Triadis ab-
 luti sumus: & sanguis, sacramentum corporis, & sangui-
 nis Christi, quo conseruamur. His testibus confirmati,
 quòd verè filij Dei sumus, fide omnipotentes quodammodo
 efficiamur: fide inquam, nam merito suæ fidei hoc tribui-
 tur, qui se firmat in eo qui omnipotens est. Huc pertinet ergo
 quòd Christus ait: Credenti omnia possibilia sunt. Et: Por-
 tæ inferi non præualebunt aduersus eam. Et quòd Paulus: *Matt. 17.*
 Omnia possum in eo qui me confortat. Huc etiam quæ ali- *Matt. 16.*
 bi, cum multa de fidei præstantia dixisset, subnectens ait: San- *Phil. 4*
 cti *Heb. 11*

Ati (quorum multos recensuit) per fidem vicerunt regna, operati sunt iustitiam, adepti sunt repromissiones, obtinuerunt ora leonum, extinxerunt impetum ignis, effugarunt aciem gladii, conualuerunt de infirmitate, fortes facti sunt in bello, castra verterunt exterorum, & quæ sequuntur. Fides in omni angustia consolatur & firmat. Perit res, fides ait. Thesaurum habes in celo: premit egestas, fides ait: Scit pater quia his opus habes: persecutio instat, fides ait: Vestrum est regnum celorum.

Matt. 5 Siue viuimus, siue morimur, Domini sumus. Hoc modo non tantum mundum, sed ipsum etiam Diabolum mundi principem vincimus. Vnde Petrus forti fide aduersus Satanam pugnare monet. Et Paulus scutum fidei sumere, in quo possimus omnia tela nequissimi ignea extinguere. Non sine causa igitur eiusmodi cum Euangelium tum Epistola hodie simul leguntur, quæ tanta nobis de fide prædicant. Felix Thomas, cui pro Christi seruatoris dignatione vna hora, adeoque vno momento ex incredulo fieri fidelem datum est. Agite ergo, agnoscamus Dei benignitatem in nos, qui non modo Christum dominum & saluatorem nostrum à morte pro iustificatione nostra suscitauit, verum etiam suscitatum tam multis testibus in celo atque in terra manifestum fieri dedit. Agnoscentes verò gratias agamus, & ut sui spiritus rore crescat, quæ in nobis est fides, oremus. Cui laus & gloria in secula. Amen.

DOMINICA SE-
CVNDA PASCHÆ, MI-
SERICORDIA DOMI-
NI, EVANGELIUM
IOAN. X.

Dixit Iesus: Ego sum pastor bonus. Bonus pastor animam suam dat pro ouibus suis. Mercenarius autem, & qui non est pastor, cuius non sunt oues propriæ, videt lupum venientem, & dimittit oues & fugit, & lupus rapit, & dispergit oues. Mercenarius autem fugit, quia mercenarius est, & non pertinet ad eum de ouibus. Ego sum pastor bonus, & cognosco oues

scio oues meas, & cognoscūt me meæ. Sicut nouit me pater, & ego cognosco patrem, & animam meam pono pro ouibus meis. Et alias oues habeo, quæ nō sunt ex hoc ouili, & illas oportet me adducere, & vocem meam audient, & fiet vnum ouile & vnus pastor.

EADEM DOMINICA

Epistola. 1. Pet. 11.

Christus passus est pro nobis, vobis relinquens exemplum, ut sequamini vestigia eius. Qui peccatum non fecit, nec inuentus est dolus in ore eius. Qui cum malediceretur, non maledicebat: cum pateretur, non comminabatur: tradebat autē iudicanti se iniustē. Qui peccata nostra pertulit in corpore suo super lignū, ut peccatis mortui, iustitiæ viuamus: cuius linore sanati estis. Eratis enim aliquando sicut oues errantes, sed conuersi estis nunc ad pastore & Episcopū animarū vestrarum.

S E R M O.

Cum superioribus diebus multa de Christi resurrectione tractaremus, hoc quoque inter cetera dictum esse meminimus, quod ipsa resurrectio Christi, Christianorū omniū forma sit & exemplū. Et quia hodie non modò Christus, ut Evangelica tradit historia, verumetiā Petrus eiusdem humanæ redemptionis mysterij meminerunt: tēpus atque materia eadē de re hīc quoque loqui nos, alio tamen, sed non diuerso modo, admonent. Neque enim vllū tempus sine resurrectionis memoria rectē transigitur: & tam latē se eius diffundit consideratio, ut omniū temporum meditationi facilē sufficiat. Id quod Paulus inuuit, cum Ephesis spiritum sapiētiæ & reuelationis, & illuminatos oculos cordis precatur: nepe ut possint cognoscere virtutis Dei supereminētē magnitudinem, quam pater operatus est in Christo, suscitans eū à mortuis: & quæ sequuntur. Adhuc igitur dico, mortuus est Christus & resurrexit, non solum (ut præcedentes sermones habēt) propter delicta nostra & iustificationē, & glorificationem, & beatitudinē, nec etiam

Ephes. 1

ut iust

vt iustitiæ viuamus mortui peccatis (quod ante demonstraui-
 mus) verum etiam ac maximè, vt qui in vinea Domini labora-
 re cœpimus, qui aliorum hominum, pro animæ beatitudine
 consequenda, curam gerimus, qui aliquo modo Christo suc-
 cedimus ofîcio, ipsum imitemur exēplo. Habet quidem & a-
 lia hæc Euangelica lectio digna memoratu, vt cū credentes
 in genere balantū humilitatis admonet, naturāque ipsarum
 describens, veri eas pastoris vocem audire atque cognoscere
 docet. Tum etiam quod gentium vocationis meminit, ac deni-
 que vnū ouile vnūque pastor promittitur. Hæc tamen omnia
 ad ea quæ prius diximus referuntur. Nam & homines ouium
 imitentur naturam, vt Gentes ad vnus fidei agnitionem per-
 ducantur: vt denique vnum omnium ouile sit pastoris in primis
 requiritur bonitas. Rursum frustra pastoris desudat industria,
 vbi qui vocem non alienā, sed proprii pastoris audire debebāt,
 obsequi & parēre recusant, sitque omnino vt vocationū ordi-
 bus neglectis, cū illi rectè præesse, hi obsequi renuunt, totius
 sequatur Reipublicæ confusio. Proinde Euangelicæ lectionis
 sequentes seriem, principiō pastoris, deinde & ouilum quan-
 tum eius pro tempore licebit describatur qualitas. Vos inter-
 ea animis adeste æquis: & quæadmodum omnium hîc agitur
 negotium, sic omnium dicentis animo faueat intentio. Nemo
 ipsam Euangelij lectionem propterea vilem existimet, quod
 communibus non exquisitis pro mundi huius scientia verbis
 2. Cor. 1 descripta est, multoque minus contemnat. Placuit enim Deo
 per stulticiam prædicationis saluos facere credentes. Imò ma-
 gis gratias agamus Deo, quod notis ac vulgaribus verbis di-
 uinam voluntatē suam nobis patefacere sit dignatus. Omnes
 autem intelligimus, quid sit pastor, quid mercenarius, quid
 oues, quid lupo, quid denique ouile. Et principiō quod Chri-
 stus se pastorem bonum dicit, examinandum est diligentius.
 Non enim simpliciter dixit: Ego sum pastor bonus, sed: Ego
 sum pastor ille bonus. Id quod articulus Græcus habet *δ*. Quo
 sanè hoc innuitur, qd Christus ipse singularis ille & mortali-
 bus omnibus necessarius, inq: Prophetis promissus sit pastor.
 Pastor enim Latini, à pascendo dicitur. Et Christus propriè
 pascit, & perfectissimo modo, corpus atque animā nutriens,
 quia Deus ipse omnia fouet, homo hominibus promissus est.
 Psal. 125 David enim de illo loquens: ait: Qui dat escam omni carni,
 Psal. 144 Et alibi ad ipsum conuerso sermone: Oculi, inquit, omnium
 in te

in te sperant Domine, & tu das escam illis in tempore oportuno. Aperis tu manum tuam, & imples omne animal benedictione. Et: Dante te illis, colligent: aperiente te manum tuam, omnia implebuntur vbertate. Sic cibavit populum *Exod. 16* Israël in deserto manna & conturnicibus, & aqua de petra fluente potavit. Sic Moſen & Eliam quadraginta diebus sine *Deut. 9* corporali alimento sustentavit. Pascit ac fouet etiamnum, *3. Reg. 19* quando homines, iumenta, malos atque bonos, obediētes, *Matt. 5* contumaces, neminem à naturæ pastu secludit, sed solem facit lucere super bonos & malos, & pluit super iustos & iniustos. Quemadmodum olim Ioseph in Aegypto, fratres suos, *Genes. 45* quos pro meritis pœna afficere potuisset, iniuriarum oblitus, onustos remittit domum, postea etiam fauet ipsis & conseruat. Sed pastoris est non modò pascere, sed & curam gregis gerere, vt securè pascatur: de qua re Iacob ad Laban, loquitur. *Genes. 31* Cum ergo pastorem se Christus promittit, curam & sollicitudinem se nostri gerere dicit. Vnde in Zacharia curam suam *Zach. 2* insinuat, Ego, inquit, ero eis murus ignis in circuitu. Et in Isaia: Nunquid obliuisci mulier potest infantem suum, vt *Isa. 49* non misereatur filio vteri sui? Et si illa oblita fuerit, ego tamen non obliuiscar tui. Ecce in manibus meis descripsi te, muri tui coram oculis meis semper. Hanc etiam David mirificè prædicat. Vt cùm ait: Dominus regit me, & nihil mihi *Psal. 12* deerit, in loco pascuæ, ibi me collocauit: super aquas refectiois educauit me, animam meam conuertit. Et: Dominus *Psal. 26* illuminatio mea, & salus mea, quem timebo? Auxilium *Psal. 120* meum à Domino qui fecit cœlum & terram. Ecce non dormitabit neque dormiet, qui custodit Israël. Dominus sollicitus est mei, non timebo quid faciat mihi homo. Et Christus de patre: Scit pater vester, quid opus sit vobis, antequam petatis eum. Et Petrus: Omnem curam proſicite in eum, quoniam ipsi cura est de vobis. Et hæc de eo dicta sint, quòd corporaliter nos pascit, & curam nostri gerit pastor Christus. Est autem & alio modo pastor, cùm animas nostras se ipso, verbo Evangelij, atque Sacramentis pascit: quod beneficium eò maius est, quo corpore anima præstantior est. Et hac ratione animarum pastor, & Episcopus propriè dicitur. Id quod Petrus testatur cùm Gentes, qui aliquândo sine pastore oues errâtes fuerât, ad pastorem & Episcopum animarum suarum conuersos esse dicit. Quibus verbis Apostolus Christum insinuat, quemad- *1. Pet. 2* modum

- modum ipse quoque omnes ad se inuitat, & venientibus vitam & animarum requiem promittit. Quo sensu pleraque
- Matt. 11* in sexto Ioannis capite intelligenda sunt, ubi in se pane viuifico & caelesti immortalitatis nutrimentum promittit. Hoc nulli alteri competit: solius enim Christi hoc est munificentiae. Fuerunt quidem & alij pastores, & ipsi boni. Bonus pastor erat Abel, qui de primogenitis gregis sui, & de adipibus eorum attulit Deo. Fuit & Iacob pastor bonus, qui viginti annis seruiens Laban, praterquam quod arietes gregis non comedit, etiam omne damnum reddidit, summis vigiliis, atque curis greges paut. Fuit & Moses pastor adeo bonus, ut pastor & dux totius Israelis tamquam gregis à Deo constitueretur: adeo fidelis, ut Pauli eulogio propè solus videatur fidelis seruus fuisse in omni domo Dei. Nec Pauli solum, sed ipsius etiam Dei testimonio, bonae fidei credatur seruus Dei. Fuit & Dauid bonus pastor, & pastor gregis dominici constitutus est, de quo Scriptura loquens ait: Et elegit Dauid seruum suum, & sustulit eum de gregibus ouium, de post foetantes accepit eum. Pascere Iacob seruum suum, & Israël hereditatem suam. Et paut eos innocentia cordis sui, & intellectibus manuum suarum deduxit eos. Fuerunt & Apostoli pastores boni, Petrus enim de se loquens, ait: Non negligam semper commonere vos de his. Iustum autem arbitror quandiu sum in hoc tabernaculo, suscitare vos in commotione: certus quod velox est depositio tabernaculi mei. Et expressius de se atque aliis Paulus testatur: Sic nos existimet homo, ut ministros Christi, & dispensatores mysteriorum Dei. Hic iam queritur inter dispensatores, ut fidelis quis inueniatur. Etiam si decem millia paedagogorum habeatis in Christo, sed non multos patres. Ego vos in Christo Iesu per Euangelium genui. Et alibi: Existimo enim me nihil minus fecisse à magnis Apostolis. Et enumeratis quae perpeffus erat multis, prater illa, inquit, quae intrinsecus sunt, instantia mea, quotidiana sollicitudo omnium Ecclesiarum. Quis infirmatur, & ego non infirmor? Et tanquam nutrix fouens filios suos, ita desiderantes vos, cupide volebamus tradere vobis non solum Euangelium Dei, sed etiam animas nostras.
- Act. 21* Et Caesare: Quid, inquit, facitis flentes & affligentes cor meum? Ego non solum alligari, sed & mori in Hierusalem paratus sum propter nomen Domini Iesu. Sed denique etiam post

post Apostolos, & quidem longo tempore in Ecclesia boni pastores inuenti sunt plurimi: sed ne vnus quidem ita bonus, quemadmodū Christus. Nemo vel pro seipso sufficit, nedum aliis satis rectē præsūt. Christus seipso pascit, & vt alij pascere possint, largitur. Hinc est, quod cum multi alij pastores & piscatores promittuntur, peculiari tamen ratione ipse tanquam pastor pastorum in Prophetis prædicetur atque exopretur. Moses ad dominum precatur, dicens: Prouideat Dominus Deus spirituum omnis carnis hominē, qui sit super multitudinem hanc, & possit exire & intrare ante eos, & educere eos vel introducere, ne sit populus Domini sicut oues absque pastore. Et Michas Propheta, Pasce, inquit, populum tuum Domine in virga tua, gregem hereditatis tuæ, qui solus manet in sylua. In medio carmeli pascentur Basan & Galaad, iuxta dies antiquos. Et Dauid: Erravi, inquit, sicut ouis quæ periit, require seruum tuum. Quibus quasi respondens Dominus, ait: Ecce ego ipse requiram oues meas, & visitabo eas sicut visitat pastor gregem suum, in die quando fuerit in medio ouium suarum dissipatarum. Sic visitabo oues meas, & liberabo eas de omnibus locis in quibus disperse fuerant in die nubis & caliginis. Et educam eas de populis, & congregabo eas de terris, & inducam eas in terram suam, & pascam eas in montibus Israël in riuis & in cunctis sedibus terræ. In pascuis vberimis pascam eas, in montibus excelsis Israël erunt pascua earum. Ibi requiescent in herbis virentibus, & in pascuis pinguibus pascentur super montes Israël. Ego pascam oues meas, & ego eas accubare faciā, dicit Dominus Deus. Ecce promissionem Dei, qui seipsum pastorem venturum esse promittit. An non huic promissioni respondet Christus, cum se illū ipsum promissum pastorem dicit esse? Et quid illa sibi volunt? Principiō vt confirmemus fidem nostram in Christum Iesum vnicum & verum animarum nostrarum pastorem. Illa enim solidum spiritualis structuræ fundamentum est, sine qua cætera omnia vana sunt, cuius vel consequendæ vel firmandæ causa, quicquid Euangelia habēt, traditum est. Multa de fide, & quidem doctore Christo Apostoli audierant, non tamen pro augmento Dominum orare fidei pudit. Domine, inquiunt, adauge nobis fidem Petrus Christum filium Dei viui, non carnis sanguinis, sed cælestis patris reuelatione confessus erat, nihilo minus opus habebat, vt Christus pro ipso patrem rogaret, ne

Num. 27.

Mich. 7.

Psal. 118.

Ezech. 34.

Luc 17.

Matt. 16.

Luc 22.

D fides

- Luc. 18.* fides eius deficeret. Atque in nouissimis temporibus quando iudicium instabit, tam rara in terris fides erit, ut Christus ipse quasi subdubitan- quæsierit: Filius, inquit, hominis veniēs, putas inueniet fidelem in terra? Permultum igitur refert, hanc nostram de Christo pastore confirmare fidem, quæ hoc præstabit, ut peccata deponamus, in morte contraque mortem nosmet confirmemus, & denique inferni horrorem abiciamus. Hanc ob causam isthoc verbum: Ego sum pastor bonus, non modò mox post resurrectionis solennem diem in Ecclesiis sonat, verum etiam ostiduo toto ingeminatis vocibus hominibus inculcatur: Surrexit pastor bonus, qui posuit animam suam pro ouibus suis, & pro grege suo mori dignatus est. Nempe ut cum intelligimus vnum illud quod boni pastoris est, expleuisse eum, scilicet pro ouibus suis animam suam posuisse, cætera quoque de ipso firma fide expectemus: ut quod ait, se suas oues cognoscere, nos curæ esse Deo aded, ut capillos etiam capitis nostri omnes numerauerit, credamus. Quæ res quantum piis mentibus consolationis adferat, vix dici potest. Ut enim ingenti horrore mens humana concutitur, si quando derelictam se à Deo iudicauerit, quemadmodum Iob & ipse Christus testimonio sunt, cum ille ait: Quare faciem tuam ò Deus abscondis? hic verò clamat: Deus Deus meus, ut quid dereliquisti me? Ita plenum gaudium est, ubi nos ad eius cognitionem pertinere non iam vniuersalem, sed singularem illam, qua ut filios pater cognoscit nos, nobis certò persuademus. Vnde David ait: Dominus cognoscit figmentum nostrum. Et Dominus ad Moysen: Noui te ex nomine. Et de Iob loquens, quod similis ei non sit in terra, testatur, sic septem milia virorum cognouit in omni populo, qui non curua
- 3. Reg. 18.* uerunt genua sua ante Baal. Sic David inter reliquos fratres
- 1. Reg. 16.* minimum cognouit. Vnde ait ad dominum David: Domine
- Psal. 138.* probasti me & cognouisti me, tu cognouisti sessionem meam & resurrectionem meam. Sed & hoc de pastore nostro credamus, quod quemadmodum in hoc Euangelio dicit alias se habere oues, sed non ex illo ouili, quas oporteat adducere, iam compleuerit in nobis gentibus. Nec quasi indignos huius fidei consortio nos terreat, quod David ait Deum in Iudæa notum esse, in Israël magnum eius nomen glorificari: & quod ipse ait, se non nisi ad oues quæ perierunt domus Israël esse missum, Nam ad ipsum pastorem pater in Psalmis loqui-

tur. Postula à me, & dabo tibi gentes hereditatem tuam.
 Et in Isaiâ: Dedit e in lucem gentium, vt scis salus mea vsque
 ad extremum terræ. Et ipse Christus ait: Ab ortu solis vsque
 ad occasum magnum esse nomen suum in gentibus, multos-
 que ab occidente & oriente venturos esse, qui cum Abraham,
 Isaac, & Iacob recumbant in regno patris, eic&is filiis regni.
 Quin cum habere se dicit Gentes, quasi alias oues, ipsos quo-
 que in sua se cura habere gentes insinuat, sicut Apostolus in
 genere loquitur. Elegit nos, inquit, in Christo ante mundi
 huius constitutionem, Quod si ergo perpendere possemus,
 quid sit à Deo haberi, imò iam adductos esse in ouile Eccle-
 siæ, qui aliquando sine lege, sine testamento longè aberrau-
 imus in plusquam Cymmeriis tenebris, ipsi tenebræ profecto
 ingens hoc esse Dei beneficium agnosceremus, nostramque
 fidem fortissimè muniremus hoc ipso quòd se illum pastorem
 bonum dixit. Verùm non tantum fides firmanda hoc dicto
 est, sed & exemplum hoc dicentis sequendum est, id quod di-
 cturum me esse initio receperam, & nunc dicam. Christus bo-
 nus pastor ille est, & vt sciremus quia ipse est, quod boni pa-
 storis est fecit, animam suam pro ouibus suis posuit. Idem
 princeps pastorum hoc munus aliis commendauit, qui se abla-
 to ad cælos, vices suas subirent, in iustitia & scientia pasce-
 rent. Neque enim soli Petro, quæ sollicitudo, quis erga oues
 affectus requiratur, ostendit. Omnes misit sicut ipse missus
 erat à patre. Id quod Paulus apertè testatur. Dedit, inquit,
 quosdam Apostolos, quosdã verò prophetas, alios verò Euan-
 gelistas, alios autem pastores, & doctores ad consummatio-
 nem sanctorum in opus ministerij, in ædificationem corporis
 Christi. Vnde & Petrus eos monens, ait: Pascite qui in vobis
 est gregem Dei, prouidentes non coactè, sed spontaneè, secun-
 dum Deum: neque turpis lucri gratia, sed voluntariè: ne-
 que vt dominantes in cleris, sed forma facta gregis ex ani-
 mo: & cum apparuerit princeps pastorum, percipietis immar-
 cessibilem gloriæ coronam. Hanc formam etiam veteris In-
 strumenti ea de re præcepta præscribunt, vt ad Isaiam: Clama,
 ne cesses, quasi tuba exalta vocem tuam, & annuncia populo
 meo scelera eorum, & domui Iacob peccata eorum. Et ad
 Ezechielem: Fili hominis, speculatorem dedi te domui Israël,
 & audies de ore meo verbum, & annunciaris eis ex me: & quæ
 sequuntur. Hinc Paulus necessitatem sibi incumbere euange-

Isa. 49.

Mal. 1.

Matt. 8.

Eph. 1.

Eph. 2.

Ioan. 10.

Eph. 4.

2. Pet. 1.

Isa. 58.

Eze. 3. 33.

1. Cor. 9.

lizandi affirmans: Vx, inquit, mihi est, si non Euangelizauero. De magistratu ciuili alibi dicemus, nam & his necessitas quædam incumbit omnia ad ædificationem mystici corporis Christi referre studia. Hic de Ecclesiasticis agimus. Et quidam mandatum promissio sequitur, non modò corporaliū, sed & spiritalium rerum. Id quod nomina ipsiū indita significant. In Matthæo atque Marco, Sal terræ, lux mundi dicuntur. Et hæc appellatio cū honorifica sit, præstantius tamen aliquid de ipsiū Malachias propheta pronuncians: Sacerdotes, inquit, custodiunt scientiam, & legem ab ore eius requirunt, quia angelus domini exercituum est. Sed omnium præstantissimum Psalmista addit, cum ipsos alloquitur in persona Dei, Ego dixi diuinitatibus & filij excelsi omnes. Et quid hoc titulo præstantius? Sed ne dicas mihi, hæc omnibus credentibus ex æquo conuenire, audi quid præcedat: Stetit Deus in synagoga Deorum, in medio autem Deos diiudicat. Ecce Deorum differentiam, quos ipse Deus secreuit. Denique & Daniel de quodam pastorum priuilegio loquitur: Qui autem docti fuerint, fulgebunt quasi splendor firmamenti, & qui ad iustitiam erudiunt multos, quasi stellæ in perpetuas æternitates. Et hæc quidem de spiritali præmio dicta sint. Quod autem ad corporalia, Paulus ait: Rogamus vos fratres, ut noueritis eos, qui laborant inter vos, & præstant vobis in domino, & monent vos, ut habeatis illos abundantius in charitate propter opus illorum, & pacem habete cum eis. Et ad Timotheum primæ capite quarto scribit, ut qui benè præstant presbyteri, duplici honore digni habeantur, maximè qui laborant in verbo & doctrina. Dicit enim scriptura: Non alligabis os boui trituranti. Et: Dignus est operarius mercede sua. Hic iam conferamus mandatum & mercedem, cum eorum qui hac tempestate præstant Ecclesiastarum negligentia, an non mirum in modum & admirandum & dolendum est, eos nec mandato incitari, nec promissione duci, ut suæ pro officio vocationi respondeant? Bonus pastor animam suam dat pro ouibus suis, Hæc regula est, ut secundum tres animarum potentias, & extrema nostra pro ouibus impendamus, bono pietatis exemplo præcedamus: postremò liberaliter, verbo, sacramentis, etiam animarum periculo ipsiū prouideamus. Qui ergo minora negat, quando præstantiora impendit? Amore dignitatis atque lucri cupiditate omnes sese ingerunt

runt, boni pastoris exemplum sequuturos se promittunt,
 sed nihil præstant. Tot annos de Ecclesiæ matrimonio viuunt
 atque ditescunt, nec tamen miseris modis quassatæ opitulan-
 tur. Tot pereunt oues, nemo miseretur. Quò tandem res
 deueniet? Omnes quærunt quæ sua sunt, non quæ Iesu Chri-
 sti, planèque illa in Ecclesiâ est eorum facies, quæ olim, cum
 spiritussanctus in prophetis conquerebatur de pastorum iniu-
 ria. Speculatores eius (Ecclesiæ) cæci omnes, nescierunt *Isa. 56.*
 vniuersi, canes muti non valentes ad latrandum, videntes va-
 na, dormientes & amantes somnia, & canes impudentissimi
 nescierunt saturitatem. Ipse pastores ignorauerunt intelligen-
 tiam, omnes in viam suam declinauerunt, vnusquisque ad
 auaritiam suam, à summo vsque ad nouissimum. Venite
 sumamus vinum, & impleamur ebrietate, & erit sicut hodie,
 sic & cras, & multo amplius. Et in Ieremia: Sacerdotes non di- *Iere. 2.*
 xerunt: Vbi est Dominus? & tenentes legem nescierunt me,
 & pastores præuaricati sunt in me. Vide Ieremiam ibidem & *Idem 23.*
 alibi. Paruuli petierunt panem, & nemo erat qui frangeret. Et *50. & 25.*
 in Ioële primo, Naum tertio, Ezechielis trigésimo quarto, Za- *Thren. 4.*
 chariz vndecimo capitibus. Talis Ecclesiæ itatus erat illorum
 temporibus, talis erat Christi tēporibus, cum populum aber- *Matt. 9.*
 rantem vidit veluti gregem sine pastore: & messem multam, *Mar. 6.*
 sed operarios paucos. Christus & Apostoli Apostolicique vi-
 ri, vt reducerent sudauerunt, & non omnino frustra labo-
 rauerunt. Cum enim Mileti Paulus Ephesinæ Ecclesiæ se-
 niores conuocaret, ipsisque valediceret, florebat Ecclesiâ.
 Sed quid Paulus ait ad ipsos? Contestor vos hodierna die,
 quia mundus sum à sanguine omnium. Non enim sub-
 terfugi, quo minus annuntiarem omne consilium Dei vo-
 bis. Attendite vobis & vniuerso gregi, in quo vos spiritus- *Act. 20.*
 sanctus posuit Episcopos, regere Ecclesiâ Dei, quam ac-
 quisit sanguine suo. Ego scio quoniam intrabunt post
 discessionem meam lupi rapaces in vos, non parcentes gre-
 gi. Et ex vobis ipsis exurgent viri loquentes peruersa, vt abdu-
 cant discipulos post se. Hæc ille. Nunquid non hæc tempora
 respexisse putatis? Eandem & David calamitatē prævidit, cum *Psal. 76.*
 ait: Vineam de Aegypto transtulisti, eiecisti gentes, & plantasti
 eam. Dux itineris fuisti in conspectu eius, plantasti radices
 eius, & impleuit terram. Et mox: Vt quid destruxisti ma-
 ceriam eius, vt videmiant eam omnes qui prætergrediuntur

- viam? Exterminauit eam aper de sylua, & singularis ferus depastus est eam. Aper & fera syluestris diabolus est, atque omnis illius potestas. Agrestis ferocitas est impura eius audacia. Hanc diaboli naturam, & Christus in hoc Euangelio descripsit: Lupus, inquit, rapit & dispergit. Hæc ferarum natura est, cui se pastor opponere debuit, etiam ad effusionem sanguinis vsque. Sed negligit, non quia ignorat: vidit enim lupum venientem & fugit. Ex pastore factus est mercenarius. Fugit & Christus & Paulus, sed non cum lupus veniret, non vt oues desererent, sed vt diutius illis præesse possent. Mercenarius est, qui tempore pacis oues pascit, sed lucri gratia, tempore belli gregem derelinquit. Non bonus pastor est, imò nec pastor est. Nec tamen omnino malus est, qui nec fur nec latro est. Verùm quia non bonus est, & hic poenam dominos derelinentium incurrit. Et quid hic faciendum ouibus? Nunquid contra iniquos illos debachandum? Cupiunt atque gestiunt hoc quidem, sed non oues. Timendus est lupus, fures & latrones auersandi sunt. Ouina natura derelinquenda non est. orandum est. Quid verò? Audi Dauid formam tibi præscribentem. Deus virtutum conuertere, respice de cælo, & vide, & visita vineam istam, & perlice eam, quam plantauit dextera tua. Et quæ sequuntur. Audi Moſen dicentem: Prouideat Dominus Deus spirituum omnis carnis hominem, qui sit super multitudinem hanc, & possit exire, & intrare ante eos, & educere eos, vel introducere, ne sit populus Domini sicut oues absque pastore. Audi & Christum, & obedi: Messis, inquit, quidem inulta, operarij autem pauci. Rogate ergo Dominum messis, vt mittat operarios in messem suam. Sed nec hoc solum orandum est, vt ipsi quoque in ouium numero simus, precemur. Non enim omnes cognoscit pastor pastorum. Non de omnibus dico, inquit, ego scio quos elegi. Neque enim omnes qui dicunt illi Domine, Domine, intrabunt in regnum cælorum. Deus nouit qui sunt eius. Muli nunc quidem coram hominibus ouina pelle reguntur, sed hoc quoque dies indicabit, quæ sciunget hædos ab ouibus. Proinde quia hæc differentia secernit oues ab hædis, cognoscunt me mea, & vocem meam audiunt, & sequuntur. Hoc laborandum est, vt seposita Iudaica ignorantia, quæ nescit vnde hic pastor sit, si sem nostram de & in Christo pastore verè bono confirmemus, vt eum hic quantum licet cognoscamus, &

ab ipso olim cognoscatur perfectius: hic ipsum confitentes
sequamur, ut & ipse nos in maiestate sua coram patre confi- *1. Cor. 14)*
teatur, qui cum eodem patre & Spiritu sancto uiuit & regnat *Luc. 9.*
Deus in secula. Amen.

DOMINICA TERTIA
PASCHAE IUBILATE,
EVANG. IOANNIS

X V I.

Modicum & iam non videbitis me, & iterum
modicum & videbitis me, quia vado ad patrem.
Dixerunt ergo ex discipulis eius ad inuicem. Quid
est hoc quod dicit nobis, modicum & non videbitis
me, & iterum modicum & videbitis me, quia vado
ad patrem? Dicebant ergo: Quid est hoc, quod dicit
modicum? Nescimus quid loquitur. Cognouit
autem Iesus, quia volebant eum interrogare, & di-
xit eis: De hoc queritis inter vos, quia dixi vobis,
Modicum & non videbitis me, & iterum modicum
& videbitis me. Amen amen dico vobis, quia plo-
rabit & flebitis vos, mundus autem gaudebit. Vos
autem contristabimini, sed tristitia vestra vertetur
in gaudium. Mulier cum parit, tristitiam habet,
quia venit hora eius. Cum autem peperit puerum,
iam non meminit pressuræ, propter gaudium, quia
natus est homo in mundum. Et vos igitur nunc
quidem tristitiam habetis: iterum autem videbo
vos, & gaudebit cor vestrum, & gaudium vestrum
nemo tollet à vobis.

D 4

EAD

Charissimi obsecro vos, tanquam aduenas & peregrinos, abstinere vos à carnalibus desideriis, quæ militant aduersus animam, conuersationem vestram inter Gentes habentes bonam, ut in eo quod detrectant de vobis tanquam de malefactoribus, ex bonis operibus vos considerantes, glorificent Deum in die visitationis. Subiecti igitur estote omni humanae creaturae propter Deum: siue regi quasi præcellentibus: siue ducibus, tanquam ab eo missis ad vindictam malefactorum, laudem verò bonorum: Quia sic est voluntas Dei, ut beneficientes obmutescere faciatis imprudentium hominum ignorantiam. Quasi liberi, & non quasi velamen habentes malitia libertatem, sed sicut serui Dei. Omnes honorate, fraternitatem diligite, Deum timete, Regem honorificate. Serui subditi estote in omni timore dominis, non tantum bonis, sed etiam discolis.

S E R M O.



Si quis nescit quæ patrum fuerit in Ecclesiasticis rebus diligentia, huc oculos mentemque conuertat, & intelliget. Ita enim hoc Euangelium cum Epistolæ lectione in hoc tempus ordinata sunt, ut rectius nequeant. Nam cum in ipsa resurrectionis solennitate Christus uti fortis atque vnicus mortis infernique triumphator progreditur: proximè sequenti dominica die fructus ipsius resurrectionis, ut sunt gaudium, pax, Spiritus sanctus, peccatorum remissio, recensentur: tertio deinde sermone cum pastoribus tum omnibus credentibus exemplum proponitur: quid superest, nisi ut hic discamus quæ spe præsentis vitæ tribulatio deuoranda sit cum Christo? Atque hæc Euangelica lectio, illa tam conuenienti ordine tradit, ut nulla alia. Consolatur enim Christus in ea suos variè efficaciterque, ita ut si quis vim atque ordinem verborum ho-
rum

rum iusta consideratione in animum reposuerit, quiduis aduersitatis facile sit deuoraturus. Proinde patres sequētes, eam exhibeamus in meditandis his rebus diligentiam, qua illi in ipsius disponendis. Principio ergo cum & fortis & infallibilis hæc est Christi Iesu consolatio, videamus quibus hominibus conueniat his Christi verbis consolari. Recte autem & soli hic consolationem aduersitatum suarum petunt, qui nullū aliud in hoc mundo refugium norunt, præter Christum abiecti in mundo, contēpti, omnibus inuisi, etiam à Deo, impiorum iudicio, proiecti, quales erant Apostoli, cum hæc ad eos loqueretur Christus. Hi enim in mūdo quod proprii habuerant, propter Christum abiecerant, Christum nudum nudi sequebantur. Ecce inquit, nos reliquimus omnia, & sequuti sumus te. *Matt. 19.* Consolatur & credentes omnes, qui ipsum imitātur. Non est capax cōsolationis huius mundus, quia non tristatur propter Christū: imò gaudet & lætatur, sicut Dominus loquitur. Magna ergo differentia est inter discipulos Christi, & mundum. Quemadmodum trīstari, & plorare non est quod gaudere & ridere. Vnde necessariò hic altero oculo in Christi cōsolationem, altero in nos ipsos respicimus, an eorū ē numero simus, quibus hæc verba conueniant. Nam ut iniquē sibi hæc verba usurpat mundus, & qui propter impietatem vitiāq; torquentur, ita infelicitissimē quidā id genus cōsolationū sine delectu quibuscūq; publicē atque priuatim promittunt: videas enim (ut hæc sunt iniquissima tēpora) quosdam nihil agere præter consolari, omniāq; sperata promittere. Atqui hoc nō est Euangelium totum prædicare, hoc non est edificare, non est Christo veniēti perfectos Christianos formare, vel ipsis etiam testibus, qui ante paucos annos dum lasciniens ætas tulit, id solum sequuti sunt, nunc verò nobiscū secūs sentiunt. Audi quid in Isaia loquatur Dominus: Popule meus, inquit, qui te beatū *Isa. 3.* dicunt, ipsi te decipiunt, & viam gressuum tuorum dissipant. Stat ad iudicandum Dominus, & stat ad iudicandos populos. Et de iniquis prædicatoribus loquens: Curabant, inquit, contritionem filiarum populi mei ad lænitatem, dicentes: Pax pax, & non erat pax. Christus verò, & qui cum in veritate diligunt, quibus sua aliorūq; salus cura est, rectius prædicant Euangelium, cum totum proponētes fidelibus, quod rei est, maiori cum fructu salutem operatur auditorum. Taceo hic quod qui trīstes non sunt, & qui non flent, consolationis diuinę participes

- ricipes esse non possint. Verùm, hoc dico, quòd ea sacræ scri-
pturæ cõsuetudo est, ea ipsius Dei natura est, quæ & probatifi-
simorum medicorũ est, qui prius pericula, deinde sanãdi mo-
dum indicant. Atq; ita nobis conuenit, dũq; alij sibi magi-
stros coaceruant prurientes auribus, & auditũ à veritate auer-
tunt, vt consutis sub utroq; cubito puluillis benè quiescãt: no-
bis meliora erunt vulnera diligẽtis, quàm fraudulenta oscula
odientis. Ad ipsos tamẽ qui consolantur eos, qui nec tristatut
nec fiẽt, cum Salomone loquor: Noli Regibus ò Lamuel, hoc
est, qui tibi proximus videris esse Deo, noli Regibus dare vi-
num, ne fortè bibãt, & obliuiscãtur iudiciorũ, & mutent cau-
sam filiorũ pauperis. Date siceram mœrentibus, & vinum his
qui amaro sunt animo. Bibãt & obliuiscãtur egestatis suæ, &
doloris sui non recordentur amplius. His verbis quid sibi Sa-
piens velit, cogitent, & cõsolationis vinũ, quòd propriè mœ-
rentibus debetur, iis qui bellè sibi quasi reges placẽt, non por-
rigant humilibus, tritibus, & quibus præterea cõsolutio nul-
la superest. Sic Christus discipulos, sed tristes, hac parabola so-
latur: præmisit enim: Flebitis & plorabitis. deinde subdit: Tri-
stitia vestra vertetur in gaudiũ. Mortificat & viuificat, deducit
ad inferos & reducit: nempe non possunt nisi mortificati,
uiuificari: nec reduces fieri, nisi deducti. Huc pertinet quod in
Isaia loquitur: Ad quem respiciã, nisi ad paruulũ & con-
tritiũ spiritu, & trementẽ sermones meos: Et quod Dauid: Pro-
pe est dominus his qui tribulato sunt corde, & humiles spĩrĩ-
tu saluabit. Et dominus rursus in Zacharia: & conuertã ma-
num meam ad paruulos, & vram eos sicut vritur argẽtum, &
probabo eos sicut probatur aurũ, & dicã: Populus meus es: &
ipse dicet: Dominus Deus meus. Ecce hic Deo cõsolandi mo-
dus est. Mũdus contrã si quos videtur cõsolari, quæ nouit ma-
la futura, tacet ne molestè accipiãt, quos exhilarare cupit. Sed
exitus acta probat. Sepè extrema luctus occupat, quorum ini-
tia plena fuerũt gaudij. Tũc passim clamarur: Non putaram,
ne sperare quidẽ potui. Tũc demũ lusus se à mundi cõsolatio-
nibus intelligunt: sed serò sapiunt Phryges. Neq; verò hic de
iis loquor, qui volunt fallere, sed quos nolentes ipsos fallit
opinio. Christus ergo rectè consolatur, qui cùm læta denun-
ciat, aduersa futura præmittit. Non ea ipsius natura est, vt
velit mœrorem inducere: sed cùm ea, quæ nos manent mala
prædicat, alienum à se opus facit, suũ vt deinde opus in nobis
comp

compleat. Optat quidem nos ipsos illa praevidere, & quantum
 licet constanti mente mitigare: sed cum nos id non possumus,
 ipse quod potest facit. Nemo ergo, cum audit Christum futu-
 ra mala, & hinc natos ploratus & fletus praedicere, quasi in no-
 stris malis exulter, auerferetur: nemo aduersus immerito aut
 etiam non plane sine merito pressus, quasi à Deo abiectus, de-
 speret. Oportet sic fieri. Oportuit Christum pati, oportet &
 Christianos omnes pati. Vis scire quia ita est? audi Aposto-
 lum dicentem: Omnes qui pie volunt viuere in Christo Iesu,
 persecutionem patientur. Vis ergo non cum mundo, in mun-
 do pie in Christo viuere, vis capitis illius membrum esse, vis
 à Christo Christianus non ficto nomine dici? quod in ipso ca-
 pite, quod in magnis illis & multis membris vides, tu quo-
 que expecta, suscipe, perfer. Non leue malum, nec vnum, sed
 multa & ingentia te expectant, intus, foris, in anima, in cor-
 pore, in bonis. Id quod Christus voluit, cum tria illa copula-
 uit: Vos contristabimini, plorabitis, & flebitis: vt tristitiam
 ad animam, ploratum ad corpus, fletum referas ad externa.
 Quanquam & alia quaedam eius farinae praedicat, quae supe-
 riora tria illa augent, vt quod dicit: Non videbitis me, vado
 ad patrem, mundus gaudebit. Sed haec eò referuntur, vt & ti-
 morem & tristitiam intelligamus predictam. Quicquid enim
 pios hic premit, aut timoris aut tristitiae est causa. Mox enim
 vbi aduersa sibi imminere intelligunt pii, quae voluntari suae
 contraria sunt, abhorrent ac timeant, quae declinare non pos-
 sunt, tristantur praesentibus malis & eorum cognitione. Ma-
 la enim si non cognoscantur, tristitiam nullam generant. Ti-
 mor semper tristitiam habet, imò haec illius effectus est, &
 non econuerso. Et quidem quod ad timorem piorum attinet,
 vt Apostoli, ita timemus omnes. Habebant illi secum Domi-
 num Iesum, & in ipso omnia. Hunc auferri à se, sine quo bene
 viuere non poterant, timebant. Nos eundem in nobis spiri-
 tuali quodam modo habemus. Habemus autem thesaurum
 istum in vasis fictilibus, atque in via glabra portamus: tum
 quòd Christus ipse ab ingratis recedat, quòd hominis à Chri-
 sto relictì nouissima peiora fiant prioribus, quòd non nisi ve-
 hementibus suspiriis atque lacrymis amissa semel recupere-
 tur gratia, nouimus. Id quod in Dauid videre est. Vnde me-
 rito semper timemus. Quod & Paulus docet, cum fide stan-
 tes, ne altum sapiant, sed magis timeant, monet. Et Petrus:

Luce 24

1. Tim. 5

Timmer pio

rum.

2. Cor. 4

Matth. 13

Psal. 50

Rom. 11

1. Petr. 1

Si, in

- Si, inquit, patrem inuocatis eum qui sine acceptione personarum iudicat secundum vniuscuiusque opus, in timore incolatus vestri tempore conuersamini. Et iterum: Qui stat, inquit, videat ne cadat. Et Salomon beatum dicit hominem, qui semper est pauidus. Timori autem ex multis aduersitatibus contrita coniuncta est tristitia. Et quidem quod ad Apostolos attinet, tristati sunt propter absentiam Domini, sed tantum triduo: tristati sunt postea in officio propter aduersa presentia. Id quod demonstratione non eget. Apertè Christus ait: Ecce ego mitto vos, sicut agnos in medio luporum.
- 2. Cor. 12* Et: Venit hora, vt omnis qui interficit vos, arbitretur obsequium se prestare Deo. Id quod Dauid olim prædixerat, cum *Psalm. 125* ait: Euntes ibant & flebant mittentes semina sua. Et acta *Act. 4* Apostolorum completa esse testantur. Quorum initium fuit tum, quando resurrectionem ex mortuis annunciantes, Iudæorum Magistratus, apprehensos in carcerem posuerunt.
- 1. Cor. 4.* Quare & Paulus ait: Puto quod Deus Apostolos nouissimos ostendit morti destinatos: quia spectaculum facti sumus mundo & Angelis & hominibus. Nos stulti propter Christum, vos autem prudentes in Christo. Nos infirmi, vos autem fortes. Vos nobiles, nos autem ignobiles: vsque in hanc horam & esurimus & sitimus, & nudi sumus, & colaphis cedimur, & instabiles sumus, & laboramus operantes manibus nostris. Maledicimur, & benedicimus: persecutionem patimur, & sustinemus: blasphemamur, & obsecramus: tanquam purgamenta huius mundi facti sumus, omnium peripsēma vsque adhuc. Et: Propter te mortificamur tota die o Deus, æstimati sumus sicut oues occisionis. Sed nec Apostolis solum hæc dicta sunt, nec ipsi soli his malis pressi. Omnes pii persecutionem passi sunt, patiuntur & modò, eritque hæc conditio communis omnibus vsque ad eum diem, quo apparebit is, qui secernit inter oues & hædos. Interea dum in mundo sunt *Matt. 10* pii, imò quia in mundo sunt, tristantur. Quia enim in medio *Hebr. 10* luporum hic sunt, rapinam bonorum suorum ferre coguntur, Vt quondam in Aegypto Israël. Quia, vt Ezechiel, hic *Ezech. 2* in medio scorpionum habitant, opprobria maledictaque, vt *1. Reg. 22* olim Dauid ab impio Doech, perferunt. Quia in medio hostium sunt, ignea nequissimi Diaboli tela suscipiunt. Quia *Ephes. 6* undique spinis septi sunt, tribulationes & punctiones angustiasque cordis sentiunt. Quia in regno Diaboli versantur, *1. Cor. 12*

Dei sui Optimi Maximi blasphemias, atque peccata videre atque audire cum summo animorum dolore coguntur. Quia in Babylone, in confessione, in exilio sunt, canticum Domini in terra aliena cantare non possunt. Vt David, cum quaeritur: Hei mihi, quia incolatus meus prolongatus est, *Psal. 139* habitavi cum habitantibus Cedar. Et Tobias: Quale gaudium mihi erit, inquit, qui in tenebris sedeo, & lumen caeli non video? Et Paulus: In hoc, inquit, ingemiscimus, habitationem nostram quæ de cælo est superindui cupientes: si tamen vestiti, & non nudi inueniamur. Nam & qui sumus in hoc tabernaculo, ingemiscimus grauati. Et: Scimus quod omnis creatura ingemiscit & parturit usque adhuc. Expectatio creaturæ reuelationem filiorum Dei expectat. *Rem. 8* Nec minima tristitia est, suspendi diutius promissa Dei. Nam cum huc omnia nostra spectent, ut cum Christo beatè viuamus, quo longius desiderata vita suspenditur, eo magis tristitia nostra augetur. Vnde David, Sicut ceruus desiderat ad fontes aquarum, ita desiderat anima mea ad te Deus. Et iterum: Quis dabit mihi pennas sicut columbæ, & volabo, & requiescam? Et Paulus: Cupio dissolui, & esse cum Christo. *Psal. 48* Et hæc omnia cum vehementer contristent, hoc magis premit, quod circumstat, & in nobis est peccatum. In nobis est, quod à nobis procedit: circumstat nos, quod in aliis nostris fratribus videmus. Vtriusque causa contristamur. De proprio & quod in nobis est David testatur: Peccatum meum contra me est semper. *Psal. 59* Turbatus est à furore oculus meus. *Psal. 6* Laboravi in gemitu meo. Lauabo per singulas noctes lectum meum, lacrymis meis stratum meum rigabo. Laboravi clamans, rauræ factæ sunt fauces meæ. De alieno & quod nos circumstat, Paulus loquitur: Tristitia mihi magna est, & continuus dolor cordi meo. Optabam enim ego ipse anathema esse à Christo pro fratribus meis. Et iterum: Multi ambulant, quot sæpè dicebam vobis (nunc autem & flens dico) inimicos crucis Christi, quorum finis interitus est. *Rom. 9* Ecce quot & quas tristitiarum causas in hoc mundo pij sustinent, cum vndique malis sint septi innumeris. Neque tamen adhuc nulla alia & quidem vrgens tristitiarum causa superest. Superest profectò. Nam quas hucusque posuimus, omnes sub eo comprehenduntur, quod ait Christus. Non videbitis me. *Phil. 3* Et verè magnæ sunt causæ tristitiarum, si in his omnibus se Christus

Christus, quasi nolite respicere, se à nobis abscondat, quemadmodum nihil sunt, ubi Christus sese nobiscum esse ostendit. Nobiscum ille semper est nosque respicit: sed sæpe non ostendit se nobiscum esse, sæpe nos ipsum non videmus. Sic Iob queritur:

Iob 13 Cur faciem tuam abscondis, & arbitraris me inimicum tuum? Et David petit, ut Deus respiciat in se, & misereatur sui. Non quia præsto Deus non sit, sed quod se, uti dictum est, presentem non ostendit. Adhuc igitur alia causa tristitiæ restat, & ipsa gravis. Quæ illa? Mundus gaudebit. Magnam, inquam, piis mentibus tristitiam adfert mundi gaudium. Ut enim aduersa non nihil mitigantur, si quis cõdolet patienti, ira augentur, si quis propterea exultet. Grauis illa tentatio est. Nam si humanam sequutus fueris hac in re rationem, Deum impiis fauere, pijs verò aduersari iudicabis, id quod fidei nostræ repugnat. Pro-

Abac. 7 preterea pij hæc Dei iudicia semper vehementissimè admirari sunt. Abacuc ad dominum loquens, queritur hac de re. Usquequo domine clamabo, & non exaudies? Quare respicis cõtem-

Iere. 12 ptores, & taces conculcante impio iustiores se? Et Ieremias: Iustus, inquit, tu quidem es domine, si disputem tecum, veruntamen iusta loquar ad te. Quare via impiorum prosperatur?

Psal. 78 Bene est omnibus, qui præuaricantur & iniquè agunt. Et David: Pedes mei, inquit, penè moti sunt, penè effusi sunt gressus mei. Quia zelavi super iniquos, pacem peccatorum videns. Sed quod vanè & inutiliter cogitationes suas in hoc consumpserin, diem propheta testatur. Existimabam me posse cognoscere, sed labor est ante me. Et: Ut iumentum factus sum apud te. In tantis igitur & tam multis tristitiæ causis positi (neque enim si piè hic viuere volumus, tristitia caremus, ad Christi consolationes respiciamus. Illæ enim tam certæ, tamque validæ sunt, ut nulla aduersitas tam acerbum vulnus dare possit, cui pro sua præstantia mederi non queant. Idem enim David

Psal. 93 cùm multa de impiorum in pios sæuitia dixisset, tandem sub-

2. Cor. 1 iungit, dicens: Secundum multitudinem dolorum meorum

Psal. 22 in corde meo, consolationes tuæ lætificauerunt animam meam. Et: Parasti in conspectu meo mensam aduersus omnes qui tribulant me. Hinc Paulus exclamans, ait: Bene-

2. Cor. 1 dictus Deus & pater domini nostri Iesu Christi, pater misericordiarum, & Deus totius consolationis, qui consolatur nos in omni tribulatione nostra, ut possimus & ipsi consolari eos qui in omni pressura sunt. Cùm igitur Christus

ait

ait: Iterum videbo vos, & gaudebit cor vestrum, & gaudium vestrum nemo tollet à vobis. Hæc dicit, quod ipse ad nos redeuntis aspectus totum illud semel sit à nobis discussurus tristitiae quicquid hic mundus antè per longum tempus intulerit, quemadmodum ipso abeunte & faciem suam à nobis auertente, omnis lerna malorum esset inuasura nos. Auertisti faciem tuam à me, & factus sum conturbatus. Et contrà: Audiuit Dominus, & misertus est mei: Dominus factus est mihi adiutor. Conuertisti planctum meum in gaudium mihi, conscidisti saccum meum & circumdedisti me lætitia. Consolabitur ergo Dominus ipse Sion, & consolabitur omnes ruinas eius. Quis tu vt timeas ab homine mortali, & à filio hominis, qui quasi scænum ita arescet? & oblitus es Domini factoris tui? Si enim nobiscum Deus, vtique pro nobis est: quis ergo contra nos? Iterum videbo vos, & gaudebit cor vestrum. Vis scire quia ita factum sit? Audi quid Ioannes dicat, Gausi sunt discipuli viso Domino. Inuenimus autem eos & post ascensionem Domini, cum iam Spiritus sanctus venisset in eos, fuisse gausos. Ibant gaudentes (Apostoli) à conspectu concilij: quoniam digni habiti sunt pro nomine Iesu contumeliam pati. Et Iacob. Omne gaudium existimate fratres mei, eum in varias tentationes incideritis. Et hæc prima consolatio, quod iterum nos scit visurus Christus. Secunda consolatio est, quod tristitia nostra in hoc mundo brevis admodum sit, quemadmodum & mundi gaudium breue est. Hinc Christus ait: Modicum & non videbitis me. Modicum autem intelligimus variè. Nunc enim triduum nobis significat. De quo in Osee Prophetâ scriptum est: Vinificabit nos post duos dies, in die tertia suscitabit nos, & viuemus in conspectu eius. Nunc totum huius vitæ tempus intelligitur. Quemadmodum hoc tempus æternitati collatum, quasi vna dies, vna hora videtur. Hinc calix dicitur, quod quemadmodum calix seu potio vni co haustu, & quàm velocissimè absorbetur, ita omnis huius vitæ acerbitas quasi momentanea perit. Sicut ipse Christus suæ mortis acerbicatem calicem dixit, & horam. Calix quidem qui in manu domini est, quo vnicuique secundum suam voluntatem infundit, alteri plus, alteri minus. Hora verò dicitur, quod tempus sic nulli pio euicabile. Hinc in Apocalypsi legimus; Væ terræ & mari; quia descendit Diabolus ad vos habens

Psal. 129

Isa. 51.

Rom. 8

Ioan. 20

Act. 5

Iacob. 6

Ioan. 16.

Osee. 6

Ioan. 13

Psal. 74

Apoec. 12

- habens iram magnam, sciens quod modicum tempus habet. Et ipse Dominus ait: Ecce ego venio citò, & merces mea mecum est, reddere unicuique secundum opera sua. Vnde animabus interfectorum dicitur: vt requiescant adhuc modicum tempus, donec compleantur conferui eorum, & fratres eorum, qui interficiendi sunt, sicut & illi. Et Paulus, Adhuc, inquit, modicum & aliquantulum, qui venturus est veniet, & non tardabit. Vnde Petrus in nouissimo tempore exultandum esse iis, qui hic modicum in variis tentationibus contristantur, ait. Non quia modico siue exiguo tempore durent huius temporis aduersa, sed etiam quia ipsorum acerbitas modica sit, si conferatur ad futuram gloriam.
- 1. Pet. 5* Sicut idem Apostolus eiusdem epistolæ sine dicit: Deus, inquit, omnis gratiæ, qui vocauit nos in æternam suam gloriam, in Christo Iesu, modicum passos, ipse perficiet, confirmabit, solidabitque. Et Paulus: Existimo, inquit, quod non sunt condignæ pæsiones huius temporis ad futuram gloriam, quæ reuelabitur in nobis. Et quis igitur modicum illud acerbitaris, quod ad horam imò momento vno contristat, non libenter deuorabit, sciens quod loqueretur in nobis indicibiles vitæ æternæ fructus? Adhuc fortior ea restat consolatio, quod dicit: Vado ad patrem. Vult enim hoc dicto ostendere, quod in sese nostram naturam ad celestem gloriam euehens, diuinitatis honore glorificet, perque pæsionem suam nos faciat Deos. Quemadmodum Iacob quondam propterea nomen Israël, hoc est, potens Dei, siue potens cum Deo, inditum fuit, quod ab incepto itinere iustitiæ, licet lassus, non deuiasset, etiam cum Angelo lucta contendisset. Monuit autem vt quemadmodum ipse omnia aduersa hic tolerauisset pro consequenda gloria sua, ita & nos omnia fidei vi (cui
- 2. Cor. 5* omnia possibilia sunt) illo ipso fine vincamus, nihil in hoc mundo quæramus consolationis, nullius deliciis afficiamur, scientes dum in hoc corpore viuimus, peregrinari nos à Domino, quod simus aduenæ & peregrini in hoc Sathanæ regno, His autem consolationum generibus erectos, quis timor poterit deicere? Videbit ille nos iterum, & gaudebit cor nostrum. Sicut in Isaia prædictum legimus. Gaudium illud nostrum nemo tollet à nobis, quia sempiternum erit. Tum hæc tristitia brevis est, sequens nos tanquam umbra, sed exiguo tempore manens. Non ergo
- turac

turbetur cor vestrum, neque formidet. Confidamus potius in eo qui vicit mundum, & in se vno victoriam promisit & requiem. Quod si nondum vetus ille homo noster acquiescere vult, quid sumus, qui contra Dei iudicia & prædestinationem velitamus? An satis non est scire, quia sic oportet fieri, & quia Christo non est dignus, qui ipsum mortis vitæque genere non sequitur? Et ita placuisse Deo, ut qui volunt consortes esse glorificationis Christi, hic sint quoque passionum socii? *Rom. 8*
 Mutet Dei iudicia qui potest. At quia nemo mutare potest, ipsis *Ioan. 11*
 pareamus omnes, ac subditi, ipsius qui nutu regit omnia, custoditque suos, voluntas ut fiat, precemur. Hæc Evangelij huius summa, quam necessario & sequenti parabola exposuit lucidius, & omnibus magis magisque commendatam esse voluit. Neque enim cuique sacrarum scripturarum facile *Sap. 9*
 patent arcana, quod sæpe corpus corruptioni obnoxium aggrauat animam multa cogitantem, nec raro etiam pro affectibus suis, non qui sensus est scripturæ, sed quæ suæ intentionis est, opinionem inde confirmare nituntur homines. Vnde pij semper sancti exoptauere præsentiam spiritus, ut qui autor est sacrarum literarum, idem sit & interpret earundem. David enim ait, Da mihi intellectum, & scrutabor legem *Psal. 118*
 tuam, & custodiam illam in toto corde meo. Deduc me in semitam mandatorum tuorum, quia ipsam volui. Inclina cor meum in testimonia tua. Vias tuas demonstra mihi, & semitas tuas edoce me. Et Salomon. Da mihi Domine sedium tuarum assistricem sapientiam. Mitte illam de cælis sanctis tuis, *Psal. 24*
 & à sede magnitudinis tuæ, ut mecum sit, & mecum laboret, *Sup. 9*
 ut sciam quid acceptum sit apud te Domine. Difficile enim æstimamus, quæ in terra sunt, & quæ in conspectu sunt inuenimus cum labore. Quæ in cælis sunt autem, quis inuestigabit? Sensum tuum quis sciet, nisi tu dederis sapientiam, & mi- *Luc. 11*
 seris Spiritum sanctum tuum de altissimis? Sic enim orantibus & credentibus promissionis veritatem non negat, sed respondet, Intellectum tibi dabo, & instruam te in via hac, qua gradieris. firmabo super te oculos meos. Ut ergo omnes intel- *Psal. 31*
 ligamus hanc consolationem, ut quia omnibus opus est, re notissima explicuit. Mulier, inquit, cum parit, tristitiam habet, *Ioan. 16*
 quia venit hora eius. Cum autem peperit puerum, iam non meminit pressuræ, propter gaudium, quia natus est homo in mundum. Piorum congregationem, Ecclesiam dico, similitu- *Mulier*
 E dinem

pregnans dinem habere in scripturis mulieris, & quidem pręgnantis,
Ecclesia. rarum non est, vt in Regum libris, in Isaia, 6. 26. & 37. in Iere-
 4. Reg. 19 mia, 6. in Michæa, 6. capitibus. Nam sæpè aliàs Ecclesia mulie-
 ri, vt Ephes. 5. 2. Cor. 11. Osæ 2. & alibi 6. hic verò & parienti
 comparatur, nec absurda similitudo est. Mox enim vbi conce-
 pisse se mulier intelligit, gaudet, & spe nascendæ sobolis, flo-
 ret. Sed quia vidit alias sæpè fœminas in ipso partu doloribus
 victas succumbere, sæpè etiam monstra, aut membro aliquo
 viciatos edere fœtus, & sibi & concepto embryoni timet. Om-
 nes tamen dolores etiam morti proxima, licet tristetur, con-
 stanter perfert, timorémq; ipsa sibi mitigat, quòd hanc præ-
 gnantibus omnibus communem pariendi rationem esse no-
 uit, deinde quòd breuis sit dolor futurus, tertio quòd subse-
 quutur sit gaudium, imò quòd finis doloris initium sit gau-
 dij. Optat quidem sine dolore parere, scit tamen fieri non pos-
 se, propterea etiam vi ac animositate quadam quòd declinare
 non potest, perumpit. Ita & nos. Mox enim vbi verbū (quod
 est semen atq; Euangelium, amplectimur) per fidem concipi-
 mus Spiritum sanctum, cuius statim fructus, id est, vitæ æter-
 næ spe exultamus. Vt Paulus ait, Gloriamur in spe gloriæ fi-
 liorū Dei. Et, Omnis creatura ingemiscit & parturit adhuc.
 Et, Expectamus saluatorem Dominum nostrum Iesum Chri-
 stum, qui reformabit corpus humilitatis nostræ configuratū
 corpori claritatis suæ. Et, Expectamus beatam spem & aduē-
 tum gloriæ magni Dei. Et, Vita nostra abscondita est cū Chri-
 sto in Deo, cum autem Christus apparuerit vita nostra, tunc
 & vos apparebitis in gloria. Et Ioannes, Nunc, inquit, filij Dei
 sumus, & nondum apparuit quid erimus. Sed pręgnantes li-
 cet spem habeamus, tamen quia tempus cōstitutum expectā-
 dum est, multus metus magnaq; nos tristitia sollicitat. Vide-
 mus enim & alios Euangelium audire, sed recidere eosdem,
 videmus eos verbi semen concipere quidem, sed non conser-
 uare, auspicia quidem bona habere, sed deficere, vt in Saul,
 Israëlitis. Iuda, atq; aliis videre est, propterea nostram imbe-
 cillitatem non ignorantes, timemus, neq; enim nobis ipsis cō-
 fidere audemus, quòd stabiles nec ne simus perseueraturi, ne-
 scimus. Huc pertinet quod suprà diximus, Beatus qui semper
 est pauidus. Qui se existimat stare, videat ne cadat. Fide stas,
 noli altum sapere. sed time. Si enim Deus naturalibus ramis
 non pepercit, ne fortè nec tibi parcat, Et Christus, Videbam
 Satanam

Gala. 5

Rom. 8

Phil. 3

Tit. 2

Col. 3

1. Ioan. 3

Prou. 18

1. Cor. 10

Rom. 11

Luc. 10

Satanam sicut fulgur de caelo cadentem. Propterea nolite in hoc gaudere, quia spiritus vobis subiiciuntur. Sed non modo metu premimur verum etiam tristitia, quod propter concepti verbi sortum multa nos dolore afficiant. Id vniuersi nominis demonstret suis verbis Apostolus Paulus, *Supra modum* *1. Cor. 1* grauati sumus *supraque* *1. Cor. 1* virtutem, ita ut caderet nos etiam *1. Cor. 1* viuere. Et in veteri testamento Ieremias. Tribulatio, inquit, *1. Cor. 1* apprehendit nos, dolores ut parturientem Cupimus quidem *1. Cor. 1* eniti sine dolore, sed scimus quia qui amat animam suam hoc *1. Cor. 1* in mundo, perdet eam: contra vero, qui odit eam in hoc mundo, in vitam aeternam custodiet eam. Et quod Christus ait, Qui *Mat. 16* vult venire post me, abneget semetipsum, & tollat crucem suam, & sequatur me. Propterea inter spem & merum herentes necesse est ut nos ipsos consolemur eo modo, quo se consolantur *Mat. 16* praegnantibus. Primum haec vnica via est ad speratum gaudium, *Mat. 16* Crucis semita. Deinde omnes qui vnquam Deo placuerunt, *Mat. 16* eadem via eo perueniunt. Tertio, quod exigui temporis & *Mat. 16* modica haec est omnibus tribulatio. Quarto, quod perstantibus certa maneat deuotatis doloribus, letitia. Tum licebit *Mat. 16* dicere, Transiimus per ignem & aquam, & eduxisti nos in *Mat. 16* refrigerium. Lati sumus pro diebus quibus nos humiliasti, *Mat. 16* annis, quibus vidimus mala. Venite & reuertamur ad Dominum, quia ipse cepit & sanabit nos, percutiet, & sanabit nos. *Mat. 16* Viuificabit nos post duos dies, in die tertia suscitabit nos, & in *Mat. 16* conspectu eius viuemus. In sex tribulationibus liberauit nos, *Mat. 16* & in septima non tangeret nos malum. Ecce hac ratione Christus nos consolatur. Paxit Deus pater omnis consolationis ut *Mat. 16* eo modo consolemur in omni aduersitate ut constantes eo *Mat. 16* perueniamus, quod nulla persecutio appropinquat. Amen.

DOMINICA QVARTA PASCHAE, CANTATE,

EVANG. IOANNIS XVI.

ET nunc vado ad eum qui misit me, & nemo ex vobis interrogat me quid vadis. Sed quia haec locutum sum vobis, tristitia impleuit cor vestrum. Sed ego veritatem dico vobis, expedit vobis ut ego vadam. Si enim non abiero, Pater vester non veniet ad vos. Si autem

abiero, mittā eū ad vos, & cū venerit ille, arguet mū-
dū de peccato, & de iustitia, & de iudicio. De peccato
quidē, quia nō crediderūt in me. De iustitia verò, q̃a
ad patrē vado, & iam nō videbitis me. De iudicio au-
tē, q̃a princeps huius mūdi iam iudicatus est. Adhuc
multa habeo vobis dicere, sed nō potestis modò por-
tare. Cū autem venerit ille Spiritus veritatis, do-
cebit vos omnem veritatem, non enim loquetur à
semetipso, sed quacunque audiet, loquetur, & quæ
ventura sunt, annuntiabit vobis. Ille me clarifica-
bit, quia de meo accipiet, & annuntiabit vobis.

EADEM DOMIN. EPIST. IACO. I.

O Mne datū optimū, & omne donū perfectū desur-
sum est, descēdēs à patre luminū, apud quē non est
transmutatio, nec vicissitudinis obumbratio. Voluntariē
enim genuit nos verbo veritatis, ut simus initium aliquod
creature eius. Scitis fratres mei dilectissimi. Sit autem
omnis homo velox ad audiendum, tardus autem ad lo-
quendum, & tardus ad iram. Ira enim viri iustitiā Dei
non operatur. Propter quod abijcientes omnem immun-
ditiā & abundantiam malitiæ, in mansuetudine susci-
pite insitum verbū, quod potest saluare animas vestras.

S E R M O.



Lanē cōsolatoria hæc Euāgelica lectio est. Cū
enim duo præcipuē sunt, quæ nos in mūdo mole-
stia gravāt, tēdiū miseriarū huius vitæ, & deside-
riū celestis patriæ, utrūq; tamē vt ex Christi re-
cessu nascitur, ita eiūsdē promissis mitigatur, &
quodā modo suæ redditur. Impleta erant discipulorū corda,
q̃ Dominus abiret, tristitia, tristamur & nos q̃ nō liceat illo
tanquā vnico animarū nostrarū desiderio, summōq; bono no-
stro frui. Sed si Christi verbis edocti, ad ea quæ modò ex ipsius
recessu accepimus bona, respicere, & his subsequutura perfe-
ctiora cogitare voluerimus, profectò licet alterius vitæ desi-
derium

deriū nō tollatur omnino, ita tamē tolerabile reddētur; vt & presentia mala rectius laturi simus, & ea quę soli immortalitati sunt seruata, hoc in corpore petaturi nō simus. Hęc vim ipse Christus etiam primę illi voci, Vado ad patrem, inesse sciens, non semel, sed sæpissimē inculcare studuit. Si diligēteris me, *Ioan. 14* gauderetis vtrique, quia vado ad patrem. Et, Qui credit in *Ibidem* me, opera quę ego facio, & ipse faciet, & maiora horum faciet, quia vado ad patrem. Et iterum, Modicum & nō videbitis me, quia vado ad patrem. Idem prędixerat & alibi quidem, sed aliis verbis tristitiam augentibus, Ecce, inquit, Filius hominis traderetur Principibus Sacerdotum & scribis, & condemnabunt eum morte, & tradent eum gentibus ad illudendum & conspuendum & crucifigendum. Sed illic rei ordinem prędicere, hic effectus voluit innuere. Non enim quod hic dicit, Vado ad eum qui me misit, de ascensione, sed de passione & morte intelligendum est. Id quod verborum circumstantiæ conuincunt. Nam quod ante hoc Euangelium dixerat, se Patrem velle exorare, vt alium nobis Paracletum mitteret, non ascensionem, sed mortem intelligimus. Ante enim ascensionem pater exoratus erat, sed mortis Christi meritum, Spiritus sancti missio erat. Propterea antequam ascenderet, Spiritum illum Sanctum dabat. Insufflauit, & dixit eis, Accipite Spiritum sanctum, vt Ioannes refert. Qui ergo ante ascensionem datus est, vtrique non ipsa ascensione tandem à patre fuit impetrandus. In diebus autem carnis suę preces *Ioan. 20* supplicationesque ad eum, qui possit illum saluum facere à *Heb. 5* morte, cum clamore valido & lacrymis offerens, exauditus est pro sua reuerentia. Nec pater reuocauit, pro quo filius rogans exauditus est, nec fictē filius ante ascensionem Spiritum sanctum dedit. In morte impetrauit eum à patre, & ipse *Ioan. 12* granum frumenti cadens in terram hunc nobis fructum attulit, & mortis chirographum, quod aduersus nos erat, sanguine suo deleuit, in quo & baptizati, & à peccatis nostris, *Colos. 2* quę inter Deum & nos diuidebant, loti sumus. Peccatum inter nos & Deum diuidebat, hoc sublato, Spiritus sancti facti sumus capaces. Sed non ascendens peccatum sustulit. Mortuus est propter delicta nostra. De ascensione ergo, quod hic dicit, Vado, intelligi non potest, viam crucis ire voluit, quę proprię ducit ad patrem. Ideo autem sic loquitur de cruce, vt crucis viter scandalum, & quod mors piis, quasi ad meliorem *Apo. 1* vitam

vitam sit transitus. Quo in primis mundi iudicium repre-
 hendit. Solent enim homines eos tantum beatos dicere, qui
 longissimè ab aduersis & cuiuscunque generis malis absunt.
 Contrà damnare, & quasi Deo, etiam iniustos vitare, qui qua-
 cunque aduersitate premuntur. Id quod David expertus est,
 quando dicebat, Multi dicunt animæ meæ, Non est salus ipsi
 in Deo eius. Dixerunt inimici mei mihi dicentes, Deus dere-
 liquit eum, persequimini & comprehendite eum, quia non
 est qui eripiat. Sic Iob cum tentaretur, iniustus & Deo ini-
 sus æstimatus est, etiam à familiaribus suis. Sic Paulus homi-
 cidæ dicebatur ab iis, qui manum eius à vipera inuadi vide-
 rant. Et quid multa? Ipse Christus in cruce pendens susti-
 nuit hominum opprobria. Confidit in Deo, liberet eum nunc
 si vult. Dixit enim quia filius Dei sum. Alios saluos fecit, se-
 ipsum non potest saluum facere. Si rex Israel est, descendat
 nunc de cruce, & credimus ei. Et quid adhuc Christus? Vado
 ad patrem, iudicet pro sua voluntate mundus, ego hæc me via
 ad patrem, ad æternam gloriam redire scio. Deinde cum crux
 non modò mundo scandalum est, verum etiam afflictis sæpè
 grauis, rursus hoc dicto Christus, Vado ad patrem, mitigauit
 acerbiter eum, ac pressos consolatur. Ego qui Deo patre
 verus Deus natus in hoc mundo vixi, non alia quàm crucis
 via ad propriam meam gloriam redire debui, nec aliud coe-
 lestis patriæ iter est, quin caput, magistrum, Dominum, se-
 quimini membra, discipuli, serui? Hinc Apostoli ceterique,
 deinde pij omnes tam intrepide tormenta subiere, percellere,
 vice, & que constanter. Hinc Paulus pro se atque aliis piis om-
 nibus loquitur, Gloriamur, inquit, in tribulationibus, scien-
 tes quod tribulatio operatur patientiam, patientia autem
 probationem, probatio verò spem. Spes autem non confun-
 dit. Et, Ego iam immolor, & tempus resolutionis meæ instat.
 Bonum certamen certavi, & consummaui, fidem serua-
 ui, in reliquo reposita est uixi corona iustitiæ, quam reddet
 mihi Dominus in illa die iustus iudex. Sic Iob confidenter
 ait, Scio quod Redemptor meus uiuit, & in nouissimo die de
 terra sursum esturus sum, & in carne mea videbo Deum meum.
 Et David, Reuiuit consolari anima mea, memor fui Dei, &
 delectatus sum. Et iterum, Dominus suscepit me; ideo non
 timebo milia populi circumdantia me. Quod si nos quoque
 (ut æquum est) his uerbis intenderimus, & quæ in iis latent
 consolamur

consolationis dulcedinem gustauerimus, haud dubie officij nostri & vocationis recordabimur, ne quid præter aduersa hic expectemus, & rectius contra insultus mundi nosmet confirmabimus. Quæ enim nos expugnabit aduersitas, oppugnet licet maxima, si hac Christi voce nos munierimus, Vado ad patrem? Impugnet nos Sathan, sollicitet caro, agitet mundus, & vehementissimè & semper delicias nostras iudicabimus, hæretantùm si firma fuerit mentis intentio, Vado ad patrem. Quòd ergo ad quæuis irritamenta mundi huius tam citò atque leuiter trepidamus, hinc est, quòd nos in via esse, ad patrem ire, melio. èmque vitam quærere non cogitamus. Vides igitur quomodo consoletur nos Christus hac voce, Vado ad patrem? Crux, inquit, mea, mundo quidem iniquè iudicanti scandalum est, sed mihi iter ad patrem est. Si membra mea estis, & hæreditatem communem vtrisque appetitis, quod in me videris, ipsi quoque præstate. Iam verò quod ait, Veritatem dico vobis. Expedit vobis vt ego vadam, vtilitatem passionis & mortis suæ significauit. Ante videbarur ignauiam ipsorum arguere, quòd nemo eorum interrogasset, quòd abiret. Hic verò (quæ ipsius est bonitas) conuerso sermone tristitiam, quæ interrogare impediabat, tollere studet, ab vtili. Et quidem multos fructus sui recessus enumerare potuisset, vt peccati remissionem, iustificationem, corporum clarificationem, ipsamque vitam æternam, de quibus superiores sermones pertractant. Sed solum vnum fructum recenset, sed eiusmodi, qui omnibus omnium malis medendis facile sufficiat vnus. Et hunc tam certò ex recessu pollicetur suo, morte, inquam, vt nisi abierit, fructus nullus ad nos venturus sit. Et quis ille fructus? Spiritus sanctus, consolator, veritatis doctor. Hic, nisi Christo passo dari nobis non potuit. Non quòd Christus non posset, sed quia nos accipere eum nequiuimus. Primò enim Apostoli adhærebant Christo propter terrenum regnum, vt in duobus Ioanne & Iacobo Zebedæi filiis videre est. Deinde nemo doni illius cælestis capax erat, nisi reconciliatus Deo. At reconciliari nemo, nisi Christi morte & sanguine potuit. Tertiò, inconueniens erat deitatem communicare nobis eum, qui ipse adhuc mortalis esset. Postremò, iniquum esset, nos membra Spiritus sancto clarificari in mundo, capite ipso sine specie, sine decore in passionis posito. Vt ergo vadam, inquit, expedit vobis. Si enim

abiero, mittam vobis Paracletum Spiritum sanctum, ac si dicat, Non prohibet corporis mei presentia Spiritus sancti aduentum, sed dum corpus hoc cernitis, nil nisi corporalia cogitatis, regnum imperiumque terrenum, gloriam meam esse fingitis, hic mihi à dextris atque sinistris esse vultis. Propterea quæ Spiritus sunt, non intelligitis, nec alius quicquam queritis. Si autem à vobis abiero, si corpus, cui inhæretis, ab oculis vestris subduxero, Spiritum dabo, qui vos ea quæ Spiritus & supra vos sunt, sapere doceat. Non vado ut vos derelinquam solos, sed, ut quantumvis vobiscum maneantem, me tamen non videatis. Manducaturi estis carnem meam, bibaturi sanguinem meum, mansionem apud diligentes me faciam, & vobiscum ero usque ad consummationem seculi, hac sola ratione vado, ut corpus hoc non videatis, morte perempta, in calo immortale locatum. Et quid contristamini? Non intelligitis modò quæ loquor vobis. Mittam vobis Spiritum sanctum, Paracletum. Hic cum venerit, suis se iudicium manifestum reddet omnibus. Veniet autem per arcanam mentium vestrarum illuminationem, veniet per Euangelij verbi Dei prædicationem. Et quibus indiciis manifestum se reddat, queritis? Sunt, fateor, multi Spiritus mendaces, quorum forma multis erroris poterit esse occasio. Nam iudicium caligat in hominibus etiam industriis. Ut Achab repudiato Michea, in quo verè Spiritus meus Sanctus loquebatur, sequutus est mendacem Spiritum in Prophetis suis, maximo suo malo. Ut Zedechias, Ieremia Propheta, per què Spiritus sanctus responsa vera dabat, contempto, alios mendaces Spiritus sequens, templo atque urbi incendium intulit. Et quid multa? Ut in lege semper inuenti fuerunt Pseudoprophetæ, mendacium Spirituum organa, qui sese populo meo opposuerunt, ita etiam Ecclesia ad consummationem usque seculi porro mansura, eorundem præstigiis gravissimè atque turmatim oppugnabitur, ita planè, ut non sine magna industria & vigilantia depelli possint. Sed Spiritum ego Sanctum vobis mittam, venietq; in vos. Non plures Spiritus venient in vos à me atq; patre, sed vnus. Huius officia erunt arguere, cōsolari, esse & docere veritatē. nō à semetipso loqui, sed quæ audit futura annuntiare, Christū me clarificare. His signis sese manifestabit Spiritus sanctus, quæ vbi cognoueritis, meū Spiritū esse scitote, vbi verò his cōtraria signa intellexeritis, cauendū vobis esse

Ioan. 14

Mat. 28

3. Reg. 22

Iere. 38

esse mementore: Videte, fratres Domini Iesu amorem erga nos, videre sollicitudinem nostri. Consolatur nos longè alia ratione, quàm mundus. Hoc enim agit, vt certa & infallibilis sit consolatio nostra cauetq; omnibus modis, ne qua parte deficiamus. Verè hic piæ mentes sentiunt, quod olim Salomon ait: Fauus mellis verba dulcia, dulcedo animæ, sanitas ossium. Neq; enim de vllius alterius, quàm de Christi verbis, rectè hoc intelligi potest. Id quod Petrus etiam testatur, cùm ait: Verba vitæ æternæ habes. Et Iudæi ipsi: Nūquam sic alium hominem locutū fuisse, sicut Christum testantur. Quo etiam verum se Messiam esse declarauit Christus. David enim hoc genus verborum inter Messie facta præcipua referre videtur, cùm ait diffusam esse gratiam in labiis eius. Quis enim pater filios suos dulcius affatus est vnquam? Quid præterea facere pius & fidus pater debuit? Agite ergo tanto studio dicta, nostro cōmodo examinemus aliquanto diligentius. Grandis enim vt id faciamus, vrget necessitas, præsenq; vt diligentissimè faciamus monet periculum. Nemo enim est, qui non quæ multitudo atque violentia, imò etiam diuersitas atque pugnantia sit spirituum, quorum tamen hoc proprium est omnium, vt sanctus spiritus hic à Christo seruatore Ecclesiæ suæ promissus videri atque haberi velint, videat. Sed rectè iudicet spiritus in tanta diuersitate præsertim cùm nequam spiritus fuçati incedant, non ita facile erit. Quibus ergo signis verus Dei spiritus veniat, Christus optimè & magno nostro cōmodo docuit. Ergo quòd spiritum sanctum, non spiritus sanctos dicit, consideremus. Neque enim in Ecclesia vna Christi Catholica, nisi vnus spiritus esse potest, sicut vnum baptisma, vna fides, vnusque Christus in ea est. Vnus autem spiritus eadem semper & vbique docet & inspirat. Illi ergo hoc spiritu edocti fuere, qui licet tempore atq; locis separati, consentiētia vnanimiter tradiderunt, quorum alij Apostolorum temporibus, alij mille annos postea, alij hodie scripserunt, alij in Occidente, alij in Oriente vno tempore docuerūt. Non habent hunc spiritum qui propriis opinionibus seducuntur, ideoque non modò à maioribus, verùm etiā à suis vnus temporis atque loci sociis dissident, ne dicam, vnus aut alterius anni interiecto tempore à semetipsis (quod hac tempestate & à multis fit) dissentiunt. Quis autem numerare potest, quot modis inter sese & secum pugnent quidam, & quidem in ma-

prover. 16.

Ioan. 6.

Ioan. 7.

Psal. 44

Spiritus
sanctus
vnus.

Ephes. 4.

ximo Christianæ fidei negotio? Sed bene res habet. Doctrina fidei consentiens ab vno hoc doctore spiritu sancto profecta, Ecclesiæ fines vsque ad occasum ab Oriente propagauit, atque in hanc diem saluam conseruabit. Quicquid verò à propriis opinionum sensibus profectum, licet magnū & spatiosum visum fuit semper suo tempore disparuit. Hoc secū diligentius cogitē, qui cū sibi omnem scientiam iniquē atque ineptē vendicant, pijs doctisq; maioribus nostris omnem auctoritatem adimunt. Non alium spiritum sanctum olim Ecclesiæ doctoribus, alium modò dedit: nec Ecclesiam reliquit vsque ad huc vltima tēpora (vt falsò iactitant pneumatici) sed vnus idēq; fuit, estq; modo spiritus sanctus, quem Christus Ecclesiæ suæ hīc promisit, qui & datus vnicuique nostrū, dat pro sua voluntate & arbitrio ad ædificationē non destructionem Christi corporis mystici cooperare. Cogitent & alij ipsum hoc, vt quemadmodum fidē, quā in ecclesiā edocti sunt, amplecti cōperunt, sic Deo & aspirātī & inspiranti acceptā referāt, nihilq; sibi (vt quidā) tribuāt. Id si fecerimus, planē intelligemus cōmodissimē. Christū non multos se, sed vnū spiritū sanctū missurū promississe. Sed vt adhuc rectius agnoscamus eundem spiritū, quid Christus dicat, audiamus: Cum venerit ille

Spiritus sanctus (inquit) arguet mundum de peccato, de iustitia, & de iudicio. Rectē quidē ad differentiā mēdacij spirituum hoc addidit.

arguit. Mundus enim & Christi regnū pugnāt inuicē, & qui mendaces spiritus à principe huius mundi mittuntur, non possunt arguere mundum, ne dissipent regnū: sed pacem loquuntur

Exec. 15. vbi non est pax, consuunt puluillos sub omni cubito manūs, & faciunt cervicalia sub capite vniuersæ ætatis ad capiendas animas, vt viuificent quæ non viuunt, & interficiant quæ non

Roma. 16. moriuntur, vt per dulces sermones & benedictiones seducant corda innocentū: & vt id possint, veniunt specie, non quā ge-

Matt. 7. nus indidit, sed quā prauitas mentitur: & in vestimentis ouīū, luri rapaces sunt. Sed quid de hīs Dominus ait? Popule meus

Isaie 3. (inquit) qui te beatum dicunt, ipsi te decipiunt & viam gressuum tuorū dissipant. Spiritus sanctus verò ē mundo, & à diabolī tyrannide liberare suos, inq; Christi regnū ducere vult. Propterea quæ sunt tenebrarum harum opera dissoluit atque destruit. Hinc quos ipse mittit ministros, arguere docet. Cla-

Isaie 58. ma, ne cesses, inquit, quasi tubā exalta vocem tuam; & annuncia populo meo scelera eorū; & domui Iacob peccata

eorum. Vade & dices populo huic: Audite audientes; & nolite intelligere. Et: Ecce constitui te hodie super Gentes & super regna, ut euellas, & destruas, & disperdas, & dissipes. *Isaia 6*
 & ædifices, & plantes. Ecce dedi faciem tuam valentiorē faciebuseōrum, & frontem tuam duriorē frontibus eorum ut adamantem, & ut silicem dedi faciem tuam. Sic Ionæ præcepit Dominus prædicare populo impio. Sic Paulus Timotheum instruit, ut prædicet verbum, inolet opportunè, im- *Jerem. 1*
 portunè, arguat, obsecret, increpet, fore enim aliquando *Exech. 3*
 ut homines sanam doctrinam non sint laturi, coaceruaturi sibi magistros auribus prurientes, à veritate auersi ad fabu- *Ionæ 1*
 las conuersuri. Sic denique hoc spiritu edocti Apostoli, ar- *2. Tim. 4*
 guere mundum, nec erubuerunt, nec timuerunt. Sed videamus in quibus rebus arguat mundum spiritus Domini. De peccato, & de iustitia, & de iudicio. Varia horum expositio est, sed hic omnium opiniones recensere, quam quisque sententiam intellexerit, huius temporis non est. Nolim tamen ullius sententiam convenientem respuere, multò minus pro arbitrio diuersum quid commentari. Scio quanto cum tremore sacra scriptura sit pertractanda, ne illotis (quod dicitur) manibus loui vinum libemus. Maximè verò eiuscemodi loci, qui nonnihil obscuritatis & mysterij habent, & ne ipsi quidem Apostolis intellectu faciles sunt, imò omnem *Ioan. 16*
 sensum humanum exuperant. Humilis est ad sacrarum literarum intellectum ianua, & Deus ipse superbis resistit: humilibus autem dat gratiam, & abscondens mysteria sua à sapientibus & prudentibus, reuelat ea paruulis, & super contritos *Iacob. 1*
 corde requiescens, quibus vult scientiæ clauē, quam solus habet referat arcana celestia, facitque ut per stultos mundo & *1 Pet. 5*
 pusillos, mundi confundatur sapientia. Propterea cum Dauid rectè precabimur: Da mihi intellectum Domine, & serui- *Matt. 11*
 trabor legē tuā, & custodiā illā in toto corde meo. Deduc me in veritate tua & doce me. Nihil igitur de nobis præsumen- *Isai. 66*
 tes, sed planè in eius gratia confidentes, qui aperit, & nemo claudit: claudit & nemo aperit. Videamus quibus in rebus *Apec. 3*
 mundum arguat Spiritus sanctus. De peccato, inquit Dominus, quia non crediderunt in me. De iustitia verò quia ad patrem vado, & iam non videbitis me: de iudicio autem, quia princeps huius mundi iam iudicatus est. Arguit mundum, non eos qui diligunt Deum, hi enim sese corripunt & iudicant *1 Cor. 11*

Ier. 6 cant, ut non iudicentur à Domino. Mundus autem non potest
Prou. 12 se arguere, quia nescit erubescere, & via stulti recta in oculis
1. Cor. 3 eius. Id quod Paulus quoque de Iudæis testatur, quum vela-
Eph. 4 men super corda ipsorum positum esse scribit Corinthiis. Et
 de omnibus in genere loquens, ait in vanitate sensus sui am-
 bulare, tenebris obscuratum habere intellectum, alienatos
 esse à via Dei per ignorantiam suam, propter excitatè cor-
 dis sui. Propterea rectè à Spiritu sancto arguuntur. Vide au-
 tem quid dicat, de peccato, de iustitia, de iudicio. Peccato qui-
 dem nos iustitia, seipsum iudicio, Satanam intelligi vult. Vbi
 enim grauius peccatum, nisi in nobis? vbi iustitia, nisi in ipso?
 cui rectius quàm Satanæ debetur iudicium & damnatio? Hoc
 opus, hic labor Spiritu sancto, ut mundus intelligat nos esse
 peccatores omnes, Christum Iesum iustitiam, & Satanam iu-
 dicatum esse. Neque enim à semetipso aliquid horum intelli-
 git aut credit. Spiritu sanctus autem dicit. Crede homo, quòd
 peccator sis, crede quòd Christus iustitia sit, crede quòd certa
 diabolo damnatio maneat. Volumus autem scire quia ita est?
 Primò non dicitur, de peccatis, sed de peccato. Non quia vnū
 tantum sit peccatum in mundo, sed quòd vnicum sit radice,
 vnde alia omnia nascantur. Et quale hoc? Incredulitas ipsa,
 * Cum * sine qua etiam iustitiæ studium coram Deo peccatum est.
Rom. 14 Hinc Dominus ait, Qui non crediderit, condemnabitur. Qui
Mat. 16 non credit, iam iudicatus est, quia non credit in nomine vni-
Ioan. 3 geniti filij Dei. Hoc autem est iudicium mundi, quia lux ve-
Ioan. 8 nit in mundum, dilexerunt homines magis tenebras quàm
Ioan. 11 lucem. Si non credideritis, quia ego sum, moriemini in pec-
 cato vestro. Qui spernit me, & non accipit verba mea, habet
 qui iudicet eum. Sermo quē locutus sum, ille iudicabit eum
 in nouissimo die. Nec mirum videri debet cuiquam incredu-
 litatem damnare homines, cum solis Christi meritis iustifi-
 camur, quod sine fide nobis applicari non potest. Dedit eis
Ioan. 1 Deus potestatem filios Dei fieri, sed his tantum, qui credunt
 in nomine eius. Incredulitas radix, nil præter peccata profert.
Gen. 17 Id quod in Adam videre est, qui seposita fide, quam erga Dei
 verbum habere debebat, mox in omne genus impietatis cor-
 ruit, auersusque à Deo, ad ea quæ non sunt Dei, conuersus est.
Rom. 7 Vnde, Paulo teste, omnes sub peccatum sumus venundati,
 quotquot ex infideli Adam nascimur. Propterea Prophetæ
 conqueritur, dicens, Domine, quis credidit auditui nostro?

Hoc

Hoc peccatum Christus à Spiritu sancto arguendum dicit, *Ioan. 16*
 quod & fecit, quando omnes concludit sub peccatum, & indi- *Rom. 3*
 gere gloria Dei ostendit. Non hoc lex arguit, arguit homici-
 dia, furta, adulteria, idque genus externa. Non natura arguit *Rom. 2.*
 hoc, arguit autem externa, accusantibus se inuicem cogita- *Gen. 3*
 tionibus hominum, id quod Adam docet, qui statim ubi pec-
 casset, diuinam presentiam metu exhorruit. Sed & mundus
 externa arguit, incredulitatē verò nō arguit. Quanquā eō res
 humanæ deueniūt, ut ne ipsa quidē crassa & enormia delicta
 peccatū astringunt, ne dicā, arguāt multi. Deinde arguet mūdū *Ioan. 18*
 de iustitia Spiritu sanctus, quia ad patrem vadit Christus, &
 iam non videbimus eum. Rectē hoc quidem. Quid enim pro-
 dederet argui mundum propter peccata, nisi doceretur ubi iu-
 stitia querenda esset? Christus solus iustitiam habet iustifi-
 cantem. Vnde hoc sciam? Quia ad patrem ascendit. Nemo *Ioan. 3*
 enim ascendit in cælum, nisi qui descendit de cælo, filius ho-
 minis qui est in cælo. Qui descendit ē cælo, ipse est, qui &
 ascendit. Hanc iustitiam Spiritu sanctus docet. Sed non modō
 docet, verum etiam mundum, iustitiæ huius contemptorem,
 arguit, & de hoc ipso arguit, quod propriam volens iustitiam
 constituere, iustitiæ Dei in Christo non sit subiectus. Iudæi
 enim in lege, Gentes in virtute iustitiam atque salutem quæ-
 runt. Sed quid Spiritu sanctus in Scripturis dicit? Si per le- *Gala. 2*
 gem iustitia, ergo gratis Christus mortuus est. Et, Cum co- *Rom. 1*
 gnouissent Deum, non ut Deum glorificauerunt. Ergo non
 iustificabitur in conspectu Dei omnis viuens. Ipse enim quasi
 ignis constans. Et quis stabit ad videndum eum? Rectē ergo *Malac. 3*
 Spiritu sanctus arguit omnes, quotquot propriam iustitiam
 quærunť, docetque in Christo (qui nullum peccatum, sed *1. Pet. 2*
 ea omnia semper quæ patri placent, fecit, & qui resurrexit,
 propter iustificationem nostram) sperare salutem, & quan- *Ioan. 8*
 tum in nobis est, cum Psalmista dicere, Ne intret Dominus *Psal. 146*
 in iudicium cum seruo tuo. Arguet autem & eos, qui cū
 propriam iustitiam nullam habeant, etiam Christi iustitiam
 respuerunt, conueniant, rident. Sed & illos arguet, qui nec
 Christi, nec sanctorum iustitiam sequuntur, quia quō Chri-
 sti ad patrem euntis, & sanctorum ipsum sequentium gloria
 maior est, eō mundi huius contemptoris pœna grauior erit. *Ioan. 16*
 Tertio, arguet mūdum de iudicio, quia princeps mūdi huius
 iam iudicatus est. De iudicio quo iniquē Christum morti ad-
 iudi-

iudicarunt. Sicut quondā Petrus arguit Iudæos. Virū appro-
Act. 2. 10 batū, inquit, à Deo in vobis virtutibus, & prodigijs; & signis
 quæ fecit Deus per illum in medio vestri, per manus iniquo-
 rum crucifixū interemistis. De iudicio, quod iuste sententiam
 de impijs ferre docebit, De iudicio quia cū vident princi-
 pem huius mundi iudicatum esse, inermi tamen resistere vo-
 lunt. De iudicio, quod proprium sequuti, dei eliquerūt Deum
 & sese Satanz iam iudicato māciparunt. De iudicio, quo mun-
 di regnum extollunt, & non potius condemnant. Denique &
 maximè de iudicio, quia cū vident principem mundi huius
 iam iudicatum esse æternisq; cruciatibus deputatum, ipsi ta-
 men credendo, benèq; viuendo iudicium declinare nolūt, fal-
 so sibi impietatis suæ impunitatem promittentes ab eo, qui
 angelis nobilissimis omnium creaturis, ne quidem parcere vo-
 luit propter impietatem. Ecce hoc modo, hisq; de rebus spiri-
 tus sanctus mundum arguet. Si ergo spiritus sancti iudiciū est,
 arguere mundū de peccato, de incredulitate, deque iudicio,
 profectò non sunt à spiritu sancto, qui ad peccata cōnient, iu-
 stitiam respuunt, aut non iustitiam quærunt, & deniq; futu-
 ram dānationē tam parui faciunt. Verū sunt & alia eius iu-
 dicia, vt cōsolari, vnde paracletus dicitur. Et hīc vide quā dif-
 ferentia loquatur Christus. Mundū arguet, pios verò cōso-
 labitur vnus idemq; spiritus. Omnino ita est, aut enim pius
 es, & consolationē eius sentis, aut impius argueris. Sed & hoc
 eius signum est, esse spiritum veritatis, & docere veritatem.
 Non sunt ex hoc spiritu, qui errores disseminant. Sed nec à se-
 metipso loquitur spiritus sanctus. Nō ergo sunt ex spiritu san-
 cto, qui sese ingerunt, qui currunt antequam mittantur. Sed
 quæcūque audit, loquitur. Ergo qui aliquid horū, quæ in scri-
 pturis de fidei rebus scripta audiuntur, tacent, huius spiritus
 non sunt, vt sunt qui propter potentiam aliorum, suam verò
 utilitatem, nil nisi placentia canunt. Denique spiritus sanctus
 futura annunciat. Ergo nec hi ex ipso sunt, qui tunc metu spē-
 que futurorum viuunt, vt quidam in Isaia fecerunt. Eda-
 mus & bibamus, inquit, cras enim morimur. Postremo, spi-
 ritus sanctus Christum clarificat. Non igitur ex hoc spiritu
 sunt, qui quicquā eorū, quæ ad Christi clarificationē, gloriam,
 & honorē faciunt, abscondunt, vt Gentes, qui hūc honorē ido-
 lis tribuunt: Iudæi, qui legis operibus hanc laudē vendicant.
 Nemo enim in spiritu Dei loquēs, dicit anathema Iesū, & ne-

Spiritus
 S. consolatur.

Spūs sanc.
 veritatē
 docet.

Spūs sanc.
 à se non
 loquitur.

Ier. 23.

Spiritus
 sanctus
 ventura
 annūciat.

1. Cor. 12.

27. mo

ibi

mo

mo potest dicere: Dominus Iesus, nisi in spiritum sanctum. Agnoscamus ergo Christi pietatem, qui nos tam firma consolatione erigit, etiam in hac vita, in spiritum sanctum nobiscum manet. Agnoscamus hoc donum caeleste, à patre descendens lumen, & cum multi mendaces nos sollicitare possunt, his si- *Iacob. 2* gnis veri Dei spiritus discernamus, probemusque (ut omnia) spiritus, solumque eum sequamur, qui à Deo datus. veritatis Doctor, nos in omnem inducere potest veritatem. Cui cum patre & filio laus & gloria. Amen.

DOMINICA QVIN-
TA POST PASCHAE,
VOCEM IOCVNDITA-
TIS EVANG. IOAN. XXI.

Amen amen dico vobis, si quid petieritis patrem in nomine meo, dabit vobis: usque modò non petistis quicquid in nomine meo. Petite, & accipietis, ut gaudium vestrum plenum sit. Hæc in proverbiiis locutus sum vobis. Venit hora, cum iam non in proverbiiis loquar vobis, sed planè de patre meo annuntiabo vobis. In illo die, in nomine meo petetis. Et non dico vobis, quia ego rogabo patrem de vobis. Ipse enim pater amat vos quia vos me amastis, & credidistis, quia à Deo exiui. Exiui à patre, & veni in mundum, & vado ad patrem. Dixerunt ei discipuli eius: Ecce nunc palam loqueris, & proverbium nullum dicis. Nunc scimus quia scis omnia, & non est opus, ut quis te interroget. In hoc credimus, quia à Deo existis.

EADDEM DOMINICA

EPISTOLA IACOBI

Estote autem factores verbi, & non auditores tantum, fallentes vosmetipsos, quia si quis auditor est

verb

verbi Dei, & non factor, hic comparabitur viro consideranti vultum natiuitatis suae in speculo, considerauit enim se, & abiit, & statim oblitus est qualis fuerit. Qui autem perspexerit in lege perfecta libertatis, & permanferit in ea, non auditor obliuiscus factus, sed factor operis, hic beatus in facto suo erit. Si quis autem putat se religiosum esse, non refrenans linguam suam, sed seducens cor suum, cuius vana est religio, Religio munda & immaculata apud Deum patrem, haec est, visitare pupillos & viduas in tribulatione eorum, & immaculatum se custodire ab hoc seculo.

S E R M O.



Ostulat hic ordo ut quia haec quinta & postrema dies Dominica est à lata resurrectionis festiuitate, priusquam ad huius Euangelij enarrationem veniamus, quid quæq; præcedentiū voluerit, quæ summa fuerit, perstringamus.

Sic enim rei necessariae series apparebit lucidius, & superioris temporis sermones in memoriam recurrerent facilius. Ac principio quidem nemo est, qui totum hoc tempus in Domini nostri Iesu Christi resurrectionis meditationem impendendum esse non putet. Est enim illius resurrectio totius fidei prædicationisq; fundamentum, ac futuræ nostræ cum resurrectionis tum beatitudinis causa. Et merito id cogitamus semper, in eoq; animus noster occupatur sedulo, quod totius vitæ huius finis est. Ipsa enim resurrectionis Dominicæ dies, fidem docuit, quod verè à mortuis Christus resurrexit. Quemadmodum & Paulus eandem fidem magnificè prædicat. Hoc est, inquit, verbum fidei, quod prædicamus, quia si cōfitearis in ore tuo Dominum Iesum, & in corde tuo credideris, quod Deus illum suscitauit à mortuis, saluus eris. Et, Si Christus non resurrexit, inanis est prædicatione nostra, inanis est & fides nostra. Prima deinde posteam dies Dominica fructus resurrectionis docet, ne fidem eius tanquam vanā & inutilem aspernemur. Secunda verò, exempla proposuit, cum pastoris, tum ouium. Id quod & Petrus vult, cum Christum pro nobis passum asserit, ac nobis exemplum reliquisse, cuius

Rom. 10

1. Cor. 15

1. Pet. 2

cuius sequamur vestigia. Et hoc ideo, vt intelligamus nudam fidem ad salutem minus sufficere. Tertia porro ad patientiam hortatur. Nempe Christianum est, & bene agere, & mala cum æquanimitate perferre. Quarta denique, vnde vtriusque horum virtus atque sufficientia veniat, ostendit, cum Spiritus sancti præsentiam atque operationes declarat. Hic enim & doctor, & consolator, & Dei virtus est. Et quid restat, nisi vt qua ratione aut via, Spiritus sanctus ad tantas res necessarius accipiat, discamus? Altior ille cælo est, & quis ascendet ad deducendum eum? Hanc ergo viam præsens Dominica dies demonstrat, cui perappositè eiuscemodi lectio, patrum dispositione deputata est, quæ nos multis modis non modò orare, verum etiam qualis debeat esse oratio, qualis etiam orantis animus, docet. Complectitur quidem & alia quædam, vt quod verbi summa quædam est doctorum factorumque Christi in carne, cum se multa Dominus in prouerbiiis loquutum esse Apostolis, adesse verò nunc tempus, quo palàm sit de patre annunciaturus, affirmat, & Apostoli diuinitatem ei tribuentes, omnia eum nosse, nec vt quis interroget opus habere, à Deo exiuisse, scire se attestantur: quòd veluti viam futuræ solennitatis, ascensionis (inquam) parat, vt intelligamus quid sit & descensio eius & ascensio, cum se exiuisse à patre, & in mundum venisse, iterum relinquere mundum, & ire ad patrem, testatur: quòd suo Christus exemplo exiguum esse huius tabernaculi tempus docet, vt hoc quod gratiæ datum est tempus, dignæ meditationi impendamus, cælestia appetamus, Dominum dum inueniri potest, queramus, eumque dum propè est, inuocemus. Sed hoc præcipue agit, vt nos orare doceat, adque orandum mentes nostras inflammet, nihilque prætermittit in ea Christus, vt quod nostro bono vult, persuaदेat, & quod agit perficiat. Promissionem præmittit ante mandatum, & mandatum promissione mitigat. Qua ratione isthæc sanè lectio veram Euangelij naturam refert. Plures hic mundus habuit doctores, verbis acutos, sententiis graues, eloquentia celebres, quorum tamen nullus doctrinam suam Euangelij nomine exornare potuit. Sed & Moses etiam mandato Dei verba ad populum faceret, inque annales referret, non Euangelium, sed legem libros suos inscripsit. Et Prophetæ ceteri omnes ab hac Euangelij appellatione abstinuerunt. Visiones dixerunt, vt Isaias & Abdias: aut onera, vt Nahum & Abacuc: aut simpli-

Ioan. 16.

Iosue.

Summa
Euang.

Ioan. 16.

Isaia 55.

- citer verbum Domini, vt Ieremias, & alij. Solus Christus, quemadmodum Isaias quoque de eo promiserat, suę doctrinę Euangelij nomen inscribere potuit. Idque hac maximę lectione declarauit. An fortę latum nuntium non est, quodd Christus promittit daturum esse patrem, quicquid suo in nomine petierimus? An non etiam latius est, quodd iubet, atque vt oremus, pręcepto compellit, quo gaudium nostrum plenum sit, vt degustemus quām bonus Israël Deus? vt David clamar: *Psalm. 33.* Iste pauper clamauit ad Dominum, ex omnibus tribulationibus liberauit eum. Accedite, & illuminamini, & facies vestrę non confundentur. Gustate & videte quām suauis est Dominus. Beatus vir qui sperat in eo. Latissimum verodd, quodd Christus ipsum patrem nos amare ait, eodd quodd nos se amauerimus, crediderimusque, quodd à patre exiuerit. Considerate autem quale sapientię donum sit, scire qua ratione cum Deo sit agendum: quę dignitas inter omnes omnium nationum Gentes soli Christiano concessum esse Deum accedere, eumque patrem suum appellitare, atque amicitiam eius certodd sibi polliceri: denique (quodd omnes mundi huius quantumlibet admirandos thesauros superet) scire se Deum exoraturum esse, & exaudiri. Et hæc sanedd omnia hic nobis Christus ipse, non per Apostolum aliquem, neque per Angelum, neque per visionem, sed suo ipsius ore promittit, etiam non sine iure iurando. Nemo autem Christum nobis bene velle ignorat. Apertedd enim Ioānes de ipso affirmat, quodd amet nos perpetuodd, & in finem vsque complectatur, quotquot in hoc mundo illius sumus. Nec quenquam nostrum ad se venientem repellet. Nouit enim nos, & vt bonus pastor suam ipsius animam pro nobis ponit, proque suorum sanctificatione, patrem, à quo pro sua reuerentia semper exauditur, exorat. Imodd ne sine suis etiam in celo esse vult, cum vt vbi ipse est, illic sint & discipuli sui, vult. Rectedd igitur de ipso Salomon: *Eccle. 10.* Verba, inquit, oris sapientis gratia. Et Ecclesiasticus: *Eccle. 10.* sapiens, inquit, in verbis producet seipsum, & homo prudens placebit magnatibus. Veredd enim hic Christus verus ille Lamuel, non regibus, hoc est, in se ipsis confidentibus, non superbis, dulcique fortuna ebriis, sed moerentibus, pereuntibus, Apostolis, inquam, multa tristitia proiectis, vinum illud diuinę consolationis infudit. Sæpedd quidem & multa non planedd ab hoc genere consolationum aliena propinauerat

antè, sed nescio quid ubique subreptare consueverit humanis: diuersum enim semper à Domini intentione aut quærebant, aut affirmabant Apostoli. Hic verò ubi & orare præcipit, & modum orandi præscribit, & patris Dei amorem ostendit dominus, discipuli, veluti sui obliti, altius transcendunt humana ingenia: & quod rarissimè antè, rotundis verbis diuinitatis testimonium proferunt. Tantum apud eos hoc Christi Evangelion potuit. Nimirùm virtutem inesse verbis intellexerunt, patrisque voluntatem cognouerunt, eoque demum quæcunq; premeret aduersitas, ad orationem, veluti sacram anchoram confugere consueuerunt. Nec Apostolorum solummodo hæc consuetudo fuit, omnes pij, quorum mentibus diuina se vnuquam insinuauit voluntas, Deum precari primum habuerunt. Taceo hic Moysen, Dauid, cæterosque alios. Ingens illud Iosaphat præ omnibus testimonium est, Qui cum ignoremus, inquit, quid agere debeamus, hoc solum habemus residui, vt oculos nostros dirigamus ad te Deus. Atque hinc supplicationes illæ per totam septimanam hanc prioribus seculis vsitatissimæ. Siue enim (vti circa hoc idem tempus ferè solet) bella rumorésque bellorum audirentur, siue terra fructus expectatos negaret, siue febres morbiq; corpora incenderent, semper huius lectione Euangelij erecti ad diuinæ miserationis asylum orantes, confugerunt patres. Quos inter maximè laudatur Mamercus ille Viennæ (quæ metropolis est Delphinaris Galliarum) Episcopus. Hic enim Zenone Imperatore, cum efferos homines, lupis ferisque puniret Deus, ita vt ne quidem in castellis vrbibusque satis tuti habitarent, summæ fidei vir, ardentisq; pietatis Antistes, non superstitione, non hypocrisis ductus, sed ouium suæ diligentiarum commissarum cura motus, primus huiusmodi stationes atque supplicationes indixit, subque Christi crucis vexillum & orationis præsidium suos confugere docuit. Qui mos in Occidentali Ecclesia ad nostra hæc vsque tempora, multis licet pro sua id impietate iniquè ferentibus frementibusque, perdurauit. Atque vtinam nostri homines scirent & intelligerent. Vtinam pristinis ac p̄s illis veterum vestigiis bene pressis insisterent. Vtinam quod Christi promissio suadet, præceptum postulat, ipsaque necessitas urgeat, præstaremus omnes. Quæ enim illa mentium humanarum pertinacia est, vt ad suam ipsarum certam perniciem, nec promissione duci, nec præcepto trahi, nec vlla de-

mun necessitate urgente incitari ad orandum Deum, velint? Eò enim res humanæ deuenerunt, vt multi planè obliuisci sint huius tam sanctæ actionis, nec vnquam recordentur eius, perinde atque cum pietate omni, ipsum etiam Christianum nomen abieciissent. Imò inuenias qui orare tãquàm inutile quid, & à fide alienum rideant, atque contemnant: scilicet, persuasum habent omnia necessaria quadam naturæ vi, aut diuina prædestinatione fieri, eandem esse & orantis & ridentis conditionem. Inuenias qui auerferantur & refugiant orationes, tanquam malas, quod vel in iis, quos præsens tempestas nullo veterum exemplo aduexit, libris legerint, vel ab insulis quibusdam verbi ministris audierint, opera bona nihil ad salutem facere, eaque Christi meritis detrahere, & factores huiusmodi quantunlibet pios, quodam tamen modo conscientia accusante damnari. Huc etiam adferunt, quæ Christus in Euangelio, & Dauid in Psalmis de Phariseorum Samaritanorumque orationibus tradiderunt. Nimirum hæc illa tempora, in quibus precari scandalum est, eaque omnia ferè quæ olim laudem

Matt. 6. 23. *Ioan. 4.* *Psal. 108.* veram, nunc extremam ignominiam mereantur. Genua flectere, manus inter orandum leuare, caput inclinare, pectus percutere quàm insuetum, quàm ridiculum, quàm nullis non sannis dignum est? An non res plena miseratione est, orationes, quarum autoritas nõ modò apud veteres Christianos, verbetiam apud Gentes, Iudæos, atque Turcas plurimùm valuit, sic pessum iri? Atqui nec gentes vllæ, nec Iudæi, neque Turcæ, tot promissæ, tot habent præcepta, quibus precari discant, quot Christiani. Quid enim Christus ad hanc summam facere potuit reliquit?

Ioan. 16. An non ingens certaque promissio est? Amén amen dico vobis, inquit, si quid petieritis patrem in nomine meo, dabit vobis. Neque híc tantum eam promissionem locum habere voluit.

Ioan. 14. Alibi ait: Amen amen dico vobis, qui credit in me, opera quæ ego facio, & ipse faciet, & maiora horum faciet, quia ego ad patrem vado: & quodcumque petieritis patrem in nomine meo, hoc faciam, vt glorificetur pater in filio. Si quid petieritis me

Ioan. 25. in nomine meo, hoc faciam. Et iterum: Si manseritis in me, & verba mea in vobis manserint, quodcũque volueritis, petetis, & fiet vobis. Voluit enim sæpè repetitis verbis, & promissionis certitudinem demonstrare, & ad orandum sollicitare. Nam quòd ait: Si quid petieritis, nihil determinat quid sit petendum, qui lue non: omnia autè includit, ostenditque Deum

Poten

potentem esse omnia præstare. Quemadmodum & David *Psal. 31.*
 refugium dicit Deum, non in vna aliqua tribulatione, sed in
 omni. Tum illud quoque monemur, vt non sit nihil, sed
 aliquid, quod à Deo petimus. Peccatum nihil est, & quic-
 quid peccato coniunctum est. Sed nec corporalia huius mun-
 di aliquid magni sunt. Cælestia verò, & quæ propter animam
 expetuntur, momenti aliquid habent. Iam illud quoque, quod
 Deum patrem nostrum dicit, ingentem spem parit. Non ho-
 stem, non insidiatorem, non inimicum, sed patrem dicit:
 nec semel, sed sexies hoc vnico capite. Quis autem accedere
 auderet Deum, nisi patrem eum esse nouisset? Moses fidelis
 seruus in domo Dei erat, attamen audit Deum vetantem: Ne *Exod. 3.*
 appropies, inquit, solue calceamentum de pedibus tuis: locus
 enim in quo stas, terra sancta est. Et de populo Israëlítico, li- *Exod. 19.*
 cet per triduum sanctificato, Moysi Dominus mandat: Descen-
 dat, & confestetur populum, ne fortè velit transcendere termi-
 nos ad videndum Dominum, & pereat ex eis plurima multitu-
 do. Sic Abraham & ipse amicus Dei gratus, cum Domino lo- *Gen. 18.*
 qui, coràmque stare timuit, terram se atque cinerem vocat, *Exod. 20*
 & ne irascatur Dominus loquenti, orat. Et quid multa? Mo- *Deut. 4.*
 ses Dominum non patrem, sed ignem consumentem, for-
 temque zelotem nuncupat. An ergo horrendum non esset, ho-
 minem imbecillem, caducum peccatorem, in hoc infimo hu-
 milique terrarum orbe reptantem, cum Deo colloqui, cuius
 maiestas & potentia in immensum supra cælos extenditur, cu-
 ius magnitudinem ne animo quidem liceat concipere? Ex-
 horrescimus, si Rex aut Cæsar nobis exorandus sit, acerrima
 cõitio prima cum Satrapa aut principe, qui eadem, qua nos
 natura nati sunt, & non timebimus cum Deo loqui? Sed ser-
 uiliter timeant, qui Deum patrem suum ignorant, qui se pa-
 tris tutela abdicant: credentibus verò atque piis Christi pro-
 missione pater appellandus est. Et si nos cum sumus mali, no-
 uimus bona data dare filiis nostris, quantò magis ipse pater
 noster dabit cum spiritu omnia bona petentibus se? Quan-
 quam & ideo patrem dicit, vt magnitudinem beneficii agno-
 scamus, & ipsi naturali communis patris huius filio nostræ
 adoptionis munus acceptum feramus. Id quod & conse-
 quenter innuit, cum in suo nomine orandum esse voluit.
 Non enim in iustificationibus nostris prosternimus preces *Dan. 9.*
 nostras ante faciem Dei. Sed & virtutem nominis huius

significat, quod omnia possit apud patrem, præstet omnia propter ipsum pater omnia velit, de quo infra dicemus.

Gen. 12. Sic denique quod ait daturum esse patrem, exauditionem
Heb. 6. certam promittit, & ne quis hæster, iuramento consue-
to, quæ dixerat, confirmat. Ita enim & alibi per semet-
ipsum, cum superiores se non habeat, iurare consuevit,
ut immobilitatem consilij sui atque præscientiæ demon-
stret. Quod si igitur hominis iuramentum fidem meretur,
cur non potius diuinis promissionibus firmis atque immu-
tabilibus illis assentimur? Sed hoc inter verè credentes
& hypocritas diuidit, ita diuinis promissionibus acquie-
scere, ut licet necdum appareat quod orauimus, verè ta-
men exauditas esse preces nostras, certò nobis persuadea-
mus. Ut Tobiz oratio longè autè exaudita fuerat, quàm
appareret. Videte ergo quàm nulla etiam dictio promif-
sionis huius consolatione sit vacua, quæ non singulari
aliquo modo pias mentes afficiat, & ad precandum soli-
citet. Sanè apud Apostolos permultum hæc valuit pro-
missio. Id quod vel vnius Ioannis testimonio videre li-
cet. Is enim in prima sua Epistola in hæc verba scri-
bit: Hæc est (inquit) fiducia quam habemus ad Deum,
quia quodcunque petierimus, secundum voluntatem eius,
audit nos. Et scimus quia audit nos, quicquid petieri-
mus: scimus quod habemus petitiones quas postulau-
mus ab eo. Vnde enim alioqui tantam hausisset fiduciam,
nisi ex hac Christi promissione? Enimvero nos quoque
hac ipsa ratione ad orandum Deum induci possemus, si
(vt æquum esset) immutabilitatem diuinæ promissionis
intelligeremus. Quam quia non omnes concipiunt,
mandato Christus firmat: imò quod nihil eo usque petie-
rint exprobrat, ut vel sic in his prementibus angustiis
ad tutum illud diuinæ pietatis asylum, capax (inquam)
omnium humanarum miserationum præsidium confugere im-
pellamur, qui nuda promissione non ducimur. Usque modò
(inquit) non petistis quicquam in nomine meo. Petite, & ac-
cipietis, ut gaudium vestrum plenum sit. Iisdem penè ver-
bis alibi quoque precari iubet. Petite (inquit) & dabitur
vobis: querite, & inuenietis: pulsate, & aperietur vobis. Om-
nis enim qui petit, accipit: & qui querit, inuenit: & pul-
santi aperiuntur. Orate ne fuga vestra fiat hyeme. Orate

ne intretis in tentationem. Sed & Apostoli idem præceperunt. Paulus vult nos orationi instare, atque id ipsum suo exemplo *Rom. II.* ut abundantius faciamus hortatur. Petrus verò præterea etiam vigilantiam quaerit in orando. Nempe ipsi præceptis Christi *1. Thes.* obdierunt, & obedientiae suae exempla scripto atq; facto post *1. Pet. 4.* se relinquere voluerunt. Intellexerunt enim obedientiam apud Deum plus valere quam victimam, contemptum verò præceptorum Dei multam diuinæ iustitiæ iram secū trahere. Grauisimè enim Deus in contemptores sui præcepti animaduertit. Et meritò: Quis enim Rex famulum minus obsequentem ferret? Aut quis parer dona oblata aspernanti filio non irasceretur? Si autem homo contemptum sui indignè fert, quanto rectius Deus suorum præceptorum contemptores ulciscitur? Hinc contemptoribus Salomō sub persona Dei loquitur: Quia *Prov. I. 7* vocaui, & renuistis: extendi manum meā, & non fuit qui aspiceret: despexistis omne consilium meū, & increpationes meas neglexistis, ego quoque in interitu vestro gaudebo, & subsannabo, cum vobis id quod timebatis, aduenerit. Cum intruerit repentina calamitas, & interitus quasi tēpestas ingruerit, quando venerit super vos tribulatio & angustia. Tunc inuocabunt me, & non exaudiam: mane consurgent, & non inuenient me. Deo exorato cuncta succedunt prosperè, at idem si inexorabilis fiat, omnia in desperatis habemus. An non vobis videtur hae tempestate, inque hac nostra calamitate ridere Deus, inexorabilem se nobis exhibere? Malorum quibus premimur non est numerus, & grauiora expectamus. Nemo interpellat, nemo deprecatur: & si qui orant, nonne his misericordiae aures videntur obstructæ? Non quod Deus non bene velit nobis, aut non possit præstare quod petimus: sed quod aut ita meremur, aut non sicuti oportet perimus. Per necessarium igitur est, ut si promissionum magnitudine non ducimur, saltem præcepti huius auctoritate atque vi trahamur. Petite, inquit, & accipietis, ut gaudium vestrum plenum sit. Sed & Epistola huius diei obedientiam præcepti huius à nobis exigit. *Iacobi Epistola.* Necnulla eius apud pios erit auctoritas. Quid enim ad nos, si propter quod præter fidem etiam obedientiam verbi postulat, eleuatur, & straminea dicitur, indignaque Apostolo Christi iudicatur? Catholicis enim semper Apostolica fuit, & ipsa quidem multorum vesaniam vicit, perdurabitque ad finem, vsque, ipsius etiam inferorum portis repugnantibus.

In ea, inquam Apostolus vult, ut quæ Christo mandante percipimus, obediētes facto præstemus. Quod si cæteris scripturis ipsiusque adeo Christi verbis Apostoli consilium consonum est, pareamus, sin verò, negligamus. Estote ergo, inquit Apostolus, factores verbi & non auditores tantum, fallentes vosmetipsos. Huic cōsentiens Dauid, Misericordia, inquit Domini ab æterno & usque in æternum super timentes eum, & iustitia illius in filios filiorum, iis qui seruant testamētum eius, & memores sunt mandatorum eius ad faciendum ea. Et

Iac. 1.

Psal. 102.

Zach. 33

Matt. 7.

Ibidem.

Isa. 2.

Isa. 33.

Gal. 6.

Rom. 2.

Ioan. 13.

Ezechiel illo clarius 18. atq; 33. capitibus. Rursum Apostolus ait, Quod si quis auditor sit verbi, & non factor, hic comparetur viro consideranti vultum natiuitatis suæ in speculo. Considerauit enim se & abiit, & statim oblitus est qualis fuerit. Huic Christus consentit, dicens: Non omnis qui dicit mihi Domine Domine, intrabit in regnum cælorum, sed qui fecerit voluntatem patris mei qui in cælis est, ipse intrabit in regnum cælorū. Rursum Apostolus fallere homines semetipsos docet, qui salutem in solo verbi Dei auditu ponunt. Christus verò apertè dicit: Omnis qui audit verba mea hæc, & nō facit ea, similis erit viro stulto, qui ædificauit domum suam super arenam. Rursum Apostolus Christi doctrinam legem, & quidem perfectè libertatis legem dicit. Sic etiam ante eum Isaias. De Sion, inquit, exhibet lex, & verbum Domini de Ierusalem. Imò alibi regem Christum & legislatorem populi nominat. Idem & Paulus audet: Alter alterius onera portate, inquit, & sic adimplebitis legem Christi. Denique quod Apostolus dicit, factorem operis in facto suo beatum fore, id ipsum Dauid primo Psalmo luculentissimè: Paulus verò in ea quam ad Romanos scripsit Epistola, & Christus ipse contestatur, dicens. Si hæc scitis, beati eritis, si feceritis ea. Lucæ duodecimo, Seruus sciens voluntatem Domini, & non faciēs eam, vapulabit plagis multis. Hinc ergo intelligitis (puto) quàm sibi consentiant prophetarum Christi, atque Apostolorum doctrina, cum hac D. Iacobi Epistola. Quæ si cogitassent, ac diligentius considerassent homines, nullo modo hanc Epistolam reiecissent, enimvero moniti Apostoli verbis, quæ Christus in Euangelio nostro omnium bono præcipit, fecissent, promptæque obedientia ad orandum Deum confugissent. Ille quidem omnia ea, quibus indigemus sine prece nostra dare, quemadmodum, & saluare nos sine nostro opere, posset

posset, tamen exigit, utque oremus, monet. Non ut tum de-
 mum ex verbis nostris intelligat necessitatem nostram, sed
 ut nos de nobis diffusi, omnia ab eo sperare, & ab ipso tota fi-
 ducia pendere discamus, tum pro munificentia eius ipsi gra-
 tias agamus. Quod si nec præceptis Christi trahimur, quid
 restat, nisi ipsa necessitate, periculorumque magnitudine tan-
 dem discamus, quod cum rectè valeremus, agnoscere nolui-
 mus? Tres sunt hominis hostes capitales, Caro, Mundus, &
 Diabolus, qui coniunctis viribus obnixè tendunt in perniciem
 animarum. Quibus si non succumbere, si repugnare & vin-
 cere voluerimus (ut certè necessum est) omnino ad diuinæ
 virtutis armamentarium recurrendum erit. Neque enim in
 nobis tanta virtus est, ut resistere, vel vni eorum possimus.
 Nam ut caro quiescat, & nihil aduersum nos moliarur, qui
 semper circumiens quaerit quem deuoret, Diabolus, quomo-
 do mundi huius tot machinis repugnare possumus? An non
 vnus Turca omnes ferè Christianorum vires superat? Non
 furor populi, non minæ, non periuria militum, non tragica
 verba quicquam proderunt, proderit humilis ardēisque ora-
 tio, proderit, & vincet. Non in exercitu, ait Dominus, nec in
 robore, sed in spiritu meo. Idque tot pulchra veteris testamen-
 ti exempla commonstrant. Orante Mose vicit Israël Amale-
 chitas, oratione Ezechias ciuitatem hostibus vndique cin-
 ctam liberauit. Sic Dauid antequam bellum faceret, Domi-
 num consuevit consulere. Idem & Saul fecit; licet impius.
 Habuerunt & Romani, & modò Turcæ homines sine Deo,
 omnia sua auspicia, auguria, oracula, expiationes, procura-
 tiones, idque genus alia monstra, quæ tamen solam religio-
 nis opinionem habent. Soli Christiani hanc placandi nu-
 minis omnium pulcherrimam actionem, quæ verè atque
 ad eam sola veritati innititur, negligunt. Et quis finis tandem
 expectandus erit, nisi quod qui nunc sine lacrymis fraterno
 Christianorum sanguine terram inundari permittimus, ali-
 quando facta deditione indigna, proiecta religionis pietate,
 atque fide, sub immanissimo hoste, foedissima seruitute su-
 mus torquendi? Sed ecce totus ferè hic sermo querelis no-
 bis consumptus est, quod nec promissione allicimur, nec præ-
 cepto ducimur, nec denique necessitate præsentissimæque
 omnium calamitate ad orandum trahimur, ut diuina pla-
 cata ira, quietis beneficio, Deo & Domino nostro liceat ser-

- uirc. Verum ne qua in me sit culpa, paucis quid orare, quæ orationis orantisve esse debeat qualitas, breuiter perquiramus. Equidem orationem non modò verba aut preces oris, sed vota etiam, & desideria, & gemitus suspiriaque mentis intelligo. Hæc enim Deus requirit præcipue atque intuetur, sed & gratiarum actiones & laudem Dei, & si quid præterea lingua nostra cum Deo agendum est. Sunt enim huiuscemodi labiorum nostrorum vituli illi, quos Oseas propheta Domino reddi præcipit, precari, gratias agere, atque laudare. Et hæc omnia David vnico fere Psalmi versiculo complexus est. Nam cum in persona Dei ait: Inuoca me, precès: cum honorificabis me, gratiarum actiones: cum denique immola Deo sacrificium laudis, tertium, nempe Dei laudem voluit innuere. Et orationis quidem causam sæpè necessitas adfert: verè enim & ex animo precabitur is, qui aduersis qua-
- Oratio.*
- Ose. 14.*
- Psal. 68.*
- Matt. 8.*
- Ioan. 12.*
- Psal. 102.*
- Ps. 137.*
- Ps. 138.*
- Psal. 4.*
- Psal. 1.*
- Disiſſo.*
- tur, vt David tum demum saluari se orabat, quum vsque ad animam suam aquas intrasse sentiret: & Apostoli tum obnoxius Domini opem implorabant, cum periclitarentur de vita: sed & ipse Christus cum iam morti propinquior esset factus, ex illa hora saluari se postulauit. Gratiarum actio sequitur beneficia accepta, id quod David etiam ostendens: Benedic inquit, anima mea Dominum, & noli obliuisci omnes retributiones ejus: Qui propitiatur omnibus iniquitatibus tuis, qui sanat omnes infirmitates tuas: Qui redimit de interitu vitam tuam, qui coronat te in misericordia, & misericordibus. Laudes vero expia diuinæ illius maiestatis, sapientię, bonitatis, omnipotentięque nascuntur consideratione. Vt idem David exclamans, Magnus inquit, Dominus, & laudabilis nimis, in ciuitate Dei, in monte sancto eius. Et Domine Deus meus magnificatus es vehementer, confessio nem & decorem induisti, amictus lumine sicut vestimento.
- Orationem ergo cum nomino, gratiarum actionem atque laudem Dei cum petitione intelligo. Est autem triplex orationis genus: priuatum, publicum, & quotidianum. Priuatum dico, quo pro se quisque absconditè cum Deo loquitur. Publicum, cum ad solennes supplicationes homines conueniunt. Quotidianum, quod alio nomine horas canonicas dicimus: De priuato legimus Matthæi sexto, Lucæ vndecimo, vbi modum orandi. Christus docet: Matthæi vigesimo sexto. Ioannis decimo sexto, vbi præcipit. Lucæ 3. & 22. Ioannis 8.

& 17. Matth. 26. & 28. vbi ipse oratur. Petr. 5. Philip. 4. Ephes. 3. vbi Apostoli hortantur. De publico, 2. Paralip. 20. Iosaphat. Exod. 15. Israel. Joel. 2. propheta. Ione 3. 3. Regum 8. 2. Esa. 9. De quotidiano 1. Paralipo. 25. figura 2. Paralipo. 5. 29. 35. Salomon, Ezechias. Iosias. & huius tempus, Psalmo 118. 54. 56. Dan. 6. Exod. 29. Act. tertio & decimo. Iam verò siue priuatim in cubiculo, siue in publica statione, siue quotidie cum Deo agimus. ceterè talis oportet oratio nostra sit, qualem omnino Scriptura depingit, ac Deus ipse requirit. Primò igitur orandum est in fide, sine ulla hæsitacione. Ideo enim promissit Deus *Iac. 1.* exoraturum se esse nos, vt ipsi nos curæ esse credamus. Quo- *Rom. 10.* modo enim inuocabunt, clamat Apostolus, in quem non cre- *Ioan. 4.* diderunt? Deinde in spiritu & veritate oremus oportet, vt ex profundo mentis affectu procedat oratio, quomodo quondam orauit Dauid. Tertio secundum non nostram, sed Dei *Psal. 119.* patris voluntatem dirigatur. Pater, inquit Christus, non mea. *Mar. 26.* sed tua voluntas fiat. Idemque nobis eadem formulam, quam sequamur præscripsit. Quarto in nomine Iesu orandum est. *Psal. 30.* Huius enim gratia pater nostri miseretur, & in ipso omnes. *24. 78.* promissiones Dei sunt Amen & Ita, Christo dicente: Ipse pater. *1. Cor. 1.* ter, inquit, vos amat, eò quòd vos me amastis, & credidistis, quia à patre exiui. Nomen autem Christi est, non literæ illa *Christiana* series, sed incarnatio, passio, mors, meritum: quicquid pro- *men.* pter hoc nomen, hoc est, propter incarnationem, passionem, mortem atque merita Christi petierimus, consequemur. De *Ioan. 1.* ipsius enim plenitudine accepimus omnes, & ipse vnicus me- *1. Tim. 2.* diator Deique hominùmque per sese accessum nobis, ad pa- *Io. 14.* trem aperit, nec quisquam nisi per hoc ostium eò peruenire potest. Quintò, orandum est in iustitia. Peccatores enim quos odit Deus, non exaudit. Hinc ergo quò expeditior esset ora- *Ioan. 9.* tio, veteres duas ei alas tribuerunt, alteram contemptu mundi, *Tob. 12.* alterà castigationem carnis. In Tobia angelus ieiunium, & eleemosynam addidit. Alij verò ignoscenciam in delinquentes, & beneficenciam in egentes apposuerunt: atque id ipsum dixerunt iustitiam, iisque ornatum virtutibus precantem, in iustitia orare. Quò verò hæc actio gravior fieret hominibus, Christus eam primùm ab honesto commendat, quòd nulla homini conuenientior sit actio, quàm cum Deo loqui, cuius ne seipsum quidem puduerit. Deinde etiam nihil illa iucundius esse sancti tradiderunt. Quæstare, inquit Dauid, & videte quàm

Psal. 33 quàm suavis est Dominus. Et Paulus, Accedamus, inquit, ad
Hebr. 4 thronum gratiæ. Sed & lucrosa res est oratio. Multi enim fru-
Psal. 49 ctus eius. Inuoca me, inquit dominus, in die tribulationis tuæ,
Psal. 90 eruam te, & honorificabis me. Clamabit ad me, & ego exau-
Mat. 26 diam eum, cum ipso sum in tribulatione, eripiam eum, & glo-
 rificabo eum. Denique & ipsa necessaria. Id quod Christus do-
 cuit, cum Apostolos vt orarent monuit, vitandæ causa tenta-
 tionis. Neque verò nuper tandem inuenta est oratio, cum ho-
 minibus habet originem. Et licet laborem suum habeat, nec
 nullius diligentia sit verè orare Deum, hac tamen parte faci-
 litate commendabilis, quòd nec certo, nec longinquo aliquo
 loco, aut certis, obscuris, atque ignotis verbis alligata sit, nam
 in omni loco præsto Deus est: & incomprehensibile cum sit
 numen; balbutientium tamen pius pater filiorum gaudet af-
 fectu. Imò verò si ideò natus est homo, vt Deum factorem
 suum atque redemptorem prædicet, nihil magis homini pro-
 prium erit, quàm orare. Et ita quidem proprium, vt cum o-
 mnibus bonis (præter animam) spoliari possit, cum anima ta-
 men propriam sibi seruet orationem. Persequutio Ananiam
Dan. 3 sociosque eius in ignem, Danielelem in lætū leonum, abiice-
2. Mac. 2 re, Susannam falso iudicio capitis damnare, Machabæorum
Deut. 7 linguas ex ipsis faucibus præcidere, Stephanum lapidare po-
 tuit: ne tamen hi omnes orarent, prohibere non potuit. Agno-
 scamus ergo nostram & egestatem & felicitatem, pareamus
 (& quidem nostro bono) monenti Deo, purasque manus cum
 mentibus ad cælestia attollamus; vbi Christus in dextra Dei
 patris aduocatus sedet. Amen.

DOMINICA SEX-

TA PASCHÆ EVAN-

GELIVM, IOAN.

XV. ET XVI.

Cum autem venerit paracletus, quem ego mi-
 stam vobis à patre, spiritum veritatis, qui à pa-
 tre procedit, ille testimonium perhibebit de me. Et
 vos testimonium perhibebitis, quia ab initio mecum
 estis

estis. Cap. 16. Hæc locutus sum vobis, vt non scandalizemini. Absque synagogis facient vos. Sed venit hora, vt omnis qui interficit vos, arbitretur obsequium se præstare Deo. Et hæc facient vobis, quia non nouerunt patrem neque me. Sed hæc locutus sum vobis, vt cum venerit hora, eorum reminiscamini, quia ego dixi vobis.

E A D E M D O M I N I C A

Epistola, 1. Pet. 1111.

Estote itaque prudentes, & vigilate in orationibus: ante omnia autem mutuam in vobismetipsis charitatem continuam habentes: quia charitas operit multitudinem peccatorum. Hospitales inuicem sine murmuratione. Vnusquisque sicut accepit gratiam, in alterutrum illam administrantes, sicut boni dispensatores multiformis gratiae Dei. Si quis loquitur, quasi sermones Dei. Si quis ministrat, tanquam ex virtute, quam administrat Deus, vt in omnibus honorificetur Deus per Iesum Christum, cui est gloria & imperium in secula seculorum. Amen.

S E R M O.



Vt temporis ita etiam Euangeliorum rationem habet Ecclesia: illic, vt quasi præsens ob oculos ponatur nobis, quicquid Christus diuersis temporibus in corpore gessit: hic ne historia confundatur ordo, laborat. Optimè igitur hoc Euangelio hac die vtimur. Quemadmodum enim medium quodam modo tempus hodie tenemus intra Ascensionem & Pentecosten, ita conuenienter eiusmodi Euangelium proponitur, quod vtrunque festum coniungit. Ascensionem igitur refert hæc lectio, cum huius temporis atque mundi persecutio nem piis manentem annuntiat: Pentecosten verò, cum non solum Spiritum sanctum promittit, verumetiam quæ ipsius effecta sunt declarat. Hæc duo Euangelium habet. Sed nunquid dignæ

dignæ res sunt, quæ & intelligantur ab omnibus, & cogitentur sedulo? Vnde enim tot impatientiæ notæ, nisi ex ignorantia Dei, quod nec Dei, voluntatem cogitamus, nec crucis causas nouimus, nec consolatoris præsentiam animaduertimus? Sanè hæc tanta tentatio & pios pariter sollicitat, & impios. Diuerso tamen modo. Et piorum quidem ingens perturbatio est, cur Deus qui iustus & omnipotens creditur, cuius scientiæ omnia patent & aperta sunt, bonos patiat affligi, malos verò prosperari. Ipse Dauid de se fatetur, quod vi tentationis penè præcipitatus, & à fiducia in Deum habenda deturbatus fuerit, cum videret felicitatem impiorum, quibus omnia ex animi sententia succederent, & rursus quantis miseriis plerunque subiacerent pii & amici Dei. Et certè si Dauid id accedit, nobis quoque id ipsum euenire potest, quibus non semper eo modo

Psal. 72

Psal. 72

spiritus Dei præsens est. Sed & impiorum naturam idem propheta refert, cum ait: Posuerunt in cælum os suum, & lingua eorum transiit in terra: & dixerunt: Quomodo scit Deus, & si est scientia in exelso? Videntes nempe piorum cruceem, nolunt amplecti pietatem, ne cruci subiiciantur ipsi. Quin amplius hoc scandalo merguntur, cum hoc ipso quod malis afficiantur pii, aut contrariam Deo religionem Christianorum, aut iniquum Deum, aut si iustum, certè inscium horum quæ hic aguntur, opinantur: & quid velit Deus, cum affligi quidem permittit bonos ad tempus, ignorantes: contra Deum, hominis finem aut nullum, aut huius tantum xui constituunt. Vtrobique igitur hæc tentatio valida est, cuius præcipua causa est ignorantia, cum pii secum cogitant, curtæne Deus terrena, an ipsi quoque Deo chari sint. Impii verò sine noxa se pios affli-

sap. 5

gere arbitrantur. Vt clarè eorum animos expressos in sapientiæ libro legimus: Hi sunt (de piis loquuntur) quos aliquando habuimus in derisum, & in similitudinem improprij: nos insensati vitam illorum æstimabamus insaniam, & illorum finem sine honore. Ecce quomodo cõputati sunt inter filios Dei, & inter sanctos fors illorum est? Et Paulus impiorum non iam in pios, sed in ipsum etiam piorum caput Christum maliciam ignorantia affcribit, cum ait: Si enim cognouissent, nunquam dominum gloriæ crucifixissent. Id quod ex Christi in cruce pendens hausisse verbis videtur, dicentis: Pater dimitte eis, quia

1. Cor. 2

Luc. 23

Ioan. 16

nesciunt quid faciunt. Et paulò antè ad discipulos: Et hæc facient vobis quia non nouerunt patrem, neque me. Nempe si
Deum

Deum verè cognoscerent, pœnam iniquè factorum timerent,
 & à nefandis facinoribus si non amore, saltem metu abstine-
 rent. Neque enim Dei timor tam multa, tam impia facta ad-
 mitteret. Sed quia Deum ignorant, non vno persecutionis
 genere contra pios tumultuantur. Vt singulatim Christus hic
 enarrat. Nam cum principiò in genere dixisset: Odit vos mun-
 dus, addit deinceps persecutiones in specie. Absque syna-
 gogis facient vos. Fuit hoc quidem graue, iam enim antè com-
 posuerant Iudæi, vt si quis Christum confessus fuerit, extra
 synagogam fieret. Nec aliud erat illis extra synagogam esse,
 quàm nobis est, in communione Ecclesiæ non numerari, ab
 Ecclesia credentium exemplum esse, partem inter pios non
 habere. Qualis verò hæc infamia fuerit, faciliè cuilibet intel-
 ligere est. Et certè non sefellit vaticinium hoc, experti enim
 sunt Apostoli vera prædixisse Christum, cum non solum extra
 synagogam, hoc est, doctrinæ communionem & familiarita-
 tem, verumetiam extra ciuitates eiekti sunt, vt testis est Lucas
 in Actis. Et Paulus conqueritur: Tanquam purgamenta facti
 sumus huius mundi, imò omnium peripsèma vsque adhuc, id
 est, sicut Ethnici & publicani, quibus cum nemo communica-
 ret æstimati. Et hic licebit videre, quæ sit conventio regni Be-
 lial cum regno Dei, quæ pars fideli cum infideli. Nulla pro-
 fectò, vt nec vlla iustitiæ cum iniustitia, luci cum tenebris.
 Dum enim in hoc mundo pij sunt, peregrinantur à Domino:
 & quia non conueniunt opera eorum, & mundus lucem odit,
 ne eius à luce arguantur opera, nihilque in mundo est, nisi
 concupiscentia carnis, concupiscentia oculorum, & superbia
 vitæ, ideo non potest diligere nisi quòd suum est. odit alienum,
 & insensibilis imè persequitur. Dux olim simul ædificatæ ciuita-
 tes, Hierusalem & Babylon. Illa Dei & piorum, hæc demonio-
 rum & impiorum. Nunquam his conuenit. Non igitur no-
 uum nec mirum si Babylonij persequantur Hierosolymitas.
 At verò pijs si persequantur, timendum nihil est. nec est quòd
 propterea se conformes reddant mûdo, quia persecutionem
 patiuntur à mundo: quia si voluerint esse amici mundi & pla-
 cere mundo, serui Christi non erunt, imò inimici Dei erunt.
 Aduentæ igitur cum sint in hoc mundo pij, non est quòd qua-
 rant quid iocundi in illo. Oportet enim eos qui volunt in rei-
 gnum Dei intrare, per multas tribulationes intrare. Sic
 enim præcessit caput nostrum Christus naturalis hæres illius
 regni

Ioan. 15

Ioan. 16

1. Cor. 5

Act. 4

Act. 7

Act. 16

1. Cor. 3

Matt. 18

2. Cor. 6

2. Cor. 5

Sap. 2

1. Ioan. 2

Ioan. 15

Rom. 12

Galat. 1

Or 6

Iacob. 4

Act. 14

Luc. 24

Genes. 7 regni, nec id sine exemplo facimus. Sic Noë inter peccato-
Genes. 19 res, Loth inter Aegyptios, Moyses inter Israël. Sic ziza-
Exod. 14 nia ut crescat inter triticum permittendum est, donec veniant
Matt. 13 Angeli & separent malos de medio iustorum. Nam & cum
 Noë archam intraret, Loth ciuitate Sodoma excederet, Moy-
Ioan. 16 ses Aegyptum exiret, subita malos Dei oppressit & deleuit
 iustitia. Sed porro, inquit, venit hora, ut omnis qui interfici-
 cit vos, arbitretur se obsequium præstare Deo. De Iudæis
 hoc dictum intelligere debemus. Etsi enim martyres, id est,
 testes, Christi à Gentilibus interficerentur, non tamen Deo
 hi, sed suis diis falsis se obsequium præstare arbitrati sunt.
 Eoque grauius est pro Dei nomine ab iis trucidari, qui
 patre fideli Abraham procreati, de Dei gloriabantur cogni-
 tione. Tum etiam tolerabile fieret, si mundus agnosceret,
 immerita se pios iniuria afficere. Sed non agnoscit, eoque
 dementiæ peruenit, ut piorum homicidium Deo putet obse-
 quium. Nec ab hoc scelere Gentes eximimus. Omnis, inquit,
 qui interficit vos. Vterque enim populus cõspirauit in necem
 Apostolorum, ut qui nouam doctrinam afferentes, publicam
 tranquillitatem dissipare putarentur. Tertium & maximum
 subiungit, Si me persequuti sunt, & vos persequentur. Si ser-
 monem meum seruauerunt, & vestrum seruabunt. Vtrun-
 que conditionaliter posuit. Sed illud affirmatiuè, hoc nega-
 tiuè. Persequuti sunt Christum. Non seruauerunt sermo-
 nem eius. Et persequentur igitur Apostolos aliosque pios, &
 sermonem eorum non seruabunt. Et hæc maxima est tenta-
 tio, vehemens & ingens perturbatio est, verbum ipsum non
 seruari, contemni, despici. Non sine causa in veteri testa-
 mento toties dicitur, Audi Israël. Et, hæc dicit Dominus
 Deus. Moyses fidelis seruus in domo Dei, de populi Israël
 rebellionem contra verbum Domini conquestus fuit. Et cum
 seruantibus præcepta Dei terra Chanaan promissa fuisset, duo
Num. 14 tantum Iosue & Caleb, qui intrarent inuenti sunt. Et Esaias
Isa. 33 de hoc ad Dominum clamat: Domine, inquit, quis credi-
Isa. 41 dit auditui nostro? Et iterum: Et nunc dixit Dominus for-
 mans me, ex vtero seruum sibi, ut reducam ad se Iacob: Israël
Osee 7 autem non congregabitur. Et Osee: Cum sanare vellem
 Israël, reuelata est malitia Ephraim, & malitia Samaritæ. Et
 paulò post: Ego redemi eos, & ipsi loquuti sunt contra men-
 dacia. Hucusque mundi impietas progreditur, excludit pios,
 occidit

occidit innocentes, & sermonem saluificum non seruorum, sed ipsius Domini, cuius sunt serui contemnit, despicit, abominatur. Et quid efficit in seruis? Triplex malum inuenio. *Heb. 12.* Primum, cum futura expectatur persecutio, timore & terrore mentes occupat: cum præsens adest, dolore & mœrore siue tristitia premit: cum transit odij semina, & vindictæ cupiditatem post se relinquit aduersus persecutorem. Et has Christus persecutiones non paruas ipsis Apostolis, quos hic in mundo dilexit, prænunciat, ut cum scimus ita necesse esse ut veniant scandala, non ideo à Dei exclusos esse cura arbitremur, quantumuis multa atque ardua patiantur pij. Prædixit ergo, ne quis subito & inopinatè obruatur, ne quis scandalizetur, ne quis hic sibi pacem polliceatur: omnes in Christo pacem habeamus, qui in mundo premimur. Sed nunquid ad confortandas piorum mentes sufficit, quòd aduersitates prædixit? Non in hoc pij parentis quiescit affectio: quin tristes fratres de suo discessu alterius cuiusdam numinis consolatur aduentu. Ego, inquit, rogabo patrem, & alium paracletum dabit vobis in nomine meo. Consideremus hic Christi curam erga suos. Intellexit contristari Apostolos de suo discessu, & consolatur eos de alterius aduentu: nouerat mœstos, & aduenientis spiritus præsentia facit lætos: propter mundi persecutionem deiicit, sed propter promissum paracletum rursus erigit. Sic semper miscet amaris suauia, nec vlla tam acerba pro Christi nomine accepta calamitas, quin secretiori aliquo intus reficiat gaudio. Quicquid hic mundus machinatur mali, quicquid nostræ naturæ contrarium, id omne fit per spiritum sanctum dulce & iucundum. Cum igitur nostra fortitudo nulla est, per quam sa- *Iob. 6.* nè Christus paternè facit, tot modis Spiritus sancti iteràs promissionem: paracletus autem Spiritus sanctus, quem mittet pater in nomine meo, ille docebit vos omnia. Et: Nisi ego *Ioan. 14.* abiero, paracletus non veniet ad vos. Et in hoc ipso Euange- *Ioan. 15.* lio: Cum venerit paracletus, quem ego mittam vobis à patre *Ioan. 16.* spiritum veritatis, qui à patre procedit, ille testimonium perhibebit de me: quid vel promittere vel dare potuisse præstantius, quid magis necessarium? Sanè Spiritus sanctus dignum Deo donum, digna Christo promissio est. Illo in nobis habitante, vnum corpus cum Christo efficimur, filij Dei nominamur & sumus. Ut ergo omnibus Spiritus sanctus innotescat, prius cum describit Christus à persona ipsius. A patre igitur

tur Deo procedit Deus spiritus sanctus. Quod si quæras, si-
 habenda illi fides cum testatur, audi q̃ spiritus dicatur verita-
 tis. Sed veritas mentiri non potest nec fallere. Si pergis quæ-
 re, quod eius sit testimonium, & quæ testimonij ipsius virtus,
 paracletum eum Christus dicit, hoc est, eum, cuius testifica-
 tio non in nudis verbis, sed in opere & effectu: non aures ho-
 minum inani feriat tinnitu, sed ad cor hominis loquatur,
 inspiret & permoueat. Nec hoc facit aliquo tempore tantum,
 sed in æternum. Semper de Christo fert testimonium, semper
 docet, semper consolatur. Id quod Christus vult, cum in præ-
 senti posuit, *Qui à patre procedit*. Alia enim ratione utitur,
 cum de seipso loquitur. De se loquens ait: Exiui à patre. & ve-
 ni in mundum: loquitur de præterito. Iam enim tum à patre
 exierat tanquam sponsus de thalamo suo. Sed spiritus sanctus
 nulli datus fuerat, quia Christus nondum clarificatus erat.
 semel tantum Christus venerat, caro factus, & quemadmo-
 dum non morietur amplius, ita mortalis non veniet ultra: spi-
 ritus sanctus processit tunc à patre & filio, procedit etiam nunc,
 & procedet vsque in finem seculi, ut illuminet & sanctificet, &
 adornet templum nostrum, dignumque Deo habitaculum
 efficiat. Sed nec necesse fuit sæpius exire Christum, Semel
 enim in verbo virtutis sue Deus consummauit omnia, que ad
 creationem: semel etiam per idem verbum, quæ ad redem-
 ptionem confecit. Sed quia ad cōservationem rationabilium
 creaturarum non nisi assidua spiritus sancti processione perfici-
 untur, hinc Ecclesia iustè canit, quod sine eius numine, ni-
 hil sit in homine, nihil sit innoxium. Hoc ergo primum in
 descriptione eius, quod paracletus hoc est consolator sit. Et
 soli spiritui sancto hoc conuenit epitheton. Quicquid enim
 aliunde nos consolari videtur, fallit nos, perfectam cōsolatio-
 nem non habet. Vnde scripturæ mos est, ut ubicunque huius
 æui solatia & gaudia vult innuere, comparatione aliqua uti-
 tur. sic dicitur: Sicut lætantium omnium habitatio est in te.
 Non dicit quod lætentur verè, sed tantum quod sint lætan-
 tibus similes. Sic alibi: Sicut qui lætantur in messe. Certè mes-
 sores in messe etsi gaudium aliquod habeant, quod de fructi-
 bus, quos metunt, percipere cogitant: tamen quod laborantes
 æstus interea sustinent, perfectum gaudium non habent. At
 Spiritus sanctus verè nostra in labore requies, in æstu tempe-
 ries, in fletu solatium est. Quod si consolari est ex spiritu-
 sancto

Ioan. 16.

Psalm. 18.

Ioan. 7.

Paracle-
tus.Spiritus
sanctus.

sancto, sequitur non eos è spiritus sancto loqui, qui tristes morientium mentes illaqueando penè ad desperationem adigunt. Denique non simpliciter eum spiritum dicit, sed spiritum sanctum. Nec immeritò. Non enim in se tantum sanctus, sed & eos quos inhabitat sanctos facit. Vnde sequitur neminem nisi per spiritum sanctificari, & impiè, aut saltem non sanctè viuentes ex spiritu sancto non esse. Postremò, quòd spiritum veritatis dicit, & à patre dari, sicut & in Luca legimus, Pater spiritum bonum dabit petentibus: hoc vult ostendere, quòd à patre, à quo omne donum perfectum, & omne datum optimum donetur fidelibus, spiritus sit veritatis, hoc est, Christi, qui dicit: Ego sum via, veritas, & vita. Sed & in nomine suo dandum spiritum illum sanctum asserit, id quod triplici modo potest accipi. Primò quòd propter Christum sit dandus, & huc referatur quod ait: Ego rogabo patrem, & alium spiritum dabit vobis. Et quod Ioannes scribit: De plenitudine eius omnes accepimus, gratiam pro gratia. Secundò in nomine meo, intelligere possumus, ut sit eiusdem voluntatis, eiusdem sententiæ, eiusdè nque propositi cuius erat Christus. Vel tertio, in nomine meo, quasi idem illi mecum nomen, & quemadmodum ego hucusque vos consolor, ita & ille vos consolabitur: me pater misit, ut mederer contritis corde. Eadem de causa & spiritum illum pater mittet. Adhuc addit: Ille vos docebit omnia. Non externo verborum strepitu, sed arcana in spiratione & illustratione, scribens legem Dei in cordibus nostris. Vnde si Christus nullum Ecclesiæ aliam doctorem promissit, quàm spiritum sanctum, sequitur hoc solum de diuinis rectè ac verè sentire, qui hunc habeat spiritum, contrà, errare illo carentes. Quandoquidem nemò scit quid sit in homine, nisi spiritus sanctus qui est in homine. Docet ergo spiritus sanctus etiamnum quos vult, & quod vult. Non enim omnia omnes docet, sed aliis atque aliis alia atque alia, secundum mensuram donationis suæ unicuique distribuit. Et ea docet omnia quæ ad salutem consequendam sunt necessaria. Aut quæ dixi vobis in memoriam reuocabit, aut quæ dicenda vobis adhuc habeo (siquidem omnia non potestis portare modo) manifestabit vobis. Vltimum, ille testimonium perhibebit de me. Primum in corda vestra omniumque fidelium inscribet, quod ego verus Messias filius ille Dei sum: deinde etiam toti mundo per signa euidentissima idem manifestabit.

Luc. 11.

Spiritus

veritatis

quem pater

ter mittit.

Ioan. 14.

Ioan. 14.

Ioan. 8.

Isa. 61.

Hier. 31.

1. Cor. 8.

G a stabit

stabit. Nam principio vos timidos modò fortes & inuincibiles reddet, indoctos intelligentia sacrarum literarum replebit : vnus linguarum hominibus varietate omnium linguarum donabit, & virtute Dei vos ex alto induct. Postremò, quemadmodum nihil in me factum est pràter quod spiritus sancto dictatore in veteri testamento de me scriptum est, ita idem spiritus conuincet quacunque in veteri lege scripta sunt de me, omnia completa esse in me. Sed & faciet idem spiritus vt sua præsentia in vobis ostendat, quia ego Deus & pater vester, vòsque pia vita vestra palàm de me testificetis, quòd redempti sitis per me, & sanctificati in sanguine meo. Tum reddet spiritui vestro testimonium, quòd filij Dei estis, ad quem clamare audeatis, tanquam patrem. Et hoc erit testimonium vestrum, quod vos mihi perhibebitis, primùm in conscientia vestra, deinde per orbem operibus fide dignis, vt deceat sanctos in hoc mundo. Testimonium ergo perhibent Christi Apostoli, vita simul & moribus, tum verbi prædicatione. Vtrunque autem non ex seipsis, sed ex Deo per spiritum sanctum, cuius donum est, & quod credimus, & quod fidei nostræ duci testimonium perhibemus. Nemo igitur spiritum sanctum habet, qui quicquam se pràter aut contra verbum sibi habere persuadet. Nam spiritus sanctus dona sua per verbum elargitur, & opus suum in nobis perficit. Non tamen sine nobis. Coniuncta hæc duo sunt in testificatione de Christo, cum & spiritus sanctus testatur, & nos ad testificandum inflammat. Seipsum ergo primùm de Christo certos reddant prædicatores verbi, vt sciant vbi figendi pedes, ne ipsi quouis doctrinæ vento circumagantur, deinde alios docere ac de Christo testificari progrediantur. Non etiam quod ore fatentur, factis impiis negent. Si enim aliud verbis sonant, aliud vita exprimunt, testimonium de Christo corrumpunt, testiũque dignitatem & auctoritatem perdunt. Videmus ergo quàm appositè Christus in hoc Euangelio duo illa diuersissima coniungat, quorum altero quid in mundo; altero quid expectare debeamus è cælo admonemur. Grauis persecutio est, respice spiritus sancti virtutem, fiet leuior. Sint tibi cordi prophetarum Ezechielis & Ioëlis oracula. apprehende Christi promissa, vide quid hodie precetur Ecclesia. Quæ tibi ex te videntur impossibilia, spiritus promissi supplebit præsentia. Confide in Deo: & quem timere debeas non erit. Respice ad ea quæ Petrus in hodierna epistola

Act. 2.

Rom. 8.

Ex. 16.

Isa. 2.

Ps. 16.

1. Pet. 4.

epistola præscribit: Vigilantia cum sobrietate, & providentia suscipere: tum cum oratione David secutus dominum, qui te spiritu suo principali imbuat atque confirmet, ora. Deinde ne quem precando accepisti improvidus amittas, aut ne per crapulam expulsum repetere necesse habeas, ardentius quod incepisti oratione insta. Pius pater suorum misertus, quem fecit, suum agnosceret: & quem corporis sui mystici membrum esse agnoscit, spiritus sancto non priuabit: sed magis, salutaris sui lætitia reddita, faciet ut non solum pericula, aduersaque mundi huius non timeas, verum etiam vatem persecutionum atque mitigatorem Iesum Christum constanter prædices, coramque omni populo testificeris. Atque hæc in nobis idem Christus præstet, qui maius testimonium hoc nostro habet, à patre & spiritus sancto viuens in secula Deus. Amen.

IN MAGNA PENT- TECOSTES SO-

LENNITATE EVAN-

GELIUM IOAN.

XIIII.

SI quis diligit me, sermonem meum seruabit, & pater meus diliget eum, & ad eum veniemus; & mansionem apud eum faciemus. Qui non diligit me, sermones meos non seruat. Et sermonem quem audistis, non est meus, sed eius qui misit me patris. Hæc loquutus sum vobis, apud vos manens. Paracletus autem spiritus sanctus, quem mittet pater in nomine meo, ille vos docebit omnia, & suggeret vobis omnia quaecunque dixerò vobis. Pacem relinquo vobis, pacem meam do vobis. Non quomodo mundus dat, ego do vobis. Non turbetur cor vestrum, neque formidet.

G 3 Audistis

Audistis quia ego dixi vobis, vado & venio ad vos. Si diligeritis me, gauderetis utique, quia vado ad patrem, quia pater maior me est. Et nunc dixi vobis priusquam fiat, ut cum factum fuerit, credatis. Iam non multa loquar vobiscum. Venit enim Princeps mundi huius, & in me non habet quicquam. Sed ut cognoscat mundus, quia diligo patrem, & sicut mandatum dedit mihi pater, sic facio.

EPISTOLAE LOCO LECTIO,

ACTORVM II.

ET dum complerentur dies Pentecostes, erant omnes pariter in eodem loco, & factus est repente de caelo sonus, tanquam aduenientis spiritus vehementis, & repleuit totam domum ubi erant sedentes. Et apparuerunt illis dispartitæ linguae tanquam ignis, seditque supra singulos eorum. Et repleti sunt omnes Spiritu sancto, & coeperunt loqui varijs linguis, prout Spiritus sanctus dabat eloqui illis. Erant autem in Ierusalem habitantes Iudaei viri religiosi ex omni natione, quae sub caelo est. Facta autem hac voce conuenit multitudo, & mente confusa est, quoniam audiebat unusquisque lingua sua illos loquentes. Stupebant autem omnes, & mirabantur, dicentes: Nonne ecce omnes isti qui loquuntur Galilaei sunt? Et quomodo nos audiuimus unusquisque linguam nostram in qua nati sumus? Parthi & Medii, & Elamitæ, & qui habitant Mesopotamiam, Iudeam, & Cappadociam, Pontum, & Asiam, Phrygiam, & Pamphylia, Aegyptum, & partes Libyæ, quæ est circa Cyrenem, & aduenæ Romani: Iudaei quoque & Proselyti, Cretes & Arabes, audiuimus eos loquentes nostris linguis magnalia Dei.

Veni sancte Spiritus, reple tuorum corda fidelium, & tui amoris in eis ignem accende, qui per diversitatem linguarum cunctarum gentes in unitate fidei congregasti.



DEST illa dies quam prædixerunt prophete; adumbrarunt figure, adesse prænucliauit Christus, celebrauerunt Apostoli, totusque hic orbis admiratur, connumerata quidem aliis diebus, sed celebrior cæteris omnibus. In hac enim prisca illa ac genuina Dei imago, expulso diabolico dolo Christi sanguine redemptis redditur hominibus: & effuso super omnem carnem de Spiritu sancto cælitus, noui creantur homines, renouaturque terræ nostræ facie, sit ut in carne hac mortales conuersationem nostram in cælis habentes, spirituales efficiamur & immortales. Non est auditum à seculo, Deum vna vice tanta bonitatis suæ dona præstitisse hominibus. Cætera enim omnia quæ Deo nostro meritò accepta ferimus, cum eximia sint & magna, in huius tamen beneficii, quod hodie fidelibus collatum est mentibus, comparatione vilescunt, & auctoritatem suam quodam modo perdunt. Magnum profectò creationis nostræ beneficium est, & quia non profuisset nasci, nisi datum fuisset & renasci, redemptionis munus maius est. Sed quia Spiritu sancti missio redemptionis, hoc est, mortis, resurrectionis, atque ascensionis Christi meritum, & fructus, hæc ut est proptremum donum, ita est & maximum. Quod si nullo nostro commodo, nulla necessitate nostra euidenti, tantum quod olim semel atque iterum hominibus nostri similibus Spiritu sanctus datus sit, hanc diem celebrem ducere iuberemur, sanè quia tot vaticiniis, totque figuris, denique etiam apertis promissionibus & præuisa, & prænuclata fuit, non sine maxima Christiani nominis iniuria hodie ab ea, quæ Spiritu sancti meretur missio; admiratione, gratiarumque actione ac oratione cessaremus. Nunc verò quia multis rationibus atque testimoniis ad nos quoque hoc beneficium pertinere docemur? quid nostri sit officij? quiuis facile intelligere potest. Proinde quantum hoc sermone eius fieri potest, principio quibus verbis, qua ratione olim in utroque testamento hæc solennitas prænuclata atque celebrata sit, deinde quid Spiritu san-

Propos. 2.
2.3.

Atus, qui ipsius effectus, & denique quomodo à nobis quoque
 consequatur, atque nobiscum sit, opereturque inuestigemus.
 Res quidem ardua hæc est, magnique momenti, sed tamen si
 vos præsentibus animis adesse non dedignemini, cum ma-
 gna & voluptate & utilitate hoc negotium à me tractandum
 suscipi non despero. Rectè autem hic veteris cum nouo Te-
 stamento consensum considerabimus. Id quod hac ipsa die
 etiam Petrus Apostolus fecit, qui pro rei magnitudine eleua-
 ta voce coram viris Iudæis cæterisque Hierusalem ciuibus
 vniuersis, quos secum haberet discipulos excusans, veterisque
 Testamenti oraculis hoc beneficium Dei in homines promif-
 sum fuisse demonstrans, Non, inquit, sicut vos æstimatis, hi
 ebrij sunt, cum sit hora diei tertia. Sed hoc est quod dictum
 est per Prophetam Ioel: Et erit in nouissimis diebus, dicit do-
 minus, effundam de spiritu meo super omnem carnem, &
 prophetabunt filij vestri & filia vestra, & iuuenes vestri vi-
 siones videbunt, & senes vestri somnia somniant: & qui-
 dem super seruos meos & ancillas meas in diebus illis effun-
 dam de spiritu meo, & prophetabunt: & dabo prodigia in cæ-
 lo sursum, & signa in terra deorsum, sanguinem, & ignem, &
 vaporem fumi. Sol conuertetur in tenebras, & Luna in san-
 guinem, antequam veniat dies Domini magnus, & manife-
 stus. Et erit omnis quicumque inuocauerit nomen Domini,
 saluus erit. Quo sanè Ioelis testimonio similes propheta-
 rum locos indagare nos monuit. Sciebat enim Spiritus sancto
 repletus Apostolus atque suo ipsius exemplo intelligebat sua-
 uissimam hanc esse harmoniam, vbi promissionibus vete-
 ris Instrumenti, nouæ legis respondent magnalia, & delecta-
 tionem quandam peculiarem adferre credentibus intelligen-
 re, sic beneficia Dei impleri tempore gratiæ, quomodo ea
 quondam vaticinati sint Prophetæ. An non enim dulcissi-
 mus concentus est, vbi promissio atque exhibitio ipsis etiam
 nominibus conueniunt? Ioel tempus designans: Erig inquit,
 in nouissimis diebus. Ioannes verò Apostolus, vnus ex iis
 qui Spiritum sanctum acceperunt hodie, nouissimam horam
 illud tempus dicere non abhorruit. In Ioel, donum hoc spi-
 ritus dicitur. In nouo Testamento vbique eodem nomine
 designatur. Effundam de spiritu meo. Cuius hæc promissio
 est? Dei. De Dei igitur spiritu missum est. Et in nouo Testa-
 mento idem spiritus non modò spiritus Christi, verum etiam
 sanct

Act. 2.

Ioel. 1.

1. Io. 2.

Rom. 8.

sanctus dicitur. Vtique quia nemo verè sanctus est, nisi Deus Spiritus sanctus, spiritus Dei est. Iam vero quod Ioel ait: Super omnem carnem effundi spiritum Dei omnibus, quātum quidem in Deo est, hoc dari posse donum ostendit. Id quod hodierna etiam lectio docet, vbi Lucas omnes repletos fuisse eodem Spiritu sancto commemorat. Sed & effectus utrobique demonstrantur. Nam & Ioel, Prophetabunt, inquit, filij vestri, & filiae vestrae. Et Lucas corpiſſe ait Apostolos loqui variis linguis. Postremum, quod Ioel prodigia daturum esse Deum dicit, Lucas factum innuit, cum hominum linguas dissecas, ac veluti igneas supra singulos discipulorum sedere, videntium stuporem admirationemque commemorat. Et quid hac collatione atque symphonia suauius? Quid ad roborandam fidem nostram commodius, & praestantius? Sed nec solus Ioel haec omnia prauidit, nec ita praedixit, vt non alij etiam Prophetae maiora demonstraerint: Isaias enim Propheta, cum gaudium huius diei, tum virtutem Spiritus sancti claris verbis edocet: Confortare manus solutas, genua debilitata roborare, non timere à Domino doceri, & in iustitia fundari. Sed & Apostolorum officium, quod eos hoc accepto Spiritu faciendum manebat, aperte praedixit: Annuntiabunt, inquit, gloriam meam gentibus, & adducent omnes fratres vestros de cunctis gentibus donum Domino. Sed & Ieremias & Ezechiel, & Zacharias hoc Spiritu sancto multa hominibus praestari asserunt. In persona enim Dei loquens Ieremias, Post dies illos, inquit, dabo legem meam in visceribus eorum, & in corde eorum scribam eam, & ero in eis Deus, & ipsi erunt mihi in populum. Et non docebit vltra vir proximum suum, & vir fratrem suum, dicēs: Cognosce Dominum. Omnes enim cognoscent me à minimo eorum vsque ad maximum. Et Ezechiel quidem: Effundam super vos aquam mundam, & mundabimini ab omnibus inquinamentis vestris, & ab vniuersis idolis vestris mundabo vos. Et dabo vobis cor nouum, & spiritum nouum ponam in medio vestri. Et auferam cor lapideum de carne vestra, & dabo vobis cor carneum, & spiritum meum ponam in medio vestri. Et faciam vt in praeceptis meis ambuletis, & iudicia mea custodiat, & operemini. Porro in Zacharia angelus ad Israëllem ait: Et habitabo in medio tui, & scies quia Dominus exercituum misit me ad te. Hanc ergo tam multiformem promissionem de

Act. 2.

Isa. 35.

Isaia 54.

55.

Isa. 66.

Iere. 31.

Exech. 36.

- Spiritus sancto in Prophetis scriptam, Christus in Euangelij historia multis repetit. Nam quod in Isaia scriptum est, Spiritum hunc confortare & roborare, Christus ad discipulos loquens repetit. *Zach. 2.* Accipietis, inquit, virtutem superuenientis Spiritus sancti in vos, & eritis mihi testes, & ego mittam promissum patris mei in vos. Vos autem sedete in ciuitate, *Act. 1.* quoadusque induamini virtute ex alto. Quod in Ieremia est: *Luca 24.* Ero eis in Deum, omnes cognoscent me. Christus in Ioanne confirmans ad Apostolos, Non, inquit, relinquam vos orphanos, veniam ad vos. In illo die cognoscetis, quia ego sum in patre meo, & vos in me, & ego in vobis. Quod autem in Ezechiele Dominus de aqua munda loquitur, Christus in *Ioan. 14.* eodem Ioanne confirmans: Qui biberit, inquit, ex aqua quam ego dabo ei, non sitiet in æternum: sed aqua quam ego dabo ei, fiet in eo fons aquæ salientis in vitam æternam. Et iterum: *Ioan. 7.* Si quis sitit, veniat ad me, & bibet. Qui credit in me (sicut dicit scriptura) flumina de ventre eius fluent aquæ viuæ. Hæc enim ipsum de Spiritu sancto dixisse Euangelista continuo sermone testatur. Denique quod Zacharias ait: scies, quia Dominus exercituum misit me ad te, Christus vult, cum à patre ait Spiritum sanctum miti, suo in nomine. Iucundus admodum hic scripturarum veteris atque noui testamenti consensus est. Sed non minus etiam voluptatis figuræ habent, quæ *Exod. 19.* & ipsæ hanc missionem prædicant. Nam quinquagesima die, posteaquam Aegyptum exiisset Israël, legem à Deo accepit: & quinquagesima à celebrato phase Domini anniuersaria die, primitiæ frugum offerebantur, & quinquagesimus Iubilæus erat, eratque tum cuius ad relictas possessiones redire licitum. Nos quidem nomen quinquagesimæ retinemus, quod quemadmodum quadragesima tristitiæ, & pœnitentiæ (vt Gen. septimo. Numer. decimoquarto. Deuter. nono, Ioan. tertio, Matth. ei quarto videre est) sic illa lætitiæ tempus est. Sed Pentecosten nostrum longè verius rectiusque celebremus. Accepta enim cælitus lege in cordibus nostris per Spiritum sanctum, fructus, non frugum, sed labiorum nostrorum offerimus, & libertate Iubilæi beneficio recuperata, cælestem patriam, auitamque hæreditatem, spe quodāmodo iam nunc consequuri sumus. In libris etiam verba dierum huius gaudiij atque solennitates figura est. Completa enim & perfecta Domini domo, cum iam finem orandi fecisset Salomon, ecce *2. Par. 6.* ignis

Ignis descendit de cælo, maiestâsque repleuit domum Domini. Cui respondet, quod consummato opere, quod pater dederat Christo, hoc est, incarnato Christo, mortuo, & post resurrectionem in cælos assumpto, ignis verus, cælitus elapsus *Gen. 19.*
 est super homines, non qualis super Sodomam quondam Gomorrémque, & principem ad Eliam missum, cecidit, sed *4. Reg. 1.*
Gen. 1.
 ad saluandum: ignis non comburens, sed illuminans, sed purgans, sed sanctificans. Omitto id genus alias figuras, ut quod in mundi exordio super aquas ferebatur spiritus, & quod Elizeus spiritum Eliæ duplicem petiit, ne prolixior sermo fastidium generet, & nauscam. Perappositi autem his promissionibus atque figuris aliorum quoque vatum pronuntiata, atque orationes addiderimus. Aded enim certa hæc Dei promissio fuit apud pios, ut non modò quasi iam venisset Spiritus sanctus, loqueretur, verum etiam pro consequendo illo, ut sine quo nihil esset in homine, sæpe atque ardentè orarint. Salomon tanta fide hanc promissionem apprehendebat, ut Spiritus sancti totum hoc negotium descripturus, iam factum esse non dubitavit asserere. Spiritus, inquit, Domini, repleuit orbem terrarum, & hoc quod continet omnia, scientiam habet vocis. Eandem fidem, & alibi *Sap. 1.*
 declarat, ubi optione data, sapientie spiritum postulauit sibi cooperatorem. Rectè quidem illud. A patre enim pio, pius isthæc acceperat. Triplicem enim David pater à Deo petierat spiritum, Spiritu sancto innouaretur in visceribus suis, ne Spiritu sancto priuaretur, sed magis principali spiritu confirmaretur, orans. Sed qui non pro se oraret, qui omnibus eundem spiritum adesse optauit? Emitte, inquit, Domine spiritum tuum, & creabuntur, & renouabis faciem terræ. Hæc veteris Testamenti vates de Spiritu sancto pronunciarunt, his orationibus ipsius præsentiam exoptauerunt. Et certè magnum est quod petierunt, nempe à Spiritu sancto creari & renouari. Quamquam in Hebræo non est Emitte, sed Emittes, ut præcedentibus respondeat: Auferes spiritum tuum, & turbabuntur. Vtrunque autem, & quod creantur, & quod renouantur homines, Spiritus sancti opus est. Alterum enim David & Iob testantur, quorum ille verbo Dei cælos firmatos esse, & spiritu oris eius omnē virtutem illorum: hic verò Spiritu sancto cælos ornatos esse. Alterum verò Ezechiel atque Joel clavis verbis indicat. In creationes corporaliter, in renouatione

*Gen. 19.**4. Reg. 1.**Gen. 1.**4. Reg. 1.**Sap. 1.**Sap. 9.**Psal. 50.**Psal. 104.**Psal. 32.**Iob 26.**Ezech. 36.**Joel 2.*

uatione

uatione spiritualiter operatus est. Illic corporales cælos, hic spirituales creauit. Illic stellis ornauit cælos, hic gratis decorauit cælos Apostolos. Illis terram, hic hominum mentes fecundat. Illic formauit homines ad imaginem suam, hic reformauit ad similitudinem diuinam. Illic benedixit vt multiplicarentur, hic verò vt sanctificarentur. Facies humana recta fuerat creata, vt & in fide Deum agnosceret, & spe sequeretur, & charitate diligeret. Hanc faciem spiritus nequam sordauerat, cum peccato fidei perstrinxerat oculos, pro spe desperationem, vt charitati contrariam à Deo auersationem induceret & odium. In hac deformitate humi reptabant omnes, imò terra sine spiritu Dei facti erant omnes, nec per sese subsistere, nec cælestia contemplantes, poterant auxilia quærere. Ideoque quod summus parens in creatura sua perditum videbat, emissò viuificatore, & purificatore, & sanctificatore spiritu, qui & mortuos viuificaret, & sordos purificaret, & peccatores sanctificaret, vt renouata terræ nostræ facie, fructum suum daret in tempore, hæc omnia veteres illi Prophetæ & considerauerunt, & summis votis desiderauerunt optaueruntque, & licet nec dum appareret, tamen quòd ita certò futurum sperabant, Dei Optimi Maximi beneficia gratis mentibus celebrauerunt. Quanta verò noui Testamenti patrum, eorum qui iam tunc renouati erant in hac solennitate, fuerit triumphus, quis enumerabit? Quibus verbis, qua etiam alacritate Petrus Apostolus hac in solennitate hoc Dei beneficium prædicauerit, *Act. 2* Lucas commemorat, & suprà dictum est. Eadem verò pietas in aliis etiam discipulis, atque omnibus iis, qui inde usque ad nostra tempora Euangelio crediderunt, videri est. Id quod vetustatis illa vestigia, quæ in Ecclesia manserunt impressa, satis declarant, simulque nostram (proh pudor) impietatem accusant. Taceo hic, quòd Scripturæ consentientibus, iisque diuinis nominibus eum prædicarint; quòd sic creator Spiritus, paracletus, donum Dei altissimi, fons viuus, ignis, charitas, & spiritualis vnctio: quòd septiformis munere, quod dextræ Dei digitus ritè promisso patris sermone ditans guttura. Quòd in igne discipulis apparuerit, & charismatum dona tribuerit, eosque in vniuersum mundum ad prædicandum miserit. Quòd Spiritus almus illustrator hominum, amator sanctus piarum cogitationum, puri

purificator omnium flagitiorum, qui & Prophetas inspirarit, & Apostolos confortarit, qui Deo omnia creante super aquas existens, eis numen suum expenderit, qui animabus viuificandis aquas fecundet, qui aspirando det spirituales esse homines, qui diuisum per linguas mundum & ritus adunarit Dominus, qui idolatras ad cultum Dei reuocarit magistrorum optimus. Quod pater pauperum, dator munerum, lumenque cordium. Quod consolator optimus, dulcis hospes animæ, dulce refrigerium. In labore requies, in æstu temperies, in fletu solatium: lux beatissima, sine quo preces omnes cassæ atque indignæ Dei auribus creduntur, sine cuius numine nihil sit in homine, nihil sit noxium. Hæc, inquam, omnia etiam si sine horum, uti quæ maxima ex parte ad essentiam Spiritus sancti pertineant, cognitione verè Christianos esse non licet, taceo. Vnica enim illa Ecclesiæ, atque vñtatissimæ his diebus oratio, quid illi de Spiritu sancto crediderint, & qua pietate hanc solennitatem celebrarint, abundè satis declarat. Veni, inquit Ecclesiæ, sancte spiritus, reple tuorum corda fidelium, & tui amoris in eis ignem accende, qui per diuersitatem linguarum cunctarum gentes in vñtate fidei congregasti, Hallelu Iah. Et, Deus qui hodierna die corda fidelium Sancti spiritus illustratione docuisti, da nobis in eodem spiritu recta sapere, & de eius semper consolatione gaudere. Hæc, inquam, oratio antiquitatis illius laudatæ, pietatem redolet. Principiò enim Deitatis confessionem habet, quod ad ipsum Spiritum sanctum, & ut ipse veniat, dirigitur precatio. Discernit etiam eum à spiritibus aliis omnibus. Habet deinde & humanæ miseriæ confessionem, cum Spiritum sanctum postulantes, non sine illius præsentia nos posse persistere innuimus. Cum enim vasa vacua sumus repleti ab illo, tum extincto charitatis ardore illius amoris igne accendi petimus. Et ne insolenter videatur petere, veterum beneficiorum admonet, quod per diuersitatem linguarum cunctarum, non Iudæos modò, sed & Græcos ad fidei vñtatem congregauerit. Deinde conuerso ad patrem sermone, petit, ut cuius munere Spiritus sanctus tanta effecit, det in eodem spiritu recta sapere, & de eiusdem semper consolatione gaudere. Necessaria professio & Ecclesiæ digna oratio. Sapere enim sibi videntur multi, ut Phari-

Matt. 15

Matt. 21

lege

lege Dei introducebant. Et Saducxi sensum scripturarum sibi attribuebant, quibus Christus errorem & scripturarum ignorantiam obicit: ut Gerazeni Christum è suis finibus repellentes: ut Petrus mortem Christo dissuadens lauari recusans, tanta de seipso præsumens: ut ceteri etiam Apostoli de primatu contendentes, primas in mensa sedes ambientes, vindictamque in alios homines expostulantes. Imò inuenimus qui cum recta intelligunt, contra tamen conscientiam propriam eadem peruertunt, bonum malum, & malum bonum dicunt, quales olim fuerunt, quibus Isaias Propheta Vx illud minitatur, & etiamnum multi sunt. Sunt præterea qui quidem quæ recta sunt, sapiunt: sed quod illud ex Spiritu sancti veniat beneficio, inficiantur, sibi ipsis, quantum illud est, attribuentes. Hi omnes non sapiunt in illo spiritu quæ recta sunt. Est enim in eodem spiritu recta sapere, obfirmato animo credere, non quæ ratio, sed quæ Spiritus sanctus fide amplectenda præscribit, etiam si rationi videbantur impossibilia, summa fiducia Dei sperare promissa. Pleno affectu ea quæ iusta sunt amplecti, quæ mala sunt, impigri diligentia euitare, quocumque vocauerit ille alacriter insequi, ac denique cum omni poenitentia crucem, quæ cuique manet, sustinere atque perferre. Hoc est in Spiritu sancto recta sapere. Sic Apostoli in Spiritu sancto recta sapiunt, cum Iesum filium Dei viui agnoscunt, cum apud ipsum se, qui verba vitæ æternæ haberet, mansuros esse profitentur, cum se omnia reliquisse, Dominumque sequuros esse clamant, posteaquam accepissent Spiritum sanctum. Petrus enim Dominum & Iesum à Deo factum esse asserbat. Cum plus Deo quàm hominibus obediendum esse dicebant, nec se posse tacere quæ viderunt & audierunt, cum quotidie vnanimiter in oratione perseverarunt. Sic in Spiritu, se recta sapere cupientes, in eodem ipso consolatione gaudi sunt. Ecce quibus verbis, quibusve rationibus vtriusque testamenti homines pij de Spiritu sancto locuti sunt, quæ ratione hunc celebrauerunt. Iam si nos ea omnia coniungere, ac veluti vnus harmoniæ cantum ex iis omnibus conficere voluerimus, ubi alij Spiritum sanctum, quem fide venturum esse sciebant, illic prædicarunt, alij ipsum ut veniat, implorant: alij creationem, alij quoque renouationem, alij denique conseruationem ipsi attribuunt: quàm dulcis, quàm suavis summâque delectatione plena hæc

omnium

omnium temporum, omniūque hominum erit euphonia? Quem etiam applausum merebuntur tot preces totque figuræ veteris illius Testamenti, quibus veluti spectaculis quibusdam hæc præludebant? Nimirum ut ita veteres de Spiritu sancto loquerentur, & ipsius tanquam Dei dignitas summa, atque ipsorum vrgens postulauit necessitas. Inuenti quidem sunt in illo populo, quales etiam nunc inueniri possunt, qui minus syncerè de Spiritu sancto & senserunt & dictauerunt, imò qui Gyantum more bellum ei denunciarunt, quorum alij ministrum eum tantum patris atque filij esse voluerunt, eò quòd scriptum sit, dicente Christo: Pater eum mittet in nomine meo. Et, Ego mittam eum vobis à *Ioan. 15* patre. Ut Macedonius, Eunomius, Sabellus & Noëtus: alij patris quidem spiritum esse non negant, sed Christi filij quoque spiritum minimè credunt, detrahentes illi, quòd semper cum patre atque filio habet diuinitatis essentiam: alij verò cum sint lignis atque lapidibus insensibiliores, & ipsius numinis præsentiam non sentiunt, & impietate sua eum à se eiicientes, nunquam habuisse se eum, aiunt. Hinc Sacramentis Ecclesiæ inditam detrahunt gratiam, & ludibrio habentess, quod ritè acceperunt baptisma, reiterando tinctionem, quem tum demum accipere se simulant, propellunt à se longius, & extra limen scholæ spiritus positi, à quouis nequam spiritu rapiuntur, erroribus circumaguntur, celeremque sibi suis opinionibus superinducunt interitum. Omnes autem hi, nec quid Spiritu sanctus, aut qui illius effectus sint, intelligunt, nec suam miseriam, aut quàm ipsi illo indigeant, agnoscunt, nec quo modo assequi, & obtinere valeant, intelligunt. Proinde quæ veterum de illo fides fuerit, perscrutemur, ut agnita cum illius maiestate atque potentia, tum nostra miseria, ipsius opem implorare discamus, ipsoque imbuti beatam vitam viuamus. Difficile quidem erit, illius naturam atque essentiam indagare. Si enim quæ in terra, & quæ in prospectu sunt, cum labore inuenimus, quis ea quæ in cælis sunt, inuestigabit? Tum ea tantum loqui possumus, quæ scimus, & quæ vidimus, testari. At nemo vnquam vidit Deum. Apparuit quidem patribus olim, sed aliena specie. Abrahamo visus est in forma hominis, Mosi in forma ardentis rubi, Israël in densissima nube & fumo, Eliæ verò in voce quæta & subtili. Sed nihil horum Dei naturam potuit demonst

*Sap. 9**Ioan. 3**Ioan. 1**Genes. 12**Exod. 39**3. Reg. 19**Matt. 3**Act. 2**Matt. 17*

demonstrare, tantumque presentie Dei signa erant. Sic & Spiritus sanctus nunc columba, nunc ignis, nunc nubis speciem gerens saepe multiformis apparuit, quæ & ipsæ species tantum
Exod. 33 argumenta presentie eius fuerunt, non ipse Deus. Non, inquit, ipse videbit me homo & viuet. Verum aliquid tamen de ipsius scire, licebit essentia. Unigenitus enim Dei filius nobis enarrauit. Tum per effectus suos multiplices sese spiritus manifestat. Quod enim Deus sit Spiritus sanctus, filius aperte demonstrat, cum remitti hominibus verbum contra filium hominis emissum, verum contra Spiritum sanctum si quis dixerit verbum, non remitti neque in hoc seculo, neque in futuro asserit. Vbi hoc dicere voluit, ut pater maior me est, respectu humanæ, quam in me cernitis naturæ, ita & Spiritus sanctus: & grauius multo delinquit, qui verbum dixerit contra diuinam naturam, quam qui impugnat humanam. Idipsum in hodierno Euangelio vult, cum ait, Paracletus autem Spiritus sanctus, quem mittet pater in nomine meo. Omnes tres personas coniunxit, patrem qui mittit, filium in cuius nomine mittitur, & Spiritum sanctum qui mittitur. Et certè quemadmodum filio diuinitatem non adimit, quod & ipse missus est, ita nec Spiritum sanctum, quod mittitur diuinitatis excludit consortio. Et hoc filius alibi clarius asserit, cum baptizati credentes tam in Spiritu sancto, quam in suo atque patris nomine præcipit. Et hunc sequutus Apostolus Magistrum ad Ananiam loquens, Quare, inquit, tentauit sathanas cor tuum mentiri te Spiritui sancto? Non es mentitus hominibus, sed Deo. Ecce quem dicebat Spiritum sanctum, etiam Deum vocat. Sic Paulus: Nemo potest dicere, Dominus Iesus, nisi in Spiritu sancto. Diuisiones verò gratiarum sunt, idem autem Spiritus. Et diuisiones ministrationum sunt, idem autem Dominus. Et diuisiones operantium sunt, idem verò Deus. Ecce Spiritus sanctus & Dominus & Deus dicitur. Idem rursus: Portate Deum in corpore vestro. Et: Charitas Dei diffusa est in cordibus vestris per Spiritum sanctum, qui datus est nobis. Sic Ioannes apertissimè, Tres, inquit, sunt qui testimonium dant in cælo, pater, verbum, & Spiritus sanctus. Et hi tres vnum sunt. His testimoniis cum Christi, tum Apostolorum quid clarius apertiusque dici potest? Accedit huc & Athanasij & Nicæni Concilij confessio, quæ sic habet: Credimus in Spiritum sanctum Dominum & viuificantem, qui ex patre filioque procedit:
 qui

qui cum patre & filio simul adoratur & conglorificatur: qui loquutus est per prophetas. Hæc enim confessio & substantiam eius, & æqualitatem æternitatemque declarat. Substantia dominus est & sanctus. Dominum autem confitemur contra eos qui nullo discrimine inter ipsum atque confusas virtutes, seu arcanos illos mentium motus secernunt. In hunc credimus dominum vera latria non dulia, scientes quia Deus honorem suum alteri nulli dat. Sanctum autem dicimus, primò propter effectus. Ipse enim cum per se sanctus est, tum alios quoque sanctificat: deinde etiam propter diuersitatem aliorum spirituum. Cum enim non sit omni spiritui credendum, necessariò probamus spiritus. Multos autem spiritus legimus. Saul inuasit spiritus domini malus. Est & alius qui-
dam spiritus mendax in ore omnium prophetarum. In Isaia de quodam spiritu vertiginis, seu, vt Hebræi legunt, peruerſitarum, legimus. Et alibi apud eundem de spiritu ambizioso scriptum est. In Numeris spiritus zelotipie proditur. In Osea spiritus iracundie describitur. In Salomonis pro-
uerbiis spiritum hominis legimus. Et hunc ad nouum testam-
mentum facto transcurso principes huius mundi inuenimus spiritu concupiscentie carnis oculorumque regi. Ecclesiarum rectores plerunque ſocordie spiritu obdormiunt ad multa-
rum ouium interitum. Plebeios spiritus immundi vexant, cuius Lucas exemplum recitat. Paulus huius seculi spiritum prodit, atque satanam deinde describit. Et quid in tanta di-
uerſitatis numerositate laboro? Minimè Christi spiritus at-
que illis omnibus tanquàm Belial conuenit, nec vlla ex parte de sua sanctitate communicat. Deinde viuificantem confi-
temur. Id quod scripturæ testimonio etiam patri & filio com-
mune est. Sicut pater, inquit Christus, mortuos suscitatur, ita & filius quos vult viuificat. Vnde autem ipsi hæc sit viuifi-
candi potestas, subdit: Sicut enim pater habet vitam in se-
metipſo. sic dedit de filio vitam habere in semetipſo. At spi-
ritum quoque viuificantorem esse Ezechiel docet. Et Chri-
stus: Spiritus est, inquit, qui viuificat. Et quia spiritus eius
est, qui suscitauit Iesum, etiam hæc nostra mortalia corpora
viuificabit. Postea ex utroque procedente, tam filij quàm
patris spiritum confitemur. Tum autem cum utroque eum
adorari simul, & glorificari dicimus, rectè ad ipsum dirigi
preces atque vota docemus, licet non multas orationes in sa-

1. Ioan. 4

1. Reg. 16

E 19

3. Reg. 21

Isaia 19

E 29

Num. 5

Oſe 4

Prou. 16

1. Ioan. 2

Ioan. 10

Luca 11

1. Cor. 2

2. Cor. 12

Ioan. 5

ibidem

Ezech. 37

Ioan. 6

Rom. 6

2. Pet. I

Luca 12

Ioan. 4.7

Psal. 44

1. Ioan. 2

Rom. 5.8

Ioan. 6

Ioan. 3

1. Cor. 3

Galat. 5

Rom. 8

ibidem

cris literis ei legamus attributas. Aequalis autē cum sit vtri-
 que, æqualis illi rectē attribuitur honos. Postremò vt æter-
 num, & non alium noui, alium veteris Testamenti spiritum
 opinentur homines, ipsum per Prophetas locutum fuisse as-
 serimus. Id quod Petrus etiam Apostolus testatur, vbi Spiri-
 tu sancto inspiratos sanctos Dei homines loquutos fuisse scri-
 bit. Porro effectus ipsius nomina declarāt, quorum multa su-
 prā recitauimus: & Christus in hoc Euangelio sub vno no-
 mine consolatoris comprehendit. Quicquid enim operatur
 Spiritus sanctus, tantum fit, vt nos sua consolatione seruet.
 Ignis, quia purgat nos. Aqua verò, quia reficit nos. Oleum &
 vntio, quia conseruat nos. Bonus, quia malitiam, non susti-
 net. Spiritus filiorum Dei & adoptionis, quia patrem Deum
 Abba appellare docet, & testimonium dat spiritui nostro, qd
 filij Dei sumus. Hæc enim omnia idem in nobis operatur spi-
 ritus. Quòd si ad hanc Catholicæ Ecclesiæ fidem, quæ tot te-
 stimoniis roborata, Spiritum sanctum vnum in patre & filio
 Deum, coæqualem, & coæternum, omnipotentem, bonumq;
 asserit, nostræ, hoc est, humanæ naturæ infirmitatis diligens
 cognitio accesserit, quàm nihil vel simus vel possumus sine
 illo facile intelligemus. vtque in nos illabi dignetur, preca-
 bimur: vt nobiscum perseueret, sollicitè vigilabimus. Ipse
 est, per quem pater nos ad filium trahit. Ipse est, per quem re-
 generamur, & ad introeundum regnum Dei præparamur.
 Abluit nos & purificat à peccatis nostris, & vt templa Dei
 simus, sanctificat. Carnis desideria in nobis mortificat, suosq;
 fructus exuscitat. Ipse arrhabo & adoptionis, & ipsius etiā sa-
 lutis æternæ pignus est. Et quid multa? Vt nec corpus sine vi-
 ta, ita nec anima sine spiritu hoc vitam habet. Hic nō est eius.
 Volumus adhuc scire, quàm nos illo indigeamus? Dicam bre-
 uissimè. In nosmet oculos conuertamus, & quid simus, vbi,
 & ad quid vocati simus, tum quæ nos certamina moueant,
 diligenter consideremus, exactè cogitemus: Quid infirmius
 homine? vbi maius periculum quàm in mundo? Quid Chri-
 stiana professione operosius? Quid terribilius, quàm cum
 ipso certare diabolo? Ecquis ergo nō videt, quàm in his omni-
 bus Spiritus sancti opus habeamus præsentia? Non est quòd
 per ignorantiam excusationem queramus, quasi ipsius præ-
 sentiam non intelligamus, aut qua ratione cōsequatur, igno-
 remus. Vtrunque hoc refugium nobis præclusum est. Notif-
 sima

fima enim eius præsentiæ sunt signa: Fides, vt in Abraham.
 Spes, vt in cæteris Prophetis: Charitas, vt in Apostolis in hoc
 Euangelio tantopere commendatur, & q̄ gaudiū interioris *Luca 1*
 hominis, vt in Maria psallente: pax, vt in Simeone, & quam *Gene. 39*
 Christus in Euangelio dedit: castitas, vt in Ioseph: patientia,
 vt in Martyribus: dilectio decoris domus Dei, vt in David,
 Ezechia, Iosia: obedientia mandatorum Dei, quam & ipsam
 hoc Euangelium sonat, vt in Paulo dicente: Quid vis me fa- *Acto. 9*
 cere? Et in David exclamante: Paratum cor meum Deus para- *Psal. 107*
 tum cor meum. Et deniq; mundi contemptus, vt in Apostolis *Mati. 19*
 dicentibus: Ecce nos reliquimus omnia, & sequuti sumus te.
 Hæc enim, idq; genus alia ipsius præsentiæ indubitata signa
 sunt. Eaq; qui habuerunt, in ipso Spiritu sancto exultauerunt,
 eundemq; laudauerunt & prædicauerunt: qui non habuerūt,
 sibi ipsis indoluerunt, & magnis animis de promittentis Dei
 veritate confisi, humiliter & aperto mētium ostio vt veniret,
 orauerunt. Et harum rerum vestigia quidem veterum, non
 studium in Ecclesia videmus. Hinc enim lrtantium voces in
 ea hodie exaudin̄tur, sonantq; exclamationes. O quàm bo-
 nus Israël Deus, his qui recto sunt corde! O quàm magna mul- *Psal. 72*
 tudo dulcedinis tuæ, quam abscondisti diligentibus se! Se- *Psal. 30*
 cundum multitudinem dolorum meorum consolationes tuæ *Psal. 93*
 lætificauerunt animā meam. Gustate & videte quàm suavis *Psal. 33*
 est Dominus. Beatus vir qui sperat in eo. Hinc etiam preces
 tam multæ atq; piæ, quibus nunc pater & filius, vt mittant
 quæ promiserunt, nunc ipse spiritus obtestatur vt veniat pro-
 missus, mansionemq; in nobis faciat. Hinc prōpta mandatorū *Sapient. 1*
 Dei obediētia, quia alij malū relinquere student, sciētes spiritū
 sapientiæ in maleuolā animā nō intrare, nec habitare in cor-
 pore subdito peccatis, alij relicto quod oderūt malo, operātur
 iustitiā. diligētēsq; Deū, sermonē eius seruat. Atq; hæc om-
 nia fratres videmus. intelligimus & laudam⁹ in aliis. O erte
 beatos nos, si aliorū exēplis moniti, piis conatibus ipsorū stu-
 diū fuerimus secuti! qd vt faciamus, præstet Spūs sanctus cū pa-
 tre & filio vnus, sempiternus, oī potēs ac clemēs Deus. Amen.

FERIA SECUNDA PEN-

TECO. EVANG. IOAN. III.

Sic Deus dilexit mundum, vt filium suum daret
 vnigenitum, vt omnis qui credit in eum, non

pereat, sed habeat vitam æternam. Non enim misit Deus filium suum ut iudicet mundum, sed ut saluetur mundus per ipsum. Qui credit in eum, non iudicatur. Qui autem non credit, iam iudicatus est, quia non credit in nomine vnigeniti filij Dei, Hoc est autem iudicium, quia lux venit in mundum, & dilexerunt homines magis tenebras, quàm lucem. Erant enim eorū mala opera. Omnis enim qui malè agit, odit lucem, & non venit ad lucem, ut non arguantur opera eius. Qui autem facit veritatem, venit ad lucem, ut manifestentur opera eius, quia in Deo sunt facta.

E A D E M F E R I A E P I -
S T O L A E L O C O
L E C T I O , A C T O . X .

A Periens Petrus os suum, dixit: In veritate comperi, quia non est personarum acceptor Deus, sed in omni gente qui timet eum, & operatur iustitiam acceptus est illi. Verbum misit Deus filijs Israël, annuncians pacem per Iesum Christum: hic est omnium Dominus, hunc Deus suscitavit tertia die, & dedit eum manifestum fieri, non omni populo, sed testibus præordinatis à Deo, nobis qui manducauimus & bibimus cum illo, postquam resurrexit à mortuis. Et præcepit nobis prædicare & testificari populo, quia ipse qui constitutus est à Deo, iudex vivorum & mortuorum. Hunc omnes Prophete testimonium perhibent, remissionem peccatorum accipere per nomen eius omnes qui credunt in eum. Adhuc loquente Petro verba hæc, cecidit Spiritus sanctus super omnes qui audiebant verbum. Et ob-
stupescit

stupuerunt ex circumcisione fideles qui venerant cum Petro, quia & in nationes gratia Spiritus sancti effusa est. Audiebant enim illos loquentes linguis, & magnificantes Deum. Tunc respondit Petrus: Nunquid aquam quis prohibere potest, ut non baptizemur i qui Spiritum sanctum acceperunt, sicut & nos? Et iussit eos baptizari in nomine domini nostri Iesu Christi.

S E R M O.

Querelam de festorum dierum multitudine non emendationis, non reformationis studium, sed iniquum maleuolorum in Ecclesiam Catholicam peperit odium. Cum enim eam oderunt, omnia ab ea profecta uno insequuntur animo. Quod si non urgentibus causis festi dies instituti sunt, diminuatur, & maiorum nostrorum audaci facinore violetur autoritas. Sed plurimæ, & necessariæ, & euidenter causæ sunt. Qua de re cum alibi me multa dixisse nemini, hic supersedeo. Magistratus autem officium est, si qui festis diebus abutuntur, punire, suamque autoritate abundantem iniquitatem reprimere. Paulus enim cum non solum facientes ea, quæ mala sunt, verum etiam consentientes, morte dignos esse affirmat, magistratum sui officij maxime admonuit. Cuius si dicta negligunt, suis in humeris, teste conscientia, omnium accumulari peccata non nesciant. Nos institutum prosequamur nostrum. Et primum quidem si cui forte videbimur sine graui causa Pentecostes solennitatem, in hanc atque sequentem diem producere, quod Spiritum sanctum hominibus dari nouum non sit, is sciat non ignorare nos multis antè temporibus hunc spiritum dari coepisse. Dauid enim se ex Spiritu sancto loquutum fuisse testatur. Et Petrus omnes prophetas ex eodem loquutos esse ait. Tum si verum est quod Paulus ait, ut est maxime, non esse Christi, qui eius spiritum non habet. Vtique & Abraham ceterisque patriarchis Spiritus sanctus datus est. De Abraham enim Christus loquens, vidisse diem suum & fuisse gauisum indicat: ceteri etiam Patriarchæ, quia Christum cognouerunt, eumque prædixerunt, & quia sine spiritu Dei nemo potest dicere, dominum Iesum, utique Spiritum sanctum acceperunt. Sed & in nouo Testamento idem Spiritus sanctus innotuit, & datus est. Cu-

Rom. 8

1. Reg. 13

2. Pet. 2

Rom. 8.

Ioan. 8

1. Cor. 12

- Matt. 1* ius obumbratione verbum Dei caro factum est, qui super fi-
Ioan. 1 lium hominis in Iordane baptizatum visus est, in quo Chri-
Matt. 5 stus miracula fecit, quo donante etiam Apostoli magnas vir-
Luc. 11. tutes operati sunt. Sed nunquā tam multis datus est, nec tam
Ioan. 20 manifestē. Datus est enim discipulis numero centū & viginti.
Act. 2. Deinde tribus hominum milibus. Postea etiā in omni natio-
 ne omnibus credentibus, & quidem cunctis videntibus & rei
 nouitatem admirantibus. Mutabātur enim, quos ille spiritus
 impleuerat, omnes in novos homines, maximē Apostoli, qui
 antequam hunc acceperant, cuius spiritus essent, non obscure
 significabant. Vnde enim inter ipsos illa de magistratu con-
 tentio? Vnde ad dextrā sinistrāque sedendi appetitus? Vnde
Matt. 18 vlticem ignē e cælo in Samaritanos postulatiū vindictæ cu-
Matt. 20 piditas? Vnde quod Christo ne vel pateretur, *Matt. 16.* vel Iu-
Luc. 9 dæam repeteret dissuadet? Nēpē ex antiquo illo ibundi spiri-
Ioan. 11 tute ex illo inquam, quo gladio percutere, mox fugere, negare,
Luc. 22. clausis ianuis timere, idq; genus alia didicerāt. Ideoq; etsi hic
Ioan. 20 primum datus non est, post ascensionē tamē primum & nouo
 modo datus est, ac propterea huic tanto beneficio rectē consi-
 derando plures nō absurdē, nec sine causa d' es attributi sunt.
 Si enim Spiritus sancti missio tantum beneficium est vt non
 modò figuris, sed etiam expressis multorum vatū dictis an-
 tē prædici & celebre fieri oportuerit, cur non & postea, quā
 factum fuit, celebrari, & sæpe à multis dici? Ioel atque Eze-
 chiel hoc beneficium antē prædicauerunt, vterque & magni-
Ioel. 2 ficē celebrant, & celebre magnificauit. Ioel in persona Dei
 promittens, ait: Et erit post hæc, effundam spiritum meum,
 & dabo prodigia in cælo, & in terra sanguinem & ignem, &
 vaporem fumi. Et paulo suprà: Effundam spiritum meū su-
 per omnem carnem, & prophetabūt filij vestri, & filia vestra.
 Ezechiel quoque cū multa de aquis atque torréte à templo
Exec. 47 manante prædixisset, inducit Deum loquentem. Et, inquit om-
 nis anima viuens quæ serpit, quocunque venerit torrens, vi-
 uet: & erunt pisces multi satis. postquam venerint illuc aquæ
 istæ. Et sanabūtur & viuēt omnia ad quæ venerit torrés & sta-
 būt super illa piscatores. Quid autē aqua illa, nisi Spiritus san-
 ctus? Hic enī e cælo, imò ex latere Christi dextro demana-
 uit, vt cuius sanguis & mors, pretium est missi Spiritus san-
 cti. In hac aqua alij ambulauerunt vsque ad talos, alij ad ge-
 nua, alij ad renes vsque, quia Spiritu sancto ante legem pau-
 ci

ei; sub lege plures, sub gratia multi purificati sunt: consummato seculo, transuadari non poterit. Tanta illi de Spiritu sancto quæ nos eramus accepturi prædicauerunt: quid fecissent, si ipsis ea gratia illo, quæ nobis modo collata fuisset? Ingrati profecto erimus: & tantæ gratiæ indigni, nisi summo studio accepta dona magnificauerimus. Sanè ut hoc faciamus, multa nos diligentissimè cōmonent. Euangeliū in primis. Licet enim si nudam literā inspicias, nihil ad hanc festiuitatem videatur facere: tamen nucleum inueniemus, si nucem fregerimus, & bene rem edocti, iudicabimus rectius, & permultū ad hoc nostrum institutū intelligemus facere. Quiescant hīc in natura audacium iudicia, nec suam ipsi in diuinis rebus prodāt ignorantiam, cum datur latere & delitescere. Ut enim quod pro-
 uerbij locum obtinuit, qui clarè intelligit, clarè docet: ita sæpe ignari impia iudicant bona, & econuerso. Cum autē multa sint, cur huic festo hoc Euangeliū sit deputatū, etia notatu maximè necessaria inuenio. Principiò & quo fonte, quo merito hoc beneficium permanauerit, ostendit: nempe ex patris dilectione, & filij missi morte. Deinde quibus datum sit: non Apostolis, non Iudæis, non nobis tantū, sed vniuerso mūdo. Sic *Ioan. 3*
 inquit, Deus dilexit mundum, ut filium suum daret vni-
 genitum, ut omnis qui credit in illum, nō pereat, sed habeat vitam æternā. Tertiò, quibus in rebus nobis sit Spiritu sancto opus, nempe ad timorem, ad pœnitentiā, ad fidem, denique etiam ad dilectionem. Quòd enim certam incredulorum denūciat damnationem, utique timorem: quòd ingrati tudinem obii-
 cit, pœnitentiā: quòd non semel, sed tēr vnica hac dilectione certam credentibus salutem promittit, fidē: quòd denique patris dilectionē prædicat, utique in nobis quoque dilectionem exuscitat. Enimuerò hic Christianæ vitæ ordo iustissimus est, in qua initium timor est, timor pœnitentiā sollicitat, pœnitentē fides erigit & cōfirmat atq; seipsam Dei proximiq; dilectione exornat. Atq; hæc oīa idē in nobis operat Spiritus. Vbi enim spiritus nō est, ibi nec timor, nec pœnitentia, nec fides, neq; dilectio vlla est. Et q̄ hīc saluti spes supererit? Breuiter ergo ista ordinē Euangelij sequētes inuestigamus, discamus, conseruemus. Sic Deus dilexit mūdum, inquit, ut filium suum daret vni-
 genitum. Nullius hīc meriti sit mētio, sed causam nostræ salutis ex fonte Deo eiusque dilectione emanasse ostendit. Non dicit, Deus loquutus est aut bene fecit mundo

- sed dilexit mundum, ut dilectionis vocabulo diuini illius atque paterni affectus nos commonefaciat. Quis enim magnitudinem Dei animo complecti, ne dicam eloqui, potest? Im-
 mēsa enim eius est dilectio, qua ipse totum cōplectitur mun-
 dum, eoq; præstantior est in diuina illa mente, quod mūdum
 adhuc inimicum Deo, & prius complexa est. In hoc est chari-
 tas Dei, non quasi nos dilexerimus Deum, sed quod ipse prior
 dilexit nos, & misit filium suum propitiationem pro peccatis
 nostris. Et inde, Si cū inimici essemus, reconciliati sumus
 Deo per mortem filij eius, multò magis reconciliati salui
 erimus in vita ipsius. Nunc filij Dei sumus. Nunquid autem
 obliuisci potest mulier infantem suum, ut non misereatur fi-
 lio vteri sui? Et si illa oblita fuerit, ego tamen non obliuiscar
 tui. Quod si nondum præstantiam eius intelligitis, quæ ini-
 micos nos prius complexa est, quid dicat veritas, attendite.
 Sic pater dilexit nos, ut filium suum daret vnigenitum, ut
 omnis qui credit in illum, non pereat, sed habeat vitam
 æternam. Hæc paternæ in nos dilectionis probatio est,
 filij missio. Quid pater Deus præstantius dare potuit filio suo
 & quidem vnigenito? Cuius filius? Dei, utique Deus ipse.
 Non enim ille adoptionis ut nos, sed vnigenitus, & ipse Deus
 qui in se credentibus à perditione seruatis, vitam donat æter-
 nam. Plures filios Deus pater non habet, habet vnicum, cū-
 que vnice dilectum, & suum, proprium habet nullius alter-
 rius participatione secundum. Hunc suæ dilectionis pignus
 dedit: dedit inquit, non ostendit, aut videndum solummodo
 exhibuit. Dedit autem in carnem naturamque nostram, ne
 ab eius maiestate homines abhorrerent: dedit in mortem, ut
 solueret quæ non rapuerat. Quis vnquam pater filium dedit,
 ut seruum redimeret? Solus Deus hoc fecit. Sed & iustitiam
 eius & meritum nobis dedit: dedit & carnē eius, & sanguinē
 nobis in cibum atque potum. Et quis adhuc de patris dilectione
 dubitare potest? qui proprio filio non pepercit, sed pro nobis
 omnibus tradidit illum, quomodo nō etiam cum illo omnia
 donabit? Quod ergo filius nobis datus est, patris effecit dile-
 ctio, non meritum nostrum. Sed dicet quis, Quomodo Spiritu-
 sanctū ex eodem fonte demanasse intelligimus? Audi quid
 filius dixerit, cū iam ipse Spiritum sanctum impetraturus
 abiret. Ego inquit, veritatem dico vobis, expedit vobis
 ut ego vadam. Si enim non abiero, paracletus non veniet ad

vos: si autem abiero, mittam eum ad vos. Ecce quomodo ut Spiritus sanctus veniret filius abiit: nec filius abiret, nisi pater dedisset, & ut daret, dilectio paterna mouisset. Ex vno ergo eodémq; fonte, & filius, & Spiritus sanctus venit. Ut enim filius datus est in mundum, non ut iudicaret mundum, quemadmodum Iudæi de suo Messia somniant, sed ut mundus saluetur per ipsum (primus enim Christi aduentus gratiæ est, nec Deus delectatur in perditione hominum) ita etiam Spiritus sanctus missus est, non Iudæis, non Apostolis, non nobis tantum, sed ut omnes qui credunt in illū non pereant, sed habeant vitam æternā. Fidei pretiū vitā æternā esse. Christus ait, ne videretur grauius qd à nobis postulare, & ut Nicodemū Pharisæū à iustitia operū retraheret, & qd fides bonorū operū radix sit, soli Deoq; omnē honorē tribuat: cōtrariū verò incredulitas obtineat. Omnibus autē per hanc fidei ianuam ad salutē voluit patere aditum. Neque enim Deus hunc vberimum fontem vnius causā populi ebullire ac scaturire voluit. Patens enim est, & ad ablutionem peccatoris atque menstruatæ totū mundum irrigat. De quo Petrus apertiore clamat: In veritate comperi, inquit, quia non est personarum acceptor Deus, sed in omni gente qui timet eū, & operatur iustitiam, acceptus est illi. Et mox cum multa de Christo perorasset, addit. Huic omnes prophetæ testimonium perhibent, remissionem peccatorum accipere per nomen eius omnes qui credūt in eum. Et Paulus: Idem, inquit, dominus omnium diues in omnes. Hinc Ioannes de Christo loquens, ait: Ipse est propitiatio nostra pro peccatis nostris: non pro nostris autem tantum, sed etiam pro totius mundi. Hoc Christus in Euangelio voluit vniuersaliter omnes & mundū nominans, ne cum multa de Spiritu sancto audimus, nostrum quoque eum esse, nobisq; dari dubitemus. Quotquot enim ex hac vita salutis consequendæ desiderio ducimur, quicumque timorem, pœnitentiā, fidem atque dilectionem volumus, Spiritu sancto indigemus. Non enim timorati erimus, ut Simeon, nec per pœnitentiā in alios homines conuertemur, nec dicemus Dominum Iesum per fidem, nec denique charitatem Dei proximq; habebimus, nisi in Spiritu sancto. Propterea enim Christus ministeriū reconciliationis Apostolis mandauit, ut euntes in mundum vniuersum prædicent hoc Euangelium. Ideo etiam Spiritus sanctus qui ipsa Pentecostes die super Apostolos & eos qui erant ex

H f Iudæis

Zach. 13
Act. 10Rom. 10.
1. Ioan. 3
Ioan. 32 Cor. 1.
Act. 10

Iudæis elapsus erat, postea in Cæsarea super omnes qui cum Cornelio erant, cecidit. Nempe Deus ut omnes saluos fieri voluit, ita Spiritum sanctum omnibus necessarium esse ad salutem innuit. Ut ergo ardentius illius numinis præsentiam auxiliūmq; postularemus, sine quo nihil possumus, ecce Euangelium hoc non solum credētium salutē, verū etiam incredulorū iudiciū dānationēmq; ante oculos nostros, in his Pētecostes solenniis, posuit. Nempe, nihil rectius, nihil cōuenientius egerimus, quā si cum iis qui iam acceperūt Spiritum sanctum, exultauerimus: cū iis verò qui eius aduentum expectāt & adhuc præstolantur ardentibus votis ad gratiæ solium ut veniat supplicauerimus. In hunc enim vsum tot voces lætitiæ plenæ, tot gratiarū actiones, laudes, hymni, tot preces, supplicationes, vota, suspiria in Ecclesiæ canonicis his diebus leguntur. Et quis, est, qui non veluti à graui somno exuscitatur hoc Euangelio crepante? Cui non incutit timorem, quoslibet incredulos iam iudicatos esse? Quē ad pœnitentiā non renocat hæc ingratitude humana querela? Et illud quidē Christus præmittens, Qui non credit, inquit, iā iudicatus est, quia non credit in nomine vnigeniti filij. Et, Lux venit in mundum, & dilexerunt homines magis tenebras quā lucē: erāt enim opera eorum mala. Enimvero si incredulitas iudiciū suū portat, utiq; & cætera mentis peccata ex incredulitate nata iudicantur, imò nulla externa delicta erūt nisi ex hoc fonte. Propterea Christus non simpliciter dicit: Qui non credit, iudicabitur, sed iam iudicatus est. Manet enim super eum primi hominis damnatio, qui per fidem non est renatus, & incredulitas ipsa damnatio est. Ut Christus ait: Si non credideritis quia ego sum, in peccatis vestris moriemini. Sed licet necdum in infernum proiectus descendat, causam tamen certæ damnationis portat. Ut Adam mox ubi peccasset, licet adhuc in paradiso esset, ac viueret, exilij tamen & mortis sententiam antea latam sustinebat. Cognoscere quale sit pro incredulitate iam damnatum esse, ac propterea ne & ipsi eandem damnationem incurramus timere non ex nobis, sed ex illuminante & docēte Spiritu sancto est. Deinde lux venit in mundum. Principio enim Deus illuminauit eum lumine rationis, quoddā Dauid vult cum lumen vultus domini super nos signatum esse dicit. Illuminat deinde verbo veritatis suæ, ut idem Dauid canens: Lucerna, inquit pedibus meis verbum tuum

Domin

Domine; & lumen & limen semitis meis. Sed & alia lumina incendit, vt homines sanctos, verba morésq; piorum. Deniq; ipsa sempiterni substántia luminis in orbem terrarum prodiit illuminare omnem hominem venientē in hunc mundū. De *Ioan. 1*
 Christo enim hoc rectē intelligemus. Vt enim lumē primū abscondita manifestat, deinde illuminat, ita & Christus primò occulta mentium aperit, & accusat, postea qua via incedendum sit ostendit: qui duo gradus sunt iustificationis nostræ, cognoscere delictum & petere iusticiam. Et ideo quidem hæc in lumine illo consideratur, ne quis quo se excuset habeat. At quid mundus? atq; vtinam solum mundus. Dilexerunt homi- *Ioan. 9*
 nes magis tenebras, quàm lucem. Tenebras ignorantiam atq; *Rom. 13*
 cæcitatem intelligimus, deinde etiam, Paulo teste, peccatum. *Psal. 138*
 postremò quicquid mundus suspicit & admiratur, sapiētiam, honores, diuitias, potentiam. Ideo ergo iudicatur mundus, quia noluit intelligere vt bene ageret, noluit se peccato abdicare, noluit oblatas & veras diuitias suscipere, odit lucē, quia malē agit. Videte quid dicat. Non malū, sed malē agit, hoc est, peccat; & ex proposito peruerse agit: in tenebris est, tenebras diligit, lucē non querit, nec diligit, imò refugit. Nam & iusti quandoq; malum agunt, hoc est, peccant, sed nō malē agūt, hoc est in peccato nō perseuerant. Et hic vide quā necessarius nobis sit Spiritus sanctus, qui nos agnito peccato tenebras refugere, & per pœnitentiam ad lumen illud mentis transire docet. Sic etiam in eo Spiritus sanctus nobis necessarius erit, vt credamus & diligamus. Vtriusq; Euāgelium mentionē facit. Illius quidē cū in Christū credentibus vitā aternā promittit huius verò cum Dei patris summā illam & infinitā dilectionem nobis proponit. Vtriusq; etiam Spiritus sanctus autor est, vt & rectē credamus, & verē diligamus. Atque hæc ideo dicta sunt, tū vt quā Spiritus nobis necessarius sit agnoscamus, tum etiā vt q̄ hæc Euāgelica lectio huic festo cōueniat, intelligamus. Nūc verò q̄ iuxta verbi prædicationē, etiā cōfirmationis sacramētū administrari credētibz hodie cōsuevit, visum est operē pretiū facturū esse me. si aliqd de eodē Sacramento in mediū attulerō: maximē iuueturis causa, vt & vsū & fructus eius percipiāt. Nec est q̄, p̄uētæ etiā ætatis hui⁹ tēdeat. Neq; eīm dubito quin & inter ipsos sint, q̄ nec fidei Christianæ, nec sacramentorū causas reddere norunt. Ac principio quidē eorū refutanda opinio est, qui nulla necessitate hoc Sacramentum dari

dari autumant. Quid, inquiunt, prodest confirmatio? Nunquid, ipso testante Christo, qui baptizatus fuerit, saluus erit? Verè quidem dicunt, si hoc de baptizatis intelligimus, qui statim post baptismum hinc decedunt. Ita enim esse multa milia sanctorum didicerunt. Sed licet hic cum Paulo dicere possint, Tu es qui Deo repugnas, tamen hoc dico, quod ideo nobis hoc sacramentum necessarium est, quia transitu mari rubro in desertum mundi huius devenimus, ubi aduersus internos externosque hostes assidue pugnandum est, & nostra imbecillitas magna est. Non enim qui in baptismo datus est Spiritus sanctus hoc præstat, ut confirmati resistere & vincere possimus, præstat autem peccatorum remissionem, & cum peccatum tollit, debilis naturæ vitium non tollit. Sed ut hoc tollatur, alia Spiritus sancti gratia opus. Hinc est quod Christus præcipit Apostolis, quorum peccata remissa erant, ab Ierusalem non discedere, sed expectare promissum patris. Gratia enim baptismo collata amitti potest. Id quod in Simone Maggo videre est. Ex Christus pro Petro se orasse dicit, ne eius fides deficeret, quam Satanas tentando subripere conatus fuerat. Quemadmodum enim piratæ, non vacuas sed onerarias naues inuadunt. Ita Satan non mundi huius filios iustitia liberos, sed baptizatos, Spiritu imbutos & pietate ornatos impedit. Sic Petrus Samaritanis baptizatis manus imposuit, & acceperunt Spiritum sanctum. Sic Paulus & Barnabas eos quibus antè prædicauerant, confirmarunt. Sic idem Paulus discipulos qui erant Ephesi baptizauit, & per manus impositionem confirmauit. Et certè nemo dixerit hæc Apostolos sine mandato Christi fecisse. Alioqui si præter mandatum fecissent, quomodo Spiritus sanctus ad eorum manus impositionem venisset? Vnde considerare licet, & si non necessaria videatur baptizatis confirmatio sacræ tamen scripturæ autoritate non hoc solum probari, quod Apostolorum temporibus in usu fuerit, sed & quod Christi mandato exempto, Apostoli confirmarint credentes, ut quod à baptismo incepissent Spiritu, si confirmati deinceps præstare pergerent. Nam quod etiã post Apostolorum temporibus eius usus in Ecclesia manserit, Clemens & Dionysius testantur, quorum ille Petri, hic Pauli Apostolorum fuerunt discipuli. Quomodo autem aut nihil, aut non necessarium erit, quod tot figuris adumbratum fuerit? Eius enim figura columna nubis & ignis per diem atque noctem

noctem fuit. Sicut & manna de celo, & aqua de petra, quibus *Exod. 13*
 seruabantur filij Israël. Et quid tibi nomina illa multa & va- *Exod. 16*
 ria volunt, quodd regenerationis dicit Spiritus, & consolator,
 & doctor, & conseruator, & custos, nisi quod per ea diuersitas
 gratiarum designatur, per alia atque alia Sacramenta veluti
 instrumenta porrigitur hominibus. Quodd si oleū seu chrys-
 ma nauseam tibi mouet, non ignoro Apostolis hoc Sacra-
 mentum per adhortationem & manuum impositionem ad-
 ministrandi consuetudinem fuisse, nullo addito oleo. Sed nec
 opus tum erat, quando Spiritus sanctus visibili specie sese ex-
 hibebat. Et tueri quidem huiusmodi, diuinæ præsentia signis
 atque prodigiis opus erat. Nunc verò propagata fidei doctri-
 na desierunt illa, & successerunt alia quædam externa, ad si-
 gnificandam eam, quæ confertur gratiam. Interrogatus ergo,
 quo & cur confirmeris, respondeas, Baptismo te quidem re-
 missionem peccatorum per Spiritum sanctum accepisse, &
 quia tunc diabolo abrenuntiaueris, Deo autem Christo tua
 studia conseruaueris, nec vt hoc præstes virtutem in tua na-
 tura inuenis, ideo te caput manui Sacerdotis sacramenti hu-
 ius ministri submittere, vt per eius ministerium eum Spiritu-
 tum consequare, cuius præsentia deinceps & peccata fugere,
 & pietati possis studere. Olim præcedentibus ieiunio & con-
 fessione hoc Sacramentum administrabatur, nunc præter
 alios abusus, etiam ieiunium desit. Sed cui rectè & cum vtili-
 tate illud suscipiendi affectus est, huic ieiunium, & confessio
 grauis non erit, sed & de seipso desperans totum se in Dei
 promissionem coniiciet, & tandem pro accepta gratia gratus
 erit, hoc est, gratiam acceptam non negliget. Hæc de confir-
 matione breuissimè addere opere pretium visum est, vt qui ex
 Euangelio Spiritum sanctum nobis necessarium esse intelli-
 gimus, ipso dignum habitaculum præparare discamus. Eius
 igitur nobis vbique adsit & coopeetur gratia. Amen.

FERIA TERTIA,

EVANGEL. IOAN. X.

A Men Amen dico vobis, qui non intrat per
 ostium in ouile ouium, sed ascendit aliunde,
 ille fur est & latro. Qui autem intrat per ostium, pa-
 stor est

stor est ouium. Huic ostiarius aperit, & oues vocem eius audiunt, & proprias oues vocat nominatim, & educit eas. Et cum proprias oues emiserit, ante eas vadit, & oues illum sequuntur, quia sciunt vocem eius. Alienum autem non sequuntur, sed fugiunt ab eo, quia non nouerunt vocem alienorum. Hoc pro- uerbiū dixit eis Iesus. Illi autem non cognouerunt quid loqueretur eis. Dixit ergo eis iterum Iesus, Amen Amen dico vobis, quia ego sum ostium ouiu. Omnes quorquot venerunt, fures sunt & latrones, sed non audierunt eos oues. Ego sum ostium, per me si quis introierit, saluabitur, & ingredietur, & egredietur, & pascua inueniet. Fur non venit nisi ut furetur, & mactet, & perdat, ego veni ut vitam, & abundantius habeant.

E A D E M F E R I A E P I

STOLAE LOCO LECTIO, ACT. VIII.

Cum autem audissent Apostoli qui erant in Iero- solymis, quia recepisset Samaria verbum Dei, mi- serunt ad eos Petrum & Ioannem. Qui cum venissent, orauerunt pro ipsis, ut acciperent Spiritum sanctum. Nondum enim in quenquam illorum venerat, sed ba- ptizati tantum erant in nomine Domini Iesu Christi. Tunc imponebant manus super illos, & accipiebant Spiritum sanctum.

S E R M O.



Qvod heri dictum à me esse meministis, hic re- peto. Nemo de eo quod non intelligit, indicet. Ut enim hesternum Euangelium, ita & ho- diernum, si literam consideremus, nihil de Spi- ritu sancto loquitur. Ideo autem quasi minus huic tempori conueniens indicare, absurdum planè est. Pulchrè enim si penitius introspicias, hesternò & illo

illo quod in magna illa Pentecostes solennitate audiui-
 mus Euangelis cōiungitur, quorum alterum Apostolis Iudæisq;
 Spiritum missum esse ostendit, alterum quod etiam Gentibus
 aduenerit idem Spiritus, demonstrat, quādo Petro non modò
 Iudæis, sed & Gentibus in Casarea prædicante super vtrunq;
 populum cælitus elapsus est. Et Christus se pro dilectione pa-
 tris, non vni alicui Genti, sed toti mundo venisse prædicat, vt
 omnis qui in se credit, non pereat, sed habeat vitam æternam.
 Et quid hic superest, nisi vt queramus vbi & quomodo Spiri-
 tus sanctus operetur, & inueniri possit, & quibus in hoc Spiri-
 tus negotio ministris opus sit? Sanè eam ob causam isto ordi-
 ne Euangelium atq; epistola coniuncta sunt, vt videamus Chri-
 stianam reipub. vnicam esse & sempiternam, & quemadmo-
 dum tum illic vbi boni pastores ipsi, deinde etiā Apostoli pa-
 scebant, ceteri credentes pastoris voci obaudiebant, Spiritus
 sanctus datus est, ita nunc quoq; in eo tantum cœtu, qui rectè
 credentium est, inueniri & dari querentibus. Et ipse quidem
 pro sua deitate vbiq; præsto est, sed non vbiq; datur homini-
 bus. Facile quidem dictum est, Ecce hic, ecce illic est, nobiscū
 est. Nunquam enim vllam tam peruersam Satan exuscitauit
 hæresim, quæ non de eius præsentia sibi persuaserit multa, &
 iactitauerit, imò fuerunt qui seiplos Spiritum sanctum dice-
 rent, vt Marcio & Manichæus. Sed quid Christus? Si dixerint
 vobis, ecce in deserto est, nolite exire, ecce in penetralibus, no-
 lite credere. Et alibi de Spiritu sancto loquens Mūdus, inquit,
 non potest eum accipere, quia non videt eum, neq; scit eum.
 Vos autem cognoscetis eum, quia apud vos manebit, & in vo-
 bis erit. Huc pertinet quod alibi de vno ouili loquitur Chri-
 stus, & quod Paulus vnum corpus Christi mysticum cōponit.
 Et quod Ioannes vnicum tabernaculum Dei cum hominibus,
 vnicam sponsam Christi vidit. Quicunq; ergo ab hoc cœtu o-
 uili, corpore, tabernaculo, ab hac Christi sponsa sese segregāt,
 hi nec salutis, nec Christi, nec Dei, nec Spiritus sancti erunt
 participes. Quemadmodum enim vnus Spiritus noster, non
 nisi corpus vñ, viuificat, nō autē in amputatas corporis par-
 tes se diuidit transfunditve, ita & Christi capitis nostri Spiri-
 tus eos solos viuificat, qui adhærent corpori eius, non autem
 corpore relicto mēbra sequitur, ideo vt nihil impedit cuius-
 cunq; cōditionis homo sit, antequā in hunc piorū albū ascri-
 batur, siue Iudæus, siue Græcus, siue seruus, siue liber, siue mas,

Act. 2

Act. 3

Mat. 24

Ioh. 14

Ioh. 10

Eph. 4

Apos. 21

Rom. 10

siue

Gala. 3 siue femina, Deus enim acceptor personarū non est, & ē duo-
Act. 10 bus populis vnā plebē vt sit vnus pastor & vnū ouile, & nō di-
Eph. 2 cat filius aduenæ, qui adhæret Domino, separādo diuidet me
Ioan. 10 Dominus à populo suo, & nō dicat eunuchus, Ecce ego lignū
Isa. 50 aridū, ita profectò necesse est, vt iam vocati in sortē filiorum
 Dei, vnitā illam cōiunctionē conseruemus. nec satis putemus
 hanc coniunctionem non dissoluere, & inertī interim otio in
 hoc coetu torpescere, fortibus hic gnauibūsq; viris opus est,
 fortes Spiritu sanctus in piis conatibus adiuuat. Et scire quia
 in vnica Catholica Ecclesia sit Spiritu sanctus, admodū parū
 proderit, nisi & ipse quibus ex signis cognoscendus sit, cognou-
 eris. Nam vt lateat eos quibus mētis aciem velat caro, non
 nullo tamen indice piis cognoscitur. Quemadmodum enim
 ignis ardēs vbicūq; ille fuerit, abscondi nequit, sed nullo alio
 indice sui ipsius est proditor quā fumo, splendore, aut calore,
 ita & Spiritu sanctus, qui & ipse ignis est, vbicūq; est, cæte-
 ris (quod aiūt) paribus, minimē latere potest, operatur, & qui-
 dem ardua efficit. Propterea vt multa de illius præsentiā iacti-
 temus, opus nō est: seipsum enim ille manifestat tibi, vbi est.
 Exēplo sunt Ioseph, Moses, Dauid, Daniel, & alij. De his enim
 nusquā legimus quod de Spū sancto gloriati fuerint. Verū ita
 in ipsis illis diuin⁹ Spiritus præsento fuit, eāq; in ipsis effecit, vt
 impij etiā Pharaones, Saul, Nabuchodonosor & alij eius præs-
 entiā in ipsis fateri coacti sint. Eadē mens in Apostolis eorūq;
 successoribus videre est, quibus de Spū sancto multa gloriāti-
 bus, nemo fidē habuisset, nisi factis egregiis, & istā eorū auto-
 ritatē dignos habere se eū demonstrassent. Eoq; nō immeritō
 ab iis qui de Spū sancto multa gloriantur, ipsum ex factis illo
Lech. 1 dignis, quēadmodū Iacob Apostolus, ex operibus fidē, ostendi
 nobis petierimus. Nā effectus illius obscuri esse nō possunt, &
 qua forma visus est veniēs, eadē naturā refert inhabitās. Visus
 est nubis, ignis atq; colūbē specie. Et quēadmodū nubes hume-
 ctat ignis sursum ascendit, colūba sine felle creditur animal,
 ita ille pia corda in hac lacrymarū valle primū gemitus la-
 crymis irrogat, deinde sursum attollit ad cælestia, tertio sine
 amarulentia sinēq; inuidia cuiusquā docet vincere. Malē igit
 vbi hęc tria nō apparēt, de Spū sancti præsentiā sibi applaudēt
 homines, frustra & impiē cælū terrāq; clamoribus implēt. Iā
 verò & tribus his signis illius præsentiā certō adesse intelli-
 gitur, triplici ratione præsens conseruatur. Et hic rursus ignis
 naturam

naturam retinet. Nam quemadmodum ut ignem foueas, necesse est ligna componas, insuffles, atque cinerem adagges, ita ad nutriendum Spiritum sanctum assidua atque constanti recte factorum meditationumque coacervatione precum spiritualium exsufflatione, atque terrenæ huius miseriæ iugi ac humili cōsideratione opus est. Ut hoc modo ligna, recte facta, insufflationem, preces, cinerem ex nostræ miseriæ cōsideratione naturam humilitatem intelligimus. Quæ omnia cum nusquam rectius, nusquam apertius & docentur *Eph. 3* & videtur, quod in vnica illa Christi atque Catholica Ecclesia, recte in ea sola Spiritus sanctus esse Christo promittente, intelligitur, & propterea illius cœtus vnitatem necessario admiramur atque amplectimur, quicumque tanti numinis consortio, ex terra cælum, ex inimicis amici, ex aduenis & peregrinis ciues sanctorum & domestici Dei, ex mancipiis gehennæ filij Dei fieri laboramus. Et hæc quia ad omnes pertinent, Christus omnibus nota similitudine hoc Evangelio proposuit. Amen, amen dico vobis, inquit, qui non *Ioan. 10* intrat per ostiū in ouile, sed ascendit aliundē, ille fur est & latro. Nemo quid ouile, quid oues sint, ignorat, nec quæquam ferè tam abiectum est in mundo, quod oues pascere: & tam simplex illud animal est, ut ouium mores de insipientibus proverbium abierint. Nempè naturam Evangelij Christus retinuit, quò mundi sapientibus nihil magis stultum est. Ouium *1. Cor. 1* autem nomine homines intelligi, etiam Dauid in Psalmis & *Psal. 94* Ezechiel. 34. cap. & Zach. 13. Prophetæ indicat. Idque duplici ratione, cum ut nostræ infirmitati (inter omnia enim animantia maxime ouis bono pastore eger, ut quæ denique celeritatem ad fugam habet) admoneamur, qui ex nobis sing *Ioan. 15* Deo nihil possumus facere, tum ut qui mores nos maxime deceant, discamus. Humile enim ouis animal est, & mite, & patiens, & utile. Ouile autem Ecclesiam siue recte credentium cœtum intelligimus. Multam enim hæc illius similitudinem habet. Primò enim ut necesse est tutū sit ouile propter luporum concursus, ita etiam Ecclesia firma sit & munita oportet propter hæreticorum insultus, in quā in se pastor murus sit athenus, suamque animam pro ouium salute deponat. Secundò, ut calor in ouili requiritur, ne frigore *Ioan. 10* pereant oues, ita charitatis ardor Ecclesiæ necessarius est, cum pastoris ad reliquos, tum reliquorū etiam inter se inuicem

- Joan. 11* cem. Simon Petre, inquit Christus, diligis me, pascue oues meas. Quasi diceret, cura hæc dilectionem requirit: si nõ diligis, pascendis ouibus aptus non eris. Et, Deus est charitas, inquit Ioãnes, & qui manet in charitate, in Deo manet. Nempe charitatem requirit Christi & Ecclesiæ cõmunio. Tertiò, ut ouili mundicies propter morbi contagium necessaria est, ita Ecclesiam puritas decet & sanctitas. Estote sancti, inquit Dominus. sicut & ego Deus vester sanctus sum. Et Paulus, An nescitis, inquit, q̃ modicum fermenti totam massam corrumpit. Expurgate vetus fermentum. Quarto, ut in ouili requiritur quod substernatur ouibus, quo requiescāt melius, ita & in Ecclesia pastoris est clemētia pietate, comitate, ac lenitate subuenire suis. Quemadmodũ princeps pastoriũ omnes illius ordinis homines ad suæ māsuetudinis & humilitatis exemplum inuitat. Et Paulus hac ratione monet ut si quis aliquo delicto præoccupatus fuerit, ab iis q̃ spirituales sunt in lenitatis spiritu instruat. Et Petrus in Ierosolymitano cõcilio graue lęgis onus à credentiũ humeris aufert: cõtra verò iniquē faciūt veteris Testamēti pastores, de quibus Ezechiel conqueritur, qui exēplo Roboam & Pharisaorũ ligant onera grauiā & importabilia in humeros hominũ, digito aut̃ suo nolūt mouere.
- 3. Reg. 12* Quinto, in ouili requiritur pabulũ, sic in Ecclesia pastoribus vigilandũ erit, ne verbi diuini desit pastus, ne quod in Ieremia scriptũ est, paruulis petentibus nõ sit qui frangat. Postremò in ouili requiritur amplitudo, ut locus sit capax, & tamen clausus: ita etiā necesse est, ut suis constet Ecclesia limitibus, quæ transgredi non liceat. Id quod Dauid innuit, cū non modò bonum, sed & iocũdum esse habitare fratres in vnum, habitare cū admiratione pronunciat. Et Paulus monuit, cū ut idipsum sapiamus omnes, & nõ sint in nobis schismata hortatur. Iam verò quod ad ostium attinet, per illud nũc Iesum Christum, nunc Scripturam sacram, nunc ordinariam vocationē intelligimus. Nec Christus hic arguit eos, qui omnino nõ intrant in ouile, sed eos solũ qui non ea qua debent parte intrant. Hos fures & latrones corripit. Sunt autē Pharisei. Hi enim reprobato Christo, nec ipsi per eũ saluari voluerunt, nec aliis ut saluentur permiserunt. Id quod Christus alibi clarius exponens, Væ vobis Scribæ & Pharisei, inquit, q̃ clauditis regnũ celorũ ante homines. Vos enim nõ intratis nec introeuntes finitis introire. Hi etiam scripturam Sacram non sequebantur, sed per

per legem, quæ peccata ostendere, non remittere poterat, iustitiam sibi promittebant. Imò neglecta Dei lege propriâ sibi traditionem constituebant. Hi denique successione ad sacerdotale munus & dignitatē non peruenērāt, nec à Deo, ut Aaron vocati erāt. Sunt etiam pseudochristiani omnes, qui in Christum non credunt, qui de fonte nolentes bibere, ipsi sibi lacunulas effodiūt. Sunt & illi qui scripturarum sensum peruertunt, bonum malum, & malum bonū affirmant. Sunt denique qui quoquo modo sese ad Ecclesiastica munia ingerunt: alij enim precio veniunt, ut Iason & Simon Magus: alij vendunt, ut Giezi Helizæ & Meruus: alij rapiunt ut Alchimus, 1. Mach. 7. alij per seditiones, ut Chore, Dathan & Abyron: alij per vim, ut Olias, inuadunt. Qui omnes furum atq; latronum nomine rectè significāt ut omnes enim quæ sua sunt quæerūt, non quæ Iesu Christi. Iam porrò veri pastoris naturam describens ait: Qui autē intrat per ostium, ille pastor est ouium. Pastoris ergo signum est, per ostium intrare, in Christo sibi suisque veram vitā promittere, legitima successione vocari. Huic ostiarius aperit. Ostiarius quoq; aliquando Christum intelligimus, quæ admodum ipse & via & veritas & vita est. Aliquando etiam Spiritum sanctū ostiarius accipimus. Nam cū aperire est Scripturas sacras interpretari, uterq; aperit, cū legitime vocatos ad Euangelizandum instruit. Filius enim qui aperit, & nemo claudit, claudit & nemo aperit, in Apocalypsi loquitur: Ecce dedi coram te ostium apertū, quod nemo potest claudere. De Spiritu sancto filius ait: Cum venerit Spiritus sanctus, ille docebit vos omnia, & ducet vos in omnem veritatem. Et ipse dominus in Propheta: Ego dabo vobis os & sapientiam cui non poterit resistere omnes aduersarij vestri. Est autē hæc prima & maxima legitimi pastoris promissio. Secūda verò est: Oves vocē eius audiunt, meritò id quidē, sua enim cum utilitate pastoris vocē oves audiunt. Nisi enim audirent, oves Christi nō essent. Christus enim ad Apostolos tanquam bonos pastores ait: Qui vos spernit, me spernit. Porro promissioni addidit officium. Proprias, inquit, oves vocat nominatim, & educit eas, vadit ante eas. Mira hæc diuinæ pietatis dignatio est. Cum enim omnes Christi sint oves, pastor tamen suas proprias suas facere potest, Nempè cum nominatim vocat, hoc est, vniuscuiusque conditionē explorans nouit, infirmum sanat, perditum querit, errantem reducit:

cum quotidie eis acclamat, docet, instat, opportunè impo-
 tunè, nec cessat quousque emendationem viderit: cum vni-
 cuique se tractabilem, pium, mirèmq; exhibet, neminem in
 humanitate propulsat: cum eis nomen non quod ab Adam ac-
 ceperunt, sed quod Deus promisit, & gratia indidit, quod no-
 minentur, sintq; Dei filij, non peccatum illorum proteruè, vt
 Pharisei cæco nato faciebant, obicit, sed quod tales fuerint:
 nunc autem abluti sint, sanctificati sint in alios homines mu-
 tati sint, tribuit. Et hæc omnia pastor ouibus suis præstat. De-
 inde & educit eas, Semel ex tenebris in lucem, ex peccatorum
 foeditate in iustitiæ puritatēeducti per sanguinē Christi su-
 mus. Sed quia in hoc mundo nequam sumus, rursus sæpenu-
 mero ad lutum reuertimur, & sordescimus. Pastoris hoc of-
 ficiū est, vt quotidie ex ea sentina educat. Vt Lazarum mor-
 tuum Christus vt Corinthios facinorosos, & orantes Galla-
 thas Paulus euocauerūt & reduxerunt. Atq; hæc duo pastoris
 officia: Proprias oues nominatim vocare & educere, ad præ-
 dicationem pertinent. Quod autem sequitur: Et cū proprias
 oues omiserit, ante eas vadit, & oues illum sequuntur, quia
 sciunt vocem eius: ad vitæ exemplū pertinet. Aequum enim
 est, vt pastor oues quas nominatim vocat, & exhortationis ser-
 monē educit, etiā piæ vitæ exemplo præcedat, ne quod Pau-
 lus in ea quam ad Romanos scripsit Epistola quibusdam fa-
 cit, obiciatur ei: Qui alium inquit, doces, te ipsum nō doces:
 qui prædicas non furandum, ipse furaris: qui dicis non mœ-
 chandum, mœcharis. Sed quæadmodum ipse Paulus: Castiget
 corpus suum, inq; seruitutem redigat, ne fortè cū aliis præ-
 dicauerit, ipse reprobos efficiatur, & iuuentutis suæ contem-
 ptores sustinere cogatur: sed sit exemplum fidelium in verbo,
 in conuersatione, in Charitate, in fide, in castitate, in integri-
 tate, in grauitate: sitq; in summa omnibus exemplum bo-
 norum operum. Hoc enim verè esset ante oues ire. Et quid
 mirum si talem pastorem sequantur oues? Si enim Christus
 faciundum esse docet quæ Pharisei non veri pastores dicūt,
 multo magis ij sequendi sunt, qui & sermone & vita, quan-
 tum fieri potest, sequendus est. Sed & ostium ipse est ouium.
 Bis autem se ostium dixit, cum vt se esse eum per quem in
 veteri & in nouo Testamento, pastores ad oues introeunt,
 doceat: tum quod & pastores ad oues, & oues ad cælestem
 patriam per se vnum perueniāt, innuat. Sed & ideo se ostium
 bis

bis dixit, quod per ipsum nō modo ad gratiā, sed ad æternam quoque vitā pateat aditus. Omnes autem quotquot venerunt ante me, inquit, fures sunt & latrones. Nō tempus sed doctrinam significat. Venerunt enim ante eum Moyses & Prophetæ, qui tamen nec fures nec latrones sunt. Notat autem eos qui neque à Deo vocati sunt, neque ab Ecclesia electi: sed sua sponte non missi cucurrerunt. Notat & eos, qui homines in mendatio cōfidere docent, quales olim fuerunt dicentes: Pax, pax, cum non esset pax: & quales etiamnum multi sunt. Maxime vero eos designat, qui se Christum dixerunt, vt Teudas, Iudas Galilæus, Simon Magus. Habuerunt & hi suos sed hædos non oues. Oves enim non audiunt eos neque sequuntur, sed fugiunt, quia fures esse & latrones intelligunt. Christus autem ostium est, & via est, quia per ipsum pater ad nos venit, & nos accessum habemus ad patrem, & per ipsum quisquis introierit, saluabitur, & ingreditur, & egreditur, & pascua inueniet. Qui in ipsum crediderit, qui per charitatem ipsi adhæserit, qui per fidem & gratiam verè credentibus communicauerit, qui doctrinæ, vitæque Christi regulam sequutus fuerit, hic inueniet vitam, & hauriet salutem à domino: Pari libertate & seueritate patietur spiritus. Vbi enim spiritus Dei, ibi libertas. Deinde non timebit sibi à quoquam, siue vita, siue mors ingruerit. Id quod Michæas olim innuens: Sedebit, inquit, vir subtus vineam suam, & subtus ficū suam, & non erit qui deterreat. Postremò omnium bonorum copia affluet. Timentibus enim Deum, teste Dauid, nihil deerit. Est enim Pascua hæc, Euangelium, verbum vitæ, iustitia, vita, salus, & quicquid magnum & splendidum in inexhausto illo diuinæ pietatis thesauro est. Olim secundò tantum qui ingrediebantur inueniebant pascua, hoc est, qui non cæremoniis Iudaicis nascebantur, Moyse & Prophetis soluebantur, sed ex hac vita egredientibus nulla parata erat fœlicitas. Clauum enim erat cælum in quo solo hæc bona reposita sunt. At nunc apertum cælum est. Pastor enim pastorum præcessit nos eò, præparauitque omnia. Atque hæc omnia ideo Christus dixit, vt se sequendi & secum in ouili Ecclesiæ manendi voluntatem in nobis susciter. Quod si nullo promissionis desiderio ducimur, tantum aduersarij impietate sauitiæque formidabili impellamur. Quæ illa seuitia? Fur, inquit, non venit, nisi vt furetur & mactet & perdat. Diabolus nimirum

Hier. 23
Ezech. 33

Act. 5
8.

Ioan. 14
Eph. 2

Prouer. 7
2. Cor. 3
Mich. 4

Psal. 33

qui primis parentibus nostris immortalitatis habitum, innocentiaque candorem, dolo sustulit, atque furatus est, in iisque totam humanam naturam mactauit, occidit, perdidit. Hic enim ab initio homicida fuit. Sed & ille fur est, quicumque Satanæ exemplo Ecclesiæ ouile dissipat. Tum & illi sunt fures, qui saluificam doctrinam ouibus suffurantur, & falsant eorum corpora, qui sibi non applaudunt, persequuntur atque mactant, applaudentium vero animas perdunt. Atque hi peruersæ doctrinæ semper fuerunt fructus: corporum persecutio, & animarum perditio: quorum contraria veram doctrinam sequuntur. Videte ergo hac similitudine Christus Ecclesiam nobis, & quæ in ea sunt bona, remque publicam descripsit, ut in ea Spiritum sanctum esse, regere, omniaque administrare, extra eam verò fures & latrones, qui non nisi ad furandum, mactandum atque perdendum, bona, corpora, animas veniant, intelligamus, eius unitatem concordiamque foueamus, in ea esse & regi studeamus. Huc ergo mentes oculosque conuertamus, & quod reliquum est temporis huic rei totum impendamus. In quo conatu nos adiunget, qui omnium piorum affectus dirigit Spiritus sanctus, vnus cum patre atque filio Deus. Amen.

DOMINICA SS.

TRINITATIS, QVAE
EST POST PENTECO.

PRIMA, EVANG.

IOAN. III.

ERat autem homo ex Phariseis Nicodemus nomine, princeps Iudæorum. Hic venit ad Iesum nocte, & dixit ei: Rabbi, scimus quia à Deo venisti magister. Nemo enim potest hæc signa facere quæ tu facis, nisi fuerit Deus cum eo. Respondit Iesus, & dixit ei: Amen amen dico tibi, nisi quis renatus fuerit denuo, nō potest videre regnum Dei,

Dicit

Dicit ad eum Nicodemus: Quomodo potest homo nasci cum sit senex, Nunquid potest in ventrem matris suæ iterato introire, & renasci? Respondit Iesus: Amen amē dico tibi, nisi quis renatus fuerit ex aqua & Spiritu sancto, non potest introire in regnum Dei. Quod natū est ex carne, caro est, & quod natum est ex spiritu, spiritus est. Non mireris quia dixi tibi oportet vos nasci denuo. Spiritus ubi vult spirat, & vocē eius audis, sed nescis vnde veniat, aut quo vadat. Sic est omnis qui natus est ex spiritu. Respondit Nicodemus, & dixit ei: Quomodo possunt hæc fieri? Respondit Iesus, & dixit ei: Tu es magister in Israël, & hæc ignoras? Amen amen dico tibi, quia quod scimus loquimur, & quod vidimus testamur & testimonium nostrum non accipitis. Si terrena dixi vobis, & nō creditis, quomodo si dixero vobis celestia credetis? Et nemo ascendit in cælum, nisi qui descendit de cælo, filius hominis qui est in cælo. Et sicut Moyses exaltauit serpentem in deserto, ita exaltari oportet filium hominis, ut omnis qui credit in ipso non pereat, sed habeat vitam æternam.

E A D E M D O M I N I C A

E P I S T O L A,

R O M A. X I.

O Altitudo diuitiarum sapientiæ & scientia Dei, quam incomprehensibilia sunt iudicia eius, & inuestigabiles viæ eius. Quis enim cognouit sensum Domini, aut quis consiliarius eius fuit? Aut quis prior dedit illi, & retribuetur ei: Quoniam ex ipso & per ipsum, & in ipso sunt omnia, ipsi gloria in sæcula sæculorum. Amen.



Exod. 14

Exod. 16

Ioan. 15

2. Para. 6

Osee. 2.

Exech. 39

Sap. 13.

Rom. 1

1. Cor. 14

Baruch. 4

Ioan. 1

Exod. 34

N veteri Testamento cum multa Deus in Israël operatus fuisset magnalia, causam addit cur ea fecerit omnia: Glorificabor, inquit, in Pharaone & in omni exercitu eius, & sciet Aegyptij, quia ego dominus. Et: Scietis quia ego Dominus Deus vester. Id ipsum nobis quoque dici reor hac die. Cum enim iam multo tempore anni in Ecclesia nobis propositum est, quid Deus pater, quid Deus filius, quid Deus Spiritus sanctus in creatione, in redemptione, inque illuminatione, nobis praestiterit, conuenienti modo, hodie vnitatem in triade cognoscere, & triadem in vnitatem venerari docemur. Necessarium omnino ad salutem, ut recte deitatem agnoscamus, verique honoremus. Nam in hunc finem creatus homo est, & haec agnitio vitae aeternae. Ut Christus cum datam sibi dixerat potestatem omnis carnis, ut vitam aeternam eis det, quos pater dederat addit: Haec est autem vita aeterna, ut cognoscant te solum Deum verum, & quem misisti Iesum Christum. Et Salomon qui figuram Christi quondam gerebat completa templi structura, hoc à Deo petit: Ut sciant omnes gentes nomen tuum. Sed & in aliis Prophetis legimus ideo Deum magna fecisse populis legimus nationum, ut in hoc cognosceret, quia ipse dominus. Contra verò non agnoscantibus poenas denuntiat. Salomon clare dicit: Vani sunt omnes homines, in quibus non est scientia Dei, & de iis quae videntur bona, non potuerunt intelligere eum qui est, neque operibus attendentes agnouerunt quis esset artifex, sed aut ignem aut spiritum, aut citatum aërem, aut gyrum stellarum, aut nimiam aquam, aut solem & lunam rectores orbis terrarum deos putauerunt. Et Paulus Romanos arguit, quod Deum quem potuerunt ex creaturis cognoscere, non ut Deum glorificarent. Tum alios idem terret cum ait: Qui ignorat ignorabit. Propheta Baruch exclamat dicens: Beati sumus o Israël, quoniam quae Deo placent, manifesta sunt nobis. Nec immerito beatum Israël dixit, quia cum non potest dilectio persistere in homine sine cognitione, iisque tantum bonus Israël Deus qui se diligunt, non obscurum est quanta infelicitas maneat eos qui nec diligunt Deum, nec ut diligere possint cognoscere student. Deum quidem nemo vidit unquam, ipso dicente: Non videbit me homo, & viuet. Tum certe Apostolicis & propheticis scriptis admonemur, ne al-

tum

rum sapiamus, quòd qui scrutator est maiestatis opprimatur à gloria. Et si Christo terrena nobis dicēti nō credimus, quomodo si cœlestia dixerit credituri sumus? Imbecillior noster sensus ad intellectum diuinitatis est, Sicut & Petro Christum filium Dei viui consentienti respondet Dominus quòd eam diuinitatis Christi confessionem non ex carnis sanguinisque reuelatione acceperit, sed ex inspiratione patris, qui est in cœlis. Sic Moyses vultum inspicere Israël non potuit, nisi velamine tectum, quòd ex Dei visione clarior esset, hi verò carnales haberent oculos. Caro hac in re nihil prodest: obest magis, animamque cœlestia cogitantē deprimat. At beati mundo corde quoniam hi Deum videbunt. Latet ille quidem in scripturis sanctis tanquam in agro absconditus, & patet omnibus, à Deo tantum illuminatis agnoscitur oculis. Paulus ipse vas electionis, & Christi Iesu Apostolus, de arcanis & absconditis Dei mysteriis sermonē instituens, ex abrupto exclamare non erubescit: O altitudinem sapientiæ & scientiæ Dei, quā incomprehensibilia sunt iudicia eius & inuestigabiles viæ eius? Quis cognouit sensum Domini, aut quis consiliarius eius fuit? Et Augustinus ait, nihil vtilius inuestigari, at nihil difficilius inueniri. Imò in nullo facilius & periculosius erratur, quā in Triadis sacro sanctę mysterio. Interrogatus Philosophus quid esset Deus, tres dies deliberationi sibi postulat dari, quibus explet is, decē alios postulat, his quoq; transactis, centum petiit. Cur id faceret rogatus, Respondit: Quò diutiùs quæro, eò minus quid respondeam inuenio. Iob sanctus in multa cum esset tribulatione inuestigare voluit iudiciorū & operū dei causas: sed, ita interrogationibus diuinis fatigatur, vt tādē diceret se leuiter locutū, nec respondere quid posse. Manū, inquit, meā ponā super os meum. Idē & Elīzæ contigit, cui Angelus: Si essem interrogās te, dicēs: Quantæ habitationes sunt in corde maris, aut quātā venæ sunt in principio abyssi, aut quantæ venæ sunt super firmamentū, aut qui sunt exitus paradisi: dicēs mihi fortassis: In abyssum non descendi, neq; in infernum adhuc, neque in cælum vnquam ascendi. Nunc autem interrogauit te de igne, & vento, & die per quam transisti, & à quibus separari nō potes, & non respondisti mihi de iis. Idē scios nostros interrogare & respondere liceret, qui humana ratione cœlestia volūt indagare. Isaias verò vno verbo viā ostēdit qua incedendū est: Nisi, inquit, credideritis, non intelligetis.

Rom. 2

Pro. 25

Ioan. 3

Matt. 16

Exod. 34

Mat. 5

Matt. 13

Rom. 11

Iob 39

4. Esdr. 4

Isa. 6

Fide ergo ea omnia intelligimus quæ ad salutem sunt necessaria, ac cum in multis aliis religionis nostræ rebus, cum certe quàm maximè in Trinitatis articulo nostram rationem captiuare æquum est. Non ut pecudum more nihil cogitemus quàm quæ videmus, sed ne vltra quàm oportet sapiamus, sapiamus ad sobrietatem. Nam vult per quædam etiā agnoscere Deus, ut Paulus testatur, nos nunc videre per speculum in ænigmate, tunc autem facie ad faciem videbimus, sicuti est: nunc ex parte cognoscimus & ex parte prophetamus. Præterea enim quæ filius, qui non est in sinu patris enarrauit, tria sunt quæ Paulus speculum dicit per quæ nunc videmus: Creaturarum natura, sacra scriptura, & quæ intra nos est anima. Natura creaturarum vñ Deum docet, quando omnis creatura clamat de Deo: Ipse fecit nos, & non ipsi nos. Tum & in singulis triadem inuenimus, cum in omnibus substantiam, formam & usum intelligimus. In substantia verò creaturarum Dei potestatem: in forma, Dei sapientiam: in usu, Dei bonitatem intelligimus. Et sic triadem sanctam, cum potestas patri, sapientia filio, bonitas Spiritui sancto appropriata est agnoscimus. Adhuc in aliis creaturis clarius id & apertius ostenditur: ut in sole tria, eaq; inseparabilia, ut substantiam, splendorem & calorem consideramus, vnus tamen sol est. Idem de igne dicere liceret. Ecce quomodo natura creaturarum speculum est triadis. Sed multo euidentius per scripturæ speculum Trinitas & vnitas patefacta est. Ut cum Moses ait: Audi Israël, Dominus Deus tuus. Deus vnus est. Et Deus ipse: Ego sum qui sum. Qui est me misit, dices. Et: Ego sum Dominus Deus tuus, qui eduxi te de terra Aegypti. Non habebis Deos alienos coram me. Et in canticis: Dominus nomen illi. Et in Ioanne: Ego & pater vnus sumus. In quem sensum D. Ambrosius illum quoque locum explicat, qui est Isaiæ quadragesimotertio capite, qui habet: Propterea scieris & credetis mihi atque intelligetis, quod ego sum ante quem non est formatus Deus neque post me erit. 1. Ioan. 5 Ego ego sum Dominus, & præter me non est saluator. Huc spectat quod Ioannes in Canonica dicit: Tres sunt qui testimonium dant in cælo, pater, verbum, & Spiritus sanctus. Et hi tres vnus sunt. Trinitas verò significatur, ut cum ait: Gen. 1 Faciamus hominem ad imaginem & similitudinem nostram. Gen. 18 In Genesi quoque Abraham tres angelos vidit, & vnum Iſaie 6 adorauit. Isaias cum videret in solio maiestatis suæ seden-

dentem Deum, audiuit vocem angelorum trina acclamatione, Sanctus, Sanctus. Sanctus, glorificare trinum Deum eumque maximum confiteri, cum aiunt: Dominus Deus zabaoth. *Psal. 2*
 Sic David ex persona patris ad filium: Filius meus es tu, *Isa. 43*
 ego hodie genui te. De qua quidem generatione Isaias etiam *Psal. 66*
 loquitur: Generationem eius quis enarrabit? Rursum David
 trinitatem, cum ter dicit Deum: Benedicat nos Deus, Deus
 noster, benedicat nos Deus, & addens constitetur vnitatem.
 Et, inquit, metuant eum omnes fines terræ. Idem: Verbo *Psal. 32*
 Domini cæli firmati sunt, & spiritu oris eius omnis virtus *Matt. 28*
 eorum. Et in nouo Testamento Christus: Ite docete omnes
 Gentes, baptizantes eos in nomine patris, & filij, & Spiritus-
 sancti. Et Paulus, Misit Deus Spiritum filij sui in corda no- *Gal. 4*
 stra. Iterum idem: Si Spiritus eius qui suscitauit Iesum in *Rom. 8*
 nobis habitat. Ecce ad Galatas Spiritum sanctum, Spiritum
 filij, ad Romanos verò patris eundem dixit Spiritum. Sed
 & Gabriel angelus ad Virginem matrem loquens, memi-
 nit patris Altissimi, & filij eius, & superuenientis Spiritus-
 sancti. Et Baptisma in Iordane audiuit patrem dicentem: *Luc. 1*
 Hic est filius meus, & cætera. Vidit Spiritum sanctum, vi- *Matt. 3*
 dit & baptizauit filium. Sic Rursum ad Romanos Pau-
 lus: Ex ipso & per ipsum & in ipso sunt omnia. Vbi Au-
 gustinus: Ex patre, ait, per filium, in Spiritu sancto. Vide- *Rom. 11*
 mus ergo quibus verbis Sacra scriptura Deo vnitatem & *Lib. 1. cap. 6. de Trinitate*
 trinitatem tribuit. Sed & eadem animæ nostræ speculum
 exhibet. Principiò enim immortalis anima est, tota in to-
 to corpore, tota etiam in qualibet corporis parte. Et sit licet
 vnica, omnes tamen corporis partes viuificat. Tum etiam li-
 bera in operatione sua est. Ac demum vnica cum est, tres ta-
 men habet potentias, memoriam, intellectum, & volunta-
 tem. Et hæc omnia triadem nobis in vna deitatis ostendunt
 essentia, eoque scriptura hominem ad imaginem & similitu-
 dinem Dei creatum asserit. Et David, Signatum est, inquit, *Gen. 1*
 lumen vultus tui Domine super nos. Ecce deitatis & vnitas *Psal. 4*
 & trinitas his tribus speculis, quantum hic satis est, non vbi *Luc. 17*
 est, sed in ænigmate, ad sobrietatem ostenditur. Intra nos
 est regnum Dei, non est necesse vt discurremus, quæren-
 tes quid & vbi sit Deus. Hoc magis elaborandum vt agni-
 tam, sicut oportet, veneremur deitatem, magnificemus,
 hon

honoremus, eiusque nomen uti æquum est, celebremus: non
Exod. 10 autem dehonestemus, aut in vanum accipiamus. Non enim
 habebit in fontem Dominus eum, qui acceperit nomen Dei
 sui frustra. Sed & bonitatem eius & misericordiam prædica-
 mus, quia cum Deus ipse est, non dedignetur noster & pater
 esse & Deus. Hæc enim est gloriatio nostra, ut per Prophe-
 tam quondam dixerat, In hoc gloriatur qui gloriatur, scire
 & nosce me, quia ego sum Dominus, quia facio misericor-
 diam & iudicium & iustitiam in terra. Hæc enim placent
 mihi. Considerate quid dicat, Dixit se facere misericordiam
 & iudicium, & iustitiam in terra, & addit, Hæc placent mi-
 hi. Nunquid ideo placent quia ipse facit? Vtique quia hæc
 placent ipse facit, sed non solum ideo placent quia ipse facit,
 sed ut & nos in ipso eadem faciamus ideo placent. Hoc in Mi-
 chæa apertius, Indicabo tibi o homo quid sit bonum, & quid
 Dominus requirat à te, Vtique facere iudicium, & diligere
 misericordiam, & sollicitum (humilem) ambulare cum Deo
 tuo. Audimus quid nobis præstiterit diuina pietas, præstemus
 quod eadem à nobis exigit, faciamus iudicium, diligamus
 misericordiam, sollicitè ambulemus cum Deo nostro. Sic fiet
 ut cum nobis æternum commodet, verè in nobis, non ut in
 Pharaone glorificetur Deus, sed ut in Deo dilecto Israël ad
 nostram utilitatem. Et hæc quidem dicta sunt, ut beneficio-
 rum Dei memores, beneficos nos ostendamus filios, & tem-
 pus quod ab aduentu Domini hucusque transit, cum gratia-
 rum actione concludamus. Verùm quia præteriti temporis
 piè meminisse satis non est, nisi & bene instituatur futurum,
 quid porro faciendum nobis sit, Evangelica edocet historia.
 Quæ non solum quid natura simus, verum etiam quid gratia
 fieri nos oporteat ostendit. Tum etiam qua via peregrinan-
 dum sit, hoc toto, quod hodie dicitur, tempore, clarè demon-
 strat, cum dicit, Sicut Moses exaltauit serpentem in deserto,
 ita exaltari oportet filium hominis, ut omnis qui credit in
 illum non pereat, sed vitam habeat æternam. Exaltatus Chri-
 stus qui habet vitam æternam finis peregrinationis nostræ
 est, ad hunc accedimus fide, qua toto hoc tempore pergen-
 dum est. Fide inquam, pergendum, quia si rationem sequi vo-
 luerimus, non attingemus. Non enim magis ratione intelli-
 gemus, quare Christum Dei hominisque filium oportuerit
 exaltari, quàm quomodo vnus Deus trinus esse & dici possit.

Nico

Nicodemus sit nobis exemplo, quem hac parte sequi, non erit incommodum. Videamus ergo quid de eo Evangelica tradat historia. Erat homo ex Phariseis nomine Nicodemus, princeps Iudæorum, hic venit ad Iesum nocte, & dixit ei, Rabbi scimus quia à Deo venisti magister. Nemo enim potest hæc signa facere, quæ tu facis, nisi Deus fuerit cum eo. Hypothe- *Ioan. 3*
 sis est. Suprà enim posuerat, quòd multi credidissent in Ie-
 sum, atque hic vnus ex eorum numero. Non enim suam fi-
 dem hoc dialogo solùm ostendit, mortuum etiam corpus de-
 functi, quem reliqui suæ sectæ trucidarant, constanter sepul-
 turæ tradit. Tum etiam in cœtu Phariseorum dixerat, Num *Ioan. 19*
 lex nostra iudicat hominem, nisi prius audierit ab ipso, & co- *Ioan. 7*
 gnouerit quid faciat? Sitiuit hic iustitiam & esuriit, propter *Luc. 1*
 ea beatus, & à Deo bonis impletus. In paucis fidelis, super *Mat. 23*
 multa constitutus. Ideoque eum Ioannes hoc nomine digna-
 tur quòd homo fuerit, non naturæ ductu, sed & quod ratione
 vteretur, quod hominis est proprium, & hic homo ex phari-
 sæis. Cur hoc addidit? Primò, vt videamus desiderium felici-
 tatis in Nicodemo, non iam incepisse tandem, sed quòd antè
 etiam eam elegerit professionem, quæ illo tempore certissi-
 ma erat omnium aliarum sectarum. Propter fidem enim re-
 surrectionis & vitæ sanctimoniam, tum etiam legis cogni-
 tione separati ab aliis viuebant. Deinde etiam ex Phariseis,
 id est, diuisis. Diuisus à Deo propriam sectam linquens, acces-
 sit ad Deum. Accessit autem nocte, vel quia lumen cordis non
 haberet, vel quòd princeps Iudæorum & Phariseus dici eru-
 besceret, vel quòd honoris ergò in secta sua manifestè non
 auderet. Nescio enim quid etiam pij nonnunquam patian-
 tur, affectu magis quàm ratione ducti. Gedeon timens do- *Iudic. 6*
 mum patris sui, & ciuitatis illius incolas, nocte destruxit
 aram Baal. Rabbi, inquit, scimus quia à Deo venisti magi-
 ster, & nemo potest hæc signa facere quæ tu facis, nisi Deus
 fuerit cum eo. Exorditur à laude Christi, & respondet nomi-
 ni suo, siue Hebraicè, siue Græcè Nicodemum dixeris. Quia
 innocens à persecutione Christi fuit, & hoc ipso populum
 vicit, quòd pietate ceteros excellit. Ostendit autem cur ac-
 cesserit Iesum. Nempe vt de quibusdam quæstionibus propo-
 neret, & hoc ipso quàm sibi cordi fuerit religio, declarat.
 Educatus inter Phariseos putabat iustificationem legi ac o-
 peribus deberi, Christus verò gratiæ & fidei attribuebat.

Hærebac

Hærebat ergo Nicodemus. Illic Phariseorum autoritas legis omnino indurata, hic monent Christi signa. Nam signorum apertè meminit. Magistrum siue Rabbi dicit, qui titulus inter Iudeos erat clarus. Nondum renatus ex Spiritu sancto, Iesum Dominum dicere potuit. Alia confessio in Petro & Apostolis, qui viui Dei filium, & Dominum dicebant. Tum quòd malitia non ignorantia, Pharisei Christum persequuti sint, ostendit, cum ait, Scimus quia à Deo venisti Magister. Mentuntur ergo Iudæi, cum dicunt, In Beelzebub principe dæmoniorum eiecit dæmonia. Et, Nescimus vnde sit. Hinc sequitur, quia in Spiritum sanctum blasphemarunt, meritò excrucatos esse. Pulchrè autem duo cõiungit, doctrinam & signa. Illa Prophetam promissum intelligit, his verò se cõstantia munit, & aliis, quia signa cessabant, descissentibus in doctrina & confessione perseverat. Et hæc quidem initia Nicodemi, cui Christus, quia non dolosè accessit, amicè loquitur. Cæteros illius sectæ semper durè increpat, ut cum ait, Quid me tentatis Hypocritæ? Cur vos transgredimini mādāta Dei propter traditionem vestram? Væ vobis Scribæ & Pharisei. Sæpe etiam sine responso dimisit, ut qua isthæc potestate faceret sciscitantes. In duobus igitur malis, illud Christus præposuit, quòd minus erat malum. Magis Nicodemi vacillans animus placuit, quàm cæterorum Phariseorum pertinax nequitia. Quare duo fecit. Primò ostendit se à patris bonitate & longanimitate non esse alienū, qui pusillanimes veteris Testamēti homines sustinuit, spe meliorum sustinuerat Aaronem, qui postulātibz Israhēlitis, contra conscientiam suam aureū erexit vitulum, tantū ne malè à populo exciperetur, si id facere detrectaret. Et huic non absimilem Naamam, qui noscēs verè Deum esse in Israhēl, tamen ab Holisæo veniam postulabat, si quādo dæmonum fana cum rege suo ingrederetur. Sed & Abdian hoc morbo laborantem, cum absconditos cibaret Prophetas, regi tamen suo malè fideles pro sua tyrānide tractanti repugnare non fuit ausus. Deinde etiam nostris exemplum dedit pastoribus, ut norint compati infirmis & sufferre imperfectos. Sed tamen differentia habenda est. Non enim semper id fieri res postulat. Paulus aliis lacte, aliis verò solido cibo opus esse testatur. Tum Timotheum non solum ut cum omni lenitate Euangelij negotium agat, verum etiam ut importunè nōnunquā arguat, hortatur, Et hoc Christi exemplo.

Qui

Qui licet superioris ætatis habuerit prophetiã, fore vt qual-
 satum calamum non confringeret, & lignum fumigans non
 exstingeret, legimus tamen quòd aliquando seuerum nobis
 Heliam presentauit dicentem, Quousque claudicatis in duas *3. Reg. 18*
 partes? Si Dominus est Deus, sequimini eum, si Baal, sequi-
 mini illum. Factus est ergo Christus omnia omnibus, vehe-
 mens in pertinaces, blandus in meliora promittentes. Verè ex-
 pertus Nicodemus, quòd habeamus Pontificem, qui norit cõ-
 dolere infirmitati nostræ. Quòd ergo initiũ orationis sumit
 Amen Amen dico tibi, inquit, nisi quis renatus fuerit denudò,
 non potest videre regnum Dei. Vbiunq; Christus hac distio-
 ne Amen vtitur, res magni momenti expectatur. Sed Ioannes
 hanc vocem duplicat. Immutabile ergo esse voluit, quod hic
 dixit, Omnibus renascentiam esse necessariam. Erasmus qui-
 dem ad fœlicitatem cõditi, sed deprauata natura, facti sumus
 à salute alieni. Omnes ex vno parente originem ducimus, o-
 mnes in illo peccauimus, & morti obnoxij, natura filij iræ su-
 mus, & iuxta Davidis testimoniũ, inutiles omnes, non est qui
 faciat bonum. Cũ ergo ex prima generatione carnem tan-
 tũ & sanguinem habemus, & illa regnum Dei possidere nõ
 possunt, alia necesse est generatio, qua & prima maledictio
 auferatur, & gratia conferatur. Vt enim Israël non potuit vel
 Aegyptũ exire, vel patrię iter ingredi, nisi rubro mari trãsito,
 ita nos maledictionis illius tyrannidem euitare, vel cælestis
 patrię semitam inuenire sine baptismate regenerationis nõ
 possumus. Est igitur illa regeneratio exitus & introitus, cui
 Christus promissionem dedit, & gratiam indidit. Hanc por-
 tam, nisi quis introierit, salutem inuenire non poterit. Sacra-
 mentum enim est necessitatis. Consideremus ergo in Nicode-
 mo, quid sit nostrum posse, antequam isthæ generatio in no-
 bis fiat. Natura ne quidem videre possumus regnum Dei, om-
 nes iustitiæ nostræ sicut pannus menstruata corã Deo. Quin
 nec intelligere possumus quæ sunt Spiritus. Vt apertè hic Ni-
 codemus doctor legis tãtus, Christo de Spirituali regeneratio-
 ne dicente, carnalem generationem & renascentiam somniat.
 Quomodo, inquit, potest homo nasci, cũ sit senex? Nũquid
 potest in ventrem matris suæ iterato introire & renasci? Pro-
 pterea Christus apertius, quæ sit illa regeneratio, dicit, Amen
 Amen dico tibi, nisi quis renatus fuerit ex aqua & Spiritu san-
 cto, non potest introire in regnũ Dei. Quod natũ est ex carne,

Gen. 3

Roma. 5

1. Cor. 15

Eph. 2

Psal. 13

1. Cor. 15

caro est, quod natū est ex Spiritu, Spiritus est. Duæ generatio-
 nes, carnis vna, altera Spiritus. Vna verborum forma manet.
 Tantū modū regenerationis addit. Spiritu & aqua. Quanquā
 autē non desint, qui hæc verba tantū metaphoricē intelligāt,
 vt in aqua mortificationem veteris hominis, in Spiritu viui-
 ficationē noui, propriē tamen intelligi debent, de Sacramen-
 to baptismi, sine quo reliqua omnia nihil ad salutem faciunt.
 Bene autē renāscientiā dixit, sicut & Paulus lauacrū regene-
 rationis & renouationis scripsit, habet enim aliquid similitu-
 dinis hæc regeneratio ab illa prima regeneratione. Vt enim
 in illa pater requiritur & mater, ita in hac ecclā Christus pa-
 ter est, Ecclesia mater. Christus spiritum dat ad viuificationē,
 Ecclesia aquā ministrat ad emundationē. Queris vnde aquæ
 illa virtus? Respondet August. Accedit verbū ad elementū, &
 fit Sacramentum. Inuocatio nominis Dei, in qua baptizamur,
 facit vt visibile elementū, inuisibilis gratiæ teneat effectum.

4. Reg. 3. Naamā Syrus leprosus, iussus ab Helizeo vt lauaretur in Ior-
 dane, licet contēneret, & quod ratio impossibile esse dictita-
 bat, fieri posse non crederet, adhortatione seruulorum tamen
 lauit se tandē, & mūdatur. Nō in aqua isthæc virtus, sed Deus
 est, qui operatur in his mediis. Propterea addit, Spiritus vbi
 vult spirat, & vocē eius audis, sed nescis vnde veniat, aut quō
 vadat. Sic & omnis qui natus est ex Spiritu. Sunt qui hūc spiri-
 tum intelligant ventū; alij Spiritū sanctū, vt eius intelligatur
 virtus in creaturis. Iuxta horū interpretationem hoc voluit
 Christus. Tres sunt generationes hominū, prima Adæ de ter-
 ra, secunda Euę de latere Adam, tertia propagationē vtriusq;
 sexus. Si ergo nullā harū intelligimus quæ sunt carnis, multo
 minus illā regenerationē, quæ est Spiritus. Poterit tamē prio-
 ri sensu dictū intelligi, vt Christus per ventum voluerit nobis
 vim insinuare Spiritus sancti. Aliqd enim ventus habet, vnde
 operatio Spiritus intelligi potest. Primò enim, natura liber
 est, à nullo inhihetur. Sic & Spiritus operatio libera, à nullo
 cogi potest, qā nullius debitor, & quē vult indurat, cuius vult
 miseretur. Ex pastore Dauid regē fecit & Prophetā, ex pesca-
 tore Apostolū, ex publicano Euāgelistam, ex Paulo persecu-
 tore, Gentiū doctorē. Secūdo licet nō videatur, nec palpetur
 imperiosissimē tamē alta deiicit, solōq; adæquat. Sic & si san-
 ctus potētes deiicit, vt in Phara. Nabuc. Antiocho, & aliis vi-
 dere est. Propterea ad Zorobab. ait Dñs, Nō per exercitū, neq;
 per

Roma. 9

Exod. 14

Dani. 4

2. Mac. 9

Zach. 4

per vim, sed per spiritum meum. Quis es tu mons magne co-
 ram Zorobabel? in planiciem redigeris. Tertia proprietas
 est, quia se in omnia diuidens, omnia implet, omnia penetrat, à
 nullo excludi potest. Sic spiritus replet orbem terrarum, &
 omnia quæ continet orbis. Hoc etiam omnis virtus cælorum
 firmatur. Hic ad Danielelem in foueam leonum, ad Ananiam
 & socios eius in ignem, ad Paulum in carcerem peruénit. Nec
 hoc mirum, quia & animos piorum penetrat. Quò igitur ibo
 à spiritu tuo, & quò à facie tua fugiam? Quartò, vt bonus cor-
 pora recreat, ita infectus lælit. Sic Spirituss. bonis vitam tri-
 buit, malis reprobum sensum inducit. Quintò, vt aliquando
 lenis, ita nonnunquam impetuusus ac vehemens. Sic Spirituss.
 aliquos afflat leniter, alios etiam cum impetu, puta qui leni
 flatu non mouentur. Nabuchodonosor & Paulus exemplo sint.
 Sextò, nunc hinc nunc illinc venit. Sic Spirituss. non semper
 vno modo homines afflat. Apostolos omnes simul congrega-
 tos. Mariam solam, Cornelium & alios in prædicatione ver-
 bi. Septimò, voce auditur, sed via eius ignoratur. Sic Spiritus
 sancti præsentia aliquando sentitur, sed qua id via, & vnde, ne-
 scitur. Sic ergo omnis qui natus est ex spiritu. Vbi spiritus, ibi
 libertas, humilitas, erga omnes benignos beneficiæ, lenitas,
 facilitas ad bonum. Sed caro & sanguis hæc non intelligit.
 Hæc quæ erit: Quomodo possunt hæc fieri? Et quidem hæc eo-
 rum vox est, qui sibi in Iudaico populo magistri titulum af-
 feriebant. Quid ergo ceteri intelligere potuerunt? Si sal in-
 fatuatum fuerit, in quo salietur? Si lumen quod in te est, tene-
 bræ sunt, ipsæ tenebræ quantæ erunt? Speculatores domus Ia-
 cob cæci, Dei sapientiam non habuerunt. Meritò audit: Tûne
 magister es in Israël, & hæc ignoras? Tantam ego ne quidem
 in infimo plebis suspicatus fuisset audaciam. In vnum igi-
 tur coire omnes. Omnes agnoscite insecritiam vestram, ac vo-
 bis præbete aurem & fidem. Non sit vobis vanum quod loqui-
 mur verbum. Verè enim dico vobis, quia quod scimus loqui-
 mur, & quod vidimus testamur, & testimonium nostrum non
 accipitis. Pater ipse qui misit, & omnes Prophetæ qui loquuti
 sunt de me, mecum consentiunt, mihi que ex eo quod sciunt
 & viderunt, testimonium ferunt. Ad Prophetas & ad Ioannem,
 sermo Domini factus est, hinc sciuerunt. Pater & ego vidimus,
 Ideo loquimur & testamur. Sed vos testimonium nostrum non
 accipitis. Videte quid dicat: Nostrum. Non solum Christi ver-

*Sapient. 1.**Psal. 22.**Danie. 6.**Daniel. 3.**Act. 16.**Sapient. 7.**Psal. 130.**Rom. 1.**Danie. 4.**Acto 4.**Acto 2.**Luce 1.**Act. 10.**Matt. 15.**Luce 6.**Isa. 56. 5.**Luce 3.*

K bum

Exod. 4. bum non acceperunt, verumetiam Prophetarū testimonium
Dent. 9. respuerunt. De hoc enim conquesti sunt Prophetæ. Sic alibi
Isaia 53. dicit: *Matt. 23.* Et nolulistis. Propterea desolabitur domus ve-
Matth. 7. stra, imò auferetur à vobis regnum Dei. *Matt. 21.* Dixi in sci-
 tiam. An non est inscitia? Debulistis cælestium habere intelli-
 gentiam, & ecce ne quidem terrenarum habetis notitiam.
 Ignoti ergo terrenarum, quomodo credetis cælestia? Addam
 autem & hoc: Nemo ascendit in cælum, nisi qui descendit de
 cælo, filius hominis qui est in cælo. Arbitramini posse vestra
 iustitia cælos penetrare, sed ego quod vidi, testor, nemo ascen-
 dit in cælum, nisi qui descendit de cælo, filius hominis qui est
 in cælo. Hæc dixit, quæ omnia rationem excedunt, excedunt
 & legis scientiam. Quomodo enim est in cælo, qui descendit
 de cælo, & in terra loquitur? Implet igitur diuinitas Christi
 omnia, qua in cælo apud patrem erat, & in terra miracula fa-
 ciebat. Sed dicunt quidam: Nemo ergo ascēdit in cælum. Con-
 trā Christus: Beati pauperes spiritu, quia ipsorum est regnum
Mat. 5. 6. cælorum. Et Paulus aperte: Scimus, inquit, quoniam si terre-
2. Cor. 5. stris domus nostra huius habitationis dissoluatur, quod ædi-
 ficationem ex Deo habemus, domum non manu factam, sed
 æternam in cælis. Sed hæc sententia: Christus caput, qui non
 est membrum in corpore mystico huic capiti compactus, non
 potest ingredi. Hic sine culpa descendit de cælo filius natura-
 lis & hæres, pro suo iure rursus propria virtute ascendit. Ne-
 mo sua iustitia ascendit præter hunc solum, qui ipse ascendit.
 & via est per quam alij ascendunt. Et sicut Moyses exaltauit
 serpentem in deserto, ita exaltari oportet filium hominis. His
 verbis pandit viam ad cælos. Oportet exaltari filium homi-
 nis, ut omnis qui credit in illum, non peccet, sed habeat vitam
 æternam: propter peccatum lædebantur Israëlitz. Nemo à ser-
 pente læsus, sanari potuit, nisi viso æneo serpente. Propter pec-
 catum omnes morti sumus obnoxij: sed fide intuentes in exal-
 tatum filium, vitam consequimur æternam. Contrā, non in-
 tuentes, manent obnoxij. Qui enim est incredulus filio, non
 videbit vitam, sed ira Dei manet super eum. Hæc ergo huius
 Dialogi capita. Regeneratio necessaria est omnibus ex Adam
 progenitis. Regeneratio cōsistit in spiritu & aqua. Ratio, quia
 quod natum est ex carne, caro est: quod verò ex spiritu, spiritus
 est. Hæc proprietas regenerandi ex spiritu, quæ etiam spiritui,
 ut sit liber. Sed hæc regeneratio vim suam habet ex eo, qui suo
 merito

merito propria virtute ascendit in cælum, figuratus æneo serpente exaltatus est, vt omnia traheret ad se. Hic ergo iustificationis modus, vt credamus in eum, nullam iustitiam in lege quæramus, Dominus Iesus, qui nostra causa exaltatus est, humiles nos aliquando pro sua dignatione in æterna felicitate exaltet. Amen.

DOMINICA SE-
CVNDA POST PEN-
TECOSTEN EVANGE-
LIUM, LUCÆ
XVI.

Homo quidam erat diues, qui induebatur purpura & bysso, & epulabatur quotidie splendide. Et erat quidam mendicus, nomine Lazarus, qui iacebat ad ianuam eius vlceribus plenus, cupiens saturari de micis quæ cadebant de mensa diuitis, & nemo illi dabat. Sed & canes veniebant, & lingeabant vlcera eius. Factum est autem vt moreretur mendicus, & portaretur ab angelis in sinum Abraham. Mortuus est autem & diues, & sepultus est in inferno. Eleuans autem oculos suos, cum esset in tormentis, vidit Abraham à longè, & Lazarum in sinu eius, & ipse clamans, dixit: Pater Abraham, miserere mei, & mitte Lazarum vt intingat extremum digiti sui in aquam, vt refrigeret linguam meam, quia crucior in hac flamma. Et dixit illi Abraham: Fili recordare, quia recepisti bona in vita tua, & Lazarus similiter mala: nunc autem hic consolatur, tu verò cruciaris. Et in his omnibus, inter nos & vos chaos magnum firmatum est, vt hi qui volunt hinc transire ad vos, non possint, neque inde huc transire. Et ait: Rogo ergo te pater, vt mittas eum in domum patris mei.

Habeo enim quinque fratres, ut testetur illis, ne & ipsi veniant in hunc locum tormentorum. Et ait illi Abraham: Habent Moysen & Prophetas, audiant illos. At ille dixit: Non pater Abraham, sed si quis ex mortuis ierit ad eos, pœnitentiam agent. Ait autem illi, Si Moysen & Prophetas non audiunt, neque si quis ex mortuis resurrexerit, credent.

EADEM DOMINICA EPI-

STOLA, IOANNIS III.

Deus charitas est. In hoc apparuit charitas Dei in nobis, quia filium suum unigenitum misit Deus in mundum, ut viuamus per eum. In hoc est charitas: non quasi nos dilexerimus Deum, sed quoniam ipse prior dilexit nos, & misit filium suum propitiationem pro peccatis nostris. Charissimi, si Deus dilexit nos, & nos debemus alterutrum diligere: Deum nemo vidit unquam. Si diligamus inuicem, Deus in nobis manet, & charitas eius in nobis perfecta est. In hoc cognoscimus, quoniam in eo manemus, & ipse in nobis, quoniam de Spiritu sancto suo dedit nobis. Et nos vidimus, & testificamur, quoniam pater misit filium suum saluatorem mundi. Quisquis confessus fuerit, quoniam Iesus est filius Dei, Deus in eo manet, & ipse in Deo. Et nos cognouimus & credidimus charitati, quàm Deus habet in nobis.

S E R M O.

Quoniam hæc, quæ hodie recitata est lectio Evangelica, plurima fidem nostram concernentia habeat, ut aliam post hanc, viam esse, certâ pro cuiusque meritis mercedem vel pœnam manere, nullam in inferno manumissionem esse, nihil si dem valere sine operibus ad salutem, mercedem vel pœnam, non secundum fidei, sed operum qualitatem manere, defunctis erga viuos hic affectum inesse, ac demum in omnibus Scripturam sacram esse certissimam fidei & vitæ normam; Tamen si animad

animaduertamus præcedentia in Luca, inueniemus hæc dicta à Christo de avaris diuitibus, deque pauperibus & egenis. Audiuimus præcedenti Dominica, quomodo post baptismū, post etiam agnitionem beneficiorum Dei, assumpto animæ nostræ viatico, iter aggressi sumus versus cælestem patriam, ubi Christus caput nostrum sedet in dextera Dei patris. Omnes propo-
1. Cor. 9.
 situm spei nostræ brabeum esse assequi anhelantes, post Christū in stadio currimus, ut ab ipso, qui hoc iter ante nos perfecit, trahamur cupientes. Sed ecce paululū progressi, duas vias, dissimiles planè ante oculos cōspicimus, aliam angustio-
Matt. 7.
 rem nec bene tritam, aliam verò latam, quā multi ambulauerunt. Illa tristior, Lazari mēdici & martyrum vestigia dudum impressa, iamque ferè cēspite abolita, habet: hæc lætior ac iocunda seculi potentes & epulones iamiam cateruatim transisse recentibus indicat vestigiis. Illa virtutis, hæc est voluptatis. Hic sistere gradum melior mens dicat & ratio. Venit in mentem litera Pythagoræ discrimine secta bicorni humanæ vitæ speciem (quæ) præferre videtur. Nam via virtutis dextrum per ardua callem, difficilēque aditum primum spectātibus offert, sed requiem præbet fessis in vertice summo. At molle ostētat iter via lata, sed vltima meta præcipitat captos, voluitque per ardua saxa. Placet quidē angustior, sed arridet latior. Obuiam igitur nobis venit Christus, multis stipatus sociis, qui omnes se sequamur, hortantur, non hoc consideremus, quòd alia illa sit lætior, magisq; trita: saltē hoc cogitemus, quòd hæc quam ipsi ingressi, sola ad finē perducatur beatum, illa ad extremum exitium. Hæc summa huius Euangelij cui optimè David con-
Psal. 48.
 iungitur, qui omnes ad audiendum cohortans, de sapientia se dicturum promittit, nec quicquā dicit, præter finē malorum & opulētium huius mundi esse interitum, eòq; in paupertate degētibus, nec desperandū à propria inopia, nec timendū à diuitiū abūdātia. Sed nūquid hæc nō est necessaria doctrina? Placet vtriusq; personā examinare diligētius, ut meditatione hac, verū præsentiarū vsum teneamus. Ac principio quidē diuitis personam describens, non meminit nominis illius. Quia id videtur significare, ut & celebres sint in mundo lætiores fortuna ebrii, omnibus licet noti sint, Deo tamen ignoti, eo quòd plerunque diuites, vel nihil vel parum de Deo sciant. De quibus per Apostolum dicitur: Qui ignorat, ignorabitur: *1. Cor. 14.*
 Hominis tantū anim dignatur nomine: nempe indicare

- care voluit, vnde tam peruersa in diuite natura, nempe ex rade, qua primus homo peccauit, delinquit etiam hic. Humana natura ad malū inclinata est iam inde ab origine. Et quod ex ea carne natum est, caro est, & omnino eiuscemodi caro, in qua bonum non habitat. Quod vitium non vnus alicuius est, sed omnium: Omnes, inquit Dauid, inutiles facti sunt, non est qui faciat bonum. Homini huic data erāt diuitiæ, vnde diues dictus. Sed nunquid hoc malum, quod diues fuerit? Non ideo dixit diuitem fuisse, quod malum sit diuitias habere: sed quia fecit diues, quæ pauper non fecisset, ideo dixit diuitē. Fuerunt enim huc mali occasio diuitiæ, non causa. Nec quomodo has acquisierit, est scriptū, sed quod iis malè vsus sit, hoc est significatum. Quāquam vnum Deus medium posuerit, quo ea quæ necessitatis sunt, acquiruntur, cum dicit: In sudore vultus tui vesceris pane tuo: tamen eò res humanæ rediēre, vt statim ad appellationem diuitis non eum cogites, qui labore & sudore sibi eos parauerit, sed qui aut ipse iniquus, aut iniqui heres sit, intelligas. Tot artes Satan excogitauit, vt ferè non liceat diuitias habere, nisi per dolos, iniquitatem, mendacia, furta, sacrilegia, homicidia, & id genus alia comparentur, vt per eadem conseruentur. Hinc Māmōna iniquitatis dictæ, & ipsius quidem Pauli testimonio, qui diuites volunt fieri, incidunt in tentationem, & in laqueum diaboli, & desideria multa inutilia & nociua, quæ mergunt homines in interitum & perditionem. Radix enim omnium malorum est cupiditas. Et quia difficillimè fiet, vt qui eo modo diuitias congersit meliori ratione distribuat, duplici damnationi obnoxij sunt, & quod malè parauerunt, & quod malè parata iniustissimè perdidere. Multis alioqui Dominus contulit diuitias, vt Abraham, Iob, Dauid, aliisque. Sed illi agnouerunt vnde eas accepissent, & in quem vsu haberent. Abraham hospitalis fuit, Iob item vide quā multa laude digna fecit suis diuitiis, quā fuerit pius in alios? Et Dauid atq; alij idem fecerunt. Et quare hæc de illis viris scripta sunt? Nempe quia scriptū est difficilè esse diuitem intrare in regnum celorum: nemo ex difficultate faciat impossibilitatem, cum viderit alios præstitisse, quod sibi quoque est iniunctum. Volumus autē scire, quia Deus verum vsu diuitiarū requirat? Duo inuenio in scripturis quæ hoc testantur: Primò, Deus abutētes diuitiis corripit: Prou. 10. 20. Iac. 5. Dan. 11. Matt. 13. Marc. 4. Lucæ 8. Secundò, vsum diuitiarum

vsum laudat, ac ritè iis videntes, benedictionibus implet. Beatus vir qui timet Dominum, in mandatis eius vult nimis. *Psal. 112.*
 Potens in terra erit semen eius, generatio rectorum benedicetur. Gloria & diuitiæ in domo eius, & iustitia eius manet in seculum seculi. Exortum est in tenebris lumen rectis, misericors & miserator & iustus. Iocundus homo qui misereretur, & commodat, disponit sermones suos in iudicio, in æternum non commouebitur. In memoria æterna erit iustus, ab auditione mala non timebit. Dispersit dedit pauperibus, iustitia eius manet in seculum seculi, cornu eius exaltabitur in gloria. Ecce benedictiones bonorum dispensatorum. Tum Petrus hanc charitatem in proximos, dicit, multitudinem peccatorum operire: & Tobias, Elemosynam à morte liberare ait. Atque ideo Christus ait: Pauperes semper habebitis vobiscum, nempe ut diuitibus rectæ dispensationis offeratur occasio. Quin & misericordiam præcipiens: Estote, inquit, *1. Pet. 6. Tob. 4.*
 misericordes, sicut & pater vester misericors est. *Lucæ 11. 3. 1.*
 Ioannis 3. Eccles. 29. Deut. 15. Et certè à vero alienum non est, hunc diuitem nostrum epulonemve, hac ratione à Deo diuitias accepisse, ut bonus esset dispensator, & misericordie, charitatisque suæ perciperet benedictionem. Non enim (ut dixi) quoddam malè quæsierit, scriptum est, sed quoddam malè perdiderit. Maximè verò de tribus abusibus culpatur: Primò, quoddam indu tus fuerit bysso & purpura: Secundo, quoddam epulatus sit, & quotidie & splendide: Tertiò, quoddam petenti Lazaro immittis micæ mensæ suæ denegauerit. Ac primò, quoddam de vestitu dixit, notandum est. Sunt qui negent superbè vestiri, peccatum esse, scilicet quia bona creatura Dei, in hoc nobis data, ut ea utamur. Sed hos quæro, qua ratione contra apertam veritatē audeant pugnare. Primò enim non est idem dicere, vestiri & superbire. Nam facillè hoc concedemus, quia bona creatura Dei ad vsum nobis datam esse. Non tamè inde luxus sequitur, vestitusque licentia. Quod si superbè vestiri non est, quomodo indui hunc epulonem purpura & bysso, ad abusum & peccatum imputatum est? Quomodo econtra Baptista laudatur ab eodem Domino de vestitu sui utilitate? Imò quomodo qui *Matt. 11. Luca 7.*
 mollibus vestiuntur inepti ferè Euangelij regno iudicantur, quoddam in huius seculi Principum, ac regum aulis stant? Quin *1. Cor. 6.*
 & infideles Romani vestimentorum luxum contempserunt, qui potentissimi orbis monarchæ auri vsum vix sciuerunt, pu-

blico edicto verātes, ne qua matrona ornatu suo excederet semiunciam. E quid hos in exemplum adfero, quādo omnes historiæ Neronem, Lucillum, Heliogabalum, & alios pro sua vestitus superbia traducant & contemnant? Atq; eò id Christianos minus decet, quòd illa copia ornatus iniquè sepe compareretur, adeoque in multos competit Prophetæ dictū: In aliis

Hier. 2.

Isaia 9.

Isaia 3

tuis inuentus est sanguis pauperum & innocentium. Et quod Isaias ait: Vestimentum tuum sanguine mixtum, ideòq; erit in combustionem & deuorationē ignis. Porro quā placeat Deo iste abusus vestium in eodem Prophetā legimus: Pro eo, inquit, quòd superbierunt filia Sion, ambulauerunt extento collo, & nutibus oculorum ibant, & plaudebant, & ambulabant, & pedibus suis composito gradu incedebant, decaluaabit Dominus verticem filiarum Sion, & Dominus crinē earum nudabit. In die illa auferet Dominus ornamentū calceamentorū, & lunulas, & torques, & monilia, & armillas, & mitras, & discriminalia, & peristhelitas, & murenulas, & olfactoriola, & inaures, & annulos, & gemmas in fronte pendentes, & muratoria, & palliola, & linteamina, & acus, & specula, & sindones, & vittas, & Theristra. Et erit pro suauī odore foetor, pro zona funiculus, & pro crispanti crine caluicium. Ecce hic primus diuitiarum abusus est. Non hunc natura postulat, quē membra tegi, non ornari docuit, eòq; Petrus non iam in

1. Pet. 3.

viris, sed etiam in mulieribus reprehendit ornatum: Mulierum, inquit, non sit extrinsecus capillatura, aut circumdatio auri, aut indumenti vestimentorum cultus: sed qui absconditus est cordis homo in corruptibilitate, quieti & modesti spiritus, qui est in conspectu Dei locuples. De hoc indumenti genere & Paulus loquitur: Induimini Dominum Iesum. Et ad Ephesios: Induite nouum hominem, qui secundum Deū creatus est in iustitia & sanctitate veritatis. Hoc indutus satis ornatus est, hoc exutus, etiam si Salomonem vestimentorū gloria superet pauper & egenus, & nudus, & miser est. Notandum autem hic, quòd duo posuit byssum & purpurā: byssum quidem ad molliciē, purpuram verò ad splendorem.

Rom. 13.

Ephes. 4.

Apoc. 3.

Luca 16.

Secundus abusus est, quòd ait: Epulabatur quotidie splendide. Videte quid dicat: Quotidie & splendide. Planè contra Scripturam. Paulus iubet operari manibus quod bonum est.

Ephes. 4.

Luca 21.

& laborare, vt habeamus vnde tribuamus necessitatem pauperi. Quāto igitur magis à crapula & ebrietate abstinendum

dum, ut ex eo quod superest, reficiantur alij: Christus expressè dicit: Attendite vobis, ne fortè grauentur corda vestra in crapula & ebrietate, & curis huius vitæ, & superueniat vos illa dies repentina. Basilus distinguit. Est autem ebrietas nimius *Basilus.* vsus vini, crapula verò anxietas & nausea, quæ est in ebrietate, à motione capitis, Græco vocabulo dicta. Hoc ipso Sodoma *Exch. 16* peccauit Domino: Superbia, saturitate panis, & abundantia, & otio, & quod manum egeno & pauperi non porrigebat. Et Paulus luxuriam numerat inter opera carnis, in ea quam ad Galatas scripsit epistola. Tum alibi prohibet ebrietatem. Nolite, inquit, inebriari vino, in quo est luxuria. Sed hoc solo *Galat. 5.* excusare volunt, quod negare non possunt. Sic mos est facere, *Ephes. 5.* ita omnes consueuerunt. Ridetur id præstare detrectans. Sed audiamus quid Paulus dicat: Nolite nos conformare huic seculo. *Rom. 12.* Quod si nos cum hoc epulone conformes reddere volumus mundo, hoc expectandum est, ut non solum trāseamus, verumeriam cum omni concupiscenciā eius damnemur. Omnino necessaria est distinctio inter mundum, & Christianos. Tam enim non conueniunt, quàm distant lux, & tenebræ. *1. Cor. 6.* Nunquam in scripturis mundus hic benè audit, sed quia totus in maligno positus est, ideo elegit nos Christus de mundo, *1o. 15.* ut nos quoque non simus de mundo, sicut nec ipse est de mundo. *Ioan. 17.* Eramus quidem & nos aliquando tenebræ, nunc autem facti sumus lux in Domino. Eramus aliquando longè, *Ephes. 5.* nunc autem facti sumus propè in sanguine Christi. Separati sumus & selecti de mundo. Mundus gaudium, epulas, lætitiā, voluptates sequitur: nos tristitiā, tribulationem, aduersitates habemus. Quomodo igitur conformes esse quarimus cum mundo? Non sic dedicistis Christum, inquit Paulus, sed necesse est deposuisse nos veterem hominem secundum pristinam conuersationem, & secundum desideria intergentes. Audiuimus filiorum huius mundi studium, & gaudium, audiamus nunc porro piorum erumnas in hoc mundo. Et erat, inquit Euangelista, quidam mendicus nomine Lazarus, qui iacebat ad ianuam eius, vlcerebus plenus, cupiens saturari de micis quæ cadebant de mensa diuitis, & nemo illi dabat. Sed & canes veniebant & lingeabant vlcera eius. Videmus asperitatem viæ angustæ quā ingressus est Lazarus. Diuiti opponitur mēdicus. Duæ res diuersissimæ, diues & mendicus. Sed tamen à Deo, ut sunt diuitiæ, ita ab eodem sunt, & *Luca 16.*

inopiz. Coniunctos Deus vult in mundo, cum tamen elegit de mundo. Mira res hanc voluntatem Dei à multis non animaduerti. Expressè dicit: Pauperes semper habebitis vo-

Mar. 26. biscum. Nec tamen erubescunt quidam profigare mendicos è finibus suæ ditionis. Quin si ex verbis Christi, voluntatem

Ioan. 12. Dei non intelligimus, ex ipso facto consideremus. Profigamus peregrinos, sed ecce, vt verum sit quod dixit: Pauperes

2. 102 habebitis vobiscum, alios Deus dat mendicos vicinos. Repellimus in plateis obuios, & ecce numero auget domesti-

cus. Hæc non considerare, nonne extrema est cæcitas? Sed consideramus scio. Cur autem repugnamus? Propter auariti-

2. 103 am. Ecce iacet in via mendicus, in platea, ante ædes, rogat te: si das, numulus decrescit de tuo, si recusas, si transis, & si

2. 104 non erubescis diues, mendico stipem denegare durus: mor-

2. 105 det tamen quia Christus iubet misericordem esse te, torquet quòd iudicium denunciatur sine misericordia tibi, qui non

facis misericordiam, debet quòd in humanitatè hac dissimilis es à patris cælestis pietate. Vt ergo hunc scrupulum cor-

2. 106 de tuo eximas, vt cruciatum effugias, mendicos è medio tollere laboras. Sed frustra sudas. Neque enim hic diues sine

2. 107 Lazaro esse potuit, nec tu opulentus sine mendico eris. Hoc

2. 108 obseruauit Euangelista, vt exposita diuitis vita, mox adiungeret mendici erumnas: Erat, inquit, quidam mendicus, no-

mine Lazarus. Hunc nouit Christus, hunc vero dignatur nomine. Hic Dei atrium, Dei in hoc moratur adiutorium.

Lucæ 10. Non hæc profectò parua solatio pauperum. Gaudete, Chri-

2. Tim. 2. stus ait ad suos, quia nomina vestra scripta sunt in cælis. Cog-

Ioan. 10. noscit Dominus qui sunt eius, & nouit eos eripere de ren-

2. 109 tationibus huius seculi. Quin etiam ipse agnoscitur à suis, qui & vocem eius audiunt, & sequuntur eum quocunque

Matt. 5. ierit. Et quomodo non agnosceret etiam nominatim, quos suos esse voluit, quorum & regnum cælorum esse fecit? Hi

Psal. 3. sunt spiritu pauperes, qui cum Propheta dicere possunt: Ego mendicus, & pauper sum. Hoc respicit humiles, ve-

2. 110 rum alios spiritu à longè tantum cognoscit. Nec mirum: Potest enim Deus (cui corda patet omnium) aliquid mag-

num in humili cognoscere, quod longè antecellat omnium diuitum omnes copias. Mundus theatrum est, personati

circumsumus in huius vitæ fabula. Vt enim in ludis pauper-

rimum nonnunquam persona datur diuitis, humilibus ortus

parent

parentibus Regis larua induitur, contrà: atque finito ludo, exutis quam quisque pro autoris arbitrio sumpserat personis, veri apparent homines: sic quousque hic viuimus sub mendici specie, sæpe latet Deo diues, & in corpore sano Deo languens anima. Mundo diues notus, Deo ignotus. Mundo eisdem Lazarus ignotus, Deo optimè notus. Diues in mensa epulabatur indutus bysso & purpura, Lazarus ante diuitis ianuam iacebat plenus vlceribus. Hic dilucidè apparet, non esse cogitationes Dei, cogitationes hominum. Quid vltra huic homini potuisset accidere infœlicius? Mendicus erat, plenus vlceribus ægorabat, dolores sustinuit famelicus. Longè à suis, diuitis luxum vidit, micas petiit, nemo dedit nec tamen murmurat, nec contra Deum ponit os suum. Insigne insignis patientiæ exemplum. Contrà, immanis inhumanitas, talem tam miserè affectum hominem, eiusdem professionis in medio luxu & gaudio tam propè ante oculos possum, tantillum petentem, & se accepturum esse de discumbentis commiseratione confidentem, spernere: nullo pietatis, nullo commiserationis, nullo denique humanitatis affectu moneri: neque etiam irrationabilis animantis exemplo commoueri. Quod homo potuit, homini præstare noluit: Canis quod potuit, præstitit. Quanquam autem per canes eos etiam intelligere possumus, qui ex aliorum infœlicitate suum quæstum quærant. Vt canes dum lingunt, non hominis sanitatem, sed proprium commodum quærant. Nemo dabit. Videte aulicorum mores, dixeram ferè parasitorum: Malus rex, malus

populus: Impius rex, impios alit satellites. Videmus ergo & alterius angustæ viæ asperitatem. Quid huic misero restabat? Auxilium ab omnibus denegatum fuit. Potuit ergo Spiritu sancto moneri: lacta cogitatum tuum in Dominum, & ipse te enutriet. Per multas enim tribulationes oportet nos intrare in gloriam Christi, propterea & gloriandum in tribulationibus. Quoniam si hoc faciunt in viridi, in arido quid fiet? Atque hinc leuatis ad Deum manibus, cum magna fiducia dicere est: Tibi ò Domine derelictus est pauper, orphano tu eris adiutor. Oportet enim iudiciū Dei à domo Dei incipiat. Verè cum Dauid dicere potuit: Pater meus, & mater mea dereliquerunt me. Amici mei & proximi mei aduersum me appropinquauerunt. Spectaculum factus sum mundo, & Angelis, & hominibus. Et quomodo non exaudiretur pietatis plenum pectus

Isa. 55

Prov. 29

Psal. 36

Act. 14

Rom. 5.

Luc. 23

Psal. 9

1. Petr. 4

Psal. 37

1. Cor. 4

- Luc. 16* num pectus, tanta constantia aduersa sustinens? Vidimus ambos in via, videamus etiam in patria. Factum est, inquit Dominus, ut moreretur mendicus, & portaretur ab Angelis in sinum Abraham. Mortuus est autem & diues, & sepultus est. Hic mutatio incipit dexteræ excelsi. Vnus quidem exitus impij & pij, sed pio mors fuit ad vitam, impio verò ad mortem
- Hebr. 9* secundam, ad damnationem æternam. De utroque dicitur, mortuus est. Hic finis huius vitæ. Statutum est omnibus hominibus semel mori, post hoc autem iudicium oportet corruptibile hoc induere incorruptionem. Mendico quidem grata fuit mors, finem enim attulit ærumnarum. Et quidem si attendere liberet, quas hic pij sustineant tribulationes, omnes liberari ex hoc corpore mortis, ex maligno hoc seculo peteremus. Quanta pietate Cato ille Senior, Ethnicus licet, de morte loquitur? Non, sibi si optio daretur, istam canitiem, cum fortunatissimo adolescente commutaret. In hoc lætatur, quòd cursum pœnæ consummauerit, quòd non frustra in mundo, quòd nullius damno, verum plurimorum commodo, vixerit. Nec mirum igitur, si sancti martyres tanto desiderio mortem concupiuerit, certi de reposita spe, quam promissit is, qui fallere nescit. Quomodo enim huic Mendico non fuisset non grata mors? In sinum Abraham ab angelis portatur mortuus, qui famelicus virens despiciebatur ab hominibus. Non libet disceptare quid sit sinus Abraham, cum certum est promissionis Abraham factæ exhibitionem intelligi.
- Genes. 15* In hac enim obdormierunt omnes pij. Ero merces tua magna nimis. In hanc promissionem obdormiens Lazarus dice-
Psal. 72 re potuit: Tenuisti Domine manum dexteram meam, & in voluntate tua deduxisti me, & cum gloria suscepisti me. Quid enim mihi est in cælo, & à te quid volui super terram? Defecit caro mea & cor meum. Deus cordis mei, & pars mea Deus in æternum. Et respiciens ad infernum ubi diues: Ecce qui elonga-
Job. 24 se à te, peribit, perdidisti omnes, qui fornicantur abs te. Nec mirum si hæc dicat: Ipsa enim misericordia obliuiscetur
Psal. 72 impiorum, & in memoria hominum non erunt in patria, qui
Matth. 25 non fuerunt in labore hominum in via. Hic audiuit: Enge-
Sap. 3 serue bone intra in gaudium. Veni benedicte patris mei.
Rom. 8 percipe regnum. Ita planè diuinæ conuenit iustitiæ, ut iustorum animæ in manu ipsius sint. In paucis vexati, in multis bene disponentur. Non enim sunt condignæ passionibus huius temporis

temporis ad futuram gloriam quæ reuelabitur in nobis. Tanta enim præparauit Deus diligentibus se, quæ nec auris audiuit, nec oculus vidit, nec in cor hominis ascenderunt. Sed quid interea diues? mortuus est, & sepultus. Lazarus forte sepulturam non habuit, habuit diues. Sed quid profuit illi qui tam miserè torquetur? Exclamat Propheta: O mors quàm amara est memoria tua. Sed quid addit? Nunquid egeno Mendico? Non, sed homini pacem habenti in substantiis suis, qui prosperatur in omnibus viis suis. Hic verè apparet, quòd vanitas vanitatum & omnia vanitas sit: quòd mundus præterit, & omnis concupiscentia eius: quòd diuitiæ à morte non liberant. Vidi, inquit Dauid, impium superexaltatum sicut cedros libani, & transiui, & respexi, & ecce non est inuentus locus eius. Sed quid huic post mortem? Non ideo solum impiis amara mors, quòd finem imponat luxui & deliciis, verumetiam ac multò magis quòd initium sit doloris & cruciarum. Sequitur enim: In inferno autem eleuans oculos suos, cùm esset in tormentis, vidit Abraham à longè, & Lazarum in sinu eius, & ipse clamans dixit: Pater Abraham misere mei, & mitte Lazarum vt intingat extremum digiti sui in aquam, vt refrigeret linguam meam, quia crucior in hac flamma. Iustus es Domine, & rectum iudicium tuum. In vita diues induebatur purpura & bysso: hic circumdatur flammis. Epulabatur quotidie splendide: hic aquæ guttam ad refrigerandam linguam petit. Impius in via dum prosperatur, nunquam eleuat oculos suos ad Deum, hic eleuat ad hominem sed sero. Quàm præstaret hoc exemplo moniti cum Psalmista diceremus: Ad te ò Domine leuaui oculos meos, qui habitas in cælis. Ecce sicut oculi seruorum in manibus dominorum suorum, ita oculi nostri ad Dominum Deum nostrum, donec misereatur nostri. Et: Illumina oculos meos, ne vnquam obdormiam in morte. Hic epulo duo mala sentiit, & quòd ipse concutiebatur in flamma, & quòd Lazarum consolari videbat in patria. Lazarus in mundo plenus viceribus, delicias videbat epulonis. Petit Lazarus micæ, nemo dabat. Petit epulo guttam, Abraham recusat. Quoniam tamen Abraham patrem agnoscit, licet non sequutus sit eum operibus, filij appellatione dignatur nominare. Fili, inquit, recordare quia recepisti bona in vita tua, & Lazarus similiter mala: nunc autem hic consolatur, tu verò cruciaris, & quæ

sequua

Ecclesi. 41

Ecclesi. 1

Ioan. 2

Prov. 11

Psalm. 36

Luc. 16

Psalm. 118

Psalm. 13

sequuntur. Hic finis vtriusque. Quod Lazarus consolatur, causa est, quia mala recepit in vita sua. Ideo diues cruciatur, quia bona recepit in vita, & recepta malè locauit. Pauperi misericors non fuit, charitas fraternitatem non amauit. Sola charitate potuisset hos cruciatus effugere. Sed quia eam non præstitit, hæc merito patitur. Væ vobis diuitibus qui habetis consolationem vestram. Væ vobis qui saturati estis, quia esurietis. Væ vobis qui ridetis nunc, quia lugebitis & flebitis. Thesaurifastis vobis non in cælo, vbi neque tinea deaest aut demolitur, vbi nec fur surripit: sed thesaurifastis vobis in terra. Et quæ congregastis, culus erunt? Plorate vultantes in miseriis vestris, quæ superuenient vobis. Diuitiæ vestræ putrefactæ sunt, & vestimenta vestra à tineis comesta sunt. Aurum & argentum vestrum eruginauit, & erugo eorum in testimonium vobis erit, & manducabit carnes vestras sicut ignis. Thesaurifastis vobis iram in nouissimis diebus. Qui obturat aures suas ad clamorem pauperis, & ipse clamabit & non exaudietur. Iudicium enim sine misericordia erit ei, qui non facit misericordiam. Nam qua mensura fuerit quis aliis, remetietur ei. Ecce leo rugit, quis non timebit? Sustinuit Deus hunc diuitem, sustinet & modo huic similes. Nō enim arbitrabimur, quasi hic solus interierit epulo. Quod si causa similis in nobis est, eadem erit & perditio. Ante eum, avaros, epulones, immisericordes; fuisse testantur Prophetæ.

Osea 4 Audite verbum Domini filij Israël, inquit Oseas, quia iudicium Domino cum habitatoribus terræ. Non est enim veritas, non est misericordia, & non est scientia Dei in terra. Similem lamentationem super hominum inclementia Isaias profert, cap. 59. Michæas omnibus misericordiam commendatam cupit: Indicabo tibi o homo, inquit, quid sit bonum, & quid requirat Dominus à te. Vtique facere iudicium, & diligere misericordiam, & sollicitum ambulare cum Deo tuo.

Luce 6 Sed & euangelica nos idem monet Scriptura. Christus ipse ait: Estote misericordes, sicut & pater vester misericors est. Et Paulus: Induite, inquit, viscera misericordiæ. Et ad Timotheum scribens: Diuitibus, inquit, præcipe non sublime sapere, neque sperare in incerto diuitiarum. Et quid Ioannes in epistola vult, cum toties nobis commendat charitatem, nisi vt cogitemus nos vnum esse corpus, alterum alterius opera iuuandum? Coniunge quæ Ioannes de Dei in nos dilectione scripsit

scripsit, & quod Christus apud Lucam monet. An non ideo Ioannes patris dilectionem nobis ob oculos ponit, vt Christo hortanti obediamus, cum ait, Estote misericordes sicut & pater vester misericors est? Sed surdo narratur fabula. Omnes habent quod prætexent, vt iuste immites videantur. Scripturæ non credimus, signa quærimus, nec meminimus quid dicat veritas: Generatio adultera quærit signum, & signum non dabitur ei. Habent Moſen & Prophetas, audiant illos, nec denique vel verarum historiarum exemplis, vel verisimilium parabolis monemur. Restat ergo vt æternos gehennæ cruciatus expectemus. Hæc ergo cogitemus. Cogitemus & caueamus. Adhuc tempus est, in via sumus, non in patria, sequamur Christum, imitemur, qui nos præcesserunt, pios. Auersetur impios & immites. Viam horum non eamus. Beatus enim qui non abiit in consilio impiorum & in via peccatorum non stetit.

Mat. 12

DOMINICA TER

TIA POST PENTE

COSTEN EVANGE

LIUM, LUCÆ.

XIIII.

Homo quidam fecit cœnam magnam, & vocauit multos, Et misit seruum suum hora cœnæ dicere inuitatis, vt venirent, quia iam parata sunt omnia. Et cæperunt simul omnes excusare. Primus dixit ei: Villam emi, & necesse habeo exire, & videre illam. Rogo te, habe me excusatum. Et alter dixit: Iuga bouum emi quinque & eo probare illa. Rogo te, habe me excusatum. Et alius dixit: Vxorem duxi, & ideo non possum venire. Et seruus nunciavit hæc domino suo. Tunc iratus paterfamiliæ, dixit seruo suo: Exi cito in plateas & vicos ciuitatis, & pauperes ac debiles & cæcos & claudos introduc huc

huc. Et ait seruus: Domine factum est vt imperasti, & adhuc locus est. Et ait Dominus seruo: Exi in vias & sepes, & compelle intrare, vt impleatur domus mea. Dico autem vobis, quòd nemo virorum illorum qui vocati sunt, gustabit cœnam meam.

DOMINICA III. POST

Pentecosten Epistola, 1.

Ioan. III.

Nolite mirari fratres, si odit vos mundus. Nos scimus quoniam trāslati sumus de morte ad vitam, quoniam diligimus fratres. Qui non diligit manet in morte. Omnis qui odit fratrem suum: homicida est. Et scitis quoniam omnis homicida non habet vitam æternam in se manentem. In hoc cognouimus charitatem Dei, quoniam ille animam suam pro nobis posuit, & nos debemus pro fratribus animas ponere. Qui habuerit substantiam huius mundi, & viderit fratrem suum necesse habere, & clauserit viscera sua ab eo, quomodo charitas Dei manet in eo? Filioli mei, non diligamus verbo, neque lingua, sed opere & veritate.

S E R M O.



IT A hoc Euangelium cum præcedentis dominicæ lectione per omnia coniungitur, vt non possim hunc sermonem alio modo instituere, quàm vt superiori respondeat, indeque hic initium sumat, vbi ille finem. Illic audiuius quæ pios maneat consolatio in alia vita, quæ impios damnatio, cum Lazari proposita est requies, & diuitis epulonis cruciatus æternus. Non ergo diffido esse inter vos qui spretis epulorum diuitiis, relicta viæ prosperioris amœnitate, arduam aspiritate cum paupere Lazaro semitam ingressi, vocantem sequantur Christum. Sed quia illud quoque timendum est, alios in via subsistere, alios furtis actos relabi & declinare, ideo necessarium iudicauimus hac Euangelica parabola acclamare

clamare omnibus, hos monere, hortari alios, ut si quis forte veterem adhuc sequens conuersationem salutis aspernatur mensam, nec vocanti, ut sequatur obedit: domini piam voluntatem agnoscat, gratiam quam acipere potest apprehendat, & ne alius accipiat coronam, teneat. Hoc enim ipsum hæc vult parabola, quæ Dei vocantis munificentiam, serui sedulitatem, vocatorum damnosam excusationem, & subintrantium cum felicitatem tum numerositatem insinuat. Digna profectò parabola, quæ & examinetur diligētissimè, & cogitetur semper. Et principiò quidem quod ad Dei vocantis munificentiam attinet, tātum meritò apud omnes meretur, ut remotis quæ nos remorantur impedimentis, alacres obsequamur, in proposita curriculum via pergere animemur & confirmemur. Quis enim non sequeretur ad tantam cœnam, per illum seruum quem filium vnicū dilexit pater, tam paternè vocantem? utique ingens ipsius munificentia insinuat, cū homo magnam cœnam fecisse, multos vocasse, seruum ut inuitatos adduceret misisse perhibetur. Homo quidam cœnam fecit magnam. Cur homo Deus? Nempe cum essentialē bonitatem eius non intelligis, homo humanitatis recordatione diuinam munificentiam agnosceres. Vnde Scripturæ mos est, ut ubicunque insinuare vult pietatem, hominis vocabulo significet. Nam & Danieli regnum in hominibus accepturus, quasi filius hominis veniens, visus est. Filius hominis quasi vnius non duorum hominum filius dicitur. Vbi verò ira & indignatio eius inducitur, ferarum appellatione significatur. Sic Amos: Leo, inquit, rugit, quis non timebit? Et Hieremias: Vrsus factus est mihi & leo in abscondito. Et Oseas in persona Dei: Occurrā illis quasi vrsa orbatā catulis & dirumpā interiora cordis eorum, & consumam eos quasi Leo. Primum ergo hoc munificentiae diuinæ iudicium, quod dira ferarum appellatio recessit, noua hominis significatio successit. Sed quid potuit munificentius exhibere nobis homo ille hominibus quā quod exhibuit? Cœnam fecit magnam, & vocauit multos. Optimè profectò magna. Magnus dominus & magna virtus eius, ait Dauid. Et quid potuit à magno nisi magnum, egregium, & excellens venire? Et certè magna sit oportet, in qua multi accumbent. Sed & ideo magna, quia magnificus apparatus eius. Illic tibi frumentum & vinum apponitur virgines faciēs, gratia (nempe) remissio delicti, pax, vita æterna, imò eiusmodi quæ nec ocu-

*Apo. 3.
Propos.*

Dan. 7.

*Amos 3.
Thren. 3.
Ose. 13.*

Psal. 146

Zach. 13.

lus vidit, nec auris audiuit, nec in cor hominis ascenderunt.

- Isa. 46.* Quir autem non ideo etiam magna, quòd magno constet
2. Cor. 2. Ipse vnigenitus torcular calcauit solus, dedítque nobis noui
 testamenti calicem, sanguinis proprii rubore perfusum. Ipse
 & panis noster. Et hæc morte propria parauit & propina-
1. Cor. 6. 7 uit cœnam. Vnde Paulus: Empti estis (inquit) pretio ma-
Apo. 2. gno, glorificate & portate Deum in corpore nostro. Beati er-
 go qui ad cœnam agni vocati sunt, & vocationi obediunt. Vo-
 cantur enim multi, sed veniunt electi pauci: tum etiam dis-
1. Tim. 2. cumbentium quanta diuersitas? Non vocantis culpa, sed vo-
Rom. 3. A. catorum negligentia. Ille enim saluos fieri cupit omnes, & ad
Ro. 10. 6. agnitionem veritatis venire. Nec est vllus personarum respe-
Aug. sup. ctus apud eum, nulla distinctio Iudæi & Græci. Vt omnes pro-
Ioan. 10. cauerunt, ita omnes iustificat, Iudæos ex fide, Gentes per fi-
 dem. Cuius quidem vocationis causa essentialis, ipsa voluntas
 Dei est, & gratia. Gratia, inquit Paulus, saluati estis per fidem,
Ephe. 2. & hoc non ex vobis; Dei enim donum est non ex operibus, ne
Tit. 3. quis glorietur. Et apparuit benignitas & humanitas saluato-
 ris nostri Dei, non ex operibus iustitiæ quæ facimus nos,
 sed secundum suam misericordiam saluos nos fecit. Acciden-
 talis verò, reprobatio aliorum. Nam & quod Iudæi vocati
 sunt primùm, ex accidente etiam est, quia ceciderant angeli.
 Et quod Gentes vocati sunt, accidentalis causa est, Iudæorum
Rom. 11. reprobatio. Vt Paulus in ea quam ad Romanos scripsit Epi-
 stola, disputat. Indidit Deus vtrique genti naturale deside-
 rium felicitàtis, ostendit modum consequendi, Iudæis qui-
 dem per legem sese manifestans, gentibus per visibilia mun-
Rom. 1. di huius elementa. Et hæc vocatio iam inde ab origine mun-
 di durauit. Vbi verò venit plenitudo temporis, & vespera,
 mundi senectute ingrauescente, sol occumberet. Ideo enim
 cœna dicitur quod vltimo tempore parata, & quod ea peracta
 sempiterna sequatur requies. Seruum suum misit dicere inui-
 tatis vt venirent. Quia parata sunt omnia. Potest quidem ser-
 uus ille totus prophetarum cuneus intelligi, quia omnes vno
 ore vno nempe spiritu parata vocatis omnia prædixerunt, sed
 propriè per seruum intelligi poterit Christus. Is enim & ser-
Deut 18. uus & missus est. De eo enim Moses prædixit, cum ait: Pro-
Isa. 42. 2 phetam de gente tua & de fratribus tuis sicut me, suscitabit
 tibi dominus Deus tuus. Et Isaias in persona patris: Ecce
 seruus meus, suscipiam eum, electus meus, complacuit sibi in
 illo

illo anima mea. Dedi spiritum meum super eum, iudicium gentibus proferat. Et Ezechiel: Suscitabo super ea pastorem vnum, qui pascet ea, seruum meum Iacob. Et ne quis miretur quomodo seruus Dei sit filius. Paulus totam eum naturam seruilem sibi associasse testatur, vt in vna eademque persona vera hominis veraque Dei constaret natura. Cum in forma Dei esset formam accepit serui. Et hoc illi est mitti, quod est seruum fieri. Quemadmodum in Isaia dicit: Spiritus Domini super me, ed quod vnxit me, ad annuncian- dum mansuetis misit me, vt mederer contritis corde, & predicarem captiuis indulgentiam, & clausis apertionem, & predicarem annum placabilem Domino. Id quod D. Paulus considerans de eadem missione loquitur: vbi venit plenitudo temporis misit Deus filium suum factum ex muliere, factum sub lege, vt eos qui sub lege erant, redimeret. Misit (inquam) eum non a se separatim, quia missus est per hoc quod assumpsit humanam naturam, & tamen erat in sinu patris vnigenitus, qui est in sinu patris xternaliter. Sed ad quid misit? vt loqueretur nobis parata esse omnia. Multifarie multisque modis olim loquutus est patribus in Prophetis. Nouissimè verò, diebus istis locutus est nobis in filio. Hinc ipse pater filium monstrans ait: Hic est filius meus dilectus, in quo mihi complacuit, ipsum audite. Nec solum vt loqueretur nobis misit eum. Eramus morti obnoxij, & eduxit nos. De manu mortis liberabo populum meum, de morte redimam eos. Eramus sub potestate Diaboli & liberauit nos. Mitteteis, inquit Propheta, saluatorem qui liberet eos. Eramus faucij, & misit saluatorem, vt Dauid: Misit, inquit, verbum suum, & sanauit eos, & liberauit eos de intentionibus eorum. Et quæ infirmitas nostra? Omnem (inquit) escam abominata est anima eorum, ideo appropinquauerunt vsque ad portas mortis. Propterea cum in hunc mundum venisset, legatione quam pater mandauerat functurus, videns hanc hominum infirmitatem conuocans alloquitur: Venite ad me omnes qui laboratis & onerati estis & ego refocillabo vos. Id quod prouidens Propheta, ait: Omnes sitientes venite ad aquas & qui non habetis argentum, properate. Emite & comedite, venite emite absque argento, & absque vlla commutatione vinum & lac. Ecce quomodo perfecit filius man-

Exe. 34. f

Phil. 2.

Isa. 61.

Gal. 4.

Ioan. 1.

Heb. 1.

Matt. 3.

Ose. 13.

Psal. 106.

Matt. 11.

Isa. 55.

- datum patris, Misit pater, iubet ut audiamus eum. *Fil.*
Psal. 94. lius ad se vocat, & ut reficiamur oportet, Clamat David ne ob-
Heb. 3. turemus corda nostra audientes vocem eius, ne exacerbetur
in ira sua, sicut eum filij Israël exacerbauerunt in deserto.
Psal. 41. Sed quid sit? Nunquid occurrimus & clamamus: Sitiuit
anima mea ad te Deum fontem viuum, quando veniam
& apparebo ante faciem Dei mei? perinde atque ceruus
desiderat ad fontes aquarum, ita anima mea ad te Deum
fontem viuum desiderat? Minimè. Quid ergo? Alius
dicit: Villam emi & eo videre illam, rogo habe me excusa-
tum. Alius: Iuga bouum emi quinque, & vado proba-
re illa; rogo habe me excusatum. Alius denique: Vxorem
dixi, & ideo non possum venire. Et hæc quartus audiens;
multitudinis excusantis & detraherentis territus odio, licet
venire & vocanti obsequi proposuerit, quia tamen mundi
amicus odia timeret, paratam cœnam negligit, perlatam
viam perditionis, querens excusationes in peccatis, abit.
Et hoc quidem totius mundi studium. His quatuor enim
impediuntur ad cœnam vocati. Vnde in Canonica scribit
1. Ioan. 2. Ioannes: Omne quod in mundo est concupiscentia carnis
est, & concupiscentia oculorum & superbia vitæ. Aut
hæc humanarum mentium miserranda cæcitas, aut de-
testanda perversitas est, quod non huic, sed cælesti vitæ
conditi, has res adeo sectamur, atque diligimus, ut futu-
rorum planè negligentes arguamur & conuincamur. Certè
videre villam recens emptam superbiam: probare bouum
iuga, auaritiam: Vxorem duxisse, hoc modo, libidinem
indicat. Et recte Ioannes: Totus mundus in maligno po-
situs est. Diuitiis student omnes, nec ullus respectus quo
modo comparentur. Et ita iis cumulandis quidam inhæ-
rent, quasi oblitus Deus facturæ suæ nullam nostri curam
haberet. Cum apertissimè contra scriptura iubeat, omnem
solicitudinem in eum abicere, cui cura est de nobis. Nec
mouemur cum ubique impossibilitas nobis obiciatur no-
stra, quod in vanum laboremus sine Deo, nec potis sit
quisquam ad staturam suam vel vnum cubitum addere.
Math. 6. Scientes ergo & volentes perimus. Probamus quidem veni-
Sap. 7. re ad cœnam, & excusari cupimus, sed delectat huius fabu-
læ negotium. Iam cum strenuè satis sub auaritiæ vexil-
lis militamus multumque diuitiarum, hoc est, stercoris col-
legimus

legimus, hoc secundū studium, ut superbia tumidi, neminem nobis putemus parem; nos prædicemus, reliquos omnes contemnamus, quasi sufficientes ex nobis, nullius egeamus: tunc ædificia nostra exaltamus, & horrea dilatamus, stultāque persuasionem miseram decipimus animam, ut quiescat in otio, in diuitiis in plurimos annos collectis speret, confidat, de nullo cogitet. Sed quid dicit Scriptura? Stulte, hac nocte animam tuam repetent à te, & quæ parasti cuius erunt? Ve qui congregat auaritiam domui suæ, malum ut sit in excelsu nidus eius, & liberari se putat de manu mali. Sic & qui in hoc vxores ducunt, ut abutentes iis, carnis concupiscentias sectari possint, damnationem non euadent. Honorabile quidem coniugium, sed inter eos, qui in timore domini sunt, non ad voluptatem, sed ad necessitatem pro propellenda libidine, & educanda prole commiscantur, atque ita inuicem viuunt, tanquam non habeant. Potest enim etiam inter coniugatos puniendi inueniri fornicatio, quam qui sequuntur, regnum Dei non possidebūt. Longissime diuidit enim inter Deum & homines fornicatio, & fortissimi quisque interfecti sunt ab ea. Ideoque reor, differentia quadam positum esse, cæteris, & qui agrū, & qui quinque bouum iuga cõmerat pro excusatione rogantibus, solus qui vxorem duxerat non posse se venire responderit. Quando igitur ex vino ebrietas, & hinc lasciuus ille D. repugnans animus est, verè Oseas dixit, quod fornicatio & yinu & ebrietas cor hominis auferant. Neque enim quicquam à sanæ mentis ratione, ne dicam à pietate Christiana alienius quàm propter vxorem non posse ad cernam venire domini. Hæc cogitemus quisque secum. An non nos eiusmodi remorantur impedimenta? Quidam ex gentibus hæc tractantes blandiuntur sibi, in Iudæos hæc reiicientes: Illi, inquit, vocati, illi secum Dei filium viderunt & audierunt coram: nos in plateis & ciuitatis vicis, pauperes, cæci atque claudi oberrauimus: nos in viis & sæpibus, alij volentes, alij compulsi, intrauimus. Et quidem aliquid dicunt, cum hoc prætexunt: Nam vocati sunt Iudæi & reuenerunt venire, & eorum reprobatio, nostra est assumptio. Nam ipse Christus: cum aliquando ut Cananæ pro filia orantis precibus anpuerit rogatus, respondit, se non nisi ad oues perditas familiæ Israël missum esse. Et alibi missis in omnem Iudææ regionem Apostolis, In viam gentium, inquit, ne abieritis, & in ciuitates Samaritanorum ne intraueritis, sed

Luc. 12.

Abac. 1.

Heb. 13.

1. Cor. 7.

Pro. 7.

Ose. 4.

Matt. 15.

Mat. 10.

Act. 3.

L 3 potius

- potius ite ad oues quæ perierunt domus Israël, præcipit. Et hoc est quod Petrus loquitur Iudæis: Vobis, inquit, primum Deus suscitatum filium suum Iesum, misit benedicientem vobis. Vt quisque nostrum conuerteret se ab iniquitate sua. Neque enim negari potest quod Iudæi accepta lege & promissione de futuro benedicente semine, ipsam aspernati sunt salutem. Nam apertè id Dominus testatur cum ait: Hierusalem
- Matt. 13.* Hierusalem: Quoties volui congregare filios tuos, sicut gallina congregat pullos suos sub alas, & noluisti? Tum reprobatos esse ibidem apertè dicit: Ecce relinquetur vobis domus vestra deserta. Et alibi Paulus & Barnabas ad Iudæos loquuntur: Vobis oportebat primū loqui verbum Dei: sed quoniam repellitis illud & indignos vos iudicatis æterna vita, ecce conuertimur ad Gentes. Hoc enim præcepit nobis dominus: posui
- Act. 13.* te in lucem gentium, ut sis salus mea usque ad extremum terræ. Et iterum: Bene de vobis Spiritus, per Prophetam Isaiam
- Isa. 49.* loquutus est, dicens: Vade ad populum istum & dic: Aure audietis, & non intelligetis, & videntes videbitis, & non perspicietis. In crassatum est enim cor populi huius, & auribus grauius audierunt, & oculos suos compresserunt: ne fortè videant
- Isa. 6.* oculis, & auribus audiant, & corde intelligant, & conuertantur, & sanem eos. Notum ergo sit vobis, quoniam gentibus misum est hoc salutare Dei, & ipsi audient. Et maiori vehementia Spiritu repletus mortuusque vicinus Stephanus: Dura, inquit, ceruice & incircumcisi cordibus & auribus. Vos semper Spiritui sancto resistitis, sicut patres vestri ita & vos. Iusti vos proditores & homicidæ fuistis, qui accepistis legem in dispositionem angelorum, & non custodiistis. Simile quid in Ieremia scriptum legimus: Et te plantaui vineam electam, omne semen verum. Quomodo ergo conuersa es mihi in prauum vinea aliena? Et mox: Quomodo confunditur fur, quando deprehenditur, sic confusi sunt domus Israël, ipsi & reges eorum, principes & sacerdotes, & prophetæ eorum. Hæc quidem de Iudæis verè dicuntur, & tota scripturæ sacræ pagina abiectos eos & reprobatos esse domini salute testatur. Tum etiam reuersus seruus hæc domino suo nunciauit, ut hoc Euangelium loquitur. Nam & prophetæ ad Deum de incredulitate populi conquerebantur, & Christus indignissimè eorum ferebat pertinaciam. Primus Moyses licet à Deo ad Ierusalem, certo mandato accepto, mitteretur: præ-
- uides

videns tamen eorum duritiem, ait: Non credent mihi, neque audient vocem meam sed dicent: Non apparuit tibi Dominus. Quin ipse Dominus dato primo atque secundo signo credituros dubitat, eoque addit tertium. Helias grauius quid ad Dominum refert, & bis conqueritur interrogatus: Zelo zelatus sum pro Domino Deo exercituum, quia dereliquerunt pactum tuum filij Israël. Altaria tua destruxerunt, & prophetas tuos occiderunt gladio, & derelictus sum ego solus, & quaerunt animam meam vt auferant eam. Isaías quoque cū Palestinam intraret, arbitrabatur in illo populo verum Dei cultum in vera agnitione vigere. Sed diuersum offendit, eoque ait: Multiplicasti quidem Domine populum tuum, sed non magnificasti Ixtiriam. Et addit sequenti capitulo: Si fuerint filij Israël sicut arena maris, vix reliquæ saluæ erunt. Idem planè desperans se aliquid effecturum apud populum illum quantumuis nulli parceret labori, in admirationem raptus, ait: Domine quis credidit auditui nostro? Similiter & Ieremias deplorat in id officium natum se esse: Væ mihi, inquit, mater mea. Quare me genuisti virum rixæ, virum discordiæ in vniuersa terra? Mouebatur Propheta peruersitate populi sui. Dixerant enim de Deo, non est ille, & non venit super nos malum. Et hæc audiens Dominus, Ezechielem mittit denuo ad domum Israël, ad gentes Apostatrices, eoque confirmans eum ait: Fili hominis vade ad domum Israël, & loqueris verba mea ad eos. Non enim ad populum profundi sermonis & ignotæ linguæ quorum non possis audire sermones. Et si ad illos mittereris, ipsi audirent. Domus autem Israël nolunt audire te, quia nolunt audire me. Omnis quippe domus Israël attrita fronte est, & duro corde. Ecce dedit faciem tuam valentiorē faciebus eorum, vt adamantem & vt siliem dedi faciem tuam. Et Michas miratus raritatem conuigantium in domo Domini: Væ mihi (clamat) quia factus sum velut qui colligit in autumnno racemos vindemiæ. Non est botrus ad comedendum, præcoces ficus desiderauit anima mea. Et vt scias quid velit, addidit: Perit sanctus de terra, & rectus in hominibus non est. Tot ergo querelæ & multo plures, quibus enarrandis multi dies non sufficerent per Prophetas ad Dominum referuntur. Et Christus cū eandem pertinaciam suo tempore in Iudæis animaduerteteret, vā imprecatur ciuitatibus, quod impietate & sce-

Isa. 9.

Isaia. 10

Isa. 3.

Hier. 15.

Ier. 5.

Ezech. 3

Mich. 7.

Matt. 11 lere pessimas quasq; republ. superarent. Sodomæ & Gomor-
Luc. 10 rhæ, igne cælesti pro scelerum merito extinctis urbibus to-
 lerabilius in die iudicii fore affirmat, quod nec verbo credi-
 dissent, nec signorum virtute commoti, fuissent conuersi. Si-
 milis est (inquit) generatio ista pueris, qui sedent in fori-
 bus & acclamant sodalibus, dicentes: Tibi cecinimus vo-
 bis, & non saltastis, lugubria cecinimus vobis, nec plan-
 xistis: venit iohannes nec manducans nec bibens, & dicunt:
 Dæmonium habet. Venit filius hominis edens ac bibens,
 & dicunt: En hominem comedonem & vini potorem, pu-
 blicanis & peccatoribus amicum. Quo facto cum pro-
 phetæ tum Christus ipse omnibus, quibus verbi prædica-
 tio commissa est, exemplo esse debent. Non enim satis est,
 si tu legatione tua fungaris strenuè, si ad cælum vocem ele-
 uaueris, si Paulinam sequutus doctrinam arguas & obsecres,
 nisi etiam à concione, ab etiam reliquo externo officio do-
 mum rediens, Deum vt incrementet semen suum ores, & si
 quid duri in populo consideraueris, ipsum vt emollescat in-
 stes, & in summa (vt vno verbo dicam) omnia ad Deum
 referas, cuius hæc mandato facis. Planè enim iniquum
 seruum hunc diceres, si vel non rediisse, vel reuersum non
 indicasse domino excusantium & venientium responsio-
 nes, legeres. Sic Christus per diem prædicauit, noctu ad
 locum orationis conscendit. Sic Apostoli, sic Petrus in Iop-
 pe ad dominum ab officio reuertebantur. Non iam eo ani-
 mo vt igne cælitus demisso absumi malos optes, sicut olim
 discipuli Samaritis imprecari volebant, vt Lucas scribit, sed
 quemadmodum alibi admirantes quærunt patrifamilias ser-
 ui cum dicunt: Nunquid Domine bonum semen semina-
 sti in agro tuo? Vnde igitur zizania? Verùm cum nobis
 etiam Dominus dedit legationis huius munus & in nos re-
 conciliationis verbum posuit, nec dubium quin aliqui rot
 interfint, qui verè vocent, sollicitèq; vt plurimi veniant la-
 borent, instent, vrgeant: & contrà in populo vocato plurimè
 audiantur eiusmodi excusationes cum alius ambitiosus,
 alius auarus, alius voluptatibus & libidinibusmersus, aliùs
 propter mundi odium timidus venire recusat: certè non vi-
 deo quâ ratione hæc in solos Iudæos retorquere possimus.
 Nostra hic quoque ô fratres res agitur, ad nostram eru-
 ditionem hæc scripta sunt. Nam si illa tergiuersatio tan-
 tum-

tum in Iudæis & non etiam in nobis inueniretur, non haberet Paulus quod moneret Corinthios sic viuere, ne cum 2. Cor. 2
venerit aliquando tristitiam habeat super tristitiam. Et si-
ne causa moneret omnes eam vitæ rationem inire, quæ ver-
bi ministros recreare possit, vt sine mœrore & tristitia, sed
cum quadam etiam animi alacritatē præesse queant. At
concedamus de Iudæis dicta tantum, nemo tamen quin
nobis sint exemplum proposita negauerit. Vides ergo quid
dicat de vocatis Iudæis? Dico vobis quod nemo virorum il- Luc. 14
lorum qui vocati sunt, gustabunt carnem meam. Ne hic pe-
dem figas, & obstreperus Iudæis detrahas. Vide quid Pau-
lus scribat, & quidem huius facti respectu. Veritatem (in- Rom. 9
quit) dico, non mentior, testimonium mihi reddente con-
scientia mea in Spiritu Sancto, quoniam tristitia mihi est
magna, & continuus dolor. Optabam enim ego ipse anathe-
ma esse à Christo pro fratribus meis, &c. Optima professio,
& Apostolico viro digna confessio. Sed quid sequitur post?
Quod si aliqui rami fracti sunt, tu autem cum esses oleaster Rom. 12
insertus es in illis & socius radicis & pinguedinis oliuæ fa-
ctus es, noli gloriari aduersus ramos. Quod si gloriaris, non
tu radicem portas, sed radix te. Sed dicis: Fracti sunt rami
vt ego inserar. Bene: propter incredulitatem fracti sunt. Tu
autem fide stas. Noli altum sapere, sed time. Si enim Deus
naturalibus ramis non pepercit: ne forte nec tibi parcat. Hæc
ille. Quod si nostram fidem vitamq; examinauerimus: inue-
niemus affectus in nobis, qui non semper diuinæ vocationi,
sed qui sæpe Dominum alioqui mirentur & benignum ad iram
& indignationem iustam prouocent. Mira & deploranda cæ-
citas si non videmus quid exemplo Iudæorum nobis mali ob-
uenire possit. Quod si videmus & intelligimus, detestanda
professio iniuria est, nolle emendare quod exitiosum esse pos-
sumus intelligere. Christus Iudæis ait: Auferetur à vobis re-
gnum, & relinquitur vobis domus vestra deserta. Paulus no-
bis loquitur: Noli altum sapere, sed time. Si enim Deus natu-
ralibus ramis non pepercit, ne forte nec tibi parcat. Potens
est Deus religione à nobis sublata, vinum suum quod miscuit
nobis, alienis propinare. Et quia potest, faciet certè cum quod
ita meretur nostra incredulitas, tum quod non aliter vult di-
uina bonitas. Sæpe enim in ira sua misericordie suæ recorda-
tur. Homines ratione sumus præditi, & Dominus dum quod

suum est facit, nostro quod nostrum est adimplere relinquit
Psal. 76. arbitrio. Nunquid in aeternum proiciet Deus? Aut in finem
Psal. 88 misericordiam suam abscindet? Aut obliuiscetur misereri
 Deus? Dauid quondam admiratus dicebat. Et quid respondit
 vox diuina? Si filij eius dereliquerint legem meam, & in iu-
 dicijs meis non ambulauerint. Si iustitias meas prophanaue-
 rint &c. Visitatione in virga iniquitates eorum, & in verberibus
 peccata eorum. Misericordiam autem meam non dispergam
 ab eis, neque nocebo in veritate mea. Hæc dico: Vt si cogno-
 scimus ludæos pro incredulitate ab huius cœnæ, consortio
 reprobos, posse pro misericordia Dei reliquias domus Is-
 raël saluari. Pauperes, debiles, cæci & claudi ad diuinitatem Domi-
Apo. 3 ni mensam confedimus. Tam potest intromissus eiici, quam
 quondam vocatus reprobari. Studeamus ergo pietati, & ut de-
 cet sanctos in domo Dei conuersemur, ut quod habemus te-
 neamus, ne alius accipiat coronam nostram. Plenum enim
Luca 14. terroris est quod dicit. Dico vobis quod nemo virorum illo-
Psal. 16 rum qui vocati sunt gustabunt cœnam meam. Qui ergo gu-
 stum dedit illius cœnæ, det & satiari cum apparuerit gloria
 eius. Amen.

DOMINICA QVART-
 TA POST PENTECOSTEN.
 EVANGEL. LVCAE XV.

ERant autem appropinquantibus ei Publicani &
 peccatores, ut audirent illum. Et murmurabāt
 Pharisei & Scribæ, dicentes: Quia hic peccatores re-
 cipit, & manducat cum illis. Et ait ad illos parabola
 istam, dicens: Quis ex vobis homo qui habet
 centum oves, & si perdiderit vnam ex illis, nonne
 dimittit nonaginta nouem in deserto, & vadit ad
 illam quæ perierat, donec inueniat eam? Et cum in-
 uenerit eam, imponit in humeros suos gaudens, & ve-
 niens domum, conuocat amicos & vicinos, dicens
 illis: Congratulamini mihi, quia inueni ouem meam
 quæ perierat. Dico vobis, quod ita gaudium erit in
 celo

calo super vno peccatore pœnitentiam agente, quàm supra nonagita nouem iustis qui non indigēt pœnitentia. Aut quæ mulier habens drachmas decem, si perdidit drachmam vnā, nōne accendit lucernam & euertit domum, & quærīt diligenter donec inueniat eam? Et cum inuenerit, conuocat amicas, & vicinas, dicens: Cōgratulamini mihi, quia inueni drachmam quam perdideram. Itā dico vobis, gaudium erit coram angelis Dei super vno peccatore pœnitentiam agente.

EADEM DOMINICA EPISTOLA, I. PETRI V.

Humiliamini igitur sub potenti manu Dei, ut vos exaltet in tempore visitationis: omnem solitudinem vestram proicientes in eum, quoniam ipsi cura est de vobis. Sobrii estote & vigilate quia aduersarius vester diabolus tanquā leo virgines circuit, quærēs quem deuoret. Cui resistite sortes in fide: scientes eandem passionem ei qua in mūdo est, vestra fraternitati fieri. Deus autem omnis gratia qui vocauit nos in æternam suam gloriam in Christo Iesu modicum passos, & ipse perficiet: confirmabit solidabitq;. Ipsi gloria, & imperium, in secula seculorum, Amen.

S E R M O.

Quemadmodū superiore Dominica die, pauperes debiles, cæcos & claudos vndequē; collectos ad præparatā æternæ fœlicitatis cœnā intromissos audiuius, ita hodie eundē patrē familias peccatores & publicanos recipere atq; defendere cōtra inuidorū rablem, neminem à gratiæ thesauro propellere, intelligemus. Et hoc illis Euāgelicis lectionib. cōmune, q. clarē demonstrāt, apud Deū verē nō esse respectū personarū, nullam distinct

- Rom. 2* distinctionem Iudæi & Græci, sed hanc esse voluntatem Dei,
Rom. 10 vt omnes ad agnitionem Dei perueniamus & saluemur. Quod si huius lectionis summam vno aliquo Scripturæ dicto colligere vtile arbitramur, nullum equidem inuenio accommodatius illo sapientiæ suæ ille Philonis siue alterius cuiusque: Misereris, inquit, Domine, omnium quia potes omnia, dissimulas peccata hominum propter pœnitentiam. Diligis enim omnia quæ sunt, & nihil odisti eorum quæ fecisti. Primo enim ostendit nos misericordia & dilectione Dei suscipi, ne quis gloriatur, secundo quid sit in homine quasi subiectum misericordiæ, circa quod sese misericordia exerceat, nempe peccata hominum: Tertio quid respiciat Deus ex parte hominis in homine: scilicet pœnitentiam. Simile quid Ioannes in Canonica scribit: vbi etiam perappositè Christi personam, eiusque merita, vt quæ conueniunt inter Deum & nos, describit dicens: Si confiteamur peccata nostra, fidelis est & iustus, vt remittat peccata nostra & emundet nos ab omni iniquitate. Et hæc scribo vobis vt non peccetis. Sed & si quis peccauerit aduocatum habemus, apud patrem Iesum Christum iustū. Et ipse est propitiatio pro peccatis nostris, non pro nostris autem tantum, sed etiam pro totius mundi. Ecce fontem misericordiæ diuinæ merita Christi. Et magnum est quod addit, fidelem & iustum. Nempe fœdus quod pepigit cum patribus nostris certum & firmum voluit permanere. Hinc in Isaia loquitur: Ego sum: ego sum ipse, qui deleo iniquitates tuas propter me, & peccatorum tuorum non recordabor. Propter me, ait: vt quem se fore promissit, ipse sit & credatur esse. Eoque in Ezechiele dicit, non esse voluntatis suæ mortem peccatoris, sed vt reuertatur à via sua mala, & viuat: vias suas rectas, vias verò hominum esse prauas. Deinde quod in Sapientia scriptum est, propter pœnitentiam, Ioannes requirit confessionem, quæ pars est pœnitentiæ. Postremo sapientia dicit, Deum dissimulare peccata hominum, Ioannes apertius, ipsum dicit remittere peccata, & emundare ab omni iniquitate. Quæ tria in hoc Euangelio proposita agnoscimus, vt verè, licet iniquo animo Pharisei dixerint: Hic peccatores suscipit. Fidelis sermo, & omni acceptione dignus, quia Christus Iesus venit in hunc mundum peccatores saluos facere. Est ergo plenum consolationis omnibus hominibus. Si enim Christus peccatores

tores suscipit, eosque saluare in mundum venit, quid nobis erit gratus ipso Euangelio? Omnes peccatores sumus, & si dixerimus quia peccatum non habemus, nos ipsos seducimus, & veritas in nobis non est. Id ergo principio dicendum, quod omnes peccatores constituti sumus & egemus gratia Dei, tum quam paratus sit Deus remittere peccata, & denique quales nos esse oporteat, si peccatis exui delectat. Neesse est nolimus velimus nos peccatores esse palam confiteamur. Nam hoc detestare diabolicum est, nec solum ante nos sancti quique se tales professi sunt: Verumetiam euidenter nos tales esse Scripturæ conuincit autoritas. Diabolicum esse dixi, nolle peccatorem reputari, quia diuinæ illud est veritati repugnare, quæ omne sub peccato cõclust vt Deus omnium misereatur. Adam cum suadente Diabolo peccasset, eodem autore peccatum celauit quod perpetravit. Sic Cain peccator esse noluit, qui in fratrem homicidium commisit. Cui non assimiles Pharisei sunt, qui non solum sua peccata celantes, sese coram hominibus iustificabant, verumetiam alios condemnabant. Contrà autem pii semper se peccatores confessi sunt, idque cum magna diuinæ miserationis fide, & peccatorum obtestatione. Et meritò. Quid enim est homo vt immaculatus sit, & vt iustus appareat natus de muliere? Nam & inter sanctos eius nemo immutabilis, & cæli non sunt mundi in conspectu eius, quanto magis abominabilis & inutilis homo, qui bibit quasi aquam iniquitatem? Quin nec in seruis Dei est quisquam stabilis, & in angelis suis reperit prauitatem. Quanto magis ij qui habitant domus luteas qui terrenum habent fundamentum? Hoc agnouerunt Iob, cum ait: Peccaui: Quid faciam tibi o custos hominum? Et Dauid cum dixit: Sana animam meam quia peccaui tibi: Tibi, inquit, o Deus, soli peccaui & malum coram te feci vt iustificeris in sermonibus tuis & vincas cum iudicaris. Sed quid singulos enarrare conor per species? Non nos tantum, sed & patres nostri peccauerunt, & omnes necesse habemus dicere, peccasse nos cum patribus nostris, iniuste iniquitatem fecisse: Multiplicatas esse coram Deo iniquitates nostras, & peccata nostra respondisse nobis, scelera nostra nobiscum, & iniquitates nostras cognouisse nos, peccasse & meritos contrà Dominum, & auersos esse ne iremus post tergum Dei nostri, vt loqueremur calumniam

Iob 15

Iob 4

Iob 7

Psal. 40

Psal. 50

Psal. 105

Isa. 59

Psal. 13

lumniam & transgressionem : In peccatis conceptos : in peccatis natos, iniquè viuere & omnes iustitias nostras esse sicut pannus menstruatus est. Hæc omnium temporum piorum etiam vox est, & confessio tam necessaria quàm oratio. Qui enim orare iussit, idem etiam confiteri, & certa lege orationis & confessionis modum tradidit, vt nec orare liceat integrè, nisi & delictorum culpam deprecemur. Dimitte nobis debita nostra. Quod si quis sibi placens ab hac communi lege egregius esse voluerit, audiat Paulum, qui, cum ne vnus quidem est qui faciat bonum, omnes sub peccatum includit, *Matt. 6* Scripturæ ductus autoritate, & in se omnis carnis naturam exprimens, Scio, inquit, quod non habitat in me, hoc est, in carne mea bonum. Et mox : Infelix ego homo quis me liberabit de corpore mortis huius ? Propterea nec Ecclesia pro peccatis orare erubescit. Ne, inquit, Domine memineris iniquitatis nostræ, cito anticipent nos misericordiæ tuæ, quia pauperes facti sumus nimis. Adiua nos Deus salutaris noster, & propter gloriam nominis tui libera nos, & propitius esto peccatis nostris propter nomen tuum. Scit enim quia pro hoc orabit omnis sanctus. Neque verò possunt aliter, quibus peccati fœditas, & iræ diuinæ seueritas ante oculos est, *Hier. 5* qui verè & ex animo peccauisse se dolent. Diuidunt enim *Psal 118* peccata à Deo summè bono, eoque longè à peccatoribus salus. Hinc Paulus Ephesiis scribens, ait: Eratis aliquando longè à Deo, imò sine Deo, in hoc mundo alienati à conuersatione Israël. Idèoque odio habiti Deo, audiunt: *Ephes. 2* *Ite maledicti in ignem æternum à me operarij iniquitatis.* Non igitur quisquam sibi blandiatur, cum manifestum sit peccatores nos esse omnes. Sed nunquid ideo de salute desperandum est, quia omnis homo peccator est ? Minimè. Audi quid hoc Euangelium dicat : Hic peccatores recipit. Fidelis sermo & omni acceptione dignus. Quis ille sit queris ? Ecce agnus Dei, ecce qui tollit peccata mundi, clamat Ioannes. Et alius ille eiusdem nominis Apostolus : Ipse est propitiatio pro peccatis nostris, non pro nostris tantum, sed pro totius mundi etiam ne quisquam desperet vt Cain. In quo triplex nobis consolatio proponitur, primò quia peccatores vocat ad se : deinde quia eosdem recipit, tertio quia defendit. Et hæc tria ad plenam hominis iustificationem requiruntur. Venerunt *Joan 1* *1. Ioan. 2* *que appropinquauerunt peccatores & Publicani ad Iesum.*

Non

Non est arbitrandum quòd ex sese hoc habuerint quòd appropinquarent. Præstat gratia Dei vt hoc velimus, neque enim sufficientes sumus aliquid cogitare à nobis, quasi ex nobis, sed sufficientia nostra ex Deo est. Et nemo venit ad Christum, nisi is, cui fuerit datum à patre celesti, imò nisi & pater & filius traxerint, alioqui nemo veniet. Id quod Dauid intelligens, ait: Gratia eius præueniet me, & misericordia eius subsequetur me. Vocat autem Christus siue trahit duplici modo, quomodo cuique commodum, & suæ voluntati conueniens nouit: Alios interno & atcano quodam spiritus motu, quando dato spiritu mentes hominum commouet ad obedientiam Euangelij, vt hic publicani & peccatores prius commoti sunt, quam venerunt. Id quod aperte significatur per hoc quod dicitur, vt audirent eum. Israëlẽ Deus vocauit, sed in virga eos coercens: testante Psalmista, quòd cum castigaret eos diluculo venerint ad se. Et Saulum pro quo etiam Stephanus orabat, cum non audirent vocantem Deum exemplo Stephani, humiliauit prius, vt obediret maiestati, qui nolebat bonitati. Ecce ergo bonitatem Dei, qui neminem vult perire. Et quomodo non accendimur, vt ipsum sequamur? Iam verò quos vocat, recipit, inque sui familiaritatem suscipit: id verò quantum sit quis dignè eloqui potest? Quem Gigantes expauescentes gemunt sub aquis, quem columnæ cæli contremiscunt, & ad cuius nutum pauent, quem angeli timent & potestates, ecce à publicanis & peccatoribus conuenitur. Non hoc à Pharisei vicio ipsi vertere debuistis: summum illud ingentis charitatis indicium est. O plenum pietatis verbum! Hic peccatores recepit. Quis vos hoc dicere docuit? Quæ spes nobis, qui quotidie labimur, superest, si hic peccatores non suscipit? Non hæc prima Phariseorum vox est: Hic peccatores suscipit. Dixerunt eandem sententiam licet non eadem ipsa verba Prophetæ, confiteretur Ecclesia, testantur exempla. Moses hoc ipsi primùm tribuit canonicum: Dominator (inquit) Domine Deus, misericors & clemens, patiens & multæ miserationis & verax, Qui custodis misericordiam in milia. Qui aufers iniquitatem & scelera atque peccata. Et Ioël, repetitis his ex ordine verbis addit: & præstabilis super malitia. Et Ieremias: vulgo dicitur si dimiserit vir uxorem suam, & recedens ab eo, nupserit viro altero, nunquid reuerteretur ad eam vltra? Nunquid non

1. Cor. 3

Ioan. 6

Ioan. 12

Psal. 58

Luce 15

Psal. 77

Act. 9

Exod. 34

Ioel. 2

Hier. 3

2. Tim. 2

non polluta erit & contaminata mulier illa? Tu autem fornicata es cum multis amatoribus, tamen reuertere ad me dicit Dominus. Et mox: Reuertere auersatrix Israël, ait Dominus. & non auertam faciem meam à vobis, quia sanctus ego sum & non irascar vobis in perpetuum. Et sequenti capite, si reuerteris Israël, dicit Dominus, conuertere. Et alibi: *Hier. 4* Conuertimini ad me, & non computabuntur vobis peccata vestra ad perditionem. Et in Ezechiele: nunquid voluntatis meæ est mors impij, & non vt conuertatur à viis suis & viuat? *Ezech. 18* Quod si Deus peccatores non reciperet, quis hominum à facie iræ eius sustineret? Et, si iniquitates obseruauerit Dominus, *Psal. 129* quis (oro) sustinebit? Vt ergo certo vobis persuasum sit, esse apud Deum propitiationem & misericordiam, euidentissimis id Christus exemplis docuit, cum magnam clementiam his *Luc. 15* Publicanis, maiorem Magdalenæ, maximam latroni ostendit. Vnde cum hoc ministerium suis deinceps legatis demandaret, vt esset apud Apostolos absoluendi & ligandi potestas, *Luc. 7* meritò confiteri iussit in Ecclesia vniuersali remissionem esse peccatorum. Indignum enim ab Ecclesia reiici, quos recipit Christus. Denique si hoc etiam parum videtur quod recipit Christus peccatores, quantum illud erit, quòd etiam defendit? Vides id quòd ad se appropinquantibus tantum, non dum iustificatos publicanos, contra Phariseorum malevolentiam defendit, tribus admodum pijs & diuina pietate dignis parabolis propositis, & quid eum circa iustificatos facere arbitrandum est? Certè in prima parabola qua pastor, illam vnicam ouem, nonaginta in deserto dimissis, tam sollicitè, tanta cura, tantòque sudore requirit, Dei optimi Maximi nostræ salutis curâ proposita est: vt in Secunda Ecclesiæ sollicitudo. In tertia verò quomodo peccator reuertri, & pro commissis veniam precari necesse habet. Admiranda Dei in Christo sapientia. Sic moderatur defensionem, vt & inuidis Phariseis satisfaciat, & pro emendatione appropinquantibus addat fiduciam. Defendere ergo peccatores tertium & proprium diuinæ clementiæ argumentum est. Non autem vt coram mundo defendat, & ab eius iniuria suos vindicet solùm, sed etiam ac multo magis apud patrem id præstet. Hinc illa in Paulo confidentia: Si Deus (inquit) pro nobis, quis contra nos? Quis accusabit aduersus electos Dei? Deus qui iustificat. Quis est qui condemnet

demnet? Christus Iesus qui mortuus est, imò qui & resurrexit, qui est ad dexteram Dei, qui etiam interpellat pro nobis. Hinc & Ioannes: Ipse (inquit) est propitiatio pro totius etiam mundi peccatis. Advocatum habemus apud patrem iustum Iesum Christum. Sed ratio ait: Audio quia Christus peccatores suscipit, quia defendit. Quis verò scit num pater velit misereri, quibus misertus est Christus? His ergo & quod pater velit misereri, quibus misertus est filius. & quod Ecclesia & totus angelorum chorus exultet, si tales sint, quibus rectè Christi applicari possit misericordia, Pater in Ezechiele respondet, nolle se mortem peccatoris, nec velle perire animam, sed expectare cogitans ne penitus pereat, qui abiectus est. Et Sapiens testatur, quòd Deus mortem non fecerit, nec lateretur in perditione hominum. Et Paulus: Deus (inquit) vult omnes homines saluos fieri & ad agnitionem veritatis venire. Et hoc manifestè ostendit semper. Quoties enim Israël admonuit, priusquàm eos in manus inimicorum daret? Et cum mundum diluvio delere statuisset propter impietatem, centum & viginti annos poenitentiae dedit. Sic nec Sodomam incendio conflagrauit, nisi ubi prius descenderet & videret, si verum esset, cuius ad se fama peruenisset. Sic Christus in Matth. 20 de patre: Sic non est voluntas ante patrem vestrum qui in cælis est, ut pereat vnus de pusillis istis: Et ipse pater testatur sibi in filio complacuisse, Sed & Paulus Deum in Christo fuisse, qui sibi in ipso mundum reconciliauisset, testis est. Vna eadèque est patris & filij operatio, & quod filius facit, acceptum patri semper est, quem pro sua reuerentia exaudit. Et quomodo possent patri non esse grati, quos Christus suscipit & defendit quorū assumptione celum impletur, Diaboli potestas minuitur, terra admiratione repletur, & denique angeli gaudent? Sed non est necesse pluribus hic de hac re agamus. Vnde enim eiusmodi cogitationes in humana mente oriantur, nouimus. Non habet Ecclesia alium magis necessarium thesaurum hoc ipso, quod credimus & confitemur, peccatores per Christum recipi, inque gratiam restitutos patris, coheredes fieri filij Dei. Neque enim sine hac spei certitudine quicquam vel fides vel sacramenta valebunt. Aeterna inquit iecundo, pavor & cruciatus horrendus conscientiarum est, ubi remissio peccatorum verè non creditur. Hoc ergo bonum Diabolus eripere nobis

Ezech. 18

1. Reg. 14

1. Tim. 2.

Gene. 6

Gene. 19

Matth. 18

Matth. 3.

17

solicite laborans iam Phariseis Iudeorum persuadet, alienum esse à persona Dei filij cum Publicanis & peccatoribus commertia habere: non esse eum Christum: iam etiam Christianos adoritur, quos contrario ab illo, dementat toxico. Quid (inquit) tanta cura pietatem sectaris, cur tam sedulus in mandatis Dei teipsum enecas? Quin in quibuscumque obuium respice Christum. Delectatur ille plures habere, quibus suam in remittendis delictis facilitatem exhibeat. Quin liberè peccas, ut incrementum gratiæ addas? His ille totum ferè mundum adimpleuit. Nec hoc malum hoc tantum tempore plures necat, Paulus etiam suo tempore fuisse, clarè docet, qui hac persuasione Satanæ inebriati, dixerint: faciendæ esse mala, ut veniant bona. Et quidem quod ad Phariseos, suprà ostensum est, vocare, recipere, & defendere peccatores, non quoslibet, sed hoc beneficio dignos, esse opus Christi. Tria enim in peccatore considerata sunt: natura, peccatum, & pœnitentia. Naturæ debemus compati, peccatum odisse, pœnitentiam absentem desiderare & optare, præsentem exosculari & amplecti. Vera enim iustitia compassionem, falsa indignationem habet. Pharisei cæci ad trabem quem in oculis suis celare nitebantur, oculatissimi ad festucas proximorum, nec naturæ compatiiebantur nec pœnitentiam amplectebantur, sed solum in peccatum respiciebant. At Christus naturæ compassionem habuit, pœnitentiam quam inspirauit, respexit: idèoque peccatum deleuit, resipiscentes defendit, non hic solum, sed & alibi. Hinc etiam cum Matthæum vocasset, rogantibus Phariseis cur magister discipulorum manducaret cum Publicanis & peccatoribus, respondit: Non valentes, sed male habentes opus habere medico. Et alibi ait: Misericordiam volo, non sacrificium. Et cum peccatricem illam absolueret, quanta pietate defendit? Tum etiam cum deprehensam in adulterio mulierculam adduxissent, & quam ferret sententiam, opèterent, licet adulteram non excusaret, pœnitentem, tamen qua clementia defendit? Sic pastor bonus quem quærere debuit perditam. Sic sapientia Dei accenso lumine, drachmam voluit inuenire amissam. Sic paterna pietas perditæ obuiam potuit ire filio. Quiescat ergo Phariseus inuidus, & salutem quam ipse contemnit, ne aliis inuideat. Cum malè Christianis, reliquum huius sermonis consummare, visum est

operæ

*Roman. 9**Gregor.**Matt. 9**Osee 5**Luca 7**Ioan. 8*

operæpretium. Hic peccatores recipit, quia ideo in mundum *Lucæ 15*
venit, vt peccatores saluos faceret. Nobis ille natus est, vixit, *1. Timot. 1*
& passus est. Neque enim alia sunt ones, quàm quas ille qua-
siuit, & inuentas positas cum omnibus infirmitatibus & do-
loribus suis in humeros, ad gregem reportauit. Nos oues *Isaia 53*
eius pascuæ, & populus eius. Nos drachma perdita, in qua *Psal. 94*
per peccati vetustatem Dei regis exesa imago fuerat. Sed *Ioan. 10*
nunquid ita requisiti & inuenti, vt nihil referat quam vitam
viuamus? An desidiis & odio torpentibus, hæc filiorum
bona conueniunt? Nolo enim iam de malè agentibus dicere.
Vide ergo ne tibi sit ad mortem, quod aliis prodest ad vitam:
hic peccatores recipit. Non idem est peccator peccans, &
peccator poenitens. Nam ne longius abducam vos, quos re-
cepit hic Christus. peccatores fuerunt, & qui hoc inuidebant,
tales, aut certè non multum absimiles fuerunt, sed quia illi
poenitentes, hi peccantes & inuidentes erant: ideo his dere-
lictis, illos recepit. Poenitentia ergo facit vt recipiatis, in *Isa 59. 55*
uidencia vero, vt relinquiatis, & quemadmodum sup: à di- *Psal. 128*
ctum est, peccata diuidunt à Deo, & longè à salute sepo- *Matth. 9*
nunt, poenitentia appropinquat ad Deum. Hinc vt horum
intelligeres poenitentiam, dictum est appropinquauisse. Sic
Matthæus peccator fuit poenitens, & qui longè à Deo pec-
catis recesserat, appropinquant poenitètia. Talis erat & Za-
chæus, qui reddendis fraude partis, obstacula inter salutem
& se, amouit, ad Christum appropinquauit, salutem quam
quæsiuit, inuenit. Hinc nos quoque Scriptura alloquitur,
cùm longè positos per poenitentiam appropinquare horta-
tur. Clamat Christus: Venite ad me omnes qui laboratis &
onerati estis: ego reficiam vos. Tollite iugum meum super *Matth. 11*
vos, & inuenietis requiem animabus vestris. Sed & Iacob
Christum sequutus, clamat. Appropinquate Deo, & appro- *Iacob. 4*
pinquabit vobis. Sed quid addit? Emundate manus & pecca-
tores. & purificate corda vestra duplices animo: Et vt vetè-
ris eum noui Testamenti coniungas voces, Isaïas clamat:
Querite Dominum dum inueniri potest, inuocate eum dum *Isaia 55*
propè est. Et quid addit? Derelinquat impius viam suam, &
vir iniquus cogitationes suas, & reuertatur ad Dominum, &
miserebitur eius, & ad Deum nostrum, quoniam multus est
ad ignoscendum. Videte ordinem rei, Christus vocat omnes
ad se, Apostolus & Propheta iubent vt accedamus ad eum, sed

tamen Christus vult vt iugum suum in nos tollamus : Apostolus , vt emundemus manus , & corda purificemus : Prophetæ , vt relinquamus viam & cogitationes nostras prauas hortantur . Et hæc certè opera sunt pœnitentiæ . Hoc ergo modo accedere nos oportet , si gratiam inuenire delectat . Et cum aliud inueniendæ gratiæ medium non est , præter pœnitentiam , ideo Ecclesia quotidie salutem suorum exoptans hortatur dicens : Accedamus igitur cum fiducia ad thronum gratiæ , vt consequamur misericordiam , & gratiam inueniamus ad auxilium opportunum . Neque enim mulier illa accenso triplici , admonitionis , orationis , & exempli , lumine : alia via nos ad Christum potuit ducere , quæ nunquam habuit animum seducere . Nouit illa misericordiam & gratiam Christi annunciare , prædicare nouit & pœnitentiam , sciens voluntatem sponsi , & quod non possit remissio peccatorum intelligi , sine præcedente pœnitentia . Sic præcipit Christus , vt in nomine suo prædicaretur pœnitentia & remissio peccatorum in omnes Gentes . Item Petrus non alia causa eum dicit promissiones suas suspendere , quàm quod patiens erga nos , dum non vult aliquem perire , omnes ad pœnitentiam velit recipere . Et Paulus , Ignoras inquit , ô homo , quod bonitas & benignitas Dei ad pœnitentiam te inuitat ? Et alibi : Obsecramus ergo vos tanquam legatione Dei fungentes , reconciliamini Deo . Idem etiam Ephesiis testatur , Iudæis & Gentibus pœnitentiam se prædicasse . Tum etiam Ioannes in Apocalypsi sua hoc vocabulo pœnitentiæ sæpe utitur : Pœnitentiam age , & vnde excideris cogita . His ergo apertum fieri arbitror , quod Christus in peccatoribus pœnitentiam respiciat , at cum omnibus commisceatur , solos tamen pœnitentes recipiat , atque defendat , Cum igitur Dei in hoc misericordia , qui Christi merita manifestata sint , quod misereri velit , ac dilectorum pœnitentiæ ductos in gratiam recipere , quemadmodum hoc Euangelium exemplo simul & parabolis docuit , quid restat , nisi vt eadem via incedamus , qua Christus verè inueniri vult , & se querentibus peccata dimittere ? Fecit ille quod suum est , faciamus nos quod nos decet . Nihil enim proderit , hæc audire , nisi mens est , velle imitari . Accedere oportet ad eum qui habet , quod nos desideramus . Non desideribus hæc dona conueniunt , Sed adhuc qua via incedendum sit , quæris ? En tibi Petrum in hodierna Epistola viam

mon

monstrantem : Humiliamini (inquit) sub potenti manu Dei , *1. Pet. 5*
 ut vos exaltet in tempore visitationis. Omnem curam ve-
 stram proiicientes in eum , quoniam ipsi cura est de vobis.
 In eandem sententiam Christus in Euangelio loquitur : *Marc. 1*
 Pœnitentiam agite , & credite Euangelio. Duo sunt pœnitentia
 & fides. Qui ergo sese pœnitentia humiliat , & credens
 omnem in Christum curam proiicit , hic verè ad Deum ap-
 propinquat. Nam & Deus prope est iis qui sunt contrito cor- *Psal. 35*
 de , & humiles spiritu saluabit. Et in Isaia loquens : Super *Isaia 66*
 quem (inquit) requiescet spiritus meus , nisi super humilem *1. Petri 5*
 corde , & tremementem sermones meos ? Et rursus Petrus : Deus *Psal. 144*
 (inquit) superbis resistit , humilibus autem dat gratiam. Sic
 & prope est omnibus inuocantibus eum in veritate. Sine enim
 fide placere Deo impossibile est. Proinde accedentem ad
 Deum , oportet credere : Sed nunquid ad Deum appropinqua-
 re satis est ? Initium hoc salutis , non consummatio est. Ut gra-
 tiam remissionis peccatorum consequare apud Deum , duo
 necessaria sunt : Fides & pœnitentia. Ut hanc conserues , duo
 item requiruntur , quæ Petrus indicat : Sobrius , inquit estote , *1. Petri 5*
 & vigilate , quoniam aduersarius noster diabolus . ut lco ru-
 giens circuit , quærens quem deuoret. Addit secundum : Deus
 autem omnis gratiæ , qui vocauit nos ad æternam suam glo-
 riam in Christo Iesu modicum passos , ipse perficiet , confir-
 mabit , solidabitque. Vtrunque necessarium. Hostem habemus
 nostræ salutis inuidum : contra , Deum & patrem om-
 nis gratiæ diuitem fontem : Hosti resistendum , Deo adhaeren-
 dum est. Et hic verus gratiæ vsus , per pœnitentiam quæsitam
 gratiam , pia & cōstanti vita seruare. Non enim ideo Christo
 appropinquauimus , nō ideo Christi humeris ad gregē reposi-
 ti , perditūq; fidei & orationis lumine requisiti , ut quasi de no-
 bis securi nihil timeamus , torpentes nihil agamus , sed magis
 ut per bona opera vocationem nostram certam facere studea-
 mus. Sic ergo ante oculos Dei pictas , quam ad ignoscendum *2. Petri 1*
 multus est , cogitemus peccati , quod nos Deo inuisos red-
 dit , fœditatem , & si necdum appropinquauimus , Publica-
 norum exemplo muniti accedamus , si iam prope sumus , per-
 stantes perseueremus in Christo Iesu domino nostro. Nihil
 enim proderit hæc audire , q̃ Publicani appropinquauerint ,
 q̃ Christus contra inuidorum rabie defendere , nisi talem
 nobis etiam Christum fore , firmiter crediderimus , & ea pro-

pter est ad eum relicta vana conuersatione accelerauerimus.
Id quod facere nos præstet gratia Christi, qui viuus regnat
& permanet in æuum.

DOMINICA QVIN- TA POST PENTECO- STEN EVANGELIUM.

L V C A E V I.

EStote ergo misericordes, sicut & pater vester mi-
sericors est. Nolite iudicare, & non iudicabimini.
Nolite condemnare, & non condemnabimini. Di-
mittite, & dimittimini: Date & dabitur vobis. Mēsu-
ram bonā & cōfertā, & coagitatā, & super effluētē da-
bunt in sinū veltrū. Eadem vero mensura qua mensi
fueritis, remetietur vobis. Dicebat autem illis per si-
militudinē: Nunquid potest cæcus cecū ducere. Nōn
ne ambo in foueā cadunt? Non est discipulus super
magistrum: perfectus autē omnis erit, si sit sicut ma-
gister eius. Quid autem vides festucam in oculo fra-
tris tui, trabem autē quæ in oculo tuo est, non consi-
deras? Aut quomodo potes dicere fratri tuo, Frater,
sine eiiciam festucam de oculo tuo, ipse in oculo tuo
trabem non vides? Hipocrita, eiice primū trabem
de oculo tuo, & tunc perspicies, vt educaas festucam
de oculo fratris tui.

EADEM DOMINICA EPI- STOLA ROMAN.

V I I I.

EXistimo enim, quod nō sunt cōdigna passionēs huius
temporis ad futurā gloriā qua reuelabitur in nobis.
Nam expectatio creatura reuelationē filiorū Dei ex-
pectat. Vanitati enim creatura subiecta est, non volens;
sed propter eū qui subiecit eam in spe, quia et ipsa crea-

tura

tura liberabuntur à seruitute corruptionis in libertatem gloria filiorum Dei. Scimus enim quòd omnis creatura ingemiscit & paturit vsque adhuc. Non solum autem illa: sed & nos ipsi primitias spiritus habentes, & ipsi intra nos gemimus adoptionem filiorum Dei expectantes redemptionem corporis nostri.

S E R M O.



Quòd misericordem in remittendis peccatorum debitis Deum habeamus, proxima Dominica Evangelij testante historia, audiuius. Planè enim Christus, cum vera patris imago est, quæ patris natura sit, indicat, cum peccata res publica infamia notos ad se vocat, venientes in gratiâ suscipit, susceptos hinc, contra inuidorum rabiè defendit, & patri Deo Deus assistens Pontifex pro sua reuerentia excusat. Cum igitur eiuscemodi naturam in Deo patre amamus filij, ac vehementer illa reficimur, cõuenienti modo ad quid valeat credere quòd misericors sit Deus, hinc docemur. Neque enim arbitrandum est, quòd ideo Deus prædicetur misericors, vt nos ad ipsum misericordiam petitiui eamus tantum (imperfectus enim ille misericordiarum vsus est) verum etiam ac multò magis, vt paterno ipsius exemplo admoniti filij, misericordiam porro fratribus præstemus. Qui misericors est, pater noster est, qui misericordiam præcipit & facit, magister & frater est. Quid decentius, quàm filios naturam imitari patris? quid honestius quàm vt fratres & discipuli obediamus monitis? Fide misericordiam Dei credimus, experiètia fratres misericordia egere videmus mandato misericordiã præstare monemur. Eiusdem Dei præcepta sunt & credere & misericordiã præstare. Cur ergo misericordiam præstare tardamur? Vt fides promissionem habet & meritum, ita etiã misericordia. Sed & ingens hæc Dei misericordia est, quæ cum præcipit, mercedis promissione allicit: Nempe quæ & ipsi misericordiam sint cõsequuturi. Ne scilicet quod præcipitur, graue esse videatur maxime cum misericordiarum præceptum, promissionis abundantia superatur. Lucris spes hominibus laboris quãtumlibet ardui mitigatio est. Vt enim lucrentur, terram colit rusticus, miles castra sequitur, negotiator maris, terrarumque pericula subit intrepidus. Nec tamen

- vel de frugibus agricola, vel de victoria miles, vel de lucro
2 Timo. 2 negotiator certus est. Casus & fortuna reb⁹ in humanis sunt:
 veritas in Dei promissione est, & omnis homo mendax est.
 Deus vt nullum fallit, sic fallitur à nemine. Non ergo solam
 fidem sceleritate remunerat: qui misericordes esse nos vult &
 edocet, nec cōcedit quisq; sibi pro suo arbitratu virtutis exer-
 citamenta seligat, qui modum formamq; virtutis præscribit
 & mādāt. Estote, inquit misericordes, sicut & pater vester mi-
Aug. 9 de sericors est. Misericordiam Augustinus alienæ miserix in cor
ciui. c. 14 de nostro, cōpassionem dixit, qua vtique si possumus subueni-
 re impellimur. Fertur enim in alium, non autē seipsum tan-
 tū respicit. Vnde pater cū nullius indiget, sua misericor-
 dia, qua aliis gratuito benefacit, suū gradū obtinet, & nos ad
 suæ misericordiæ fastigiū vocat. Vbiq; autē ferē duo coniūgit,
 affectū & manum. Affectum, quo compatimur: manum, qua
Matt. 9 subleuamus, hoc modo intelligendi sunt scripturæ loci. Di-
 scite quid sit, misericordiā volo & non sacrificiū, & scientiam
Ose 6 Dei plus quā holocausta. Sic Michæas: Indicabo tibi, o homo,
Mich. 6 quid sit bonū, & quid Dominus requirat à te: vtq; facere iudi-
 cium, & diligere misericordiam, & sollicitum ambulare cū
Isaia 58 Deo tuo. Et Isaia: Dissolue colligationes impietatis, solue fa-
 sciculos deprimentes. Dimitte eos qui contracti sunt libros, &
 omne onus dirumpe. Frange esurienti panem tuum, & ege-
 nos vagosq; induc in domū tuā. Cū videris nudū, operi eum,
 & carnē tuā ne despexeris. Tunc erumpet quasi mane lumen
 tuum: inuocabis, & Dominus exaudiet te: clamabis, & dicet:
 Ecce assūm. Ecce vt Propheta consentiat Euangelio: Auctori-
 tate Prophetica ex Dei mandato misericordiæ opera pręcipit,
 & eodē Spiritu misericordiæ pręmium promittit. Qua in re
 Dauid Propheta regius, cū multa sollicitudine misericordiæ
 remunerationes enumerat, beatū planē hominem in quo illa
Psal. 40 est, pronunciat: Beatus inquit, qui intelligit super egenum &
 pauperē, siue (vt Hebræus habet) beatus qui prospicit oppres-
 so in infirmitate, in die mala liberabit eum Dominus. Domi-
 nus opem ferat illi super lectum doloris eius vniuersum strā-
 tum versasti in infirmitate eius, imō Dominus cōseruet eum,
 & viuificet eum, & beatum faciat in terra, & non tradat in
 manus inimicorum animam eius. Et alibi: Iocundus homo
 qui miseretur & commodat, disponit sermones suos in iudi-
 cio, quia in æternū non commouebitur, in memoria æter-

na erit iustus, ab auditione mala non timebit, paratum cor
 eius sperare in Domino, confirmatum est cor eius, & non com-
 mouebitur, donec despiciat inimicos suos. Habet ergo miseri-
 cordia promissiones & huius & futuræ vitæ. Id quod senior
 Tobias animaduertens, filium ad misericordiæ opera cohor- *Tobia 4*
 tans, ait: Ex substantia tua fac eleemosynam, & noli auertere
 faciem tuam ab ullo paupere. Ita enim fiet, ut nec à te auer-
 tatur facies Domini. Quomodo potueris, ita esto misericors.
 Si multum fuerit tibi, abundanter tribue: si exiguum tibi,
 etiam exiguum libenter impertiri stude. Præmium enim bo-
 num thesaurizas tibi in die necessitatis, quoniam eleemo-
 sy-na ab omni peccato liberat, & morte, & non patietur ire ani-
 mam in tenebras. Fiducia magna est coram summo Deo elee-
 mosyna omnibus facientibus eam. Propterea panem tuum
 cum esuriētibus & egentibus comede, & de vestimentis tuis
 nudos operi. Hinc etiam Daniel regem ut peccata sua eleemo- *Dani. 4*
 synis redimeret, hortatus est. Iam verò non solum veteris in-
 strumentum patribus de misericordia præstada, lex data est, nos
 etiam idē mandatum includit, qui iisdem præmiis gaudere,
 & eiusdem patris filij esse volumus. Nullus nobis excusatio-
 nis locus relictus est. Si tibi ipsi propria in domo curta supel-
 lex est, nec quod des, habes ipse, benevolentix hætenus suffi-
 cit affectus. Si quidem, teste Salomone, is etiam à Domino be- *Prov. 12*
 nedicitur, qui propenso animo est ad misericordiam, siue qui
 (ut in Hebræo legimus) bono est oculo ad pauperes. Neque
 vel benevolentix vel beneficentix terminis misericordiæ
 concluditur significatio. Latius hoc vocabulum diffunditur,
 cum in omnibus iis rebus erga proximum misericordiam
 præstare iubemur, in quibus erga nos patris manifestatur
 beneficentia. Si enim aliquid horum deest, perfecta & ad pa-
 ternæ misericordiæ mensuram plena non est, nec eò Deo
 grata, nobisve digna est. Perfecta patris misericordia est,
 qua & pauperibus nobis necessaria abundè subministrat, &
 delinquentibus ignoscit, & malis benefacit, odientes se deni-
 que amat. Quodd autem pauperibus nobis necessaria largi-
 tur, Dauldis testimonio comprobatur, qui hie eum verbis *Psal. 144*
 alloquitur: Tu Domine aperis manum tuam, & imple *Psal. 103*
 omne animal benedictione. Et: Omnia à te expectant, ut
 des illis escam in tempore. Dante te illis colligent, ape-
 riente te manum tuam, omnia adimplebuntur vbertate. Non

- autem : huius solum vitæ necessaria largitur , sed etiam quæ
Roma. 12 futurae sunt, imò ipsam salutem : cum diues in misericordia,
Tit. 3 regeneratos nos in spem viuam saluos facit , & de filiis iræ,
Eph. 4 filios efficit gratiæ , eripiens de potestate tenebrarum , tran-
Colos. 2 stulit in admirabile lumen, & in regnum filij dilectionis suæ.
 Vnde Christus ipse. Nolite, inquit, timere pusillus grex com-
Luce 12 placuit enim patri, dare vobis regnum. Sic delinquentibus
 nobis ignoscit, cum licet vt filios virga corrigit, vt pater
 tamen miseretur nostri, propter penitentiam dissimulans
Psal. 102 peccata hominum. De quo superiore Dominica dictum
Sapient. 11 est. Denique malis nobis & inimicis suis benefaciat,
Roman. 5 quia & cum essemus inimici, reconciliauit nos patri, prior
Apoc. 2 diligens nos, & lauans nos à peccatis nostris in sanguine
 suo. Hæc igitur plena & perfecta paternæ dignationis mi-
 sericordia est. Cum ergo ita nos Christus misericordes
 esse vult, vt est pater : vbi quæso eorum excusatio, qui
 se paratos quidem misericordiæ opera præstare afferunt,
 eos tamen qui ea fortè egent dignos non esse, quòd vel in
 se vel in alios sibi coniunctos, nescio quid indignius aut
 dixerint aut fecerint ? Deus non respicit quòd inimicis be-
Matt. 5 neficia præster, tantum suæ naturæ (quæ est bonitas & mi-
Luce 6 sereri) recordatur. Quæris vnde hoc sciam ? Audi Chri-
 stum : Audistis (inquit) quia dictum est : Diliges proximum
 tuum, & odio habebis inimicum tuum : Ego autem dico vo-
 bis : Diligite inimicos vestros, benefacite iis, qui oderunt
 vos, & orate pro persequentibus vos & calumniantibus, vt
 sitis filij patris vestri, qui solem suum oriri facit super bo-
 nos & malos, & pluit super iustos & iniustos. Si enim di-
 ligitis eos qui vos diligunt, quam mercedem habetis ? Non-
 ne & publicani hoc faciunt. Et si salutaueritis fratres vestros
 tantum, quid amplius faciatis, nonne & Ethnici hoc fa-
 ciunt ? Estote ergo perfecti, sicut & pater vester celestis
Exod. 23 perfectus est. Adde his quæ Moses summi Dei legislator di-
 ctauit : Si occurreris boui inimici tui, aut asino errati, re-
Rom. 12 duc ad eum. Si videris asinum odientis te, iacere sub onere,
 non pertransibis, sed subleuabis eum. Quin & Pauli mo-
 nitio h'c locum habet : Si, inquit ille, esurierit inimicus tuus,
 eum illum : si sitit, da potum illi : hoc enim faciens carbo-
 nes ignis congreges super caput eius. Si ergo indignus tua
 misericordia inimicus est, cui id præstas beneficij, dignus
 tamen

tamen Deus est propter quem præstas, quique ut facias, iubet. Quod si indignitatem proximi nimirum cogitas, ita ut ei quod potes detrahas. Time ne & Deus tuam indignationem cognoscat, & cum eges, & peris, faciem à te suam auertat. Sed ais, Cur ego inuenio viros sanctitate celebres inimicis suis male præcatos, quum potuerunt bene facere, si mihi non licet non benefacere? Inuenio enim quod & Noë filio suo Cham male dixerit, & David Ioab mala multa imprecatus sit. Similiter & Helizæum pueris se illudentibus, & Petrum Simonem Magum diris deuouisse legimus. Sed & Paulus excidi optat eos qui conturbabant Galatas. Verum breuis responsio. Neque enim sua causa impiis mala imprecati sunt, sed propter Dei zelum. Videbant enim Dei nomen per hos blasphemari, ideo sublatos volebant e medio. Quod si arduum nimis inimicis benefacere, & orare pro persecutibus arbitraris (qui duo supremi Christianæ perfectionis gradus sunt) vide quàm tuæ infirmitati Deus consultum expetat. Gradus tibi dilectionis proposuit, ut si summa (carne pressus) attingere statim non potes, ab imis ad summa discas ascendere, Noli irasci, neminem nisi lacessitus lædas, non ultra iustam talionem reddas, nullam vindictam cupias, esto paratus grauiora perpeti ne tibi inimicorum damno afficias, quin ipsum diligere, ipsi benefacere, pro ipso denique orare studeas. Hæc ergo huius Evangelij summa est ut paternæ te perfectioni studeas quàm simillimum facere, & ut id possis, inferiores aspice gradus, per quos necesse est assurgere. Ideo enim qui mandauit misericordiam, prohibuit iudicium, ut prius discas à malefactoribus desistere, quàm incipias summa virtutis petere. Dicit enim, Nolite iudicare & non iudicabimini. Non vult (ut quidam male interpretati sunt) ut omne iudiciorum genus auferatur. Est enim iudiciū conscientie, quo Spiritus in nobis inhabitans inferiores rationis affectus diiudicat ac discernit, quod si tollatur, humanarum Respublica mentium ab internæ pacis quiete turbabitur, dissensio orietur, fietque ut qui præesse debuit suppressatur Spiritus, in vincula denique coniiciatur, & vulgus cupiditatum, sine respectu, præsidis locum obtinebit, quousque tandem aliquando gemitu captiui Dominus vniuersitatis motus inter vtrumque iudicet & vindicet. De quo quidem iudicio Paulus ad eos, qui suppresso Spiritu seditio se secum habi-

Gen. 9

1. Reg. 3

4. Reg. 1

Act. 8

Gal. 5

1. Cor. 11

1. Cor. 2

non

non utique diiudicemur. Dum iudicamur autem, à Domino corripimur. Et, Spiritalis omnia diiudicat, & ipse iudicatur à nemine. Hoc iudicium sequitur condemnatio, cum Spiritus recuperatis viribus per gratiam Dei, seditiosos affectus in manu carnisficum, hoc est, perpetrati mali conscientia, & futuri iudicii horrore, comprimit, quousque facinoris indignitatem agnoscant, & se in iusto officio detineri fateantur.

Rom. 12
Or 13 Est præterea iudicium Magistratus, siue superioris potestatis, qui (teste Paulo) Dei ordinatio est. Hic acceprum diuinitus gladium frustra non portat, sed ad vindictam malorum, & ad pacem bonorum stringit. Et verè iudicium habet, quia gladium incognita causa non stringit. Hoc porro iudicium horum verborum autoritate abolere, quàm sit indignum, ex eo facile licebit colligere, quod Paulus dicit, quia qui magistratui resistit (ne dicat, planè abolet) Dei ordinationi resistit. Adhuc est iudiciū fraternę correptionis in quo, qui Spirituales sunt, de carnaliter viventibus iudicāt ac secernūt. Cuius ipse Christus in Matthæo meminit Si (inquit) peccauerit in te frater tuus, vade & corripe eum inter te ipsum solum. Si te audierit, lucratus eris fratrem tuum. Si te non audierit, adhibe tecum adhuc unum vel duo, ut in ore duorum vel trium stet omne verbū. Quod si non audierit eos, dic Ecclesiæ, hoc est (ut Christostomus exponit) præsulibus & præsidentibus. Si autem Ecclesiam non audierit, sit tibi sicut Ethnicus & Publicanus. Postremò est & iudiciū rectę rationis, quo mala, mala esse, bonāq; bona diiudicamus & dicimus. Quod qui peruertit, grauius delinquit. Isaias enim graphicè, illud Væ omnibus peruersi iudicii hominibus minatur, Væ, inquit, qui dicitis malum bonum, & bonum malum, ponentes tenebras lucem, & lucem tenebras, ponentes amarū in dulce, & dulce in amarū. Et exponens quod ait, porro addit, Qui iustificatis impium pro muneribus & iustitiam iusti aufertis ab eo. Cui Salomon consentiens rectè subdit, Et qui iustificat impium, & qui condemnat iustum abominabilis est uterque apud Deum. Quæ iudiciorum genera necessariò in Republica conseruantur, quibus sublatis horribilis sequeretur omnium ordinum confusio. Loquitur ergo de alio quodam iudicio, deque alia quadam damnandi libidine. Fit autem ut in foro, ita in hoc etiam peruerso iudicio. Magistratus singulorum vitas scrutatur, cognito malorum facinore, obiciunt commissā, post palam faciunt,

faciunt, demum lata sententia in fontes seuerius animaduertunt. Hunc modum quidem obrectatores, non autem veritatem sequuntur. Sollicitè vitas rimantur singulorum, & trabis suæ quam cæcipientibus oculis circumferunt obliti, fraternæ imperfectiōis deprehensa festuca, obiciunt crimen, deinde palam enunciant, vt audita vulgi sententia, grauiorem crimine poenam ipsi excoģitent. Sæque interea bellè & splendide prædicant. His ergo dicitur, Nolite iudicare & non iudicabimini. Nolite condemnare & non condemnabimini. Non aliis faciant, quod ipsi sibi fieri nollent, non esse huius viæ iudicare. Posse enim qui iustus modò est iniustum fieri, & contra eum, qui iniustus est, iustum effici. Saulus prius Ecclesiæ persecutor, post factus est vas electum Domino. Latro in cruce in ipso mortis articulo ex filio diaboli, hæres pronunciatur paradisi. Contra Saul & Iudas ad tempus boni, postea facti sunt omnium pessimi. Propterea Paulus monet, Nolite ante tempus iudicare. Neque enim nostrum est de alieno seruo iudicare, qui suo Domino stat & cadit. Sed & falsum est nostrum iudicium omne, qui vix ea, quæ intra nos ipsos sunt nouimus. Deus scrutator est cordium qui & nouit intimentium. Quod si sinistrè iudicandi libido sollicitat, magni illius iudicij horror affectum frangat. Nemo enim si forte humanum euitauerit iudicium (quod rarissimè fit) supremi iudicis sententiam effugiet. Hoc si timetur, facile iudicandi alienum seruum peribit affectus. Clamat David, Ne intres Domine in iudicium cum seruo tuo, quia non iustificabitur in conspectu tuo omnis viuens. Si iniquitates obseruaueris Domine, Domine quis sustinebit? Hic ergo sit tibi primus gradus, qui ad magis ardua conaris pergere. Quisquis enim iustia Dei vult implere, à prohibitis primum debet abstinere. Sequitur enim, Dimittite & dimittimini. Hoc grauius præcedente est. Citius enim non iudicabis aut condemnabis, quàm peccanti in te remittas. Vndicta enim cupidus omnis homo est, & laceratus omnis acceptam propellere conatur iniuriam. Id quod clarè in Petro, qui tum adhuc carnem sapiebat, videre est, Domine, inquit quoties peccabit in me frater, & dimittam ei? At si verè Christiani esse, si alta virtutum sectari, si paternæ perfectioni confirmari iuuat, remittendum omnino est, Non quòd ita sit meritis qui fecit iniuriam, sed quia is mandauit, qui vt aliis remittamus, peccatorum nostrorum

Act. 9

Mat. 27

Luc. 23

1. Cor. 4

Rom. 14

Act. 1

Psalm. 7

Ier. 17

Psalm. 142

Psalm. 129

Mat. 18

strorum ipse præstat veniam. Propterea enim dicit, Dimittite & dimittimini quasi dicat, peccata si non dimiseritis peccantibus in vos, vestra etiam ipsorum manebunt super vos.

Mat. 6 Id quod alibi dicit clarius, Si dimiseritis hominibus peccata eorū, dimittet & vobis peccata vestra pater vester cælestis. Si autem nō dimiseritis, nec pater vester dimittet vobis peccata vestra, & hac lege oramus, ita nobis nostra delicta dimittat, sicut nos dimittimus nostris debitoribus. Et quia impossibile est iram Dei deprecari si ipsi iram in proximum seruamus,

Marc. 11 commodè Christus monet. dicens, Cum stabitis ad orandum, dimittite si quid habebitis aduersus aliquem, vt & pater vester dimittat nobis peccata nostra. Habemus & nos, & illud

Deu. 17 quidem ingens, quo Deo Patri obæratī sumus, debitum qui

Rom. 6 pro transgressione mandatorum eius maledictioni obnoxij,

peccati meremur stipendium, mortem. Et quæ (malum) nos

cœpit iniquitas, vt negemus aliis, quod nobis præstari peti-

mus? Maius est quod nos in Deum facimus illo, quod in nos

Eccle. 28 frater. Qui ergo iudicari vult, teste Salomone, à Domino

inueniet. Et peccata illius seruans seruabit. Relinque (inquit)

proximo tuo nocenti te, & tuo vocanti te. & tunc deprecanti

tibi peccata soluentur. Homo homini reseruat iram, & à Deo

quærit medelam. In hominem similem sibi non habet mise-

ricordiam & de peccatis suis deprecatur? Ipse dum caro est

reseruat iram & propitiationem petit à Deo. Quis exorabit

Mat. 18 pro peccatis illius? Huic dicet aliquando Deus, Serue ne-

Luc. 21 quam, omne debitum tuum dimisi tibi quoniam rogasti me.

Nonne ergo oportuit & te misereri conserui tui sicut & ego

miserus sum tui? Hic missus in carcerem non exibat donec

nonissimum reddat quadrantem, Neque tamen in hoc quie-

Luc. 6 scendum. Vt dimittas proximo, pergendum est, dandum etiā,

Luc. 11 vt detur nobis. Non vno id modo fit. Alibi dicit, Mutuum da-

Luc. 16 re, nihil inde sperâtes. Et. Quod superest, date eleemosynam,

& ecce omnia munda sunt vobis. Et iterum; Facite vobis a-

micos, de mammona iniquitatis, vt cum defeceritis, reci-

Eccle. 9 piant vos in æterna tabernacula. Et Salomon, Absconde, in-

Pron. 19 quit, eleemosynam in sinu pauperis, & hoc exorabit pro te ab

2. Cor. 8 omni malo. Qui enim miseretur pauperis, sceneratur Do-

mino. Et Paulus abundanter tribui vult cum ait, Qui parcè

seminat parcè & metet, qui seminat in benedictionibus, de

benedictionibus & metet. Vtique mensuram bonam & con-

fertam

fertam & coagitatam & superfluentem recepturus. Magna promissio, pro terrenis caelestia, pro caducis sempiterna recipere. Sic enim mensuram intelligunt patres, ut per bonam, felicitatem animae, per confertam, glorificationem corporum, per coagitatam Angelorum communionem, per superfluentem, aeternam diuinæ maiestatis contemplationem voluerit insinuare. Ut idem sit hanc mensuram recipere quod beatum esse. Dicit enim alibi misericordes beatos, & quod sint misericordiam consequuturi. Quod si quis iudicare, damnare, vindicare, nihilque dare voluerit audiat quid sequitur, Eadem mensura, qua mensi fueritis, remetietur vobis. Et hæc quidem cum omnibus dicta sint, ad eos tamen in primis pertinent qui Apostolico per totum orbem funguntur munere. Quomodo enim misericordiam suadebit immisericors? Quomodo dandum esse persuadebit, qui ipse nihil dat, aut etiam aliena rapit? Quomodo à detractione alios debortabitur, qui ipsemet detractor existit? Propterea subditur, Nunquid potest cæcus cæcum ducere? Nonne ambo in foveam cadunt? Non est discipulus super magistrum, perfectus autem omnis erit, si sit sicut magister eius. Et alibi, Quod si sal infatuatum fuerit, in quosaliatur? Ad nihil valet ultra, quam ut eiiciatur foras, & conculcetur ab hominibus. Si lumen quod in te est, tenebræ sunt, ipse tenebræ quanta erunt? Quamquam alibi his ferè verbis in aliam sententiam loquutus est. Ut in Matthæo, Si Patrem familias Beelzebub dixerunt quanto magis domesticos eius? Et in Ioanne, Memento sermonis mei, quem ego dixi vobis. Non est discipulus maior Domino suo. Si me persecuti sunt, & vos persequentur. Nempè quos præseclit pater ab æterno, hos & præordinauit conformes fieri imagini filij sui. Propterea qui sequi vult me, tollat crucem suam & sequatur me. Exemplum enim dedi vobis, ut quemadmodum ego feci, sic & vos faciatis. Voluit his verbis ad suæ passionis exemplum Apostolos hortari. Alibi similibus ad humilitatem cohortatur, ut in Ioanne, vos dicitis mihi Magister & Domine. Et benè dicitis. Sum etenim. Si ergo ego Dominus & Magister vester pedes laui vestros, & vos alter alterius pedes lavate. Et subdit, Amen Amen dico vobis, non est seruus maior Domino suo, nec discipulus super Magistrum suum. Scitis hoc, Beati estis si hæc feceritis. Ecce quomodo ad suum exemplum hortatur

Luc 6

Mat. 5

Mat. 10
Ioan. 15

Rom. 8

Mat. 16
1. Pet. 2

Ioan. 13

tatur discipulos, quos maior decebat perfectio. Nos ergo eadem docet, ne cum alios arguimus ipsi reprehensibiles inueniamur. Et festucam in fratris oculo videntes, trabem quæ in nostro oculo non considerare arguamur, aut audiamus ab illo, qui fraterni & nostri scrutator est cordis, Hypocrita, eiice primum trabem de oculo tuo, & tunc perspicies, vt e-

Luc. 6 ducas festucam de oculo fratris tui. Hæc ergo sunt quæ hodiernum docet Euangelium, vt misericordia, æquanimitate & tolerantia ad paternæ perfectionis exemplum, quam proximè, quoquo modo accedamus. Solum Dei mandatum, non quid alij in nos moliantur & faciant respiciamus. Quod si graue est quod mandatur, promissionis abundantia consideretur. Quod si nec hoc sufficit in reliquas creaturas oculos conuertamus, quæ & ipsæ subiectæ sunt vanitati, non volentes, sed propter eum qui subiecit eas in spe, & parturientes ingemiscunt, sicut & nos, qui primitias Spiritus habentes intra nos gemimus adoptionem filiorum Dei, expectantes redemptionem corporis nostri. Habet enim reliqua creatura, quod conqueritur. Nempe nobis, qui imperium obicimus grauiter seruit. Seruit tamen propter Deum qui nobis subiecit eam. Sic nos respectu Dei benefacere aliis monemur. quousque tandem aliquando corpus redimatur in alia vita. Hac enim adepta, nec persecutiones timebimus, nec quod malè velimus aliis cogitabimus, nec (quia omnes in Christo satiabimur) cui præstemus misericordiam erit, sed mensuram beatitudinis quam quisque promeruit, accipiemus. Hanc ergo donec qui vt se sequamur, monet, Vt velimus, gaudia proponit, Vt possimus sui auxilij brachia extendit, Christus Iesus benedictus in æternum. Amen.

D O M I N I C A

S E X T A, P O S T

P E N T E C O S T.

EVANG. IVC. V.

FActum est autem cum turbæ irruerent in eum, vt audirent verbum Dei, & ipse stabat secus stagnum Genezareth, & vidit duas naues stantes secus stagnum

stagnum, piscatores autem descenderant & lauabant retia. Ascendens autem in vnam nauim, quæ erat Simonis, rogauit eum à terra reducere pusillum, & sedens docebat de nauicula turbas. Vt cessauit autem loqui dixit ad Simonem: Duc in altum & laxate retia vestra in capturam. Et respondens Simon, dixit illi: Præceptor per totam noctem laborantes nihil cepimus, in verbo autem tuo laxabo rete. Et cum hoc fecissent, concluderunt piscium multitudinem copiosam. Rumpebatur autem rete eorum, & annuerunt sociis qui erant in alia nauì, vt venirent, & adiuuarent eos, & venerunt & impleuerunt ambas nauiculas, ita vt penè mergerentur. Quod cum videret Simon Petrus, procidit ad genua Iesu, dicens: Exi à me Domine, quia homo peccator sum. Stupor enim circundederat eum, & omnes qui cum illo erant in captura piscium quàm ceperant. Similiter autem & Iacobum & Ioannem, filios Zebedæi, qui erant socij Simonis. Et ait ad Simonem Iesus: Noli timere, ex hoc iam eris homines capiens, & subductis ad terram nauibus, relictis omnibus, secuti sunt illum.

E A D E M D O M I N I C A

E P I S T O L A,

I. PETRI III.

IN summa autem estote unanimēs omnes, compatientes, fraternitatis amatores, misericordes, modesti, humiles, non reddentes malum pro malo, nec maledictum pro maledicto, sed e contrario, benedicentes, quia in hoc vocati estis, vt benedictionem hereditate possideatis. Qui enim vult vitam diligere, & dies videre bonos,

coërceat linguam suam a malo, & labia eius ne loquantur dolum. Declinet autem a malo & faciat bonum: inquirat pacem, & persequatur eam; quia oculi Domini super iustos, & aures eius in preces eorum. Vultus autem Domini super facientes mala. Et quis est qui vobis noceat, si boni amulatores fueritis? Sed & si quid patimini propter iustitiam, beati. Timorem autem eorum ne timueritis, ut non conturbemini. Dominum autem Christum sanctificate in cordibus vestris.

S E R M O.



Vi peregrinamur in hoc mundo, semper quod discamus, quò propius in Dei cognitionem accedamus, habemus. In hoc enim Christus dedit Ecclesiæ suæ pastores, Prophetas, vñ horum ministerio Ecclesiæ membra ad perfectum iuuentur. Rectè igitur Salomon sapientem dicit ex auditu cognitionem sibi addere maiorem: & Da, inquit, sapienti occasionem, & sapientior erit. Proinde & Petrus, cùm nonnihil de verbi Dei excellentia dixisset, addit: Habemus firmiorem Propheticum sermonem, cui benefacitis, attendentes quasi lucernæ lucenti in caliginoso loco, donec dies elucescat, & lucifer oriatur in cordibus vestris. Ex parte cognoscimus modò, & ex parte prophetamus. Hoc consilio Ecclesiæ sapius membra sua velut in vnum corpus conuocat, & cælestis mysterij propositis dapibus ad perfectionem vsque enutrit. Videtur quidem præsens lectio, quam hodie pertractare conuenimus, nihil in se continere magni, sed vidit in ea Spiritus sancto monstrante Ecclesiæ, quod non animaduertit mundus. Principiò quidem nuda se tibi offert historia, sed frangas nucem, percipies deinde nucleum. Nihil in tota Scriptura tam prauum, quin magni sit grauidum. Prædicat hic Christus, verbum suum confirmat miraculo, miratur & pauet populus. Sed vide quàm late diffundat rei gestæ series. Principiò ergo quod ex parte Christi considerandum est, Veris miraculis suam diuinitatem astruit, deinde sua benedictione hominum labores fructificat: tertio, quod cùm ipse dat, & non improperat. Quod verò ad nos: primò, ardens charitas in verbum Dei, qualis in his turbis videtur, requiritur: secundo parata

volun

Prouer. 2

Prouer. 9

2. Petri 1

1. Cor. 13

Iacobi 1

voluntas, ad exequenda promptè, quæ Dei præcepta mandant, qualis in Petro. Tertio, dilectio proximi vera, qua expedit auxilium præstamus proximo, ut in sociis Simonis agnoscimus: quarto, profunda humilitas, quæ in Petro, cum ait: Exi à me, quia ego non peccator ego sum: quinto, perfecta Christi imitatio, quæ in piscatoribus his, qui relictis omnibus, sequuntur Dominum, manifestè incipit. Ecce tot doctrinis secundum Evangelium. Et tantum de tropologiæ sensu hæc dicta sunt. Habet autem & allegoriam & futurorum figuram, cum totum illud, quod verè semel hic factum legimus, etiamnum fiat in Ecclesia. Hæc ergo docemur præsentis lectione. Quis Christus, & quid ab illo expectandum sit, quid nos vicissim debeamus illi. An verò hæc necessaria cognitio in hac via non est? Quanquam autem quid hic docuerit Christus, manifestum est: miraculum tamen quod sequitur, ea docuisse indicat, quæ ad diuinitatis fidem pertinent, ut fidei doctrinam subsequuta, sit statim miraculi confirmatio. Alibi quid de diuinitate sua credendum sit, docet, *Iean. 4* nunc se aquæ viæ fontem, nunc vitæ panem, nunc lucem *Ioan. 6* mundi, vitam & resurrectionem, viam, veritatem, & vitam *Ioan. 9. 11* nominans. In Matthæo item omnem sibi potestatem datam *Ioan. 14* asserit, quæ in cælo, quæque in terra. Sed omnia ferè illa *Mat. 28* aut subsequenter aut præcedenter confirmat miraculis.

Nam cum se panem vitæ diceret, ante magnam hominum multitudinem miraculosè cibavit. Cum se lucem fatetur, mox cæcum natum illuminat. Sic cum vitam se & resurrectionem assererat, mortuum & iam quatrinduo sepultum Lazarum excitat. Hunc igitur modum hic fortè seruauit, ut diuinitatis doctrinam sequenti miraculo confirmaret. Et hoc primum in Christi miraculis querendum est, ut ipse verè esse Christus Dei viuus filius agnoscat, & constetur. Nam *Matt. 16* hunc miraculorum esse vsum ipse monet, cum ait: Si non facio *Ioan. 10* opera patris mei, nolite credere mihi. Si autem facio, & si mihi non vultis credere, operibus credite, ut cognoscatis & credatis, quia pater in me est, & ego in patre. Præstat igitur fides miraculis confirmata, ut cum cæco dicamus, Ni. *Ioan. 9* si hic à Deo esset, non poterat quicquam facere, & cum Ni. *Ioan. 3* codemo, Rabbi, scimus, quia à Deo venisti magister. Nemo potest enim hæc signa facere quæ tu facis, nisi Deus fuerit cum eo. Et cum Martha: Ego credidi, quia tu es Chri- *Ioan. 11*

stus filius Dei viui, qui in hunc mūdum venisti. Tentauerunt
 & Pharaonis Magi par esse Mosi miraculis, sed victi tandem.
Exodi 7 digiti Dei opera agnoscebant, quæ perpetrabat Moses. Hoc
 tamen miraculum peculiare quid habet, nempe consolatio-
 nem pauperum, quod Christus horum adesse velit labori-
 bus, eosque sua benedictione fructiferos facere. Sic Salomon
Pro. 10 benedictionem Domini locupletare dicit homines. Et Da-
Psal. 126 uid: Nisi, inquit, Dominus ædificauerit domum, in vanum
 laborant qui ædificant eam. Et: Nisi Dominus custodierit
2. Cor. 3 ciuitatem, frustra vigilat qui custodit eam. Et Pauli testi-
 monio, neque qui plantat est aliquid, neque qui irrigat, sed
2. Cor. 9 qui incrementum dat Deus. Cui etiam alibi ascribit, quod
 semen administrat seminanti, quod panem dat esuriēti, quod
Matth. 6 multiplicet: & adaugeat incrementa frugum. Recte ergo
 Christus monet, ne simus solliciti de eo, quid manducaturi,
 quid bibiturūne simus, sed si quæsierimus regnum Dei eiūsq;
1. Pet. 5 iusticiam primū, omnia deinde adiicienda fore. Et Petrus
 ait: Omnem curam proicientes in eum, quoniam ipsi cura
 est de vobis. Et ante hoc David: lacta, inquit, cogitationes
Psal. 54 tuas in Dominum, & ipse te enutriet. Ego pauper & mendi-
Psal. 39. cus sum, sed Dominus sollicitus est mei. Iste pauper clamauit
Psal. 33 ad Dominum, & exaudiuit eum, & ex omnibus necessitati-
3. Reg. 17 bus liberauit eum. Adde his exempla: Israëllem Dominus ci-
3. Reg. 19 bavit & potauit quadraginta annos in deserto. Heliam per
3. Reg. 17 coruum: deinde etiam per angelum conseruauit. Viduam
Dan. 14 in Sarrepta benedictione multiplicatae farinæ, Daniëlem in
Galat. 5 lacu Leonum per Abacuc. Vtrunque ergo Christus præstat,
 hoc est, & labori vti medio aliquo & sine labore immediatè,
 vbi vult necessaria ministrat. Sed hic plena & viuia requiri-
 tur fides, officiosa inquam per charitatē. Non ergo sibi quis-
 quam ascribat, quod suo labore viuatur, nam & posse laborare
 Dei donū est, ita etiam & laboris fructus percipere laboran-
Iob 5 dum certè est. Quia sicut auis ad volandum, sic homo natus
 est ad laborem, Et præceptum est in sudore vultus nostri pane
Gene. 3 nostro vesci. Et Salomon admodum paululū labori nostro tri-
Eccle. 9 buit: Verti me, inquit, ad aliud, & vidi sub Sole, nec velocium
 esse cursum, nec fortiū bellum, nec sapientiū panem, nec do-
 ctorū diuitias, nec artificū gratiam: sed tempus casumque in
 omnibus, puta quæ Deus cælitus dimittit. Hæc ergo de hoc
 miraculo dicta sunt, quo Christus verè Messias agnoscitur, qui
 & sine

& sine labore cibū ministrat, & laborem nostrū vt cōmodet, benedicet. Quod porrò nos vicissim præstare deceat, paucis in explicatōe docebitur. Et primo quidem vocabulo quod turbæ irruerūt in Iesum vt eum audirent, nostra socordia arguitur, & quod nobis desiderium in Dei verbū esse debeat, docetur. Recte olim David de Christo prædixit: Speciosus præ filiis hominū, diffusa est grātia in labiis tuis: propterea benedixit te Deus in æternū. Christus Dei sapientia & virtus. Quis non eū videre & audire corā gauderet? Formosus est præ filiis hominū, quis non eum eū spōsa precaretur & diceret: Ostende mihi faciem tuā, sonet vox tua in auribus meis. Vox enim tuā dulcis & facies tua decora. Vidit hunc turbæ concursus quondā Isaias in spiritu, & prædixit: Nec mirū si blandum & mirē beneficū se exhibuit Dominus, eū tanta auiditate, tanto desiderio audiret vulgus. Sed quid nos? Christi benignitate hodie quoq; Dei verbum audire licebit. Sed vbi illē inter nos vel vnus, à quo verē is ardor, eāque intentio prædicari potest? Ciues sumus Corosaim: Bethsaidæ, Capharnæ: Tyro & Sydō, & Ninive surgent contra nos in iudicio. Regina austri condemnabit nos, quia venit à finibus terræ audire sapientiā. Et ipse stabat iuxta stagnū Genazareth. Textus clarus est. Mystice verò stabat, qui antequā carnem induis huius mundi pelagus ingrederetur in auxiliū hominū paratus erat. Vt ipse in David ait: Propter miseriam inopiam, & gemitū pauperū nunc exurgā, ponam in salutari, fiducialiter agā in eo. Sacrificium & oblationē noluit, holocaustum pro peccato nō postulasti. Tunc dixi: venio. Ecce venio. In capite libri scriptū est de me, vt facerē Deus voluntatē tuam. Volui: Ab æterno enim Christus prædestinatus fuit saluator. Stans vidit duas nauiculas in mari. Duas nauiculas, duos populos Iudæorū & gentiū intelligimus. In has enim totū aliquando humanū genus diuisum fuit. Hinc Moyses ad Iudæos siue Israëlē: Te, inquit, elegit Dominus sibi in peculiū. Nō incōgruē homines in mundo cōparamur nauibus. In trāquilla motib⁹ in mari naus est. De hoīe Iob, loquit⁹: homo, inquit, natus de muliere, breuī viuens tēporē, repletur multis miseriis, q̄ quasi flos egreditur & conteritur, fugitque velut vmbra, & nūquam in eodē statu permanet. Vidit ambas quia apud eum respectus personarum non est. Deus em̄ Iudæorū & Gentiū est & erit: quicūque inuocauerit nomen Domini hic saluus erit. Vidit autē non simpliciter,

Psa. 44

1. Cor. 2

Isaie 2

Matt. 11

Matt. 12

Ioan. 3

2. Reg. 12

Psal. 11

Psal. 39

Deut. 2

Iob 14

Act. 10

Rom. 10

- Joel. 2** sed oculis misericordiae, ut quondam in Aegypto Israël
vidit vacuas virtute & gratia carentes. Et rectè piscatores
descenderant lavare retia sua. Immundæ erant cogitatio-
Exod. 3 nes, verba & opera nostra sine fide. Et quid Moses Iudæo-
rum piscator ac propheta alij, quid inter Gentes philosophi
aliud laborarunt, cum illi lege, hi virtutum præceptis in-
stabant, quàm ut sceleratam hominum putgarent & elue-
Rom. 14 rent? Fide corda nostra purificantur, ne sint (ut Pharisei)
sepulchris demortuorum similia. Et nisi hoc modo ablu-
mur, partem cum Christo non habebimus. Vidit duas ascen-
Act. 15 dit, tamen in vnam, eamque Simonis Petri Nempe cum in
Matt. 23 forma Dei esset, non ex rapina Dei & qualis exinanivit semet-
Joan. 13 ipsum, in similitudinem servi factus inuentus est ut homo.
Non de gentium sanguine, sed de Davidis, semine secundum
carnem venit. Sed & vnam, nempe quæ fundata erat super
Philipp. 2 fundamentum Prophetarum & Apostolorum in qua mansu-
Rom. 1 rus nobiscum usque ad consummationem seculi. Extra hanc
Eph. 2 nulla salus est, propter hanc Christus non novit secundam
Matt. 28 aliam. Exemplisunt Noe & Jonas. Quorum alter conser-
uatur in Arca, alter eiectus suffocatur à mari. Non quod lo-
Gene. 7 co, circumscribatur & tempore, sed quod vno baptismo vnius
Dei præsentia, in vnam spem, vno Spiritu & verbo in vnum
Joan. 1 quasi corpus mysticum multi coniuncti sint, Non navis est,
Eph. 4 sed navicula, quia bonorum numerus semper parvus est. Hæ-
reticorum naues magnæ & multæ sunt. Vna autem illa Si-
Matt. 16 monis Petri est, quia super eius confessionem ædificata est,
Joan. 21 & Petro peculiari mandato commissæ est: tum etiam quia ta-
les ciues hæc navicula postulat, qualis Simon erat re & no-
mine, hoc est, obediens, ut Abraham & alij. Neminem au-
tem moueat quomodo Ecclesia parua navicula comparetur,
cum eandem Apostolus magnam domum, & David Regis
Psal. 47 magni ciuitatem esse dicat, quæ fundata exultatione terræ
& usque Aquilonem sese extendat: Tum denique Ioannes ce-
Apoc. 21 lestem, sanctam, & novam Ierusalem asserit. Est quidem nul-
la comparatio naviculæ ad ciuitatem magnam. Sed nec ulla
comparatio Leonis & agni, & tamen, ut Christus Leoni com-
paratur & agno, sic Ecclesia magnæ ciuitati & naviculæ. Di-
uersorum tamen respectu. Agnus Christus, est respectu hu-
manitatis, Leo verò diuinitatis. Sic Ecclesia magna ciuitas, si
magna & multa beneficiorum dona cogitaueris: navicula
verò

verò si ad mundi multitudinem comparaueris: Vidit ergo
 Christus ambas, sed intrauit vnā eāque Simonis Petri.
 Nos quoque in huius mundi mari plures videmus, non iam
 nauiculas, sed naues, easque pulchrè exornatas: multas dico
 hæreticorum conuentiones pomposè instructas, sed Christus
 in nullam eorum ascendit nec in vlla videtur, vt clamitent:
 Ecce hic Christus. Dico vobis: Nolite sequi, nolite credere.
 Nauicula in qua Christus est, Simonis Petri est. Hic Christus
 inuenitur. Sed hoc quibque cogitemus, nauiculam hanc esse
 piscatoriam, non autem piraticam, ne si cui hæc commissa
 fuerit, pro piscatore piratam agat. Rogat hanc à terra redu-
 ci pusillum. Mira primum Christi humilitas hæc est, prom-
 pta autem est & Petri obedientia, qua nobis etiam exem-
 plum reliquit. Aliquid cerre est cum desiderio verbum Dei
 audire. Sed quid prodest audire nisi affectus adfuerit, quod
 iuberis, implere? præcipit Dominus alia, alia suadet. Vtrum-
 que tamen ideo vt faciamus. Sedens docet nr̃bas, quod tran-
 quilli & longè à perturbationibus positæ mentis est, quales
 habeant, qui in verbo laborant, necesse est. Docet autem. Hoc
 enim officium eius. Et non ipse solum facit, verum etiam
 præcepto quid in futurum fieri velit ostendit. Præcedere vult
 sed per idoneos & missos. Ipse est qui de mundo eligit & in
 messiem Euangelicam mittit. Vnde in Ieremia loquitur: Ec-
 ce ego mittam piscatores multos & piscabuntur eos, Et post
 hæc mittam eis multos venatores, & venabuntur eos de om-
 ni monte, & de omni colle, & de cauernis petrarū. Nemo
 enim hunc assumit honorem, sed qui vocatus est à Deo, si-
 cut Aaron. Qui enim non missus sese ingerit fur est & latro. *Iere. 18*
 Tales enim erant de quibus in propheta Dominus loqui-
 tur: Non mittebam prophetas, & ipsi currebant: non lo-
 quebar eis, & ipsi prophetabant. Conqueritur eo, quod pa-
 cem & securitatem prædicarint vbi nec pax nec securitas
 fuerit. Officiunt non proficiunt qui se sine vocatione inge-
 runt. Rectè ergo Petrus cum in alium disputationum (sic
 enim exponit Ambrosius) ducere & laxare retia in captu-
 ram lubetur: quia vt sine mandato hoc munere fungi pec-
 catum est, ita accepto mandato complicata retia nolle la-
 xari culpa non caret. Quod autem hic in figura dixit ob-
 scurè, post mandat manifestius iussis in omnem terram
 ire prædicatum omni creaturæ Euangelium de regno Dei. *Hebr. 4*
Ioan 10
Iere. 23
Ambro.
Marc. 16

- Rete enim verbum Dei, quod laxatur quando secundum veram fidei normam ad captum omnium interpretatur. Sed & beatos omnes hoc rete captos. Non enim ad perditionem vel mortem rapiuntur, sed de profundo tenebrarum ad lucem, de perditione ducuntur, ad vitam educuntur. Habet & mundi princeps, non dico retia sed laqueos. Conqueritur
- Abac. 1* Abacuc & dicit, Quare, Domine, respicis contemptores & taces conculcante impio iustiores se? Et facies homines
- Matt. 13* quasi pisces maris, & quasi reptilia non habentia ducem? Iubetur omnis scriba doctus in regnum celorum similem
- 1. Pet. 3* se exhibere patri familias, qui de thesauro suo proferat noua & vetera: utque paratus sit omni poscenti de ea quæ est in se fide & spe reddere rationes. Tum etiam non postulantes
- 2. Tim. 4* annunciare, & sanctas struere insidias, ut Paulus, instare
- 1. Cor. 9* Timotheum opportunè, importunè iussit. Hinc ipse ait: Væ mihi est nisi Euangelizauero. Si enim volens hoc ago, mercedē habeo: si inuitus dispensatio mihi concedita est. Sed & inuigilandum est, ut ea laxentur retia, quæ Dominus laxari iubet. Dicuntur enim nostra retia, non quasi ex nobis prouenientia sed quasi nobis commissa. De ore meo, inquit Dominus, audies, & annuntiabis aliis. Sed quid respondit piscator, Petrus: Præceptor, inquit, per totam noctem laborantes nihil capimus. Bene per totam noctem. Ut enim lumen fidei significationem habet, ita nox contra infidelitatis.
- Rom. 13* Nox, inquit, Paulus præterit, dies autem appropinquauit. Et iterum: Eratis aliquando tenebræ, nunc autem lux in Domino. Facile hic videmus, quid sit causæ, quod laborantibus nobis strenuè licet, fructus tamen non detur optatus.
- Eplles. 5* Nox in causa est. Nox, inquam, impedit fructus cum corporales, tum spirituales. In nocte laborant, qui actus suos iniquo modo: puta dolo, circunventionibus, fraude, aut in impium finem dirigunt. Quibus per prophetam dicitur: Seminastis multum, & intulistis parum. Comedistis & non saturati estis, bibistis & non inebriati estis: Operuistis vos, & non estis calefacti. Et qui mercedes congregauit, misit eas in sacculum pertusum. Respexistis ad amplius, & ecce factum est minus. Et intulistis in domum, & exufflaui illud. Quam ob causam? Quia domus mea deserta, & vos festinastis unusquisque in domum suam. Idem de spiritualium frugum sterilitate dici potest. Prædicant assidue & multi:

muki: emendatur nemo, nemo ex antro peccatorum in lucem profertur fidei. Quam ob causam? In nocte laboratur. In culpa sunt nunc ipsi prædicatores, nunc Magistratus, nunc etiam auditores. In prædicatoribus triplicem noctem inuenio, qui vel nimium sibi ipsis tribuunt, & in grandiloquentia finem orationis ponunt, vt videantur ab hominibus docti. Id quod non est ea quærere quæ sunt Iesu Christi, sed quæ sua sunt. Vel etiam timore aut cupiditate ducti quos ceperunt in Euangelij retibus trahere ab alto in lucem, hoc est, numero contenti peccata arguere, timent: ne aut numerositatem populi, aut gratiam principum, aut aliquid lucelli perdant. Vel denique quod doctrinæ seueritate, & integritate ædificant, vita verbis contraria destruunt. Tales suo etiam tempore fuisse Paulus conqueritur quod quidam, non omnes, confidentes ausi fuerint sine timore verbum Dei prædicare quidam & propter inuidiam & contentionem, quidam ex contentione Christum nuntiarent non sincere. De quibus mox subdit: Omnes quærunt quæ sua sunt, non quæ Iesu Christi. Non ita Paulus qui dicit: Veni in sublimitate sermonis, aut sapientiæ annuncians vobis testimonium Christi. Non enim iudicaui me scire aliquid inter vos, nisi Iesum Christum & hunc crucifixum. Et ego in infirmitate & timore & tremore multo fui apud vos: & sermo meus & prædicatio mea non in persuasibilibus humanæ sapientiæ verbis, sed in ostensione Spiritus, vt fides vestra non sit in sapientia hominum sed in virtute Dei. Nec solum Paulus eo modo Christum annunciauit, idem fecerunt alij Apostoli, & hos sequentes Apostolici viri. Et eodem studio, eadem etiam dexteritate iam captos homines in fidei virtutisque vniiformitate continuerunt. Id quod videre est in tot Epistolis, obsecrationibus, hortationibus quibus passim vsi sunt. Rom. 12. Ephe. 3. 4. & 5. The. 2. Act. 20. Sed vtinam Deus exoratus tandem, tales, aut his quam similes in vineam suam mitteret vel paucos etiam pro ista iniquorum multitudine. Vtinam nostri prædicatores cogitarent suum quisque officium, & rectius, quod debent, præstarent: iudicium quod durissimum in his qui præsumunt fieri, timerent, ne scilicet olim dicentes: Domine nonne in nomine tuo prophetauimus, nonne multa miracula fecimus? audient: Nescio vos. Recedite à me operarij iniquitatis. Non enim omnis qui dicit mihi, Domine

Philipp. 1

Ibidem 2

2 Cor. 2.

Sap. 6

Matt. 7

Ibidem

N 5

Dom

Domine, intrabit in regnum calorum. Simili pœna obnoxii sunt Magistratus, quibus ex officio incumbit Petrum adiutare, siue illi spirituales siue seculares (his enim nominibus diuidunt) sunt & patresfamilias obnoxii illi pœnæ, si non bene administrant doctrinam Euangelij in re familiari. Neque enim solis Apostolis dictum est: Auferte malum de medio vestri. Cogitarent ergo quid sit quod Deus minatur per prophetam: Sanguinem, inquit, populi mei de manu tua requiram. Et quid Iosue eiusque principibus dicitur? Non posse stare Israël coram hostibus suis, donec qui fecerat furtum tolleretur de medio populi. Et quod Paulus ait, morte dignos esse non solum qui talia faciunt, sed etiam qui facientibus consentiunt. Et certè consentire est malum quod potes & debes, nolle tollere. Atque hoc illud est quod cum multos nunc videas strenuè verbum Dei annunciare, nullum tamen inde fructum consideres. Verbi munus committitur aliis, hos pro suo arbitratu & vt res postulat obsecrare peccata etiam aliquando annunciare patiuntur: sed præterea nihil. Neque nunc solum de eo conqueri licet, conquesti sunt omnes, quibus verè cordi fuit iustitia. Ieremias multum sudare parum verò proficere hominem se rixæ natum non queritur. Idem Michas facit: Væ mihi, inquit, quia factus sum sicut qui colligit racemos vindemiæ, Ilaias, Domine, inquit, quis credidit auctui nostro? Bonus ille Ieremias eò aliquando rem promouerat, vt Hierusalem ipse nequam, solus propheta in trahendis quos rete concluderat piscibus fatigaretur, mox ad pristina redierunt. Vnus est Ionas qui paruo labore multa milia conuertit. Sed non solus ipse traxit, Rex ipse publico edicto post pœnitentiæ prædicationem Ieiunium mandat, subque met exemplo Deum placare docuit. Nos quoque hic laboramus. Sudat Petrus, tergiuersatur & laborem detrectat magistratus. Quid tandem? Clamet Petrus: *Isai. 56.* Bene. Est enim hoc Dei præceptum. Oret Deum Petrus. Bene. Quia in magna necessitate, cum quid faciendum sit nescimus manus nostras ad Deum attollimus. Sed quid clamor, quid oratio, cum nemo audit, nemo pœnitentiæ agit? Solus Petrus nec clamore quicquam efficit. Pensate ergo principes quid vobis incumbat, cogitare magistratus, quid vos hic facere deceat. Cauete ne cum iuste Petrus nostra auxilia

xilia implorat, vós recusetis. Deus pereuntium animarum
 gemitum vestro malis exaudiat. Iam vero quomodo & au-
 diiores in culpa sunt, quo minus Petrus sua piscatione capiat
 videamus. Iam enim cum de prædicatorum deque Magi-
 stratum negligentia dicentem auscultant, ipsi quasi culpa
 vacui, quasi non etiam ipsi propriæ salutis contemptores sint
 contra prædicatores & Magistratum cornua sumunt. Esse
 autem in culpa auditores, hac ipsa quoque piscatio docet. Fa-
 cit quod debuit Petrus & vocati ex alia naui socij, id est Ma-
 gistratus civiles promptè adfunt, sed tamen ut diversa gene-
 ra piscium conluserant, non omnes ad lictus pertrahunt. Con-
 cludit quidem Euangelij rete multos. Multos dico non om-
 nes. Quia sunt qui iadum etiam hoc est, ipsum piscandi actum
 oderunt & reformidantes longè se abdunt. Et in multis his
 quanta digne sitas? Alij graves quia cuius & negotiis huius se-
 culi trahi immersi nolunt. Ne scilicet in lucem adducti, lu-
 tum cui affluerunt, relinquere cogantur. Tales fuerunt Pha-
 risæi, qui quia avari essent deridentes piscatorem Christum
 capita in profunditatem cœni submerserunt, Tales sunt &
 hodie avari diuites quique. Alij quidem faciles sunt, & dum
 in aqua manere se sentiunt, trahentem sequuntur, speciem
 boni habentes, sed non veritatem. Vbi enim extrahi se ex
 aqua cognoscunt, hoc est, vbi veteris hominis obliuisci no-
 uum induere & cœlestia sapere admonentur: fit ut alij glabri
 quibus possunt modis & partibus excidant ut Saul cum cor-
 ripereetur à Samuele & Ahas cum signum petere inberetur
 elabi conabantur alij impetuosum rumpunt rete ut ad eorum
 imperium insinuatum non qua debet trahatur, sed qua non
 oportet accommodetur. Et in his cum potentes, nobiles mun-
 di sapientes, tum maxime hæretici annumerantur, quos Pe-
 trus & ante eum Christus futuros prædixerunt, Paulus & Ioan-
 nes suis temporibus fuisse, scripserunt. Horum importu-
 nitato, multa molestia sollicitantur qui trahunt, & qui in
 quiete & obedientia trahi & duci se patiuntur, conturban-
 tur. Hinc est quod Paulus eiusmodi conturbatores ab-
 scindi oportet. Ex his arbitror patet, omnes nos in nocte la-
 borare, eoquo mirum non est si nihil proficimur. Quæ qui-
 dem ita sibi quisque dicta existimet, non ut carpere velim
 quid alij faciant, sed ut emendata cupiam omnia. Emen-
 datiora autem erunt omnia, si Petrus in verbo Christi,
 hoc

1 Reg. 19

Ips. 7

2. Pet. 1

Ips. 7.

Galat. 5

hoc est, mandato Dei, & secundum Orthodoxam sententiam Euangelij rete laxauerit, si rectè laxari Magistratus agnouerit, si auditores quòd non ad interitum sed ad vitam trahantur cognorint, seque morigeros præbuerint. Sequitur autem, In verbo autem tuo laxabo rete. Et cum hoc fecissent, concluderunt piscium multitudinem copiosam. Vide obedientiam Petri, quæ nobis eius exemplo præstanda est. Vide & fidem. Laborauerat per totam noctem, nihil ceperat. Consule naturam & inuenies non illic sperandos esse pisces, vbi tota nocte frustra sudatum fuit. At fidei cogita præstantiam, & fiet facile, quod natura erat impossibile. Et quid mirum si magnam Petri fidem & obedientiam hæc tanta multitudo sequitur piscium? Sic & Abraham fide obediens erat contra rationis sensa. Proinde Christus verè, vt omnia, dixit, Si fidem habueritis vt granum Sinapis, dicetis huic monti, Tollere & mittere in mare & fiet. Nimirum credenti omnia sunt possible. Discamus ergo hoc miraculo Christum esse Messiam, eumque ad nostram salutem confiteamur, vt ratio diuersum sentiat. Huc enim seruit hæc lectio. Quemadmodum etiam per hoc quod tanta multitudo conclusa, rupto rete Petrus trahere nequiuit solus, abundantia diuinæ benedictionis intelligitur. Tum etiam numerositatem Gentium sub Euangelij rete intrantium significat, quæ factum est, vt quemadmodum Dauid in Veteri testamento Sacerdotes, Leuitas, cantores aliosque templi ministros ordinabat, sic Petrus statim in exodio Euangelicæ prædicationis diaconos constitueret. Sic Antiochia prophetas habebat & doctores. Sic Paulus & Barnabas assumptus est. Et hoc etiam fraternæ charitatis admonemur, vt postulati proximorum subueniamus necessitatibus. Simon Petrus cuius hæc nauicula erat, qui retia laxauerat, videns hoc procidit ad genua Iesu, dicens, Exi à me Domine, quia homo peccator ego sum. Cur id? Stupor enim circumdederat eum & alios omnes. Hæc piorum natura est admirari opera Dei, sese peccatorem confiteri, imitentur eum, quibus labor benedictione Dei ex sententia fructificat. Imitentur prædicatores Euangelij, quia si quis fructus sermonem eorum sequitur, non propria hoc industria, sed Dei benedictis sit potentia. Sic ipse Christus patri omnia ascribit gratias agens. Sic Paulus in omnibus, nihil sibi attribuens Deo qui incrementum dedisset gratias egit. Vnde rectè pa-

uentes

Luc. 5

Gen. 12

Mat. 17

1. Par. 25

Act. 6

Act. 13

Luc. 5

p. 308

Mat. 11

uentes animos Christus erigit, Noli inquit timere Simon: ex hoc iam eris homines capiens. Primū hic videmus quos Christus in Euangelij messem selegerit, nempe piscatores non sapientes mūdi, ne non Dei opus esse videatur. Secundò ad quid vocemur, nempe vt & alios trahamus. Sic ergo Petrus vocatus, alios vocauit & cepit, vt cum vnico sermone tria milia ad fidem conuertit. Sed mirum non est quòd viliora reliquit qui ad maiora vocatur. Sequitur enim, Et subductis in terrā nauibus relictis omnibus sequuti sunt eum. Viua hoc præstat fides quæ sola spectat cælestia, vt omne quòd in mundo est, lutum æstimet. Et hæc via quæ ducit ad cælestia, affectu & corpore, quantum fieri licet, relinquere terrena. Id si facere parati sumus vnā cum Petro & aliis hæc non solum audiuius, verumetiam ipsi interfuius corāque audiuius. An igitur hæc historia non est magnorum mysteriorum grauida, quæ tot tantæque continet arcana? Neque enim illius tantum temporis Ecclesiam repræsentabat, dum hæc agerentur, verumetiam huius figurabant. Nec mirum nec etiam inusitatum per vnum idēque aliquid, aliud geri aliud significari. Habet enim his Scriptura multa alia similia, è dormientis Adæ costa, formata fuit Eua, ex dormientis Christi latere formata est ecclesia, Noë in diluuij aquas seruatur in arca, fideles per baptismum saluantur in Ecclesia. Abraham duos filios habuit, vnum de ancilla & vnum de libera, Abdicatur qui de ancilla, fit hæres qui de libera. Duo testamenta sunt, cessat vetus, succedit nouum vidit Iacob scalam cuius fines cælum tangebant & terram, natus est ex semine eius Christus qui cælestia ac terrestria pacificauit. Iacob & Esau de primogenitura litigant, supplantat Iacob fratrem Esau. Iudei & Gentes de hæreditate certant cælesti, quam præcipiunt Gentes. Venditur Ioseph in Aegyptum à fratribus. Traditur Christus à Iudeis. Plena est scriptura harum locutionum. Hic ergo per litteras in quo Christus est, immortalitatis immobilitatem intellige. Vidit turbas misertus est hominum. Ascendit Petri nauiculam, assumpsit ex Israël carnem. Mare huius mundi pelagus, prædicat in naui, facit hoc hodie per Euangelizantium ministerium. Concluditur multitudo piscium, & ambæ implentur cymbæ. Hominum multitudo vacuas implet Angelorū sedes, viso miraculo relinquitur nauis & omnia imitatus Christus, post conceptum veræ fidei semen, cum hoc corpus

corpus deponitur, relinquitur carnalis possessio, & aspectu letamur Christi. Hæc cogitemus, miraculis firmemus fidem nostram, sequamur Petri promptam in omnibus voluntatem. Id nos facere præstet, qui in secula benedictus vivit. Amen.

DOMINICA SEPTIMA POST PEN-

TECOSTEN, EVAN-

GEL. MATTH. V.

Nisi abundauerit iustitia vestra plusquam Scribarum & Phariseorum, non intrabitis in regnum celorum. Audistis quia dictum est antiquis, Non occides, qui autem occiderit reus erit iudicio. Ego autem dico vobis, quia omnis qui irascitur fratri suo, reus erit iudicio. Qui autem dixerit fratri suo, Raca, reus erit concilio. Qui autem dixerit, Fatue, reus erit Gehennæ ignis. Si ergo offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & vade prius reconciliari fratri tuo, & tunc veniens offers munus tuum.

EADEM DOMINICA

EPISTOLA ROM. VI.

A Nignoratis fratres, quia quicumque baptizati sumus in Christo Iesu, in morte ipsius baptizati sumus? Consepulti enim sumus cum illo per baptismum in mortem, ut quomodo Christus surrexit à mortuis per gloriam patris, & nos in nouitate vitæ ambulemus. Si enim complantati facti sumus similitudini mortis eius, simul & resurrectionis erimus. Hoc scientes, quia vetus homo non ster simul crucifixus est, ut destruaturn corpus peccati, ut
ultra

ultra non seruiamus peccato. Qui enim mortuus est, iustificatus est à peccato. Si autem mortui sumus cum Christo, credimus quia simul etiam uiuimus cum Christo, scientes quòd Christus resurgens ex mortuis, iam non moritur, mors illi ultra non dominabitur. Quòd enim mortuus est peccato, mortuus est semel, quòd autem uiuit, uiuit Deo. Ita & vos existimate vos mortuos quidem esse peccato, uiuentes autem Deo in Christo Iesu.

S E R M O.



Vx huius Euangelij summa sit, post dicetur. Nunc breuiter prius totius mundi huius cum hoc ipso Euangelio conferendum est studium, ut videamus quæ nostra imminens calamitas sit, & quàm nunc periculosè habitemus cognoscamus. Quis enim non uidet, quàm hæc lectio ad cõseruandam religionis pacem & vnanimitatem, seruiat, quæ iram, inuidiam, maledicta, homicidia deniq; & omnem amarulentiam vetat & interdicat? Contra verò quis multorũ peruerſitatem ignorat, cum alij, quam corde premunt ac fouent, malitiam vituperijs, maledictis, infamibus picturis, libellis, obscenis dictis effundunt, ad iram & arma multos cõcitāt, alij ad quæuis impia faciles, ad cædes, homicidia, opprefſiones, incendia, deuastationes, propullationes, certatim conglomerantur & currunt, scilicet veloces ad effundendum sanguinem habentes pedes? Christus maiori grauitate quàm vel Moſes inter Iudeos, vel Iustinianus inter Ethnicos, homicidia interdicat. Contra nos nihil homicidio prius habemus. Moſes quidem vehemens est, in detestando homicidio, indicans homicidium primæ maledictionis extra paradysum præcipuam fuisse causam ubi Deum inducit loquẽtem ad Cain, Quid fecisti? Vox sanguinis fratris tui clamat ad me de terra. Nunc igitur maledictus eris super terram quæ aperuit os suum & suscepit sanguinem fratris tui de manu tua. Ac postea in vniuersum pœnam homicidij statuens, ait. Quicunque effuderit humanum sanguinem, fundetur sanguis illius. Ad imaginem Dei quippe factus est homo. Et quæ præcedunt. Quia etiam propterea esum sanguinis animantium Deus

Gen. 4

Gen. 9

Leuit. 17

prohi

prohibet, ut eo magis ab effusione sanguinis humani caue-
Exod. 21 rent. In exodo pœnæ modū statuens homicidij, addit, ab altari
Dent. 21 meo euelles eum ut moriatur. Alibi quid agēdum circa eum,
Dent. 20 qui occisus, inuentus fuerit in via. Adhæc nec hostes occidi
vult, nisi prius pacis oblata conditione. Quid leges imperia-
les de homicidio sanxerint, notum est. Vehementius Christus
huic malo resistit. Neque enim vel Moses vel leges, eo modo
quo Christus iram & inuidiam cordis prohibent, Audistis, in-
quit, quod dictum est antiquis, Non occides. Qui autem occi-
derit, reuserit iudicio Ego autem dico vobis, quia omnis qui
Mat. 5 irascitur fratri suo, reuserit iudicio. Qui autem dixerit fratri
suo Raca, reuserit concilio. Qui autem dixerit fratri suo, Fa-
tue, reuserit gehennæ ignis. Hoc modo ante Christum nemo
1. Ioan. 3 vnquam homicidium cauit. Et Ioānes homicidio fraternalium
odium comparat, Omnis, inquit, qui odit fratrem suum ho-
micida est. Quomodo autem posset homicidium prohiberi
strictius? Si enim fratri irasci iudicio, si iram vel voce vel ge-
stu ostendere gehennæ ignis facit reos, quanto magis ipsum
homicidium? Strictius non potest prohiberi opus, nisi ubi etiā
Luc. 9 operis interdicatur affectus, Huic nunc si contulerimus seculi
Mat. 11 nostri studium, videbimus quā omnes nesciant, cuius sint
Ioan. 13 filij, quā non imitemur Christi humilitatē & pœnitentiā,
Mat. 5 quā non dilectionis nouū expleamus mandatum. Et tamen
pulchrè nobis placemus ipsi, sic Euangelicę legi repugnantes
Euangeliorum nobis nomen strenuè vendicamus. Intestino
fruit Germania bello. Nec est qui sæuientem reprimat, nec
qui amicè dehortantem audiat. Quis ergo finis expectandus
erit? Non alius præter eum, quem pronunciauit Apostolus,
Quod si inuicem mordetis, & deuoratis, videre ne inuicem
consumamini. Iam dudum incruduerunt ad deuastationem
quorundam animi, quorum votis si successisset euentus, in ex-
tremo posita fuisset periculo, hæc conditio. Nec finis, nec re-
quies, tam strenuè propositum agunt, ac si in patriæ deletio-
nem conspirassent, & quod intolerabilius est, videas quibus
Euangelij commissum est negotium bella parturiētibus ob-
stetricari, in maximo periculo pacem & tranquillitatem an-
nuntiare. Sed vtinam omnibus hominibus pacis & Christia-
næ vnitatis amorem persuadere possem. Id enim non solum
huic Euangelio, omniq; Scripturæ, ac nomini vocationi
denique nostræ consonum, Verum etiam toti huic Germaniæ
vtile

utile videtur. Hæc præfati ad Euangelij explanationem accingamur. Multa hoc seculo de hominis iustificatione disputantur & cum materiæ intelligentiam alteri alter negat, dissentiunt perpetuo, nec modus nec finis discordiæ inuenitur ullus. Et quidem hoc solum Euangelium compescendæ litis sufficeret. In eo enim Christus totum negotium in duo diuidit. Primò: neminem sine Iustitia regnum cælorum intrare. Secundò: hanc iustitiam nihil aliud esse, præter perfectionem diuinorum mandatorum & plenam in legē Dei obedientiam. In his duobus totum huius rei pendet negotium. Merito hunc audiremus doctorem de iustificatione loquentem, rectèque illi fidem haberemus, quem Ioël iustitiæ doctorem, & Isa. iustitia cinctum perhibent. Quod ergo ad primum attinet multa probatione non eget. Certum est enim non solum apud nos Christianos, verum etiam Iudæos, solis iustis regnum cælorum esse promissum. Non enim intrabit in illud aliquid co inquinatum, aut abominationem faciens & mendacium. Foris autem canes & venefici, & homicidæ & idolis seruientes, & omnis qui amat & facit mendacium. Id quod Paulus etiam testatur & clarius, cum ait: An nescitis quia iniqui regnum Dei non possidebunt? Nolite errare: neque fornicarij, neque idolis seruientes, neque adulteri, neque molles, neque masculorum concubitores: neque fures, neque auari, neque ebriosi, neque maledici, neque rapaces regnum Dei possidebunt. Et hæc quidem fuistis, sed abluti estis, sed sanctificati estis, sed iustificati estis in nomine domini nostri Iesu Christi & in spiritu Dei nostri. Vnde & Christus: Nisi, inquit, quis renatus fuerit ex aqua & spiritu sancto, non intrabit in regnum cælorum. Contra verò gloriam & honorem, & pacem Paulus ascribit omni operanti bonum. Iudæo primum simul & Græco. Id ergo Christus vult, cum sine abundantiore Iustitia neminem in regnum cælorum intrare dicit: Et alibi: Iusti ibunt in vitam æternam. Et: Iusti fulgebunt sicut sol in regno patris sui. Sic Ezechiel enumeratis iustitiæ operibus: iustus, inquit, viuet & non morietur. Et Sapiens: Iusti in perpetuum viuent. Et: Iustorum animæ in manu Dei sunt, & non tanget illos tormentum malitiæ. Et David: In memoria æterna erit iustus. Et: Oculi Domini super iustos. Rursus Solomon: In via iustorum, vita est. Et Iustitia à morte liberat. His atque simillimis dictis scriptura plena est, quibus ostenditur, neminem iudi-

Summa.

O cium

cium Dei declinare , neminem nisi iustum in regnum cælorum intrare . Verùm quia non omnis iustitia introitum regni patefacit , ideo Christus abundantiorẽ aliquam iustitiam requirit . Peculiaris sua Iudæis fuit iustitia , de alia quadam etiam Gentes gloriabantur . Et horum quidem talis fuit iustitia , vt legentibus nobis eos qui de ea scripserunt , Valerium Maximum , & alios , ruborem patiter & pudorem incutiant . Illorum etiam , maximè Pharisæorum , iustitia in speciem præclara apparebat . De qua multa in Euangeliiis . Habet etiã munus suam , & prædicat mundus iustitiam , quæ in hoc consistit , vt suum cuique redderetur , nemo lædatur , & quod sibi quisque velit fieri , præstet aliis . Tum odisse malum & diligere virtutem . Sed licet hanc admiremur in mundi filiis , ac magni æstimemus , minus tamen facit ad introitum regni promissi . Siquidem impossibile est sine fide placere Deo . Tum etiam Iudæorum illa iustitia Deo ingrata est , quia nec intentionem veram , nec finem iustum habet : faciunt enim multa vt videantur ab hominibus . Propterea Dominus de illis dicit : Receperunt mercedem suam . Quum ergo iustitia quædam sit quæ ad introitum regni cælestis , necessariò requiritur , secundò iam quæri potest , quæ illa sit iustitia . Ad quam quæstionem hoc rectè responderetur , quod suprà posuimus , iustitiam hanc nihil aliud esse , quàm perfectionem diuinorum mandatorum , & plenam in lege Dei obedientiam . Hæc quam Deus à nobis requirit , iustitia est . Vt enim peccatum nil nisi transgressio legis est , ita econtrà , iustitia nihil aliud est præter obedientiam legis : & quemadmodum Deus transgressioni illi mortem minatur , ita obedientiæ legis eternam remunerationem promittit . Huc ergo pertinet quod Christus aliquando , quid necessarium factò esset ad æternam vitam consequendam , interrogatus respondit : Dilige dominum Deum tuum , & quæ sequuntur . Et quod Ioannes scribit : Qui facit iustitiam , iustus est . Sic Ezechiel iustum dicit facientem ea , quæ in lege scripta sunt . Sic David secum disputans quisnam sit inhabitaturus in tabernaculo Domini , & quis in monte sancto requiem habiturus , enumerat multa , ac tandem concludens ait : Qui facit hæc , non commouebitur in æternum , imò hic accipiet

plet benedictionem à Domino & misericordiam à Deo salu-
 lutari suo. Hæc enim generatio quærentium Dominum. Sic
 Christus in præsentī Euangelio antiquæ legis præcepta pro-
 ponens, difficiliora subdit, ac facientibus, quod ipse prohi-
 bet, diuersas qualitate pœnas prænunciat: Nempe cum Iu-
 dæorum iustitiam dixit in non occidendo positam, nostram,
 hoc est, Christianorum iustitiam abundantiore non in ira-
 scendo, affirmavit consistere. Hoc ergo iam tertio quæri-
 tur, Cum sine iustitia regnum cælorum non obtinetur, &
 illa iustitia perfectio & plena obedientia mandatorum Dei
 est, quomodo perficitur lex, & quomodo plenè obeditur
 illi? Certum enim est, quia nemo nostrum mandata Dei
 perficit, nemo plenè obedit: id quod vel hoc solo Euange-
 lio patet. Vnum enim mandatum interpretatur Christus:
 & vide quanta impossibilitas in eo appareat? Facile ma-
 num ne quem occidero, contineam, sed non irasci, non
 iræ indicia vel gestu vel voce dare, hic labor, hoc opus
 est. Et non solum homicidij facto, verum etiam ira, quæ
 principium homicidij sæpe est, reum te homicidij facis.
 Sic in aliis præceptis. Vt cum plena Dei & proximi man-
 datur dilectio, quis dicere potest se eo modo, quo manda-
 tum obligat, vel Deum ante omnia, & proximum sicut
 seipsum dilexisse? Adulterium fortè ipso actu non com-
 mittam, sed quomodo quod aspiciens ardeo excusari potest?
 Nemo ergo ex seipso hæc præstare se, aut posse dixerit,
 quin omnes fatebimur sæpenumero nos & quotidie in man-
 data Dei peccare. Si enim amplius quid, quàm opera re-
 quirunt mandata, certè operibus nostris tribuitur. Vt ta-
 ceam quod scriptum est: Maledictus omnis qui non perman-
 serit in omnibus verbis legis huius. Et quod Iacobus: Qui
 offendit in vno factus est omnium reus. Manet tamen etiam
 num quod Christus ait: sine iustitia nos non ingredituros
 in regnum cælorum. Et quod iustitia hæc perfectio sit &
 plena mandatorum Dei obedientia. At videtur despe-
 randum potius esse quàm quicquam de salute sperandum, si
 eabeatitudinis conditio est, si enim sine iustitia regnum cæ-
 lorum intrare non possumus, & nemo nostrum mandata
 perficit: sequitur neminem saluari. Rectè id quidem nisi
 Deus suppetias tulisset homini quæ ipsius est misericordia:
 Omnia, inquit, Paulus conclusit Deus sub peccatum & in-
 O 2 creda

Deut. 27
Iacob 2.

credulitatem, ut omnium misereatur. Gratia patefecit, quod nostris operibus clausum mansit. Aliena nobis auxiliatur iustitia, quia propria insufficiens & agra est. Quæris qui hoc?

Rom. 8. Audi quid Paulus dicat: Quod impossibile erat legi in quo infirmabatur per carnem: Deus filium suum mittens in similitudinem carnis peccati, & de peccato damnavit peccatum in carne, ut iustificatio legis impleretur in nobis, qui non secundum carnem ambulamus sed secundum spiritum. Christus enim innocens ab omni peccato iustificatus, sese legi subdidit, ac plenè satisfecit, eamque obedientiam suam qua non indigebat ipse, nobis donavit ac communicavit. Atque hoc modo legi satisfactum est pro mundo per Christum. Sic etiam satisfactio legis quam Christus fecit, nostra facta est redemptio. Satisfecit legi Christus inquam, quia perfectè patris voluntati ac mandato obediuit. Ipso testante, cum ait: Qui misit me, mecum est: & non reliquit solum, quia ego quæ placita sunt ei, facio semper. Quod autem hæc obedientia Christi nostra sit, Paulus testatur dicens: Sicut per vnius delictum, in omnes homines in condemnationem: sic per vnius iustitiam in homines in iustificationem vitæ. Ecce quomodo factus sit nobis Christus sapientia à Deo & iustitia, & sanctificatio & redemptio, ut qui gloriatur in Domino gloriatur Ipse ergo proptiatio pro peccatis nostris, non pro nostris autem tantum, sed & pro totius mundi. Omnes inutiles facti eramus, nemo qui legi satisfacere posset, præter vnum Christum. Secundum hanc ergo diligentiam intelligantur Scripturæ loci, ubi de iustitia loquuntur quod non sola fide iustificamur. Mirum quantum hæc res pariat dissidium, cum iam operibus etiam expressè, iam fidei tribuitur iustificatio. Et tamen nisi pertinacia disputandi esset, facile hoc modo conciliari possunt loci. Iam verò alio locos de operibus, alio de fide apprehédente ac mordicus tenente, dissensionis nūquam erit finis. Audiuius quomodo ex iustitia operum non quæ nos fecimus, sed quæ Christus fecit regnum cælorum apertum sit. Vbi ergo quod Paulus fidei iustificationem tribuit? Et hoc igitur accipe: Christus ipse in Ioanne ait: Qui credit in filium, habet vitam æternam. Et Paulus ait: Arbitramur autem hominem fide iustificari. Utrobique verè scriptum est. Nam cum credimus Christum caput nostrum esse, ac ipsum quidem non pro se, sed pro nobis legem impleuisse, sit ut quasi merito fidei nostræ Christi iustitia

*Rom. 8.**2. Pet. 2.**Ioan. 8.**Rom. 5.**1. Cor. 2.**1. Ioan. 2.**Ioan. 1.**Rom. 3.*

tia nobis imputetur. Et hoc ipsum, hoc est, imputari nobis Christi iustitiam, Dei donum est. Vnde Paulus iustificationem nunc fidei, nunc gratiæ, nunc misericordiæ ascribit. Vt ad Romanos patet nos per legem fidei iustificari, ut scilicet iustificatio quam per legem operum habere non potuimus, per legem fidei consequamur. Sic ibidem gratiæ iustificationem tribuit: Iustificati, inquit, gratis per gratiam ipsius. Sic ad Titum non negat quidem operibus legis iustificationem deberi, sed dicit nos non iustificari ex operibus legis quæ nos fecimus, quo certè Christi iustitiam nobis cōferre salutem vult innuere. Vnde subdit quòd in hoc apparuerit gratia saluatoris nostri Christi: quia ipse secundum magnam misericordiā suam saluos nos fecerit. Et hoc modo per fidē, siue ex fide, qua Christum caput nostrum, cum sua iustitia apprehendimus, iustificamur. Deinde etiam alio modo fide iustificamur, quando credentibus nobis in illum Spiritus sanctus datur. Per hūc autem diffunditur charitas Dei in cordibus nostris: charitas non qua ipse nos diligit, sed qua nos ipsum diligimus. Porro charitas legis plenitudo est. Vnde Augustinus oppidò quā aprē, Lex, ait, data est, ut gratia quæreretur. Gratia data est ut lex impleretur. Vides ergo quomodo sibi constet scriptura. Cum & obedientia legis licet per alium præstita iustificamur, nihilominus tamen per selem saluamur. Non ergo ideo solum lex data, ut inde agnitio peccati esset: sed bona est lex, & impleri. Non etiam ita fide in Christum iustificati sumus, quasi nobis iam desidiose otiaudum sit, aut etiam in peccatis conquiescendum. Malè enim concluditur: Christus pro me satisfecit, igitur mihi quod faciām nihil restat. Christus suam mihi largitur iustitiam, igitur nulli iustitiæ mihi studendum est. Non hæc Euangelij vel Pauli sententia est. Quin ideo à peccato liberati, ut deinde iustitiæ viuamus. In hoc enim gratiam largitur Deus, ut velimus & possimus quod antè videbatur & erat impossibile. Huc ergo pertinent, quæ in Euangelio sequuntur, quibus Christus quomodo perfectior & abundantior nostra reddatur iustitia, indicat: Amen amen, inquit, nisi abundauerit iustitia vestra plusquam Scribarum & Phariseorum, non intrabitis in regnum cælorum. Cum enim duplex sit iustitia in sacris scripturis expressa, altera quæ nos apud Deum, altera quæ apud homines iustos facit: hic illa necessaria dicitur ad cælestis regni introitū, quæ nos co-

*Ibidem**Tit. 3.**Rom. 6. 3c
12.**Mat. 5.*

- ram Deo iustos constituit. Non quòd illa mundi iustitia negligenda sit, sed quòd sub abundantioris iustitiæ perfectione intelligatur. Studendum enim est, vt qui foris sunt, ac de nobis detrectant bonam nostram conuersationem videntes, Deum, qui in cælis est, glorificent. Vt Baptiste parentes cum iusti ante Deum pronunciantur, hanc etiam laudem merentur, quòd sine querela, hoc est, vllius hominis offensione in omnibus iustificationibus ambulauerint. Et Christus coram mundo iustus haberi voluit, cum ait: *Quis ex vobis arguet me de peccato?* Sed & Samuel quondam vitam suam examinandam populo coram Deo proponit: si quem læserit, aut calumniatus sit, aut oppresserit. Cui respondens populus iustitiam tribuit. Simili modo Iob quondam apud se iustitiæ, quam fecerat, partes enumerat, sibiq; in hoc gratulatur, quòd multis patris loco fuerit. Et Paulus denique huius iustitiæ præsidio Corinthiis dicere audet, 2. cap. 2. Nos neminem læsimus, neminem corripimus, neminem circumuenimus. Hac iustitia non caret, qui perfectiorem illam habet. Proinde diligenter studendum est, ne in hac, quam mundus suspicit, hærentes, à Dei iustitia reputemur alieni, & in nobis locum habeat, quod Isaias & Christus denique & Paulus de Iudæis, suo quisque tempore conquestus est. Si enim quæ in mundo est iustitia ad regni cælestis introitum sufficeret, sine causa Christus Euangelij legislator abundantio- rem, tanta cum autoritate præciperet. Hoc modo scriptura monet vt qui iustus est, iustificetur adhuc: & qui minorem habet virtutem, inde progrediatur ad eminentiora: quo fiet vt Deus deorum in cælesti videatur Sion, imò nobiscum ipse, ac in nobis, tanquam in templo se idoneo, habitet. Hoc vult cum ait: Audistis quia dictum est antiquis: Non occides: Ego autem dico vobis, quasi diceret: Si Phariseis, qui mundi gloriam quarunt, non occidisse manu, hoc est, nihil tale perpetrasse, quod poenam ac animaduersionem magistratus mereatur, satis. Vos autem, quos pro factis æterna apud Deum vel merces manet, vel poena, Deo, qui non manum, sed ipsum etiam cor inspicit, interni hominis, hoc est, spiritualis, ab omni amarulentia aliena mens placet, facile enim non occidetis, si cor vestrum ab ira clausum custodiueritis. Nam inde malæ cogitationes exeunt. Hic verborum Christi sensus quibus & illud in-
- auitur

nuitur, quam dissideant humana atque diuina iudicia. Loquitur autem indefinitè, Dictum est. Non addit quis dixerit, quòd Iudæorum seclusat scandalum: si enim dixisset: Pater meus dixit, potuisset videri, quasi patrem argueret, cum aliam legem statuit: si autem dixisset: Ego dixi antiquis, suspicari fuissent homines ambitiosum esse, quod eum sibi honorem sumeret, aut inconstantem, qui legem à se latam nunc demum immutaret. Propterea dixit: dictum est antiquis non occides. Quod autem dicit: Ego dico vobis: differentiam inter se & prophetas ostendit. Illi enim serui Dei propria auctoritate ex seipsis nihil præcipere habuerunt, quorum ubiq; initium est: Hæc dicit Dominus. Ipse verò propria auctoritate vti Dei inuiolabilem decet sermonem, dicere potest. Ego dico vobis. Quanquam & in Ioanne sua verba patris, à quo missus erat, *Ioan. 14* sermonem dicit. Quod autem dicit: Omnis qui irascitur fratri suo, reus erit iudicio, manifestè, conuincit, se non soluere legem, qui maiora legis præcepta ponit. Loquitur autem nò de qualibet ira (solet enim nonnunquam præter voluntatem nostram ira quædam in nobis exurgere) sed eiusmodi, qua ita accenduntur homines ac fremunt, vt deliberato animo proximi damnum aut mortem expectant, quam quidem iram sæpè numero ubi inueterata fuerit odium sequitur, aut ipsa potius in odium conuertitur. Id quod videre est in Cain, de quo scriptura loquitur: iratus est vehementer, & concitus vultus eius. Deinde illud etiam transeundum non est, quod dixit: fratri suo. Est enim bona ira, quæ peccato irascitur, quin qui non irascitur peccatis maximæ blasphemix in Deum, Domini veram dilectionem non habet. Hæc ira Christus ipse accensus è templo ementes ac vendentes eicit. Et Paulus incestuosum Corinthium Satanæ tradit. Et Moses propter erectum vitulum, legis in terram proiectis tabulis, viginti ac tria milia hominum morti tradidit: cum tamen Christus alibi super ciuitatem fleuerit: & Paulus misericordix opera Corinthio illi præstari iusserit. Et Moses iratus pro vitulo ad Deum precatus sit. Qua in re vel canes etiam sequi nos non erit inutile, qui peregrinum ablattrant, domesticis verò adulantur, omnibus amici sunt, nec licet famem patiantur, mordent: Lupos verò etiam distenta aluo, insequuntur. Sic nobis proximus noster amandus, & cohæres ac domesticus agnoscendus est. Si verò peregrinum quempiam in eo consideraueris, hic irascendum

*Exod. 10**Gen. 9.**Ioan. 14**Gen. 4**Luca 19.**2. Cor. 5**Exod. 33.**2. Cor. 2*

& cum ratione oblatrandum est, nec iam tibi charus amicus erit, ut ad delicta ipsius taceas, contra verò, ita peccatis non irascebere, ut amoris proximi obliuiscaris. Quicumque enim fratri suo irascitur reus erit iudicio. Sed considera ordinem, prius mentis iram prohibet, secundò, iræ externa signa coercet, tertio maledicta damnat. Prius illud pœnam habet iudicium, secundum verò concilium, tertium gehennæ ignem. Quibus omnibus licet maius sit homicidium, Evangelica tamen lege, illud quod est infimum, irasci, pœna homicidio par iudicatur. Quando ergo iram prohibuit, mirum non est si reliqua, quæ ex ira prodeunt, pœnæ denuntiatione interdicat. Propterea ait: Qui fratri suo dixerit Racha, reus erit concilio. Est autem Racha, indignantis interiectio, iræ vehementiam indicans, per quod omnis irati gestus externus significatur. Ostendit autem hoc verbo Christus, quàm dissideant Pharisæi à vera legis obedientia nos verò affabilitatis ac comitatus tum etiam patientiæ ac in remittendo facilitatis admonet. Qui verò fratri suo dixerit, fatue, reus erit gehennæ ignis. Significatur autem hac dictione extremus proximi contemptus ac calumniandi cupiditas. Cum autem tantam pœnam in nos prouocamus, garrula in proximum lingua, quæ rogo culpa blasphemiam in Deum manet? Non ergo sine graui causa perfectum esse eum, Iacobus Apostolus pronunciat, qui lingua non offendit. Et verè Salomon testatur, Iracundum hominem suscitare iras, non solum, quia impetuofus est iracundus, & verba non præmeditata effutens proximum lædit, verum etiam quod secus irati hominis verba interpretamur quæ amici. Hinc est quod Paulus, non solum eos, qui facto aliquo peccant, verum etiam blasphemos regno Dei indignos iudicat. Monet autem ut omnem amarulentiam, iram, indignationem, clamorem, blasphemiam, cum omni malitia longè seponamus: contra verò benigni, misericordes, inuicem condonemus, & ne super iracundiam nostram, sol occidat. Vnde etiam Christus benignitatem ac misericordiam in proximos placere sibi magis victima, cum in Osea, tum hic apertissimè asserit, Propterea monet, ut si coram altare aliquid aduersum nos, fratrem habere, meminerimus, relicto munere, fratris indignationem deprecemur, ac in gratiam cum ipso redeamus, hortatur. Ut autem veteres per muneris oblationem, omnia sua Deo accepta ferebant, ita minus quodlibet factum inter

Prov. 15

1. Cor. 6

Ephes. 4

Ose. 6.

2. Par. 21

interpretamur, quo Deo placere nitimur, ut sunt verum ieiunium, corporis castigatio, & eleemosyna. Dicit autem cum offers, non cum iam obtulisti, aut offerre vis, ut vel præteritū vel futurum tempus intelligas. Quo verbo ipsum oblationis actum intelligimus significari. Adeo fraterna reconciliation necessaria est. Id quod alibi Christus monet: *Ite & discite* *Mat. 23* quomodo sit, misericordiam volo & non sacrificium. Hac ratione Deus olim testante *Isai. 3* *Isaia*, Iudæorum aspernabatur cultum: *Manus vestrae, inquit, plenæ sunt sanguinem.* Postremò autem quàm simus in vindictæ cupiditate pertinaces, quàm difficile remittamus ipsi & in poenitenda remissa negligentes per hoc ostenditur, quòd tanta sollicitudine Christus fraternam reconciliationem exigit. Hinc est quod Paulus eiusmodi affectus in Christi mortem per baptismum consepultos esse vult. Nunquid enim fratris reconciliationem expectamus nisi iræ, maledicentiæ, ac invidiæ affectus mortificauerimus? Id verò cum per se nobis arduum ac difficile est, commodè cum ecclesia precamur ut Deus virtutum, cuius est totum quod est optimum, diuini sui nominis amorem inferat præterq̃; in nobis religionis augmentum & quæ bona sunt nutriet, ac pietatis studio, quæ sunt nutrita custodiat. Potest enim ille, quod iubet dare, & vult à se peti q̃ iubet implere.

DOMINICA OCTAVA, POST PENTECOSTEN.

EVANG. MARCI

VIII.

CUm turba esset cum Iesu, nec haberent, quod manducarent, conuocatis discipulis, ait illis: *Misereor super turbam, quia ecce iam triduo sustinent me, nec habent quod manducent, & si dimiserò eos ieiunos in domum suam deficient in via. Quidam enim ex eis de longè venerunt. Et responderunt ei discipuli sui: Vnde istos quis poterit saturare panibus in solitudine? Et interrogauit eos: Quot pannes habetis? Qui dixerunt, septem. Et præcepit*

cepit turbæ discumbere super terram. Et accipiens septem panes, gratias agens fregit, & dabat discipulis suis, ut apponerent: & apposuerunt turbæ. Et habebant pisciculos paucos, & ipsos benedixit, & iussit apponi. Et manducauerunt & saturati sunt, & sustulerunt quod superauerat de fragmentis septem sportas. Erant autem qui manducauerant quasi quatuor milia, & dimisit eos.

EADEM DOMINICA EPI-
stola Pauli. Rom.

V I.

Humanum dico, propter infirmitatem carnis vestra. Sicut enim exhibuistis membra vestra seruire immunditie & iniquitati ad iniquitatem, ita nunc exhibete membra vestra seruire iustitie in sanctificationem. Cum enim serui essetis peccati, liberi fuistis iustitie. Quem ergo fructum habuistis tunc in illis, in quibus nunc erubescitis? Nam finis illorum mors est. Nunc vero liberati à peccato, serui autem facti Deo, habetis fructum vestrum in sanctificationem, finem verò vitam æternam. Stipendia enim peccati mors: gratia autem Dei, vita æterna in Christo Iesu Domino nostro.

S E R M O.



Vem proximo sermone Euangelicum legislatorem audiuius, eundem hic, sequentium se suisq; mandatis obedientium conseruatorem intelligamus. Et quia non licet de manu ipsius benedictum panem accipere, nisi in nobis inuenitur obedire; illi se hic quieti humiq; reponant, qui nuper ad exequenda mandata eius parati erant. Licet enim dominus ipse sit omnium, misereatur omnium quæ fecit, peculiari tamen modo eorum erumais afficitur, qui in verba ac iussa

Euan

Euangelij attendunt atque à solo ipsius nutu, cum magna fiducia pendent. Quantum enim in ipso est, omnes conseruare vult atq; potest. Videmus tamen hic non ipsum sequentes, diuinæ munificentiae participes fieri. Fuerunt enim illo tempore plures in Iudæa, multi etiam in Galilæa & Samaria, sed nemo illorum hoc miraculo sacratu est. Sunt etiam innumeri per orbem terrarum diffusi homines. Sed quemadmodum solum ad credentes iussa ipsius delata sunt, ita iisdem etiam offertur benedictio. Iam verò, cum omnes credentes dicimur, quanta credentium inter nos est diuersitas? Vnde rursum dico, qui ipsius iussis obediunt, ipsi hanc sibi munificentiam vindicent. Non enim hoc miraculum huius tantum vitæ conseruatorem esse Christum indicat, verum etiam ac multo magis futuræ. Satiatur quidem idq; sæpissimè in hac vita de manu domini, & saturati gratias agimus: Sed plena ista saturitas non est. Ex parte enim dum in huius mundi deserto oberramus, cognoscimus & ex parte prophetamus: sed plenè satiabimur, cum apparuerit gloria Dei, atque illic tandem plena voce nouum atque æternum, Domino cantabimus Alleluia. Hæc ergo Euangelicæ huius lectionis summa *Psalm. 119.* est, vt si velimus huius mundi peracta fabula, etiam æternum satiari, Euangelizantem Christum in hoc deserto audiamus. Est autem confirmatio fidei nostræ, vt hoc miraculo admoniti, Christum velle & posse nostram egestatem subleuare ac æternum beare credamus. Est & argumentum spei nostræ, vt ab illo solo, quæ necessaria nobis sunt, spe expectemus. Tum charitatis nos admonet, vt qui omnia à Deo speramus, hoc solum quod possumus, proximo præstemus. Postremo & hoc docet, quid sine Deo largiente possimus, ac valeamus. His quatuor partibus sermo hic noster concludetur. Et quid in his omnibus, quod siue fidem siue vitam nostram inspexeris, non est scitu, vehementer necessarium? Vtinam ergo tanta cupiditate, sola hac horula, in Dei verbum attenderemus, qua turbæ illæ, non horam aut diem vnā, sed tres continuos dies, omnium domesticarum rerum obliti, Christum prædicantem sustinuerunt. Iterum inquit Euangelista: turbæ multæ cum eo. Quod illius populi in verbum Dei ardor significatur. Necessè est enim, magno id factum fuisse desiderio audiendi, cum corporis ne quidem curam haberent, ac relictæ domo, corpore simul ac cogitatione à dicentis ore penderent.

Nec

- Isa. 2* Nec fortuito factum fuisset credendum est, quod prophetarum vaticinia longis ante temporibus futurum prædixerunt. Isaïas enim hæc inter cetera de Christo loquitur: Et fluent ad eum omnes gentes, & ibunt populi multi, & dicent: Venite ascendamus ad montem Domini & ad domum Dei Iacob, & docebit nos vias suas, & ambulabimus in semitis eius: quia de Sion exiuit lex, & verbum Domini de Hierusalem.
- Mar. 3*
- Ioan. 17* Nec mirum si tanta cupiditate audierunt eum, qui non Pharisæico modo, sed sicut auctoritatem habens docebat. Hinc est quod Iudæi de ipso criminabantur, quod docendo commoueret populum, Et David olim id futurum prædixerat,
- Psal. 44* ubi Christum his verbis alloquitur, dicens: Speciosus forma præ filiis hominum. Diffusa est gratia in labiis tuis, eo quod tibi benedixit Deus in æternum. Et quod alibi: Eloquia Domini eloquia casta, argentum igne examinatum, probatum terræ, purgatum septuplum. Et de seipso idem propheta: Quam dulcia faucibus meis eloquia tua, super mel ori meo? Hanc igitur populi auiditatem ipse Christus in psalms collaudans ait: Populus quem non cognoui, seruiuit mihi, in auditu auis, obediunt mihi. Contra verò de peruersis dicitur: Cum loquebar eis, impugnabant me gratis.
- Hebr. 3* Exacerbatis enim cordibus ac dura ceruice audierunt vocem Domini, non aliter atque illorum patres, in deserto tentauerunt Dominum. His ergo aspernantibus oblatam vltro gratiam, obediens receperunt, quos oues suas Christus dixit, qui vt vitam haberent huius temporis sufficientem & futuri seculi superabundantem, alibi in hunc mundum se venisse testatur. Hic ille populus cuius miseretur Dominus: & verè beatus populus, cuius Dominus Deus eius. Cur eum non dicam beatum populum, cui Dominus præsens tot beneficia præstitit? Verbo suo animas eorum ad vitam æternam conseruauit, & negante natura, Dominus naturæ auxilium suum miraculose augmentatis panibus, esurientium corpora ab inedia tueretur ac faciat. Quod autem maius argumentum vel potentiz vel voluntatis suæ potuisset dare? Nam vt homo miseretur & vt Deus cibet eos quorum miseratus est. Debet ergo hoc ipso facto imbecillior nostra fides augeri & confirmari quod Christus verè sit Deus atque hominis filius, tum etiam eundem nostrum esse Deum, ac nostri causa patri assidere à dextris in humana, hoc est, nostra sub-
- stantia

stantia. Id quod constanter contra Iudæos, Gentes, atque omnes hæreticos ipsamque adeo rationem nostram cum Paulo prædicamus: Nempe Christum crucifixum Iudæis quidem scandalum, ac Gentibus stultitiam, nobis verò, hoc est, credentibus Dei virtutem ac sapientiam esse. Invidi olim etiam Iudæi cum relicto Aegypto Palestinam repeterent huius virtutis ac sapientiæ Dei experimenta petentes, nefando ore contemptus multis ac magnis miraculis, quæ Deus effecerat, in hæc verba contra Deum eruperunt: nunquid Deus poterit parare mensam in deserto? quoniam percussit petram & fluxerunt aquæ, & torrentes inundaverunt: nunquid & panem poterit dare, aut parare mensam populo suo? Quid autem ait scriptura? Tentaverunt Deum in cordibus suis, & malè locuti sunt de Deo. Ecce parare mensam in deserto ac dare panem, Iudæi diuinitatis argumentum noverant. Quod si dubitas verè Christum Deum esse, hoc lege quod Euangelium attestatur miraculum, ut tandem repudiato errore omnipotentem confitearis, ac infidelitatis omnem effugies damnationem. An non hoc est populo suo parare mensam in deserto, septem panibus paucisque pisciculis, quatuor milia hominum in deserto satiare, atque eò quod reliquum mansit, septem sportas implere? Ut quid igitur generatio mala atque adultera signum querit? Quod si dubitas eundem tuum esse Deum, vide commiserationem, vide in succurrendo studium, vide omnia examinantis sollicitudinem. Misereor super turbam ait: Iam triduo sustinent me. Non habent quod manducent, si dimisero ieiunos, deficient in via. Quidam enim de longè venerunt. An fortè quod fecit ac dixit, illius populi tantum causa, tam accuratè scriptum esse, arbitrabitur? Minimè. Ad nostram potius hæc eruditionem scripta sunt. Quod si dubitas nostram quoque hic rem agi, quid in Matthæo scriptum sit, ac quis verus huius miraculi usus sit, tecum rumina. Illic cauendum Christus à Phariseorum & Saduceorum fermento præmonet, ac discipulis de corporali cibo cogitantibus: Quid (inquit) inter vos modicæ fidei cogitatis: quia panes non habetis? Nondum intelligitis, neque recordamini, quinque panum & quinque milium hominum? Neque septem panum & quatuor milium hominum, & quot sportas sumpstis? Ecce igitur hunc verum esse usum miraculi huius, ut & nostrum Deum

1. Cor. 1

Psal. 77

Ioan. 2. 6

Mat. 12.

& 16.

1. Cor. 10

Mat. 16

Ioan. 6

Luc. 9

Marc. 8

Isa. 25

Ibidem.

Deum esse ac nostri cura affici, eum simili modo nostram quoque, ubi opus fuerit, egestatem posse ac velle propellere. Proinde rectè olim Moses de Deo dixit: Iste Deus meus, & glorificabo eum, Deus patris mei, & exaltabo illum. Rectè etiam Isaias: Domine Deus meus es tu, exaltabo te, confitebor nomini tuo: quoniam fecisti mirabilia, cogitationes antiquas fideles, amen. Et quia & nostrum est tale quid dicere, qui eiusdem Dei munificentia viuimus, consequenter de postremis temporibus Propheta ait: Et dicent in illa die: Ecce Deus noster iste, expectauimus eum, & saluabit nos. Iste Dominus, sustinuius eum. Valeat ergo, quicquid contra Christi potentiam pugnat, siue nostra ratio, siue inuida insensibilis hostis tentatio. Idem enim etiamnum atque pater operatur. Quod si hanc operationem non intelligimus, nostra cæcitas in culpa est, qui suscipientes quidem ex liberalitate Domini, quæcunque nobis ad tuendam & conseruandam vitam sunt necessaria, nec semel quidem, vnde isthæc veniant leuatis oculis consideramus: porcorum more qui glandibus quidem vescuntur, subtus arborem, vnde tamen illæ decidant ramos nunquam suspiciunt. Quanquam & hoc ipso porcis peiores nos, qui ad cogitandam diuinam in cælo prouidentia ac liberalitatem ipsa quoque corporis statura admonemur. Atque vtinam nemo esset, qui terræ fructus (vnde nobis alimentum & indumentum est) Fato aut necessitati potius quam Deo ascriberet. Quod si omnes ex æquo illam diuinæ potestatis ac voluntatis firmatam fidem haberemus, fieri non posset, quin ardentiori spe ab illo solo, quæ necessaria nobis, expeteremus. Quo sanè & minor fraus, & minus in colligendis rebus deprehenderetur studium. Quid est autem quod Christus in tanta turba se medium præbet, omnes abundanter faciat, nisi vt nos spem nostram atque fiduciam in eum colloceamus, adhortatio quædam? Ac si ipso facto diceret: Ego qui Dominus naturæ sum, deficiente natura, non hanc turbam solùm, verum etiam totum mundum nutrire ac conseruare potis sum. Ecce septem panibus, ac paucis admodum pisciculis hanc totam multitudinem mea accedente benedictione saturavi, & ad quid mihi septem sportæ fragmentorum plenæ, nisi iisdem etiam multiplicatis in me credentes meque sequentes exatiam? Et hic verus tandem & secundus huius miraculi vsus est: Vt quod posse ac velle Deum credimus, nobis

posse

posse ac velle cogitemus. Vtique enim Christus non rogatus hoc præstitit, quid faciet rogatus? Et ne quid fallacis dubitationis animos nostros subeat, an hoc ipsum velit Deus *Ioan. 14* quod præstitit Christus: ipse in Ioanne, se in nullo à patris natura differre demonstrat. Ait enim, Qui videt me, videt & *Hebr. x* patrem meum. Et iterum: Ego & pater vnum sumus. Et ego in patre & pater in me est. Hinc est quod Paulus eum imaginem patris ac figuram substantiæ eius nuncupat. Si ergo imago Christus beneficus est, vt certè se esse euidenter demonstrat, quid nisi & munificum patrem nos credere decet? Atque in hoc pater eum mediatorem & reconciliatorem inter se ac nos constituit, ipsique omne iudicium dedit vt in ipso, tanquam mundi omnisque mali victore, spem firmam collocemus. Hac spe Dauid olim firmatus confidenter dixit: Dominus illuminatio mea & salus mea quem timebo? *Psal. 26* Dominus protector vitæ meæ, à quo trepidabo? si consistunt aduersum me castra non timebit cor meum. Quo certè exemplo monet, vt quod fides nostra de Deo nobis credendum persuadet, id de ipso speremus. Hac ratione cum omnes cogitationes nostras, ac sollicitudines in ipsum reponere scripturæ autoritate admonemur, certè in nullo alio eorum, quæ vel in cælo, vel in terra sunt, spem nostram collocare adhortamur. Nemo ergo in se ipso aut robusto, aut sciolo spem *Psal. 115* vllam ponat: mendax enim omnis homo est. Et qui hodie *1. Cor. 10* stat, potest cras cadere. Nec in sua iustitia confidat quisquam: inutiles enim serui sumus etiam si præcepta omnia expleuerimus: & nemo nouit vtrum amore, an odio dignus sit. *Luce 17* Deinde nec in vlllo homine sperandum est: cum omnis homo *Eccles. 9* vt fœnum & omnis gloria eius tanquam flos fœni. Et maledictus est omnis qui confidit in homine & ponit carnem brachium suum. Multo minus in diuitias aut potentiam humani vitæ quis speret? Incerta enim diuitiarum spes omnis est, nec proderunt quicquam in die ultionis. Tum potestas humani seculi fragilis, tanquam baculus arundineus, est. In Domino autem spes firma est, eoque sperandum in eo, nec quicquam in cælo aut in terra querendum est, præter eum. Iam verò post confirmatam fidem potentiz ac voluntatis Dei, post etiam spei augmentum, id admonemur, vt quemadmodum indigentibus nobis à Christo capite nostro, omnia desuere postulamus, ita etiam cæterorum membrorum ipsi *Prou. 11* *Exec. 29* *2. Reg. 12* *Psal. 51.* *Eccl. 72* curam

curam habeamus, eorūque (quantum in nobis est) necessitati subueniamus. Indignum est enim id negare proximo, quod potes: & à Deo sperare, quo eges. Hinc Christus cum multa nos faciendo docuit, nunquam tamen miracula facere in vniuersum mandauit, misericordes tamen esse, præcipit. Virtutum enim atque signorum edendorum munus peculiare donum Dei est. Sed & in nouissimo die multi venient dicentes: Domine nunquid in nomine tuo prophetauimus, nunquid etiam multa miracula fecimus? Qui ramen audient ignorari se. Propterea non dixit: meo exemplo mortuos resuscitate, & paucis panibus multa hominum milia exaciate, sed discite à me, quia mitis & humilis sum corde, exemplum dedi vobis vt quemadmodum ego feci, ita vos faciatis. Vidit tutbam, & misertus est eius. Hoc igitur exemplum primò pastores ac rectores Ecclesiarum imitmini, populi Christiani ærumnis afficiamini. Agnoscite vocationem vestram, & quàm omnium in vos oculi conuersi sint, maximè hac tempestate, expendite: gemitus ac desideria tot hominum exaudite: panem animarum piarum vitam, cuius vobis distributio commissa est, porrigite: à negligentia somno exurgite, tot animarum milia vestra iam dudum periisse socordia, pudeat: dissipatos recolligite: satanæ inuidia dispersos congregate: & ante omnia, quacunque potestis ratione, pro delegato vobis officio, vestra commissis fidei succurrite: ne formidabilis illa Dei sententia vos perstringat qua se pastor pastorum pereuntium incuria vestra, animarum sanguinem de manu custodum negligentium requisitum esse minatur, caute. Discite & principes quibus gladii ministerium commissum est, discite (inquam) misericordiam facere & iusticiam, vt boni in quiete ac pace viuant, malorum nequitiam stricto gladio repellite. Potestas vobis à Deo collata est, qui & scrutabitur opera vestra, & cogitationes vestras interrogabit. Cauete ne superueniat in vos vix illud, quod olim opulentibus in Sion, ac in Samariæ monte cōfidentibus, interminatum fuit à Domino: Vix (inquit) vobis qui dormitis in lectis eburneis, & lascitiuis in stratis vestris, qui comeditis agnum de grege, & vitulos de medio armenti, qui canitis ad vocē psalterij bibentes in Phialis vinum & optimo vnguento delibuci, & nihil compatiemini super contritionem Israël: Notum est illud Neronis:

Scis

Scis quibus ego egeam, & agamus ne cui quid supersit. Notus est & exitus ipsius funestus. Discite sacerdotes, Ecclesiarum ministri pereuntis populi lamentationibus commoueri. Recogitate quod sal terræ & lux mundi & ciuitas super montem ædificata, sitis. Solicite cauentes, ne in vos conueniat, quod olim de multis dictum est: Quia ut populus, ita & sacerdos est. Miseremini denique super turbam vos opulenti, oculos vestros à pauperibus nolite auertere, & ad clamorem pauperum aures vestras nolite obturare: ne & vos Dominum oreitis & non exaudiat. Discite postremum in genere credentes, alter alterius misereatur, alter alterius portate onera, & sic Christi legem adimplebitis. Omnes auaritiam fugite, & quod Apostoli paucos, quos in suos usus habebant panes: promptè in commune expenderunt, sedula mente cogitare. Non enim hoc miraculum solam fidem nostram confirmat & exigit, aut spem erigit, verumetiam charitatem præstandam esse admonet. Adhæc, quid nos ipsi, Deo non largiente, sumus ac valeamus, ob oculos ponit: nos enim ipsi hæc turba sumus hoc tantum excepto, quod dolor minor in nobis erga Christum eiusque verbum attentionis perseverantia cernitur. Primò enim lōgè à patria sumus. Quam diu enim in hoc corpore simus, peregrinamur à Domino. Deinde in magna solitudine versamur, in qua homines pauci, iumentorum verò insipientium plurima turba est, in qua etiam Diabolus ad impediendum semen bonum multam seminauit zizaniā. Et famem patimur in deserto, in deserto hoc ipso. Nunc huius, nunc illius rei necessariæ inopia laboramus. Ac deficiendum nobis est nisi Christus ex diuite suo thesauro tulerit suppetias. Nudi ingressi sumus hunc mundum, nudi relicturi sumus eundem, nec quicquid præter miseras, laborem, ac dolores hic expectamus. Et hæc egestas cum sit magna, multo tamen grauior est ea paupertas, quæ animam omnibus spiritualibus donis spoliāt, sic non solum nudi, verumetiam peccato grauati, omni gratia spoliati, filij iræ, in hunc mundum nascimur. Peccatum autem nos à Deo diuidit, & nisi Christus mox intercesserit, quod illud diutius in nobis hæret, eò altius radices agit, & longius à Deo segregat. Arque à cogitationibus prauis, à consensu in factum, à facto in consuetudinem, hinc in necessitatem, à necessitate in contemptum (ut Salomō testis est) à contemptu in desperationem, à desperatione in inferni

Mat. 5.

Isa. 24.

2. Cor. 9.

Matt. 13.

1. Tim. 6.

Eph. 2.

Isa. 55.

Psal. 118.

P bara

Luc. 23.

barathrum demergit, vbi tandem completur, quod in Psal-
mis scriptum est: Longè à peccatoribus salus. Noluit benedi-
ctionem & elongabitur ab eo. Id quod filius ille perditus ex-
pertus est, qui longè à patria positus in ediam atque omnia
mala sustinuit. Hæc cogitantes in qua calamitate versemur,
quibus periculis expositi simus, cū etiā, quam nulla præter-
quam in Christo, in mundo sit consolatio, meritò animos
nostros ad credendum Deo, illique supplicandum erigimus.
Sunt autem nonnulli, qui putant magna se iniuria affici: quòd
ea ipsorum conditio sit, vt misericordia Christi indigeant.
Nunc de Dei in se amore dubitant, dicentes: Si Deus adeo me
diligat, cur talem (hoc est) tam multis in hac vita rebus egen-
tem creauit, aut accedente fortuna nouerca fecit? Nunc me-
liora suæ iustitiæ deberi arbitrantur: non cogitantes, quod hi-
sce miseriis admoneamur solutionem corporis huius petere
ac cælestem patriam desiderare, cum etiam in magna neces-
sitate Christi auxiliū experti, maiore nos charitate in ipsum
accendi. Contra verò videas nonnullos tam desperatæ mentis,
qui, cum omnibus Christus omnia donet, se tamen indignos
iudicent, quibus Christus beneficia præstet: quasi verò vllus
homo sua iustitia Dei mereatur beneficia. Horum assidua
vox & querela est: Beneficium Deus priscis exhibuit tempo-
ribus, atque vtinam in illud beatum tempus incidissemus: nunc
quam enī nunc talia operatur. Horum vna vox est cum Iu-
dæis, qui & ipsi olim de suorum temporum calamitatibus
conquererentur, patres verò suos, quorum relatu magnalia
Dei didicerant, beatos planè prædicabant. Videtur enim, Da-
uid cum Iudæorum meminit, nostrorum quoque hominum
querelas reprehendisse. Nec facile inuenimus vllum tempus,
quo non hæc vox audita sit: Vtinam nati fuisset in diebus
antiquis. Sic Ieremias in lamentationibus suis quorundam
querelas expressit. Sic Isaïas aliorum nomine conqueritur,
quòd patribus quidem multa atque ingentia præstiterit bene-
ficia Deus, verum nunc se contineat, non Zelum, non fortitu-
dinem, non multitudinem viscerum suorum suorum & mise-
rationum ostendat. Simili modo etiam Psalmista noster alio-
rum querelas describit: Vbi sunt Domine misericordiæ tuæ
antiquæ, quibus iurasti David in veritate tuā? Sed non tempus
in causa est, multo que minus Deus: Pater vsque modo opera-
tur, inquit Christus, & ego operor, nos ipsi potius in culpa su-
mus

mus, & facimus nostris peruersitatibus vt Deus, cum demeritas pœnas infligit, à nobis videatur auersus. Hinc sunt pestilentie, bella, & fames. Verùm si temporum nostrorum calamitatem noua aliqua benedictione resarcire volumus, cur non, quod Deum ad iracundiam iustam deuocauit, à nobis deponimus? planè idem Deus est qui olim, idem pater est, eadèque illi potestas & voluntas est: hoc tantum desideratur, vt nos tales simus quibus rectè Deus misereri possit. Vt ille fecit omnia, sic & miseretur omnium, Vt Dauid in quibusdam Psalmis se Dei beneficia conseruare gloriatur. Et ne quis dicat Dauid similibus cōuenire solum beneficia Christi, alibi, quod eadem munificentia abiectissimis quibusdam animantibus maneat, testis est. Alleuat Dominus omnes qui corruunt, & erigit omnes elisos. Omniū oculi in te sperant Domine, & tu das escam illis in tēpore opportuno. Aperis tu manum tuam, & imple omne animal benedictione. Hic aperit cælum, & nubibus parat terræ pluuiam, qui producit in montibus scœnum & herbam, seruituti hominū, qui dat iumētis escam ipsorum & pullis, coruorum inuocantibus eum. Si coruorum pullis ac iumētis escam dat, eamque in tempore opportuno subministrat eis, quos hominū causa creauit, quanto magis homini, quem ad imaginem suam formauit, omnia necessaria largietur? Propterea ipse dixit: Misereor non super Apostolos iam, sed super turbam. At turba non vnus sensus homines, aut sanctos planè habet omnes, quosdam enim fides ac charitas Christum sequi impulit. Id quod Lucas de quibusdam mulieribus testatur. Alios audiendi cupiditas in desertum eduxit, vt Nicodemum & publicanos. Alij sequebantur quod facilem sine labore cibum peterent, quemadmodum quibusdam dixit: Vos ad me venistis non quia signa vidistis, sed quia de panibus meis manducaastis. Quidam etiam curiosi ipsum sequebātur, vt tantum audirent, & viderent inusitatum quid. Vt in Ioanne scriptum legimus, Gentes quasdam venisse videre eum, de quo, tam multa audiuisent. Sic & Herodes videndi eum cupidus fuit. Postremò etiam inuidi quidam eum sequebantur, vt carperent & ad Magistratus deferrent. Quanquam autem tanta ipsorum diuersitas erat, non tamen seiungit aut secreuit eos, sed in genere dicit: Misereor super turbam. Hoc tamē in scripturis legimus, quod paucorum bonorum gratia, malis plurimis sæpe pepercerit, vt in Genesi scriptum est. Hinc reor & hic

Sapient. 11.

Psal. 22.

& 138.

Psal. 144

& 145.

Psal. 146

Luc. 8.

Ioan. 3.

Luc. 23.

Ioan. 8.

Ioan. 2.

Luc. 23.

Ioan. 8.

Gen. 38.

scriptum esse: quia iam triduo sustinent me. Cum enim omnium miseretur, peculiari tamen quodammodo misericordia eius, timentes respicit, id quod virgo mater spiritus sancto facta cecinit: Misericordia eius inquit, à progenie in progenies timentibus eum. Non ait quibuslibet, sed timentibus eum. Et Dauid cum munificentiam Dei etiam in iumenta ac coruos prædicasset, addidit, inuocantibus eum. Non in fortitudine, inquit, equi voluntatem habebit, nec in tibiis viri beneplacitum erit ei. Beneplacitum est Domino super timentes eum, & in eis qui sperant super misericordia eius. Quanquam igitur nihil habemus, quod Deo pro suæ misericordiæ operibus retribuamus: timentium se tamen ac inuocantium votis afficitur ut occasione præstet nobis, quod natura bonus facere consuevit. Hinc Paulus in hodierna nos epistola monet præcedentis vitæ, quæ impietate plena fuit, ac proposita sanctificatione, quæ renatos decet, comparatione facta, pristinae conuersationis finem ignominiam: Iustitiæ verò seruitutem, fructum habere in sanctificationem, finem verò vitam æternam, dixit. Quo certè voluit Apostolus, ut abnegata impietate in qua nunc erubescimus, & pro fructu vero ignominiam habemus, tales nos in iustitiæ seruitute illi exhibeamus, ut rectè in nos misericordiam suam collocet, hoc est, quam diu in huius vitæ solitudine reptamus, noxiis cunctis submotis animæ atque corporis nutrimenta, & peracta huius vitæ fabula, vitam, quæ nullis alimentis eget, sed ex sola diuinitatis gloria saturitatem habet, largiatur. Et hoc est quod Ecclesia precatur hodie, Deus, inquit, cuius prouidentia in sui dispositione non fallitur: Te supplices exoramus, ut noxia cuncta submoueas, & omnia nobis profutura concedas. Qua certè precatione non hoc solum petit, ut nihil corpori noceat, omnia autem necessaria habeat, verum etiam ac multo magis, ut ipse gratiam præstare dignetur, quo peccatum quod animam occidit euitemus omne, & ipsius desiderio in feruenti spiritu, qui vitæ principium ac conseruator est perseueremus. Et hic quidem cū Euangelij huius sensus est, habet tamen præter hanc allegoriam non insuauem: cum hoc etiam nunc quotidie agat vniuersorum Dominus, quod quondam hoc miraculo semel atque iterum præfigurauit. Ipse est qui non solum corpus, verum etiam animam nutrit. Neque enim in solo pane viuit homo, sed in omni verbo, quod procedit de ore Dei. Habet ergo septem verbi & sacramento

mentorum, panes, quos Apostolis suis distribuendos in huius solitudinis homines, tradidit vobis, inquit, datum est nosse mysteria regni Dei, & vos non dico seruos sed amicos, quia quodcunque audiui à patre meo notum feci vobis. Et iterum: Dedi eis verba tua. Sed ad quid dedit? Nempè vt in commune expenderent: Sicut misit me pater & ego mitto vos: Quorum remiseritis peccata remittuntur eis. Et iterum: Ego elegi vos, vt eatis & fructum afferatis. & fructus vester maneat. Et: vos eritis mihi testes in Ierusalem in Iudæa, & vsque ad vltimum terræ. Hoc ergo munus delegauit, quando conuocatis super omnem spiritum immundum potestatem dedit. Deinde cum ascendens, in vniuersum orbem prædicandum emitteret. Postremò cum per spiritum sanctum diceret: Segrega mihi Paulum & Barnabam in opus in quod assumpsi eos. Quid autem commouit Christum, nempè quod Matthæus scripsit, cum ait: Videns Iesus turbas misertus est eis, quia erant vexatæ & iacentes, sicut oues non habentes pastorem. Quomodo autem Apostoli distribuerunt hos panes? Eo nempè quem Marcus indicat: Illi, inquit, profecti prædicauerunt vbique. Et stans Petrus cum vndecim leuauit vocem suam & locutus est cum eis. De qua re proximè futura Dominica, vbi de falsis prophetis disserendum est, plura dicemus. Gratia Dei nobiscum.

Ioan. 15.

Ioan. 20.

Idem 15.

Acto 2.

Mat. 10.

Marc. 16

Act. 13.

Matt. 9.

Mar. 16.

Act. 2.

DOMINICA NONA POST PENTE-

COSTEN EVANGE-

LIUM, MATTH.

VII.

Attendite à falsis prophetis, qui veniunt ad vos in vestimentis ouium, intrinsecus autem sunt lupi rapaces. A fructibus eorū cognoscetis eos. Nunquid colligunt de spinis uvas, aut de tribulis ficus? Sic omnis arbor bona, fructus bonos facit: mala autem arbor, malos fructus facit. Non potest autem arbor bona, malos fructus facere, neque ar-

P 3 bor

bor mala bonos fructus facere. Omnis arbor, quæ non facit fructum bonum, excidetur, & in ignem mittetur. Igitur ex fructibus eorum cognoscetis eos. Non omnis qui dicit mihi: Domine, Domine intrabit in regnum cælorum, sed qui facit voluntatem patris mei qui in cælis est, ipse intrabit in regnum cælorum.

E ADEM DOMINICA EPI-
stola Rom. VIII.

ERgo fratres debitores sumus: non carni, ut secundum carnem viuamus. Si enim secundum carnem vixeritis, moriemini: si autem spiritu facta carnis mortificaueritis, uiuetis. Quicūq; enim spiritu Dei agitur, is sunt filij Dei. Non enim accepistis spiritum seruitutis iterum in timore: sed accepistis spiritum adoptionis filiorum Dei, in quo clamamus: Abba pater. Ipse enim spiritus testimonium reddit spiritui nostro, quod sumus filij Dei. Si autem filij & heredes, heredes quidem Dei, cohæredes autem Christi: sit amen compatiamur, ut & glorificemur.

S E R M O.

Ecc. 6
Ecc. 23



CVM hanc Euangelicam lectionem mecum perpendo, & quæ ipsius intentio sit diligentius examinare studeo, rectè dixisse Salomonem intelligo, Beatum esse, cui verus obtigerit amicus, eò quòd amicus fidelis protectio si fortis, nullaq; eius comparatio sit, nec digna ponderatio auri & argenti contra bonitatem fidei illius. Quod ipsum etiam seculi huius filij, quasi in prouerbiū induxerunt, cum vnum Deus, plures verò amicos habendos esse dixerunt. Cum enim nemo tam potens aut sapiens in hoc mundo sit, qui non aliquando amici præsidio tutior esse possit, non potest non esse fœlix occursum boni amici. Contraverò, infœlix ille homo est cui fidus amicus nullus est. Si enim omnibus fidelis amicus necessarius

sarius, certe qui re necessaria caret, scilicet esse non potest: Quod
 si Christus fidelem se amicum praestitit, utique eò gravior no-
 bis erit, quo pauciores amici in hoc seculo inveniuntur. At
 certe nihil Christus praetermisit eorum, quae veri amici sunt
 officia. Praeterea enim quod praesens veritatem patefecit, viâ
 salutis indicauit, consolationibus mentes nostras erexit, pro-
 missionibus latificauit, mandatis instruxit, exemplis traxit:
 tandem etiam ne absente se aliquid obesset, à periculis præ-
 monuit etiam futuris. Quorum postremum cum presenti le-
 ctione clarè demonstratur, vehementer dolendum est, tot mo-
 dis hæc verba in peregrinum sensum reflecti. Sic enim genui-
 na eius interpretatio in varios errores distrahitur, ut non so-
 lum ad agnoscendum Christi amicitiam non accedamur, ve-
 rum etiam ad fouenda inimicitia erga proximos initia con-
 citemur. Vnde heu nimium verè in nos competit, quod quon-
 dam per Isaiam prophetam querula voce dictum est: In va- *Isaie 42*
 cuum laboraui, sine causa, & vanè fortitudinem meam con-
 sumpsi. Laborauit Christus ut nos futura pericula eui-
 taremus. Quid autem nobis beatius esse posset, si eo ani-
 mo hoc Euangelium intelligeremus, quo Christus intelligen-
 dum esse voluit? Sed fidelis amici officium, hoc est, Christi no-
 stro bono seruiencia verba, veterum exemplo contempto, non
 nisi deprauatè suscipimus. Tanta naturæ peruersitas est, ut non
 solum increpationem, verum etiam lenem admonitionem
 non patiamur. Hoc ipsum Paulus suo tempore conquereba-
 tur cum ait: Ergo inimicus factus sum vobis verum dicens *Galat. 4*
 vobis? Idè Ieremias: Factus sum in derisum, tota die.
 Omnes subannant me, ex quo vociferans loquor iniquita- *Iere. 20*
 tem, & vastitatem clamito. Hanc igitur peruersitatem nostrâ *Ioan. 7.*
 Christus corripit quum propterea odio haberi se à mundo te-
 statur, quod testimonium de eo reddat, & ipsius opera mala
 sint. Quis autem quasi indignum quid, hanc peruersitatem
 non desiebit, cum hoc Euangelium ad subuersionem vnani-
 mitatis, contra ad concitandos hominum animos, maximo
 Christianæ religionis malo, interpretari audeat? Id quod fit cū
 quisque hoc solum in eo quaerit, ut aduersam partem in odium
 suorum auditorum pertrahat: cum maledictis & ludibris
 pro digna Euangelio consolatione audientium aures implen-
 tur & animi. Dicit Catholicus religionis antiquitate super-
 cilium dicens: ecce nouæ religionis assertorem bellum, ecce

ecce lupum agnorum vellere rectum: Dicit nouæ religionis
 assertor: Ecce Phariseum, ecce arborem malam. Quam verò
 præstaret, trabem in suo quisque videret oculo, & ad ædifi-
 cationem, non autem destructionem, suo quisque sibi concre-
 dito dignè præesse studeret officio? Quid enim facitis o ver-
 bi prædicatores Euangelici? nescitis cuius spiritus sitis? an igno-
 ratis cuius vices geritis? Dei ne gloriam, an quæ vestra sunt
 queritis? An verò excidit, quod non sit calumniari ac con-
 demnare idem, quod est Euangelizare? Aedificare, exhortari
 ac consolari, veri prophetæ sunt officia. Sed inquis dum præ-
 dico Christum ædificationis fundamenta pono, audio & pro-
 bo, sed nunquid fundamenta posuisse Euangelico prophe-
 tæ fatis est: aut solum fundamentum meretur nomen ædifi-
 cij? nunquid & paries requiritur & rectum & ornatus? Aut
 hoc Christum prædicare arbitraris esse, quod est alios conui-
 tiari, & alienum seruum, qui Domino suo stat & cadit, con-
 demnare? Sed præter consuetudinem longior hac parte sum,
 propterea missa hæc facio, illos ut ad meliorem mentem re-
 deant monens. Vos autem, ut huic lectioni præsentibus ani-
 mis adstis, cohortor. Omnino enim hic attentione opus est.
 Si usquam alibi hic certè maximè locum habet, quod quon-
 dam per Ieremiam prophetam Dominus dixit: State (in-
 quit) super vias & videte, & interrogate de semitis anti-
 quis, quæ sit via bona, & ambulate in ea, & inuenietis refri-
 gerium animabus vestris. Propterea & nos relicto calum-
 niandi affectu eorum sequemur interpretationem, qui ab
 omni olim cum maioris, tum iræ cupiditate fuerunt alienis-
 simi. Duo autem in hoc Euangelio præcipua docet Chri-
 stus. Principiò, ut in vera Euangelij doctrina perstan-
 tes maneamus, ne in illo deuiemus, etiam angelo nobis de
 cælo altud prædicante, ut Paulus ait: Ut quæ tanquam infe-
 ustum abominemur quicquid Euangelicæ doctrinæ contra-
 rium, aut ab ea diuersum est. Secundò ut susceptam do-
 ctrinam non verbis tantum iactitemus, sed magis opere
 compleamus. Ac primum lupi rapaces ad ouium vestimen-
 ta referenda sunt, secundò verò bonæ malæque arboris s-
 militudo seruit. Primum docet, Euangelium Christi ac
 doctrinam suscipere ac conseruare. Secundum verò, do-
 ctrinæ usum indicat, utrobique præfens animus requiri-
 tur. Inter ea autem, quæ vel nos à doctrina Christi auo-
 cant

1. Cor. 44

1. Cor. 14

Iere. 6

Galat. 1

eant, vel etiam in nobis sterilem facient, præcipuum est, quòd
 nonnullorum pseudoprophetarum malitia falsari eam non
 ignoramus. Vnde cum multi prædicatores sunt (idque ne-
 cessario) non autem omnium vnum idemque verbum est:
 quis omnium doctrinæ veritatem habeat, cui nos, nostrasq;
 animas tutò committere possimus dubitamus. Quod vn-
 de sit, colligere non magno labore possumus: Diabolus enim
 salutis nostræ inimicus, nunquam quiescit, semper circuit,
 quærens quem deuoret, vtiq; solam nostræ fidei doctri-
 nam veram esse, quæ & in hac vita securè nos ducit, ac in
 æternam illam beatitudinem (nullo impedimento ex nobis
 obstante) perducit, non ignorat. Laborat igitur eò stu-
 diosius, quo maius incommodum nobis suo studio infer-
 re, longo iam vsu didicit. Neque nouum, vel iam, vel
 Christi temporibus hoc Satanæ studium animaduersum est,
 iam inde ab origine mundi, vt Dei hostis semper fuit, ita
 Dei verbo falsis quibusdam persuasionibus detrahare, nun-
 quam desistit. Nam cum primùm Deus in paradyso loque-
 retur homini, mox sese inimicus præsentem obtulit, mulie-
 rem circumuenit, eoque permouit, vt dubitare inciperet, ita
 ne res haberet, quemadmodum Deum loquentem audiuisset
 an verò secus. Sic Moyses temporibus Aegyptij Pharaonis
 oculos, magorum suorum incantationibus, contra Mo-
 sen excaecauit. Sic in deserto absente Mose, Dei populo doctri-
 nam cælestem eripuit, suiq; cultum, erecto aureo vitulo, in-
 stituit. Sic Balaam utebatur ad subuersionem veræ doctrinæ,
 præstigiator diabolus. Sic Heliz, Isaiz, Ieremiz, aliorumq;
 Prophetarum temporibus, iam adulterare doctrinam, iam e
 medio penitus tollere studuit. Et quid in nouo testamento
 eam ob causam tentare ausus non fuit? tot ferè aut plures
 etiam malæ de doctrina vera sectæ exurrexerunt, quot huius
 capita sunt. Scuit etiamnum audacter & strenuè, & quos sæ-
 uicia subuerrere non potest, labefactat fraudulentia. Et tan-
 tum certè per omnia secula permouit, vt deficientium à vera
 doctrina numerus semper fuerit præstantium maior. Quale
 autem malum hoc sit nemo dicere sufficit. Prima enim ipsius
 scilicet nostro malo iacta alea, cum Euam falsa persuasionem
 seduxisset, quam labem toto humano generi inuulserit, satis
 notum est. Ac timendum est simili persuadendi arte etiam
 nunc eum, vti, cum nequaquam Deum Euangelicam legem

- tulisse multis persuasit, vt ei obediamus, sed tantum vt per eam peccata nostra agnoscamus. Quid vero si multos hac ratione in errorem inducat, cum Dauid singularis quidam Dei seruus, contrario modo in magnam solitudinem inductus fuit, vt tandem non nisi nouo affulgente diuinę opis splendore, resumptis viribus diaboli Prophetis resisteret, dicens: In domino confido, quomodo dicitis animam meam, transmigra in montem sicut passer? Et mox: Ecce peccatores extendunt arcum, & parauerunt sagittas suas in pharetra, vt sagittent in obscuro rectos corde. Quod si in his verbis arcus intelligas linguas: per sagittas, pseudoprophetarum verba: & obscurum, fraudulentiam: videbis non incommodę Prophetam totum pseudoprophetarum negocium paucis verbis insinuassee. Quam verò misera eorum conditio sit, qui non attendentes à falsis prophetis seducuntur quibus vera Euangelij doctrina erepta est, Pharaonis exemplum demonstrat, qui in tam profundum dementię pelagus submersus fuit vt nullo Moylis vel verbo vel facto ad resipiscenciam ac fidem conuerti potuerit. Simili modo pseudoprophetarum malicia seductus fuit Achab, vt Michęam rectę monentem ne quidem audire vellet. Sic per eiusdem farinae homines Israhēlem à templo Dei auersum, ad vitulorum cultum conuertit vt Ieremiam penitentię præconem manibus pedibusq; auersarentur, & (quod omni insania maius est) desideratum diu Messiam crucifigerent. Per similes pseudoprophetas diabolus apud Galatas Paulinam, hoc est, veram doctrinam ita falsauerat, vt ferē in obliuionem ducta, quam imbibebant, doctrina, hac lamentatione, alloqui eos Paulus necesse haberet: O (inquit) insensati Galatz, qui vos fascinauit, non opedire veritati, ante quorum oculos Iesus Christus proscriptus est, & in vobis crucifixus? Et iterum: Currebatis benē, quis vos impediui veritati non obedire? Qui autem vos conturbat, iudicium, quicumque ille est, portabit. Ne autem quis arbitretur, hanc illorum temporum solum fuisse calamitatem propriam, nosque ab ea securos viuere, nec huius Euangelij præmonitione necesse habere: Ecce Apostolica doctrina ad nos quoque hanc admonitionem Christi pertinere attestatur. Hinc est quod Paulus magna autoritate Ecclesię Episcopos omnes, dicit: Attendite vobis, & vniuerso gregi, in quo vos spiritus sanctus posuit Episcopos, regere
- Eccle

Psal. 16

1. Reg. 17

Exod. 9

3. Reg. 22

2. Reg. 13

Hier. 28

Mat. 27

Gal. 3. et 5

Act. 20.

Ecclesiam Dei, quam acquisiuit sanguine suo. Ego scio, quoniam post discessionem meam intrabunt lupi rapaces in vos, non parcentes gregi, & ex vobis ipsis exurgent viri loquentes peruersa, vt abducant discipulos post se. Vide quàm Paulus cum hoc Euangelio conueniat. Et ne quis existimet. Paulum hic loqui de iis, qui ipsum mox secuti sunt pseudo-prophetæ: Petrus Apostolus, quasi Pauli verba exponens, *1. Pet. 3* ait: Hoc scientes primum, quod venient in nouissimis diebus in deceptione illusores iuxta proprias concupiscentias ambulantes. Quin etiam ipse Paulus alibi, quod post discessionem suam dixit, exposuit ad Timotheum scribens, sic ait: Hoc autem scito, quia in nouissimis diebus instabunt tempora periculosa, & erunt homines seipsum amantes, incontinentes, proditores voluptatum amatores magis quàm Dei, habentes speciem quidem pietatis, virtutem autem eius abnegantes, qui ad exemplum Ioannis & Mambres resistentium Moyfi, ipsi quoque resistent veritati. Sed fortè dicet *Exod. 7* aliquis: Quis Paulum futurorum præscium fecit. Vnde illi quid in nouissimis temporibus futurum erat scientia esse potuit? His ergo ipse respondet, Spiritus (inquit) manifestè dicit, *1. Tim. 4* quia in nouissimis temporibus discedent quidam à fide, attendentes spiritibus erroris, & doctrinis dæmoniorum in hypocrisi, loquentium mendacium: & quæ sequuntur. Quod *Ioan. 14* autem spiritus dicit, vtique indubitatè verum est. Est enim officium eius futura annunciare, vnde spiritus veritatis dicitur *1. Corinth. 15. Num. 12. Osee 12.* Iam verò periculosa res sit necesse est, quam præcauere tot scripturarum locis admonemur. Magnum periculum subesse oportet, cuius tot dehortatores existunt. Quid autem in omni eorum natura calamitosius ac periculosius esse potest, quàm à veritate deficere ad errorem, à salute ad perditionem, à Deo denique ad diabolum? Quod certè fit, quando vera Euangelij doctrina, quacunque ratione neglecta, deuiatur. Et si non in Satanæ cultum omnino descenditur, de Deo tamen aut nihil, aut certè veritati contrarium creditur. In diaboli autem regno, quod nec veritas, nec fides subit, mors datur stipendium. A morte igitur præcauenda hic Christus præmonet, cum vt à falsis prophetis attendamus, hortatur. Quod autem maius esse potest amici officium, quàm mortis causas tollere, vt diu-
turniori

curam habeamus, eorūque (quantum in nobis est) necessitati subueniamus. Indignum est enim id negare proximo, quod potes: & à Deo sperare, quo eges. Hinc Christus cum multa nos faciendo docuit, nunquam tamen miracula facere in vniuersum mandauit, misericordes tamen esse, præcipit. Virtutum enim atque signorum edendorum munus peculiare donum Dei est. Sed & in nouissimo die multi venient dicentes: Domine nunquid in nomine tuo prophetauimus, nunquid etiam multa miracula fecimus? Qui tamen audient ignorari se. Propterea non dixit: meo exemplo mortuos resuscitate, & paucis panibus multa hominum milia exaciate, sed discite à me, quia mitis & humilis sum corde, exemplum dedi vobis vt quemadmodum ego feci, ita vos faciatis. Vidit turbam, & misertus est eius. Hoc igitur exemplum primò pastores ac rectores Ecclesiarum imitmini, populi Christiani ærumnis afficiamini. Agnoscite vocationem vestram, & quàm omnium in vos oculi conuersi sint, maximè hac tempestate, expendite: gemitus ac desideria tot hominum exaudite: panem animarum piarum vitam, cuius vobis distributio commissa est, porrigite: à negligentia somno exurgite, tot animarum milia vestra iam dudum periisse socordia, pudeat: dissipatos recolligite: satanæ inuidia dispersos congregate: & ante omnia, quacunque potestis ratione, pro delegato vobis officio, vestra commissis fidei succurrite: ne formidabilis illa Dei sententia vos perstringat qua se pastor pastorum pereuntium incuria vestra, animarum sanguinem de manu custodum negligentium requisitum esse minatur, caute. Discite & principes quibus gladii ministerium commissum est, discite (inquam) misericordiam facere & iusticiam, vt boni in quiete ac pace viuant, malorum nequitiam stricto gladio repellite. Potestas vobis à Deo collata est, qui & scrutabitur opera vestra, & cogitationes vestras interrogabit. Cauete ne superueniat in vos vix illud, quod olim opulentibus in Sion, ac in Samariæ monte cōfidentibus, interminatum fuit à Domino: Vix (inquit) vobis qui dormitis in lectis eburneis, & lascitiuis in stratis vestris, qui comeditis agnum de grege, & vitulos de medio armenti, qui canitis ad vocē psalterij bibentes in Phialis vinum & optimo vnguento delibuti, & nihil compatiemini super contritionem Israël: Notum est illud Neronis:

Scis

Scis quibus ego egeam, & agamus ne cui quid supersit. Notus est & exitus ipsius funestus. Discite sacerdotes, Ecclesiarum ministri pereuntis populi lamentationibus commoueri. *Mat. 9.* Recogitate quod sal terræ & lux mundi & ciuitas super montem ædificata, sitis. Solicite cauentes, ne in vos conueniat, quod olim de multis dictum est: Quia ut populus, ita & sacerdos est. Misere mini denique super turbam vos opulenti, *Isa. 24.* oculos vestros à pauperibus nolite auertere, & ad clamorem pauperum aures vestras nolite obturare: ne & vos Dominum oretis & non exaudiat. Discite postremum in genere credentes, alter alterius misereatur, alter alterius portare onera, & sic Christi legem adimplebitis. Omnes auaritiam fugite, & quod Apostoli paucos, quos in suos usus habebant panes: promptè in commune expenderunt, sedula mente cogitare. Non enim hoc miraculum solam fidem nostram confirmat & exigit, aut spem erigit, verumetiam charitatem præstandam esse admonet. Adhæc, quid nos ipsi, Deo non largiente, sumus ac valeamus, ob oculos ponit: nos enim ipsi hæc turba sumus hoc tantum excepto, quod dolor minor in nobis erga Christum eiusque verbum attentionis perseverantia cernitur. Primò enim lōgè à patria sumus. Quam diu enim in hoc corpore simus, peregrinamur à Domino. Deinde in magna solitudine versamur, in qua homines pauci, iumentorum verò insipientium plurima turba est, in qua etiam Diabolus ad impediendum semen bonum multam seminauit zizaniam. Et famem patimur in deserto, in deserto hoc ipso. Nunc huius, nunc illius rei necessariæ inopia laboramus. Ac deficientum nobis est nisi Christus ex diuite suo thesauro tulerit suppetias. *1. Cor. 9.* Nudi ingressi sumus hunc mundum, nudi relicturi sumus eundem, nec quicquid præter misérias, laborem, ac dolores hic expectamus. Et hæc egestas cum sit magna, multo tamen *Eph. 2.* grauior est ea paupertas, quæ animam omnibus spiritualibus donis spoliât, sic non solum nudi, verumetiam peccato grauati, omni gratia spoliati, filij iræ, in hunc mundum nascimur. *Isa. 55.* Peccatum autem nos à Deo diuidit, & nisi Christus mox intercesserit, quod illud diutius in nobis hæret, eò altius radices agit, & longius à Deo segregat. Atque à cogitationibus prauis, à consensu in factum, à facto in consuetudinem, hinc in necessitatem, à necessitate in contemptum (ut Salomôn testis est) à contemptu in desperationem, à desperatione in inferni

Zac. 13.

harathrum demergit, ubi tandem completur, quod in Psal-
 mis scriptum est: Longè à peccatoribus salus. Noluit benedi-
 ctionem & elongabitur ab eo. Id quod filius ille perditus ex-
 pertus est, qui longè à patria positus in ediam atque omnia
 mala sustinuit. Hæc cogitantes in qua calamitate versemur,
 quibus periculis expositi simus, tū etiā, quam nulla præter-
 quam in Christo, in mundo sit consolatio, meritò animos
 nostros ad credendum Deo, illique supplicandum erigimus.
 Sunt autem nonnulli, qui putant magna se iniuria affici: quòd
 ea ipsorum conditio sit, ut misericordia Christi indigeant.
 Nunc de Dei in se amore dubitant, dicentes: Si Deus adeo me
 diligit, cur talem (hoc est) tam multis in hac vita rebus egen-
 tem creauit, aut accedente fortuna nouerca fecit? Nunc me-
 liora suæ iustitiæ deberi arbitrantur: non cogitantes, quod hi-
 scæ miseriis admoneamur solutionem corporis huius petere
 ac cælestem patriam desiderare, tum etiam in magna neces-
 sitate Christi auxiliū experti, maiore nos charitate in ipsum
 accendi. Contra verò videas nonnullos tam desperatæ mentis,
 qui, cum omnibus Christus omnia donet, se tamen indignos
 iudicent, quibus Christus beneficia præstet: quasi verò ullus
 homo sua iustitia Dei mereatur beneficia. Horum assidua
 vox & querela est: Beneficiū Deus priscis exhibuit tempo-
 ribus, atque vtinam in illud beatū tempus incidissemus: nus-
 quam enim nūc talia operatur. Horum vna vox est cum Iu-
 dæis, qui & ipsi olim de suorum temporum calamitatibus
 conquerebantur, patres verò suos, quorum relatu magnalia
 Dei didicerant, beatos planè prædicabant. Videtur enim, Da-
 uid cum Iudæorum meminit, nostrorum quoque hominum
 querelas reprehendisse. Nec facile inuenimus vllum tempus,
 quo non hæc vox audita sit: Vtinam nati fuisset in diebus
 antiquis. Sic Ieremias in lamentationibus suis quorundam
 querelas expressit. Sic Isaias aliorum nomine conqueritur,
 quòd patribus quidem multa atque ingentia præstiterit bene-
 ficia Deus, verum nunc se contineat, non Zelum, non fortitu-
 dinem, non multitudinem viscerum suorum suorum & mise-
 rationum ostendat. Simili modo etiam Psalmista noster alio-
 rum querelas describit: Vbi sunt Domine misericordiæ tuæ
 antiquæ, quibus iurasti David in veritate tua? Sed non tempus
 in causa est, multo que minus Deus: Pater vsque modo opera-
 tur, inquit Christus, & ego operor, nos ipsi potius in culpa su-
 mus

mus, & facimus nostris peruersitatibus vt Deus, cum demeritas pœnas infligit, à nobis videatur auersus. Hinc sunt pestilentiz, bella, & fames. Verùm si temporum nostrorum calamitatem noua aliqua benedictione refarcire volumus, cur non, quod Deum ad iracundiam iustam deuocauit, à nobis deponimus? planè idem Deus est qui olim, idem pater est, eadèmq; illi potestas & voluntas est: hoc tantum desideratur, vt nos tales simus quibus rectè Deus misereri possit. Vt ille fecit omnia, sic & miseretur omnium, Vt Dauid in quibusdam Psalmis se Dei beneficia conseruare gloriatur. Et ne quis dicat Dauid similibus cõuenire solùm beneficia Christi, alibi, quod eadem munificentia abiectissimis quibusdam animantibus maneat, testis est. Alleuat Dominus omnes qui corruunt, & erigit omnes elisos. Omniũ oculi in te sperant Domine, & tu das escam illis in tẽpore opportuno. Aperis tu manum tuam, & imple omne animal benedictione. Hic aperit cælum, & nubibus parat terræ pluuiam, qui producit in montibus fœnum & herbam, seruituti hominũ, qui dat iumētis escam ipsorum & pullis, coruorum inuocantibus eum. Si coruorum pullis ac iumētis escam dat, eamque in tempore opportuno subministrat eis, quos hominũ causa creauit, quanto magis homini, quem ad imaginem suam formauit, omnia necessaria largietur? Propterea ipse dixit: Misereor non super Apostolos iam, sed super turbam. At turba non vnus sensus homines, aut sanctos planè habet omnes, quosdam enim fides ac charitas Christum sequi impulit. Id quod Lucas de quibusdam mulieribus testatur. Alios audiendi cupiditas in desertum eduxit, vt Nicodemum & publicanos. Alij sequebantur quod facilem sine labore cibum peterent, quemadmodum quibusdam dixit: Vos ad me venistis non quia signa vidistis, sed quia de panibus meis manducaistis. Quidam etiam curiosi ipsum sequebãtur, vt tantum audirent, & viderent inusitatum quid. Vt in Ioanne scriptum legimus, Gentes quasdam venisse videre eum, de quo, tam multa audiuisent. Sic & Herodes videndi eum cupidus fuit. Postremò etiam inuidi quidam eum sequebantur, vt carperent & ad Magistratus deferrent. Quanquam autem tanta ipsorum diuersitas erat, non tamen seiungit aut secreuit eos, sed in genere dicit: Misereor super turbam. Hoc tamen in scripturis legimus, quòd paucorum bonorum gratia malis plurimis sæpe pepercerit, vt in Genesi scriptum est. Hinc reor & hic

Sapient. 11.

Psalm. 22.

& 138.

Psalm. 144

& 145.

Psalm. 146.

Luc. 8.

Ioan. 3.

Luc. 23.

Ioan. 8.

Ioan. 2.

Luc 23.

Ioan. 8.

Gen. 18.

Luc. 1.

Psal. 146.

Rom. 6.

Matt. 4.

Luc. 2.

scriptum esse: quia iam triduo sustinent me. Cum enim omnium miseretur, peculiari tamen quodammodo misericordia eius, timentes respicit, id quod virgo mater spiritus sancto facta cecinit: Misericordia eius: inquit, à progenie in progenies timentibus eum. Non ait quibuscumque, sed timentibus eum. Et David cum munificentiam Dei etiam in iumenta ac coruos prædicasset, addidit, inuocantibus eum. Non in fortitudine, inquit, equi voluntatem habebit, nec in tibiis viri beneplacitum erit ei. Beneplacitum est Domino super timentes eum, & in eis qui sperant super misericordia eius. Quanquam igitur nihil habemus, quod Deo pro suæ misericordiæ operibus retribuamus: timentium se tamen ac inuocantium votis afficitur ut occasione præstet nobis, quod natura bonus facere consuevit. Hinc Paulus in hodierna nos epistola monet præcedentis vitæ, quæ impietate plena fuit, ac proposita sanctificatione, quæ renatos decet, comparatione facta, pristinae conuersationis finem ignominiam: Iustitiæ verò seruitutem, fructum habere in sanctificationem, finem verò vitam æternam, dixit. Quo certè voluit Apostolus, ut abnegata impietate in qua nunc erubescimus, & pro fructu vero ignominiam habemus, tales nos in iustitiæ seruitute illi exhibeamus, ut rectè in nos misericordiam suam collocet, hoc est, quam diu in huius vitæ solitudine reptamus, noxiis cunctis submotis animæ atque corporis nutrimenta, & peracta huius vitæ fabula, vitam, quæ nullis alimentis eget, sed ex sola diuinitatis gloria saturitatem habet, largiatur. Et hoc est quod Ecclesia precatur hodie, Deus, inquit, cuius providentia in sui dispositione non fallitur: Te supplices exoramus, ut noxia cuncta submoueas, & omnia nobis profutura concedas. Qua certè precatione non hoc solum petit, ut nihil corpori noceat, omnia autem necessaria habeat, verum etiam ac multo magis, ut ipse gratiam præstare dignetur, quo peccatum quod animam occidit euitemus omne, & ipsius desiderio in feruenti spiritu, qui vitæ principium ac conseruator est perseueremus. Et hic quidem cū Euangelij huius sensus est, habet tamen præter hanc allegoriam non insuauem: eum hoc etiam nunc quotidie agat vniuersorum Dominus, quod quondam hoc miraculo semel atque iterum præfigurauit. Ipse est qui non solum corpus, verum etiam animam nutrit. Neque enim in solo pane viuit homo, sed in omni verbo, quod procedit de ore Dei. Habet ergo septem verbi & sacramento

DOMINICA IX. POST PENT.

229

mentorū, panes, quos Apostolis suis distribuendos in huius solitudinis homines, tradidit vobis, inquit, datum est nosse mysteria regni Dei, & vos non dico seruos sed amicos, quia quodcunque audiui à patre meo notum feci vobis. Et iterum: Dedi eis verba tua. Sed ad quid dedit? Nempe vt in commune expenderent: Sicut misit me pater & ego mitto vos: Quorum remisistis peccata remittuntur eis. Et iterum: Ego elegi vos, vt eatis & fructum afferatis, & fructus vester maneat. Et: vos eritis mihi testes in Ierusalem in Iudæa, & vsque ad vltimum terræ. Hoc ergo munus delegauit, quando conuocatis super omnem spiritum immundum potestatem dedit. Deinde cum ascendens, in vniuersum orbem prædicandum emitteret. Postremò cum per spiritum sanctum diceret: Segrega mihi Paulum & Barnabam in opus in quod assumpsi eos. Quid autem commouit Christum, nempe quod Matthæus scripsit, cum ait: Videns Iesus turbas misertus est eis, quia erant vexatæ & iacentes, sicut oues non habentes pastorem. Quomodo autem Apostoli distribuerunt hos panes? Eo nempe quem Marcus indicat: Illi, inquit, profecti prædicauerunt vbique. Et stans Petrus cum vndecim leuauit vocem suam & locutus est cum eis. De qua re proximè futura Dominica, vbi de falsis prophetis differendum est, plura dicemus. Gratia Dei nobiscum.

Ioan. 15.

Ioan. 20.

Idem 15.

Acto 2.

Mat. 10.

Marc. 16

Act. 13.

Matt. 9.

Mar. 16.

Act. 2.

DOMINICA NONA POST PENTE-

COSTEN EVANGE-

LIVM, MATTH.

VII.

At tendite à falsis prophetis, qui veniunt ad vos in vestimentis ouium, intrinsecus autem sunt lupi rapaces. A fructibus eorū cognoscetis eos. Nunquid colligunt de spinis vuas, aut de tribulis ficus? Sic omnis arbor bona, fructus bonos facit: mala autem arbor, malos fructus facit. Non potest autem arbor bona, malos fructus facere, neque ar-

P 3 bor

bor mala bonos fructus facere. Omnis arbor, quæ non facit fructum bonum, excidetur, & in ignem mittetur. Igitur ex fructibus eorum cognoscetis eos. Non omnis qui dicit mihi: Domine, Domine intrabit in regnum cælorum, sed qui facit voluntatem patris mei qui in cælis est, ipse intrabit in regnum cælorum.

E ADEM DOMINICA EPI-

Itola Rom. VIII.

ERgo fratres debitores sumus: non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis. Quicūq; enim spiritu Dei agitur, is sunt filij Dei. Non enim accepistis spiritum servitutis iterum in timore: sed accepistis spiritum adoptionis filiorum Dei, in quo clamamus: Abba pater. Ipse enim spiritus testimonium reddit spiritui nostro, quod sumus filij Dei. Si autem filij & heredes, heredes quidem Dei, coheredes autem Christi: si tamen compatiamur, ut & glorificemur.

S E R M O.

Ecc. 6
Ecc. 23



VM hanc Evangelicam lectionem mecum perpendo, & quæ ipsius intentio sit diligentius examinare studeo, rectè dixisse Salomonem intelligo, Beatum esse, cui verus obtigerit amicus, eò quod amicus fidelis protectio si fortis, nullaq; eius comparatio sit, nec digna ponderatio auri & argenti contra bonitatem fidei illius. Quod ipsum etiam seculi huius filij, quasi in proverbum induxerunt, cum vnum Desi, plures verò amicos habendos esse dixerunt. Cum enim nemo tam potens aut sapiens in hoc mundo sit, qui non aliquando amici præsidio tutior esse possit, non potest non esse scælix occursum boni amici. Contraverò, infelix ille homo est cui fidus amicus nullus est. Si enim omnibus fidelis amicus necessarius

farlus, certe qui re necessaria caret, foelix esse non potest: Quod
 si Christus fidelem se amicum praestitit, utique eo gravior no-
 bis erit, quo pauciores amici in hoc seculo inveniuntur. At
 certe nihil Christus praetermisit eorum, quae veri amici sunt
 officia. Praeterea enim quod praesens veritatem patefecit, via
 salutis indicavit, consolationibus mentes nostras erexit, pro-
 missionibus latificavit, mandatis instruxit, exemplis traxit:
 tandem etiam ne absente se aliquid obesset, à periculis prae-
 monuit etiam futuris. Quorum postremum cum praesenti le-
 ctione clare demonstratur, vehementer dolendum est, tot mo-
 dis haec verba in peregrinum sensum reflecti. Sic enim genui-
 na eius interpretatio in varios errores distrahitur, ut non so-
 lum ad agnoscendum Christi amicitiam non accedamus, ve-
 rum etiam ad fouenda inimicitia erga proximos initia con-
 citeamur. Vnde heu nimium verè in nos competit, quod quon-
 dam per Isaiam prophetam querula voce dictum est: In va-
 cuum laboravi, sine causa, & vanè fortitudinem meam con-
 sumpsi. Laboravit Christus ut nos futura pericula eui-
 taremus. Quid autem nobis beatius esse posset, si eo ani-
 mo hoc Euangelium intelligeremus, quo Christus intelligen-
 dum esse voluit? Sed fidelis amici officium, hoc est, Christi no-
 stro bono seruiencia verba, veterum exemplo contempto, non
 nisi depravatè suscipimus. Tanta naturæ perversitas est, ut non
 solum increpationem, verum etiam lenem admonitionem
 non pariamur. Hoc ipsum Paulus suo tempore conquereba-
 tur cum ait: Ergo inimicus factus sum vobis verum dicens *Galat. 4*
 vobis? Idè Jeremias: Factus sum (inquit) in derisum, tota die.
 Omnes subfannant me, ex quo vociferans loquor iniquita-
 tem, & vastitatem clamito. Hanc igitur perversitatem nostram
 Christus corripit quum propterea odio haberi se à mundo te-
 statur, quod testimonium de eo reddat, & ipsius opera mala
 sint. Quis autem quasi indignum quid, hanc perversitatem
 non deslebit, cum hoc Euangelium ad subversionem vni-
 mitatis, contra ad concitandos hominum animos, maximo
 Christianæ religionis malo, interpretari audeat? Id quod fit cum
 quisque hoc solum in eo quaerit, ut aduersam partem in odium
 suorum auditorum pertrahat: cum maledictis & ludibris
 pro digna Evangelio consolatione audientium aures imple-
 tur & animi. Dicit Catholicus religionis antiquitate super-
 cilium dicens: ecce novæ religionis assertorem bellum, ecce

ecce lupum agnorum vellere testum : Dicit nouæ religionis assertor: Ecce Phariseum, ecce arborem malam. Quam verò præstaret, trabem in suo quisque videret oculo, & ad ædificationem, non autem destructionem, suo quisque sibi concedito dignè præesse studeret officio? Quid enim facitis o verbi prædicatores Euangelici? nescitis cuius spiritus sitis? an ignoratis cuius vices geritis? Dei ne gloriam, an quæ vestra sunt queritis? An verò excidit, quod non sit calumniari ac con-

1. Cor. 44

demnare idem, quod est Euangelizare? Aedificare, exhortari ac consolari, veri prophetæ sunt officia. Sed inquis dum prædico Christum ædificationis fundamenta pono, audio & pro-

1. Cor. 14

bo, sed nunquid fundamenta posuisse Euangelico prophetæ fatis est: aut solum fundamentum meretur nomen ædificij? nunquid & paries requiritur & testum & ornatus? Aut hoc Christum prædicare arbitraris esse, quod est alios conuertiari, & alienum seruum, qui Domino suo stat & cadit, condemnare? Sed præter consuetudinem longior hac parte sum, propterea missa hæc facio, illos vt ad meliorem mentem redeant monens. Vos autem, vt huic lectioni præsentibus animis adsitis, cohortor. Omnino enim hic attentione opus est. Si vsquam alibi hic certè maximè locum habet, quod quondam per Ieremiam prophetam Dominus dixit: State (inquit) super vias & videte, & interrogate de semitis antiquis, quæ sit via bona, & ambulate in ea, & inuenietis refrigerium animabus vestris. Propterea & nos relicto calumniandi affectu eorum sequemur interpretationem, qui ab omni olim cum avaris, tum iræ cupiditate fuerunt alienissimi. Duo autem in hoc Euangelio præcipua docet Christus.

Iere. 6

Principiò, vt in vera Euangelij doctrina perstantes maneamus, ne in ylo deuiemus, etiam angelo nobis de cælo aliud prædicante, vt Paulus ait: Vtque tanquam infestum abominemur quicquid Euangelicæ doctrinæ contrarium, aut ab ea diuersum est. Secundò vt susceptam doctrinam non verbis tantum iactitemus, sed magis opere compleamus. Ac primum lupi rapaces ad ouium vestimenta referenda sunt, secundò verò bonæ malæque arboris similitudo seruit.

Galat. 1

Primùm docet, Euangelium Christi ac doctrinam suscipere ac conseruare. Secundum verò, doctrinæ vsum indicat, vtrobique præfens animus requiritur. Inter ea autem, quæ vel nos à doctrina Christi auocant

cant

eant, vel etiam in nobis sterilem facient, præcipuum est, quòd nonnullorum pseudoprophetarum malitia falsari eam non ignoramus. Vnde cum multi prædicatores sunt (idque necessario) non autem omnium vnum idemque verbum est: quis omnium doctrinæ veritatem habeat, cui nos, nostrasque animas tutò committere possimus dubitamus. Quod vnde sit, colligere non magno labore possumus: Diabolus enim salutis nostræ inimicus, nunquam quiescit, semper circuit, quærens quem deuoret, utique solam nostræ fidei doctrinam veram esse, quæ & in hac vita securè nos ducit, ac in æternam illam beatitudinem (nullo impedimento ex nobis obstante) perducit, non ignorat. Laborat igitur eò studiosius, quo maius incommodum nobis suo studio inferre, longo iam vsu didicit. Neque nouum, vel iam, vel Christi temporibus hoc Satanæ studium animaduersum est, iam inde ab origine mundi, vt Dei hostis semper fuit, ita Dei verbo falsis quibusdam persuasionibus detrahare, nunquam desistit. Nam cum primùm Deus in paradyso loqueretur homini, mox sese inimicus præsentem obtulit, mulierem circunuenit, eoque permouit, vt dubitare inciperet, ita ne res haberet, quemadmodum Deum loquentem audiuisset an verò secus. Sic Moses temporibus Aegyptij Pharaonis oculos, magorum suorum incantationibus, contra Moysen exerceauit. Sic in deserto absente Mose, Dei populo doctrinam cælestem eripuit, sui que cultum, erecto aureo vitulo, instituit. Sic Balaam utebatur ad subuersionem veræ doctrinæ, præstigiator diabolus. Sic Helia, Isaia, Ieremia, aliorumque Prophetarum temporibus, iam adulterare doctrinam, iam e medio penitus tollere studuit. Et quid in nouo testamento eam ob causam tentare ausus non fuit? tot ferè aut plures etiam malæ de doctrina vera sectæ exurrexerunt, quot huius capita sunt. Scuit etiamnum audacter & strenuè, & quos scilicet subuertere non potest, labefactat fraudulentia. Et tantum certè per omnia secula permouit, vt deficientium à vera doctrina numerus semper fuerit præstantium maior. Quale autem malum hoc sit nemo dicere sufficit. Prima enim ipse scilicet nostro malo iacta alea, cum Euam falsa persuasionem seduxisset, quam labem toto humano generi inuulerit, satis notum est. Ac timendum est simili persuadendi arte etiam nunc eum, uti, cum nequaquam Deum Euangelicam legem

1. Petr. 5

Gen. 3

Ecclesiam Dei, quam acquisiuit sanguine suo. Ego scio, quoniam post discessionem meam intrabunt lupi rapaces in vos, non parcentes gregi, & ex vobis ipsis exurgent viri loquentes peruersa, vt abducant discipulos post se. Vide quàm Paulus cum hoc Euangelio conueniat. Et ne quis existimet. Paulum hic loqui de iis, qui ipsum mox secuti sunt pseudo-prophetæ: Petrus Apostolus, quasi Pauli verba exponens, *1. Pet. 5* ait: Hoc scientes primum, quod venient in nouissimis diebus in deceptione illulores iuxta proprias concupiscentias ambulantes. Quin etiam ipse Paulus alibi, quod post discessionem suam dixit, exposuit ad Timotheum scribens, sic ait: Hoc autem scito, quia in nouissimis diebus instabunt tempora periculosa, & erunt homines seipsos amantes, incontinentes, proditores voluptatum amatores magis quàm Dei, habentes speciem quidem pietatis, virtutem autem eius abnegantes, qui ad exemplum Ioannis & Mambres resistentium Moyfi, ipsi quoque resistent veritati. Sed fortè dicit *Exod. 7* aliquis: Quis Paulum futurorum præcium fecit. Vnde illi quid in nouissimis temporibus futurum erat scientia esse potuit? His ergo ipse respondet, Spiritus (inquit) manifestè dicit, *1. Tim. 6* quia in nouissimis temporibus discedent quidam à fide, attendentes spiritibus erroris, & doctrinis dæmoniorum in hypocrisi, loquentium mendacium: & quæ sequuntur. Quod *Iean. 14* autem spiritus dicit, vtique indubitatè verum est. Est enim officium eius futura annunciare, vnde spiritus veritatis dicitur *1. Corinth. 15. Num. 12. Osee 12.* Iam verò periculosa res sit necesse est, quam præcauere tot scripturarum locis admonemur. Magnum periculum subesse oportet, cuius tot dehortatores existunt. Quid autem in omni eorum natura calamitosius ac periculosius esse potest, quàm à veritate deficere ad errorem, à salute ad perditionem, à Deo denique ad diabolum? Quod certè fit, quando vera Euangelij doctrina, quacunque ratione neglecta, deuiatur. Et si non in Satanæ cultum omnino descenditur, de Deo tamen aut nihil, aut certè veritati contrarium creditur. In diaboli autem regno, quod nec veritas, nec fides subit, mors datur stipendium. A morte igitur præcauenda hic Christus præmonet, cum vt à falsis prophetis attendamus, hortatur. Quod autem maius esse potest amici officium, quàm mortis causas tollere, vt diuturniori

turniori liceat vita viuere? Quid autem est quod Christo, tantum amici officium nobis præstanti referre possumus? Nihil profectò, nisi vt verbis suis fidem habeamus, hoc est, quemadmodum falsos prophetas venturos esse prædixit, atque ab iis attendendum præmonuit, ita & venisse iam eos credamus, & agnita eorum nequitia, ab iis caueamus. Duo ergo sunt quæ Christo rependere possumus: quorum alterum quidem plurimorum est, alterum verò paucorum. Nam cum multi sint, qui non obscure pseudoprophetarum dolos agnoscunt, paucissimi tamen ab iis attendentes sibi cauent. Quin etiam inuenias, qui suo more nodum hic in scyrpo quærant: & si quando Euangelica autoritate, vt caueant monentur, dubiis signis denotatos, qui agnosci possint, respondeant. Quasi verò agnosci non possint, quos suis admodum propriis coloribus depinxit Christus? Quanquam enim quod ait, qui veniunt ad nos in vestimentis ouium, intrinsecus autem sunt lupi rapaces, certum indicium pseudoprophetarum non est (habent enim propria sua vestimenta oues, quibus sic amiciuntur, vt si ouium vestimenta habere pseudoprophetarum tantum est, ipsæ etiam oues pseudoprophetæ erunt) à fructibus tamen eorum certò cognosci possunt. Agniti verò ex fructibus suis, detectæque ouina pelle duplici malicia arguuntur, quòd & lupi natura sint, & in communis perditionis officio vestes sibi alienas & peregrinas sumpserint. Sumunt autem ferè omnes pseudoprophetæ ouium vestimenta cum ad decipiendas simplices imprudentium animas, prophetarum Domini pietatem ac autoritatem simulant. Vt serpens pater mandacium prophetarum diuini mandati sedulum interpretem sese obtulit. Et quid miramur si quod ipse potest ac facit, in simili caussa, idem ministros suos doceat. Certè Balaan cum mendax olim Gentium esset propheta, ac diaboli reuelationibus futura quædam vaticinaretur, vt tamen Israëlī malediceret à rege Balach vocatus, veri prophetæ formam imitatus, toto triduo altaria extruxit, veritatem futurorum peculiaribus quibusdam holocaustis exquirens, iis per omnia verbis utitur, vt quasi nihil præter Dei veri iussa loqui posset, visus sit. Vestimentum hoc fuit ouium. Angelus autem Dei, stricto stans gladio personati detexit laruam cum ait: Beruersa est via tua, adeoque mihi

Genes. 3

Num. 21

Genes. 7.

8

mihi contraria. Sic magi in Aegypto, quęcunque Moyses faciebat, & ipsi faciebant, vt vtrouque vnus credi potuisset Deus vbi tanta operũ apparebat similitudo, quouſque tandem quarto miraculo Dei digitũ confiterentur. Sed & aliorum prophetarum Isaia, maximẽ verò Ieremię temporibus plurimi pseudoprophetae fuerunt, id quod Dominus cõqueritur, dicens: No lite audire verba prophetarum, qui prophetant vobis & decipiunt vos. Visionem cordis sui loquuntur, non de ore domini. *Iere. 23.* Dicunt eis qui blasphemant me, locutus est Dominus: Pax erit vobis. Et mox: Non mittebam eos, & ipsi currebāt, non loquebar ad eos, & ipsi prophetabant. Talis erat & Hananias, cui do *Eccl. 14* minus per Ieremiam dixit: Audi Hanania, dominus te non misit, & tu confidere fecisti populum in mendacio. Erat prophetis Dei mos, vt initio prophetiæ præmitterent: Hęc atque illa dicit dominus, quo verbo auctoritatem prophetia conſequatur. Hoc verbum falsi etiam prophetæ, quasi vestimentum induti, fidem dictis suis apud plurimos conſequantur. Præterea externis quibusdam signis futura prædicere prophetæ domini consueuerunt. Ieremias lignea catena fuit collum circumdatus, in signum futuræ populi captiuitatis: surrexit alius propheta, qui Ieremiæ catenam confregit, populoque nullam formidandam esse captiuitatem persuasit. Et hoc vestimentum erat ouium, neque faciliẽ erat vter duorum verus propheta Domini esset, videre. Sic cum Achab rex bella moueret, quidam ex falsis prophetis sibi ipsi cornua ferrea sumpſit, Regi persuadens, fore vt talibus Syriam ventillaret, donec eam deleret. Micheas autem Domini propheta verus, eidem Regi mortem in eo bello certam futuram esse, contrã affirmabat. Et hic cum vterque verbum Domini prætenderet, quasi vestimentum ouium, faciliẽ lupo à propheta secerni nequiuit. Sed & in nouo testamento veri prophetæ ac Apostoli semper eiusmodi simias pseudopphetas habuerunt. Petrus, Paulus, atque alij à Christo legati, in scriptis suis Apostolos se Iesu Christi fatentur. Quos certẽ titulos non minima auctoritate sequebatur. Idem de se dixerunt pseudopphetæ, ac multos seduxerunt Paulus seruum se Iesu Christi, dicit idem fecerunt & alij Apostoli reliquerunt omnia, scripturis dicta sua confirmarunt, pro doctrina sua mortes suppetiere, Idem & fecerunt pseudopphetæ.

Apoſt.

Apostoli miracula fecerunt, fecerunt & pseudoprophetae, & ut summatim dicam, omnibus ferè iis quibus ad confirmationem doctrinae Ecclesia semper usa est iisdem & secta utuntur, nempe ut mendacio decipiant, veritatis habitum sibi necessariò sumunt, quando nemo nisi Laruatam falsiloquentiam suscipit. propterea quum externum illud ouium vestimentum, quod ouibus quidem proprium est: Lupis tamen nonnunquam commune sit, certum agnoscendae pseudoprophetae indicium non est. Neque tamen ideo pellem suam ouis odisse debet, quia & lupos vestiri hac aut potius superindui considerat. Nec ideo Ieiunium, oratio, eleemosyna Christianis euitanda sunt, quia iisdem olim Iudaeorum Pharisei usi sunt. Non illa horum verborum Christi sententiam? Vult autem ne statim cuilibet fidem habeamus, qui externam pietatis speciem habent, sed ut probemus spiritus num ex Deo sint, ac omnibus probatis, quod bonum est, teneamus. Monet enim dominus ut coram hominibus lux nostra luceat. Et Petrus Apostolus inter Gentes etiam, ac eos qui foris sunt, bonam conuersationem habeamus, suadet. Et tamen attendendum à falsis Prophetis est, quorum ingens numerus est, cum alij scientiae, alij fidei inopia laborant, alij etiam proposito laedendi obfirmatio, verbi munus sibi assumunt. Vnde Paulus Corinthios, ait paedagogos quidem habere plures, eosque in Christo: Verum patres pauciores, de quibus etiam alibi scribit: Omnes querunt quae sua sunt, non quae Iesu Christi. Sed dicet aliquis, Cum certum est extremo penè omnium malo eiusmodi pseudoprophetas nobiscum esse, cur Deus tolerat eos tot annis? Sed facilis responsio. Nam eo modo, cur Turcam non pellat, ne Christiani amplius molestantur, cur feras ne homini noceant, non persequatur? Non sunt diuinæ voluntatis scrutanda mysteria. Licet tamen coniecturis quibusdam, cur Deus pseudoprophetas patiatur, intelligere. Aliquando tolerat eos Deus, ut nobis sint occasio diligentius scrutandi scripturas, atque ardentius pro diuini numinis illuminatione precari. Aliquando etiam ut probentur electi, si constantes sint. Sic Moses Israëllem alloquitur: Teneat vos Dominus, nonnunquam etiam permittit eos, propter peccata & ingratitudinem nostram, quemadmodum in Isaia ac Paulo scriptum legimus. Eo igitur diligentius nobis attendendum

dendum est. Qui ergo (inquit) sunt fructus, quibus pseudo-
 prophetæ agnoscuntur? Boni & mali. Nam ut ovium natura
 multum à lupi diversa est, & bonæ arboris fructus malitiæ
 contrarij sunt, ita bonorum & malorum dissident, mens &
 opera. Bonorum naturam Christus expressit, cum ait: Sicut
 me misit pater, & ego mitto vos: Ego facio omnia sicut man-
 datum dedit mihi pater. Hoc & vos facite. Ego magister &
 Dominus vester vestros laui pedes, & hoc me sequimini. Re-
 ges gentium dominantur, & qui potestatem exercent, bene-
 fici vocantur: Vos autem non sic. Diligite inimicos vestros, *Matth. 5*
 benefacite his qui oderunt vos, ex quibus videre est, qui sint
 Domini Prophetæ, nempe in quibus mens est benefica erga
 omnes, quod nullo bonorum damno, nulla æstimationis in-
 stituta, nulla illicita voluptate afficitur. Quam mentem pseu-
 doprophetæ ne norunt quidem. Sunt autem hæc Christi ver-
 ba magis de doctrina, quàm pseudoprophetarum persona in-
 telligenda. Quanquam enim permultum interest, quam vi-
 tam Propheta agat: tamen plus momenti in doctrina situm
 est. Sibi ipsi enim suoque malo impiè viuit, at doctrina mul-
 tos seducit, si peruersa est: saluat autem, si genuina ac vera
 est. Tum non semper sequitur, hic malè viuit, ergo malè do-
 cet, quia plurimos nouimus bene vixisse quidem, pessimè au-
 tem docuisse, & contra. Hinc Christus dicit super cathedram
 Moysi, sedere scribas & Phariseos: monétque, quæ dicunt, fa-
 cere nos: opera autem ipsorum non facere. Sed quæris, Qui
 igitur fructus sunt bonæ ac malæ doctrinæ? Audimus certè
 nostra hac tempestate, quosdam clamare, bonæ doctrinæ fru-
 ctum illud esse quod tranquillat conscientias. Hoc autem so-
 lam fidem præstare; eoque veram doctrinam fidei prædica-
 tione agnoscere. Rectè id quidem, fidem fructum esse veræ do-
 ctrinæ. Nam Christus hoc sibi aduentus causa fuisse in Isaia *Isa. 61*
 dicit, quod est indulgentiam prædicare, ac consolari. Vnde *Luc. 4*
 ad se omnes laborantes vocat animarumque requiem daturum *Matth. 11*
 se pollicetur. Sed vnicum veræ doctrinæ fructum esse fidem,
 omnis scriptura negat, nec villo exemplo probari potest, co-
 rum quidem qui rectè semper docuere. Proinde nec Christus
 hic solam fidem, veri Prophetæ fructum dixit, multoque mi-
 nus charitatem pseudoprophetæ. Neutrum enim vel ratione *1. Cor. 14*
 vel scriptura sibi constat. Contra autem plures esse fructus
 bonos boni prophetæ ex Paulo euidentissimè liquet, vbi non
 solus

solum consolari, verum etiam ædificare & exhortari, officia Prophetæ dicit. Iam verò in ædificio, quinque requiruntur, fundamentum intersticia, parietes, tectum atque ornatus: fides, fundamentum est: Spes, interstitium est: charitas, parietum iunctura & connexio est: poenitentia, tectum: vita pia, ornatus. Quod si sola fides fructus vnicus, & præter eum nullus alius est, superflue Paulus ædificare, exhortari, ac consolari dixit. Neque enim is ædificium construere dici potest, cuius labor omnis in fundamento locando consumitur. Ut ergo fundamentum fidei non rectè ponere, ita etiam posito fundamento, eoque admodum firmo, nihil superstruere, fructus pseudoprophetæ magis sunt quàm veri. Talis etiam fructus est, post prædicatam fidem, odio concordiz, sectas, dissensiones bellaque concitare. Talis etiam fructus est bonorum operum (iacto fundamento) obliuisci, & denique patientiæ, obediëntiæ exhortationem aspernari. Aut enim Paulus Apostolus hæc facere, hoc est, ædificare, & exhortari frustra præcipit, aut pseudopropheta est, qui id facere detrectat ac negligit. Denique cur Christus ex fructibus dixit in plurali, & non potius ex fructu in singulari, si sola fides fructus est rectæ doctrinæ? Porro autem, quòd ad pietatem exhortari, operaque digna Christianis suadere, malæ arboris (id est) pseudoprophetæ malus fructus non sit: Primo hæc ipsa verba ostendunt. Deinde præcedentia & consequentia, totiusque hic sermo vnde hæc verba desumpta sunt. Loquitur enim ipse de bonis operibus, eaque suadet. Sed quis dicet Christum ipsum pseudoprophetam fuisse? Et certè si pietatem suadere pseudoprophetam facit, pseudopropheta Christus erit. Sic & Moses falsus Propheta erit, qui pietatem suadet, piisque benedictionem Dei promittit. Erit & lex mala arbor, quæ perterrefacit conscientias hominū. Quo certè veteres hæreses iam consopitæ excitabuntur, quæ legem non à Deo, sed à diabolo datā asserabant. Omnes denique Prophetæ, & baptista Ioannes, omnesque Apostoli pseudoprophetæ erunt. Sed neque hi falsi prophetæ sunt, neque dogma verum est dicere, doctrinam operū malam arborem esse, & doctorē bonorum operū pseudoprophetā esse. Sed quia similitudinē hanc Christus non solum doctrinā intelligi vult, verū etiā de Christianorū operibus libet de bona malāque arbore pauca addere. Homo magnā similitudinē arboris habet. Ut crescat arbor radicali humore pluuiæque cælesti

opus habet: sic q̄ homo crescit, ex naturæ virtute habet, cui dictum est, Crescite, multiplicamini, & quod in altum exurgit, caelestibus vicinior sit, fructusque ferat, ex voluntaria, *Psal. 67*
certæ hereditati segregata pluuia venit. Quemadmodum autem multæ arbores, etsi eadem solo insitæ, eadem pluuia irrigantur, non omnes tamen equè fructiferae sunt in bono, ita etiam homines, quo factum est, quod Scriptura sacra pios bonæ arbori, impios malæ consuevit comparare. Id quod Dauid & Ieremias in veteri, Christus in nouo abunde satis testantur. Hinc est quod, quicquid homo externè boni facit, bonum, si homo ipse bonus, malū autem, si homo malus est, iudicatur. Nam secundum internum hominem opera nostra iudicantur. Quo id etiam docetur, diuersa esse hominum iudicia à diuina sententia. Deus cor intuetur, homo autē quod foris est. Speciosa res erat coram hominibus, quod Saul optimæ quæque pecora ex hostium præda, victimis deputabat, ita tamen Deo displicuit, ut propterea à Deo reiectus sit: Pia res Iudæorum caeremoniæ videbatur hominibus, sed Deus abominationem dicit, nec mirum. Duplex enim iniquitas est, simulata sanctitas. Contra verò furti speciem, aut etiam depredationis habuit, quod exiens ex Aegypto Israël, argentum & aurum sustulit, neq; tamen Domino peccauerunt. Sic latrocinium videri posset, quod cum Cananæis eorundem infantes interfecerint. Sed inest his omnibus Dei imperium. Vnde singulari quadam attentione opus est, in iudicandis arborum fructibus, ne malū fructum bonū dicamus. Aut folia, formam, altitudinem, fructum iudicemus. Hæc summa est ut oves Christi simus omnes, quo formam eius omnium virtutum induamus, qui agnus & pastor est, pietatis vestimento amicti peregrinum abominemur habitum. Cui sententiæ in hodierna epistola Paulus suffragatur: Debitores nos dicit, non carnis, sed spiritus. Nempe bonas nos arbores Deus requirit, cui debemus fructificare. Sed qua lege requirit? nempe depositi. Natura eramus radix mala, radix amara, filij iræ, excidit Deus naturam malam, iniecit bonam, dedit nobis spiritus sui imbrem, adiunxit adminicula, dedit cultores: & qui mirum & si fructum postulat? Agnoscit hæc Ecclesia quod scilicet nos quantum in nobis est pseudopphetas verè agnoscere non valeamus, multoque minus natura fructum ferre pietatis. Hinc ergo quod sibi deesse, non ob-

*Psal. 1**Jer. 17**Ioan. 15**Luca 13**Matt. 7**3. Reg. 16**1. Reg. 15**Isa. 1**Rom. 8*

Q

scure

seurè intelligit, à verò agricola supplicans petit: Largire nobis inquit, domine semper spiritum cogitandi, quæ recta sunt proprius & agendi, vt qui sine te esse non possumus, secundum te viuere valeamus.

DOMINICA DECIMA POST PENTECOSTEN,

EVANG. LUC. XVI.

Homo quidam erat diues qui habebat villicū, & hic diffamatus est apud eum, quasi dissipasset bona ipsius. Et vocauit illum, & ait illi: Quid hoc audio de te? Redde rationem villicationis tuæ, iam enim non poteris villicare. Ait autem villicus intra se: Quid faciam, quia dominus meus aufert villicationem à me? Fodere nō valeo, mendicare erubesco. Scio quid faciam, vt cum amotus fuero à villicatione, recipiant me in domos suas. Conuocatis itaque singulis debitoribus domini sui, dicebat primo: Quantum debes domino meo? At ille dixit: Centum cados olei. Dixitq; illi: Accipe cautionē tuam, & sede circo, scribe quinquaginta. Deinde alij dixit: Tu verò quantum debes? Qui ait: Cētum coros tritici. Ait illi: Accipe literas tuas, & scribe octoginta. Et laudauit dominus villicum iniquitatis, quia prudēt fecisset: quia filij huius seculi prudentiores filiis lucis in generatione sua sunt. Et ego vobis dico: Facite vobis amicos de māmōna iniquitatis, vt cum defeceritis, recipiant vos in æterna tabernacula.

EADEM DOMINICA EPISTOLA I. COR. X.

Hæc autem in figura facta sunt nostri, vt non simus concupiscentes malorum, sicut & illi concupiuer

piuerunt. Neque idololatra efficiamini, sicut quidam ex ipsis: quemadmodum scriptum est: Sedit populus manducare & bibere, & surrexerunt ludere. Neque fornicemur: sicut quidam ex ipsis fornicati sunt & ceciderunt una die viginti tria millia. Neque tentemus Christum, sicut quidam eorum tentauerunt, & a serpentibus perierunt, Neque murmurauerunt, sicut quidam eorum murmurauerunt & perierunt ab exterminatore. Hæc autem omnia in figura contingebant illis, scripta sunt autem ad correptionem nostram, in quos fines seculorum denumerunt. Itaque qui se existimat stare videat ne cadat. Tentatio vos non apprehendat, nisi humana. Fidelis autem Deus est, qui non patietur vos tentari supra id quod potestis: sed faciet cum tentatione prouentum, ut possitis sustinere.

S E R M O.



Quemadmodum superiore dominica Christus erga nos charitas, in hoc se patefecit, quod non solum coram omnia bona contulit, omniaque aduersantia procul abegit, verum etiam à periculis in posterum timēdis præmonuit, ita eandem suam philanthropiam hac lectione declarat. Illic enim, ne ab aliis seduceremur, hic verò, ne ipsi nos seducamus, monet, utrobique grādi periculo. Nihil enim interest, quo modo in perditionem descēdas siue ab alio, siue à temetipso seducaris. Quapropter, nunc quoque eandem in audiendo diligentiam adhibeatis, hortor. Docet autem hic Christus, qua ratione his donis spiritus simul ac corporis, aut etiam externæ facultatis legitimè uti possimus. Et ut externorū bonorum verū vsum omnibus persuadeat, parabola quadam omnium mores totiusque huius mundi studia depingit, ut hinc suæ quisque conditionis ac vocationis memoret, non superbiendum esse his, quæ Deus largitur bonis, sed de ipsis, Deo & conditori omnium iustam rationem esse reddendam intelligat. Tria igitur hominū genera hæc lectio arguit, primum eos, qui semetipsos

conuersatus est. Id quod Ioannes aliis quidem verbis, sed *Ioan. 1*
eodem sensu tradidit: Verbum erat in principio apud Deum,
& Deus erat verbum, Verbum caro factum est; & habitabit
in nobis. Hic Deus cum est; & homo omnipotens, diues me-
rito dicitur, cuius sunt spiritualium & corporalium omnes
thesauri. Diues in misericordia, gratia, & veritate, de cuius *Rom. 10*
plenitudine accepimus omnes, qui inuocamus illum in ve- *Psal. 13*
ritate. Huius terra & plenitudo eius, orbis terrarum & uni- *1. Par. 29*
uersi qui habitant in eo: Ipsi etiam regnum & potentia, *Psal. 133*
maiestas & victoria; ipsius diuitiae sunt & honos, qui dat *Psal. 144*
escam omni carni, aperit manum suam & implet omne ani- *Psalm. 10*
mal benedictione, omnemque hominem ditescere facit. In
cuius dextera vita longæua est; & in læua eius diuitiae & ho-
nos. Est ergo Deus homo ille Euangelicus: est & diues. Non
sibi diues solum, sed quia bonus, aliis maxime diues. Domi-
nus quidem manet omnium, sed villicum habet, cui concre-
didit & subiecit omnia. Solus autem homo villicus dicitur. *1. Cor. 1*
Non quod non etiam angelis de diuite thesauro suo Deus com-
municeret, sed quod ab angelis rationem dati & accepti non
postulat, ut qui in bono confirmati, à bono ad malum defice-
re non possint. Alij verò nequam in malo obdurate, in eo que
damnati, ut non possint à malo in bonum assurgere. Irra-
tionales porro, quanquam omnia à Deo accipiant: ad ratio-
nem tamen reddendam, ut rationis expertes non vocantur.
Homo igitur solus, qui & à bono deficere potest in malum,
& contra à malo in bonum assurgere, tum etiam rationalis,
& maxime Christianus libertatem arbitrij habet, in omni-
bus creaturis villicus ille est, à quo diues homo & Deus ra-
tionem exigit. Id quod postrema huius Euangelij verba
declarat, quibus non angelis bonis siue malis, nec crea-
turis irrationalibus, sed hominibus dicit: Dico autem vo-
bis, facite vobis amicos de mammona iniquitatis, ut cum
defeceritis, recipiant vos in æterna tabernacula. Homini
Deus omnia donauit. Vnde David: O domine (inquit) quid
est homo, quod memor es eius, aut filius hominis, quoniam
visitas eum? Minuisti eum paulominus, gloria & honore
coronasti eum; & constituisti eum super opera manuum *Psal. 8*
tuarum. Omnia subiecisti sub pedibus eius, oues & boues
vniuersas, insuper & pecora campi, volucres cæli & pi-
scis maris, qui perambulant in semitis maris. Hic est quod *1. Cor. 4*

Paulus ait: *ô homo quid habes, quod non accepisti? Hoc animaduertens David, cum in multa possessione regnum administraret, ad Deum tamen precatur eique se, ut cui accepta ferret omnia, debitorem pronunciat, omnésque vires suas internas externásque ad gratias agendas extrimulat: Benedic (inquit) anima mea Domino, & noli obliuisci omnes retributiones eius. Qui propitiatur iniquitatibus tuis, & sanat omnes contritiones tuas, qui redimit de interitu vitam tuam, qui coronat te in bonitate & in misericordia, qui replet desiderium tuum in bonis, qui ut pater filiorum suorum, miseretur timentium se. Et iterum: Quid retribuam*

Psal. 102

Psal. 115

Domino pro omnibus quæ retribuit mihi. Et alibi: Tua est Domine magnificentia, & potentia, & gloria, atque victoria, & tibi laus. Cuncta enim quæ in cælo sunt & in terra, tua sunt. Tuum Domine regnum, & tu es super omnes principes. Tux diuitiæ, & tua est gloria, tu dominaris omnium. In manu tua virtus & potentia, in manu tua magnitudo & imperium omnium. Nunc igitur Deus noster confitemur tibi, & laudamus nomen tuum inclytum. Quis ego, & quis populus meus, ut possimus hæc tibi vniuersa promittere? Tua sunt omnia, & quæ de manu tua accepimus, dedimus tibi. Peregrini enim sumus coram te, & aduenæ sicut omnes patres nostri. Hæc confessio, cum omnes deceat, qui animæ causa, spiritum & gratiam Dei, Euangelium & sacramenta, & gratiæ tempus, corporis autem gratia, vitam hanc, fortitudinem, valetudinem bonam, intellectum, rationem, sensus, honores, diuitias, pacem, felices rerum successus, omnium denique creaturarum imperium à Deo acceperunt: cum maxime eos de-

1. Pet. 29

ceat, quibus pecuniaria quædam bona concedita sunt. Nam & animos hominum Christi sanguine redemptos, & Ecclesiam suam aqua & Spiritu sancto sanctificatam, Deus certis quibusdam hominibus concedidit, nempe Ecclesiasticis: viduas, pupillos, pauperes & quacunque tribulatione pressos civili magistratui, regibus atque principibus commisit: Liberos, seruos, totamque familiam in fidem patribus familias contradidit: Non omnibus Deus eadem contulit, sed singula vniuersis distribuit, pro sua voluntate, nostræque utilitate, ut in huius mundi domo veluti in bone instructa familia & diuersitas officiorum esset,

1. Cor. 12

& finis

& finis, ad quem omnes aspirarent, vnitas. Quis autem non videt omnia hæc bona, quorum hominẽ Deus dispensatorem præposuit, ad publicam vtilitatem, & proprium commodum deseruire? Aequum igitur est, ita vtantur iis, homines, vt se non dominos, sed seruos agnoscant, tanquam diuiti domino aliquando rationem reddituri. Quo cẽtẽ omnes arguuntur, qui semetipsos ignorant, sic acceptis à Deo abutuntur, quasi nunquam amittendis. Nam quemadmodum fidelibus dispensatoribus bene administrati muneris merces, ita dissipatoribus æterna manet ignominia. Diues enim homo iudex iustus est, vnicuique prout meritis, vel gehennam, vel celi beatitudinem reoumeraturus. Ipse quidem ex alto in hanc magnam domum prospicit. singulorum mentes librat, verba ponderat, factaque examinat, vt possit quod vult, iuste reddere. Huic nihil absconditum est; omnia aperta, atque nota sunt oculis eius. Id quod ipse in Ieremia dixit: Ego testis atque iudex sum. Et iterũ: putas ne Deus è vicino ego sum dicit dominus & non Deus de longẽ? Si occultabitur vir in absconditis, & ego non videbo eum? nũquid nõ ex lũ & terrã ego impleo? Et Dauid: Dñs (inqt) est Deus: scrutans eorda & renes. Et iterũ: Qui fecit oculũ nõ considerat, aut qui plantauit autẽ, non audiet, qui corripit gentes, nõ arguet, qui docet hominẽ scientiã? Dñs scit cogitationes hominũ. Ad hæc iustus iudex est Dominus: Nam idẽ Dauid in Psalmis Deum loquentem inducit, vbi enumeratis peccatorum sceleribus mox concludit: Hæc fecisti & tacui. Existimasti iniquẽ, quod ero tui similis: arguam te, & statuam contra faciem tuam. Hoc sensu Isaias loquitur fore vt egrediatur Dominus è loco habitationis suæ vt visitet malitiam habitantem terram, & terra sanguinem quem hausit, reddat, & vltra non abscondat interfectos. Hinc est quod Dauid dominum vltionum dicit Deum. Quam igitur Deus per semetipsum æconomus suos intentos oculo semper considerat: hic tamen humanæ intelligentiæ seruiens simul & indignitatem malæ administratæ dispensationis indicans diffamatum esse hunc dispensatorem, ait. Nec vnus accusator hominum ad Deum perfert administrationis modum, sed multi, qui omnes quasi in accusanda dispensatoris iniquitate conirassent nunquam tacent. Omnes ab hæreditario nostro hoste, atque fratrum nostrorum accusatore Diabolo subornati sunt. Pri-

Hcb. 4.

Ier. 29.

Ier. 23.

Psal. 7

Psal. 93

Psal. 93

Rom. 2. mus ergo accusator, conscientia propria est, Paulo teste,
 qui sint homines, legis opus scriptum in cordibus suis osten-
 dere, perhibet, nempe reddente illis testimonium con-
 scientia ipsorum, & inter se inuicem cogitationibus ac-
 cusantibus, aut etiam defendentibus in die cum iudicabit
 Deus occulta hominum. Quæ certè leuis accusator non est.
 Ex ore enim proprio vel iustificabimur, vel cōdemnabimur.
 Nec immeritò primus, quando mox commissò facinore pa-
 tratorem in semetipso redarguit, nunquam (peculiari ni-
 si prerogatiua refutatus) desinens semper verò veluti ac-
 cusationum dentibus rodens. Cui non absumilis multum
 opus ipsius aut facti irrefragabilis testificatio, nunquam
 non quasi corporis ymbra sequens de qua ad Cain Domi-
 nus: Quid fecisti (inquit) ecce vox sanguinis fratris tui
 Gen. 4
 Gen. 18 clamat ad me de terra. Et ad Abraham sub angelorum spe-
 cie: Clamor (inquit) Sodomorum & Gomorrhæorum mul-
 tiplicatus est, & peccatum eorum aggrauatum est nimis:
 Descendam & videbo utrum clamorem qui venit ad me
 Abac. 2 compleuerint, an non est ita: ut sciam. Et ad Nabucho-
 donosor omnesque auaros: Væ (inquit) qui congregat aua-
 ritia malum domui suæ ut sit in excello nidus eius, & liberari
 se putet de manu mali. Cogitasti cōfusionem domui tuæ, con-
 scidisti multos, & peccauit anima tua, quia lapis de pariete
 clamabit, & lignum quod inter iuncturas ædificiorum
 est, respondebit. Qua in re profectò mira Dei iustitia vide-
 re est, qua lapides & ligna res inanimatæ prorsus hominis
 dispensatoris accusatores constituuntur. Sed non immeritò
 creatura muta iniquo dispensatori, lege Dei subiecta co-
 actè seruit, & aduersatur quòd creditæ dispensationis inter
 se ordo confunditur. His tamen accusatoribus vrgentibus,
 vehementior est pauperum gemitus siue illi iniuria affecti,
 siue detenta per iniustitiam mercedula impediti, siue etiam
 necessitate obruente fuerint oppressi. Est enim hæc cum re-
 ligionis, tum naturæ etiam lex, alter alteri commodemus
 ac beneficiis subleuemus. Ait enim Moses: Si vnus de fra-
 tribus tuis qui morantur inter portas ciuitatis tuæ in terra,
 quam Dominus Deus tuus daturus est tibi, ad paupertatem
 deuenerit, non obdurabis cor tuum, nec contrahes manum
 tuam, sed aperies eam pauperi & dabis mutuum quo eum
 Exod. 22 indigere perspexeris. Et alibi: Aduenam, inquit, non
 cont

contristabis: adueni enim & ipsi fuistis in terra Aegypti, viduae & pupillo non nocebitis. Si laeseritis eos vociferabuntur ad me, & ego audiam clamorem eorum, & indignabitur furor meus percutiamque vos gladio, & erunt vxores vestrae viduae & filij vestri pupilli. Hinc est quod in Isaia Dominus de omnibus iis qui pupillis non iudicant causasque viduarum aspernantur querelam inducit. Denique & magistratus mala dispensationis manet iudicium maius omnibus, qui vel pauperum iniurias quasi caeci non vident nec vindicant, oblici officij sui, vel (quod illo etiam horribilius est) qui ipsi etiam iniuria afficiunt. Ad omnes enim Micheas propheta clamat: nunquid non vestrum est scire iudicium, inquit, qui odio habetis bonum, & diligitis malum, qui violenter tollitis pelles eorum desuper & eis, & carnem desuper ossibus eorum? Qui comederunt carnem populi mei & pellem eorum desuper excoriarunt, & ossa eorum confregerunt & considerunt sicut in lebere, & quasi carnem in medio ollae. Quos etiam Iacobus Apostolus seuerius alloquitur, quod quae pauperibus debebatur substantiae partem putrefactioni, tineis, ac erugini congestam reliquerint. Agite nunc diuites (inquit) plorate. Vlulantes in miseriis vestris quae aduenient vobis. Diuitiae vestrae putrefactae sunt & vestimenta vestra a tineis comesta sunt. Aurum & argentum vestrum aruginauit, & rugo eorum in testimonium vobis erit, & manducabit carnes vestras sicut ignis. Thesaurizastis vobis iram in nouissimis diebus. Ecce marces operariorum qui messuerunt regiones vestras quae fraudata est a vobis clamat, & clamores eorum in aures Domini Sabaoth introierunt. Veriusque igitur cum testamenti scriptura viduarum ac pupillorum pauperumque omnium curam exigit: certe qui negligit, suum portabit iudicium, quia & ipsi Domini opem implorabunt & non exaudientur. At quae eos manet damnatio, qui quod iuste darent, denegant adeoque ipsi opprimunt? Commodè propterea sapiens ille reges iudices terrae, ut quibus vulgarius esse solet laedere, admonens: Praebete, inquit, aures vos qui continetis multitudines, & placeatis vobis in turbis nationum. Quoniam data est vobis a Domino potestas & virtus ab Altissimo, qui interrogabit opera vestra, & cogitationes scrutabitur: quoniam cum effectis ministri regni illius, non rectè iudicastis, nec custodistis le-

Isai. x

Mich. 3

Iacob. 5

Sap. 6

dispensatione, conqueritur. Rectè fodere non valet qui per mor-
 tem ab officio deponitur. Spiritus enim defunctos vita, à *Apoc. 14*
 laboribus requiescere monet: eò quòd opera ipsorum se-
 quantur illos. Et Christus ipse noctem prædicat futuram,
 in qua nemo operari possit: monens, vt dum habemus lu- *Ioh. 9.*
 cem ambulemus, ne comprehendamur à tenebris. Et Isaias *Isa. 55*
 hortatur Dominum queramus dum inueniri potest, eum-
 que inuocemus, dum prope est. Frustra enim inuocatur *Mat. 25*
 tempore iustitiæ, quem contempseris in die misericor-
 diæ. Nam & virgines illæ fatæ serius inuocantes, clau-
 sis, ianuæ nesciuntur. Et enim magnum hoc domini di-
 uitis, ingentis indulgentiæ iudicium est, quòd gratiæ
 tempore non solum vocat, verumetiam miti sermone in-
 terrogat: Quid hoc audio de te? tot accusatoribus sus-
 pectus mihi redderis, ea tempus constituo, Redde rationem
 dispensationis tuæ. Non enim vt quidam intellexerunt,
 hæc verba (redde rationem villicationis tuæ) mortis horam,
 aut extremi iudicii diem respiciunt, sed eam vocationem
 potius, quæ vel per Euangelij sermonem, vel per Spiritus
 arcanam inspirationem, vel per correptionem, vel salutis
 promissionem, aut quouis denique modo fit. Hic enim tem-
 pus gratiæ est, quam diu in hoc mundo versamur, ac uni-
 cuique nostrum dicitur: Quid hoc audio de te? redde ratio-
 nem villicationis tuæ. De nomine Christiani gloriaris, pro *Mat. 7*
 fessionem impietate negas, vocationi dissentis vita, ore pro- *Malac. 1*
 fiteris Deum factis negas: dicis mihi, Domine Domine, quæ
 præcipio non facis: patrem me appellitas. nec ullus tibi erga
 me amor est. Si Deus tuus ego sum, vbi timor meus? multa
 in baptismo promissisti mihi nihil præstas: ad nuptias filij mei
 vocauit te, & huc ingressus nuptiali veste carens, nuptiali-
 bus solenniis detrahis. Seuera profectò, & plena indignatio- *Mat. 22.*
 nis vocatio hæc est, & quis poterit Deo in mille responderet?
 Præterea autè quòd parere huic vocationi magistratus, cùm
 ciuiles, tum Ecclesiastici debent, etiam hoc præstent, qd diui-
 tis Domini exemplo monentur oportet. Moniti nimirum sui in
 subditos officij, delatos fontes in sua repub. arguant, atq; emen-
 datione ab negantes suppliciis afficiant, cæteri gregi sine dam-
 no viuere liceat. Quæadmodum enim hoc laudi datur diuiti *1. Reg. 2*
 Dño, quod aulica dilectione dispensatoris vocat, atq; arguit, ita
 Heli, sacerdoti vitio datum est, quòd sciens filiorum suorum
 fact

sacilegæ impietati coniuerit, sibi suisque vno momento
 subitam perditionem accelerans. Non hoc dixerim, vt cui-
 us delatori sine discretionẽ facili aures prabeant, sed per-
 quisita prius rei veritate postea iudicent, & hoc eiusdem
 diuitis Domini Dei exemplo, qui licet clamorem Sodo-
 mæ atque Gomorrhæ acceperit, descendit tamen ac verum
 clamorem, quem audierat, opere compleuissent, an non
 ita esset, perferatur. Vnde David imprudenter argui-
 tur, qui ad vitam nequam delatoris accusationem, vni-
 uersam Miphiboseth substantiam auferrebat, tradebatque
 alienis. Sed isthæc magistratus priuata doctrina respicit.
 Hæc verò in vniuersum omnes quotidie rationisquẽ red-
 dendæ admonet, dispensatoris imitemur exemplum, non
 vt iniquitatem ipsius sequamur, sed hoc imitandum pro-
 ponamus, cuius causa Dominus hanc parabolam textit,
 dispensatorẽque laudat. Nam quoddam infidelis in aliena
 possessione seruus fuit, quoddam deperditẽ Domini bona dis-
 sipauit, quoddam aliena in vsum suum conuertit, quoddam fœ-
 difragos alios in suos Dominos fecit, tam non sequen-
 dum proponitur, aut huius Scripturæ autoritate defen-
 ditur, vt etiam multis contrariis locis apertissimè redar-
 guatur. Generalem Christus suis tradidit regulam, ad
 quam veluti Lydium lapidem examinentur nostra facta. Ea
 præstemus aliis, quæ nobis fieri optamus. Tum Paulus
 non solum propter iram, verum etiam propter conscien-
 tiam sublimioribus potestatibus obediendum esse, omni-
 bûsque sua reddenda ne cui quid præter mutuum amo-
 rem debeamus, hortatur. Et quid immoramur his cum
 Deus ne quicquam præter nostrum concupiscamus lege
 cauerit, & in hoc Spiritum veritatis Christus dederit, vt
 mendacium, dolum malum, infidelitatem, & quicquid
 veritati Dominæ aduersum est, abominemur. Ac postre-
 mō morum formator Paulus, quid deceat seruos edo-
 cens, præceperit, Serui obediant Dominis suis carnali-
 bus, cum timore & tremore in simplicitate cordis sui, si-
 cut Christo, non ad oculum seruientes, quasi hominibus pla-
 centes, sed vt serui Christi, facientes voluntatem Dei, ex ani-
 mo, cum bona voluntate seruientes, sicut Domino, & non ho-
 minibus. Sciens quoddam vnusquisque quodcunque fecerit bo-
 num, hoc recipiet à Domino, siue seruus siue liber. Eadẽque
 feriẽ

ferè idem Apostolus Colossensi Ecclesie præscribit. Qui sane loel abundè satis familie erga Dominos suos iniquitatem reprehendunt. Et ne cui tergiversandi hic occasio dari videatur, ipse Christus, quid in iniquo laudet villico, exposuit. Ego (inquit) dico vobis, facite vobis amicos de mammona iniquitatis, ut cum defeceritis recipiant vos in æterna tabernacula. Hoc ergo est quod in villico sequi monemur, quod prudens est, ac prudenter sibi prospicit, quod vocationem Domini sui audit, conditionesque suas expendit, vires suas examinat, certum quid sequendum proponit. Nam si cogitationum ipsius verba discusseris, quatuor inuenies, primò non contemnit Domini vocantis verba, serio sibi dici persuasum habet. Deinde ablata iam villicatione, vitam porro aut labore, aut mendicitate querendam, prævidet, quorum illud pudore, hoc desuetudine respuit. Denique licet variis cogitationibus distrahat, certum tamen quid proponit. Postremò amicitiam debitorum Domini sui futuræ famis evitandæ certissimum medium concludit. Hæc ergo Christi intentio est. Si filij lucis huius tanta cum sedulitate sibi suæque exigui temporis vitæ prospiciunt, quanto magis vos filij lucis de æterna salutis vita, vobis providebitis? Quo sensu Paulus etiam in hodiernâ Epistola, exemplum nobis Iudaici populi proponit quò omnia ea quæ Israël facta sunt, in figura nostri, Deo ita providente, contigisse testatur, ac vult ut eiusmodi historias, non solum ut rem semel gestam cogitemus, verumetiam tanquam figuram & exempla meditemur. Hoc est quare Deus non solum illius temporis malos dispensatores (ut sunt fornicatores, idololatæ, murmuratores, ac qui tentant Deum) redarguit, verumetiam ut nobis ipsorum vestigiis insistentibus, eandem severitatis sententiam manere consideremus. Propterea figuram fuisse ait, ad nostram, in quos seculorum fines decenerunt, correptionem. Quibus omnibus necessariam admonitionem addimus ut dignè Deo ambulemus, eoque modo per omnem vitam negotia nostra instituamus, ut poscenti Deo rationem reddere non erubescamus, quin verò obuiam aduentanti illi procedamus, & gaudium, quod fidelibus seruis promissum est, tandem aliquando recipiamus.

Cala. 3

Luc. 16

1. Cor. 10

DOMI

DOMINICA VN-
DECIMA POST PENTEC.

EVANG. LUC. XIX.

ET UT appropinquauit, videns ciuitatem, fleuit
super illam, dicens, Quia si cognouisses, & tu.
Et quidem hac die tua, quæ ad pacem tibi, nunc au-
tem abscondita sunt ab oculis tuis. Quia venient
dies in te, & circundabunt te inimici tui vallo, & cir-
cundabunt te, & coangustabunt te undique, & ad
terram prosterment te, & filios tuos qui in te sunt.
Et non relinquent in te lapidem super lapidem, eò
quòd non cognoueris tempus uisitationis tuæ. Et in-
gressus in templum, cœpit reicere vendentes &
ementes, dicens illis, Scriptum est, quia domus mea,
domus orationis est. Vos autem fecistis illam spe-
luncam latronum. Et erat docēs quotidie in templo.

E ADEM DOMINICA
EPISTOLA I. COR. XII.

DE spiritualibus autem, nolo vos ignorare fratres.
Scitis autem cum gentes essetis, ad simulachra
muta prout ducebamini euntes. Ideo notum vobis facio,
quòd nemo in spiritu Dei loquens dicit anathema Iesu.
Et nemo potest dicere, Dominus Iesus nisi in spiritu san-
cto. Diuisiones vero gratiarum sunt, idem autem spiritus.
Et diuisiones ministrationum sunt, idem autem Domi-
nus. Et diuisiones operationum sunt, idem verò Deus qui
operatur omnia in omnibus. Unicuique autem datur
manifestatio spiritus, ad utilitatem. Alij quidem per
spiritum sapientia, alij autem sermo scientie, secundum
eundem spiritum. Alteri fides in eodem spiritu, alij gra-
tia la

ria sanitatum, in uno spiritu. Alij operatio virtutum, alij prophetia, alij discretio spirituum, alij genera linguarum, alij interpretatio sermonum. Hæc autem omnia operatur vnus atque idem spiritus, diuidens singulis prout vult.

S E R M O.



Vm hanc Euangelij lectionem vobis enarrandam esse, & non solum quid Christus egisset, verumetiam cur Euangelista tam diligenter eam perscripisset, cur etiam nascentis Ecclesiæ patres quotannis legi in publicis conuentibus sanxissent, mecum cogitarem, flere magis libuit quàm multis in eius explicatione verbis disserere. Nec puto quempiam cui res Ecclesiæ curæ sit sine lacrymis hæc Christi verba posse perlegere, maximè si præsentis Ecclesiæ statum cum Ierosolymorum vrbe contulerit, & tam multos veteris Ecclesiæ patres hæc ipsa legentes tam amaras fuisse lacrymas cognouerit. Nam quid dicam, An non digna Synagogæ Iudæorum cum hac nostra Ecclesiâ collatio est, quod licet vnus idemque affectus Deo sit omnium salutis cupidus, vtrobique tamen par cæcitas, eadèmq; immineat damnatio Ecclesiæ partibus, quæ in vniuersa videre est Synagoga? Quàm ille populus Deo fuerit charus ex hoc liquet quod nõ solum prophetas acceperint legemq; Dei per manum Moysis, verumetiam (quod multo maius est) suo de sanguine promissum Messiam hominis Deiq; filium audiuerint. Magnū profectò diuini amoris argumentum peculium censi Domini, legem accipere, inuisibilis Dei audire vocem, & præter prophetas ipsum etiam Messiam videre, sed nihil hæc omnia ad salutem illis profuerunt, quia damnatione auxerunt, quod tot legibus atque figuris signatum Dei filium non cognouerunt, doctrinam ipsius spreuerunt, vias intelligere noluerunt tempusque gratiæ, quod poenitentia datum fuerat, neglexerunt. Is venit saluator qui in lege adumbratus, in prophetis vaticiniis annuntiatus, qui potuit atq; voluit salutem conferre credentibus, nec pepercit laboribus vllis, quo patris suamq; voluntate exploret, omnes à damnatione retraheret, ad salutis viâ reduceret. Sed nunqd nõ effecit quod voluit? Cognouit
bos

Isaia 1
Hier. 8
Psal. 15

Ibidem.
Ioan. 3

bos possessore suum, & asinus praeceptum Domini sui, turtur & hirundo tempus aduentus sui, Israël autem non cognouit me, subannauerunt me, & dixerunt, Recede à nobis, & scietiam visitum tuarum nolumus. Quis est omnipotens ut seruamus ei, & quid nobis prodest, si orauerimus illum? Mira profectò res. Voluit & non effecit. Licet quaecumque voluerit, fecerit, in caelo, & in terra, mari, & in omnibus abyssis. Quid autem causa obfuit quo minus, quod potuit effecerit? Audi quid dicat regius propheta, Noluit intelligere ut bene ageret. Et Christus ipse, Hoc est, inquit, iudicium mundi, quia venit lux in mundum & dilexerunt homines magis tenebras quam lucem, eo quod opera eorum essent mala. Malitia hominum excitarè peperit cecitas lumen diuinae agnitionis videre non potuit. Cecitas quae nullam boni malive agnitionem admisit, nec praesentia nec futura cognouit. Sed cur non potuit? An quia lumen illud capi non potuit? non, sed dilexerunt homines magis tenebras quam lucem. Dilectio igitur tenebrarum, voluptas (inquam) mundi ampediuit, ut nec miraculis mouerentur, nec verbis crederent, nec poenitentiam suadenti obedirent, nec propriam damnationem ipsi praeuiderent. Vis scire quia ipsis sibi obfuerint? Vide quid Lucas scribat, quid Christus egerit, qui voluit & potuit, quid Ierosolymorum ciuibus restatus sit. Videns Iesus ciuitatem fleuit super illam. De Ierosolyma dixit, Quia si cognouisses & tu & quidè in hac die tua, quae ad pacem tibi, nunc autem abscondita sunt ab oculis tuis, quia venient in te dies & circumdabunt te inimici tui vallo, & circumdabunt te, & coangustabunt te undique, & ad terram prosterneant te, & filios tuos qui in te sunt, & non relinquent in te lapidem super lapide, eo quod non cognoueris tempus visitationis tuae. Fleuit ergo Christus, fleuit autem super ciuitatem Ierosolymam, & ideo fleuit, quia non cognouit ciuitas caeca quae ipsam ad pacem in die sua. Cognouit autem Christus, & quia solus cognouit, solus fleuit. Mirum profectò spectaculum. Latatur creatura, flet creator, dolet caput non pro se, sed pro membris suis, pro membris languidis, ad portas mortis appropinquatibus, & tamen sibi ipsis gloriose sanitatem promittentibus. Apostoli imponebant vestimenta sua supra pullum, populus quoque pars indumenta sua, pars ramos de arboribus, ramos palmarum sub pedes animalium substernebant. Omnes verò gaudentes ceperunt laudare Deum. At Pharisei pro sua inuidia comprimunt voces hominum

volue

voluerunt. Nec ullus præter vnum Christum aliquod tristitiae signum adit. Adeo igitur Christus non lætatur in perditione suorum, qui lacrymis atque verbis suum testatur mororem, rectèque Zacharias propheta cum de hoc spectaculo prædiceret, venire regem Sion cum mansuetudine, assèruit. An non ingens mansuetudo est? Tot molestus iniuriis, toties indignè exceptus, nullam iniuriæ vindictam petit, sed cum lacrymis atque gemitu de excitate ac futura clade, suam testatur condolentiam. An non etiam adoranda mansuetudo est, omnem licet potestatem habeat: inuitus tamen & quasi coactus in impiorum animaduersionem descendit? De quo in Isaia scriptum est: Heu, inquit Dominus: ego consolabor super hostibus meis & vindicabor de inimicis meis. Et in Ezechiele: Quare moriemini domus Israël? Quia nolo mortem morientis dicit Dominus Deus, reuertimini & viuetis. Fleuit quidem alias quoque Christus, & si collatis scripturæ locis cur & quoties fleuerit quæro, tribus de causis ter fleuisse inuenio, lacrymas certè, non Crocodili, sed patris interno filiorum condolentis perditioni. Fleuit ergo in passione sua cruci affixus, quem admodum Paulus testatur Apostolus, quòd in diebus carnis suæ preces supplicationesque ad eum qui possit illum saluum facere à morte cum clamore valido & lacrymis, offerens exauditus sit pro sua reuerentia. Vbi certè non quasi mortem deprecaturus, quam volens subiit, sed pro nostris delictis exoraturus fleuisse intelligendus est. Fleuit etiam ad sepulchrum Lazari gratias agens patri quod semper exauditus esset. Nec solum fleuit ibidem, verum etiam fremuit in semetipso, mortis recogitans imperium. Tertiò hic super ciuitatem illacrymasse eum legimus, vique futuram iusto Dei iudicio illius gentis perditionem præuidens. Quo exemplo & nos monemur ipsi peccata nostra, mortem, ac futurum Dei iudicium deslere. Mundus quidem præter mortem corporis nihil flet, peccata & iudicium contemnit: pij verò vehementer dolenda esse peccata diuinam per illustrationem discunt ex quibus non solum hæc corporis mors communis omnibus venit, verum etiam quorum causa tremendum illud iudicium sustinendum est. Hinc amarè peccatricem mulierem in Luca fleuisse legimus. Hinc David per singulas noctes lacrymis propriis stratum suum rigauit, con-

Zach. 9

Isaie 2

Ezech. 18

Hibr. 5

Ioan. 12

Luca 19

Luca 7

Psul 6

R turba

turbatus nimirū à furore Domini. Nec sufficit si pro temet-
 ipso gemas tantum, descendendi sunt & alij: non enim super se,
 sed super ciuitatem fleuit Christus. Et Paulus quosdam de-
 fleuit, qui postquam peccassent pœnitentiam non egerunt,
 sollicitèque monet alios vti non peccent, ne ipse vbi venerit,
 humiliatus lugeat. Apertè insinuās, neminem infirmari cum
 quo nō ipse etiam infirmetur. Eodem idem affectu quosdam
 deficientes à fide, inimicos crucis Christi factos, defleuit. Sed
 & Iob pietate motus de se ipso testatur: Flebam, inquit,
 quondam super eum, qui afflictus erat, & compatiēbatur ani-
 ma mea pauperi. Quis autem magis afflictus, aut pauperior
 quàm peccatis oppressus, misericordiæ diuinæ indigus? Lu-
 ctus mortis (inquit Sapiens) septem dies, satui autem & im-
 pij omnes dies vitæ illorum. Et Ieremias clamat: nolite fle-
 re mortuum neque lugeatis super eum fletu. Plangite eum
 qui egreditur quia non reuertetur vltra, nec videbit terram
 natiuitatis suæ. Qui egreditur, inquit, per peccatum à Deo
 (intellige) qui nunquam reuertetur à damnatione, nec vide-
 bit prioris adolescentiæ innocentiam: Christi ergo exemplo
 nostri aliorumque causa dessemus peccata, mortem, ac im-
 minens iudicium. Et cur non? quandoquidem eum cla-
 more valido intrāque semetipsum fremens Christus fleuit,
 Id quod subsequētia verba satis declarant, quæ mutila pro-
 pè, sine sensu pleno illacrymans protulit. Fleuit quidem
 propterea quod magna secundum patris voluntatem fecis-
 set in terris opera exultans in semetipso lætitia spiritus. Et
 certè idem spiritus nostras quoque mentes ad eam beneficio-
 rum Dei contemplationem promouere posset. Nam & Da-
 uid propheta considerans ingentia Dei beneficia, ipsius fon-
 tis vnde eiusmodi beneficia defluerant cupiditate commo-
 tus, sitire se coram facie Dei apparere, & quia elongaretur
 incolatus suus locopanum lacrymas sibi die noctūque fuis-
 se, quod cum ea secum recordatus esset pro desiderio in-
 genti effudisse se animam suam in semetipso, testatur. Sed
 hæ lacrymæ non habent locum nisi in iis qui antè ad di-
 luenda peccata sua, stratum suum rigant amaritudinis fle-
 tibus. Quod ergo super Ierusalem fleuit Christus, & quod
 in ipsa futurum præuidit, in nobismetipsis nos præcaueamus.
 Duo autem lacrymantis Christi verba innuunt, quod tem-
 pus ac diem visitationis pacificæ non cognouerint, & q̃ pro-
 pterea

pterea iusta Dei sententia, dictatam damnationem non essent
 euasuri. Hinc duo, quæ nos respiciunt colligimus: & quod
 præter Christi voluntatem in nobis est cæcitas, & quod cæ-
 citatis pœna sit perditio. Horrenda quidem nobis videntur,
 quæ hic legimus, nempe quod salutem oblatam Iudæi spre-
 uerint, & quod tanta in electum populum Deus iusticia ani-
 maduerterit. Sed tam mira non sunt quin eadem cæcitas in
 nobis conspicienda sit, eoque eadem timenda damnatio. Hac
 enim ratione & Lucas huc posteris conscripsit, & Ecclesia
 quotannis repetenda in publicis commentibus sanxit. Quid
 enim nobis cum Ierosolyma eiusque perditione rei est? aut
 quid nocet à Romanis eam urbem deuastatam esse? aut quid
 prodesset si oriainnū vt prius facta resq; staret? nihil omni-
 no. Vt enim destructio illius nihil incommodare, ita nec glo-
 ria ipsius si staret, commodare potest quicquam. Quamquam
 optandum esset in nullo non locodiuinum nomen sine metu
 inuocari, sed ideo hæc legimus atque docemur, vt ruina il-
 lius nostra sit resurrectio, quod enim in ipsis completum est,
 nobis imminet, si similes illis in credulitate atque ingrati-
 tudine fuerimus. Idem nobis Deus est, qui & illis eodem verbo
 erudimur omnes, idem præmium utrūq; genti propositum.
 Cur igitur non & eadem pœna expectanda esset, vbi simi-
 litudo inuenitur peccati? Proinde & nos Ierosolymæ urbis
 deuastationis causas, modūque discutiāmus, nostramque
 fidem & conuersationem examinemus, si forte similitudinem
 præuaricationis inuenerimus, eoque demeritam pœnam sus-
 tineamus. De Ierosolyma Christus ait: quia si cognouisses
 & tu, & quidem in hac die tua, quæ tibi ad pacem, nunc au-
 tem abscondita est ab oculis tuis. Et mox enumerato futu-
 ræ cladis modo, addit: eò quod non cognoueris tempus visi-
 tationis tuæ. Quibus verbis cur Iudæi prostrati sint innui-
 tur. Nam quod ait: Quia si cognouisses & tu, est quasi volun-
 tatis Christi desiderium, quo agnitionem præsentis boni,
 futurique mali precatur. Et quid melius, quid salubrius, optare
 plebi sicut pius custos potuisset? Quandoquidem ignorantia
 agnitioni spiritus contraria, omnis mali causa est maxima.
 Vnde Moyses populo suo diuinarum rerum intelligentiam
 precatur, dicens: Generatio praua atque peruersa hæcine
 reddis Domino popule stulte & insipiens, gens absque con-
 silio & sine prudentia? Utinam saperent & intelligerent

Lucæ 19

Dnt. 32

Eph. 3 ac nouissima prouiderent. Et Paulus Ephesiis scribens, sic loquitur: Flecto genua mea ad patrem Domini nostri Iesu Christi, vt possitis comprehendere cum omnibus sanctis, quæ sit latitudo & longitudo, & sublimitas & profundum, scire etiam supereminentem scientiæ charitatem Christi, vt adimpleamini in omnem plenitudinem Dei. Hæc cognitio augeri potest & diminui in huius vitæ tempore, quod totum dies dicitur, & nostra dies. Quod quemadmodum illo tempore per cognitionem ad Deum ascenditur, per ignorantiam verò ab eo receditur: ita peracta die hac, vel pro ignorantia pœna, vel pro agnitione cuiusque, sua æterna expectatur vita. Dies igitur Iudæorum fuit omne illud tempus, quo vel prophetæ, vel lex, vel Christus, vel denique Apostoli, pro instauranda cognitione Dei laborauerunt, eadēque dies, tempus visitationis ipsorum, qua oriens ille ex alto visitauit & fecit redemptionem plebis suæ. Hanc diem suam potuissent facere Iudæi: Sed noluerunt, ideo alij dies, venerunt in eos. Dixit autem, in hac die tua, vt ostenderet huius temporis breuitatem, de qua & Paulus Corinthiis scribit, & Ioannes nouissimam horam esse testatur: Ecce, inquit Paulus nunc tempus acceptabile, nunc dies salutis. Et Iob: breues dies hominis sunt, inquit, Et David dies annorum nostrorum in ipsis septuaginta anni, si in potentatibus octoginta anni, & amplius eorum labor & dolor. Sed & ideo dies dicitur, quia certissima nox sequetur, in qua nemo operari poterit. Hæc dies Iudæis ad pacem: Aut quia ipsi pacem in substantiis suis sibi polliciti sunt, quod domus eorum securæ ac pacatæ, nec virga Dei super illos quod bos eorum conceperit, & vacca pepererit, quod tardante Domino tam non sint ad pœnitentiam inuitati, vt peiores quotidie sine omni metu in peccata prolapsi sint: aut quod ipsis ad pacem esse potuisset si pœnitentia ducti Christum agnouissent, oblatamque salutis æternæ gratiam non spreuissent. Dicite ergo quia si cognouisset & tu, & quidem in hac die tua quæ tibi ad pacem, nunc autem abscondita sunt ab oculis tuis. Abscondita non Dei inuidentia, sed propria ipsorum malitia. Quod si ad horum verborum normam, nostram fidem conuersationemque metiri libet, inueniemus & nobis diem nostram, & in ea, quæ ad pacem, multa concessa esse. Nam Deus (quod omnes fatemur) pro sua nos mi-

sericor

misericordia visitauit nostro seculo Germanos, multaque pate-
 fecit quæ prius vel ignorabamus, vel parui æstimabamus,
 cum nunc gratiam suam, nunc verò peccata nostra, tam
 manifestè designat, vt nemo iustè conqueri possit, aut se bo-
 ni malie ignorantia excusare audeat. Ecce enim hodie
 etiamnum, dum Ierosolymæ excidium Euangelica patefecit
 historia, quid aliud audimus aut intelligimus, quàm
 quod à primi parentis tempore, vsque nunc, contemptum
 gratiæ, per verbum Dei annuntiari & abusum donorum
 ipsius, omnium seuerissimè vindicauerit Deus, nec velle
 conuiuere ignorantia voluntaria? Id quod per diuersa
 multorum locorum bella intelligi vult. Et quis de iniu-
 ria conqueri potest, siue Lutheri, siue etiam Catholicor-
 um nomen sibi vendicat. Illi enim nunquam se Dei
 gratiam melius agnouisse fatentur. An porrò hac di-
 uinæ gratiæ agnitione ad bonum an verò ad malum
 vtantur, sua quémque docebit conscientia. Nos quidem
 peccata vitiæque nostra abusus nostros, & si quideius præ-
 terea est, nunquam manifestius nobis ob oculos posita fa-
 temur. Quæ verò subsequuta sit emendatio, nemo igno-
 rat. Quando ergo vtroque tempus diemque, quo nos
 gratiosè visitauit Deus, non agnoscimus, meritò inuicem
 ad arma concurrimus & veluti in nostra ipsorum viscera
 gladios conuertimus. Nec modus nec finis sperari po-
 test, quandoquidem nemo, quo vsque diuinæ extendatur
 virga iustitiæ nouit, sæpèque numero cum nobis pacem
 securitatēque pollicemur, repentinus in foribus adest in-
 teritus. Qua ratione Ieremias propheta populo suo quon-
 dam de diuina iustitia prædicauit, cum Nabuchodonosor
 Babyloniarum Rex Ierosolymam obsideret, ac coactè propter
 Pharaonis exercitum de Aegypto exeuntem recederet, po-
 pulusque sibi impunitatem, quia recederet hostis pollicere-
 tur: Nolite (inquit) decipere animas vestras, dicentes: Eun-
 tes abibunt & recedent à nobis Chaldaei, quia non abibunt.
 Sed & si percussieritis omnem exercitum Chaldaeorum qui
 præliantur aduersum vos, & derelicti fuerint ex eis aliqui
 vulnerati, singuli de tentorio suo consurgent, & incen-
 dent ciuitatem hanc igni. Hæc tempore Ieremiæ facta, ve-
 luti præambula sunt magni excidii illius, de quo Christus in
 Euangelio loquitur: Nos quoque floreat licet nonnunquam

Iere. 47
 1. Thes. 5

Iere. 27

pacis oliua, horrida tamen nunquam non redeunt bella nunquam sedata fortasse quousque pro delictis vicens discordia totum perdat imperium. Certæ qui patienter emendationem expectat, potius est & penitentes clementer in gratiam recipere, & obduratos porro hic armis & in futuro seculoperdere gehenna. Nam hæc duo necessariò cogitamus in Christo quia vtriusque evidens edidit specimen, cum misericordiam lachrymis atque voto, potentiam vero futurorum vaticinio, atque flagello manifestat. Quæ David etiam in Messia vidit, cum ait: Semel loquutus est Deus, duo hæc audiui, quia potestas Dei est, & tibi Domine misericordia, quia tu reddis unicuique secundum opera sua. Semel tantum locutus est Deus, cui vnicum tantum verbum est. Verbum quod in principio erat apud Deum, & quod erat Deus, Dei nimirum vnicus filius. Hunc enim scriptura vnicum illud atque sempiternum Dei verbum, quod ab æterno locutus est, vocat. In quo duo intelligimus, quod potestas Deo sit & misericordia. Hæc audiuit David suo tempore, nobis annunciantur nostro. Quæ si cui incognita sunt, aut non creduntur, hoc oculos conuertat, & misericordiam in lacrymis Christi intelliget, & potentiam in excidio vrbis huius cognitam formidabit, ac mox cum iusto Mardocheo Dominum precabitur, dicens: Domine Domine rex omnipotens, in ditione tua cuncta sunt posita, & non est qui possit tux resistere voluntati, si decreueris saluare, tu Dominus omnium, non est qui resistat maiestati tux. Et cum Hieremia: Non est similis tui domine magnus es tu. & magnum nomen tuum in fortitudine. Quis non timebit te o rex gentium? Certissimum enim est nullam emendationis nullamque salutis spem esse de eo, qui in consideratione horrendi gloriose vrbis excidij à diuini furoris non concutitur ira. Nec quicquam sibi polliceri potest, quàm quod de multis in Hieremia scriptum est. Hæc est gens quæ non audiuit vocem Domini Dei sui, nec recipit disciplinam. Periiit fides, & ablata est de ore eorum. Et erit morticinum populi huius in cibos volucribus celi & bestiis terræ, & non erit qui abigat, & quiescere faciam de vrbibus Iuda & de plateis Hierusalem vocem gaudij & vocem lætitiæ sponsi, & vocem sponsæ. Et quæ alibi Christus Iudæis loquitur, vt in Ioanne: Ego vado

Psal. 61

Ioan. 1

Hester. 13

Ierem. 10

Ierem. 7

Ioan. 8

do, & queretis me, & in peccato vestro moriemini, Et in Luca: Venient dies quando desideretis vnum diem videre filij *Luc. 17.* hominis, & non videbitis. Et in Mattheo: dico vobis quia *Matth. 27.* auferetur à vobis regnum Dei, & dabitur genti facienti fructum eius. Et iterum: Veniet super vos omnis sanguis iustus, qui effusus est super terram à sanguine Abel iusti, vsque ad sanguinem Zachariæ filij Barachie, quem occidistis inter templum & altare. Ergo filia Ierusalem nolite flere super me, sed super vos ipsas flere, & super filios vestros. Quoniam ecce veniet dies, in quibus dicent, Beata steriles & ventres qui non genuerunt, & vbera quæ non lactauerunt. Omnia hæc iuxta verbum Christi contigisse Hierosolymæ post quadragesimum circiter à Domini passione annum, per manum & exercitum Romanorum Iosephus ex circuncisione historicus, qui & ipse in Hierusalem, dum hæc fierent coram vidit, testimonio est, qui primum quidem decies centena millia hominum diuersæ ætatis vtriusque sexus partim gladio peremptos, partim fame extinctos enumerat. Post hos nonaginta septem millia coemptos huc atque illuc distractos recenset. Hi fuerunt dies alieni, quos sustinuerunt Iudæi, diem visitationis suæ tempusque gratiæ non agnoscentes. Huc respicit minç quibus Christus multarum ciuitatum *Matth. 24.* excidium prænunciat, vt Corosaim, Betsaida, Capernaum. *Gen. 28.* Huc etiam maledictiones legis respiciunt, horrendaq; clades Sodomæ atque Gomorrhæ, tum totius etiam Aegypti, omniæque eiusmodi, quæ diuinam iram iustamque adinaduer *Gen. 19.* sionem in homines impœnitentes denuntiant. Porro quod ingressus templum, ibique facto flagello ementes atque vendentes eiecit, mensas atque æs numulariorum subuertit, fecit, ne quis formidare se mortem, cuius causa publica euitaret loca, arbitraretur: tum etiam vt non in foro regnum suum, sed in templo esse demonstraret. Vnde in Luca scriptum est: Nescitis quia in his quæ patris mei sunt oportet me esse? Tertio etiã *Luc. 2.* hoc docuit, vt primò omnium queramus regnũ Dei. Maxime *Matth. 6.* autẽ Ecclesiasticos nostros viros monet, ne in templo Dei negocietur profana, sed commissam sibi domũ Dei mudã purãmq; *2. Para. 7.* cõseruet. Huc ergo referendũ est qd Salomoni promittit: Oculos suos semper apertos fore ad hanc domũ: nec aliter debuit, *Isai. 5.* qui non negotiationis esse voluit, qui vinea boni spe fructus *2. Cor. 6.* plantauit. Quæ enim communicatio Christo cum Belial, qui *Isai. 28.*

- consensus templo Dei cum idolis? Sic quondam per prophetas Isaiam & Ieremiam præuaticasse populum in regione sanctorum conqueritur. Sed & hoc ostendit, cum ementes atque vendentes eiicit, quod indigna templo Dei illiusque ministris sit auaritia, eaque veluti profanetur. Vnde in prophetis indignè hoc vitium detestatur: Principes eius, inquit, in muneribus iudicabant, & sacerdotes eius in mercede docebant, & propheta eius in pecunia diuinabant. Propter hoc causa vestri Sion quasi ager arabitur, & Ierusalem quasi aceruus lanidum erit, & mons templi in excelsis sylvarum. Et Amos: Vidi Dominum, inquit, stantem super altare, & dixit, Percute cardinem & commoueantur superliminaria. Auaritia enim in capite omnium, & nouissima eorum in gladio interficiam. Similia his multa in Ezechiele & Ieremia legimus. Voluit autem per hoc quoque, quod Ioanne teste boues, & oues & colubas è templo eiecit, ostendere, quòd finem essent habitura Iudeorum sacrificia. Denique cum Christus ipse templum est, in quo plenitudo Dei corporaliter inhabitat, qui & agnus dicitur, & in quo preces nostræ exaudiuntur: cum etiam fidelis quisque templum Dei est: tum etià Catholica sancta Ecclesia domus & habitaculum Dei dicitur quod ipse sibi ad habitandum elegit quanto zelo spiritualement hanc domum zelabit? quanta perditione corruptores ipsius damnabit, qui tanto furore materiali illo templo abutentes eiecit? Hinc est quòd in epistola Pauli, quæ hodie recitata est, quid olim fuerimus, quid uerò nunc simus, quomodo olim, prout ducebamur mutis seruierimus simulacris, nunc autem magno redempti, admonemur cogitare. Certè spiritualement Hierusalem accenso lumine perlustrabit, certaque die quæ nunc abscondita sunt manifestabit, quando laus unicuique coram Deo erit. Quicunque igitur iugi meditatione Dei se templa facta cogitauerint, ideòque ubi omni prophanatione mundos custodiverint non timebunt lumen accendi per Christum, nec flagellu formidabunt.
- Matth. 3* Hæc summa omnium, ut Iudeorum exemplo moniti tempus uisitationis nostræ agnoscamus: quòd securis ad radicem arboris posita sit. quòd impoenitentes perituri sint, cogitemus. Clamat Propheta: Nisi conuersi fueritis, gladium suum vibrauit, arcum suum tetendit & parauit in eo uasa mortis, sagittas suas ardentibus effecit. Nonissima meditemur, ut

Sapiens monet, quid secum adferat mortis hora cogitemus, quando haud dubiè inimicus noster Diabolus cum exercitu suo circumdabit nos, & coangustabit nos vndique. Nam si *Ioan. 14* Christum etiam in quo nihil habuit, adoratus est, iam iam *1. Pet. 2* crucis subiturum patibulum pro aliorum delictis qui propriam culpam non habuit, & in cuius ore dolus inuentus non est, quanto magis nos angustabit, in quibus multum sui habere præsunt? Christo igitur in quo omnis nostra victoriarum spes, in quo solo Diabolus nihil habuit, per firmam fidem piàmque charitatem incorporemur, qui sollicitus pro membris suis sibi adherentes in caelestis Ierusalem templum perducet, ubi nullius inimici formido vlla est, plena verò gaudiis omnia. Amen.

DOMINICA DVO.

DECIMA POST PEN-

TECOSTEN EVAN-

GELIUM, LUCÆ

XVIII.

Dixit autem & ad quosdam, qui in se confidebant tanquam iusti & aspernabantur ceteros, parabolam istam, dicens: Duo homines descendebant in templum ut orarent, vnus Pharisæus & alter Publicanus. Pharisæus stans hæc apud se orabat: Deus gratias ago tibi, quia non sum sicut ceteri homines, raptores, iniusti, adulteri, velut etiam hic Publicanus. Ieiunio bis in Sabbato, decimas de omnium quæ possideo. Et Publicanus à longè stans, nolebat nec oculos ad cælum leuare, sed percutiebat pectus suum, dicens: Deus propitius esto mihi peccatori. Amen dico vobis, descendit hic iustificatus in domum suam ab illo. Quia omnis qui se exaltat, humiliabitur: & qui se humiliat, exaltabitur.

R EAD

POST. F. IOAN. FERI EPIT.
 EADEM DOMINICA
 EPISTOLA,

I. COR. XV.

NOtum autem vobis facio fratres Euangelium
 quod predicaui vobis, quod & accepisti, in quo
 & statis, per quod & saluamini, qua ratione predicaue-
 rim vobis si tenetis; nisi frustra credidistis. Tradidi enim
 vobis imprimis quod & accepi, quoniam Christus mortuus
 est pro peccatis nostris secundum scripturas: & quia sepul-
 tus est, & quia resurrexit tertia die secundum scriptu-
 ras: & quia visus est Cepha, & post hoc undecim. Dein-
 de visus est plusquam quingentis fratribus simul, ex
 quibus multi manent usque adhuc, quidam autem dor-
 mierunt. Deinde visus est Iacobo, deinde Apostolis omni-
 bus. Nouissimè autem omnium tanquam abortiuo, vi-
 sus est & mihi. Ego enim minimus sum apostolorum,
 qui non sum dignus vocari Apostolus, quoniam perse-
 cutus sum Ecclesiam Dei. Gratia autem Dei sum id
 quod sum: & gratia eius in me vacua non fuit.

S E R M O.

Luc. 16

Luc. 8



Superioris dominicæ parabolæ, quæ de villici in-
 qui prudentia loquitur, ipse Christus exposuit.
 Facite, inquit, vobis amicos de mammona
 iniquitatis, ut cum defeceritis in via, recipiant
 vos in æterna tabernacula. Hanc verò, quam mo-
 dò audiuius Lucas explicat, cum initio eius ponit, dictam
 esse quibusdam qui in se considerent tanquā iusti, & asperna-
 bantur ceteros. Non ergo difficile est videre quæ Christi hanc
 proponentis sit intentio, maxime cum ipse quasi colophonem
 addit, Qui se exaltat humiliabitur, & qui se humiliat exaltabi-
 tur. Dānat cōfideriā, & omne humanæ mētis arrogātiā, præfer-
 tim in spūalibus ac diuinis rebus. Cōmēdat autē verā humilita-
 tē, eā inq. quæ sola certissimū cū Deo agēdi est mediū. Hac ra-
 tione considerata parabola, aliquot locos scripturæ exponit,

qui

qui alioqui obscuri essent. Primò quasi causam reddit cur Iudæi cum lege sua ac iustitiariis ceremoniis sint reiecti, cur item gentes sub crucis stulticiam humilitati, in gratiam sint recepti. Deinde quid quòd etiamnum cum multi oremus, non rarò alij desiderata consequantur petentes, alij inanes & confusi discedant. Denique ad quid creati simus, quid cauendum, quid sperandum, quid timendum sit. Cur dampnentur, qui aliquàdo operabantur iustitiam: iustificentur, qui iniquitatem in corde & manibus loquebantur. Hæc, inquam, omnia hac parabola docet & explicat. Digna profectò, quæ vigilantissimis oculis præcipiantur, ac diligentissimè cogitentur. Principiò igitur arrogantiam damnat cum facto tum verbo. Facto quidem, quòd Phariseus pharisaicè orans, hoc est, iustitiam suis operibus tribuens, Deo omnis boni ac salutis auctori nihil tribuens, honorem meritum detrahens, nihil petens, vacuus & inanis domum abiisse describitur: verbo, quòd ipse Christus generalem sententiam edicit, Quia omnis qui se exaltat humiliabitur. Humilitas autem commendatur, cum publicanus conscientia humilis, peccatum suum confessus, Deo iustitiam & misericordiam, ac consequenter honorem suum assignans, ab illo iustificatus descendit in domum suam, & quòd eodem Christo edicente, Omnis qui se humiliat exaltabitur. Admonitione igitur opus est, ne altum sapiamus. Quia Deus superbis resistit: exhortatione verò, ut nos sub potenti manu Dei submittamus, quo nos exaltet in die visitationis. Ipse enim humilibus præstat gratiam. Hinc igitur est, quòd scriptura ubiq; locorum superbiam condemnat, ac humilitatem suadet. Quid superbis terra & cinis? inquit Salomon. Odibilis coram Deo & hominibus superbia. Et Paulus, Quid habes, quòd non accepisti? si autem accepisti, quid gloriaris quasi non acceperis? Et in Iob scriptum est, Quid timet contra Deum spiritus tuus, ut proferas de ore tuo huiusmodi sermones? Verè enim nihil est in homine cur superbiere possit, multa autem ut sese humiliet. Nam & quòd altum est hominibus, abominatio est ante Deum, & arrogantiam & superbiam iijetiam, qui verè homines sunt detestantur, quanto magis arrogans corde subito punietur à Deo? Odibilis, inquit Syrach, coram Deo est & hominibus superbia. Proinde inultam Deus non relinquit superbiam hominum. Vnde ad Babylonix tyrannum Isaias loquitur, Quomodo decidisti de cælo

1. Pet. 5

Iacob. 4

Eccl. 10

1 Cor. 4

Iob 15

Prov. 8

Prov. 16

Eccl. 10

Isai. 14

Dent. 4

cælo

cælo Lucifer, qui mane mane oriebaris? Corruisti in terram, qui vulnerabas gentes, qui dicebas in corde tuo, In cælum conscendam, super astra Dei exaltabo solium meum, similis ero altissimo, verumtamen ad infernum detraheris in profundum lacu. Qui te viderint, ad te inclinabuntur, teque prospicient, Nunquid iste est vir, qui conturbauit terram, qui concussit regna? Et ad Tyri regem in Ezechiele Dominus, Ed quodd eleuatum est cor tuum, & dixisti, Deus ego sum, & in cathedra Dei sedi in corde maris, cum sis homo & non Deus, & delisti cor tuum quasi cor Dei, idcirco ecce adducam super te alienos robustissimos gentium, & nudabunt gladios suos super pulchritudinem sapientiæ tuæ, & polluent decorem tuum, imò interficient & detrahent te. Sic ad Satanam Dominus, Tu signaculum similitudinis plenus sapientia, perfectus decore, in deliciis paradisi Dei fuisti. Omnis lapis pretiosus operimentum tuum. In medio lapidum ignotorum ambulasti, perfectus in viis tuis à die conditionis tuæ. Et eleuatum est cor tuum in decore tuo, peccasti & eieci te de monte sancto Dei, & perdidisti te o Cherub, in terram proieci te, ante faciem regum, dedi te vt cernerent te. Producam ignem de medio tui, qui comedat te, & dabo te in cinerem super terram in conspectu omnium videntium te. Omnes qui viderint te in gentibus obstupescunt super te. Et de eodem Dominus in Luca; Videbam Satanam sicut fulgur cadentem de cælo. Ecce quid superbiam sequatur, nempe ex Angelo fecit diabolum, ex homine iumentum insipiens. Puniuit eam Deus in cælo, in Paradiso, punit etiamnum super terram. Non immerito ergo Dauid Deum precatur, dicens, Non veniat mihi pes superbiæ, & manus peccatrix non moueat me. Ibi ceciderunt qui operantur iniquitatem, expulsi sunt, nec potuerunt stare. Hinc nos quoque monens, Diligite, inquit, Dominum omnes sancti eius, quoniam veritatem requirit Dominus, & retribuet abundanter omnibus facientibus superbiam. Et Tobias filium suum hortatus est, ne vnquam in sensu suo, aut verbo superbiam dominari permittat. Et Paulus ad Romanos scribens, monet ne simus alta sapientes, sed humilibus consentientes. Lara enim sententia est, quæ non mutatur, Omnis mons humiliabitur, & incuruabitur omnis sublimitas hominum, & humiliabitur altitudo virorum. Hac ratione Pharisei huius oratio proposita est, in qua

nihil

nihil humile, nihil pium, sed superbum, turgidum, & arrogans pectus hominum describitur. Ipse Phariseus stans orat, ut vel gestu qualem orationem Deo dicturus esset, insinuaret. Non ille piis orandi habitus est. Salomon ditissimus potentissimisque rex non erubescit coram omni multitudine Deum flexis precari genibus. Daniel ter quotidie ad Deum genua sua curuabat. Moyses dum orat in faciem suam cecidit. Idem de Christo in Oliueti monte orate scribit Lucas. Sed & Ioannes vidit non solum viginti quatuor seniores, verum etiam vniuersam Angelorum multitudinem in facies suas procidentem ante tribunal Dei. Et cæli columnæ, & omnis creatura expauescit & contremiscit coram Deo. At Phariseus iste vermis, imò cinis & terra, plenus peccatorum saccus, erecto collo in se confidens Deum alloquitur, quomodo hominem similem sibi, alicuius tantum autoritatis non fuisset alloquutus. Quibus ergo verbis id agit? Gratias ago tibi quod non sum sicut ceteri hominum. Quis hoc sanctæ orationis exordium expectasset? Se aliis præponit omnibus. An digna hæc homine pio, digna Deo, digna templo, ac conueniens scripturæ est oratio? Quid autem scriptura loquitur? Iustus primum est accusator sui. Tu quis es, qui iudicas alienum seruum, Domino suo stat, aut cadit. An non pater vniuersorum Deus est? Raptores, inquit, iniusti, adulteri. Sed quis scit quid sit in homine, nisi Spiritus hominis, qui est in homine? Nemo ergo iudicet ante tempus, quousque veniat qui manifestabit abscondita cordium. Interea si peroccupatus fuerit homo in aliquo delicto, ij qui spirituales sunt, huiusmodi instruant in spiritu lenitatis, seipsos considerantes, ne & ipsi tententur. Sic Abraham cum pro Sodomā orare disponeret, seipsum accusauit primum. Sic Iacob prauitatem suam probeneficiorum Dei abundantia accusat. Quis ego, inquit David, & quæ domus Patris mei eodem me perduceret? Sic Danielis socij omnia iusto Dei tribuunt iudicio. Sic Daniel ipse, Tibi, inquit, Domine iustitia: nobis autem debetur confusio. At hypocritæ trahem in oculis suis non vident, festucam proximi aspiciunt, semetipsos prodentes. cum vera iustitia compassionem habet, falsa autem indignationem. Sed nec in hoc quiescit huius timidi Pharisei oratio. Addit etiam, Ieiuno bis in Sabbatho, decimas de omnium quæ possideo. Quid ad hæc scriptura? Omnes nostræ iustitiæ sicut

3. Reg. 8

Daniel. 8

Num. 78

Luc. 12

Apoc. 7

Isai. 26

Iob 60

Prov. 18

Rom. 14

Mala. 2

1. Cor. 4

Gen. 18

Gen. 30

2. Reg. 7

Daniel. 3

Daniel. 9

Gregor.

- Isai. 64* sicut pannus menstruatæ. Cum feceritis omnia quæ præcepi
Luc. 17 vobis, dicite quia servi inutiles sumus, quia quod debuimus
facere, fecimus. Qui gloriatur, inquit Paulus, in Domino
glorietur. Non enim qui seipsum commendat, ille probatus
est, sed quem Deus commendat. Et, Quid habes quod non ac-
1. Cor. 10 cepisti? Non glorietur sapiens in sapientia sua, nec fortis in
Ierr. 9 fortitudine sua, nec dives in diuitiis suis, sed in hoc glorietur
qui gloriatur, scire & nosse me, quia ego Dominus, qui facio
Ierr. 17 misericordiam & iudicium & iustitiam in terra. Et quid ma-
gis contrarium scripturæ hac Pharisei oratione? Quid Deo
hominibusque illa abominabilius? Merito de hoc atque simi-
Iob 31 libus in Propheta Dominus loquitur, Maledictus qui confi-
dit in homine, & ponit carnem brachium suum, qui in opere
manuum suarum gloriatur, & osculatur manus suas, & rece-
dit à Domino cor eius. Quid ergo mirum talem Phariseum
nihil omnibus iustitiis iuvare, nullave eorum respectu à gra-
tia Dei excludi? Vis ergo scire cur Iudæi cum lege sua ac cæ-
remoniis repudiati sint? Hoc Pharisei contuere exemplum.
In propriis operibus confidebant, sese aliis potiores iudica-
bant, Dei promissa non ve gratiam gratuitam, sed vt merce-
dem demeritam postulabant. Proinde in Propheta Deus ad
Osie 19 Israël loquitur, Perditio, inquit, tua ex te ó Israël, tantum-
Isai. 43 modo in me auxilium tuum. Non me inuocasti Iacob, nec la-
borasti in me Israël. Non te seruire feci in oblatione, nec la-
borem tibi præbui in thure. Verumtamen seruire me fecisti
in peccatis tuis, præbuiisti mihi laborem in iniquitatibus
tuis. Ego sum, ego sum ipse, qui deleo iniquitates tuas propter
Isai. 48 me. Et alibi, Ego Dominus honorem meum alteri non dabo.
Ezech. 36 Et in Ezechiele, Non, inquit, propter vos ego faciam domus
Israël, sed propter nomen sanctum meum. Hoc nomen pol-
luerunt Iudæi, cum suis iustitiis promissa Dei postularent.
Ideoque reiecti à gratia quam agnoscere noluerunt. Respi-
cant ergo ab errore suo quicumque vel suis meritis, vel alio
quouis modo à Deo aliquid postulant præter merita Christi
saluatoris nostri. Similes enim sunt domibus in arenam ex-
structis, quæ inundatione superueniente alluuntur & cor-
ruunt. Benedictus autem vir, qui confidit in Domino, & erit
Ierem. 17 Dominus fiducia eius. Et erit quasi lignum quod plantatur
super aquas, quod ad humorem mittit radices suas, & non ti-
mebit cum venerit æstus. Et erit folium eius viride, & in
tempo

tempore siccitatis non erit solicium, nec aliquando desinet facere fructum. Quod si cui obscurum est quod dicitur in Prophetis, Paulum legat cuius hodie vox in Ecclesia audita est. Ille enim nullis operum meritis, sed gratiæ Christi iustificationem & salutem asseribit. Cum primum gratiam Christi extollit in genere erga omnes, deinde priuatim in se vnum. Notum, inquit, fratres vobis facio Euangelium quod annuntiaui vobis, quod accepistis, in quo & statis, per quod & saluamini. Quibus sanè verbis salutem omnium nostrum passioni ac resurrectioni Christi assignat. Quin ipse propter peccata nostra mortuus, & resurrexit propter iustificationem nostram. Deinde quoque addit, Et gratia Dei sum quod sum, & gratia eius in me vacua non fuit. Triplicem ergo gratiam prædicat. Primò cum ait, Gratia Dei id sum quod sum, hoc vult, quòd ipse nos fecit, & non ipsi nos, qui & prædestinauit nos ab æterno, & vocauit nos, & illud quoque quod possidere videmur, donauit. Et hanc gratiam patres dixere, gratiam præuenientem, & operantem, & gratis datam. De harum qualibet dicere licebit, Gratia Dei id sum, quod sum. Deinde quod ait, Abundantius omnibus laboraui. Non ego autem, sed gratia Dei mecum, de gratia concomitante, cooperante, & gratum faciente loquitur. Non autem dicit, Gratia Dei sola sine me, sed gratia Dei mecum. Quòd autem tertio addit, Et gratia eius in me vacua non fuit, de gratia subsequente, perficiente, & confirmante dixit, de qua alibi etiam, Gratia, inquit, Dei, vita æterna. Triplicem & hic Dei gratiam prædicat, cui omnia ascribit, principium, medium, & finem, tantum in medio nos vult cooperari gratiæ diuinæ, Idque ideo, ne quis cum hoc Phariseo sibi ipsi aliquid tribuat, sed humiliter de nobis sentiamus, quemadmodum hic Publicanus. Quem in hoc ipso Paulus sequitur, quòd se abortiuum saretur, ac nouissimum omnium Apostolorum, indignum appellatione Apostolici nominis, quòd Ecclesiam sit persecutus, Vterque eam viam semet humiliandi ingressus, quæ certè ad fastigium gratiæ Dei fertingit. Hoc docti, quod Deus peccata pœnitentium non obseruat, quòd apud Dominum misericordia & propitiatio est, & quòd idem qui superbis resistit, etiam humilibus præstet gratiam, quod aperte in Publicano ostendit, qui prope est his qui tribulato sunt corde, & humiles spiritu saluabit. Quemadmodum

David

1. Cor. 13

Rom. 4

Psal. 84

Rom. 8

Rom. 6

Psal. 33 David de seipso loquitur, Dixi, confitebor aduersum me ini-
Psal. 31 iustitiam meam Domino, & tu remisisti impietatem pecca-
Isai. 59 ti mei. A longè autem stat, quem propria delicta à Deo diui-
Psal. 118 serant. Nam longè à peccatoribus salus. Sed nec ad cælos o-
Iob 16 culos leuat. Non enim Christianis solum, verumetiam à
Psal. 102 gentibus creditur, cælum esse sedes & habitatio Dei. Vt Iob
Psal. 13 in cælo esse testatur, qui cognoscat cor hominis. Et David,
Mat. 6 Dominus, inquit, in cælo sedes eius. Et, Dominus de cælo
Isai. 66 perspexit super filios hominum. Et Christus orandum esse
Mat. 8 docuit ad Patrem, qui est in cælis. Et ipse Dominus, Cælum
Ioa. 11 mihi sedes est, & terra scabellum pedum meorum. Hic cæ-
Psal. 122 lum & terram omnesque creaturas implet. Hinc est quòd o-
Thren. 3 rantes exemplo Christi ad cælos oculos leuamus, nempe vbi
 thesaurus noster est, ibi sit & cor nostrum. Sic David oculos
 suos ad eum, qui cælos inhabitat leuauit. Sic faciendum Ie-
 remias Propheta hortatur, At Publicanus (pudoris ergò)
Luc. 7 nolebat oculos suos leuare in cælum. Bonum commodumque
 profundæ humilitatis signum, quale & in Esdra videre li-
 cet. Deus meus, inquit, confundor, & erubescō leuare
 faciem meam ad te, quoniam iniquitates nostræ multipli-
 catæ sunt super caput nostrum, & delicta nostra creuerunt
 vsque ad cælum. Expressius hæc humilitas in peccatrice
 illa cognoscitur, quæ indignam se ad contuendam Christi
 faciem reputans, à tergo accessit ad pedes eius. Propterea &
 huic gratiam præstitit Dominus. Remittuntur tibi peccata
Isai. 57 tua. Vade in pace. Pectus ergo suum percutiebat Publicanus,
Mat. 15 quia illud semper æstuat vt mare, & ex eo procedunt cogita-
 tiones prauæ. Suum autem non alienum percutiebat, qui pro-
 pria delicta confitebatur, non in Deum aut hominem quem-
 piam detorsit, vt solemus Adæ filij. Dixit ergo, Deus pro-
 pitius esto mihi peccatori. Breuis quidem oratio, sed con-
 ferta mysteriis. Primum enim Deum verum profitetur,
 deinde peccatum suum confitetur. Postremò licet multis
 obnoxius peccatis, tamen non desperat, sed pro miseri-
 cordia, qua sola iustificari potuit, supplicat. Vnde etiam
 de eo dicitur, quòd quia se humiliauerit, ab illo tumi-
 do ac operibus grauido Phariseo in domum suam iusti-
 ficatus descenderit. Quod de Publicano poenitente di-
 ctum est, de quouis homine semet humiliante dici po-
 test. Sed & quemadmodum in Phariseo Iudæos de operibus
 tumidos

tumidos intelleximus abiectos, ita in publicano gentes, peccatores quidem, sed humiles, & poenitentes accipimus susceptos. Illic legis opera & superbia, hic peccata & humilitas narrantur. Non autem ideo vel Phariseus vacuus abscessit, quod legis opera haberet, vel publicanus iustificatus est, quod peccator esset, sed quia illius iustitia per superbiam confundebatur, huius autem iniquitas per humilitatem emendabatur. Non ergo eorum interpretatio imitanda est, qui hinc occasione sumpta bona opera nihil prodesse, contra verò mala opera nihil obesse ad iustificationem voluerunt intelligere: multoque minus ij audiendi sunt, qui mala prodesse, bona obesse affirmare ausi sunt. Tanta est nostri seculi hominū peruersorū audacia. Neque enim ideo hanc proposuit Christus parabolam, ut benefacere cessent homines, sed ut quę bene egerunt, per humilitatem custodiant, ideo proposita est. Aperit enim Lucas ad quosdam in se consistentes dictum esse scribit. Neque verò idem est bona opera facere, quod in eadem confidere. Bonum est & Deo acceptum, bene operari. Ipse enim Deus bona opera præcepit, prohibuit mala. Tum Paulus nos à Deo creatos affirmat in Christo Iesu, in operibus bonis, quę preparauit Deus, ut in illis ambulemus. Et quod Christus semetipsum pro nobis dederit, ut nos redimeret ab omni iniquitate, & mundaret sibi populum acceptabilem, sectatorem bonorum operum. Adde quod bonis operibus multa & magna promisit Deus, ut ad Abraham: Noli timere, ego protector tuus sum, & merces tua magna nimis. Et: Ambula coram me, & esto perfectus ponamque fœdus meum inter me & te. Et ad Ieremiam: Quiescat vox tua à ploratu & oculi tui à lacrymis, quia est merces operi tuo. Et Christus in Euangelio: Quicumque potum dederit vni ex minimis istis calicem aquę frigidę tantum in nomine discipuli, amen dico vobis, non perdet mercedem suam. Et Paulus iterum: Gloria & pax & honos omni operanti bonum, Iudæo primum & Græco. Et iterum: Vnusquisque recipiet mercedem laboris sui. Et qui parce seminat, parce & metet: qui seminat in benedictionibus de benedictionibus & me sequi testatur. Tum etiam Christus dixit: Noli timere pusillus grex, placuit patri vestro vobis dare regnum. Et alibi ait: Patet volo ut vbi ego sum, illic sit & minister meus. Vnde quod supra dictum est colligitur, bona opera facere, iustum saluare,

S ac Deo

Phil. 2.

Ioan. 17.

Ioan. 15.

ac Deo acceptum esse. Nō ergo ideo Phariseus reiicitur, quōd iuste vixerit, sed quōd hoc ipsi sibi vendicat, quōd mala euitauerit, quōdque bona fecerit. Deus enim est qui operatur in nobis velle & perficere. Et sine ipso nihil possumus facere: & quē admodum palmes non fert fructum, nisi in vite manserit, sic nec nos fructum ferimus, nisi in Christo manserimus. Optime ergo suę salutis prospexit Publicanus, qui suam inopiam confitetur, ac diuitias bonitatis Christi prædicat. Hinc ergo non vsque aded difficile esset, quę est in iustificationis articulo, controuersiam tollere. Equidem sentio, peccatori poenitentis, sine Mosaicę legis operibus, non tamen omnino sine bonis operibus iustificationem tribui: hoc est, resipiscentem gratuita Dei misericordia, non tamen sine omni opere iustificari. Id quod hoc Euangelio probatur. In eo enim Deus ad ignoscendum paratus proponitur. Sed cui ignoscit? Non cuiuis, verū petenti & querēti qualis erat publicanus. Et hoc ipso quidem conuenit nobis cum Iudæis atque hæreticis. Quod si queras, quid hominem ad iustificationem iuuat, hic lis oritur. Iudæi enim suis operibus eam, sed falso tribuerunt, quōd circumcisi sacrificarent. Sed nullum legis opus in hoc publicano videmus, qui tamen eo nihilo minus iustificatus est. Quod si non opera ex Mose præscripta, ideo gratia à Christo data eam donat, ecce hoc modo controuersia inter nos atque Iudæos tollitur. Huc pertinet quōd multis in locis Paulus vrget, Rom. 2. & 4. Gal. 2. & 3. non iustificari ex operibus legis, sed per fidem. Alia tamen adhuc mouetur questio, An solus Christus sine nobis id efficiat. Huc quæstioni ipso facto publicanus respondit. Quod si is sine vllō opere iustificatus est, verum est dogma illud: Sola fide iustificari hominem. Sed Euangelium non otiosum cum proponit: humiliavit se, confitetur peccatum suum, percutit pectus suum, exoptat gratiam. Et de tali quidē Christus loquitur, quōd descenderit in domum suam. Et cur id? An quia solum credidit? Non, sed quia qui se humiliat, exaltabitur. Ecce quomodo non nudę fidei iustificatio tribuitur. Recte ergo hætenus de iustificationis articulo suos docuit Ecclesia. Recte etiam Paulus totaque scriptura hanc Ecclesię doctrinam confirmat. Atque hoc modo interpretata parabola, alios quosdā locos ipsa interpretatur, vt qui est in Matthæo: Multi veniēt ab oriente & occidente, & recumbent cum Abraham, Isaac & Iacob in regno celorum. Et: Regnum Dei auferatur à vobis

Matt. 3.

vobis, & dabitur genti facienti fructum eius. Et in Ioanne: Ego in iudicium veni in hunc mundum, vt qui non vident videant: & qui vident cæci fiant. Rursus in Matthæo, vbi nouissimi: qui vna hora laborauerant, æqualem mercedem acceperunt cum iis qui sustinuerunt pœdus diei & æstus. Et Sic erunt nouissimi primi, & primi nouissimi. Omnes hi loci, aliique his similes hac parabola interpretatur. Quod nec prosint opera bona ad iustificationem, quæ corrumpit superbia: nec obstit anteacta vita, quam corrigit & dirigit humilitas & confessio. Qui enim delinquit in vno, factus est omnium reus, & cor contritum & humiliatum Deus non despiciet. Nos ergo qui hæc audiuius, cur nobis hæc in Ecclesia recitentur intelligamus, quod bonum est in vtroque imitemur, quod iniquum vitemus: vtrobique enim bonum & malum videmus. Bonum in Phariseo initium, malus exitus sequitur: malum Publicani principium lætus rerum comitatur exitus. Cum vtroque templum ascendamus, hoc est, Deum queramus, quæsitum apprehendamus, apprehensum teneamus. In hoc enim creati, redempti, ac Euangelij prædicatione vocati sumus. Deinde de nobis ipsis altum sapere, superbire, ac efferri, tum etiam alios iudicare, caueamus: quorum illud mercede æterna priuat, hoc verò iudicio Dei mancipat. Denique quid à Deo sperandum sit discamus. Bonus enim dominus sperantibus in eum, & animæ quærenti ipsum (vt Ieremias ait) beneplacitum est illi super timentes eum, & in eis qui sperant super misericordia eius. Tum cogitemus quemadmodum exhibuimus membra nostra seruire immunditiæ & iniquitati ad iniquitatem, ita nunc exhibeamus illa seruire iustitiæ in sanctificationem. Voluntariè enim peccantibus nobis post acceptam notitiam veritatis, iam non relinquitur pro peccatis hostia, terribilis autem quædam expectatio iudicij & ignis æmulatio, quæ consumptura est aduersarios. Postremò omnium à iudiciis Dei, quæ sunt abyssus multa timeamus. Nam quemadmodum superiore dominica tria super ingratos Iudæos iudicia intelleximus, temporaneum, spirituale, & æternum, & ita & hic tria super omnes homines intelligimus. Illic primum iudicium est, quod Christus ait: Inimici tui circumdabunt te vallo, & coangustabunt te vndique, & non relinquent lapidem super lapidem. *Luc 19.* Secundum Paulus addit: Dedit illis spiritum compunctionis, oculos vt non videant, aures vt non audiant. Tertium Isaïas: *Isa. 66.*

prædixit. Ecce, inquit, Dominus in igne veniet, quasi turbo quadriga eius, reddere in indignatione furorem suum, & intrepationem suam in flamma ignis. Hic verò primum iudicium super hypocritas & Phariseos est, quod vniuersum hominum genus in duo diuidit, quemadmodum etiam in

Matt. 24 Matthæo, ubi ait: Tunc erunt duo in agro, vnus assumeretur, & vnus relinqueretur, duæ molentes in mola, vna assumeretur, & vna relinqueretur: duo in lecto, vnus assumeretur, & vnus relinqueretur. Eiusmodi profectò hoc est iudicium, quod meritò timeretur ab omnibus. Non enim sine causa toties Scriptura eius meminit. Duos Adam habebat filios,

Gen. 4. alter iustus, alter iniustus. Et in tribus Noë filiis Cham maledictus est. In filiis Abraham & Isaac, Ismaël & Esau peruersi. In Dauid filiis maior pars peruersa. In duodecim tribus Is-

Gen. 11. raël, duo tantum in vera religione ac templo persistere. Et Do-

25. minus in Euangelio multos vocatos, paucos verò esse electos

3. Reg. 12. testatur. Secundum iudicium Dei est, quod Phariseum, quem

Matt. 20 nemo reprehendere potuisset, qui que admodum se in bonis

operibus exercuerat, hic tamen à facie Dei reiecitur. Id quod

1. Pet. 4. vehementer timendum est. Si enim iustus vix saluabitur, iniu-

Psal. 118. stus ubi manebit? Propterea Dauid à iudiciis Dei se timuisse

perhibet. Tertium denique iudicium Dei est, quod Chri-

stus ait: Qui se exaltat, humiliabitur. Non dixit, qui subli-

men locum ex officio tenet (ne & hoc damnationi obnoxium

quis arbitretur) sed qui se exaltat humiliabitur. Sic ergo hæc

parabola duorum in templo orantium sedulò ante oculos

nostros, & cum Phariseo quidem iustitiæ studeamus, sed cum

Publicano humiliter de nobis sentiamus, nosmet accu-

semus, Dei gratiam & dona prædicemus. Sic fiet,

vt qui superbum reiecit Phariseum, hu-

miles exaltet in cælum, ubi perpe-

truum ex Trinitatis splendo-

re gaudium est,

Amen.

DOMINICA DE- CIMATE RTIA POST PENTECOSTEN EVAN-

GELIVM, MARC. VII.

ET iterum exiens de finibus Tyri, venit per Sidonem ad mare Galilææ inter medios fines Decapoleos. Et adducunt ei surdum, & mutum. Et deprecabantur eum, vt imponat illi manum. Et apprehendens eum de turba seorsum, misit digitos suos in auriculas eius, & expuens terigit linguam eius, & suspirans in cælum ingemuit, & ait illi: Epheta, quod est, adaperire. Et statim apertæ sunt aures eius, & solum est vinculum linguæ eius, & loquebatur rectè. Et præcepit illis ne cui dicerent. Quanto autem eis præcipiebat, tanto magis plus prædicabant, & eo amplius admirabantur, dicentes: Bene omnia fecit, & surdos fecit audire, & mutos loqui.

EADEM DOMINICA EPI-

STOLA, II. COR. III.

Fiduciam autem talem habemus per Christum ad Deum, non quod sufficientes simus cogitare aliquid à nobis, quasi ex nobis, sed sufficientia nostra ex deo est, qui & idoneos nos fecit ministros noui testamenti, non litera sed spiritu. Litera enim occidit, spiritus autem viuificat. Quod si ministratio mortis literis deformatà in lapidibus, fuit in gloria: ita vt non possent intendere filij Israël in faciem Moysi, propter gloriam vultus eius quæ euacuatur, quomodo non magis ministratio spiritus erit in gloria? Nam si ministratio damnationis in gloria est, multo magis abundat ministerium iustitiæ in gloria.

S 3 SERMO

S E R M O.



Vanquam hac Euangelica lectio, nudam historiam eamque intellectu facilem obiter intuentibus habere videatur: tamen eò reiicienda non est, aut contemnenda. Est enim is sacrarum scripturarum mos, ut sub planis verbis, magna sæpè

abscondita gerat mysteria. Quo nomine permultum à seculi monumētis differt, quæ plerunque sub ingenti verborum apparatu de viliſſimis momentaneisq; rebus testantur. Vnde Paulus Romanis scribens, Quæcunque (inquit) scripta sunt, ad nostram doctrinam scripta sunt, ut per patientiam & consolationem scripturarum spem habeamus. Et: Omnis scriptura diuinitus inspirata utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei ad omne opus bonum instructus. Hæc autem lectio nō solum in numero sacræ scripturæ, verumetiam ab Euangelista Marco scripta, inter Euangelia computata est. Propterea quod ad literam attinet, historia est, qua describitur miraculum Christi verbo vno surdum ac mutum sanantis: quod ad mysticum sensum, naturam habet Euangelij, hoc est, læti nuncij, cum duas in Christo conditiones, potentiam ac voluntatem declarat, ut quod nos etiam velit sanare corporaliter ac spiritualiter: ac quod velit, possit ipse facere. Iniuria autem non solum Euangelium, verumetiam Christus afficitur, si ex obiter intellecto verbo corporum tantum medicus ille creditur. Minus est enim hoc sentire, quàm par est de Dei filio credere. Corporales enim morbi ut sæpè aut tolluntur aut mitigantur, ita dū morte finiuntur, sempiterni non sunt. At animarum languores cum nullo medicinx emplastro sanantur, tūc nec morte finiuntur, ipsam animam vsque in infimum barathrum sequentes. Cælestis ergo nobis ad hos languores tollendos necessarius erat medicus, qui est Christus. Hic ergo corporibus medetur, ut per hoc sagatas animas ostendat. Vnde ipse ait. Oportet me opera Dei operari dum dies est. Quādiu sum in mundo, lux sum mundi. Et: Ego veni ut vitam habeant, & abundantius habeant. Et: Hæc est voluntas patris mei, qui misit me, ut omnis qui videt filium & credit in eum, habeat vitam æternam. Non est enim vllum præterea nomē sub cælo datum, in quo oporteat nos saluari. Neq; enim ab villo est redēptio à peccato, à maledictione, morte atq; inferno, nisi ab eo solo, cui Deus dedit

pote

Rem. 15.

2. Tim. 2.

Ioan. 9.

Ioan. 16.

Ioan. 6.

Act. 4.

Ioan. 17.

potestatem vniuersæ carnis. Hoc Apostoli in Christo cognouerunt. Propterea dicunt: Quo ibimus? Verba vitæ æternæ habes. Et Paulus: Mihi viuere Christus est & mori lucrum. *Ioan. 6*
 Et David: Non recedimus à te Domine, viuificabis nos & nomen tuum inuocabimus. *Philip. 1*
 Quòd si igitur nos ea in Christo videre possumus, quæ viderunt Apostoli, Paulus, & David, non vsque adeo externo verbo inhærebimus, ad spiritualem sensum transcendemus, & quod corporaliter in hoc muto ac surdo factum est, spiritualiter in nobis fieri intelligemus. Tum fides accendetur, & ad agnoscēdos quisque morbos suos, & ad querendū medicū animarū nostrarū mouebimur. Hæc enim omnia requiruntur in miraculis Christi, non autem solum vt admiremur potentiam diuinam. Increduli sint admiratione contenti: nobis maiora manent. Quid enim si Christus hæc fecit? An non David eiusmodi facta de ipso prædixit, cum ait: Tu es qui facis mirabilia magna solus? Et: Omnia quæcunque voluit fecit, in cælo, in terra, in mari, & in omnibus abyssis? Non ergo si hunc ille sanat, miremur. *Psal. 76*
 Illud potius mirandum esset, si cum ipse & pater vnum sunt, *Ioan. 10*
 ipse in patre, & pater in ipso est, non posset aut nolit sanare. Tum illud admiratione dignum, quod Christi ad opem ferendam paratissimi auxilium, rā pigre ac pauci expetimus, cum omnes illo indigeamus. An non est paratissimus Christus, an non promptus sanauit? Principiò enim promptam ipsius voluntatem locus vbi hunc sanauit indicat. Tyrus & Sydon gentiles erant ciuitates. Et quid Euangelista loci huius assignatione voluit? Nempe quia & gentibus saluator venerit, & non solum Iudæis. Sic etiam paulo ante Syrophe-
 nisse opem tulit. Proprie quidem Iudæis Saluator promissus erat & venerat. Sed noluit diuina bonitas tanto bono gentes priuari, vt impleretur quòd in Isaia scriptum est. Parū est vt sis mihi seruus ad suscitādas tribus Iacob, & feces Israël conuertendas: Ecce dedi te in lucē gentiū, vt sis salus mea vsq; ad extremum terræ. Et hoc primū argumentū pròptæ voluntatis in Christo, quòd missus ad oues quæ perierunt domus Israël, etiam gentium infirmitati subuenit. Vnde cum Paulo confidenter dicere possumus: An Iudæorū tantū est Deus, an non etiā gentium? abolitū enim est vetus illud dictum, quo tantū in Iudæa notus perhibetur dominus. Omnis enim qui inuocauerit nomen domini, saluus erit: & omnis etiam qui *Psal. 75*
Ioel. 7.
Isai. 20

credit in illum non confundetur. Deinde per hoc etiam prompta voluntas Christi significatur, quod homo ille quem sanauit, mutus & surdus describitur. Quod si iustum, bonisq; operibus onustum saluasset, iam multa adhuc nos teneret cunctatio, an & nos velit sanare, qui peccatores & iustitia vacui: cum scriptum sit, quod Deus peccatores non exaudiat, sed odio habeat: essetq; proximum cum Cain dicere: Maius est peccatum meum, quam ut veniam merear. Hanc pusillanimitatem eximit, quod mutum ac surdum sanauit, hoc est, eum qui nec legem Dei audire, nec diuinam maiestatem laudare potuit. Sed ad petitionem aliorum sanauit eum, ut sciamus infantes nostros, aliosq; impotentes non à Deo repelli, sed Ecclesiæ supplicatione saluari. Sic nec longa oratione tandem exorabilis fit, sed mox paratus sanat, & manus tantum imponi postulatur, totus sanatus redditur. Sic diuina dona desideria humana excedunt, secundum diuitias bonitatis Dei. Quicumque igitur, siue Græcus, siue Iudæus, Deum orare potest, idem quod petit accipere potest. Non enim apud Deum distinctio est per sonarum. Quæ omnia paratam Christi voluntatem perspicuè demonstrant, quod petentibus semper prout & paratus adsit medicus redemptor saluator. Pari autem ratione omnipotens ipsius virtus declaratur, quod tam citò ac facile sine medicamento, perfecte omnibus videntibus sanauit. Quæ ergo causa, quod tam paucos sanauit? Facilis & prompta responsio. Quia plures non petierunt. Ecce enim tres in hoc Euangelio ciuitates nominatim exprimuntur, in quibus Christus sese manifestum exhibuit: Tyrus, altera Sidon, & fines decapoleos. Et hæc quidem ita describuntur, ut facile appareat quam inæquali modo sit susceptus. Exiens de finibus Tyri, venit per Sidonem, sed inter medios fines decapoleos, tandem suæ opis egentes comperit. Quod autem hic egit, idem aliâq; similia in Tyro ac Sidone potuisset facere, si eam fidem, pietatemque ibi comperisset. Quamquam autem paulo antè in Tyri finibus Syrophenisâ adiutisset, tamen nulla illud quantumlibet egregium facinus, secuta est gratiarum actio, aut fides. Cum ergo trium hominum genera sint in mundo, imò in nobis etiam Christianis quolibet ciuitas seu regio vnum genus significat, eoque hos locos ut speculum quoddam ab Euangelista propositum intueri libet. Primum ergo hominum genus tam peruersum est, ut Christus omni-

nō ab eis recedere cogatur. Quemadmodum de Iudis
 ipse ait : Auferetur à vobis regnum Dei , & dabitur genti
 facienti fructum eius. Et iterum , Ierusalem , Ierusalem ,
 quoties volui congregare filios tuos , quemadmodum galli-
 na congregat pullos suos sub alis , & noluisti : Ecce relin-
 queretur vobis domus vestra deserta. Nec videbitis me do-
 nec dicatis : Benedictus qui venit in nomine Domini. Et in
 Ioanne : Ego vado , & quaeretis me , & in peccato vestro mo-
 riemini . Ab his ergo exit Dominus , quod serui pecca-
 ti , iustitiæ ac Christi non sint capaces. Alij deinde in omnem
 horam sunt mutabiles , vt licet suscipiant Christum , diu
 tamen secum eum esse non patiantur , vt Sidon. Et de his di-
 citur , quod ad tempus credunt , & in tempore tentationis
 recedunt. Vix ergo tertia pars hominum restat , in qui-
 bus gratiæ suæ dona Christus operari possit , quantumuis
 vbique paratus ac promptus in auxilium piorum sit. Cir-
 cuit idem saluator etiamnum in finibus Tyri ac Sidonis ,
 hoc est , inter gentes , & nemo est in vniuersa humana massa
 qui non aliquam patiatur febrem : atque vtinam vel pauci
 suum morbum agnoscerent & Iesum precarentur. Quod
 enim omnes id facere velint , ne quidem sperare ausim. Ipse
 saluator videt in nobis morbum , nos ipsi nec videmus , nec
 intelligimus. Clamat ille : Si quis sitis , veniat ad me &
 bibat. Et iterum : Venite ad me omnes qui laboratis & o-
 nerati estis , & ego reficiam vos , & in me inuenietis re-
 quietem animabus vestris. Iam toties in infirmitates rela-
 bimur , quoties peccamus : Quemadmodum enim mors ,
 ita etiam morbi corporum pariter atque animarum stipen-
 dium sunt peccati. Homo (inquit Dauid) vanitati simi-
 lis factus est , dies eius sicut vmbra prætereunt. Et iterum :
 Homo (inquit) cum in honore esset non intellexit , com-
 paratus est iumentis insipientibus , & similis factus est illis.
 Ex peccato est , quod homo natus de muliere , breui viuens
 tempore , repletur multis miseriis : qui quasi flos egredi-
 tur & conteritur , & fugit velut vmbra , & nunquam in eo-
 dem statu permanet. Proinde in Ecclesiastico scriptum est :
 Fili , peccasti , non adicias iterum , sed de pristinis de-
 precare , vt tibi dimittantur. Quasi à facie colubri fuge
 peccata , & si accesseris ad illa , suscipient te. Dentes leo-
 nis dentes eius , interficientes animas hominum. Quasi

Ioan. 8.

Luca 8.

Ioan. 7.

Matt. 13.

Psal. 143.

Psal. 48.

Iob 14.

Eccl. 24.

romphæa bis acuta omnis iniquitas, plagæ illius non est sanitas. Et hæc quidem humanæ miseriæ, quæ sunt ex peccato, satis ostendunt. Apertius autem eadem in hoc infirmo considerantur. Mutus erat & surdus. In sensibus exterioribus hi duo maximè necessarij, sermo & auditus, non solum propter conuersationem hominum, verumetiam ac multo magis propter salutem. Duo enim ad salutem requiruntur, fides mentis & confessio oris. Vt Paulus: Corde, inquit, creditur ad iustitiam, ore autem fit confessio ad salutem. Hic ergo ne Christi verbum audire potuit, quia surdus, nec confiteri ad salutem, quia mutus. Miserrima profectò illius conditio, tot bonis priuari. Sed an fortè non etiam inter nos sunt, qui sua sponte, propriæque malitia aures obturant, ne verbum veritatis percipiant, & obturatas seruant? Certè de quibusdam in Propheta Dominus loquitur: Noluerunt attendere, & auerterunt scapulam recedentes, & aures suas aggrauerunt ne audirent, & cor suum posuerunt vt adamantem, ne audirent legem, & verba quæ misit Dominus exercituum suo in spiritu sancto in manu prophetarum priorum. Et Dauid: Furor illis secundum similitudinem serpentis, sicut aspidis surdæ & obturantis aures suas. Sic & inuenies non paucos, qui planè ad annunciandum eloquia Domini, perdite autem diserti ad sermonem nequitie. Et qua ratione sese excusabunt mutus & surdus? Quid prætendet surdus, quod verbum Dei cuius sonus ac virrus in omnem terram exiuit, non audiuit? Quid mutus qui nunquam ad laudem diuini nominis os suum aperuit, cum gloria nominis illius cælum ac terram impleuerit, ita planè vt iam non Seraphin tantum, verumetiam omnis creatura clament: Sanctus, Sanctus, Sanctus Dominus Deus Sabaoth? Nulla profectò his superest excusatio. Nunquid enim non audierunt, inquit Paulus. Aut quomodo non audiissent, quod orbis terrarum angulos omnes penetrauit? Sed desperandum non est, quandiu Iesus, qui saluare vult ac potest, inter medios fines decapoleos, hoc est, inter nos gentes ambulat. Non enim abbreviata est manus Domini. Licet enim peccata nostra diuiserint nos à Deo, licet surdi ac muti sint multi, est tamen Ecclesia quæ orat ac ducit, tantum si Ecclesiæ incorporarentur eiusmodi homines, nec ducenti reluctarentur, multoq; magis cum ea precarentur

tur, vt auferat Dominus cor lapideum ipſorum, détque cor molle ac carneum, quemadmodum ipſis neceſſarium eſt, & *Exch. 36* Dominus facturum ſe eſſe promiſit. Adhuc dico: Paratus eſt Dominus in auxilium noſtrum, proiecit poſt tergum ſuum omnia peccata noſtra, portat ipſe etiamnum omnes infirmitates noſtras. Omnia illa quæ ſemel corporaliter in hoc homine fecit, quotidie ſpiritualiter nobiſcum facit, tantum nō oculos quoq; cæcos haberemus. Primò enim apprehendit eum. Apprehēdit autē Dominus quēlibet hominē in creatione, tū etiā in cōſeruatiōe. Vt Dauid, Manus, inquit, tuæ, (Domine) fecerunt me & blaſphemauerunt me. Et alibi: non collide *Pſal. 118.* tur, quia Dominus ſupponit manum ſuam. Et de Petro legimus, quod apprehenſum manu Dominus conſeruauerit ne *Pſal. 36* mergeretur. Manus Domini virtus intelligitur Dei. Tūc ergo & nos manu apprehendit, cū noſtri curam gerit, tuctur, ac defendit nos. Deinde opem laturus Dominus ſeorſum ducit *Matt. 7* de turba: nēpe à via lata, quam multi ambulant, & iungit pu *Luca 12* ſillo gregi, vbi timor vertitur. In multitudinis enim praua cōuerſatione nec audire licet Dei eloquia, nec loqui rectè. Sic *Matt. 26* Petrus in aula Caiaphæ peccauit, ſed exiens ab illa, cœpit flere *1. Cor. 5.* commiſſum: Et quid eſt q̃ Paulo monente nō commiſcemur *Iſa. 15.* malis, & Iſaia clamāte de medio pollutorū eximus, niſi quod hodie etiam nos Chriſtus ſeorſum de turba ducit? Verè enim Salomō dixit, eum qui tetigerit picem, inquinari ab ea, Verè etiam Paulus, corrumpere bonos mores colloquia praua ſcripſit. Tertio digitos ſuos miſit in auriculas eius, vt oſtenderet diuinitatem operari per humanitatem aſſumptam quaſi per instrumentum: & quod nihil non ſaluificum in Chriſto & quod multis modis poſſit ſaluare, non tantum verbo, imò quod etiamnum nemo perfectè audire poſſit, niſi digito Dei internè operante. Digitus autem Dei, Spiritus ſanctus eſt, *Exod. 8* quem Magi in Aegypto conſtitentur, in quo & Chriſtus *Luc. 11* dæmonia ſe eiicere affirmavit. Inanis ergo eſt omnis prædicatio Euangelij, niſi Dei digitus aures noſtras aperuerit, niſi ſpiritus ſanctus corda præparauerit ac reſerauerit. Hinc eſt quod prophetæ conqueruntur, populum non audire verbum Domini. Ieremias clamat: Terra, terra, *Ier. 12* terra, audi ſermonem Domini. ac ſi diceret, homines obturatas aures habent, non audiunt. Sic per eundem Dominus *Ier. 7.* teſtatur ſe viſtimas & holocauſta non propter ſe, ſed propter

prer audirum verbi à populo illo exegisse, ac mox addit: Audi-
 te vocem meam, & ero vobis Deus. Et non audierunt, nec in-
 clinauerunt aurem suã, sed abierunt in voluptatibus, & in pra-
 uitate cordis sui mali. Idem in Dauid conqueritur Dominus,
 Prædicabant Prophetæ Domini ad populum, annuntiabant
 voluntatem Dei, sed nihil præterea poterant, quàm voce hu-
 mana aurem ferire humanam, quemadmodum qui seminat
 & qui rigat incrementum dare non possunt. Quod reliquum
 erat, huic digito Dei permittere necesse erat. Vtinam ergo &
 nos vnctio illa doceret, cuius Ioannes meminit. Vtinã & cum
 Isaia pro se quisque diceret: Dominus Deus aperuit mihi au-
 rem, ego autem non contradico, retrorsum non abij: Non vt
 sine Euangelio verbi Dei tantum interna inspiratione nos do-
 cebat, sed vt Dei verbum quod corporeis hisce auribus perci-
 pimus, mente intelligamus ac conseruemus. Hoc modo illud
 etiam hodie in nobis fieri intelligimus, quòd in terram ex-
 puit. Spiritu enim Dei sapientiam interpretamur, sine qua ne-
 mo rectè loqui potest. Propterea Dauid Dominum precatur di-
 cens: Domine labia mea aperies, & os meum annuntiabit lau-
 dem tuam. Et Paulus Ephesinæ Ecclesiæ orationem pro se pe-
 tit, quòd ipsi sermo detur, in apertione oris sui, cum fiducia no-
 tum facere mysterium Euangelij. Ecce quod ea quæ semel in
 hoc muro ac surdo corporaliter fecit, quotidie inter nos fa-
 ciat. Multi inter nos muti sunt atque surdi. Christus nunc il-
 lum, nunc hunc seorsim de turba seligit, audientes & rectè lo-
 quentes facit. Atque ad hanc rem diuersis vtitur medicamen-
 tis, nunc leuioribus, nunc acerbioribus. Iam multis tempori-
 bus clamauit in aures nostras, Epheta, quod est, adaperire, pœ-
 nitentiam agite, & credite Euangelio. Sed contemnimus cla-
 mantem. Admouet ergo acerbiora, bellum, famem pestilen-
 tiam, si quomodo promoueat. Non quia clamare cesset, sed
 quòd hæc clamori addat. Quam ob rem perapostirè Euangelio
 huic Pauli lectio subditur, in qua egregiè Christi ac Euange-
 lij maiestatem, rum etiam Apostolatus dignitatem extollit, vt
 nemo non videat quàm sit detestandum, cum tot tantique sint
 Apostolici prædicatores, surdos tamen manere nos ac mutos.
 2. Cor. 3. Fiduciam, inquit, talem habemus per Christũ ad Deum, non
 quòd sufficientes simus aliquid cogitare à nobis, quasi ex no-
 bis, sed sufficientia nostra ex Deo est, qui & idoneos nos fecit
 ministros noui Testamenti, non litera, sed spiritu. Quibus ac
 sequent

Psal. 80

Isa. 26

Pron. 1

1. Cor. 3

1. Ioan. 2

Isa. 50

Psal. 50

Ephes. 69

2. Cor. 3.

sequentibus verbis magnam Apostolus differentiam statuit
 Moyſi & Chriſti: Legis ac Euangelij: Leuitici ordinis ac Apo- *Exod. 36*
 ſtolatus. Moſes quidem ſplendorem habebat gloriæ, ſed tan- *Mat. 27*
 tum in facie, & eiufcemodi ſplendorem, qui velamine poſſet
 tegi. At Chriſtus totus pellucidus eſt, facies eius ſicut fulgur,
 veſtimenta eius ſicut nix alba. Nec ſolum Moſen ac Heliam
 ſecum habuit, verum etiam Spiritum ſanctum & patrem, quod
 ipſe eſſet filius ille Dei teſtificantes. Vidimus (inquit Ioannes) *Iohn. 1*
 gloriā eius, gloriā quaſi vnigeniti à patre. Adde quod ipſe
 etiam ſedet ad dextram maiestatis in excelsis: tanto melior an-
 gelis eſſe debet, quanto differentius nomen præ illis hæredita-
 uit. Deinde nulla ferè comparatio legis cum Euangelio. Illa *Rom. 7*
 enim nudam literam mortificantem, damnantem, & pereuntem
 habebat. Peccatum, inquit Paulus, nō cognoui, niſi per legem.
 Nam concupiſcentiam nesciebam, niſi lex diceret: Non con-
 cupiſces. Occaſione autē accepta, peccatum per mandatum o-
 peratum eſt in me omnem concupiſcentiam. Sine lege enim
 peccatum mortuum erat. Ego autem vivebā ſine lege aliquan-
 do. Sed cum veniſſet mandatum, peccatum reuixit. Ego autem
 mortuus ſum, & inuentum eſt mihi mandatum, quod erat ad
 vitam, hoc eſſe ad mortem. Euangelium verò ſpiritus eſt viuifi-
 cans, ſaluans, ac in æternum iuſtificans. Virtus enim Dei, vt *Iohn. 6*
 idem Paulus teſtatur, in ſalutē omni credenti, Iudæo primū *Rom. 1*
 & Græco. Sic multis nominibus miniſteriū Levitarum differt
 ab Apoſtolatu. Illi enim legem terroris ac acerbitalis plenam
 prædicabant, hi verò Euangelium, hoc eſt, remiſſionem pecca-
 torum, iuſtitiam & ſalutē annuntiant. Illi temporanea & ca-
 duca promittebant, hi ſempiterna, cæleſtia, & certa. Et hoc eſt
 quod Apoſtolus illorum officiū miniſtrationem mortis &
 damnationis dicit: horum verò miniſtrationem ſpiritus & mi-
 niſterium vitæ. Et quid ſibi hæc volunt? Hoc Paulus vult: Si
 Moſe maior eſt Chriſtus, quæ erit incredulitatis noſtræ excu-
 ſatio, cum & ij, qui ſub Moſe non credebant iræ Dei ſubiice-
 rentur? Si Euangelium multo eſt præſtantius lege, cur non
 audimus? quid obſurdeſcimus? Si Apoſtoli noſtri iucundio-
 ra multo, ac certa, cæleſtia, ſempiterna, promittunt, quor
 obmuteſcimus, cur non ora in laudem Dei ſoluimus? Quod er-
 go iſti faciunt, qui ſurdum ac mutum hominem ad Ieſum du-
 cunt, hoc Euangelium & Apoſtoli etiamnum præſtant, qui
 quaſi digito in Chriſtum monſtrāt, ipſum eſſe pontificem qui
 poſit

possit condolere infirmitati nostræ, ac saluare. Et quod tunc Christus surdo ac muto præstitit, idem hodie, cum ex peccatoribus iustos, ex obduratis pios, ex persecutoribus Apostolos, ex iræ filijs, Dei progeniē dextera excelsa constituit. Sic etiam non est desperandum, quum inter nos quoque sint, qui à Christo saluatore sanati, soluto linguæ vinculo, rectè loquantur, quod piè docente Christo audierūt. Quid autem superest, nisi vt cum hac turba Dei agnoscentes beneficia in gratiarum actionem ora nostra resoluamus: Benè omnia fecit, mutos loqui & surdos fecit audire. Facile autem est hoc dicere, sed ita verè & ex animo sentire non ita facile. Alij quidem cum pro voluntate & arbitrio suo viuunt, nullis malis afficiuntur, id Deo tribuunt, quòd omnia benè fecerit. Alij etiam licet inimica fortuna viuant, simile quid dicunt: Rectè ac iustè Deus omnia fecit, vt Dauid ait: Iustus es Domine & rectū iudicium tuum. Et fratres Ioseph: Meritò hæc patimur, qui peccauimus in fratrem nostrum Christum: Et Daniel: Omnia quæcunque fecisti nobis Domine, in vero iudicio fecisti, quia peccauimus tibi. Sed minus sufficiens sermo est, Rectè omnia fecit, & aliqua benè fecit. Is autem perfectorum sermo est, omnia benè fecit siue pij afficiuntur malis, siue impij bonis, quòd Deus omnia ad gloriam suam, ac nostram vtilitatem faciat, perfectorum dico: non enim omnes hoc verbum capiunt. Nam & pij multi hoc sentire sudauerunt, & vix potuerunt. Iob sanctus & patiens longa vsus est querela, cur sibi tot mala à Deo immitterentur, qui ab ineunte ætate semper virtuti studuerint, nullius peccati sibi conscius. Sic Dauid, Ieremiàs, & Abacuc, quòd Deus omnia benè fecerit vix dicere potuerūt. Penè (inquit Dauid) moti sunt pedes mei, penè effusi sunt gressus mei. Quia zelauī super iniquos pacem peccatorum videns. In labore hominum non sunt, & cum hominibus non sigellabuntur. Ideo tenuit eos superbia. Ieremiàs vehementius cōqueritur. Iustus quidem es Domine, si disputem tecum, verū etiam iusta loquar ad te. Quare via impiorū prosperatur? Benè est omnibus qui preuaricantur & iniquè agunt. Vehementissimè Abacuc: Viquequo Domine clamabo ad te, inquit, & non exaudies? Vociferabor ad te vltm patiens, & non saluabis? Quare ostendisti mihi iniquitatem, & laborem, videre prædam & iniusticiam contra me? Quare respicis contemptores & taces? Impius præualeat aduersus iustum, &c. Petrus quoque hoc dicere non potuit

Psal. 118

Genes. 42

Iob 10

Psal. 72

Iere. 18

Abac. 1

Mat. 16

potuit, cum Christum morti tradendum cerneret, sed ait: Absit hoc à te Domine. Ecce quomodo perfectorum tantum vox sit tam in aduersis, quàm prosperis dicere: Deus omnia benè fecit, ideòque egregium istud pietatis exemplum est, quod non solum hic surdus & mutus in hanc gratiarum formam erupit, qui sanatus beneficiū Christi in sese sensit, verum etiam quod omnis turba illa quæ vidit hæc, admirata est ac prædicaui, nullo licet beneficio affecta esset. Qua quidem ratione in Ecclesia hæc hodie legitur historia, vt & nos per eam spem habeamus, fore vt quemadmodum potentiam suam & voluntatem Christus in hoc homine declarauit, ita etiam nobis opem ferre, ac sublatis corporum morbis, animis nostris sensus suos integros velit restituere, quò ipsi deinceps loquenti obaudiamus rectius, & laudem eius pleno ore apud omnes prædicemus apertius, Amen.

DOMINICA DE
CIMA QVARTA POST
PENTECOSTEN
EVANGELIUM,
LUCÆ X.

ET conuersus ad discipulos suos dixit: Beati oculi qui vident quæ vos videtis. Dico enim vobis, quòd multi Prophetæ & Reges voluerunt videre quæ vos videtis, & non viderunt: & audire quæ vos auditis, & non audierunt, &c.

EADEM DOMINICA EPI-
stola, Galat. III.

Abraha dicta sunt promissiones, & semini eius. Non dicit, & seminibus, quasi in multis, sed quasi in vno, & semini tuo, qui est Christus. Hoc autem dico, testamentum confirmatum à Deo, quæ post quadringentos & triginta annos facta est lex, non irritum facit, ad euacuandam promissionem. Nam si ex lege hereditas

Hoc Eu-
geliū Le-
ctor apud
Euangelis-
tam qua-
rat: hic e-
nim ob ca-
sum quen-
dam excu-
di non po-
tuit.

ditas, iam non ex promissione. Abrahæ autem per repromissionem donauit Deus. Quid igitur lex? propter transgressionem posita est, donec veniret semen cui promiserat: ordinata per Angelos in manu mediatoris. Mediator autem unus non est: Deus autem unus est. Lex ergo aduersus promissa Dei? Absit. Si enim data esset lex, quæ posset viuificare, verè ex lege esset iustitia. Sed conclusit Scriptura omnia sub peccato, ut promissio ex fide Iesu Christi daretur credentibus.

S E R M O.

Baruch 4

EA est huius Euangelij, siue verba, siue sensus attendas, excellentia ac dignitas, ut meritò cum Baruch Propheta dicere libeat: Hic, inquit, liber est mandatorum Dei, & lex quæ est in æternum. Omnes qui tenent eam, peruenient ad vitam: qui autem dereliquerint eam, in mortem. Conuertere Iacob & apprehende eam, ambula per viam ad splendorem eius contra lumen eius. Ne tradas alteri gloriam tuam & dignitatem genti alienæ. Beati sumus Israël, quoniam quæ Deo placent, manifesta sunt nobis. Hæc (inquam) de hoc Euangelio dicere libet. Si enim tantum tribuit Propheta legi per Moysen seruum latæ, quantum Euangelio per Christum filium dato tribuendum est? In hoc enim perfectè sunt tradita, quæ Deo immutabiliter placent. Beatiores ergo nos, quibus verè manifestata est Dei voluntas. Quòd etsi de toto Euangelij scripto intelligi potest, peculiari tamen modo de præsentì lectione accipitur. In ipso enim quicquid usquam magnum & ad salutem scitu necessarium scriptum est, quasi per compendium traditur. Principiò enim quæ vera beatitudo sit ostendit: nempe videre Christum. Deinde quid ad hanc consequendam requiratur, nempe, diligere Deum & proximum. Et hæc quidem cum tractat, ea verborum vitur grauitate, quæ Deo digna, nobis est pernecessaria. Discipulis loquitur iucunda, Scribæ seuera, turbis parabolica. Alia scriptura de fide loquitur, alia de dilectione. Hæc & fidem suadet, & dilectionem exigit. Omnis scriptura diuinitus inspirata utilis est aut ad docendū, aut ad arguendū, aut ad corripiendū, aut ad erudiendū in iustitia, ut perfectus

Etus sit homo Dei, sit ad omne opus bonum instructus, & ut per consolationem scripturarum spem habeamus: hæc verò lectio ad isthæc omnia simul. Principiò igitur quid de vera beatitudine veritatis doctor affirmet, videamus: Beati (inquit) oculi qui vident quæ vos videtis, Conueniens exordium est. Omnes enim naturali quodam ductu beati esse volumus: & ut simus, laboramus, huc omnes cogitationes dirigimus. Sed vehementer errant homines, nò solum in deligenda beatitudine, verumetiam in appetendo: cum alij terrena pro cælestibus, alij momentanea pro æternis, alij corporalia pro spiritualibus beatitudinem ponunt, ut pleraque philosophorum gentis antiquæ pars. Iudæi per Moysi legem ac ceremonias eò tendebant peruenire. Hos ergo Paulus arguit, cum *Gal. 3.* beatitudinem gratiæ tribuit, affirmans promissionem Abrahæ factam ante circuncisionem 24. annis, & ante legem 330. nec posse scripturis ostendi, promissionem lege deinceps lata irritam aut euacuam esse, neque tamen ideo legem inanem esse, quandoquidem prædagogus fuerit in Christi aduentum, erudiens homines: & quod ideo peccatum manifestauerit, ut homines eo ardentius Christum venturum quærerent. Illos *Rom. 7.* verò Christus corripit, docens solum Deum omnium esse beatitudinem, hoc est, consequuto Deo, hominum mentes vere quietas esse. Vnde Augustinus: Creasti nos, inquit, Domine secundum te, ideo turbatur cor meum, donec quiescat in te. Nec solum hoc loco id agit Christus, alibi idem vrget, *Matth. 13.* & *Luc. 10.* In Ioanne expressè loquitur: Hæc est vita æterna, ut *Ioan. 17.* cognoscant te solum verum Deum, & quem misisti Iesum Christum. At non omnium esse hanc cognitionem, in Luca do *Luc. 8.* cens, ad discipulos ait: Vobis datum est nosse mysteria regni Dei, cæteris autem in parabolis. Quæ autem sunt illa mysteria? Et quid in Christo viderunt Apostoli? Primò quòd per ipsum originis peccatum, in quo omnes iræ filij nascebamur, *Eph. 2.* abolitum sit, mortisque chirographo deleti patri sumus reconciliari in sanguine ipsius redemptionem habentes. *Coloss. 2.* Secundò *Eph. 1.* quòd in ipso filij Dei sumus, patrem nostrum in calis appellantes. Non enim iterum accepimus spiritum seruitutis in timore, sed accepimus spiritum adoptionis filiorum Dei, qui reddit testimonium spiritui nostro, quòd sumus filij Dei, in quo, *Galat. 4.* qui filij Dei sumus, Abba pater clamamus. Tertiò quòd Christus Dei filius frater noster factus sit, ipso testante, cum ait:

T Vade

- Ioan. 10.* Vade & dic fratribus meis, Ascendo ad patrem meum &
Psal. 11. patrem vestrum, Deum meum & Deum vestrum. Et in
Ioan. 15. Psalmis: Manifestabo nomen tuum fratribus meis. Et
Zach. 9. Iam non dico vos seruos, sed amicos, quia quacunq;
Ioan. 16. audiui à patre meo, nota feci vobis, Quartò, quòd Chri-
Heb. 9. stus rex atque protector noster sit, vt in Zacharia scriptum
est, vt quemadmodum se nobiscum fore promittit vsque ad
consummationem seculi, iubetque considerare, quoniam ipse
vicerit mundum. Quintò, quòd ipse sit summus sacerdos, &
aduocatus noster apud Deum patrem. Vnde per sanguinem
suum semel introiuit in sanctum, vt ibi appareat pro nobis in
1. Ioan. 2. conspectu Dei. Propterea si peccamus, aduocatum habemus
Ioan. 17. apud patrem Iesum iustum. Sextò, quòd & nobis cælum pa-
Ioan. 14. teat, vt Christus ait: Pater, volo vt vbi ego sum, illic sit & mi-
Luc. 12. nister meus. Et: Non turbetur cor vestrũ, Creditis in Deum,
Luc. 22. & in me credere. In domo patris mei mansiones multæ sunt.
Iterum veniam ad vos, & sumam vos ad meipsum, vt vbi ego
sum, & illic & vos sitis. Quia placuit patri dare vobis regnum
& ego dispono vobis regnũ sicut disposuit mihi pater, vt eda-
tis & bibatis super mensam meam in regno meo. Septimò, viam
qua eò perueniendũ est, vnde ait: Quò ego vado scitis, & viam
scitis. Ego sum via, veritas, & vita. Quandiu sum in mundo,
Ioan. 14. lux sum mundi. Qui sequitur me non ambulat in tenebris,
Ioan. 8. sed lumen habebit vitæ. Postremò viderunt quod non solum
per prophetas, verum etiam per ipsum filium Dei eò inuite-
mur, eiusque spe consolemur ac ducamur. An autem hæc
omnia non sunt magna atque ingentia? Non hæc viderunt
alii, præter eos, quibus paratum fuit à patre. Aliquid certè
viderunt antiquiores, ac cognouerunt nonnihil de futura
gratia, quæ in Christo erat reuelanda. Sed in Spiritu tan-
tum. Quemadmodum de Abraham, testatur, quod viderit
diem suum, & sit gauisus. Et de Isaia, Ioan. 12. Sic Daniel
Christum potentem vidit. Daniel 7. Sic David sacerdotem
cognouit, Psal. 109. Sed quo longius præuidebant, eo vehe-
mentius coram videre cupiebant. Id quod in Simone videre
est, qui tunc mori cupiuit, postquam coram vidisset. Sed
alio modo Apostoli viderunt. Hi soli dicere possunt:
Luc. 2. Quod fuit ab initio, quod audiuius, quod vidimus ocu-
4. Ioan. 1. lis nostris, quod perspeximus, & manus nostræ contrecta-
uerunt, de verbo vitæ, & vita manifestata est; & vidimus
& test

& testamur, & annuntiamus vobis vitam æternam, quæ erat apud patrem, & apparuit nobis. Non quòd corporeis oculis atque auribus viderint & audierint beati sunt. Multi enim ita viderunt, nec tamen crediderunt, Loquor (inquit) vobis, & non creditis mihi: Quia non estis de oibus meis. Sed quia interno oculo, hoc est, fide viderunt & crediderunt, ideo beati sunt. Caro & sanguis non videt hæc. Fides oculos illuminat, qua Helizæus angelici exercitus turbam vidit, cæteris absconditam, qua etiam Stephanus, quod nemo aliorum potuit, cælum apertum vidit. Quis autem non diceret beatos, quibus hæc fidei lucerna lucet, quique his oculis tanta videre possunt? Beati mundo corde, quoniam ipsi Deum videbunt. Propterea David cor mundum in se creari optabat, sciens nimirum oculos obuelari, ubi mentis aciem peccati obfuscet immundities. Quid igitur Apostolis dici posset iucundius, quid ipsi audirent latius? Non enim potentiam Dei ac misericordiam aut beneficia solum viderunt, verumetiam suam ipsorum inopiam, nec ita viderunt potentiam, ut eius intuitu desperarent, neque etiam ita cognouerunt misericordiam eius, ut liberius peccarent, sed ut timerent peccatum, odissent, in Deum sperarent, semperque de se ipsis humiliter sentirent. Beatus vir qui timet Dominum, beatus qui non abiit in concilium peccatorum, beatus etiam ille vir, qui sperat in Domino. Ecce igitur beatitudinem Apostolorum, ecce diuitias mundi cordis hominum. Confer adhuc quæcunque hic magnus orbis habet, & erunt quasi stercora. Beati ergo oculi, qui vident quæ Apostoli viderunt. Et quis hanc beatitudinem Apostolicam non expeteret, quis pro ea consequenda non laboraret, quosque adeo omnes nervos extenderet? Et hoc igitur requirendum, quid adhuc requiratur, quæ via incedatur. Ita enim ordo rei postulat, ut primò quid acceperimus à Deo agnoscamus, deinde etiam quid rursum à nobis exigat. Huic autem rei legisperiti seruit quæstio, qui beatitudinem audiens Apostolorum, ipse quæsi beatitudinis cupidus, viam quærit. Quid (inquit) faciendo vitam æternam possidebo? Gravis profecto quæstio, dignaque diligenti consideratione: cui similis illa in Michæa est. Quid dignum, inquit propheta, offeram Domino? Et in Ioanne populus quærit: Quid facie-

Ioan. 15.

6. Reg. 6.

Act. 7.

Matt. 5.

Psalm. 51.

Psalm. 112.

Psalm. 1.

Luc. 10.

- Mich. 6.* mus vt operemur opera Dei ? In Matthæo adolescens quærit:
10. 45. 6. Magister bone, quid boni faciam, vt habeam vitam æter-
Mat. 19. nam ? Et hæc ipsa quæstio Nicodemum ad Christum com-
Ioan. 3. pulit. Sed & apud nos in controuersia est, cum alij præ-
 cepra ridentes, solam sufficere fidem arbitrantur: iam in-
 sufficientiam suam, iam præceptorum grauitatem incusant:
 alij contrà suis operibus omnia pollicentur: quorum illi bo-
 nis operibus detrahunt, hi verò iisdem nimium tribuunt.
 Nemo igitur erret, nemo seducatur. Omnia enim præuidit
 Christus, omnia cauit. Illis quidem beatitudinem nudæ
 fidei tribuentibus, dicit: Non omnis qui dicit mihi Domine
 Domine, intrabit in regnum cælorum. Et: Si vis ad vi-
 tam ingredi, serua mandata. Hoc fac & viues. Illis etiam
Mat. 7. qui insufficientiam suam incusant, & grauitatem præcepto-
Mat. 19. rum prætexunt, vulnerati hominis parabolam proponit, ac
Luc. 10. si dicat, si quod Adam vulnus intulit, vides in te, hoc etiam
 quod ego saluam, cognosce. Denique etiam illis qui suis
 operibus omnia pollicentur respondet, Non sacerdos, id
 est, ceremoniæ, non Leuitæ, id est, victimæ, sed ego ego
 sum, qui te saluauim. Necesse est igitur in Christi respon-
 sum intendamus. Quid (inquit) scriptum est in lege,
 quomodo legis ? Et cur legisperitum de lege interrogat, &
 ex lege quid ad beatitudinem consequendam attrinet, di-
 scere iubet ? Principiò vt eum iustitiæ suæ argueret, qui
 nomen legisperiti sibi vendicabat, quod maximum erat in
 lege, non vti oportebat, considerabat. Deinde vt in pecca-
 torum suorum agnitionem induceret. Erat enim hoc ho-
 minum genus hypocriticum, omnia ad ostentationem fa-
 ciens, ab hominibus gloriolam appetens. Non enim duræ
 ceruicis homines commodius arguantur & reuocantur,
 quàm si ad præceptorum Dei speculum fuerint adducti. De-
 inde & nos docuit Scripturam de via beatitudinis inquirere
 atque inuestigare, vt alibi ait: Scrutamini scripturas, quo-
 niam in ipsis putatis vos vitam æternam habere, & illæ sunt
10. 17. 5. quæ testificantur de me. Et in Isaia: Cum dixerint vobis,
Isa. 8. quærite in Pytonibus, & à diuinis, qui student incantatio-
 nibus suis: nunquid non populus à Deo requireret visionem
 pro viuus ac mortuis ? Ad legem magis & testimonium.
 Quod si non dixerunt iuxta verbum hoc, non erit eis lux
 matutina. Et transibit per eam: & corruct & esuriet.

Habemus

Habemus ergo firmiorem propheticum sermonem, cui recte facitis attendentes ceu lucernæ lucenti in obscuro loco, donec illucescat dies, & lucifer oriatur in cordibus vestris. Sed nunquid satis est, Scrutari Scripturas, ac quid faciendum discere? Non: Ideo enim Scriptura peruestigatur, ut Deus cognoscatur, ipsi credatur, ametur, & in ipso proximus inuenitur. Et hoc est quod legisperitus respondet: Diliges Dominum *Leuit. 19.* Deum tuum ex toto corde tuo, & ex tota anima tua, & ex totis viribus tuis, & ex tota mente tua: & proximum tuum sicut teipsum. Hæc responsio ex Deuteronomio sumpta, quid requiratur ad hanc beatitudinem consequendam ostendit. Vbi considerandum est quod non simpliciter hæc dilectio præcipitur, sed ea quæ ex toto corde, ex tota anima, ex totis viribus, & ex tota mente procedit, tum etiam quæ se ad proximum usque extendat. Talis (inquam) dilectio queritur, quæ totus homo veluti in Deum fertur, nihil cogitat, nihil loquitur, nihil facit, nisi quod ad honorem & gloriam Dei, & proximi commodum pertinet, qui in Deum omnem felicitiam suam, spem, auxilium, ipsam vitam æternam ponit, qui cum Deo omnia se possidere, sine illo nihil habere iudicat. Hæc sibi appendices illi volunt. Sed quæret rudis aliquis: Quomodo dilectioni vita æterna tribuitur? Vbi fides? Vbi quod Paulus ait: Arbitramur hominem iustificari per fidem sine operibus legis? Recte id quidem Paulus. An non autem Christus fidem præmisit, cum Apostoloseo beatos dixit, quod fide multis regibus & prophetis abscondita percepissent? Præterea quis vnquam dilexit quod antè non cognouit? Nihil enim volitum, dixerunt etiam Philosophi, nisi prius cognitum. At fide Deum cognoscimus. Ecce cum dilectio Dei præcipitur, ipsa fides præmittitur. Sic etiam nemo vnquam proximi dilectionem docuit, qui non prius in Deum hominum affectus formauit. Quæ tria quasi catenatim cohererent. Vera fides non est, vbi charitas proximi secluditur, mortua est, nihil est, aut si aliqui deest, ad damnationem est. Nam & demones credunt & contremiscunt. Sic vera Dei dilectio non est, vbi proximi charitas, quam erga semetipsum, minor est. Quomodo enim dico: Diligo Deum, quem non video: & fratrem quem non video aut odio prosequor, aut frigide diligo? Aut quomodo charitas Dei manebit in illo, qui videt fratrem inopia

laborantem, & claudit viscera sua ab eo? Hoc praeceptum habemus (inquit Ioannes) ut qui diligit Deum, diligat & fratrem suum. Ecce vobis certissimam viam perueniendi ad vitam beatam, fidem Dei, & ex illa pendentem dilectionem Dei, deinde & proximi propter Deum. Vt ergo fides, sic dilectio requiritur: nam qui dixit: Hoc fac, & viues: hoc significare voluit, quia si non fecerimus, vitam non habebimus. Quos ergo delectat vita beata, hanc geminæ dilectionis viam ingrediantur. Qui audire volunt, Beati oculi vestri, & hoc non negligant, quod dixit: Hoc fac, & viues, si cum Apostolis iucundo scripturarum eloquio consolari vis, hoc quod ad doctrinam & eruditionem est, non negligas, Hoc fac & viues. Quisque igitur nostrum in hoc diuinæ scripturæ semet contemplatur speculo, si diligimus dominum inuestiget. Sine dilectione enim nemo ad vitam beatam perueniet. Quod si insufficientiam nostram accusamus, aut gravitatem præcepti pratendimus, aut cum Legisperito hoc diuerticula & effugia quærimus, vera in nobis dilectio non est. Ille enim cum dilexisse se Deum in se non inueniebat, sed simulabat, suorum more, se volens iustificare, quis ille sit proximus porro interrogat. Quis est (inquit) meus proximus? Necessaria quidem & isthæc quæstio, sed nullo legisperiti bono proposita: & cum (ut alibi) mentis tumidæ superbiam Christus corripere posset, nostro tamen bono, huc etiam quæstioni responderet. Homo quidam descendebat ab Ierusalem in Iericho, & incidit inter latrones. Pulcherrima parabola, quæ integrò, imò plurimis sermonibus vix enarrari possit. Nam præter literam etiam allegoria fulget. Præcipuam autem intentionem declarabo, ut cuique vltiorem porro cogitandi de ea occasionem ministrem. Quis enim omnia potest simul? Primò igitur, quod ad literam parabola hæc docet quis proximus noster sit. Vult autem Christus ut quemlibet hominem, siue sanguine, siue necessitudine, aut vicinitate, aut officio, aut necessitate propinquum, proximum nostrum æstimemus. Quemadmodum hic Samaritano aliisque propinquus erat homo ille vulneratus, & diuiti epuloni Lazarus. Nec hic respicendum est, qualis ipse sit proximus, siue amicus, siue inimicus. Dei enim est iudicare de alieno seruo. Nos autem decet in hoc perfectos esse, & quem-

admo

Luc. 20

Luc. 10

Luc. 16

Admodum pater noster Deus etiam erga inimicos suos beneficus est, ita & nos: imò quemadmodum pater languentis filij maiorem curam gerit, quàm sani, ita magis studeamus beneficia præstare inimicis nostris, si quomodo eos reuocare à perditione ipsorum possimus. Hæc parabolæ huius intentio est. Vnde & querit: Quis horum proximus fuerit vulnerato, confirmâtque dictum Legisperiti, præcipiens, si velit vitam, quod rectè iudicasset, ipse opere impleret. Quemadmodum ergo hic Samaritanus proximum suum reputabat eum, qui inter latrones ceciderat, etiam incognitum, ita & nos quicumque Deus obtulerit nostro beneficio egentem, proximum nostrum arbitramur. Sed quia tres vulneratum viderunt, vnus tantum dilectionis beneficium ostendit, paucos esse qui præcepto de dilectione obediant innuit. Hæc inquam præcipua parabolæ intentio est, qua non tam Apostolis, aut Legisperito, quàm reliquo populo quis sit cuique proximus clarè ostendere voluit. Neque enim Apostoli quem proximum estimare deberent ignorabant, qui præceptum de diligendis inimicis, de benefaciendo persecutoribus, & de orando pro calumniatoribus acceperant. Tum ipse Legisperitus id ignorare non potuit. Non enim vt disceret, sed vt tentaret hoc interrogauit. Reliquo igitur populo hæc parabola inferuiuit dominus, quibus, vt minus perfectis clara atque aperta magis commodant. Vide autem sapientiam Christi, qui ita rudibus loquitur, vt peritiores tamen habeant in quo sese exercent. Primò igitur quod ad allegoriam attinet, ostendit Christus quomodo in eam homo deueniret miseriam, quomodo Christus eum reuocauerit ac reduxerit. Ierusalè, sclicitatè, quam à conditione sua homo in paradiso habebat, Iericho verò perditionem & exilium; in quod se homo peccato suo præcipitarat denotat, Latrones, mali sunt Spiritus qui præcipientem dederunt hominem, multisque tempore sub sua tyrannide detinuerunt. Sacerdos & Leuita, legis Mosaicæ ac Iudaici sacerdotij figuram tenent. Samaritanus ipse Christus est, qui solus hominem restituit. Sed iam breuiter accipiamus quomodo id confectum sit. Homo quidam descendebat de Iericho: Nomen huius hominis non exprimitur, quia de peccatoribus scriptum est. Deleantur de libro viuentium, & cū iustis non scribatur. Hic descendit ab Ierusalem, cum à Deo auersus Luna mutabilior, & irrequietior factus est, non enim

Rom. 13

Gen. 2

Psal. 61

Isaie 48

Lucæ 15.

est pax impiis. Quēadmodū nec filius ille perditus, quousque
Ioa. 8. ad patrem reuerteretur, requiem habuit. Et hoc primū, dein-
Psal. 31 de quam cladem homo acceperit insinuat, quod inciderit
inter dæmones, hi enim ab initio homicide fuerunt, quod
Ecl. 11 spoliatus veste innocentie, quod dilectionis habitu ac gratia
Dei plurimisque Dei donis ac conscientie pace priuatus, ut
nec posset iniquitatis sue fœditatē obtegere, quod percussus
& vulneratus peccato, quod est romphaa bis acuta, corpora
& animas vulnerans, cū rationem obfuscat, voluntatem per-
uertit, potentias inuadat, corpus malis ac morti subiici (Sti-
Rom. 6 pendiu enim peccati mors) quod seminiuus relictus sit, (hoc
est) corporis vitam, tanquam ad tempus deponendam tantū
retinuerit. Postremo infirmitas Mosaeicæ legis ac sacerdotij
significatur per hoc, quod sacerdos eā incederet ac Leuita. Ne
que enim auferre peccatū & mortem, neque viuificare pote-
rāt. Id quod Paulus fusē tractat, Heb. 8. & 9. cap. Deniq; Chri-
Ioa. 8. stus verus Samaritanus eandē viā ambulauit, a calis in terras
Psal. 120 deuenit. sed nulli Latroni subiectus per peccatum. Venit qui-
1. Petr. 2 dē ad eū princeps huius mundi, sed nihil in eo habuit. Nec so-
Ioa. 14 lum hanc viam ambulauit, veruetiā accessit nos, & carnē as-
Tit. 5 sumpsit nostrā, motus misericordia, alligauit vulnera nostra,
Isa. 53 ponens in se omniū iniquitates nostras, infudit vinū pœniten-
tiae, & oleū remissionis peccatorū, Mar. 1. Act. 2. duxit in Ec-
clesiæ stabulū, in credentiū congregationem, Ephes. 3. 1. Pet. 2.
curam nostri gerit, cū nobiscum est vsque ad consummationē
seculi. Matth. 28. ac productis duobus denariis stabulario nos
cōmendauit, cum post resurrectionē Euangelij prædicationē,
ac sacramentorū administrationē Apostolis præcepit, Marc.
16. Ioan. 20. denique & stabulario, supererogationis recom-
pensationē promissit, ut Paulus ait: Bonum certamen certavi,
cursum consummaui. Reposita est mihi corona iustitiæ, quam
reddet mihi iustus index in illa die. Ecce quomodo in hac
parabola, quæ ideo quidem proposita est, ut quis noster pro-
ximus sit agnoscens, tergiuerlationē omnē deponeremus,
etiam totius redēptionis nostræ negotiū significatū est. Quid
enim reliqua scriptura docet, nisi hoc ipsum? Vnde hominis
perditio, quomodo & per quē illata, quæ perditionis magni-
tudo? tū etiā quis redemerit, quomodo, ad quā dignitatē resti-
tuerit, quā nostri etiam nū curā habeat. Quæ si quis probē no-
uerit ac cogitauerit, non iā in lectione 3. Scripturæ quasi in
ignoro

ignoto cāpo versabitur, intelliget (inquā) quòd nobis præs-
terit Deus, quid rursus nos diuinæ maiestati debeamus. Est
ergo hæc Euangelica lectio ceu cōpēdiū totius scripturæ, uti-
lis ad docendū, ad arguendū, ad corripiendū, ad erudiendū.
Nam quæ humanis mentibus efficacior esse poterit consola-
tio? Si nescis quòd bonū sit, Christum, verè videre, hoc ipso
disce, quòd ipse Christus patri pro illo beneficio gratias agit.
Confiteor tibi pater (inquit) quia abscondisti ea à sapientib. *Matt. 22*
& prudentibus, & reuelasti ea paruulis. Contrā de cæcis ac nō
intelligētibus dicitur: Nescierūt neq; intellexerunt, in tene-
bris ambulant. Et rectè dicitur, in tenebris ambulant, quibus
hoc lumen non lucet: Qui enim ignorat, ignorabitur. Iā cer- *1. Cor. 14*
tè Christus ipse filius Dei patri non leui aliqua de re gratias
egit. Vnde & nos quibus hoc lumē diuinæ agnitionis lucet, ad *1. Petr. 2*
gratias agendas Deo moueamur, qui secundū diuitias boni-
tatis suæ eripuit nos de potestate tenebrarum, & trāstulit nos
in admirabile lumen suum, ac dedit nobis videre desideratū
cunctis gentibus. Quòd si quis non mouetur hoc ipso, hic co-
gitet miseras humanas, quibus subiecti erant omnes, sine
Christo æternæ damnationi ex multis huius vitæ ærūnis ser-
uati. Quòd si nec sic mouetur, semetipsum pro sua duritia ar-
guet, quòd ingratus, nullōve dilectionis affectu, in Deū mo-
tus, indignū se donis celestibus faciat, quòd certissima dam-
natio, sempiternus cruciatus, inenarrabilis horror ipsum ma-
neat, quòd seminiuus sibi ipsi auxilium ferre & lege iustifica-
ri non potuerit, Christi veri Samaritani oblatā gratiam spre-
uerit. Hæc meditemur & cogitemus sedulo, Amen.

DOMINICA DECI-

MAQVINTA POST PENTE-

COSTEN, EVANG.

LVC. XVII.

ET factum est dum iret in Ierusalem, trāsibat
per mediam Samariam & Galilæam, & cum
ingrederetur quoddam castellum, occurrerunt ei
decem viri leprosi, qui steterunt à longè, & leuaue-
runt vocem, dicentes: Iesu præceptor, miserere no-

T s strl.

stri. Quos ut vidit, dixit: Ite, ostendite vos sacerdotibus. Et factum est dum irent, mundati sunt. Vnus autem ex illis ut vidit quia mundatus est, tregressus est cum magna voce magnificans Deum. Et cecidit in faciem ante pedes eius, gratias agens. Et hic erat Samaritanus. Respondens autem Iesus, dixit: Nonne decem mundati sunt? Et nouem ubi sunt? Non est inuentus qui rediret, & daret gloriam Deo, nisi hic alienigena. Et ait illi Surge, vade, quia fides tua saluum te fecit.

EADEM DOMINICA EPI-

stola Galat. v.

Dico autem in Christo: Spiritu ambulate, & desideria carnis non perficietis. Caro enim concupiscit aduersum spiritum: spiritus autem aduersus carnem. Hæc enim sibi inuicem aduersantur, ut non quacunque vultis illa faciatis. Quod si spiritu ducimini, non estis sub lege. Manifesta sunt autem opera carnis, quæ sunt fornicatio, immunditia, impudicitia, luxuria, idolorum seruitus, veneficia, inimicitia, contentiones, emulationes, ira, rixa, dissensiones, seclæ, inuidia, homicidia, ebrietates, comestationes, & his similia: quæ prædico vobis, sicut prædixi: quoniam qui talia agunt, regnum Dei non consequentur. Fructus autem spiritus est, charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Aduersus huiusmodi non est lex. Qui autem sunt Christi, carnem suam crucifixerunt cum vitiis & concupiscentiis.

SEK

S E R M O.



Vperioris dominicæ lectio inter cætera parabolam habebat, qua veluti ob oculos ponebatur totius religionis nostræ negotium. Licet enim minus perspicuè id ageretur, agebatur tamen: quomodo in prioris vitæ miseriam aduenisset homo, quàm grauis ipsius afflictio, quàm miseranda tot vulneribus acceptis seminiui conditio, quàm nulla in re sibi ipsi auxilio esse potuerit: tum quomodo & in quam dignitatem restitutus sit, quid verus ille hominum custos præstiterit, quid vt id faceret commouerit, qua denique cura affectus sit. Sed & quanta beatitudo Apostolicis hæc in Christo videre oculis, & quid ea propter Deo, quid propter Deum homini præstandum. Hæc (inquam) omnia superiore dominica audiuiamus. Sed quia obscurius illic tradebantur, quàm vt ab omnibus facillè possent intelligi, nec tantam rem vel ignorare vel non cogitare sine periculo licet: ideo hic quasi auctario quodam illis repetitis, seuerissima humanæ mentis ingratitudinis adponitur obiurgatio, quòd decem (qui perfectus numerus est) mundatis, vnus tantum, isque Samaritanus inuentus sit, qui rediret & daret gloriam Deo. Et hæc omnia eo ordine, tamque apertè, vt non liceat aut prioris vitæ miseriam nescire, aut gratitudinem pro tanto redemptionis beneficio detrectare. Atque vtinam eo desiderio ac intentione hæc audiremus, quo decet ac conuenit. Profectò vt diligentissimè ab Euangelista descripta, ita non minori cura ab Ecclesiæ patribus hoc ordine legerentur, disposita sunt. Nec deerit quod meum officium est facere. Euangelij itaque ordine seruato, rem totam explicabimus, vt commodius ab auditoribus intelligatur. Factum est (inquit Euangelista) dum iret in Ierusalem, transibat per mediam Samariam: *Luc. 17*
Ioan. 17
 Galilæam. Primò omnium Iesu præceptoris personam describit, vt qui solius potestatem acceperit omnis carnis, solus non solum sanare verumetiam à morte resuscitare possit. Et hic iustus rerum ordo, vt principiò in ipsum medicum respiciamus. Sic enim & prophetæ in eum respexerunt, ac monstrauerunt. Vt in Isaia omnes idem facere iubentur: Super montem excelsum ascende tu qui Euangelizas Sion, exalta in fortitudine vocem tuam, qui Euangelizas Ierusalem. Exalta, noli timere, dic ciuitatibus Iudææ

- Sap. 3* Ecce Deus vester. Ecce Dominus Deus in fortitudine veniet, & brachium dominabitur, ecce merces eius cum eo, & opus illius ante illum. Sicut pastor gregem suum pascet. Hæc diuinitatis natura, vt nihil eorum negligat, quæ fecit. & quomodo Christus ab hac natura alienus erit? Hunc ergo pastorem & curatorem Lucas depingit, vt sciamus quia non herba neque malagma sanat, sed Dei sermo omnipotens, qui sanat omnia. Hic ipsum fundamentum, præter quod nemo aliud ponere audet, neque vllum est nomen datum in quo oporteat nos saluos fieri, præter ipsum. Per hunc etiam accessum habemus ad patrem, qui ideo venit vt mundaret sibi populum acceptabilem, nec vllum ad se venientem excluderet, imò etiam quod perditum erat requireret, & omnibus videntibus se daret vitam æternam, nec vnus tantum gentis, sed totius mundi peccata tolleretur. Vnde iam non difficile est cognoscere quis ille Samaritanus, vuluerati ac semiuui hominis restitutor, custos, saluator sit: nempe idem ille, qui in Hierusalem ascendens per mediam Samariam ac Galilzæam transit. Omnes autem huius transitus circumstantiæ ostendunt, quod hoc postremum eius iter fuerit in Hierusalem, quando turpissima morte, patris obedire voluntati, ac genus humanum in suo purgare sanguine, animus erat. Quasi præludium ergo hæc erat curatio leproforum, cum paucos sanaret, omnes mox redempturus ab omni infirmitate, ac malo. Atq; hæc causa est sui per mediâ Samariam & Galilzæam transitus, vt licet peculiari quodam modo Iudæis esset promissus, tamen suam mortem ac redemptionem etiam ad gentes pertinere significaret. Propterea mox ad patrem in cælestem Hierusalem non crucifigendus iam, sed de cruce ac morte triumphaturus multis se videndum exhibuit. Non enim est distinctio Iudæi aut Græci, serui aut domini. Nam neque mas neque femina aliquid est in ipso. Sed & locum Euangelista signans, cum ingrederetur (inquit) castellum quoddam, occurrerunt ei decem viri leprosi. Qua in re primum Moisaicæ legis admonemur, qua cautum erat, ne quis leprosus aliorum hominum commercio frueretur, solus extra castra habitaret, & maculæ suæ indicio, dissutis vestimentis, nudo capite, ore vestibus contexto incederet. Deinde autem & alterius rei commonemur, cuiusmodi hominum ex Christo salutis inigium sit. Certum est enim leprosos hos peccatricis naturæ

naturæ gessisse imaginem, hoc est, tales nos esse sine Christo, *Ephes. 2*
hoc est, ante baptismum, quales hi leprosi fuerunt: esse (in-
quam) filios iræ Dei, in peccatis conceptos ac natos, ut Pau-
lus & David loquuntur, immundos, ut Isaias testatur, omnes *Psal. 50*
non solum propter peccati factorem ex paradiso expulsos, *Isa. 64*
Deo omnibusque creaturis inuisos, verum etiam inualidos,
ad ferendam opem, in sempiternum in ira Dei, sine Christo
fuisse permanuros. Quin hodie etiam cum Christi sanguine
purgatas animas per peccatum scdamus, tales efficimur,
quales illi fuerunt. Vnde non incommodè Pauli Epistola
huic Euangelio connectitur, qua spiritualis lepra describi-
tur, & qua ratione iudicari possit ostenditur, tum antidotum
contra hunc morbum demonstratur. Manifesta sunt (inquit) *Galat. 5.*
opera carnis, quæ sunt fornicatio, immundicia, impudici-
tia, luxuria, idolorum seruius, veneficia, inimicitia, con-
tentiones, æmulationes, iræ, rixæ, dissensiones, sectæ, in-
uidiæ, homicidia, ebrietates, comessationes, & his similia,
qui talia agunt satis se intrinsecus morbo penè immedicabili
laborare ostendunt, cum disidium illud spiritus & carnis in-
quietos reddit homines, ubi aut hæc vincit, aut planè eiici-
tur. Huic ergo malo occurrere docens Apostolus, ut spiritu
ambulemus monet. Sed quomodo spiritu ambulabunt, qui
intrinsicus tot generibus lepræ astuant? Quomodo (in-
quam) medicum conuenient, quibus introitus castelli inter-
dictus est, quorum locus & cōmoratio extra portas est, nisi ipse
transiens medicus tabernaculis ipsorum appropinquauerit?
Dicam clarius: Peccata nos longè à Deo posuerant. Ille cæ-
los habitabat excelsus, nos mole delictorum grauati humi
reptabamus. Et quomodo Deus & homo peccator conue-
runt? Non homo in cælum ascendit, & ibi triumphantem
adorfus est, sed Deus in Christo ad nos descendit, & qui pro
suar deitatis splendore ab hominibus conspici non potuit, in
homine, hoc est, in nostra substantia cognoscendum se ex-
hibuit. De nostro ergo accipiens, quod erat infirmum, de
suo, quod erat perfectum communicauit nobis. Ipse homo
factus illuminauit nos, filios Dei fieri potestatem contulit,
Mundans nos, & sibi associans, introeundi cælestis aulae pa-
latium ius ac potestatem dedit. Non ergo quod mundati su-
mus, quod sanctificati, ex nobis est, sed quia Iesus fines no-
stros attigit, castellum subiit, nosque verbo virtutis
quasi

quasi nouos fecit, ideo mundati & sanctificati sumus. Rectè
Ioan. 14. igitur ipse ait: Non vos me elegistis, sed ego elegi vos, & po-
Oris sui vos ut eatis, & fructum afferatis. Ipse prior dilexit nos.
Luc. 7 Quanquam & per lepram patres hæresin intellexerunt alle-
Matt. 8 goricè, moti nimirum quòd peculiari quadam verborum
forma leprosos cum hie, tum in Matthæo sanauerit, qua in
aliis morbis sanandis vsus non est, ut quod ad Sacerdotes mit-
Leuit. 13 tit. Licet enim (vti in Leuitico est) apud eos inter lepram &
non lepram discernendi autoritas & scientia esset, eoque mit-
ti videri possent, ut se examini submitterent: tamen quid-
dam absconditum latere non dubitarunt, videruntque nulli
peccato accommodatius comparari posse lepram, quàm hæ-
resis, hoc est, graui & pertinaci errori in fidei negotio. Et
hæc quidem non alio sanatur modo, quàm quo Christus mun-
dauit leprosos. Id quod multorum testimoniis liceret appro-
bare. Apertissimè autem Augustini libro secundo *Quæstio-*
num Euangel. secundo capite quadragesimo, & Gregorius li-
bri quinti; Moralium, capite vndecimo. Nec immeritò ita
& intellexerunt ipsi & intelligendum docuerunt. *Quemad-*
modum enim leprosi corpus varij coloris est, hic formam sa-
næ carnis retinet, illic atque illic mutato colore lepram pro-
dit, ita hæresis bonis mala commista gerit. Si enim planè
mala, nemo non fugeret, si bona omnino, hæreseos nomen
falso sustineret. Sed quia his illa coniuncta sunt, spiritualis
quædam lepra dicitur. Et hæc difficilior curatur exteris mor-
bis omnibus. Adulter enim, & fur, & homicida, & blasphe-
mus, alijque eius farina homines, peccasse se norunt, eoque
facilior ad respicientiam conuertuntur, sed hæreticus ac per-
uerſi dogmatis assertor non perinde facilè respiscet, ut qui
deliquisse se non agnoscit. Sed licet conscientia propria er-
rorem cognoscat, superbia tamen ut ab illo redeat, & pali-
nodiam canat, obstinatè vetat. Quod si conuincatur & tacet,
animus tamen virus continet, quod ubi potest, passim in a-
lios diffundet. Plures ab impietate peccatores legimus con-
uersos verè respicientes, hæreticos vix vltos. Obstinatio enim
propriam hæresis est. Adde quod hæreditarius morbus sit
hæresis, cum nemo illorum quod concepit malum, nisi cum
aliis diuisum & communicatum seruet. Sermo enim illorum,
1. Tim. 2 inquit Paulus, ut cancer serpit. Vnde eiusmodi post vnâ
2. Ioan. 1 atque alteram admonitionem vitari idem Apostolus præci-
pit. Et

pit. Et Ioannes ne quidem salutatione dignandos censet. Tutissimum igitur est Iesu præceptorum occurrere, ut postea ad sacerdotes missi reddita sanitatis testimonium accipiant, ac deinceps non sua, sed catholica omnium stent sententia. Occurrant autem tempestiuè priusquam in castellum ingreditur, occurrant dum vocat, & ut ad se veniamus inuitat. Clamabit ad me, inquit, & ego exaudiam eum, cum ipso *Psal. 90* sum in tribulatione. Maledictus autem, qui aliunde quam *Deut. 18* ab hoc vno auxilium petit. Id quod Scriptura manifestè ve- *4. Reg. 1* rat, & Deum in indignationem prouocari Ochezias Rex ma- gno suo malo didicit. Sed ut tutò Christo occurritur, ita non est perinde quomodo occurras, etiamsi in tempore occurras. Accessit enim Phariseus superbus, & abiectus est. Laudatur *Luce 18* Publicani humilitas, qui suæ miseriæ accusator pectus percussit consciū, & hoc ipso quod se humiliat, excelsi Dei *Ecclef. 2* suscipit gratiam. Et hic ille timor, in quo accedenti ad ser- *Matt. 8* uitatem Dei standum est. Sic Centurio indignum se iudica- *Luce 5* uit, cuius rectum subiret Iesus. Sic Petrus, Domine, inquit, recede à me, quia homo peccator ego sum. Sic ergo cum le- propositi à longè standum est, non iam quia lex appropinquare vetat, sed quòd humilitas suadet. Sed nunquid si occurras, si humilis à longè stes, satis est? Nequaquam. Confessio enim non oris tantum, sed & mentis requiritur. Et hoc est quod de leprosis Euangelista ait: Leuauerunt vocem, vocem oris, vocem pectoris: en imo leuauerunt, qui pertæsi infirmitatis, veram ardentibus suspiriis expectabant sanitatem. Hæc vo- *Exod. 14* ce imploratus exaudivit. Id quod in Mose videre est, quem *Iona 2* præ nimio desiderio obmutescens clamasse dicit, & exau- diuit. Et in Iona qui in corde maris, & in cæti ventre latita- bat, vnde respirare ne dicam vociferari vix licuit, tamen post- ea dicit: In die tribulationis clamaui ad Dominum, & exau- diuit me. Sic & Susanna probatæ pudicitie matrona ad im- *Danie. 9* piorum sine scelere rapta tribunal, vix paucula ad Deum pre- cata, testimonium Scripturæ accepit, quòd eor eius fuerit fiduciam habens ad Deum. De quo clamore & Paulus loqui- tur credentes spiritum Dei habere, qui enarrabilibus gemitibus ad Deum clament. Qui certè ingenuè credentium orandi mos est non sacerdotum Baal more vociferari, sed spiritu & mente cum Deo loqui. Abominabilia est enim Deo omnia oratio, quæ non ex corde procedit. Ut in Isaia conqueritur.

Populus

Populus hic, inquit, labiis me honorat, cor autem eorum longè est à me. At beati sunt qui mente esuriunt ac sitiunt iustitiam, quoniam ipsi saturabuntur. Non ut nulla vox adsit, sed ne sola sit. Quod enim vox oris minimè Deo displiceat, in leprosis videre est, qui leuatis vocibus, quomodo leuauit, clamauerunt. Et alibi cæcum, ut verbis desiderium suum aperiret, monuit: Quid tibi vis, inquit, faciam? Quid ergo est quòd vocem leuantes clamauerunt? Iesu præceptor, inquirunt, miserere nostri. Breuis illa quidem oratio, sed plena affectibus, plena pietatis. Iesum dicentes omnipotentem saluatorem, qui velit: præceptorem lepræ vnicum & valentem medicum constituentur. Misericordiam petentes, nullum suorum operum meritum prædicant, sese peccatores accusant, hanc ipsam misericordiam Dauid petebat, & magnam petebat, utique ad multa ac magna peccata delenda necessariam. Hanc Daniel in Babylone exoptabat, cum in iustificationibus suis suorumque nihil confidebat. Et hæc omnia requiruntur, si cum Deo agere voluerimus. Primò, vera insufficientiæ nostræ confessio: secundò, ingens diuinæ misericordiæ desiderium: tertio, pia oratio: quarto, constans sibi per omnia fides: & hæc in tempore dum inueniri potest, dum lux in mundo est. Conuenientissimè igitur leprosi suæ consulere saluti, qui omnes vna eadèmq; afflicti miseria, vnanimiter medicum petunt, & quam exoptabant sanitatem assequuntur. Sed quòd miremur eos, quasi magnum aliquid præstiterint, non est. Omnes aduersa nobis refugimus, ut bene sit laboramus. Tribulatio autem non solum intellectum dat, quo euasione cogitemus malorum, verumetiam pietatem sopitam excitat, deuotos reddit & obsequentes. Inuenias homines, qui dum corripiuntur à Domino, dum imitiori vocatione meliorum admonentur, nihil non pietatis, deuotionisque præ se ferant, at sublata ferula, dum redit Phœbus, omnis pietatis ipsiusque aded Dei obliti, noua impietate veterem obseurent, quasi iam liberi, nihilque supersit mali, quod timere possint. Deus quidem, cuius natura bonitas, nulli creaturæ beneficia sua denegat, licet omnium pernidens mentes, plurimos ingratos fore cælestibus donis intelligat. Diligit enim omnia, & nihil eorum quæ ipse fecit, odit: nec euacuatur fides eius propter aliquorum incredulitatem.

Psal. 50

Dan. 13

Isa. 55

Luc. 7

3ap. 3

dulitatem. Id quod hac ipsa lectione docetur clarissime. No-
 uerat pius saluator omnium horum, excepto Samaritano,
 ingratitude, sed tamen quia misericordiam petebant,
 misericordiam præstitit. Ite, inquit, ostendite vos sacerdo-
 tibus. Et dum irent mundati sunt. Cur leprosos iamiam
 mundatos ad sacerdotes miserit, antè diximus. Hic verò
 profundam domini Iesu humilitatem consideremus, qui do-
 minus ipse & autor legis, legi, sese submisit. Lege omni
 exceptione maior ipse est, perfectior omnibus ceremoniis
 Moſi, sanctior quoque ipſoſacerdotio: tamen legem agno-
 ſcit, quæ legis sunt facit, ſacerdotium honorat, ceremoniis
 nihil detrahit, non quia aliter non debuit, ſed quòd nos in
 ſuo exemplo docere voluit, quæ æſtimatio, quæ autoritas
 diuinis iuſſis tribuenda ſit, quàm minimè conueniat ritus
 ac ſtatuta Reipub. Chriſtiana, non pugnantè Scriptura, qua-
 ſi per manus tot ſeculis ad nos porrecta, ſine euidenti ratio-
 ne violare, contemnere aut negligere, quæ ſine pacis pub.
 diſſipatione non mutantur. Si enim caput noſtrum ſua ſpon-
 te, ne cui ſcandalum præberet ea quæ legis ſunt fecit, quid
 nos pudet piis traditionibus publicæ tranquillitatis amore,
 non repugnare? Certe Paulus Apoſtolus ſtrenuè hoc Chri- 1. Cor. 9
 ſti exemplum imitatus eſt. Cum liber eſſem (inquit) ex
 omnibus, omnium me ſeruum feci, vt plures lucriface-
 rem. Et factus ſum Iudæiſtanquam Iudæus, vt Iudæos lu-
 crarer. Iis qui ſub lege, quaſi ſub lege eſſem, cum ipſe
 non eſſem ſub lege, vt eos qui ſub lege erant lucrifacerem.
 Iis qui ſine lege erant, tanquam ſine lege eſſem (cum ſine
 lege Dei non eſſem, ſed in lege eſſem Chriſti) vt lucriface-
 rem eos qui ſine lege erant. Factus ſum infirmis infirmus,
 vt infirmos lucrifacerem. Omnibus omnia factus ſum, vt
 omnes facerem ſaluos. Hac igitur ratione Chriſtus ſana-
 tos hos decem ad ſacerdotes miſit, vt nemini ſcandalum da-
 ret, omnes lucrifaceret. Antè enim mundati erant, quàm ad
 ſacerdotes venirent, ne quis ſine ſacerdotibus imperſectè
 ſanatos arbitraretur. Illi tantum iudicare potuerunt ex
 certis ac præſcriptis ſignis inter lepram & non lepram, Inter
 lepram & lepram, non autem ſanare. Secludere à populi
 conuerſatione poterant, duos tantum eòſque non ſua ſed
 Dei virtute ſaluos aſſumpſerunt, Moſi ſororem Mariam, & Num. 12
 Naaman militiæ regis Syriæ principem. An non autem hæc 4. Reg. 5

adoranda diuini verbi potentia est: Insistit ire, & ecce mundati sunt: Dixit, & facta sunt, omnia quæcunque voluit fecit in cælo & in terra, & in mari, & in omnibus abyssis. Sic *Mat. 8.9* alibi ait: Mundare, & mundus factus est. Tibi dico surge, *Luca 7* & resedit qui erat mortuus. Hodie mecum eris in paradiso, & factum est. Ipse ergo est qui omnis carnis potestatem, vitæ ac mortis imperium habens, recte ad se omnes conuocat: *Matt. 18* Venite ad me omnes qui laboratis & onerati estis, & ego reficiam vos. Sed accedentem ad Deum oportet credere. *Mar. 9.5* Ut in Marco: Si potes (inquit) credere: Omnia credenti possibile sunt. Et in Ioanne ad Martham, Si credideris, videbis gloriam Dei. & ad discipulos suos: Si habueritis fidem sicut granum sinapis, dicetis huic monti: Tollere, & mittere in mare, & fiet. Decem hi verbum Christi fide apprehenderunt, & sanati sunt. Ecce quod initio dixi, ut leprosi, sic omnes nos, nec datum est vllum nomen sub cælo, in quo oporteat nos saluos fieri præter hunc vnum Iesum. Ipse ergo purificauit nos verbo virtutis suæ. Quantum vero debeamus propterea, nouimus: quid præstemus. hi quoque mundati docebunt. Vnus autem ex illis ut vidit quia mundatus est, regressus est cum magna voce magnificans Deum, & cecidit in faciem ante pedes eius gratias agens. Et hic erat Saniaritanus. Vnus ex decem quis fuerit, cogitauit: qualis & à quo factus esset vidit. Nullum ergo beneficium tantis dignum meritis in se inueniens, quod potuit & debuit, præstitit. Ecce quid vera fides ac digna beneficiorum Dei efficiat consideratio. Hoc ipsum etiam solum requirit Deus. Propterea ait: Nonne decem mundati sunt, & nouem ubi sunt? Non est inuentus qui rediret, & daret gloriam Deo, nisi hic alienigena. Et ait illi: Surge, vade: fides tua te saluum fecit. Hic nostram discamus naturam. Quanta pietate Iesu ante castellum occurrerant, quanta vehementia vocem leuauerant, quam doctam orationem composuerant, quam auida mente sanitatem desideratam receperant. Sed (pudor) quam inhonestè cessant? Verum quod culpemus hos, non est. Ingratitudine eos non dico æquamus, sed superamus. Omnia quæ leprosis contulit, eadem confert nobis, & scriptius. Sed & maiora largitur. Aliis corpora sana conseruat, sanat aliis lancia: saluat & animas. Et quod signum gratitudinis in nobis videre est? Vix non iam decimus,

mus, sed nec centesimus Samaritanum sequitur. Idem morbus, vnâque omnium curatio, vnus agnoscat & gratias agat. Erat & omnium vna oratio, vna fides, vnum principium. Sed hæc omnium temporum ratio est. Semper bonis mali per- *Luca 8*
mixti sunt. Vnâ crescit frumentum bonum & zizania, vnâ *Matt. 13*
colliguntur pisces boni & mali. Iam verò bonorum quæ pau-
citas? Quæ in paucis desenda defectio? De Galatis testatur
Paulus (capite quarto), quod si licuisset, oculos sibi erutos ipsi
dare paratos fuisse. Sed quæ persenerantia? Sic & nos. Ea- *Psal. 50*
dem peccatrix natura omnibus est, idem morbus omnes oc- *Eph. 5*
cupat. Eadem etiam omnium curatio est. Eratis (inquit Pau-
lus) aliquando tenebræ, nunc autem lux in Domino. Et Hæc
fuiſtis, sed abluti estis, sed sanctificati estis per nomen Iesu
Christi. Verumenimvero si quomodo acceptis gratiis vta-
mur, inquirere vulerimus, tantam inæqualitatem depre-
hendere licebit, vt quibusdā melius sit non cognouisse viam
iustitiæ, quàm post agnitionem, retrorsum conuerti ab eo *2. Pet. 2*
quod traditum est illis sancto mandato. Ingratitudo enim
præcipua causa est, cur Deus nonnunquam gratiæ suæ do-
na subtrahat hominibus, ac contraria mala immittat. Nos
quoque idem experimur facto, adeò vt in nos conuenire ni-
mis verè videatur, quod olim Indæis dictum fuit: Vos reliqui- *2. Pet. 12*
quistis me, & ego reliqui vos. Conquestus est Christus de no-
uem mundatis semel, nobis conuiuet ad tempus, quo dicit:
Hæc fecisti, & tacui. Et: Tacui & sileui, patiens fui, sicut par- *Isaie 42*
ruriens loquar. Frequētes in Prophetis eiusmodi sunt que-
relæ. Filios (inquit dominus) enutriui & exaltaui, ipsi autem
spreuerūt me. Cognouit bos possessorem suum, & asinus præ- *Isai. 1*
sepe domini sui. Israël autem me non cognouit, & populus
meus non intellexit. Et: Vineam factam dilecto meo. Et: Sepi-
uit eam, plantauit vineam electam, & edificauit turrim in
medio eius, & torcular extruxit in ea. Et expectaui vt faceret *Isai. 5*
vuas, & fecit labruscas. Et in Ieremia: Miluus in celo cogno- *Iere. 8*
uit tempus suum, turtur & hirundo, & ciconia custodierunt
tempus a luentis sui, populus autem meus non cognouit iu-
diciū Domini. Michas idem de ingratitude hominum
conqueritur: Vae mihi quia factus sum sicut qui colligit in *Mich. 7*
Autumno racemos vindemia. Non est botrus ad comeden-
dum, præcoces ficus desiderauit anima mea. Periit sanctus de
terra, & rectus in hominibus non est. Et Dauid: Omnes decli- *Psal. 13*

nauerunt, simul inutiles facti sunt, non est qui faciat bonum, non est vsq; ad vnum. Hæc de Iudæis quidem dicta sunt, propterea non incōgruè de nouem his ingratissimis intelligi possunt. Nihilominus tamen eandem in nobis deprehendimus ingratitudinem, qua Iudæis similiores sumus, quàm Samaritano.

Psal. 91 Quòd si huic Euangelio nonagesimum primum Psalmum conferre libet, magnam similitudinem vtriusque comperiemus. Primò enim si considerauerimus quantum sit miraculum, quòd dominus vno verbo decem leprosos immedicabiles alioqui, mūdauit, mox in admirationes rapti dicemus: Quàm magnificata sunt opera tua Domine. Deinde si quòd & nos sanare velit cogitauerimus, dicemus: Delectasti me Domine in factura tua, & in operibus manuum tuarum exultabo. Et: Bonum est cōfiteri Domino, & psallere nomini tuo altissime. Ad annuntiandum mane, id est, in aduersis, & cæc.

Quòd si & illud cogitauerimus, quòd ex decem mundatis vnus tantum redierit, ac gloriam Deo dederit, huius etiam simile in Psalmistæ verbis inueniemus. Vir (inquit) insipiens non cognoscet, & stultus non intelliget hæc. Postremò si cogitauerimus quòd nouem ingrati fuerunt Iudæi, quos omnino dedecuit ista ingratitudo, gratus verò Samaritanus, de profundis cogitationibus Dei mirabimur, vti & in Psalmo scriptum est: Nimis profundæ cogitationes tuæ domine. Ecce quomodo omnia huius Euangelij Psalmus contineat. Cogitemus ergo, licet non indigeat Deus nostra gratiarū actione, nec dignum quid possimus referre: placere tamē sibi gratas mentes, odisse verò ingratos, eoque agnoscamus beneficia, & gratias agamus, Amen.

Psal. 115

DOMINICA DECIMASEXTA POST PENTEC.

EVANG. MATT. VI.

Nemo potest duobus dominis seruire. Aut enim vnum odio habebit, & alterum diligit, aut vnum sustinebit, & alterum contemnet. Non potestis Deo seruire & Mammonæ. Ideo dico vobis, ne solliciti sitis animæ vestræ quid manducetis, neq;

coriori

corpori vestro quid induamini. Nónne anima plus est quàm esca, & corpus plus quàm vestimentum? Respicite volatilia cæli, quæ non serunt neque metunt, neque congregant in horrea, & pater vester cælestis pascit illa. Nónne vos magis pluris estis illis? Quis autem vestrum cogitans, potest adiicere ad staturam suam cubitum vnum? Et de vestimentis quid solliciti estis? Considerate lilia agri quomodo crescunt. Non laborant neque nent. Dico autem vobis, quoniam nec Salomon in omni gloria sua coopertus est sicut vnum ex istis. Si enim fœnum agri quod hodie est & cras in clibanum mittitur, Deus sic vestit, quanto magis vos modicæ fidei? Nolite ergo solliciti esse, dicentes: Quid manducabimus, aut quid bibemus, aut quo operiemur? Hæc enim omnia gentes inquirunt. Scit enim pater vester, quia his omnibus indigetis. Quærite ergo primùm regnum Dei & iustitiam eius, & hæc omnia adiicientur vobis.

E A D E M D O M I N I C A

E P I S T O L A G A.

L A T. V I.

SI Spiritu viuimus, Spiritu & ambulemus. Non efficiamur inanis gloriæ cupidi, inuicem prouocantes, inuicem inuidentes. Fratres, & si praoccupatus fueris homo in aliquo delicto, vos qui spirituales estis, huiusmodi instruite in spiritu lenitatis: considerans te ipsum, ne & tu tenteris. Alter alterius onera portate, & sic adimplebitis legem Christi. Nam si quis existimat se aliquid esse, cum nihil sit, ipse se seducit. Opus autem suum probet unusquisque, & sic in semetipso tantum

V 3 gloriam

gloriam habebit & non in altero Unusquisque enim onus suum portabit. Communicet autem is qui catholicizatur verbo, ei qui se catholicizat in omnibus bonis. Nolite errare, Deus non iridetur: Quae enim seminauerit homo, haec & metet. Quoniam qui seminat in carne, de carne & metet corruptionem: qui autem seminat in spiritu, de spiritu metet vitam aeternam. Bonum autem facientes non deficiamus: tempore enim suo metemus non deficientes. Ergo dum tempus habemus, operemur bonum ad omnes, maxime autem ad domesticos fidei.

S E R M O.



Vz lectionis Euangelij huius summa sit, ipse Christus in fine ostendit. Quae rite, inquit, primum regnum Dei & iustitiam eius, & haec omnia adiciuntur vobis. Arguit autem nimiam circa temporalia sollicitudinem, & promittit rerum necessariorum sine cura nostra affluentiam. Idque ea verborum sententiarumque selectissimarum gravitate, ut si alibi usquam, hic certe maxime optimus agnosceatur medicus, qui aegrotarum mentium cura permotus nihil non tentet quo morbum auferat, valetudinem bonam reducat. Quod si ingenui Christiani essemus nos, si rerum necessariorum animae tangeremur desiderio, hunc Christi pulcherrimum sermonem non semel quotannis, sed quotidie audiremus, & memoriae commendaremus, et semper quocumque in loco ad manum haberemus, in quo veluti in speculo nosmet consideraremus, cogitationes, studia, factaque examinaremus. Neque enim arbitror vllum Christianum inueniri posse tam avarum, tantaeque cura & solitudine inordinata suffocatum, qui hoc Euangelio diligenter considerato, propriam peruersitatem non sit reprehensurus. Contra vero neminem tam inopem praesumque paupertate, qui non consolationem magnam ex hoc eodem Euangelio concipiat. Duo profecto haec sunt maxima mala. Omnes enim aut avaritiae student, aut pusillanimes deliciuntur. Eorum vero qui sub avaritia domina militant, alij in utranque partem claudicant. Deo volentes

lentes seruire & Mammonæ, aut planè obliuiscuntur Dei vt impij, alij certè temporaneis magis student, quàm spiritualibus. Omnibus his Christus verbo suo aduersatur. Iis enim qui in vtrâq; partem declinant, ait: Non potestis Deo seruire & Mammonæ: qui planè Dei obliuiscuntur, dicit: Nolite solliciti esse: dicentes: Quid manducabimus, aut quid bibemus, aut quo operiemur, Hæc enim omnia gentes querunt. Denique temporaneis quàm spiritualibus magis inharrentibus, ait: Quærite primùm regnum Dei & iustitiam eius. Porro quòd ad eos qui iniquiore fortuna deiecti sunt attinger, hos cum toto sermone, tum maxime quòd ait: Hæc omnia adicientur vobis solatur. Ipsum ergo Christum ordine audiamus: Nemo, inquit, potest duobus dominis seruire: aut enim vnum odio habebit, & alterum diliger, aut vnum sustinebit, & alterum contemnet. Non potestis Deo seruire & Mammonæ: Mammona Syrum est, pecunias vel diuitias significans. Seruire autem est alicuius obedire voluntati. Vt Paulus Romanis scribens ait: Cui exhibetis vos seruos ad obediendum, serui estis eius, cui obeditis. At: impossibile est aliquem duobus seruire dominis, sint licet ipsi inter se concordēs, multo minus si discordēs, fuerint. Hoc ergo axioma te impossibilia moliri docet eos, qui Deo volunt seruire & Mammonæ: nescientes quia amicitia huius mundi, inimica Dei est: & quòd omnis qui amicus huius seculi esse voluerit, inimicus Dei constituitur. Quæ enim participatio iustitiæ cum iniquitate? aut quæ societas luci ad tenebras? Quæ conuentio Christi ad Belial? aut quæ pars fideli cū infideli? Quis consensus templo Dei cum idolis? Si adhuc (inquit idem Apostolus) hominibus placerem, Christi seruus non essem. Non potestis Deo seruire & Mammonæ: Ille enim iubet propria in egenos dispergere, iubet laborare vt habeas, vnde de necessitate patientis hic vprò aliena docet rapere, siue patiaturs quis siue moriatur. Ille sobrietatem & continentiam suadet hic verò ad crapulam & ebrietatē hortatur. Si ergo Mammonæ seruus factus fueris, si iniquitati te met submiseris, quomodo Dei & iustitiæ seruus eris? Totum hominem Dei requirit seruitus, quæadmodum totum ad suam imaginē & similitudinē creauit. Totum creauit, totū alit. Et cur non etiam in suo ministerio totum requireret? Cur non, aut alij, entius & pròptius homo seruiret Deo? Perlustremus oēs historias degu-

Luc. 8

Rom. 8

Iac. 4

Gal. 1

Matt. 19

Lu. 18. 19

Eph. 4

stemus omnium huius mundi principium dominia, inueniemus Deo seruire non solum honorificentius, verumetiam vtilius, facilius, atque tutius esse. Quis enim honos homini erit ab homine sui simillimo, mox interituro? Et si maxime aliquis honos obtingat tandem, quibus in laboribus atque curis impetratur, quibus sollicitudinibus conseruatur? Quorū verò sunt, quibus hæc alea sinistrè cadit? Proinde proposita vtriusque Dei & Mammonæ seruitute, summa prudentia cui manus dentus consideremus. Vtrunque

Isai. 6 dominum cognoscamus qualis sit. Vis autem scire qualis sit Deus? Audi Isaiam Prophetam dicentē: Vidi, inquit, dominum sedentem super solium excelsum & eleuatū, & plena erat domus à maiestate eius, & ea quæ sub ipso erant implebant templum. Seraphin stabant super illud, sex alæ vni, & sex alteri. Et clamabant alter ad alterum, & dicebant: Sanctus, Sanctus, Sanctus dominus Deus exercituum, plena est omnis terra gloria tua. Audi Danielelem dicentem: Milia milium ministrabant ei, & decies centena milia assistebant ei. Talis Dominus Deus noster. Vis honorificentiam seruitutis eius discere? Ipsum audi dominum: Qui mihi ministrauerit, honorificabit eum pater meus, qui est in cælis. Et

Daniel. 7 Pater volo ut ubi ego sum, illic sit & minister meus, ut videant claritatem meam, quam dedisti mihi. Sed & vtilitatem vis videre? Audi eundem in Isaiâ loquentem: Ecce, inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui; Noli timere (ad Abraham dicit) ego protector tuus. Et ad Isaiam: Noli timere, inquit, quia redemit te, & vocauit te nomine tuo. Meus es tu. Cum transieris per aquas tecum ero, & flumina non operient te. Cum ambulaueris in igne, non combureris, & flamma non ardebit in te, quia ego Dominus Sanctus Israël saluator tuus. Sic & ministris suis prouidet Deus, ne vlla tangantur necessitatis solitudine. Nolite solliciti esse, dicentes, Quid māducabimus, aut quid bibemus, aut quo operiemur? Scit enim pater vester quia his omnibus indigetis. Quærite primum regnū Dei & iustitiam eius, & hæc omnia adiiciētur vobis. Quod si de mercede percontariis, audi quid dicat: Nolite timere pusillus grex,

Ioan. 12 deant claritatem meam, quam dedisti mihi. Sed & vtilitatem vis videre? Audi eundem in Isaiâ loquentem: Ecce,

Ioan. 17 inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isai. 65. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Gen. 25 Noli timere (ad Abraham dicit) ego protector tuus. Et ad Isaiam: Noli timere, inquit, quia redemit te, & vocauit te nomine tuo. Meus es tu. Cum transieris per aquas tecum ero, & flumina non operient te. Cum ambulaueris in igne, non combureris, & flamma non ardebit in te, quia ego Dominus Sanctus Israël saluator tuus. Sic & ministris suis prouidet Deus, ne vlla tangantur necessitatis solitudine. Nolite solliciti esse, dicentes, Quid māducabimus, aut quid bibemus, aut quo operiemur? Scit enim pater vester quia his omnibus indigetis. Quærite primum regnū Dei & iustitiam eius, & hæc omnia adiiciētur vobis. Quod si de mercede percontariis, audi quid dicat: Nolite timere pusillus grex,

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

Isa. 45. inquit, serui mei comedent, & vos esurietis. Ecce serui mei bibent, & sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis, & vos clamabitis præ dolore cordis. Sic & turò seruitur Deo: qui;

placuit

placuit enim patri vestro dare vobis regnum. Et iterum ad discipulos: Vos qui secuti estis me, in regeneratione cum *Matt. 19* sederit filius hominis in sede maiestatis suæ, sedebitis & vos super sedes duodecim, iudicantes duodecim tribus Israël. Et: Ego dispono vobis sicut disposuit mihi pater meus re- *Luc. 22* gnum, ut edatis & bibatis super mensam meam in regno meo. Sed quid dico? Seipsum ministris suis mercedem amplam promissit. Ego: inquit ad Abrabā, ero merces tua magna nimis. Hæc omnia si quis cū seruitute huius mundi com- *Gen. 15* pararet, videbit quanta sit dementia nolle seruire Deo, quanta ingratitude aliquid sui Mammonæ seruituti subiicere, quanta etiam turpido sit præter Deum aliquid querere. Quod si nec sic ad excutiendum graue diuitiarum iugum, ad liberè & ingenuè Deo seruiendum, regnum, iustitiámque eius querendam mouetur quis, saxo nempe durior suæque ipsius salutis inuidus, consideret quàm duram Mammonæ sustineat seruitutem, quàm miserè sub iniquissima militet tyrannide. Expressè enim Christus posuit: Aut vnum odio habebit, & alterum diligit, aut vnum sustinebit, & alterum contemnet, quia ut non diligitur Deus, nisi Mammon odio habetur, ita ubi Deus contemnitur, Mammon sustinetur, hoc est ipse qui sustinet quasi vinctus tenetur ut non possit. Id quod euidenti exemplo manifestum est adolescentis, qui quo posset factio vitam æternam habere percontatus, omnia vendere ac pauperibus dare iubetur. Sed quia multas possessio- *Matt. 19* nes habebat, quia Mammonæ seruus erat, tristis abiit. Ecce tentabat, hic Deo seruire & Mammonæ, sed non potuit. Propterea & Christus ait: Amen dico vobis, quia difficile intrabit in regnum cælorum. Commodè de his Salomon ait: Est aliud malum quod vidi sub sole & quidem frequens apud homines, Vir cui dedit Dominus diuitias, & substantiam, *Ecd. 6* & honorem, & nihil deest animæ suæ ex omnibus quæ consideret, nec tribuit ei potestatem Deus, ut comedat ex eo: (quasi dicat) animam suam expleat. At quomodo beatius anima expleretur, quàm si terrena possessio pro animæ æterna felicitate impenderetur? Quanquam inuenias qui ita sint Mammonæ iugo adstricti, ut nec in hac vita de partis bonis ullam habeant beatitudinem. De quibus apud eundem scri- *Ecd. 4* ptum est: Considerans (ait) reperi & aliam vanitatem sub sole: Vnus est, & secundum non habet, non filium, non fratrem,

& tamen laborare non cessat, nec satiantur oculi eius diuitiis, nec recogitat, dicens, Cui laboro, & fraudo animam meam bonis? In hoc quoque vanitas & afflictio pessima. Et rectè quidem afflictionem dixit pessimam. Quomodo enim non affligitur, qui ita cumulandis diuitiis cruciatur, ut suam ipsius fraudet animam? Quomodo autem Deo seruiet Mammonæ mancipium? Aut quomodo Dei voluntati obediens, sibi in futurum prospiciet, qui in presenti animam suam fraudat? Quomodo Deum suæque redemptionem animæ non contemnet, qui tam grave tyrannidis onus iniquissimum sustinet? Non potestis ergo Deo seruire & Mammonæ. Quid attentatis impossibilia? quid duabus sellis sedetis? quid nec frigidi, nec calidi estis? Vtrum vtilius (quando nec honesti, nec æqui mouet ratio) animam seruare an perdere? An ignoratis quia Dei leue iugum sursum attrahit, Mammonæ, mundi diaboli deorsum præcipiat? Quid in vtramque partem claudicatis? Nolite vos conformare huic seculo. Si Dominus est Deus, sequimini eum: si autem Baal, sequimini illum. Non enim duobus potestis seruire Dominis. Ecce hoc modo Christus diuitiarum dissuadet seruitutem eorumque inutilem conatū arguit, qui Deo se seruire putant & Mammonæ, & quicquid eius. Huc conferant homines studia sua, eaque ex his verbis metiantur & emendent. Non quidem habere diuitias & seruire Deo impossibile dixit: ex benedictione enim Dei sunt diuitiæ & diligentibus Deum omnia cooperantur in bonum: & Iob, Abraham, alique multi diuitias habuerunt, atque humiles ex ipsis diuitiis participantes pauperibus Deo seruiuerunt. Sed tantum seruitutē & abusum earum vetat: & Dauid qui & ipse diues indignū ratus hominem ad imaginem Dei creatum, ut seruiat Deo soli factum, auaritiæ & diuitiis seruire, monet si assuauit diuitiæ, ne cor & affectum apponamus. Atque hinc est quod Christus consequenter ait: Ideo dico vobis: Ne solliciti sitis animæ vestræ quid manducetis, neque corpori vestro quid induamini. Nonne anima plus est quàm esca? & corpus plus quàm vestimētum? Sanè diuitias habere non prohibet. Quanquam vendere omnia & dare pauperibus affectu atque corpore omnia relinquere, & Christum sequi perfectorum est. Prohibet solitudinē grauissimis argumentis ut cum patris bonitatem proponit, priora & maiora ipsius beneficia cōmemorat, ab exemplis mi-

nutarum creaturarum auocat. Atq; hic vere, si alibi vsquā pa-
 tris Dei bonitatē prędicat, quemadmodum olim in Psalmis, *Psal. 28.*
 id se facturum promiserat, dicens: Annunciabo nomen tuum,
 id est, bonitatem tuam, misericordiam & veritatem tuam
 fratribus meis. Quid autem est quod patris nomen prędicat *1. Pe. 5*
 nisi vt plenam erga Deum confidentiam persuadeat, ipsi cre-
 damus nos nostręque omnia vt omnium patri, cui cura est de
 nobis? Sic David de Deo loquens: Non in fortitudine equi, in-
 quit, voluntatem habebit, neque in tibiis viri beneplacitum
 erit ei. Beneplacitum est domino super timentes eum, & in *Psal. 48*
 eis qui sperant super misericordia eius. Et iterum: De prępa- *Psal. 32*
 rato habitaculo suo respexit super omnes qui habitāt terram.
 Qui finxit sigillatim corda eorum; qui intelligit omnia ope-
 ra eorum. Non saluatur rex per multam virtutem, & gygas
 non saluabitur per multitudinem virtutis suę. Fallax equus
 ad salutem, in abundantia autem virtutis suę non saluabitur.
 Ecce oculi Domini super timentes eum; & in eis qui sperant
 in misericordia eius. Vt eruat à morte animas eorum, & alat
 eos in fame. His ac similibus dictis Psalmorum liber plenus
 est, quibus timor Domini prędicatur tanquam certissimum
 medium consequendarum diuitiarum. Expresse enim dicit:
 Beatus ille. vir qui timent Dominum, in mandatis eius vo- *Psal. 111*
 let nimis. Potens in terra erit semen eius, generatio re- *Ps. 128*
 ctorum benedicetur. Gloria & diuitię in domo eius. Hinc
 monet, & ad Dei timorem hortatur. Timete Dominum,
 inquit, omnes sancti eius, quoniam non est inopia timen- *Psal. 33*
 tibus eum. Iunior fui etenim, & senui, & non vidi iustum *Psal. 30*
 derelictum nec semen eius quarens panem. Nouit Dominus
 dies immaculatorum; & hereditas illorum in æternum erit.
 Non confundentur in tempore malo, & in diebus famis sa-
 turabuntur. Ipse etiam David hanc Deo tribuit bonitatem,
 non suę ipsius industrię. Dominus, inquit, regit me, & *Psal. 221*
 nihil mihi deerit, in loco pascuę ibi me collocauit, super a-
 quā refectionis educavit me, animā meam cōuertit. Nos quo-
 que vnā cum ipso dicere æquum est: Oculi omnium, o Do- *Psal. 144*
 mine, in te sperāt, & tu das escam illorum in tempore oppor-
 tuno, aperis tu manum tuam, & imples omne animal benedi-
 ctione. Ac ne nuda hæc verba arbitremur, percurramus vete-
 ris & noui testamenti libros, inueniemus ita beneficia Dei
 mereri, vt iustē hæc illi tribuantur. Quis Israëlẽ in deserto
 cibis

- cibauit? Deus, cuius hic prædicatur bonitas. At quale hoc beneficium sit cogita. Locus ipse desertum erat. Qui aliunde adueheret nemo erat. Et ipsi quidem populus multus erant, Sexcenta millia, quingenti quinquaginta, virorum ad bella procedentium à viginti annis & supra, exceptis Leuitis, mulieribus ac liberis, quorum haud dubie numerus maior fuit.
- Leuit. 1* Cibauit hos omnes abundanter & copiose manna & coturnicibus non vno, sed quadraginta annis. Et hanc diuinæ maiestatis bonitatem, quam hic multis exhibuit simul, aliis sæpe priuatis ostendit. Profectus est Abram de domo patris sui, omni cognatione ac possessione relicta, in terram ignotam sibi, & Deus prouidit illi. Iacob fratrem fugiens pauper Iordanem transiit, at rediens duabus turmis liberorum atque armentorum venit, vt ipse etiam miraretur ac Deo gratias ageret dicens, In baculo meo transui Iordanem istum, & nunc cum duabus turmis regredior. Ioseph Aegyptiis à fratribus suis venditus in multam paupertatem & ad carceres etiam deuenit, at Dominus ditauit eum, & ad eam euexit potentiam, vt Dominus Aegypti, ab ipsis qui vendiderant fratribus suis frumentum venderet, rogaretur. Elias ab Iesabel persecutus, in montibus petrarumque fissuris latitabat, at nunc Dominus per eorum, nunc per Angelum cibauit. Sic farinam quam in Sarepta habebat vidua exigua multiplicauit, vt ipsa cum filio & Elia tribus annis ac sex mensibus inde sustentarentur. Sic Daniele in Babylone in lacu leonum per Abacne, qui in Iudæa erat, escis confortauit. Sic per Helizæum annonæ tempore paucis panibus centum homines cibauit. Ipse Christus quinque panibus quinque milia, & septem panibus quatuor milia hominum satiauit. Non ergo nuda verba sunt, quæ Dauid Deo tribuit. At, inquis, fortè non idem illi erga nos est affectus, non eadem potestas. Ipsum ergo in Isaia loquentem audi, Nunquid obliuisci potest mulier infantem suum, vt non misceatur filio vteri sui? Et si illa oblita fuerit, ego tamen non obliuiscar tui. Ecce in manibus
- Psal. 102* meis scripsi te. Audi Dauidem, Quomodo misceatur pater filiorum, misertus est Dominus timentibus se, quoniam ipse cognouit figmentum nostrum. Suauis Dominus non vni alicui, sed vniuersis, & misericordia eius super omnia opera eius. Rectissime ergo idem ait, Bonum est sperare in Domino, quàm sperare in principibus. Bonum est confidere in Deo, quàm

quàm confidere in homine. At potentia eius nemo resistit, non est abbreviata manus Domini. Quæcunque voluit fecit, & quod semper fecit, idem nunc vult. Huius ergo confidentia in Deum nos Christus hic admonet, ad hanc spem erigere vult, cum sollicitudinem vetat. Ne solliciti sitis. Iam vide qua ratione id faciat Christus. Primò beneficiorum acceptorum admonet. Nónne, inquit, animus plus est quàm esca, & corpus plusquàm indumentum? Qui ergo quod præstantius est, dedit, utique & quod vilius est ministrabit. Si quis ergo bello aut tempestate, aut iniquo iudicio, aut alia quacunque aduersitate calamitatem acceperit, inque paupertatem redactus fuerit, hanc in manus sumat consolationem, quæ à Deo Opt. Max. acceperit recolligat, & se Deo curæ esse non difficile intelliget. Deinde ratione sollicitudinem dissuadens, Respicite, inquit, volatilia cæli, quæ non serunt, neque metunt, neque congregant in horrea, & Pater vester cælestis pascit illa. Sic David, Qui dat, inquit iumentis escam ipsorum, & pullis coruorum invocantibus eum. Duplici autem ratione volucrum exemplo vitur. Primùm vt pusillanimes erigat. Soler enim indignitatis nostræ conscientia subrepere. Prouidit Israël, Abraham, Iacob, Ioseph, Eliaz, atque aliis, sed iustis, sed sanctis, mea me peccata tantis beneficiis reddunt indignum. Hanc igitur pusillanimitatem eximit consideratio, quod volucris, irrationalibus creaturis prospicit Deus. Et id est quod addit, Nónne vos magis pluris estis illis? Si Deus illi creaturæ benefacit, quæ hominis causa facta est, & beneficio Dei eo fruitur, vt homini commodet, multo magis benefaciet Deus homini propter quem illa. Deinde etiam ad arguendam diffidentiam humanam volucrum exemplo vitur. Volucres nulla prouidentia ac sollicitudine viuunt, tamen pascit illa Deus. Quid vosmet in Dei officium ingeritis? Non vestrum officium, sollicitum esse, sed Dei. Pudor est ab irrationali creatura hac parte præcelli. Et huc pertinet quod dixit, Pater vester pascit illa. Non pater aut creator eorum, sed pater vester. Illis ratione creationis beneficus est, at vobis arctiori vinculo coniunctus est. Creator, Altor, Redemptor, Pater vester est. Et hoc modo alibi ad Formicam, ad Turturam, Hirundinem, Miluum respicere docet. Quanquam & ideo volucrum posuit exemplum, vt quemadmodum illæ in terra alimenta quærent, in aëre verò cantus volatilsque

Mat. 6

Psal. 144

rūsq̃ue exercituum habent, ita nos quoque in terra præter vi-
ctum & amictum nihil quæramus, quod reliquum est celesti-
bus impendamus. Non autem quemadmodum volucres cæli
neque ferunt, neque metunt, neque in horrea congregant, ita
& vobis nihil laborandum est, sed vt quemadmodum illæ sine
solicitudine simus, ideo illorum exemplo vsus est. Laborem
ipse à nobis requirit, sollicitudinem in se proiici vult. Homo
enim ad laborem natus est, quemadmodum ad volandum
avis. Et David beatum hominem dicit, qui de labore ma-
nuum suarum manducat. Et Paulus cibum non laboranti ne-
gat, vult autem vt laboremus, non solum vt manducemus,
verumetiam vt habeamus vnde necessitatem patienti tri-
buamus. Quod si quis ergo calitus sibi, præter necessitatem,
sine labore, victum speret dari, Deum tentat. Ne solliciti sitis
quid manducetis, laborate tamen vt manducetis. Adhæc &
liliorum exemplum posuit, quod idem vult, quod illo volu-
crum exemplo Considerate, inquit, lilia agri quomodo cre-
scunt. Non laborant neque nent. Dico autem vobis quod nec
Salomon in omni gloria sua coopertus est sicut vnum ex his.
Si ergo scænum agri, quod hodie est, & cras in clibanum mit-
titur Deus sic vestit, quanto magis vos modicæ fidei? Hic to-
tius orbis campum consideremus, quàm varias terra florum
atque herbarum proferat species, & accendamus non solum
admirari diuinam illam providentiam, quæ hæc omnia tam
variè disponit, verumetiam ac multo magis paternam illam
extollamus voluntatem, cui hæc placuit, cum ad vtilitatem,
tum ad exemplum vitæ nostræ omnium oculis exponere.
Hoc enim isthæc volunt exempla, quando Patrem Deum
confitemur, qui tanta bonitate omnibus creaturis prospicit,
cur vos solliciti sitis non est, vos inquam, quibus iam olim
maiora contulit, quos ad immortalitatem creauit, ad æter-
nam nominis sui gloriam præparauit, quibus ratione prædi-
ctas contulit animas, quorum causa omnia fecit visibilia, qui-
bus filium proprium misit, quos denique in filiorum adoptio-
nem suscepit. Quod si nullo horum tangimini, vt deposita so-
licitudine, patri vestro credatis, curamq; vestram in illum
reponatis. Agite, quis vestrum cogitans potest adiecere ad
staturam suam cubitum vnum? Sine me laboratis, sine me
solliciti estis, quid efficitis? Non solum cura vestra & sollicitu-
do, verumetiam labor vester, sine mea benedictione, vel
vobis

vobis ipsis testibus, deperit. Et certè ita usu venire comperimus. Id què ideo Deus sciens ac videns permittit, quòd nostræ sollicitudini nimium tribuimus, Dei providentiæ omnia detrahimus. Hinc annonæ qualibet ex causâ, caritas. Vt ipse in Aggæo propheta testatur, Ponere corda vestra super vias vestras. Seminaſtis multum, & intulistis parum. Comedistis, & non estis satiati, bibistis, & non estis inebriati. Oſeruistis vos, & non estis calefacti. Et qui mercedes congregauit, miſit eas in ſaculum pertuſum. Sed vt maximè ſiue me vobis proſpiciatis variis curis & ſollicitudinibus huius vitæ ſuffocati. An verò vos iſthac abſque me tentare æquum eſt? An mei nominis honorem obſcurare vos dignum? At obſcuratis, cùm meæ providentiæ diſſiditis, cùm voluntati reſiſtitis, cùm ſcientiæ meæ detrahitis. Adhuc dico, ſcit pater veſter quia his omnibus indigeris. Hoc ſentire gentium incredulorum eſt, qui nec me, nec patrem meum nouerunt. Gentes, inquam, qui nec de providentiâ, nec de voluntate, nec denique de ſcientiâ mea quicquam audierunt. hæc inquirunt. Hi ſcientiam patris aut ad Lunam, aut ad magnates tantum deſcendere arbitrantur. Hi quoque de futura vita nihil norunt. Propterea ſe hic diuitiis exatiare conantur. At vos aliquando tenebræ eratis, nunc autem lux in Domino, abluti eſtis, ſanctificati eſtis, quòd Pater propè ſit omnibus iuocantibus eum, quòd vos in ipſo ſitis quicquid eſtis, quòd in ipſo moueamini & viuatis, quòd ipſe cælum terramque adimpleat didiciſtis. Vos non huic, ſed multis nominibus meliori vitæ præparati eſtis. Proinde nec ſperare in incerto diuitiarum veſtrum eſt, nec velle diſceſcere quoniam ſpes illa falſa eſt, & hoc velle eſt in laqueos diaboli incidere. Quærant ergo alij pro ſuo arbitratu neceſſaria, quærant nociua, vos autem regnum Dei & iuſtiâ eius quærite, quærite primum, quærite ſedulo, & hæc omnia adiicientur vobis. Hic Chriſti ille ſermo, hæc Dei voluntas. Cæterum regnum Dei hæc non vitam illam beatam, vt alibi, intelligimus. Habet Deus in hac etiam vita regnum ſuum. Regnum Dei vos eſtis, inquit Chriſtus. Non eſt, inquit Paulus, regnum Dei eſca & potus, ſed iuſtitia & pax & gaudium in Spiritu ſancto. Hoc regnum Chriſtus in nobis erigit, per ipſum enim iuſtificamur, pacem & conſcientiæ gaudium conſequimur. Et ſuper hoc regnum ipſe conſtitutus eſt à patre rex, virgam habens æquam, nempe virtutis ſuæ verbum.

quo

Aggæi

Mat. 6

Iob 21

Mat. 19

Hier. 23

1. Tim. 6

Luc. 12.

17 & 21

Luc. 17

Rom. 14

Psal. 2 quo regnat in domo Iacob in æternum. Quemadmodum ad
Psal. 44 Pilatum ait, Ego in hoc veni in mundum, vt testimonium
Luc. 1 perhibeam veritati. Quicumque ex veritate est, audit vocem
Ioan. 18 meam. Et iterum, Si quis diligit me. sermonem meum serua-
Ioan. 14 bit, & Pater meus diligit eum, & mansionem apud eum fa-
1. Cor. 3 ciemus. Vbi ergo Deus in homine habitat, illic Deo omnia
subiecta sunt, corpus, anima, vita, cogitationes, verba, opera,
intellectus, memoria, voluntas, omnesque potentia: animæ,
imò ipsi templum Dei efficimur. Hoc regnum primum qua-
rendum, huius iustitia, id est, vita recta, quæ in Dei domo am-
bulantes decet, primum inuestiganda est, sic enim non solum
quæ ad hanc vitam necessaria sunt, verumetiam ipsum re-
gnum cælorum. Plena atque perfecta beatitudo apponitur
nobis, tantum vt hic Spiritu viuentes, Spiritu ambulemus,
Gala. 6 non facientes desideria carnis. Hunc ordinem rerum Deus di-
sposuit. Sed nostra incredulitas fideique paruitas hunc ordi-
nem inuertit, quod primum necesse erat querere, postponi-
mus. anteuertimus postponenda. In hac igitur Christi verba
oculos ac mentes conuertamus, prouidentiam, voluntatem
atque scientiam Dei cogitemus, quæ antè largitus est cogite-
mus, atque ex iis aut sollicitudinem indignam credentibus
abiciamus. Mammonæ iugum discutiamus, aut nosmet in
ærumnis nostris consolemur, Deo seruientes, regnū Dei iusti-
tiæmq; eius queramus. Gratia Dei cū omnibus nobis. Amen.

DOMINICA DE- CIMASEPTIMA POST PENTECOST.

EVANG. LVC. VII.

ET factum est: deinceps ibat Iesus in ciuitatem
quæ vocatur Naim, & ibant cum eo discipuli
eius, & turba copiosa. Cum autem appropinquaret
portæ ciuitatis, ecce defunctus efferebatur filius vni-
cus matris suæ. Et hæc vidua erat, & turba ciuitatis
multa cum illa. Quam cum vidisset Dominus mise-
ricordia motus super eam, dixit illi, Noli flere. Et ac-
cessit, tetigit loculum. Hi autem qui portabant
flere

steterunt. Et ait: Adolescens, tibi dico surge. Et resedit qui erat mortuus, & cœpit loqui, & dedit illum matri suæ. Accepit autem omnes timor, & magnificabant Deum, dicentes: Quia Propheta magnus surrexit in nobis, & quia Deus visitauit plebē suam.

E A D E M DOMINICA

EPISTOLA.

EPHES. III.

Propter quod peto ne deficiatis in tribulationibus meis pro vobis, quæ est gloria vestra. Huius rei gratia flecto genua mea ad Patrem Domini nostri Iesu Christi, ex quo omnis paternitas in calis & in terra nominatur, ut dei vobis secundum diuitias gloriæ suæ virtutem corroborari per spiritum eius in interiori homine Christum habitare per fidem in cordibus vestris in charitate radicati & fundati, ut possitis cōprehendere cum omnibus sanctis, quæ sit latitudo & longitudo, & sublimitas & profundum. Scire etiā supereminentiam scientiæ charitatis Christi, ut adimpleamini in omnem plenitudinem Dei. Ei autem qui potens est omnia facere superabundanter quod petimus aut intelligimus, secundum virtutem quæ operatur in nobis, ipsi gloria in Ecclesia & in Christo Iesu in omnes generationes seculi seculorum, Amen.

S E R M O.

Pater multa, quibus hoc Euangelium plenum est, pietatis exempla, duo potissimum hic proposita sunt. Primum quid nos simus, deinde etiam quid erga nos Christus. Quanquam autem superioribus quoque aliquot sermonibus veriusque horum facta sit mētio, necesse tamen est iterum atque iterum hominibus inculcari res, sine quarum cognitione solida, medita

ditationeq; sedula, verè Christiani esse nō possumus. Vtriusq;
 testamenti Scriptura vbiq; serè hæc duo monet, nempe vt
 nosmet cognoscamus & Deum. Et quare eadem nō doceren-
 tur sēpius in Ecclesia? Si te vel superbia humo sollicitat, si tu-
 mor mentem extollit: vel miseriorum huius vitæ cogitatio
 deicit, si desperatio premit. huc aduerte animum, & disces
 nullam Christianis superbiendi relictam occasionem, nec vl-
 lo modo dubitandū esse iis, qui sub tanti ducis Christi signis
 militant. Misera huius vitæ conditio est, quæ meritō premit
 & angit. Sed tamen tanta non est, quin mitior fiat, & quasi
 diffuat si quis rectè in hoc Christi factum animum intendant.
 E Naim effertur funus, & hic adolescens filius vnicus matris
 viduæ. Elet mater orbata filio, totaq; ciuitas aut cum eo
 gemit casus indignos, aut de imminente sibi cōqueritur exi-
 tio. Expressa imago hæc est totius humanæ naturæ. Vita enim
 nostra ortus & occasus est. Quid ergo? An nobis de morte
 iustituenda est querela? Querantur ij quibus in hoc mundo
 pax est & securitas, quibus Christi domini nostri nulla cogni-
 tio est, quibus spes resurrectionis non est. Nobis hic mun-
 dus carcer, nobis futura & beatoris vitæ spes est. Spes, in-
 quam, viua quam in nobis Spiritus peperit Dei, quam Chri-
 stus vitæ largitor hoc miraculo confirmauit. Hoc enim quod
 semel in adolescente ostendit, cū iudex venerit, in nobis com-
 plebit perfectius, quod hunc rursus ad corruptibilem vitam,
 nos autem ad immortalitatem excitaturus est. Et ideo qui-
 dem hoc fecit, vt quod in nobis facturus est, firmitus creda-
 tur. Sicut enim pater suscitatur mortuos & viuificat, sic & fi-
 lius quos vult viuificat. Qualis hic erat, tales nos erimus,
 idem quoque Christus erit. Sic itaque excitati adolescentis
 historia nobis commodabit, si quid nos sumus, in defuncto
 intellexerimus, & quid Christus facturus sit, hoc facto edocti
 crediderimus. Alias enim nihil proderit hæc intelligere fa-
 cta esse. Suam Scriptura sacra retinet naturam, quæ vbiq;
 at hic maximè Christum ostendit, quem Deus propitiato-
 rem omnium proposuit. Sed necesse est Euangelicos adesse
 auditores. Alia enim hic requiritur fides, alia deuotio, alia
 intentio, quàm si Hannibalis, aut Iulij Caesaris victorias le-
 geris. Cum enim nostri causa scriptum est, quicquid Euan-
 gelista de Christo testantur, vbiq; salus, vbiq; vita pro-
 ponitur. Agite ergo aures arrigamus, mentesque huc ac-
 com

commodemus, thesaurum vitæ æternæ, ipsum Christum
 suis coloribus depictum, in hoc Evangelio quæramus, quæ-
 situm in ima pectoris nostri abscondamus, ut cum gaudio
 per huius vitæ miseriastranseamus. Multi hæc de Christo
 videre & audire concupiuerunt, sed non audiuerunt. Regina *Luca 10*
 Saba semel Salomonis cognouit sapientiam, & beatos iudi-
 cavit viros & seruos eius, qui coram ipso stantes, semper au- *3. Reg. 10*
 dirent ipsum. Nos Salomone multo maiorem hic audimus,
 & quis beatitudinis nostræ excellentiam æstimare posset, si *Matt. 12*
 uti æquum est & oportet, ipsum agnosceremus? Agnosce-
 mus autem si prius nostras miseras didicerimus. Non enim
 medici scitur præstantia, nisi cognito prius morbi periculo,
 Ipsum ergo Euangelistam audiamus. Ecce, inquit, defun-
 ctus efferebatur filius vnicus matris suæ. Et hæc vidua erat, *Luca 7*
 & turba ciuitatis multa cum illa. Lege quicquid vsquam li-
 teris traditum est. Vide quid nunc in mundo fiat, & indica,
 non tota hæc vita veluti processio quædam & comitatus ad
 sepulchrum? Quotidie morimur, quotidie sepelimur. Tor-
 enim passibus sepulchro viciniore simus, quot dies viuimus.
 Nec est quod effugiamus. Fuerunt quidem qui obleratis val. *Isa. 14*
 uis hæc humanæ calamitatis spectacula à liberorum seclu-
 dere conati sunt oculis, ne scilicet aliorum exemplis immi-
 nentes sibi miseras timerent. Tum hodie etiam quosdam
 ed deserta petere, montiumque cacumina incolere videas,
 quo communes miseras euitare possint. Alios quoque non *Ierem. 9*
 nisi obturatis naribus proximum limen transire. Sed frustra
 sudant. Inimicam mortem sinu fouemus, & omnia licet
 ocludas, ipsa tamen ascendit per fenestras. Discumbenti
 tibi in patinis est, ambulantem te umbræ in morem sequi-
 tur, dormienti tibi accubat, quicquid agis aut coram est,
 aut miseriis anteambulonibus suis importunis sollicitatori-
 bus, ut te in imperium suum trahant, aut mox ad futuram
 prænuntiant. Legatis utitur. Hinc ille omnium lacrymæ,
 hinc fletus & gemitus. Homo, inquit Iob, natus de muliere *Iob 14*
 breui viuens tempore, repletur multis miseriis. Qui quasi
 flos egreditur & conteritur, & fugit velut umbra, & nun-
 quam in eodem statu permanet. Et Isaias, Formido, inquit,
 & fouea & laqueus super te, qui habitator es terræ. Et eris
 qui fugerit à voce formidinis, cadet in foueam, & qui se
 explicauerit de fouea, tenebitur à laqueo: quia catarsis

cæli de excelsis apertæ sunt, & concutientur fundamenta terræ. Hinc etiam gentium Philosophorum vox illa: Optimum esse omnino non nasci, aut certè mox natum interire.

Eccle. 4

Quam sententiam Salomon his verbis scriptam reliquit, Vidi calumnias, quæ sub Sole geruntur, & lacrymas innocentium: Et laudaui magis mortuos, quàm viuentès, & forliciozem utroque iudicaui, qui nec dum natus est,

2. Reg. 20

nec vidit mala, quæ sub Sole sunt. Hinc David conquerebatur: Viuit dominus, & viuit anima mea, quia vno tantum gradu (vt ita dicam) ego & mors diuidimur. Idémque in persona Christi mortalium ærumnas significantis: Præoccupauerunt me, inquit, laquei & gemitus mortis, dolores inferni tircundederunt me. Hinc Paulus gemebunda voce

2. Cor. 1

pericula sua enarrans, supra modum & supra virtutem grauatum fuisse se ait, ita vt exduerit vitæ. Hoc est ergo mortem per fenestras ascendere, vbique inuida iustorum legatorum importunissimorum sollicitatione anxios reddere. Nulli parceret, duplici nimirum causa suam in omnes exer-

Gen. 3

Ephes. 5

cet tyrannidem: & quòd filij Adæ, cui dictum est: Terra es, & in terram ibis, & quòd ipsi peccatores sumus, peccatisque stipendium sit ipsa mors, & propter peccata ira Dei venit super filios diffidentia. Nullo igitur mouetur: non ætatem, non claros natales, non potentiam, non honorem, non sapientiam, non eloquentiam, non ædificia, non arma, non voluptates, non diuitias respicit. Vnde non incommodè Io-

Iosue 25

2. Reg. 14

2. Reg. 14

sue viam vniuersæ carnis dixit, Omnis enim caro fœnum, & omnis gloria eius, quasi flos agri: Exsiccatum est fœnum, & cecidit flos. Verbum autem Domini statit in æternum. Omnes morimur, & quasi aquæ dilabimur in terram, quæ non reuertuntur, nec est homo qui viuit, & non videbit mortem. Et quid refert quis prior aut posterior, cum serius aut

Psal. 88

citius sedem properamus ad vnam? Ecce huius nos mors adolefcētis admonet, admonent vicinæ propinquorum mortes, quotidiana funera, quibus id agitur, vt discamus nos esse mortales: & non timere mortem, sed benè viuere. Valet enim plurimum mortis huius meditatio sedula. Vt Salomon ait: Memorare nouissima & in æternum non peccabis.

Eccle. 7

Cur autem timebimus, quæ velimus, nolimus, euitari non potest. Est aliud genus mortis, quod timendum est, quia euitari potest. Mors, inquam, secunda, mors animæ, mors iustitiæ

stitiæ, quum mortui iustitiæ, viuimus peccato, mortui ani-
 ma, viuimus secundum carnem, mortui Deo viuimus mun-
 do. Hæc timenda est, sollicitè euitanda est, fugienda est. Eo
 enim hæc est horribilior, quo anima corpore nobilior, quæ
 vt corporis mors hominem his bonis priuat, ita celestibus &
 spiritualibus donis exuit. Exuit honore & scientia, vt David
 ait: Homo cum in honore esset, non intellexit, comparatus *Psal. 48*
 est iumentis insipientibus, & similis factus est illis. Sic nomen
 eius in manibus Dei scriptum est. Qui enim peccauerit, ipse *Exodi 32*
 delebitur de libro domini. Sed & nomen & famam in homi-
 nibus expungit. Memoria iusti, inquit Salomon, cum laudi-
 bus, & nomen impiorum putrescet. Sic spoliatur diuitiis ex-
 teris. Qui enim habet, id est, qui viuens iustitiæ, donis datis *Prou. 10*
 bene vititur, huic dabitur. Qui verò non habet, hoc est, *Luca 19*
 qui concessis donis abutitur, eo quod videtur habere, spolia-
 bitur. Sic & amicitiam suorum familiarium abdicat. Amici
 nostri angeli Dei sunt, quibus nostri curam habere Deus
 præcepit: Angelis suis mandauit de te, vt custodiant te in
 omnibus viis tuis. Vnde ipsi angeli in Ieremia loquuntur: *Psal. 90*
 Curauimus Babylonem, & non est sanata. Derelinquamus
 eam, & eamus vnusquisque in terram suam. Et quid de an-
 gelis amicis nostris dico? Ipsum Deum bonorum omnium *Iere. 513*
 fontem, summum bonum, vitam nostram, longitudinem *Deut. 30*
 dierum nostrorum, hac animæ morte per peccatum perdi-
 mus. Nam quod in corpore anima, hoc in anima opera-
 tur Deus. Tolle animam à corpore, & erit mortuum cor-
 pus. Tolle ab anima Deum, & erit mortua anima. Quid
 autem miserabilius, desperatiùsque homine tot tantisque
 necessariis spiritualis vitæ bonis priuato? Hæc ergo am-
 plius timenda est. Imò sola timenda. Sola enim ad perditio-
 nem ducit. Non autem timenda solum, verum etiam cauenda.
 Cauebitur autem, si fenestras pectoris nostri, per quas
 peccato & morti aditum patefecimus, ocluserimus, si cor-
 de contrito & suspiriis vitam nostram ad nos euocauerimus,
 imò si nos ipsi appropinquauerimus, vt enim tenebræ ita
 & mors. Accedit lumen, fugantur tenebræ, appropriat vita,
 recedit mors. Vita nostra Christus est. Ego sum (inquit) re- *Vita no-*
 surrectio & vita, qui credit in me, etiam si mortuus fue- *stra. Chri-*
 rit viuet, & omnis qui viuuit & credit in me non morietur *stus est*
 in æternum. An autem non est vita, in quo viuunt cuncta? *Ioan. 11*

- Galat. 2* Viuo (inquit Paulus) iam non ego, viuit verò in me Christus. Vis amplius scire quia Christus vita est, quia ipse mortem aufert, & vitam largitur? Audi quid in *Osee* dicat. De manu mortis liberabo populum meum, de morte redimam eum. Ero mors tua o mors, morsus tuus ero inferni. Et mox: Sanabo contritiones eorum, diligam eos spontaneè, quia auersus est furor meus ab eis. Et quasi ros Israël, germinabit sicut lilium. Duas hic promissiones audis. Quod sanare contritiones, & liberare de manu mortis velit. An non utranque hic impleuit? Annon matris viduæ contritiones ex filij morte spontaneè, tam promptè, non rogatus, verbo sanauit? Mater urbem lugubris plena contritionibus exierat, filius mortuus efferebatur: sed Christus & illam lætam de vita filij, & filium viuum reuerti in urbem fecit. Duo hæc vt communissima, ita opportunissima mala, contritio, siue tristitia, & mors. Quàm charus omnibus, & in quanto precio haberetur medicus, qui alterum horum maximis etiam impensis posset hominibus auferre? Ecce autem Christum vitam tuam, qui verbo utrunque adimit. Non hoc in loco solum eam potentiam vt vitæ autor ostendit. Nam & defunctam Iairi filiolum, & quatruiduanum Lazarum eadem vi atque virtute excitauit. Excitauerunt & Elias & Helizeus mortuos. non propria virtute, sed aliena. At Christus propria virtute, vnoque verbo: Adolescens, inquit, tibi dico, surge: Et resedit qui erat mortuus. Lazaro dixit: Veni foras. & statim prodiit qui erat mortuus. Sic & alias contritiones sanauit verbo. Leproso dixit: Mundare, & statim mundatus est à lepra sua. Surdo & muto ait: Epheta, & statim solutus est vinculum linguæ eius: Ecce eundem tibi artificem illum, qui in principio verbo suo creauit cælum & terram, qui dixit, & omnia facta sunt. qui mandauit, & creata sunt. Iudæi scissis vestibibus blasphemiam putabant, quod se filium Dei asseneraret sæpè eam ob causam lapidare volebant. Romani indignum iudicabant qui suorum Deorum addecerat catalogo. Iulianus Apostata cõtemeliosè Galilæum vocat, Celsus Magû, Arrius creaturam. Sed omnes hoc vnum factum confundit. Vnde cõfidenter postea Apostoli Christum Deum, vitæq; autorem prædicarunt, qui mors mortis, morsus factus esset inferni, populum suum de manu mortis liberasset

rasset, omnesque cōtritiones suorum sanasset. Notum sit om-
 nibus vobis & omni plebi Israël, Petrus, inquit, quia in no-
 mine domini nostri Iesu Christi Nazareni, quem vos crucifi-
 xistis, quem Deus suscitauit à mortuis, in hoc iste astat coram
 vobis sanus. Sed inquis, quid hoc prodest, quòd in aliis, & in
 paucissimis factum est, quòd cōmodum mihi est quia Chri-
 stus vita est? Ipsa ergo propheta: Osee verba attende: De
 manu mortis liberabo eos, de morte redimam eos. Ecce non
 de vno loquitur, sed de multis, imò de omnibus. Adde quòd
 mōrti infernòque minuitur. Mors, inquit, tua ero ò mors,
 morsus tuus ero inferne. Quæ certè plena consolationis ver-
 ba sunt, in quibus ipse etiam Paulus triumphat. Vbi est, in-
 quit, mors victoria tua, vbi est mors stimulus tuus? Deo au-
 tem gratias qui dedit nobis victoriam per dominum Iesum
 Christum. Ecce Paulum hæc eadē promissionis verba de Chri-
 sto interpretantem, & in ipsis gloriantem. Et cur non de Chri-
 sto intelligerentur, qui tam manifestè ea compleuit? Ipsum fa-
 ctum Christi testatur, quia ipse est, qui in propheta iis verbis
 locutus est. De morte redimam eos. Neque enim tale quid vn-
 quam humanis oculis visum fuit. Non dolus factò suberat.
 Omnes norant adolescentem mortuum pompa, funebris in-
 stituta, fouea parata fuit, portatores suis cadauer ferebant hu-
 meris, mater filij vñici morte mœsta sequebatur, multaque
 ciuitatis turba cum illa, nec quisquam hæc de Christo spera-
 re fuisset ausus. Christus ergo vita nostra, hunc excitans ado-
 lescentem, se in propheta locutum, & hanc suam promissio-
 nem ad nos quoque pertinere testatur, qui non de vno, sed de
 multis locutus sit. Tum etiam omnes aduersarios confundit,
 qui hanc illi potentiam quantum in se est adimunt. Nos au-
 tem hac consolatione fruamur, quòd vita ipse tristitiam vi-
 tæ huius mortemque animæ propulset, ac amaritudinem cor-
 poræ mortis tollat. Amaritudinem dico, non ipsam mor-
 tem. Non quia non possit & mortem ipsam corporis tollere,
 sed quia illud alterius temporis est: quicquid enim natum
 est ex carnē in mundum, vt caro transibit ex mundo. Quos
 tamen Christus vult ab amaritudine mortis liberat. Amen
 dico vobis, si qui sermonem meum seruauerit, non vi-
 debit mortem in æternum. Et hoc testantur tot martyrum
 mortes, qui omnes quidem ipsam mortem perpeffi sunt,
 sed mortem, id est, amaritudinem mortis non viderunt, ed

- quoddam Christum vitam secum in tribulationibus haberent
 qui se eriperet. Vnde Paulus (qui se alibi supra modum ac-
 que virtutem tribulationibus iactatum fatetur, ita vt exdu-
 rit viuere) confidenter ait: Benedictus Deus & pater Do-
 mini nostri Iesu Christi, pater misericordiarum & Deus
 totius consolationis, qui consolatur nos in omni tribulatio-
 ne nostra, vt possimus & ipsi consolari eos, qui in omni
 pressura sunt. Hic, inquam, Apostolus supra modum iacta-
 tus, mortis tamen amaritudinem non vidit. Et quid mirum
 eum non vidisse mortem, qui in omni loco sine intermissione
 gemitibus & lacrymis Christum vitam secum retinuit?
- Act. 7.* Aut quomodo vidisset mortem, qui cupiuit dissolui & esse
 cum Christo? Sic Stephanus mortem non vidit, qui Iesum
 filium Dei apertis oculis à dextris Dei vidit. Sic David li-
 cet vndique impeteretur ab hostibus, mortem non vidit.
 Alioqui quomodo non timuisset mortem? Sed non timuit,
 quam desiderio vitæ melioris elongari conquestus est. Hei
 mihi (inquit) quia incolatus meus prolongatus est. O igitur
 beatum hominem, beatam illam domum & urbem,
- Matt. 8.* vbi Christus præsto est. O te beatam Nain, quæ vita Chri-
 sto præfente, quem efferebas mortuum recepisti viuum.
 Non potest non vita reddi vbicunque Christus vita mirabi-
- Matt. 9.* lia sua operatur. Venit vita in domum Petri, & socrus eius
 liberatur à febre. Mortuus erat iustitiæ Matthæus, venit
 vita Christus, reddidit vitæ, & ex Publicano fecit Aposto-
 lum. Sepultus (vt ita dicam) erat Zachæus diues & princeps
- Luc. 19.* Publicanorum, venit Christus, & totam domum vitæ red-
 didit, ipsumque patrem familiæ mortuæ familiæ filium
 fecit Abrahæ. Adeo non habet mors locum vbi Christus
 vita coram est, vt Martha fratris sui Lazari mortem absen-
 tiæ imputauerit Domini. Domine, inquit, si tu fuisses hic,
- Ioan. 11.* frater meus non fuisset mortuus. Verè quia non est Deus me-
 cum inuenerunt me hæc mala. Sed apertissime omnium in
 Iudæorum gente videre est, quæ contritiones, quæ amari-
 tudo sit vbi Christus medicus & vita non est. Et hoc est quod
 Moses vult, cum petit vt Deus præcedat populum, & quod
- 2. para. 12.* Deus pollicetur: Ego tecum. Vnde ipse dixit: Ego vado, &
 quæretis me sed non inuenietis & in peccato vestro moriemini,
 vos reliquistis me. & ego reliqui vos. Videmus ergo qua
 causa tot tantæque in nobis mala sunt, cur tam nulla securi-

ras, nulla tranquillitas : cur etiā tam pusillanimes ad quosli-
 bet perturbationū riuusculos concutiamur. Multas Christus
 ciuitates transierat, quæ haud dubiè & mortuos adolescentes
 & viduas habuerunt flentes, sed nō in omnibus excitauit mor-
 tuos, licet vbique eadem illi voluntas, eadem fuerit potestas. *Ioan. 4*
 Nam & cibus eius est, eiusmodi factis voluntatē implere pa-
 tris. Et quæ causa? Alios vrbis tenuit voluptas, cōsuetudo pec-
 cati impediuit, ne ciuitatem exirent, mortuū efferrent, pecca-
 ta relinquerent. Nunquam suscitatus fuisset ad eam vitam
 adolescens, si non vrbe elatus Christo venisset obuiam. Vnde
 duō nos Scriptura monet, vt mortem animæ linquamus, & vi-
 tam quæramus : hoc est peccata fugiamus, & in Christo ius-
 titiæ viuamus. Resistite diabolo, et fugiet à vobis, appropia-
 te Deo, & appropinquabit vobis. Et Paulus, Surge qui dor- *Iacobi 4*
 mis, & exurge à mortuis, & illuminabit te Christus. Quod *Ephes. 3*
 autem non exurgimus, quòd Deo per pœnitentiam non
 appropinquamus, quòd medicum qui contritiones sanat,
 vitam quæ mortem adimat, non quærimus, hæc potis-
 simū causa est, quòd sine prouidentia Dei, fato quodam
 contritiones & mortem euenire, vitamque futuram nobis
 persuademus. Et potest quidem creatura occidere, ani-
 mam auferre, multasque contritiones inferre, vt diabolus,
 homines iniqui, belluæ, feræque & venena. Sed nec sanare
 possunt contritiones, nec auferre quam intulerunt mortem.
 At Deus dicere potest: Videte quòd ego sum solus : & non sit *Deut. 32*
 alius Deus præter me. Ego occidam, & ego viuere faciam,
 percutiam & sanabo, & non est qui de manu mea possit erue-
 re. Verè enim sine illius voluntate ne capillus quidem de ca-
 pite nostro decidit. Quantò minus illo nescio vel morimur
 vel reuiuiscemus? Et quanquam Euangelista hoc tantum scri-
 pserit, quòd adolescentem hunc Christus à morte excitauit:
 non autem quòd eundem mori permiserit, tamè vt per ipsam
 suscitatus est, ita non sine illius dispositione mortuus est. *Ioan. 9*
 Nā & eadē diuinitatis dispositione cæcus natus est, & à Chri-
 sto visum recepit, & Lazarus mortuus atque sepultus est, & *Ioan. 11*
 postea resuscitatus : est nēpè vt vtrobiq; Dei opera manifesta-
 rentur. Et hoc voluit cum ait: Ego occidam, & ego viuere
 faciam. Quicunque ergo considerauerit Deum adolescentem
 robustum, potentem, sine impedimento mortificare & ad in-
 fernū deducere faciliè intelliget quid Dauid velit cum ait: *Psal. 79*
 Ti

- mebunt gentes nomen tuum, & omnes reges terræ gloriam tuam. Contrā verò qui eundem Christum tam facile sine omni labore ac pugna vitæ restinere cognouerit, idem sentiet quæ spes, quæ fiducia sit iis, qui timent dominum, quoniam ipse adiutor & protector eorum est. Verumque autem eo modo cogitare necesse est. Neque enim consideratur, quæ sit operum Christi maiestas, nisi in eodém qui viuificat mortis imperium credatur. Et hæc summa est vt misericordem cum non occidit agnoscamus, potentem verò cum viuificat credamus. Verum enimvero satis non est, si tete noris, & Christo occidendi viuificandique vim tribuas, si cum Petro dicas: Domine verba vitæ habes. & cū Dauid: Nō discedimus à te, viuificabis nos, & nomen tuum inuocabimus. Hi in curribus & equis, nos autem in nomine domini inuocabimus. Vitæ normam sequamur, exempla imitemur. Nam vt fidem nostram confirmat, ita etiam vitam instruit hæc lectio. Ecce populi sequentis dominum quam imitabere constantiam. Sic enim fides requirit, vt quod benè ceptum est in nobis, perficiatur. Ecce condoleſcentiam totius ciuitatis, qua casus misererentur viduæ. Turba, inquit Lucas, ciuitatis multa cum illa. Hæc illa celebrata Scripturis misericordia, qua & mortuis officia dilectionis impendimus. De Tobia enim scriptura loquitur, quòd in ipsa etiam captiuitate mortuis atque occisis sepulturam sollicitus exhibuerit. Vnde etiam Angelus ad eum, Cum orabas cum lacrymis, & sepeliebas mortuos & derelinquebas prandium, & mortuos abscondebas per diem in domo tua: & nocte sepeliebas eos, 2. Reg. 2 ego obtuli orationem tuam domino. Hinc Dauid viris Iabes Galaad gratulatur, quòd sepelissent regem Saul, dicens: Benedicti vos à domino, qui fecistis misericordiam hanc domino vestro Saul, & sepelistis eum. Et nunc retribuet vobis quidem dominus misericordiam & veritatem, & ego reddam gratiam, eò quòd fecistis verbum istud. Hæc exempla sequi præstaret multò quàm quærere, sint ne lugendi mortui, an nullo affectu potius debeamus tangi. Quidam omnino non decere volunt Christianos lugere mortuos. 1. Thes. 4 Nam & Paulus huius mentionem faciens ait: Nolumus vos ignorare de dormientibus, vt non contristemini, sicut & ceteri qui spem non habent. Non dicit, non esse lugendum omnino: sed sicut ij, qui spem non habent luge-

re vetat. Deducet Christianos inordinatis vestibus maiorem affectate dolorem, quàm animus sentit. Non enim Christus hanc hypocrisim in credentibus suis tolerat. Nequetamen argui debet mediocris dolor & luctus dummodo ex fide & dilectione profisciscatur. Ita enim veteres patres fecisse legimus. Quin etiam licet creditibus omnia esse ad bonum sciat, imperare sibi humanus affectus in morte & quacunque proximi calamitate nequit. Id quod in Paulo videre est, qui licet plenus Spiritu sancto, ob id tamen quòd Epaphroditum à morte liberasset, latatur, & ipsum cum omni gaudio suscipiendum monet. At quis vnquam ea plenitudine Spiritum Dei, qua Christus habere potuit? Quis immobilior constantiorque illo? Verùm quia hominum amator ipse homo futuri interitum populi illius prauideret, à lacrymis ipse non abstinuit. Sic & apud Lazari sepulchrum illacrymatus est. Et quid multis? Ipsa natura & humani affectus viscera mortes lugent propinquorum. At fides modum imponit, & non mortuos sed Deo viuas animas, corpora etiam per Christi maiestatem aliquando excitanda, docet. Sic præter decorem cuiusque personæ pompa instruenda non est. Sepultura honorifica Christianos non dedecet. Ioseph emortuum patris corpus Aegypto in terram Chanaan cum honore demit. Superbia vbique viranda, imò nec toleranda est. Iam verò Christi exemplum consideremus. Consolatur viduam. Noli flere, ait: moxque lacrymas eius conuertit in gaudium. In tanta ciuitatis turba, non potentem, non diuitem, sed viduam pauperculam, vnico filio orbatam videt, hulus miseriis tangitur, vt verè dixerit Psalmista: Tibi domine derelictus est pauper, orphano tu eris adiutor. Et: Dominus custodit aduenam, pupillum & viduam suscipiet, & vias peccatorum disperdet. Et iterum: Quis sicut Dominus Deus noster, qui in altis habitat & humilia respicit in exlo & in terra. Ipse pater orphanorum & iudex viduarum. Non despiciet preces pupilli, nec viduam si effundat loquelam gemitus. Nonne lacrymæ viduæ ad maxillam descendunt, & exclamatio eius supereducentem eos? A maxilla enim ascendunt vsque ad cælum, & Dominus exauditor non delectabitur in illis. Hinc Moses monet: Aduenam non contristabitis, viduæ & pupillo non nocebitis. Si laeseris eos, vociferabuntur ad me,

Philip. 2

Luc. 19.

Ioan. 11.

Genes. 10.

Vidua-

rum &

pupillo-

rum cau-

sa.

Psalm. 9

Psalm. 145

Psalm. 112

Psalm. 67

Psalm. 35.

& ego audiam clamorē eorum, & indignabitur furor meus, percutiamque vos gladio, & erunt vxores vestre viduæ & filij vestri pupilli. Christus ergo cum hoc facto se iudicem viduarum ostendit, tum nos quoque vt se sequamur monet, vt causa viduæ, & pupilli defensio ad nos ingrediatur. Id quod Iob sanctus de seipso testatur, qui se pauperem vociferantem liberasse & pupillum, & eum cui non esset adiutor, & cor viduæ consolatum esse enumerat. Hinc etiam Christus ad suum exemplum sequendum monet, Discite à me, quia mitis & humilis sum corde. Exemplum dedi vobis, vt quemadmodum ego, ita & vos faciatis. Et Ioannes, Qui dicit se in Christo manere, debet sicut ille ambulare. His ergo si conferamus huius ætatis facta, videbimus quàm nemo ferè hac in re Christum sequatur. Quod excelsum est, omnes suspiciunt, quod humile & abiectum est, nemo. Christus facit ne lacrymentur viduæ & pupilli, nos contrà vt semper lacrymentur facimus, & planè consummatur in nobis, quod in Ezechiele Propheta scriptum est, Incedebat inter leones, & factus est leo, & didicit prædā rapere, & homines deuorare. didicit viduas facere, & ciuitates eorum in desertum adducere, & desolata est terra & plenitudo eius à voce rugitus eius. Christus suscitāt mortuos, nos occidimus viuentes. Christus dilectionem & misericordiam ostendit etiam immerentibus, nos odium & inuidiam bene de nobis merentibus rependimus. Christus suis hoc ac similibus exemplis beneficentiæ admonuit, nostri contrà, principum animos ad bella, ad effusiones sanguinum cōcitant. Et licet quotidie legant non venisse Christum perdere, sed saluare, non ideo in mundum missum vt iudicet mundum, sed vt mundus saluetur per ipsum, tamen clamores suos Euangelio conantur defendere. Iacobus & Ioannes cupidi vindictæ, ignem è cælo volebant euocare, ad perditionem ciuitatis cuiusdam Samaritanæ, quod non recepisset Christum. Sed vt audiuerunt Christum increpantem, & an ignorarent cuius essent spiritus sciscitantem, sententia cadunt, mōxque vnanimitatem, charitatem, & beneuolentiam prædicant. At nemo nostrum hæc cogitat, cuius nos simus spiritus, an Christiani, an Turci. Nemo cogitat (inquam) quàm non deceat Christianos aliquem iniuria afficere. Et hac ratione hoc suo facto Christus nos non solum beneficentiæ monet, verum etiam tyrannidis atque inclementiæ arguit, quod ea non præsta

Iob 19

Mat. 11

Ioan. 13

2. Ioan. 2

Luc. 9

Ioan. 3

Luc. 9

præstamus fratribus nostris, quæ ipse exhibuit ingratis hominibus. Sed quid dico? Facit inclementia nostra, ut de solo Christo & verè dicatur, Tibi derelictus est pauper, orphano tu eris adiutor. Et quid sperandum est? Certè fiet in nobis quod Salomon vaticinatus est, Qui, inquit, obturat aurem *Prov. 21* suam ad clamorem pauperis, & ipse clamabit, & non exaudietur. Qua mensura mensi fuerimus, remetietur nobis. Sunt *Luc. 7* & alia in hoc Euangelio quæ nos pietatis monent, ut quod adolescens mortuus dicitur, quod turba glorificavit Deum, qui talem potestatem dedisset hominibus. Et certè iuuentus nostra multa eger admonitione, quod per se natura ad malum prona, parentum & magistratus licentia in omne malum ruit, & adsueta malis, difficillimè relinquat viam cui assuevit. Memento creatoris tui in diebus iuuentutis tuæ, *Prov. 22* antequam veniat tempus afflictionis tuæ. Tum nemo pro acceptis Dei beneficiis gratias agit. Sed hæc aliàs. Gratia Dei nobiscum. Amen.

DOMINICA DECIMA OCTAVA POST PENTECOST.

EVANG. LUC. XIII.

ET factum est cum introisset Iesus in domum cuiusdam principis Phariseorū Sabbatho manducare panem, & ipsi observabant eum. Et ecce homo quidam hydropicus erat ante illum. Et respondens Iesus, dixit ad Legisperitos & Phariseos, dicēs, Si licet Sabbatho curare? At illi tacuerunt. Ipse verò apprehensum sanavit eum ac dimisit. Et respondens ad illos, dixit, Cuius vestrum Asinus aut Bos in puteum cadet, & non continuo extrahet illum die Sabbati? Et non poterant ad hæc respondere illi. Dicebat autem & ad inuitatos parabolam, intendens quomodo primos accubitus eligerent, dicens ad illos, Dum inuitatus fueris ad nuptias, non discumbas in

bas in primo loco, ne fortè honoratior te sit inuitatus ab illo, & veniens is qui te & illum vocauit, dicat tibi, Da huic locum, & tunc incipias cum pudore nouissimum locum tenere, sed cum vocatus fueris, vade, recumbe in nouissimo loco, vñ cum venerit qui te inuitauit, dicat tibi, Amice ascende superius, Tum erit tibi gloria coram simul discumbentibus, quia omnis qui se exaltat humiliabitur, & qui se humiliat, exaltabitur.

E A D E M DOMINICA

EPISTOLA GALAT. IIII.

Obscuro itaque vos ego vinctus in Domino, ut dignè ambuletis vocatione qua vocati estis, cum omni humilitate & mansuetudine, cum patientia, supportantes inuicem in charitate, feliciter seruare vnitatem spiritus in vinculo pacis, vnum corpus, & vnus spiritus, sicut vocati estis in vna spe vocationis vestre, vnus Dominus vna fides, vnum baptisma, vnus Deus & pater omnium qui super omnes, & per omnia, & in omnibus nobis.

S E R M O.



Nunc hoc Euangelio miraculum nobis & concio Christi proponitur. Qua in re huius lectionis maior est dignitas, quàm superioris dominicę Euangelij, quod sine concione miraculum solum habebat. Quanquam enim propter miraculi illius excellentiam periuicundum illud erat, nescio tamen quomodo nos, quibus iam miracula non sunt ita necessaria, maiori aliqua voluptate ex audito Christi verbo afficiamur. Neque verò illic concio requirebatur, vbi ex miraculi inspirati magnitudine omnes conterriti in Dei laudes ora resoluunt, requiritur autem hic, vbi non omnibus idem erga Christi facta affectus est. Miraculum autem hoc illi rei seruit, cui reliqua omnia. Concio autem hæc quid doceat

doceat, quidque arguat, ipsa explicatione enarrabimus. Alibi autem copiosius à me dictum est, quid in Christi miraculis sit querendum. Cum enim nulla atque varia effecerit, vno tamen spiritu vnâque potentia diuina, in vnum sunt finem directâ, quemadmodum omnia alia de Christo conscripta, hoc volunt, vt sciamus, quis noster dominus sit, in quem nostra quiescat fides, & quæ vitæ norma sequenda. Et cui rectius ac tutius nosmet concedimus, quàm Christo, qui tot tantâque effecit miracula solus, vt certò tutòque omnipotens eredatur & beneuolus. Qua igitur occasione hoc miraculum fecerit accipiamus. Et factum est, inquit Euangelista, cum introisset Iesus in domum cuiusdam Principis Phariseorum. Sabbatho manducare panem, & ipsi obseruabant eum. Hic primum parata Christi insinuat voluntas, qui semper paratus omnes iquare vbique. Non respicit personam hominis. Inuitatus venit ad domum Pharisei alterius, vbi mulier illa in ciuitate peccatrix, pedibus prouoluta Christi, donis satiatur celestibus. Sic cum Matthæo & Zachæo discumbit. Illorum nec veritus fraudes, nec horum aspernatus peccata. Vbique sui similis, vt iustitiæ doctorem conueniebat facere, nec illis blandiebatur, nec hos quam pro ratione decebat durius tractabat. Hoc vnum explebat, cur in mundum venerat, vt peccatores ad poenitentiam vocaret, pro corporali cibo, animos discumbentium celesti alimento pascebat. Qua in re cum ab omnibus tum ab iis maximè sequi debet, qui sal atque lumen terræ esse videntur, ne quid alienum à Christiana professione aut decore effutiant, quo audientes lardantur, Deus offendatur, sed iuxta Apostoli doctrinam sermone loquantur, qui sit sale conditus cum gratia, vt sciant, quomodo deceat vnicuique respondere. Omnis sermo malus ex nullius ore procedat, sed si quis bonus ad ædificationem fidei, vt det gratiam audientibus. Omnis etiam amaritudo, & tumor, & indignatio, & clamor, & blasphemia tollatur cum omni malitia. Hoc modo sint omnium nostrum sermones directi, ita enim non solum Christi capitis exemplum imitabimur, verum etiam iudicium euitabimus, quando de omni verbo quod loquuti fuerimus, rationem reddiri sumus. Atque vtinam Christum qui ipse nos ad sui exemplum sequendum toties horratur, in hoc sequeremur. Nec ipse solus vt hoc faciat nos monet, verum etiam Apostoli idem hortantur, primæ Petri 2.

Ephes.

Mat. 9

Mat. 9

Mat. 9

Luc. 7

Mat. 9

Mat. 9

Luc. 19

Mat. 9

Mat. 9

Colo. 4

Ephes. 4

Mat. 12

Mat. 11

Ioan. 13

Ephes. 5. 1. Ioan. 2. profecto efficeremur ut frustra inimici nostri obseruarent. Quis autem est, qui se arbitratur sine maleuolorum obseruatione posse loqui? Vix enim fieri potest, ut in populi frequentia non sint cauillatores. Et si Christum vni cum celestis veritatis doctorem homines æquitatis hostes obseruare ausi fuerunt, quid facient nobis? In pleno conuiuio ne vnus, quidem qui non obseruaret inuenitur. Ea quorundam hominum iam propè in alteram naturam mutata malitia, ut nec iuuat quibuscunque verbis seriis, blandisve ad resipiscenciam horteris. Ipse Christus in multis locis increpat Phariseos, sed frustra laborat. Genimina sunt viperarum, quid nisi venenatum sibillare possunt? Prouerbiū est, Adolescens iuxta viam suam, etiam cum senuerit, non recedet ab ea. Nunquid Aethiops mutabit colorem suum? perniciosissimum hominum genus, qui sub amicitiae pallio laqueos abscondunt, ed conuiuia instituunt, ut cauillent, ac prodant, obsequia offerunt & homicidia parant. Eodem ludo edocti fuerunt Ioab & Iudas, quorum ille Abner in dolo loquens occidit, hic magistrum ac Dominum osculo in mortem tradidit. Er quid obstat quo minus eadem etiam nunc circunueniantur specie simplices? Neq; enim quisq; præter Deum corda hominum nouit. Iudas Christum tradit osculo, sed volentem, ut illaquearent ipsum hi Pharisei, ideo obseruant eum, sed falli nolentem. Frustra, inquit Salomon, expanditur rete ante oculos pennatorum. Propterea quod Pharisei corde premebant, ipse aperit, cum si liceat Sabbatho curare, certus tamen quid facturū esset, interrogat. Quo certè dicto quam nihil ipsum lateat, intelligere potuerunt. Quemadmodū & ad Iudam ait, Iuda osculo tradis filium hominis. Amice ad quid venisti? In semetipsum ergo reuertantur qui eiusmodi sunt, & quā indignum sit homini Christiano fratrem dolo ac fraude circunuenire, qui inimicum inuare debebant, cogitent. Et licet homo quem ad malum obseruant, laqueos non videant, videt tamen Christus, & tacet quousque veniat reddere vindictam iniuriarū facientibus. Quin nec tacet semper, cum per conscientiam quēque fraudulentum in homine se tradi conqueritur. Circuite vias Ierusalem, & aspiciate, & considerate & quærite in plateis eius, an inueniatis virum facientem iudiciū & quærentem fidem. Propterea vnusquisq; se à proximo suo custodiat, & in omni fratre suo non habeat fiduciam, quia

Mat. 12

Pru. 22

Ier. 13

2. Reg. 3

Mat. 26

Pru. 1

Luc. 14

Luc. 22

Mat. 21

Hbr. 9

quia omnis frater supplantans supplantabit, & omnis amicus
 fraudulenter incedet, & vir fratrem suum deridebit, & verita-
 tem non loquentur. Non est veritas, inquit Osea, & non est mi- *Ose. 4.*
 sericordia, & non est scientia Dei in terra. Perit sanctus de ter- *Mich. 7.*
 ra, & rectus in hominibus non est. Omnes in sanguine insidiantur.
 Vir fratrem suum ad mortem venatur. Vani, inquit David, *Psal. 61.*
 filij hominum, mendaces filij hominum in stateris, ut decipiant *Psal. 54.*
 ipsi de vanitate in idipsum. Et iterum: Molliti sunt sermones
 hominum super oleum, & ipsi sunt iacula. Vehemens & virgēs
 periculum est in fratribus. Hoc ipsum conquesti sunt pii qui *Matt. 24*
 que, & quid facerent, si nunc terram nobiscum habitarent,
 quando multorum abundat malitia & refrigescit charitas?
 Proinde hanc observationem in Phariseis reprehendere satis
 non est, nisi nosmet agnoscere didicerimus, & si quid tale inue-
 nerimus quod in aliis reprehendimus, ipsi corripuerimus.
 Nam quod ad Phariseos attinet, non hic solum id factitarunt,
 alibi etiam sæpe sui sunt similes, ut cum per legationem qua-
 runt: An liceat censum Cæsari dare, an non, & cum ab alio Pha- *Mat. 22.*
 riseo inquitur in Luca: & cum mulierem in adulterio depre- *Luc. 11.*
 hensam afferunt, eiusque sententiam exquirunt. Nec inopina-
 ta hæc fraudulentia ipsorum est. Sapientia enim prævidit atque
 in eorum persona loquitur: Venite, circumueniamus iustum, *Sapient. 2.*
 quia contrarius est operibus nostris, & quæ sequuntur. Vbi
 aptè propheta causam huius Pharisaicæ malitiæ exprimit,
 nempe quod veritatem loquens, mendacia ac hypocrisin ipso-
 rum argueret. Veritas odium parit. Id quod in Achab videre
 est, qui quadringentos falsos prophetas sustentabat, vnum Mi-
 chæam sustinere non potuit. Propterea ait: Ego odi eum, quia *3. Reg. 18.*
 non prophetat mihi bonum. Sic Christus: Non potest mundus *Ioan. 3.*
 odisse vos, me autem odit, quia ego testimonium perhibeo de
 illo, quod opera eius mala sint. Et: Omnis qui malè agit, odit
 lucem, ut non manifestentur opera eius. Et Salomon: Sapien-
 tiam atque doctrinam stulti despiciunt. Propterea non imme-
 ritò insaniore phariseos dixerim quàm ipsum hydropicum.
 Hic enim corpore tantum malè habebat, illi mente: hic vno
 morbo laborabat, illi pluribus. Primò enim adeò cæci, ut quæ
 legébant, coram non viderent, quemadmodum de eorum cæci-
 tate in Isaia prædictum est. Et Christus in Ioanne: Ego in iudi-
 cium veni in hunc mundum. ut qui vident cæci fiant, & qui *Isa. 6.*
 non vident, videant. Et meritò hac cæcitate percutiuntur, quia *Ioan. 9.*
 non vident, videant. Et meritò hac cæcitate percutiuntur, quia *Ioan. 12.*

- qui in propria venerat, non receperunt. Deinde & immensa laborabant inuidia, qua filium Dei sine causa persequebantur. Sicut in prophetis scriptum erat: Odio habuerunt me gratis.
- Ioan. 1.* Propterea ait: Multa bona opera ostendi vobis à patre meo, propter quod eorum lapidatis me. Tertiò insatiabili avaritia, ut eius causa, ipsa Dei mandata non vererentur immutare. Po-
- Ioan. 10.* strechè illa intumescabant superbia, ut omnia quaecunque facerent ad ostentationem facerent. His ergo omnibus affecti certè hydropico insaniore sunt. Hinc est quòd tot modis Christus eos adorat, iam excitatem, iam inuidiam, iam avaritiam, iam etiam superbiam corripiens. Non tam ut illos speraret posse conuerti (obdurati enim erant) quanquam id quoque voluisset, sed ut nobis in hoc seruiret. Et quemadmodum in Euangelij prædicatione Iudæorum defectio, causa est salutis gentium (ut Paulus scripsit) ita hic, quo magis Christo resistunt pharisæi, eo plus nobis commodarunt, dum Christo loquendi occasionem præbent. Cognouit igitur Christus quòd se obseruarent, & præsto est hydropicus ante eum. Dicit ergo ad legisperitos & Phariseos: Si licet sabbato curare? Hec quaestio admodum utilis est, eoque & alibi eam Christus mouit, cum hominem aridam manum habentem sanaret. Idem in
- Rom. 11.* Luca videre est, Luc. 6. & 13. Quaestiois autem ratio ex præcepto de sabbati sanctificatione est. Duplex enim causa præcepti est, ut & sanctificarent sabbatum, & ut ab omni opere cessarent homines. Iam legisperiti hanc legem deprauarant, secundam eius rationem strenuè docentes. Primam & præcipuam cur sanctificare eum iuebantur, silentio præteribant, arbitantes hoc ipso satisfieri legi, si desides atque ociosi in cubiculo sterterent. Hunc errorem Christus reprehendit, primum facto, dum hydropicum manu apprehensum sanat, atque dimittit: deinde verbis, cum mota quaestione, factum confirmet: Cuius, inquit, vestrum asinus aut bos in puteum cadet, & non continuo extrahet illum die sabbati? Quod miraculum in hydropico factum corripere, non habebant. Ipsi enim intra semetipsos cogebantur sentire, quòd Dauid ait: Peccator videbit, & irascetur, dentibus suis fremer, & tabescet, desiderium autem eius peribit. Sed quòd sabbato id faceret, idè arbitrabantur culpandum. Nec est, quo magis ipsum contra surgerent aperte, quàm quòd miracula faceret sabbato. Idèoque
- Matth. 12.* fortius sua suorumque facta sabbato defendit. Ut in Matthæo.

cum sabbato de discipulis esurientibus ac vellentibus spicas
 segetum & comedentibus conqueruntur : Ecce discipuli tui
 faciunt, quòd non licet facere in sabbato : ipse retundit eos
 duobus exemplis. Primò quod David cum esuriret, panes
 propositionis, quos ipsi non licebat edere, vnà cum iis qui
 cum ipso erant, ingressus rēplum comederit. Deinde quòd sa-
 cerdotes licet multum laborarēt sabbato, sine crimine tamen
 id facerent, nec violarent sabbatum, eo quòd ita fieri præce-
 pisset Dominus. Quibus hæc inter alia addit : Si sciretis quid
 est : Misericordiam volo, & non sacrificium, insones non
 condemnassetis. In Marc. addit : Sabbatum propter hominem
 factum est, & non homo propter sabbatum. In Luca hæc ea-
 dem mouetur quæstio, vbi mulierem habentem spiritum in-
 firmitatis annis decem & octo, quæ erat inclinata, vt sursum
 respicere non posset, sabbato liberat. At Archisynagogus in-
 dignans quòd sabbato sanasset Iesus, dicebat turbæ : Sex dies
 sunt in quibus oportet operari, in his ergo venite, & curami-
 ni, & non in die sabbati. Iesus verò mox silentium illi impo-
 nens, ait : Hypocrita vnusquisque vestrum sabbato non soluit
 bouem suum aut asinum à præsepio, & ducit adouare ? Hanc
 autem filiam Abraham, quam alligauit Satanas ecce decem
 & octo annis, non oportuit solui à vinculo illo die sabbati ? In
 Ioanne etiam quia sanasset hominem triginta & octo annos
 morbo detentum, occidere eum volebant Pharisei. At ipse
 factum patris autoritate confirmat : Pater, inquit, meus vsque
 modò operatur, & ego operor. Sic consequenter sabbato cæ-
 cum natum illuminauit. Pharisei autem factum reprehenden-
 tes dixerunt : Non est hic homo à Deo, qui sabbatum
 non seruat. Quanquàm autem illo tempore præsens non es-
 set Iesus, vt hoc quoque Phariseorum dictum refelleret, antè
 tamen abundè rationem eius reddidit exemplo circuncisionis,
 cum ait : Si circuncisionem accipit homo in sabbato,
 vt non soluatur lex Moysi : quid mihi indignamini, quòd to-
 tum hominem sanum fecerim sabbato ? Ecce tot modis Chri-
 stus errorem Pharisaicum reprehendit, suisque & verbis &
 factis verum vsum sabbati ostendit. Et cur non reprehende-
 ret ? An non intolerabilis res & pernitiola, ex malè intelle-
 cto scripturæ sensu errores in Rempubli. Christianam inue-
 here, hoc est, multorum animas in mortis periculum in-

Jacob 2,

ducere? Hac ratione nobis ipsi Christianum nomen vendicamus, cum nihil minus sumus quam Christiani, alius suis operibus iustificationem tribuit, alius fidei, cum tamen maxima hominum pars quid vel vera opera vel fides sit, nesciat. Non quævis opera quantumvis in speciem bona apud Deum valent. Sic nec omnis fides. Operosa res est fides, non mortua, qua patres iustificati sunt. Et omnino eiusmodi, ut si huius temporis hominum fidem ad eam contuleris, inanem, mortuam, inutilem diceres. Propterea rectè Christus errorem, qui de malè intellecto scripturæ sensu nascitur, tanta auctoritate reprehendit. Nusquam tamen contumaciter Christus in sabbatum invehitur, sed iustas tantum suorum factorum reddit rationes, ne vel simplicibus scandalum præberet, aut leuioribus patrocineretur, si sabbatum violarent. Sanctificauit ergo Christus sabbatum, voluitque sanctificari, hoc est, piis actionibus peragi, noluit autem conscientias hominum sine causa constringi, quod certissime sequeretur, si visis proximorum miseris opem quam vellent ac possent, sabbato ferre non auderent. His ergo dictis tota controuersia tolli potuit. filius hominis dominus est etiam sabbati. Et: Non homo propter sabbatum sed sabbatum propter hominem factum est. Et quod in Euangelio positum: Cuius vestrum asinus aut bos in puteum cadet, & non continuo extrahet illum die sabbati? Primò enim hinc intelligitur, externos Ecclesiæ ritus & ceremonias ad plenam sanctificationem non sufficere. At sabbatum cum externam quietem signat, ceremoniale quid est. Ex duabus enim causis suæ institutionis, hæc secunda est, requies corporum. Non ergo sanctificationem dare, sed significare potuit. Quomodo enim Deo esset beneplacitum in otio hominum, aut quid homo vendatur sub peccato, cuius sensus ab initio ad malum pronus est, otio benefacere posset? Otium adinuenit omnem iniquitatem. Quin ea Iudæorum erat inertia, ut gentibus risum præberent, qui se ipsorum dies ignauos dicebant, eosque tanquam septimæ vitæ suæ partis perditores incusabant. Vnde Ieremias ait: Viderunt Ierusalem hostes eius, & deriserunt sabbata eius. Eadem ferè nunc est nostrorum festorum ratio; maxima hominum pars tunc Deo satisfactum arbitratur, cum egregie otia, imò cum crapula, & comestationibus festos dies perdit. Quin grauius à nostris hac parte delinquitur.

Nam

Rom. 7,
Gene. 6,

Iren. 1,

Mt. 13.

Nam Iudæos etiam conuentus celebrasse festis diebus ac legem audiuisse, Acta testantur Apostolica. At quot è nostris inuenias, qui integro anno ne semel quidem verbi Dei concionibus intersint? Nemo ergo sic de extraneis ritibus iudicet, quasi baptizatum esse, inter Christianos habitare, feruari, & id genus alia facere, ad sanctificationem sufficiant, nisi & hæc adsint que per illa designantur. Secundò hoc intelligitur, quòd in omnibus legibus magis attendenda legislatoris animus, quàm verba verborumque contextus. Sæpe enim à verbis recedere necessum est, nisi apertè contra legislatoris voluntatem repugnare volueris. Contra litteram legis Abimelech sacerdos peccauit, qui sanctum panem Dauidi porrexitedendum. Non tamen in legislatorem peccauit. Imò nisi dedisset, in legislatoris voluntatem peccasset. Misericordiam enim vult Deus, & non sacrificium. Sic Sacerdotes omni opere suo non peccarunt in sabbatum. Gloriæ enim Dei seruiebat labor ipsorum. Peccassent si non laborassent. Sic Moyses apertè contra legem facit, quum quadraginta annis neminem circumcidit. At in voluntatem legislatoris non peccauit. Quaquam enim præcepisset Deus omne masculinum octauo die circumcidi, tamen quia in exitu nullo die securi erant Iudæi, ac de morte periclitassent, si circumcisi fuissent obruti, ideo non peccauit. Eadem sabbati ratio est. Sabbatum sanctificandum est. At tunc verè sanctificatur quando proximus iuuatur. Tertiò hoc quoque docemur, vt maiori cura animas nostras aliorumque curemus die sabbati, nec vlli scandalum præbeamus, ne videamur abuti libertate nostra. Omnia enim licent, sed non omnia expediunt. Omnia sunt nostra, nos autem Christi, Christus autem Dei. Tunc autem sabbatum nostrum sanctificamus, quando illo ad curationem animarum vtimur. Sic enim proximo subueniri præcipitur, igitur & nobis: si proximi corpus sanandum est multò magis propria anima. Et hæc de sabbato dicta sunt. Secunda pars concionis Christi humilitatem suadet, superbiam damnat, occasio èque sumpta quòd videret omnes primos accubitus appatere. Rectè autè superioribus verbis eiusmodi concio subditur. Illæ scripturæ errorem corripiunt, verumq; eius sensum docent, hæc vitæ ac morû peruersitatem

Act. 13.

1. Reg. 21.

Mat. 12.

Ose. 6.

Iosue 5.

Gen. 13.

Matt. 22

Cor. 10.

Ephes. 4.

arguit. Cum inuitatus fueris, inquit Christus, ad nuptias, non discumbas in primo loco, ne fortè honoratior te sit inuitatus ab illo, & veniens is qui te & illum vocauit, dicat tibi: Da huic locum, & tunc incipias cum rubore nouissimum locum tenere. Sed cum vocatus fueris, vade, recumbe in nouissimo loco, vt cum venerit qui te inuitauit, dicat tibi: Amice ascende superius. Tunc erit tibi gloria coram simul discumbentibus. Hæc illa Christi concio, cui si coniunxeris quæ Paulus in hodierna epistola Ephesiis scripsit, inuenies pulchrè cum magistro discipulum conuenire, in eo, quòd vterque humilitatem suadet. Sic enim Apostolus ait: Obsero vos ego vinctus in Domino, vt dignè ambuletis vocatione qua vocati estis: cum omni humilitate & mansuetudine cum patientia, supportantes inuicem in charitate, solliciti seruare vnitatem spiritus in vinculo pacis. Eiusdem generis & reliqua epistolæ verba sunt, quibus admonemur, ne quis altius de se sentiat, sed quisque sua vocatione dignè ambulet, & non totum se corpus, sed membrum: nec sibi soli, sed alijs quoque spiritum sanctum scilicet esse datum, in spiritu fidè & in fide ipsum Deum. An non necessaria hæc admonitio? Vnde in nobis bella, nisi quod inferior nemo, superiores omnes esse volumus? Discipulus super magistrum, agricola super iudicem, ciuis super nobilem, nobilis super principem, princeps super regem & Cæsarem, spirituales super seculares, & contra? Proinde quibusdam verbis vtitur Apostolus, quibus serio id se velle ostendit, vt quod non simpliciter rogo, sed obsecro, ait. Cogitemus quàm distet Ephesum ac Philippis Roma, & admirabimur negotij magnitudinem, quo motus Paulus hæc scribat. Sed & vincti sub immanissima tyrannide sollicitudinem pro alijs expendamus. Quis non potius sui corporis libertatem quibuscunque modis expetisset? At Paulus de se securus, alios quos docuerat ipse hortatur: primum fide stare: deinde in sua quisque vocatione ambulare. Vocatio autem duplex est: alia, qua omnes ad fidem nostræ religionis vocamur: alia qua peculiari modo ad alia atque alia officia ad ædificationem & conseruationem mystici corporis Christi. vno eodémque spiritu vocamur. Quemadmodum Apostolus ait: Dedit quosdam quidem Apostolos, quosdam autem prophetas, alios verò Euangelistas, alios autem pastores & doctores ad consummationem sanctorum in opus ministerij ad ædi-

Ibidem.

ad ædificationem corporis Christi, donec occurramus omnes
 in unitatē fidei & agnitionis filij Dei, in virū perfectū. Et alibi
 Diuisiones gratiarū sunt, idē autem spiritus: & diuisiones mi-
 nistrationū sunt, idē verò Deus, qui operatur omnia in omni-
 bus. Et iterū: Vnusquisque in qua vocatione vocatus est, in ea
 permaneat. Circuncisus aliquis vocatus est, non adducat præ-
 putiū. In præputio aliquis vocatus est, non circuncidatur. Ser-
 uus vocatus es, non sit tibi cura: Sed & si potes fieri liber, mā-
 gis vtere. Et mox: Alligatus es vxori, noli querere solutionē.
 Solutus es ab vxore, noli querere vxorem. Si autem acceperis
 vxorē, non peccasti, & si nupserit virgo non peccauit. Hæc &
 his similes vocationes sunt priuatæ, in quod quisque vitæ ge-
 nus vocatur. Vult ergo Apostolus quisque in sua vocatione
 permaneat qua vocatus est. Sed vt id fiat necessaria est nobis
 humilitas, & mansuetudo & patientia, & charitas. Humilitas
 ne quid ultra vires nostras tētemus, suæ quisq; vocationi præ-
 sit, mansuetudo, vt erga omnes faciles, humani & affabiles si-
 mus. Patientia, vt aduersa æquanimiter toleremus, nec suc-
 cumbamus. Charitas verò, vt inuicē supportemus, & vt soli-
 citi simus seruare unitatem spiritus in vinculo pacis. Hæc
 Pauli doctrina est. Quod si iam iuxta hanc normam vocatio-
 nis suæ officia quisque administraret, proculdubio tot mala
 quibus hic orbis plenus est, nō videremus. Sed quia nec Chri-
 stum nec Paulum audimus, ideo quod sequitur meritò expe-
 ctamus: Omnis qui se exaltat humiliabitur. Nō ergo hic Chri-
 sti sermo tanquam moralis tantū intelligendus est, hoc est,
 de ea humilitate qua inuicem nos honore præueniamus, sed
 quia Christi cælestis doctoris monitio est, hoc æstimandum
 est, vt vera animi humilitas cælestē gloriam, elatio verò men-
 tis æternos mereatur cruciatus. Proinde vt cum Christo con-
 eludam, nemo sibi ipsi locum deligat: hoc est, nemo operum
 suorum virtutem certo aliquo merito metiatur, vt Pharisei,
 sed Deo cōmittat, vt Publicanus. Nemo enim ad sempiter-
 næ admittitur sublimitatem gloriæ, nisi quem Deus prius
 respexerit. At scriptura Deum humiles tantū respicere te-
 statur. Quomodo enim respiciet Dominus sursum, qui ipse
 altissimus superiorem se non habet, quomodo iuxta se, qui si-
 milem sibi nescit. Restat ergo, humiles ex alto respiciat, vt
 Dauid testatur. Benedictus Deus qui intueris abyssos, & se-

1. Cor. 7

Ibidem

Dan. 3

1. Petr. 1

des super Cherubin. Humilia respicit in celo & in terra. Superbis enim Deus resistit & humilibus dat gratiā. Hic ergo totius lectionis sensus semper nostri similes comitatem erga omnes ostendamus, sabbata sanctificemus, non autem inerti otio perdamus, in humilitate ambulemus, ut vocatio nostra exigit, non solum coram hominibus, verumetiam ac multo magis coram Deo. Gratia Dei nobiscum.

DOMINICA DECI-
MANONA POST PENTE-
COSTEN, EVANGEL.
MATTH. XXII.

PHarisæi autem audientes quod silentium imposuisset Sadducæis, conuenerunt in vnum, & interrogauit eum vnus ex eis legis doctor tentans eum: Magister, quod est mādatum magnum in lege? ait illi Iesus: Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum & primum mandatum. Secundum autem simile est huic: Diliges proximum tuum sicut teipsum. In his duobus mandatis vniuersa lex pendet & prophetæ. Congregatis autem Pharisæis interrogauit eos Iesus dicens: Quid vobis videtur de Christo? Cuius filius? Dicunt ei, David. Ait illis: Quomodo ergo David in spiritu vocat eū Dominum, dicens: Dixit Dominus Domino meo, sede à dextris meis, donec ponam inimicos tuos scabellum pedum tuorum? Si ergo David vocat eum Dominum. quomodo filius eius est? Et nemo poterat respondere ei verbum, neque ausus fuit quisquā ex illa die eum amplius interrogare.

EADDEM

Gratias ago Deo meo sēper pro vobis, in gratia Dei, qua data est vobis in Christo Iesu, quia in omnib. diuites facti estis in illo, in omni verbo, & in omni scientia (sicut testimoniū Christi cōfirmatū est in vobis) ita ut nihil vobis desit in vlla gratia, expectantibus reuelationē Domini nostri Iesu Christi, qui & confirmabit vos usq; in finem sine crimine in die aduentus Domini nostri Iesu Christi. Fidelis Deus per quem vocati estis in societatem filij eius Iesu Christi Domini nostri.

S E R M O.

Doctrinam fidei ac dilectionis in nostra religione præcipuam, eōq; cognitu necessariam esse, ut sine qua cætera omnia frigeant, nemo ambigit. Vehementer igitur etiā hac parte Dominus Iesus hebetudini intellectus nostri consuluit, quando ex legis periti quæstione commoda nimirum occasione sumpta ex vno hoc planōq; Euāgelij sermone, veluti optimarū rerū fasciculo cōplexus est, quæ sine salutis dispendio nesciuntur nunquā. Quid enim planius, quid breuius de maximis iis rebus, fide, inquam, ac dilectione dici potest? Diliges Dominū Deum tuum ex toto corde tuo, & in tota anima tua, & in tota mente tua. Et Christus non solum verus homo, verum etiā David filius est. Ergo ipse propheta ille est, qui in lege, ac prophetis promissus erat. Sed non solum filius David, *Psal. 109* verum etiam & dominus ipse. Et talis dominus, cuius pedibus veluti scabellū subiugabuntur inimici eius, ut in medio *Gen. 14* eorū dominetur, qui ante Luciferū genitus sit, & sacerdos secundum ordinem Melchisedech. Sed hæc Deo conueniunt soli. Ergo ex utraq; natura vnus Christus Deus & homo est. Ecce paucis verbis quam doctrinæ maiestatem aperuit? Et hic scripturæ nō vno aliquo in loco mos obseruatus, omnēq; intellectus humani imbecillitatis excusationē excludit. Si enim *Rom. 2.* gentes, ut rectē Apostolus scripsit, nō sunt excusabiles, q̄ cū *1. Cor. 2.* Deū ex visibili creatura (non ita aperto indice) cognoscere po- *Lucā 10*

tuerunt, non ut Deum glorificauerint: quanto minus nos?

Psal. 18

Nobis enim reuelauit Deus per spiritum suum, eaque videmus aliis incognita. Nec est qui se excuset quasi non audieris. In omnem enim terram exiit sonitus predicantium verbum, & in fines orbis terræ sermo eorum. Sermo planus & lucidus, sermo brevis.

Deut. 10.

Hinc Moses cum multa scripsisset, succincte summam comprehendit omnium. Et nunc Israël, inquit, quid Dominus Deus tuus petit à te, nisi ut timeas dominum Deum tuum, & ambules in viis eius, & diligas eum, ac seruias domino Deo tuo in toto corde tuo, & in tota anima tua, custodiásque mandata Domini, & ceremonias eius,

Ecccl. 12

Mich. 6

quas ego hodie præcipio tibi, ut bene sit tibi. Sic & Salomō sine, ait, loquēdi pariter omnes audiamus, Deū time, & mādāta eius obserua. Sic Michas ait, Indicabo tibi o homo. quid bonū sit, & quid Dominus requirat à te: utiq; facere iudiciū, & diligere misericordiā, & sollicitū ambulare cum Deo tuo. Sic

1. Cor. 13

Ioan. 3.

Paulus: Nunc autē tria hæc manēt, fides spes, charitas, maior horum charitas. Sic deniq; Ioānes, Hoc est inquit mandatum eius, ut credamus in nomine filij eius Iesu Christi, & diligamus alterutrum. Quis autem tā stupidus, ut hæc non intelligat? quis tam memoriæ labilis, ut eadem non teneat? Nemo ergo seipsum seducat, excusationē prætexēs, ubi nullus excusationis locus est. Et hoc non sine ratione moneo. Solēt enim quidam in omnibus acuti, in religionis tamen negotio plus quā stolidi hoc pretextu semet commendare. Ecce tot latebris scriptura plena est, tot ambiguitates, controuersias, disputationes peperit, tātus in omnibus scholis & Ecclesiis clamor, tam multos annos durat: quid nobis reliquum est, nisi ut in nihil sentiēdo iucundissimam agamus vitam? Hos ergo moneo, huc oculos mentēque accommodent, Euangelij sensum discant, intelligant, ac memoriæ commendent: quæ reliqua sunt multa sine periculo nescient. Quod ad me attinet, officio non deero. Itaque euangelicam lectionē ipsam breuiter explicemus. Principiō nō hic anxie discutiamus Pharisæorum Legisq; peritorum naturam, nemini nō cognitam. Vbiq; enim boni specie prorepunt, sui similes sunt, hypocritarum multis licet velaminibus obtectam, celare nō possunt. Nam & ipsa quæ hanc quæstionem peperit, Pharisæorum intentio peruersissima est. Igitur de magnitudine & obseruatione legis tot mouerunt quæstiones, quot sibi beatitudinem

dinem æternam sola legis obseruatione pollicerentur. Nulla
 de Christi meritis ac gratia inter ipsos agitata est quæstio, vt
 qui nulla in re indigerent. Hæc, inquam, intentio mala est.
 Quid enim sine Christo lex? Quid sine fide simulata prode-
 rit charitas? quid prodest de lege gloriari, & ipsam non im-
 plere? Aut quæ mentibus nostris ex lege pax erit, cum pro-
 pria conscientia nunquam obseruasse legem, multa verò in
 eam deliquisse nos accusat? Verè enim legem non obserua-
 runt, qui nec fidem, nec gratiam Christi habuerunt. Sine fi-
 de in Christum sinèque gratia lex impossibilis est. Velle enim *Rom. 9*
 adiacet nobis, perficere autem bonum non inuenimus. Et
 quemadmodum extruere domum sine fundamento stulticia
 est, ita velle diligere Deum sine fundamento dementia est.
 Nihil enim volitum, nisi cognitum prius. Fundamentum au-
 tem dilectionis fides est. Quomodo enim diligā Deum quem
 non cognosco? At fide apprehenditur & dicitur Christus. In
 Christo agnoscitur Deus. Hic enim splendor gloriæ, ac sub- *Hbr. 1*
 stantix eius figura. Deum nemo vidit vnquam. Vnigenitus *Ioan. 1*
 Dei, qui est in sinu patris ipse enarrauit. Id quod ipse filius
 testatur, cum ait: Pater clarificauit te super terram, opus quod *Ioan. 17*
 dedisti mihi vt faciam, consummaui. Manifestaui nomen
 tuum hominibus quos dedisti mihi de mundo. Qui videt me *Ibidē 14*
 videt & patrem meum. Ego in patre, & pater in me est. Si er-
 go cognoscitis me, & patrem meum vtique cognoscitis. Iam
 verò cum Deus in Christo cognoscitur, vtique ipse summum
 bonum agnoscitur. Sed ipsa natura docet summum bonum
 ante omnia diligendum. Spiritus ergo Christi per fidem in
 corda nostra diffusus, præstat vt quod ipsa scriptura monet,
 ipsique natura docet, præstemus. Deum summè bonum, crea-
 torem, redemptorem & altorem nostrum super omnia dili-
 gamus. Hinc est quòd Ioannes tantopere charitatem Dei no- *2. Ioan. 4*
 bis commendat: In hoc, inquit, apparuit charitas Dei in no-
 bis, quoniam filium suum vnigenitum misit Deus in mun-
 dum, vt viuamus per eum. In hoc est charitas, non quasi dilexe *Rom. 8*
 rimus Deum, sed quoniam ipse prior dilexit nos, cum adhuc *Rom. 8*
 inimici eius essemus, omnia vnà cum Christo donauit nobis, *Luc. 11*
 quæ vel hic ad inchoandum, vel in futuro ad perficiendum
 suum in nobis regnum requiri possunt. Hoc modo agnitus
 Deus, præstat, vt possimus quæ volumus. Et certè quem eius-
 modi fides non ducit, quomodo diligit Deum, sponte man-
 data

data omnia impleat, non video, quomodo trahi possit. Eadem ratio proximi est. Nam & huius scriptura monet nos, & natura docet. Sed in Christo eius & argumenta & exempla perfectissima consideramus. Vt ipse in Ioanne ait: Maiorem charitatem nemo habet, quam vt animam suam ponat quis pro amicis suis. Et: Ego sum pastor ille bonus & cognosco oues meas, & animam pono pro eis. Et Ioannes: Dilexit nos, inquit, & lauit nos à peccatis nostris in sanguine suo. Et Paulus: Dilexit nos, inquit, & tradidit semetipsum pro nobis. Et hanc Dei in nos charitatem Ioannes in argumentum nostræ erga proximum dilectionis adducit. In hoc cognouimus charitatem Dei, quoniam ille animam suam pro nobis posuit, & nos debemus pro fratribus animas ponere. Qui habuerit substantiam huius mundi, & viderit fratrem suum necesse habere, & clausit viscera sua ab eo, quomodo charitas Dei manet in eo? Ecce hoc modo agnitio Christi, quæ est ex fide, vt & Deum & proximum diligamus facit. Præposterè igitur legis doctor tumidus ille de mandato legis quærit, non solum quod per illud se vitam consequuturum confidebat, verum etiam quia sine Christi fide illud se implere posse putabat, quo certè factò & inscientiam suam eximiam, & hypocrisis insignem prodidit. Optimè autem Christus, mox soluta Pharisæi quæstione, aliam de fide instituit, non quidem reprobans quod de diuinis mandatis syncerè in quæstionem vocari potest, & confusum doctrinæ ordinem arguens. Nam si de mandatis Dei scrutari, eaque obseruare credentem indignum esset, haud dubiè & doctorem & quæstionem explodisset. Sed quia aliquid in iis situm est, nostro bono respondit. Nostri etiam hoc tempore de fide ac charitate disputant, sed contrario modo, & quemadmodum ille iustificationem hominis legi sine fide tribuebat, ita hi contrario modo eandem nudæ fidei imputant sine vllius mandati obseruatione. Sic alij paulo clementiores charitati, hoc disputant, quæ prior fides an charitas? Sed vtrobiq; error & falsitas inest. Et illi quidem qui fidei soli iustificationem imputant, sine mandatorum Dei obseruatione, duo potissimum in suæ opinionis defensionem adferunt: alterum quod non ea sint legis mandata, vt impleantur, sed vt in iis homo veluti in speculo sese contempletur, suam imbecillitatem agnoscat, ac se peccatorem confiteatur. Alterum, quod non possit lex à quoquam obseruari, vt hu-

manis

manis viribus grauior. Hinc voces illæ, Fide sola iustificamur. Deus non vitam, quantumlibet impiam, sed fidem in-
 tuetur. Euangelium nescit opera bona. Homo liberi arbi-
 trij non est. Omnia fato reguntur: & id genus infinitæ. Dictum
 est autem, mandatorum legis obseruationem sine fide in
 Christum nihil ad salutem facere, nec posse illa nisi ex agni-
 ti Christi gratia impleri. Nunc his respondeamus, qui contra-
 rium tuentur. Et primum quod aiunt, Legis mandata non
 ideo data esse vt impleantur, sed vt in iis homo veluti in spe-
 culo sese contempletur: hoc postremum concedetur facile,
 esse etiam hac ratione data mandata, vt sint quasi speculum
 (sic enim & Paulus in ea quam ad Romanos scripsit epistola
 tradit) Sed nusquam vel Pauli, vel alia quæuis scripturæ sen-
 tentia, quod ob solam peccatorum agnitionem, & non etiam
 vt custodiantur & impleantur data esse ostendit. Et perspi-
 cuum est, vnus rei plures esse posse causas. Quod autem præ-
 terquam quod peccata accusat custodiri debeant, siue vt custo-
 diantur data sint, hoc in scripturis Canonicis scriptum inue-
 nimus. Audi Israël, inquit Moses, & obserua vt facias, quæ
 præcepit tibi Dominus Deus, & bene sit tibi: Dominus Deus
 noster, Deus vnus est. Diliges Dominum Deum tuum ex to-
 to corde tuo & ex tota anima tua, & ex tota fortitudine tua.
 Et mox: Custodi præcepta Domini Dei tui, ac testimonia, &
 statuta quæ præcepit tibi, & fac quod placitum est & bonum
 in conspectu Domini, vt bene sit tibi. Et iterum: Præcepit
 nobis Dominus vt faciamus omnia statuta hæc, & timeamus
 Dominum Deum nostrum. Et deinceps: Considera quodd ho-
 die proposuerim in conspectu tuo vitam & bonum, contra
 mortem & malum: vt diligas Dominum Deum tuum, vt
 ambules in viis eius, & custodias mandata illius, & viues.
 Sic & David: Mandasti mandata tua custodiri nimis. Et:
 Maledicti qui declinant à mandatis tuis. Sed ais, Moses &
 David Iudaïsh hæc præceperunt, ac scripserunt. Audi igitur
 Christum tibi loquentem, si fortè illi acquieueris. Omnis,
 inquit, qui audit verba mea hæc, & facit ea, assimilabitur vi-
 ro sapienti, qui ædificauit domum suam super petram, & de-
 scendit pluuia, & venerunt flumina, & flauerunt venti, & ir-
 ruerunt in domum illam, & non cecidit, fundata enim erat su-
 per petram. Et omnis qui audit verba mea hæc, & non facit
 ea, similis erit viro stulto, qui ædificauit domum suam super
 arena[m].

arenam, & descendit pluuia, & venerunt flumina & flauerunt venti, & irruerunt in domum illam, & cecidit, & fuit ruina eius magna. Et alibi: Si vis ad vitam ingredi, serua mandata. Et iterum: Hoc fac, & viues. Loquitur autem de Dei ac proximi dilectione. Huic & apostolica consentit doctrina. Paulus enim testis est, quod non auditores, sed factores legis iustificabuntur. Et Ioannes ait, Hæc est charitas Dei, vt mandata eius custodiamus, & mandata eius grauiam non sunt. Et: Qui dicit se nosse Deum, & mandata eius non custodit, mendax est, & in eo veritas non est. Qui autem seruat verbum eius, verè in hoc charitas Dei perfecta est. Hinc Iacob hortatur, dicens: Estote factores verbi & non auditores tantum, fallentes vosmetipsos. His ergo aliisque eius generis scripturæ testimoniis clarissimè ostenditur, non ideo tantum legem latam esse, vt peccata manifestentur, verumetiam vt custodiantur & seruentur. Et quomodo illorum opinio huic scripturarum sententiæ conueniet, qui apertissimis testimoniis contradicunt? Iam verò secundum discutiamus, quod dicunt, mandata diuinæ legis facta esse impossibilia, à nullo obseruari posse. Hæc opinio aut vera est, & scripturæ testimoniis conueniens omnibus approbatur: aut falsa est, & scripturæ repugnans, ab omnibus rectè exploditur. Sed scriptura possibilia ea esse, & ob id obseruari posse testatur. Moses enim ait, Mandatum hoc, quod ego præcipio tibi hodie non mirabiliter supra te est, neque procul positum, nec in cælo situm, vt possis dicere: Quis nostrum valet ad cælum ascendere, vt deferat illud ad nos, vt audiamus atque opere impleamus? neque trans mare positum, vt eaueris, & dicas: Quis è nobis poterit mare transfretare, & illud ad nos vsque deferre, vt possimus audire & facere quod præceptum est, sed iuxta te est sermo valde in ore tuo, & in corde tuo, vt facias illum. Et Christus in Euangelio: Tollite iugum meum super vos, &c. Iugum enim meum suauis est, & onus meum leue. Et Ioannes: Mandata eius, inquit, grauiam non sunt. Quanquam hoc facile concesserim, sine fide in Christum atque eius gratia impossibilia esse humanis viribus. Christus enim ait: Sine me nihil potestis facere. Et Paulus testatur nos non esse sufficientes cogitare aliquid à nobis quasi ex nobis. Nihilominus tamen impossibilia dicere mandata, falsum est: possumus enim ea custodire, si non ex nobis, certè ex eo qui in nobis habitat spiritu. Id

tu. Id quod idem Paulus consequenter docere voluit, cum ait: *Ibidem.*
 Nostra sufficientia ex Deo est. Et alibi: Spiritus adiuuat in- *Rom. 8*
 firmitatem nostram. Tum per gratiam acceptat nos. Sed &
 in hodierna epistola eiusdem Apostoli cla-è videtur, quid
 gratia Dei in credentibus præstet, cum per gratiam Christi
 in omnibus, in omni verbo, & in omni scientia diuites fa- *1. Cor. 3*
 ctos esse Corinthios testatur, nec quicquam illis deesse in
 vlla gratia. Ecce quod præter hominem etiam aliquid sit in
 homine. Si ergo ipse Deus qui verax & fidelis est, confirmat
 credentes, non vno aliquo die, sed vsque ad aduentum Do-
 mini nostri Iesu Christi, quid impossibile eis erit? An non
 omnipotens Spiritus sanctus est? an non omnia potest? an ab-
 breuiata est manus Domini, aut imminuta sunt vires eius?
 An non veritas dixit, credenti omnia possibilia esse? Amen
 dico vobis, si habueritis fidem, dicetis huic monti, Tollere, & *Matt. 17*
 mittere in mare, & fiet. An non & Paulus magistri verba *Mat. 11*
 suo exemplo confirmat, cum omnia se posse confirmat in eo *Phil. 4*
 qui nos confortat. Non igitur ideo solum data sunt Dei man-
 data vt peccata ostendant, verum etiam vt perficiantur & com-
 pleantur. Neque etiam impossibilia sunt quæ Christi fides &
 gratia facit facilia & leuia. Quiescat ergo diuersa opinatum
 peruicacia. Iam verò iis quoque sed breuiter respondeatur
 qui vltra potior sit fides an charitas quærunt. Cui quæstioni
 causam dedit scripturæ variâ interpretatio. Qui enim chari-
 tatem potiozem dixerunt, illi loco, qui est prima ad Corin-
 thios 13. inhaeserunt. Nunc autem manent hæc tria, fides, *1. Cor. 13*
 spes, charitas: maior horum charitas. Tunc huius Euange-
 lij dictis: In his duobus mandatis (de dilectione Dei & pro-
 ximi loquitur) vniuersa lex pendet & Prophetæ. Et hæc qui- *Mat. 22*
 dem aperta scriptura est. At qui fidem præstantiorem dixe- *Leu. 5*
 runt, aliis scripturæ locis innituntur. Vt in Ieremia, vbi Do-
 minus non se victimas, sed obedientiam, hoc est, fidem quæ
 fuisse ait. Et quod Propheta ait: Oculi tui Domine respiciunt
 fidem. Et quis controuersiam hanc tollet? Ipse Christus vel
 hoc ipso tollet, quod hic vtraque & fidem & charitatem con-
 iungit. Propterea & Marcus Euangelista cum hanc lectionem
 scriberet clariùs expressit ambas coniungens. Audi Israël,
 Dominus Deus tuus, Deus vnus est, & diliges Dominum
 Deum tuum. Atque in hanc sententiam Ioannes quoque
 scripsit: Hoc est, inquit, mandatum eius, vt credamus in
 nomine

nomine filij eius Iesu Christi & diligamus alterutrum. Ecce
 tibi vtrumque vno mandato comprehensum: non quòd vnum
 sint, & hæc ab illa diuidi non possit, sed quòd diuidi non
 debeant. Altera enim sine altera Deo displicet. Cum autem
 hæc tria manent, fides, spes, charitas. Charitas tamen ipsum
 cælum ingreditur, manetque sola, cæteris cessantibus. Fides
 & spes huius tantum vitæ sunt, charitas & futuræ: illic enim
 videbimus & habebimus. Quod autem videtur iam, vti que
 non creditur, & quod habetur, iam non speratur. Cum
 autem videtur quod hic creditur, & habetur quod hic spera-
 tur: vti que quod hic amatur, ardentiori charitate diligi-
 tur. Triâ ergo hæc cum hic simul sunt, maior horum cha-
 ritas eo fit perfectior, quo manet diuturnior. Atque hac ra-
 tione hoc Euangelium consideratum, non absurdè commu-
 nis quædam regula dici potest secundum quam omnino vi-
 uendum sit, vt in prima quæstione à malo desistamus, & an
 verè diligamus scrutemur: in secunda verò nosmet confir-
 memus in omnibus aduersitatibus, atque fidem si recta ac
 vera sit examinemus. Hæc enim duo Christus voluit, cum
 dilectionis magno mandato se sem coniunxit. Et quidem ita
 coniunxit, vt multa comprehendant, multa cogitanda com-
 municent. Nam quod ad dilectionem attinet, primum quod
 de magno legis mandato interrogatus, dilectionis meminit,
 voluit significare quod non, vt Moses in tabulis lapideis, sed
 in affectu mentis legem suam inscripserat, vt in Iere-
 mia se facturum esse promiserat, & quod credentes non edi-
 cti seueritate vel à prauis absterre, vel ad bona velit com-
 pellere, sed voluntatem per Spiritum sanctum & dilectionem
 ad obedientiam inducere. Vnde iugum suum suauē, & onus
 suum leue dixit. Deinde quod addit, Ex toto corde tuo, &
 in tota anima tua, & in tota mente tua: hoc fecit, ne quis si-
 bi persuadeat se diligere Deum. Licet ad quæuis alia hunc
 affectum diuidat qui in dilectione Dei totus requiritur. Sic
 & illud: Diliges proximum tuum sicut teipsum, addidit, vt
 discamus vbi quærendus sit Deus, nempe sub cruce in aduer-
 sis. Hic enim probatur dilectio Dei, an perfecta sit cum Chri-
 stum in proximo reficis, seruas, nutris. Tertiò, quòd ait in
 his duobus mandatis vniuersam legem & prophetas compre-
 hendi, ostendit Deum non tam factum quam affectum requi-
 rere, & quòd nullum factum sine charitate Deo placeat. Vnde
 sequit

sequitur Iudæos, gentes, hæreticos, aliósque legem non implere, etiam si nullum atrox facinus committant, frustra à externis bonis omnibus studeant, si non ex charitate opera sua meriti fuerint. Finis enim præcepti charitas. Et hinc illa operum Phariseorum reiectio Christi. Amen dico vobis, receperunt mercedem suam. Non enim ex charitate Dei, aut proximi prodierunt, sed ut viderentur ab hominibus quæcunque fecerunt. Quartò, interrogatus de vno magno mandato, addit & secundum. Hoc nimirum significans, quia Deus diligere non possit, nisi & proximus charitate complectatur. Qui enim non diligit fratrem quem videt, Deum quem non videt quomodo potest diligere? Et hoc mandatum habemus à Deo, ut qui diligit Deum, diligat & fratrem suum. Id quod hypocritas suæ confidentiæ arguit, qui sibi ipsis belle placebant, quasi Deum diligerent, nullo licet affectu erga proximos tangerentur. Hæc aliâque multa Christus hoc dilectionis mandato significavit. An non autem in his Christiano homini digna lateret meditatio? An non est, quo se pij quique exercere possint? Beatus ergo vir cuius voluntas in lege Domini est, & qui sincero pectore in lege eius meditatur die ac nocte. Erit enim ut lignum iuxta decursus aquarum plantatû, quod fructum suum dabit in tempore suo. Et folium eius non defluet, & omnia quæcunque faciet prosperabuntur. Beatus (inquit) qui timet Dominum, & in mandatis eius volet nimis. Potēs in terra erit semen eis, generatio rectorum benedicetur. Gloria & diuitiæ in domo eius, & iustitia eius manet in seculum seculi. Utinam autem & nos mandata Dei meditaremur, non Pharisaico more multa de iis inquirentes, sed ex dilectione illa implentes. Non enim illæ solùm quarum Psalmista meminit, benedictiones in nos venirent, sed multò potiores atque sempiternæ. Sed videamus quid de altera parte idem Christus doceat, ut conueniente fundamento & structura, fide inquam & dilectione spiritualis ædificatio nostra crescat sursum. Hypocrita (inquit) non est quoddam de magno mandato tu quæras, qui minimum horum non implesti. Non est quoddam hoc de tui te viribus facturû speres, & si maximè feceris, an ideo tibi felicitas debebitur cælestis? Ad quid igitur promissio Messias: cur Christum venturum creditis? Quod eius officium erit, ad quid gratiæ ipsius dona elargientur, si sine ipso ex lege cælum vobis deberi vultis? Hac occasione suam quæstionem legis doctoris interroga

rioni addit: Quid vobis videtur de Christo, cuius filius est? Duo autem docere vult quæ fides nostra de Christo requirit, nimirum quod homo ipse æ verus Deus sit, vnus Christus. Et quidem hominem esse Iudæi nouerant ex scripturis, at Dei filium esse ignorauerunt. Rogat igitur, cuius filius sit? Dicunt ei: Dauid. Et iusta hæc eorum responsio est. Nam scriptura id de Christo testatur, totiûsque Christiani orbis fides sic habet. In psalmis ipse ait, Annunciabo nomen tuum fratribus meis, in medio Ecclesiæ laudabo te. Ecce ego & pueri mei quos dedit mihi Deus. Quia ergo pueri communicauerunt carni & sanguini, & ipse similiter participauit iisdem. Et in Ioannes Heb. 1. Vade, dic fratribus meis, ascendo ad patrem meum & patrem Isa. 8. vestrum, Deum meum & Deum vestrum Hanc inquam naturam in Christo quam videbant agnouerunt, & confessi sunt. Ioan. 10. Homo cum sis (inquiunt) facis teipsum Deum, Sie ipse se etiam palam hominem esse profitebatur, vt in Matthæo 8. & 20. Marc. 10. Alibi quoque hanc ipsam quæstionem apud Mat. 16. discipulos mouit: Quem, inquit, dicunt homines esse filium hominis? Et mox: Vos autem quem me esse dicitis? Hinc est quod Paulus humanitatem in Christo prædicat asserens factum illum esse ex semine Dauid, secundum carnem, in similitudinem corruptibilis carnis. Et eiusdem facta collatione cum Adam primum illum hominem ait de terra terrenum, secundum verò, id est, Christum, de celo esse celestem. Et alibi apertius etiam, Vnus, inquit, mediator Dei & hominum, homo Christus Iesus. Ecce tot multisque aliis locis scriptura humanam naturam in Christo prædicat. Et quis fructus, credere Christum verum esse hominem? Primum confutantur hæretici, qui ipsum non verum, sed fantasticum corpus assumpsisse asseuerarunt olim. Deinde ingens consolatio piis mentibus hinc venit, si Iesum confitemur nostram carnem assumpsisse, quod suæ erga nos dilectionis magnum sit argumentum, tum etiam vt sciamus nos non habere pontificem qui non possit compati infirmitatibus nostris, tentatum autem per omnia pro similitudine absque peccato. Hinc est quodd Ioannes ait: Omnis spiritus qui confitetur Christum in carne venisse, ex Deo est. At non solum in carne, verum etiam in carne & semine Dauid venisse confitendum est, propter promissionis veritatem. Nam quemadmodum, vt Paulus testatur, nusquam angelos apprehendi, sic

nec quoduis semen, sed Abraham & Dauid semen apprehendit. Ad Abraham enim ait: In semine tuo benedicentur omnes gentes, non dicit, In seminibus, quasi in multis, sed in semine tuo, quia in uno, qui est Christus. Et Dauid: De fructu ventris tui ponam super sedem tuam. Idem alibi prophetæ testantur, Isa. 11. Hier. 25. Psal. 88. Propterea & Paulus Romanis scribens, ipsum ex semine Dauid natum asserit, hoc est, ipsum esse qui Abraham ac Dauid promissus erat, quem scriptura Dauid filium vocat, in quo omnes promissiones Dei sunt, Amen & ita. Ac talem agnouerunt qui clamauerunt: Iesu fili Dauid miserere nostri. Huc respicit quod ad virginem matrem angelus ait: Et dabit illi Dominus sedem Dauid patris eius. Tertiò non solum filius, verum etiam Dominus confitendus est. Et hoc est, quod hic Christus vrget. Quomodo ergo, inquit, Dauid in spiritu vocat eum Dominum, dicens: Dixit dominus domino meo, sede à dextris meis, donec ponam inimicos tuos scabellum pedum tuorum? Si ergo Dauid vocat eum Dominum, quomodo filius eius est? Parum esset filium esse Dauid secundum carnem, si non & dominus eius esset secundum Deum. Dominum autem eius esse scriptura ostendit, Dixit dominus domino meo. Dominus autem Dauid non solum natiuitatis, verum etiam regie maiestatis ratione. Dauid enim ad tempus regnavit mortalis, Christus autem rex est in æternum, quia spiritualis, Dauid quidem hostes suos deuicit, sed homines, Philistæos, Ammonitas, Idumæos, & alios. Sed nobis non est colluctatio aduersus carnem & sanguinem, sed aduersus principes & potestates, aduersus mundi rectores tenebrarum harum, contra spiritalia nequitie in cælestibus. Quid autem Dauid filius aduersus hos potuisset? Aliud igitur semen promissum erat Christus, qui caput huius serpentis contereret. Hunc regem significabant Isaias 9. Daniel, 7. Gabriel Luc. 1. Hic ergo Dauid regnum confirmavit & benedixit, sine quo nec Dauid regnasset. Per hunc omnium regnorum dominum, sedentem à dextris domini Dei nostri, reges etiam nunc regnant. Huic conueniunt quæ sequuntur, quod sub pedes eius omnes inimici eius subiugabuntur. Id quod partim factum est, cum ait: Data est mihi potestas omnis in cælo & in terra, partim futurum, & planè fiet, cum ipse Deo & patri regnum tradiderit. Sed quid, inquis, mihi commodat Christum regem esse & dominum? Et hoc accipe,

Christus ad dexteram patris sedens regnat. hoc est, spiritualis rex est. Dexteram enim spiritalia, sinistra terrena significat. Rex

Ioan. 16. est non in se vno, sed & in nobis omnibus. Vnde vt cōfidamus

Psal. 109 monet, quia ipse vicerit mundum. At quomodo in nobis regnet, audi, Dominare in medio inimicorum tuorum. Non dicit, inimicos tuos omnes pariter prosternes, ne vnus supersit, sed dominaberis in medio eorum. Vndique te petent, tu verò Dominus & rex permanebis. Non enim malum omnino aufer à nobis, sed vt ipsum vincamus virtutem confert. Id quod

3. Cor. 12. in Paulo videre est, qui cū interrogasset Dominū, vt hostem, stimulum carnis auferret, tandem hunc sibi regem dicentem audit: Sufficit tibi gratia mea. Nam nos quoque hac contenti gratia certamus, quousque ipse sub pedibus subiiciat omnes inimicos nostros: vt possimus Paulinum illum triumphum

3. Cor. 15. canere: Vbi est mors victoria tua, vbi mors stimulus tuus? Deo autem gratia, qui dedit nobis victoriam per dominum Iesum Christum. Talis rex Christus est, cui subiugabuntur

Quest. 7. omnes inimici eius, nolint velint. Quidam enim sua sponte, vt Magdalena, quidam casti, vt Paulus, se huic imperio sub-

Actor. 9. dunt. Talis, inquàm, qui nos quoque dominari facit in medio inimicorum nostrorum, nobiscum in certamen descendit, pro nobis pugnat. Ecce quomodo & nobis commodat Christum regem esse. At hic quoque sacerdos credendus est, Vt idem *Psal.*

Psal. 109, mus habet: Tu es sacerdos in æternum secundum ordinem Melchisedech. Sacerdos, inquàm, qui apud patrem pro nobis apparet & interpellat, qui etiam pro sua reuerētia exauditur. Sic & iudex venturus confitetur, Id quod idem quoque *Psal.* mus testatur. Dominus à dextris tuis confregit in die iræ suæ reges. Iudicabit in nationibus, implebit ruinas, cōquassabit capita in terra multorū. Hæc omnia Christus proposita quæstione docet, cum Psalmum Dauid in testimonium vtriusque naturæ suæ adducit, duo quasi in vnum colligens, vt quæ ad salutem scitu sunt necessaria, facilius & percipiantur & memoria teneantur felicius. Agite ergo, huc oculos mentemque aduertite, Christum hominem atque Deum credite & confitemini, ipsum super omnia diligite, inque ipso proximum amplectimini. Confisus de ipsius gratia, qui vt se diligere velimus monet, etiā vt possimus dabit. Id ergo præstet trinus & vnus, cui laus per omne æuum.

DOMI

DOMINICA VI-
GESIMA POST PEN-
TECOSTEN EVAN-
GELIUM, MATTH. IX.

ET ascendens Iesus in nauiculam transfretauit,
& venit in ciuitatem suam. Et ecce offerebant
ei paralyticum iacentem in lecto. Et videns Iesus fi-
dem illorum, dixit paralytico: Confide fili, remittun-
tur tibi peccata tua. Et ecce quidam de Scribis dixe-
runt intra sei Hic blasphematur. Et cum vidisset Iesus
cogitationes eorum, dixit: Vt quid cogitatis mala in
cordibus vestris? Quid est facilius dicere, Dimittun-
tur tibi peccata tua, an dicere, Surge & ambula? Vt
autem sciatis quia filius hominis habet potestatem
dimittendi peccata in terra, tunc ait paralytico, Sur-
ge, tolle lectum tuum & vade in domum tuam, Et
surrexit, & abiit in domum suam. Videntes autem
turbae timuerunt & glorificauerunt Deum, qui de-
dit potestatem talem hominibus.

EADDEM DOMINICA EPI-

STOLA, EPHES. I III.

REnouamini autem spiritu mentis vestrae, & indui-
te nouum hominem, qui secundum Deum crea-
tus est in iustitia & sanctitate veritatis. Propter quod
deponentes mendacium, loquimini veritatem unusquis-
que cum proximo suo: quoniam sumus inuicem membra.
Ira scimini, & nolite peccare. Sol non occidat super ira-
cundiam vestram. Nolite locum dare diabolo. Qui fura-
batur, iam non furetur: magis autem laboret, operando
manibus suis, quod bonum est, ut habeat unde tribuat ne-
cessitatem patienti.



Commodè superiori Euangelio hoc in paralytico factum miraculum adiungitur. Vna enim vtriusque historiarum intentio, & hic quidem apertius demonstratur, quod illic agebatur obscurius. Illic, inquam, Psalmi autoritate Christus confitebatur Deus & homo, cum filius Dauid secundum carnem, isrlémque dominus eius secundum diuinitatem asserebatur. Sed Iudæi nec Christum, quem expectabant, talem fore credebant, qualem ipsi in Dauide, non intellecto, legebant: nec ipsum esse Christum, quem loquentem audiebant, agnoscebant, secundum carnem viuentes, præter carnem & sanguinem nihil sapiebant. Hæc illius gentis illa nimirum est cæcitas, cuius & Isaias propheta meminit, & postea Christus iusto Dei iudicio eos percussos pro duræ ceruicis pœna, vt nos moneamur, testatus est, vt oculis videntes non agnoscerent, & auribus audientes non intelligerent, vtrique malitia excæcati, videre non potuerunt, quod non nisi fidei lumine intueri potest. Quos ergo scripturæ testimoniis ad Christi diuinitatis professionem inducere non potuit dominus, hos nunc euidenti miraculo ad eiusdem naturæ confessionem nititur attrahere, sed nec vno, verum tribus miraculis, iisque eiusmodi omnino, quæ nulli præter diuinam potentiam conueniunt. scrutari ac intueri corda renēsque hominum solius Dei opus est. At Christus hic Iudæorum cogitationes cognouit, cognouit, inquam, & indicauit, Quid, inquit, cogitatis mala in cordibus vestris? Solius Dei est, dimittere noxas hominum, vt in Isaiâ clarè scriptum est. At Christus hic paralytico peccata dimittit: Confide, inquit, fili, remittuntur tibi peccata tua. Sed quia hoc factum oculis hominum videri nequit, idèoque de eo dubitari posset, ecce euidentius, ac oculis nostris expositum tertium addit: Vt autè sciatis quia filius hominis habet potestatem dimittendi peccata in terra, tunc ait paralytico: Surge, tolle lectum tuum, & vade in domum tuam. Et surrexit, & abiit in domum suam. Nimirum & hoc Dei opus, nullo adhibito inedicamine sanare morbos. His diuinitatis operibus cum Christum Dauid Dominum, tum sese ipsum & filium & dominum esse demonstrauit. Et quibus argumentis hanc suam naturam in humili specie aperuisset & ostendisset valèdus? An nō gēs illa cæca, an nō duræ ceruicis, an nō pertinax?

quæ

Isa. 6.

Sap. 2.

1. Reg. 16.

Psal. 7.

Matt. 9.

Ibidem

quę tot tantisq; factis nec duci voluit. nec potuit trahi? Nos
 ergo relictis cęcis cęcorū & pertinacium hominum ducibus
 qui olim excutiētium oculorū squamas agni sanguine abluī
 mus, huc oculos conuertamus; beneficētię simulatque omni-
 potentię diuinę hoc factum consideremus, fidem nostram
 confirmemus, vt nos quoque omnipotens cūret medicus pre-
 temur, & denique ad eiusdem magnificentię laudem tan-
 torum recordatione factorum moniti accendamus. Hęc &
 summa & intentio huius Euangelij est, huius in illo magna
 satis offertur occasio. Iam ipsum Euangelistam audiamus. A-
 scendens, inquit, Iesus in nauiculam transfretauit, & venit in
 ciuitatem suam Euangelicę fratres historię naturam con-
 sideremus. Qui principum viro- rum huius seculi facta lite-
 ris commendant posteritati, magno spiritu, ingentique ver-
 borum apparatu, rem aggrediuntur & deprędicant, & id qui
 dem necessariò, nimirum vt quam factorum magnitudo non
 meretur gloriam, sermo plausibilis impetret. At longē alia
 ratio est dictatori spiritui sancto, cum ad enarranda Christi
 facta calamos velociter scribentium Euangelistarum admo-
 uet. Simplex vbique narratio, in affectata oratio. Ecce enim
 est tantum diuinę potentię facinus enarraturus Marthęus,
 nihil de Christo pręmittit, quod non de quolibet homine &
 sentire & liceat dicere, cum consensa nauicula transisse re-
 fert. Quis autem tam simplici exordio, illud subsequiturum
 sperasset factum? Non sublimis per aëra vectus populi an-
 teulat oculos, non mutata stagni natura pessundat, id quod
 potuit, & alibi fecit, imò nec fecit solum, verum etiam aliis
 facere, concessit. Quis enim Israëlem siccis pedibus mare
 rubrum transire fecit? Nempe idem qui fluctus maris se-
 dauit, & qui Petrum super aquas ambulare fecit, & mergen-
 tem dextera porrecta seruauit. Sed vt nec semper, nec vbique,
 nec omnibus diuinitatis virtutem ostendit, ita hic vt naui-
 garet, ipsi erat conuenientissimum, nobis verò pernecessa-
 rium. Si enim vbique se Deum manifestasset, quę nobis hu-
 manitatis suę argumenta reliquisset? Licet enim & multa
 & magna sint, quę humanam naturam in ipso demonstrant,
 multi tamen non vulgi solum, verum etiam literatissimorū
 hominum applausu verum hominem negauerunt: vt Cerdo,
 Apelles, Valentinus, Manichæus, Apollinaris, & alij. Qua au-
 tem infantia triumphassent, si aut nullis, aut infirmis demon-

*Euangelij
 carum h-
 storiarū
 narratio
 simplex.
 Matt. 14*

*Exod. 14
 Matt. 8.
 Matt. 14.
 Cur Chri-
 stus non
 semper di-
 uinitatis
 ostendit.
 Chryst. in
 Hom.*

data omnia impleat, non video, quomodo trahi possit. Eadem ratio proximi est. Nam & huius scriptura monet nos, & natura docet. Sed in Christo eius & argumenta & exempla perfectissima consideramus. Vt ipse in Ioanne ait: Maiorem charitatem nemo habet, quam ut animam suam ponat quis pro amicis suis. Et: Ego sum pastor ille bonus & cognosco oves meas, & animam pono pro eis. Et Ioannes: Dilexit nos, inquit, & lauit nos à peccatis nostris in sanguine suo. Et Paulus: Dilexit nos, inquit, & tradidit semetipsum pro nobis. Et hanc Dei in nos charitatem Ioannes in argumentum nostræ erga proximum dilectionis adducit. In hoc cognouimus charitatem Dei, quoniam ille animam suam pro nobis posuit, & nos debemus pro fratribus animas ponere. Qui habuerit substantiam huius mundi, & viderit fratrem suum necesse habere, & clausit viscera sua ab eo, quomodo charitas Dei manet in eo? Ecce hoc modo agnitio Christi, quæ est ex fide, ut & Deum & proximum diligamus facit. Præposterè igitur legis doctor tumidus ille de mandato legis quærit, non solum quod per illud se vitam consequuturum confidebat, verum etiam quia sine Christi fide illud se implere posse putabat, quod certè factò & inscientiam suam eximiam, & hypocrisis insignem prodidit. Optimè autem Christus, mox soluta Pharisæi quæstione, aliam de fide instituit, non quidem reprobandi quod de diuinis mandatis syncerè in quæstionem vocari potest, & confusum doctrinæ ordinem arguens. Nam si de mandatis Dei scrutari, eaque obseruare credentem indignum esset, haud dubiè & doctorem & quæstionem explodisset. Sed quia aliquid in iis situm est, nostro bono respondit. Nostri etiam hoc tempore de fide ac charitate disputant, sed contrario modo, & quemadmodum ille iustificationem hominis legi sine fide tribuebat, ita hi contrario modo eandem nudæ fidei imputant sine ullius mandati obseruatione. Sic alij paulo clementiores charitati, hoc disputant, quæ potior fides an charitas? Sed utrobique error & falsitas inest. Et illi quidem qui fidei soli iustificationem imputant, sine mandatorum Dei obseruatione, duo potissimum in suæ opinionis defensionem adferunt: alterum quod non ea sint legis mandata, ut impleantur, sed ut in iis homo veluti in speculo sese contempletur, suam imbecillitatem agnoscat, ac se peccatorem confiteatur. Alterum, quod non possit lex à quoquam obseruari, ut humanis

Ioan. 13

Ioan. 10

Apoc. 1

Ephes. 4

manis viribus grauior. Hinc voces illæ, Fide sola iustificamur. Deus non vitam, quantumlibet impiam, sed fidem in-
tuetur. Euangelium nescit opera bona. Homo liberi arbi-
trij non est. Omnia fato reguntur: & id genus infinitæ. Dictum
est autem, mandatorum legis obseruationem sine fide in
Christum nihil ad salutem facere, nec posse illa nisi ex agni-
ti Christi gratia impleri. Nunc his respondeamus, qui contra-
rium tuentur. Et primum quod aiunt, Legis mandata non
ideo data esse vt impleantur, sed vt in iis homo veluti in spe-
culo sese contempletur: hoc postremum concedetur facile,
esse etiam hac ratione data mandata, vt sint quasi speculum
(sic enim & Paulus in ea quam ad Romanos scripsit epistola
tradit) Sed nusquam vel Pauli, vel alia quæuis scripturæ sen-
tentia, quod ob solam peccatorum agnitionem, & non etiam
vt custodiantur & impleantur data esse ostendit. Et perspi-
cuum est, vnus rei plures esse posse causas. Quod autem præ-
terquam quod peccata accusat custodiri debeant, siue vt custo-
diantur data sint, hoc in scripturis Canonicis scriptum inue-
nimus, Audi Israël, inquit Moses, & obserua vt facias, quæ
præcepit tibi Dominus Deus, & bene sit tibi: Dominus Deus
noster, Deus vnus est. Diliges Dominum Deum tuum ex to-
to corde tuo & ex tota anima tua, & ex tota fortitudine tua.
Et mox: Custodi præcepta Domini Dei tui, ac testimonia, &
statuta quæ præcepit tibi, & fac quod placitum est & bonum
in conspectu Domini, vt bene sit tibi. Et iterum: Præcepit
nobis Dominus vt faciamus omnia statuta hæc, & timeamus
Dominum Deum nostrum. Et deinceps: Considera quod ho-
die proposuerim in conspectu tuo vitam & bonum, contra
mortem & malum: vt diligas Dominum Deum tuum, vt
ambules in viis eius, & custodias mandata illius, & viues.
Sic & David: Mandasti mandata tua custodiri nimis. Et:
Maledicti qui declinant à mandatis tuis. Sed alii, Moses &
David Iudæis hæc præceperunt, ac scripserunt. Audi igitur
Christum tibi loquentem, si fortè illi acquieueris. Omnis,
inquit, qui audit verba mea hæc, & facit ea, assimilabitur vi-
ro sapienti, qui ædificauit domum suam super petram, & de-
scendit pluuia, & venerunt flumina, & flauerunt venti, & ir-
ruerunt in domum illam, & non cecidit, fundata enim erat su-
per petram. Et omnis qui audit verba mea hæc, & non facit
ea, similis erit viro stulto, qui ædificauit domum suam super
arenam.

et. 1. 1. 1.

et. 1. 1. 1.

et. 1. 1. 1.

et. 1. 1. 1.

et. 1. 1. 1.

et. 1. 1. 1.

Rom. 7

Deut. 6

et. 1. 1. 1.

et. 1. 1. 1.

et. 1. 1. 1.

et. 1. 1. 1.

et. 1. 1. 1.

Deut. 30

Psalm. 118

Matt. 7

et. 1. 1. 1.

et. 1. 1. 1.

arenam, & descendit pluuia, & venerunt flumina & flauerunt venti, & irruerunt in domum illam, & cecidit, & fuit ruina eius magna. Et alibi: Si vis ad vitam ingredi, serua mandata. Et iterum: Hoc fac, & viues. Loquitur autem de Dei ac proximi dilectione. Huic & apostolica consentit doctrina. Paulus enim testis est, quod non auditores, sed factores legis iustificabuntur. Et Ioannes ait, Hæc est charitas Dei, vt mandata eius custodiamus, & mandata eius grauiam non sunt. Et: Qui dicit se nosse Deum, & mandata eius non custodit, mendax est, & in eo veritas non est. Qui autem seruat verbum eius, verè in hoc charitas Dei perfecta est. Hinc Iacob hortatur, dicens: Estote factores verbi & non auditores tantum, fallentes vosmetipsos. His ergo aliisque eius generis scripturæ testimoniis clarissimè ostenditur, non ideo tantum legem latam esse, vt peccata manifestentur, verumetiam vt custodiantur & seruentur. Et quomodo illorum opinio huic scripturarum sententiæ conueniet, qui apertissimis testimoniis contradicunt? Iam verò secundum discutiamus, quod dicunt, mandata diuinæ legis facta esse impossibilia, à nullo obseruari posse. Hæc opinio aut vera est, & scripturæ testimoniis conueniens omnibus approbatur: aut falsa est, & scripturæ repugnans, ab omnibus rectè exploditur. Sed scriptura possibilia ea esse, & ob id obseruari posse testatur. Moses enim ait, Mandatum hoc quod ego præcipio tibi hodie non mirabiliter supra se est, neque procul positum, nec in cælo situm, vt possis dicere: Quis nostrum valet ad cælum ascendere, vt deferat illud ad nos, vt audiamus atque opere impleamus? neque trans mare positum, vt causeris, & dicas: Quis è nobis poterit mare transfretare, & illud ad nos vsque deferre, vt possimus audire & facere quod præceptum est, sed iuxta te est sermo valde in ore tuo, & in corde tuo, vt facias illum. Et Christus in Euangelio: Tollite iugum meum super vos, &c. Iugum enim meum suauis est, & onus meum leue. Et Ioannes: Mandata eius, inquit, grauiam non sunt. Quanquam hoc facile concesserim, sine fide in Christum atque eius gratia impossibilia esse humanis viribus, Christus enim ait: Sine me nihil potestis facere. Et Paulus testatur nos non esse sufficientes cogitare aliquid à nobis quasi ex nobis. Nihilominus tamen impossibilia dicere mandata, falsum est: possumus enim ea custodire, si non ex nobis, certè ex eo qui in nobis habitat spiritus. Id

Mat. 19

Luc. 10

Rom. 2

Ioan. 5

Ioan. 2

Iacob 1.

2. Tim. 1

Deut. 30

vide Au

gu. quæst.

13. super

Deuter.

Eccl. 1.2.3.4.5.6.7.8.9.10.11.12.13.14.15.16.17.18.19.20.21.22.23.24.25.26.27.28.29.30.31.32.33.34.35.36.37.38.39.40.41.42.43.44.45.46.47.48.49.50.51.52.53.54.55.56.57.58.59.60.61.62.63.64.65.66.67.68.69.70.71.72.73.74.75.76.77.78.79.80.81.82.83.84.85.86.87.88.89.90.91.92.93.94.95.96.97.98.99.100.101.102.103.104.105.106.107.108.109.110.111.112.113.114.115.116.117.118.119.120.121.122.123.124.125.126.127.128.129.130.131.132.133.134.135.136.137.138.139.140.141.142.143.144.145.146.147.148.149.150.151.152.153.154.155.156.157.158.159.160.161.162.163.164.165.166.167.168.169.170.171.172.173.174.175.176.177.178.179.180.181.182.183.184.185.186.187.188.189.190.191.192.193.194.195.196.197.198.199.200.201.202.203.204.205.206.207.208.209.210.211.212.213.214.215.216.217.218.219.220.221.222.223.224.225.226.227.228.229.230.231.232.233.234.235.236.237.238.239.240.241.242.243.244.245.246.247.248.249.250.251.252.253.254.255.256.257.258.259.260.261.262.263.264.265.266.267.268.269.270.271.272.273.274.275.276.277.278.279.280.281.282.283.284.285.286.287.288.289.290.291.292.293.294.295.296.297.298.299.300.301.302.303.304.305.306.307.308.309.310.311.312.313.314.315.316.317.318.319.320.321.322.323.324.325.326.327.328.329.330.331.332.333.334.335.336.337.338.339.340.341.342.343.344.345.346.347.348.349.350.351.352.353.354.355.356.357.358.359.360.361.362.363.364.365.366.367.368.369.370.371.372.373.374.375.376.377.378.379.380.381.382.383.384.385.386.387.388.389.390.391.392.393.394.395.396.397.398.399.400.401.402.403.404.405.406.407.408.409.410.411.412.413.414.415.416.417.418.419.420.421.422.423.424.425.426.427.428.429.430.431.432.433.434.435.436.437.438.439.440.441.442.443.444.445.446.447.448.449.450.451.452.453.454.455.456.457.458.459.460.461.462.463.464.465.466.467.468.469.470.471.472.473.474.475.476.477.478.479.480.481.482.483.484.485.486.487.488.489.490.491.492.493.494.495.496.497.498.499.500.501.502.503.504.505.506.507.508.509.510.511.512.513.514.515.516.517.518.519.520.521.522.523.524.525.526.527.528.529.530.531.532.533.534.535.536.537.538.539.540.541.542.543.544.545.546.547.548.549.550.551.552.553.554.555.556.557.558.559.560.561.562.563.564.565.566.567.568.569.570.571.572.573.574.575.576.577.578.579.580.581.582.583.584.585.586.587.588.589.590.591.592.593.594.595.596.597.598.599.600.601.602.603.604.605.606.607.608.609.610.611.612.613.614.615.616.617.618.619.620.621.622.623.624.625.626.627.628.629.630.631.632.633.634.635.636.637.638.639.640.641.642.643.644.645.646.647.648.649.650.651.652.653.654.655.656.657.658.659.660.661.662.663.664.665.666.667.668.669.670.671.672.673.674.675.676.677.678.679.680.681.682.683.684.685.686.687.688.689.690.691.692.693.694.695.696.697.698.699.700.701.702.703.704.705.706.707.708.709.710.711.712.713.714.715.716.717.718.719.720.721.722.723.724.725.726.727.728.729.730.731.732.733.734.735.736.737.738.739.740.741.742.743.744.745.746.747.748.749.750.751.752.753.754.755.756.757.758.759.760.761.762.763.764.765.766.767.768.769.770.771.772.773.774.775.776.777.778.779.780.781.782.783.784.785.786.787.788.789.790.791.792.793.794.795.796.797.798.799.800.801.802.803.804.805.806.807.808.809.810.811.812.813.814.815.816.817.818.819.820.821.822.823.824.825.826.827.828.829.830.831.832.833.834.835.836.837.838.839.840.841.842.843.844.845.846.847.848.849.850.851.852.853.854.855.856.857.858.859.860.861.862.863.864.865.866.867.868.869.870.871.872.873.874.875.876.877.878.879.880.881.882.883.884.885.886.887.888.889.890.891.892.893.894.895.896.897.898.899.900.901.902.903.904.905.906.907.908.909.910.911.912.913.914.915.916.917.918.919.920.921.922.923.924.925.926.927.928.929.930.931.932.933.934.935.936.937.938.939.940.941.942.943.944.945.946.947.948.949.950.951.952.953.954.955.956.957.958.959.960.961.962.963.964.965.966.967.968.969.970.971.972.973.974.975.976.977.978.979.980.981.982.983.984.985.986.987.988.989.990.991.992.993.994.995.996.997.998.999.1000.1001.1002.1003.1004.1005.1006.1007.1008.1009.1010.1011.1012.1013.1014.1015.1016.1017.1018.1019.1020.1021.1022.1023.1024.1025.1026.1027.1028.1029.1030.1031.1032.1033.1034.1035.1036.1037.1038.1039.1040.1041.1042.1043.1044.1045.1046.1047.1048.1049.1050.1051.1052.1053.1054.1055.1056.1057.1058.1059.1060.1061.1062.1063.1064.1065.1066.1067.1068.1069.1070.1071.1072.1073.1074.1075.1076.1077.1078.1079.1080.1081.1082.1083.1084.1085.1086.1087.1088.1089.1090.1091.1092.1093.1094.1095.1096.1097.1098.1099.1100.1101.1102.1103.1104.1105.1106.1107.1108.1109.1110.1111.1112.1113.1114.1115.1116.1117.1118.1119.1120.1121.1122.1123.1124.1125.1126.1127.1128.1129.1130.1131.1132.1133.1134.1135.1136.1137.1138.1139.1140.1141.1142.1143.1144.1145.1146.1147.1148.1149.1150.1151.1152.1153.1154.1155.1156.1157.1158.1159.1160.1161.1162.1163.1164.1165.1166.1167.1168.1169.1170.1171.1172.1173.1174.1175.1176.1177.1178.1179.1180.1181.1182.1183.1184.1185.1186.1187.1188.1189.1190.1191.1192.1193.1194.1195.1196.1197.1198.1199.1200.1201.1202.1203.1204.1205.1206.1207.1208.1209.1210.1211.1212.1213.1214.1215.1216.1217.1218.1219.1220.1221.1222.1223.1224.1225.1226.1227.1228.1229.1230.1231.1232.1233.1234.1235.1236.1237.1238.1239.1240.1241.1242.1243.1244.1245.1246.1247.1248.1249.1250.1251.1252.1253.1254.1255.1256.1257.1258.1259.1260.1261.1262.1263.1264.1265.1266.1267.1268.1269.1270.1271.1272.1273.1274.1275.1276.1277.1278.1279.1280.1281.1282.1283.1284.1285.1286.1287.1288.1289.1290.1291.1292.1293.1294.1295.1296.1297.1298.1299.1300.1301.1302.1303.1304.1305.1306.1307.1308.1309.1310.1311.1312.1313.1314.1315.1316.1317.1318.1319.1320.1321.1322.1323.1324.1325.1326.1327.1328.1329.1330.1331.1332.1333.1334.1335.1336.1337.1338.1339.1340.1341.1342.1343.1344.1345.1346.1347.1348.1349.1350.1351.1352.1353.1354.1355.1356.1357.1358.1359.1360.1361.1362.1363.1364.1365.1366.1367.1368.1369.1370.1371.1372.1373.1374.1375.1376.1377.1378.1379.1380.1381.1382.1383.1384.1385.1386.1387.1388.1389.1390.1391.1392.1393.1394.1395.1396.1397.1398.1399.1400.1401.1402.1403.1404.1405.1406.1407.1408.1409.1410.1411.1412.1413.1414.1415.1416.1417.1418.1419.1420.1421.1422.1423.1424.1425.1426.1427.1428.1429.1430.1431.1432.1433.1434.1435.1436.1437.1438.1439.1440.1441.1442.1443.1444.1445.1446.1447.1448.1449.1450.1451.1452.1453.1454.1455.1456.1457.1458.1459.1460.1461.1462.1463.1464.1465.1466.1467.1468.1469.1470.1471.1472.1473.1474.1475.1476.1477.1478.1479.1480.1481.1482.1483.1484.1485.1486.1487.1488.1489.1490.1491.1492.1493.1494.1495.1496.1497.1498.1499.1500.1501.1502.1503.1504.1505.1506.1507.1508.1509.1510.1511.1512.1513.1514.1515.1516.1517.1518.1519.1520.1521.1522.1523.1524.1525.1526.1527.1528.1529.1530.1531.1532.1533.1534.1535.1536.1537.1538.1539.1540.1541.1542.1543.1544.1545.1546.1547.1548.1549.1550.1551.1552.1553.1554.1555.1556.1557.1558.1559.1560.1561.1562.1563.1564.1565.1566.1567.1568.1569.1570.1571.1572.1573.1574.1575.1576.1577.1578.1579.1580.1581.1582.1583.1584.1585.1586.1587.1588.1589.1590.1591.1592.1593.1594.1595.1596.1597.1598.1599.1600.1601.1602.1603.1604.1605.1606.1607.1608.1609.1610.1611.1612.1613.1614.1615.1616.1617.1618.1619.1620.1621.1622.1623.1624.1625.1626.1627.1628.1629.1630.1631.1632.1633.1634.1635.1636.1637.1638.1639.1640.1641.1642.1643.1644.1645.1646.1647.1648.1649.1650.1651.1652.1653.1654.1655.1656.1657.1658.1659.1660.1661.1662.1663.1664.1665.1666.1667.1668.1669.1670.1671.1672.1673.1674.1675.1676.1677.1678.1679.1680.1681.1682.1683.1684.1685.1686.1687.1688.1689.1690.1691.1692.1693.1694.1695.1696.1697.1698.1699.1700.1701.1702.1703.1704.1705.1706.1707.1708.1709.1710.1711.1712.1713.1714.1715.1716.1717.1718.1719.1720.1721.1722.1723.1724.1725.1726.1727.1728.1729.1730.1731.1732.1733.1734.1735.1736.1737.1738.1739.1740.1741.1742.1743.1744.1745.1746.1747.1748.1749.1750.1751.1752.1753.1754.1755.1756.1757.1758.1759.1760.1761.1762.1763.1764.1765.1766.1767.1768.1769.1770.1771.1772.1773.1774.1775.1776.1777.1778.1779.1780.1781.1782.1783.1784.1785.1786.1787.1788.1789.1790.1791.1792.1793.1794.1795.1796.1797.1798.1799.1800.1801.1802.1803.1804.1805.1806.1807.1808.1809.1810.1811.1812.1813.1814.1815.1816.1817.1818.1819.1820.1821.1822.1823.1824.1825.1826.1827.1828.1829.1830.1831.1832.1833.1834.1835.1836.1837.1838.1839.1840.1841.1842.1843.1844.1845.1846.1847.1848.1849.1850.1851.1852.1853.1854.1855.1856.1857.1858.1859.1860.1861.1862.1863.1864.1865.1866.1867.1868.1869.1870.1871.1872.1873.1874.1875.1876.1877.1878.1879.1880.1881.1882.1883.1884.1885.1886.1887.1888.1889.1890.1891.1892.1893.1894.1895.1896.1897.1898.1899.1900.1901.1902.1903.1904.1905.1906.1907.1908.1909.1910.1911.1912.1913.1914.1915.1916.1917.1918.1919.1920.1921.1922.1923.1924.1925.1926.1927.1928.1929.1930.1931.1932.1933.1934.1935.1936.1937.1938.1939.1940.1941.1942.1943.1944.1945.1946.1947.1948.1949.1950.1951.1952.1953.1954.1955.1956.1957.1958.1959.1960.1961.1962.1963.1964.1965.1966.1967.1968.1969.1970.1971.1972.1973.1974.1975.1976.1977.1978.1979.1980.1981.1982.1983.1984.1985.1986.1987.1988.1989.1990.1991.1992.1993.1994.1995.1996.1997.1998.1999.2000.2001.2002.2003.2004.2005.2006.2007.2008.2009.2010.2011.2012.2013.2014.2015.2016.2017.2018.2019.2020.2021.2022.2023.2024.2025.2026.2027.2028.2029.2030.2031.2032.2033.2034.2035.2036.2037.2038.2039.2040.2041.2042.2043.2044.2045.2046.2047.2048.2049.2050.2051.2052.2053.2054.2055.2056.2057.2058.2059.2060.2061.2062.2063.2064.2065.2066.2067.2068.2069.2070.2071.2072.2073.2074.2075.2076.2077.2078.2079.2080.2081.2082.2083.2084.2085.2086.2087.2088.2089.2090.2091.2092.2093.2094.2095.2096.2097.2098.2099.2100.2101.2102.2103.2104.2105.2106.2107.2108.2109.2110.2111.2112.2113.2114.2115.2116.2117.2118.2119.2120.2121.2122.2123.2124.2125.2126.2127.2128.2129.2130.2131.2132.2133.2134.2135.2136.2137.2138.2139.2140.2141.2142.2143.2144.2145.2146.2147.2148.2149.2150.2151.2152.2153.2154.2155.2156.2157.2158.2159.2160.2161.2162.2163.2164.2165.2166.2167.2168.2169.2170.2171.2172.2173.2174.2175.2176.2177.2178.2179.2180.2181.2182.2183.2184.2185.2186.2187.2188.2189.2190.2191.2192.2193.2194.2195.2196.2197.2198.2199.2200.2201.2202.2203.2204.2205.2206.2207.2208.2209.2210.2211.2212.2213.2214.2215.2216.2217.2218.2219.2220.2221.2222.2223.2224.2225.2226.2227.2228.2229.2230.2231.2232.2233.2234.2235.2236.2237.2238.2239.2240.2241.2242.2243.2244.2245.2246.2247.2248.2249.2250.2251.2252.2253.2254.2255.2256.2257.2258.2259.2260.2261.2262.2263.2264.2265.2266.2267.2268.2269.2270.2271.2272.2273.2274.2275.2276.2277.2278.2279.2280.2281.2282.2283.2284.2285.2286.2287.2288.2289.2290.2291.2292.2293.2294.2295.2296.2297.2298.2299.2300.2301.2302.2303.2304.2305.2306.2307.2308.2309.2310.2311.2312.2313.2314.2315.2316.2317.2318.2319.2320.2321.2322.2323.2324.2325.2326.2327.2328.2329.2330.2331.2332.2333.2334.2335.2336.2337.2338.2339.2340.2341.2342.2343.2344.2345.2346.2347.2348.2349.2350.2351.2352.2353.2354.2355.2356.2357.2358.2359.2360.2361.2362.2363.2364.2365.2366.2367.2368.2369.2370.2371.2372.2373.2374.2375.2376.2377.2378.2379.2380.2381.2382.2383.2384.2385.2386.2387.2388.2389.2390.2391.2392.2393.2394.2395.2396.2397.2398.2399.2400.2401.2402.2403.2404.2405.2406.2407.2408.2409.2410.2411.2412.2413.2414.2415.2416.2417.2418.2419.2420.2421.2422.2423.2424.2425.2426.2427.2428.2429.2430.2431.2432.2433.2434.2435.2436.2437.2438.2439.2440.244

tu. Id quod idem Paulus consequenter docere voluit, cum ait: *Ibidem*
 Nostra sufficientia ex Deo est. Et alibi: Spiritus adiuuat in- *Rom. 8*
 firmitatem nostram. Tum per gratiam acceptat nos. Sed &
 in hodierna epistola eiusdem Apostoli clare videtur, quid
 gratia Dei in credentibus præstet, cum per gratiam Christi
 in omnibus, in omni verbo, & in omni scientia diuites fa-
 ctos esse Corinthios testatur, nec quicquam illis deesse in- *1. Cor. 3*
 vlla gratia. Ecce quod præter hominem etiam aliquid sit in
 homine. Si ergo ipse Deus qui verax & fidelis est, confirmat
 credentes, non vno aliquo die, sed vsque ad aduentum Do-
 mini nostri Iesu Christi, quid impossibile eis erit? An non
 omnipotens Spiritus sanctus est? an non omnia potest? an ab-
 breuiata est manus Domini, aut imminutæ sunt vires eius?
 An non veritas dixit, credenti omnia possibilia esse? Amen
 dico vobis, si habueritis fidem, dicetis huic monti, Tollere, & *Matt. 17*
 mittere in mare, & fiet. An non & Paulus magistri verba *Mat. 11*
 suo exemplo confirmat, cum omnia se posse confirmat in eo *Phil. 4*
 qui nos confortat. Non igitur ideo solum data sunt Dei man-
 data vt peccata ostendant, verum etiam vt perficiantur & com-
 pleantur. Neque etiam impossibilia sunt quæ Christi fides &
 gratia facit facilia & leuia. Quiescat ergo diuersa opinatum
 peruecacia. Iam verò iis quoque sed breuiter respondeatur
 qui ultra potior sit fides an charitas quærunt. Cui quæstioni
 causam dedit scripturæ variâ interpretatio. Qui enim chari-
 tatem potiolem dixerunt, illi loco, qui est prima ad Corin-
 thios 13. inhaeserunt. Nunc autem manent hæc tria, fides, *1. Cor. 13*
 spes, charitas: maior horum charitas. Tunc huius Euange-
 lij dictis: In his duobus mandatis (de dilectione Dei & pro-
 ximi loquitur) vniuersa lex pendet & Propheta. Et hæc qui-
 dem aperta scriptura est. At qui fidem præstantiorem dixe-
 runt, aliis scripturæ locis inniuntur. Vt in Jeremia, vbi Do-
 minus non se victimas, sed obedientiam, hoc est, fidem quæ-
 siuisse ait. Et quod Propheta ait: Oculi tui Domine respiciunt
 fidem. Et quis controuersiam hanc tollet? Ipse Christus vel
 hoc ipso tollet, quod hic vtranque & fidem & charitatem con-
 iungit. Propterea & Marcus Euangelista cum hanc lectionem
 scriberet clarius expressit ambas coniungens. Audi Israël,
 Dominus Deus tuus, Deus vnus est, & diliges Dominum
 Deum tuum. Atque in hanc sententiam Ioannes quoque
 scripsit: Hoc est, inquit, mandatum eius, vt credamus in
 nomine

nomine filij eius Iesu Christi & diligamus alterutrum. Ecce tibi vtrumque vno mandato comprehensum: non quod vnum sint, & hæc ab illa diuidi non possit, sed quod diuidi non debeant. Altera enim sine altera Deo displicet. Cum autem hæc tria manent, fides, spes, charitas. Charitas tamen ipsum cælum ingreditur, manetque sola, cæteris cessantibus. Fides & spes huius tantum vitæ sunt, charitas & futuræ: illic enim videbimus & habebimus. Quod autem videtur iam, vti que non creditur, & quod habetur, iam non speratur. Cum autem videtur quod hic creditur, & habetur quod hic speratur: vti que quod hic amatur, ardentiori charitate diligitur. Tria ergo hæc cum hic simul sunt, maior horum charitas eo sit perfectior, quo manet diuturnior. Atque hac ratione hoc Euangelium consideratum, non absurdè communis quædam regula dici potest secundum quam omnino viuendum sit, vt in prima quæstione à malo desistamus, & an verè diligamus scrutemur: in secunda verò nosmet confirmemus in omnibus aduersitatibus, atque fidem si recta ac vera sit examinemus. Hæc enim duo Christus voluit, cum dilectionis magno mandato selem coniunxit. Et quidem ita coniunxit, vt multa comprehendant, multa cogitanda communicent. Nam quod ad dilectionem attinet, primum quod de magno legis mandato interrogatus, dilectionis meminit, voluit significare quod non, vt Moses in tabulis lapideis, sed in affectu mentis legem suam inscripserat, vt in Ieremia se facturum esse promiserat, & quod credentes non edicti seueritate vel à prauis absterre, vel ad bona velit compellere, sed voluntatem per Spiritum sanctum & dilectionem ad obedientiam inducere. Vnde iugum suum suauē, & onus suum leue dixit. Deinde quod addit, Ex toto corde tuo, & in tota anima tua, & in tota mente tua: hoc fecit, ne quis sibi persuadeat se diligere Deum. Licet ad quæuis alia hunc affectum diuidat qui in dilectione Dei totus requiritur. Sic & illud: Diliges proximum tuum sicut teipsum, addidit, vt discamus vbi quærendus sit Deus, nempe sub cruce in aduersis. Hic enim probatur dilectio Dei, an perfecta sit cum Christum in proximo reficis, seruas, nutris. Tertiò, quod ait in his duobus mandatis vniuersam legem & prophetas comprehendere, ostendit Deum non tam factum quam affectum requirere, & quod nullum factum sine charitate Deo placeat. Vnde

sequit

sequitur Iudæos, gentes, hæreticos, aliósque legem non implere, etiam si nullum atrox facinus committant, frustra exter-
nis bonis omnibus studeant, si non ex charitate opera sua me-
titi fuerint. Finis enim præcepti charitas. Et hinc illa operum *Rom. 28.*
Phariseorum reiectio Christi. Amen dico vobis, receperunt
mercedem suam. Non enim ex charitate Dei, aut proximi *Matt. 6.*
prodierunt, sed ut viderentur ab hominibus quæcunque fece-
runt. Quartò, interrogatus de vno magno mandato, addit &
secundum. Hoc nimirum significans, quia Deus diligere non
possit, nisi & proximus charitate complectatur. Qui enim
non diligit fratrem quem videt, Deum quem non videt quo-
modo potest diligere? Et hoc mandatum habemus à Deo, ut *1. Ioan. 4.*
qui diligit Deum, diligit & fratrem suum. Id quod hypocritas
sue confidentiæ arguit, qui sibi ipsis bellè placebant, quasi
Deum diligerent, nullo licet affectu erga proximos tangeren-
tur. Hæc aliâque multa Christus hoc dilectionis mandato si-
gnificauit. An nõ autem in his Christiano homini digna latet
meditatio? An non est, quo se pii quique exercere possint? Bea-
tus ergo vir cuius voluntas in lege Domini est, & qui sincero *Psal. 1.*
pectore in lege eius meditatur diè ac nocte. Erit enim ut li-
gnum iuxta decursus aquarum plantatū, quod fructum suum
dabit in tempore suo. Et folium eius non defluet, & omnia
quæcunque faciet prosperabuntur. Beatus (inquit) qui timet *Psal. 111.*
Dominum, & in mandatis eius volet nimis. Potēs in terra erit
semen eius, generatio rectorum benedicetur. Gloria & diuitiæ
in domo eius, & iustitia eius manet in seculum seculi. Utinam
autem & nos mandata Dei meditaremur, non Pharisaico mo-
re multa de iis inquirentes, sed ex dilectione illa implentes.
Non enim illæ solùm quarum Psalmista meminit, benedictio-
nes in nos venirent, sed multò potiores atque sempiternæ. Sed
videamus quid de altera parte idem Christus doceat, ut conue-
niente fundamento & structura, fide inquam & dilectione spi-
ritualis ædificatio nostra crescat sursum. Hypocrita (inquit)
non est quòd de magno mandato tu quæras, qui minimum ho-
rum non implesti. Non est quòd hoc de tuis te viribus facturū
speres, & si maximè feceris, an ideo tibi felicitas debebitur cæ-
lestis? Ad quid igitur promissio Messia: cur Christum ventu-
rum creditis? Quod eius officium erit, ad quid gratiæ ipsius
dona elargientur, si sine ipso ex lege cælum vobis deberi vul-
tis? Hac occasione suam quæstionem legis doctoris interroga-

rioni addit: Quid vobis videtur de Christo, cuius filius est? Duo autem docere vult quæ fides nostra de Christo requirit, nimirum quod homo ipse ac verus Deus sit, vnus Christus. Et quidem hominem esse Iudæi nouerant ex scripturis, at Dei filium esse ignorauerunt. Rogat igitur, cuius filius sit? Dicunt ei: Dauid. Et iusta hæc eorum responsio est. Nam scriptura id de Christo testatur, totiûsque Christiani orbis fides sic habet. In psalmis ipse ait, Annunciabo nomen tuum fratribus meis, in medio Ecclesiæ laudabo te. Ecce ego & pueri mei quos dedi

Psalm. 21.

Heb. 1.

Isa. 8.

Ioan. 20.

Ioan. 10.

Mat. 16.

Rom. 1.

1. Cor. 13.

Heb. 4.

1. Ioan. 4.

Heb. 2.

mihi Deus. Quia ergo pueri communicauerunt carni & sanguini, & ipse similiter participauit iisdem. Et in Ioanne: Vade, dic fratribus meis, ascendo ad patrem meum & patrem vestrum, Deum meum & Deum vestrum. Hanc inquam naturam in Christo quam videbant agnouerunt, & confessi sunt. Homo cum sis (inquiunt) facis te ipsum Deum, Sic ipse se etiam palam hominem esse profitebatur, vt in Matthæo 8. & 10. Marc. 10. Alibi quoque hanc ipsam quæstionem apud discipulos mouit: Quem, inquit, dicunt homines esse filium hominis? Et mox: Vos autem quem me esse dicitis? Hinc est quod Paulus humanitatem in Christo prædicat asserens factum illum esse ex semine Dauid, secundum carnem, in similitudinem corruptibilis carnis. Et eiusdem facta collatione cum Adam primum illum hominem ait de terra terrenum, secundum verò, id est, Christum, de cælo esse cælestem. Et alibi apertius etiam, Vnus, inquit, mediator Dei & hominum, homo Christus Iesus. Ecce tot multisque aliis locis scriptura humanam naturam in Christo prædicat. Et quis fructus, credere Christum verum esse hominem? Primum confutantur hæretici, qui ipsum non verum, sed fantasticum corpus assumpsisse asseuerarunt olim. Deinde ingens consolatio piis mentibus hinc venit, si Iesum confitemur nostram carnem assumpsisse, quod suæ erga nos dilectionis magnum sit argumentum, tum etiam vt sciamus nos non habere pontificem qui non possit compati infirmitatibus nostris, tentatum autem per omnia pro similitudine absque peccato. Hinc est quod Ioannes ait: Omnis spiritus qui confitetur Christum in carne venisse, ex Deo est. At non solum in carne, verum etiam in carne & semine Dauid venisse confitendum est, propter promissionis veritatem. Nam quemadmodum, vt Paulus testatur, nusquam angelos apprehendi, sic

non

nec quoduis semen, sed Abraham & David semen apprehendit. Ad Abraham enim ait: In semine tuo benedicentur omnes gentes, non dicit, In seminibus, quasi in multis, sed in semine tuo, quia in vno, qui est Christus. Et David: De fructu ventris tui ponam super sedem tuam. Idem alibi prophetæ testantur, Isa. 22. Hier. 23. Psal. 88. Propterea & Paulus Romanis scribens, ipsum ex semine David natum asserit, hoc est, ipsum esse qui Abraham ac David promissus erat, quem scriptura David filium vocat, in quo omnes promissiones Dei sunt, Amen & ita. Ac talem agnouerunt qui clamauerunt: Iesu fili David miserere nostri. Huc respicit quod ad virginem matrem angelus ait: Et dabit illi Dominus sedem David patris eius. Tertiò non solum filius, verum etiam Dominus confitendus est. Et hoc est, quod hic Christus vrget. Quomodo ergo, inquit, David in spiritu vocat eum Dominum, dicens: Dixit dominus domino meo, sede à dextris meis, donec ponam inimicos tuos scabellum pedum tuorum? Si ergo David vocat eum Dominum, quomodo filius eius est? Parum esset filium esse David secundum carnem, si nõ & dominus eius esset secundum Deum. Dominum autem eius esse scriptura ostendit, Dixit dominus domino meo. Dominus autem David non solum natiuitatis, verum etiam regis maiestatis ratione. David enim ad tempus regnavit mortalis, Christus autem rex est in æternum, quia spiritualis, David quidem hostes suos deuicit, sed homines, Philistæos, Ammonitas, Idumæos, & alios. Sed nobis non est colluctatio aduersus carnem & sanguinem, sed aduersus principes & potestates, aduersus mundi rectores tenebrarum harum, contra spiritalia nequitie in celestibus. Quid autem David filius aduersus hos potuisset? Aliud igitur semen promissum erat Christus, qui caput huius serpentis contereret. Hunc regem significabant Isaias 9. Daniel. 7. Gabriel Luc. 1. Hic ergo David regnum confirmavit & benedixit, sine quo nec David regnasset. Per hunc omnium regnorum dominum, sedentem à dextris domini Dei nostri, reges etiam nunc regnant. Huic conueniunt quæ sequuntur, quod sub pedes eius omnes inimici eius subiugabuntur. Id quod partim factum est, cum ait: Data est mihi potestas omnis in cælo & in terra, partim futurum, & planè fiet, cum ipse Deo & patri regnum tradiderit. Sed quid, inquis, mihi commodat Christum regem esse & dominum? Et hoc accipe,

Christus ad dexteram patris sedens regnat, hoc est, spiritualis rex est. Dextera enim spiritalia, sinistra terrena significat. Rex est non in se vno, sed & in nobis omnibus. Vnde ut cōfidamus *Ioan. 16.* *Psal. 109* monet, quia ipse vicerit mundum. At quomodo in nobis regnet, audi, Dominare in medio inimicorum tuorum. Non dicit, inimicos tuos omnes pariter prosternes, ne vnus supersit, sed dominaberis in medio eorum. Vndique te petent, tu verò Dominus & rex permanebis. Non enim malum omnino aufer à nobis, sed ut ipsum vincamus virtutem confert. Id quod *2. Cor. 12.* in Paulo videre est, qui cū interrogasset Dominū, ut hostem, stimulum carnis auferret, tandem hunc sibi regem dicentem audit: Sufficit tibi gratia mea. Nam nos quoque hac contenti gratia certamus, quousque ipse sub pedibus subiiciat omnes inimicos nostros: ut possimus Paulinum illum triumphum *1. Cor. 15.* canere: Vbi est mors victoria tua, vbi mors stimulus tuus? Deo autem gratia, qui dedit nobis victoriam per dominum Iesum Christum. Talis rex Christus est, cui subiugabuntur omnes inimici eius, nolint velint. Quidam enim sua sponte, *Quest. 7.* *Act. 9.* ut Magalena, quidam casti, ut Paulus, se huic imperio subdunt. Talis, inquàm, qui nos quoque dominari facit in medio inimicorum nostrorum, nobiscum in certamen descendit, pro nobis pugnat. Ecce quomodo & nobis commodat Christum regem esse. At hic quoque sacerdos credēdus est, Ut idē *Psal. 109,* mus habet; Tu es sacerdos in æternum secundum ordinem Melchisedech. Sacerdos, inquàm, qui apud patrem pro nobis apparet & interpellat, qui etiam pro sua reuerētia exauditur. Sic & iudex venturus confitetur, Id quod idē quoque *Psal. 109,* mus testatur. Dominus à dextris tuis confregit in die iræ suæ reges, iudicabit in nationibus, implebit ruinas, cōquassabit capita in terra multorū. Hæc omnia Christus proposita quæstione docet, cum Psalmum David in testimonium vtriusque naturæ suæ adducit, duo quasi in vnum colligens, ut quæ ad salutem scitu sunt necessaria, facilius & percipiantur & memoria teneantur felicius. Agite ergo, huc oculos mentemque aduertite, Christum hominem atque Deum credite & confitemini, ipsum super omnia diligite, inque ipso proximum amplectimini. Confisi de ipsius gratia, qui ut se diligere velimus monet, etiā ut possimus dabit. Id ergo præstet trinus & vnus, qui laus per omne ævum.

DOMI

DOMINICA VI-
GESIMA POST PEN-
TECOSTEN EVAN-
GELIUM, MATTH. IX.

ET ascendens Iesus in nauiculam transfretauit, & venit in ciuitatem suam. Et ecce offerebant ei paralyticum iacentem in lecto. Et videns Iesus fidem illorum, dixit paralytico: Confide fili, remittuntur tibi peccata tua. Et ecce quidam de Scribis dixerunt intra se: Hic blasphematur. Et cum vidisset Iesus cogitationes eorum, dixit: Vt quid cogitatis mala in cordibus vestris? Quid est facilius dicere, Dimittuntur tibi peccata tua, an dicere, Surge & ambula? Vt autem sciatis quia filius hominis habet potestatem dimittendi peccata in terra, tunc ait paralytico, Surge, tolle lectum tuum & vade in domum tuam, Et surrexit, & abiit in domum suam. Videntes autem turbæ timuerunt & glorificauerunt Deum, qui dedit potestatem talem hominibus.

EADDEM DOMINICA EPI-

STOL A, EPHES. I III.

Renouamini autem spiritu mentis vestrae, & induite nouum hominem, qui secundum Deum creatus est in iustitia & sanctitate veritatis. Propter quod deponentes mendacium, loquimini veritatem unusquisque cum proximo suo: quoniam sumus inuicem membra. Irascimini, & nolite peccare. Sol non occidat super iracundiam vestram. Nolite locum dare diabolo. Qui furabatur, iam non furetur: magis autem laboret, operando manibus suis, quod bonum est, ut habeat unde tribuat necessitatem patienti.

que tot tantisq; factis nec duci voluit, nec potuit trahi? Nos
 ergo relictis cæcis cæcorū & pertinacium hominum ducibus
 qui olim excutiētium oculorū squamas agni sanguine abluī
 mus, huc oculos conuertamus; beneficiā simulatque omni-
 potentia diuinā hec factum consideremus, fidem nostram
 confirmemus, ut nos quoque omnipotens curet medicus pre-
 cemur, & denique ad eiusdem magnificentia laudem tan-
 torum recordatione factorum moniti accendamus. Hæc &
 summa & intentio huius Euangelij est, huius in illo magna
 satis offertur occasio. Iam ipsum Euangelistam audiamus. A-
 scendens, inquit, Iesus in nauiculam transfratuit, & venit in
 ciuitatem suam Euangelicæ fratres historia naturam con-
 sideremus. Qui principum virore huius seculi facta lite-
 ris commendant posteritati, magno spiritu, ingentique ver-
 borum apparatu, rem aggrediuntur & deprædicant, & id qui
 dem necessariū, nimirum ut quam factorum magnitudo non
 meretur gloriam, sermo plausibilis impetret. At longè alia
 ratio est dictatori spiritui sancto, cum ad enarranda Christi
 facta calamos velociter scribentium Euangelistarum admo-
 uet. Simplex ubique narratio, in affectata oratio. Ecce enim
 est tantum diuinæ potentia facinus enarraturus Mattheus,
 nihil de Christo præmittit, quod non de quolibet homine &
 sentire & liceat dicere, cum consensa nauicula transisse re-
 fert. Quis autem tam simplici exordio, illud subsequiturum
 sperasset factum? Non sublimis per aëra vectus populi an-
 teulat oculos, non mutata stagni natura pessundat, id quod
 potuit, & alibi fecit, imò nec fecit solum, verumetiam aliis
 facere, concessit. Quis enim Israëllem sicis pedibus mare
 rubrum transire fecit? Nempe idem qui fluctus maris se-
 dauit, & qui Petrum super aquas ambulare fecit, & mergen-
 tem dextera porrecta seruauit. Sed ut nec semper, nec ubique,
 nec omnibus diuinitatis virtutem ostendit, ita hic ut nauis
 garet, ipsi erat conuenientissimum, nobis verò pernecessa-
 rium. Si enim ubique se Deum manifestasset, quæ nobis hu-
 manitatis suæ argumenta reliquisset? Licet enim & multa
 & magna sint, quæ humanam naturam in ipso demonstrant,
 multi tamen non vulgi solum, verumetiam literatissimorū
 hominum applausu verum hominem negauerunt: ut Cerdo,
 Apelles, Valentius, Manichæus, Apollinaris, & alij. Qua au-
 tem insania triumphassent, si aut nullis, aut infirmis demon-

*Euangelij
 carum huius
 storia
 narratio
 simplex.*

Matth. 14

Exod. 14

Matth. 8.

Matth. 14.

Cur Chri-

stus non

semper di-

uinam vir-

tutem os-

tendit.

Chryst. in

Hom.

- tionibus erroris sui conuinci potuissent, qui paucis iisq; non intellectis Scripturæ locis tantum fauoris consecuti sunt? Ut ergo verum se hominem declararet, nauim ascendit, nauigauit, nauigando nostræ fidei seruiuit, nostræ saluti consulit. Nostræ naturæ substantiam assumens, nobis per omnia assimilari debuit. Clarificaturus diuinitatem suam miraculo, in nostra forma humiliat se nauigio. Hic ordo factorum Dei: prius humiliat, deinde exaltat: prius mortificat: postea exaltat, prius deducit ad inferos, postea reducit. Sic mortuus est prius in carnis humilitate, quàm resurgeret pro diuinitatis potentia. Habet autem & aliam significationem hæc nauigatio.
- Hebr. 2.* Ultro in Gerasenorum fines venerat, beneficia non potētibus obtulerat, & ecce tota illa ciuitas exiens rogat ut transeat à finibus eorum. Quos ergo beneficiis ad fidem attrahere laborabat, hos inuitus deserit. Et cum subito eorum oculos sinēque effugere potuisset, moram trahere voluit. Eadem ratione nobiscum agit. Stat ante ostium nostrum pulsans, si quis aperiat ei. Inuentus est à non quærentibus se. Ipse eligit nos, & non ipsi nos, & propter nimiam charitatem suam qua dilexit nos ante constitutionem mundi, nullo nostro merito, cum essemus mortui delictis, conuiuificauit nos Christo. Delitix autem cum eius sint, esse cum filiis hominum, inuitus & non nisi prosligatus recedit. Id quod manifestè in Israël videre licet. Quoties enim peccauit Israël, & iterum atque iterum exoratus mansit cum illa gente: Dereliquerunt ipsi dominum nolueruntque vias eius, vitulo erecto, Ecce (dixerunt) dii tui, qui te eduxerunt ex Aegypto. Peccauit & Dauid domino, adulterio coniungens homicidium, neque tamen Dominus deseruit eum. Occiderunt Iudæi prophetas Domini, omnes, non tamen dereliquit eos, nisi nouissimè clamantes: Nolle te Christum regem, magis verò tolli ac crucifigi velle, quod *Ioan. 10* se Christum regem, magis verò tolli ac crucifigi velle, quod *Marc. 16* præter Cæsarem nullum regem habeant. Tunc demum se *Acto. 18* suborque ab iis, nec adhuc penitus auertit. Tunc, inquam, præcepit discipulis, ut in vniuersum orbem irent, Euangelium & salutem oblatam prædicarent omni creaturæ. Hinc illa Petri vox: Vobis oportebat primùm loqui verbum Dei, sed quia repellitis illud, & indignos vos iudicatis æternæ vitæ, ecce conuertimur ad Gentes. Hæc igitur & Gerasenis hac mora sua dum nauim ascendit, quasi dicere voluit: Ecce obtuli beneficia vobis, repellitis & me & illa. Quid debui tibi popule meus
- Apoc. 3*
Isaia 65
Ioan. 5
Ephes. 1
Exod. 33
Matt. 28
Acto. 7
Ioan. 10
Marc. 16
Acto. 18
Isa. 5

meus facere quod non feci? Adhuc expecto, inuitus recedo, moram ob id traho, quid est, quo minus longanimitas mea ad poenitentiam vos inuitat? Vt ergo se hominem declararet, nauiculam ascendit. Venit in ciuitatem suam. Et quid est quod in ciuitatem suam venit? Magnum profectò profundæ humilitatis indicium. Creator enim ipse rerum, oris terræ dominus, posteaquàm se propter nos nostra coartauit in carne, cœpit habere humanam patriam, cœpit ciuitatis Iudaicæ esse ciuis, parentes habere cœpit, parentum omnium parens, vt attraheret charitas, quos disperferat metus. Et quem hæc charitas non attraheret, si humana mens, quid sit Deum fratrem nostrum factum esse, & nobiscum habitasse in terra, cogitaret? In patriam venit, & in patria offertur paralyticus. Ecce (inquit Matthæus) *Matt. 5* offerebant ei paralyticum iacentem in lecto. Marcus verò & Lucas fusius hæc eadem narrant: Venerunt ad eum ferentes paralyticum, qui à quatuor portabatur, & quærebant eum inferre, & ponere ante eum. Et non inuenientes qua parte illum inferrent præ turba, ascenderunt & nudauerunt tectum vbi erat, & patefacientes, per tegulas submiserunt eum, & grabatum, in quo decumbebat, in medium ante Iesum. Hic datur occasio patefaciendi potentiam diuinam, hic medium se præstabit, offertur enim debilis, offertur paralyticus. bene autem res se habet. Geraseni rogabant eum, vt à sinibus suis discederet. In sua ciuitate Caphernaum vt sanet rogatur medicus: & vt saluet, prius peccata dimittit. Iudæi Christum è templo eiecerunt: Gentes eiectum quærun. Et hoc est quod ipse alibi ait: Regnum cælorum vim pati, atque violentes violenter istud rapere. Magna hic vi non corporis sed fidei opus est, quam Christus expetit, quaque ipse afficitur. Nam & Chananxam fide firmam prædicat: O mulier, inquit, magna est fides tua, fiat tibi sicut vis. & hic sequitur, quod videns fidem illorum dixit paralytico: Confide fili: Remittuntur tibi peccata tua. Machina fidei, remissionem impetrat peccatorum. Nam quia tantam ostendunt fidem, monstrat & ipse suam virtutem. Quantum autem poterit apud Deum fides propria, apud quem sic valuit aliena? Hac occasione quidam disputant an profita sit fides aliena, & quibus in rebus. Nec omnino inuile illa *An aliena fides profita.*

quæstio. Vtrobique enim peccatur, cum alij falsò sibi met-
 ipsis persuadent, nullo se alienæ fidei indigere ministerio;
 nec prodesse quicquam: alij contraria amplectentes, ni-
 mium huic externo consistunt officio, impij ipsi impieta-
 tem suam quamlibet enormen aliorum suffragiis elui ar-
 bitrantur. Breuissimè igitur id quod res est dicturus. Pri-
 mum qualis illa fides fuerit, quam hic Christus vidit con-
 siderandum arbitror. Principio igitur illorum fides non in-
 formis autemortua erat, quæ nec alijs, nec habenti eam

1. Cor. 13 prodest quicquam. Quid enim vel tibi vel mihi prodesset;
 si quotidie sine pia intentione, ac charitate millies fidei
 enartares articulos? Eadem ratio est orationis. Horum
 ergo virorum fides quam Christus vidit, meta fuit fiducia
 bonitatis ac misericordiæ Christi, ex fama Christi certa
 concepta, tam firma vt de salute paralytici nihil dubita-
 rent, si ad Christi pedes possent perferre, tam certa, vt nul-
 lo modo domini indignationem timuerint. Hanc iam non
 informem aut mortuam, sed formatam & officiosam do-
 minus vidit. Quia aut respectu illius paralytici peccata di-
 mittit, ac sanat, (id quod hic apertum est) dubium non est,
 quin ei placeat alterius pro altero fides & oratio. Miseri-
 cordiam enim facere complacuit illi plus quàm victima.

Matt. 5 Et cur non placeret quod ipse iubet? Orate, inquit, pro per-
 sequentibus & calumniantibus vos, vt sitis filij patris vestri,
 qui in cælis est. Quanquam autem prodesse alienam fidem &
 orationem, hoc ipso manifestum est, quod iussit, ac hunc pa-
 ralyticum non suæ, sed aliorum orationis intuitu sanauit:
 tamen id clarins sit aliorum scripturæ locorum demonstra-
 tione. Moses orauit Dominum, vtiq; in fide: Et quot homi-
 num millia seruauit? Elias homo nobis similis sua oratione
 pluuiam impetrauit omni populo. Rursum Mosi oratione ho-
 stes Israël fugati sunt, soror ipsius Maria mūdāta est. Et quid
 multis? Vbiq; huius testimonia, quòd aliorum fide & oratio-
 ne alijs, sine propria vel fide vel oratione impetrata sunt cor-
 poris & animæ beneficia. Sic Abraham pro Sodoma atq; Go-
 morra precatus est, & exauditus est. Non enim prius Sodo-
 ma conflagrata est, quàm Abraham orare destitit. Sic Domi-
 nus de Ierusalem promittit. Protegā, inquit, urbem istā pro-
 pter me, & propter Dauid seruum meum. Dauid multo tem-
 pore iam vita defunctus fuerat, cum hæc Deus promitteret.

Exod. 32 Tamen
3. Reg. 18.
Exod. 17

Gen. 18.

4 Reg. 20

Tamen

Tamen propter mortuū fidem non mortuā, fide mortuis, corpore tantum viuentibus beneficia sua promittit. Nō ergo diffidendū, Deum, quæ sua est bonitas, etiam infantes nostros suscipere & amplecti, non in propria, quā non habēt, sed in aliena, hoc est, Ecclesiæ cū fide, tūm oratione, Cur enim abnueret infantibus, quod præstitit adultis? An immitior factus Deus in tēpore gratiæ, quā fuit tēpore legis? Aut non faciet nostris paruulis, quod fecit sub lege constitutis? Clarè autem scriptura refert, quòd illius temporis infantes amplexus sit Deus, quibus & signum fœderis communicauit, & in suum peculium annumerauit. Ad Abrahā enim loquitur: Statuā pactū meum inter me & te, & inter semen tuū post te in generationibus tuis fœdere sempiterno: ut sim Deus tuus, & seminis tui post te. Et mox: Infans octo dierum circūcidetur in vobis. Et alibi, Omne masculinum adaperiēs vuluam, sanctum Domino vocabitur. Sed se minimè immitiorem factū gratiæ tempore cum aliis argumētis innumeris, tūm hoc maximè ostenditq; noluit paruulos à se prohiberi, voluit ad se venire Christus, imò contra nitentibus Apostolis indignè tulit. Et complexans eos, imposuit manus super eos, & benedixit eis: & regnum cælorum talium esse affirmauit. Iam verò venire ad Christum, benedici, & regnum cælorum habere, non conueniunt nisi qui per baptismum ingrediuntur. Omnes enim filij iræ, à Christo complecti ac benedici non possumus, nisi per eam ianuam, quæ sola introitum regni cælorum patefacit. Vt in Ioanne scriptum est: Nisi quis renatus fuerit ex aqua & Spiritu sancto, nō potest videre regnum Dei. Porro sacramentum baptismi est fides. Cū igitur propria fides in infantibus nō est, utiq; in fide Ecclesiæ baptizantur, & saluantur. Cur autem aliena fide nō saluarentur, qui sine fide aliena culpa damnantur? Si consortium carnis quod ab Adam trahimus maledicit, quomodo, participatio spiritus non benedicit? Hæc illa sanctorum communio in Ecclesiā vnius mystici corporis vieta. Quæ autem sanctorum communio, quod mysticum corpus erit, vbi nulla spiritualium donorum participatio? Ecclesiæ igitur fides & oratio, eos qui per baptismū in cōsortiū admissi sint sanctorū, benedicenti Christo adiungit. Quamquā nō desunt qui paruulis infusam à Deo fidē asserant, huic nitētes argumentationi: Nemo sine fide benedictionem Christi cōsequitur. Impossibile enim est, sine fide placere Deo. Et

An Ec-
clesia fi-
des pro-
fite
infantib.

Gen. 17.

Leu. 12.

Exod. 34

Luc. 21

Mar. 10

Ephes. 2

Ioan. 3

Hebr. 11

Acced

Marc. 10 accedentem ad Deum oportet credere. Sed paruuli benedi-

Marc. 16 ctionem consequuntur, vt in Marco videre est. Huic addunt:

Ioan. 3 Qui non crediderit, condemnabitur. Qui incredulus est filio, non videbit vitam, sed ira Dei manet super eum. Sed fides cum est lumen intellectus, non video cur patres eam sententiam approbare debuerint: intellexerunt autem illos scripturæ locos iam de Ecclesiæ fide, iam de ea quæ obferentes pro paruulis spondent, & quam paruuli postea consequuntur sunt. Illud sine controuersia constat, quemadmodum aliena fides non habilibus fidei, cum ad corporis, tum ad animæ salutem valet, ita eandem in adultis & fidei capacibus non sufficere ad salutem, nisi accedente propria fide. Non sufficere autem dixi, quod prosit tamen ac promoueat ad salutem. Sic oratio fidei, qua Stephanus pro persecutoribus suis ad Deum precabatur Saulo non sufficiebat quidem, sed profuit tamen. Sic Pauli oratio quam pro omnibus faciebat, vt crescerent in agnitione Christi, profuit quidem, sed minus erat sufficiens ad salutem. Sic hic cum vidisset baiulantium fidem, non nudè, remittit peccata decumbentis, sed præmittit: Confide fili,

Matt. 9 remittuntur tibi peccata tua. Aliena ergo fide iuuantur adulti, iuuantur inquam corpore & anima, non perfectè saluantur.

Ioan. 8 Huc enim requiritur propria fides. Nisi enim credideritis, inquit Christus, quia ego sum, in peccatis vestris moriemini.

Ideoque paruuli baptizati postquam adoleuerint, vt & ipsi credant moneantur. Vide autem miram Domini humilitatem, despectum & debilem, totis membrorum compagibus solutum, filium vocat: quem Sacerdotes non dignantur attingere. Remitti ipsi autem peccata sua testatur: vt significet morbi causam fuisse delicta: & vt causa infirmitatis sublata, restituatur sanitas. Sic in Ioanne de eo qui triginta octo, annos in infirmitate sua habuerat, legimus, *Ioan. 5*. Sic Moses Israëlī minatur pestem & alia: *Deuter. 28*. Vel ideo filium dixit, quod peccata diuidant à Deo, & filios iræ constituent, iisque per fidem & poenitentiam sublati iustificari non

Psal. 124 ac filios fieri. *Isa. 59*. *Threnor. 3*. Vnde Dauid beatos dixit, quorum remissæ essent iniquitates, & quorum testæ essent peccata. Confide, inquit, fili, remittuntur tibi peccata tua. Quidam autem his verbis abutentes solam fidem dixerunt sufficere ad delictorum emundationem: ex fide vel misericordie Christi fiducia præsumptionem quandam impiam interpret

terpretantes. Confidentiam Christus suadet, consolationem
 siue spem expetit; non vanam aut falsam, aut etiam auda-
 cem postulat. Est enim vana spes, qua temporanea confi- *1. Ioan. 2*
 dunt homines. Ideo vana, quod mundus & omnia in eo
 transeunt: falsa autem, qua vitæ longitudinem sibi pollicen-
 tur, cum ipsa sit brevis quasi vmbra quædam euanescentis:
 audax verò, qua quispiam respicientiam suspendit in ventu- *Prou. 22*
 ram senectam, cum scriptura difficile admodum esse testetur *Iere. 13.*
 hominem relinquere viam, qua consuevit adolescens, vt
 Aethiopem pellem suam mutare: sed & inuersa quædam
 confidentia est, eò peccare, quod Christus misericors, & ad
 ignoscendum facilis est, aut ideo non studere virtuti, quod
 ipse pro nobis satisfecit. Christus consilere iussit, sed nul-
 lam eiusmodi confidentiam præcepit. Spem salutis suasisit,
 ex promissis Dei conceptam, ita vt licet magna sint & cer-
 ta Dei promissa, nihilominus tamen homo sese exerceat in
 omni bono, quo ipsa inuatur spes. Horum autem duo sunt:
 Promissio Dei, & mandatorum eius obedientia. Si enim
 promissis Dei assentio, ac præterea quæ placita sunt ipsi fa-
 cio, firmiorem confidentiam meam reddo. Sic Ioannes: Sci- *1. Ioan. 8*
 mus, inquit, quia translati sumus à morte in vitam. Vnde
 autem scimus? Ex promissione. Sed vnde hoc quoque noui-
 mus, quod nos etiam promissio tangat? Ex fide. Quis au-
 tem persuadebit nobis fidem nostram veram esse & perfe-
 ctam? Dilectio fratrum, hoc est, mandatorum Dei obedi-
 entia. Ecce, igitur quomodo mandatorum Dei obedientia, *spes quid*
 hanc nostram fiduciam siue spem iuuat. Ideoque nec ar- *fit.*
 guendi sunt patres, qui spem, certam esse expectationem fu-
 turæ beatitudinis, ex gratia & meritis prouenientem desi-
 nierunt. Quam descriptionem licet repudiare conati sint
 multi, quod meritorum in ea mentio fiat, nihilominus ta-
 men iidem velint nolint hoc dabunt, vanam esse omnem fi-
 dem & spem eius, qui pertinaciter in præceptorum Dei in-
 obedientia perstat. Eiuscemodienim Christus ipse ait: Quo-
 usque dicitis mihi, Domine domine, & non facitis, quæ præ-
 cipio? Nescio vos. Recedite à me iniqui. Veram igitur spem *Matt. 7*
 Christus suasisit, nullius præsumptionis autor. Confide fili, *Matt. 9*
 remittuntur tibi peccata tua. Nemo his verbis ad suam ipsius
 perditionem abutatur. Non enim quia Paralytico tam facile
 peccata dimisit, te eadem facilitate absoluit: nec quia tur-
 ba præf

ba præsens Deum laudat, qui talem potestatem dedit hominibus, ideo tibi nihil faciendum restat, nisi ut remissionem peccatorum & gratiam Dei prædices. Non hæc (ut iactas) pura Euangelij doctrina est, nec hoc facere, est integrum Euangelium prædicare. Seducimus nos, Euangelio abutimur: & quod esse possit ad vitæ medicinam, ipsi nos deprauamus in mortis venenum. Quid ergo? Sine operibus remissionem peccatorum consequutus est paralyticus. Ergo & nos iustificabimur sine operibus. Blandus profectò sermo iste est, sed naturam serpentis habet. Primum enim non sine opere est iustificatus, qui post iustificationem tollere lectum & in domum suam ire iubetur, & paret iussis. Et si maximè sit sine operibus præcedentibus, non tamen inde sequitur nos itidem ea facilitate iustificari. Omnes semel eadem facilitate, sine præcedente opere iustificati sumus, cum baptizati ex aqua & Spiritu sancto, ab originali macula mundati, Christi sanguine sanctificati, eiusque meritis sumus iustificati. Quod autem post baptismum iterum ad pristinam conuersionem relapsi, non sit tam facilis ad ignoscendum Deus, sine nostro facto & poenitentia, vel vnus Paulus satis perspicue demonstrat, qui in ea quam ad Hebræos scripsit Epistola sic loquitur: Impossibile enim est eos qui semel sunt illuminati, gustauerunt etiam donum caeleste, & participes facti sunt Spiritu sancto: gustauerunt nihilominus bonum Dei verbum, virtutisque seculi venturi, & prolapsi sunt: rursus renouari ad poenitentiam, rursus crucifigentes sibi metipsos filium Dei. Et: Voluntariè enim peccantibus nobis post acceptam notitiam veritatis, iam non relinquitur pro peccatis hostia: terribilis autem quædam expectatio iudicii & ignis æmulatio, quæ consumptura est aduersarios. Ecce non eadem ratio est primum iam per baptismum à peccatis liberati, & iteratis post baptismum peccatis veniam illorum impetrantis. Non quòd nulla sit remissio post baptismum, ut Nouatiani, sed quòd non sit eadem facilitas quæ ante. In baptismo dictum est tibi: Confide fili remittuntur tibi peccata tua. Nunc verò iubetur lectum, id est, peccandi, quæ te portauerat, consuetudinem tollere, prauas voluptates, quæ te ante tenuerant, tu iam feres, hoc est, imperio tuo reges, de virtute in virtutem transibis. Prædicatur utique in nomine ipsius remis-

sio pot

Hebr. 6

Hebr. 10

flo peccatorum, sed præcedente pœnitentia. Sic potestatem *Lucæ 24*
 dedit Apostolis remittendi peccata, sed non solum eam, sed *Matt. 16*
 & retinendi, idque munus vno eodémque Spiritus sancto con-
 firmavit. Blande quidem & ipse Christus peccatores allocu-
 tus est, sed non omnes, nec solum: quin etiam addidit: Vade,
 noli amplius peccare, ne quid deterius tibi contingat. Tum *Ioan. 20*
 pius ille Samaritanus vulneribus semimortui hominis non
 solum oleum, sed & vinum infudit. Vbique & semper & o-
 mnibus peccata remittere potest, quia Deus ipse est: sed nec
 ubique, nec semper, nec omnibus eadem facilitate remittit.
 Nostrum est, vt non desperare, ita etiam non nimium confi-
 dere. Lapsi autem iustis vtamur mediis, & pœnitentia ducti
 prioris vitæ detestemur impietate, sic per ipsum quem Deus
 pater proposuit propitiatore omnium accedamus ad thro-
 num gratiæ. Cæterum quod possit peccata dimittere Chri-
 stus, hoc est, quod vnius eum patre substantiæ sit, consequen-
 tibus ostendit factis. Quorundam enim intra se tacite lo-
 quentium (hic blasphemant) cogitationes vidit atque aperit:
 Vt quid (inquit) cogitatis mala in cordibus vestris? Hoc au-
 tem quemadmodum initio huius sermonis dictum est, solius
 Dei est. Spiritus, inquit Paulus, omnia scrutatur, etiam pro- *1. Cor. 2*
 funda Dei. Quis enim hominum scit, quæ sunt hominis, ni- *Act. 1*
 si spiritus hominis qui in ipso est? Et Petrus, Tu, inquit, cor- *Hebr. 4*
 da nosti omnium. Et Paulus testatur, quod nulla creatura
 inuisibilis sit in conspectu eius, omnia autem nuda & aperta
 oculis eius. Et hæc certè non minima piarum mentium est
 consolatio, quod Deus interiora hominis cognoscit. Quem-
 admodum contra etiam impiis hæc eadem Dei potentia ter-
 ribilis est. Illi enim norunt & vota & suspiria sua coram Dei
 oculis non esse inania, hi verò cum iustum Deum norunt,
 pro ipsis etiam cogitationibus suis malis pœnam reportatu-
 ros se norunt. Deinde & alio modo se eam habere potesta-
 tem ostendit. Remittere peccata spirituale quiddam est. Vn-
 de an factum sequutum sit verba, nemo vidit. Proinde ea-
 dem potentia, qua peccata remisit, aliud evidens miracu-
 lum facit. Præponit ergo: Quid, inquit, facilius est dicere:
 Dimittuntur tibi peccata tua, an dicere: Surge & ambula?
 Vnius potentia erat, vnius difficultatis: sed præcedens inui-
 sibile, quod sequitur, erat visibile. Tanto tamen maius erant
 peccata remittere, quam corpus sanare, quanto anima po-
 tior

tior corpore. Fit ergo minus visibile, ut comprobetur maius spirituale. Surge & tolle lectum tuum, & vade in domum tuam: & surrexit & abiit in domum suam. Non longa mora ad sanandum opus habet, qui verbo fecit & refecit omnia. Ipse dixit, & facta sunt. Ipse mandauit, & creata sunt. Ecce quod Christus Dei hominisque filius potestatem habet dimittendi peccata in terris. Et hoc est quod Ioannes prædicat: Ecce agnus Dei, ecce qui tollit peccata mundi. Non quod nullum amplius sit peccatum, & impunè deinceps liceat peccare, ut quibusdam nostro iniquissimo seculo placet, sed ut post hac iustitiæ viuamus, ut non regnet in mortali corpore nostro peccatum, ut sicut exhibuimus membra nostra seruire immunditiæ & iniquitati ad iniquitatem, ita nunc exhibeamus membra nostra seruire iustitiæ in sanctificationem. Qui enim mortem aufert, idem vitam reddit. Sic qui peccatum aufert, largitur iustitiam. Si igitur peccato exui uoluerimus, in Christum oculos conuertamus. Ille enim est, qui non solum peccata dimittit, sed qui etiam exemplum dedit, in quo purgandi delicti modus discitur. Quemadmodum enim ille peccata mortificauit, ita etiam necesse est ea in nobis mortificari. Sed Christus morte peremit peccatum. Igitur in nobis quoque cruce & afflictione perimendum est, ut Paulus docet: Quos præsciuit, inquit, hos & prædestinavit conformes fieri imaginis filij sui. Et iterum: Si Christo sumus complantati in similitudinem mortis, igitur & resurrectionis erimus. Hinc in Dauide clamat: Salus ego populi mei sum, de quacunque tribulatione clamauerint ad me, exaudiam eos, & ero illorum Dominus in seculum seculi. Hæc præsens lectio in Christo manifestare uoluit. Quid ergo restat? An satis est hæc in Christo credere? An non & nostra membra ad pietatis & iustitiæ exercitium infirma sunt? An non lecto voluptatum torpemus? Quicunque ergo Christum hominem Deumque confitemur, qui mederi cum uelle atque posse nostris languoribus confidimus, quod nostrum est faciamus, ipsum adeamus, si minus hoc ipsi possumus, Ecclesiæ suffragantis manibus offeramur; sed uolentes, sed respicientes. Siue enim corporiste vexat aduersitas, siue conscientie prauitas, siue propria infirmitas, siue denique an uelit Christus quod potest dubitatio angit, omnes hic quo consolemur, inueniemus. Quicquid enim

Psal. 148

Ioa. 1

Rom. 8

enim externi mali hūc pressit, totum Christus abstulit. Confide fili, remittuntur tibi peccata tua. Quicquid propria insufficientia angit, totum (si modò volumus) proximorum re-
 pendet fides. Hanc enim Christus respicit. Quicquid etiam de voluntate Christi suggerit dubitatio, totum eluitur, quod filium dixit paralyticum. Hanc beneficentiam ille per alios petiit, ut & nos peteremus. Consequutus est quod petiit, & longè maiora quàm petiit, ut & nos consequuturos esse omnia quæ ad nostram salutem & ad Dei laudem petimus, confidamus. Quod possit atque velit Christus, expertus est: qui à quatuor portabatur lecto, lectum tollit & firmis passibus vadit in domum suam. Vidit hæc omnia, quæ tunc aderat, turba, & magnificavit Deum, qui talem potestatem dedit hominibus. Nos maiori fide, uti perfectos decet, Christo Deo dignas grates persoluamus. Puras manus ad Deum eleuemus, & cum Paulo patrem misericordiarum Deumque totius consolationis benedicamus. Cui laus in ævum, Amen.

DOMINICA VIGESIMA PRIMA POST PENTECO. EVANG.

MATT. XXII.

ET respondens Iesus, dixit iterum in parabolis eis, dicens: Simile factum est regnum cælorum homini Regi, qui fecit nuptias filio suo. Et misit seruos suos vocare inuitatos ad nuptias, & nolabant venire, Iterum misit alios seruos, dicens: Dicite inuitatis: Ecce prandium meum paravi, tauri mei & altilia occisa sunt, & omnia parata, venite ad nuptias. Illi autem neglexerunt, & abierunt, alius in villam suam, alius verò ad negotiationem suam. Reliqui verò tenuerunt seruos eius, & contumeliis affectos occiderunt, Rex verò cum audisset, iratus est: & missis exercitibus suis, perdidit homicidas

cidas illes, & ciuitatem illorum succendit. Tunc ait seruis suis; Nuptiæ quidem paratæ sunt, sed qui inuitati erant, non fuerunt digni. Itē ergo ad exitus viarum, & quoscumque inueneritis, vocate ad nuptias. Et egressi serui eius in vias, congregauerunt omnes quos inuenerunt, malos & bonos; & impletæ sunt nuptiæ discumbentibus. Intrauit autem Rex vt videret discumbentes, & vidit ibi hominē non vestitum veste nuptiali. Et ait illi; Amice, quomodo huc intrasti, non habens vestē nuptialem? Tunc dixit Rex ministris; Ligatis manibus & pedibus eius, mittite eum in tenebras exteriores. Ibi erit fletus & stridor dentium. Multi autem sunt vocati, pauci verò electi,

E A D E M D O M I N I C A

E P I S T O L A

I P H E. V.

Videte itaque fratres quomodo cautē ambuletis: nō quasi insipientes, sed vt sapientes, redimētes tempus, quoniam dies mali sunt. Propterea nolite fieri imprudentes, sed intelligentes quæ sit voluntas Dei. Et nolite inebriari vino, in quo est luxuria, sed inebriamini Spiritu sancto, loquentes vobismetipsis in Psalmis, hymnis, & canticis spiritualibus cantantes & psallentes in cordibus vestris Domino gratias agentes semper pro omnibus, in nomine domini nostri Iesu Christi Deo & Patri: Subiecti inuicem in timore Christi,

S E R M O.



Vangelica hæc parabola nō nihil affinitatis habet cum ea, quam Lucas præscripsit. Vtrobique conuiuij splendor, & inuitantis liberalitas Dei, & inuitatorum totius mundi multitudo describitur. Sed illic cœna, hic verò nuptiale signifi

significatur prandium. Illic conuiuator non venientibus tantum irascitur, hic verò & discumbenti. Affinitas ergo vtriusque quædam est non vtrobiue idem conuiuium est. Vnius tamen matrimonij nuptiæ vtrobiue sunt. Sed quia illic nemo discumbentium eiicitur, hic verò non habens vestem nuptialem ligatis manibus & pedibus in tenebras exteriores mittitur, illic consummanda in cælis matrimonij spiritualis inuitur copula, hic verò huius vitæ inchoatæ significantur nuptiæ. Longa parabola est. Sed si magnitudinem rerum quas continet, considerabimus, brevis est. Quasi enim compendium quoddam Scripturæ est. Quicquid enim vsque magnum & ad salutem necessarium scriptura loquitur, hic grata breuitate proponitur. Loquitur autem scriptura de Deo, de reparatione humana per Christum, de fœdere & pacto Dei, quod cum patribus iniit, de beneficiis Iudææ genti exhibitis, de ingratitude illius populi, de perditione eorundem, de vocatione Gentium ad salutem, de diuersitate Christianorum, & denique Christi iudicio. De his omnibus scriptura passim loquitur, quæ si parabolam hanc contulerimus, singula comperiemus. Homo enim Rex, Deus est, filius Regis Christus est, nuptiæ sunt incarnatio Christi, qua sibi vniuit humanam massam. Prandium nuptiale, per Christum facta redemptio, tauri & altilia, varia Dei dona sunt. Inuitati sunt Iudæorum populus, cui primum promissiones factæ erant. Serui qui principiò misi sunt: Moyses, Aaron, Iosue, Phinees, Samuël. David, & alij fuerunt. Qui verò secundò: Elias, Helizeus, Isaias, Hieremias, Prophetæ. Quod autem eorum qui inuitati fuerant, quidam contempserunt prandium, Iudæorum ingratitude significatio est, Exercitus per quem perditii sunt, Romani. Qui verò tertio mittuntur serui. Apostoli sunt, Qui à plateis cōgregantur, Gentes & diuersarum nationū homines sunt. Quod impletus est numerus discumbentium, significatur multitudo baptizatorum. Quod boni ac mali coniuncti sunt, significat quia nō omnes Christi sunt, qui in hac vita in Ecclesia sunt, Ille qui sine nuptiali veste discumbit, aut eos qui fidem sine operibus habent, aut qui sine fide speciem bonorum operū ostentant. Intrasse regem ad videndum discumbentes, iudicium Christi futurum prædicat. Quod primum vidit hominē non habentem vestem nuptialem, si significat vbi Christus reuersus fuerit, nihil ocul-

2. Car. 4
Isaia 66

tum fore oculis illius, cum etiam manifesta erunt abscondita cordium. Quod verbis eundem compellit, hoc innuitur, quia vermis impiorum non moritur. Quod autem obmutuit, est, quia nulla excusatio coram iudice illo proderit. Serui tortores, mali sunt spiritus. Quod autem manus & pedes ligantur, significat, quia in iudicio nemo vel poenitentiam operari potest, vel damnationē effigere. Quod denique in tenebras exteriores mittitur, hoc docetur, quia lata super eum sententia, firma manebit, nec vnquam reuocabitur. Ecce tibi hæc vna parabola expressum quicquid sparsim sacra Scriptura tradit. Omnia autem eiusmodi, quæ magnum pondus meritō apud omnes habent. Quod si igitur totam scripturam perlegere nō vacat, hanc vnā addiscas parabolam, & erit quod toto vitæ tuæ tempore mediteris. Ideo autem Christus tantas res tanta breuitate cōplexus est, vt omnis ignorantia præcludatur excusatio.

Ioan. 1

Quare si nunc attendere libet huius parabolæ autorem, quis & quantus sit, quanta de ipso Ioannes Euangelij sui exordio narrat: quod ipse verbum Patris omnipotens, quod filius, Deus, gratia & veritate plenus, quod fallere nesciat, si ex præteritis futura collegerimus, si non inuitantis & vocantis amore, certè poenæ timore ad horum nuptiarum gaudia (vt decet) festinabimus. Nam hæc duo præcipua sunt, in quibus cardo rei versatur, gratia, inquam, & iustitia. Gratia est, quod sine merito vllō, Iudæos prædestinatione ad has nuptias inuitatos per Prophetas iterū atque iterum vocauit: gratia etiam, quod gentes in negligentium Iudæorum locum subrogauit. Iustitiæ verò, quod Iudæos homicidas perdidit. Iustitiæ etiam, quod veste nuptiali carentem & discumbentem ligatis manibus & pedibus in tenebras exteriores misit. Quæ duo quia à Christo coniuncta sunt, & vix alterum sine altero intelligi potest, nos quoque illius parabolæ verba diligētius, vt æquū est, imitantes, non separabimus. Et respōdens Iesus, inquit Euangelista, iterū in parabolis eis, dicens. Hoc Euangelistæ exordium, quibus sanè verbis hanc parabolam superiori connectit. Proposuerat enim Iesus curā patrisfamilias in vineā suā, declarauerat agricolarum impietatem, quod futurū præuidebat, enūciabat exitiū. Ideo, inquit, dico vobis, quia auferetur à vobis regnum Dei, & dabitur gēti facienti fructus eius. Hic autē superiora declarat, innuens quæ illa gens, cui regnum Dei sit datum, & cur à Iudæis

daxis sit ablatū. Quos promissionibus & donis ad regni fructus faciendos perducere non possit, extremæ perditionis denuntiatione conatur trahere. Quo certè pium se patrem erga Iudæos ostendit, qui nihil non facit, quò filios habeat obsequētes: docet, hortatur, obsecrat, largitur & promittit, minis urget atque increpat. Quibus si nihil efficit, excludet deinde, & patris nomen hæreditatēque abneget, qui paternus conatus extremus est. Et quanquam idem alibi non semel fecerit, non tamē dum licet ab incepto cessat, omninoque & verbo & exemplo ostendit, quæ Paulus postea Timotheum edocuit: Prædica verbum, instā, opportunē, importunē, arguē, obsecra, increpa in omni patientia & doctrina. Docet autem hoc ipso, non mox desperandum esse de peccātis salute. Tum pastores admonet ab officio non statim cessare, si quando spei suæ fructus non respondeant. Sed & immorigeros arguit, ut iustitiæ diuinæ severitatem timeant. Multa fecerat, multum laborauerat, priusquā ad eam iustitiæ sententiam procederet. Et quid terribilius quā in Dei domo locum & in celesti hæreditate partem non habere? Et certè, quemadmodum Christus prædixit, ita Iudæi magno suo malo experti sunt. Quibus autem verbis id egerit, consequenter Evangelista tradit: Simile factum est regnū cælorum homini Regi, qui fecit nuptias filio suo. Cum regnum cælorum variè in Evangelis accipiatur, superius dictū est, non hic illud intelligēdum, quòd facto iudicio extremo in cælis vigeat triumphans. sed quòd hic in mūdo dicitur militans. Hoc ipsum, inquam, regnum quod intra nos est hic describitur, ac simile dicitur homini Regi. Iam quid hominis appellatio in Deo velit, alibi dictum est: Hic mos scripturæ est, ubique ira & severitas Dei describitur, Leoni, Leopardo, Urso, aut alterius generis feris assimilatur, ut in Amos, Isaia, & Hieremia videre est. Contrā ubi bonitas & beneficentia Dei designatur, hominis appellatione Evangelistæ utuntur. Ipso ergo huius parabolæ exordio indicatur, quòd Dei Opti-Maxi hic prædicentur beneficia. Vnde sequitur hominem Regem hūc filio suo fecisse nuptias. Filius huius Regis Christus Iesus est, Verbum illud Patris altissimi, Deus ipse, cuius hæditas omnes gentes sunt, & possessio termini terræ. Huic humana natura copulata est, ita ut dux naturæ, Deus & homo, vnus in vna persona Christus effectus sint. Relinquet homo

2. Tim. 4

Amos 3

Isa. 51

Thren. 3

patrem & matrem, & adhærebit vxori suæ & erunt duo in carne vna. Sacramentum hoc magnum est. Ego autem dico in Christo & Ecclesia. His nuptiis veteris virginis matris factus est thalamus, hæc initium omnis boni sunt, quibus Christus omni beneuolentia nobis conlunctus est, frater noster factus, vnius naturæ & sanguinis. Sed & quemadmodum prius in suæ personæ vnionem, naturam nostrā assumpsit, ita postea vniuersam humanam massam, (quantum quidem in ipso erat) sibi indissolubili copula sociauit: omnia cum ipsa bona atque mala diuidens, mala nostra in semetipsum assumens, bona sua, ipsamque vitæ hæreditatem communicans. De qua copula Apostolus Corinthiis ita scripsit: Despondi vos vni viro virginem castam exhibere Christo. Et alibi: Christus dilexit Ecclesiam, & semetipsum tradidit pro ea, vt sanctificaret illam, mundans & lauacro aquæ in verbo vitæ, vt exhiberet ipse sibi gloriosam Ecclesiam, non habentem maculam aut rugam, aut aliquid huiusmodi, sed vt sit sancta & immaculata. Hanc Christus sponsam voluit, hanc sibi coniunxit, quæ sit sancta & immaculata: non querit genus, non diuitias sed castitatem, sanctitatem, hoc est, talem, in qua fides & charitas consideretur. Hæc enim duo ipse exhibuit, & summè exhibuit, exhibet etiam nunc vt in Osea, Et sponsabo te mihi in sempiternum, & sponsabo te mihi in iustitia & iudicio, & in misericordia & miserationibus. Et sponsabo te mihi in fide, & scies quia ego Dominus. Et in Isa. Nūquid obliuisci potest mulier infantē suū, vt nō misereatur filio vteri sui? Et si illa oblata fuerit, ego tamen non obliuiscar tui: Ecce in manibus meis descripsi te muri tui coram oculis meis semper. Et iterum: In misericordia sempiterna misertus sum tui, sicut in diebus Noe istud mihi est, cui iuraui ne inducerem diluuij aquas vltra supra terram, sic iuraui, vt non irascat tibi, & non increpem te. Hæc fidem & dilectionem promisit & præstitit Ecclesiæ sponsus. Neque verò nuda verba sunt sed firma veritatisq; plena. Ait enim: Cælum & terra transibunt, verba autem mea non transibunt. Et quæ maior charitas esse poterit, quàm vt animam suam quis ponat pro dilectâ suâ? Sed hanc quoque sponsus in eius precium impendit. Nec hoc solum, verum etiam quod hodie requiri potest, præstat, mundat, consolatur, nutrit, sua seque ipsum illi offert. Huic ergo affectui suo vult vt respondeat sponsa. Fidem & dilectionem præstitit Eccle-

sæ

2. Cor. 11
Eph. 9

Osea 2

Isa. 49

Isa 59

Genes. 9

Luce 21

Ioan. 13

fix, eadem ab illa non immerito exigit. Fidem, ne cui alteri commisceatur fornicatrix. Charitatem verò, ut ab illo solo pendeat. Vbiunque autem alterum horum deest, veræ nuptiæ, legitimum matrimonium non est. Si enim fides defuerit, adulterium dicitur: si charitas perpetuum sine remedio dissidium. Per fidem coniungimur Deo, per charitatem fruimur ipso. Quicunque ergo hæc duo non præstat, nec ipse verum sponsus Christi membrum est, nec sponsi vnquam fruetur amplexibus. Pars enim hominum fidem non habentes indigni his nuptiis iudicati sunt, pars contra fidem iactant frustra vacui charitate: Illi noluerunt venire, hi veniunt quidem, sed aut nudi, aut hypocrisis velati. Propter ea neutra pars ad speratam agni cœnam perveniet, foris enim tanes & venefici. Sunt enim ad has nuptias invitati & vocati Iudæi primum, deinde & gentes. Abrahæ, inquit Paulus, dictæ sunt promissiones & semini eius. Et, Quorum (de Israëlitis loquitur) adoptio est filiorum, & gloria, & testamentum, & legislatio, & obsequium, & promissæ: ex quibus est Christus secundum carnem. Hinc est quoddam ad oves quæ è domo Israël periissent, se tantum missum dicebat Christus. Hinc etiam Petrus Iudæos alloquens, ait: Vos estis filij prophetarum & testamenti, quod disposuit Deus ad patres nostros. Ad hos missi sunt servi, primum Moyses, Aaron, Iosue, Phinees, Samuel, David, & alij. Sed noluerunt venire. Misit secundò, ut Eliam, Helizæum, Isaïam, Hieremiam, eiusque generis prophetas plures. Sed & Ioannem Baptistam pœnitentiæ prædicatorem, & Apostolos misit cum ille in desertum ad se evocaret, hi verò accepta prædicandi potestate ad oves è domo Israël cæcæ perditas Euāgelizatū veniūt. Misit autem hos secundos, non ut priores, ut simpliciter vocarent invitatos, sed expressa verborum forma dicere: Ecce prandium meū paravi, tauri mei & altilia occisa sunt, & omnia parata, venite ad nuptias. Voluit enim descriptione ferculorū attrahere quos nuptiarū honestas nō duxerat. Voluit & iā indignitatē rei proponere, tot sumptus vestra causa feci ne cōmittite, frustra illa omnia paraverim. Qui autem eiusmodi sumptus sunt, Paulus ostendit, dicens: Qui cum in forma Dei esset nō rapinā arbitratus esse se æquale Deo, semetipsum exinaniuit, formā servi accipiens in similitudinem hominū factus & habitu inuentus ut homo, humiliavit semetipsum factus obediens vsq;

Apc. 22

Galath. 3

Roma. 9

Matth. 15

Luca 3

Matth. 10

Luca, 10

Philip. 4

ad mortem, mortem autem crucis. Hinc peccatorum remissio iustitia, pax, gaudium in Spiritu sancto, vita, salus, filiatio Dei sempiternaque beatitudo: parata sunt omnia opipara & super mel

Psal. 118 dulcia fercula, preciosae dapes. Non enim corruptibilibus au-

1. Petr. 1 ro vel argento redempti sumus de vana conuersatione paternae traditionis, sed precioso sanguine, quasi agni immaculati,

1. Cor. 6 Christi. Empti sumus precio magno. His dapibus Apostolus alibi etiam testatur conuiuium nobis paratum esse tantum hoc restare ut veniamus, veniamus autem non ad laborem, sed ad

Hebr. 4 nuptias. Adeamus, inquit, cum fiducia ad thronum gratiae eius ut misericordiam consequamur, et gratiam inueniamus in au-

xilio opportuno. Sed quid tandem? Nunquid venerunt? Audi quid dicat: Illi autem neglexerunt, & abierunt alius in vil-

lam suam, alius vero ad negotiationem suam. Reliqui vero tenuerunt seruos eius, & contumeliis affectos, occiderunt. O

miseram infelicissimorum hominum conditionem! ad vitam vocantur, eligunt mortem: ad requiem, & ecce diligunt la-

Sapient. 5 borem. Quid enim hominum studia sunt, nisi labor improbus, & sollicitudo assidua? Proinde in inferno tandem eiulantes co-

querebuntur: Lassati sumus in via iniquitatis, & perditionis, & ambulauimus vias difficiles. Non quia negotiari & opera-

ri aliquid simpliciter malum sit, sed quod per hanc salutem con-

tinere, extrema sit dementia. Et tamen eiusmodi cum sint de-

mentissimi, miserabiliores tamen & desperatiores ipsi sunt, qui

& contemnunt salutem, & homicidio poenae se implicant. Po-

enam meretur, qui laedit hominem, scelus est occidere: patri-

cidium vero amicum & eiusmodi qui prodesse vult, trucidare.

Voluit ergo & Apostolos futurorum praemouere, quod iisdem

malis afficiendi essent, quae antea Prophetarum alij fuissent passi, &

Matt. 5 Iudaeos praeteritae futuraeque arguere dementiae, ut alibi quoque eum

Matt. 23 ait: Ecce ego mitto ad vos prophetas & sapientes & Scribas, & ex illis occidetis & crucifigetis & ex eis flagellabitis in syna-

Matt. 22 gogis vestris & persequemini de ciuitate in ciuitatem. Sed ne

desiderentur animis Apostoli, quasi nihil sit curae Deo vindicare sanguinem suorum, ideo addit: Regem cum haec audisset

iratum missis exercitibus suis perdidisse homicidas illos, & ciuitatem illorum succedisse. Et bene, cum audiisset, iratum dixit: clamat enim vox sanguinis innocentis ad Deum de terra. Si-

Gen. 4 cut Ioannes etiam in Apocal. vidit animas propter verbum Dei interfectorum subtus altare clamantes, & à Deo sanguinis sui vind

Apoc. 6

vindicatā postulantes. Misit ergo exercitus suos, Romanos nimirum diuinæ iustitiæ executores, nec hos solum, verum etiam famem, pestilentiam. Non enim exercitum dicit, quasi vnum, sed exercitus plures. Et quāndū hī ab ea gente pœnam sumpserint, testatur Iosephus, & ex Christi verbis videre est. Nam quod hic vno verbo dixit: Perdidit homicidas illos, hoc alibi sensus fufius declarat: Venient in te, inquit ad Ierusalem; dies, circumdabunt te inimici tui vallo, & circumdabunt te, & coangustabunt te vndique, & ad terrā prosterrent te, & filios tuos, qui sunt in te. Et non relinquent &c. eo quod non cognoueris tempus visitationis tuæ. Et quis miretur hanc corporalem pœnam, cum grauius sit supplicium animæ, qua percussit eos, cæcitas? Neque hanc quæcumque grauem cæcitatem mirari licet multoque minus peruestigare velle, cur hoc modo pœnam de reprobis sumat Deus. Non enim cogitationes meæ cogitationes vestræ, dicit Dominus: neque viæ vestræ, viæ meæ. Qui in mundi regnis principatum tenent, diuersa quibus malos compescant tormenta habent, iisque vbi opus fuerit vtuntur, nec quisquam eorum facta reprehendit, scientes quod non magistratus, sed facinus diiudicat & damnat fontes. Cur ergo non liceret Deo quod promissum est hominibus. Grauis quidem cæcitas Iudeorum, sed si culpæ enormitatem cogitauerimus, iustam confitebimur. Imo ipsi super se hanc induxere, quod lucem mundi non receperunt. Id quod Ioannes testatur. Et Christus ipse: Venit, inquit, lux in mundum, & dilexerunt homines magis tenebras, quā lucem. Proinde præstat Dei iudicia iusta approbare: & cum Dauid dicere: iustus es Domine, & rectum iudicium tuum: & cum Daniele: Tibi domine iustitia. nobis autem confusio: & cum Salomone: Quis dicet tibi, Quid fecisti? aut quis stabit contra iudicium tuum? Si enim inimicos seruorum tuorum, & debitos morti, cum tanta cruciasti attentione, & liberaisti, dans tempus & locum per quæ possent mutari à malitia: cum quanta diligentia iudicasti filios tuos? Cum ergo das nobis disciplinā inimicos nostros multipliciter flagellas, vt bonitatem tuam cogitemus iudicantes, & cum de nobis iudicatur, speremus misericordiam tuam. Hæc scriptura de Dei iudiciis vbique prædicat, ex quibus faciliè videre est quem vindictæ atque iræ cumulemus aceruum, qui nulla vocatione mouemur, & bo-

Luc. 19
Iſa. 55

Ioan. 1
Ioan. 3

Pſal. 118
Dan. 9

Sapient. 12

nitatis diuinæ longanimitatem contemnimus. Longanimitatis erat secundò vocare. & non nisi homicidij reos punire. Iustitiæ verò sanguinem suorum vindicare. Vt autem videamus quia non delectetur Deus in perditione hominum ideo subditur: Tunc ait seruis suis, Nuptiæ quidem paratæ sunt, sed qui inuitati erant, non fuerunt digni. Nihil prætermisi, nuptias feci: parauit prædium, inuitatos vocaui iterum atque iterum, sed non fuerunt digni. Et verè indigni sumus tãtis nuptiis, non solum Iudæi verum etiam Gentes. Non ex operibus iustitiæ quæ fecimus nos inquit Apostolus, sed secundum magnam misericordiã nos saluos fecit. Sola misericordia Dei dignos efficit, cum fidē, sp̃s, charitatēque in nobis accendit, & per hæc fidentes, gratosque Deo facit. Quicumque honorificauerit me glorificabo eum: qui autem contemniunt me erunt ignobiles. Propterea Iudæis ingratis Paulus loquēs ait: Vobis oportebat primum loqui verbū Dei, sed quoniã repellitis illud & indignos vos iudicatis æternæ vitæ, ecce cōuertimur ad gentes. Persuasum Iudæi habebant, tantum ad ipsorū semē promissiones Dei pertinere. Vt in Ioanne se Abrahæ semen esse iactant. Quam tamen Baptista alibi refutat, dicens: Nolite dicere intra vos, Patrem habemus Abraham. Dico enim vobis, quoniam potēs est Deus de lapidibus istis suscitare filios Abrahæ. Ex gentibus enim saxi durioribus filios fecit Abrahæ, in quibus etiamnum promissiones suas adimplet. Ex parte ergo contigit cecitas in Israël: donec plenitudo gētiū introeat. Nihil minus quàm promissiones Dei etiam in gentibus implendas cogitassent Iudæi, veruntamen in ipsis implentur. Et ipsum nos doceret timere à iudiciis Dei. Quanquam enim immutabiles sunt promissiones Dei, nescimus tamen in qua gente implendæ sint. Videmus maximam partem eorum, qui primum verbum Dei susceperunt ex Gentibus, imò omnes ferè eos, ad quos Paulus scribit, à fide excidisse. Et licet huiusmodi partem in promissis Dei non habeant: ille tamen propter veritatem suam alios elegit, & quotidie ubi minimè cogitassemus, excitat, in quibus quod promissit, implet. Quod autem iis contigit nobis manere potest. Etenim verus est Deus etiam si plurima pars mundi deciderit, seque indignam iudicet his nuptiis. Videamus si fortè pulsus Germanis esse is, veritatem suam in aliis impleat. Pauli ergo semper cogitanda monitio est: Tu autē, inquit, fide stas. Noli altū sapere, sed time. Si enim Deus

natur

naturalibus ramis non pepercit, ne forte nec tibi parcat. Vide ergo bonitatem & severitatem Dei. In eos quidem qui ceciderunt severitatem, in te autem bonitatem Dei, si permanferis in bonitate. Quæ autem illa in nos. Dei bonitas? Audi quid sequatur. Ite, inquit, ad exitus viarum, & quoscunque inueneritis, vocate ad nuptias. Hæc nostra qui ex gentibus credidimus, vocatio est, cuius apertum Apostolis mandatum dedit, cum ait, Euntes in mundum vniuersum prædicate Euangelium omni creaturæ. Et, Euntes, docete omnes Gentes. Vbiunque ergo Euangelium prædicatur, homines ad nuptias vocantur. Id quod eos erroris arguit, qui Euangelij prædicationem, omnemque vocalem vocationem tanquam non necessariam spernunt. Quid, inquit, opus est Euangelio scripto aut prædicatione? Est scriptum in Prophetis, Et erunt omnes docibiles Dei. Deus iussa sua homines edoceat. Sed & David beatos à Deo eruditos, & doctos pronuntiat. *Psal. 93* Non legisperitos, sed Theodidactos esse oportet. Deum audire præceptum est. Si enim olim sine scriptura ac prædicationibus loquutus est patribus, cur non idem nunc poterit? Huiusmodi dictis Euangelij munus spernunt, quod immediate à Deo doceri volunt. Hinc nouas inspirationes somniant, iactantque spiritum, cuius alloquio arcano doceantur, seque aliosque seducunt. Sed Satanæ hæc præstigia euitanda sunt. Quis enim ignorat etiam sine panè aut aliquo externo cibo nos posse cibare. id quod in Mose & Elia ostendit? Nemora- men ideo panem contemnit. Largitur spiritum, sed per Euangelij sui prædicationem. Id quod apertè Paulus docet, cum ait fidem ex auditu esse. Fides verò donum est Spiritus sancti. Sic alibi, Quos prædestinauit, hos & vocauit, & quos vocauit, hos & iustificauit. Et alibi, Hoc solum à vobis volo discere, Ex operibus legis spiritum acceperitis, an ex auditu fidei? Et alibi iterum, Cum audissetis verbum veritatis, Euangelium salutis vestræ, in quo & credentes signati estis spiritu promissionis sancto. Et Petro prædicante Iudæis, cecidit Spiritus sanctus super omnes, qui audiebant eum. Quemadmodum ergo si quis esuriens, panem haberet, nec velit vti, Deum tentaret: ita qui Euangelij sermonem, & scripturas habens iis nolit vti, sed exitus eruditionem expectet. Christus misit seruos suos ad nos, & hoc medio ad nuptias vocauit. Hoc medio etiam nunc vtitur. Sed quod ad exitus viarum misit, quid est, nisi

*Rom. 10**Gala. 3**Rom. 8**Gala. 3**Ephes. 1*

nisi quod cuiuscunque linguæ, nationis, vitæ quæ homines ad
Cant. 1 nuptiarum filij sui epulas conuocat? Conuocauit per Aposto-
 los, & venimus, in odore vnguentorum tuorum cucurrimus,
 & vt nos post se trahat cum sponsa clamauiamus, pretium fer-
 eulorum cum Dauid prædicauimus, Parasti nobis mensam
Psal. 21 aduersus omnes qui tribulant nos. Egressi ergo in vias con-
Mat. 22 gregauerunt omnes quos inuenerunt, malos & bonos, & im-
 pletæ sunt nuptiæ discumbentium. Non enim omnes sancti,
 qui contutur sanctis. Sancta est Ecclesia catholica, sed habet
 & sustinet malos. Id quod eos arguit qui Ecclesiam confin-
 gunt, quæ sine malis permixta sit. Vnde vniuersalem congre-
 gationem relinquentes, noua conuenticula instituunt. Et vt
 in vniuersali, ita etiam quoridie in suis conuenticulis malos
 subrepere & intrare vident. Non sine ratione Christus mili-
 tantem ecclesiam sagenæ missæ in mari, agro, atque horreo
 comparauit. Nam sagena & malos & bonos pisces contractos
 in lucem profert, & ager tam zizaniæ habet, quàm triti-
 cum. Tum verò non semper solum triticum, sed & paleæ in
 horreum congregantur. Veniet autem rex Christus videre
 discumbentes, veniet iudicare, & tunc ventilabrum in manu
 eius videbitur, separabitque bonos à malis, oves ab hœdis.
Mat. 25 Tunc manifesta erunt abscondita cordium. Tunc dicet, Ami-
 ce quomodo huc intraisti non habens vestem nuptialem? Ar-
 guam te, & peccata tua statuem contra faciem tuam. Tacui,
1. Cor. 4 semper filii, patiens fui, sicut parturiens loquar, Dissipabo &
Mat. 21 absorbebo simul, desertos faciam montes & colles & omne
Psal. 49 gramen eorum exsicabo. Tantam verò indignationem nu-
Isa. 42 ptialis vestis carencia meretur. Et quæ illa? nempe de qua Pau-
Rom. 13 lus loquitur, Induite Dominum Iesum Christum. Et, Induite
Ephes. 4 nouum hominem, qui secundum Deum creatus est, in iusti-
 tia & sanctitate veritatis. Fit autem hoc duplici modo. Primò
 internè, cum peccata, delicta, atque inobedientiam nostram
 illius iustitia, meritis, & obedientia contegimus. Deinde
Ioan. 13 etiam cum externè exemplum dilectionis imitamur, vt cum
 ait, Mandatum nouum do vobis, vt diligatis inuicem sicut di-
 lecti vos. In hoc cognoscent quia discipuli mei estis, si vos di-
 lexeritis inuicem. Et Paulus, Induite viscera misericordiæ,
 benignitatem, humilitatem, modestiam, patientiam, suppor-
 tantes inuicem. Hæc illa vestis nuptialis, quam qui non habet,
 audiet, Amice quomodo huc intraisti non habens vestem
 nuptia

nuptialem? Sed nec hoc audiet solum. verumetiam ligatis manibus & pedibus in exteriores eiicietur tenebras. Seuera profectò Regis hæc sententia, Ligatis (inquit) manibus, ne deinceps salutem suam possit operari, & pedibus, ne qua via pœnam effugiat. Et quid illo miserius, qui nec salutem quærere, nec demeritam pœnam potest effugere? Mitte eum ex societate fidelium, mitte in tenebras exteriores, vbi nec Deus nec Christus videri potest, illic erit fletus, quia hic flere noluit, & stridor gentium, qui hic Deum confiteri contempsit. Videte ergo salutem nostram, considerate periculum, Vocati sunt Iudæi, sed neglexerunt, propterea indigni iudicati sunt. Vocamur & nos, sed nisi quemadmodum istæ nuptiæ postulant, venerimus, periculum non effugiemus. Quia enim non vnus, sed multi eiicientur, Christus concludens ait, Multi sunt vocati, pauci verò electi. Certam ergo faciamus vocationem nostram per bona opera, vt cum multi ex iis qui vocati sunt eiicientur, accubentes lætitia nuptiali fruamur æterna. Amen.

DOMINICA VI- GESIMA SECUNDA POST PENTECOST.

EVANG. IOAN. III.

ETerat quidam Regulus, cuius filius infirmabatur Capharnaum. Hic cum audisset, quia Iesus adueniret à Iudæa in Galilæam, abiit ad eum & rogabat eum vt descenderet & sanaret filium eius. Incipiebat enim mori. Dixit ergo Iesus ad eum, Nisi signa & prodigia videritis, nō creditis. Dixit ad eum Regulus, Domine descende priusquam moriatur filius meus. Dixit ei Iesus, Vade filius tuus viuit. Credidit homo sermoni quem dixit ei Iesus, & ibat. Iam autem eo descendente, serui occurrerunt ei, & nuntiauerunt, dicentes, quia filius eius viueret. Interrogat ergo horam ab eis, in qua melius habuerat. Et dixerunt ei, quia heri hora septima reliquit eum febris

febris. Cognouit ergo pater quia in illa hora erat, in qua dixit ei Iesus, Filius tuus uiuit, & credidit ipse, & domus eius tota. Hoc iterum secundum signum fecit Iesus, cum venisset à Iudæa in Galilæam.

E A D E M D O M I N I C A

EPISTOLA EPHES. VI.

DE catero fratres, confortamini in Domino, & in potentia virtutis eius. Induite vos armaturam Dei, ut possitis stare aduersus insidias diaboli, quoniam non est nobis colluctatio aduersus carnem & sanguinem, sed aduersus principes & potestates, aduersus mundi rectores tenebrarum harum, contra spiritalia nequitiæ, in caelestibus. Propterea accipite armaturam Dei, ut possitis resistere in die malo, & in omnibus perfecti stare. Estote ergo succincti lumbos vestros in veritate, & induiti loriceam iustitiæ, & calciati pedes in preparationem Euangelij pacis, in omnibus sumentes scutum fidei, in quo possitis omnia tela nequissimi ignea extinguere, & galeam salutis assumite, & gladium Spiritus, quod est verbum Dei.

S E R M O.



Vangelium hoc dictorum factorumque Christi & Reguli cuiusdam narratio est, quam si obiter percurrere vouerimus, nihil ad nos pertinere iudicabimus, sed si quis diligentius inspexerit, plurimum ad omnes omnium ordinum homines pertinere intelliget. habent enim hoc peculiare nostræ historiæ, non solum, ut. quæ aliorum sint gesta, recenseant, verum eandem Christi beneficentiam posteris omnibus promittant. De verbis enim suis Christus ait, Quod vobis dico, omnibus dico, vigilate. Et, Quod vobis dico in tenebris, dicite in lumine, & quod in aure auditis, prædicate super tecta. De factis verò suis idem loquitur, Qui credit in me, opera

Mat. 13
Mat. 10

opera quæ facio, & ipse faciet, & maiora horum faciet. Et iterum, Si potes credere, omnia possibilia sunt credenti. Nemo qui in fidei domo inuenitur, à dictis factisque seminatoris nostri secluditur, nemo qui non multa sibi conuenientia in sacris Euangelii inueniat. Vade & afficimur & delectamur iisdem vehementius, scientes nimirum quòd nobis conscripta sint. Aliæ literæ quantumuis sæpe magna referant, nos minus recreant, ut quæ propriè nobis scripta non sunt. Iis ergo amplius occupari eaque diligentius cogitare æquum est, quæ maiori bono esse possunt. Principiò igitur hic docemur, quibus mediis Deus nos ad se attrahat. Verbo Euangelij sui atque aduersis, illo quidem adducere vult (quantum quidem in ipso est) propterea etiam vbique prædicari iussit. Hoc verò agit atque compellit. Illud quidem Apostolis satis erat, sequebantur enim sponte, cognoscentes vim verborum Christi, quòd verba vitæ æternæ essent. Alij verò aduersis adacti venerunt, id quod in hoc regulo videre est. Licet enim multa Iesus in Galilæa fecerit miracula, nusquam tamen huius sit mentio, quòd Christum accesserit, nec venisset nisi filij coactus febri. Neque tamen hoc ipsum sua laude caret, quod coactus licet, venit tamen. Sic David de Israël scripsit, cum occideret eos Deus (inquit) quærebant eum, & reuertebantur, & diluculo veniebant ad eum. Et alibi de eodem populo Deus, In tribulatione sua mane confurgent ad me, Venite & reuertamur ad Dominum, quia ipse rapuit, & sanabit nos, percutiet & curabit nos. Nempe vexatio dat intellectum. Exemplo sunt præter alios innumeros, quorum sacræ literæ meminerunt, Nabuchodonosor, qui tandem didicit esse vnum Deum rerum regumque potentem. Et filius ille prodigus inedia compulsus ad patrem recurrens. Nos quotidie verbo duci possemus, sed nec illo duci, nec tot aduersis trahi volumus. Propterea etiam irascitur Dominus. Si enim Regulum hunc tam insuauis voce excepit, cum eum non crediturum fuisse nisi signis visis obijcit, quibus quæso verbis adorietur eos, qui nec malis attracti veniunt? Percussisti eos. & non doluerunt, attriuisisti eos & renuerunt accipere consolationem. Et, Percussisti vos in vento vrenti, & in ærugine multitudinem horum nostrorum, & vinearum nostrarum oliuetam, nostram, & ficeta nostra comedit eruca, & non rediistis ad me, dicit Dominus. Misi in vos pestem in via Aegypti, percussisti in gla

Ioan. 14

Marc 9

Psal. 77

Osee 6

Isa. 28

Dan. 4

Luc. 15

Hier. 33

Amos 4

in gla

in gladio iuuenes vestros vsque ad captiuitatem equorum vestrorum, & ascendere feci sortorem castrorum vestrorum in nares vestras, & non rediistis ad me. Dicit Dominus Subuertit vos sicut subuertit Dominus Sodomam & Gomorram, & facti estis quasi torris raptus ab incendio, & non rediistis ad me, dicit Dominus. Secundò, modus describitur potiundi desiderij nostri coram Deo. Quanquàm enim claro sanguine ortus fuisset Regulus, tamen nec genus, nec diuitias, nec potentiam suam cogitat, sed humilis & mœstus precibus opem medici implorat. Et hic commodissimus cum Deo agendi modus, cum humilitate Inopiam enarrare, nec sine fide auxilium petere. Deus quum superbis resistit, humilibus dat gratiam, nec verebitur magnitudinem cuiusquam, quia pusillum & magnum ipse fecit, & cor humiliatum nunquam despiciet. Sed non omnes hunc modum apprehendunt, quibus Iacobus loquitur, Petitis, & non accipitis, eò quòd malè petatis. Sed instanter orat, Expecta Dominum, viriliter age, & confortetur cor tuum, & sustine Dominum. Postremò, quis finis miraculorum Christi sit, significatum est, cum Euangelista ait, Credidit ipse (Regulus) & domus eius tota. Filius Reguli correptus fuerat feбри, non sine Dei dispositione, vt ex salute eius fides in parente sumeret initium & cresceret. Nisi enim in febrim incidisset ille, hic salutem à Christo non petiisset, non audiuiisset verbum, non credidisset. Vt ergo credentes faceret Christus, immisit languorem, non vt perderet. Sed hæc omnia aliisque id genus plura ipsius Euangelij aperiet declaratio. Sic Euangelista orditur narrare, Et erat quidam Regulus, cuius filius infirmabatur Capharnaum. Regulus dicitur, aut quasi generis existens regalis, aut dignitatem aliquam principatus habens. Huic erat filius languens, vt bene scriptura dixerit, diuitias non prodesse in die vltionis, nec regem saluari per multam virtutem. Omnes subiecti vanitati & vicissitudini, nec quicquam ab Adam de terra propagatum, quod non ad principium suum flectetur. Et cur hominum illa imprudentia, tot curis atque vigiliis salutem in honore aut seculi huius diuitiis quærere? Non profint diuitiæ, neque saluat virtus quantumlibet potentes. Ergo hic Regulus à Christo salutem expetit. Cur autem non quoque ista cogitamus? Hic rogabat Iesum
vt dese

1. Pet. 5
Sapi. 5

Psal. 50

Iaco. 1

Ioan. 4.

Prov. 11

vt descenderet, & sanaret filium eius: incipiebat enim mori. Multa in eo pietatis exempla sunt, sunt & imbecillitatis nonnulla. Trahitur aduersa filij valetudine, auxilium non à Beelzebub vt Ochofias, nec à Pythone, vt Saul, sed à Christo petit. Petit autem pro filio pater, venit ipse vt videremus non solum sacra Scriptura, verumetiam natura parentes doceri, quantum filiis debeant, nempe eorum cura affici, & vt festinent in Christi eos tutelam committere, priusquam moriantur spirituali morte. Prouerbiū est: Adolescens iuxta viam suam, etiam cū senuerit non recedet ab ea. Quamquam quod festinet Regulus, fidei in causa est imbecillitas, quemadmodum & illud quod vt descendat & pro corporis tantum salute orat. Si enim perfectus fuisset fide, vtique credidisset, quia non de propinquo solum Deus est, verumetiam de longinquo, David testante, qui ait: Prope est Dominus omnibus se in veritate inuocantibus. Maior illa Centurionis fides, qui parato Christo domum suam conscendere, indignum se reputat qui tantum medicum sub tectum suum susciperet, verum ad pueri salutem verbum sufficere. Nobis verò firmior sermo datus est, quod ipse de longinquo sit Deus, non tamen derelinquat nos orphanos, sit vsque ad seculi consummationem nobiscum: Matthæi 28. Præstat igitur auxilium Christi implorantes Centurionem quā Regulum sequi fidei norma. Rarior tamen illa semper fuit. Vnde & ipse Christus admiratus ait se tantam fidem in vniuerso Israël non inuenisse. Et verè dixit, quandoquidem ipsi etiam Apostoli suæ fidei imbecillitatem alicubi prodiderunt, qua ratione Christo non ita quamlibet modica fides displicet. Habet enim illa, vt humana corpora, suos gradus & progressus. Id quod in Apostolis videre est qui Christo pro augmento fidei supplicant. Imbecillior Reguli fides erat, qua primum accessit: sed vide qua ratione Christus eam augeat. Quid cupiat Regulus, audit, nec tamen petita recusat omnino, aut mox præstat. Illud nec desperet supplex, hoc vt ardentius & maiori cum fide petat. Sic etiam Cananæam pro filie suæ salute supplicantem non citò exaudit, sed tardat, vt fides in ea crescat. Et hinc est quod regulo ait: Nisi signa & prodigia videritis, nō creditis. Primò enim hoc dicit, vt perfectior fides impetret, quod non merebatur imbecillior, deinde etiam quo doceretur non semper

4. Reg. 1

1. Reg. 28

Prou. 28

Hier. 25

Psal. 144

Matt. 8

Luca 7

B B

prodig

- prodigiis fidem augendam esse, sed verbo. Sufficiunt enim
 2. Cor. 5 prioris temporis prodigia ad credendum. Per fidem enim hic,
 & per speciem ambulamus. Et beati sunt, qui non viderunt,
 Ioan. 10 & tamen crediderunt. Nam & contra naturam fides est, non
 nisi prodigiis aut signis credere, quod fides sit substantia rerum
 Hebr. 11 sperandarum, & argumentum non apparentium. Non enim
 meritum habet fides, ubi humana ratio prebet experimentum.
 Sed & contumelia Christum afficimus, quicumque sine signis
 Rom. 3 non credimus: quasi enim fallere possit aut velit. Verbis ipsius
 Psal. 115 diffidimus, cum solus verax sit, omnis vero homo mendax.
 Exod. 7 Denique periculosum est plus aliquid signis tribuere quam
 Deute. 3 verbo. Illa enim fallere possunt, hoc non potest. Nam & ma-
 gi in Aegypto Moſen prodigiis æmulabantur, verbi autem
 veritate non imitabantur. Propterea admonet ille, ne creda-
 mus, neque audiamus verba prædicentis signum aut porten-
 tum, licet eueniat quod dixit, quia tentat Deus, imò occida-
 tur Propheta talis, quia populum voluerit auertere. Postre-
 mò, ex miraculis solis concepta fides inconstans est. Id quod
 in Israël videre est, qui dum signa videbant crediderunt, sub-
 tractis signis deficiebant fide. Merito ergo Christus ait: Nisi
 Ioan. 4 signa & prodigia videritis, non creditis. Hoc autem conside-
 randum est, quod non solum Regulum his verbis alloquitur,
 verum etiam omnes Iudæos. Nam & hi signa quærebant. Qua
 quidem in re patribus suis quam dissimilimi erant. quod enim
 signum, quod prodigium fidelis Abraham vidit, ut cente-
 nario sibi contra naturam filium gigni posse, & se in pro-
 missam terram iturum esse crederet. Nullum, opinor. Sequi-
 tur tamen Deum, & naturæ impossibilia sibi promittenti cre-
 dit, obedit iubeñti. Iudæi multis visis signis, nec monentem
 Gen. 11. 15 sequuntur, nec promittenti credunt, nec denique iubenti obo-
 diunt. Imò arguentem licet Christum hic Regulus audiat,
 Gen. 17 non tamen credit. Nisi quum Christus diceret seipsum aliòsque
 non nisi visis signis credere, sine prodigiis solo verbo fidendum
 esse utrique intellexit. Sed nunquid confidit? Domine, inquit,
 Ioan. 4 descende priusquam moriatur filius meus. Non hæc creden-
 tis sed diffidentis animi verba sunt. Fides enim verbo Christi
 salutem tribuit, hic admittit cum coram præsentem cupit. Fi-
 des credit, quod etiam mortuū possit excitare Christus, hic prius-
 quàm moriatur, ut veniat precatur. Qui credit non festinat, hic
 Isa. 28 tardantē urget. Si mortuam fecerit, inquit Propheta, expecta il-
 lum

lum, quia veniens veniet, & non tardabit. Merito ergo & ipsum & alios incredulos diffidentie arguit, non tamen illorum id causa vel factum vel scriptum est tantum, verum etiam nos per hæc docemur, quàm Deo fides placeat, quàm contra incredulitas displiceat in suis. nam quòd illos solum arguat, inde manifestum est, quòd accedentem ad Deum, oportet credere: & impossibile est sine fide placere Deo, & ut humana mēs intelligat, quantam ille ex parvis initiis fidem faciat: filio sanitatem pro sua gratia præstat, quam par est tardabat imbecilla fides. Vade, inquit, filius tuus viuit. Hæc ipsius bonitas illa quæ infirmis & imperfectis indulget, eòsq; iuuat, ut fiant perfecti. Nouit figmentum nostrum, eòque ut pater filiorum suorum, nobis miseretur. Nō enim in æternum irascetur, sed ad vesperum demorabitur fletus, & ad matutinum læticia. Quoniam ira in indignatione eius, & vita in voluntate eius. Visitat quidē in virga iniquitates nostras, & in verbis peccata nostra. Misericordiam autem suam non disperget à nobis, neq; nocebit in veritate sua. Nam quem prius perterritus, mox consolatur. Obiurgat, ut incredulitatem pellat: sanat, ut fidelem faciat. Vade, inquit, filius tuus viuit. Sic prius Centurionis puerum absens, sic Syrophenissæ sanauerat filiam, ut sciamus quia ipse cælum & terrā adimplet, & quia nec herba neq; malagma sanat, sed eius qui vitæ mortisq; imperium habet, sermo Domini. Quemadmodū & Angelus alicubi testatur, nō in exercitu aut robore, sed in Spiritu Domini exercituum potentiā esse. Et sicut Helisæus Naaman per seruum nunciāns ut lauaret in Iordane, & mundaretur à lepra, hoc voluit, ut Gentilis potentiam verbi diuini agnosceret. Et hoc ipsum Dauid volebat, cū ait: Misit verbum suum, & sanauit eos, & eripuit eos de omnibus interitionibus eorum. Quāquā & ideo fortē nō venit ipse, ut ostēderet quā diuersa sint Dei iudicia à nostris. Nos quod altū & sublime est secundum mūdum, suspicimus, reueremur: huic honorē & obsequia deferimus: contrā, quod vile & abiectum, humile, & ignobile est, despiciamus. Christus verò quòd despectum & ignobile est in mūdo agnoscit. Minor erat Cæturionis puer huius Reguli filio. Sed ad illum ipsum iterum se offerebat, hunc accedere tardat. Maior Regulus mūdo, imbecillior fide minorq; Deo, Deū præsentem habere non potuit, dum fide paratur via qua nos ad eum, ipseque ad nos conuertitur. Vnde & ipse cre-

Ioan. 4

Psal. 101

Psal. 129

Matt. 8.

Isa. 66

Sapient. 66

Matt. 8

didit sermoni quem dixerat illi Iesus, & abiit. Quod crediderit, hoc ostendit, quia abiit. Neque enim abiisset, nisi credidisset. Quia autem credidit, ideo abiit. Minus credidit Regulus, at homo factus amplius credidit. Non credidit Regulus quod debuit, qui quomodo & quando Christus sanare posset nesciuit. Tunc autem hominis appellatione iudicatur dignus, cum quod absens verbo, & semper sanare posset Christus persuasum habuit. Quanquam & cum admiratione Euangelista hæc dixisse intelligi potest, quod subitam illam mutationem (vt dignum erat, si hominem respicias) admiratus sit. Credidit homo sermoni quem dixit ei Iesus. Non quod Christum verum Dei filium crederet, sed quod illi tantum sermoni, quem à Iesu tanquam Propheta aliquo magno & homine audierat, fidem habebat. Et hac ratione nostram incredulitatem arguit Regulus, qui (vt nunc sint hominum errores) nulli nec prophetarum veteris Testamenti, nec noui Euangelistis credimus. Vt vt audiri se in eis Deus iubeat, eorumque sermones tanquam ab ipso profectos suscipi velit, Qui vos audit, me audit: & qui vos spernit, me spernit. Certè prophetæ fidem merentur, merentur & Euangelistæ, multo magis ipse Deus. Et Abraham vocantem Deum, in terram quam nesciebat secutus est: nec cum promissionem deinde multiplicando benedicendoque semine suo audiret dubitauit. Moses quoque promissioni Dei secum loquentis credēs, incertus quomodo possit educi populus à tyrannide Pharaonis, in Aegyptum reuertitur. Sic alij omnes qui Deo testimonio fidei comprobati sunt, firmo assensu verbo adhaeserunt. Et rectè, vt enim nullum meritum habet fides, cui humana ratio præbet experimentum, ita contra rationem nostram Deo loquenti credendum. Nobis idem Deus qui olim multifariè multisque modis loquutus erat patribus in Prophetis, nouissimo hoc tempore loquitur in filio. Quod si Iudæi quia non audierint in Prophetis loquentem, reprehensibiles sunt, quam excusationem adducemus, quibus in proprio suo loquitur filio? Et quidem Regulus hic noster, fortè fama tanta, quam de Christo audierat, huc adductus, vt Iesum pro filij salute precaretur, cui & semel tantum iubenti, vt iret domum, obediit, nobis non semel, sed per omne vitæ tempus verbo atque exemplo loquitur Christus, & non audimus. Et quid restat,

nisi

Luca 12

Gen. 12

Mat. 1

nisi ut eandem quam immorigeri experti sunt poenam Iudæi nos quoque expectemus. Illi quia obduratis cordibus unum monentem Deum non audierunt, exacerbaverunt, in requiem Dei non introierunt. An forte fratres frustra monet Apostolus, *Hebr. 4* ut festinemus in illam requiem ingredi, ne in idem incredulitatis exemplum incidamus? Certe quæ nos mala expectent futuri temporis, præsentibus docent miseriam, ut nulla in filio visa fuit sanitas nisi patre verbo Christi credente, ita nihil in nostris rebus emendatur quamdiu in incredulitate detinemur. Quanta ubique & omnium foret exultatio si verbis Christi haberemus fidem? Vni sermone credidit homo Regulus, & quam ingens non sanati modo filij aut patris, verum etiam omnium domesticorum gaudium? Iam autem eo descendente, inquit Ioannes, servi occurrerunt ei & nuntiaverunt, dicentes, quia filius eius viueret. Christus absens dixerat ei, quia filius eius viueret, veniunt servi, qui filio subito renascenti adfuerant, & idem quod Christus nuntiant. Verbum igitur Christi, sanitas filij secuta est. Ipse dixit, & factum est quod dixit. Nullum ergo aliud nomen datum est sub celo, in quo oporteat nos saluos fieri, quam in Christo Iesu. Sic Nathanaël quum ex Christo intelligeret quid absens sub sicco fecisset, confessus ait, Rabbi tu es filius Dei, tu es Rex Israël. Sic Ni- *Ioan. 1* codemus alibi Iesu Christi edoctus miraculis ait: Scimus quia à Deo venisti Magister, & nemo potest hæc signa facere, quæ tu facis, nisi Deus fuerit cum eo. Huiusmodi ergo Christi facta, si conferantur dictis, quibus passim deitatem suam aperit, confirmat. Ut quum ait se lucem mundi, resurrectionem præterea & vitam, esse sibi datam potestatem à Patre, ut quomodo Pater suscitavit mortuos & viuificat, ita & filius ipse viuificet. Recte ergo Dauid, Diligam te, inquit, *Psal. 17* Domine fortitudo mea, Dominus rupes mea & refugium meum, liberator meus. Et: Hi in curribus, & hi in equis, *Psal. 9* nos autem in nomine Domini nostri adiuocabimus. Ipso enim corpus animamque saluante, nulla, quod aliqui perierunt, relinquitur causa, quam quod medicum hunc sperant, & plane sic uti Iudæis exprobat ait: Non vultis venire ut habeatis vitam. Commodè ergo Christus suos admonuit primum querere regnum Dei & iusticiam eius, eò quod omnia essent apponenda. Recte etiam Dauid ait: Reuela viam tuam Domino, & spera in eum, & ipse fa-

ciet. Rectè & Iosapha (2. Paralipom. vigesimo capitulo) dicens : Credite in Domino Deo vestro , & securi eritis : credite Prophetis eius , & cuncta euenient prospera. Ecce credidit homo ille sermoni quem dixit ei Iesus : & redeuntl Domino serui lati lata voce prospera nunciant , Filius tuus viuit. Quid iucundius pater de filio , cuius vices adeò dolebat , audire posset ? Verè hæc illi vox erat Evangelica : Filius tuus viuit. Sed quid porro ? Quis rei ordo ? Credidit ille sermoni Christi. Non hoc satis erat filium sanatum corpore , patrem fide purificatum esse. Agnouit se patrem non solum filij , sed & familiar. Hinc sui officij memòr , non sibi satis erat de filij recuperatione exultare , totam porro familiam sub exemplo ad fidem trahit. Hinc est quòd horam , in qua melius habere cœpisset à seruis suis exquirat , non solum vt cognosceret si verbis Christi conueniret tempus , sed vt seruos virtutem verbi Dei doceret. Ita enim secum concluderat , si hora verbis conueniret , & eodem momento filius sanatus fuisset in quo Christus dixerat viuere eum , iam nihil de diuina huius prophete potentia addubitare , at obfirmato animo credere hunc ipsum verum viti Dei esse filium. Etenim verbis facta tempusque conueniunt. Septima hora Iesus dixerat , quia filius eius videret , & septima hora filium reliquit seipsum. Olim diei tempus in duodecim diuidebatur horas : septima ergo hora prima numerabatur à meridie , quo tempore Sol inclinari solet versus occasum. Quemadmodum autem à mundo cum sole splendor recedit , ita & vires humani corporis occidente solè deficiunt. Id quod aduersa valetudine laborantes manifestè experiuntur. Hinc ergo colligitur , quia filius illo tempore febris liberatus est , quosolent alij torqueri vehementius , præter naturam venisse sanitatem , atque ideo verbum Christi ipsam quoque naturam superare. Hoc ergo facto summum gradum fides scandit , cum omni semota hesitatione non solum ipse credidit pater , verumetiam tota ipsius domus. Nam hoc tertio hominis illius fidei fit mentio. Primum enim , quum Christum adiret , ipse credidit. Quamquam imbecillis illa fides & admodum imperfecta erat. Secundò , verbo Christi credit sed vnico : Vade , filius tuus viuit. Iam verò tertio

Ioan. 4

ubi virtutem expertus erat verbi, perfectè omnibus verbis credit. Et quod credit ostendit, cum familiam suam ad fidem inducit. Ea enim natura est fidei, quàm multos sui efficere similes, omnes ad fidem, ad agnitionem Dei, ad vitam pertrahere æternam: maxime verò (ut æquum est) domesticos, atque nostræ fidei commissos, in huius salutis portum dirigere. Nec fiet id melius quàm superioris exemplo. Nam Regis ad exemplum totus componitur orbis. Ad patris familias mores, vniuersa corrigitur familia. Vnde enim inter nos tanta fidei imbecillitas, tantæque morum perversitas? A parentibus, à patribus familias. Si enim aliunde est, quod dedecet, cur quod vident, ac norūt sustinent? Cur non arguunt & pia correctione detergunt? Sed timent ne vel quid lucelli ipsis ergo decidat, aut ab alijs audiāt: Medicæ cura te ipsum. Tolle trabem quæ in oculo tuo est primum: deinde veniens educ festucam de oculo fratris tui. Ideoque iudiciū durissimum, quod Salomō iis, qui præsumunt denūciat, certo expectabunt. Regulus ille noster eam vel maximam laudem meretur, quod fidelis ipse fidelem & credentem fecit familiam. Vide tamen quod Euangelista hanc solam domum credidisse narrat, non aliquā aliam. Sic superius miraculum illud, quo aquam in vinum conuerterat, discipulorum tantum secuta est fides, nemo præterea qui tamen omnes, ut discipuli aquam vinum factum per ipsum nouerant discumbentium. Quo hoc docetur, licet plurima homines videant & audiant, tamen maior pars semper in peccato & in incredulitate perseverat, vni tamen familie fides attribuitur, ex vnius renascentia filij, ut quemadmodum initio sermonis dictum est, intelligamus, tribulationes & aduersitates sæpe spiritualibus bonis commodare. Quemadmodum Paulus Apostolus gloriatur in tribulationibus suis, sciens quod tribulatio patientiam operatur, patientia autem probationem probatio verò spes. spes autem non confundit. Vnde Salomō te etiam admonet, ne abiiciamus disciplinam Domini, neque efficiamus, cum ab eo corripimur eo quod quem diligit dominus, corripit & quasi pater in filio cōplacēt sibi. Hinc & Isac. monēs ait: Omne gaudiū existimate fratres, cū in varias tētationes incideritis, sciētes quod probatio fidei vestræ patientiā opatur, patientia autē opus perfectū habeat, ut sitis perfecti & integri in nullo deficientes. Aduersa valetudine Regulus admonitus, venit

Luc. 4

Luc. 6

Rom. 5

Prouer. 3

Iac. 1

redit ipse credulus qui exierat incredulus. Et ut ipse exiret & Christum quereretur, filius non seruus febris correptus est. Hinc se humiliavit, & orans tandem plus quam sperare ausus fuisset impetravit. Et hæc quidem omnia brevis illa docuit Euangelij historia. Cæterum quemadmodum superius Syrophœnissa figura erat Gentium ad fidem conuersorum, ita filius reguli typum gerit Iudaici populi. Hic enim populus mori incipiebat, quum gentium saluaretur multitudo: At Regulus filij pater, salutem precatus filij, patrum ac prophetarum veteris testamenti fides est. Non enim omnino & irrevocabili eos proiecit Deus sententia, imò ubi plenitudo gentium intraverit, omnis quoque Israël saluus fiet: idque septima hora, hoc est, quando Christus iustitiæ sol secundò sese ad nos huc inclinaverit, illiusque quod expectamus iudicij signa dederit. Quemadmodum enim Gentes fidem receperunt, quando ascendit Christus, ita Iudæi eandem fidem suscipient ubi secundò descenderit. Morale: Regulus ratio est, filius sensualitas, febris peccatum: habet enim frigus & calorem inordinatum, id est, interdum amorem & timorem. Causa febris: siue peccati, adolescentia, nobilitas, rerum affluentia. Vbi enim eiusmodi sunt, facilis ad peccatum lapsus est. Et hic morbus certè inducit mortem, nisi Christus auxilio fuerit. Eo igitur festinemus citius ipsum accedere. Ne tardemus conuerti ad ipsum, quoniam citò venit ira eius. Gratia eius nobiscum, Amen.

Rom. II

Eccl. 5

DOMINICA VIGESIMA TERTIA POST PENTECOSTEN EVANG.

LIV. MATT.

XVII.

I Deo assimilatum est regnum cælorum homini regi, qui voluit rationem ponere cum servis suis. Et quum cœpisset rationem ponere, oblatus est ei vnus, qui debebat ei decem millia talenta. Cum autem non haberet vnde redderet, iussit cum Domi-
nus

nus eius venundari, & uxorem eius, & filios, & omnia quæ habebat, & reddi. Procidens autem seruus ille, orabat eum, dicens: Patientiam habe in me, & omnia reddam tibi. Misertus autem Dominus serui illius, dimisit eum, & debitum dimisit ei. Egressus autem seruus ille, inuenit vnum de conseruis suis, qui debebat ei centum denarios, & tenens suffocabat, eum dicens: Redde quod debes. Et procidens conseruus eius rogabat eum dicens: Patientiam habe in me, & omnia reddam tibi. Ille autem noluit, sed abiit & misit eum in carcerem, donec redderet debitum. Videntes autem conserui eius quæ fiebant, contristati sunt valde, & venerunt & enarrauerunt domino suo omnia quæ facta fuerant. Tunc vocauit illum Dominus suus, & ait illi: Serue nequam, omne debitum dimisi tibi, quoniam rogasti me: nonne ergo oportuit & te misereri cōserui tui, sicut & ego tui misertus sum? Et iratus Dominus eius tradidit eum tortoribus quoadusque redderet ei vniuersum debitum. Sic & pater meus cælestis faciet vobis, si nō remiseritis vnusquisque fratri suo de cordibus vestris.

E A D E M DOMINICA

E P I S T O L A,

P H I L I P. III.

Imitatores mihi estote, fratres, & obseruate eos, qui ita ambulant, sicut habetis formam nostram. Multi enim ambulant, quos sape dicebam vobis (nunc autem & flens dico) inimicos crucis Christi: quorum finis interitus, quorum Deus venter est, & gloria in confusione ipsorum, qui terrena sapiunt. Nostra autem conuersatio in calis est: vnde etiam Saluatorem expectemus, Dominum nostrum Iesum Christum, qui reformabit

*corpus humilitatis nostra configuratum corpori claritatis
sue secundum operationem virtutis sue qua etiam pos-
sit subicere sibi omnia.*

S E R M O.

Tenuit. 11

IN Leuitico legimus fassis vngulis animalia que ru-
minant munda, & non solum humanis cibis, ve-
rum etiam diuinis apta iudicata fuisse sacrificiis:
contra, non ruminantia immunda, vt nec huma-
nis vñbus, nec diuinis sacrificiis digna. Sed numquid Deo
cura de bobus? Querit Apostolus, an pecudum sangui-
ne delectatur Dominus & creator omnium? Nobis hæc
scripta sunt: nos Dei sacrificio digna animalia, si ru-
minamus, indigna si non ruminamus, Ecce quotquot hic
conuenimus, in campo euangelicæ messis congregamur;
triticum verbi diuini, legente me concepistis, inque pectoris
secreta ingessistis. Iam videte si munda an verò immunda sitis
considerate. Non in hoc verbum audiuitis Euangelij, vt mox
abentes, nobilis cibus intrā vosmet intēreat, inque secessum
abeat: sed quod audiuitis, quod concepistis ex secretis cogi-
tationum eructandum est, in os meditationis proferendum
est, pedem figentes præsentibus animis opus est, sic veram gu-
stus dulcedinem me monitorem percipietis. Quid enim ad nos
si plurima pars immunda, & aut hunc diuinæ segetis cam-
pum planè negligunt, aut si qui huc veniunt, inglutientes
abeunt, nec dulcedinem nec fructum vllum percepturi? Va-
leant immunda animalia. Abominatio enim sunt Deo. Vos au-
tem, vt munda sitis, studete. Verbum Dei, quod iuxta literam
audiuitis, & hic mecum & domi ruminantes cogitate, exami-
nate, quid velit querite, dulcedine eius fruamini. Digna enim
hæc est parabola isto studio vestro. Ego quod meum officium
est, non deero: & si singula verba ruminare tempus non pa-
ritur, occasionē tamē dabo, vt possitis ipsi. Parabola est, & longa
est, sed ideo longa, vt diutius eius dulcedini immoremur:
parabola verò, vt facilius intelligamus. Sit Iudeis vt crux Chri-
sti, ita & sermo eius simplex scandalum, sit gentibus stulti-
tia: nobis verò virtus Dei est & sapientia. Potuisset ille qui-
dem supra humanum captum exquisitis & abstrusis verbis re-
gni cælestis mysteria sonare, sed nō cōueniebat illi, qui omnes
docere venerat, nobis expediebat: vt nec autem apertis verbis

ad

ad intellectum nostrum sese accomodaret, nobis erat utilissimum. Primum enim licet Syris vulgare sit parabolis loqui, voluit tamen Christus per hunc loquendi modum ostendere, eodem se quo prophetæ priores spiritu loqui: nam & his eadem loquendi consuetudo fuit, ut in Isaia & Ezechiele videre est. Deinde, ut adimpleret prophetas id varicinantes futurum: David enim in persona Christi ita in Psalmis loquitur: Audite hæc omnes gentes auribus percipite omnes, qui habitatis orbem, quique terrigenæ & filij hominum, simul in vnum diues & pauper. Os meum loquetur sapientiam, & meditatio cordis mei prudentiam. Aperiam in parabolam aurem meam, aperiam in psalterio propositionem meam. Et iterum: Attendite popule meus legem meam, inclinate aurem vestram in verba oris mei. Aperiam in parabolis os meum, loquar propositiones ab initio. Et Isaïas de Christo: In loquela labij, & lingua altera loquetur ad populum istum, cuius prophetiæ & Paulus Apostolus meminit. Tertiò etiam quo intelligeretur melius, eo loquitur apertius, ut ipse in Ioanne ait: Si terrena dixi vobis & nõ creditis, quomodo si cælestia dixerò credetis? Voluit enim hoc ipso omnẽ nobis præcipere excusationẽ, ne quis sublimitatẽ verborum prætenderet damnationi suæ. Sic Moses Israëlĩ præcepta scribens tanquam colophonem addit, Mandatum hoc quod ego præcipio tibi hodie non supra te est, neque procul positum, nec in cælo situm ut possis dicere: Quis nostrum valet ad cælum ascendere, ut deferat illud ad nos, ut audiamus, & opere impleamus? nequẽ trans mare positum, ut causeris, & dicas: Quis è nobis poterit mare transfretare, & illud ad nos usque deferre, ut possimus audire & facere quod præceptum est? sed iuxta te est sermo valde in ore tuo, & in corde tuo, ut facias illum. Hisdem ferè verbis Baruch propheta loquitur. Quarto denique ac postremò, ideo parabolis usus est Dominus ut sciremus Evangelij negotium non consistere in verborum sublimitate, sed simplicitate sermonis. Quemadmodũ ea de re Paulus fufius loquitur, cum ait: Ego in infirmitate & timore & tremore multo fui apud vos, & sermo meus & prædicatio mea non in persuasibilibus humanæ sapientiæ verbis, sed in ostensione spiritus & virtutis, ut fides vestra non sit in sapientia hominum, sed in virtute Dei. Idẽ nihil se scire præter Iesum Christũ & hũc crucifixũ iudicat. Has ergo ob causas

Isaia 34
Exech. 17
Psal. 48

Psal. 77

Isai. 28

1. Cor. 14

Ioan. 3

Deut. 30

Baruc. 3

Corint. 2

Matt. 4

parabolis utitur Christus, nec hic solum, verum etiam alibi multa in parabolis docet, pro captu auditorum, imò sine parabolis non loquebatur eis. Cum igitur parabolis locutum audis, tuæ cum utilitati consuluisse cogita. Si enim bonus & pius es, in hoc tibi seruiunt, ut tùm fide, tum pietate proficias. Sin malus & impius, hoc te monent, ut resipiscas. Huic rei parabola, quam de vinea & agricolis malis, & seruos & filium occidentibus proposuit, huic etiam nuptiæ, quas alij trucidatis seruis negligunt, alij malè subintrant, huic denique & præsens quam audiuius seruit. Nihil enim proderit tibi dimissum esse debitum, & teque manumissum, nisi tu ipse etiam eundem misericordiæ affectum exhibueris erga tuos debitores. Cæterum occasionem huic parabolæ Petri quæstio dedit. Montrante Domino viam, qua reducerent fratres errantes, præscriptoque correptionis fraternæ modo, Petrus quoties peccanti in se fratri remittendum esset, suo aliorumque nomine quæsiuit, Domine (inquit) quotiens peccabit in me frater meus, & dimittam ei? Usque septies? Homo cum esset Petrus, homini fratri abundè satisfactum, si septies dimitteret, arbitratur, adhuc quid Christiani nominis perfectio postularet ignarus, cum interrogatione profert sententiam, quasi magnum aliquid diceret. Hic ergo vel propter ministerium, postea illi conceditum in Ecclesia, vel propter priuatam inuidiam repellendam, præter humanam cælesti erudiendus erat doctrina. Proinde quasi summam negotij perstringens hominū amator, nō dico tibi (inquit) usque septies sed usque septuagies septies. Numero nimirum definito, infinitum significans. Complectus enim est numerus septenarius, ut in Levitico scriptum legimus. Sin autem (inquit Dominus) nec sic obedieritis mihi, addam correptiones vestras septuplum propter peccata vestra. Et ne arbitrarentur nullam post septuplum plagarum numerum superesse pœnam, & ut impunitatis spe priuarentur, addit, Et conteram superbiam duritiæ vestræ, ac si diceret, toties multiplicabo plagam, quoties opus fuerit pro conterenda duritiæ vestræ superbia. Ut ergo nos omnes intelligeremus, quàm indignum sit homini Christiano, imò cum quanto periculo coniunctum sit à Deo Optimo Maximo, misericordiam suscepisse, & eandem fratri non exhibere, hanc Christus parabolam horrore profectò & timoris plenam addidit, eamque tanquam ad omnes nos perti-

Mat. 17

Mat. 22

Leuit. 26

pertinentem his verbis conclusit, Sic & pater meus cælestis
 faciet vobis, si non remiseritis vnusquisque fratri suo de cor-
 dibus vestris. In his enim verbis totius parabolæ expositionem
 habemus, nempe, quis rex ille sit, cum ait, Sic & pater *Mat. 18*
 meus cælestis faciet, quis seruus, si non remiseritis, quod de-
 bitum, quis conseruus, si non remiseritis vnusquisque fratri
 suo de cordibus vestris, qui tortores, quis carcer, & quo hæc
 tempore fient. Pater ergo cælestis Rex & Dominus noster
 est. Id quod Dauid etiam innuit, cum ait, Deus magnus Do- *Psal. 54*
 minus & Rex magnus super omnes Deos. Et mox, Ipse fecit
 nos, & non ipsi nos. Nos populus pascuæ eius, & oues manus
 eius. Sic alibi quoque serui illius Domini regis dicimur, vt
 Paulus Christum scribit formam accepisse serui, vtque scia- *Philip. 2*
 mus, quis ille seruus sit, mox subdit, in similitudinem homi-
 num factus, & habitu inuentus vt homo. Quicumque ergo
 homo est, sibi hæc dicta existimet, verè (inquit Petrus) com- *Act. 10*
 pereri, quia non est personarum acceptor Deus, non est illi cu- *Mat. 2*
 ra de aliquo, vel impiis etiam attestantibus, nec respicit ho-
 minum personas. Omnes enim subiiciuntur illi. nolentes, vo-
 lentes. Pij quidem spontè se seruos Domini Dei agnoscunt, *Luc. 17*
 nec gloriantur in obsequiis, quorum diues Dominus non
 eget, sed magis cum omnia quæcunque præcepta sunt, fece-
 rint, inutiles se seruos profitentur: impij verò digna corre-
 ptione trahuntur, vt quam beneficiis superbi respuunt, ad-
 uersis humiliati profiteantur, vt in Pharaone, Antiocho, Na- *Exod. 9*
 buchodonosor, & aliis multis videre est, qui omnes castigati, *2. Mac. 9*
 vnum ac verum Dominum exli terræque confessi sunt. Sed *Dan. 4*
 nec serui solùm nos, verumetiam debitores sumus, Principiò
 enim donauit nobis omnia delicta, delens quod aduersum *Colos. 2*
 nos erat chirographum decreti, quod erat contrarium nobis,
 ex seruitutis domo eripiens, è potestate tenebrarum translu- *1. Pet. 2*
 cit nos in admirabile lumen suum, idque non corruptibili-
 bus auro vel argento, sed præcioso sanguine quasi agni im-
 maculati Christi, quo nec maius, nec præstantius quicquam
 diuinitas habuit. Quæ autem illius seruitutis fuerit tyrani- *1. Cor. 6*
 nis, pretij, quod vt inde liberaremur à patre pro nobis im-
 pensum est, magnitudo indicat. Deinde etiam cum nos liber-
 tate donasset, insuper multis cælestium donorum charisma-
 tibus imbuuit, alij minus, alij maius distribuit, secundum
 mensuram donationis suæ, dispensatorisque multiformis
 gratiæ

gratiae ac mysteriorum suorum constituit nos. Ad hæc ipsius cæli patriam hæreditario iure possidendam promissione tradidit, sed quid nos? Alius vltro in pristinae seruitutis domum deflectit, alius talentum frustra sibi concreditum in terram abscondens gratiam negligit, plurima verò pars bona Domini sui dissipant. Hæc gratia est, quam creatori, redemptori altorique munifico reddimus. At pii id agnoscunt ubique se debitores esse clamant, vt Ioannes, si (inquit) dixerimus quoniam peccatum non habemus, ipsi nos seducimus, & veritas in nobis non est. Et mox, Si dixerimus quoniam non peccauimus, mendacem fecimus eum, & verbum eius non est in nobis. Et David orans, ait, Non intres in iudicium cum seruo tuo Domine, quia non iustificabitur in conspectu tuo

Psal. 31 omnis viuens. Et iterum, 31. Pro hac orabit omnis sanctus in tempore opportuno. Et iterum, Domine ne in furore tuo arguas me, neque in ira tua corripas me. Quoniam iniquitates supergressæ sunt caput meum, & sicut onus graue grauatae sunt super me. Et iterum, Si iniquitates obseruaueris Domine, Domine quis sustinebit? Neque verò secus possunt pii homines. Agnoscunt enim ita debere se cum propria infirmitate perspecta, hinc vlticem conscientiam reformidant, illinc etiam hac se lege teneri, vt pro suo quisque debito orent quotidie, sciunt. Idque manifestissime videri potest in hac ipsa parabola, quæ seruum debitorem non fuisse soluendo perhibet. Sed in Regum libris simile quid legimus, dicente Heli filiis suis, Si peccauerit vir in virum, placari ei potest Deus, si autem in Dominum peccauerit vir, quis orabit pro eo? Quotquot ergo homines sumus, & serui & peccatores sumus, & quidem eiusmodi debito obligati omnes, cui nemo soluendo est, quantumlibet iustus, sanctus, ac diues. Dicere quidam non verentur, quia diuites sunt, & locupletes, vt nullius egeant, qui tamen miseri, miserabiles, pauperes, cæci, atque nudi sunt. Hoc solo medio tantum exoluitur debitum, si procidentes supplices misericordiam Domini regis expetierimus. Ipse enim pater misericordiarum diues in misericordia. Apud Dominum (inquit exultans David) misericordia, & copiosa apud eum redemptio. & ipse redimet Israël ex omnibus iniquitatibus eius. Nostrarum non est virium tantum exoluere debitum, neque enim ex operibus iustitiæ quæ fecimus nos, sed, secundum suam misericordiam

saluos

1. Ioan. 1

*Psal. 142**Psal. 31**Psal. 37**Psal. 129*

1. Reg. 2

*Apoc. 3**Ephes. 2*

2. Cor. 1

Psal. 119

saluos nos fecit, inquit Paulus, vt iustificari gratia ipsius, hæ- *Tu. 3*
 redes simus secundum spem vitæ æternæ. Hæc magna illa
 misericordia, quam Dauid cum debitor constitutus esset pe-
 tit. Et verè magna est. Ecce enim seruo solius temporis dila-
 tionem petenti, maius eo quod petiit dedit, dimissionem &
 concessionem totius mutui, Eodem planè modo nobiscum
 agit. Ponit enim & nobiscum rationes quociescunque con-
 scientias nostras per verbum excitat, consummabitque in
 illa die, quando de vnoquoque etiam otioso verbo rationem
 reddituri sumus, Matth. 12. Et quando iustus Dominus vni-
 cuique vel pro malefactis pœnam, vel pro benefactis redditur-
 us est præmiuni, non sumus soluendo, nec licet rationem po-
 nentis ditionem effugere. Si occultabitur vir in absconditis,
 & ego non videbo eum, dicit Dominus? Nunquid non cælum
 & terram ego adimplebo? Et alibi, Non, inquit, erit fuga eis. *Amos 3*
 Fugient, & non saluabitur ex eis qui fugerit. Si descenderint
 vsque ad infernum, inde manus mea educet eos. & si ascende-
 rint vsque in cælum, inde detraham eos. Et si absconditi fue-
 rint in vertice Carmeli, inde scrutans auferam eos, & si cela-
 uerint se ab oculis meis in profundum maris, ibi mandabo
 serpenti, & mordebo eos. Et si abierint in captiuitatem coràm
 inimicis suis, ibi mandabo gladio, & occidet eos, & ponam
 oculos meos super eos in malum & non in bonum. Fugere
 igitur frustra nitimur, excusare debiti magnitudo non parti-
 tur, præsentissimum verò medium est, manus mentemque ad
 Deum attollere, misericordiam, id est, Christum Iesum postu-
 lare. Ille ille est vnica nostris debitis reconciliatio, per ipsum *1. Ioan. 2*
 habemus accessum ad patrem, per ipsum exolumus quod ex *Ephes. 2*
 nobis non possumus. Nulla nobis gens, nulla natio beatior.
 Quorquot enim extra nostræ professionis familiam populi
 sunt, nullam debiti satisfactionem, nullam propitiationem
 habent, in peccatis suis moriuntur, in carcerem, in captiui-
 tatem & ipsi & vxores, & liberi eorum detruduntur. At de
 Christo, Dei misericordia, dicitur, Hæc est voluntas patris, *Ioan. 6*
 qui in cælis est, vt omnis qui videt filium & credit in eum, *Gm. 4*
 habeat vitam æternam. Blasphemia ergo est, cum maledi-
 cto Cain dicere, Maior est iniquitas mea, quàm vt veniam
 merear. Omne enim peccatorum debitum, solo in Spiritu *Mat. 12*
 sanctum excepto, hominibus remittitur. Vnde meritò *Psal. 117*
 cum Dauid dicimus, Laudate Dominum quoniam bonus,
 quoniam

Psal. 31

quoniam in seculum misericordia eius. Et iterum, Beati quorum remissæ sunt iniquitates, & quorum tecta sunt peccata. Ecce quò Christus primam parabolæ partem deducat. Voluit enim ostendere omne debitum nobis esse dimissum, ut postea doceret idem misericordiæ opus cæteris membris esse exhibendum. Et quibus verbis, quòve orationis genere id demonstrasset lucidius? Nostram ergo miseriam, Deique in nos misericordiam audiuius. Nunc porro & deprauatam nostram naturam & diuinam aduertamus iustitiam. Qui debitis onustus, æræque alieno grauatius accessit ad Dominum, liber & manumissus exit. Exultabat de condonatis sibi mille talentis, & conseruum pro centum denariorum debito suffocat, in carcerem mittit, nec Domini quod acceperat beneficio monitus, nec conserui debitoris sui petitione exoratus. Et quid aliud nos facimus? In templis Deum pro delictis oramus, in vicis, in plateis ac domibus proximum quibus possumus modis torquemus. Nec ynquam execrabilior tyrannis, inclementia, ac immanitas atrocior audita est. quàm hac ipsa ætate, omnes licet pleno ore de Euangelij verbo multum gloriemur, planèque sit, quod Christus olim prædixit, refrigerescente charitate multorum abundat iniquitas. Christus Petrum septies remissurum peccanti in se fratri tacitè reprehendit. Quid nobis faceret, quibus verbis nos adoriretur, si mortali adhuc inter nos corpore circuiret, qui non solum non remittimus septies, verum etiam (quæ nostra est plus quàm beluina immanitas) immerentibus vim inferimus, damnis incommodisque afficere proximum sæpè benè merentem etiam, Deo obsequium ducimus. Oculos claudimus ne miseriam proximi videamus, aures obturamus, ne clamorem patientiam nostrâ rogantis audiamus, suffocamus, in carcerem detrudimus. Sed non est necesse hominum omnibus cognitam describere immanitatem, hoc magis cogitandum est, quid tandem expectandum sit. Et nunquid conuenienti id ordinae Christus prosequitur narrare? An fortè celare poterimus iniquitatem quam operamur? An non videbit Deus & arguet? Non potest (credite) tanta diu oculos Domini latere impietas. Nouit Dominus cogitationes hominum, verbâq; atq; actus mortaliū ponderat, vident etiam cōserui nostri, & cōtristantur, nec quicquā eorū silent quæ viderunt, facti nimirū conscientia, quæ nunquam silet, sanguis gemitusq; oppresso-
rum

Mat. 14

rum, imò ipsi etiam angeli & Ecclesia. Et quomodo quicquam eiusmodi latere potest, cum Christus sibi factum dicat quicquid vni ex minimis sit? Nam & Saulo innocentes persequente, dominus è cælo clamat: Saule Saule, quid me persequeris? Ego sum Iesus. Et Abel sanguis clamauit de terra ad dominum cæli. Nunquid Deus non faciet vindictam electorum suorum clamantium ad se die ac nocte, patientiam habebit in illis? Vocat ergo immisericordem atque ingrati seruum dominus, & ait illi: Serue nequam omne debitum dimisi tibi, quoniam rogasti me: nonne oportuit & te misereri conserui tui, sicut & ego tui misertus sum? Hic mihi vide periculum nostrum. Misertus est nostri Dominus, dimisit debitum nostrum, manúque misit nos, idque quia misericors ipse, & nos rogauimus eum. Sed repetit nos, & quia quod accepimus ipsi nõ exhibemus aliis, pro debito tortoribus tradit nos. Ecce, quomodo pro Dei misericordia à peccatis iustificati sumus. Ecce quomodo oporteat misereri conserui nostri. Qui misereri potest dominus, potest & irasci, potest & subtrahere iratus gratiam quam dederat miserans, si non miseremur fratris & conserui nostri. Nihil adeò displicet Deo, quàm ingrati-
tudo. Nec sufficit non malefacere, nisi & benefeceris. Nil prodest credere, & fide iustificari, nisi & dilectione operatus fueris, imò posteriora tua peiora sunt prioribus. Melius enim tibi esset non cognoscere viam iustitiæ, quàm post agnitionem retrorsum conuerti ab eo quod tibi traditum est sancto mandato. Contingitque tibi quod prouerbio dicitur: Canis reuersus ad suum vomitum, & Sus lota in volutabro luti. Vide ergo quanta hæc nobis parabola ob oculos ponat, quàm apertè, quàm seuerè? Quis ergo hæc vel non intelligit, vel vtraliis, non sibi dicta negligit? Quicquid enim excusationis tergiversantes adferre posse nos credimus, totum hic deponit. Principiò enim si proximus famam læsit, aut impugnat infamia, tu ipsi inuideas propterea, ac tantum damnum accepisse te conqueraris, vt nec possis remittere: nunquid hæc tuam inuidiam arguere videtur parabola? An non Christum dicentem tibi videris audire: Serue nequam, tam immitis ne esse in famiæ tuæ arbiter poteris, qui toties in me meaq; mandata, manifesta pertinacia atque multimoda nominis mei blasphemia delinquis? Nūquid te omnèque debitum tuum dimissi tibi, nec id semel, sed multoties? In baptismo originale peccatis, in quo

Mat. 25.

Act. 9.

Luc. 18.

1. Cor. 13.

2. Pet. 2.

Ecc. 7.

natura filius iræ natus eras, deinde etiam alia quæ non carnali ductu, sed propria contumacia post agnitam atque susceptam gratiam perpetrasti facinora, dimisit: non ea ratione decem millibus talentis tibi obæratu fueras? Dimisi tamē. Et quid ad hæc respondebis inuidus? An non omnis tibi his dictis perit excusatio? Sed inquis: Quomodo possum remittere, qui famam læsit? Verum quidem est, cum bonum nomen vnguentis preciosis melius est, famæ inustam maculam contristare cor sapientis. Sed maioris adhuc alia precij habes, hæc ipsi tibi ne perdas vide. Habes fidem, quæ certò Deum vindicem tuum esse doceris, habes patientiam & dilectionē. Hæc cum habeas, quod inimicus damni referre potest, nihil est. Quod si ipsum te vindicem acceptæ iniuriæ constituis, & illa omnia perdis, & te maiori, quàm inimicus posset, damno afficis. Si decem tibi floreni fuerint, inimicus horum quatuor furto abstulerit, nōne si reliquos sex in mare abieceris, meritò stultitiæ argueris? Sic nec auto cuius omnis in congerendis pecuniis animus est, vlla hic relinquitur excusatio. Licet enim quæsitus,

Gen. 4. 8

1. Corin. 4.

Job 1.

2. Tim. 6.

cur pauperibus misericordiam denegat, cum maledicto Cainc nunquid ego custos sum fratris mei, respondeat, tamen in Paulo Christi spiritu arguitur: Quid habes quod non accepisti? Nunquid nudus in terram ingressus? An non scriptura, ne dicam quotidiana experientiā docet, nihil nos in mundum hunc intulisse? Si ergo o serue nequam ex te nihil, ex me verò omnia habes: nunquid igitur & te fratris tui oportuit miseri, sicut & ego tui misertus sum? Ecce quomodo & avaris omnibus excusatio omnis hac parabola aufertur. Idem & de tyrannis dicitur, qui sine omni misericordia subditos & miseros grauant, hoc dicentes, quod præter ius nihil agant. His ergo Christus ait: Serue nequam, nunquid & mihi tecum iure contendere licuisset? Nunquid vero & iusto iudicio te condemnare potuissem? Si ergo ego Dominus & Deus tuus iure meo celsi, nunquid & te oportuit miseri? conferui tui, sicut & ego tui misertus sum? Et quæ hic tyrannis relinquitur excusatio? Sic etiam omnibus pseudo Christianis dicere potest, qui in sola fide salutem sperant, quantumlibet egregie alios defraudent aut expolient. Serue nequam, ideòne tui misertus ego sum, ut in nuda fide salutem sperare auseris? An non audiuiisti dicentem me: Discite à me, quia mitis sum & humilis corde? An non legisti quod dixerim: Quid dicitis mihi domine domine, & non

Mat. 11.

Luc. 6.

facitis

facitis quæ præcipio vobis? An non discipulis mādantem me intellexisti: Mandatum nouum do vobis, vt diligatis inuicem, *Ioan. 13* sicut dilexi vos? In hoc cognoscent quia discipuli mei estis, si dilectionem habueritis inuicem. Ecce quod & pseudo Christianis aufert excusationem hæc parabola, cum apertissimè indicat, quia ab omnibus Deus misericordiam exigit, qui diuina misericordia salutem & iustificationem sperant, iis verò quibus ipse misericordiam præstitit, nec eam alij exhibeant, terribilem iudicij sui futuri sententiam denunciat. Sic, inquit, & pater meus cælestis faciet vobis, si non remiseritis vniuersis que fratri suo de cordibus vestris. Non quod simpliciter redeant peccata dimissa, per hoc ingratitudinis & immisericordie peccatum post poenitentiam, sed quia quodammodo reatus prius dimissorum peccatorum redit, cum aggrauatur reatus postremi peccati ex præcedentibus peccatis. Huc ergo oculos mentemque conuertamus. Quid hac parabola Christus velit, cogitemus. Omnino enim necesse est præstare proximo peccanti in nos, quod ipsi in Deum peccantes postulamus nobis, hac enim lege nostrorum commissorum indulgentiam, *2. Reg. 16. Act. 7.* quam misericordia Dei largita est, obtinebimus, si & ipsi aliis remiserimus. Sic David Saulo & Semero ignouit, cum posset se vlcisci. Sic Stephanus pro persequutoribus suis Christum imitatus orauit.

DOMINICA VI-
GESIMA QVARTA
POST PENTECOSTEN
EVANG. MATTH. XXII.

TVnc abeuntes pharisei consilium inierunt, vt caperent eum in sermone. Et mittunt ei discipulos suos cum Herodianis, dicentes: Magister, scimus quia verax es, & viam Dei in veritate doces, & non est tibi cura de aliquo. Non enim respicis personam hominum. Dic ergo nobis, quid tibi videtur, licet census dari Cæsari, an non? Cognita autem Iesus

nequitia eorum, ait: Quid me tentatis hypocritæ? ostendite mihi numisma census. At illi obtulerunt ei denarium. Et ait illis Iesus: Cuius est imago hæc, & superscriptio? Dicunt ei: Cæsaris. Tunc ait illis: Reddite ergo quæ sunt Cæsaris Cæsari, & quæ sunt Dei Deo. Et audientes mirati sunt, & relicto eo, abierunt.

EADEM DOMINICA EPI-
STOLA, PHILIP. I.

GRatias ago Deo meo in omni memoria vestri (semper in cunctis orationibus meis pro omnibus vobis cum gaudio deprecationem faciens) super communicatione vestra in Evangelio Christi à prima die usque nunc confidens hoc ipsum, quia qui cepit in vobis opus bonum, perficiet usque in diem Christi Iesu: Sicut est mihi iustum hoc sentire pro omnibus vobis, eo quod habeam vos in corde & in vinculis meis, & in defensione & confirmatione Evangelij, cum socij gaudij mei omnes vos sitis. Testis enim mihi est Deus quomodo cupiam omnes vos in visceribus Iesu Christi, & hoc oro, ut charitas vestra magis ac magis abundet in omni scientia & in omni sensu, ut probetis potiora, ut sitis sinceri & sine offensa in diem Christi, repleti fructu iustitiae per Iesum Christum in gloriam & laudem Dei.

S E R M O.



Væ lectionis huius summa sit, Christi responsio docet: Reddite, inquit, quæ sunt Cæsaris Cæsari, & quæ sunt Dei Deo. Vtilis admodum doctrina & pernecessaria his temporibus. Cum enim multa nunc apud nos in controuersiam quæstionemque & dubium vocantur, quæ olim scripturæ autoritate approbata & recepta sunt, de hoc maxime disputatur, quod hic quæsiuerunt Legati, Liceat census dari Cæsari, an nō. Nec parua hæc

hæc quæstio turbarum in Germania causam præbuit. Omnes libertatē tueri volumus, & præter voluntatē nostram aliorum imperio subditi sumus: imò imperare ipsi non parere volumus, eoque res Germaniæ deueniunt, ut non solum quæ re Christianæ Reipubl. forent non amplectamur, verumetiam nec ipsius Christi monita sequamur. Ille iussit Cæsari dari, quæ sunt Cæsaris, & quæ sunt Dei Deo. Et id quidem si faceremus non tot Germania turbas sentiret, non tam diris concuteretur motibus, sed tranquillè atque securè habitaremus omnes. Et quid Euāgelij minister sperabit, quid efficiet apud eos, quibus nec patriæ salus curæ, nec in Christi præcepta voluntas est? Utinam inter Iudæos tantum hæc quæstio moueretur, & non etiam inter nos, utinam hæc frustra illis solum populis dixisset: Reddite quæ sunt Cæsaris Cæsari: & quæ sunt Dei Deo. Sed ecce toties nobis hoc Christi mandatum accinitur, imò ipse Christus loquitur, nihilominus tamen contrā annitimur, Christi voluntati repugnamus, ordinationi Dei resistimus, & veluti blandiens Cæsari, aut verbera timens hæc dixisset, etiam nū inter nos quærimus: Sit ne ordinatio diuina Magistratus, sit ne parendum, & quatenus? Quo fit ut expressam in his legatis nostræ impietatis imaginem videre liceat. Honorificè de Christo loquimur, blandè ipsum alloquimur, magistrum nostrum, veracem, veritatísque doctorem, nil hominum iudicia minúsque timentem dicimus, non quòd illius esse discipuli, veraci, veritatísque doctori adhærere, eiúsque præcepta seruare velimus, sed ut tentemus illum, ut in sermone capiamus, ut accusemus, ut perdamus. An non hoc est tentare, an non est velle capere, accusare, & perdere, Iudaico more de præceptis eius disputare, factoque ipso repugnare? Meritò ergo nobis dictum putamus: Quid me tentatis hypocritæ. Q. d. toties vobis loquor, prædico, erudio, discipulos vos esse meos confingitis, nec tamen, quæ præcipio, quæ vestro omnium bono suadeo amplectimini, Vide quàm grande piaculū sit, aliud corde sentire, aliud verbis sonare: maximè in diuinis rebus. Qui autem coram Deo fingere non veretur, quid non audebit erga homines? Magister (aiunt) scimus quia veraces, & viam Dei in veritate doces, & non est tibi cura de aliquo. Conferamus cum his verbis, quid alibi de Christo sentiant Pharisæi, & videbimus planè fictis animis hæc ipsi tribuere. Tu, inquit, de te ipso testimonium perhibes, testimonium tuum

verum non est. Et: Nōne benedicimus nos, quia Samaritanus es tu, & dæmonium habes? Et: Non est hic homo à Deo, qui sabbatum non custodit. Et: Nos scimus quia hic homo peccator est. Nos scimus quia Mos loquutus est Deus, hunc autem nescimus vnde sit. Et iterum: Dæmonium habet, & insanit. Quid eum auditis? Et iterum: Si non esset hic malefactor, tibi non tradissemus eum. Et iterum: Ecce homo vorax & potator vini, publicanorum & peccatorum amicus. Et iterum: Hunc inuenimus subuertentem gentem nostram, & prohibentem tributa dari Cæsari, & dicentem se Christum regem esse. Hæc ipsi de Christo partim sentiebant, partim odio accensi confingebant & euulgabant. Quid verò hæc omnia commune habent cum huius Euāgelij verbis? Aut ubi non repugnant? Quantum ergo in ipsis erat, ut caperent, hæc tanquam escas posuerunt, ut illaquearent recta tenderunt. Eiusmodi homines quæuis audebunt in homines, qui ne quidem Christo pepercerunt ipsi. Nec quicquam periculosius illis, quemadmodum contrā nihil salubrius quā fidi amici correptio. Vt Salomon ait: Melius est, inquit, à sapiente corripi, quā stultorum adulatione decipi. Et: Meliora sunt vulnera diligentis, quā fraudulenta oscula odientis. Quid enim hæc legatorum verba, nisi fraudulenta oscula? Contrā verò Christus diligens, ipsum cor feriendo vulnerauit. Quid me, inquit, tentatis hypocritæ? Et vtrum horum melius, David respondeat: Corripiet me, inquit, iustus in misericordia, & increpabit me, oleum autem peccatoris non impinguet caput meum. Ita regius Propheta iudicauit. Et hanc firmam illius menti sedisse sententiam, suo exemplo suoque bono maximo ostendit. Nemo hominum ne rusticus quidem vel plebeius ab quoquam eiuscemodi colloquium, quale David rex à Propheta Nathan, sustineret, ne dicam nobiles, duces, aut Reges tale quicquam in bonam partem interpretaturos esse. Blanditiis hi deliniri volunt, & decipi, ut Absalon & Roboam, quorum ille vitam, hic magnam regni sui partem amisit. Sed Christus nostro bono imposturas horum detexit, ut scientes quoniam plures sunt, qui nequiter humiliant se, plenis dolo in interioribus suis, non cuius adulatori patulas aures præbeamus: nec semper corripientis verba diffugiamus, quoniam sæpè vita in voluntate eius est. Missa autem faciamus hanc

hanc illorum hominum inconstantiam, qui coram & in faciem non audent nisi blandiri, à dorso verò facta atque infecta congerunt: & quia per malos etiam Deus vera solet eloqui, hanc ipsorum salutationem non ut hominum, sed ut ipsius Dei per os ipsorum loquentis verba accipiamus. Id quod in sacris scripturis nouum non est. Nam & Caiphas de Christi morte, non ex sua industria prædixit, sed quia pontifex esset anni illius, ex spiritu sancto prophetauit, quia Iesus moriturus esset pro gente. Nec tantum pro gente, sed ut filios Dei qui erant dispersi congregaret in vnum. Ipse enim solus in suo sanguine lauit nos à peccatis nostris. Et Pilati milites multa Iesum contumelia affecerunt, induerunt eum purpureo vestimento, & imposuerunt ei coronam spinæ, procidentésque salutauerunt eum Iudæorum regem. Hæc illi ludebant, sed nobis minimè lusus est. Eum enim purpura regem decet. & sufferens spinas, nobis indoluit, estque verus Iudæorum, hoc est, consentium Rex. Sic hi quoque legati ludunt quidem, sed tamen veritatem vel inuiti nesciique profitentur, idque ex inspirante Deo. Nemo enim potest dicere, Dominum Iesum in Spiritu sancto. Nobis ergo magister est veritatis, imò ipsa veritas. Nec hoc verbo aut mente solum vel confiteamur, vel credamus, sed ipsis etiam factis profiteamur. Neque enim hic nudam eius rei fidem, sed & facta & imitationem requirit. Quousque dicitis mihi, Domine domine, & non facitis ea quæ dico? Et: Vos vocatis me magister & dominus, & bene dicitis, sum etenim. Si ergo ego magister & dominus vester sum, quæ ego facio, & vos facite. Vos amici mei estis, si feceritis quæ præcipio vobis. Et si hæc scitis, beati estis, si feceritis. Nempe tum demum apparet, nos illius Magistri esse discipulos, quando quæ ipse docet, vera esse iudicamus atque amplectimur: tum illius domini serui sumus, quando quæ ipse præcepit, facimus. Contrà si quis fecerit, iniquè sibi discipuli atque serui nomen vendicat, nequiter Christum Magistrum appellat, imò tentator & hypocrita est. nec vlla in parte his legatis melior est. Præmissa autem tam splendida adulatione legati, et si suam non impurè laturos se hypocrisim, multorum exemplis facile potuissent intelligere, exæcati tamen cui nihil absconditum est, ei fucum facere pergunt. Dic ergo nobis, inquiunt, quid tibi videtur; Licet censum dari Cæsari,

Matt. 22

an non? Quo animo hanc legationem miserint, Euangelista initio commemorauit, vt caperent eum in sermone, consiliū inerunt. Et hoc impiæ multitudinis atque magistratus studium propheta ante præuidens in hæc verba descripsit: Congregamini populi, & vincimini: accingite vos, & vincimini. Inite consiliū & dissipabitur, loquimini verbum, & nō fiet. Aderat enim in foribus tēpus quo filius hominis erat in impiorum manus ad crucifigendum tradendus, eoque sæuit crudelius Satan, commouitque in innocentis caput omnia, suo tamen ipsius interitu. Nolebat enim in regno suo impio perferre iustum, & cuius innocentiam tentando non potuit infringere, occidendo è medio statuit tollere. Concitatis ergo ad inuidiam Phariseorum animis, perapposita hæc inuadendi hominem videbatur occasio. Sciebant hanc apud doctos pariter & indoctos iniquis animis moueri quæstionem. Cur Romani externus & impius magistratus imperaret Dei populo: cur tributa censūsque exigeret ab iis, quos Deus sibi in peculium de cunctis gentibus elegisset? Imperabat enim Herodes, & diuisi in prouincias suberant præfectis, & iudiciibus impiis, grauēque sustinentes tyrannidem, non modò disceptabant, sed multi etiam ex omni numero excutere quo quo modo hoc iugum cogitabant, inuentique sunt nonnulli, & in his Theudas quidam, & Iudas Galilæus, qui in suā fidem adacta plebe, per ciuiles motus externum à se magistratum tentabant propellere. Tali ergo Christus adoriatur quæstione, quæ non ex dolo composita, sed ex populis votis videatur desumpta. Liceat sensum dari Cæsari, an non. Galeata hæc est omnino quæstio, qualecūque enim responsum dederit, incidet. Affirmat, Iudæi: si negat, indignabuntur Herodian. Et ne alterius partis absentia, in præsentis expectationem cogat concedere, vtriusque gentis legatio est, vnà hæc proponunt Phariseorum discipuli, & Herodis ministri, digni tam capitiolæ quæstionis legati, dignum patellæ (quod aiunt) operculum, imò quales magistri & domini, tales mittuntur discipuli & serui. Impia domini imperant, impia perficiunt serui. At vbi hic quod Petrus dixit postea: Obedire oportet Deo magis, quàm hominibus? Seruis præcipitur obedire Dominis suis, sed non contra Deum. Dei voluntas est, vt loquamur inuicem veritatem proximo, alter ad alterum, vt foueamus fraternitatis dilectionem, colamus amicitias, quod nobis

nobis volumus fieri, præstemus aliis. Quisquis horū aliquid prætermittit, contra Deum pugnat, quanto magis ij qui insuper insidias struunt, tantum ut hominibus placeant. Misera sanè hæc Reipu. facies est, ubi iustitiz vindices, iniquitatum sunt executores, ubi peruersa conditionis formula ad oculū famulatur magistratus impia præcipientis, & Dei ridetur auctoritas rectè monentis, ut Doeg, qui ut Regi Saul placeret, iustum David conabatur tradere. Achimelech cum suis occidit. 1. Reg. 22.
 Ut Israel, qui in gratiam Achab & Jezabel, iustum Naboth 3. Reg. 21
 damnauerunt. Ut Iudas, qui in gratiam summorum pontificum, Christum magistrum tradidit. Ut seruus pontificis qui gratiam captans domini sui, Christo dedit alapam. O miserā Matt. 23
 eiusmodi mancipiorum seruitutem, quia si tanta indignatione eos Christus corripit tempore gratiæ, quid faciet in die iræ? Quid me, inquit, tentatis hypocritæ? Quanto autem grauior futura est iudicis sententia? Videbas, inquit, furē, & currebas cum eo, & cum adulteris portionem tuam ponebas. Os tuum abundauit malitia, & lingua tua concinnabat dolos. Sedens aduersus fratrem tuum loquebaris, & aduersus filium matris tuæ ponebas scandalum. Hæc fecisti, & tacui. Existimasti iniquē, quod ero tui similis, arguam te, & statuam contra te faciem meam. Intelligant hæc omnis generis serui, dominorum iussa ponderent, etsi quid Deo contrarium iubentur, aut excusent humiliter, aut denegent constanter, exemplo Danielis & sociorum, qui Regibus diuinos honores sibi postulantis minimè obedire voluerunt. Et serui- Deuter. 6
 rum Saul, cui Sacerdotes trucidare mandanti, non obsecundarunt. 1. Reg. 23
 Iam porro proposita est quæstio, nondum soluta. Abscondita sunt retri, necdum tamen respōsuri capta est prudentia, fistula dulce cecinit, necdum tamen decepit. Antequam verò respondeat, Ostendite, inquit, mihi numisma census, & oblato denario, cuius illa sit imago & superscriptio quærit, tandem verò Cæsaris esse audiens: Reddite, inquit, quæ sunt Cæsaris Cæsari, & quæ sunt Dei Deo. Tanta præmittit, priusquam ad quæstionis veniat solutionem. Quod de numismate quærit, ostendit quā ipse nihil cōmune habeat cū mundi huius rebus, & quā apud Deum ignota sint, quæ mundus hic admiratur. Approbat autem hoc responso magistratum: Quomodo enim non approbaret suam ordinationem? Ipse enim est, qui in Salomonis sapientia: Per me, ait, reges re-

gnant, & legum conditores iusta decernunt, per me principes
Prou. 8 imperant, & potentes decernunt iustitiam. Et Paulus pote-
Rom. 13 statem gladij, Dei ordinationem esse dicit. Proinde & Iosa-
2. Par. 19 phat ducibus, quos populo præfecerat, serid inculcat, non
hominis eos exercere iudicium, sed domini, & quodcunque
iudicauerint, in ipsos redundaturum esse, ipsisque timo-
rem Domini, vt cuncta cum diligentia faciant, præcatur. Et
quod magis est, ipse Dominus, per Dauid, Iudices & po-
Psal. 83 tentes, Deos vocat. Ego dixit, inquit, Dijeſtis, & filij ex-
celſi omnes, hoc est, diuinis vos officiis præposui: nempe
pacem, iustitiam, disciplinam, probitatem, morésque per
vos conseruari, iniustos damnari, bonosque tueri per ve-
stram vigilantiam, volo. Principio igitur hic considere-
mus, quanta cum autoritate de magistratus potentia scri-
ptura loquatur. Neque enim id sine causa fecit. Multo
enim secus ratio hominum dictat, cum crebras & serè an-
nuas illius status mutationes cum nonnulla quæ correctio-
ne opus habent, imò sæpè per vim proprij commodi & ho-
noris ergò eam eminentiam inuadi, videt. Fortuito enim
hæc omnia fieri, aut certè tyrannidem esse sine verbo Dei
vsurpatam iudicat. Vnde in hominum animis odium ma-
gistratus creuit, quod vt eximat, summopere scriptura
laborat. Docet enim quod Deus magistratum non modò
ferat, vt ad tyrannidem, adulteriâque ad tempus conuiuere
solet, verùm etiam ipse ordinet, instituat, approbet, atque
defendat. Iam verò cum magistratum approbat scriptura,
etiam leges, ordinationes, iudicia, officia publica, pœ-
nam malorum, iusta bella, & quicquid ad conseruandam
politicam Rempubicam pertinet. Nihil ergo est quod Ana-
baptistæ in alienam à scripturis opinionem gannunt: Non
esse occidendum, non malum malo pellendum. De priuata
enim vindicta illic loquitur scriptura, quæ sit sine mandato
Dei. Hanc scriptura prohibet, quia omnis qui sine mandato
Dei. Deut. 32. propter priuatam vindictam gladiū accipit, gla-
dio & ipse peribit. Et hæc de magistratus approbatione senten-
Matt. 26 tia valere debet, etiam si impius sit magistratus & tyrannidē
exerceat, qualis cum hanc sententiam ferret Christus, Ty-
berius erat, omnium historiarum testimonio. Id quod & Pe-
1. Petr. 2. trus postea docuit. Serui, inquit, obedire dominis vestris, non
tantum

tantum bonis, sed & discolis. Quod si quæras num sufficiat
 non impugnare magistratum, responsio brevis est: Minime,
 Christus enim aliud adhuc requirit: Date, inquit, quæ sunt
 Cæsaris Cæsari, & quæ sunt Dei Deo. Dandum ergo est Cæ-
 sari, sed cum iudicio. Ea enim Cæsari danda sunt, quæ sunt Cæ-
 saris hominis, non quæ Dei. Tradunt enim historiz diuinos
 aliquâdo honores hominibus Cæsaribus regibusq; esse exhi-
 bitos, vt in actis legere est. Nonnunquam ipsi Reges sibi di-
 uinos honores usurparunt, vt Nabuchodonosor. Sed non sunt *Acto. 12*
 hæc Cæsaris, sunt Dei: id eôq; non Cæsari, sed Deo danda. Quæ *Dan. 3*
 ergo sunt Cæsaris rogast? Audi Paulum: Reddite ergo omnib. *Rem. 13*
 debita, cui tributû, tributû: cui vectigal vectigal: cui timorê, ti-
 morem: cui honorem, honorem: nemini quicquam debeatis,
 nisi vt inuicem diligatis. Quatuor Apostolus hic enumerat:
 sed accipiamus priora duo. tributû & vectigal omne id, quod
 corporalium rerum magistratui dandum est, quocunque no-
 mine censerî potest. Neq; enim sine subditorum adminiculis
 magistratus Reip. molê per se sustinere possunt. Sic per timo-
 rem atq; honorem, obedientiam, æquam de magistratu existi-
 mationem accipimus: vt non modò facultates ad necessarios
 vsus Reip. impendamus, aut corporis ministeria præstemus,
 sed etiam mens nostra benè & honorificè de illo sentiat, iudi-
 cet & loquatur. His enim rebus ab Ethnicis differimus, qui
 tantum metu non timore vero suos magistratus reuere-
 bantur. Differimus etiam ab adulatoribus, qui, principi-
 bus vt placeant viris, quiduis faciunt, si quid aiunt, aiunt:
 si negant, rursus & ipsi negant. Rectè autem tum de-
 mum de Magistratu sentimus, quando Dei in illo ordinatio-
 nem agnoscimus, nosmetipsi submittimus, edicta ipsius potio-
 ra iudicamus nostra opinione, mandatis ipsius salua religio-
 ne morem gerimus, si quid in ipso minus perfectû, celamus
 atque excusamus & denique cum multorum eum bonorum
 administrum nobis esse intelligimus, qui pacem procuret, *Luc. 23*
 qua necessaria corporis ac religioni conuenientia sequi pos-
 simus: qui vitam, vxorem, liberos, & quicquid charum
 habemus, tueatur atque defenser, Deo, cuius hæc ordina-
 tione nobis contingere, gratias agimus, imò & pro ipsa ma-
 gistratus salute supplicamus. Hæc enim omnia Paulus ti-
 moris atque honoris nomine comprehendit. Sunt enim hæc
 Cæsaris, id est, magistratus, eôque Christi ea mandata rectè
 illi

illi impendimus atque reddimus. Atque hinc videre est, quæ impietate Iudæi Christum atque Apostolos motus atque seditionis causa accusarint, quæ iniquitate ipsius verba inuertierint, cum evidentissimè veritati repugnâtes, prohibuisse cum aiunt tributa dari Cæsari. Non enim prohibuit, sed magis dari iussit. Præmissio autè quid magistratibus subditi debeant, quæque lege ipsis sint deuincti, non incongruè quid magistratum deceat erga subditos, quid non, addiderimus. Neque enim cum Christus dari iubet Cæsari, quæ sunt Cæsaris, omnem licentiam in subditos magistratui permisit, aut ipsius tyrannidi patrocinator. Propterea summo studio vigilandum est magistratui, ne frustra & iniquè imperet, ne in manus domini & ipse incidat. Quod autem officium sit magistratus, Salomon indicat, cum ait: Audite Reges & intelligite, discite iudices finium terræ, Præbete aures vos qui continetis multitudines, & placetis vobis in turbis nationum: quoniam data est à Domino potestas vobis & virtus ab Altissimo, qui interrogabit opera vestra, & cogitationes scrutabitur: quoniam cum essetis ministri regni illius, non rectè iudicastis, nec custodistis legem iustitiæ, neque secundum voluntatem Dei ambulastis. Horrendè & citò apparebit vobis: quoniam iudicium durissimum in his qui præsumunt, fiet. Exiguo enim conceditur misericordia, potentes autem potenter tormenta patientur. Quibus sannè verbis per ea quæ magistratus iniquè fecit, quid sui sit officij intelligere datur. Primum ergo magistratus officium est, quales fuerint, & à quo hanc potestatem acceperint, agnoscere. Hoc enim sapientia vult cum à Domino potestatem hanc accepisse, ipsos verò ministros tantum in regno Dei esse ostendit. Vtrunque autem eò pertinet, vt humiliter de sese sentientes, omnia Deo tribuant. Deinde & illud magistratus officium est, rectè iudicare, & legem iustitiæ custodire. Coniunctim hæc dico, vtrunque enim ad dicendum ius pertinet. Neque enim alterum sine altero rectè administrari potest. Rectè enim iudicat, qui secundum legis decreta ius pronunciat, atque sententiam fert. Iustitiæ verò legem custodit, qui rectè & secundum legis decreta diiudicata, quantum in se est exequitur, vt vtrunque hoc, licet diuersum officium, ad magistratum legitimum pertinere intelligamus. Hinc Iosaphat iudicibus quos per ciuitates constituerat loquens, præcepit, dicens: Vadete quid faciatis. Non enim hominis exerc-

ccis

Sap. 6

2. Par. 19

cetis iudicium, sed Domini, & quodcunque iudicaueritis, in vos redundabit. Sit timor Domini vobiscum, & cum diligentia cuncta facite. Non est enim apud Dominum Deum nostrum iniquitas, nec personarum acceptio, nec cupido munerum. Et mox: Sic ageris in timore Domini, fideliter & corde perfecto. Omnem causam quæ venerit ad vos fratrum vestrorum, qui habitant in urbibus suis, inter cognationem & cognationem, ubicunque quæstio est de lege, de mandatis, de caeremoniis, de iustificationibus, ostendite eis, ut non peccent in Dominum, & ne veniat ira super vos & super fratres vestros. Sic ergo agentes non peccabitis. Denique licet magna hæc sint, non tamen sufficiunt. Nam & illud requiritur, ut secundum Deum magistratus ambulent, hoc est, Deum vitam referant, & omnibus exemplum piæ vitæ statuunt. Atque hic maximè superfluous ille sumptus, & subditorum sanguine quæstus splendor arguitur. Est enim in primis contra Deum vivere, alienum sudorem consumere. Viuit enim Deus nullius incommodo, omnium bono. Et Christus homo cum in terris conuersaretur agens, pauperem vitam agere maluit, quàm aliquem incommodo afficere, vixit cum paucis selectis, vixit sine splendore, equos nullos aluit. Plus semper dedit quàm accepit. Et huius exemplum in primis magistratui sequendum est. Dauid enim Reges appellans, Intelligite, inquit, erudimini qui indicatis terram. Seruite Domino in timore, & exultate ei cum tremore. Apprehendite disciplinam: id quod Hebræi interpretes: Osculamini filiurn, reddidere. hoc est, vitæ imitatione sequimini Christum, quantum fieri potest, conformes illi vos reddite. Hinc in Deuteronomio Dominus ait: Cum fuerit constitutus Rex, non multiplicabit sibi equos, non habebit uxores plurimas, neque argenti & auri plurima pondera. Nimirum hæc sunt eiusmodi, quæ quum plurimum ad sui conseruationem consumunt, sæpe tyrannidi principum causam dare solent: necessitate enim urgente, ut adsit quod requiritur, laborant: & per fasque nefasque quum de suo non possunt, de alieno, quouis quæsito colore rapiunt. Id quod Iob etiam animaduertisse videtur, cum impiorum in pauperes violentiam describens: Alij, inquit, terminos transtulerunt, diripuerunt greges, & pauperunt eos, affnum pupillorum abegerunt, & abstulerunt pro pignore bonem viduæ. Subuerterunt pauperum viam, & oppres-

*Ibidem.**Psal. 3**Dent. 17**Iob 24*

run

runt pariter māsuetos terræ: alij quasi onagri in deserto egrediuntur ad opus suum, vigilantesque ad prædam præparant panem liberis. Agrum non suum demerunt: & vineam eius quem vi opprefferunt vindemiant. Nudos dimittunt homines, indumenta tollentes, quibus non est operimentum in frigore, quos imbres montium rigant: & non habentes velamen amplexantur lapides. Vim fecerunt deprædantes pupillos, & vulgum pauperem spoliauerunt. His, inquam, & id genus multis aliis verbis Propheta illicitam vim, quam animaduenerat, descripsit. Simile quid in Ezechiele scriptum

Exc. 19 legimus, ubi de Ioachim Dominus loquens, Leo, inquit, factus est, & didicit capere prædam, hominẽmque comedere.

3. Reg. 19 Hinc Roboam reprehenditur, qui populo suo ab intolerabili iugo releuari cupienti, respondens inhumanissimè: Pater, inquit, meus cecidit vos flagellis, ego autem exdam vos scorpionibus. Imò hanc vocem, quòd plena esset tyrannidis, Aduri Quæstoris Roboam mors, & decem adeò tribuum defe-

Luc. 3 ctio sequuta est. Propterea Baptista etiam Magistratus ministris viuendi rationem præscribens, & ne officij terminos transilirent monens: Neminem, inquit, concutiat, neque calumniam faciatis, & contenti estote stipendiis vestris. Rectè id sanè. Non enim Christus iussit Cæsari reddi, quæ postulat, sed quæ sunt eius, quæ iustis rationibus ipsi debentur. Atque hæc quæ sibi inuicem debent Magistratus & populus, ideo hic coniunxerim, ut inuicem debita præstent, non solum quòd ita recta ratio dicat, aut ad tranquillitatem publicam plurimum faciat, verum etiam quòd ita fieri Deus præcipiat, ac sacræ literæ moneant. Iam verò quæ Christus Deo reddi

vult, eiusmodi sunt, ut partim nostram, partim etiam Dei personam concernant. Et in nobis quidem sunt corpus & anima. Externa enim ut non sunt propriè nostra, ita nec in nobis verè sunt. Tum nec eiusmodi sunt, quæ Deo per nos rectè dari possunt. Non quia iam ante in Dei potestate sunt, & per nos (quantumuis velimus) sæpe dari non possunt, sed quòd digna Deo munera non sunt. Corpus autem & anima hominem constituent: & quia cætera hominis causa à Deo data sunt, homo autem propter Deum conditus est, rectè animam & corpus, ut quæ propriè hominis sunt, & à Deo sunt, Deo reddimus. Reddimus autem, quando anima iugi meditatione circa diuina occupatur, & quodammodo tota in Deum rapta trans-

formatur

formatur, quando corpus à vitiorum sordibus emundatum, solius Dei ministeriis exercetur, & peccato liberum. Spiritus sancti factum est domicilium. Qua de re Paulus Corinthiis scribens: An nescitis, inquit, quoniam membra vestra templum sunt Spiritus sancti, qui in vobis est, quem habetis à Deo, & non estis vestri. Empti enim estis precio magno, glorificate & portate Deum in corpore vestro. Deo ergo debetur, anima, corpus, hoc est totus homo, fides, spes, charitas, timor, obedientia, castitas. Et hæc ex parte hominis. Iam verò in Deo sunt æternitas, omnipotentia, scientia, bonitas, quæ omnia illi reddimus, quando ipsum verè æternum, omnipotentem, scientem, veracem, iustum, atque bonum esse & sentimus & confitemur. Et hoc in primis elaborandum est, vt Deo vbique suus constet honos, nec alia ratione Magistratus honoretur, quàm propter Deum. Hæc igitur Christi hoc in Euangelio voluntas, hoc filij Dei mandatum est, vt Cæsaris quæ sunt, Cæsari: & quæ sunt Dei, Deo reddamus, neutrum suo honore priuemus. Cessent ergo querelæ, nec disputemus cur Deus ita voluerit, sed magis promptè & ex animo pareamus. Sic fiet vt hic tranquillè, atque olim æternum cum Christo viuamus, vbi Deus omnia in omnibus, cui sit imperium, honos, & dignitas omnis. Gratia Dei vobiscum. Amen.

I. Cor. 6

DOMINICA VI-

GESIMA QVINTA

POST PENTECO-

STEN, EVANG.

MATT. IX.

HÆc illo loquente ad eos, ecce Princeps vnus accessit & adorabat eum, dicens: Domine filia mea modò defuncta est, sed veni, impone manum tuam super eam, & viuet. Et surgens Iesus sequebatur eum & discipuli eius. Et ecce mulier quæ sanguinis fluxum patiebatur duodecim annis, accessit retro, & tetigit fimbriam vestimenti eius. Dicebat enim

enim intra se: Si tetigero vestimentum eius, salua ero. At Iesus conuersus & videns eam, dixit: Confide filia, fides tua te saluam fecit. Et salua facta est mulier ex illa hora. Et cùm venisset Iesus in domum principis, & vidisset tibicines & turbā tumultuantem, dicit illis: Recedite, non est enim mortua puella, sed dormit. Et deridebant eum. Et cùm cecidisset turba, intrauit & tenuit manum eius, & dixit: Puella surge. Et surrexit puella. Et exiit fama hæc in vniuersam terram.

E ADEM DOMINICA EPI-
stola, Coloss. i.

NON cessamus pro vobis orantes & postulantes, ut impleamini agnitione voluntatis eius in omni sapientia & intellectu spiritali: ut ambuletis dignè, Deo per omnia placentes, in omni opere bono fructificantes, & crescentes in scientia Dei, in omni virtute, confortati secundum potentiam claritatis eius, in omni patientia & longanimitate, cum gaudio gratias agentes Deo patri, qui dignos nos fecit in partem sortis sanctorum, in lumine, qui eripuit nos de potestate tenebrarum, & transfudit in regnum filij dilectionis sue, in quo habemus redemptionem & remissionem peccatorum.

S E R M O.



Vangelica hæc lectio nec obiter nec frigide intuenti mihi veram Euangelij naturam refert. Cùm enim vna ferè hora, vnico in itinere duo homines solius Christi cùm omnipotentia, tum commiseratione sanati sunt, alter in via, alter in domo, ille languidus, hic etiam mortuus: non modò nostræ naturæ conditionem declarat, verum etiam naturæ huius domini Christi potentiam eximiam, & voluntatē paratam describit.

Quid

Quid miserabilius fœdus in via hac muliere? Attamen Christus emundat. Quid desperatius in domo mortua virgine? sed Christus vivificat. Hic omnia in omnibus, dives in omnes. Verè igitur huius pedes tam bonum nuntium adferentis speciosi sunt. Benedictus qui venit in nomine Domini Rex Israël. *Isai. 32* *Psal. 117*

Nolite autem intra vosmet cogitare, hæc illis tantum duobus obtigisse: nemo quasi ad nos nihil pertineat secum disputer. In hoc enim Euangelio est, quod ad nos quoque pertinet. Nobis enim isthæc historia servit, & nostrâ ad doctrinâ hæc scripta sunt. Imò nostri causa facta sunt. Nempe ut Christum Iesum agnoscamus, in quo omnis & salus & spes nostra consistit, præter cuius nomen, non est aliud sub cælo in quo oporteat nos saluos fieri. Et hoc ipsum nomen quicumque verè in voce auerit, saluus erit. Neque enim apud Dominum est discretio Iudæi & Græci: sed fides hic requiritur, sine qua nec saluti ad nos, nec nobis ad salutem transitus est. Fides ex auditu, auditus per verbû Dei est. Ex auditu enim agnitio Christi est, ex agnitione fides; porro ex fide fiducia, hinc verò invocatio est. *Act. 4* *Heb. 2* *Rom. 10*

Loquitur ergo hic verbû Dei, cum beneficia Christi proponit, & requirit à nobis agnitionem & fidem, ut cû fiducia ipsius misericordię accedamus, & invocemus. Hæc summa est. Cum enim fides confirmetur tribus præcipue rebus, promissione diuina, acceptorum beneficiorum memoria & exemplis: maxime exempla fidem & faciunt & confirmant. Duplici autem ratione par illud hominum considerandum est. Principio huius viæ, & sequenti viæ exemplum sunt, cum hæc in via sanatur, illa in domo à morte suscitatur. Deinde etiâ utrunque populum designant, Iudaicû & Gentilem, Iudæorum enim puella mortua est, Gentium mulier languida figuram habet. Non enim erat missus, nec venit Dominus nisi ad saluandas oves quæ perierunt domus Israël, & ecce in via gens languida saluatur. Postea verò archisynagogæ filia resuscitatur. Cum autem utranque hanc sanat, illam resuscitat Christus, se esse eum declarat, qui vitæ mortisq; habeat imperium, nec alteri cuiquam hanc communicare potentiam ac dignitatem. Quandoquidem Paulo teste, ut per unum hominem mors, ita & per unum hominem mortuorum resurrectio. Vnde & Psalmista Christum inducit sic loquentem: Propter gemitum & miseriam pauperum, nunc exurgam: ponam in salutari, *Matt. 13* *1. Cor. 15* *Psal. 11*

- Osee 13* fiducialiter agam. Et in *Osea* loquens Dominus: De manu, inquit, mortis liberabo populum meum, de morte redimam eum. Ero mors tua o mors, morsus tuus ero inferne. Necdum quidem apparet, hanc vocem Dei in omnibus efficacem esse, cum iusti pariter atque iniusti morimur, & vita nostra cum Christo abscondita est in Deo. Cum autem Christus vita nostra apparuerit, tunc & nos cum ipso apparebimus in gloria, quia mortale hoc induet immortalitatem, & fiet sermo qui scriptus est: Vbi est mors victoria tua? vbi mors stimulus tuus? In resurrectione ergo victoria mortis perimetur, in hac vita stimulus mortis obtunditur. Et hæc in Christo certò nobis & speranda & expectanda sunt, ut nempe hic per ipsum mortis stimulum obundamus, id est, peccatum eitemus, ut olim per eundem mortis eludamus victoriam, cum resuscitati viuemus iterum non morituri.
- Hæc infideles nihili aestimant, quia nec Christum norunt, nec quanta sint dona eius intelligunt. Circa corporalia tantum occupantur, & huius morbis mederi student, animæ languorem eo periculosiorem morbis corporis, quò corpore præstantior anima est, non sentiunt, cautibus duriores, nec conscientie angore morderi volunt: imò letantur cum malefecerint, & exultant in rebus pessimis. Propterea etiam nec liberari animæ malis petunt, quia salute eius non afficiuntur. Idque ad tempus ipsis conceditur, sed erit aliquando quum iidem præ dolore cordis clamabunt, & præ contritione spiritus ululabunt, sed serius & frustra. Incredulis autem ij amplius quid viderunt, quibus pati ratione mentis atque corporis sanitas curæ fuit, ut qui propterea diuinum nimen orandum esse censuerunt, ut sit mens sana in corpore sano. Sed longè melius atque rectius sentiunt, qui solius mentis sanitati student, eiusque languore afficiuntur: ut et circa corpus hoc agatur. Verè enim anima languet, cum peccato squalida: ira Dei subiecta, mortis terrore atque conscientie mordentis angore. Cuiusmodi primus homo sentit, cum ait: Audiui vocem tuam Domine, & timui. Cuiusmodi Cain, sed non ad sanitatem habuit, Ecce, inquit, ericis me, & qui quique inuenerit Cain, occidet me. Cuiusmodi Dauid in se inuenit, cum ait: Domine ne in furore tuo arguas me, neque in iratus corripias me. Quoniam non est sanitas in carne mea à facie iræ tuæ, non

non est pax ossibus meis à facie peccatorum meorum. Quoniam iniquitates mex supergressæ sunt caput meum, & sicut onus graue grauatur sunt super me. Cuiusmodi & Iob animaduertit, quando sagittas Domini in se esse, earumque venenum spiritum suum ebibisse, conqueritur. Cuiusmodi *Luca 7* denique & mulier illa in ciuitate peccatrix, cum cordis dolore, atque gemitu non voce, sed affectu ad Christi pedes, professa est. Neque est qui non aliquam propriæ animulæ debilitatem animaduertat, nemo tam iustus aut sanctus, qui non inueniat in se quod emendatione opus habeat. Omnium hæc communis conditio est huius viæ: propriè per mulieris huius passionem significata. Neque enim vlla ferè mulier est, quæ illo malo sit planè libera. Variè tamen diuersas pro cuiusque qualitate afficit. At in hac incurabile malumerat. Nam Luca teste omnem ea propter substantiam in medicos impenderat, nec ab vilo potuerat curari, imò afflicta multis modis mulier magis in deterius venerat, idque iam duodecim annos sustinuerat flagellum, eaque eius erat conditio, vt sibi foeda, omnibus fieret exosa & abominabilis. Nam & in lege eiusmodi mulieres immundæ *Leuit. 19* iudicabantur & ab hominum consortio arcebantur. Planè hæc peccati natura est, quod tales efficit omnes, qualem hic morbus fecit foeminam. Est enim peccatum nullis humanæ naturæ viribus curabile. Solus Deus pro sui nominis gloria miseretur, curat atque delet peccatum in homine, efficitque ex imitando purum, ex peccatore iustum. Tum vt morbus ille omnem sibi sumit substantiam, ita peccatum enervat hominem & obscurat, vt nec ratio ipsa sibi sufficiat. Denique peccatum fortiter facit eum in quo est coram Deo & hominibus, aliisque diffuens inficit. Quemadmodum Paulus similitudine fermenti totam massam corrumpentis sumpta, claris verbis ostendit. Et quid tali homine desperatius? Quid miserabilius? Talis hæc erat mulier, tales omnes sine Christo sumus. Sed curata est mulier, curata & sanata, sanata & saluata est. Nos in via adhuc sumus, molestat nos circumstans peccatum, illo liberati ac purificati viuere cupimus. Ecce mulier, noui eam aliquando & longo tempore foedam quomodo nunc sanata est, quomodo saluata? Quo vsa vnguento est, cui ipsam natura denegauit opem? Quo precio remunerauit impensam, quæ

erogauit omnia sua in medicos. Audi quid Euangelista dicat. Cum audisset de Iesu, venit in turba retro, & tetigit vestimentum eius. Dicebat enim intra se: Quia si vel simbram vestimenti eius tetigero, salua ero. Occasionem salutis fama de Christo dederat, venisse hominem Deo satum, potentem, facilem, beneficium, qui quoslibet quantumuis desperatos sanaret, qui hanc suæ potentiaæ opem nulli deneget, qui missus à Deo, gratis nulla impensæ remuneratione, solo verbo sanans, omnibus optatam valetudinem restituat. Hæc de Christo fama erat, quæ tum demum ad eam perueniebat, quando multa à medicis perpeffa fuerat, omnem substantiam insumpserat, iamque de salute propè desperauerat. Conuenientissimè verò id & in tempore: Si enim antea venisset hæc fama, quando adhuc sub medicorum cura erat mulier, aut non secuta fuisset famam, aut recuperatam valetudinis gratiam, non Christo, sed medicis retulisset. Solet autem sua dona illic libentius communicare Deus, vbi cessant & nihil possunt ratio atque natura, vt agnoscantur dona, & referatur gratia. Hinc in Sapientia libro scriptum est de Hebræis, quos nec herba, nec malagma, sed Domini sermo sanauerit. Et quis ille sermo? Ille de quo Ioannes scribens, fuisse eum in principio apud Deum, imò esse Deum, & omnia per ipsum facta esse, confirmat. De quo & Dauid loquens: Misit inquit, Deus verbum suum, & sanauit eos, & de omnibus interitionibus eorum saluauit eos. Meritò igitur Propheta ipsum verbum alloquens: Tibi Domine, inquit, derelictus est pauper, orphano tu eris adiutor. Ipse viduarum pater, ac pupillorum vindex. in Psalmis, vt se conueniat quisquis aduersis agitur monens, Inuoca me, inquit, in die tribulationis tuæ, eripiam te, & honorificabis me. Ervere vult nos, & vult honorificari à nobis. Quòd si tribulationem per naturæ aut rationis media discutiamus, minus sanè accendemur ad honorandum Deum, quàm si per ipsum immediate sanati fuerimus, licet enim ab vno eodemque autore sit, siue mediatè, siue immediate sanemur, tamen diuersitas operationis, differentiam parit honoris. In tempore igitur fama veniens, Christi virtutem reddidit magis conspicuam. Docemur autem hoc ipso non desperare in eiusmodi angustiis positi, magis verò accurrere vbicunque Christus prædicatur, & quæ de ipso prædicantur, quasi ad nos quoque pertineant

5 ap. 161

Ioan. 1

Psalm. 106

Psalm. 9

Psalm. 49

neant, firma fide apprehendere, quod neminem ad se venientem eiiciat foras, certissimò persuasum habere. Hæc occasio *Ioan. 6* sanitatis erat. Sed vide quid agat mulier, venit retro in turba, & tetigit vestimentum eius. Dicebat enim intra se, Si tantum tetigero simbriam vestimenti eius, salua ero. Audierat de Christo, & quod non frustra audierit, respondit: magna enim hæc fides erat, solius simbræ tactu sanitatem sibi polliceri. Nos altius hæc perpendentes vestimentum Christi sacram Scripturam, in qua Christus absconditus est, interpretamur: simbriam eius vestimenti, minutissima quæquæ scripturæ dicimus, quam ille tangere dicitur, qui minimas quoque testimoniorum Christi particulas obseruat, apprehendit, arque in iisdem inhæret. Sed & humanitatem Christi per vestimentum intelligimus, ut enim corpus humanum veste tegitur, ita Christus quatenus Deus est in humana carne latuit. Hanc tangit, qui diuinitatis Maiestate territus, incarnati verbi mysterium fide apprehendit: simbria huius ipsa passio & mors est. Non modò quod, ut in vestimento simbria, ita in vita Christi mors ferè nouissimum est, sed magis quod ut hic simbræ tactu purgatio, ita morte Christi data est peccatorum emundatio, ut Ioannes ipse testificans, Sanguis eius, *1. Ioan. 1* inquit, mundat ab omni peccato. Et Paulus, In ipso, inquit, habemus remissionem peccatorum per sanguinem eius. Et: Sanguis Christi, qui per Spiritum sanctum obtulit semetipsum *Eph. 1* immaculatum, Deo immundabit conscientiam nostram ab *Hebr. 9* operibus mortuis, ad seruiendum Deo viuenti.

Utranque simbriam, hoc est, Scripturas sacræ atque Christi humanitatem hæc sola mulier in tota illa turba tetigit, propterea interius exteriusque mundata est. Nos verò nobis quidem videmur eandem bellè tangere cum verbi Euangelii audimus, & corporis sanguinisque mysteria sumimus. Hinc nobis nihil non salutis pollicemur. Sed reuera non tangimus, sed ut turba hæc premimus Christum, vira nostra Christi *Isa. 34* nominis gloria esse debuit, sed dehonestamento est & religioni & nomini Christiano. Neque enim ut oportuit scripturæ intendimus, neque ut decet sacramenta percipimus. Atque hinc est, quod multi inter nos sunt infirmi, & dormiunt multi, id quod Dominus conqueritur, dicens: Ecce *1. Cor. 22* verbum Domini factum est in opprobrium, idcirco furo- *Isai. 1* re Domini plenus sum, laboravi sustinens. Imò non Do- *ler. 6*

minus modò, sed serui etiam Domini hoc ipsum testantur, quòd à multis non tangatur Domitus, sed comprimatur, cùm Prophetæ atque Apostoli magna vehemètia corripunt eos, qui sub prætextu Christiani nominis impiem sequuntur vitam, ignominiæque deprimunt Christi gloriam. Hinc cunctis negantibus, Petrus & qui cum illo erant, respondit:

- Luca 8* Præceptor, turbæ te comprimunt & affligunt, & tu dicis: Quis me tetigit? Id quod spiritualiter intelligas, persède ac si dixisset: Innumeri, præceptor, tuam gloriam sub prætextu fidei obscurant, deprimunt, affligunt: & quid miraris vnam aliquàm inueniri, quæ hoc verè intus sentiat, quod præ se fert foris? Sanata ergo est mulier sola in omni hac turba, quia cunctis prementibus Christum, ipsa sola tetigit, hoc est, verè & viuaciter credidit. Sed neque nudâ, neque sola hæc ipsius fides fuit, ornata enim fuit humilitate, comitata confessione. Humilitatem enim duplici modo ostendit, cùm quod retro accessit, tum quod videns quia latere non posset, & tremens venit, & ante pedes Iesus procidit, indignam se, quæ tanta scelerate in conspectum prodiret Saluatoris, iudicauit. Sed & mundata iam quantumuis egregia fide imbuta, non nisi tremens ac pauens in conspectum adacta, ad pedes procidit. Inuenias quidem qui in conspectum non sine præsumptione prodeant, hoc est, qui dignos se diuinis donis pro meritis reputent, qualis erat Pharisæus ille, qui in templo stans sua benefacta enumerat. Euenus autem vtriusque diuersitatem, declarat, cùm hic nullo suo commodo ista quantumuis verâ recenser, illa verò ex humilitate sanitatem retulit. Quo & nos rursum doceamur humiliter de nobis sentire, & cum Iacob, quòd minores simus cunctis miserationibus Dei & veritate quam implet in nobis confitei: & cum Dauid, Deo subiecta anima, in conspectu eius orationem nostram effundere, & tribulationem nostram ante ipsum pronuntiare.

- Gen. 32* Hoc Deo gratum nobisque convenientissimum. Confessio verò mulieris fidem comitata duplex est. Etenim immundam se fuisse, & à Christo sanitatem consecutam esse, coram omni populo confessa est. Id quod Marcus in vnum colligens, Omnem (inquit) veritatem mulier dixit ei. Sola hæc atque vera veritas est, nos accusare, & Christo omnem salutem nostram tribuere. Non autem

cuiusc

cuiuscunque est veritatem profiteri, sed eius, qui à veritate sanatur, sicut hæc mulier. Videmus ergo veritatem in hac muliere, hoc est, fidem egregiam, humilitatem summam, confessionem puram. Et hanc multiplicem veritatem mulieris, æterna Dei veritas Christus non immeritò desiderata salute remunerat: Filia, inquit, fides tua te saluauit vade in pace. Iucundissimum sanè hoc spectaculum est, ex quo Christus virtutis suæ testimonium, & mulier sani atem fidei suæ dignum reportauit præmium. Diximus autem initio sermonis huius, mulierem hanc duplici ratione considerandam esse. Primò quæ huius viæ habeat figuram, deinde quæ populi credentis ex gentibus habeat imaginem. Vtræque consideratio periucunda est: dum enim in hac via sumus, immundi sumus. Et quid Christiano homini latius obtingeret, quàm scire non modò quòd per Christum certa nobis maneat sordium nostrarum emundatio, verum etiam quæ ratione ipsa emundatio consequi possit ac debeat. Atque vna hæc mulier omnia ista suò docet exemplo. Sic cum Gentium habet imaginem, nōne nos & officij nostri commune facit, & mētes nostras ad gratias agendas Deo incendit? Quorum illud eo consistit, vt faciamus vocationem nostram: hoc verò, vt memoremus quanta sit gratia, excisis Iudæis, nos esse insertos, repudiato populo Dei, ad veritatis agnitionem peruenisse gentes. Illi enim populo ex promisso debebatur salus, & illi etiam venerat Christus. Vnde & hic scriptum est, posteaquam Iairi Synagogæ principis oratione pro filia salute interpellatus esset, surrexisset dominum cum discipulis suis, atque sequutū fuisse eum. Vt intelligamus, quòd hæc mulier sanata est, esse ex accidente, quantum ad nos, nec ideo illuc venisse Christum. Sequebatur Iairum, & ipsum quidem orantem. Præmisit enim Euangelista quòd accesserit ille adorans, & dicens: Domine, filia mea modo defuncta est. sed veni, impone manum tuam super eam, & viuet. Hæc (inquam) petitio præcesserat. Quòd si iam hoc etiam miraculum considerare placet: vt mulier huius viæ, ita puellæ excitatio futuræ imaginem resurrectionis habet, & totū quod hic pater agit, Iudæis inueniemus conuenire. Orat pater, & in oratione sua tria præcipue, humilitatem, quā & in muliere prædicauimus, desiderij & fidem cōplectitur. Et quid Iudæorum prophetæ præterea fecerunt, quàm hic præstitit. Nōne & ipsi pro populo

Matt. 9

Iudaico orauerunt, sicuti hic pro filia? Nōne & humilitatem, & desiderium & fidem suam egregiè tot scriptis declararunt? Sanè quòd Iairus adorauit Dominum, abundè & apertè satis necessitatem, periculum & insufficientiam suam professus est, cui resarciendæ nemo nisi Christus sufficeret. Idem prophetarum supplicationes multæ & variæ volunt. Et commodissima hæc consequendæ vitæ via est.

Eccle. 35
Isai. 66

Oratio enim humiliantis se nubes penetrat, & Domini Spiritus non nisi super pauperem spiritu & contritum corde requiescit. Sic quòd hic tam multa dicit, vt quum filiam vocat, & suam, & hanc mortuam, & modò mortuam. Vt ergo & ipse veniat, & manum super demortuum imponere non horreat, certò victuram eam ingens desiderium ostendit. Ita enim precari, verè est orare, hoc

Exod. 14

est, mentem in Deum eleuare. Id quod duo maximè efficiunt, propriæ miseræ consideratio, & Dei miserationis contemplatio. Et hoc ipsum Iudæorum prophetæ præstiterunt. Clamauit Moses non lingua, sed mente, non aliud optans quàm vitam huius filix, hoc est, Synagoga.

Psal. 118

Et Dauid hoc egit, cum diceret: Clamaui in toto corde, exaudi me Domine. Tertiò & fidem suam declarans, cum certò victuram filiam sibi persuadet ex manu impositione, Prophetarum imaginem reddit. Nam & hi sis de excellenti præditi fuerunt, id quod in omnibus ipsorum oraculis videre est. Sed quantumuis humilitas fuerit summa, ardens desiderium, fides excellens: non tamen quod petit reportat, nisi primùm sanata muliere. Sic licet Deus promissis stet, & iam tunc prophetarum humilitatem, desiderium, fidemque aspexerit, velitque saluare, & à morte liberare: tempus tamen definitum expectandum erat, vt qui in gentibus sanandi erant, prius subintrarent, deinde verò reliquæ Israël saluabuntur. Vehementer autem fides Iairi huius exercebatur, & defecisset, nisi Domini consolatio conseruasset eum. Est enim pulcherrimum fidei & rationis certamen. A domo sua abiens filiam reliquerat decumbentem pater: spes erat per Domini manum posse sanari: imò vt hoc speraret, Christus effecit, quum mox audita prece, surgens sequebatur eum. Sed vide quàm multa sint quæ hanc spem infringere conantur. Mora sit dum mulier sanatur, & si quæ spes fuerat vitæ, mora tamen hanc eludit. Deinde cum iam mulier sanata esset

&

& appropinquaret domui suæ, ecce serui eius veniunt, ac mortem filia nunciantes, desisteret precari, ne vexaret magistrum iubent. Et quæ hic spes superesse potuit, quæ fides aut non caderet, aut non languesceret? Totum quod in filia reliquum vitæ erat, perierat: & certè cum vita perire potuit & fides. Sed quid Christus? Noli, inquit, timere, crede tantum, *Luc. 8.* & salua erit. Ratio de morte loquitur: fides vitam ostendit. Inter vtramque mens versatur dubia. Simile quid in Ioanne Christus ad Martham loquitur: Qui credit in me, etiam si *Ioan. 12.* mortuus fuerit, viuet: & omnis qui viuit & credit in me, non morietur in æternum. quasi dicat: Pugnat cum fide tua ratio, sed noli à fide desistere. Non enim ad salutem filia facit, mortuane sit, an viuat, sed fides tua. Sic Dominus suorum fidem probare solet: probauit Israël: crediderat enim Deo, & per signa quæ in Moyse fiebant, propitium se habere Deum iudicabant, omniâque sibi latta & foelicta pollicebantur. Sed postea quàm ad mare rubrum venissent, interque illud atque insequentes Aegyptios medijs premerentur angustiis, timere, desperare, deinde etiam fame pressis relictas post se carniû ollas appetere incipiebant. Probauit & Ioh prophetam, & eo vehementius quo ille perstabat fortius: Primò *Iob 1.* non vnus, sed multorum nunciis eum rerum suarum statum audiebat, qui solet esse à Deo derelictis. Deinde & amici atque propinqui multis ad fallendum compositis argumentis à fidei tramite seducere iustum laborant. Postremò ipsa etiam coniunx insultabat, sed perstabat ille, & veluti Marpesia cautes nullis neque dictis neque malis mouebatur: Scio (inquit) *19* quòd redemptor meus viuit, & in nouissimo die de terra resurrectorus sum, & in carne mea videbo Deum saluatorem meum, quem visurus sum ego ipse, & oculi mei conspecturi sunt. Et paulò antè: Si, inquit, occiderit me (Deus) in ipso sperabo. Nos quoque probamur, quotiescunque à Domino corripimur. Sed longè alia atque diuersa in nobis fidei ratio est. Credimus dum bene nobiscum agitur, & omnia ex animi sententia succedunt. At leui aliqua inuadente pruina, fidei nostræ seges exurit, languescit, decidit, inque nihilum redigitur. Verùm tamen multa sunt & egregia exempla quæ hanc inconstantiam tollere fidèque firmare poterant. Israël probatus quantum uis timeret atque deficeret, Deus tamen propter promissionem

suam diuiso mari ipsos sicco pede perduxit, faméque labo-
Exod. 16 rantes celesti pane atque volucris pavit, aqua de petra
 fluente potauit. Sic Iob posteaquam constanti reliquisset
Iob 17 exemplum, omnibus denuò ditatus bonis redditaque sunt
 pro amissis duplicia. Nec potest tanta fiducia Dei beneficiis
 destitui. Quomodo enim qui iustus est Dominus in se confi-
 dentes abiiceret, quomodo non misereretur suorum, & à
3. Reg. 17 se solo tanquam ab beara anchora pendendum? Antequam
 Elias fame periret, ipsi etiam corui panem quo viveret sub-
 ministrare cogerantur, vt ne Israël in medio etiam deserto
 pereat, celestibus alimonis reficitur. Nempe fidei hoc est
 premium, quæ omnia etiam possibilia facit, cui & ipsi mon-
 tes cedunt atque obediunt. Nemo ergo de Christi potentia
 dubitet, nemo à fide in ipsum deficiat, salua fide, salua est &
 ipsa vita, etiamsi morte commutanda sit vita. Fuerunt olim
 suntque (pro pudor) etiamnum: quibus de futura resurre-
 ctione testimonia fabulæ videntur aniles. Hi cogitent se-
 cum, & excitatæ huius puellæ exemplo discant eum qui
 suam virtutem monstrauit in paucis, potentem esse, ean-
 dem exhibere & ostendere in omnibus. Neque enim auto-
 ri naturæ minus subiectum est totum quàm pars. Tum tem-
 pus expectent à Deo definitum, quod ne ipsis quidem ange-
 lis manifestum est, atque intelligant non posse omnes re-
 suscitari, nisi prius moriantur omnes. Sed videamus mo-
 dum quomodo puellam excitauerit. Cùm venisset in do-
 mum Principis, vidissetque ribicines, & flentes & eiulantes,
 & turbam tumultuantem, dicebat: Recedite, quid tumultua-
 mini? Non est enim mortua puella, sed dormit. Verè non
 erat mortua, ad quam veniebat vita. Mortua, erat homini-
 bus. Voluit autem per hoc quod ribicines eiicit, dicere: Non
 nimio fieri esse indulgendum propter dormientes: cur enim
 semper defunctum quasi mortuum: quum viuat, suoque tem-
 pore ad vitam sit reuersurus? Mundo hoc est proprium, qui
 emortuo corpore, totum hominem interiisse opinatur. Sed
 nobis mors ianua vitæ est. Propterea rectè Paulus monet,
Thes. 4 ne contristemur, sicut ceteri, qui spem non habent. Et scri-
 ptura defunctos non planè mortuos, sed dormientes vocat,
 vt hic Christus, vera enim mors est, à qua ad vitam non est
 transitus, qualis est mors incredulitatis, quæ verè mortuos
 facit, ac propterea pessima mors dicitur. Ita mortui, etiam
 si vi

si uiuant, descendendi sunt, sicut Paulus ipse incredulos descendit Iudæos. Christianus descendendus non est, siue uiuat, siue mortuus sit. Siue enim uiuimus, siue morimur, Domini sumus. Hinc in Ecclesia nullæ lamentationes apud demortuos sonant, sed consolationes quæ fidem futuræ resurrectionis scripturæ autoritate corroborant, ut ex Iob: Scio quod redemptor meus uiuit. Et ex David, Cōuertere animam meam in requiem tuam, quia Dominus benefecit tibi. Quomodo autem fletus ille super demortuos dacebit credentes, quum in infidelibus inuenti sint, qui decessum suorum æquo animo tulerunt? Et illis de resurrectione nulla spes, nobis verò de ea certa expectatio est.

Voluit deinde etiam docere, quod fideli mors timenda non sit. Non est, inquit, mortua, sed dormit. Per Christum enim deuicta est mors. Id quod in Osea promissit, & in Euangelio in se credentibus præstitit. Hinc illa Pauli exultatio: Vbi, inquit, est mors victoria tua, ubi est mors stimulus tuus? Voluit propterea dehortari à nimio sumptu quo circa funera nonnulli gloriam hominum captant, qui nec defunctos quicquam iuuat, nec uiuentibus aliquid prodest.

Sed mundus hæc non intelligit, propterea ridet, quantumuis vera prædicet Christus suumque sequitur institutum. Audi quidem verba prædicantis Christi, sed nec fidem confirmat, nec vitam emendat. Ideoque indignus iudicatur, qui propius tantæ virtuti accedat. Elicitur ergo & ab arcanis secluditur Maiestatis. Quanquam & ideo eiectos dicere licebit, quod hominum laudes non appetierit, nobis in hoc ipso linquens exemplum, ne quam vulgi in benefactis venemur gloriolam. Assumpsit autem patrem & matrem puellæ, & ex suis Petrum & Iacobum & Ioannem, dignos tantæ virtutis testes.

Cum autem in tribus illis quos Christus sua manu à morte diuinitus resuscitauit, hanc nimirum puellam in domo, viduæ filium vnicum ante portam, & Lazarum in monumento, mysterij nonnihil annotarunt sanctarum scripturarum interpretes; quælibet resuscitatio peccatoris à damnatione liberationis habet significationem, & per hanc puellam, peccatorem quidē, sed cuius peccata adhuc in absconditis lateant, per viuicū viduæ filium, peccatorem & quidē manifestum, per Lazarū sepulcrū, peccatorem lōga cōsuetudine inueteratum, atque

Matt. 9

Luc. 7.

Ioan. 11

atque desperatum intelligamus. Hoc quoque Christus innuere hic voluit, quod eorum qui ex imbecillitate in aliquod facinus, sed occultum inciderint, delicta manifestanda non sint, verum aut nullis aut paucissimis adhibitis testibus emendandum & sanandum esse, ne scilicet pusillanimes facti, nimioque pudore confusi, aut desperent, aut insolecant magis. Filium viduæ palam & omnibus aspicientibus rescitavit, quia mors eius iam nota erat. Et qui manifestè peccauerunt, publicè corrigendi sunt. At in iis qui longa consuetudine iam induruerunt, perdifficilis est emendatio. Id quod Christus in Lazari excitatione ostendit, intenta enim voce clamat, Prodeat qui mortuus est. Postremò præcipit cibum apponi puellæ resuscitatæ, ideo, quo omnibus constet verè resurrexisse filiulam. Atque hæc iam de his duobus miraculis dicta sufficiant. Omnia autem eò faciunt, vt agnoscamus Christi virtutem, ipsique nos totos committamus, in ipso certam omnium resurrectionem expectemus, & quod ad veritatis agnitionem pervenerimus, gratias agamus. Licet enim Iudæorum Sacerdotes taceant, Pharisei blasphement, Scribæ rideant, mundus persequatur Christum, nostrum tamen est & agnoscere & prædicare gratiam, qua duo populi facti sunt vna gens, vnius moris in vna domo. In hac nos viuos & morte secunda liberos conseruet Christus Iesus, Amen.

DOMINICA VI-
GESIMASEXTA
POST PENTECOST.

EVANG. IOAN. VI.

CUm subleuasset ergo oculos Iesus, & vidisset quia multitudo maxima venit ad eum, dicit ad Philippum, Vnde ememus panes vt manducent hi? Hoc autem dicebat, tentans eum, ipse enim sciebat, quid esset factururus. Respondit ei Philippus, Ducentorum denationum panes non sufficiunt eis, vt vnusquisque modicum quid accipiat. Dicit ei vnus ex discipulis eius, Andreas frater Simonis Petri,

Est

Est puer vnus hic qui habet quinque panes hordeaceos & duos pisces, sed hæc quid sunt inter tantos? Dicit ergo Iesus, Facite homines discumbere. Erat autem fœnum multum in loco. Discubuerunt ergo viri, numero quasi quinque millia. Accepit ergo Iesus panes, & cum gratias egisset, distribuit discumbentibus, similiter & ex piscibus quantum volebant. Vt autem impleri sunt, dixit discipulis suis; Colligite quæ superauerunt fragmenta, ne pereant. Collegerunt ergo & impleuerunt duodecim cophinos fragmentorum ex quinque panibus hordeaceis, quæ superfuerunt his qui manducauerant. Illi ergo homines cum vidissent, quòd Iesus faceret signum, dicebant, Quia hic est verè Propheta, qui venturus est in mundum.

E A D E M D O M I N I C A

E P I S T O L A E L O C O L E

C T I O I E R E M I A E

X X I I L

Ecce dies veniunt, dicit Dominus, & suscitabo David germen iustum, & regnabit Rex, & sapiens erit, & faciet iudicium & iustitiam in terra. In diebus illis saluabitur Iuda, & Israël habitabit confidenter. Et hoc est nomen, quod vocabunt eum, Dominus iustus noster. Propter hoc ecce dies veniunt, dicit Dominus, & non dicent ultra, viuit Dominus, qui eduxit filios Israël de terra Aegypti, Sed, viuit Dominus, qui eduxit & adduxit semen domus Israël de terra Aquilonis, & de cunctis terris, ad quas eieceram eos illuc, & habitabunt in terra sua.

S E R M O.



Nnum quem Ecclesia neque Solares, neque Lunares reuolutiones respiciens, cum ex Oriente Sole suo Christo Iesu incipit, in duo diuisit antiquitas, vt sit altera pars eius tempus redemptionis, altera peregrinationis. Et illud quidem à prima aduentus dominica ad S. S. Triadis festum, hoc verò inde ad hanc presentem dominicam

diem cum sequenti sua hebdomada deducitur. Pulchrè igitur & necessariò. quando postremam anni dominicam diem hodie celebramus, veluti epilogo & sub grata quadam breuitate populus hic admonebitur, cum quid hactenus toto anno didicerit in inemoriàm reuocare; tum quid transacta fere omnium peregrinatione atque seculi consumatione appropinquante, Christus factururus sit, quæque nos maneat felicitas cogitare. Duo autem potissimum Christiana doctrina comprehendit, fidem nimirum atque iustitiam. Quæcunq; enim vsquam in sacris Bibliis conscripta sunt, ad hæc duo referri possunt, vt & firma sit de Deo fides, & vita ab impietate libera ad diuinitatem accedat quàm proximè. Rectè igitur hæc duo veluti epilogum eorum quæ hactenus audiuius, hodie superaddimus. Verùm inter ea quæ Christus consumatione seculi appropinquante factururus est, non infimum locum habet Iudeorum conuersio. Nam & de hac prophetica atque apostolica scripta clarè testantur. Nobis verò qui Christi hic vestigia sequimur, quique illius promissis credimus, quàm sperari possit abundantior in caelesti illa fruitione saturitas manet. Quæ omnia huic postremæ dominicæ diei apprimè conueniunt, vt ea quæ præterierunt & quæ sequuntur vigilantibus animis atque sedulò meditemur. Sed vbi horum mellior aut expeditior sumeretur occasio, quàm ex hoc Euangelio? Sanè quia miraculum hoc Christi fidem confirmat, populi in sequendo Christo prompta voluntas vitam instruit, panum quinque fractio Iudeorum conuersionem; populi que impletio futuram beatitatem figurant, ideo prudentissimè huic diei talis Euangelica lectio attributa est. Erunt fortè quibus hæc lectio nauseam pepererit & tedium, his enim quolibet anno legitur, & vt rara carà solent esse, ita quotidiana vilescunt. Verùm quemadmodum boni patres filiis suis non semper quæ volunt, sed quæ magis conducunt, porrigunt,

ita etiam ecclesia hoc studet, ut filios habeat non curiosos, sed bonos. Nij verò non hoc quòd bis legitur offenduntur, sed multò magis ad diligentiorē eius indagatiōem acceduntur, rectè arbitantes inesse illi, cur meritò bis atque iterum populis proponatur. Quid nī? Vniuersæ enī scripturæ sacrę hæc natura est, ut quosāpius legas, eo magis quo nouo modo delecteris, inuenias. Sapientia siquidem Dei est ad salutem omni credenti. Et ipsa quidem clamat, dicens, Qui edunt me, *Eccle. 14* adhuc esuriunt, qui bibunt me, adhuc sitient. Qui audit me, non confundetur, & qui operantur in me, non peccabunt. & qui elucidant me, vitam æternam habebūt. Beatus homo qui me audit, & qui inuenierit me, inueniet vitam æternā. & hauriet salutem à Domino. Ipsam ergo huius Euangelij lectiōnem diligenter expendamus, & inueniemus nec imprudēter, nec fortuitu huic diei coniunctam esse antiquitus, quæ per omnia meditationi huic vltimæ dominicæ diei digne seruit, & ut quā diligenter isthæc cogitemus, per occasionem moneretur. Ab initio quidem doctrinam Christianam quæ per totū annum in ecclesiis sonat, duo potissimum complecti dicimus, fidem & iustitiæ constantiam. Fidei autem doctrina duo in Christo respicit, diuinitatem atq; humanitatē, & quòd vtraq; natura in ipso ad salutem sit nobis, quos homo Christus in se *Heb. 9* suscipit, & Deus defendat ac protegit. Quòd ipse mediator verus, quod propriatio pro peccatis nostris atque totius mundi sit. Nulla enim vtilitas est credere tantum quòd ipse sit verus Deus & homo, sed scire, quòd noster Deus est, ac nostram propter salutem ē cælis, ubi ab æterno in sinu patris Dei viui est, descendit nostri causa, miracula edidit, atq; ærumnas perpessus est. Hoc spem erigit, atq; mentes solatur eorum, in quibus inest vera fides. Necessè est cum ut firma sit & indubitata fides, quæ cum Deo agimus, ita ut nec Iudeorum blasphemias à fide, nec Turcarum fortunis à iustitia, nec hæreticorum insanijs contentionibus villo modo moueamur à constantia. Nam his tribus potissimum machinis Satan ad fidei euersionem & impediendam salutem nostram vtitur, eòq; magis elaborandum est nobis, ut in medio vndequaque muniti & validi persistamus, ac xeluti lumen supra candelabrum positum omnibus qui in domo sunt luceamus. Exordium autem fidei à Deo *Ioan. 5* miserante est per verbum, ut Paulus ad Romanos testatus est, augmentum eius etiam ex miraculis sumitur. Sicut enim in eum

eum finem destinata, ut de Christi deitate dent testimonium, ipso dicente, quod fecerit opera, quæ nemo alius fecit, eaq; testimonium de se perhibere, quod à patre sit missus. Firma hæc sunt testimonia, nec possunt fallere. Cum enim supra naturam sunt, & à nullo præterea fieri possunt, palam ostendunt eum, per quem fiunt supra naturam esse & dominum. Tale hoc est, cuius hæc lectio meminit. Quinq; erant hominum millia in deserto, fame laborabant omnes; erant tot panes hordeacei quot hominum millia, duobusq; pisces in omnes distribuendi. Et quid hæc inter tantos? exclamat Apostolus. Quid si & fragmentorum duodecim cophini exigua illam annonam numero atque mensura superauerint? Collegerunt, inquit Euangelista, & impleuerunt duodecim cophinos fragmentorum. Vnde? Ex quinq; panibus hordeaceis & duobus piscibus, quæ superfuerunt iis qui manducauerant: Apertum hoc erat atq; euidentius miraculum, ipse etiam quantumlibet rudis populi acclamatione extra naturam positum signum indicatur, Vnde mox tale quid in natura non inuenientes, ipsum, qui fecit, verè Prophetam eum edicant, qui expectabatur in mundum.

Ecce qualis fides vnicum hoc miraculum sequuta est. Nobis plura sunt signa & præstantiora ad confirmandam fidem nostram, quam illis ad credendum. Quæcunque enim ad nostram doctrinam scripta sunt de Iesu Deo, veluti coram hodie fierent fidei oculis aspicimus; & Euangelistis attestantibus, vnicò verbo diuina virtute eum nunc cæcis visum reddere, nunc surdis auditum, mutisq; linguam restituere, nunc leprosos mundare, nunc mortuos excitare, nunc dæmonibus liberare, deniq; etiam ventis atque mari cum potentia ad effectum imperitare cognoscimus. Et quod maius est, eandem Apostolis suis, imò credentibus, omnibus suæ ex abundantia potentie communicat. Quæ omnia nemo præter solum Deum potest. Propterea non modò quid Iudæus, Græcus, aut hæreticus contra Christum obganniant, respondendum: verum etiam ac multo magis quòd Christus verè sit Deus, non qualis stulta cõfinxit gentilitas, sed qualis mundo necessarius ab omnibus iuxta prophetarum oracula promissus in expectatione erat, dum hæc ipsa faceret, credendū est. Eundem enim venisse nos cõfiteamur necesse est, qui tunc vëturus credebatur, qualémq; hæc turba cõfessa est, qualem prophetarum vaticinia depingūt, & vniuersalis Ecclesia per totum mundum persusa agnoscit.

Hæc

Ioan. 6

Mat. 10

Mat. 14

Hæc inquam de Christo credere atque confiteri, omnes necesse est. Propterea ne quis ignorantiam suam alicundè quaesito prætextu excuset, quasi minus sufficiens sit isthæc populi de Christo confessio: Hic est verè Propheta, qui venturus est in mundum, ecce tibi eorum fidem, qui in veteri testamēto Christum & agnouerunt ipsi, & annunciauērunt aliis, compendio per Ieremiam & hodie Epistolæ loco præter morem, in Ecclesia lectam. Ecce dies veniūt, dicit dominus, & suscitabo David *Iere. 13.* germen iustum, & regnabit Rex, & sapiens erit, & faciet iudicium & iustitiam in terra: & quæ sequuntur. Hæc, inquam, epistolæ loco hodie legitur lectio ex propheta. Rarò autem propriæ Epistolarum locum subeūt dominicis diebus. Sed vt hodie ita fieret, nobis erat vtilissimum. Licebit enim ex vnica illa Ieremiæ prophetia, quicquid de Christo nondum incarnato prædicauerint homines Dei, addiscere. Et si populi huius acclamationem prophetarum prædicationi coniunxerimus, nihil eorum quæ de Christo secundum fidei regulam vel prædicari vel credi necessariò debent, desiderabimus. Principiò enim fides habet, Christum à Deo missum hominē quidem, sed sine peccato factum esse. Hoc Ieremias refert, vbi quod Deus suscitaturus sit David germen iustum conscribit. Quod enim germen David dicit, declarat hominem, quod iustum, sine peccato respondit. Deinde & hoc fides docet, Christum regē esse, cui Deus omnia in manus dederit quæcunque in cælo atque in terris sunt, ipsūque esse qui credentium populos sapienter ducat, & potēter liberet. Ipsum, inquit vox patris, audite. Id ipsum Ieremias referens, regnabit Rex (inquit) & sapiens erit. *Text. Iohan. 10.* tia fidei regula est, Christum perfectam salutem conferre, plenamque securitatem. Ipse enim testatur venisse se vt vitam, eamque abundantio rem habeamus, & vt confidamus monet, quòd ipse vicerit mundum, & nos in se pacem sumus habituri. Id Ieremias prædicans, Iuda, inquit, saluabitur, & Israël habitabit confidenter. Quartò fidei norma, Christum iustitiam nostram confitemur, qui sua gratia à peccatis liberatis nobis merita sua iustitiāque impertiat. Id Ieremias futurum indicans, Hoc est, inquit, nomen quo vocabunt eum, dominus iustus noster. Quintò & hoc fidei est, Christum secundò aduentum suūque electos à quatuor ventis & ex omnibus mundi partibus segregaturum esse. Id quod Ieremias præcinit, cyra ait: Viuit dominus qui eduxit & adducit semē domus Israel *I. Cor. 1.*

E E de cun

Iere. 29. de cunctis terris. Et alibi idem in persona Dei ad populum fidelem loquens: Reducam, inquit, captiuitatem vestram, & congregabo vos de vniuersis gentibus & de cunctis locis, ad quos expulsi vos, dicit dominus, iuxta literam quidem propheta Iudæos captiuos consolatur, qui in Babylonem per Nabuchodonosor exercitum abducti fuerant: sed mysterium futuri liberatoris Christi iisdem sub verbis absconditur. Hæc passim prophetae de Christo Deo prædicauerunt, sed de futuro loquuntur omnes, verum populus in hoc Euangelio præsentem adesse clamat. Hominem enim Christum esse videbant & intelligebant omnes, ut qui manducaret, & biberet, loqueretur, dormiret, fatigaretur ac fieret. Deum verò ex signo passionis credebant, suffragantibus prophetarum oraculis, quæ vel ipsi ante legerant, vel in templis audierant, confidenter confitebantur. Quod si etiam nos utranque hanc in Christo naturam confessi fuerimus hodie, professio totius anni præteriti nec tempus vanè consumpsimus, nec inutiliter sacras conciones audiuiamus: exultabimus autem de bene transacto tempore, & proficere porro studebimus. Iam verò posito fidei fundamento, ut quod primum in homine consideratur, quid porro Christiana doctrina complectatur, peruestigandum est. Et sanè ut fidei, ita etiam vitæ exemplum in ista turba nobis accommodamus. Illa enim per auditum verbi siue per miracula, siue etiam humanitatem Christi omnibus obuiam, ad agnitionem eius peruenerunt, ab agnitione in admirationem, ab admiratione ad sequelam transcenderunt. Pulcherrius hic ordo rei. Nam ut Christum fide atque vita sequamur, ideo prædicatur nobis, miracula fiunt, humanitasque omnibus exposita est, ideo etiam agnoscimus atque admiramur ipsum & opera ipsius: ut, inquam, Christum imitemur: ideo toto anno hortantibus, increpantibus, prædicantibusque pastoribus desudatum est, hic prophetarum, Christi, Apostolorum, aliorumque piorum omnium scopus in docendo est. Audiuit hic populus Christum. Sed nūquid primum in lege est, quod Moyses monet, dicēs: Audi Israël, Dominus Deus noster, vnus Deus est. An non & Paulus fidem ex auditu esse testatus est. Hæc vterque egit, ut diligentissimè saluificum verbum audiamus. Vidit populus miracula Christi. An nō David vult, ut cognoscamus opera Dei? Venite, inquit, & videre opera Domini, qui posuit prodigia super terram. Sequutus est Dominum populus. An non Christi hoc mandatum est, omnes ut

idem

idē faciamus? Qui mihi ministrat, inquit, me sequatur, & ubi ego sum, illic & minister meus sit. Et iterum: Qui vult venire post me, abneget semetipsum, & tollat crucem suam, & sequatur me. Et: Qui perseverauerit in finem, hic saluus erit. Et: Nemo mittens manum ad aratrum, & respiciens retro apertus est regno Dei. Videte ergo per quos gradus scriptura nos ad Christi imitationē ducat. Nemo sequeretur nisi magnificerit & admiratus fuerit ipsum. Et quis magnificabit, quem non agnoscat? Quomodo agnoscat, de quo non audiuit? Primum igitur omnium est, audire. An non maximē omnium Moses suos monuit ut audirent? Audi, inquit, Israel, Dominus Deus noster, Deus vnus est. An non & Paulus fidem ex auditu esse testatus est? Agnitio quidem Christi & fides nonnunquam etiam ex miraculis causam habere possunt, quemadmodū Dauid propter fidem & agnitionem Dei miracula eius intueri iubet: Venite, inquit, & videte opera Domini quæ posuit super terrā. Sed plena & perfecta fides nudis miraculis non constat, verū humanitate, illa Christi omnibus tam exposita plus augmenti præstat cum a cognitionem, tum verò ad admirationem & imitationem. Vnde enim Dauidi constans illa, & ipsa admiranda potius quàm sequenda Del agnitio atque fides, nisi ex ea qua sepe & ex auditu & seruatus est humanitate atque clementia? In Domino confido, inquit quomodo dicitis animæ meæ; Transmigre in montem sicut passer. Et: Dominus adiutor meus, non timebo quid faciat mihi hominimò despiciam inimicos meos omnes. Sed verbi auditio fidem, agnitionem, admirationem, atque sequendi amorem plenius præstat. In verbo enim Dei omnium temporum ad omnes homines promissiones, dicta factaque inueniuntur. In ipsis enim dicentem eum legimus, quòd sit lux mundi, quòd resurrectio, via, veritas atque vita. Hoc verbo mulier peccatrix ad Dominum conuersa est, latro Christum in paradysum vsq; sequutus est. Hoc verbū Apostoli gustauerāt, cū an & ipsi abire velint quærēt Dominum: quò ibimus: respōdēt, Verba vitæ æternæ habes. Atq; hinc licebit intel ligere, non solū quā necessariū sit credēdibus ad vitæ morūq; Christi imitationē verbū Dei audire, verū etiā vnde sit, quā pauci eum angusta sed tamē regia via sequamur, siue imitemur. Angusta, inquā, & regia via. Sequūtur enim cum aliqui multi, quorū vnusquisq; suā priuatā viā graditur, quemadmodum etiā illo ipso tēpore quo homo in terris cum hominibus

Ioan. 12.

Matt. 24

Luc 9.

Psal. 10.

Psal. 126.

Ioan. 6.

conuersatus est. à multis quærebatur, & multi etiam sequeban-
tur eum, singuli tamen priuatas tantum ob causas. Non enim
verè vel quærunt vel sequuntur eum Pharisei, non pseudo
Euangelici, non pastores iniqui, non hæretici aut schismatici,
quorum insequendo, alij gloriam humanam, alij liberta-
tem carnalem, alij ipsum ventrem, alij denique vanæ scientiæ
inflati & tumidi reputationem quandam gloriæ quærunt. Qui

Matth. 7. tamen omnes quasi imitatores Christi volunt videri, sed Chri-

Luc. 13. stus eos meliorum admonens, Intrate, inquit, per angustam

Psal. 83. portam, quoniam lata porta & spaciola est, quæ ducit ad perdi-

Psal. 78. tionem, & multi sunt qui intrant per eam. Illi verò sequun-

Matth. 7. tur, qui quod apud ipsum sit fons vitæ intelligentes, cum psal-

mista dicere possunt: Domine non recedimus à te, viuificabis

nos, & nomen tuum inuocabimus. Sed quàm exiguus horum

inuenitur numerus? Quàm angusta porta & arcta via est, quæ

ducit ad vitam, & pauci sunt, qui inueniunt eam? Nempe hoc

inde est, quod Christum neque per verbum eius agnoscimus,

neque ex miraculis admiramur vel suspicimus. Cum enim in

verbo atque miraculis Dei, & videmus quæ rara sunt, audimus

quæ iucunda sunt, iis attendentes, quomodo possemus in Chri-

sto non sperare omnia quæ bona sunt, ac propterea ipsum &

quærere & sequi? Trahit enim & quodammodo in se rapit ex

Ephr. 3. verbo Dei atque signis decepta agnitio. Atque hinc est quod

Paulus tantopere Ephesius suis Christi scientiâ & agnitionem

precatur: Flecto, inquit, genua mea ad patrem domini nostri

Iesu Christi, ex quo omnis paternitas in cælis & in terra nomi-

natur, vt det vobis secundum diuitias gloriæ suæ virtutem cor

robarari per spiritum eius in interiori homine, Christum ha-

bitare per fidem in cordibus vestris, in charitate roborati, vt

possitis comprehendere cū omnibus sanctis, quæ sit latitudo,

& longitudo, & sublimitas, & profundum, scire etiam superem-

Matth. 28. inentem scientiæ charitatem Christi, vt adimpleamini in

omnem plenitudinem Dei. Et ad Agrippam loquens, omnes

in agnitione Christi sibi similes esse optat. Proinde hoc ini-

tium sequelæ Christi erit, vt vbiunque Euangelij vox vera so-

nat, illuc cupida mente accurramus, & ita attendamus, vt se-

condum Euangelici decreti regulam vitæ nostra instituatur,

morésque corrigantur. Sic Euangelij verbum audientes, tan-

dem aliquando ad veram & Christo dignam imitationē tran-

scēdamus, verèq; quod prophete Isaias, 2. 49. & 60. Zacharias 8.

& Dauid

& David Psalmo 71. de Iudeorum sequela vaticinati sunt futurum esse, in nobis implebitur, & maioribus diuinæ pietatis re mediis implebimur. Est quidem res isthæc ardua & difficultatem nonnullam habet. Sed qui Christum in verbo suo, cum obedientia audire præcepit, orandus est, ut excitet voluntates nostras, quo fructum diuini operis propensius exequamur. Atque hætenus de iis quæ per totius anni circulum è suggesto nobis proposita sunt, dixisse sufficiat, quorū omnium hæc summa est, ut turbæ huius in confessione fidem, & in conuersione Christi; imitatione, viam nos dignā, Deoq; gratā referamus, vtrunq; enim horum nostra complectitur doctrina, atq; ab iis qui huic religioni addicti sunt, vtrunq; exigit. Nunc porro quæ Christus in aliis quæq; in nobis aliquando facturus sit, tanquā futura consideremus. Atq; hoc ipsum, quemadmodum superiora etiam ex Evangelica lectione sumemus, Nam si miraculum hoc non modò fidei confirmatio, sed & figura futuræ vitæ est. profectò ipse etiam miraculi apparatus futurorum significationem gerit. Quod ergo quinque panes accipit dominus, eosque fractos in omnem hanc multitudinem discipulorū manibus distribuit, quid velit quidue significet videamus. Sanè scriptura sacra de Iudeorum ad Christum conuersione sub finē cōsummationis seculi futura, multa prædicat. Et quid per quinque hos panes significamus, quā ipsos legis quinque libros exprimimus? Sunt enim & ipsi verbum Domini, quod alioqui panis nomen in sacris Bibliis obtinet. Tum vtrobiq; etiam numerus conuenit, & quinque panes quinque legis voluminibus respondent. Ipse ergo Christus qui quinque panes ante resurrectionem generalem Iudeis franget & exponet. Integros enim & clausos nulla cum sua vtilitate nunc eos non ætate, sed scientia pueri circumferunt, imò portando desudant atque gemunt, non intelligentes seorsum scripturæ illius, nec gustus dulcedinē percipiunt. Nobis enim nō sibi commodāt, cum legis volumina ipsi non intellecta custodiunt, & ad nostros vsus porrigunt. Verū vbi plenitudo gentium subintrauerit, tunc etiam reliquæ domus Iacob saluabuntur. Franget enim dominus panes eorum, & sensum scripturæ verum aperiet, ut eius nucleo degustato, nobiscum confiteantur, & Christus Iesus sit ille Propheta, qui venturus erat in mundum, Atq; de hac Iudeorum conuersione, cum multa testetur scriptura, apertissimè apostolus Paulus loquitur; Moses, inquit, ponebat

Roma. 11.

Ioan. 6.

2. Cor. 3.

velamen super faciem suam, ut non intenderent filij Israël in faciem eius, quod euacuatur, sed obtusi sunt sensus eorum, usque in hodiernum diem idipsum velamen in lectione veteris testamenti manet non reuelatum (quoniam in Christo euacuatur) sed usque in hodiernum diem cum legitur Moses. velamen positum est super cor eorum. Cum autem conuersi fuerint ad Deum, auferetur velamen. Huc etiam referantur quæ idem Apostolus in ea quam ad Romanos scripsit Epistola, per integrum caput vndecimum disputat. Sed & Ieremias 23. & 29. cap. huius conuersionis meminit. Et quid multa? Ipse Dominus omnium clarissimè quando interrogantibus discipulis, quid Pharisei de Elia venturo dicerent, respondit: Elia cum venerit, primò restituet omnia, id est, reliquum quod deprehenderit ex Israël ad cognitionem Dei reuocabit. Tunc fiet vnum ouile & vnus pastor.

Hil. in 17.

ca. Mat.

Roma. II.

Iob 34.

Apoc. 3.

1. Cor. 13.

2. Cor. 13.

Ecce quomodo etiam Iudæorum conuersio panum quinque fractione significata atque præfigurata est. Quam hodie considerare, cum ad ineffabilem Dei veritatem etiam erga crucifixores suos paratam considerandam, tum etiam ad certam faciendam nostram ipsorum vocationem, pertinet: eritque cur diuinæ pietati gratias agamus, quod ut auersionem ipsorum, ita etiam conuersionem, ad nostræ ordinauerit incrementum salutis. Si enim, Paulo teste, delictum eorum diuitiæ sunt mundi, & diminutio eorum diuitiæ gentium, quanto magis plenitudo eorum? Nimirum nos quibus per occasionem auersionis Iudaicæ salus obigit, considerantes, quod Iudæi quoque ad dominum communem omnibus sint aliquando redituri, ne nostrum delictum Iudæorum fiant diuitiæ, quemadmodum illorum delictum nostræ, diligentissime cauebimus. Vnde Iob de hac vicissitudine loquens: Conteret, inquit, dominus multos & innumerabiles, & stare faciet alios pro eis. Et Ioannes: Tene, inquit, quod habes, ne alter accipiat coronam tuam. Iam verò illud quoque cogitandum est, quid peracta huius vitæ fabula, in nobis sit factururus, qui per omnem vitam illi adhaesimus, qui tantâ elementia eos quos aliquando hostes habuit, suscipit. Duo huius Euangelij figura olim in nobis perfectiore modo implenda prædicat. Primò enim fecit homines discumbere: deinde etiam discumbentes multiplicatis dapibus saturauit. In discumbendo requiem laborum, & ab omni malo securitatem libertatemque intelligimus. Quemadmodum

dum per spiritum in Apocalypsi de beatis mortuis dicitur, ut *Apoc. 14*
 requiescant à laboribus suis, quòd opera eorum sequuntur
 eos. In saturitate, omnium bonorum tam spiritualium quàm
 corporalium consideramus abundantiam. Quæ duo, scilicet
 malorum libertas, & bonorum abundantia perfectè beatum
 reddunt hominem. Quòd si iam singularim hæc duo expen-
 dere voluerimus, quàm latus campus dicēdi, quàm longa me-
 ditandi via hic sese aperit? Et si multum de utroque dicere
 voluerimus, quis poterit, cum ne quidem animus cogitandis
 iis sufficiat humanus? Quibus hic malis premitur? Quan-
 ta verò felicitas est iis omnibus liberatum esse? Quàm multa
 hic bona desideramus? Imò quàm nihil hic boni inuenimus?
 Quanta ergo beatitudo omnium bonorum copia ad omnem
 usum abundare, nihilque præterea posse appetere? Quam
 læta vox illa Christi erit: Venite benedicti patris mei, perci- *Mat. 25.*
 pite regnum? Quod gaudium illic, ubi ipse faciet nos dis-
 cumbere, seipso (quia ipsum solum hic esurimus) nos pascet,
 implebitque facie sua & glória, ablati figuris atque ænigma-
 tibus huius viæ: sed & transiens ministrabit nobis, exhibebit
 dabitque ea quæ nec sperare ausi fuisset, imò quæ nec oculus
 vidit, nec in cor hominis ascenderunt, ipse præparauit di-
 ligentibus se. Illic præter gratiam, quam hic accipimus, etiam *Psal. 38.*
 gloriam consequuturi sumus, ubi in gaudium domini ingre-
 ssus, super omnia bona sua constituet nos paterfamilias, erimusque
 in ipso omnia, ipse verò in Deo.

Huius ergo hodie admonemur per hæc populi refectionem,
 ut quid sperandum sit, discamus. Est enim veluti gustus
 quidam futuræ satietatis. Nam si tam beneficè in huius pere-
 grinationis deserto refecit, quid faciet in cælo? Et si tantum
 beneficium præstitit iis, à quibus negatus & crucifixus postea
 est, quid non beneficentiæ exhibebit illis, qui ipsum hic con-
 stanti fide sequuntur? Haud dubiè qui cælos ascendens quasi
 dorsum nobis præbuit, tandem ad nos conuersus latam fa-
 ciem suam, in quâ & angeli prospicere exultant, exhibens, gra-
 tanter in æternam suam suscipiet patriam, susceptos tractabit abun-
 danter. Proinde licet multa per annum proposita sint, quæ &
 placeant & reficiant, hodie tamen propositum epulum cætera
 omnia vincit: ut etiam hinc colligamus, quicquid beneficii in
 hac vita à Christi manibus suscipiamus, nulla comparatione *1. Cor. 9.*
 ad futuram gloriam, quæ reuelabitur in nobis, posse conferri.

Hoc illud brabeum, propter quod hic in stadio currimus, & omnia facimus. In huius ergo consideratione præsentem annum cōcludamus, si lem firmam custodiamus, & imitantes dominum per huius mundi desertum, non deficiamus: teneamus quod accepimus, ne alius accipiat promissam coronam. Digna est enim illa, quam expectamus, felicitas, isto nostro studio: imò non sunt condignæ omnes passiones huius tem-

Psal. 88. poris ad gloriam, quæ reuelabitur in nobis: perfectissimo enim modo beati sunt, qui habitant in domo Dei. Obediamus voci Dei, qui ut sequamur inuitat: & ut velimus, largiri vult: ut possimus, præstat, & præmiū promittit. Semel tantum Abraham vocabatur, ut sequeretur Dominum, & relicta pa-

Genes. 22. terna domo atque cognatis, sequutus est Dominum in terram, de qua non nouerat. Nos hoc toto anno ad sequendum inuitati sumus, & non ignota terra, sed certa & præparata à communi patre patria sequentibus præmium proponitur. Adhuc carnem sapiebant Apostoli, & mundanam eum Christo gloriolam appetebant, ac hoc solum nomine, non se discessuros à Christo confirmant.

Non ergo faciamus, ut totius huius anni labor inuitantium nos pereat. Non ducamus diem de die, aut mensem ex mense, aut annum ex anno. Hodie si vocem Dei audieritis, nolite obdurare corda vestra: nolite, inquam, ad iram concitare Dominum. Respicite priora secula. Noë temporibus nemo audire, nemo sequi voluit. Prædicauit ille centum annos, sed nullo cum fructu, antiquum obtinere, quàm vocantem sequi, peccare, quàm commeritam pœnam effugere maluerunt. Sed in medio luxu irruit in eos ira Domini. Deus Optimus, Maximus, concedat ita præsentem annum concludamus, ut perpetua & huius miseriæ, & futuræ patriæ memoria viuamus: ita etiam nouum ingredi, ut ad felicem atque optatum perueniamus finem. Ipsi soli laus omnis & gloria in secula seculorum, Amen.

FINIS PARTIS

ASTIVALIS.

REVER



REVERENDI PATRIS D. IOAN-

NIS FERI IN THRE-

NOS HIEREMIAE PRO-

PHETAE CONCIO-

NIS XVII.

AB AUTORE IPSO LATINE

Consriptæ nostris temporibus
accommodatissimæ.

CONCIO PRIMA.

In statione Generali, pridie Nonas Aprilis.



I cognouisses & tu, & quidem in hac die tua, quæ ad pacem tibi, sed abscondita sunt ab oculis tuis. Luc. 19. Non arbitror necessarium in exordio huius sermonis iterum de nouo rationem reddere huius hodiernæ conuocationis, qua non ad forum, non in tabernas, sed in

Ecclesiam, ad orationem, & verbum Dei cōuocati sumus. Tot enim hoc anno similes conuocationes habuimus, & semper cum adiuncto sermone, ut nemo tam rudis sit, qui non (si velit) intelligere possit, cur hoc fiat, imò quod iuste sic fiat, summaque necessitas hoc exigat. Quod si etiam in prioribus sermonibus nullam huiusmodi cōuocationum causam assignassem, posset tamen quemque quotidiana experientia docere, cur hoc fiat. Quis enim non videt, ne dum homines, sed bruta etiam animalia enixius & maiori cum sollicitudine laborare in periculis, quàm extra periculum? Cadit quis in ignem, aquam, aut localem morbum, aut aliud periculum, primò omnium terretur, angustiat, circumscript, suspirat, laborat,

EE § VT

ut euadat: Hoc si non potest, clamat, aliorumque consilium & auxilium implorat, vbiunque & vndecunque id habere potest: denique quicquid offertur, cupidè arripit. Et videmus plerisque per hæc media ex maximis periculis emergere. Contra videmus multos perire, qui vel adeò stolidi sunt, ut periculum suum non videant, vel adeò pigri, ut laborare nolint, vel adeò superbi, ut aliorum auxilia petere nolint, vel adeò perversi, ut acquiescere dedignentur. Quisque igitur ex his, quæ quotidiè experitur, facile videre potest, cur his temporibus plus solito stationes, processiones & conciones habentur. Ideo inquam fit, ut periculosos casus huius temporis diligentius perpendamus, conciliū & auxilium in verbo Dei queramus, & eo inuento quàm primum & vnanimiter acquiescamus, suffulti bona spe fidèque firma nullum periculū tam magnum & præsentaneū esse, quin Deus inde nos eripere possit, & eripaturus sit. Hæc inquam causa est hodiernæ congregationis. Possemus quidem singuli omnia hæc in domibus nostris facere, & sic etiam deberemus, non semel tantum in mense, sed quotidie, quia autem, quæ nostra stupiditas est, hoc negligimus, necessarium est, ut vel semel in mense admoneamur: Ne nosmetipsos negligamus & perdamus, quos Deus pro sua bonitate, & quantum in se est, non cupit perdere. Quod enim olim Iudæis dixit, etiam nunc verissimum permanet & permanebit. Quare, inquit, moriemini domus Israël? Non est voluntatis meæ mors etiam impij, sed ut conuertatur & viuat. Et in Hieremia: Fornicata es cum multis amatoribus, tamen reuerrere & suscipiant te, quantumuis mundus aliter agat cum adulteris. Et iterum: Etiam si dixero & destinauerō gentem aliquam perdere, & eradicare. Illa tamen poenitentiam egerit, poenitebit & me mali, quod decreueram inferre. Hæc & similia Deus olim Iudæis locutus est, cum & ipsi pessimi essent & Deus vel maximè offensus, tamen pollicetur se propitium futurum, si illi desistere velint. Hæc nos quoque consolari debent, in præsentibus malis & periculis: Verum non tantum consolari sed urgere, ut quàm primum ad Deum conuertamur: quandoquidem non possumus dubitare, quin Deus etiam nobis iratus sit, nosque punire velit. Huius enim rei multa indicia habemus, quorū pleraque superioribus sermonibus ostendi. Duo tamen sunt, quæ me maximè mouent, ut non dubitem Dei iram & iudicium nobis imminere. Primum est

est, quòd omnia consilia & conatus nostri in irritum abeunt, nullumque progressum habent, Secundum, quòd ex tot concionibus nemo emendatur. Hæc duo apud me certissima inditia sunt iræ Dei, idque etiam manifestè ostendit scriptura. Nam Isaïa 8. 19. & 29. expressè videmus Deum his, quos punire vult priùs adimere omnem sapientiam, consilia, prudentiam. Isaïa autem 6. & 1. Reg. 2. videmus iudicio Dei dignis etiam adimigrariam, vt vel audire nolint, vel bene monentibus acquiescere negligent. Non, inquit, audierunt patrem suum, quia voluit Dominus perdere eos. Quando autem omnia consilia nostra minorem progressum habuere, quàm nunc? aut quando vnquam minus ad auditum verbi Dei emendatio sequuta est, quàm nunc? Quis dubitet igitur Deum nobis iracum esse? Ceterùm non ideo cessandum nobis est. Imò eò fortius insistendum. Ob hanc causam etiam ego (quandoquidem ad hoc conuenimus) prioribus admonitionibus etiam nunc aliquid addam, ea spe vel aliquando fructus aliquid sequutur si.

1. Reg. 2.

P R A E F A T I O I N L A M E N - T A T I O N E S H I E R E M I A E .

QUAM antehabitis concionibus in genere admonuerim proposuerimque, quicquid ad rem, quam nunc agimus, conducibile videbatur, operæ precium facturus mihi videor, si librum aliquem ex scriptura sacra ad huiusmodi conciones accommodum in manus sumam, ac per partes proponam. Nihil autem commodius se offert, quàm Lamentationes Hieremiæ, maximè si consideremus, quomodo nunc se habeat Ecclesia. Imò quæ bona habuerit, quæ mala sustineat, quæque illi pericula & damna immineant, & quid in omnibus & ad omnia hæc nos agamus. Hunc igitur libellum, & quia brevis est, & quia omnia illa dilucidè ostendit, quæ nunc scitu necessaria nobis sunt, enarrandum vobis proponam. Non deessent quidem & alij libri ad hanc rem opportuni, verùm aut nimis prolixi aut nimium obscuri sunt, hic & brevis & planus est: denique eiusmodi verbis est scriptus, quæ etiam ipsum cor penetrent. Quid enim citius hominem mouere potest, quàm vbi res querulosè & cum lacrymis proponitur? Atqui totus hic libellus eo modo conscriptus est, totque lamenta & ploratus

præ

præ se fert, ut etiam lapidem mouere posset, ne dum homines. Atque hoc potissimum me ad hunc librum permouet, si forte querelis & lacrymis permouere possim, eos, qui exhortationibus minus acquiescunt. Ad hoc enim res nostrę deueniunt, in tantum creuit ignominia nostra, ut fermè nihil amplius curremus, ut verè si vnquam aliàs, in nobis verificetur aliud Euan-

Matt. 11. gelicum, Cantauimus vobis, & non saltastis, &c. Sic Hieremias diu multumque prædicarat Iudæis, cum autem nihil proficeret, cogebatur prædicationem suam claudere lamentationibus. Sic Christus post longam prædicationem fleuit super ciuitatem

Luca 19. Hierusalem, &c. Et in alio loco lamentabiliter: O Hierusalem,

Matt. 23. inquit, quoties volui congregare filios tuos, &c. Sic Ezechiel

Ezech. 2. cum ad prædicationem mitteretur, iussus est comedere librum,

in quo scripta erant carmen lamentationis & Vx. In signum, quod & ipse prædicationem suam querelis & lamentationibus conclusurus esset. Sic Paulus, ne dum prædicando & scribendo docuit, sed etiam vbi hæc nihil proderant, obsecrationibus & lacrymis rogauit, & obtestatus est, ut patet 2. Cor. 2. Philipp. 3. Act. 20. Tam si summi prophete, ac Apostoli, imò Christus ipse lacrymis & querelis vsi sunt, vbi doctrinis & admonitionibus nihil proficiebant, nemo miretur, quod & ego nunc idem prætendam. Eandem enim causam habeo, quam ipsi habuerunt. Quam malè tunc habebat terrena Hierusalem, cum Hieremias, Ezechiel & Christus ipse super eam flerent, tam malè nunc habet Ecclesia. Quando igitur & ego hætenus admonitionibus meis parum profeci, Mutabo nunc sermonem meum, Lugebo matrem meam Ecclesiam, quæ me Christo genuit, & huc vsque verbo Dei aluit. Lugebo, inquam, quod tam miserè discerpitur, tam malè tractatur, tam impiè negligitur, Plorabo & super patriam meam Germaniam, dico cui tanta mala imminet. Et quid aliud possum? Alij possent consiliis & auxiliis adiuuare, possent mala prohibere, possent emendare, sed nolunt, aut nimium differunt, donec omnia dilabantur. Alij omni conatu student omnia impedire, dissipare, euertere. Ego nihil aliud possum quam plorare, miseriam Ecclesiæ & Germaniæ, & hoc etiam fideliter faciam, fortassis aliqui lamentationibus commouebuntur, quos priora nihil mouerunt. Hæc igitur vna causa est, quæ me ad hunc librum lamentationum permouet. Altera est, quod in eo libello omnia illa expressa sunt, omnia quæ nunc vel

maximè considerare nos oportebat. Illic enim audietis, quàm insigniter incœperit & creuerit Ecclesia, quàmque egregiè dotata fuerit, simul autem videbitis, quàm malè nunc habeat. Audietis secundò, quàm beatum sit Deum habere propitium: Econtra videbitis quàm miserum sit, Deum habere iratum. Audietis tertio, quàm seuerè Deus puniat, vbi post multa beneficia & longam expectationem adhuc peccata augentur. Simul tamen etiam videbitis, quòd Deus etiam in media ira misericordiae suæ non obliuiscatur. Audietis postremò, quid Hieremias in communi malo & periculo egerit, quàm amarè plorauerit, quànq; ardentè orauerit, simul tamen videbitis, quid nobis nunc in communi malo & periculo tam Ecclesiae quam Germaniae faciendum sit. Et quid melius nunc vel audire vel cogitare possemus? Utinam librum hunc ita possemus deuorare, nobisque incorporare, quemadmodum Ezechiel librum sibi oblatum deuorasse dicitur. Magna certè dulcedinem post se relinqueret, quantumcunq; amarus prima facie videatur. Hæc igitur altera causa est, quæ me ad librum istum promouet. Hieremias quidem tum primum lamentatus est, cum iam destructa esset Hierusalem. At ego ante destructionem nostram plorabo. Longè enim melius est prius plorare & futura mala præuidere & præuenire, quàm post. Insania mundi est quòd nec credere nec plorare nec præuidere aut præuenire vult mala futura. Tum autem primum plorare incipit, cum iam mala sentit & patitur. At pii homines prius plorant, Deumq; timent etiam antequam puniat, omniq; studio cauent, ne eum ad puniendum prouocent. In summa plorant sua peccata, ne post cogantur plorare, in poena. Hoc ego quoque in nobis omnibus cuperem, in hunc finem lamentationes assumpsisse. Nò expectemus, o fratres, donec mala iam ingruant. Satis denique expectamus & tardamus. Aquæ iam intrant vsque ad animum nostrum, Iosixi sumus in limo profundo. Vnde nemo eripiet nos, nisi vnus Deus. O igitur Hierusalem si cognouisses & tu. His verbis sermonem hunc auspicatus sum, & deinceps auspicabor. Pulchrè enim conueniunt cum lamentationibus Hieremiae. Cùm Christus hæc verba diceret, flebat super Hierusalem. Idem faciebat Hieremias, cum librum hunc scriberet: Eadem causa, idèmq; affectus utriusque erat. Plorabat Christus ante destructionem ciuitatis: Hieremias autem post destructionem. Christus suo fletu monet, vt præueniamus mala: Hieremias con-

Ezech. 3.

Psalm. 8.

Luca 19.

quer

queritur, quod miseri homines hoc non facimus, simulque docet, ut etiam post inflictam pœnam non desperemus. Nos utrunque audimus. Utinam cogitaremus, quæ ad pacem nobis prodesse possent, quia autem hoc non facimus, saltem post acceptum damnum miseriam nostram agnoscamus, & peccata, ne simul & corpore & anima pereamus. Satis durum est fratres corporaliter perire. Væ nobis, si cum externo damno etiam animarum damna patiamur. Et tamen omnia *Exech. 18.* hæc præuenire possemus: Non est, inquit, voluntatis meæ mors impij. Hæc præmittere volui lamentationibus Hieremix, ut & animos & affectum vestrum excitarem, & præpararem. Plura adhuc præmittenda essent. Sed nolo vestram charitatem longiori præfatione onerare. Nunc igitur Hieremiam audiamus.

T E X T V S.

Caput 1. Quomodo sedet sola ciuitas plena populo? Facta est quasi vidua domina gentium? Princeps prouinciarum, facta est sub tributo?

In hunc modum Hieremias lamentationes suas incepit: ubi statim quilibet videre potest, qualiter affectus fuerit, cum hæc scriberet, Nihil enim aliud quàm summum mœrorem hæc verba præ se ferunt. Dolebat pius Propheta super patriam suam, super populum suum, super ciuitatem Hierusalem & super templum. Omnia enim ea dissipauerat, & destruxerat rex Babylonis. Pulchra autem antithesi & priora bona & præsentia mala inter se confert. Hierusalem enim illa cum suo populo in multis excelluerat omnes alias ciuitates. Tria autem in hoc versu ponit, quæ insigniter præ aliis urbibus habuerat, Primò fuerat plena populo. Nam & ciuitas in se magna erat, & populus ter in anno ex omni regione ad eam in magno numero confluxebat. At nunc, inquit, sedet sola. Nam populum abduxerant Chaldæi, & templo destructo, nemo iam extraneus ad eam veniebat. Secundò Hierusalem ita excelluerat alias ciuitates, quasi si dominam compares ad ancillas. Erat, inquam, domina gentium, habebat reges, sacerdotes, templum, cultum, eamque omnes alix, ut dominam suspiciebant: Imò Deum ipsum habebat. Elegi, inquit, locum hunc, ut sit nomen meum ibi, usque in sempiternum, &c. At nunc, inquit, facta est quasi vidua, perdidit reges, sacerdotes, templum

2. *Par. 6.*

7.

plum & Deum ipsum, quibus rebus olim gloriabatur & superbiebat. Non tamen simpliciter dicit, facta est vidua, sed velut vidua. Nondum enim in totum eam reliquerat Deus, quamvis videretur eam reliquisse. Tertiò Hierusalem fuerat princeps prouinciarum. Omnes enim regiones in circuitu tributum illi dederant, maxime temporibus Dauidis, & Salomonis. At nunc, inquit, ipsa tributum pendit regi Babylonis, eidem subiecta & ab eo captiuata. Hæc igitur deplorat in primo versu. Quomodo, inquit, sedet sola? &c. non hæc loquitur quasi ignorans, & causam tantæ mutationis querens, sed admirans, stupens & dolens. Sed, quid inquis, hæc ad nos? Audi Paulum. Omnia in figura contingebant illis: scripta sunt autem ad 1. Cor. 10. correptionem nostram. Elegerat Deus populum illum, vt in eo ostenderet omnibus gentibus opera sua, qualis scilicet esset tam erga bonos, quam erga malos. Illis autem ob incredulitatem excisis, bona illa radice, nos inserti sumus. Vnde Rom. 11. Galat. 3. nobis iam dicitur: Vos estis semen Abraham, & secundum promissionem hæredes. Et iterum: Vos estis genus electum, &c. 1. Pet. 2. Quicquid igitur Deus cum illis egit, siue bonum, siue malum, hoc nos quoque vel sperare vel timere possumus. Populus enim ille figura nostri fuit. Sic & Hierusalem illa figura & typus fuit Ecclesiæ. Vnde & Ecclesia hoc nomine sæpe apud Paulum & Ioannem appellatur, Gal. 4. Hebr. 12. Apoc. 21. Congruè autem Ecclesia ciuitati comparatur, & signanter Hierosolymæ. Est enim reuera ciuitas: habet suos muros, suos custodes, suum regem, suam libertatem, suos ciues, suam legem, & iura. Murus huius ciuitatis Deus ipse est. Iuxta illud. Ego ero Zach. 1. murus iherusalem, &c. Et Saluator ponetur in ea, murus & antemurale. Custodes sunt angeli sancti. Vel etiã pastores & rectores, Esa. 26. quos scriptura speculatores nominat. Rex huius ciuitatis est Esa. 62. Christus. ciues omnes credentes, lex Euangelium, priuilegia, Esa. 65. libertas filiorum Dei. Vides quàm merito Ecclesia dicatur ciuitas. Cæterum nulli alij ciuitati meliùs comparatur quàm Hierosolymæ. Hierusalem enim interpretatur visio pacis. At vbi aliàs vera pax videtur, ac sentitur, quàm in Ecclesia? Hierusalem habebat populum Dei, cultum Dei, templum Dei, Deum ipsum, at omnia hæc perfectiùs habet Ecclesia, & cætera declarat. Denique Ecclesia Catholica omnia illa habuit, quæcunque insigniter de veteri illa Hierusalem dicta sunt. Ipsa fuit ciuitas plena populo: ipsa domina gentium, ipsa princeps prou

- provinciarum. Primò enim an non erat plena populo, cum dilatata esset vsque ad terminos orbis terrarum, cum vndique homines ad eam confluerent? vt Esaias prädixerat, cum vbique prädicaretur Euangelium, vbique nomen Christi inuocaretur? Deinde ipsa inter omnes & prae omnibus aliis gentibus Deo vnita fuit & desponsata. Ipsa, inquam, domina & sponsa Dei est. Omnes aliae gentes etiam Iudaicae ancillae sunt & à Deo alienae. Hæc autem domina domus est, & sponsum habet Deum. Præterea ipsa etiam fuit princeps provinciarum. Nam & temporale dominium & imperium habuit, super omnes gentes, maxime autem principatum super diabolum, eiusque regnum. Ecce, inquit, dedi vobis potestatem calcandi supra serpentes, & omnem virtutem inimici. Vides igitur Ecclesiam omnia illa habuisse, quæ habuit Hierusalem illa terrena? Propter primum pulchra fuit: vt luna: Propter secundum pulchra fuit vt sol: propter tertium terribilis fuit, vt castrorum acies ordinata. Et quid ea tunc felicius erat? Vide autem qualis nunc sit. Olim erat ciuitas Ecclesia, nunc est, quasi tugurium in vinea. Olim erat ciuium vnitas, Nunc vndique scissa & diuisa est. Olim erat Hierusalem, in qua pax, concordia & vnitas conspiciebantur. Nunc facta est Babylon, in qua omnia confusa & inordinata sunt. Olim Ecclesia erat vinea Domini, cuius palmites ad extrema terræ se protendebant. Nunc vastat eam aper de sylua. Olim erat plena populo, plena hominibus, plena sanctis: Nunc plena est bestiis, hoc est hominibus bestialiter viuentibus: Plena nunc est leonibus, id est, tyrannis: serpentibus, id est, inuidis: plena porcis, id est, immundis, &c. Olim erat domina & sponsa Dei, quod omnibus apparebat. Vbique sentiebat eius præsentiam, consolationem, auxilium: Nunc nihil horum sentit, & licet nondum ab eo relicta in totum sit: tamen facta est quasi vidua & derelicta. Deus enim permittit & patitur, quod & hostes externi & hæretici & pseudochristiani eam vastent, quasi in totum eam abiecerit. In summa olim Ecclesia & mundo, & dæmonibus imperabat, nunc tam mundo quam diabolo subiecta est, & tributum pendit, & vndique vincitur, subiicitur. Annon autem hæc fletu & lamentatione digna sunt? Quis tam durus, qui se à lacrymis contineret, si diligenter hæc consideraret? Tanta igitur bona perdidimus, tanta mala incurrimus, & nondum finis, sed hæc primùm initia sunt dolorum. Vnde autem

tem

tem hæc omnia, nisi ex permissu Dei? Et ob quã causam Deus tanta permetteret, super Ecclesiam, nisi propter peccata? Hinc est quod in sequẽtibz, Hieremias, Omnia hæc mala Deo ascribit. Tu Inquit percussisti, &c. Addit autem semper, propter peccata, hoc eum facere & fecisse: Iam si Deus, Ecclesiam affligit, nunquã bene habebit, nisi cum Deo reconcilietur. Si peccata nostra causa malorum sunt, Nunquam tollatur effectus, nisi prius tollatur causa. Eia igitur fratres cessemus à viciis, reuertamur ad Deum, cogitemus ea, quæ ad pacem nostrã sunt, prævideamus futura mala. Oremus itaq; Dominũ Deũ patrẽ, &c.

CONCIO SECVNDA.

De eodem, sexto nonas Maij.



Artis iam, vt opinor, scitis, quibus de causis tot hoc tempore missæ, & preces votiuæ instituuntur & obseruentur: proximo enim sermone easdem causas de nouo recensui, adhuc quilibet vel ex seipso iudicare potest, iustum esse, vt sermones etiam declamatorij ad eandẽ rem applicentur. In hunc finem proximo sermone Threnos Hieremiæ pro me sumpsi, in huiusmodi stationibus enarrandos. Videretur enim mihi libellus ille pulchrè congruere huic negotio, propter multas causas quas tunc adduxi, quarum tamen potissima est, quod is libellus fermè omnium malorum nos admonet, quibus nunc laborat Ecclesia, simulque ostendit, Vnde tanta mala veniãt, & quibus mediis depelli possint. Quamuis autem præterita æstate de omnibus his luculenter disseruerim; omnis tamen vita nostra clamat & testatur, quod nihil horum adhuc, vt oporteret, attendimus, id quod pro maximo defectu nostro semper iudicavi, & adhuc iudico. Si enim cogitarem, quantis malis laborat nunc Ecclesia, patria nostra & nos ipsi, etiam iniussi cum Hieremia plorarem. Si credere possemus omnium horum malorum non aliam causam esse quàm peccata nostra, iam dudum ea emendassẽmus. Si vel tantillum terreremur ad iudicia Dei, longè feruentius orationi instarem, ac gratiam quærerem. Verum abscondita sunt hæc ab oculis nostris: Ideo etiam nunc clamo cum Christo. O si cognouisses & tu, &c. Et cum Mose suspiro ac opto: Vtinam saperent &c. Certissimè enim

Luc. 19.

Deut. 32.

FF tribuum

Osee 7.

tribuum conquestus fuit. Ephraim(inquit)factus est tanquam columba seducta nō habens cor. Comederūt alieni robur eius, & ipse nesciuit. Sed & cani effusi sunt in eo, & ipse ignorauit. Et humiliatur superbia eius in facie eius, nec tamen reuerſi sunt ad Dominum Deum suum. An non hæc verba plenissimè in nobis implentur? Verè enim sumus sicut columbæ seductæ & salaces, quæ pastu proposito aduolant interim, non videntes laqueum, qui ipſis paratus est. Sic nos quo affectus nostri nos ducunt curtimus, non cogitantes quòd & in laqueum diaboli, & in iudicium Dei incidimus. Deinde quicquid boni habemus siue sit spirituale siue temporale, omne robur nostrum comedunt alieni. Diabolus nempe cum suis corrumpit nobis scripturam, vitiat fidem, mutilat sacramenta, confundit diuinū cultum, aufert omnem deuotionem & pietatem, inficit mores. Sic, inquam, alieni comedūt robur nostrum, & nescimus, non attendimus. Sic & temporalia nostra alieni comedunt, vastantur grandine, pereunt exundantia aquarum, deuorantur à vermibus, rapiuntur à latronibus, vastantur bellis & incendiis, auferuntur à tyrannis, vsurariis. Comedūt alieni robur nostrum, & nescimus. Ad hæc indies crescunt nobis cani, canescunt capita, hoc est, omnia in deterius vergunt ac propinquum exitium sinantur. Sicut canities in homine ex senio prouenit, & ea ipsa signum est, vires in homine tenescere, & mortem appropinquare: Sic quòd nunc omnia deficiunt, decreſcunt, collabuntur & in deterius vergunt, signum est approximātis perditionis. Decreſcit Ecclesia, decreſcit imperium, decreſcimus nos in omni pietate, decreſcunt omnia iura, leges, politicæ, consuetudines & boni mores, hæc est canities nostra, Certissimum signum futuri exitij. Cani effusi sunt in nobis, & ignoramus. Imò scire & perpendere nolumus, Præterea etiam in oculis nostris superbia nostra humiliatur. Videmus enim quòd die malum malo succedere, sicut olim sancto Iob multi sibi inuicem succedentes malorum nunciij adueniebant. Adhuc, inquit, loquente illo venit alius &c. Idem nobis contingit. Habuimus iam plus viginti annis dissensionem in religione & fide, huic malo successit, imò antequam illud finiretur, venit terribilis seditio, hanc sequuta est fames, omniumque rerum caritas, postea, pestis. Hoc anno quatuor simul plagas habuimus. Bellum Turcicum nobis abstulit pecunias & milites, habuimus sterilem vindemiam, austeram hyemem, & nunc dampnosam aquarum inunda

Iob 1.

inundatiam. Sic humiliatur superbia nostra in oculis nostris. Nemo tamen cogitat retrò. vnde scilicet veniant tanta mala. Nemo cogitat ante se, quò scilicet tendant hæc mala. Nemo credit, quòd propter peccata nostra hæc mala veniant, nec curat quomodo propulsari queant. Nemo conuertitur ad Deum, Nemo Dei auxilium & misericordiam querit, quid igitur rebus vt sic stantibus aliud sequi potest quàm velox perditio? Meritò igitur pius quisque plorat, quandoquidem nihil aliud potest, & nulla alia remedia profunt. Ob eandem tãdem causam nec me pœulter, quòd Threnos Hieremiæ enarrandos assumpserim. Imò quãdoquidem is ipse defectus nostri est, quòd nec præsentia nec futura cogitamus, ostendam vlteriùs, quid Hieremias in sua illa ciuitate, & populo olim deplorandum viderit, si fortè in alienis malis etiam nostra conspicerè possemus.

PROSEQVVTIO LIBRI

THRENORVM.

Sic igitur Hieremias lamentationem suam exorsus est. Quomodo sedet sola ciuitas &c. Hæc verba suprà exposui, & quatenus ad nos pertinere possunt, edocui. Nunc sequètia audiamus. Ea ipsa inquit, ciuitas Hierusalè olim tã diues & inclita, nunc.

TEXTVS.

Plorans plorauit in nocte & lacrymæ eius in maxillis eius, Non est qui consoletur eam ex omnibus charis eius. Omnes amici eius spreuerunt eam, facti sunt ei inimici.

Hic nunc versus speculum nobis præbeat miseriarum nostrarum. Atque hic incipit propheta particulatim deplorare mala ciuitatis suæ, quæ in primo versu summatis comprehendat. Nullū tamen vel hic vel in sequentibus ordinē seruauit, sed nunc deplorat ciuitatem, nunc tēplum, nunc populum, & nunc in generali, nunc aliquos in speciali, nunc deplorat dāna temporalia, nunc spiritualia, denique eandem rem subinde repetit, omnibùsque modis facit, vt solent afflicti homines, hi enim in querelis suis non curant appòsita verba, sed proferunt quicquid affectus suggerit, & quod plus angit, hoc sæpiùs repetit, semper enim putāt se dolorē suū non satis expressisse. Sic & Hieremias hic facit. Nemo igitur fastidiosum putet, si rē vnā

ſæpe repetit propheta. Sed hinc diſcamus, quãto affectu indo-
 luerit malis populi ſui. Atq; vtinam eodẽ affectu & nos noſtra
 mala ſentire & deplorare poſſemus. Sed audiamus quid Hiere-
 mias in hoc verſu deploret, deinde conſiderabimus, num ſimile
 quid etiam in nobis ſit. Plorãs, inquit, plorauit in nocte, &c.
 Loquitur de ciuitate & populo Hieroſolymitano, quaſi dice-
 ret ad Iudæos ſuos. Conſideremus, ô filij, quid olim habuerit
 ciuitas noſtra, & quid nũc habeat. Olim ciuitas illa plena gau-
 dij, & omnis iucunditatis erat, Nunc autem plorat, &c. Olim
 nullum vſquã gaudium eſſe putabatur, niſi in Hieruſalem.
 Illic enim tam bona videbantur, tam læta audiebantur, tanta
 denique Deus ibi faciebat, quodd ſemper noua gaudendi & lau-
 dandi occaſio præſtaretur. Hinc omnes eò properabant, & qui
 triſtis illuc veniebat, lætus & hilaris inde recedebat, quemad-
 modũ videmus in matre Samuelis. Hinc & Dauid ait. Læta-
 tus ſum in his, quæ dicta ſunt mihi, & cætera per totum. Talis
 olim erat ciuitas noſtra, (vult Hieremias dicere) at nunc quò
 deuenit? Nempe vt nuſquã maior luctus ſit. Hoc autem mul-
 tis verbis exprimit. Cũ enim in alijs ciuitatibus ſoli paupe-
 res plorent, hæc autem ciuitas tota plorat, Nemo in ea eſt, qui
 malum non ſentiat. Deinde plorando plorat, hoc eſt, inceſſan-
 ter non poteſt quieſcere. Præterea plorat in nocte, etiam quan-
 do ſcilicet alij quieſcunt, ipſa quieſcere non poteſt. Adhæc ita
 plorat, vt lacrymas vbertim effundat. Et in his omnibus, non
 eſt qui conſoletur eam: qui enim priùs ei aſtiterunt, hi nunc re-
 linquunt eam: in quibus ipſa priùs confidebat, hi nunc eã ſper-
 nunt, qui priùs amici erant, nũc facti ſunt inimici, Habuit Hie-
 ruſalem multos filios & ciues, nobiles, diuites, doctos, &c. ſed
 non eſt qui conſoletur eam, aut adiuuare poſſit, Habuit olim
 etiam Deum & ſanctos angelos ſibi aſſiſtentes, at nũc nec ipſi
 eam conſolantur. Habuit tertio ſua idola & alienos Deos, in
 quibus confidebat, at illi nunc eam ſpernunt & irrident. Poſtre-
 mò amicos etiam extraneos habuit. Erat enim conſiderata
 nunc cum Aegyptijs, nunc cum Aſſyrijs, nunc cum alijs, at illi
 iam omnes inimici eius facti ſunt. Non eſt qui cõſoletur eam
 nec ab intra, nec ab extra, nec de ſupernis. Hoc conqueritur
 propheta in hoc verſu, & verè res eſt ploratu digna. Nec quiſ-
 quam ita durus eſt, cui nõ ploraret, ſi ſimilia videret in patria
 ſua. Quid autem nos aliud iã videmus in Eccleſia, nunc quã
 quod Hieremias tunc vidit in Hieroſolyma? Vbi vnquã fuit
 maius

1. Reg. 1.
 Pſal. 121,

maius gaudium quàm in Ecclesia? Non loquor nunc de infano *Pro. 14.*
gaudio mundi, cuius extrema luctus occupat, sed de vero cor-
dis gaudio: hoc nusquàm maius aut perfectius fuit, quàm in
Ecclesia, id quod primo statim die apparuit, cum Spiritus san- *Acto. 2.*
ctus missus esset. Statim enim Apostoli loqui ceperunt ac
prædicare magnalia Dei, cum tanta iucunditate, ut omnes
mirarentur. Idem gaudiū postea fuit in toto orbe, cum Evan-
gelium mundo manifestum fieret, nemo non accurrebat ad
Ecclesiam. Omnes hoc gaudio perfrui cupiebant: Vbique au-
diebatur vox laudis & gratiarum actionis: Vbique consolatio-
nem inueniebant timoræ conscientiz: Vbique Deus signa
gloriæ & bonitatis suæ ostendebat. Hoc idē vel maximè con-
tingit Germaniæ nostræ, eo tempore, quo Bonifacius Euange-
lium prædicabat, tūc enim Deus sua signa innouabat, ut quo-
tidie noua esset causa gaudēdi, &c. At quid nos videmus nunc?
Quia Ecclesia plorādo plorat, & maximè Germania, quotidie
enim mala malis superueniunt, ut semper nonam habeamus
causam plorandi. Et vbi patres nostri præ gaudio cantauerūt,
hic nos flere oportet. vbi illi pro beneficiis læti festa celebra-
runt, hic nos pro enadēdis malis ad planctum & tristitiam in-
uitamur, quàm benignum enim se Deus olim ostēdit, tam ira-
rum se nunc ostendit, & iustē quidem. non enim melioribus
digni sumus. Merito igitur cū Dauidē dicere possumus. Deus
auribus nostris audiuit &c. Opus quod operatus es, in die- *Psal. 43.*
bus eorum, &c. Nunc autē repulisti & confudisti nos, nec am-
plius egrediens cum exercitu nostro, &c. Hoc deplorat Eccle-
sia, hoc deplorant omnes pii. Hic planctus die ac nocte durat.
Nec est, qui consoletur Ecclesiam, ex omnibus charis eius. Ha-
buit olim Ecclesia multos amicos, Habuit egregios Pastores,
Apostolos & alios, qui verbo & opere Ecclesiæ astiterunt fide-
lissimè. Habuit charos filios, qui eam ut matrem summo affe-
ctu complectebantur. Habuit denique etiam amicos, qui eam
externo gladio defendebant, ut fuerunt: Constantinus, Theo-
dosius, Valentinianus, Carolus, Martianus, &c. Habuit, in-
quam, amicos, at nunc nō habet veros amicos. Habet quidem
adhuc suos Pastores, Reges, Cæsares, Principes, qui se fingunt
amicos, quilibet enim primus vult esse in Ecclesia, Alius enim
se sponsum Ecclesiæ nominat, alius se Christianissimum, alius
Catholicum, alius defensorem Ecclesiæ se nominant: Hic pri-
matum vult habere inter patriarchas, hic inter episcopos;

hic inter Cardinales, hic inter Abbates, &c. Sic & in vulgo qui libet prae alio Christianum se esse iactat. Et tamen non est, qui consoletur Ecclesiam ex omnibus charis eius: Nemo miseriis eis indolescit, nemo opem adfert, imò qui consolari eam debent, hi vel maxime causam doloris & fletus eidem præstant. Quid enim aliud tantum luctum Ecclesiae affert, quam mala vita clericorum, negligentia pastorum, perversitas populorum, stultitia principum? Facili opera Ecclesiae luctus sedari posset, si clerici emendarentur, pastores officio suo intenderent, Principes sapere imperent, populusque pietatem amplecteretur. Sed non est, qui consoletur eam. Imò insuper etiam plerique eam spernunt, irrident, & fiunt ei inimici. Et interim conquerimur de Turca & aliis, quod Ecclesiae damnum inferant, cum nos sumus causa certè omnium malorum. Quis enim nobis nocere posset, si boni æmulatores essemus? Quales autem sunt amici, qui in necessitate fugiunt? Erubescite igitur capita Ecclesiae, quod tam insignis titulos & præmia habetis ab Ecclesia, & nihil in commodum eius facitis. En fratres, sic se nunc habet Ecclesia. An non autem iustam causam habet fletus? Imò nō guttas aquæ sed sanguinis plorare nos oporteret, si vel guttā sanguinis Christiani habemus. Sed audiamus, quid Hieremias ulterius in sua illa Hierusalē deploret. Sequitur.

1. Pet. 3.

T E X T V S.

Migravit Iuda propter afflictionem, & multitudinem servitutis, habitavit inter gentes, nec invenit requiem, Omnes persecutores eius apprehenderunt eam inter angustias.

Præius nominavit civitatem, Nunc nominat Iudam. In idem tamen redit. Nam ciues Hierosolymæ erant de tribu Iuda, & Benjamin. Attamen latius patet hoc verbum Iuda: non enim tantum comprehendit ciues illius civitatis, sed etiam homines totius regionis, qui omnes erant de tribu Iuda. Quid igitur mali in his vidit Propheta? Migravit, inquit, Iuda in afflictionem & servitutem. Moraturque nunc inter gentes, nec invenit requiem: Omnes hostes eius &c. Quid autem miserius, quam à patria exulare, inter gentes? Imò hostes commorari, eisdem subdi, &c. Habuerant Iudæi egregiā regionē & patriā, de qua

Deut. 32.

Moses. Cōstituit (inquit) eū super excelsum terrā ut comederet fructus agrorū, &c. Nūc aut migravit, inquit, Iuda, &c. Vel migravit

grauit propter afflictionē quam passus est, ab hostibus, & propter multitudinē falforum cultuū & idololatrię. En hoc sequitur cum amici deserunt, hoc est pastores & rectores cessant, tunc enim hostibus aperta est ianua, & facilē populus in captiuitatem abducitur. Sic contingit Hierosolymę: Sacerdotes eius aded non curabant scripturas, vt tempore Iosif inuentus liber legis quāsi nouum quiddam & insolitū omnibus admirationem & stuporem ingereret. Similiter & prophetę sua somnia prędicabant, Reges autem sua commoda tantum sectabantur. Hinc populus primò in varias idolatrias declinabat. Deinde Deo puniente nunc ab Aegyptiis nunc ab Assyriis vastabatur donec tandem ē terra sua migrare cogeretur in Assyrios & Babylonem. Vbi nullam requiem habere poterant, sed semper in angustia erant, & insuper etiam in ea angustia constituti ab hostibus ad idololatriam cogebatur, vt patet in Daniele. Hoc igitur querulatur Hieremias in hoc versu. An non autem similia in nobis videmus? Quā paucos inuenias pastores, qui inuigilent? quā paucos principes, qui subditos suos curent? Quid mirum igitur? quod diabolus multos seducat? Turca multos abducit? Sic igitur migrat Iuda in afflictionem, & seruitutem corporis & animę. Habitat inter gentes, efficitur paganiis similis, Perit corpore & anima. Vt omnibus pastoribus & rectoribus, qui sua negligentia faciunt, vt populus Christianus ē sua terra in seruitutem & viciorum & errorum vel Turcarum veniat. Sic igitur iterum videmus, quod nec nobis deest causa flendi. O igitur Hierusalem, Si cognouisses & tu, &c. Attendamus hęc fratres, discamus ex aliorum malis, quid nobis deest. Cogitemus, quod omnia propter peccata nostra eueniant nobis. Emendemus vitam, Clamemus ad Dominum, & miserebitur nostri, &c.

4. Reg. 22.

Danic. 3.

CONCIO TERTIA.

Ad idem, Iulus Iunij.

SI cognouisses & tu, &c. Admonet me hęc hodierna congregatio, eius historię, vbi Philistei contra Israëlitas pugnaturi, Goliath Gerthum giganteum in prima acie ad terrendum Israëlitas collocarunt. Is cum esset magnę & prodigiosę staturę, ad hęc etiam armis vndeque munitus, à capite vsque ad pedes, superbe improperabat Israëlitis, ac singulos prouocabat ad pręlium, minabatur ipsius extremum exitium. Huius terribilem

1. Reg. 17

aspectum, & immania verba cum timerent Israëlitz, nec quisquam auderet congredi: Ad hoc tamē illis profuit terror ab hostibus illatus, ut simul se continerent in castris cogitantes quid agendum esset, donec Deus mitteret auxilium, ipsum scilicet Davidem, qui solus superbiam hostium deiecit, &c. Hæc historia pulchrè alludit ad negotium nostrum. Nam hodie iterum processimus in bellū, pugnaturi contra hostes nostros, non armis corporalibus, sed fide, precibus, & inuocatione diuini nominis: & meritò quidem, nam necessariū est. Hostis enim noster diabolus, qui aliàs semper circumit, querens quem deuoret, nunc apertè nos impugnat, cum suis Philisteis, hæreticis & pseudochristianis, ac conatur Ecclesiā, omninò perdere, temporaliter, spiritualiter, æternaliter, animasque Christi sanguine redemptas vi ac violentia in suum seruitium cogere: Nunc per falsas doctrinas, nunc per peccata & vicia, Nunc etiam per externam potestatem Turcarum, & aliorum impiorum. Ostenditque se hoc tempore malo adeò terribilem, quòd omnes boni contremiscunt. Nam & sic vel se vndique armis suis munluit, quòd hactenus nihil cōtra eum potuimus, quantumcunque multa tentauerimus. Et ita nunc Ecclesiā vrget, ut pauci illesi ab eo discedūt. Qui enim Turcarū tyrannidem effugiant, hi in hæreticorū laqueos incidunt, & qui etiam hos effugiant, se ipsos in turpissimam vitam cōiiciunt, sicque nihilominus in potestatē hostium deueniunt. Adeo potens nunc est diabolus, tantòque impetu nunc Ecclesiā aggreditur, ut non immeritò putare possumus, nunc illud esse tempus, quo Ioannes prædixit ante finem mundi, Satanam esse soluendum, quandoquidem tantū nunc ei diuina iustitia contra Ecclesiā permittit. Et tamen adhuc nemo est, qui hæc perpendat. Et in hoc Israëlitz multò prudētius egerunt, quàm nos: illi enim simul conueniebant, vniti manebant, & quamuis non auderēt hostem aggredi, tamen prospiciebant sibi ab insultu hostium, idque tantisper agebant, donec Deus, vnde minimè sperabant ipsi auxilium misit: quo omnes hostes confusi, ipsi autem cum gaudio ad propria remeârunt. Quod autem Deus nunc fecit, etiam nunc facere posset, quantumuis malè habeat tam Ecclesiā quàm Germania nostra, si tamen nos faceremus, ut illi: Verum in hoc hactenus omnis defectus noster fuit: Frequēter nos nouit Deus, & quidem multis modis, verum nemo terretur. Hostis noster apertè impugnat nos, ut nemo non videat, quid

intend

1. Pet. 5.

Apo. 20.

intendat, & tamen nemo obstitit. Adhuc Philisteorum hostium numerus in dies augetur, impiorumque conatus proficiunt, pie autem credentium numerus indies minuitur & tamen nec scire volumus. Imò quò magis hostes conglobando se confortant, eò magis nos ab inuicem nos separamus, quò terribilius hostis nos impugnat, eò minus nos munimus. Et quod omnium maximū est, quò magis Deus irascitur, eò proteruius nos peccamus. Sic res nostrę se habent. Et quid aliud inde sequi potest, quàm omnimoda perditio? Ideò non sine causa etiam hodie in exordio sermonis dixi. O si cognouisses & tu, Imò quia vel nolimus vel non possumus mala nostra cognoscere. Iterum aliquid ex Threnis Hieremię proponam, si fortè ex aliorum malis tandem admoneamur propriorum malorum. Sic igitur vterius lamentatur Hieremias.

T E X T V S.

Vię Sion lugent, eò quòd non sint, qui veniant ad solennitatem: omnes portę eius destructę, sacerdotes eius gementes: virgines eius squalidę, & ipsa oppressa amaritudine.

Facti sunt hostes eius in capite, inimici eius locupletati sunt, quia Dominus locutus est super eam propter multitudinem iniquitatũ eius paruuli eius ducti sunt in captiuitatem ante faciem tribulantis.

Et egressus est à filia Sion omnis decor eius: facti sunt principes eius velut arietes non inuenientes pascua: & abierunt absque fortitudine ante faciem subsequētis.

Recordata est Hierusalē dierum afflictionis suę, & pręuicationis: omnium desiderabiliũ suorum quę habuerat à diebus antiquis, cùm caderet populus eius in manu hostili, & non esset auxiliator: viderunt eam hostes, & deriserunt sabbata eius.

Peccatum peccauit Hierusalem, propterea instabilis facta est omnes qui glorificabant eam, spreuerunt illam, quia viderunt ignominiam eius: ipsa

autem gemens, & conuersa est retrorsum.

Sordeseius in pedibus eius, nec recordata est finis sui: deposita est vehementer, non habens consolatorem: Vide Domine afflictionem meam, quoniam erectus est inimicus.

Manum suam misit hostis ad omnia desiderabilia eius quia vidit gentes ingressas sanctuariū suum, de quibus præceperas, ne intrarent in Ecclesiam tuam.

Omnis populus eius gemens, & quærens panem: dederunt pretiosa quæque pro cibo ad refocillandam animam: Vide Domine & considera, quoniam facta sunt vilis.

In his verbis videmus, quàm exactè Hieremias singulas populi sui misérias secum perpenderit. Videbant quidē & alij hæc mala. Imò simul cum aliis ea tolerabant, non tamen ita ea trutinabant vt ille, quemadmodū & nunc quoq; sit, quòd soli pij rectè æstimare sciunt mala huius temporis. Alij & si ea patiantur & videāt, non tamen corde perpendūt, nec vnquam in se ipsos conuertuntur. Hieremias autē perpendere sciebat, ne dum mala quæ patiebantur Iudei, sed etiam causam. Et tamen in omnibus his non agebat, vt desperati solēt, sed frequēter in mediis querelis clamat ad Dominū. Hoc autem desperati non faciunt. Vident quidē mala sua, & etiā malorum causam id est, peccatum, sed non possunt oculos leuare ad Deū. Quid autem miserius quàm videre poenā & culpam, & nullū remedium vel auxiliū sperare posse? In hac miseria periit Iudas, quæ & ipsum adigit ad laqueū. Hieremias autem omnia hæc tria simul habuit. Primò enim mala enumerat. Secūdò bis cōfiteretur peccata præstitisse causam horū malorum. Tertiò bis etiā ad Deum exclamat. Quia si hodie tria hæc possemus discere profectò satis esset. Audiamus igitur mala, quæ deplorat. Vix, inquit, Sion lugent. Hoc primo loco deplorat, quòd Hierosolymis cultus Dei cessauerit: Verè non parū malum. Vbi enim cultus cessat Dei, illuc & Deus cessat præstare bona. Cæterum Sion & Hierusalem pro eodem accipiuntur in hoc libello. Hierusalem erat Metropolis Iudeæ, in qua & templum erat. Sion autem erat mons cum arce, in qua reges habitabant. Iam præceptum erat

Iudæis

Iudæis, ut ter in anno ad festa ascenderent ad templum. Præterea Hierosolymis etiam domus & sedes regum erat, ad quam pro iudiciis confluxebant. Vnde non dubium, quoniam viæ ad Hierusalem omnes tritæ essent, partim propter tēplum partim propter iudicia. Nunc autem, inquit Hieremias, Viæ Sion lugent, hoc est, spinis & vepribus obstruuntur sunt, eo quod nemo per eas incedit. Templo enim destructo & regibus captivatis nemo amplius ad Hierosolymam veniebat. Metaphoricè autem lugere dicuntur viæ Sion, quia sicut in multitudine venientium latari videbantur, quia materiam lætitiæ præbuerunt ambulanti-
Exod. 13.
 bus in eis: Ita nunc lugere dicuntur, quia materiam luctus transeuntibus dabant. Sic in Machabeis Iudas, cum suis videntes in templo virgulta nata, exortis lacrymis planxerunt. Hoc igitur vult Hieremias. Omnia in diuersum abierunt cum illa ciuitate. Prius omnes viæ plenæ hominibus erant, nunc adeo infrequentes sunt, quod nemo se à lacrymis continere potest. Quia si quis ad ciuitatem peruenerit, iam ne similitudinē quidem ciuitatis habet. Nam prius habebat portas, & muros clausos, Nunc omnes portæ eius destructæ. Quia si quis templum adit, inuenit sacerdotes gementes, qui prius laudes Domino decantabant. Si quis plateas circuit, videt etiā pueros & virgines squalidos, præ fame & miseria, qui prius solebāt in omnibus plateis ludos exercere. Et quid opus multis? tota ciuitas oppressa, est amaritudine omnibūq; malis repleta est. Hoc conqueritur Hieremias, in primo versu. An non autem apud nos similia videt, qui oculos aperit? Viæ quidem nostræ videntur adhuc satis tritæ, nondum videmus destructas portas, adhuc canunt sacerdotes, adhuc in plateis ludunt virgines & pueri. Adhuc apud nos auditur sonitus tympani & musicorum, verum quales sunt hæ viæ, hæ portæ, hi cantus & gaudia? Hieremias tantum loquitur de viis, de portis, de sacerdotibus, de virginibus Hierusalem. Vidimus quod viæ nostræ adhuc tritæ sunt sed viæ ad peccatū, ad luxum, ad negotiationem. Interim autem viæ Sion lugent. Queris quomodo? Primo Christus est via ad Sion. Ego, inquit, sum via, veritas & vita. *Ioan. 14.*
 Nemo venit ad patrē, nisi per me. Et iterum: Ego sum ostium, *Ioan. 10.*
 &c. Hanc viam incedere oportet credendo, & imitando. Quid autem apud nos minus curatur? Pauci sunt, qui in fide recti incendant. Multo pauciores, qui Christum imitentur. Dura nobis videtur hæc via. Omnes retrocedimus, Nemo non
 horret

horret viam crucis. Interim vnusquisque declinat in viam
Sapient. 5. suam, hæ videntur nobis faciles, at in fine videbimus, quòd am-
 bulauimus vias difficiles. Sic igitur via ad Sion luget, & deserta
 est. Deinde viæ Sion intelligi possunt, Prophetæ, Apostoli,
 doctores, vt qui aliis tam verbo prædicationis, quàm exemplo
 boni operis ad vitam ducatum præbent. Hæ viæ olim læta-
 bantur, ob multitudinem credentium & venientium ad æter-
 nam festiuitatem. Vnde Paulus in omnibus epistolis suis læta-
 bundus gratias agit. Nunc autem viæ istæ lugent, eò quòd
Roman. 1. per pauci sint, qui veniant ad solēnitatem veritatis & vitæ. Vel
 viæ Sion sunt virtutes maximæ, Fides, Spes, Charitas, & aliæ,
 quæ ducunt ad vitam. Itēque præcepta Dei, quæ & ipsa ad
 vitam dirigunt. Hæ viæ olim frequentes erant. Nunc autem
 lugent, periit fides, Non est misericordia, non est veritas, &c.
 Nemo curat mandata Dei, quilibet sibi leuiorem aliquam viā
 ad cælum excogitat. An non igitur verissimè versiculus ille in
 nobis impletur? Postremò etiam ad literam impletur. Nullæ
 enim viæ minus frequentes sunt, quàm quæ ducunt ad Eccle-
 siam. Vbi decem ad forum currunt, vix vnum inuenias, qui ad
 Ecclesiam ire pergat. Nemo qui in se conuersus futuram so-
 lennitatem quærat. At quid prodest omnes alias vias frequen-
 tes esse, si hæ deserta sit? Quid prodest homini, si vniuersum
Matt. 16. mundum lucretur, & cætera? Vel quid boni sperari potest, vbi
 viæ Sion lugent? Certè quàm primùm Israëlitis vias Sion ne-
 glexerunt, hoc est, cultum Dei, in omnia mala inciderunt. Sic
 enim patres nostri ambulant in viis Sion, omnia prosperè
 illis credebant, nos autem qui eas contemnimus, nihil pro-
 sperum habemus. Sic possum, etiam dicere de portis Sion. Ec-
 clesia olim ædificata erat: vt ciuitas habebat suas portas, suos
 muros: Portæ sunt Christus & Apostoli, Ioan. 10. Apoc. 21.
 si les inquam in Christum & doctrina apostolorum portæ Sion
 sunt. Muri autem leges & ordinationes. Cùm Apostoli prædi-
 carent vbique per orbem terrarum alius in Iudæa, alius in Sy-
 ria, alius in Aegypto, &c. vbique erectæ erant portæ ad cælum.
 Nunc autem pro maiori parte in his locis destructæ sunt. Sic
 cùm leges & ordinationes seruarentur Ecclesia muris munita
 erat, nunc sublati legibus muri corruerunt, patetque omni-
 bus bestiis aditus. An non autem lacrymis digna sunt hæc?
 Sequitur: Sacerdotes eius gementes. Hoc ad literam vidit Hie-
 remias, quia enim templum & cultus Dei destructus erat, non
 poter

poterant sacerdotes habere victum suum. Necessariò igitur
 gemebant. Quoties autem hoc contingit nostris temporibus,
 quod pij sacerdotes gemunt sub Turca, sub sectis, sub Ingra-
 tis Christianis, quoties sit, quòd qui diabolo seruiunt honoran-
 tur, qui otio & luxui indulgēt, abundant omnibus bonis: con-
 tra autem, qui Ecclesiz inseruiunt famem patiuntur? Sic in-
 quam sacerdotes pij gemunt. Vel ideò etiam iidem gemunt
 propter peccata scilicet hominum. Hoc enim ad sacerdotes
 pertinet, vt Iohel ait. Hoc qui non faciunt, sed suis quæstibus *Iohel 2.*
 tantum consulunt, his iusto suo iudicio Deus luctum infert. Vt
 cogantur deslere damna, qui noluerunt deslere peccata. Sacer-
 dotes eius gemētes. Sequitur: Virgines eius squalidę. Et hoc ad
 oculum vidit Hieremias: verè autem miserum est, & magnę
 miseriz signum, vbi virgines squalidę sunt & plorant. In Eccle-
 sia etiam hoc contingit, vbi Turca tot regna occupauit. No-
 strę quidem virgines nihil tale adhuc patiuntur, sed sunt orna-
 tæ, lætæ, leues, &c. sed coram mundo: quid autem magis squali-
 dum coram Deo? Nusquam maior leuitas, lasciuias videtur,
 quàm in virginibus & adolescentibus. Quid autè hinc sequi
 potest? Quæ virgo pulchra nō est, quomodo pulchra erit in se-
 nio? quæ in iuuentute tam leuis est, quomodo bonos filios pro-
 creabit? Per virgines pōssumus & animas nostras intelligere.
 Sic enim eas nominat Paulus. Deberēt autem esse ornatae om-
 nibus virtutibus, maximè fide, spe & charitate. Audi filia, in-
 quit & vide, & concupiscet rex decorem tuum. Quis autè non
 videt quā squalida sint animæ nostræ? Vt Deus meritò eas abo-
 minetur & comminetur se eas abiecturum. *Ezech. 16. Apoc. 3.*
 Incipis te euomere de ore meo. Sequitur: Et ipsa oppressa ama-
 ritudine, q.d. quid conor singula mala explicare? Tota ciuitas
 oppressa est amaritudine. Hui⁹ & alias causas subdit. Facti sunt
 hostes eius in capite. Sic enim olim cōminatus fuit. Si non ser-
 uaueris præcepta mea, tu eris in caudam & hostes tui in ca-
 put, &c. Et sic iam factum erat. Sic & apud nos sit. Hostes Eccle-
 siæ sunt potentes, nos autem infirmi. Illi ditantur, nos ad ege-
 statem venimus. An non autem pio homini lacrymas excute-
 ret? Certè David hoc deplorabat, in *Psal. 72.* Sic olim altior in
 seculo fuit Cain, quàm Abel locupletior, Esau quàm Iacob, sic
 & nunc. Magnum autem malum est, vbi hostes principantur,
 & inimici locupletantur: tantò enim valentiores sunt ad perse-
 quendum, tantòq; fortiores ad occidendum, possumus etiam
 sic

2. Cor. 11.

Deut. 22.

sic interpretari: Hostes eius in capite sunt, id est, qui Ecclesie ne dicam nihil profunt, sed plurimū obsunt, nunc capita sunt Ecclesie. Item: Hostes in capite, quia capita Ecclesie languent, & Ecclesiam negligunt, suāq; negligentia plus nocent Ecclesie, quā hostes externi. Itē hostes in capite, quia demones maximē principatur praelatis Ecclesie & principibus, ducunt enim eos, quod volunt in omnia vitia. Itē hostes in capite, id est, diabolus, caro, mūdus, hostes nostri ubiq; regnant. Interim ratio, fides, pietas, iacet, seruiūt. An nō autē omnia hęc lacrymis digna sunt pio homini? Sed audi etiam alia. Paruuli eius ducti sunt in captiuitatē. Hoc vel maximē dolendū, ubi paruuli, id est, pueri & alij infirmi & imperfecti corrūpuntur exemplis, decipiuntur persuasionibus, terretur minis, sicq; cedūt, in potestatem & prędā aduersariis. Et quid nūc in mundo frequentius est? Quā miserē perit iuuentus? Quis hīc lacrymas contineat? Sequitur. Et egressus est a filia Sion omnis decor eius, quia priuata erat tēplo, & regno, vrbe & sacerdotio. Itēmq; pristina facultate, pulchritudine, virtute, donis quoq; & spiritus sancti gratia. Et Ecclesia olim pulchra erat, de ipsa enim dictum est: Tota pulchra es, &c. Itēmq; pulchra vt luna, &c. habuit suū decorē intus per fidē & dona spiritus sancti. Habuit & ad extra decorē, hoc est, ordinē in membris suis, &c. Verū omnia hęc perierunt. Ideō omnes, qui eā glorificabant, spreuerūt eā, quia vident ignominiam eius. Perit deuotio, perit ordo. An non lacrymis digna sunt hęc? Sequitur: Principes eius sicut arietes, nō inuenientes pascua, &c. Possumus sic interpretari ad literā, quod principes rediguntur ad paupertatem. Imō ducuntur captiui, sunt serui aulicorum & adulatorum, reguntur & non regunt. Melius autem interpretatur de praelatis, hi facti sunt velut arietes, non habentes pascua, quia plerunq; sic viuunt quasi ignorent mandata, quasi nō legerint scripturas, absq; fortitudine animę subditi peccatis, cedentes impellentibus vitiis. An non autem hoc lacrymis dignū? Non sic fuerūt primi illi praelati Ecclesie, &c. debebant praelati esse vt arietes, id est, pręcedere & ducere oues ad pascua, at nunc nec ipsi pascua sciunt. Sunt sal infatuatum,

Matth. 5. Sequitur: Nunc recordatur dierū afflictionis & pręuaricationis suę, &c. Hoc verē lamentabile est, quod malorum nostrorū non recordamur, nisi malis premamur, nisi in manus hostium tradamur. Mallet siquidem Deus, vt spontē recordaremur peccatorum nostrorum, mallet vt prosperis abūdaremus, vt nunquam

quam prosperis falleremur, ne transitorijs vteremur, vt æternorum nunquam obliuisceremur. At hoc non facimus, nisi cū mala vrgent. Sequitur: Sordes eius in pedibus eius, Capriui enim abducti per lutū trahebantur. Pedes Ecclesiæ prædicatores, qui olim speciosi erant, nunc sordidati sunt: nō enim faciūt, quod docent. Vel generaliter, Ecclesiā ita deberet inhærere cælestibus, vt terrā nō tangeret, terrena non ambiret, sed corpore hic exulans, mente conuersaretur in cælis. At nō sic facit. Non est recordata finis sui, deposita est vehementer, amando terrā, obliuioni tradendo altitudinem cæli, nec præ oculis habēs verum, qui in cælis est, consolatorem, dum variā in terra querit consolationē. Sordes igitur in pedibus eius, quia omnes terrenis implicamur. An non autem lacrymis dignum est? Sequitur: Manū suā misit hostis ad omnia desiderabilia eius. Hoc verissimē nunc impleri, omnes pij gemunt. Nihil enim tā pulchrum & bonū est in Ecclesiā, quod diabolus non conetur auellere, scripturas, sacramenta, ordinationes, mores, &c. Insuper videmus gētes ingressas sanctuarium Dei: Videmus indignissimos homines se ingerere rebus ecclesiasticis, & tales homines, quos omnes leges & iura prohibent. An non lacrymis dignum? Merito igitur sequitur. Omnis populus eius gemit, & quærens panem. Quid enim aliud sequi potest, quā gemitus & spiritualis fames, vbi indigni præfunt Ecclesiæ? Vides igitur quantis malis laboret Ecclesiā. Sed vnde nā proueniūt? Audi. Dominus, inquit, locutus est super eam, propter multitudinem iniquitatum eius. Et iterum. Peccatum peccauit Hierusalem, propterea instabilis facta est. Vides hīc causam omnium malorum esse peccata nostra. Quæ si mala euadere volumus, relinquamus peccata. Hoc igitur primō loco necessarium est. Secundo, vt ad Deum clamemus: quid autem clamemus? Vide Domine afflictionem meam, quia erectus est inimicus. Et iterum. Vide Domine & considera, quia facta sum vilis. Hæc clamemus in fide & corde contrito & humiliato, Clamemus in cælum, & miserebitur nostri Deus.

CONCIO QVARTA.

Ad idem, quarto Idus Iuny.



I cognouisses & tu. Toties iam ad generales huiusmodi stationes conuenimus, in quibus & meo iudicio sufficienter ostendi, quod nedum non superuacaneæ sint, sed summē necessariæ, quod sperabam de
ceter

extero nihil opus esse vltteriùs admonitione, sed omnes sua sponte & feruentiùs & frequentiùs conuenturos. Nihil tamen tale adhuc video, imò de die in diem segniores efficimur. Vt nesciam, quid potissimum accusem. Fieri enim potest, vt aliqui tam rudes sint, qui putent Deum non curare mortalia. Circa cardines, inquit, cæli perambulat, nec nostra considerat, alij autem tam impij sunt, vt putent vani ac frustraneū esse,

Iob 21. Deum inuocare, quemadmodum idem Iob de impijs dicit. Dicunt, inquit, Deo, recede à nobis, scientiam viarum tuarum nolumus. Quid enim nobis prodest, si orauerimus eum? Ad hæc fieri potest, vt aliqui ita præsentī felicitate excecati sint, vt putent sibi nil mali accidere posse, quemadmodum Esaïas de huiusmodi scribit. Pepugimus, inquit, fœdus cum morte, &c.

Esaïa 28. Quid autem perniciosius est, quàm huiusmodi cogitare aut loqui? Vbi enim huiusmodi cogitationes mentem occupant, certum est quòd fides & omnis deuotio perit. Quàm primum enim insipiens homo eò dementiæ peruenit, vt dicat in corde suo.

Psal. 13. Nō est Deus, haud dubio sequitur, quod in eodem Psalmo subnectitur. Non est timor Dei ante oculos eorum. Et Deū non inuocauerunt. Qui enim rectè de Deo sentit in corde, non dubium est, quin ipsum & in iudicijs suis timeat, & in necessitate inuocet. Qui autem econtra nec Deum timet, nec inuocat, is conuincitur, quòd nec in corde rectè de Deo sentiat. Quis autē talem hominem pro Christiano habeat, qui nihil rectum de Deo sentit & credit? Quantumuis enim verbis aliud testetur: tamen ipso factō conuinci potest, in eo quòd nec Deum timet nec inuocat. Hęc nobis meritò dicta esse putare debemus, maxime hoc tempore. Attendant quis conuentur nostros ad Ecclesiam. Videbit quomodo Deum inuocemus: Consideret quis vitam nostram, & videbit quomodo Deum timeamus. Imò inueniet quod inuocatio diuini nominis parua admodum, timor autem Dei nullus in nobis est: sic nos proficimus in Christianismo, sic emendatur ex plagis Dei, sic trepidamus ad comminationes ipsius. Expectaui, inquit, vt facerent vras, fecerunt autem labruscas, &c. Sic conqueritur Deus in Esaïa. Moses id ipsum quoque conqueritur, &c. Gens, inquit, absque consilio & prudentia, Vtinam saperent. Micheæ querela erat, quòd ferme nihil pietatis inueniebat. Væ mihi, inquit, quia factus sum sicut qui racenos colligit, &c. Christus ipse nihil sapius conquestus est, quàm negligentiam & ingratitudinem hominum

Esaïa 5.

Deut. 32.

Mich. 7.

sum sicut qui racenos colligit, &c. Christus ipse nihil sapius conquestus est, quàm negligentiam & ingratitudinem hominum

num. Lux, inquit, venit in mundum, & dilexerunt homines magis tenebras, quàm lucem. Item: Non vultis venire ad me, *Ioan. 3.* vt vitam habeatis. Item: Quoties volui congregare filios tuos, *Ioan. 5.* & noluitis? Et iterum: Si non venissem, & locutus eis fuisset peccatum non haberent, &c. Hæc nobis admonitioni esse debuerant. Nos inquam Christiani adeo feruere deberemus ad omne bonum, adeoque frequentes esse in tanto bono cogniti diuini nominis, vt quilibet pius concionator verè de nobis dicere posset, quemadmodum Paulus de Romanis. Gratias ago Deo, quòd fides vestra annunciat in vniuerso mundo. Et de Thessalonicensibus. Gratias ago Deo, quòd supercreuit fides vestra, & abundat charitas, &c. Hæc de nobis dici oportebat, si verè Christiani essemus. At tam longè absumus ab hac perfectione, vt opus esset, omnes conciones ordiri ab increpatione nostræ ignauitæ. Hoc autem vt & antea dixi, non aliunde prouenit, quàm quòd neq; Deum nec nos ipsos satis agnoscimus. Si enim Deum agnoscere, certè ad ipsius iudicia & comminationes trepidaremus. Si nos ipsos periculæque nostra cognoscere, non semel tantum in mense, sed omni die & hora Deum inuocaremus. Verùm abscondita sunt hæc ab oculis nostris, etiam in hunc vsque diem. Quæ cum ita sint, iterum aliquid proponam ex lamentationibus Hieremiæ, si fortè vel ex alienis malis periculum nostrum tãdem videre possumus, & ex consequenti Deum timere, noménque inuocare incipiamus. Hic enim scopus est & esse debet huius & similium concionum. Et in hunc scopum hastenus meas in hoc negotio conciones direxi. Itidem & nunc faciam: Vtinam cum fructu. Sic igitur lamentationes suas prosequitur Hieremias propheta.

T E X T V S.

O vos omnes qui transitis per viam, attendite, & videte, si est dolor sicut dolor meus: quoniam vindemiauit me, vt locutus est Dñs, in die iræ furoris sui.

De excelsis misit ignem in ossibus meis, & erudit me: expãdit rete pedibus meis, cõuertit me retrorsum: posuit me desolatã, tota die mœrore cõfectam.

Vigilauit iugum iniquitatum mearum: in manu eius conuolutæ sunt, & impositæ collo meo: infirmæ

ta est virtus mea: dedit me dominus in manum, de qua non potero surgere.

Abstulit omnes magnificos meos dominus de medio mei: vocauit aduersum me tempus, vt cōtereret electos meos: torcular calcavit dominus virgini filia Iuda.

Idcirco ego plorans, & oculus meus deducens aquas: quia lōgè factus est à me cōsolaror cōuertens animam meam: facti sunt filij mei perdit, quoniam inualuit inimicus.

Expandit Sion manus suas, non est qui consoletur eam: mandauit Dominus aduersum Iacob, in circuitu eius hostes eius: facta est Hierusalem quasi polluta menstruis inter eos.

Iustus est Dominus, quia oseius ad iracundiam prouocauit, audite obsecro vniuersi populi, & videte dolorem meum, virgines meæ & iuuenes mei abierunt in captiuitatem.

Hic incipit Propheta mutare personam. Haftenus quidem in propria persona, & pro seipso deplorauit mala, quæ videbat. Nunc ipsam ciuitatem Hierusalem plorantē introducit. Multum autem facit ad mouendos affectus auditorum, vbi in lamentationibus mutantur personæ. In Dauide frequens est huiusmodi mutatio. Sæpe enim in vno Psalmo plures introducit personas. Nunc loquitur in persona sua. Aliquando in persona Dei, aliquando loquitur ad Deum, aliquando ad populum. Hæc autem partim indicant varias commotiones, quas sensit in spiritu, finaliter tamen eò tendunt, vt fortius mouerentur affectus audientium. Ex eadem causa etiam Hieremias hic mutat personam: cupiebat enim omnes homines ad commiserationem sui & suorum commouere. Verum non tantum ad commiserationem, sed etiam ad considerationem diuinorum operum & iudiciorū. q. d. Si nihil vos mouet, quod ego priuatus homo deploraui, saltem moueat vos, quod tota ciuitas mea, tot scilicet milia hominum hæc eadem deplora-

rant

rant. Quis autē tā durus saxeus est, qui nō cōmouetur? Vbi tōta aliqua ciuitas, senes, scilicet & paruuli plorant & lamentantur? Sic autem tunc erat in ciuitate Hierusalē. Audi enim, quomodo lamentetur. O vos omnes, qui transitis per viam, & c. Et quisnam est dolor, quē habes ō Hierusalē? quia infirmata est virtus mea. filij mei perdit, praua luit inimicus, & quod omnia alia excedit. Longe factus est à me consolator. Expandi manus meas, & non est qui consoletur. Idcirco ego ploro, & oculus meus deducit lacrymas. Sed quis nam tantum dolorē tibi intulit? Dominus, inquit, vindemiauit me, Dominus misit ignē in ossibus meis. Dominus expendit rete pedibus meis. Dñs posuit me desolatā, Dominus dedit me in manū, de qua nō potero surgere, Dominus abstulit omnes magnificos meos, Dñs calcauit torcular filiz Sion, Dominus mandauit aduersum Iacob hostes suos, & c. Et qui sit q̄ Deus, quem olim tam benignum experta es, nūc tam seuerū se tibi ostēdat? Quia vigilauit iugū iniquitatū mearum, in manu eius. Quid autem sentis de huiusmodi iudiciis Dei? Iustus est Dominus, quia os eius ad iracundiam prouocauit. Vide quā pulchrē propheta loquatur de iudiciis Dei? Multa quidem mala enumerat, nihil tamē horum ascribit, vel astris, vel fortunæ, vel malis hominibus, vel etiam dæmonibus, sed omnia Deo. Dominus, inquit, vindemiauit me, & c. Deinde, quantumuis terribilia iudicia Dei enumeret: non tamen iudicia Dei reprehendit. Imō gloriā ipsi dat. Iustus, inquit est Dominus. Et cur propheta hoc fecit? Vt etiam nos omnia aduersa Deo & iustis iudiciis eius ascribamur, aperitq; confiteamur, q̄ peccatis nostris ea meruimus. Hoc nos docere vult Propheta. Multum enim in hoc sūrum est, quamuis difficulter mundo persuaderi possit, vt hoc agat. Pauci enim sunt, qui præsētia mala iusto Dei iudicio ascribāt. Pauciores, qui confiteantur se ea commeruisse. Et tamen necesse est, vt ea confiteamur, iusto nimirum suo fieri iudicio. Nec cessabit nos punire, donec confiteamur, q̄ ipse mala hæc nobis infligat, & q̄ iuste hæc faciat. Complebo, inquit, furorem meum in eis, & scient, quia ego Dominus, hoc est, tantisper puniam eos, donec me agnoscant. Et quidem pij homines semper sciunt & fatentur ipsū esse Dominum. Impij autem hoc non discunt, nisi in plagis & pœnis. Hieremias hæc sciebat, q̄ si populus eius similiter instructus fuisset, bene habuissent. Et nobis consultum esset, si hæc sciremus. Nullum enim malū tam grande & præ-

Leuit. 26.

- sentaneum est, quod non effugere possumus, si Deo gloriam demus. Exemplo sit David, qui ita Deum offenderat, ut propheta illi diceret, Non auferetur gladius de domo tua in aeternum.
2. Reg. 12. & tamen cum Deo gloriam daret, euasit. Sic Manasses propter peccata sua, in tanta mala deuenerat, ut cathenis vinctus iaceret, in carcere Babylonis, & tamen dans gloriam Deo, iterum liberatus & in regnum suum restitutus fuit. Sic tres illi pueri etiam in medium ignis proiecti, cum darent gloriam Deo, illi si euaserunt. Et quid opus est multa exempla adducere, cum ipse Hieremias noster exēpli satis sit, qui omnibus aliis pereuntibus ipse apud regem Chaldæorum inuenit misericordiam? Propterea quod dabat gloriam Deo. Nihil igitur & nos in pessimis istis temporibus & multiplicibus malis melius facere possumus, quam ut humiliemur ac exemplum Hieremiæ imitemur. Itaque textum hunc profundius inspiciamus. Quatuor hic per ordinem docet Propheta. Primo. Nihil magis deplorandum esse, quam à Deo separari. Secundo. Nihil terribilius esse iudicio Dei. Tertiò, nihil perniciosius esse peccato. Quarto. Nihil utilius esse, quam humiliari sub potēti manu Dei. De primo sic dicit. O vos omnes, qui transitis, &c. Hoc verbum versissime dicere potuit Hierusalem tunc temporis, quod scilicet non esset dolor similis dolori illius. Destruerat quidē Babylonius rex, & alias ciuitates multas: Nullis earum tantus dolor inferre batur, ut Hierosolymæ. Cur hoc? Quia aliæ tantum perdebant temporalia, Spiritualia perdere non poterant, quia ea non habebant: Nesciebāt enim Deum & dona eius gratuita. Hæc autem præter temporalia etiam habebat Deum ipsum, habebat eius promissa, fœdus, adoptionem, templum, &c. Quæ tamen omnia simul cum temporalibus perdidit. Merito igitur plus omnibus doluit. Amittere temporalia infert quidem dolorem, at qui Deum propitium habet, is non adeò contristatur de eorū amissione. Scit enim esse patrē in celis, qui pro ipso curet.
- Matt. 6. Scit quod Domini est terra & plenitudo eius. Cui autem præter amissionem temporalium, etiam conscientia testatur, quod Deum iratum habeat, is merito dolet. Rerum enim temporalium nec possessio admodum prodest, nec amissio admodum obest, facile enim hoc damnum refarciri potest. At qui Deum perdit, omnia perdit. Hoc igitur vel maximè lacrymis dignū est. Hinc est, quod Hieremias potissimam causam luctus sui hanc esse dicit, quod Deum auersum cernebat. Ideo, inquit, ploro & oçu

& oculus meus deducens lacrymas, quia longè factus est à me consolator, confortans cor & animam meam. Alia mala leuiùs fert, vt quod infirmata esset virtus eius, quòd filij perdit, quòd hostis præualuisset. Vnum hoc Dei scilicet absentiam maximè conqueritur. Nos autem vt plurimùm contraria facimus, Temporalia dāna magni æstimamus, Spiritualia nō curamus, meritò igitur vtrunq; perdimus. O igitur vos omnes, qui transitis per viam, qui cognoscitis & confitemini, quòd peregrini estis & aduenæ super terram, manentem hīc ciuitatem non habentes sed futuram inquirentes, attendite & scitote, q̄ non sit maior dolor, quàm perdere Deum. Omnis alius dolor parvus *Hebr. 13.* est, quia de rebus vanis & caducis, sicut & omne gaudium de rebus caducis paruum est. Summum autem gaudium est, habere Deum propitium: sic summus dolor est habere Deum iratum. Hinc igitur discamus, vnde maximè dolere debemus. Imò hīc videamus, num & nos iustam dolendi causam habeamus, Clamat Hierusalem. Infirmata est virtus mea. At vbi nunc est fortitudo nostra, quam olim habebant Christiani? Vbi inquam, est fides illa, qua sancti olim vicerunt regna, per quam Paulus asserat extingui omnia ignita tela diaboli, per quam dicit vinci mundum? Vbi est spes illa, qua patres nostri ita inhærebant cælestibus, vt nihil terrenorum quærerent? Vbi est charitas illa fortis, vt mors, quàm nec aquæ multæ in patrum nostrorum cordibus extinguere poterant? Vbi est patientia illa mirabilis, qua veteres omnia aduersa vincebant? Vbi temperantia, qua in rebus prosperis concussi consistebant? Infirmata est virtus nostra. An non autem magnum damnum hoc est Ecclesiæ? Multò leuiùs esset, si Turca omne aurum etiam nostrum auferret, quàm quòd Ecclesiā his virtutibus spoliata est. Quomodo enim consistere poterimus, qui nec fidem, nec spem, nec charitatem, nec patientiam, nec temperantiam habemus? Hoc igitur damnum ploremus. Sed & illud, quod in propheta sequitur: filij mei perdit. Itēque illud, Præualuit inimicus. An non hæc omnia in ecclesiā videmus? Quid magis perditum, quàm iuuentus? Vnde spes esse debebat Christianismum apud posteros nostros perman surum? Quid magis verum, quàm quòd hostis vbiq; inualescit & præualeat? Meritò etiā Ecclesiā clamat. O vos omnes qui transitis per viā, &c. Clamat quidē, sed nemo audit,

- nemo attēdit, nemo succurrit. Hoc igitur primo loco confiderandum est, in textu proposito. Deinde autē Hieremias ostēdit, nihil terribilius esse iudicio Dei, atque hīc multis verbis & similitudinibus vtitur, nimirū innuens se non posse rem hanc satis exprimere. Primò enim comparat iudiciū Dei vindemiæ, quæ serò quidē & in fine tandem æstatis venit, sed tamē omnia aufert, quæ in vinea inueniuntur. Per hoc ostendit, quòd iudiciū Dei serò quidem venit, sed tamen postquam semel inceperit, omnia aufert. Ob eandem causam Christus iudicij tempus cōparat messi. Vnde & in Apocalypsi dicitur angelis. *Mittite falces vestras, quia maturuit messis.* Sic & Hieremias, Dominus, inquit, Vindemiauit me, hoc est, diu expectauit, diu diffimulauit. Nunc autem peccata mea ad maturitatem perueniunt: Impleta fuit mensura. Non poterat Deus ampliùs sustinere. Vides hīc, quomodo de iudicio Dei loquatur? Quis nō contremiscat? Sed audi alia quoque & maiora. De excello, inquit, misit ignem in ossibus meis, hīc iudiciū Dei comparat igni. Non tamen simpliciter, sed igni consumenti, exiccanti, deuoranti. Reuera enim iudiciū Dei ignis est. Nam & extrā & intus torquet, & angit, pertingit enim vsque ad ossa, ac omnia vsque ad inferni nouissima, &c. Quis non etiam hīc contremiscat? Ignis corporalis tantū corpori nocet, at iudiciū Dei corpus & animam perdit. Sed audi etiam alia. Expandit rete pedibus meis: hīc comparat iudiciū Dei laqueo venantiū, in quo improuisè capiuntur animalia & pisces: innuit autē hac metaphora, quòd iudiciū Dei inopinatos capit & obruit. Dies Domini sicut fur in nocte, ira veniet. Et cū dixerint pax & securitas, tunc repentinus eis superueniet interitus. Exemplum habemus in Pharaone, & Balthasar & Sennacherib. 4. Reg. 19. An non autem meritò terrere hæc debent? Sed procedamus. Posuit me, inquit, desolatam, tota die mœrore confectam. Hīc ostendit, quòd iudiciū Dei omnem spem & consolationem, omne gaudium & bonum aufert, & non ad tempus tantū, sed tota die id est, in perpetuum. Dabit, inquit, tibi Dominus cor pauidum. Non credes vitæ tuæ, &c. Sequitur, dedit me in manum, de qua non potero fugere. Hīc ostendit, quòd iudicio Dei incipiente nemo effugere potest. Non erit fuga eis, ait Amos, &c. Et iterum. Peribit fuga à velo. ce, &c. An non & hoc terribile est? Sequitur. Abstulit omnes magnif

magnificos meos, per hoc ostendit, quòd Deo iudicante omnia
 illa nobis subtrahuntur, in quibus confidimus & quæ utilia
 esse possent. Ecce dominator Dominus auferet in die illa ab *Esa. 3.*
 Hierusalem validum & fortem, senem & iudicem, &c. Hoc
 etiam re ipsa sic evenit, & etiamnum sic contingit, &c. Sequi-
 tur. Vocauit aduersum me tempus, per hoc ostendit, quòd iu-
 dicio Dei tempus suum præfixum est: nemo igitur putet se
 euasisse, si Deus ad tempus dissimilet. Cùm accepero, inquit,
 tempus, ego iustitias iudicabo. Huc pertinet. Clamor Sodo-
 morum venit ad me, &c. Item implete mensuram patrum ve-
 strorum, &c. Sequitur. Torcular calcavit Dominus filiz Sion, *Genes. 18.*
 per hoc indicat grauitatem iudicij Dei, premit enim, vt tor-
 cular, & nihil inexpressum reliquit. Tunc enim manifesta *Mat. 25.*
 erunt abscondita cordis. Itemque. Arguam te & statuam con-
 tra faciem tuam. Item, scrutabor Hierusalem in laternis. Se-
 quitur. Mandauit Dominus aduersum Iacob, in circuitu eius
 hostes eius? Hic ostendit quòd Domino iudicâte omnes crea-
 turæ hominem impugnant & terrent. Nihil valet nisi hostes.
 Omnia ei contraria sunt. Deus enim etiam creaturas armat in
 vltionem inimicorū, & pugnabit pro eo orbis terrarum, con-
 tra insensatos. Vide quàm pulchrè Hieremias descripsit iu-
 dicio Dei: hoc autem non ideo fecit, vt ad desperationē nos
 adigat, sed vt territi ad misericordiam confugiamus. Omnia
 hæc experta est Hierusalem olim. Et nos experimur in par-
 te: vtinam in tēpore expergiscamur, ne & reliqua experiri nos
 oporteat. Sed quæris, vnde hæc omnia? Audi quid Hieremias
 interferat. Vigilauit, inquit, iugum iniquitatum mearum. In
 manu Domini, &c. His verbis pulchrè describit peccati perni-
 tiem. Primò enim comparat ipsum iugo, & verè graue iu-
 gū & onus est super omnes filios Adæ, subiicit enim nos diabo-
 lo, & quasi captiuos nos tenet. Qui enim facit peccatum, ser-
 uus est peccati. Hinc est quòd Paulus dicit se venditum sub *Eccles. 40.*
 peccato, &c. Verè igitur peccatum est iugum illud oneris, & *Ioan. 8.*
 sceptrum exactoris. Vnde solus Christus nos liberat. Deinde
 dicit iniquitates suas euigilasse in manu Dei, pulcherrima sci-
 licet emphasi. Nos putamus peccata nostra dormire, & testa
 esse, inque obliuionem venisse. Reuera autem in manu Do-
 mini vigilant, quantò satius esset, vt in memoria nostra vigi-
 larent. Sic enim ad pœnitentiam nos adigerent. Tertio dicit
 iniquitates suas conuolutas esse, & simul congregatas, quan-
 tumuis

tumuis enim non simul & vno tempore perpetrantur, tamen ad vnum cumulum & in vnâ mensuram congregantur. Quartò dicit eas nunc impositas collo suo, vel vt pondus deprimentes, vel vt laqueus suffocantes. Certum est, quòd iniquitates tuæ tandem super collum tuum recident. Vides nunc, quàm perniciosum sit peccatum. Omnia autem hæc experta est Hierusalem, & nos experimur, experiemurque, nisi properè ad penitentiam conuersi clamemus. Iustus est Dominus, quia os eius ad iracundiam prouocamus. Nec tamen satis est confiteri Dei iustitiam & nostra peccata, sed oportet etiam querere misericordiam per Christum. Et quibus mediis? Oratione & emendatione vitæ. Hæc hodie cogitemus Charissimi, quanta scilicet infelicitas sit perdere Deum, quàm horrendum sit incidere in iudicium Dei, quànque perniciosum peccare. Doleamus quòd Deum hætenus non tantum perdidimus, sed à nobis propulimus. Terreamur ad iudicium Dei, fugiamus peccatum. Oremus pro misericordia, &c.

CONCIO QUINTA.

Ad idem prima Augusti.

Conuenuimus hodie iterum, quemadmodum Christianos decet vnanimiter Deum oraturi, vt & Ecclesiam & populum suum in nouissimis his pessimisque temporibus conseruare velit, à tam multiplicibus malis & periculis, quæ vndique imminet, nec velit in hoc attendere peccata nostra, sed tantum ineffabilem suam misericordiam. Hæc est causa huius nostræ hodiernæ congregationis, vt neminem latere puto. Faxit Deus, vt & in opere sic inueniatur. Plurimum enim in hoc firmum est, imò tota res & salus nostra. Nā vno hoc medio omnia à nobis mala propellere & auertere possemus. Verum quidē est, quòd pessimo in statu res nostræ sunt: At Deus sua potentia potest etiam maiora mala auertere, & sic olim etiam fecit. Tu, inquit dominaris potestati maris, motum autem fluctuum tu mitigas. Tu humiliasti sicut vulneratum superbum, in brachio virtutis tuæ dispersisti inimicos tuos. Tui sunt cæli, &c. Brachium tuum est cum potentia, robusta manus tua, eleuata dextera tua. Iusticia & iudicium præparatio sedis tuæ. Misericordia & veritas præcedunt faciem tuam. Beatus populus, qui nouit iubilationem, id est, qui de his rebus gaudere scit. Imò beatus, qui ex his auditis confid

Psal. 80.

confidentiùs ad Deum orat. Inuoca, inquit, me in die tribulationis, Eruam te & honorificabis me. Hæc quàm vera sunt, plena est scriptura exemplis. Vnde Dauid. Cum inuocarem, inquit, exaudiuit me Deus, &c. Quousque ergo, ô filij hominum eritis tam graui corde? Vt quid diligitis mendacium, &c. Scitote, inquam, quia Dominus mirificat sanctos suos. Dominus me exandiet, cum clamauero ad eum: Hæc volui dicere, in exordio sermonis, vt eò fidentiùs oremus. Imò in hoc habentur conciones illæ extraordinariæ, vt & qui negligentiores aliò qui essent, frequentibus admonitionibus ad orationem vrgeantur, & pius quisque exemplis & promissis diuinæ gratiæ ad orandum fortiùs animentur. Sic enim sumus vt plurimum dispositi, vt opus sit nos vel vrgeri vel trahi aut allici. Qui pusillanimis est, libenter oraret sed timet, ne ob suam indignitatem à Deo exaudiatur, vel putat malum suum esse tantum, quod non possit amoueri, atque adeò frustra se oraturum esse, huiusmodi homines exëplis & promissis diuinæ gratiæ ad orationem alliciendi sunt. Qui autem adeo negligentes sunt, quòd nec Deum nec animarum suarum salutem curant, hi & ostensione propriæ miseriæ & declaratione præsentium periculorum & comminatione etiam futuri iudicii ad orationem vrgeði sunt. Et hæc quidem in superioribus concionibus obseruari, obseruabo & nunc, vrgebo & traham ad orationem, quomodo & quibuscunque mediis possum, & spero me non ex toto frustra laboraturum, quanquam si vt Christianos decet, tantummodo Euangelia quæ per annum proponuntur attenderemus, nihil opus esset noua admonitione. Illa enim satis nos & vrgeret, & allicerent ad orationem. Verùm quia non omnes ea attendunt, pulchrè sic institutum est, vt quoties ad orationem convenimus, semper de nouo & speciali sermone admoneamur. Audiamus igitur vlteriùs in Threnis nostris, quomodo & quibus mediis Hieremias & se & alios ad orationem & timorem Dei permouere conatus sit, sic enim subdit.

T E X T V S.

Audite obsecro vniuersi populi, & videte dolo-
rem meum: virgines meæ & iuuenes mei abierunt
in captiuitatem.

Vocaui amicos meos, ipsi deceperunt me: sacer-

dotes mei, & senes mei in vrbe cōsumpti sunt: quia quāsierunt cibum sibi, vt refocillarent animas suas.

Vide Domine quoniam tribulor, conturbatus est venter meus: subuersum est cor meum in me-
metipso, quoniam amaritudine plena sum: foris interficit gladius, & domi mors similis est.

i Audierunt quia ingemisco ego, & nō est qui con-
soletur me: omnes inimici mei audierunt malum meum, latati sunt, quoniam tu fecisti: adduxisti diem consolationis, & fient similes mei.

Ingrediatur omne malum eorum coram te: & vindemia eos sicut vindemiaſti me propter omnes iniquitates meas: multi enim gemitus mei, & cor meum mœrens.

His verbis Hieremias primum caput atque adeo primam suam lamentationem concludit. Nam sicut libellus hic, quatuor capita continet: sic habet & quatuor lamentationes. In primo capite lamentatur destructionem ciuitatis. In secundo captiuationem populi. In tertio seipsum. In quarto destructionem templi. Vel secundum alios: In primo capite lamentatur generalem illam captiuitatem totius generis humani, propter peccatum primorum parentum: In secundo lamentatur specialiter captiuitatem Babylonicam Iudæorum: In tertio miseras & afflictiones piorum in hac peregrinatione: In quarto autem finalem destructionem Iudaici populi, quæ per Romanos tunc futura erat, nunc autem facta est. Verum his omiſſis attendamus finem primæ lamentationis, & videamus, quid nobis in eo Spiritus sanctus significare voluerit. Primò, Hieremias ad modum querulantis se habet. Nunc hoc nunc illud deplorat, nunc orat, nunc seipsum accusat, nunc inimicis irascitur, & sæpe idipsum repetit, quemadmodum & suprà quoque ostendi. In exordio nunc exclamationem facit, vt fortius moueat. Attendite, inquit, vniuersi populi dolorem meum. Et quis est ille dolor tuus, ô Hierusalem? quia virgines meæ & Iuvenes mei, in captiuitatē abierunt, Vocauī amicos, &c. Et hæc quidem, etiam suprà deplorauit, non tamen inutilis repetitio.

aut

aut viciosa tautologia est, quòd iterum ea deplorat. Imò magnum prophetæ affectum hic videmus. Ex abundantia enim cordis loquitur, & vbi thesaurus tuus, ibi est cor tuum, & quod quis inuitus perdit, de hoc maxime querulatur. Tria igitur fuerunt, quæ maxime augebant prophetæ animum. Primum, quod nemo erat, qui externè adiuuaret. Secundum quòd nemo erat, qui internè cōsolaretur. Tertium quòd nemo erat, de quo etiam in futurum boni quid sperare posset. Hæc tria maxime eum angebāt, ideo toties ea repetit. Nec mirum, verè enim lacrymis digna sunt. Nam aliàs summa etiam mala faciliùs tolerantur, si aſsit vel externum auxilium, vel interna consolatio, vel saltem spes in futurum. Vbi autem nec auxilium, nec consolatio nec spes etiam in futurum est, ibi meritò quis plo-
Mat. 12.
Mat. 6.
 rat. Sic aut̃ erat in Hierosolymis. Cùm adhuc in flore suo esset, tot habebat amicos, hoc est confœderatos reges & populos, vt non dubitaret sibi auxilium affuturum, etiam si quid mali accideret, deinde tot habebat sacerdotes, scribas in lege Dei & scripturis peritos, vt minimè quis crederet ei ciuitati vnquam defuturam consolationem. Postremò tam numerosam iuuentutem habebat, vt persuadere sibi possent, etiam si in præsentis tribulatione nec auxilium nec consolationem haberent, per iuuentutem tamen suam cum tempore restitui posse. Atqui omnia hæc deficiebant. Nullum, inquit, video auxilium ab amicis & confœderatis. Vocauì quidem eos, sed ipsi deceperunt me. Deinde nullam etiam exterior consolationem, à sacerdotibus meis. Vocauì quidem & ipsos. Verùm pars eorum in vrbe consumpti sunt, pars reliqua suum tantũ cibum querit ad refocillandas animas. Postremò nec vllam spem habeo, me per filios meos cum tempore restituendam. Nam & ipsi in captiuitatem abierunt. En hæc sunt quæ Hieremias hic repetit. Conqueritur, inquam, quòd Hierusalem nec auxilium nec consolationem nec spem habebat. Hæc autem meritò etiam nobis dicta esse putemus. Cùm enim præsentem Ecclesiæ statum attendimus, paulò mitiora videmus. Habet quidem Ecclesia adhuc potentes amicos, Cæsares, reges, principes, comites, nobiles, &c. sed quid auxiliij ab ipsis sentit aut percipit? Habet Ecclesia & multos sacerdotes, Papas, Cardinales, Episcopos, Abbates, Collegia, Monasteria: Verùm quid consolatio-
 nis ab eis sentit aut percipit? Postremò, habet Ecclesia etiam populosam & numerosam iuuentutē, verùm quid boni de ipsis sperare

sperare potest? Principes sunt infideles, Sacerdotes negligētes, iuuentus luxu perditā. Vocauī amicos meos, dicit Ecclesia, verū ipsi deceperunt me. Amicos eos esse putabam. Verū nihil aliud sunt, quā amasij, qui amicitiam quidem prætendūt, sed tantū sua quærunť, nec diutiūs amici esse perseuerant, quā donec fructum sentiant. Talium amicorū multos habebat Hierusalem, cū adhuc in flore esset. At in necessitate experiebatur, quid amici illi quæssent. Talium amicorū etiam Ecclesia multos habet, qui videntur esse amici. Nam nominantur sanctissimi, & Christianissimi & Euangelici, nec enim cōtenti sunt, vt vulgato nomine Christiani appellentur, quoniā noua subinde sibi assumunt nomina, vt videantur veri amici esse Ecclesiæ. At nunc videtur, quid auxiliij Ecclesia ab ipsis habeat. Nunc apparet, quid quærant, quid pro Ecclesia faciant, & num se ipsos an Ecclesiæ utilitatem quærant. Ex fructibus eorū cognoscitur, qui fructus verē pessimi vsq; adeo & hactenus se prodiderunt & indies se produnt, vt nō ampliūs regi possint, magnificis illis titulis. Si enim veri amici essent, longē aliter facerent. Quanto iam tempore Ecclesia tales suos amicos ad auxilium suū vocauit, & maximē anno prætérito? *Lucæ 14.* sed deceperunt eam, reliquerunt eam: Alius enim villam emerat, alius iuga boum, alius vxorem duxerat, quō minus ad auxilium Christianitatis venirent. Imō pleriq; ipsorū ne dum vocanti & auxiliū petenti Ecclesiæ non sub uenerunt, sed insuper alios impedierunt, & impediunt, ac etiamnum dolent aliquos superesse, qui Ecclesiæ bonum quærant. Cupiunt omnes tales iam dudum mortuos esse, & cū nō aliud possunt, saltem populo mendaciter persuadēt neminem superesse, qui bonum Ecclesiæ quærat, vt vel sic desperantes, & ipsi manum auertant. Hocine autem est Christianum? Hōc ne Christianos principes decet, & eos maximē, qui gloriantur se esse nouum illum & plus satis reformatum populum Euangelicum? Verū Hieremias omnia hæc prædixit, eo minus igitur mira nobis debent esse, quōd olim in Hierusalem illa contigit, hoc & in Ecclesia impleri necesse est. Sed quid inquis, Ecclesia adeo opus habet externo horū amicorū auxilio: Supra petram fundata est, & à Deo regitur. Hunc cum habet, nihil aliorum indiget? Respondeo. reuera Ecclesia non admodum opus habet externo auxilio principum. Si enim olim à tempore Apostolorum, vsque ad tempora Constantinī consistere potuit, etiam inuitis

& per

& persequentibus eam omnibus mundi principibus, posset etiam nunc sine auxilio eorum consistere, ne dum contra homines, sed etiam contra portas inferorum. Sed est etiam aliud, quod Hieremias conqueritur. Non tantum, inquit, amici mei à me vocati deceperunt me, sed vocavi etiam sacerdotes meos & senes & nec hi aderant. Videbant quidem dolorem meum, sed nemo me consolabatur. Nam circuibant querētes panem ad refocillandam animam. Quid si etiam hoc in Ecclesia iam cerneretur? Vtinam nō esset. Verum in propatulo est omnibus. Quam parum auxilij Ecclesia habet à suis principibus, tam parum consolationis habet à suis sacerdotibus & senioribus, hoc est, praelatis. Quanto iam tempore & ipsos vocavit Ecclesia, ut eam consolarentur? Quanto tempore ipsorum diligentiam desideravit? quanto tēpore suspiravit, ut celebrarent concilium ad cōsolandam & pacificandam Ecclesiam? Verum nec ipsi audiunt. Cur? quia in vrbe consumpti sunt, Sunt quasi non viuant, dormiunt. Non sunt pastores, sed idōla, nihil aliud faciunt quàm quòd querunt cibum ad refocillandam animam, hoc est, tantum querunt tēporalia, & quæ ad vitam animalem pertinent, sunt pastores, qui non pascunt oves, sed tantum se ipsos. Hoccinē autem decet Christianos, sacerdotes, & praelatos Ecclesiae? Num sic fecerunt Apostoli? Certē non. Paulus clamat. Vae mihi, si non euangelizauero. Christus non commendauit Petro oves, nisi ter eum prius audisset. Domine, tu scis quia amo te. Paulus iterum dicit. Libenter impendam quæcunque habeo, imò superimpendam pro animabus vestris. Hos non necesse erat, ut vocaret Ecclesia, spontē enim parati erant, spontē aderant Ecclesiae. Sic Paulus cū in somnis vidisset virum Macedonem orantem, ut in Macedoniam veniret, non statim transit: Sic cū videret dissensionem in Ecclesia Antiochena, propter legem Moisi, statim ascendit Hierosolymam, & cum Apostolis concilium congregauit. Si tales pastores nunc haberet Ecclesia, nihil opus esset hac querela. Verum longē alios habet, nempe tales, de quibus nulla spes est, quòd vel vnquam ex se ipsis concilium celebrabunt, nec vnquam vitam suam reformabunt, nisi externa vi cogantur. Meritò igitur deplorat Ecclesia sacerdotes suos, in vrbe periisse. Sic enim sunt in Ecclesia, quasi non sint, & reuera coram Deo mortui sunt. Sed dico adhuc. Quid igitur, si etiam sacerdotes officio suo defunt, ac Ecclesiam in cōsolatam relinquit? Habemus adhuc iuuentutem

Zach. 11.

Zach. 34.

1. Cor. 9.

Ioan. 21.

2. Cor. 12.

Act. 16.

Act. 19.

tutem numerosam & egregiè literis instructâ. Hæc suo tempore Ecclesiam, in pristinum statum restituet. Verum hoc idem potuisset quis obiicere Hieremias querulanti. Quid autem ipse ait? Virgines meæ & iuvenes mei, abierunt in captiuitatem. Dicis hoc quidem apud nos nondum cõtigat. Utinam sic esset. Si enim iuuentus nostra sana & libera esset, non opus esset lacrymis & querela. Quid autem, si corpore sani sunt & moribus corruptissimi iuvenes nostri? quid si nondum ab hoste captiui abducti sunt, spontè autem in hostium manus currunt? Quid si nihil adhuc à Turca perpessi sunt, & tamen à grauiori tyranno Diabolo scilicet vitiorum funibus constringuntur? Verum quidem est, quod numerosam iuuentutem habemus, quid autem prodest esse iuuenem, & simul etiam malum? quid prodest esse doctum & peruersum? Verum etiam est, quod omnes nunc scholæ, omnes artes florent. Vbi autem manent mores & virtutes? Plus ne refert, ut iuvenes nostri docti euadant an virtuosi? Certè plus refert, ut virtuosii sint, sine scientia enim mundana ad cælum peruenire possumus, ac non sine virtutibus & vita Christiana. Surgunt indocti (ait Augustinus de Antonio) & rapiunt cælum, & nos cum scientia nostra in terra repimus. Pulchra quidem connexio est, vbi & artes & virtutes in vnam personam conueniunt. Verum in iudicio non interrogabimur, num multas artes, multas linguas calluerimus, sed num pie vixerimus. Reddet, inquit, vnicuique non secundum scientiam, sed secundum opera sua. An non autem manifestè videmus in iuuenibus omnem disciplinam & virtutes iam dudum periisse? Poterat olim vel solis externis moribus etiam si nihil aliud accederet, agnosci religiosus à seculari. Studens à rustico, virgo à incorrupta, Christianus à pagano. Nunc si religioso detrahascucullum, nihil quo ad mores differt à seculari: Si virgini corollam detrahas, nihil differt in moribus à corrupta. Sic de studentibus, sic de omnibus Christianis. Quæ igitur spes est, per tales iuvenes Ecclesiam in pristinum statum restitui posse? Certè nulla. Imò non dubium, quin deterius habitura sit, & planè in barbariem quandam degeneratura, vbi ad hos iuvenes res redierit. Videmus nunc quale regimen in plerisque locis instituant, iuvenes principes cum similibus sibi consiliariis, tale profectò regimen, quod nemo pius sicis oculis conspiciere potest. Virgines, inquit, meæ & iuvenes mei abierunt in captiuitatem. Ex his, ut opinor, satis ostensum

Matth. 16.

sum est, quod etiam Ecclesia nec auxilium à principibus, nec consolationem à sacerdotibus nec spem à iuuenibus suis habet. An non autem pessimè habet Ecclesia hoc tempore? Qui Christianus est, hæc diligenter secum expendat, & ni fallor ad lacrymas commouebitur, & ad orationem, propterea, scilicet, quod Ecclesia tam paucos fideles principes, tam paucos diligentes sacerdotes, tam paucos morigeratos iuuenes, modò habet. Eò fortius igitur orandus Deus, ut sua gratia & spiritu omnes & singulos excitet Principes, ut fideliter armis protegant: sacerdotes, ut in verbo Dei innigilent: iuuenibus, ut se in Christianos mores transforment. Verè bona & necessaria oratio hæc esset nostris temporibus, & cætera. Sed num hoc solum Hieremias hic deplorat? Nequaquam. Primo quidem loco hoc ponit, sed addit etiam alia. Conturbatus, inquit, est venter meus, subuersum est in me cor meum. Amaritudine repleta sum, quia foris vastat gladius. Intus autem mors similis est. Et reuera sic fuit tunc. Duo mala patiebantur intus & foris, & vnumquodque per se satis magnum erat. Nunc vtræque conuenerant, foris gladius, intus fames. Vtrunque etiam videmus in Ecclesiis. Vbiq; se ostendit gladius ab extra, nec solum se ostendit, sed iam dudum læuire cepit & vastare. Intus autem mors similis est, imò peior, morimur ex peruersis dogmatibus, morimur ex peccatis, perimus propter internas seditiones, perimus fame verbi Dei, & cætera. Melius est interfectis gladio, quàm pereuntibus fame. Melius est à Tutæa temporaliter perdi, quàm à diabolo spiritualiter. Quid igitur iustius hic facimus, quàm ut dicamus, Vide Domine & considera, hoc est, ut ad Deum clamemus? quandoquidem ab hominibus neque auxilium neque consolationem nec spem videmus. Huc pertinet totus ille Psalmus. Qui regis Israël intende, & cætera. vbi Dauid non semel, imò sepius repetit, & hoc vnum petit: *Psal. 79.* Ut Deus faciem suam ad vineam suam conuertat, & cætera. Sed num soli credentes malis subiiciuntur? Semper ne impij impunes erunt? Non. Adduces, inquit, super eos reus, Erunt similes mei. Vindemiabis eos, sicut me, & cætera. Sic & Machabeorum fratrum vnus dicebat, Antioché: Noli æstimare genus nostrum relictum à Deo, & cæter. Et Dauid: Calix *2. Mac. 7.* in manu Domini vini meri plenus mixto, &c. sed fecerit eius *Psal. 74.* bibent peccatores. Iudicium enim nunc incipit à domo *1. Petr. 4.*

Dei

Dei. Quis igitur finis erit eorum, qui non credunt? Habebunt impij suum iudicium eo tempore, cum nullam inuenire poterunt misericordiam. Nos flagellamur eo tempore, quo ianuam misericordiae adhuc aperta est. Ecce nunc tempus acceptabile, ait, & dies salutis. Hoc igitur curemus, Vt Deum quam primum propitium nobis reddamus. Conuertamur igitur à peccatis, Emendemus vitam, quæramus gratiam, Clamemus in cælum pro auxilio, vt quid Domine (inquit Dauid) repulisti in finem, Iratus est furor tuus super oves pascuæ tuæ? Memor esto huius, inimicus improperauit Domino, &c. Respice in testamentum tuum, &c. Hoc exemplum orandi hodie imitemur, & vnanimiter oremus misericordem patrem nostrum cælestem, quò principes sapete discant, sacerdotes, quæ sua sunt curent, iuuentus in pristinam integritatem restituatur, in suam gloriam, Amen.

CONCIO SEXTA.

Ad idem, octauo Idus Septembris.

SEpissimè iam hoc anno conuenimus ad orationem, partim ad acti malis huius vitæ, partim aut persuasi multifaria admonitione sacræ scripturæ Veteris & Noui Testamenti, quæ & orare nos iubet in tribulationibus, & certam etiam nobis exauditionem promittit, quamuis hoc ipsum minimè adhuc experti simus, imò nihil nisi contrarium vidimus & videmus, nempè quòd Deus subinde magis se à nobis elongat, mala autem & pericula & perditio ipsæ subinde magis augeant, & nobis appropinquant: vt nihil mirum esset, si etià nunc aliqui inuenirentur, qui cum Abacuk auderēt Deo dicere, Vtique clamabo & non exaudies? &c. Vel cum Iudæis: Quare ieiunauimus & non nescisti, humiliauimus animas nostras, & non aspexisti? Vereor autem, si sic cum Deo expostulare conaremur, ne nobis idem responsum daret, quot olim Iudæis dedit. Conuenimus quidem ad orationem, at quod interim sunt, qui Deo maledicunt? & impiis operibus ad iram eum prouocant? Quia si etiam omnes simul ad orationem conueniremus, adhuc tamen in nobis verificatur illud propheticū. *Ibidem.* Ecce in die ieiunij & orationis vestræ inuenitur voluntas vestra, hoc est, et si oramus adhuc, tamen in mala & peruersa voluntate

luntate nostra perseveramus: voluntatem autem Dei negligimus, imò impiè cōtemnimus: qualis autem potest esse oratio, vel quid fructus affetre, vbi orans nihil boni agit, imò incessanter in peccatis suis procedit? Iubet Paulus, vt oremus. Verùm *1. Tim. 2.* hoc addit. Vt in oratione mundas manus ad Deum leuemus. Commendat angelus orationem in Tobia, sed addit ei duos *Tob. 2.* comites ieiunium scilicet & elemosynam, hoc est, pœnitentiam prioris vitæ & exercitationem in bonis operibus. Quàm paucos autem videmus, qui se à peccatis auertunt? quàm paucos qui emendationi vitæ student? quomodo igitur oratio nostra cælum ascēdere potest, si duabus suis alis careat, Pœnitentia scilicet & emendatione vitæ? Non igitur est, quod contra Deum queramus, quòd nondum nos audierit, Imò ne semel quidem adhuc cretē & vt oportet orauius. An non apertè nobis dicit Deus, se neque orationem neque ieiunium, nec festa nec sacrificia &c. respecturum, quamdiu manus nostræ sanguine plenæ sunt? *Esa. 1.* Hiere. 11. & 14. Prou. 1. Sed quid? Lauamini, inquit, mundi estote, & tunc venite & arguite me, &c. Et iterum: Dissolue colligationes impietatis, solue fasciculos deprimentes, frange esurienti, &c. Tunc innocabis & exaudiet Dominus, clamabis & dicet, Assum. Ex his similibusque facile videmus, non satis esse, quòd in mense semel oramus, imò videmus omnem orationem frustraneam esse, si desit pœnitentia & emendatio vitæ. Vult quidē Deus rogari, Verùm simul etiam *Esa. 58.* vult timeri & honorari. Si ego Dominus (inquit) vbi est timor meus? Si ego pater vester, vbi est amor meus? Quid tu faceres seruo tuo, qui multa peteret à te, & tamen interim nihil tuum imperium curaret, imò omnia in contrarium faceret? Nōne accepto fuste eum domo abigeres? Et indignamur, quòd Deus non statim nos exaudit, si in mense semel orauerimus, cū interim omnia eius præcepta pedibus cōculcemus? Reuera non exaudiet. Imò accepta virga tantisper nos percutiet, donec tandem nostri ipsorum misereamur. Et quidem iam dudum incepit percutere, nec admodum longè à nobis est: Videmus quanta seueritate percussit Vngariam prioribus annis, & nondum finis. Imò qui prius effugisse se gaudebant, nunc virgam furoris Domini sentiunt. Videmus itidem, quanta seueritate nunc percutiat regiones inferioris Alemaniar, &c. Sed nunquid hi soli peccauerunt præ omnibus aliis hominibus? Non, sed ad terrorem & admonitionem nostram hæc

Luc. 13.

fiunt. Nisi enim poenitentiam egerimus, omnes simul peribimus. Solum hoc nos decipit, quod putamus flagellum Dei longe adhuc à nobis abesse, nec ad nos peruenire posse. Verum exempla iam dicta ostendunt, vanam esse hanc confidentiam: Neque enim vel Ungaria vel inferior Germania ante paucos annos credidissent, tanta mala ipsis obitura. Hæc igitur exempla nos terrere debent. Nam quod aliis accidit, etiam nobis accidere potest: maxime cum non minus peccatores simus quam illi. Ob hanc causam etiam nunc non video, quid magis congruere ad rem nostram possit, quam Threni Hieremiæ: Loquuntur quidem illi de rebus antiquis, de Hierusalem & Iudæis, sed nihilominus, etiam ostendunt, quid nobis timendum sit, & quanti terrores, angustia, miseria, &c. sequantur, ubi semel iudicium Dei scire inceperit. Hæc autem scire & cogitare multum nobis commodare posset, in his malis temporibus. Audiamus igitur Hieremiam.

CAPITIS SECUNDI

TEXTVS.

Quomodo obtrexit caligine in furore suo Dominus filiam Sion: proiecit de cælo in terram inclytam Israël, & non est recordatus scabelli pedum suorum in die furoris sui.

Hoc est exordium secundi capituli, imò & secundæ lamentationis, atque adeo etiam secundi alphabeti. Nam Hieremias lamentationes suas descripsit secundum ordinem literarum alphabeti Hebraici, quo quid significare voluerit, nunc omitto. Veteres quidem nostri multum in hoc laborarunt, nec dubitarunt prophetam, imò spiritum sanctum speciale aliquid per hoc nobis indicare voluisse. Verum tempus non patitur, omnium omnes opiniones adducere. Ego, quæ ad rem nostram pertinent proponam. Et primò, quod supra quoque admonui, etiam nunc admoneo, non querendum esse ordinem in his lamentationibus, morem enim lamentantium & querulantium ubique seruat, qui nunc hoc, nunc illud querulantur, frequenter eadem etiam repetunt. Hoc tamen loco nulla inutilis repetitio est. Vult enim nobis spiritus sanctus iudicium illud, quo Hierosolyma vastata olim fuit profundè insingere, ut discamus timere Deum. Vide igitur, quomodo propheta secundam

cundam suam lamentationem incipiat. Quomodo, inquit, obtexit, &c. Observandum, quod non simpliciter recēset, quid Hierusalem perpeſſa ſit, ſed cum dolore & compaſſione: hinc non ſimpliciter dicit, Dominus obtexit filiam Sion caligine, ſed quomodo, inquit obtexit? loquitur enim admirando & dolendo. Unde facile videmus, quanta compaſſione & dilectione commune aliorum malum quaſi proprium duxerit. Cum tamen aliorum incommodum, ipſius maximum commodum eſſet. Nam ſtante adhuc Hieroſolyma multa perpeſſus fuit à populo ſuo: Nam & eum ut mendacem arguebant, Et ut proditorem accuſabant, Hier. 37. Et libros ſermonum eius comburebant igni, Hier. 36. Denique ipſum etiam carceri mancipabant, in quo pereundum illi fuiſſet, niſi eum rex Babylo- nis indeliberaviſſet. Hinc eſt, quod toties conqueritur in libro ſuo. Vt mihi mater ut quid me genuiſti? &c. Et iterum: Ut quid natus ſum, videre laborem & dolorem? &c. Tam male, inquam, habuit Hieremias, incolumi adhuc ciuitate. At ea deſtructa multò melius habuit. Nam & rex Babylo- nis eum è carcere liberauit, & muneribus donauit, & optionem dedit, quocunq; vellet pergendi. Tam benè habebat Hieremias, deſtructa ciuitate, econtrà autem, qui eum afflixerant, vel miſerabiliter occidebantur, vel ſine miſericordia in captiuitatem ducebantur. Ipſe tamen nedum il- lorum iniuriæ obliuſus, ſed etiam propriam pacem nihil cu- rans, commune damnum populi deſtebat. Non videbatur bene eſſe, ſi alij malè haberent. Atque hæc eſt piorum homi- num conditio, quod aliorum & bona & mala ut ſua propria accipiunt, gaudent cum gaudentibus, ſlent cum ſlentibus: faciunt ſicut membra eiufdem corporis, quorum ſi vnum pa- titur, omnia compatiuntur. Hoc autem in ſanctis agit fides, qua in vnum Deum feruntur ſpiritus quo reguntur, & chari- tas, quæ eos quàm arctiſſimè ſimul colligat & cōnectit. Et qui in aliorum malis non afficiuntur, ut in propriis, hi planè ſe pro- dunt, quod nec fidem nec ſpiritum nec dilectionem habēt. In- ter quos autē huiusmodi homines cōnumerare poſſumus, niſi inter eos, qui neq; cū Deo, nec cū Eccleſia partē habēt: Quæ omnia nobis nō immeritò dicta putem⁹, quorum tāta eſt duritia, ut nihil nos moueat, q̄cqd aliàs, nedū Chriſtianis aliquibus, ſed toti etiā Eccleſiæ adue- ſi cōtigerit: Hoſ homines pulchrè arguit Eſdras ſub typo eius mulieris, quæ in malo cōmuni ſuū tām

*Hier. 20**Hier. 38.**Hiere. 15.**Hiere. 20.**Roma. 12.**1. Cor. 12.**4. Eſd. 10*

priuatū incōmodū, hoc est, mortē filij plorabat. Ostulta, inquit, super omnes mulieres, nō vides luctū nostrū, & quæ nobis contingunt? Ecce Syon mater nostra omni tristitia contristatur, & omnes nos lugemus, tu autem contristaris in vno filio? In hūc modum arguebat Elfdra mulierem illam, quæ oblita communis mali, proprium tantū incommodum deplorabat. Quid autem nos aliud facimus, quā quod mulier illa fecit? Audimus quidem multos querulantes, sed ob quam causam? quia infirmi sumus, quia moriuntur filij, pereunt fruges, cogimur dare exactiones pro Repub. conseruanda, &c. Hæc conquerimur, quod autem Turca quotidie Christianitati aliquid detrahit, quod regiones deuastat, Christianos miserè & crudeliter interficit, imò quod nomen Christi penitus abolere cupit, ac in eius locum diabolū suum Mahometum substituere, Item quod Germania nostra tam miserè intestinis bellis cōcutitur, imò perit: Quod denique tota Ecclesia erroribus & sectis tam multipliciter fœdatur & scinditur: &c. Postremò, quod omnis deuotio, fides, virtus, &c. perit, omnis autem leuitas indies augetur, nemo ponderat, nemo conqueritur, imò huiusmodi rumoribus nos ipsos in cōuiuiis & oenopoliis exhilaramus. Quæ noua, inquit ex Vngaria, ex inferiori Germania, ex Saxonia? Hæc, inquam cum voluptate audimus, & pro nouis rumoribus circumferimus, ac dicimus. Tot vrbes Turca occupauit, hic princeps nouum bellum, vel potiùs seditionem contra Cæsarem suscitauit, hic concionator nouum libellum famosum scripsit, in hunc vel hunc principem, &c. his inquam nouitatibus nos exhilaramus, cum oporteret nos ad singula hæc dolere & querulari. Tales Christiani nunc sumus, sic nos commouent mala communis Ecclesiæ. Certè si in nobis esset fides, spiritus sanctus & charitas, longè aliter ageremus. Quid autem scriptura dicit de huiusmodi hominibus, qui nedum non patiuntur aliorum malis, sed etiam inde quasi gaudēt & risui habent? Væ, inquit, qui spernis, nōne & tu sperneris? Et Solomon. Qui obturat aurem, ne audiat clamorem pauperis, & ipse clamabit, & non exaudietur. Et adhuc apertiùs Hieremias in præcedenti capitulo. Vocauit, inquit, amicos meos & ipsi deperunt me. Audierunt, quia ingemisco ego, & non est, qui consoletur me. Audierunt malum meum, & latati sunt. Sed num impune hoc fecerunt? Audi iudicium Dei. Adduces super eos tempus, vt fiant similes mei. Omnia mala ipsi à te venient, & tu eos

Esa. 23.

Pro. 21.

Thre. 1.

tu eos vindemiabis sicut me vindemiasti. Hic audis iudicium spiritus, audis sententiam esse latam, quod qui aliis non compatiuntur, iusto Dei iudicio, eadem mala tandem perferre cogentur. Hæc nobis dicta sint fratres. Ideo etiam tot verbis hic usus sum, ut vel tandem discamus aliorum & maxime communis Ecclesie malis indolescere, cum sciamus etiam nobis similia posse contingere, imò iam dudum ab eo, qui mentiri non potest, comminata esse. Hactenus igitur de prima illa dictione, qua querulando & admirando dixit. Quomodo obtexit. Nunc reliqua verba etiam consideremus. Obtexit, inquit, caligine Dominus filiam Syon, idque in furore. Hoc verbo ostendit non tam, quid Syon illa passa sit, quam quid boni perdidit. Legimus in Exodo, quod cum Aegyptus densissimis tenebris obducta esset, ex spirituali plaga Dei, apud Israelitas tamen lux erat, & quod tunc semel visibiliter contigit, hoc postea spiritualiter semper impletum fuit. Omnibus gentibus caligine errorum, superstitionum, vitiorum excæcatis, Israël tamen lucem habebant legis & diuinæ cognitionis, quod quantum bonum fuerit, scriptura non satis explicare potest. En, inquit Moses ad populum suum, En populus sapiens & intelligens, Non est enim alia natio tam grandis, &c. Et Baruch, Beati sumus, ô Israël, quia quæ Deo placent, manifesta sunt nobis. Et David, Lauda Hierusalem Dominum, &c. quia inter cætera beneficia annunciauit verbum suum Iacob, &c. Non fecit taliter omni nationi, &c. In hunc modum lucem habuit Syon illa. At quid nunc? Dominus, inquit, obtexit eam caligine, non tantum caliginem offudit, sed obtexit eam caligine. Et reuera sic fuit in Hierusalem, antequam à Chaldeis caperetur, nihil nisi tenebræ & caligo erat. Nemo videbat, nemo audiebat, nemo consulere poterat, nemo auxiliari, sed sicut in tenebris ambulans nec bona nec mala videt, ubique offendit, plerumque in ipsum periculum & perditionem se imprudens coniecit: Sic tunc erat Hierosolymis, nemo videre poterat, quæ utilia essent. Nemo audiebat prophetas bene monentes, nemo cogitabat iudicium Dei, nemo bene consulentibus obtemperabat. Imò, quasi omnino excæcati periculo, & perditioni occurrebant. An non autem est terribile iudicium, ubi Deus ciuitatē aut regionem aliquam sic tenebris obtegit, sic excæcat? Verè magnum & terribile iudicium. Sic enim etiam Moses impiè agētibz comminatus est, Percutiet

Exod. 10.

Deut. 4.

Baruc. 4.

Psalm. 147.

Deut. 28.

- te Dominus amentia, & cœcitate & palpabis in meridie, nec dirigis viam tuam. Sic Esaias de Aegyptiis dicit. Vbi nunc sunt sapientes tui? Stulti facti sunt principes Thaneos, &c. quia Dominus miscuit ei spiritum vertiginis. Sic & de Israëlitis comminatur. Obstupescitis, inquit, & admirabimini. Fluctuabitis & vacillabitis. Ebrii eritis & non à vino, quoniam miscet vobis Dominus spiritum saporis. Imò claudet oculos vestros, prophetas & principes operiet, Peribit sapientia à sapientibus, &c. Et erit vobis visio quasi verba libri signati, &c. Sic & Hieremias, in die eum iudicare cœperit Dominus, peribit cor regis & principium, obstupescunt Prophetæ, & sacerdotes conseruabuntur. An non autem videntur tibi, quod omnia hæc etiam in nobis impleantur? Certum est, quod nos sumus spiritualis illa Sion, & vetus illa figura nostri fuit. In illa enim Deus præostendere voluit, quid in Ecclesia vel boni vel mali acturus esset. Omnia, inquit, in figura contingebant illis. An non autem Ecclesia, præ omnibus aliis gentibus habuit lumen veritatis, sapientiae & iudicii? At ubi nunc maior cœcitas, ignorantia, stultitia, insania videtur, quam in Christianis? Omnes ebrii sumus, & insensati facti, id est, nemo videt, in quantis periculis & malis simus, nemo audit, quæ ad pacem & salutem nostram facere possent. Nemo præuidet futura. Nemo cogitat, quid futurum sit; longè melius etiam Turcæ rebus suis prospiciunt: *Luce 16.* Filii seculi prudentiores lucis sunt: Vnde autem hæc tanta nostra cœcitas, nisi ex iusto iudicio Dei? Dominus nos obtexit caligine, idque in furore suo. Quod ut verum appareat, vno & altero exemplo ostendam. Primò. An non ipsissima excœcatio est, quod tam potentem hostem habemus, & tam propè & talem quem scimus omnibus nobis ex æquo hostem esse, talem, inquam, qui nedum bona, sed & corpus & vitam. imò & animas nostras perdere cupit? & tamen eidem non tantum non obstitimus, sed nihil non facimus, & attentamus, quo minus ei resisti possit, tergiversamur, protestamur, excitamus alia bella, prouocamus alios, &c. eaque omnia contra datam fidem, & in perniciem totius Ecclesiæ. Verè excœcavit nos Deus. Deinde, an non misera res in principibus & statibus imperij est, quod vident discordiam illam nostram intestinam vergere in malum & deuastationem totius Germaniæ? Non tamen student eam tollere, sed indies magis eam discordiâ fouent & augent. Vade autem hoc prouenit? Excœcavit eos Deus. Præterea an

non

non insignis excæcatio est, quòd Christianissimum habemus Cæsarem, qui omni studio pacem, concordiam & bonum Germaniæ nostræ quærit & promouet? Et tamen nemo est, qui ei bene velit, inuidemus ei fortunâ prosperam, dolemus quòd feliciter ei succedit: Fauemus hostibus eius, &c. Excæcavit nos Deus. Ad hæc, ut ad spiritualia quoque veniam, An non magna excæcatio est caput Ecclesiæ, quòd vident & sciunt, quàm multa correctionem exigent in Ecclesia, sciunt quòd omnes boni hoc petunt & suspirant: Sciunt, quòd propter hanc negligentiam suam omnes prælati Ecclesiæ malè audiunt, ridentur, maledicuntur, exhibentur, pro laruis & idólis habentur. Imò vident, quòd propter hæc scandala multi indies ab Ecclesia desciscunt. Vident innumeras animas sanguine Christi redemptas in æternum perire, nec tamen minimum emendare & corrigere student. Excæcavit eos Deus. Insuper an non insigniter excæcati sumus Ecclesiastici omnes, quòd scimus vitâ nostram turpem & scandalosam, impiam & plusquâ impiam esse? Scimus, quid mundus de nobis sentiat: Scimus, quòd omnibus odiosum sumus. Scimus in quâtis periculis ante aliquot annos fuimus. Audimus insuper, quid nostri similibus indies contingat in aliis regionibus, & tamē in nihilo emendamur, imò indies deteriores efûcimur, indies maiore inuidiam cōtrahimus, indies magis prouocamus homines in odium nostri. Excæcavit nos Deus. Deniq; an non insigniter etiam vulgus hominū excæcatū est? Vident se per blādiloquos nescio quos sermones abduci ab omniū pietate & deuotione, & virtute ad leuem & licentiosam vitam, &c. Vident se indies fieri deteriores, & magis impios. Vident se perire, in corpore, anima & bonis temporalibus, & tamen non cessant, seductoribus illis credere, nolūt prudētes fieri tot damnis acceptis, ac necdum diaboli insidias & deceptiones sentiunt. Excæcavit eos Dominus. Postremò: ut simul omnia comprehendam, videmus quòd nihil nobis prosperè succedit, neque domi neque militiæ, videmus Deum nobis ex aduerso stare, & tamen non studemus eum placare. Excæcavit nos Deus. Et quis miseriam illam omnem enumerare posset? Verè obtexit Dominus in furore suo Ecclesiam densissima caligine, & meritò quidem. Nolumus habere lucem. Iustè igitur tenebris & cæcitate percutimur: Nolumus gratiam Dei, iustè igitur furorem eius sequimur. Dominus æmulator est, ait Nahum, & vlciscens Dominus, & habens furorem, vl.

Nahum 1

ciscens in hostes suos. Hoc igitur primum est quod Hieremias hic lamentatur. Congruè autem ab excacatione incepit, quos enim Deus punire vult, primò excacat, quemadmodum pater filium percussurus viâ præludit, ne effugere possit. Quid autem post excacationem sequitur? Audi. Proiecit de cælo in terram inclytam Israël. Et hoc igitur Sion illa plus satis experta est. Nihil illa erat sublimius, videbatur quasi in cælo sedere respectu aliarum ciuitatum & regionum, at nunc nihil illa humilius, deiectius, miserius. Sic excacationem certò sequitur præcipitatio. Nemo tam altè sedet cui non immineat præcipitatio, si præcesserit excacatio. Ex his videmus, quid nobis timendum sit. Excacatione plus satis videmus in omnibus statibus certò sequetur proiectio & præcipitatio. Et quid dico, sequetur? Imò iam in actu est. Quid sublimius fuit Ecclesia? Quid nunc eadem humilius? Erat in cælo propter cælestem conuersationem: Nunc in terra volutatur terrenis tantum occupata, & quia spiritualiter cecidit, externè non diu stare potest. Sed dicis. Meliora speramus, Deus misericors, nō derelinquet Ecclesiam. Audi quid Hieremias subdat. Non est recordatus scabelli pedum suorum in die furoris sui. Nominat autem Hierusalem scabellū pedum Domini, propter tēplum & cultū diuinæ religionis: vel propter arcam, super quam erat propitiatorium quasi sedes Dei. Pulchra autē similitudine tumultum ruentis miseræ ciuitatis expressit, dicendo, Et non est recordatus scabelli, &c. quasi enim regem aliquem oculis ostendit sedentem in alta sede, scabellum habentem sub pedibus, tanto furore excitatum, tanta vi cōmotum, vt pedibus se non tenentibus, scabellum longè proiecerit, dum nescit nec præ ira attendit, quantum hoc nociturum sit pendentibus pedibus suis. Sic Deus templum & cultum suum proiecit, cum tamen sciret gloriæ suæ laudem cessaturam. Si igitur hoc secutum est excacationem Iudæorum, Meritò etiam nobis timendum est. Si enim naturalibus rāmīs non pepercit, Vide ne & tibi non parcat. Ecclesia nunc est scabellum Domini. Tunc quidem Hierusalem, quia sola cultum Dei habebat, sola dicebatur scabellum pedum Domini. Nunc autem quia in omni terra inuocantur nomen Domini, & omnis terra plena est Ecclesiis Christi, rectè omnis terra dicitur scabellum pedum Domini. Vnde & in Propheta prædixit: Cælum mihi scabellum pedum meorum. Et in Euangelio, Ne iuraueris per terram, quia scabellum

Rom. II.

Esa. 66.

Mat. 5.

Psal. 107

lum pedum Dei est. Vnde & Psalmus. Exaltare super caelos Deus, & super omnem terram gloria tua. Iam si Deus prius illud scabellum suum ita proiecit, in die furoris sui, vide quid timendum etiam nobis sit. Hæc igitur hodie cogitemus, & non tantum cogitemus, sed omni studio præuenire studeamus. Terribile iudicium est, ubi Deus excæcat, terribilius, ubi proiicit: Terribilissimum autem, ubi obliuiscitur hominis. Hæc autem tria semper se inuicem consequuntur, nisi maturè pœnitentiam agant homines. Apparuit hoc in Iudæis, Apparuit in multis etiam populis Christianorum, qui cum primò excæcati fuissent, post proiecti sunt in manus Turcarum. Nunc quodammodo Deus ipsorum oblitus est, &c. Quid igitur melius hodie facere possumus, quàm ut oremus cum Psal. Ne memineris Domine iniquitatum nostrarum antiquarum, &c. Huiusmodi, inquam oratio summè nunc necessaria est. Oportet nos confiteri peccata, oportet pœnitere. Oportet orare, signanter autem pro remissione antiquarum iniquitatum, hoc est, non debemus in præsentem peccare, sed de præteritis pœnitere. Qui furabatur, inquit, iam non amplius furetur, &c. Sic de aliis dicere possum. Hanc orationem quam pœnitentia comitatur Deus exaudiet. Qui ut nos eo audiat omni studio orandus est.

CONCIO SEPTIMA.

Ad idem, octauo Idus Novembris.

SI cognouisses & tu, &c. Qui sedulum & fidelem agit patrem familias, si infirmitate aut necessitate alia coactus non nihil sui officij prætermittit, eò maiorem postea diligentiam adhibet, ut intermissa re, sarciat & suppleat. Idem faciunt studiosi literarum: Idem etiam probi filij & serui, si quid honoris & conscientia in ipsis est. Quod si etiam nos sic affecti essemus, in negotio quod nunc agimus, nihil opus esset noua admonitione: Intermissa fuit præcedente mense statio nostra, idque propter vindemiam, quæ homines aliò vocat. At nunc hodie iterum & de nouo conuocati sumus, si igitur Christiani sumus, si quid prouidentia in nobis est, si cura salutis nostræ tangimur, supplere de cetero debemus, quod intermissum fuit, ac eò frequentius conuenire, eoque feruentius orare, quandoquidem plus satis

- hactenus experti sumus, frustra adhibita fuisse omnia naturalia media, humanaque consilia, atque adeo solum orationis ad Deum nobis relictum esse confugium. Reuera enim
- Mat. 24.* fratres mala illa & nouissima & periculosa tempora, de quibus tam Christus, quam Paulus tam terribilia prædixerunt, super nos venerunt: ob quam causam etiam mihi sorte obuenit, quod nulli concionatorum in multis retrò annis obuenisse credo, nempe quòd toties de rebus tam tristibus concionari cogar. Reuera, ô popule Christiane, missus sum ad te durus nuncius, quemadmodum olim Ahas ille dixit vxori regis Hieroboam, quæ lætiora cupiebat audire. Verùm idololatria & impietas regis aliud merebatur. Sic & Hieremias maluisse quidem læta nunciare, sed non potuit: quia statim in prima visione vidit virgam vigilantem, & ollam succensam, è quibus facile conicere potuit, quòd parùm boni, plurimum autem mali populo immineret. Ei autem visioni cogeatur sermonem suum conformare, allôqui fidelis Propheta non fuisset, maximè cum Dominus ipse diceret. Visionem illam certam & indubitatam perditionem populum portendere. Sic
- Ezech. 2.* Ezechiel antequam inciperet prædicare, iussus est comedere librum, in quo nihil erat scriptum, nisi lamentationes & Vx: quid igitur mirum, quòd & ipse plerunque dura & tristia prædicauit? Quid aliud prædicaret, quàm quo plenus erat? maximè cum Deus illi interminatus esset, se sanguinem pereuntium è manibus eius requisitum, si non illis annuntiaret peccata & futuram poenam. Sic & Esaias cum vidisset Deum pro tribunali sedentem, audissetque sententiam ab eo latam, quòd populus Iudaicus exæcatus & obduratus perdendus esset, non se potuit continere, quin tristia hæc quantumvis ingrata essent, populo denunciaret. Sic & Achab læta quidem cupiebat audire, à Michea, Imò ideo Prophetam odiebat, quòd semper mala illi prophetaret. Quod autem aliud poterat Propheta, impietate regis nihil melius merente? Vtinam, inquam, non essem vir habens spiritum. Itidem & mihi vsuuenit. Tanta mala externè nos premunt, tamque impiè intus viuimus, vt non possim nisi tristia prædicare. Iuste igitur cum
- Hier. 20.* Hieremia clamarem, &c. Vx mihi, vt quid natus sum videre laborem & miseriam. Sed quid agas? Qualia tempora, talis & prædicatio esse debet. Qualis populus, tale & Euangelium. Imò fatetur David, quòd Deus ipse cum peruersus peruertitur

uertitur. Utinam latiora nobis affulgerent tempora. Utinam sic vineremus, ut Deus irasci nobis non posset. tunc & ego lata predicarem. At ut nunc se habent res, vereor ne diutius cum Hieremia nostro lamentari cogar. Auertat Deus, ne similem exitum inueniamus, qualem habuit populus ille, cui idem Propheta predicauit. Age, igitur audiamus, quid idem propheta amplius lamentetur. Sic enim & periculum nostrum melius intelligemus, & feruentius orabimus.

T E X T V S.

Præcipitauit Dominus nec pepercit, omnia speciosa Iacob: destruxit in futuro suo munitiones virginis Iuda, & deiicit in terram: polluit regnum & principes eius. *Thren. 2.*

In hoc versu, sicut & in præcedenti, Hieremia Deum admodum terribilem facit. Eiusmodi enim verbis utitur, quæ non propitium patrem, sed iratum iudicem ostendunt: nempe, præcipitauit, destruxit, polluit. Horum verborum multiplicatam grauitatem iræ & iudicii Dei ostendunt, & semper sequens plus aliquid addit priori. Huiusmodi autem verborum multa simul conglomerata, in hoc cap. ut videamus quàm terribilia omnia fiat, ubi iudicium Dei se exerit. Hierusalem cum suo populo hoc experta est. Nulla ciuitas ei cinitati, nec quisquam populus ei populo prius comparari poterat. Habebat Hierusalē, quicquid ad decorem & magnificentiam ciuitatis pertinet, quàm diu in vigore erat. Habebant Iudæi, dū in gratia Dei essent, quicquid ad bene constitutum populū pertinebat. In summo omnia erant, per hoc enim omnibus gentibus & toti mundo ostendebatur, quod ea ciuitas populūsq; & bonū & potentem atq; adeo verum Deum haberent. Ceterū cum peccatis suis Deum ad iracundiā prouocassent, omnia etiā simul collabebantur, adeo ut ne minimum quippiam remaneret: sicq; eadem ciuitas populūsq; omnibus gentibus exemplo esset, Deum illum verū non minus iustum, quàm bonū esse. Hoc igitur Hieremias in hoc versu & sequentibus describit, imò in toto hoc libro. Quid dicā, inquit, de repentina illa mutatione huius ciuitatis, à summa felicitate in summam miseriam & infelicitatem? Nulla vnquā ciuitas res preciosiores habuit. Nulla fortiores munitiones externæ & spiritualiter. Nulla iustiores, sanctiores, reges & principes. At nūc omnia

omnia in diuersum ceciderunt. Dominus enim præcipitauit speciosa quæq; & destruxit munitiones, polluit regnum, &c. Hæc conqueritur Hieremias in hoc textu. An non autem miseriarum satis in tam paucis verbis comprehendit? Et cur hæc scripsit? Num propter eos, qui hoc perpessi sunt: Nequaquam: quid enim querelæ rebus perditis? Propter eos igitur hæc scripsit, quibus similia contingere possunt. Nos inquam tangunt hæc. Nos ad hoc exemplum obstupescere debemus. Nobis eorum perditio debet esse admonitio. Et reuera iam dudum tempus fuisset, nos ad huiusmodi exempla terreri. Et ferme nimium distulimus. Nemo non videt: quàm malè habeat Ecclesia. vndequaque & ex omni parte. Nemo tam rudis, qui non conuicere possit ab irato Deo hæc nobis immitti, aliòqui, quomodo tot mala permetteret, nisi nobis iratus esset? quomodo Turcis tam prosperè omnia succederent, Iridèmq; pseudochristianis illis omnium rerum perturbatoribus? quomodo è contrà piorum omnia consilia & conatus sic in irritum cadere possent, si Deus non esset iratus? Certissima signa sunt indignationis diuinæ, vt interim taceam, quòd hoc idem etià in aliis rebus plùs satis colligere possumus. Attendamus saltem celum & terram, videbimus quid à Deo nobis expectandum sit: Terra ita se gerit, quasi nolit nos ampliùs pascere. Cælum autem, quasi omnia elementa certam nobis pernitiem minentur. Ad hæc Deus ipse ita gerit, quasi ampliùs auxiliari nolit. Cùm igitur tam certis signis iram Dei contra nos videamus, nimium heu nimium distulimus pœnitentiam nostram. Neque tamen adhuc nobis desperandum est. Si enim Hieremias adhuc salutem promittebat pœniteoribus, etiam cùm ciuitas à Chaldeis iam obseffa esset, & tota regio vastata: Hæc, inquit, dicit Dominus. Bonas facite vias vestras, & habitabo vobiscum, in loco hoc: non multò minus nobis de bonitate Dei desperandum est, sed eò fortius clamandum, & ex his quæ iam videmus & patimur præcogitare, quæ etiam in posterum à thuc mala immineant. Hoc pulchrè nobis ostendit textus hic, si oculos aperuimus. Quid igitur dicit Hieremias? Præcipitauit Dominus, &c. Suprà quoque admonui, quòd Iacob, Iuda, Israël, Hierusalem, Syon, in hoc libello pro eodem accipiantur, nempe pro populo fideli, qui tunc erat è semine scilicet Abrahæ. In cuius populi locum, nos nunc successimus. Iam certum est, quòd populus ille antiquus multa pretiosa & speciosa

Hier. 7.

ciosa habuit, ne dum externè, sed omnium maximè spiritua-
liter. Primò enim templum ipsum in se speciosum & pretio-
sum opus erat, toti mundo admirandum. Hinc tertius liber
Regum non satis describere potest, quanto sumptu & labore
& diligentia ædificatum fuerit. Deinde, multa pretiosa fue-
runt in templo. Omnia enim quæ in ipso erant, vel purum au-
rum erant, vel ad minus auro purissimo tecta. Spiritualiter au-
tem multò pretiosiora habuerat ciuitas illa, nempe tot viua
Dei templa, tot vasa misericordiæ, tot sanctos, tot patriarchas,
tot prophetas, tot pios homines, & verè Israëlitas, &c. At nunc
quid? Præcipitauit Dominus omnia speciosa, præcipitauit, in-
quam, non effectiue sed permissiue, permittit omnia præcipita-
ri: externa quidem per Chaldeos, Interna per pseudoprophe-
tas, Imò diabolus ipsum, &c. An non autem in Ecclesia ea-
dem vidimus & videmus? Quàm pretiosa quàmque speciosa
olim habuit Ecclesia? quot insignes ciuitates? quot diuites re-
giones? quot inclita regna? quot magnificas Ecclesias & tem-
pla? quàm pretiosam templorum suppellectilem? quot ma-
gnifica collegia? quot pias foundationes? Et quid tantum lo-
quor de externis? quot sanctos homines habuit Ecclesia? quot
quàm fortissimos martyres? quot probos sacerdotes? quot
Deo deuotos religiosos? quot honestas virgines? quot deu-
otas viduas? quot honestos ciues? quot pios principes? & cæ-
ter. Hæc sunt speciosa, & pretiosa Ecclesiæ, Hic est decor eius.
His illa gemmis comitur, dotata sic placet CHRISTO, sic
ornat altum verticem. At nunc omnia perierunt: præcipita-
uit Dominus omnia speciosa, id est, præcipitari permittit.
Ipsius enim permissu & iusto iudicio, Turcæ & Turcis pelo-
res Christiani externis bonis spoliant Ecclesiam. Diabolus
autem per falsos doctores, per sectas, hæreses & vitia interna
corrumpit. Sicque fit, quòd vbi priùs fuerunt Ecclesiæ, nunc
præ dolor, sunt stabula equorum: Vbi priùs Deus colebatur,
nunc diabolus colitur, Quod priùs in cultum Dei insumeba-
tur, nunc in luxum & superbiam insumitur, vbi priùs probi
sacerdotes erant, nunc sunt ventres pigri, onera terræ, frumen-
ta consumere nati, & cæ-ter. vbi priùs erant deuoti religiosi, ibi
nunc sunt perfidi apostatæ. Vbi priùs pudicæ virgines, nunc
sunt lasciuæ meretrices. Sic contra Ecclesia permittente & in-
dicante Deo, omnia speciosa sua perdidit, & etiamnum perdit.
An non autem hæc lacrymis digna sunt? Et vnde hæc mala,
nisi

nisi de peccatis nostris? Quandiu patres nostri vocationi suæ in-
 seruiebant, florebat Ecclesia, externè & internè. Nunc autem,
 quia vocationis nostræ immemores sumus, omnia pereunt in-
 ternè & externè. Iustus es Domine. Sed pergamus. Olim (in-
 quit Hieremias) ciuitas Hierusalem habuit munitiones fir-
 missimas. Habebat nedum muros & turres, sed protectionem
 etiam diuinam, custodiâque angelorum, habebat fidos pa-
 stores, qui ei erant pro munimento. Nam & interponebant se
 murum, aduersus iracundiam Dei, quemadmodum Moyses
 & Aaron. Et obûstebant impiis regibus, quemadmodum Sa-
 muel, Helias, & ceteri. Denique etiam diabolo se opponebant.
 Nunc autem Dominus destruxit omnes munitiones, virgines
 Iuda, externè & spiritualiter: hinc nedum diabolus, sed &
 falsi prophetae & impij homines in eam irruunt. An non simi-
 lia videmus in Ecclesia? Nihil olim erat munitiûs, cum & or-
 bem terrarum haberet, & Deum & angelos & fidsimos quos-
 que pastores, Ambrosios, Augustinos, Hilarios, & ceteri. Vbi au-
 tem nunc sunt tales pastores? Nemo nunc est, qui se opponat
 murum pro domo Dei. Mercenarij sunt, & viso lupo fugiunt,
 sibi ipsis consulentes. Hinc est, quod Ecclesia huiusmodi mu-
 nitionibus & propugnatoribus destituta, ab omnibus bestiis
 vastatur, Vndique irruunt hæreses, nemo est, qui prohibeat.
 Denique olim piorum prelatorum studium erat ne dum hæ-
 reticis obûstere & tyrannis, idque periculo etiam vitæ suæ, sed
 insuper etiam reges & principes inter se digladiantes ad con-
 cordiam & pacem redigere studebant, ne scilicet bellis & tu-
 multibus pauperes conficerentur. Et o verè sanctum officium,
 & opus. Beati, inquit, pacifici, quoniam filij Dei vocabuntur.
 Nunc autem Episcopi vel maximè reges & principes ad bella
 instigant, plerunque etiam iniustissima, tantum abest vt ipsis
 obûstant. Omnes facti sunt adulatores principum & regum.
 At non talis erat Ambrosius erga Theodosium, quem ausus
 fuit etiam ab Ecclesia prohibere, &c. Vnde autem nunc tanta
 pastorum oscitantia, & infidelitas, nisi quod Deus hæc permit-
 tit propter peccata nostra? Non digni sumus melioribus. St-
 cut populus, sic & sacerdos. Sicut eum colimus, sic ipse nos
 visitat. Verum pergamus. Olim habuit Hierosolyma etiam
 bonos, pios, sanctos reges & principes, quales fuerunt David,
 Iosaphat, Ezechias, Iosias, &c. At nunc & reges & principes
 polluti sunt, ait Hieremias, id quod satis ostendunt libri re-
 gum

gum. An non autem & Ecclesia habuit pios sanctos & verè nobiles reges, & principes, Constantium scilicet, Valentinianum, Theodosium, Martianum, Carolum, & cætera? Sed nunc Deus propter peccata nostra etiam regnum & principes polluit, id est, pollutos & immundos ostendit, & ut tales abominatur, id quod heu nimium verum est. Quid enim in principibus & nobilibus aliud videmus, nisi summam immundiciam, superbiam, luxuriam, avaritiam, tyrannidem, crudelitatem, &c. omniumque aliorum hominum contemptum, &c. Ad hoc designandum etiam non nisi leones, vrsos, pardos, aquilas, &c. immanes scilicet bestias, armis suis affingunt. Quid autem boni sperare possumus, sub talibus pastoribus, & principibus? Verissimè igitur cum Hieremia conqueri possum. Precipitavit Dominus omnia speciosa Iacob. Destruxit omnes munitiones virginis Iuda. Polluit regnum & sacerdotes. Et his ablatis, quid aliud sequi potest, quàm extrema perditio? Nec aliud remedium nobis relictum est, nisi ut præueniamus faciem Domini, in confessione peccatorum nostrorum & iustitiæ ipsius, ac deinceps indulgentiam fufis lacrymis postulemus. Dicamus igitur cum Baruch: Domine Deus tibi iustitia, *Baruch 2.* nobis autem confusio.

CONCIO OCTAVA.

Ad idem, Idibus Decembris.

SI omnes intelligere possemus, simulque cordi imprimere vellemus, ea, quæ hoc tempore aduentus, ex Esaia leguntur in Ecclesia, nihil opus esset spirituali sermone: ad hanc nostram stationem. Vnus enim ille Esaïas nobis vel solus ad omnia satisfacere posset: tam exactè in eo prophetæ proponuntur omnia, quæ his nouissimis & periculosis temporibus præcogitatu nobis necessaria sunt, qualia sunt: Multitudo peccatorum nostrorum, gravitas diuini iudicii, crebræ denique illæ admonitiones, & diræ comminationes, quas subinde è supernis habemus: quæ omnia vel maxime inculcanda sunt tempore generalis orationis. Orare quidem & ad Deum clamare, præcipua causa est nostræ huius congregationis. Verùm quid prodest orare, si perpetuò in pece

peccatis maneamus? Imò quis verè & ex animo & ardentè orare potest, qui suam miseriam necessitatè & que nondum videt aut cognoscit? Certè vtrunq; in nobis videri potest, etiam si nullum aliud exemplū aut scriptura suffragaretur. Vnde enim est, quòd etiam nunc in tantis malis tam frigidi sumus ad orationem, nisi quòd non videmus, non cogitamus, non credimus quanta nobis mala immineant? Nec aliunde venit, quòd orantes etiam nihil impetramus, quia perpetuò in peccatis manemus. Quomodo enim nos exaudiret Deus orantes, qui eum non audimus præcipientem? In his duobus hætenus omnis defectus noster fuit, quòd & periculum nostrum nec dum videmus, & etiam peccare non desistimus. Nihil igitur tam necessarium esset, quàm vt quotidie de his rebus sermo fieret. Sic enim & prophetæ veteres fecerunt, vbi mala ingruiebant, id quod hætenus satis ex Hieremia nostro audiuius. Idem nūc etiam legimus ex Esaia. In cuius rei testimoniū, Vnum exemplum ponam. Sic enim idem propheta cū multis verbis exposulasset, cum Israëlitis tandem Deum introducit conquirentem, de vinea sua, id est, synagoga, quòd eam tam diligēter

Esa. 5. plantasset & excoluisset: Ipsa tamen nihil nisi malos & amaros fructus proferret. Expectaui, inquit, vt faceret vvas, fecit autem labruscas. *Quæ* autem fuerint hæ labruscæ, & mali fructus, subinde exprimit, nempe duritia & immisericordia erga pauperes, etiam in iudicio. Expectaui, inquit, vt facerent iudicium, & ecce clamor. Deinde insatiabilis auaritia, qua nō cessabant agrum agro copulare, &c. Tertiò luxus & abusus eorū, quæ auaræ contraxerant. Sic enim vt plurimū malè quæ sita peiūs pereunt. Quartò consuetudo peccandi, adeò quòd iniquitatem quasi in funiculis trahebant, nunquam cessantes peccare, nunquam poenitentes. Postremū erat & omnium pessimum, contemptus & prophetarum & verbi Dei, omniumque

Esa. 5. comminationum diuinarum: Festinet (inquebant) & veniat opus eius vt videamus, &c. Hi fuerunt mali illi fructus, quibus & Esaia ex ore Dei in eodem capitulo sexies imprecatur horrendum illud Vx, simulq; explicat, quomodo in ipsi complendum esset. Ideò, inquit, iratus est furor Domini in populū suum, &c. Et paulò post. Ecce Dominus eleuabit signum, in nationes procul & subilabit, &c. vsq; ad finem capitis. Hæc & similia hoc tempore ex Esaia legimus in Ecclesia. Sunt autem talia, quæ sine omni dubio terrorē nobis incuterent, si intentē

consid

considerarentur. Ipsa enim nostra conscientia, & cor testantur, eodem nos dignos iudicio, quandoquidē omnes illi mali fructus tam manifestē in nobis quoque se produnt. An non enim ex syluestri oleastro inserti sumus in bonam oliuam? An non in vineam Domini vocati sumus? Imò. An nō in veram vitem *Roma. 11.* Christum insiti sumus? Et cunctis, vt vvas, id est, bonos fructus *Matt. 20* proferamus, fidem scilicet, spem, charitatem, timorem Dei. *Ioan. 15.* contemptum terrenorum, temperantiam, affectum ad diuina, &c. Qualis autem fructus nos proferimus? Verē nihil aliud, quā labruscas. An non pauperes vbique conqueruntur se opprimi & spoliari etiam in iudiciis, quod vnicum eorum confugium est? An nō vbique inualuit insatiabilis illa auaritia, tam inter prophanos, quā inter ecclesiasticos? An non luxus & voluptas & abusus omnium rerum vbique regnant? An non impiam & impoenitentem vitam ducimus? An non maior pars nostrū eō deuenit amentiz & impietatis, vt, nihil ampliū curet, nec verbum Dei, nec cōminationes, nec promissa? Quis igitur dubitare potest, etiam nobis intentari horrendum illud Vx? Maximē quando in plerisque videmus iram Dei iam iam incensam, & quōd etiam contra nos populum Deus excitauit ē longinquo Tureas scilicet, qui leues, veloces, crudeles &c. sunt & omnia deuastare parati, Hæc si ex Esaia consideremus, non opus esset alia admonitione. Verū pauci hæc legunt, multo pauciores intelligunt. Atque vtinam vel hi ea cordi imprimerent, qui ea legunt in Ecclesiis. Non parua enim vtilitas Ecclesiz esset, si vel solum ad iudicia Dei contremisceret. Capite enim sanato facilē mederi posset aliis membris. Hæc igitur ex Esaia dicta sint; Nunc & Hieremiam nostrum audiamus. Sic inceptit Hieremias secundam suam lamentationem. Quomodo (inquit) obtexit Dominus &c. Primos duos *Thren. 2.* versus suprā enarraui. Et quidem satis malorum in ipsis contentū esset, etiamsi nihil aliud sequeretur. Quid enim non mali esse potest, vbi Deus excæcat, præcipitat, obliuiscitur, destruit, abiicit, polluit? Ediuerso tamen magnum etiam peccatum sit, oportet, quōd Deum qui natura clemens est, cuius proprium est misereri & parcere, ad tantam iram & iudicium commouet. Atque hoc ipsum est, quōd propheta vel maximē *Exod. 34.* deplorat. Non enim tam attendit mala externa, quā quōd *Iche. 2.* Deus ita per peccata populi offensus esset. Nec tam deplorauit damnum & pœnam, quā peccatum, quibus pœnā illam

meruerant. Atque hæc est Christiana lamentatio. Vbi enim tantum deplorantur externa mala, nihil mirum aut nouum est. Nam etiam gentiles hæc faciunt & sciunt. Christianus autem plus debet deplorare spirituale damnum, quam temporale, aut corporale, plus peccatum quam pœnam peccati. Hoc enim probi filij officium est, vt non tam curet pœnam, quam quod patrem offenderit. Imò paratus esset, plus pati, vt patrius tantum ira conuiesceret. In hunc modum, & Hieremias mala populi sui deplorat. Audiamus igitur, quid ulterius dicat. Sequitur in-textu.

T E X T V S.

Thren. 2.

Confregit in ira furoris omne cornu Israël: avertit retrorsum dexteram suam a facie inimici: & succendit in Iacob, quasi ignem flammæ deuorantis in gyro.

Circa hunc textum imò totum hunc librum, primò omnino obseruandum est, quòd Hieremias non aliorum, quam Israëliti populi & ciuitatis Hierusalem miseriam deplorat. Nam aliòqui nihil mirum esset, nec adeò multum ad nos pertineret, si mala hæc vel super Babylonem, vel super Aegyptum, aut alias gentilium ciuitates venissent. Cum enim huiusmodi homines Deum non cognoscant, atque adeò nec glorificentur aut colant, nihil aliud expectare possunt, quam certā perditionem. Hic autem longè aliud est. Hic introducit dilectus ille populus, & ciuitas illa sancta. Nulli in mentem venire poterat, quòd Deus contra hos tam seuerè ageret: Nec ipsi hoc credere vnquam poterant, aut volebant, donec re ipsa experirentur, quantumcunque Hieremias apertè eos admonebat. Nolite confidere in verbis mendacij. Nolite dicere templum Domini, templum Domini est, &c. Putabant enim impossibile esse, quòd Deus suum populum, suam ciuitatem, suum templum, suum cultum sineret à gentilibus deuastari. Nihilominus tamen factum esse videmus. Hoc, inquam, diligenter obseruandum est. Ideo enim & Hieremias toties filie Syon, dominus Iacob, Et ciuitatis Hierusalem meminit. Ideo etiam tam prolixe omnia describit. Ideo eadem sæpius repetit. Ideo denique semper aliis atque aliis verbis rem exaggerat. Vt omnes videant, quòd Deus etiam in suis non impunitè dimittat peccata: imò quod in illis diuinius puniat peccata, quam in aliis

Hier. 7.

in aliis

In aliis. Quid enim tantoperè irasceretur super gentiles, quibus nunquam perfectè, nec seipsum nec voluntatem suam manifestauit? Quid eos in hac vita puniret, quibus æterna pœna præparata est? Illis autem iustè irascitur, quibus & seipsum & suam voluntatem manifestauit, si impiè uiuant. Illos meritò etiam hîc punit, quibus cùm promississet æternam vitam & regnum suum, ipsi eo spreto temporalia tantùm ambiunt. Meritò igitur vtraque perdunt. Hæc ideo dico, vt verba Hieremiæ magis & profundius cordibus inscribamus. Nam ferè idem facimus, quod Iudæi illi fecerunt, quantumcunque videamus, audiamus, sentiamus, quantumcunque etiam admoneamur, & terreamur. Impossibile putamus esse, vt à Deo deferamur, hoc solo confis, quod baptizati sumus, quod nomen Christi gestamus, quod Euangelium audimus, quod tēpla habemus, quod cultum externum vtruncque persoluimus, &c. nec interim videmus, quod nostri similes qui omnia quoque hæc habuerunt, miserè perierunt, & subinde alij atque alij pereunt. Nobis, inquam parceret Deus, qui tam ingrati, tam inobedientes, tam peruersi & impij sumus? Iudiciū incipit à domo Dei, adeo vt iustus etiam vix euadat, & nos impunes erimus? Non dubium, quin nostris iam temporibus multi innocentes à Turcis interempti sint, & quibus non erat iudiciū, biberunt calicem Domini, & nos pollicemur nobis impunitatem? Qui verè Christianus est, etiam cùm omnia perfecerit, tamen fatetur se esse seruum inuitilem. Qui verè pius est, omni studio pietatī insistit, nunquam tamen sine timore est, sed veretur omnia op̄a sua, quemadmodum Iob, ne in iudicio Dei inueniatur tortum, quod videbatur rectum. Et nos nec quicquam boni facere, nec à malis cessare volumus, & tamen pollicemur nobis impunitatem, quasi Deus cogatur nos habere. En contra hanc vanam, damnabilem & perniciosam cōfidentiam, militat libellus hic, & qui eum diligenter legit, nunquam sine timore erit, quò si peruenire possemus, quòd residuum est, sp̄te sequeretur, nempe, vt ad cor reuerſi orationi, confessioni, pœnitentiæ & emendationi vitæ insisteremus. Hæc præfari me oportuit. vt magis moueant verba Hieremiæ, quæ nunc enarrare incipiam. Dominus, inquit, cōfregit in ira furoris sui omne cornu Israël. &c. In hoc versu iterū tria iudicia Dei reuoluer, & talia, id est, quæ meritò terrere nos quoque debēt, quādoque & super nos venire possunt, & partim iā super nos venerūt, quāquā pauci sint, quod hoc vi-

1. Petr. 4.

Hier. 49.

Thren. 1.

deant. Primum iudicium est, quod confregisse dicitur Dominus omne cornu Israel, Hic autem Propheta metaphorā inducit, ac exemplum sumit à bestiis, quæ fortitudinem suam in capite & cornibus habent, atque eisdem se defendunt ab incursum aliarum bestiarum. Quo fit, ut in scriptura plerumque per cornu significetur fortitudo & virtus. Quæris igitur, quale cornu

- Psal.* 17. & quam fortitudinem Israëlitz præ aliis habuerint? Audi Da-
- Psal.* 19. uidem. Diligam te Domine virtus mea. Dominus firmamentum meum, &c. & paulò post. Protector meus & cornu salutis meæ. Et iterum: In nomine Dei nostri exaltabitur cornu nostrum. Et iterum. In te inimicos nostros ventilabimus cornu. In hoc cornu, in hac fortitudine quam Deus dabit, in id quæ Deus ipse erat, confidebant patres illi, omnesque à se hostes repellabant. Hoc cornu confidens Abraham, quatuor reges vicis: Iosue vnum & triginta reges: Gedeon, Amalechitas: Sampson, Philisteos: David, Goliath. Hoc cornu Israëlitas præstabat omnibus inuictos. Sic enim promiserat Deus: Si audieris
- Deut.* 18. vocem meam, dabo hostes tuos corruentes ante te, vna via venient, & septem viis fugient. Et iterum. Quinque ex vobis percutient centum, & centum fugabunt decem milia. Hæc, inquit Hieremias, habuerunt Patres nostri, tale cornu, talem fortitudinem. At nunc longè aliter sese res nostræ habent. Iam enim ne vni quidem regi Chædæorum resistere possumus. Nulla amplius in nobis fortitudo. Dominus enim confregit cornu nostrum, potestatem nostram, &c. An non autem similia nos experimur? Idem cornu habuit Ecclesia, quod habuerunt Israëlitz, hoc est eandem fortitudinem, eundem Deum, in quo & cuius virtute, omnes reges terræ sibi subiungauit, neque ei diabolus nec mundus, nec tyranni nec hæretici impedire poterunt. At nunc Ecclesia ab omnibus illis conculcatur, & vinde-
- Psal.* 79. miant hanc vineam omnes, qui prætergrediuntur viam. Imò & ferus ille aper depascitur eam, nec est qui adiuuet. Dominus enim propter peccata nostra confregit cornu nostrum, subtraxit auxilium suum. Sic & Germania nostra suum cornu, suam fortitudinem habuit, & talem quam externæ nationes olim & mirabantur & horrebant, at nunc & nomen & fortitudinem nostram perdidimus, quod è bellis nostris contra Turcas maximè nihil nisi confusionem reportamus. Quia enim à vera religione & cultu Dei in nescio quam leuitatem & impietatem degeneramus, Deus etiam iusto iudicio suo confregit cornu nostrum

nostrum, abstulit cor & virtutem nostram, ut ne in minimo hostibus Turcis resistere possimus. Sic enim & olim omnibus à pietate declinantibus comminatus est. Si, inquit, non audieritis vocem meam, ponam faciem meam contra vos, & corrue-
Lewis. 16.
 tis coram hostibus vestris & subiiciemini odientibus vos. Fugietis nemine persequente. Dabo enim pauorem in cordibus vestris. Terrebit vos sonitus folij volantis, &c. Et iterum. Tra-
Deute. 28
 det te Dominus corruentem ante hostes tuos, per vnā viam egredieris, & per septem fugies. Et erit cadaver tuum esca volatilibus cæli, &c. Adducet super te Dominus gentem de lōginquo, &c. Vxorem accipies, & alius imò hostis tuus dormiet cū ea. &c. ad longum. Hæc, inquam Deus olim comminatus est, & hoc Israëlitarū experti sunt. Nos quoque nunc vel maxime experimur. Et quid mirum, si Deus impiè agentibus cor & fortitudinem auferat, cum id etiam gentibus olim fecerit, & quidem, ob leuiora peccata? Romani enim cū semel contra ius gentium pugnassent contra Gallos, ita puniti sunt, ut omne cor, consilium, prudentiam & fortitudinem perderent, adeo ut ad urbem è pugna fugientes, nec portas hostibus insequen-
 tibus clauderent, & omnibus in manu hostium relictis ad Capitolium fugerent, &c. Hæc sunt iudicia Dei. Sic igitur & nostrum nunc cornu cōstruit, quomodo igitur de cætero hostibus Turcis resistemus? Profectò nihil vnquam contra ipsos egregiè agemus, nisi cornu nostrum, fortitudo nostra nobis restitatur. Hos autem nemo potest præstare, nisi Deus. Nunquam autem præstabit, nisi à peccatis auersi ad ipsum per pœnitentiam reuertamur. Hoc igitur primum est, quod Hieremias conqueritur. Imò quod boni omnes nunc conqueruntur, fractum scilicet esse permittēte Deo cornu nostrum. Sequitur in textu. Auertit (Dominus) dexteram suam à facie inimici. Hic de Deo loquitur more hominum, qui quem subleuare aut rueri volunt, manu adiuuant, & hostem vel retinent vel repellunt. Cū autem Deus sepius, & mirabiliter Israëlitas subleuauerit, & hostes eorum mirabiliter etiam corruerit ab eorum infestatione, cōgruè dicitur manus eius cum ipsis sterisse. Item
Neh. 2.
 super hostes eorum aggrauata fuisse. Sic Nehemias dicit manum Dei fuisse secum bonam. Econtrā autem videbant Israëlitarū manum magnā quam exercuerat Deus contra Aegyptios. Sic in Esaiā Dominus dicit. Nunquid abbreviata est manus mea, ut saluare non possim? In summa, Israëlitarū hæc pro-
Exo. 14.
Gen. 15.

Tsal. 104 missionem habebant. Ego protector tuus, Noli timere. Sic in Psalmo dicitur, Pertransierunt patres illi de gente in gentem, & tamen manus Domini continebat aduersarios. Non reliquit (inquit) hominem nocere eis, & corripuit pro eis reges. Nolite tangere christos meos, & in prophetis meis nolite malignari, &c. Exempla habes. Genes. duodecimo, & vigesimo sexto &c. At nunc, inquit Hieremias, Dominus manum suam auertit, neque enim nos protegit, nec hostes prohibet. Verumque verissimum erat. An non autem eadem in nobis experimur? Quis nos hactenus custodiuit, nisi manus Dei? Quis diabolum & Turcas ab infestatione & perditione nostra prohibuit, nisi manus Dei? At nunc Deus neque diabolum nec Turcas prohibet, Quicquid proponunt, prospere efficiunt. Auertit enim Dominus peccatis nostris sic exigentibus manum suam, à facie inimici. Et quid restat, nisi extrema perditio? nisi Deus denuò hostes nostros manu potentie sue impediatur, retrahat & repellat? Et hic igitur opus erit nobis poenitentia, qua reconcilietur nobis Deus. Sequitur. Succendit (Dominus) flammam ignis, deuorantis in gyro, hoc re ipsa expertus erat Hieremias. Nam Chaldaei & ciuitatem & templum & omnia igne combusserant. Non tamen de materiali solum igne intelligendum est: Erat enim alius ignis qui non minus populus illum cum omnibus suis deuorauit. Nempe ignis discordiae, inter duo regna Iudæ & Israël. Deinde ignis auaritiæ & impietatis, qui omnium animos occupauerat. Iustè igitur etiam ignis externè deuorans secutus est. An non autem eadem in nobis videmus? Nondum quidem ad nos peruenit ignis externus, qui tamen admodum prope est. Imò proximus parieti nostro: Verùm ignis internus iam dudum sedit & omnia deuastat. An non ignis deuorans est, inaudita illa discordia inter nos Germanos? Hæc discordia nusquam non regnat inter principes, inter populares, inter prædicatores, pater dissentit à filio, filius à patre, &c. Hocceine illud tempus est, quod futurum prædixit Saluator noster. Lucæ vigesimo primo, Matt. vigesimo quarto. O quanta bona nobis aufert hæc discordia, quanta mala adfert? Præter hunc est alius ignis, qui non minus sedit & omnia deuastat, Ignis scilicet auaritiæ. Hic ignis ubiq; ardet, In foro, in tēplis, in officiniis, In pretoriis, In aulis principū, in monasteriis. Nemo quicquā nisi de acquirenda pecunia cogitat. Hic ignis vsq; ad ossa

ad ossa ardet, nulli parcit, omnia adimit, quibus pauperes sustentari possent. O quanta damna adfert hic ignis? Unde tot bella, nisi ex insatiabili avaritia principum? Unde hæc discordia, nisi quod Dei charitas abiiciatur? Unde fames, nisi ex avaritia fœneratorum? &c. Hic ignis etiam Ecclesiam destruit. Unde enim tanta inutilium hominum turba, tanta raritas doctorum & piorum in Ecclesia ministrorum, nisi ex avaritia quorundam, qui omnia ad se rapiunt? De hac clericorum avaritia, etiam D. Bernardus ante quadringentos annos conquestus est; in Concilio Remensi. Nostis, inquit, temporibus non est ornare sponsam Christi, sed spoliare, non custodire sed perdere, non defendere sed exponere, non instruere, sed prostituere, non est pacere gregem Domini, sed mactare & deuorare. Sic enim de illis prædixit Dauid. Deuorauit, inquit, plebem meam, sic cibum panis peccatorum precia exigunt & peccatoribus sollicitudinem non impendunt, plus inuigilant subditorum euacuandis marsupiiis, quam vitiis extirpandis. Vbi est qui flectat iram Domini? qui prædicet annum placabilem? Nihil tam sanctum & bonum quod non in forqace avaritiæ consent & proffigant, in acquisitionem turpis lucri. Hæc sunt ipsorum studia. His insatiabili desiderio inhiant, pro his ne amittant timent, cum amittunt dolent. Cura animarum nihil curatur. Quales autem hi pastores sunt, quid patrimonio crucifixa, incrassati, impinguati, dilatati, non tamen compatiuntur super contritionem Ioseph? Hæc & similia Bernardus ante 700. in avaritiam clericorum detonaui. Ex quid nunc diceres, si nobiscum esset, quandoquidem ignis hic non decreuit interim, sed in immensam excreuit? Quod autem de avaritia clericorum dixi, hoc idem de aliis dicere possim. Quis principum sua sorte contentus est? quis iudicum? quis præfe-
ctorum? quis artificum? quis denique famulorum? Omnes avaritiæ student, à minori vsque ad maximum. Sic igitur ignis ille omnia vastat & deuorat, iussu hoc permittente Deo, ut primum nos ipsos consumamus, antequam exteris hostibus tradamur. Hoc autem tertio futurum expectamus. Sic enim ignis discordiæ primum, deinde avaritiæ etiam Romanam perdidit: Imperiumque eorum ad alios transtulit, ipsosque alienæ potestatis esse fecit. Ex his videmus, quàm pulchrè verba Hieremiæ etiam pericula nostra nobis ostendant. Quid autem faciendum? Certe vterque ignis tam discordiæ quàm

auaritiæ in tantum excreuit, vt humanis medijs & vix aſſi & comprimi poſſit: & alióqui quod Deus aufert nemo retinere poteſt. Oportet nos ante omnia ad Deum confugere, is enim per ſpiritum charitatis poteſt extingüere ignem diſcordiæ. Et per ſpiritum pietatis ignem auaritiæ. Inſuper etiam potent manu ſua poteſt repellere à nobis ignem hoſtilem. Ob hanc igitur cauſam hodie conuenimus, oraturi Deum, vt ipſe ſua gratia mala præſentia & imminentia à nobis præſeruet. Cæterum non tantum orandum, ſed etiam à peccatis ceſſandum. Alióqui enim Deo placere non poterit oratio. Ideo etiam nunc concludo, ſicut & alijs. Si volumus à præſentibus imminentiſque malis eſcapi, oportet nos à peccatis ceſſare, pœnitentiam agere, vitam emendare, & ſic tandem ex toto corde ad Deum clamare. Hæc ſi fecerimus, non deſeret nos Deus. Oremus igitur æternum Patrem Domini noſtri Ieſu Chriſti vna cum filio ſuo & ſpirituſancto, vt ipſe hoc cornu Iſraëlis denuò confirmet in miſericordia, quod in ira furoris ſui conſractum eſt, Amen.

CONCIO NONA.

Ad idem, quarto Idus Ianuarij.

Sicognouiſſes & tu, &c. Non æſtimo quemquam tam ſimplicem eſſe, qui non videat hodiernam illam noſtram congregationem longè diſſimilem eſſe feſtis, quæ hæcenus celebratiſimus. Tunc enim omnia læta eſſe erant, nemo non ad gaudium inuitabatur. Hodie omnia triſtia ſunt, omneſque admonemur & præteritorum peccatorum, præſentium malorum, imminentium periculorum. In proxima feſtinitate Epiph. læti cantauimus: Venite exultemus Domino, venite adoremus Dominum: Hodie canimus, Cognoviſimus Domine, quia peccauiſimus. Tunc nos inuitabat Dauid ad laudandum Deum, ſuper miſericordia nobis gentibus oſtenſa. Hodie Hieremias inquit ad luctum & pœnitentiam, ſuper commiſſis peccatis & intentato iudicio Dei. Tam citò cythara noſtra verſa eſt in luctum, vt Iob ait: Tam citò deſecit gaudium cordis noſtri, verſuſque eſt in luctum chorus noſter, &c. vt Hieremias ait. Tam citò dies feſti noſtri conuerſi ſunt in luctum, vt quis vel ex hoc ſolo, ſi nihil aliud habeat, ſatis conicere poſſit, quo in ſtatu res noſtræ ſint. Non enim ſine cauſa fieri credendum eſt, quod etiam in feſtis

natalic

natalitiis ad poenitentiam fletu & planctu admonemur. Certe Deus annum nobis admodum late incepit per missionem filij sui & predicationem gratiae. Deinde etiam ipse Christus ideo venit, ut annuntiaret annum Domini acceptabilem & perpetuū jubileū. Sed nec ipsa festa sic instituta, sunt ut tam citò cessare debeant. Imò ut perpetuò durarent, essetque sabbatū ex sabbato. Nostra igitur culpa sit, oportet, quòd gaudium nostrum tam citò finē habet. Sic enim & olim Iudæis mirantibus, quòd in terra aliena habitarent, &c. hanc causam eis obiecit. Dereliquisti fontem sapientiae, &c. Si in via Dei ambulasses, habitares utique in pace super terram. Idem & ego respondeo iis, qui mirantur tanta undique in mundo esse. Nos inquam priuamus nos ipsos gaudio & pace quam angeli annuntiāunt. Nobis & nulli alij imputandum, quòd hoc etiam tempore cogimur lugere, quo patres nostri festos egerunt dies. Peccata nostra prohibent bonum à nobis. Iniquitates nostrae diuidunt inter nos, & Deum. Et ideo & nobis, quia peccauimus. Hoc, inquam in causa est, quòd gaudium nostrum diu durare potest, quòdque festa nostra tam citò vertuntur in luctum. Nōn tamen ideo nobis desperandum est. Hæc ipsa enim tristitia, ad quam nunc admonemur, magna bona nobis conferre potest. Imò per eam pristinum gaudium recuperare possumus, si ea recte utamur, hoc est, si per eam ad poenitentiam & inuocationem diuini nominis uigeamus. Sic Israelitæ in tristitia sua ad Deum clamantes, paulò post senserunt eam in summum gaudium mutatam, ut uno ore dicerent. Cantemus Domino, &c. Idem uidemus in his, qui Bethulæ obsidebantur, &c. Item in his, quos impius Aman opprimere decreuerat. Ex his similibusque historiis etiam nos quoque consolationem & spem nobis hauriamus. Si pacem gaudiūque quod patres nostri habuerunt, perdidimus, ac eo fortius conandum, ut per tristitiam quæ secundum Deum est, ea recuperemus: nec timeamus quòd naturæ & carni non ita arrideant, ut res lætæ & prosperæ, sed finis attendendus. Sic enim etiam in externis uidemus sanitatem deperditam, interdum amaris medicinis, imò sectionibus & visionibus recuperari, quæ etsi læta esse aegrotis non prosunt: tamen patienter ea fert, quando uidet se aliter non posse ad sanitatē pertingere. Sic nobis quoque hodie cogitandum. Hoc sibi uult conuentus ille noster hodiernus. In hunc finem hætenus Hieremiam lamentantem in-

introduxi. His enim solis malis nostris mederi posset: Virtus
quidem amarum medicinis, nam & peccata nostra nobis dete-
git, & iudicium Dei intonat, omnia tamen ad salutem po-
stram, ut videlicet Deum in aduersis discamus agnoscere, cu-
lus in prosperis obliui fuimus, & ut eius iudicia timere disca-
mus, cuius gratia & beneficia attrahi nolimus. Audiamus
quid Hieremias ulterius dicat.

T E X T V S.

Tetendit arcum suum quasi inimicus, firmavit
dexteram suam quasi hostis, & occidit omne quod
pulchrum erat visum in tabernaculo filiae Sion: effu-
dit quasi ignem indignationem suam.

Factus est Dominus velut inimicus: praecepit
uit Israel, praecepit omnia mœnia eius dissipare
munitiones eius, & replevit in filia Iuda humi-
liatum & humiliatam.

In his duobus versiculis Hieremias pergit adhuc describere
regratitatem diuini iudicii. Iterumque nouis & aliisque ver-
bis restituit, ut magis rem exaggeret, maioremque terrorem
vobis incutiat. Hoc enim in toto hoc libro agit, ut discamus
Deum eiusque iudicia timere. Hoc si discimus, satis fructus ex
hoc libro reportabimus. Ia enim timor, & à peccatis non ab-
strahet, & ad omnia bona urgebit, atque ex continenti mentem à
malis liberabit, & praeferuabit. Hoc timore vacuierant Iudaei:
Ideo nec Dei praecepta curabant, nec à peccatis cessabant, nec
prophetis credebant, sed falsa securitate sibi ipsi blandiebantur.
Non inquit, veniet super nos malum. Atquid econtra
Hieremias hic dicit? Nunc inquit apparet, quo illos duxerit
impietas eorum: Nunc videtur quam horrendè incurserint
in iudicium Dei. Caueat, quisquis saluus esse cupit, ne vn-
quam tam temerè & impie in Deum agat. Iudicium Dei non
tardabit, tantæ autem seueritatis est, ut ego tot verbis ipsam
satis describere non possum. Hoc sibi vult Hieremias in toto
hoc libro: Atque vtinam id ipsum nobis persuaderi pateremur.
Proxima certè via esset ad recuperandam pacem, & omnia bo-
na: Sed verba ipsa expendamus. Tetendit Dominus arcum suum
velut inimicus, &c. Verba hæc longè dissimilia sunt his, quæ in
festis

festis natalitiis Christi audiuius. Tunc enim de Deo ita
 prædicabat Esaias. Consolamini, consolamini popule meus; *Esa. 40.*
 ait Deus vester, &c. Super montem extelsum ascende, qui
 Euangelizas Sion. Dic ciuitatibus Iudæ, Ecce Deus vester.
 Tam Iera Esaias prædicabat de Deo nostro. At hodie Hieremias
 noster longe alia prædicat de eodem Deo. Tetendit, in-
 quit, arcum suum, &c. Nihil hic non terribile, & singula
 verba terrorem augent, denique quodlibet ipsorum anne-
 xum quid habet, quò durius & terribilius sonat, quàm si sim-
 pliciter proferretur. Exempli gratia. Nemo nescit malum
 quid significari, vbi de Deo scriptura dicit quòd tetendi ar-
 cum suum. Verùm hic aliud quiddam additur, quod terribi-
 lius sonat. Quasi inimicus, inquit, tetendit arcum. Scimus
 autem quid inimicus sit, quid cogitet & in quem finem arcum
 tendat, nempe non vt terreat tantum, sed vt perdat & occidat.
 Qui enim inimicus non est, etiamsi aliquando & gladium
 euaginet, aut arcum tendat, magis hoc facit ad incutiendum
 terrorem, quàm ad perdendum. At inimicus nihil cogitat
 & cupit, nisi mortem & perditionem eius quem odit. Sic
 quando Deus amicus est, etiamsi arcum tendat, & mala mi-
 netur, non tamen hoc facit ad perdendum, sed ad terrendum.
 Non est, inquit, voluntatis meæ mors impij. Item: ira in in-
 dignatione eius, & vita in voluntate eius. Item: Ego cogito
 cogitationes pacis, & non afflictionis, &c. Ostendit quidem
 quasi esset inimicus. sed non est inimicus. Assumit enim alie-
 num opus, vt perficiat opus suum, quòd est misereri. Sic erga
 Ninipitas intenderat arcum suum, comminatus fuerat iudi-
 cium suum: sed non vt inimicus, alioqui statim perissent,
 Imò magis eos terrere voluit, vnde ad poenitentiam conuer-
 sis facile pepercit. Sic & arcum suum tetenderat, cùm Dauid
 diceret per prophetam. Non auferetur gladius de dōmo tua:
 statim autem poenitenti Dauid iram remisit. Vnde patet, quòd
 arcum non quasi inimicus perdere volēs, sed quasi amicus ter-
 rere & admonere satagens, tetenderat. Vbi autem Deus arcum
 suum tendit, vt inimicus, illic statim & cernō sequitur perdi-
 tio. Exemplo sunt Aegyptij in mari rubro, Dathan & Abiron.
 In deserto Sodomitz, &c. & homines ante diluuium, qui &
 omnes misere & repente perierunt. In hunc igitur modum
 etiam hic loquitur Hieremias, q. d. Hañtonus sæpe tetenderat
 arcum suum Deus, comminatus fuerat mala: Verùm vt patet
 tantum

tantummodo ad terrendum. Nunc autem ut re ipsa experti sumus, tetendit arcum suū ut inimicus, ad perdendum scilicet & occidendum. Hoc est quod Hieremias in hoc primo verbo deplorat, quod ipsum & merito nobis adaptare possumus & debemus. Certū enim, quod iam dudum Deus mala nobis comminatus est, sed ut pater, nam mitius nobiscum agit. Nūc autem, si constellationes, si mundi cursum, &c. attendimus, nihil aliud iudicare possum, quā quod arcum suum hoc tempore contra nos tetendit, ut inimicus. Eō magis terreri nos oportet. Eō citius peccata relinquere, atque ipsa Hieremias verba eō altius cordi imprimere debemus. Hoc si fieret, sine dubio multum leui-

Hiere. 30. tatis & impietatis nobis decessurum esset. Non enim paruum quid est, ubi Deus in ira punit. Plaga, inquit, inimici percussite. Qualis autē sit plaga inimici, subdit: Castigatione crudeli.

Iob 30. Sic Iob maximē conquirebatur, quod Deus illi mutatus esset, in crudelem. Clamo, inquit, & non audis, &c. mutatus es mihi,

Psal. 6. in crudelem. Hinc & David precatur. Domine, inquit, ne in furore tuo arguas me, &c. Hæc igitur circa primum illud verbū attendenda. Sequitur. Firmavit dextram suam, & hoc quidem in se nihil durum haberet, nisi aliud quiddam annexum esset,

Psal. 117. Credentibus enim nihil optabilius est. Imō certa ipsorum redeemptio est, ubi Deus dexteram suam ostēdit, Dextera, inquit,

Psal. 61. Domini fecit virtutem; dextera Domini exaltauit me, &c. Et iterū. Me suscepit dextera tua Domine. Et Iob. Operi manū

Iob 17. tuarum porriges dexterā. In summa, ubi Deus uti dicitur dextera sua, ibi magnum aliquod bonū illis contigiſſe inuenitur.

Vbi autem dextera sua, uti contra impios dicitur, illic magnum malū & insignē iudiciū significatur. Nā & externē dextera grauius percutit quā sinistra. Hinc David, Ioueniat, inquit, manus tua omnibus inimicis tuis, &c. Et sequitur. Pones eos ut clibanum ignis, &c. In hunc modum Hieremias hic loquitur de dextera Dei, ostendere volens insignem plagam factam. Non, inquit, sinistra manu percussit, ut hactenus sed dextera sua & omni vi & potentia. Nec tantū percussit dextera sua, sed in eam etiam firmavit, ad eō ut ferire non cesset, quem-

Esa. 9. admodum & in alio propheta dicitur. In omnibus his non est aduersus furor Domini, sed adhuc manus eius extenta. Hoc est enim firmare manū. An non autem similia nos quoque videmus, nempe dextram Dei, non tantum super nos extentam, sed etiam firmatam? Quam diū vidimus bella, homicidia, spolia-

tiones iustorum, &c. Et nondum finis. Quot annis pestis iam
 apud nos regnat? Et nondum finis. Quandiu experti sumus
 omnium rerum caritatem? Et nōdum finis. Quandiu vidimus
 hæresum & impiorum tyrannidem? Et nondum finis. An non
 igitur videtur Deus etiam super nos firmasse dexteram suam?
 Quod si Deus dexteram suam firmavit, quis eam auertet? ait
 Esaias: Deus decreuit punire, quis infringere poterit? Leo ru- *Esa. 14.*
 giet, quis non timebit? Deus percutit, quis effugiet? Vides, *Amos 3.*
 quàm terribile & hoc verbum faciat iudicium Dei. Tertium
 tamen omnium terribilissimum est. Effudit, inquit, indigna- *Iudic. 5.*
 tionem suam quasi ignem, quasi diceret, olim effundebat mi-
 sericordiam & gratiam. Domine, inquit, cum exires de Seyr,
 Cæli distillauerunt à facie tua. Nunc autem stillat indignatio-
 nem. Nec solum stillat, vt olim, Daniele dicente, stillauit super
 nos indignatio tua, sed eam planè effundit, nec hoc tantum,
 sed effundit quasi ignem, qui omnia consumit, nec vnquam
 cessat, quandiu habet, in quod agere potest. Vides etiam hîc,
 quàm exactè iudicium Dei describat. Ne putes autē nuda ver-
 ba esse ad terrendum conficta, addit. Occidit omne, quod pul-
 chrum visu erat. Præcipitauit Israël, præcipitauit omnia mœ-
 nia eius. Impleuit in Iuda humiliatum & humiliatam. Hæc,
 inquit, omnia experti sumus. Sic enim fit, vbi Deus arcum suū
 tendit, vt hostis, &c. Nempe quod omnia pereunt, quantūcūq;
 pulchra, quantumcūque fortia & munita. Igis enim diuinæ *Deut. 32.*
 iræ consumit terram cum germine, & montium fundamenta
 consumit, &c. Vides igitur, ex omnibus his, quàm terribilia
 scribit de iudicio Dei. Quid igitur faciemus, viri fratres, quan-
 doquidem hæc etiam nobis prædicantur? Num desperabi-
 mus? Nequaquam, Nam & Ioannes haud mitius concionaba-
 tur. Genimina, inquit, viperarum, &c. Securis ad radicem ar-
 boris posita est, &c. Non tamen desperabant, sed quærebant, *Matth. 3.*
 quid facere eos oporteret, &c. Sic & Iudæi conterriti ex con-
 cione Petri, non desperabant, sed dicebant, Quid faciemus viri *Act. 2.*
 fratres? &c. Idem fecisse Niniuitas res ipsa declarat. Sic & Hie- *Iona 3.*
 remias iudicium Dei nobis prædicat, non vt ad desperationem
 adigat, sed ad pœnitentiam nos extimulet. Vnde non simplici-
 ter dicit, Dominus factus est inimicus, sed quasi inimicus. Hoc
 verbo spem nobis dat, vt sciamus Deum quantumuis seuiat
 minando, tamen nondum paternum animū abiecerit. Quan-
 quam & aliter intelligi possit, quod propheta non dicit Deum
 inim

inimicum factum, sed quasi inimicū, inimici enim nec nomen nec res in Deum cadere potest. Inimicus enim est, qui ex odio omnia agit, Omnia iura violat, Nullius iustitię memor est. &c. Absit autem, vt hoc in Deum nostrum cadat. Non tantū enim nulli iniuriam facit, sed insuper iniustos ad pœnitentiam & gratiam vocat. Hęc cū scimus, fratres, non cessandum nobis est, sed eò fortius contendendum, vt Deum peccatis nostris offensum reconciliemus, ac amicum constituamus, quod non fit nisi pœnitendo, quemadmodum peccando eū inimicum fecimus. Non possum igitur hunc sermonem melius conclu-
Ose. 14. dere, quā vt dicam cum Osea. Conuertere Israël ad Dominum, quoniam corruisti, &c. Tollite vobiscum verbo, & c. Oremus igitur, &c.

CONCIO DECIMA.

Ad idem, octauo idus Februarij.

QVandoquidem hodie iterum conuocati sumus ad orandum, vt Deus iustam & bene cōmeritā iram suam à nobis misericorditer auertere velit, nō possum hunc sermonē melius incipere, quā ab Evangelio p̄cedentis dominicę, Illi enim s̄mul habemus, in quo nostra vel salus, vel perditio, prospera vel aduersa fortuna pendeat. Hęc, inquam, adeo exp̄ssē in eo Evangelio habemus, vt si vel solum rectē perpenderetur, facīlē mederi possit omnibus malis, nec opus esset specialibus & quasi quotidianis admonitionibus. In quo enim statu res Apostolorum tūp̄ erant, In eo res nostrę nunc sunt. Illi erant in periculo, & nōs quoque. Illos terreat ventus & mare, & nobis quoq; non ab vno tantū imminet periculum: Illos operiebat aqua, & nobis quoque aquę intrant vsque ad animam. Illi nesciebant quando & quomodo finiretur tempestas, nec nōs scimus. Illi nō poterant fugere, nec nōs possumus. Illi nō poterant seipsos expediri ē periculis, nec nōs hactenus potuimus: Illi nullum ab hominibus habebant auxilium, nec nōs quidem. Et super hęc omnia videbant Apostoli, Christum, in quo omniē sp̄m posuerant dormire, nihilque eorum periculo moueri. Hoc idem & nōs experimur. Sic igitur quod ad periculum attinet tempora hęc nostra omnibus modis assimulantur tempestati illi, in qua fuerunt Apostoli. Vtinam et in his quę ad euasione

spect

spectant, similia etiam in nobis videmus. Verum in his omnia dissimilia sunt. Apostoli enim periculum suum agnoscebant. Nos necdum credimus, tam male se habere res nostras. Illis periculum incutiebatur terrorem, nos lætamur & ridemus in periculis nostris. Illi nihil non agebant, ut possent euadere, nos indies magis ac magis pericula excitamus & augemus. Illi simul manebant, & coniuncti, nos ab inuicem separamur. Illi manebant in nauicula, nos e nauicula saltamus. Illi integram seruabant nauiculam, nos nostram rumpimus, scindimus, perforamus. Illi ad Christum, ut ad sacram ancoram currebant, nos ab ipso longius refugimus. Illi non cessabant clamare & orare, donec excitaretur & adiuuaret, nos nec cogitamus Deum? quid igitur mirum, quod tempestas nostri temporis non tam citò mitescit & sedatur, ut illa quam Apostoli senserunt? Si enim Christus solus est, qui ventis & mari imperare potest, certè omnia alia frustra adhibebimus, nisi hunc prius excitauerimus. Nō quod alia humana media omittenda sint, sed quod plūs Dei auxilio quàm nostris cōsiliis cōfidamus. Nam non dubium est, quoniam etiam Apostoli manibus & remis vsi fuerint, sed maximè tamen in Christi auxilio sperabant. Sic & nunc quidem proceres nostri, quibus regenda nauicula credita est, conueniunt & consueunt ad comitia visuri, si quid humanis cōsiliis ad sedandam tantam tempestatē inuenire possint. Nobis tamen maximè confidendum est in Dei auxilio, idēd fortius hoc tempore clamandum quàm aliās. Hinc & Paulus monet. Admoneo, inquit, ut primò *1. Tim. 2.* omnium fiant orationes, obsecrationes, & c. Pro regibus, & his, qui in potestate sunt, ut tranquillam & quietam vitam agere possimus in omni pietate. Hoc nunc vel maximè necessarium est. Nam & inter principes multos defectus videmus. Aliqui enim sunt nimis negligētes. Possent auxiliari, sed cessant. Alij sunt nimis proterui, qui omnia confundunt, & peiora reddunt. Alij sunt nimis timidi, alij cuperent quidem adiuuare, sed non habent vires nec audiuntur. Merito igitur monemur, ut pro illis oremus. Atq; hoc ipsum in exordio huius sermonis commendare volui. Ut autem citius & vehementius orare possimus, age Hieremiam nostrum iterum in manus accipiamus. Is enim pericula nostra latius nobis ab oculis ponet, quibus cognitis, si quicquam in nobis Christiani sanguinis est, ad orationem conuersemur. Sequitur igitur in textu.

TEXT

Et dissipauit quasi hortum tentorium suum, demolitus est tabernaculum suum: obliuioni tradidit Dominus in Syon festiuitatem & sabbatum: & in opprobrium & in indignationem furoris sui regem & sacerdotem.

Repulit Dominus altare suum, maledixit sanctificationi suæ, tradidit in manus inimici muros turrium eius: vocem dederunt in domo Domini, sicut in die solenni.

Hos duos versus hodie consideremus. Hic enim alia quædã Dei iudicia recenset Hieremias, quibus olim Deus puniuit impietatem Israëlitis. Sunt autem talia, quæ partim etiam iam in nobis visuntur. Et nisi maturè poenitentia iræ Dei præueniamus, adhuc magis & terribilius videbimus. Ignis enim iræ Dei semel accensus, subinde maior efficitur, & latius scuit, imò ardet usque ad inferni nouissima, nec vnquam cessat, nisi ad poenitentiam conuertantur homines. Sic enim Deus dicit. Si poenitentiam egerint, agam & ego poenitentiam. Et iterum. Si conuersi fuerint, uiuent. Quod autem ignis diuinæ iræ sic semper in maius crescat, nisi poenitentia extinguatur, pulchrè ostensum nobis est in Israëlitis. Quos peccantes primò verbis & minis corripuit, deinde, ubi hæc non curabāt, immittebat in eos hostes, qui eos spoliabant, & opprimebant. Vbi nec si meliores fierent, qui non tantum eas infestabant, sed per partes etiam in captiuitatem abducebant. Vbi etiam hoc nihil proficiebat, Misit super eos Salmanassar regem Assyriorum, qui omne regnum Israël destruxit, omnemque populum captiuaui. Omnia hæc ad terrorem & commotionem regni Iuda facta fuerunt. Cum autem nec illi tam duro exemplo moueretur, iam ipsis primò immisit terrorem, per Sennacherib. Deinde ciuitatem populari permisit, per regē Aegypti. Postremò per Nabuchodonosor & ipsam ciuitatem & omnia vastari. Imò etiā templum & cultum suum aboleri permisit. Atque hoc est, quod Hieremias hic conqueritur, quasi diceret. Magna quidē fuerunt iudicia, quæ hætenus recessui, nempe, quòd Deus summus olim benefactor noster nūc destruxit omnes munitiones nostras, occidit omnes

iuvenes nostros, impleuitq; Syon tristitia & erūnis, & in omnibus his se ostēdit tanquā hostem. Ceterū quantumuis magna hæc sunt, facili tamen ea restitui possent, si templum, altare & cultum nostrum adhuc haberemus: hoc enim indicium esset, quod nondum in totum à nobis recessisset Deus. Nūc autem tēplo & cultu Dei amissis, quid aliud diuinare possumus, quā q̄ nos planē abiecerit? Vide enim, quanta olim ab ipso habuimus. Primò enim statim post egressum ex Aegypto, cū adhuc in tabernaculis habitaremus, etiam ipse tabernaculum inter nos habere voluit. In signū præsentiæ suæ facite, inquit, mihi tabernaculum & habitabo in medio vestri. Illud autem *Exod. 25.* tabernaculum erat tāquam hortus amoenissimus, summēque nobis consolatorius, nunc autem idem tabernaculum ipse dissipauit, id est, dissipari permisit. Deinde, cū iam in certo loco consistentes, in domibus habitaremus, etiam ipse domū inter nos habere voluit. In qua & promissit se præssto futurum orationibus nostris, & sacrificiis. At nunc eandem dissipari permisit. *3. Reg. 8.* Perirea certas aliquas festiuitates ipsemet nobis instituit, & sub magna pœna obseruari præcepit, at nunc earundē quā omnino oblitus est. Insuper sacerdotiū instituerat, & amplum & omnibus venerandum, etiam gētilibus. At nūc etiam ipsos sacerdotes dedit in opprobriū omnibus. Adhuc habebamus altare, & sacrificia ab ipso destinata, quibus quotidie iram eius placare poteramus: At nunc etiam altare & cultum illum repulit, abiecit. Deniq; quicquid in tēplo erat, sanctum iudicabatur. At nunc omnia prophanauit & maledixit. Postremò, ubi prius Deum ipsum laudabamus, ibi nunc hostes eius & nostri insanos clamores edunt, & Deum & nos irridentes. Hæc sunt iudicia illa, quæ Hieremias hīc deplorat. Verē magna, nec dubium, quæ multū affligerint ipsius cor. Pius enim homo sicut maximè lætatur in cultu Dei, sic maximè doleret eodē abolito. Sic sancta Hester. Non satis (inquit) illis est, vt nos in seruitutem redigant, sed insuper volunt claudere ora canentium te, &c. Hoc idē Dauid deplorabat, Vt quid Deus repulisti in sinē? Quanta enim malignatus est inimicus in sancto? Sic tres illi *Psal. 73.* in fornace Babylonica, vel maximè hoc conquerebantur, q̄ in tantis malis constituti nec templum nec sacrificia haberent, *Danie. 4.* quibus Deū placare possent. Hoc idē igitur & Hieremias hīc cōqueritur. Et hæc, quidē, quo ad literā. Verū nūc vidēdū, an & in nobis quoq; tale quid inueniatur? Et quidem non multa

Ioan. 4.

Ephes. 5.

1. Cor. 12.

Ephes. 4.

inquisitione opus est. Târummodo oculos aperiâmus, & videbimus statim, quòd quicquid illi splendoris in externo cultu habuerunt, etiam nos habuimus: & quicquid illi perdiderunt, etiam nos vel perdidimus, vel perdituros timemus. Habebant illi templum, sed vnum, Nos multa Nam apud nos cultus Dei non vni loco tantum affixus est, vt olim. Habebât illi sua festa, nos quoq; habuimus & meritò, & si enim verus cultus stet in spiritu & veritate: tamen Deus etiam externè coli & laudari vult. Hinc Paulus vult, vt Psalmis & Hymnis Domino canamus. Præterea habebant illi sacerdotes omnibus venerandos, habuimus & nos, Et si enim per Christum omnes Christiani sint sacerdotes & reges: diuisiones tamen gratiarum sunt. Et quosdam quidem dedit Apostolos, vt Paulus ait, alios pastores, solisq; Apostolis Christus dixit, Hoc facite in meam commemorationem. Insuper habuimus & nos altare sacrificiûmq; in ge & quotidianum. Et si enim Christus cruentum illud sacrificium suum secundum ordinem Aaron semel perfecerit in cruce: Tamen sacrificium illud laudis & gratiarum actionis, in pane & vino secundum ordinem Melchisedech in cæna instituit, & perpetuò obseruare voluit. An non autem insignè consolationem hæc præbuerunt fidelibus? Quid autè nunc? Temppla mutantur in munitiones & stabula equorum: festa abolentur, & sacerdotes vilipenduntur, Altare & sacrificium illud iuge, pro summa idololatria habentur, &c. Et quis Christianus hæc audiens & videns non ingemiscat? In quem autem tantorum malorum causam coniiciemus? Num in diabolum? Num in hæreticos & malos homines? Et quidem non dubium, quoniam diabolus non minima causa huius mali sit. Nam hostis omnis boni est. Videmus insuper, & homines quosdam erroneos hæc omni studio procurare. Non tamen adhuc verâ causam, & auctorem horum malorum habemus. Quid enim vel diabolus vel tyranni contra Deum & Dei cultum possent, nisi permittente Deo? Videbat Hieremias templum à Chaldeis dissipatum, nec dubitare poterat, quoniam à diabolo instigarentur: tamen nec ipsi, nec diabolo hoc ascribit, sed Deo. Dominus, inquit, dissipauit tentorium suum, Dominus repulit altare suû, &c. Atq; hoc vel maximè hic obseruandû est. Alioqui tantum in homines inspicimus, & contra ipsos irascimur, nec videmus, qd nihil possent nisi Deo permittente. Poterat quidem

Danie. 4. & Hieremias irasci & inuhere, contra Nabuchodonosor destructo

structorem templi & cultus diuini, Verum ne verbo quidem mentionem eius facit, sed tyrānum & sacrilegum iudicio Dei cōmittit, quod & paulo pōst impius ille sensit. Non enim multa sinit Deus huiusmodi sacrilegia, quemadmodum & in Antiocho videmus. Ideo Hieremias sacrilegos hos iudicio Dei cōmittens, totā causam in Deū cōiicit. Et sic etiā nobis faciendū. Nō dublū enim, quin etiā nunc Deus ipse tēpla nostra dissipet, solēnitatū obliuiscatur, sacerdotes abominabiles faciat, Altare & sacrificium Missæ aboleat. Deus, inquam, hæc facit, id est, permittit. Sed cur inquis? Num mala hæc sunt aut fuerunt? Nequaquam. Mundus quidem sic iudicat. Deus templa destrui permittit, cultum & missam aboleri, &c. ergo mala fuerūt. Verū hoc argumentum falsum esse, ex hoc textu Hieremiæ patet. Et templum enim & festiuitates & sacerdotium & altare & sacrificia Deus ipse instituerat suo verbo, & miraculis confirmauerat, & tamē Hieremias dicit, quod ea dissipauerit, &c. Vis autem scire cur Deus templum, quod ipse institui fecerat, destrui fecerit? Audi quid dicat Deus. Si auersione auersū fueritis, templum hoc, quod sanctificauimus nomini meo, proiciam à conspectu meo, &c. Et in Hieremia. Nunquid spelunca latronum facta est, domus hæc? Ego vidi ideo faciam ei sicut feci Silo, &c. Vis scire, quam ob causam Deus festiuitates à se institutas reiecerit? Quia, inquit, iniqui sunt cœtus vestri. Et quia in die ieiunij & festi vestri, inuenitur volūtas vestra. Vis scire, cur Deus sacerdotes Iudæorū in opprobriū dederit? Audi Hieremiam. In domo mea inueni malitiā eorū. Ideo via eorū erit in lubricū, &c. Et in Ose. Propter malitiā adinventionū ipsorū, eiiciā eos de manu mea. Et adhuc apertius in Malachia. Vos, inquit, sacerdotes recessistis à lege, & scādalizastis plurimos. Ideo ego dedi vos cōtēpribiles & humiles omnibus populis, &c. Vis scire, cur Deus sacrificia à se instituta reiecerit? Nō suscipiā, inquit, munus de manu vestra, quia panē pollutū offertis. Et iterū: quia manus vestrę sanguine plenę sunt. Quod igit̃ dictū est de veterib⁹ illis, hoc etiā de nobis dicēdū. Dñs dissipari permittit tēpla, festa, altaria, missam & sacerdotiū, nō quia mala hæc sunt in se, sed quod eis abusi sumus. Quid enim sunt tēpla nostra, nisi vel domus cōfabulationū, vel negotiationū, vel interdū etiam spelunca latronum? quid igitur mirum, quod Deus ea destrui permittit? Sic planum est, quod nunquam maiora peccata perpetrantur, quā in diebus festis, quid igitur mirum, quod

2. Mac. 9.

3. Reg. 9.

Hier. 7.

Esa. 1.

Esa. 18.

Hier. 23.

Ose 9.

Mala. 2.

Mala. 1.

Esa. 1.

Deus ea ampliùs habere non vult? Sic nemo peiorem vitam ducit, quàm clerici, quid igitur mirum, quòd Deus eos contempnibiles facit? Sic nusquam maior contumelia Deo irrogatur, quàm in sacrificio missæ & sumptione sacramenti, quàm cruenta enim conscientia quidam ad missas accedunt, quàm implè sacramentum vendunt? &c. quid mirum igitur, quòd Deus permittit missas aboleri? Imò iustissimè hoc facit, cùm enim omnia hæc ad consolationem nobis dederit, iustè ea nobis aufert, si ea vel contempnamus, vel his abutamur, quorum vtrunque plus satis fecimus & facimus. Videtis ex his, vt opinor, quorsum res hæc finaliter tendat, nempe, q̃ nos sumus causa omnia malorū quæ patimur & videmus. Deus quidem ea permittit, sed ob peccata nostra. Hic igitur oportet, vt nos ipsos consideremus, peccata nostra agnoscamus, pœniteamus, emēdemus, & misericordiam Dei suppliciter inuocemus. Hoc sibi vult hodierna conuocation nostra. Hoc si diligēter fecerimus, & ex animo facilè cultum suum restituere potest Deus. Sin autem in peccatis perseuerauerimus, non nisi priora expectemus. Nisi enim tales efficiamur, qui Deo placeamus, nunquam illi place re poterit cultus noster. Igitur flexis genibus sublatiſq; in excelsum oculis & manibus, dicamus cū Daniele. Tibi Domine iustitia. Nobis autē cōfusio faciēi nostræ. Peccauimus enim, &c. Auertatur obsecro ira tua, &c. Exaudi Dñe, Placare Domine. Attende & fac, Non enim in iustificationibus nostris prosterimus preces, sed in miserationibus tuis multis & magnis, &c.

Dan. 9.

CONCIO DVODECIMA,

Ad idē, feria quarta, post Iudicium tertio

Nonas Martij.

Matt. 12.



Xordium sermonis huius Euangelij hodiernum meritò nobis dare debet. In eo siquidem audistis, quàm vehementer Christus in Iudæos inuehitur, arguens eos, quòd tanta audierant ab ipso & viderant, & tamen adhuc signum è czlo quærebant: Nominat eos ob id generationem peruersam, & adulteram, denegat ipsis quod petunt, Imò diabolo eos tradit ac demū etiam futurum illis iudiciū comminatur, deterioresq; ipsos pronunciat, quàm mille vnquam gentes fuerint; denique, prædicat ipsis maiora mala euentura, quàm vnquam antea euenerint. Nec dubito, quia

quia quilibet nostram dicat apud se, & sentiat ipsos hoc merito audisse, nec dulciori allocutione dignos fuisse. Et reuera sic est: Si tantummodo etiam de nobis ipsi ita iudicare, & quae mala sunt, tam luculenter in nobis ipsis videre, tamque reprehensibilia in nobis iudicare ut in aliis possemus. Verum haec nusquam hoc vel maxime nobis deficit. Mala enim semper in aliis citius quam in nobis videmus, & magis etiam reprehensibilia iudicamus. Hinc est, quod tantummodo proni sumus alios iudicare, omnibusque poenis dignos iudicare, etiam si nos plerumque peiores simus, & peiora agamus. Quam autem utilitatem nobis afferet Euangelium hoc, si nihil aliud inde addiderimus, quam ut dicamus Iudaeos merito tam dure increpatos à Christo? Nunquid ipsi soli increduli, ingrati, obstinati & impii fuerunt? Utinam soli tales fuissent. Utinam nullus inter nos esset, de quo verè dici posset. Generatio mala & aduletera, &c. Utinam in nullo Christiano impleretur unquam, ut novisima eius fierent peiora prioribus. Quis autem non videt etiam nos tales esse, quales Christus Iudaeos inuenit? Non igitur illos tantum hic culpabiles, sed etiam nos ipsos iudicare debemus, & quod in ipsis reprehensione imò & poena dignum iudicamus, etiam ita in nobis iudicemus. Hinc posset boni nonnihil sequi. Imò si hoc fieret fiducialiter dicerem, sicut olim Annibal militibus suis dicebat. Cum enim primò cum Romanis congressurus esset, hoc stragemate animos militum suorum excitabat. Circundato ad spectaculum exercitu captivos quosdam victos in medium constituit, armisque ad pedes eorum proiectis interrogavit, quis eorum, si vinculis leuaretur, decertare ferro vellet, cum ad unum omnes ferrum pugnamque poscerent, ac gloriose mori quam misere vivere in servitute praeligerent, milites Annibalis tam intrepidus illorum animos laudabant, ipsosque incitabant ad pugnam, nec vincentium tantum, sed etiam bene morientium fortunam laudabant. Cum eos sic affectos Annibal videret, sic locutus est. Si què animum in alienae fortis periculo paulò antè hastuistis: eundem mox in aestimanda fortuna vestra habueritis, vicinus milites: hoc est, si tam promptè ad pugnam processeritis, sicut hi fecerunt, & quilibet sui ipsius adhortator esse velit, sicut nunc alios exhortati estis, denique, si gloriosius vobis duxeritis benemori, quam turpiter vivere & servire. Si, inquit, hunc animum habueritis, vicinus:

& indubiè victores euademus. En dux ille non tâtum voluit, vt milites sui inspicerent, quid in aliis vel laude vel vituperio dignum esset, sed seipso etiam sic instituerent, vt quod in aliis laudarent, ipsi quoque imitarentur: quod autem in aliis vituperarent, ipsi quoque vitarent. Et nos igitur, Si ex his, quæ contra Iudæos hic dicta sunt, nos ipsos omnibus malis etiam dignos agnosceremus, fiducialiter dicerem. Vicimus ô Christiani, nec vlla mala nobis nocere poterunt. Imò certò polliceri possem, omnia mala Dei beneficio à nobis tollenda fore. Hæc enim agnitio peccatorum nostrorum, & commertiz pœnæ, nos inclarent ad pœnitentiam, & feruentem orationem, quæ duo vel sola nobis prodesse & succurrere possent in rebus tam periculosis. Aliàs enim nisi pœnitentia & oratio interueniant, implebitur etiam in his comitiis Principum, quod Esaias olim incredulis suis Iudæis dixit, Congregamini populi & vincemini. Inite consilium & dissipabitur, loquimini verbum & non fiet. Nemo autem est, qui nesciat quantum in præsentibus comitiis situm sit. Imò nemo non certam perniciem expectat, si, quod absit, discordiæ nostræ intestinæ in his comitiis non cõponantur, & ad pacem redigantur. Tantò igitur magis festinandum ad pœnitentiam, tantòque feruentius orandum. Venerunt, filij, vsque ad partum (ait Ezechias) & vires non habet parturiens. Hoc autè vbi in naturalibus contingit, periculum mortis imminet, & puero & matri. Ita tamen erat Ezechiz, & populo suo. Ita etiam nobis nunc est. Omnia venerunt ad summum, nec ampliùs differri possunt, ad quantumcunque tandem partem cadât. Ideo si vnquam ardentè orauimus, nunc vel maximè tempus est, fortè Deus inspiciet blasphemias hostium, & seruabit reliquias populi sui: En ob hanc causam hodie congregati sumus. Et hæc volui dicere in exordio sermonis, vt quilibet diligentius hæc secum perpèdat. Et quanquam satis admonitionis hoc esset, si bene affecti essemus, volo tamè etiam nonnulla proponere ex Threnis Hieremiz: Portassis enim ipsius verba magis penetrabunt quàm mea. Audi igitur, quid Hieremias vltèriùs dicat.

T E X T V S.

Et dissipauit quasi hortū tentoriū suum, demolitusest tabernaculū suū: obliuioni tradidit Dominus in Siom festiuitatem & sabbatū & in opprobrium & in

Esa. 8.

4. Reg. 19

& in indignationem furoris sui Regē & Sacerdotem.

Repulit Dominus altare suum, maledixit sanctificationi suæ: tradidit in manu inimici muros turrium eius: vocem dederunt in domo Domini, sicut in die solenni.

Hæc verba superiori sermone breuibus perstrinxi & exposui. Cogor tamē ea nunc repetere. Non enim minima imò verè maximā cāsa prophetici huius luctus fuit, quòd videbat & templum & cultum Dei, sacerdotes & prophetas, altare & sacrificia suo tempore simul corruisse, atq; abolita esse. Et quamquam Chaldei hoc fecissent, Hieremias tamē videbat ipsos in hoc nihil aliud fuisse, quàm virgā & flagellū Dei. Vt in Esaia dicitur: Vx Assur virga furoris mei. Nihil, inquā erant aliud, nisi serui & executores diuinæ iustitiæ. Sic enim nominatur Nabuchodonosor in Hieremia. Ideo Hieremias omnia ascribit Deo. Dominus inquit dissipauit, &c. Dominus inquit non vult amplius tēplum nostrum, cultū, sacerdotiū, sacrificia, &c. Cur hoc? quia omnibus his abusi sumus, de his plus æquo præsumpsimus, quasi Deus nos habere cogereretur, qualitercunque tandē viueremus. Nunc autē videmus, quòd neq; nostri neque cultus nostri indigeret: Ipse manet Deus, nos autē miseri in corpore & anima. Perdidimus tēporalia, simul & spiritalia. Hæc nobis dicta sunt, fratres, & signāter pessimo hoc tēpore, & rerum statu turbatissimo. Iam diu inter nos litigauimus, qui essent verī Christiani, & qui haberēt veram Ecclesiam, cultū, sacerdotium, sacrificia, &c. Et quàm pessimè viuimus in vtraq; parte, quælibet tamē pars externū quiddā habet, in quo cōfidit: quasi Deus ob id eos abiicere nō possit. Vna pars præsumit de pēdicatione & auditione verbi Dei, putant se ob id vnū esse genuinos filios Dei, cū tamen ipsi met fateri cogātur, nullū vnquam populū ita abusum verbo Dei, & tam proteruē citràq; omnem timorē & conscientia contra illud egisse, vt ipsi, Egerunt quidē & alij cōtra verbū Dei, sed eum non sine quodā timore & conscientia, ita vt ad minus semel in anno peccata sua cōfiterentur. Nunc autē nulla amplius est conscientia, nullus timor, nullus pudor, neque antè neq; pōst, sed omnia proteruē agimus, quæcunque libēt. Nec vnquā postea conscientia inde sentimus, &c. Sic autē prædicare & audire verbū Dei, quomodo Deo placere posset? Num verbū suum ideo nobis dedit, vt omnē conscientiam

Esa. 10.

Hier. 28.

clam perdamus, & sine omni timore mala periretemus? Profecto non: sed ut & nos & nostra peccata melius videre & agnoscere possemus, eaque diligentius caueamus. Sic nos in parte nostra de hoc vel maxime præsumimus, quod adhuc apud nos videntur vestigia quædam veteris Ecclesiæ. Confidimus in eo, & videmur nobis intimi filij Dei, quod aliquando ieiunamus, oramus, festa celebramus, Ecclesias & tēpla ornamus & visitamus, missasque & audimus & legimus: ex his, in quam, per suademus nobis, quod sumus dilectissimi filij Dei, quos Deus relinquere non possit. Interim tamē fateri cogimur, quod ea ipsa de quibus ita præsumimus, nusquā in maiori abusu sint, quā apud nos. Vbi enim frequētius prophana negotia tractantur, quā in templis nostris? Imō quæ vnquā gens ita debonestauit templa sua, ut apud nos? Vbi maior negligentia, oscitantia, frigiditas conspicitur, quā in cultu diuino? Vbi maior luxus & petulantia, inuerecūdia & impietas videtur, quā in personis Ecclesiasticis? Vbi maior irreuerētia Deo irrogatur, quā in perceptione & administratione sacramentorū, maxime autem in missa? Vbi maiores blasphemie audiuntur in Deum, quā apud Christianos, qui de nomine Dei gloriantur? Quæ vnquā gens ita cōtempnit Deum suū, ut nos? In summa, Vbi maior abusus inuenitur omnium donorum Dei quā apud nos? En hæc est causa, cur Deus per Turcam aliōsque, qui plus Turcicē quā Christianē affecti sunt, ea nobis auferri patitur, in quibus externē cōfidimus, permittit, in quā templa vastari, sacerdotes occidi, missam & cultum Dei aboleri, &c. Christiano denique in manus & potestatē Turcarū venire. Non amplius vult templa nostra, quibus sic abutimur. Non vult cultū nostrum, amplius, quem tam negligēter peragimus. Non vult amplius missas & sacrificia nostra quibus tam impiē abutimur. Nō vult nos amplius habere in sacerdotes, qui tā non sacerdotaliter viuimus. Non vult nos amplius in filios habere, qui ita eum contemnimus. In summa. Si paganicē volumus viuere, non vult Deus Pater, ut nomen suū præferamus. Si nolumus illi ex corde seruire, nec ipse vult ut speciē sui cultus præferamus, cultorēque eius nos iactemus, &c. In quem igitur hæc mala conferemus? Num in Turcas & Turcis similes Christianos? Non. Illi enim nihil possent, nisi Deus permitteret. Sed nunquid Deum incusabimus? Nequaquā. Est enim ipse iustissimum iudicium. Nobis ipsi igitur irascamur. Nostra culpa hæc mala sunt. En
ita

ita etiam Hieremias eò nos ducit, vt peccata nostra agnoscamus, ac humiliter cõfiteamur, nos omnia hæc mala cõmernisse, tantòque citiùs ab eis essemus, vt & Deus à malis infligendis cesseret: quia cùm semel exardescit vt ignis ira eius, ardet vsque ad inferni nouissima, nec priùs cessat, quàm nos à peccando cessauerimus. Nulla alia re hunc igne extinguere possumus, nisi pœnitentia, lacrymis, cõfessione, en edatione. O vnica gutta lacrymarum, etiam magnum ignem iræ diuinæ extinguere posset. Probatum in Ezechia, qui quàm primùm vt flere cepit, remissus ad eum fuit Esaias, ad sententiam mortis super eam latam reuocandam. Sic & vnica confessio oris plurimùm huius ignis auertere posset. Dixi, inquit, confitebor aduersum me iniustitiam meam Domino, Et tu remisisti, &c. Hec ideo tam diffusè repetere volui. Video enim quòd ab hoc nodo omnia pendent. Dereliquisti, inquit, me, & ego dereliqui vos. Et contra. Conuertimini ad me & conuertar ad vos. Nunc igitur textum prosequamur. Sequitur enim in Hieremia.

Dent. 32.

4. Re. 20.

Psal. 31.

Iudic 10.
Zach. 1.

T E X T V S.

Cogitauit Dominus dissipare murum filia Sion: tetendit funiculum suum, & non auerit manum suam à perditione: luxique antemurale, & murus pariter dissipatus est.

Thren. 2.

Defixæ sunt in terra portæ eius: perdidit & contriuit vectes eius, regem eius & principes eius in gentibus: non est lex, & propheta eius non inuenerunt visionem à Domino.

Sederunt in terra, cõticuerunt senes filia Sion: consperferunt cinere capita sua, accincti sunt ciliciis, abiecerunt in terram capita sua virgines Hierusalem.

Defecerunt præ lacrymis oculi mei, conturbata sunt viscera mea: effusum est in terra iecur meum super contritionem filia populi mei, cùm deficeret paruulus & lactens in plateis oppidi.

Matribus suis dixerunt, Vbi est triticum & vinum? cùm deficerent quasi vulnerati in plateis ciuitatis

tatis: cum exhalarent animas suas in sinu matrum suarum.

- Hæc verba nō indigēt multa expositione. Pro maiori enī parte & suprà de hoc dictū est. Saepe enī Hieremias eadē repetit, more lugentiū, qui nunquā vidētur sibi satis explicasse mala sua. Vtitur quidē alijs ac alijs verbis, verū res est eadem. Interim tamen etiā aliqua admiscet, quæ vel prius dicta non fuerunt, vel ante dictis non nihil lucis addit. Sic in his verbis iterū loquitur destructionē ciuitatis suæ; & tēpli, idque multis verbis. Dominus inquit, destruxit & murū & antemurale, portas & vèctes. In miseriā coniecit regē & principes, senes & iuuenes, pueros & virginēs, &c. Interim tamē etiā ostendit, quomodo hæc acta sint. Non, inquit, fecit hoc Deus ex præcipatione, & sine præmeditatione, quæ in Deū nō cadit, sed cū cōsilio. Cogitauit Dominus, dissipare, hoc est, diū dissimulauit, diū expectauit, diū præmonuit. Deinde, retendit funiculū suū. Id est, omnia secundū mensurā æquitatis suæ fecit, sicut artifex funiculo vtitur, ne plū, vel minus faciat. Funiculus ille secundū quē Deus operatur, est infallibilis iustitia eius. Nobis quidē videtur aliquādo, quōd funiculus ille fallat, hoc est, quōd Deus vel nimīū puniat, vel plū æquo quibusdā indulgeat. Sic olim Iudei dicebant. Nō est æqua via Domini, &c. Ecce autē ipse eos pulchrē conuincit, quōd funiculus suus æquus sit. Vide ibidē per totū. Hoc idem etiā hic ostēdere voluit Hieremias: Vtitur scriptura
- Exch. 18.** etiā aliās hoc tropo. Vt cū dicitur: Mesus est Dauid duos funiculos, vnū ad occidendū & vnū ad viuificandū, hoc est, pœnas & præmia, quibusuis secundū merita & æquitatē dedit. Sic igitur Hieremias duo quædā in hoc versu nobis insinuat. Primū, quōd Deus nullū præcipitater perdit, sed dat ei tēpus & locum pœnitendi. Iuxta illud: Expectaui vt facerēt vvas, &c. Et iterū:
- Esa. 6.** Vocaui & nō audistis, &c. Secundū, quōd nulli iniuriā facit. Ita
- Prover. 1.** que vbicunq; & quā locunq; iudiciū Dei nos apprehēderit, certum est, non alia causa hoc fieri, quā quōd tēpus gratiæ negleximus vocatēque Deum contēpsimus. cogemurq; vel inuiti
- Dan. 9.** dicere. Tibi Domine iustitiā, nobis autem consilio faciei nostrę, quia peccauimus. Sed quid tandē sequitur, vbi Deus post longam expectationē, dissimulationē & vocationem, potentia & iudicio suo vtitur? Hoc nimirum sequitur, quōd omnia simul cadunt, murus & antenuneralē, portæ & vèctes, reges & princip

principes, senes & pueri. Quomodo enim horum aliquid coram iudicio Dei consistere possint? Vbi autem ea cadunt, in quibus confidimus, necesse est, vt miseria, infortunium, fames & omnia mala sequantur. Hoc Hieremias expertus est. Ideo de nouo planctum suum incipit. Defecerunt, inquit, prae lacrymis oculi mei, maximè cum deficerent paruuli & infantes prae fame. Cum dicerent matribus suis, Vbi est triticum, sicque corruerunt in plateis. Hæc quidem mala Hieremias aliquando illis imprecatus erat, cum tam impiè viuerent. Domine, inquit, da filios eorum in famem, &c. Nunc autem vincit eum affectus, non potest se à lacrymis continere. Sic nobis quoque agendum est. Peccantes durè arguendi sunt, ita tamen vt charitas & compasio in corde maneat. Sic igitur etiam ex hoc textu videre possemus, quo in statu res nostræ stant sunt. Scimus, quòd Deus diu peccata nostra dissimulauit, id est, diu penitentiam nostram expectauit, nec quicquam precipitanter nobiscum egit. Deinde, videmus quòd nunc etiam super nos funiculum suum extendit, hoc est secundum rigorem iustitiæ suæ agere intendit: Videmus, quid cogitet, nempe non cogitationes pacis, sed afflictionis & punctionis. Ad hanc iam dudum experti sumus, quòd antemurale nostrum cecidit & corporaliter & spiritualiter. Externè erat nobis Vngaria firmissimum antemurale: iam autem cecidit. Spiritualiter autem erat antemurale Ecclesiæ, Verecundia in iuuenibus, grauitas in senibus, iustitia in iudicibus, virtus in nobilibus, veritas in artificibus, fides in rusticis & simpliciteras, honestas in viris, pudor in fœminis, deuotio in sacerdotibus, religio in monasticis, obedientia in subditis, diligentia in rectoribus, atque vt paucis dicam, ordo in omnibus statibus, charitas erga omnes homines, timor erga Deum, pax inter principes, vnus spiritus eadèmq; mens in omnibus statibus. Hoc erat antemurale Ecclesiæ. Et quandiu hoc stetit, hostis non potuit peruenire ad muros. Verùm nunc cecidit. Nulla enim ampliùs disciplina in iuuenibus, nulla grauitas in senibus, &c. Declares per singula. Nec solùm cecidit hoc antemurale, sed etiam vestes & portæ destructæ sunt, hoc est, omnia quæ nos in disciplina & ordine possent continere, abolita sunt. Iamque hostis appetit murum. Adhuc senes, qui priùs consulere sciebant, nunc racent. Infatuauit Deus omnem sapientiam nostram, vt nemo in commune consul

consulere sciat. Insuper prophetæ non habent visionem, excrucati sunt, non vident quod populus ruat, non renocant, sed magis incitant. Hinc sit quod virgines, id est, decoræ illæ animæ etiâ decorem suum perdant. Pueri autem & simplices qui quæ famem verbi Dei patiantur. Et quomodo peius nobiscum esse possent Si Christianus es, perpende hæc. Si Ecclesiæ, si patriæ nostræ, si nobis ipsi bene volumus, Studeamus quàm primùm iram Dei, pœnitentia nostra mollire, &c. Oremus igitur.

CONCIO DVODECIMA.

*Ad idem, feria quarta, post Iudicæ:
quarto Nonas Aprilis.*

QUemadmodum præcedenti sermone, ita & nunc ab Euangelio iam dicto nobis auspicandum est. Habet quidem historiam, quæ diu ante facta est, sed tamen pulchrè huic temporì conuenit, imò vtrique idem processus est, adeò vt qui Euangelium hoc attendit, faciliè videre possit, quo in statu res nostræ sint, imò planè videbit, quod etiam nunc plùs Iudaicè quàm Christianè omnia agatur. Quæris quo modo? Audi. In exordio Euangelij dicitur, quod Iudæi venerunt ad Christum turmatim & pomposè, eumque circumdederunt, speciem boni prætendentes, quasi nihil aliud quærerent nisi veritatem, & eniq; expostulabant cum illo, quod non palàm ediceret quis esset, omni èmq; incredulitatis suæ culpam in eum iacere volebant. Quousque, inquit, animam nostram tollis? quasi dicerent. Non vides quàm cupidi simus agnoscendæ veritatis, non possumus quiescere nisi fundamentum habeamus. Cor & conscientia nos vrget, quod non possumus nõ quærere, hoc te meritò mouere deberet. Non cogitas, quod negotium hoc animas nostras concernit? Visne tot homines in incredulitate & dubietate relinquere, quibus posses vno verbo satisfacere? Affirmando enim vel negando posses omnes nos quietare. Si diceres, Ego sum Christus: Parati essemus omnes credere. Sin autem negares te esse Christum, iam necesse esset nobis alium expectare. Quousque igitur animam nostram tollis? &c. Vide, quàm bonam speciem illi prætendebant, quanquam suam malitiam hypocritæ tegebant. Quis credidisset sub tam bona specie aliquid mali

mali latere? Verùm in eum incurrerunt, qui non intueretur faciem, sed cor hominis: Qui omnium corda videt & scrutatur. *1. Reg. 16.* Is etiam pulchrè laruam hypocryseos ipsi detrahebat, detegens ipforum malitiam, eosque conuincens, quòd perditionis ipforum nemo alius culpam haberet, quàm ipsi met. Loquor, inquit vobis, & non creditis. Et iterum. Opera quæ facio testimonium perhibent de me, &c. Sed vos non creditis, quia non estis ex ouibus meis. Sic igitur factum est, quòd qui primò culpam suæ incredulitatis in Christum conferre volebant, hi nunc conuincuntur, quòd ipsi met in causa essent. Sed quid securum est, quòd in fine tantò magis se prodit ipforum malitia, quòd diligentius eam in exordio bona specie obtexerāt. Hic fuit processus in ea disceptatione Iudæorum cum Christo. Utinam apud nos tale quid nunquam vel videretur, vel audiretur. Verum heu nimium, hæc etiam apud nos fiunt, & ibi potissimū, ubi omnium minimè congruebat, nempe in conciliis, comitiis principum, aliisque publicis conuentionibus. Illic enim omnia cum summa grauitate agenda essent. Illic, inquam, nihil aliud cogitandum, ne dicam, agendum, quàm quòd ad pacem & veritatem, & ad conseruationem Reip. ædificationem Ecclesiæ, & promotionem pietatis cōducere posset. Attendantur autem omnia comitia principum multis iam annis celebrata non eundem processum in exordio, medio & fine habuerint, quem habuit hæc Iudæorum disceptatio, in bodierno Euangelio? Quæris, quo modò? Primò cū ad comitia conuenitur, Nemo non bonam speciem prætendit, omnes se fatentur Christianos, & obediētes principes & status. Nullus de se dici vult, quòd vel impiè vel inobediēter agere velit, aut quicquam vel contra Deum & veritatem, vel contra Cæsarem & obediētiā publicāque pacem moliri intendat, & super hoc omnes protestantur. In summa nemo malæ aut peruersæ mentis reputari vult, nemo aquam turbauit aut turbare intendit. Hoc est exordium comitiōrum. At cū de rebus communibus tractari incipitur, hic iam se produnt affectus, hic quilibet attendit suum commodum, hic iam vtilitati Reipub. proprium commodum præfertur: quilibet curat ne sibi aliquid decedat, quilibet aduersarium suum opprimere nititur. Hic iam Christus in medio Iudæorum consistit. Hic iam vndique contra Cæsarem clamant: Quo vsque animam nostram tollis? Altera pars clamat. Quandiu ò Cæsar, pati vis impiam illam & scand

scandalosam vitam ecclesiasticorum? Altera è diuerso clamat. Quandiu toleras proteruiam, leuitatem & summam illam licentiam, & tyrannidem pseudoeuangelicorum? Hic clamat: Quousque non restituis miseros illos spoliatos & eiectos in pristina sua bona? Alius clamat. Quousque non etiam alios, quos nos intactos reliquimus, non effugas & eiicis? Sic igitur, vt dixi, Christus inter Iudæos stat, Cæsar inter inquietos principes. Quid igitur hic faciet bonus ille Cæsar? Imò quid aliud facere potest, quàm quod Christus hic fecisse legitur. Reuera enim dicere potest vtrisque, Loquor vobis, sed non creditis. Quod meum est facio & feci, sed non curatis. Opera quæ feci & facio, satis indicant, quòd commodum vestrum quero, quòd nullam partem opprimere tento, sed omnia libenter cum pace componere vellem. Satis superque vos Euangelicos admonui, vt ad sanam mentem redeatis, & ab incepta proteruia cessetis. Satis etiam vos Ecclesiasticos admonui ad emendationem vitæ, & superstitionum: Vtrinque fructum debitum expectabam & emendationem. Loquor & admono adhuc, sed nemo audit, Vultis scire causam? Non estis ex ouibus meis. Prærenditis nomen Catholicorum principum. Et tamen nec vna gutta Christiani sanguinis in vobis esse dignoscitur, alioqui nunquam propter affectus & commoda vestra pateremini, nedum Germaniam, sed totam etiam Ecclesiam tam misere scindi & perire. Ostenditis vos quasi obedientes status. Verùm nullam obediẽtiam in vobis video. Vos ecclesiastici nondum cogitatis vel minimum quiddam in impia vita vestra, vel superstitionibus emendare: Sed nec vos Euangelici, cogitatis à proteruia seditiosisque actibus vestris, quantumvis Euangelio contrarij sint, desistere. Quid igitur faciam? Nihil iustius facerem, quàm vt deinceps & ego tacerem, manum auerterem, vósque simul perire sinerem, ac in iudicium Dei quod proximè vobis imminet tensis velis incurrere? An non bonus ille Cæsar sic principibus & statibus imperij dicere posset? Necdubium, quin frequenter sic secum cogitet. Hic igitur vt plurimum secundus actus est, & medium comitiorum nostrorum. Quem autem finem consequantur? Hunc nimirum: quòd post longam disceptationem, ad propria redimus proterui & inemendati, vt priùs: & si affectibus nostris non omni ex parte satisfacit Cæsar, vtraque pars in eum concitatur, libenter lapides in eum coniiceret, si posset vel auderet. Sic igitur

tur nihil ex comitiis nostris reportamus, quem vacuas crumenas & inquieta ac exacerbata corda. Si prius mutuo nos odio habuimus, nunc multo amplius hoc facimus: Si prius proterui fuimus, nunc multo proteruius efficimur, nihil aliud cogitantes, quam quomodo alius alium, quam primum perdere & opprimere possit. Sic concludimus nostra comitia. Faxit Deus, ut hæc quæ nunc celebrantur, meliore & magis Christianum finem & exitium consequantur. Quid autem boni sperari potest, ubi tam proteruè omnia aguntur? Imò quid aliud expectare possumus, nisi certam & omnimodam perditionem? Cui igitur succensebimus ob hoc? Num Deo? Nequaquam. Ipse enim, quod suum est, abundè fecit & facit. Num Cæsari? Hoc quidem libenter faceremus. Verùm commodè facere hoc non possumus. Esto enim, quod plerique in ipso maiorem & diligentiam & magnanimitatem desiderant: Homo enim est, nec solus omnia potest. Reuera tamen si alij decimam partem curarum & solitudinis huic negotio impendissent, quam bonus ille Cæsar impendit, iam dudum consultum esset Ecclesiæ & Germaniæ. Nos igitur in culpa sumus, qui nec Deum nec Cæsarem audimus. Iustè igitur & à Deo & à Cæsare relinquemur. En, fratres, in hoc statu sunt res nostræ, sic igitur se ipsa conuincimur, quod eadem agimus quæ Iudæi, in hoc Euangelio egerunt. Quid igitur agendum nobis est, quandoquidem comitia principum nihil aliud sunt, quam perpetuæ concertationes, semperque plus damni quam boni adferant? Clamandum ad Deum, ut ipse principum corda emolliat, eumque spiritum ipsi infundat, qui non querat quæ sua sunt, sed tantum quæ ad pacem, veritatem & commodum Reipub. potissimum autem quæ ad concordiam in rebus fidei & religionis conducant. Ob hanc autem causam hodie conuenimus. Hoc enim vnicum illud refugium nostrum est, ut à Deo auxilium queramus, quando homines tam distorti & perversi, obstinati & indurati sunt. Effusa est contentio super principes, & errare eos fecit Deus in iuio, & non in via. Imò à senioribus Israël egreditur, & pro-

*Psal. 106.
Dan. 13.
Psal. 145.
Psal. 117.*

uenit omne malum. Impediturque omne bonum Ecclesiæ. Non est igitur, quod confidamus in principibus. Multo melius est sperare in Domino. Ad hunc igitur nos conuertamur. Hunc inuocemus. Ad hoc autem etià Hieremias postea excitabit in Threnis suis. Vbi in totum ea proponit, quæ etiam quāto magis durum hominem ad fletum & orationem excitare possent.

T E X T

TEXTVS.

Postquam Hieremias multa & magna mala enumerasset, tandem exclamationem addit, & quidem insignem.

Cui, inquit, comparabo te vel cui assimilabo te filia Hierusalem? Cui adæquabo te & consolabor te virgo filia Syon. Magna enim est velut mare contritio tua. Quis medebitur tui?

Hunc versiculum hodie considerabimus. Pulchrè enim congruit tēpori nostro & statui præsentis Ecclesiæ, eò diligentius aures & arrigendæ nobis sunt, & animus intendendus. Loquitur quidem Hieremias de sua ciuitate & populo: sed non tantum: non enim fuit historiographus sed propheta, nec tantum ex humano & naturali affectu hunc planctum fecit, sed ex spiritu sancto. Vnde non dubium est, quin latius se extendat quàm ad solam illam Hierusalem, eiusque populum & incolas. Quomodo igitur dicit? Cui comparabo te virgo filia Syon? &c. Iam antè dixi, quòd Syon & Hierusalem in hoc libro pro eodem accipiuntur: Hierusalem enim erat ciuitas. Syon autem, arx eiusdem. Accipiunt autem pro populo ibidè commorante. Quod autem filiam Syon & Hierusalem in singulari nominat, non sic intelligendum, quòd de vna sola persona loquatur. Imò, vt iam dixit, per huiusmodi nomina Syon & Hierusalem, intelligit populum in eis commorantem: Continens pro contento. Nec solum eum populum, qui in illa ciuitate morabatur, sed omnes etiam, qui ei ciuitati subiecti erant, hoc est, totum populum Iudaicum. Hoc autem

Zach. 9. frequens est in scriptura, maximè in prophetis. Vt cum Zacharias dicit, Dicite filix Syon: Ecce rex tuus, &c. Non ad vnā personam, sed ad totum populum locutus fuisse intelligendus est. Iucundius autem sonat & dulcius, cum prophetæ dicunt filia Syon, quàm si dicerent, Vos ciues Syon & Hierusalem. Et idèd hoc modo loquuntur prophetæ, vt populus affectum ipsorum videant, indèque sibi persuadeant, nedum prophetas, sed ipsum etiam Deum illis bene velle, omniāque ob ipsorum commodum & salutem & dici & fieri. In hoc tamen libro hic modus loquendi potius est Sarcasmos, id est, amarulentus iocus, quàm iucunda & dulcis allocutio. Nominat enim eos filiam Syon & Hierusalem, quasi exprobrando & irridendo, quasi

quasi diceret. Eras quidem dilectus ille puer, decora illa filia, quam & Deus & homines amabant, quid autem & qualis nunc es? Nempe tam misera, deformis, abiecta, quod similem tui nusquam video, aut inuenio. Cui comparabo te? In Hebræo habetur, Quale testimonium de te feram? quasi diceret. Quid de te boni dicere possum? Inuenio quidem alios magnifice de te locutos esse. Sic enim Moses olim dixit. En populus magnus & sapiens. Et: Non est alia natio quæ habeat deos suos appropinquantes sibi sicut tu. Itemque: Te elegit Dominus Deus tuus, ut sis ei populus peculiaris de cunctis populis, qui sunt super terram. Sic Baruch: Non hos elegit Dominus, sed te. Beati igitur sumus, ô Israël, quia quæ Deo placita sunt, manifesta sunt nobis. Sic Dauid: Non fecit taliter omni nationi, & c. Imò & extranei olim te laudabant. Ut Balaam. Quam pulchra, inquit, sunt tabernacula tua Iacob, & c. Ego autem nihil horum nunc de te dicere possum, quia nihil boni, plurimum autem mali in te video. Quale igitur de te testimonium feram? Nec hoc solum. Sed insuper, cui assimilabo te, subintelligendum tam in peccatis, quam in pœna, quasi diceret. Nullum inuenio populum, qui terribilius punitus sit: sed nec quenquā inuenio, qui plus & atrocius peccauerit. Cui igitur assimilabo te? Num Sodomitis aut Samaritæ? Hæ quidem ciuitates pessimæ fuerunt, & misere interierunt. Quid autem dicit Ezechiel de te? Iustificata est Sodoma respectu tui, & Samaria dimidiū peccatorum tuorum non fecit. Cui igitur comparabo te? Num Niniuitis aut Tiro & Sidoni? At Niniuitæ quantumuis mali fuissent, tamen pœnitentiam egerunt, ad prædicationem Ionæ, Tyrus autem & Sidon non habuerunt, quæ tu habuisti. Imò si in eis facta fuissent, quæ in te facta sunt, dudum pœnitentiam egissent. Vnde & Niniuitæ pœnam comminatam effugerunt, & Tyrus Sydónque etiam in nouissimo die remissius iudicium habebunt. Cui igitur comparabo te? Num Aegyptiis & Babylonis? Et hi quidem pessimi fuerunt, sed quomodo aliud poterant, cum Deum ignorarent? Longè aliter se res tua habet. Tu sciui sti voluntatem Dei. Ideo peccatum tuum omnibus aliis præponderat: Debebas primum locum tenere in omni pietate, ut omnes alij exemplum de te sumere possent. Nunc autem summum locum obtines in malitia, quod propter te etiam nomen Dei blasphematur inter gētes. Vides hic, quomodo Hieremias peccata populi sui aggrauat? Quin & hoc addit. Cui exequabo

L L te, &

Deut. 4.

Deut. 7.

Baruch. 3.

Psalm. 147.

Numer. 14.

Ezech. 16.

Ione 3.

Matt. 11.

- te, & consolabor? In Hebræo sic habetur, Quem tibi proponā, ut consolari te possim? Hoc signanter ad pœnam refertur, sicut præcedens ad culpam. Consolationem enim nonnullam præstat afflictis, eum audiunt eadem etiam alios sustinuisse.
- Indich.* Gaudium est miseris, socios habere pœnatum. Sic Iudith exemplis Patrum, qui sub cruce laborauerant, populum suum consolabatur in tribulatione præfenti. Idem faciebat Mathathias,
- 1. Mac. 2.* tempore persecutionis sub Antiocho. Idem facit Paulus, enu-
- Hebr. 11.* merando exempla Patrum in epistola ad Hebræos. Hiero-
- 12.* mias autem conqueritur, nullum se inuenire exemplum, quo Iudæos suos consolari possit, quasi diceret, Multos quidem inuenio, qui puniti, vastati & captiuati fuerunt, sed nullum populum, nullam ciuitatem inuenio, quæ tanta perdidit, ut tu. Quam longè enim prius omnes ciuitates & regiones antecel lebas, in gratia, bonis, & fortuna, tam longè eos nunc præce- dis in malis & infortunio. Et quid opus multis? Magna est ve- lut mare cōtritio tua. Nihil sub sole maius, profundius, inscru- tabilius, inenarrabilius, quàm mare: sic etiam cōtritio tua est, ut nemo satis eam exprimere possit. Nec enim vnquam aliqua ciuitas, à tanta dignitate in tanta miseria peruenit: Imò tan- tà est cōtritio tua, quòd nulla ampliùs spes reliqua est. *Quis*
- Hier. 30.* enim medebitur tibi? quasi diceret nemo. Etiam si medicus omnium medicorum è cælo veniret, non tamen sanitatem re- cipies. Cur hoc? quia insanabilis plaga tua, & planè desperata effecta es lapide. Peccatum tuum scriptum est stylo ferreo, in vngue a Samaritano. *Quis* igitur medebitur tibi? En hæc con- que ritur Hier. in hoc versu. Et quis non videt omnia hæc
- 1. Petr. 2.* etiam iam in nobis compleri? Primò enim certum est, quòd nos fuimus genus electum, gens sancta, &c. (Sic enim nos no- minat Petrus) fuimus filij & populus, imò & sponsa Dei, sic enim Paulus in multis locis Christianos nominat. Vita autem nostra omnibus huiusmodi titulis nos indignos reddit. Dein- de nec facillè inuenies populū, qui non in omnibus tam proter- uè & impiè agat. Cui comparabo te, o sancta Ecclesia? Paulus te comparat celesti Hierusalem, & ita esse oportebat. Quo- modo autem Hierusalem dici potest, vbi nihil nisi discordia & tumultus videtur? Quomodo ciuitas Dei dicenda est, vbi diabolus omnia pro libitu suo agit? Hierusalem deberes esse, o Ecclesia, sed Babylon effecta es. Nihil enim aliud iam in te vide

videtur, quàm omnimoda confusio, deordinatio, omniumque rerum vastatio, ut nemo pius non ob hoc conqueratur. *Mo. Zach. 2.*
 nec quidem nos nō semel scriptura, ut fugiamus ē Babylone, *Apoc. 18.*
 at nos hoc non obstante ipsissima Babylon sumus. Præterea
 nec facile proponere potes, vel populū vel ciuitatem aliquam,
 quæ simul tot malis obruta fuerit ut Ecclesia hoc tempore. Ni
 si fortè terrenam illam Hierosolymam proponere velis. Ve-
 rum hoc exemplum non nos consolatur, sed potiùs terret. Si
 enim illis non pepercit, qui naturales rami fuerunt, nec nobis *Roma. 11.*
 parceret, qui aliundè nempe ex oleastro insiti sumus in bonam
 oliuam. Si illi non effugerunt, qui in terra loquentem non au- *Hebr. 12.*
 dire voluerunt, multominus nos qui ē cœlo loquentem con-
 temnimus. In summa, contritio nostra est sicut mare, nemo
 satis vel cogitare vel edicere potest: Desuper enim irascitur
 Deus, de subtus terra negat fructus suos dare. Ex utroque late-
 re irrumpunt hostes, intrus autem summum nobis ipsi dam-
 num inferimus, discordia & bellis ciuilibus. Quis igitur me-
 debitur nostri? Certè nullus: nisi ad Deum conuertamur. Cui
 igitur te comparabo, ô sancta Ecclesia? ô dilecta patria? Tota
 enim informis es, tota misera, &c. Vides quò nos ducat versus
 hic, nempe non ad desperationem, sed ad pœnitentiam. Hæc
 enim est, quæ nobis omnia restituere & reparare posset. Hoc
 igitur cogitemus. Hoc opere compleamus. Ad hoc nos signan-
 ter admonet quadragesimale tempus, imò hoc summè neces- *Matt. 3.*
 sarium est. Securis enim ad radicem arboris nostræ posita est. *Luc. 13.*
 Et nisi pœnitentiā egerimus, omnes simul peribimus. Quæ- *Esa. 55.*
 ramus igitur Dominum, dum inueniri potest, &c.

CONCIO DECIMATERTIA.

Ad idem, Nonis Maij.



N V L I V M hodie Euangelium habemus, vn-
 de exordium huius sermonis sumere possim,
 quemadmodum in quadragesima, vbi semper
 Euangelia quotidiana ansam loquendi de rebus *Ioan. 10.*
 nostris præbebāt. Ut in nouissimo sermone Euā-
 gelium mentionem faciebat Iudæorum, bona quidē specie ad
 Christū venientiū, & blādē quærentiū, nū ipse esset Christus. In

LL 2 fine

- fine autem tumultuantium & lapidare volentium, quæ res nobis occasionem dabat orandi Deum, ut sua gratia præueniret, ne idem fieret in comitiis his principum, ut scilicet, bene conceptum bona specie, cum tumultu finiretur. Sic & in precedenti
- Matt. 12.* sermone Euangelium erat de Iudæis signum querentibus è cælo, quos Christus nedum durè arguit, sed etiam omni gratia deinceps indignos pronunciat: peiores eos gentibus facit, & tandem diabolo tradit: quod idè nobis ansam dabat timendi & cauendi, simulque orandi Deum, ne in idipsum exemplum obstinationis incideremus. Sic igitur utrunque Euangelium exordium sermonis nobis dabat: At hodie nullum tale
- Luc. 19.* Euangelium habemus. Non tamen deerit exordium huius sermoni. Imò vnicum illud verbum Christi, quo hos sermones omnes incipio, facis occasionem dat & loquendi & cogitandi de periculosis temporibus nostris, terribilique cursu mundi. Ad huiusmodi enim cogitanda & pensanda, hodie iterum conuocari sumus, simulque ut Deum oremus, pro gratia, apudque ipsum
- Eccle. 9.* & consilium & auxilium queramus, quandoquidem plùs satis nunc experti sumus, verissimum esse, quod in scriptura legitur, nempe, quòd nec velocium est cursus, nec fortium bellum, nec sapientium panem, nec doctorum diuitias, nec artificum gratiam, hoc est quòd neque sapientia, neque potentia nostra quicquam efficere possumus: ubi Deus non vult & cooperatur. Sic
- Psal. 32.* enim de sapientia nostra dicit Dauid, Dominus dissipat consilia gentium, reprobat etiam consilia populorum & principum. Ipsi autem consilium manet. De potètia autem nostra dicit, Non saluatur rex per multam virtutem, &c. Meritò igitur omnes nos monet Hieremias, ne sapiens gloriatur in sapientia sua, aut fortis in fortitudine sua, &c. sed qui me agnoscit, ut eum qui facit misericordiam & iustitiam, is gloriari potest. Is etiam plura & maiora perficiet, quàm mundus omni sua sapientia & potentia. Huius plura exempla adducere possem, si non ipsi nobis exemplo esse possemus. Certum est, quòd Germanicæ nationi, imperio nostro, imò Ecclesie hætenus nec sapientia, nec potentia defecit, secundum iudicium mundi. Interim tamen nihil aut parum effecimus, aut prosperè egimus, quod certum iudicium est, sapientiam & potentiam nostram non sufficere ad res benè agendas: Imò in Esaia maledicuntur etiam, qui vel
- Esa. 30.* in sapientia sua vel in potentia mundana cōfidunt, Vx, inquit,
- Esa. 31.* filij desertores, qui capiunt consilium & non ex me, & ordiuntur

tur

tur telam, sed non per spiritum meum. Et in cap. sequenti. Vx,
 qui descendunt in Aegyptum, ad auxilium impetrandum, con-
 fidentes in equis & curribus &c. quæ cum ita sint, meritò nos
 monemur, auxilium & consilium à Deo postulare, non obstan-
 te, quòd principes nunc de rebus communibus consultant, &
 quòd milites ad bella se præparent. Imò oratio piorum in hac
 re plùs operari potest, quàm omnia principũ cõsilia, aut etiam
 militum arma: id quod olim in Mose probatum est, qui plùs *Exo. 1.*
 contra Amalechitas egit orando, quàm Iosue pugnando. Quia
 & aliàs aliquando compertum est, quòd principibus cessanti-
 bus, simpliciores quique Rempub. conseruauerunt ab hostibus.
 Hoc enim Delbora specialiter in suo Cantico extollit. Noua,
 inquit, bella elegit Dominus, per humiles scilicet deuincendo
 hostes. Nam diuiso contra se Ruben, magnanimorum reperta *Iudic. 5.*
 est contentio, Galaad quiescebat, Dan vacabat nauibus, &c. Za-
 bulon autem & Neptalim minimæ scilicet tribus fortiter ege-
 runt. Hoc etiam nunc fieri potest. Imò meo iudicio sic fieri ne-
 cesse est, vt, scilicet pauperes se hostibus opponant, orando,
 quando videmus principes cessare & perpetuis disidiis inter
 se configere, ac malle simul perire, quàm alterutris vel in
 minimo cedere. Imò malle Turcis rem Christianã & seipfos
 prodere, quàm Christianis paululum de iure suo concedere.
 Imò de iniuria remittere. Et quid boni expectare possumus,
 à tam malè affectis principibus? Eò magis nos ipsi arma no-
 stra spiritualia sumere debemus ac pugnare: Esto enim, infir- *1. Cor. 10.*
 mi simus, arma tamen nostra potentia sunt Deo, ad destru-
 ctionem munitionum, &c. Eò confidentius igitur arripienda,
 maxime cum Christus ipse in verbo præmissio tam euidenter
 periculum nostrum nobis prædicat, & cum tanta compassio-
 ne & affectu, vt nemo dubitare possit, quin adiuturus esset,
 si nos mala nostra agnoscentes gratiam eius imploraremus.
 O sic cognouisses & tu (inquit) quasi apertissimè diceret. Si
 agnoscere posses malum tuum, sine dubio sentirens auxilium
 meum. Sic igitur vnicum verbum hoc, sermonis huius exor-
 dium dare posset. Restat igitur, vt id ipsum cordi impri-
 mamus. Ob eam causam hætenus cum eo proposui Threnos
 Hieremiæ, si fortè oculi nostri aperirentur. Cui enim is liber
 oculos non aperit ad videnda mala sua. huic nescio quid agen-
 dum sit. Atqui hoc maxime nos impedit, quòd nondum vide-
 mus mala nostra. Ideò nihil nõ tentandũ est, quod nobis oculos

aperire possit. Atque quod hactenus egi in his sermonibus, hoc & nunc agam. Utinam cum fructu.

T E X T V S.

- Thren. 2.* Sic igitur in præcedentibus Hieremias noster querulatus est. Quomodo obtexit caligine filiam Sion? &c. Et paulò post, Cogitavit Dominus dissipare murū filiæ Sion, &c. Et tandem cum exclamatione. Cui assimillabo te filia Hierusalem? Hunc versiculum in nouissimo sermone exposui. Nunc autem in eisdem lamentationibus progredi volentibus, occurrit & interuenit Sanctus Dauid, cum suo planctu, quem habuit super
- 2. Reg. 1.* Saulem & Ionathan, superque populū Israël, qui in bello contra Philistæos miserè ceciderat. Hæc, inquam historia casu se nunc obtulit, nec videtur abs te esse, si vtrunque simul audiamus, Dauidem scilicet & Hieremiam: quādoquidem vtrique eodem spiritu ducti & eodem compassionis affectu mala populi Israëlirici planxerint, ad cōmonitionē nostri & omnium posterorum. Si enim Dauidis planctus ita acceptus fuisset, ut oporteret, non secutus fuisset plāctus Hieremiæ. Si ad parua mala & plagas obstupescere & emendari sciremus, non timenda nobis essent maiora mala. Cū Dauid plāgeret, tolerabile adhuc malum erat. Semel tantūm vicerant hostes, & aliquot milia Israëlitarum occiderant, vnā cum Saule & Ionatha, verūm maior adhuc populi pars restabat. Supererat etiā & adhuc Dauid verus rex, promissionē habens à Deo Philisteos per ipsum debellandos: Nihilominus tamē plagam hanc populi sui tam anxie deplorabat, ac omnibus inculcatam volebat. Non enim tantum cogitabat, quid acciderat, sed quid in posterum accidere posset. Nec tam enim mouebat recens illa quam acceperant plaga, quā futurum periculū quod timebat. Sciebat nempe
- Leuit. 26.* Deum ita prædixisse, quod si vna plaga nihil ad emādationem populi faceret, se septem plagas simul missurum. Et si parua correptio eos ad emendationem non adduceret, se eos penitus
- Deut. 28.* deleturum. Hoc considerabat Dauid in suo illo planctu, hoc etiam omnibus inculcatum volebat. Quod si Israëlita cēdem illam in bello acceptam sic considerāssent, ut cōminationem maiorum malorū, certè non coactus fuisset postea Hieremias videre, & ciuitatem & populum & templum & omnia vastata esse. Verūm quia minora negligebāt mala, in maiora cū tempore inciderunt, è quibus & sequutæ sunt lamentationes illæ Hieremiæ. Omnia autem hæc nobis dicta putemus. Quod
Dauid

Dauid planxit, hoc nos in quotidie experimur. Quod Hiero-
 mias planxit, hoc omni hora expectamus & timemus. Quoti-
 dianas, inquit, cedes & plagas experimur. Extrema & omni-
 moda perditio & vastatio præ foribus est. Non abs re igitur
 vtrunque Prophetam hodie simul proponere constitui. Si didi-
 cerimus cum Dauidе quotidiana & minora mala deplorare,
 ac per ea ad emendationē adduci, diutius securi erimus à ma-
 ioribus malis, & omnimoda perditione. Audi igitur quid Da-
 uid fecerit eo tempore, cum malè pugnasset Israël contra Phi-
 listeos. Fama ad ipsum peruenerat & Regem & populum ceci-
 disse in prælio: Philisteos autem ob hoc exultasse & idola sua
 laudasse, Deum autem verum blasphemasse, denique etiam 2. Reg. 1.
 contumeliam ingessisse corporibus occisorum Israëlitarum.
 Hoc quàm primùm audiuit Dauid & comperit esse verum, sci-
 dit vestimenta sua & omnes qui illi assisiebant, insuper & fle-
 bant, iugebant & ieiunabāt super Saul, & alios, qui cum eo ce-
 ciderant. En hoc factum Dauidis quàm primùm damnat duri-
 tiam nostram & oscitantiam, qui nihil mouemur, quantumuis
 vel Christianitati vel etiam honori Dei decedat. An non audi-
 mus, quantum inualescat hostis noster? An non præ oculis qua-
 si videmus, quot vrbes, regiones, regna occuparit nostris tem-
 poribus, quot milia Christianorū occidat & mactet, quot mi-
 lia in seruitutem abducatur, quantam cōtumeliā irroget occisis
 & captiuis, quantum insolescat etiam contra Christum, & quic-
 quid Christianum & diuinum est? An nō his annis multos mi-
 lites perdidimus, quorū plerique nedum fortitudine cum Sau-
 le, sed etiam probitate cum Ionatha cōparari poterant? An non
 videmus, nūc hos principes, nunc has vrbes & regiones desci-
 scere, & ab vnitatē Ecclesiæ se separare? An non videmus senes
 & probatos mori, in omnibus statibus autem iuuenes Deum
 ignorantes, & non timentes succrescere? An non videmus,
 quàm misere simpliciores seducantur sub specie boni? quàm-
 que lamentabiliter iuuetus ad omnia mala inducatur? In sum-
 ma, videmus multa milia animarū perire, & diabolū omni-
 bus nunc agere, vt & corporaliter & temporaliter nos per-
 dat. Hæc, inquam, audiuimus & vidimus, audimus & vide-
 mus. Quis autem nostrū adhuc vestem suam ob hoc scidit,
 quemadmodum Dauid? aut quis vel tantillo minus ob id co-
 medit, bibit, dormiuit, lussit, nugatus est? quis eo plus fleuit,
 orauit, & ad emendandam vitam cogitauit? Ecce quomodo
 perit

Esa. 57.

perit iustus (ait Esaias) & nemo percipit corde: Viri misericordix tolluntur, & nemo intelligit. Si hæc suo tempore dixit Esaias, quid nunc diceret? quod enim tunc contingebat in vno & altero, hoc nunc contingit in multis milibus, qui pereunt: nemo tamen hoc percipit corde: Nullus adhuc Dauid se ostendit, qui plangere incipiat. Et vnde tanta in nobis insensibilitas & stupor? Non aliunde, quàm quòd nec dum videmus, quo in

Lucæ 19.

statu sint res nostræ. Abscondita sunt hæc ab oculis nostris. Dauid autem videbat, quò tenderet & quid portenderet cædes illa populi. Videbat, inquam, quòd erat præmonitio & comminatio maioris mali, si non ad Deum conuerterentur. Ideò in tantum rem exaggerat. Et nos si sciremus, quòd omnia mala & infortunia, quæ quotidie in præliis & alibi experimur, nihil aliud sunt, quàm cõminationes maiorum malorum sequutorum: certè etiã nos vestes & corda scinderemus, plangeremus, ieiunaremus, & feruentius orationi insisteremus. Hoc igitur primo loco nos docet Dauid in suo planctu. Sed quid amplius fecit idem Dauid in tempore tam tristi? Præcepit, vt docerent filios Iuda arcû. Quid hoc sibi vult? aut quid hæc ad nos? Multum per omnem modum. Volunt quidã, quòd planctum illum suum & carmen lugubre vocauerit arcû, propterea, quòd in eo ostenderetur, quomodo arcus fortitû superatus sit. & occisi, qui prius vincere solebant. Voluit igitur Dauid, vt filij Iuda discerent, hoc carmen, quo semper admoneretur acceptæ cladis, vt sic magis etiam intimore Dei ambulant, & cautiùs si dimicandum esset cum hostibus congredierentur. Alij volunt, quòd præceperit, vt discerent artem sagittandi, quandoquidẽ Philistæi hac arte Saulem vicerant. Nam vulneratus dicitur à sagittariis. Et quidem textui non dissonant. Verùm non satisfaciunt. Nec enim simpliciter dicitur Dauid præcepisse, vt discerent arcum, sed additum est, sicut scriptum est in libro iustorum. Aliòqui nihil noui fecisset Dauid. Nam & mundus suos milites prius exerceat, & instruit armis. Imò non opus fuit, vt Israëlitarum discerent artem sagittandi, quàm prius sciebant. Nam de Ionatha idem Dauid in hoc ipso planctu dicit. Sagitta Ionathæ nunquam retrorsum abiit, &c. quomodo igitur Dauid tantopere vrgeret hanc artem sagittandi, quæ tamen Ionathæ nihil profuerat? Alium igitur arcum docere voluit, non sci, licet eum, qui discitur in scholis athletarum, sed eum, qui scriptus & expressus est in libro iustorum. Is autem liber

2. Reg. 1.

2. Reg. 31.

nullus

nullus alius est, nisi sacra scriptura, quam David hic librum
 iustorum nominat, propterea, quòd iustorum illic fides & vi-
 ta describitur. Eandem scripturam sacram, Moses nominat
 librum. bellorum domini, propterea quòd illic describitur,
 quomodo Deus hostes suos & populi sui deiiciat. Quis igitur *Num. 11.*
 est ille arcus, quem docet scriptura sacra? aut ubi scriptu-
 ra docet arcum? Audi: Cùm Moses populum suum trepidan-
 tem videret ad mare rubrum, propter aduentum hostium cla-
 mauit, Nolite timere: State & videte magnalia Dei, &c. Hic
 docuit eos arcum, hoc est, veram artem sagittandi & bellan-
 di, nempe fidem & fiduciam in Deum. Sic cùm idem Moses *Exod. 14.*
 Iosue misisset aduersum Amalechitas in pugnam, ipse oratu-
 rus conscendit montem. Et hic docuit scriptura arcum, id est, *Exod. 17.*
 veram fortitudinem, quæ consistit in orando & inuocando *Prou. 18.*
 nomen Domini. Turris enim fortissima nonen domini. Sic
 cùm Moses dicit. Si audieris vocem Domini Dei tui, Ipse *Deut. 18.*
 pugnabit contra inimicos tuos, &c. Et hic docet eos arcum,
 nempe timorem Dei & pietatem, quæ fortissimum telum est
 aduersus hostes quoscunque. In summa, per arcum hic David
 nihil aliud intelligit, quàm veram fortitudinem, quæ nihil
 aliud est, quàm manus & auxilium Dei. Hoc arcu Abraham *Genes. 14.*
 solis suis vicit vernaculis quinque reges. Hoc arcu Iosue vicit *Ios. 12.*
 triginta & vnum reges: In hoc arcu sperabat Iosaphat, cùm
 diceret. Cùm ignoramus, quid agere debeamus, hoc solum
 reliquū est, vt oculos nostros ad te Deum nostrū leuemus, &c.
 Hoc arcu si vsus fuisset Saul, non periisset. David autem nun- *2. Par. 10*
 quam non hoc arcu vsus fuit. Diligam, inquit, te Domine vir-
 tus mea, Dominus firmamentum meum, &c. Et paulò post. *Psal. 17.*
 Tu præcinxisti me virtute ad bellum, docuisti manus meas
 ad prælium, & posuisti vt arcum æreum brachia mea. Et quod
 ipse in propria necessitate fecerit, hoc nunc etiam vult à po-
 pulo fieri in communi malo. Docuit eas arcum, id est, hor-
 tatus est ad fidem, deuotionem, orationem, pietatem & timo-
 rem Dei. His enim armis patres vicerunt. Et quid melius
 docere potuisset? Alius post acceptam cladem exercitum re-
 parasset & auxisset, &c. David autem videbat hoc nihil pro-
 futurum, sicut nihil profuerat Sauli. Præcipit igitur, vt ve-
 rum arcum discerent, id est, veram fortitudinem à Deo qua-
 rerent. Sciebat Saulem ideo periisse, quia non posuerat Deum
 adiutorem suum. Et quid etiam nos hoc tempore melius

discere possumus? Præparamus nos vndique ad prælium, &c. hoc autem omnium maxime necessarium esset, ut eum arcum, eam artem bellandi disceremus, quam scriptura nobis tradidit. Sic enim possemus hostibus nostris resistere. At nos nihil minus curamus. Quid igitur mirum, quod ubique infelicitè pugnamus? Hoc igitur secundo loco è Davide discamus. Verum nunc etiam verba ipsius audiamus. Considera, inquit, ô Israël, super his, qui interfacti sunt, &c. His verbis non tam eos admonet, qui è prælio aufugerant, quàm eos qui domi remanserant. Vult ut non contemnant sed magni æstiment cladem acceptam, cogitentque quos amiserint, & ubi, & per quos. Omnia enim hæc ipsam cladem exaggerant. Primo enim non mirum est, ubi impij cadunt, hi enim nihil boni à Deo sperare possunt. hic autem non infideles & pagani, sed populus Israël cecidit. Et in terra sua cecidit, quod longè miserabilius est, quàm si in terra aliena cecidisset. Postremò ab infidelibus & idololâtris cæsus est, quod omnium maximum est. Omnia autem hæc certam iram Dei & magna demerita populi ostendunt, aliòqui Deus populum suum nunquam sic reliquisset, nunquam etiam incredulis tantum permisisset. Hoc igitur David considerari vult, & meritò, nam & dignum est, quod diligenter pensetur. Quis addit & alia, quæ cladem illam exaggerent. Non, inquit, tantum vulgus populi periiit, quod tolerabile esset, sed inclyti, inquit, Israël, qui scilicet populum defendere debebant, & quorum vnus pro decem milibus computabatur. Insupèr eos, etiam nominat. Saul inquit & Ionathas occisi, & addit etiam condiciones eorum, Aquilis velociores, leonibus fortiores. Postremò addit exclamationem. Quomodo ceciderunt fortes in prælio? Idque tertio repetit admirando, simul autem ostendit plus vltionem diuinam fuisse, quàm humanam victoriam. Quis autem non videt, omnia illa etiam in nobis impleri, & iam dudum impleta esse? Considera igitur Israël, ô Ecclesia, quod nihil prosperè agamus contra Turcas: Considera, quod in terra nostra hostis nos vrget. Considera, quod Christiani à paganis cædimur, vincimur: Considera, quod incliti Israël pereunt, partim in bello, partim in pace moriendo, partim in errores incidendo. Pereunt autem in minoribus, nimis scilicet præsumendo de sua sapientia, potentia & diuitiis. Considera, quod fortes perierunt, qui columnæ Ecclesiæ videbantur.

Et quid hæc aliud sunt quàm iudicia Dei? Si in viridi ligno hoc faciunt, in arido quid fiet? Si principes cadunt, quomodo se à casu præseruabunt populares? Si doctissimi quique in errores labuntur, nec tuti esse possunt ab astutia Sathanæ, quid sperare poterunt indocti? In summa. Si magna imperia & regna vastata fuerunt, & vastantur, meritò nobis quoq; timendū est. Quid igitur melius facere possumus, quàm vt eum arcum discamus, quem Dauid populum suum docuit, hoc est, fidem, timorem Dei, deuotionem, orationem. Hic arcus omnia à nobis mala depellet, &c. En fratres ad hoc tendit planctus Dauid, & ad hoc hodie conuenimus. Oremus igitur, &c.

CONCIO DECIMA QVARTA.

Ad idem, decimo octauo die Iunij.

SI cognouisses & tu, &c. Hunc sermonem iterum cogor incipere, cum verbo illo Iosaphat regis Iuda. Cùm nescimus, inquit, quid agere debeamus, hoc nobis reliquum est, vt oculos nostros ad te Deum nostrum leuemus. Ita nobis quoque faciendum est, quò minus auxilij in hominibus videmus, eò fortius nobis ad Deum confugiendum est, quod non sine causa dico: Non dubito, quin pius quisq; in comitiis nuper exactis bene sperauerit, & Dei clementiam affuturam & principes omnibus viribus annisuros ad refarciendam concordiam Ecclesiæ, pacificandamq; Germaniam. Hæc inquam omnium nostrum spes erat, hoc omnium nostrum votum. Atqui, pro dolor, exactis iam comitiis nihil adhuc tale videmus. Imò omnia in contrarium experimur, ac verissimè (vt prouerbio dicitur) Pro thesauro carbones inuenimus. Imò si vnam quàm verum fuit, quod fabulæ dicunt, Parturiisse olim montes, nihil tamen inde natum nisi ridiculum murem, in his comitiis impletum est. Vbi magnificè omnia cœpta fuerunt, nihil autem ad virtutem & concordiam faciens expeditum est. Nam & principum quisque, in suo adhuc proposito obstinatissimè persistunt. Et insuper etiam adhuc manus Domini extenta. Verè igitur dicere nunc cum Apostolis possumus, Sperabamus. Et cum Esaia: Expectauimus lucem, & ecce tenebræ, &c. Ergo quidem nihil mirum, quòd nec à Deo nec à

Esa. 9.

Luc. 14.

Esa. 59.

princ

- principibus quicquam auxilij sentimus. Quod enim Deus adhuc non exaudierit nos, clamantes & orantes, non alia causa est, quàm quæ in Esaia sequitur post verba modò enarrata. Iniquitates, inquit, nostræ multiplicatæ sunt coram te, & peccata nostra responderunt nobis, &c. Hæc verba qui secum expendit, simulque vitam nostram accendit, non mirabitur, quod Deus nondum nos exaudierit. Cæterum de comitiis principum ego dudum iudicium meum dixi, & tunc quidem nimium ut videbatur temerariè. Nunc autem heu nimium verè, & plusquam vellem. Utinam in hac parte falsus propheta fuisset. Verum quomodo aliter fieri potuit, quid boni sequi: quomodo spiritus sanctus adesse potest, ubi negotium aliquod sine timore Dei incipitur, conuiuiis, compotationibus, pompis, &c. trāsgitur, & summa cum pertinacia & temeritate concluditur? Væ qui
- Ibidem.* confurgitis manè ad ebrietates, ait Esaia, &c. Et opus Domini nō respicitis. Propterea captiuus ductus est populus meus, &c. Imò propterea infernus etiam aperuit os suum, &c. An nō autem nos ita agimus? In lasciuiis & voluptatibus, peccatis & impietatibus permanemus, interim nemo attendit opus Dei, quid ipse cogitet. Ideò in captiuitatem ducimur, famem patimur, ac simul omnes magni ac parui in corpore & anima perimus. Vnde & ego summam hæc excitatem, peruersitatem & obstinatam malitiam non possum non comparare insano illi
- Esa. 5.* conuiuiio Regis Balthasar, quod cum summa impietate celebravit eo tempore, cum perditioni proximus esset. Duo siquidem reges obsidebant ciuitatem, Cyrus scilicet & Darius, ac summa vi oppugnabant Babylonem. Impius autem Balthasar quasi in summa pace & plenissima securitate conuiuium instruebat, & ebrietati vacabat. Nec hoc contentus, vasa Domini è templo Hierosolymitano ablata proferre iussit, ac cū concubinis suis inde bibere non veritus est. Præterea etiam deos suos aureos, &c. laudabat, omnia in iniuriam veri Dei. Sed quid factum est? Quando in suo illo verè temulento & impio conuiuiio sederet rex, apparuit manus scribens in pariete sententiam summi Iudicis, super impium hunc regem. Mene, mene, thekel vpharsin: quæ vulgariter sic sonant. *℟ℵℓ ab, ℟ℵℓ ab, vveich ab, vnd laß teilen.* Nec diu dilata fuit hæc sententia: Imò eadem nocte implera. An non autem res nostræ videntur eòdem tendere? Exordium certè adest, finem consummalem auertat Deus. Hostes, inquam, pro foribus habemus, imò

in

In mediis penatibus. Interim tamen ita viuamus, quasi nullum esset periculum. Insuper & Deum & omnia diuina negligimus, contempnimus, prophanamus, blasphemamus; nostros autem deos, hoc est, impios conatus nostros tyrannicæque facta laudamus, publicamus ac pro diuinissimis proclamamus. Quid igitur mirum, si etiam super nos eadem de cælo sententia feratur? Mene mene thekel ypharsin. Nolo hic propheta esse. Certum tamen omnibus, quod regnum & gloria Germanorum ad summum peruenit & fini proximum est. Quod si nos ipsos in statera appendamus, vel teste conscientia nostra, inueniemur minùs habentes. Quid igitur restat, nisi ut regnū nostrum, gloria, diuitiæ, &c. imò & regnum Dei à nobis auferatur, & inter alios diuidatur? Hæc ideo dico, ut eò feruentius ad Deū clamemus, quo minùs auxiliij à principibus videmus, imò quò propius nobis iudicium Dei esse sentimus. Obeam rem iterum, ad lamentationes nostras nos conuertamus. Gesti- 3. Reg. 2.
ret quidem animus, ut semel læta prædicare possem, ac cum Solomone dicere, Benedictus Dominus, qui dedit populo suo requiem: Verùm nondum possum hæc dicere, cū nihil minùs videam, quàm pacem. Interim igitur, cum Hieremia lugeamus, hoc enim si ritè fecerimus, spes est etiam gaudium rediturum: Hieremiam igitur audiamus.

T E X T V S.

Sic igitur Hieremias noster hætenus querulatus est. Quo- modo, inquit, obtexit Dominus caligine filiam Syon, &c. Et postea. Cui assimilabo te, aut cui adæquabo te filia Syon? Magna est velut mare contritio tua. Quis medebitur tibi? Hæc verba in ultimo sermone exposui, simulq; ostendi, quid nobis inde obseruandum sit. Sequitur nunc in textu.

Propheta tui viderunt tibi falsa & stulta: nec aperi- Thren. 2.
ebant iniquitatem tuam, ut te ad pœnitentiam prouocarent: viderunt autem tibi assumptiones falsas & eiectiones.

Plauserunt super te manibus omnes transeuntes per viam: sibilauerūt & mouerunt capita sua super filiam Hierusalem, Hæcine est vrbs, dicentes, perfecti decoris, gaudium vniuersæ terræ:

Aperuerunt super te os suum omnes inimici tui:
sibilauerunt & fremuerunt dentibus suis, & dixerūt,
Deuorabimus: en ista est dies quam expectabamus:
inuenimus, vidimus.

Hæc verba hodie nobis consideranda sunt, docebunt enim agnoscere, quo in statu res nostræ sint, cui omnia hæc mala accepta ferre debemus, & quomodo etiam nunc inde emergere possumus. Vis scire, quo in statu res nostræ sint? In eo nimirum, quod omnes alix nationes mirentur, quomodo Germania ad hæc mala peruenerit: Nemo non irrideat nos, Plerique denique de malis nostris gaudeant, ac causam deuorandi nos inuenisse se iactent. Vis deinde scire, vnde hæc mala omnia ortum habeant? E prophetis non Dei, sed nostris, qui blandiloquentia sua nos ab omni grauitate, pietate, deuotione, in summam & extremam leuitatem, impietatem, & cætera, deduxerunt. Vis postremò scire, quo pacto his malis medendum sit? Veri prophetae audiendi, qui nos ostensis peccatis ad penitentiam prouocent. Horum nos admonet textus præsens. Nemo autem non videat, quàm aptè omnia illa verba in nos competant, quasi de solis nobis dicta sint. Ideò latius de ipsis disserendum. Primò igitur obseruandum, quod Hieremias noster supra omnia mala, quæ hætenus recensuit, malus quiddam adhuc asserit, ciuitati & populo suo accidisse. Nempè, quod in tot malis neminem inuenerint sibi compatiensem, multos autem de ipsorum perditione gaudentes. Hoc, inquam, omnibus malis supra dictis præponderat. Duplo enim cruciat, cum quis nedum aduersa patitur, sed insuper videt omnes alios de sua miseria gaudentes, id quod vel in sancto Iob videre licet, quem irrisiones & scommata amicorum suorum plus exacerbebant, quàm omnia mala quæ patiebatur. Vnde & David ob eam potissimè causam mala & aduersa deprecatur, ne inimici sui inde occasionem illudendi sibi haberent. Huc pertinet, quòd dicit: Illu-

Iob.

Psal. 12.

Psal. 24.

Psal. 34.

mina oculos meos, ne vnquam obdormiam in morte, ne quando dicat inimicus meus, Præualui aduersus eum. Item: Ad te leuavi animam meam, &c. Neq; irideat me inimici mei, &c. Item: Non supergaudeant mihi, qui aduersantur mihi iniquè, &c. Sic enim in vniuersum videmus, quod sapientibus quibûsque grauiora videntur & sunt irrisiones & conuitia, quàm

quàm damna ipsa. Nihilominus tamen pius quisq; cùm in sua cruce irridetur, etiam aliud & maius quiddã considerat, nempe scandalum, quod inde oritur apud impios. Hi enim ex hoc iudicant piorum fidem vanam esse, suam autem veram, sicque proteruiore sunt. Ob hanc potissimùm causam pii orant, ne inimicis suis ludibrio sint & fiant. Hinc & David alio loco non *Psal. 78.* minus deplorat hanc ab impijs irrisiõnem, quàm damnum ipsum. Facti sumus, inquit, opprobrium vicinis nostris, &c. In hunc modum & Hieremias hic dicit. Plauserunt, inquit, super te manibus suis, &c. q. d. Vel nunc tandẽ agnosce, quò deuenieris. O quanta mutatio rerum. Eras vrbs perfecti decoris, gaudium vniuersæ terræ, cui de vniuersa terra conuehebatur aurum cui argentum, nec ullius precij computabatur. Nunc autẽ audire *3. Reg. 10.* cogeris: Hęcine est illa vrbs, Imò videre cogerit, quòd omnes transeuntes super te complodunt manus, &c. Nec hoc tantum. Sed nunc vel maximè hostes tui ex tua miseria confortati, os suum aperiunt, dentibus fremunt, dicunt. Nunc eos planè deuorabimus. En ista est dies, quam expectabamus, &c. Verè dolenda exprobratio, lamentabilis insultatio. Nam quid putast quantum insultauerunt, quàm volentibus animis expectatum desolationis tuæ diem viderunt, qui & post 70. annos tam diutino miseriarum tuarum nondum satiati spectaculo, cùm soluta esset captiuitas, & exisset sermo, vt reedificaretur ciuitas, totis conatibus impedire conati sunt. & ad tempus etiam impediunt, vt in Esdra legitur. Hæc Hieremias de populo suo *1. Esdr. 4.* queritur. Atque vtinam in illis solis hæc impleta essent. Quis autem non videt omnia illa verba in nobis quoque impleri? Erat enim olim Germania coram omnibus gentibus, regio perfecti decoris. Erat gaudium vniuersæ terræ. Eramus apud omnes gentes magnæ reputationis, vbique bona & magna de nobis dicebantur. Mirabantur omnes aliæ nationes nostram in rebus externis grauitatem, fortitudinem, fidelitatem, constantiam, veritatem: Commendabant nostram in rebus diuinis fidem, pietatem, deuotionem, ordinem, &c. At nunc omnia illa perdidimus. Quicumque nos transeunt, quicumque de nobis loquantur, rident nostram leuitatem, inconstantiam. Mirantur, quònam inconstantiz deuenimus. Hęcine, inquit, est illa Germania, de qua tanta bona audiuiamus? Hęcine Germanorum fides, constantia, deuotior? &c. Hoc, inquam, audire cogimur ab omnibus alijs nationibus. Quin & qui antea

antea hostes nostri fuerunt & sunt, utpote Turca, & eos, quos mercenariis armis longo adhuc tempore infestauimus, malis nostris latantur, fortiusque nobis insidiantur. Denique sperant tempus adesse nostrae desolationis. Hinc est, quod Turca nunc vel maxime nos urget, & perdere festinat, ac deuorare. Verisimile enim intra se dicit & cogitat. Ecce haec est dies, quam expectabam, &c. Idem faciunt & alij hostes nostri, etiam domestici, qui de malis nostris latantur, & eo fortius urgent & instant ad deuorandos nos. In hoc statu rerum nunc est Germania, & maxime Catholici. Et in quem horum malorum culpam referemus? Audi Hieremiam. Prophetæ, inquit, tui viderunt tibi falsa, &c. En Hieremias omnium sui temporis malorum causam in pseudoprophetas reiecit. Et reuera sic est. Ipsi enim sua blandiloquentia populum eo perduxerant, quod veros prophetas amplius audire dedignabatur. Veri enim prophetæ legem prædicabant, ac vitia dure increpabant, denique & nihil non malorum propter peccata comminabantur. Hoc cum populo non admodum gratum esset, pseudopropheta alia via ingressi ea tantum prædicabant, quæ grata erant, peccatis condescendebant, populum fiducia templi, &c. in peccatis & impenitentia conseruabant. Hæc grata erant, hi amabantur, honorabantur, audiebantur, hi regibus & principibus proximi erant. Interim veri prophetæ exosi erant, ac pro seductori- bus habebantur, publicisque hostibus, id quod vel maxime

Hiere. 10. in Hieremia nostro videri potest. Nunc enim voluntatem Dei prædicans percutiebatur à Phassur. Nunc à sacerdotibus dignus morte proclamabatur. Nunc ab Anania pro pseudopropheta insimulabatur. Nunc libri eius comburebantur: Nunc etiam in carcerem coniciebatur. Interim pseudoprophetis omnia prosperè cedebant. Hoc igitur, quod nunc imprope- rando queritur. Prophetæ, inquit, tui viderunt tibi vana, &c. quasi diceret. Vbi nunc est propheta ille tuus Ananias, qui tu- lit de collo meo catenam, &c? Vbi illi, qui dicebant? Non veniet gladius super vos, &c. Dicebam ego. Falso prophetant illi visionem mendacem, & diuinationem fraudulentam, &cæt. & non audistis me. Ecce nunc res ipsa probat, quia viderunt tibi falsa, nec aperiebant tibi iniquitatem tuam tanquam medici imperiti & infideles. Prophetæ, inquit, tui hoc fecerunt. Non Prophetæ Dei. Hi enim longè aliter dicunt, & aiunt. Nō enim confingunt vana ad complacendum hominibus, sed vera præ-

prædicant, etiam si non placeat. Deinde veri prophetæ non ta-
cent, sed aperiunt hominibus quibuscumque sua peccata, etiam
regibus: Vt Samuel Sauli: Natham Dauidi: Helias Achabo:
Esaïas Ezechia: Daniel Balthasaro: Moses Pharaoni: Ioannes *Esa. 5.*
Iudæis: Christus Phariseis. Hi autem tui prophetæ placentia *Ezech. 13.*
tibi locuti fuerunt. Beatum te dixerunt, atque per hoc te dece- *Exec. 22.*
perunt. Consuerunt tibi puluillos, sub omni cubito manuum,
vt suauius & sine omni remorsu conscientia, in peccatis quie-
scere posses, etiam maximis. Denique, nihil tam impium tu
ædificasti, quod ipsi non linierunt ac excusarunt. In summa:
veri prophetæ homines prouocant ad pœnitentiam, vt patet
Esa. primo. Hiere. tertio. Osee 14. Matth. tertio. &c. Tui autem
prophetæ in omnem obstinationem & impœnitentiam te ad-
duxerunt. Tui igitur prophetæ fuerunt, Non Dei, tibi placue-
runt. Sicut populus, sic & sacerdos: Sic enim & Esaïas prædixit. *Esa. 9.*
Erunt qui beatificant populum istum seducentes, & qui beati-
ficantur corruentes. In summa. Prophetæ tui prædicauerunt ti-
bi assumptiones falsas. Imò tuam ipsius deiectionem & ere-
ctionem procurauerunt, ita quòd è tua terra eiectus es, perdidisti
temporalia, offendisti Deum, factus es opprobrium omni-
bus, &c. Et in hunc modum Hieremias omnem culpam perdi-
tionis populi in falsos prophetas reiecit. Et reuera sic est. Le-
gantur omnes historiarum, inuenietur, quod pseudoprophetæ in
omnia mala induxerunt homines. Sic dæmon ipse mendaciis
suis hominem in tanta mala coniecit. Sic Magi Pharaonem
fascinauerant, vt non obtemperaret Moysi, imò Deo. Sic Cai-
phas populo Iudaico persuaferat, vt Christum ad crucem adi-
gerent. Sic Mahometus Turcas ad perpetuam effusionem san-
guinis instigauit: Sic prophetæ quidam falsi nostro tempore
rusticos ad inobedientiam primò, deinde etiam in perniciem
adduxerunt. Sic iidem adduc principes extimulant ad impiis-
sima quæque audenda. Iidem populum ad leuissimam vitam,
& totam Germaniam in periculossimas discordias incita-
runt & incitant. In summa: Nihil tam impium incipitur, quod
non excusare conentur impij illi prophetæ. Hi, inquam sunt,
qui Germaniam nostram in omnia mala præcipitant. Sunt au-
tem prophetæ nostri, Veteres enim & veros, quia ad pœniten-
tiam nos prouocant. cōtemnimus, hos amplectimur quia pla-
centia dicunt, conuiuent peccatis, excusant tyrannidem, præ-
dicant gratiam, etiam impiissimis promittitur cælum, quali-

tercunque viuamus, &c. His debemus omnia mala nostra ascribere, &c. Quando autem satius esset veros prophetas audire, etiam si peccata arguerent. Hi enim nos in prosperis conseruare possent. Nam ubi peccata agnoscuntur, illic occasio habetur ad pœnitentiam, ubi pœnitentia vera est, ibi & inuocatio gratiæ est: ubi gratia Dei petitur, illic certò omnia bona conceduntur. En fratres, ob hanc causam hodie hic congregati sumus. Agnoscamus peccata nostra, pœniteamus. Oremus primum pro remissione peccatorum, deinde pro amotione malorum. Nemo audiat eos, qui dicunt. N. hil opus esse pœnitentia.

CONCIO DECIMAQVINTA.

Ad idem, sexto Idus Iulij.

Si cognouisses & tu, &c. Vbi frequens fletus & lacrymæ videntur, nemo dubitat, quin malè cum huiusmodi hominibus agatur: nam aliòqui nemo facile flet, cui nihil triste contingit. Sic ubi nulla est necessitas, nihil opus etiam est aliorum auxilia implorare. Et ubi nullum periculum præsens aut imminens, nulla etià opus est admonitione. At ubi quis frequenter aliorum opem inclamat, nemo dubitat, quin necessitate ali qua prematur, & qui frequenter monetur, certum est ei periculum instare. Cum itaque etiam nos hoc tempore tam crebrò ad orationem & Christianam tristitiam conuocemur, nemini dubium est, quin etiam nobiscum malè agatur, magnæq; necessitates & pericula nobis immineant. Aliòqui enim lætiora videremus in nostris congregationibus. Esaias enim dudum de nobis prædixit, Christianos habituros sabbatùm ex sabbato, hoc est perpetuas festiuitates & cōtinuas. Iterumque idem Esaias de nobis prophetauit. Qui redempti, inquit, fuerint, à Domino, venient in Sion cum laude, lætitia sempiterna super capita eorum, & fugiet ab eis dolor & gemitus. Atque hoc etiam in primis illis Christianis te ipsa compertum & comprobatum fuit, post ascensionem enim Domini Apostolos legimus quotidie conuenisse in templum, laudantes & glorificantes Deum, &c. At in nos tam tristia tempora inciderunt, ut ubi nunc conueniunt Christiani, fletus & planctus ferè semper primum locum habeant: Imò sepiùs iam ad tristes has stationes conuocamur, quàm ad solennia festa. Hoc autem longè dissimile est his, quæ propheta prædixerunt, & quæ primi Christiani

Esa. 66.

Esa. 35.

Luc 24.

Acto. 2.

Christiani experti sunt. Meridò igitur nos ipsos deplorare debemus, ac nobis ipsi displicere, quòd patres nostri tam læta festa & congregationes habuerūt, nos autem ad tam tristia conuocamur. Ego quidem quod ad me attinet, & quem fors de rebus tam tristibus concionari cogit, libenter cum Hieremia *Hier. 15.* dicere vellē, Vx mihi mater mea, vt quid genuisti me, virum, qui nūquam non rixari cogitur, cum impiis peccata ipsorum arguendo, & pœnam commertam prædicando, &c. Verūm quid agas? vt tempora & homines sunt, ita concionandum est. Inuenio etiam veteres prophetas de rebus tristibus concionatos. Potuissent quidem lætiora nunciare, si alia tēpora aliòsq; mores inuenissent: Videbat Hieremias ollam feruentem & virgam *Hebr. 1.* vigilantem: Ezechiel librum, in quo nihil nisi lamentationis carmen & vx scripta erant. Esaias autem Deum pro tribunali sedentem, ac sententiam excecationis proferentem, &c. *Ezech. 2.* *Esa. 6.* Quomodo igitur læta potuerunt prædicare, qui tam tristia videbant? Et nos igitur nihil nisi tristia nunc videmus, quomodo igitur læta prædicare possem? Inuenio etiam, D. Augustinum malis sui temporis coactum nonnunquā tristia concionatum, id quod videmus in libro de tempore Barbarico, &c. recita ipſus verba cap. primi. Nemo igitur miretur, quòd etiā ego, non semper de gratia aliisque rebus lætis concionari possum. Tempora nostra & mores nostri aliò nos cogunt. Nihil igitur melius facere possum, quàm in Threnis Hieremiæ procedere. Materia quidem in se tristis est, sed tamen viam aperit ad gratiam & spiritualem lætitiā. Sic nonnunquam etiam medici, austeris medicamentis, ad sanitatem ducunt. Non est aut esse debet amarum, quo reformatur salus. Atq; vtinam vnum hūc Hieremiam rectè audiremus. Is enim vel solus nobis omnia læta restituere posset. Audiamus igitur, quid vterius dicat.

T E X T V S.

Fecit Dominus quæ cogitauit, compleuit sermonem suum quem præceperat à diebus antiquis: destruxit, & non pepercit, & latificauit super te inimicum, & exaltauit cornu hostium tuorum.

Clamauit cor eorum ad Dominum super muros filię Sion: Deduc quasi torrentem lacrymas per diem & noctem: non des requiem tibi, neque taceat pu-

pilla oculi tui.

Consurge, lauda in nocte in principio vigiliarum: effunde sicut aquam cor tuum ante conspectum domini: leua ad eum manus tuas pro anima paruulorum tuorum, qui defecerunt in fame, in capite omnium compitorum.

Hos tres versus nunc consideremus: ad multa enim nobis conducent, si rectè inspiciantur. Et prior quidem versus, quasi summarium quoddam est, breuísque repetio omnium, quæ hætenus dicta sunt. Paucis enim illis verbis complectitur totâ illa miseriâ, quam Hierusalem in sui destructione senserat. In sequentibus autem duobus versibus, fidele consilium afficitis dat, & sic etiam necessarium erat. Alioqui nihil profuissent eius lamentationes, nisi ad omnimodam desperationem, si nihil nisi mala audissent, nullum autem consilium euadendi. Imò non fuisset Hieremias verus propheta, si non addidisset consilium. Veri enim prophetae semper vinum & oleum commiscunt: primòque vulnerant & percutiunt, deinde sanant. Arguunt peccata, sed addunt consolationem: annuntiant iudicium Dei, sed simul ostendunt, quomodo effugere possimus. Eodem modo & Hieremias, ut verum se ostenderet Prophetam, primò quidem mala populi sui descripsit & deplorauit: Nunc autem fidele etiam consilium addit, & tale, quod nobis omni studio amplectendum est. Videmus siquidem & experimur, nobis eadem mala imminere, quæ olim Iudæis acciderunt: fateri etiam cogimur, nos non minùs ea commeruisse, quàm ille. Vbi igitur idem morbus, eadem etiam medicina adhibenda est. Audiamus igitur Hieremiam. Fecit Dominus, quæ cogitauit, &c, hæc summa omnium malorum est. Imò paucis his verbis magnum pondus calamitatum complexus est. q. d. quid opus est longa lamentatione? Actû est de te, ô Hierusalem. Nimum credidisti prophetis tuis, blanda loquentibus, mihi autem meique similibus, qui ad pœnitentiam te prouocabant, non credidisti. Cum Deus taceret & dissimilaret, non credebas eum quicquam mali contra te moliri. Nunc autem vides, quòd nedum mala contra te cogitauit, sed ea iam etiam perfecit. Deinde & si in lege tua legere scires, quanta mala Deus olim comminatus fuerat per Moysen, quia tamē huiusmodi plagas
cam

tam diu distulerat, putabas ea nunquam implēda esse, at nunc vides quòd compleuit ea, quæ etiam ab antiquis temporibus comminatus fuerat. Præterea persuaseras tibi, etiam si mala irruerent: Deum tamen misericordiæ suæ obliuisci non posse, at nunc vides, quòd destruxit, & non pepercit. Denique, & si scires te mala commeruiffe, non purabas tamen, quòd Deus hostes tuos in hoc laticificaret: at nunc contrarium vides. Postremo impossibile putabas, Deū idololatriæ tanta permissurum, vt super te eleuarentur. At nunc vides, quòd cornu hostiū tuorum exaltauit, e contrā te ad terram depressit sicque abiecta iaces, & hominibus ridenda & à Deo nihil gratiæ sentiens. Hæc sibi vult Hieremias in hoc versu. An non autem vsque ad intimum cordis hæc verba penetrant? nec fieri potest vt non in se angustietur, qui huiusmodi in se impleti videt. An non autem omnia illa etiam in nobis implentur? Verè fratres, Deus dunc facit, quod dudum cogitauit, Nunc complet, quod dudū comminatus est. Imò sic incipit destruere, quæ omninò parcere nolit: Denique & subinde nobis mœrorem, hostibus nostris gaudium auget, Ipsosque exaltat, nos deprimat. Et quis dicere poterit, quòd iniuste agat? Imò quis aliter dicere potest quàm quòd omnia hæc mala meruimus. Hoc igitur primo loco, ex his verbis considerandum est. Deinde ipsa verba singulatim etiam perscrutanda sūt, sic enim facilius videbimus grauitatem iudicii diuini, & quàm misere nos ipsos decipiamus. Primo enim putamus Deum nihil mali de nobis cogitare, quando tacet. Imò plerique sentiunt, id quod in Iob legimus. Circa *Iob 22.* cardines cæli perambulāt, nec nostra considerat. Hic autem videmus, quòd Deus etiam cum tacet tamen mala contra impios cogitat. Sic & alibi legimus: Ecce, inquit, fringo contra vos *Hiere. 18.* malum, & cogito contra vos cogitationes. Sic & alibi Prophetis dicentibus, Pax erit vobis, Non veniet super vos malum: Quis enim affuit in consilio Domini &c. Respondet Prophetæ: Ecce turbo Dominicæ indignationis egredietur, & tempestas erumpens super capita eorum veniet. Non reuerteretur furor Domini vsque dum compleat cogitationem cordis sui. In *Hiere. 23.* nouissimis diebus intelligetis consilium eius. Hoc igitur è primo illo verbo obseruandum, nempe quòd Deus etiam cum tacet tamen cogitat super impios mala, suo tempore reuelanda. Ex secundo autem verbo, hoc habemus, quòd diuinæ comminationes, etiam si diu differuntur, tamen finaliter complen-

- tur. Et hoc igitur diligenter notandum Nam aliò qui verissimè de nobis dixit Salomon. Quia non citò profertur contra impios sententia. filij hominum sine vllò timore committunt mala. Sic Iudèi olim in tantam securitatē venerant, vt diuinas
- Eccle. 8.* Hier. 17. comminationes etiam irriderent: vbi inquit est verbum Domini? Veniat. Hic autem dicitur, quòd Deus sermonem suum
- Deut. 28.* compleuit, quem etiam à diebus antiquis prädixerat & comminatus fuerat, nimirum per Moysen. Non enim ideo differt
- Roma. 2.* Deus immittere, quæ comminatus est, quòd vel non possit aut
- Roma. 9.* nolit punire, sed tātum verbis terrere. Ignoras, inquit Paulus,
- Sap. 11.* quòd longanimitas tua ad pœnitentiam te adducit? &c. Et iterum, Sustinet in multa patientia, etiam vasa iræ apta ad interitum, Et Sapiens. Dissimulat, inquit Deus, peccata hominum propter pœnitentiam. In summa, quàm certò Hieremias dicere potuit. Compleuit Dominus sermonem suum, quem comminatus fuerat: Tam certò ego nunc dicere possum. Complebit Dominus, quicquid impletis comminatus est, nisi maturè resipuerint. Sic igitur etiam hoc secundum verbum arguit stultitiam nostram, qui putamus ob id comminationes Dei non implendas, quòd diu differuntur. Tertium autem verbum eos arguit, qui putant Deum nihil aliud, quàm misericordem esse. Hic autè audimus q̃ tēpore iudicij sui ita destruit, q̃ non parcat, sed sine omni misericordia punit. Et quis hoc facit? Deus, inquit. Nā de diabolo mirū nō esset, Scimus enim cogitationes eius. Et q̃ homicida est, & fuit ab initio. Sed nec mirū esset, si de Nabuchodonosor hæc diceret. Plerūq; enim videmus homines etiā bestiis immaniores esse. Hic autè etiā Deo tantā seueritatē tribuit, cū iudicare incipit. Meritò igit̃ monet Sapiens. Ne dicas, inq̃t, misericordia Dñi magna, &c. Altissimus enim patiens est redditor, & sicut ab ipso misericordia, sic & ira procedit. Ea autè ira subitò venit, &c. Et hoc igit̃ obseruandū est in hoc verbo. Cæterū duo nouissima verba, etiā vanā illorū cōfidētiā destruit, quæ qdā putāt sese ideo tutos futuros ab incurso Turcarū, q̃ Christianū nomē habēt & gerūt. quasi Turcæ nullos Christianos vastauerint. Hic autè apertè dicit̃. q̃ Deus aliquādo impios lætificat & extollit sup̃ populū Dei. Hic autè diligēter cōsiderata quomodo nō timorē nobis incuterēt? Si autè Deū time re vel semel inciperem⁹. nihil nō bonorū inde sequerē. Timor
- Psal. 110.* enim Dñi initium sapiētię est. Et, Qui timet Deū nō est incredulus
- Eccle. 2.* verbo Dei, sed inq̃rit, quæ placita sunt ei. Præparat cor suū

Domino

Dñs. Seruat mādāta eius, & patiēter etiā fert mala à Deo inflī-
cta, &c. Sed dicis, satis sup̄ ērq; de hoc primo versu dictū. Audia-
mus etiā quale consiliū Hieremias populo suo in rebus tam af-
flictis dederit. Clamavit, inquit, cor eorū ad Dominū. Hoc qui-
dem referunt ad Chaldæos, qui videntes tam facilē victoriam,
coacti fuerunt Deo gloriam dare, quemadmodum & Nabusar-
dan Hieremiā dixit. Dominus Deus tuus locutus est malum *Hier. 40.*
super locum istum, & fecit sicut locutus est, quia peccāstis Do-
mino. Meliūs tamen versiculus ille refertur ad fideles, qui ab
initio in populo Dei fuerant, quasi diceret Hieremias. Si con-
siliū quæritis in rebus afflictis, nec ego meliūs quiddam
consulere possum, nec vobis quicquam plus prodesse poterit,
quā si imitati fueritis patres vestros. Quid autem illi fece-
runt in rebus afflictis? Clamavit non vox tantū, sed cor eo-
rum, non ad quicunque, sed ad Dominum. Et quia clamaue-
runt, etiam Dominus exaudiuit eos, & ex omnibus tribulatio-
nibus eorum eripuit eos. Id quod abundē patet ex libro Iudi-
cum. Et tu igitur similia fac. Nam etiam adhuc propē est Do-
minus, in omnibus inuocantibus eum in veritate. Quæris igitur,
quid ad hunc clamorem & veram inuocationem Dei per- *Psal. 144*
tineat? Primò. Deduc quasi torrentem lacrymas. Cesset risus
& insanum mundi gaudium: succedat Christiana, quæ secun-
dum Deum est, tristitia. Non enim tempus est ridendi, sed
flendi, non tam super mala, quæ patimur, quā super peccatis,
quibus ea commeruimus. Hæc nobis signanter dicta pu-
temus, qui nondum cessamus à lasciuīs & infano gaudio
mundi. Dicebat quidam Pater cuidam leuiter ridenti. Ecce
rationem reddere cogemur de omnibus, quæ agimus, loqui-
mur, cogitamus, & tu rides? Itidem & nobis dici potest. Ecce
omnia minantur vobis extremam perniciem, & vos ridetis?
Deduc igitur tanquam torrentem lacrymas, ô Christiane, per
eas enim extinguitur ignis iræ diuinæ. Deinde non des re-
quiem tibi die ac nocte. Noli cessare. Nam & mors, perditio,
iudiciūque Dei non cessant. Qua hora non putatis, filius ho- *Mat. 24.*
minis veniet. Præterea, Non taceat pupilla oculi tui. Beati *Matt. 5.*
enim, qui lugent, quoniam ipsi consolabuntur. Vx autem eis, *Luca 6.*
qui ridet, quoniam flebunt. Insuper. Consurge à peccatis, à
corpore. Satis diu dormiisti. Usque quo piger dormis? &c.
Vade ad formicam, ô piger, &c. Nec solūm consurge, sed ar- *Prou. 6.*
ripe arma, quibus Deum timere possis, quemadmodum

Moses olim Deum tenuit, vt diceretur ei. Dimitte me, vt irascatur furor meus, &c. Sed quæ sunt illa arma, quibus Deus tenetur? Primò ieiunia & vigilia. Ideo dicit. Consurge in nocte, &c. Secundò, Orationes. Ideo dicit, Lauda in nocte, vel secundum alios, vocifera in nocte, tunc enim aptissimum tempus est ad orandum. Vel in nocte, id est, in aduersis, quæ per tenebras & noctem significantur. Tertiò eleemosynæ. Ideo dicit: Leua manus tuas. Bona est enim oratio cum ieiunio & eleemosyna, &c. Nec satis hoc, sed effunde cor tuum per confessionem peccatorum, per deplorationem tuarum miserrarum, & per expressionem desideriorum tuorum. Sic David: Effundo in conspectu eius orationem meam, & tribulationem meam ante ipsum pronuncio. Sic olim Anna Samuelis, animam suam effudit coram duo. Omnia autem vel maxime ob id agenda sunt, quòd animæ paruulorum fame pereunt, in capite omnium compitorum. Quot enim nunc homines pereunt, quidam gladio Turcarum, quidam per intestina bella, quidam per errores, quidam per mala exempla & negligentiam parentum & superiorum? Hoc inquam mouere nos debet ad orationem, &c. Hoc consilium Hieremias populo suo dedit, in rebus afflictis. Nec melius vnquam dari posset etiam nobis. Oremus igitur.

CONCIO DECIMASEXTA.

Ad idem, octauo Idus Augusti.



I cognouisses & tu, &c. Conuenimus hodie iterum, charissimi, ad orandum pro gratia & misericordia, auxilio & subsidio diuino: considerantes nimirum, quòd Iosue noster pius videlicet imperator noster quandoquidem aliter pacem habere nequit, gladium etiam contra voluntatem suam in pacis ofores & turbatores strinxit, eà videlicet intentione, vt nos & à Turcis, & ipsorum confederatis tutos reddere possit, simul etiam sperantes Deum facilius victoriam daturum, si armis carnalibus Cæsaris, nos etiam spiritualia arma nostra, orationes scilicet, obsecrationes, gemitus & suspiria, in vera fide & poenitenti corde coniunxerimus. Et sic etiā fieri oportet: hoc enim & ratio dicat, & scriptura docet, & exigit

exigit æquitas, denique summa etiam necessitas hoc extorquet. Qui enim ratione præditus est, scit quòd ad promouendam Rempublicam & amouenda communia pericula nemo cessare debet. Qui Christianus est, scit, quòd in necessitate orandum est. Qui scripturas legit, scit, quòd in bellis plùs auxilio Dei, quàm externis armis còfidendù est. Habebat Moses fidelem ducem, ipsum scilicet Iosue, dederat ei copiosum exercitum, nihilominus tamen montem oraturus ascendit, nec ante adeptam victoriam orare cessauit. Iudith illa sancta vidua & virago, iam apud se decreuerat, quo pacto Holofernem aggredi vellet, nec dubitabat Deum sibi affurum, nihilominus tamen urbem egrediens: Nihil aliud, inquit, nisi oratio fiat pro me ad Dominum, vsque dum renunciem vobis. Quod si tam pij homines & tam bonæ conscientie non aus fuerunt victoriam sperare, nisi incessanter Deum inuocarent, quid nos præsumere possumus, qui nec pij, nec deuotissimus, plerunque etiam malam conscientiam habemus, si non ardentè oremus? Piè igitur & Christianè fit, quod sæpiùs ad orationem inuitamur. Interim tamen etiam hoc scire debemus, quòd oratio sola non sufficit. Dominus enim etiam nunc è cælo clamat, Pœnitentiam agite. Securis ad radicem posita est, Facite ergo fructus pœnitentie dignos. Et iterum: Omnis arbor quæ non facit fructum bonum, excidetur. Et quid sunt omnes homines, nisi diuersæ arbores, fructus etiam diuersos habentes? Sed bonus fructus queritur (ait Augustinus) qui pascat, non qui pungat. Sunt enim & arbores spinosæ ignibus deputatæ, meritò incédendæ, quia in eis nullus omnino fructus est animæ. Putatis, inquit idem doctor, nos ideo arbores bonas esse, quòd nondum excisi sumus, & aliis percuntibus nos adhuc peristimus? An non videtis, quòd etiam malæ arbores non repentè sed sensim & cum magna expectantia succiduntur? Primò enim exacuat agricola lignum, deinde amputat inutile lignum, postea abscissum seruat incendio concremandum. Atqui hoc nunc agitur nobiscum à vero agricola. Videntur sibi mali quidam adhuc stare, adhuc florere. Quisquis talis es, quisquis malus es, quisquis corrigi non vis, non te consoletur altitudo tua, quia maior te expectat ruina, ampliòrque te sustinet flamma, quia nondum ad te peruenit securis. Non autem putes te ideo posse semper stare, cum videas alias arbores te ampliores cecidisse: Quòd enim te hic

Exod. 17.

Iudit. 8.

Matt. 3.

Matt. 8.

August. de tempore Barbarico.

- agricola differt, eius est patientiæ, si fortè intercedat apud eum locus pœnitentiæ. Nonnè audisti, quid summus ille paterfamiliàs dicat de arbore infructuosa? Ecce, inquit, tot anni sunt, quòd non inuenio fructum in ficulnea hac: Succide ergo eam, Vt quid etiam terram occupat? Vide autem quandiu Dominus nobis comminatus est, & quandiu pepercit. Et tamen conquerimur & indignè nobiscum agi putamus, quòd tantà mala nunc vndique videmus. O inquirunt, quàm bona tempora habuerunt patres nostri? Interim autem nolumus videre, quid patres nostri egerint, quàm scuerè vitia tam in se, quàm in aliis corripuerint. Moses mitissimus omnium erat. In peccato tamen vituli aurei nulli parcebat. Occidat, inquit, vnusquisque fratrem suum. Phinees pius homo erat, sed videns publicè peccantes cos confodit, ne ira Dei in omnem populum veniret. Daniel potiùs in locum leonum, & tres pueri in ignem se proici passi sunt, quàm malum agere vellent. Hæc autem operabatur in ipsi fides, timor & amor Dei. Quoniam isti oderant non solùm omnia quæ habebant propter Deum, sed etiam animas suas. Quid nos facimus? Non solùm iustitiam, veritatem, &c. sed Deum ipsum relinqueremus potiùs, quàm paruù aliquod damnum sustineremus, aut filios nostros delinquentes contristaremur.
- Danie. 3.* En, inquit Augustinus, filios tuos blasphemantes audis, & patienter fers, quod Nabuchodonosor rex alienigena non potuit sustinere, dicens. Si quis dixerit blasphemiam in Deum Sidrach, Misach. & Abdenago, in interitum erit. Vides filios tuos frequentare spectacula, & non reuocas, vides luxuriantes & non verberas, nec potes te talem exhibere patrem, qui paratus sis indisciplinatos filios vel exhereditare, vel ablicere, cum paratus esse debueras, sicut Abraham etiam filium immolare. Sic igitur cum nolumus filios aut amicos offendere, offendimus Deum. Volumus pacem mundi seruare, interim perdimus pacem Dei. Imò quia perdidimus pacem morum, perdimus pacem temporum. Et super hæc omnia adhuc restat iudicium Dei, ad quod omnes trahemur. Vbi non tantùm finem accipiet malè agere, sed etiam bene agere. Quid autem miserius tunc eo homine erit, qui multa mala fecit, & nihil boni ampliùs facere potest? Ideò filij reddite ad cor, ait idè Augustinus, facite gaudium ex conuersione vestra: Corrigan-
semel

semel Deum omnibus aliis præferre. Nolite pati in filiis & amicis, &c. quod malum est. Irrideant hæc infideles, irrideant stulti, nihilominus tamen pereunt & omnia, quæ amauerunt cum illis. Sic olim Augustinus monuit suos, tempore quo barbari Africam vastabant, quod ideo nunc dicere volui, ut sciamus, quòd non satis est orare semel in mense. Nisi *Lucæ 13.* poenitentiam, inquit, egeritis, omnes simul peribitis. Huius rei terribile exemplum habuimus hætenus in libro Threnorum, de ciuitate Hierusalem. Diu monuerat Hieremias, sed cum nollent audire eum, bene monentem, postea audire eum coacti sunt lugentem. Imò omne malum sentire coacti fuerunt. Si igitur sapimus, meritò hinc terreamur: & maxime, quando videamus, quòd nunc ferme omnia nobiscum ad eundem finem tendunt. Ideo ad maiorem nostri admonitionem audiamus, quid Hieremias vterius dicat.

P R A E F A T I O T E X T V S.

Sic audiuius supra, in secundo capit. libri Threnorum. Dominus, inquit, fecit quæ cogitauit, compleuit sermonem suum, &c. Horum verborum iterum admonere vos volo, ob id vel maxime, quòd Hieremias tam multis verbis ad orationem eos vrget, tanquam ad vnicum illud medium & refugium, quod ipsis adhuc supererat, omnibus nimirum aliis amissis. Nihil ipsis poterat auxilium præbere. Nihil ipsis restabat, quàm vt se humiliarent, peccata confiterentur, Deumque inuocarent. Ideò etiam propheta in hoc multis & exquisitis verbis vtitur. Deduc, inquit, quasi torrentem lacrymas, &c. quasi diceret: nihil aliud possum consulere, nec quicquam aliud poterit te adiuuare, tota deiecta es, & Hierusalem, non potes teipsam subleuare ex tam graui casu, sed nec quisquam alius est, qui tibi consultum velit aut consulere possit. Vnus Deus hæc faciat, oportet. Hæc est sacra *2. Par. 20* illa ancora credentium, de qua etiam Iosaphat: Cum ignoramus, inquit, quid agere debeamus, &c. Beatus tamen est, qui hoc scit & habet, nam multi ne hanc quidem consolationem sciunt, ideo in aduersis non possunt nisi desperare. Ideo hæc verba Hieremiz serio nobis dicta putemus. Verè enim multos ex præsentissimis malis & periculis saluauit, quòd Deum inuocare nõrunt. Probatum est, tota scriptura hoc testatur. Ab exordio enim vsque ad finem, nihil tam frequens

frequens occurrit, vt talia exempla. Quis enim vnquam ad Deum clamauit & derelictus est? Audiamus vel solum Dauidem, de hac re loquentem, quanquam sepe vir ille per hoc mediū orationis ex omnibus malis emerferit. Voce, inquit, mea, ad Dominum clamaui, &c. Item: Cū inuocarem, exaudiuit me Deus, &c. Item: In die tribulationis clamaui ad te, quoniam exaudisti me, Item: Iste pauper clamauit ad Dominum, & exaudiuit eum, &c. Item: Ad Dominum cū tribularer, clamaui, &c. Et quid multis verbis opus est? Nihil in toto Psalterio tam frequens est, quā quod Dauid fatetur se nunquam, frustra orasse. Non igitur mirum est, quod Hieremias populum suum etiā ad hoc adhortatur: imō omnes nos simul. Ided volui verba hæc repetere, & denuō inculcare. Nunc igitur in textu procedamus.

TEXTVS.

Vide Domine, & considera, quem vindemiaueris ita: ergōne comedent mulieres fructum suum, paruulos ad mensuram palmæ? si occiditur in sanctuario Domini sacerdos & propheta?

Iacuerunt in terra foris puer & senex: virgines meæ & iuuenes mei ceciderunt in gladio: interfecisti in die furoris tui: percussisti, nec misertus es.

Vocasti quasi ad diem solennem, qui terrent me de circuitu, & non fuit in die furoris Domini qui effugeret & relinqueretur: quos educaui & enutriui, inimicus meus consumpsit eos.

In hoc textu, Hieremias seipsum in exemplum ponit. Prius ad orationem admonuit, nunc orat ipse, ac per hoc non tantū segnes ad orandum incitat, sed etiam simplicioribus veram orandi formam præscribit. Præterea etiam pusillanimis consolationem ingerit, vt confidentiū orent. In his tribus multū situm est. Nam aliōqui vulgus hominum vix ad orationem perducitur, nisi exēplis trahatur, & simplices nesciunt, quid orare debeant, nisi formam aliquam præscriptam habeant, cui se conforment. Pusillanimus autē semper timet se frustrā oraturum, nisi verbis & exemplis consolatoriis fulciatur. Cū autem hi, qui alios ad orationem trahūt, ipsi met orant, quemadmodum

admodum Hieremias hic facit, tunc segnes nullam excusationem habent. Sic & cum fidelis concionator formam orandi dat, facilius potest sequi simplicior aliquis, Vbi autem etiam sancti simul orant, pusillanimes consolationem accipiunt, ad confidentius orandum. Omnia autem hæc in præsentis textu habemus. Qui orare erubescit, videat Hieremiam: qui nescit quid orare debeat, attendat hæc verba. Qui seipsum indigniorem arbitratur, quàm qui ad Deum accedere audeat, is sciat quòd non vnus Hieremias, sed multi adhuc pij & probi inter nos sunt, & nobiscum orant. Iam primum & vltimum non indiget multa declaratione, sed fideli imitatione. Qui enim exemplo Hieremix ad orandum non mouetur, is vel omnino obstinatus esse, vel periculum suum non videre conuincitur. Vbi enim pij & sancti pro gratia & misericordia Dei orant, quid multis faciendum est? Deinde cui in orando nõ animum & confidentiam dat, quod videt Hieremiam simul orantem, is omnino pusillanimis sit oportet. Certè Iudas Machabeus magnam ex eo consolationem & confidentiam accepit, quòd in somnis viderat Hieremiam pro populo orantem. Imò talem confidentiã hinc hauit, quòd nullam amplius hostem timuit. Et nobis igitur quamuis peccatores sumus, fiduciam tamen orandi dare debet, quòd sine dubio multi sancti nobiscum orant. Hoc igitur de exemplo Hieremix dictum sit. Nunc verba ipsa latius consideremus: Hæc enim veram orandi formam præscribunt, Vide, inquit, Domine & considera, &c. Hic primò videmus energiam fidei, adeò terribiliter Deus populum & ciuitatem Hierusalem percusserat, quòd quis cogitare posset nullã amplius illis gratiam superesse, potissimum cum cõstet ipsos omnia ea mala commeruisse. Nihilominus tamen Hieremias ita in hac sua oratione loquitur, quasi adhuc dilectissimi filij essent, & nihil vnquam mali contra Deum fecissent. Vide, inquit, Domine, quem vindemiaueris ita, q. d. pœna qua nos percussisti magna est, peccata autẽ nostra maiora sunt, quibus nõ tantum puniri meruimus, sed omnino etiam abiici. Vnum tamen est, quod nobis animum addit, nempe promissiones tuas, fœdus tuum, misericordia tua, quam pœnitentibus promissisti. Vide igitur Domine, quem vindemiaueris ita. Primò enim nõ simpliciter flagellasti nos, vt prius sæpe feceras, sed vindemiasti. Qua metaphora vindemix ostendit, quòd ipsis nihil relictum sit, sicut in vindemia omnia auferuntur, vineæq; nõ tantum

2. MAC. 15.

tum fructus producuntur, sed etiam felici ac deinde toto hyemis tempore negliguntur. Sic, inquit, tu nos vindemiasti. Habuimus terram spaciosam, pacem, diuitias, Vrbes munitas, speciosum templum, decorum cultum Dei, potentes reges, honorabiles sacerdotes, graues senes, copiosam iuuentutem: Nunc autem omnia perierunt, vindemiasti nos, sumus sicut vinea in hyeme, induti omni specie, nihil sentimus, nisi frigus, ventos, pluias, glaciem & niues iræ tuæ. Imò ita nos vindemiasti fame & gladio, quòd mulieres præ fame comederunt fructum vteri sui, quòd sacerdotes & prophete in ipso templo occisi sunt, quòd senes & iuuenes in omnibus plateis iacent interfecti, &c. Et cui hoc fecisti? Non Aegyptiis, non Chaldeis, aut aliis, qui te non nouerunt nec nomen tuum inuocant, sed tuo populo. Hoc igitur vide Domine. Quare faciem tuam auertis? Si oculos misericordiae conuerteris huc, & quòd facis ipse videris, ipse visu tuo vulneratus satis poenarum esse sumptum estimabis. Ergo ne comedent mulieres fructum suum? &c. Quid erit delius & miserabilius, quàm cum matres ex fame coguntur comedere filios suos, & eos, qui vix nati sunt, vix mensuram palmæ habent? Et tua, ô Deus, videndo se continebunt viscera? Quid miserius, quàm vbi sacerdotes & prophete etiam in templo non sunt securi, sed in eò trucidantur? Et tu misericors Deus noster his non compateris? Quis tam duræ naturæ, vt non moueatur ad compassionem, vbi videt senes & iuuenes, virgines & pneros, simul perire, & in omnibus plateis interfectos iacere? Et tu Deus noster hinc continebis viscera misericordiae tuæ? Nullus tyrannus tam crudelis est, qui non hoste subiecto, & humiliato iram deponat, & furorem, & tu Deus noster, cuius misericordia nunquam exhauritur, non misereris? Vide Domine & considera, &c. Hæc est oratio Hieremiz. In qua videris, quomodo procedat & cui innitatur, denique quid alleget. Nullam hinc audis murmurationem contra Dei iustitiam; nulla hinc excusatio peccati, nulla fiducia propriæ iustitiæ, hæc enim nihil agunt coram Deo, non impetrant misericordiam, sed prouocant iram. Nihil igitur aliud propheta opponit iræ Dei, quàm fidem & promissionem misericordiae diuinæ. Hoc idem etiam nos facere dicit Sapiens.

Psal. 79. Et si enim peccamus, inquit, tui sumus. Sic & Dauid, in multis Psalmis, vt cum dicit. Qui regis Israël intende, &c. Item; Deus

Psal. 78. venerunt gentes in hæreditatem tuam, &c. Sic & Hieremias

hic

hic facit. Nobis autem omnia hæc dicta esse puremus. Si nondum totaliter nos vindemiavit Dominus, Certè vindemiare incepit. Videmus quomodo nunc hoc nunc illud nobis aufert, Imò multis iam dudù omnia abstulit. Si nondum eam vim famis videmus, qualè hic describit, certè viderunt & vident eam fratres nostri. Si apud nos non occiduntur in tēplo sacerdotes & prophetæ, certè apud alios factum est, & fit. Si nondum tantę cades apud nos virginum, paruulorū, senū. &c. certè apud alios est, & fuit, & similia indies expectamus. Imò omnia mala hæc iam dudum spiritaliter fieri apud nos vidimus & videmus. Quot enim parentes filios suos comedunt & perdūt? Quoties contingit quòd sacerdotes & prophetæ in templo cadunt spiritaliter? Quid gemunt omnes pij. quàm quòd puer & senes simul pereunt, & quòd Ecclesia magno labore educauit, inimicus iam simul aufert? Non minùs autem hæc ploranda sunt, quā si externè fierent, imò plùs. Discamus igitur ab Hieremia, quid hic agendū sit. Is enim, vt audistis, primo enumerat mala populi sui. Deinde, quamuis sciat debitā esse pro peccatis poenā, nō tamen ab oratione absterretur. Postremū, cū fides eius tam certum illi testimonium dabat de misericordia Dei, nihil nisi eandem misericordiā iræ Dei opponit, quemadmodum olim Moses: Memento, inquit, Domine Abraham, Isaac & Iacob, &c. Sic & nobis agendum. Prīmò vt miseriam nostrā Deo in oratione proponamus. Non quòd ipse eā nesciat, sed vt nos plenius eius admoneamur. Quæ autem miseria nostra sit & quanta, satis hactenus ex Hieremia didicimus. Deinde non ideo cessandum ab oratione, etiam si sciamus, quòd iustè omnia mala patimur. Hoc enim etiam sciebat Hieremias, nihilominus tamen orabat. Oportet autem nos primò orare, pro remissione peccatorum, sicut Dauid. Ne memineris, inquit, iniquitatum nostrarum, Oportet nos etiam à peccando cessare. Dauid enim non orat pro peccatis futuris, sed ne memineris iniquitatum antiquarū, quo ostenditur, quòd iam decreuerat à peccatis cessare. Sic autem orantes de misericordia Dei nunquam desperemus, etiam si Deus adhuc grauius puniret. Hanc enim promissionem habemus nos Christiani. Si peccauerint filij eius, visitabo in virga iniquitatis eorum: misericordiam autem meam non dispergam ab eo, &c, hanc, inquam, consolationem habemus, quòd etiam si peccamus non cadimus extra regnum Christi. Quomodo enim miseretur pater filiorum,

Exod. 31.

Psal. 78.

Psal. 88.

miser

Psal. 102. miseretur & Dominus timentium se, &c. Bene igitur Hieremias peccantem populum docuit flere & confiteri & orare. Quod si etiam illi orare potuerunt, Nec nobis ianua salutis clausa est. Adeamus igitur cum fiducia thronum maiestatis Dei, cumque precemur, quod ita nos vindemet, nec aliquando abiiciamur: Sed rursus pertingamus ad terram promissam eternæ salutis.

CONCIO DECIMASEPTIMA.

Ad idem, pridie calendas Septembris.



Si cognouisses & tu, &c. Iterum hodie conuocati sumus ad orationem, nec dubito, quin quilibet apud seipsum iudicare possit, hoc esse summè necessariū & tale quid, ad quod omnes tenemur, etiam si nemo admoneret. Et sic etiam esse oportet. Sicut enim fidelis ciuis dici non potest, qui Reipub. in promouendo bono & amouendo malo deest: Sic verus Christianus non est, qui in his periculosis temporibus, in quibus & nobis & toti Ecclesiæ omnia mala imminet, non totis viribus ad Deum clamat & orat. Interim tamen non dubito plerosque esse, qui nesciant, quomodo nunc orare debeant. Pio quidem Cæsari nostro omnia prospera optant & cupiunt. Interim tamen dolent, quod tantum Christiani sanguinis funditur, atque adeo timent, ne orando pro victoria Cæsaris peccent in charitatem proximi. Et reuera res consideratione digna est, quādoquidem ex vtraque parte videamus esse Christianos, ex vtraque parte Christianum sanguinem fundi. Nam aliās ubi contra Turcas pugnatur (cum constet ipsos omnes simul Dei hostes esse, & blasphematores sanguinis Christi) nihil huiusmodi dubio opus est. Imò in eo casu Christianus quisque, & audacter bellare & fiducialiter orare potest & debet. Imò etiam post adeptam victoriam triumphos & festa celebrare. Sic Dauid, Samson, Machabæi audacter & sine omni scrupulo contra infideles pugnarunt, &c. Sic Moses, Iudith, Hester, fiducialiter contra hostes orarunt. Sic Israelitæ occiso Pharaone, Debora occiso Sizara, Iudith occiso Holoferne, cum gaudio triumphos celebrarunt. Vbi autem bellaciuiilia sunt, ac frater contra fratrem, ciuis contra ciuem, Christianus contra Christianum bellatur

latur, hic nihil horum decenter fieri videtur. Si enim cōtra fratres pugnare, contra Christianos orare, & fuso sanguine Christiano triumphare quis velit, videtur quāsi contra naturam & legem charitatis agere. Atque hoc etiam senserunt gentiles, idq; dictante natura. Sic Iulius Cæsar de nullo vnquam bello minus triumphauit, quā de bello Ciuili. Sic Valerius Corvinus contra seditiosos ciues in prælium missus, orauit, vt non victoriam sed pacem de ipsis reportaret, nec gladiis rē egit, sed verbis & admonitionibus. Sic Scipio turbulentos aliquot & seditiosos ciues percutere coactus, pronunciauit se non aliter affectū esse, quā si sua ipsius viscera secaret. Sic Ioab persequēs fugientē Israhē cū admonitus esset, quid ita in perniciē fratrū sēuīrer, ait: Viuit Dominus, quia si hodie verbum hoc dixisses, cessāset populus persequi fratrem suū. Sic Phace rex Israhē, cū multa milia mulierum & puerorum ē regno Iuda cepisset, admonitus hoc esse contra charitatem, cum gaudio captiuos remisit. Sic vndecim tribus Israhē cū tribu Benjamin ob malē facta penē deleuissent, non triumphum sed planctum celebrā runt: Domine Deus, inquirunt, cur factum est malū hoc, vt hodie deleteretur vna tribus ex Israhē? Omnia hæc exempla indicant, q̄ etiam natura iudicat aliter cōtra fratres, quā contra infideles pugnandum. Non mirum igitur, si quis dubitat, quomodo nunc orare debeat, ne in legem charitatis peccet. Et si enim impius ille Gallorum rex implissimē egit ac exterminari meretur: Non dubium tamen est, quoniam multi boni & pij in eo regno sint, qui eius impietatem non probent. Nunquid igitur hi cum impio illo perdendi? Ego quidē, (cum omnibus cōstet Cæsarē plū nihil magis à multis annis concupisse, quā vt omnes vires suas cōtra Turcas mouere posset, semper autē ab impio Gallo prohibitus fuit) nō dubito, quin inuitus perdat pauperes Christianos: Imò certō mihi persuadeo, q̄ non alio animo bellum illud Gallicum gerat, quā si sua viscera secaret, & quodd mallet pacem de Christianis, quā victoriam tā cruentam. Hæc sine dubio mens pij Cæsaris est. Hinc igitur facilē videmus, quomodo nobis in hoc bello orandum sit, nempe plūs pro pace quā pro victoria. Orandum inquam est, vt pars aduersa ab impio suo proposito abstineat, potius quā vt vastetur & pereat. Quod si omnino bellandū est, orandus Deus, vt victoriā conferat citra multi sanguinis effusione, & pauperum innocentūq; perditionem: Christianus inquam

2. Reg. 2.

2. Par. 28

Iudith. 21

semper nunc orare debet, cū Abraham. O Domine, nunquid
Gen. 18. iustū perdes cum impio? Et cum Israelitis. Vnde factum est, o
 Deus, hoc malū, q̄ tot Christiani pereūt & perdūtur à Christianis? Cur permittis, vt vnus homo sua perfidia causam tantę cędis pręstitit? O pie Deus aufer hęc perfidiā ē cordibus hominū, da Cæsari nostro faciliore viā opprimēdi impiū, quā per tantā sanguinis Christiani effusione. Da aduersariis cor, vt agnoscat se ac humiliētur, ne maioris perditionis causa existāt. Moue omniū Christianorū corda ad mutuā charitatē & cōcordiā, verte irā tuā in gētes, quæ te nō nouerūt & nomē tuū nō inuocauerūt, &c. Hęc vt arbitror nūc esset optima oratio, hęc nō timere quis haberet, ne nimīū faceret. Atq; hoc dicere volui in exordio sermonis, propter multa, quæ nunc inter homines audiūtur. Oramus Deū & orare debemus, pro pio Cæsare nostro, quādoquidē ad hoc bellū cōtra volūtatē suā quasi coactus est. Oramus autē, vt Deus si fieri potest ita ei victoriā det, vt tamē manus eius & militū eius mūdās à Christiano sanguine seruare velit. Ob hęc causam hodie cōuocati sumus: vt autē maiore orādī occasionē habeamus, nōnihil ex Hieremia nostro audiamus. Is enim vel maximē ea recēset in Threnis suis, quæ quāuis durum hominē ad orationem & fletum excitare possent.

Suprà igitur dictū est, q̄ libellus hic quadruplicē lamētationē cōtinet, quarū singulæ descriptæ sunt secundū ordinē alphabeti Hebraici, adeo vt quælibet tot versus habeat, quot literæ sunt apud Hebræos. ita q̄ primus versus semper à prima litera, secundus à secunda incipit, & sic vsq;ue ad finē alphabeti, excepto q̄ in tertia lamentatione semper tres versus ab vna litera incipiāt. Huiusmodi lamētationū hic liber quatuor cōtinet, secundū quatuor capita, & secundū aliquos sic distinguūtur. Nēpe, q̄ in primo cap. lamētatur generalē totius generis humani captiuitatē, & miseriā. In secūdo specialiter eā, quā Iudaicus populus tēpore Hieremiæ à Chaldæis perpeffus est. In tertio suā ipsius singularem miseriā, quā corporaliter & spiritualiter expertus est. In quarto autē vltimā & finalē destructionē Iudæorū, & Hierosolymę per Romanos. In hunc modū aliqui lamentationes has distinguūt. Alij tamē omnia ad vnā illā Babylonicam captiuitatē referunt, volūtq; q̄ vna eadēmq; sit lamentatio, sed sapiūs pro more lamentantium alijs atq; alijs verbis repetita. Cæterū quicquid sit, de hoc ego cepto itinere pergā, ostensurus primò sed paucis intentionem prophetæ secundū literā,

deinde

deinde etiā eadē ad tēpora nostra accōmodando. In hūc modū duo præcedentia capita exposui. Tertium nunc incipiamus.

TEXTVS, CAPVT TERTIVM.

Ego vir videns paupertatem meam, in virga indignationis eius.

In hoc capite sicut dixi, spirituale quiddam videmus, nempe, q̄ semper tres versus ab vna litera incipiunt, idq; per ordinem & per torū alphabetum Hebraicum, à prima litera vsque ad vltimā. Quid autem spiritus sanctus vel propheta ipse per hoc sibi voluerit, in litera non exprimitur. Persuassimum tamen fuit veteribus doctoribus Ecclesiæ, hoc non sine magno aliquo mysterio factū esse. Vnde & aliqui caput hoc tripliciter exponunt. Nam quia semper tres versus à qualibet litera incipiunt: Primum versum exponunt, de communi miseria generis humani: Secundū, de miseria captiuitatis Babylonica: Tertium de afflictione, quam propheta in se particulariter sensit. Alij primum sub qualibet litera versum exponunt, in communi de genere humano: Secundum de Ecclesia, Tertium de quolibet pio in particulari. Aliqui totum hoc caput mysticē exponunt de Christo, volūntq; q̄ Hieremias hīc nihil aliud quā in persona Christi locutus sit. Non autem animus est, nec tempus patitur omnes omnium expositiones adferre, solū igitur optima quæque & magis necessaria proponā. Audi igitur, quomodo incipit. Ego vir videns paupertatem meam. Pulchrum exordium. Hactenus de aliis locutus est, nunc de se loquitur, quasi diceret, quid prodest super eos plorare, qui propriam miseriam nondum intelligunt, etiā si in medio eius iaceant? Ego sum, qui loqui possum de miseria. Obseruandum autem, quod non simpliciter dicit, ego vir pauper. Minus enim dixisset. Nā & alij pauperes erant, sed paupertatem suā non videbant. Imò, omnis homo pauper est. In primo enim parente spoliatus est gloria sua, insuper & gloria Dei denudatus. Sed non omnis homo hoc videt. Non omnis homo intelligit hāc ipsam paupertatem suā, quēadmodū & Dauid ait. Nescierunt, non intellexerunt, In tenebris ambulant. Et Hieremias: Percussisti eos, & non doluerunt, &c. Et Ioannes in Apocalypsi. Dicis, quia diues sum & nullius egeo, & nescis, quod es miser & miserabilis, &c. Ideo nō simpliciter dicit Propheta. Ego vir pauper vel paupertatē expertus, sed vir vidēs paupertatē meā. Multo enim aliud

Psal. 81.

Hiere. 5.

Apoc. 5.

est, pauperem esse & paupertatem suam videre aut agnoscere. Pauper esse aliquis potest & stultus: Sed paupertatē suā videre & agnoscere soli sapientes possunt, imò soli hi, qui spiritu Dei illuminati sunt. Talis fuit Hieremias, ideò verè dicere potuit. Ego vir videns paupertatem. Libentiùs autem in plurali locutus fuisset: Libentiùs, inquā, vidisset, q̃ omnes tales oculos habuissent, hoc enim ipsorum summa utilitas fuisset. Sicut enim primus gradus est ad sanitatem cū quis morbum suū agnoscat, sic primus gradus est ad salutem, agnoscere miseriam suam. In Iudæis autem nihil minuserat. Multum quidem laborauerat Hieremias, nec quicquā omiserat, si fortè oculos ipsorum aperire posset, sed frustra. Populo, inquit, huic factū est cor incredulum. Et iterum, Oculos suos clausurunt, & aures suas aggrauarunt, &c. ideo Hieremias non potuit, nisi in singulari loqui. Ego vir videns paupertatem meam. Verissimè dictum. Vi debet paupertatem & miseriam in seipso, In populo suo, in toto genere humano. Nihil, inquit, video nisi paupertatem, quæ & omnis mea, & me premit. Miseria generis humani mea est, quia me quoque premit: miseria populi mei mea est, quia me quoque premit: Vt interim taceam, ea quæ me singulariter premunt. Quid autē sanctus vir miseriarum in se expertus sit, singulariter partim in superioribus ostensum est. Deinde etiā hæcenus satis vidimus, quantum miseriarum viderit, in populo suo. Cæterum miseria generis humani, in communi etiā nos experimur. Quid enim miseriùs & pauperiùs homine? Adam erat diues, sed homo cū in honore esset non intellexit. &c. Erat in Hierusalem, id est, in visione pacis, sed cecidit in Hiericho, id est, in omnimodam instabilitatē. Erat in paradiso, nunc degit in valle lacrymarum. Erat Dominus omnium, nunc ab omnibus creaturis mendicare cogitur: Habebat corpus sine morbis, animam magnis donis dotatam & illuminatam: Nūc autem habet corpus plenum morbis, animam plenam peccatis & miseriis. Summa, homo natus de muliere, repletus multis miseriis, &c. Meritò igitur Hieremias, imò quilibet pius clamat. Ego vir videns paupertatem meam, Sed vndē nā hæc tanta paupertas tam in genere, quā in specie? Ex virga, inquit, indignationis eius. Verissimè dictū. Quod enim homo generaliter tāis malis obrutus est, nō aliundē est, quā ex virga indignatiōis Dei. Maledicta, inquit, terra in opere tuo, &c. Sic & virga indignantis Dei fuit, quòd Hierusalem cū suis ciuibz

Hier. 5.

Psal. 48.

Job 14.


Gen. 3.

ciuiibus tam misere perit. Vnde & Hieremias statim in exordio virgā vigilantem vidit. Postremò quæcunque enim quisque prauitatem patitur, virga & flagellū Dei est. Si, inquit, dereliquerint filij eius legē meā, visitabo in virga iniquitates eorū, &c. *Hier. 1.*
 Et in epistola ad Hebræos: Flagellat Dominus omne filiū, quē corripit. Quod autē non simpliciter hic virga nominatur, sed virga indignationis, neminem terreat. Loquitur enim in hoc scriptura secundum hoc, quod nobis videtur. Nobis quidem videtur nihil ira esse, nisi & indignatio Dei, cum punit. Et reuera quā diu flagellum durat, non est res gaudij, vt Paulus ait: In nouissimo tamen fructum pacatissimum adfert exercitatis. Vnde David: Virga, inquit, tua & baculus tuus, ipsa me consolata sunt. Videtur igitur nobis esse virga indignationis, cum Deus punit: & tamen non est nisi virga cōsolationis. Ego, inquit, cogito cogitationes pacis, & non afflictionis. Possumus hoc dictum etiam sic intelligere, quod Hieremias per hoc indicare voluerit, quis sibi apperuit oculos, vt videre posset paupertatē suam: Ex virga, inquit, indignationis Dei, hoc est, iuxta illud Esaie. Sola vexatio dat intellectum. Sic de Israelitis legitur: Cum tribularentur, inquit, clamauerunt ad Dominum. Et in Osee. In tribulatione sua manē consurgent ad me, &c. Sic vexatio & captiuitas oculos aperuit regi Manasse. Vt verū sit, quod dicitur: delictis plūs posse penuriā. Sic & magna fames filium prodigum adegit, vt miseriam & peccatū suum videret. Generaliter enim nemo agnoscit, videt autē credit miseriam suam, nisi venerit virga indignationis Dei. Hinc est, quod etiā in grauissimis peccatis sine omni timore Dei ambulamus. Cum autem iudicium Dei se ostēderit, tunc videt homo se miserum & nusquam tutū. Imò tunc illi totus mundus angustus est. Huius exemplum habemus in primo parēte, qui ad vnā vocem iudicantis Dei, non potuit consistere. Domine, inquit, audiui vocem tuam & timui. Sic qui non habebat vestem nuptialem, ad primam vocē indignantis Domini obruitur. En hoc sibi vult Hieremias in primo illo versu. Quis autē non vel ex hoc vno verbo ansam orandi accipere posset? Quis tam piger est, qui tempore famis non cibum quærat? quis tam stultus est, qui in periculo se videns non auxilium aliorum imploret? quis tam insanus est, qui in morbo positus non medicū quærat? quis tam patiens, qui non clamer, cum hostes cruentis ipsum appetunt gladiis? Quis tam lenis animi est, qui non conuiciatur, vbi vi-

derit omnia mala in se irruere? Quis tam audax qui non terreatur, ubi sentit Deum iratum? Quis tam impius, qui non contremiscat, ubi videt sibi infernum apertum? Atqui omnia hæc præ oculis nobis sunt, & simul pauperes sumus rebus, infirmi corpore, miseri in anima, pleni peccatis in conscientia, malis omnibus externè circumdari: Deus percutit desuper, diabolus desubtus, deniq; infernus os suum dilatauit ad deuorandos nos. In summa tam paupertas quàm virga Dei, præ manibus sunt. In vno hoc defectus est, quod neutrum videmus. Certè si vnum hunc versiculum verè dicere possemus, bene nobis esset. Hieremias verè dicere potuit. Ego vir videns, &c. idè tam feruenter orauit. Sed & David paupertatè suam vidit. Credidi, inquit, *Psal. 115.* propter quod locutus sum. Qui credidit? Se nimis esse humiliatum & miserum. Itémq; quod omnis homo vanus & mendax. Et quid locutus est? Calicem salutaris accipiam, & nomen Domini inuocabo. Sic & alibi miseriam suam videns, statim *Psal. 17.* orat. Circundederunt, inquit, me dolores mortis, &c. & in tribulatione mea inuocaui Dominum. Et iterum: Ego mendicus sum & pauper, &c. Ad iutor meus esto tu Domine. Itémq; Ad te Domine clamabo, ne fileas, &c. Et quid oratione sua consecutus est? Clamaui ad te, & sanasti me, &c. Videris hic, ad quid oratio utilis sit, & quid ad eandem nos vrgeat. Oratio omnia bona impetrat, omnia mala auertit. Nihil autem est quod magis ad eandem nos vrgeat, quàm videre propriam paupertatem & miseriam. Aperiamus igitur oculos nostros, videamus statum nostrum, detrahatur sibi quisq; larua, diuitiarum, potètiæ, scientiæ, honoris, &c. Inspiciat se sicut est in natura, in cōscientia, coram Deo & mundo, corporaliter & spiritualiter, & ni fallor, videbit se pauperem & miserum esse, habebitq; occasionè orandi. En, fratres in hunc finem hodie congregati sumus. Age igitur cum omnia miseriis plena videamus. Oremus, vt hanc nostram miseriam tollat, aut certè oculos nobis aperiat, quibus cum Hieremia eam cognoscamus, eumq; dein vehementer inuocemus, cui gloria in æterna secula,

Amen.

FINIS.



Series chartarum.

* a b c d e f g h i k l m n o p q r. A B C D
E F G H I K L M N O P Q R S T V X Y Z.
A A B B C C D D E E F F G G H H I I K K
L L M M N N.

THE UNIVERSITY OF CHICAGO

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637



